


አራሳ ጫቁዋ ጎፋሉ



New Testament in Gofa

ኦሪጥ ጩቁጥ ገፋፋ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

Contents

ማቶሳ	1
ማርቆሳ	32
ሉቃሳ	52
ዮሃንሳ	83
ሃዋርያት ኦሱዋ	107
ሮሜ	136
1 ቆሮንቶሳ	149
2 ቆሮንቶሳ	161
ጋላቲያ	169
ኤፌሶና	174
ፊልጲሲፆሳ	179
ቆላሲያሳ	183
1 ቲሴሎንቄ	186
2 ቲሴሎንቄ	189
1 ዲሞትሮሳ	191
2 ዲሞትሮሳ	195
ቲቶ	198
ፊልሞና	200
ኢብራዌ	201
ያይቆባ	211
1 ጳውሎሳ	215
2 ጳውሎሳ	219
1 ዮሃንሳ	221
2 ዮሃንሳ	225
3 ዮሃንሳ	226
ዪሁዳ	227
ዮሃንሳ ቅንጩላ	228

ማቶሲ ዓፊዳ ዩሱስ ኪሪስቶስ ዋንጌላ ጋላ ቆፋ

ማቶሳ ዋንጌላይ፡ ያና ጌቴቲዲ ኡፋይሳን ናጌቲያ ኣሼይሲ ዩሱሳ ጌዳይሳኔ ያሳይ ጋልዓ ጫቁዋን ባ ኣሳስ ኢሚዳ ኡፋይሳ ቃላ ፖሊዳይ ኢያ ባጋራ ጌዳይሳ ኦዲያ ዋንጌላ። ሃ ዋንጌላይ ዩሱሲ ክንታ ጌደን ዩሌቲዲ ዲጨዳ ኣይሁዳታ ያላላስ ጌደናሺን ኩሜላ ኣላሚያ ኡባሳ።

ማቶሳ ዋንጌላይ፡ ዳሮ ናጌቲላን ዓፊቲዳ ማፃፋ። ማቶሲ ባ ማፃፋ ዩሱሳ ዩሌቴላን ደሚዳ፡ ኢያ ዓማቁቴላኔ ኢያ ፓጩቴላ ኦዲ ሲሚዳ፡ ጋሊላን ኢ ሳባኪዳባ፡ ታማርሲዳባኔ ሃርጋንቾታ ፓሊዳባ ኦዳስ። ሄሳፊ ካሊዲ፡ ዩሱሲ ጋሊላፕ ዩሩሳላሚ ቢዳይሳኔ ኢ ሃ ሳባን ዳዒዳ ዋዳ ዉርሴላ ሳሚንታን ሃኒዳባታ ቆንጨሴስ። ሄሲካ ኢያ ካቁቴላ፡ ኢያ ሃይቁዋኔ ኢያ ዳንዲዋ ኦይኬስ።

ሃ ዋንጌላይ፡ ዩሱሲ ያሳ ሃጊያ ቢርሻናው ማቲ ዳዒይሳኔ ያሳ ካዎቴላባ ታማርሲያ ጌታ ኣስታማሬ ኦሊዲ ሺሼስ። ኢያ ቲሚርቲያፊ ዳሪያ ባጋይ ዳማ ዳማ ማራን ጌጌቲዳ ኢቻሹ ኪፊሌታን ሻኬቴስ።

1. ያሳ ካዎቴላን ዳዒያ ኣሳ ሃኖቴላ፡ ኦሱዋ፡ ማታኔ ዉርሴላ ቃዳ ኦዲያ ዳሪያ ቦላ ቲሚርቲያ (ሺም 5-7)።

2. ታማኔ ናምዑ ታማሬቲ ዋንጌላ ሳባካናው ቢዳ ዋዳ ኤንታው ኢሜቲዳ ካሌሱዋ (ሺም 10)።

3. ያሳ ካዎቴላባ ታማርሳናው ሺቁዳ ዳማ ዳማ ለሚሶታ (ሺም 13)።

4. ኢያ ታማሬ ጌደባ ቢርሼላ ኦዲያ ቲሚርቲያ (ሺም 18)።

5. ሃዒ ኣላሚያ ዉርሴላኔ ያሳ ካዎቴላ ዩሳባ ኦዲያ ቲሚርቲያ (ሺም 24-25)።

ማቶሳ ዋንጌላ ኣይፌ ቆፋታ

ዩሱስ ኪሪስቶስ ዩሌቴላ ሱሳኔ ኢያ ዩሌቴላ 1:1-2:23

ዓማቁያ ዮሃኒሳ ኦሱዋ 3:1-12

ዩሱሳ ዪንቃቲያኔ ፓጩቴላ 3:13-4:11

ዩሱሲ ጋሊላን ባ ኦሱዋ ኦይኪዳይሳ 4:12-18:35

ጋሊላፕ ዩሩሳላሚ ጋካናው 19:1-20:34

ዉርሴላ ሳሚንታ ዩሩሳላሚ ሄራን 21:1-27:66

ጎዳ ሃይቆፕ ዳንዲዋኔ ቆንጨላ 28:1-20

ዩሱሳ ዩሌቴላ ሱሳ (ሉቃ 3:23-38)

1 ሃይሳፊ ካሊዲ ዓፊቲዳይሲ ዳዊቲ ናዓ ኣብራሃሚ ናዓ ጌዲዳ ዩሱስ ኪሪስቶስ ዩሌቴላ።

2 ኣብራሃሚይ ዩሳቃ ዩሊስ፤ ዩሳቁ ያይቆባ ዩሊስ፤

ያይቆቢ ዩሁዳኔ ኢያ ኢሻታ ዩሊስ፤

3 ዩሁዲ ቲዒማሪፕ ፋሬሴኔ ዛራ ዩሊስ፤

ፋሬሲ ኣስርሜ ዩሊስ፤

ኣስርሜይ ራሜ ዩሊስ፤

4 ራሜይ ኣሚናዳቤ ዩሊስ፤

ኣሚናዳቤይ ናዓሶና ዩሊስ፤

ናዓሶኔይ ሳልሞና ዩሊስ፤

5 ሳልሞኔይ ራዓቢፕ ቦዔዛ ዩሊስ፤

ቦዔዚ ኡሩቲፕ ኢዮቤዳ ዩሊስ፤

ኢዮቤዲ ኢሴዬ ዩሊስ፤

6 ኢሴዬይ ካዉዋ ዳዊቲ ዩሊስ፤

ዳዊቲይ ኦሪዮ ማቼፊ ሶሎሞኔ ዩሊስ፤

7 ሶሎሞኔይ ሮቢዓማ ዩሊስ፤

ሮቢዓማይ ኣቢያ ዩሊስ፤

ኣቢዬይ ኣሳፊ ዩሊስ፤

8 ኣሳፊ ኢዮሳፊጌ ዩሊስ፤

ኢዮሳፊጌይ ኢዮራሜ ዩሊስ፤

ኢዮራሜይ ኦዚያኔ ዩሊስ፤

9 ኦዚያኔይ ኢዮዓታሚ ዩሊስ፤

ኢዮዓታሚይ ኣካዛ ዩሊስ፤

ኣካዚ ሃዘቁያሳ ዩሊስ፤

10 ሃዘቁያሲ ሚናሴ ዩሊስ፤

ሚናሴይ ኣሞና ዩሊስ፤

ኣሞኒ ኢዮሲያሳ ዩሊስ፤

11 ኢስራዔሌ ኣሳይ ዲዔቲዲ ባቢሎኔ ቢታ ቢዳ

ዋዳ ኢዮሲያሲ ኢኮኒያናኔ ኢያ ኢሻታ

ዩሊስ።

12 ባቢሎኔ ቢታ ኢስራዔሌ ኣሳይ ዲዔቲዲ

ቢዳፕ ጉዬ ኢኮኒያኒ ሳላቲያሌ ዩሊስ።

ሳላቲያሌይ ዜሩባቤላ ዩሊስ፤

13 ዜሩባቤላ ኣብዲዩ ዩሊስ፤

ኣብዲዩይ ኤሊያቁሚ ዩሊስ፤

ኤሊያቁሚይ ኣዛራ ዩሊስ፤

14 ኣዛራ ሳዶቁ ዩሊስ፤

ሳዶቁይ ኣኪሚ ዩሊስ፤

ኣኪሚይ ኤሊዩዳ ዩሊስ፤

15 ኤሊዩዳ ኣሳዛራ ዩሊስ፤

ኣሳዛራ ማታኔ ዩሊስ፤

ማታኔይ ያይቆባ ዩሊስ፤

16 ያይቆቢ ዮሴፋ ዩሊስ፤

ዮሴፊ ኪሪስቶስ ጌያ ዩሱሳ ዩሊዳ ማይራሚ ኣዚና።

17 ሃዘ፡ ዩሌቴላይ ኣብራሃሚፕ ዳዊቲ ጋካናው

ታማኔ ኦይዳ። ዳዊቲፕ ቢዲ ባቢሎኔ ዲዑዋ

ጋካናው ታማኔ ኦይዳ። ባቢሎኔ ዲዑዋፕ ቢዲ ኪሪስቶስ ጋካናው ታማኔ ኦይዳ ዩሌቴላ ጌዳስ።

ዩሱስ ኪሪስቶስ ዩሌቴላ (ሉቃ 2:1-7)

18 ዩሱስ ኪሪስቶስ ዩሌቴላ ታሪኬይ ሃይሳፊ ካሌይሳ። ኢያ ኣያ ማይራማ ዮሴፋስ ኦይሺታ ዳዓሺ ዮሴፋራ ጋሄቶና ጌሻ ኣያናፕ ቃንሳታሱ።

19 ዮሴፊ ያሎ ኣሲ ጌዲዳ ጌሾ ኢዮ ኣሳን ኬሳናው ኮዩቤና። ያኒያ ጌሾ ቆሳን ኢዮ ኣጋናው ቆፕስ።

20 ኢ ሄ ቆፋን ዳዒሺን ያሳ ኪታንቾይ ኣሙሆን ቆንጨዲ፡ «ዳዊቲ ናዓው፡ ዮሴፋ፡ ማይራማ ቃንሳቲዳይ ጌሻ ኣያናፕ ጌዲያ ጌሾ ኢዮ ኤካናው ያዮፋ» ያገሰ።

21 ኢያ አዴ ናዓ ዩላና፡ ኢ ባ ዳሪያ ኤንታ ናጋራፔ አሺያ ጊሾ ኢያ ሱንሳ ኔ ዩሱሳ ጋዳ ዪጋና።

22 ጎዳይ ናቢያ ኢሳያሳ ደና፡

23 «ሄኮ ጌላዒያ ቃንሳታና፤ አዴ ናዓካ ዩላና፤ ኢያ ሱንሳይ አማኑዔላ ጌቲታና» ጎይሲ ፖሌታና ሜላ ሃ ኡባይ ሃኒሰ። አማኑዔላ ጌይሳሰ ቢርሼላይ «የሳይ ኑራ ዳዔሰ» ጉሱ።

24 ዮሴፊ ጳሰኮፊ ባርኪዲ ጎዳ ከታንቸይ ከቲዳይሳ ሜላ ማይራዎ ባ ሶ ኤፊሰ።

25 ሺን ባ ባይራ ናዓ ዩላና ጋካናው ኢዮ ቦቺቤና፤ * ዩሌቲዳ ናዓካ ዩሱሳ ጊዲ ያጊሰ።

2

ዶሎሃፔ ዪዳ አሳታ

1 ካወዋ ሄሮዲሳ ዎዴን ዩሱሲ ዩሁዳ ቢታን ቤቴሌሜ ካታማን ዩሌቲዳይሳፊ ጉዬ ያለንቶ ታይቢያ አሳቲ ዶሎሃፔ ዩራሳላሜ ዪዲ።

2 «ዩሌቲዳ አይሁዴ ካዎይ አወን ዳዒ? ኩኒ ዶሎሃ ባጋራ ከዩዳ ኢያ ያለንቲዎ ቤዒዲ ኢያው ጎይናናው ዪዳ» ያጊዲ አይቸደሶና።

3 ካዎይ ሄሮዲሲ ሃሳ ሰዒዳ ዎዴ ዳጋሚሰ። ዩራሳላሜን ዳዒያ አሳይ ኡባይካ ዳጋሚደሶና።

4 ሄሮዲሲ ካሂኔ ሃላቃታኔ ሂጌ አሰታማራታ ባኮ ያጊዲ፡ «ከሪሰቶሲ አወን ዩሌታንዳሻ?» ያጊዲ ኤንታ አይቸሰ።

5 ኤንቲካ፡ «ዩሁዳ ቤቴሌሜና፤ ናቤይ፡

6 «ዩሁዳን ዳዒያ ቤቴሌሜ፡

ዩሁዳን ዳዒያ ጎባ ካታማታ፤

ኔኒ አይቢንካ ጉዳካ።

ታ ዳሪያ ኢሰራዔሌ አይሳናይሲ፡

ኔፔ ከያና) ጊዲ ያፊሰ»

ያጊደሶና።

7 ሃሳፊ ጉዬ፡ ሄሮዲሲ ዶሎሃፔ ዪዳ አሳታ ጌማን ያጊዲ፡ ያለንቲዎ ኤንቲ ቤዒዳ ዎዲያ ኤንታፊ ጌሺዲ ኤሪሰ።

8 ኢ ኤንታና ቤቴሌሜ ዩዲሼ፡ «ቢዲ ዩሌቲዳ ናዓ ሚንሲዲ ኮዩቲ፤ ኢያ ሂንቲ ዳሚዳ ዎዴ ታካ ባዳ ኢያው ጎይናና ሜላ ሰሚዲ ዩሼ ታው ኦዲቲ» ያጊሰ።

9 ኤንቲካ ካዎይ ሄሮዲሲ ጊዳይሳ ሰዒዲ ቢደሶና። ኤንቲ ዶሎሃ ባጋራ ቤዒዳ ያለንቶይ ኤንታና ካሌሊሼ ናዓይ ዳዒያሱዎ ጋካናው ኤፊሰ።

10 ኤንቲ ሄ ያለንቲዎ ቤዒዳ ዎዴ ጊታ ኡፋይሲ ኡፋይቲደሶና።

11 ሶ ጌሊዲ ናዓ ባ አዬ ማይራሚራ ዳዒይሳ ቤዒደሶና። ኢያው ጉልባቲዲ ጎይኒደሶና። ባንታ ሳዊኒያ ደዩዲ ዎርቃ፡ ኢዳኔኔ ካርቤ ኢያው አሚደሶና።

12 ኤንቲ ሄሮዲሳኮ ጉዬ ሰሞና ሜላ ያሳይ አሙሆን ኤንታው ኦዲን፡ ሃራ ኦጌራ ባንታ ቢታ ሰሚደሶና።

ጊብዳ ባቃቲዎ

13 ዶሎሃ ባጋፊ ዪዳ አሳቲ ቢዳፔ ጉዬ፡ ጎዳ ከታንቸይ ዮሴፋሰ አሙሆን ቆንጨዲ፡ «ሄሮዲሲ ናዓ ዎቆናው ኮያ ጊሾ ዳንዲ፤ ኤሌሳዳ ናዓኔ ናዓ አዩው ኤካዳ ጊብዳ ቢታ ባ። ኔ ሰሚና ዎዲያ ታ ኔው ኦዳና ጋካናው ያን ጋሞዳ» ያጊሰ።

14 ሃሳ ጊሾ፡ ዮሴፊ ሄ ቃማን ዳንዲዲ፡ ናዓኔ ናዓ አዩው ኤከዲ ጊብዳ ቢሰ።

15 ናቢያ ደናን ያሳይ፡ «ታኒ፡ ታ ናዓ፡ ጊብዳ ቢታፊ ያጋሰ» ጌቲቲዳ ቃላይ ፖሌታና ሜላ ሄሮዲሲ ሃይቃና ጋካናው ኢ ያን ዳዒሰ።

16 ሃሳፊ ጉዬ፡ ዶሎሃ ባጋፊ ዪዳ አሳቲ ኢያ ጨሚዳይሳ ኤሪዳ ዎዴ ዳሮ ዩሎቲሰ። ኢ ካሴ ኤንታፊ ሰዒዳይሳዳ ቤቴሌሜኒኔ ሄ ሄራን ዳዒያ ናሞዑ ላይሊ ኩሚዳይሳታኔ ናሞዑ ላይሳፊ ጋርሳን ዳዒያ አዴ ናይታ ኡባ ባ ዎታዳሬታ ዩዲዲ ዎቆሲሰ።

17-18 ናቢያ ኤርሚያሳ ደና፡

«ዩሆይኔ ዜሌልሲ፡

ራማ ካታማን ሰዒቲሰ።

ራሃላ ባ ናይታሰ ዩካወሱ፤

ኤንቲ ሃይቂዳ ጊሾ

ሚኔታናው ዳንዳባኩ»

ጊዲ ኦዲዳይሲ ፖሌቲሰ።

ናዚሬቲ ሲሙዎ

19 ሄሮዲሲ ሃይቂዳፔ ጉዬ ጊብዳን ጎዳ ከታንቸይ ዮሴፋሰ አሙሆን ቆንጨዲ፡

20 «ናዓ ዎቆናው ኮያ አሳቲ ሃይቂዳ ጊሾ ዳንዳዳ ናዓኔ ናዓ አዩው ኤካዳ ኢሰራዔሌ ቢታ ሰሚ» ያጊሰ።

21 ዮሴፊ ዳንዲዲ ናዓኔ ናዓ አዩው ኤከዲ ኢሰራዔሌ ቢታ ሰሚሰ።

22 ሺን አርኬሊዮሲ ዩሁዳን ባ አዎ ሄሮዲሳ ቤሳን ካዎቲዳይሳ ሰዒዳ ዎዴ ያ ባናው ያዩሰ። ያሳይ አሙሆን ኢያው ቆንጨሲን ጋለላ ቢታ ቢሰ።

23 ናቤታ ደና፡ «ናዚሬቲ አሲ ጌቲታና» ጊዲ ኦዳቲዳይሲ ፖሌታና ሜላ ናዚሬቲ ካታማ ቢዲ ያን ዳዒሰ።

3

ፃማቂያ ዮሃንሳ ቲሚርቲያ

(ማር 1:1-8፤ ሉቃ 3:1-17፤ ዮሃ 1:19-28)

1-2 ሄ ዎዴ ፃማቂያ ዮሃንሲ፡ «የሳ ካዎቲላይ ማታቲዳ ጊሾ ሂንቲ ናጋራፔ ሰሚቲ» ያጊዲ ሳባኪሼ ዩሁዳ ባዘ ቢታ ቢሰ።

3 ናቢያ ኢሳያሲ ዮሃንሳባ ኦዲዳይሳ ሜላ፡

«ባዘ ቢታን፡

ኢሶይ ባ ቃላ ቶቁ ኦሊዲ፡

ኅሳዳ ኦጊያ ጊሊቲ።

ኢያ ሆርጋ ፒዲ ኦሊቲ» ጊሰ»

ያጌቲዳይ ኢያሳ ያጊሰ።

4 ዮሃንሲ ጊማሌ ኢኪሴፔ ኦሴቲዳ አፊላ ማዔሰ። ባ ያሳን ዳፎ ዳንጨሰ። ኢ ሚያ ካላይካ ቦሌኔ ዳጌራ ኤሲ።

1:21 ሉቃ 1:31 1:23 አሳ 7:14 * 1:25 ኢዮ ቦቺቤና፡ ማቸራ አዚናራ አቁይሳዳ ኢሲፊ አቁቦኮና ጉሱ። 1:25 ሉቃ 2:21 2:6 ሚክ 5:2 2:15 ሆሴ 11:1 2:17-18 ኤር 31:15 2:23 ማር 1:24፤ ሉቃ 2:39፤ ዮሃ 1:45 3:1-2 ማቶ 4:17፤ ማር 1:15 3:3 አሳ 40:3 3:4 2ካዎ 1:8

5 አሳይ ሄ ዎዴ ዩሩሳሌም ካታማ፤ ዩሁዳ ቢታ ኡባፌኔ ዮርዳኖሴ ሻፋ ሄራፔ ኢያኮ ዮሶና።

6 ባንታ ናጋራ ፓዲዲ ዮርዳኖሴ ሻፋን ዮሃንሳ ኩሼን ማጭቶሶና።

7 ዮሃንሳ፡ ዳሮ ፋሪሳዊቲኔ ሳዲቃዊቲ ማጭታናው ባኮ ዩይሳታ ቤዒዲ፡ ኤንታኮ፡ «ሃ ኢታ ሾሻቶ፡ ያና ያሳ ሃንቁዎፌ ባቃታና ማላ ሂንቲና ኦኔ ዘሪዳይ?»

8 ሂዛ፡ ሂንቲ፡ ሂንቲ ናጋራፔ ሲሚዳይሳ ኤሪሲያባ ኦሊቲ።

9 ሂንቲ፡ ሂንቲ ዎዛናን፡ ሳብራሃሚይ፡ ኑ አዎይ ዳዔሰን ጊዲ ቆፖፊቲ። ሎይሌ ሲዒቲ፡ ያሳይ ሃ ሹቻታፔ አብራሃሚሰ ናባ ኬሳናው ዳንዳዔሰ።

10 ቤዳይ ሚላ ማጭታን ጊዲ ኡቲሰ፤ ሎዎ አይፌ አይፎና ሚላ ኡባይ ቃንጻቲዲ ታማን ዩጌታና።

11 «ሂንቲ፡ ሂንቲ ናጋራፔ ሲሚዳይሳ ኤሪሳናው ታኒ ሂንቲና ሃላን ማጭታይሰ። ሺን ታፔ ጉዬራ ዩይሲ ሂንቲና ጌሻ አያናኒኔ ታማን ማጭታና። ኢ ታፔ ዳሮ ዎልቃሚሰ፤ ታኒ ሃሪ አቶሺን ኢያ ጫማ ቶካናውካ ቤሲኬ።

12 ካላ ጌሼያ ፒሌይ ኢያ ኩሼን ዳዔሰ። ካላ ሎይሌ ጌሼሰ፤ ጊሰቲያ ባ ሻሊያን ቆላና፡ ሺን ፑኑዎ ቶዖና ታማን ፀጋና» ያገሰ።

ዩሱሳ ማጭታላ
(ማር 1:9-11፤ ሉቃ 3:21-22)

13 ሄ ዎዴ ዩሱሲ ዮሃንሳ ኩሼን ማጭታናው ጋሊላፔ ዮርዳኖሴ ሻፋ ቢሰ።

14 ሺን ዮሃንሳ ኢያ ዲጋናው ኮዩድ፡ «ታኒ ኔናን ማጭታናው ኮሺሺን ኔኒ ታኮ ያይ?» ያገሰ።

15 ሺን ዩሱሲ ዘሪዲ፡ «ያሳይ ኑፔ ኮያባ ኡባ ኑ ፖላናው ቤሲያ ጊሾ ሃዒ ታው ኤሮ ጋ» ያገሰ። ዮሃንሳ ኢያው ኤሮ ጊዲ ኤኪሰ።

16 ዩሱሲ ማጭታዲ ማላ ሃላፌ ኬዩሰ። ኢራካ ሳሎይ ደዩቲን ያሳ አያናይ ሆሌዳ ዩሺን ቃሲ ባ ቦላ ዎልዓሚዲ ዎዲሺን ቤዒሰ።

17 ሄ ዎዴ «ታ ደሲያ፡ ኢያን ታና ኡፋይሲያ ታ ናባይ ሃይሳ» ያገሰ ቃላይ ሳሎፔ ዩሰ።

4

ዩሱሳ ፓጮቲላ
(ማር 1:12-13፤ ሉቃ 4:1-13)

1 ሄሳፌ ጉዬ፡ ማላሄይ ዩሱሳ ፓጮና ማላ ጌሻ አያናይ ዩሱሳ ባዘ ቢታ ኤፊሰ።

2 ኦይታው ቃማኔ ኦይታው ጋላሰ ያሚዳፔ ጉዬ ኮሻቲሰ።

3 ማላሄይ ዩሱሳኮ ዩዲ «ኔኒ ያሳ ናባ ጊዲኮ፡ አኔ ሃ ሹቻቲ ኡይሌ ጊዳና ማላ ኪታ» ያገሰ።

4 ዩሱሲ ዘሪዲ፡ « ሳሲ ያሳ ደናፔ ኬያ ቃላ ኡባን ዳናፔ አቲን ኡይላ ማላን ዳዔናን ጌቲቲዲ ያሳ ቃላን ማፊቲሰ» ያገሰ።

5 ካሊዲካ፡ ማላሄይ ዩሱሳ ጌሻ ካታማ ኤፊዲ፡ ያሳ ኬላ ሁዒያ ኬሲዲ፡

6 «ኔኒ ያሳ ናባ ጊዲኮ፡ አኔ ዲጌ ሳባን ኩንዳ። አይሰ ጌኮ፡

ሳ ቶሆይ ሹቻን ቆቤቲ ዳሹቶና ማላ፡ ባንታ ኩሼያን ኔና ዳንላና ማላ፡ ያሳይ ባ ኪታንቸታ ኔ ጊሾ ኪታና ጌቲቲዲ ያሳ ቃላን ማፊቲሰ» ያገሰ።

7 ዩሱሲ ኢያኮ፡ «ቃሲካ፡ ሳሳ ቃላን ኔ ጎዳ፡ ኔ ያሳ ፓጮፋ» ያገቲቲዲ ማፊቲሰ» ጊዲ ዘሪሰ።

8 ወርሴላን ማላሄይ ዩሱሳ ኢሲ ዎልቃማ ዳሪያ ሁዒ ኬሲዲ አላሚያ ካዎቲሳታ ኤንታ ቦንቹዎራ ኢሲፌ ቤሲዲ፡

9 «ኔ ታው ኩንዳዳ ጎይኒኮ ታ ኔው ሃ ኡባ ኢማና» ያገሰ።

10 ዩሱሲ ዘሪዲ፡ «ሃ ማላሄያው፡ ታፔ ሃካ! ሳ ጎዳ፡ ኔ ያሳ ጎይና፡ ኢያ ማላላ ሃጋዛ» ጌቲቲዲ ያሳ ቃላን ማፊቲሰ» ያገሰ።

11 ሄሳፌ ጉዬ፡ ማላሄይ ኣገዲ ቢሰ፤ ኪታንቸቲ ዩዲ ኢያ ሃጋዚደሶና።

ዩሱሳ ቲሚርቲያ
(ማር 1:14-15፤ ሉቃ 4:14-15)

12 ዩሱሲ፡ ዮሃንሳ ቃሹቶይሳ ሲዒዳ ዎዴ ጋሊላ ቢታ ቢሰ።

13 ናዚሬቲ ካታማ ኣገዲ ዘቢሎናኒኔ ኒፍታሌሜ ሄራን፡ አባ ማታን ዳዒያ ዊፊርናሆሚ ካታማ ቢዲ ያን ዳዒሰ።

14 ሄሲ ሃኒዳይ ናቢያ ኢሳያሳ ደናን፡

15 «ዘቢሎኔ ቢታን፡ ኒፍታሌሜ ቢታን፡ ዮርዳኖሴ ሻፋፔ ሄፊንላን፡ አባ ኦጊያ ጋዳን ዳዒያ፡ አይሁዳ ጊደና ዳሬይ ዳዒያ ጋሊላን፡

16 ቆማን ዳዒያ ዳሬይ፡ ዎልቃማ ፖዎ ቤዒሰ። ሃይቆ ኩያ ቢታን፡ ዳዒይሳታሰ ፖዎይ ኬዩሰ»

ያገዲ ኦዴቲዳ ቃላይ ፖሌታና ማላሳ።

17 ሄ ዎዴፔ ደሚዲ ዩሱሲ፡ «ያሳ ካዎቲላይ ማታቲዳ ጊሾ ሂንቲ ናጋራፔ ሲሚቲ» ያገዲ ቃላ ሳሳኬሰ።

ኮይሮ ታማሬታ ጻጌቲላ
(ማር 1:16-20፤ ሉቃ 5:1-11)

18 ዩሱሲ ጋሊላ አባ ማታራ አዲሼ ናሞዑ አሻታ፡ ጳዊርሳ ጌቲቲያ ሲሞናኔ ኢያ አሻ ኢንዲሪያሳ ቤዒሰ። ኤንቲ ሞሎ ኦይኬይሳታ ጊዲዳ ጊሾ ባንታ ጌቲያ አባን ዩሳሶና።

19 ዩሱሲ ኤንታና፡ «ሃ ዩቲ፤ ታና ካሊቲ! ሞሎ ኦይሌ አቶሺን፡ ታ ሂንቲና አሴ ኦይሌ ታማርሳና» ያገሰ።

20 ኤንቲካ፡ ኤሌሲዲ ባንታ ጌቲያ ዩጊ ኣገዲ ዩሱሳ ካሊደሶና።

21 ዩሱሲ ያፔ ቡሮ ጌዴ ሲንሌ አዲሽ ሃራ ናሞዑ አሻታ፡ ዘብዲዮሳ ናይታ፡ ያይቆባኔ ዮሃንሳ ቤዒሰ። ባንታ አዎ ዘብዲዮሳራ ኢሲፌ ዎሳሎዎ ጊደን ባንታ ጌቲያ ጊሲይሳታ ጻገሰ።

3:7 ማቶ 12:34፤ 23:33 3:9 ዮሃ 8:33 3:10 ማቶ 7:19 3:17 ማቶ 12:18፤ 17:5፤ ማር 1:11፤ ሉቃ 9:35
4:1 ኢሳ 2:18፤ 4:15 4:4 ዛሬ 8:3 4:6 ማዘ 91:11 4:7 ዛሬ 6:16 4:10 ዛሬ 6:13 4:12 ማቶ 14:3፤ ማር 6:17፤ ሉቃ 3:19-20 4:13 ዮሃ 2:12 4:15 ኢሳ 9:1-2 4:17 ማቶ 3:2

22 ኤንቲካ፡ ኤሌሲዲ ባንታ ዋሳሎዎኔ ባንታ ኣዋ ኣጊዲ ዩሱሳ ካሊደሶና።

ዩሱሲ ሃርጋንቸታ ፓሊስ
(ሉቃ 6:17-19)

23 ዩሱሲ ኣይሁዳ ዋሳ ኩላታን ታማርሲሹ፤ ሳሎ ካዎቲላ ዋንጌላ ኦዲሼኔ ዲማ ዲማ ሃርጊያፊ ኣሳ ፓሊሹ ጋሊላ ቢታ ኡባን ዩዩስ።

24 ሃሳፊ ዳንደይሳን ኢያ ሱንሳይ ሶሪያ ቢታ ኡባን ኩዩስ። ዲማ ዲማ ሃርጊን ኣይኬቲዳይሳታ፤ ዋዩቲይሳታ፤ ቱና ኣያናን ኣይኬቲዳይሳታ፤ ሾጪ ዩጊያ ሃርጊን ኣይኬቲዳይሳታ፤ ጉንዳታ ኢያኮ ኤሂደሶና፤ ኣካ ኤንታና ፓሊስ።

25 ኣሳይ ጋሊላ፣ ታሙ ካታማታ፣ ዩሩሳላሜ፣ ዩሁዳ፣ ዮርዳኖሴ ሻፋ ሄፊንሳን ዳዒያ ቢታፊ ዩዳ ዳሮ ኣሳይ ኢያ ካሊደሶና።

5

ዩሱሲ ዳሪያ ቦላ ታማርሲዳ ቲሚርቲያ

1 ዳሮ ዳሬይ ሸቀዳይሳ ዩሱሲ ቤዒዳ ዋዴ ዳሪያ ቦላ ኩዩዲ ኡቲስ። ኢያ ታማሬቲ ኢያኮ ሸቀን።

2 ሃይሳዳ ያጊዲ ታማርሲስ።

ቱማ ኡፋይሳ
(ሉቃ 6:2-23)

3 «ባንታ ኣያናን ማንቆቲ ኣንጃቲዳይሳታ፤ ሳሎ ካዎቲላ ኤንታሳ።

4 ዩኬይሳቲ ኣንጃቲዳይሳታ፤ ኤንቲ ሚንሌል ዳማና።

5 ባንታ ዋዳናን ኣሸከቲ ኣንጃቲዳይሳታ፤ ኤንቲ ሳባ ላታና።

6 ዲሎባ ኦላናው ኮሻቲይሳቲኔ ሳሞቲይሳቲ ኣንጃቲዳይሳታ፤ ኤንቲ ካሳና።

7 ማሪይሳቲ ኣንጃቲዳይሳታ፤ ኤንቲ ማሮቲል ዳማና።

8 ዋዳና ጌሻቲ ኣንጃቲዳይሳታ፤ ኤንቲ ያሳ ቤዳና።

9 ሲጌሌይሳቲ ኣንጃቲዳይሳታ፤ ኤንቲ ያሳ ናይታ ጌቲቲ ያጌታና።

10 ዲሎባ ኦሊያ ጊሾ ጊዲ፤ ሳይቲይሳቲ ኣንጃቲዳይሳታ፤ ሳሎ ካዎቲላ ኤንታሳ።

11 «ኣሳይ ሂንቲና ታ ጊሾ ጊዲ ጫያ ዋዴ ሳዲያ ዋዴኔ ሂንቲ ቦላ ኢታባ ኡባ ዋርዶን ኦዲሲያ ዋዴ ሂንቲ ኣንጃቲዳይሳታ።

12 ሂንቲ ዋይቶይ ሳሎን ጌታ ጊዲያ ጊሾ ኡፋይቲቲ፤ ሃሹ ጌቲ። ሂንቲፊ ካሴ ዳዒያ ናቤታ ሃሳዳ ሳዲደሶና።

ማዲኔ 7፬

13 «ሂንቲ ቢታስ ማዲኔ፤ ማዲኔይ ባ ማዲኔቲላ ኣጊኮ፤ ባ ማልዎቲላ ዋቲ ዛሪ ዳማኔ? ካሬ ሆሊን ኣሳን ዩዴታና፣ ኣቲን ኣይቢስካ ማዴና።

14 «ሂንቲ ቢታስ ፖዩ፤ ዳሬ ቦላ ዳዒያ ካታሚያ ቆሴታናው ዳንዳዑኩ።

15 ፆሞ፣ ኦይሊዲ ሶን ዳዒያ ኣሳ ኡባስ ፖዳና ማላ ጶቃ ሶን ዋሌሲ፣ ኣቲን ዳሎ ጊደን ዋሌይ ባዋ።

16 ሃሳ ማላ ኣሳይ ሂንቲ ሎዎ ኦሎዎ ቤዒዲ፤ ሳሎን ዳዒያ ሂንቲ ኣዋ ቦንቻና ማላ ሂንቲ ፖዩ ኣሳ ሲንሳን ፖዩ።

ሙሴ ሂጊያ

17 «ታጊ ሙሴ ሂጊያኔ ናቤታ ቃላ ሻራናው ዩዳ ሂንቲው ዳና። ታጊ፤ ኣንቲ ኦዲዳይሲ ቱማ ጊዳይሳ ቆንጪሳናው ያሲ፣ ኣቲን ሻራናው ያቢኬ።

18 ታ ሂንቲው ቱማ ኦዲይስ፤ ሳሎይኔ ሳዒይ ኣቆና ጋካናው ሂጊ ኡባይ ፖሌታና፣ ኣቲን ሂጊያፊ ኢሲ ቃላይ ዋይኮ ፒዳሌይ ኣዴና።

19 ሃሳ ጊሾ፤ ሃ ኪታታ፣ ጉዲያ ኢሲ ኪታ ሚንሊያ ኦኒካ ቃሲ ሃራታ ሃሳላ ኦላና ማላ ታማርሲይ ኦኒካ ሳሎ ካዎቲላን ኡባፊ ጉላ ጊዳና። ሺን ሃ ኪታ ፖሌይሲኔ ሃራታካ ፖላና ማላ ታማርሲይ ሳሎ ካዎቲላን ጌታ ጊዳና።

20 ታ ሂንቲው ኦዲይስ፤ ሂንቲ ዲሎቲላይ ፋሪሳዊታ ዲሎቲላፊኔ ሂጊ ኣስታማሬታ ዲሎቲላፊ ኣዳና ኢዲኮ፤ ሳሎ ካዎቲላ ጌሌኬታ።

ዋዶባ

21 «ሂንቲ ማይዛታስ፤ «ዋዶ፣ ሸምፖ ዋዶዳ ኦኒካ ፒርዳታና፤ ጌቲቶይሳ ሲዒዳታ።

22 ሺን ታ ሂንቲው ኦዲይስ፤ ባ ኣሻ ሃንቁቲያ ኡባይ ፒርዳታና። ባ ኣሻ ጫያ ኦኒካ ዳይና ሲንሊ ፒርዳስ ሸቃና። ባ ኣሻኮ፤ «ኤያይ» ጊያ ኦኒካ ቃሲ ጋናማ ታማን ፒርዳታና።

23 «ሃሳ ጊሾ፤ ኔኒ ኔ ያርሹዋ ያርሺያ ዋዴ ኔ ኣሻ ቆሂዳባይ ኔው ኣኬኬቲኮ።

24 ኔ ያርሹዋ ሃ ቤሳን ኣጋዳ ባ፤ ኮይርታ ባዳ ኔ ኣሻራ ጊጋ፤ ያታ ሲማዳ፤ ኔ ያርሹዋ ያሳስ ያርሻ።

25 «ኔና ሞቲይሳራ ፒርዳ ኬሊ ባሼ ኦኒ ቦላ ኢያራ ጊጋ። ሃሲ ኣቶ ጊኮ ኢ ኔና ዳይና ሲንሊ ኤፋና። ዳይናይ ኔና ቃቲይሳስ ኣሊ ኢማና፤ ኢ ኔና ዋይኔን ዩጋና።

26 ታ ቱማ ኦዲይስ፤ ኔ ቦላ ፒርዳቲዳ ኣጩዋ ኢሲ ሳንቲሜይ ኣቶና ጪጋ ኦንጋና ጋካናው ቃሾ ኬላፊ ኬያካ።

ላይማቴላባ

27 «ሃይሳፊ ካሴ፤ «ላይማቶ፣ ጌቲቶይሳ ሲዒዳታ።

28 ሺን ታ ሂንቲው ኦዲይስ፤ ማጫስ ዲሊዲ፤ ኣሞቲዳ ኡባይ ባ ዋዳናን ኢራ ላይማቴሰ።

4:23 ማቶ 9:35፤ ማር 1:39 5:4 ኢሳ 61:2 5:5 ማገ 37:11 5:6 ኢሳ 55:1 5:8 ማገ 24:3 5:10 1ጳጳ 3:14 5:11 1ጳጳ 4:14 5:12 2ታሪ 36:16፤ ሃ.ኦ 7:52 5:13 ማር 9:50፤ ሉቃ 14:34-35 5:14 ዮሃ 8:12፤ 9:5 5:15 ማር 4:21፤ ሉቃ 8:16፤ 11:33 5:16 1ጳጳ 2:12 5:18 ሉቃ 16:17 5:21 ኬሳ 20:13፤ ዛሬ 5:17 5:27 ኬሳ 20:14፤ ዛሬ 5:18 5:29 ማቶ 18:9፤ ማር 9:47 5:30 ማቶ 18:8፤ ማር 9:43

29 ኔ ኡቫቻ ኣይፌይ ኔው ናጋራስ ጋሶ ጊዲኮ፡ ኪሳ ሆላ፡ ኔ ኣሳቴላይ ኩሚሊ ጋናሚ ታማን ዋቆናፔ ኔ ኣሳቴላፊ ኢሶይ ቆዩኮ ኔው ሎዎ፡፡

30 ኔ ኡቫቻ ኩሼይ ኔው ናጋራስ ጋሶ ጊዲኮ፡ ኢያ ቃንፃ ሆላ፡ ኔ ኣሳቴላይ ኩሚሊ ጋናሚ ታማን ዋቆናፔ ኔ ኣሳቴላፊ ኢሶይ ቆዩኮ፡ ኔው ሎዎ፡፡

ማቺ ኣዚና ቢሌላባ
(ማቶ 19:9፤ ማር 10:11-12፤ ሉቃ 16:18)

31 « ሳ ማቺው ዩዲያ ኦኒካ ኣንጅ ዋርቃቲያ ኣሞ) ጌቲቲሰ፡፡

32 ሺን ታ ሂንቴው ኦዲይሰ፤ ባ ማቺያ ላይማቶና ዴቢሺን ቢሊያ ኦኒካ ኢያ ላይማታና ሚላ ኦሌሰ፡፡ ሃሳዳካ፡ ኣንጅቲዳ ማጫሲው ኤኪያ ኡባይ ላይማቴሰ፡፡

ጫቆባ

33 «ሂንቴ ማይዛታኮ፡ ሳዋርዲን ጫቆፊቴ፤ ሂንቴ ያሳ ሲንላን ጫቆዳይሳ ፖሊቴ) ጌቲቲዳይሳ ሲዲዴታ፡፡

34 ሺን ታ ሂንቴው ኦዲይሰ፤ ኡባራካ ጫቆፊቴ፡፡ ያሳይ ኡቲያ ኣራታ ጊዲያ ገሾ ሳሎን ጫቆፊቴ፡፡

35 ኢያ ቶሆይ ዩዲያ ሶ ጊዲያ ገሾ ሳባንካ ጫቆፊቴ፡፡ ገታ ካዉዋ ካታማ ጊዲያ ገሾ ዩራሳላሚንካ ጫቆፊቴ፡፡

36 ሂንቴ ቢናናፔ ኢሱዋካ ቦሊ ዋይኮ ካሬሊ ኦላናው ዳንዳያና ገሾ ሂንቴ ሂንቴ ሁዒንካ ጫቆፊቴ፡፡

37 ሃሳ ገሾ፡ ሂንቴ ቃላይ፡ ሓ) ዋይኮ ሓካይ) ጊዲ፡፡ ሃሳፊ ካሬ ከይይ ያላሄፔ ዩሰ፡፡

ሃሎ ኬያናው ኮሺና

38 « ሓይፊ ገሾ ኣይፊ፤ ኣቻ ገሾ ኣቺ) ጌቲቲዳይሳ ሲዲዴታ፡፡

39 ሺን ታ ሂንቴው ኦዲይሰ፤ ሂንቴ ቦላ ኢታባ ኦሊያ ኡራራ ኤቁቶፊቴ፡፡ ኦኒካ ኔ ኡቫቻ ሻካላ ባቁኮ ኔ ሃዲርሳ ሻካላካ ቤሳ፡፡

40 ኢሲ ኢሲ ኔ ሻሚዚያ ኤካናው ኔና ሞቲኮ፡ ኔ ኮቲያ ጉጃዳ ኢማ፡፡

41 ኢሲ ኢሲ ኔና ዋልቃን ባባ ቶሲዲ ኢሲ ሳቴ ኦጌ ባራ ባና ሚላ ኔና ኡንዔሊኮ፡ ኢያራ ናሞራ ሳቴ ኦጌ ባ፡፡

42 ዋሲያ ኦዲሰካ ኢማ፤ ኔፔ ታልዳናው ኮያ ኦናካ ዲጎፋ፡፡

ኔ ሞርኬታ ሲቃ
(ሉቃ 6:27-28፤ 32-36)

43 « ሳና ደሴይሳ ደሳ፤ ኔና ኢዔይሳ ኢፃ) ጌቲቶይሳ ሲዲዴታ፡፡

44 ሺን ታ ሂንቴው ኦዲይሰ፤ ሂንቴ ሞርኬታ ደሴቴ፤ ሂንቴና ቆሂይሳታሰ ዋሲቴ፡፡

45 ሃሳሶ ሂንቴ ኦሊኮ፡ ሳሎን ዴዲያ ሂንቴ ኣሞሰ ሂንቴ ናይታ ጊዲና፡፡ ኢ ኢታታሲኔ ሎዎታሰ ኣሞ ከሴሰ፤ ዲሎታሲኔ ናጋራንቸታሰ ባ ኢራ ቡኪሴሰ፡፡

46 ሂንቴና ደሴያ ኣሳ ያላላ ሂንቴ ደሴኮ፡ ሂንቴው ኣይ ዋይቶይ ዴዲ? ሃሪ ኣቶሺን፡ ቃራፃ ቃንፃሴይሳቲካ ሃሳ ኦሎሶና፡፡

47 ሂንቴ፡ ሂንቴ ኢሻታ ያላላ ሳርሊኮ፡ ሃራታፔ ኣይ ሃራ ኣዲያባ ኦሊዴቲ? ሃሪ ኣቶሺን፡ ያሳ ኣማናና ኣሳይካ ሃሳ ኦሎሶና፡፡

48 ሂዛ፡ ሳሎን ዴዲያ ሂንቴ ኣሞይ ፖሎ ጊዲይሳዳ ሂንቴካ ፖሎ ጊዲቴ፡፡

6

ማንቆታሰ ኢሞባ

1 «ኣሲ ቤዎ ጊዲ ሂንቴ ሎዎ ኦሱዋ ኣሳ ሲንላን ኦሎናና ናጌቲቴ፡፡ ሃሳሶ ሃናና ኢዒኮ ሳሎን ዴዲያ ሂንቴ ኣሞፔ ዋይቶ ዴሚኬታ፡፡

2 «ሂንቴ ማንቆታሰ ኢሚያ ዋይ ኣሳ ሲንላን ቦንቸታናው ጊዲ ጩቦቲ ኦጊያ ደናኒኔ ኣይሁዴ ዋሳ ኬላታን ኦሊይሳዳ ኣሲ ቤዎ ጊዲ ኦሎፊቴ፡፡ ታ ሂንቴው ቱማ ኦዲይሰ፤ ኤንቲ ባንታ ኩሚላ ዋይቱዋ ኤኪደሶና፡፡

3 ሺን ሂንቴ ማንቆታሰ ኢሚያ ዋይ ሂንቴ ኡቫቻ ኩሼይ ኦሊይሳ ሂንቴ ሃዲርሳ ኩሼይ ኤርፖ፤

4 ሂንቴ ኢሞይ ጌማን ጊዲ፡፡ ጌማን ኦሊይሳ ቤዲያ ሂንቴ ኣሞይ ሂንቴው ዋይቱዋ ቆንጩን ኢማና፡፡

ዋሳባ
(ሉቃ 11:2-4)

5 «ዋሳ ዋሲሼ ጩቦታሶ ሃናፔቴ፡፡ ኤንቲ፡ ባንታና ኣሲ ቤዎ ጊዲ ኣይሁዴ ዋሳ ኬላኒኔ ኦጊያ ደናን ኤቁዲ ዋሲይሳ ደሶሶና፡፡ ታ ሂንቴው ቱማ ኦዲይሰ፤ ኤንቲ ባንታ ኩሚላ ዋይቱዋ ኤኪደሶና፡፡

6 ሺን ኔኒ ዋሲያ ዋይ ኔ ሶ ጌላ፡ ዉላ ሳርዳዳ ጌማን ዴዲያ ኔ ኣሞኮ ዋሳ፤ ጌማን ኦሴቲዳይሳ ቤዲያ ኔ ኣሞይ ኔው ዋይቱዋ ኢማና፡፡

7 ሂንቴ ዋሲያ ዋይ ኣማናና ኣሳሶ ጮ ቃላ ዳርሲዲ ዋሶፊቴ፡፡ ኤንቲ ኣዲሲ ዋሲን ያሳይ ሲዔሰ ጊዲ ቆፖሶና፡፡

8 ሃሳ ገሾ፡ ኤንታይሳዳ ሃናፔቴ፡፡ ኣይሰ ጊኮ፡ ሂንቴ ኣሞይ ሂንቴው ኣይ ኮሺያኮ ሂንቴ ዋሳናፔ ሲንላቲዲ ኤሬሰ፡፡

9 «ሂዛ፡ ሂንቴ ያጊዲ ዋሲቴ፡ ሳሎን ዴዲያ ኦ ኣሞው፡ ኔ ጌሻ ሱንላይ ኣንጅቶ፡፡

10 ኔ ካዋቲላይ ዮ፡ ኔ ሼኔይ ሳሎን ሃኒዳይሳዳ ሳባንካ ሃና፡፡

11 ጋላሳ ካላ ሃቺ ሃቺ ኦስ ኢማ፡፡
12 ኦኒ ኦና ቆሂዳይሳታ፡ ኣቶ ጌይሳዳ፡ ኦሰካ ኦ ቆሁዋ ኣቶ ጋ፡፡

13 ኦና ኢታፔ ኣሻፊ ኣቲን ፓጩን ጌልሶፋ፡፡
[ካዋቲላይ፡ ዋልቃይኔ ቦንቸይ ሚሪናው ኦሳ፡፡ ኣሚንዲ፡፡]

14 «ሂንቴ ሂንቴና ቆሂዳይሳታ ኣቶ ጊኮ፡ ሳሎን ዴዲያ ሂንቴ ኣሞይ ሂንቴ ቆሁዋካ ኣቶ ጋና፡፡

5:31 ማቶ 19:7፤ ማር 10:4 5:32 ማቶ 19:9፤ ማር 10:11-12፤ ሉቃ 16:18፤ 1ቆር 7:10-11 5:33 ሉዌ 19:12፤ ታይ 30:2፤ ዛሬ 23:21 5:34 ማቶ 23:22 5:35 ኢሳ 66:1፤ ማዝ 48:2 5:38 ኬሳ 21:24፤ ሉዌ 24:20፤ ዛሬ 19:19 5:48 ሉዌ 19:2፤ ዛሬ 18:13 6:1 ማቶ 23:5 6:5 ሉቃ 18:10-14 6:14 ማር 11:25-26

15 ሺን ሂንቲ ሃራ አሳ ናጋራ አቶ ጎና ኢዲኮ ሂንቲ አዋይ ሂንቲ ናጋራ አቶ ጌና።

ዖማባ

16 «ሂንቲ ዖሚያ ዎዴ ጨቦታላ ካዮቶፊቴ። አይሰ ጊኮ፣ ኤንቲ ዖሚይሳ አሲ ኤራና ሚላ ባንታ ሶምዑዋ ቁታዮሶና። ታ ቱማ ኦዳይሰ፤ ኤንቲ ባንታ ዎይቱዋ ኤኪዶሶና።

17 «ሺን ኔኒ ዖሚያ ዎዴ ኔ ሶምዑዋ ማጫ፣ ኔ ሁዲያ ቲዬታ።

18 ሄሳዳ ኔ ኦሊኮ ኔ ዖሚያ ዖማይ አሳፔ ጌሚዳይሳ፣ ሺን ጌማን ዴዲያ ኔ አዋይ ኤሪያ ዖማ ጊዳና። ጌማን ኦሴቲዳይሳ ቤዲያ ኔ አዋይ ኔው ዎይቱዋ አማና።

ሳሎን ሻሎ ሺሾ

19 «ቢሊ ሚያሶን፣ ቢራቲ ሺዲያሶን፣ ካይሶይ ቦኪዲ ኤኪያሶን፣ ሃ ሳዓን፣ ሂንቲው ሻሎ ሺሾ፣።

20 ሺን ቢሊ ሞናሶን፣ ቢራቲ ሺዲያሶን፣ ካይሶይ ቦኪዲ ኤኪያሶን ሳሎን ሂንቲው ሻሎ ሺሾ፣።

21 ኔ ሻሎይ ዴዲያሶዋን ኔ ዎዛናይ ዴዳና።

22 «አይፊይ አሳቲላሰ ዖምፔ። ሄሳ ጊሾ፣ ኔ አይፊይ ፓፃ ጊዲኮ ኔ ኩሜላ አሳቲላይ ፖፖ ጊዴሰ።

23 ኔ አይፊይ ሃርጋንቸ ጊዲኮ ኔ ኩሜላ አሳቲላይ ቋማ ጊዴሰ። ሂዛ፣ ኔናን ዴዲያ ፖፖይ ቋማ ጊዲኮ፣ ቋማይ አይ ሚላ አቋዲ ቋማንዴሻ!

24 «አሲ አሲ ናምዑ ጎዳሰ ሃራታናው ዳንዳዔና። አሱዋ ደሲኮ ሃንኩዋ አዲሰ፤ ዎይኮ አሱዋ ቦንቸኮ ሃንኩዋ ካዴሰ። ያሳሲኔ ሚሽሰ ሃራታናው ዳንዳዔኬታ።

ኤንዔቶፊቴ (ሉቃ 12:22-31)

25 «ሂዛ፣ ሲዒቴ! ሂንቲ ዴፖን ዳናው፣ ሳይ ማኔ? አይ ኡያኔ? አይ ማዓኔ?» ጊዲ ኤንዔቶፊቴ፤ ዴፖይ ካላፊ ዎይኮ ማፖፔ አዴኔ።

26 ሳሎ ካፎታ ያሊቴ፤ ኤንቲ ዜርኮና፣ ቡጮኮና፣ ሻሎን ይኮኮና፣ ሺን ሂንቲ ሳሎ አዋይ ኤንታ ሙዜሰ። ሂንቲ ኤንታፊ ኬሂ አዴኬቲ?

27 ሂንቲ ጊደፊ ዳር ኤንዔቲዲ ባ ላይላ ቦላ አሲ ጋላሰ ጉጃናው ዳንዳዔይ ዴዲ?

28 «ቃሲ ሂንቲ ማዲያባሰ አይሰ ኤንዔቲቴ? አኔ ጨሻታ ቤዒቴ፣ ኦሶን ዳቡርኮና ዎይኮ ሱቆኮና።

29 ሲዒቴ! ሃሪ አቶሺን፣ ካወዋ ሶሎሞኔይ ባ ቦንቸ ኡባን ሃ ጨሻታፔ ኤሱዋ ሚላካ ማዲቤና።

30 ሂንቲኖ፣ አማናይ ፓጨዳይሳቶ፣ ያሳይ ሃቸ ቤንቲዲ ዎንቶ ታማን ዎቆናው ዴዲያ ማታ ያቲዲ ማይዚያባ ጊዲኮ፣ ሂንቲና ኤንታፊ አሊዲ ዋቲ ማይዜኔ?

31 ሄሳ ጊሾ፣ ሳይ ማኔ? አይ ኡያኔ? አይ ማዓኔ?» ጊዲ ኤንዔቶፊቴ።

32 ሄ ኡባ ያሳ አማናና አሳይ ዳርሲዲ ዴማናው ኤንዔቶሶና። ሂንቲ ሳሎ አዋይ ሄ ኡባይ ሂንቲው ኮሼይሳ ኤሬሰ።

33 ሺን ኡባፊ ሲንጤ ያሳ ካዎቲላኔ ኢያ ያሎቲላ ኮዩቴ፤ ሄ ኡባይ ሂንቲው ጉጂ ኢሜታና።

34 ሄሳ ጊሾ፣ ዎንቶሰ ቆፒሼ ኤንዔቶፊቴ። ዎንቶይሲ ዎንቶሰ አቆ፤ አሲ አሲ ጋላሳይ ባው ጊዲያ ሜቶራ ዴዔሰ።

7

ሃራታ ቦላ ፒርዶፊቴ (ሉቃ 6:37-42)

1 «ሂንቲ ቦላ ፒርዶቶና ሚላ ሃራታ ቦላ ፒርዶፊቴ።

2 አይሰ ጊኮ፣ ሃራታ ቦላ ሂንቲ ፒርዶይሳዳ ሂንቲ ቦላ ፒርዶታና፤ ሂንቲ ሃራታሰ ማኪዳባን ሂንቲው ዛሪ ማኬታና።

3 ኔ አይፊን ዴዲያ ቱሱ ዳኔይሳ ቤዶና ኔ አሻ አይፊን ዴዲያ ቡሪያ አይሰ ቤዳይ?

4 ኔ አይፊን ቱሲ ዴዲሺን ኔ አሻ አይፊን ዴዲያ ቡሪያ ኬሶ ጋናው ዋና ዳንዳዔይ?

5 ኔና ጨቡዋው፣ ኮይርታዳ ኔ አይፊን ዴዲያ ቱሲ ዳኔይሳ ኬሳ። ኢያፔ ጉዬ፣ ኔ አሻ አይፊን ዴዲያ ቡሪያ ኬሳናው ኔ ጌሻ ያላና።

6 «ጉዬ ሲሚዲ ሂንቲና ሳያና ሚላ ጌሻባ ካናታሰ ዩጎፊቴ። ባንታ ቶሁዋን ዩቋዲ አሶና ሚላ ሂንቲ አልፎ አንቁዋ ጉዳንሳታ ሲንላን ዩጎፊቴ።

ዎሲቴ፣ ኮዩቴ፣ ያጊቴ (ሉቃ 11:9-13)

7 «ዎሲቴ ሂንቲው ኢሜታና፣ ኮዩቴ ሂንቲ ዴማና፣ ካሬ ዩዲ ያጊቴ ሂንቲው ዴዩታና።

8 ዎሲያ ኦዴሰካ ኢሜታና፣ ኮያ ኦዴሰካ ቤንታና፣ ካሬ ዩዲ ያጊያ ኦዴሰካ ዴዩታና።

9 «ሂንቲ ጊደፊ ባ ናዒ ኡይሊ ዎሲኮ ሹቹ ኢሜይ ኦኔ?

10 ዎይኮ ሞሎ ዎሲኮ ሹሺ ኢሜይ ዴዲ?

11 ያቲን ሂንቲ ኢታ ጊዲሺ ሂንቲ ናይታሰ ሎፖባ አሞ ኤሪኮ፣ ሂንቲ ሳሎ አዋይ ባና ዎሲይሳታሰ ሎፖባ ዋቲ ዳርሲዲ ኢሜይ?

12 ሃራቲ ሂንቲው አላና ሚላ ሂንቲ ኮያባ ኡባ ሂንቲካ ሃራታሰ ኦሊቴ። አይሰ ጊኮ፣ ሙሴ ሂጌይ ናቤቲ ታማርሴይ ሃይሳ።

13 «ፀንላ ዉላራ ጌሊቴ፤ አይሰ ጊኮ፣ ቆዮሰ ኤፊያ ኦጌይ ዎጋ፣ ዉላይካ ዳልጋ። ኢያራ ጌሊያ አሳይካ ዳር።

14 ሺን ዴዐዋኮ ኤፊያ ኦጌይ ዉላይ ፀንላ፤ ያ ጌሊያ አሳይካ ጉላ።

ሚሊ ባ አይፊን ኤሬቲሰ (ሉቃ 6:43-44)

15 «ቦላ ባጋራ ዳርሴ ዳኒዲ ባንታ ጋላን ሱቋሜ ጊዲዲ ሂንቲ ጊደ ጌሊያ ዎርዳንቸ ናቤታፔ ናጌቲቴ።

16 ሂንቲ ኤንታ፣ ኤንታ አይፊናፔ ኡራና፤ አጉንላፊ ዎይኔይ፣ ከንቸቴፔ ላዴይ ማፃቴና።

17 ህጻን ማላ ሎዎ ማላ ኡባይ ሎዎ አይፊ አይፊ።
 18 ሎዎ ማላ ኡታ አይፊ አይፊ። ቃሲ ኡታ ማላ ሎዎ አይፊ አይፊናው ዳንዳዔና።
 19 ሎዎ አይፊ አይፊና ማላ ኡባይ ቃንጻቲዳ ታማን ፀጌታና።
 20 ህጻን ጊሾ፣ ሂንቲ ኤንታ፣ ኤንታ አይፊናን ኤራና።
 21 «ሳሎን ዳዒያ ታ አዋ ሸኒያ ኦሊያ ኡራይ ሳሎ ካዋቲላ ጌላና፣ ኢትን ጮ ታና ሳዳው፣ ጎዳው፣ ጊያ ኡባይ ሳሎ ካዋቲላ ጌላና።
 22 ፐርዳ ጋላስ ዳሮቲ፣ ሳዳው፣ ጎዳው፣ ኔ ሱንጻን ቲንቢቲ ኦሊቦኮ? ኔ ሱንጻን ቲና አያናታ ኬሲቦኮ? ኔ ሱንጻን ማላታታ ኦሊቦኮ?» ያገና።
 23 ህ ዋዴ ታኒ፣ ሳታ ሂንቲና ኡባራካ ኤሪኬ፣ ሂንቲ ኡታ ኦሊቦኮቲ ታፔ ሂኪቲ» ያገና።
 24 «ሂዛ፣ ሃ ታ ቃላ ሲዒዳ ኦሊያ ኦሊካ ባ ኬላ ሹቻ ቦላ ኬዲዳ ዋዛናማ አሳ ማላ።
 25 ኡራይ ቡኪሲ፣ ዳይይ ዳዒሲ፣ ጫርኮይካ ጫርኮዳ ህ ኬላ ሱጊሲ። ሸን ኬላይ ሹቻ ባሶ ቦላ ኬዲዳ ጊሾ ኩንዲቤና።
 26 ሃ ታ ቃላ ሲዒዳ ኦሊና ኦሊካ ባ ኬላ ሻፊ ቦላ ኬዲዳ ኤያ ኡራ ማላ።
 27 ኡራይ ቡኪዳ፣ ዳይይ ዳዒዳ፣ ጫርኮይካ ጫርኮዳ፣ ህ ኬላ ሱጊን፣ ህ ኬላይ ኩንዲሲ፣ ኤያ ኩንዲዳይካ ዋልቃማ» ያገና።
 28-29 ዩሱሲ ባ ኦዳ ኦንጊዳ ዋዴ ኤያ ቲሚርቲይ ሂጌ አሰታማሬታ ማላ ጊደና ማታራ ጊዲያ ጊሾ አሳይ ኤያ ቲሚርቲያን ማላላቲዳሶና።

8

ዩሱሲ ባር ሃርጋንቸዋ ፓላስ
 (ማር 1:40-45፤ ሉቃ 5:12-16)

1 ዩሱሲ ዳሪያፔ ዋዲያ ዋዴ ዳር አሳይ ኤያ ካሊደሶና።
 2 ሄኮ ኢሲ ባር ሃርጋንቸይ ኤያኮ ሸቂዳ፣ ኤያ ሲንጻን ጉልባቲዳ፣ «ጎዳው፣ ኔ ሸኔ ጊዲኮ ታና ጌሻዳ ፓላናው ዳንዳዳሳ» ያገና።
 3 ዩሱሲ ባ ኩሺያ ዩዲዳ ኤያ ቦቸዳ፣ «ኤ፣ ታ ሸኔ፣ ፓ» ያገና። ኡራይ ኡራካ ጌዬ አገሲ።
 4 ዩሱሲ ኤያኮ፣ «ኔ ፓፀዋ ኦዴሰካ ኦደፓ። ሸን ባዳ ኔ ጌያዳ ፓይሳ ካሂኔ ቤሳ። ኔ ፓፀዋሰ ማርካ ጊደና ማላ ባዳ ሙሴይ ከቲዳ ያርሹዋ ያርሻ» ያገና።

ማቶ ሃላቃ አማኑዋ

5 ዩሱሲ ቁፊርናሆሜ ካታማ ጋኪዳ ዋዴ ኢሲ ማቶ ሃላቃይ ኤያኮ ሸቂዳ፣
 6 «ጎዳው፣ ታ አይሌይ አሳቲላይ ጉንዲን ዳር ሃርጌቲዳ፣ ሶን ዚንዒዳ ዳዕስ» ያገና።
 7 ዩሱሲ ዛሪዳ፣ «ታኒ ባዳ ኤያ ፓላና» ያገና።
 8 ሸን ማቶ ሃላቃይ ዛሪዳ፣ «ጎዳው፣ ኔ ታ ሶ ጌላናው ቤሲያ አሲ ጊዲኬ፣ ሸን ኔ ሃን ኡታዳ ቃላ ዓላላ ኦዳ፣ ታ አይሌይ ፓዳና።

9 አይሰ ጊኮ፣ ታፔ ቦላራ ታ ከቲቲያ አሳቲ ዳዎሶና፣ ቃሲ ታፔ ጋርሳራ ታው ከቲቲይሳቲ ዳዎሶና። ኤንታፊ ኢሱዋ፣ (ባ) ጊያዴ ቤሰ፤ ሃንኩዋ ቃሲ (ሃያ!) ጊያዴ ዩሰ። ታ አይሊያ፣ «ሃይሳ ኦላ» ጊያዴ ኦሊሰ» ያገና።
 10 ዩሱሲ ህጻን ሲዒዳ ዋዴ ማላላቲዳ፣ ባና ካሊያ አሳኮ፣ «ታ ሂንቲው ቱማ ኦዳይሰ፤ ታኒ ሃይሳ ማላ አማኖ ኢሰራዒሌ አሳንካ ቤዓቢኬ።
 11 ታ ሂንቲው ኦዳይሰ፤ ዳሮቲ ዳሎሃፔኔ ዉሎሃፔ ዩዳ፣ ሳሎ ካዋቲላን ኡባራሃሚራ፣ ዩሳቃራኔ ያይቆባራ ኢሲፊ አማቶ ቦላ ኡታና።
 12 ሸን ሳሎ ካዋቲላ ላታናው ቤሲሸን አቲዳይሳቲ ካሪ ቋማን ሆሌታና። ያን ኤንታው ዩሆኔ አቻ ጋርጬላ ጊደና» ያገና።
 13 ዩሱሲ ማቶ ሃላቃኮ፣ «ኔ ሶ ባ፣ ኔ አማኑዋ ኔው ሃና» ያገና። ኤያ አይሌይ ሶሁዋራ ፓዲ አገሲ።

ዩሱሲ ዳር ሃርጋንቸታ ፓላስ
 (ማር 1:29-34፤ ሉቃ 4:38-41)

14 ዩሱሲ ጳዊርሳ ሶ ጌሊያ ዋዴ ጳዊርሳ ማቸ ኤያ ቆዩ ማቸ ሃርጌን ሳኬታዳ ዚንዒዳር ቤዒሲ።
 15 ዩሱሲ ኢ ኩሺያ ቦቸዳ ዋዴ ቆይይ ማቸይ አገ አገሲ። ፓዩ ዳንዳዳ ኤያ ሞካሱ።
 16 ህ ዋዴ ኦማርሲ ቲና አያናን ኦይኬቲዳ ዳር አሳታ፣ አሳይ ዩሱሳኮ ኤሃደሶና። ኢካ ቲና አያናታ ባ ቃላን ኬሲሰ፣ ሃርጋንቸታ ኡባ ፓላስ።
 17 ህጻንካ ናቢያ አሳያሰ።
 «ኢ ኦ ሃርጊያ ባው ኤኪሰ።
 ኢ ኦ ሃርጊያ ቶኪሰ።
 ጊዳ ቃላይ ፖሌቲሰ።

ዩሱሳ ካሎይ ጨጌሲያ ጋቲያ
 (ሉቃ 9:57-62)

18 ዩሱሲ ዳር አሳይ ኤያ ዩሹዋን ኤቁዳይሳ ቤዒዳ፣ አባፊ ሄፊንላ ፒናና ማላ ባ ታማሬታ ከቲሰ።
 19 ሂጌ አሰታማሬታ፣ ኢሶይ፣ «አሰታማሬያው፣ ኔ ቢያሶ ኡባ ታ ካላና» ያገና።
 20 ዩሱሲ ኤያኮ «ዋርካናታሰ ኦሊ ዳዕስ፣ ሳሎ ካፎታሰ ኬላ ዳዕስ። ሸን አሳ ናዓሰ ባ ሁዒያ ሸዋፐሲያ ቤሲ ባዋ» ያገና።
 21 ዩሱሳ ካሊያ አሳታፔ ኢሶይ፣ «ጎዳው፣ ታኒ ሲንጻታ ባዳ ታ አዋ ሞጋዳ ያና» ያገና።
 22 ሸን ዩሱሲ፣ «ሃይቁዳይሳቲ ባንታ ሃይቆታ ሞጎ፤ ኔኒ ታና ካላ» ያገና።

ዩሱሲ ሆቢያ ሲዒ ኦሊሰ
 (ማር 4:35-41፤ ሉቃ 8:22-25)

23 ዩሱሲ ባናው ዋሳሎዋን ጌሊዳ ዋዴ ኤያ ታማሬቲካ ኤያራ ባናው ጌሊደሶና።
 24 ኤንቲ ቆፖና ዳዒሸን፣ ዋልቃማ ሆቤይ ሃላ ቦላ ዳንዲን ዋሳሎይ ማቲታናው ጋኪሰ። ሸን ዩሱሲ ቋሰኪሰ።
 25 ኤያ ታማሬቲ ኤያኮ ሸቂዳ ኤያ ባርኬላዳ፣ «ጎዳው፣ ኦ ቋዮሰ ኦና አሻርኪ» ያገና።

26 ዩሱስ ኤንታኮ፡ «ሂንቴኖ፡ አማኖይ ፓጩ ዳይሳቶ፡ አይሰ ያዩቲ?» ያገለገሉ። ዳንዲዲ፡ ሆሲያኔ ጎቲያ ኤሲሰ። ኤሌሲዲ ኡባባይ ሲዲ ገሰ።

27 ኢያ ታማራቲ ማላሌቲዲ፡ «ሃይሲ፡ ሃሪ አቶሺን፡ ሆሴይኔ ጎቲይ ከቴቴይሲ ዋኒዳ አሴ?» ያገለገሉ።

ቱና አያናይ እይኪዳ ናምዑ አሳታ (ማር 5:1-20፤ ሉቃ 8:26-39)

28 ዩሱስ አባሬ ሄሬንግን ዳዲያ ጌርጌሶኔ ገያ ቢታ ጋኪዳ ዋዴ ቱና አያናይ እይኪዳ ናምዑ አሳታ ዳፎፎ ከዩዲ ኢያራ ጋሂቲደሶና። ኤንቲ ዳር ኢታኔ ያሺያ አሳታ ገዲያ ገሾ አሲ ሄ ቤሳራ አጳናው ዳንዲዲ።

29 ኤንቲካ፡ «የሳ ናዓው፡ ኑናኔ ኔና አይቤ ጋሴይ? ዋዴይ ጋኮና ዳዒሺን ኑና ፐርዳናው ያዲ?» ገዲ ዋሲደሶና።

30 ኤንታሬ ዳር ሃኮና ጉዲንጸ ዉዴይ ሃሜቴሰ።

31 ቱና አያናቲ ዩሱሳ፡ «ኔ ኑና ከሳናባ ገዲኮ፡ ሂኒ ጉዲንጸ ዉዲያ ገደ ዩዳርኪ» ያገለገሉ ዋሲደሶና።

32 ዩሱሲ፡ «ቢቴ» ያገለገሉ። ቱና አያናቲ አሳታፎ ከዩዲ ጉዲንጸታን ጌሊደሶና። ጉዲንጸቲ ኡባይ አፎ ደራራ ዲርገዲ ቢዲ አባን ሚቴቲዲ ሃይቁደሶና።

33 ጉዲንጸ ዉዲያ ሃሜይሳቲ ባቃቲዲ ካታማ ቢዲ፡ ሃኒዳባኔ ቱና አያናይ እይኪዳ አሳታ ቦላ ኡሴቲዳባ ኡባ ኦዲደሶና።

34 ያቲን፡ ካታማን ዳዲያ አሳ ኡባይ ዩሱሳ ቤዓናው ከዩደሶና። ኤንቲ ዩሱሳ ቤዒዳ ዋዴ ባንታ ቢታሬ ከዩዲ ባና ማላ ዋሲደሶና።

9

ጉንዳ ኡራ ፓፀዋ (ማር 2:1-12፤ ሉቃ 5:17-26)

1 ሃሳሬ ጉዬ፡ ዩሱሲ ዋጎሉዋን ጌሊዲ፡ አባ ፒኒዲ ባ ካታማ ቢሰ።

2 ሃኒዳ ጉላ አሳቲ ኢሲ ጉንዳ ኡራ አልጋራ ቶኪዲ ዩሱሳኮ ኤሂደሶና። ዩሱሲ ኤንታ አማኑዋ ቤዒዲ፡ ጉንዳ ኡራ፡ «ታ ናዓው፡ ያዮፋ! ኔ ናጋራይ አቶ ጌቴቲሰ» ያገለገሉ።

3 ሄ ሳቲያን፡ አይሁዳ ሂጌ አሰታማራታፎ ኢሶቲ ኢሶቲ፡ «ሃይሲ ያሳ ጫሽ ገዴኔ» ያገለገሉ ባንታ ዋዛናን ቆፒደሶና።

4 ዩሱሲ ኤንታ ቆፋ ኤሪዲ፡ «ኢታባ ሂንቴ ዋዛናን አይሰ ቆፎቲ?»

5 ሃኖሺን፡ «ኔ ናጋራይ አቶ ጌቴቲሰ» ጌይሳሬኔ «ዳንዳ ኤቃዳ ባ» ጌይሳሬ ኣዉሲ ካዉዪ?

6 ሺን ሳዓ ቦላ ናጋራ አቶ ጋናው አሳ ናዓሰ ማቲ ዳዔይሳ ታ ሂንቴና ኤሪሳና» ያገለገሉ። ጉንዳ አዲያኮ፡ «ዳንዳ ኤቃ፡ ኔ አልጋ ቶካዳ፡ ኔ ሶ ባ» ያገለገሉ።

7 ጉንዳ ኡራይ ዳንዲዲ ባ ሶ ቢሰ።

8 ዳሬይ ሃሳ ቤዒዲ ማላሌቲደሶና። ሃሳ ማላ ማታ አሳሰ አሚዳ ያሳ ጋላቲደሶና።

ማቶ 9 ጭቴላ (ማር 2:13-17፤ ሉቃ 5:27-32)

9 ዩሱሲ ያፎ ዳንዲዲ ቢሽ ማቶ 9 ጌይሳ ቃራፃ ቃንጂሲያ ቤሳን ኡቲዳሺን ቤዒዲ፡ «ታና ካላ» ያገለገሉ።

ኢካ ዳንዲዲ ካሊሰ።

10 ዩሱሲ ማቶ 9 ሶን ጋይታ ቦላ ኡቲዳሺን፡ ቃራፃ ቃንጂሲያ ዳር አሳቲኔ ናጋራንቸቲ ዩዲ ኢያራኔ ኢያ ታማራታራ ኢሲሬ ማናው ኡቲደሶና።

11 ኢሲ ኢሲ ፋሪሳዌቲ ሃሳ ቤዒዲ፡ ዩሱሳ ታማራታ፡ «ሂንቴ አሰታማራይ ቃራፃ ቃንጂሲይሳታራኔ ናጋራንቸታራ አይሰ ሚ?» ያገለገሉ።

12 ዩሱሲ ሃሳ ሲዲዲ፡ «ጳሌ ኮሼይ ሃራጋንቸታሳሬ አቲን ፓፃታሳ ገዴና።

13 ሺን ሂንቴ ቢዲ፡ «ታኒ ሂንቴ ያርሹዋ ገደናሺን ሂንቴ ሃራታ ማራና ማላ ኮያይሰ» ጌቴቲዲ ፃሬቲዳይሲ ዋይ ጉሴኮ ኤሪቴ። አይሰ ጊኮ፡ ታኒ ናጋራንቸታ ጃጋናው ያሲፎ አቲን ጃሎታ ጃጋናው ያሲኬ» ያገለገሉ።

ዩሱሲ ያማባ እይሽቲሰ (ማር 2:18-22፤ ሉቃ 5:33-39)

14 ሄ ዋዴ ዮሃኒሳ ታማራቲ ዩሱሳኮ ሸቁዲ፡ «ኔኔ ፋሪሳዌቲ ያምሰ፡ ሺን ኔ ታማራቲ አይሰ ያምኮና?» ያገለገሉ አይቸደሶና።

15 ዩሱሲ ዛሪዲ ኤንታኮ፡ «ሙሹራይ ኤንታራ ዳዒሺን ጃጌቲዲ ዩዳ አሳይ ካዮታናው ዳንዲያና? ሙሹራይ ኤንታ ማታፎ ኤኬታና ዋዴይ ያና፡ ኤንቲ ሄ ዋዴ ያማና።

16 «ኦራሳ ማፖፎ ፔዲዲ ጋልዓ ማፖ ቦላ ሲኬይ ኦኒካ ባዋ። ሃሳሉ ኦሊኮ ኦራሳይ ጋልዓ ፔዲዲ። ፔዲዳይካ ጉጂ ዳልጌሰ።

17 ኦራሳ ዋይኔ ጋልዓ ኦጎርን ቆሊያ ኦኒካ ባዋ። ሃሳሉ ኦሊኮ ኦራሳ ዋይኔይ ጋልዓ ኦጎርን ቆሊያ ዋይኔይካ ጉኬሰ፤ ኦጎርይካ ናምዓንጸ ማደናባ ገዴሰ። ሺን ኦራሳ ዋይኔይ ኦራሳ ኦጎርን ቆሊያናው ቤሴሰ። ሃሳሉ ኦሴቲኮ ናምዓይካ ኢቶና ናጌቶሶና» ያገለገሉ።

ሃይቁዳ ናዒዉኔ ዩሱሳ አፊላ ቦቹዳ ማጫሲው

(ማር 5:21-43፤ ሉቃ 8:40-56)

18 ዩሱሲ ሃሳ ኦደ ቦላ ዳዒሺን፡ አይሁዳ ሃላቃታፎ ኢሶይ ኢያኮ ዩዲ፡ ኢያ ሲንግን ጉልባቲዲ፡ «ታ ናዒያ ሃሳ ሃይቃሱ፡ ሺን ኢያ ፓፃና ማላ ኔኒ ያዳ ኔ ኩሺያ ኢ ቦላ ዋላርኪ» ገዲ ዋሲሰ።

19 ዩሱሲ ዳንዲዲ ኢያራ ቢሰ፤ ኢያ ታማራቲካ ካሊደሶና።

20 ኢ ቢሺን ታማኔ ናምዑ ላይሊ ኩሚሊ ሱሊ ጎገዲ ዋይሲያ ኢሲ ማጫሲያ ጉዬራ ሺቃዳ ዩሱሳ አፊላ ማጫራ ቦቻሱ።

21 ኢያ ባ ዋዛናን፡ «ታ ኢያ አፊላ ማጫራ ፃላላ ቦቹያኮ ፓፃና» ያጋዳ ቆፓሱ።

22 ዩሱሲ ጉዬ ሲሚ ኢዮ ጃሊዲ፡ «ታ ናቲ፡ ያዮፋ! ኔና ኔ አማኖይ ፓሊሰ» ያገለገሉ። ማጫሲያ ሲሁዋራ ፓፃ አጋሱ።

23 ዩሱሲ ኣይሁዳ ሃላቃ ሶ ጋኪያ ዎዴ ዛዩ ፑኔይሳታኔ ዩኬይሳታ ቤዒዲ።

24 «እኔ ከቺቲ፤ ጉላ ናዒያ ዲሰካሱፕ ኣቲን ሃይቃቡኩ» ያገሰ። ሺን ኣሳይ ኢያ ቦላ ሚጪደሶና።

25 ኣሳ ካሬ ከሲዳፕ ጉዩ ሶ ጌሊዲ። ናዒ ኩሺያ ኦይኪሰ። ናዒያ ዴንዳ ኤቃሱ።

26 ሄ ዎሬይ ሄ ቢታ ኡባ ጋኪሰ።

ዩሱሲ ናምዑ ቆቂታ ግሊሲሰ

27 ዩሱሲ ያፔ ዴንዲዲ ጌዴ ሲንጼ ቢያ ዎዴ ናምዑ ቆቂቲ ባንታ ቃላ ቶቆ ኦሊዲ። «ዳቂቲ ናዓው፣ ኑና ማራርከ» ያገሸ ኢያ ካሊደሶና።

28 ዩሱሲ ሶ ጌሊዳ ዎዴ ቆቂቲ ኢያ ካሊዲ ዩደሶና። ዩሱሲ ኤንታኮ። «ታኒ ሄሳ ኦላናው ዳንዳዔይሳ ሂንቲ ኣማኔቲ?» ያገሰ።

ኤንቲካ። «ኤ፣ ጎዳው» ያገዲ ዛሪደሶና።

29 ሄሳፊ ጉዩ፣ ዩሱሲ ኤንታ ኣይፊያ ቦቺዲ ኤንታኮ። «ሂንቲው፣ ሂንቲ ኣማኔታ ሃና» ያገሰ።

30 ኤንታ ኣይፊይካ ደዩቲሰ። ዩሱሲ ኤንታኮ። «ሃይሳ ኦዴሰካ ኦደፕቲ» ያገዲ ሚንላ ኦዲሰ።

31 ሺን ኣሳቲ ቢዲ ዩሱሳባ ሄ ቢታ ኡባን ኦዲደሶና።

32 ኤንቲ ያፔ ኬያ ዎዴ ኣሳይ ቱና ኣያናይ ኦይኪዲ ሙሚሲዳ ኢሲ ኣሲ ዩሱሳኮ ኤሂደሶና።

33 ቱና ኣያናይ ኬዩዳፕ ጉዩ ሙሚ ኡራይ ኦዴቲሰ። ዴሬይካ ማላሌቲዲ። «ሃይሳ ሚላ ኦራሳባይ ኢሰራዔሌ ቢታን ሃኒቤና» ያገደሶና።

34 ሺን ፋሪሳቂቲ። «ቱና ኣያናታ ሃላቃን ቱና ኣያናታ ኬሴሰ» ያገደሶና።

ዩሱሲ ኣሳሰ ቃጴቲሰ

35 ዩሱሲ ኣይሁዳ ዎሳ ኬላታን ታማርሲሺ። ሳሎ ካዎቲላ ዎንጌላ ሳባኪሺ። ኣሳ ሃርጌ ኡባፊ ፓላሺ ካታማታኒ ንታ ኡባን ዩዩሰ።

36 ዳሮ ዴሬይ፣ ሄሚያ ኣሲ ባይና ደርሳዳ ኤንታና ቤዒያ ኣሲ ቆዩን ኤንዔቲዲ ዴዔይሳታ ቤዒዲ ኤንታው ቃጴቲሰ።

37 ባ ታማራታኮ። «ሺቃና ካላይ ዳሮ፣ ሺን ካላ ሺሺያ ኣሳይ ጉላ።

38 ሄሳ ገሾ፣ ጎዳይ ካላ ሺሺያ ኦሳንቸታ ዩዳና ሚላ ዎሲቲ» ያገሰ።

10

ዩሱሲ ከቲዳ ታማኔ ናምዑ ሃዎሬታ

(ማር 3:13-19፤ ሉቃ 6:12-16)

1 ዩሱሲ ታማኔ ናምዑ ታማራታ ባኮ ግጊዲ፣ ቱና ኣያናታ ኬሳና ሚላኔ ሃርጌ ኡባ ፓላና ሚላ ኤንታው ማታ ኢሚሰ።

2 ዩሱሲ ከቲዳ ታማኔ ናምዑ ሃዎሬታ ሱንላይ፣ ኮይርይ ጳጳርሳ ጊያ ሲሞና ኢያ ኢሻ ኢንዲሪያሳ፣ ዛብዲዮሳ ናዓ ያይቆባኔ ኢያ ኢሻ ዮሃንሳ።

3 ፊልጶሳኔ ባርቶሎሚዮሳ፣ ቶማሳኔ ቃራፃ ቃንዲሲያ ማቶሳ፣ ኢልፊዮሳ ናዓ ያይቆባ፣ ታዲዮሳ።

4 ባ ቢታሰ ሚሺቲያ ሲሞናኔ ዩሱሳ ኣላ ኢሚዳ ኣሰቆርታ ዩሁዳ።

5 ሄ ታማኔ ናምዑታ ዩሱሲ ከቲዲ ዩዲሺ። «ኣይሁዳ ጊደና ዴሪያኮ ቦፒቲ፣ ቃሲ ሳማሬታ ካታማካ ጌሎፕቲ።

6 ሺን ኢሰራዔሌ ኬላፊ ጊዲዳ ሂኒ ቆዩዳ ደርሳታኮ ቢቲ።

7 ያ ቢዲ፣ ሳሎ ካዎቲላይ ማታቲሰ) ጊዲ ኦዲቲ።

8 ሃርጋንቸታ ፓላቲ፣ ሃይቂዳይሳታ ሃይቆፕ ዴንላቲ፣ ባር ሃርጋንቸታ ጌሺ ፓላቲ፣ ቱና ኣያናታ ኬሰቲ። ሂንቲ ጮ ኤኪዳይሳ ጮ ኢሚቲ።

9 ሂንቲ ከሴን ዎርቃ፣ ዎይኮ ቢራ ሳንቲሜ ኦይኮፊቲ።

10 ሂንቲ ኦጊያሰ ካርዒቶ፣ ናምዑ ኣፊላ፣ ዎይኮ ጫማ ዎይኮ ፃምዓ ኦይኮፊቲ፤ ኦሳንቸዋሰ ጋላሳ ካላ ኮሺሰ።

11 «ሂንቲ ኢሲ ካታማ ዎይኮ ጉታ ጌሊያ ዎዴ ሂንቲና ሞኪዲ ኤካናው ኡፋይቲያ ኡራ ኮዩዲ ኢያ ሶን ሺምፕቲ፤ ሂንቲ ባና ጋካናው ያን ጋምዒቲ።

12 ቃሲ ኦዴ ሶካ ጌሊሺ ሳርላቲ።

13 ሄ ኬላይ ሂንቲና ሞኪኮ ሂንቲ ሳርላዳ ሳርይ ኤንታና ጋኮ፣ ሺን ኤንቲ ሞኮና ኢዲኮ ሂንቲ ሳርላዳ ሳርይ ሂንቲው ጉዩ ሲሞ።

14 ኣኒካ ሂንቲና ሞኮናኔ ሂንቲ ኦዲያባ ሲዎና ኢዲኮ ሄ ኬላፊ ዎይኮ ሄ ካታማፕ ኬዩሺ ሂንቲ ቶሁዎን ዴዒያ ባና ፕቲዲ ኬዩቲ።

15 ታ ሂንቲው ቱማ ኦዲይሰ፤ ያሳ ፒርዳ ጋላሳን ሄ ካታማፕ ሶደሚሲኔ ጋምራ ካታማታሰ ፒርዳይ ካዉያና።

16 «ታ ሂንቲና ደርሳታዳ ሱቆሚታ ጊዶ ዩዳና። ሄሳ ገሾ፣ ሾሻዳ ጨንጫታ፣ ሆሌዳ ኣዳታ ጊዲቲ።

17 ኣሳይ ሂንቲና ፒርዳ ዳይናታሰ ኣላ ኢማና፣ ቃሲ ኣይሁዳ ዎሳ ኬላን ሂንቲና ጋራፋና። ሄሳ ገሾ፣ ኤንታፊ ናጌቲቲ።

18 ታ ገሾ ጊዲ ሂንቲና ዴሪያ ሃሬይሳታ ሲንጼኔ ካዎታ ሲንጼ ኤፋና። ኤንታ ሲንጻኒኔ ኣይሁዳ ጊደና ዴሪያ ሲንጻን ኤቂዲ ሂንቲ ታባ ማርካታና።

19 ሺን ሂንቲና ፒርዳሰ ኣላ ኢሚያ ዎዴ ዎይጊዲ ዛሪኖ ጊዲ ኤንዔቶፊቲ፤ ሄ ሳቲያን ሂንቲ ጋናባ ያሳይ ሂንቲው ኢማና።

20 ኣይሰ ገኮ፣ ሂንቲናን ሃሳዬይ ሂንቲ ኣዎ ጌሻ ኣያናፕ ኣቲን ሂንቲና ጊዴኬታ።

21 «ኢሻይ ባ ኢሻ፣ ኣዎይ ባ ናዓ፣ ሃይቆሰ ኣላ ኢማና፣ ናይቲ ባንታና ዩሊዳይሳታ ቦላ ዴንዲዲ ኤንታና ዎዲሳና።

22 ታ ገሾ ጊዲ ኣሳ ኡባይ ሂንቲና ኢፃና፣ ሺን ዉርሴላ ጋካናው ሚኒዳይ ኣታና።

9:34 ማቶ 10:25፤ 12:24፤ ማር 3:22፤ ሉቃ 11:15 9:35 ማቶ 4:23፤ ማር 1:39፤ ሉቃ 4:44 9:36 ታይ 27:17፤ 1ካዎ 22:17፤ 2ታሪ 18:16፤ ሂዝ 34:5፤ ማር 6:34 9:37 ሉቃ 10:2 10:7 ሉቃ 10:4-12 10:10 1ቆር 9:14፤ 1ፂሞ 5:18 10:14 ሃ.ኦ 13:51 10:15 ማቶ 11:24፤ ሜጴ 19:24 10:16 ሉቃ 10:3 10:17 ማር 13:9-11፤ ሉቃ 12:11-12፤ 21:12-15 10:21 ማር 13:12፤ ሉቃ 21:16 10:22 ማቶ 24:9፤ ማር 13:13፤ ሉቃ 21:17፤ ማቶ 24:13፤ ማር 13:13

23 ኢሲ ሄራፔ ሂንቴና ኤንቲ ጎዲኮ ሃራ ካታማ ባቃቲቲ። ታኒ ሂንቴው ቱማ ኦዲይሰ፤ አሳ ናዓይ ያና ጋካናው። ሂንቴ ኢሰራዔል ካታማ ኡባ ካንጤኬታ።

24 «ታማሬይ ባ አስታማሪያ፤ አይሌይ ባ ጎዳፔ አዴና።

25 ታማሬይ ባ አስታማሪያ፤ አይሌይ ባ ጎዳ ዳኒኮ ኢያው ጊዳና። ኬፋዋ ቢዔልዜቡላ ጊኮ ኢያ ሶ አሳ ዋኒዲ ኢሲዲ ያጌኔ?

26 «ሂዛ፡ አሳሰ ያዮፊቲ። ካሚቲዳባይ ቆንጮና፤ ቆሴቲዳባይ ጌሺ ኬዮና አቴና።

27 ታኒ ሂንቴው ቋማን ኦዲያባ ሂንቴ ፖፖን ኦዲቲ፤ ታ ሂንቴው ሃይላን ካልካሺዳባ ዳባባን አዋጁቲ።

28 አሾፔ አቲን ሸምፖ ዋቋናው ዳንዳናይሳታሰ ያዮፊቲ። ሺን ሸምፑዋኔ አሾፑ ጋናሚን ቋይሳናው ዳንዳዒያ ያሳሰ ያዩቲ።

29 ናምቡ ቡቤቲ ኢሲ ሳንቲሚን ባይዜቶኮናዬ? ሃኖፔ አቲን፤ ኤንታፊ ኢሲናካ ሂንቴ ያሳይ ጎና ዳዒሺን ሳዓን ዋቋኩ።

30 ሃሪ አቶሺን፤ ሂንቴ ሁዔ ቢናናይካ ፓይዳቲዲ ዳዔሰ።

31 ሂዛ፡ ዳሮ ቡቤታፔ ሂንቴ አዲያ ጊሾ ያዮፊቲ።

32 «አሳ ሲንላን ታው ማርካቲያ ኡባሰ ታኒካ ሳሉዋን ዳዒያ ታ አዋ ሲንላን ማርካታና።

33 ሺን አሳ ሲንላን ታና ካዳይሳ ታኒካ ሳሉን ዳዒያ ታ አዋ ሲንላን ካዳና።

34 «ታኒ ሳዓን ሳሮ ኤሃናው ዩዳ ሂንቴው ዳናፖ። ታኒ ቶራፔ አቲን ሳሮቴሌ ኤሃናው ያቢኬ።

35 ታኒ ዩዳይ፡

ናዓ አዋፔ ማጫ ናዒው አዬፔ

ናዓ ማቸው አዚና አዬፔ ሻካናሳ።

36 አሳሰ ሞርኬቲ ኢያ ሶ አሳታ ጊዳና።»

37 «ታፔ አሉዲ ባ አዋ ዋይኮ ባ አዩው ዶሴይ፤ ታባ ጊዳናው ቤሴና። ባ አዴ ናዓ ዋይኮ ባ ማጫ ናዒው ታፔ አሉዲ ዶሴይ፤ ታባ ጊዳናው ቤሴና።

38 ባ ማሰቃሊያ ቶኪዲ ታና ካሎና ኦኒካ ታባ ጊዳናው ቤሴና።

39 ባ ሸምፑዋ አሻናው ኮዬይ ቋይሳና፤ ሺን ባ ሸምፑዋ ታ ጊሾ አሉ አሜይ አሻና።

40 «ሂንቴና ሞኬይ ታና ሞኬሰ፤ ታና ሞኬይ ቃሲ ታና ከቲዳይሳ ሞኬሰ።

41 ናቢያ ናቤ ሱንላን ሞኬይ፤ ናቢያሶ ዋይቲታና፤ ቃሲ ያሉዋ ያሉ ሱንላን ሞኬይ፤ ያሉዋሶ ዋይቲታና።

42 ታ ሂንቴው ቱማ ኦዲይሰ፤ ሃ ታ ታማሬታፔ ጉዲያ ኢሱዋሰ ታና ካሊያ ጊሾ ሃሪ አቶሺን ጉላ ኢርፖ ሃሉ አሚኮ ኢያ ዋይቶይ ቋይና» ያጊሰ።

11

ፃማቂያ ዮሃንሲ ከቲዳ አሳታ (ሉቃ 7:18-35)

1 ዬሱሲ ታማኔ ናምቡ ታማሬታ ከታ ኦንጊዳፔ ጉዬ ያፔ ዳንዲዲ ታማርሳናውኔ ሳባካናው ጋሊላ ካታማታ ቢሰ።

2 ዮሃንሲ ቃሾ ኬላን ዳዒሺ ከሪሰቶሲ አሉያባታ ሲዒዲ፤ ባ ታማሬታፔ ኢያኮ ከቲዲ፤

3 «ያና ጌቲቲዳይ ኔኔዬ? ዋይኮ ኮኒ ሃራ ናጊና?» ያጊዲ አይቸሰ።

4 ዬሱሲ ኤንታኮ ዛሪዲ፤ «ቢዲ ሂንቴ ሲዒያባኔ ሂንቴ ቤዒያባ ዮሃንሳሰ ኦዲቲ።

5 ቆቄቲ ያሎሶና፤ ዋቤቲ ሃሙቶሶና፤ ባሮ ሃርጋንቸቲ ፓዖሶና፤ ቱሉቲ ሰዖሶና፤ ሃይቁዳይሳቲ ሃይቆፔ ዳንዶሶና፤ ማንቆታሰ ዋንጌላይ ሳባኬቲሰ።

6 ታናን ቆቤቶናይ አንጃቲዳይሳ» ያጊሰ።

7 ዮሃንሳ ታማሬቲ ጉዬ ሲሚዲ ቢን፤ ዬሱሲ ዳሪያሰ ዮሃንሳባ ኦዲሺ፤ «ሃ ባዙዋ አይ ቤዓናው ከዩዳቲ? ጫርኮይ ቃሉያ ማቃ ቤዓናው ዩዳቲዬ?»

8 ያቲን፤ አይ ቤዓናው ከዩዳቲ? ከቲ ማዖ ማዒዳ አሴ ቤዓናሴዬ? ከቲ ማዖ ማዒዳይሳቲ ካዋታ ኬላን ዳዖሶና።

9 ያቲን፤ አይ ቤዓናው ከዩዳቲ? ናቤ ቤዓናሴዬ? ሄኮ፤ ሂንቴ ናቤፔካ አዴይሳ ቤዔታ።

10 «ኔ አጊያ ኔ ሲንላን ጊጊሲያ ታ ከታንቸዋ ኔፔ ሲንጤ ከታና» ጌቲቲዲ ያፊቲዳይ ኢያሳ።

11 ታ ሂንቴው ቱማ ኦዲይሰ፤ ማጫሳፔ ዬሉቲዳይሳታ ጊዳፊ ዮሃንሳፔ አዴይ ኦኒካ ባዋ፤ ሳሎ ካዋቲላን ኡባፊ ጉዳይ ኢ፤ ኢያፔ አቋና።

12 ፃማቂያ ዮሃንሳ ዋዲያፔ ደሚዲ ሃቸ ጋካናው ሳሎ ካዋቲላይ ዳሮ ናቄቲሰ፤ ሚኒዳ አሳቲ ዋልቃን ያ ጌላና።

13 ናቤቲ ኡባይኔ ሙሴ ሃጌይ ዮሃንሳ ዋዳ ጋካናው ሳሎ ካዋቲላባ ቲንቢቲ ኦዲዶሶና።

14 ሂዛ፤ ሂንቴ ኤንታ ከታ አማናና ጊዲኮ፤ ያና ጌቲቲዳ ኤሊያሰ፤ ኢ ዮሃንሳ።

15 ሂዛ፤ ሲዒያ ሃይሌ ዳዔይ ሲዖ።

16 «ሂዛ፤ ሃ ዋዲያ ዬሉቲላ አይቢራ ዳኒሶ? ጊያ ጊደን ኡቲዲ ዋሊ ያጊዲ፤

17 ኩ ሂንቴው ሱሱልዔ ፑኒን፤ ሂንቴ ዩዳኬታ። ኩ ሳቢዲ ዜሌሊን፤ ሂንቴ ዩኬኬታ» ያጊያ ናይታ ዳኖሶና።

18 ፃማቂያ ዮሃንሲ ሞናኔ ኡዮና ዩን፤ «ቱና አያኒ ዳዔሰ» ያጊዳታ።

19 አሳ ናዓይ ሚሼኔ ኡዩሼ ዩን፤ ናራምባኔ ኡሻንቸ፤ ቃራፃ ቃንዲሴይሳታኔ ናጋራንቸታ ዳቦ ያጊዳታ። ሂዛ፤ ጨንጫቴላ ቱማቴላይ ኢያ ኦሱዋን ቆንጮሰ» ያጊሰ።

10:24 ሉቃ 6:40፤ ዮሃ 13:16፤ 15:20 10:25 ማቶ 9:34፤ 12:24፤ ማር 3:22፤ ሉቃ 11:15 10:26 ማር 4:22፤ ሉቃ 8:17 10:33 2ጊዋ 2:12 10:35 ሚክ 7:6 10:38 ማቶ 16:24፤ ማር 8:34፤ ሉቃ 9:23 10:39 ማቶ 16:25፤ ማር 8:35፤ ሉቃ 9:24፤ 17:33፤ ዮሃ 12:25 10:40 ሉቃ 10:16፤ ዮሃ 13:20፤ ማር 9:37፤ ሉቃ 9:48 11:5 አሳ 35:5 11:10 ሚላ 3:1 11:12 ሉቃ 16:16 11:14 ሚላ 4:5፤ ማቶ 17:10

አማኖና ኢዲዳ ካታማታ (ሉቃ 10:13-15)

20 ሄሳፌ ጉዬ፡ ዩሱሲ ዳር ማላታታ ኦሊዳ ካታማታን ዳዒያ አሳቲ ባንታ ናጋራፔ ሲሚዳ ማርታን ጌሎና ኢዲዳ ጊሾ ኤንታና።

21 «አዬ ኮራዚኔ ካታማው፡ አዬ ቤተሳይዳ ካታማው፡ አይስ ጊኮ፡ ሂንቲ ጊደን ኦሴቲዳ ማላታቲ ዓርሳኒኔ ሲደናን ኦሴቲዳ ጊዲያኮ፡ ኤንቲ ቤኒ ቢደ ቲዬቲዳ፡ ካሌ ማዒዳ ባንታ ናጋራፔ ሲሚ አጋና።

22 ሺን ታ ሂንቲው ኦዲይስ፤ ፐርዳ ጋላስ ሂንቲፌ አሊዳ ዓርሳስኔ ሲደናስ ፐርዳይ ካወያና።

23 ቃሲ፡ ቂፊርናሆሜ፡ ኔኒ ፑዳ ሳሎ ኬያናው ኮያይ? ሃኔና! ኔኒ ሲያሌን ዩጌታና። አይስ ጊኮ፡ ኔ ጊደን ኦሴቲዳ ማላታቲ ሶዶሜን ኦሴቲዳባ ጊዲያኮ፡ ሶዶሜይ ሃቺ ጋካናው ዳዓናሺን።

24 ሺን ታ ኔው ኦዲይስ፤ ፐርዳ ጋላስ ኔፔ አሊዳ ሶዶሜስ ፐርዳይ ካወያና» ያጊዳ ሃንቁቲስ።

ኪሪስቶስን ዳዒያ ሸምፖ (ሉቃ 10:21-22)

25 ሄ ዎዴ ዩሱሲ፡ «አዋው፡ ሳሎቤ ሳዓ ሳዳው፡ ኔኒ ሃይሳ ኤራንቸታፔኔ ጨንጫታፔ ጌንጻዳ ናይታስ ቆንጨሲዳ ጊሾ ኔና ጋላታይስ።

26 ኤ፡ ታ አዋው፡ ሃይሲ ኔ ሎፖ ሺኒያዳ ሃኒስ።

27 «ኡባይ ታው ታ አዋፔ አሜቲስ። አዋፔ ሃሪ ናዓ ኤሪይ ባዋ፡ ናዓፔኔ ኢ ኤንታው ቆንጨሳናው ኮዩይሳታፔ ሃሪ አዋ ኤራናው ዳንዳዔይ ባዋ።

28 «ሂንቲና፡ ዳቡራንቸቶ፡ ቶሆይ ዳዲዳ ኡባይ ታኮ ሃ ዩቲ፤ ታኒ ሂንቲና ሸምፐሳና።

29 ታኒ ታ ዋዛናን አሸኬኔ አዳ ጊዲያ ጊሾ ታ ቃምባራን ጌሊቲ፡ ታፔ ታማሪቲ፤ ሂንቲ፡ ሂንቲ ሸምፐሳስ ሸምፖ ዳማና።

30 ታ ቃምባራይ ሊቆ፡ ቃሲ ታ ቶሆይካ ካወሺ» ያጊስ።

12

ሳምባታ ቦንቻናው ቤሲ? (ማር 2:23-28፤ ሉቃ 6:1-5)

1 ሄሳፌ ጉዬ፡ ሳምባታ ጋላስ፡ ዩሱሲ ጋዴ ጊደራ አዴስ። ዩሱሳ ታማሪቲ ኮሻቲዳ ጊሾ ቲያ ባንጋ ሸሪኪዳ ሞሶና።

2 ሺን ፋሪሳዊቲ ሃሳ ቤዒዳ ዩሱሳኮ፡ «ሄኮ፡ ኔ ታማሪቲ ሳምባታ ጋላስ ኦላናው ቤሶናባ አላሶና» ያጊደሶና።

3 ዩሱሲ ኤንታኮ ዛሪዳ፡ «ዳዊቲይ ኮሻቲዳ ዎዴ ኢያራ ዳዔይሳታራ አይ ኦሊዳኮ ናባቢቤኬቲ?

4 ዳዊቲይ ያሳ ኬሊ ጌሊዳ ካሂኔታ ፃላላፔ አቲን ኢኔ ኢያራ ዳዔይሳታሰ ቤሶና ጌሻ ዳቡዋ ሚስ።

5 ዎይኮ ካሂኔቲ ሳምባታ ዎጋ ሻሪዳ ያሳ ኬላን ሳምባታ ጋላስ ኦሶ ኦሊኮ ኤንታው ባላ ጊደናይሳ ሙሴ ሂጊያን ናባቢቤኬቲ?

6 ሺን ሲዒቲ! ያሳ ኬላፌ አዴይ ሃይሳን ዳዔስ።

7 «ታኒ ሂንቲ ያርሹዋ ጊደናሺን ሂንቲ ሃራታ ማራና ማላ ኮያይስ» ጊያ ቃላይ ዎይ ጉሴኮ ሂንቲ ኤሪዳኮ ያሎ አሳ ቦላ ፐርዴኬታ።

8 አሳ ናዓይ ሳምባታ ጎዳ» ያጊስ።

9 ዩሱሲ ያፔ ቢዳ አይሁዳ ዎሳ ኬሊ ጌሊስ።

10 ያን ኩሼይ ጉንዲዳ ኢሲ ኡራይ ዳዔስ። ዩሱሳ ሞታናው ጋሶ ኮያ አሳቲ፡ «ሳምባታ ጋላስ ፓላናው ቤሲ ቤሴኔ?» ያጊዳ ኦይቺደሶና።

11 ኢ ኤንታኮ፡ «ሂንቲ ጊደፌ ኢሱዋስ ደርሲ ሳምባታ ጋላስ አፎን ወሊኮ፡ ጎቺዳ ኬሶናይ ኦኔ?

12 ያቲን አሲ ደርሳፌ ዋኒዳ ዳር አዴኔ? ሂሳ ጊሾ፡ ሳምባታ ጋላስ ሎፖባ ኦሶይ ቤሴስ» ያጊስ።

13 ሄሳፌ ጉዬ፡ ዩሱሲ አዲያኮ፡ «ኔ ኩሺያ ፐዳ ኦላ» ያጊን፡ ኡራይ ፐዳ ኦሊስ። ኢያ ኩሼይ ፓዲዳ ሃንኮ ኩሺያዳ ሃኒስ።

14 ሺን ፋሪሳዊቲ ያፔ ካሪ ኬዩዳ፡ ዩሱሳ ዋቲ ዎሳኔኮ ማቁቲደሶና።

ያሳይ ደሪዳ አይሊያ

15 ዩሱሲ ኤንታ ቆፋ ኤሪዳ ሄ ቤሳ አጊዳ ሃራ ሶ ቢስ። ዳር አሳይ ኢያ ካሊዳ ቢደሶና፡ ሃርጋንቸታ ኡባ ፓሊስ።

16 ዩሱሲ፡ «ታባ ሃራ ኦዴስካ አደፐቲ» ያጊዳ ሚንሊ አዲስ።

17 ሂሲካ ናቢያ አሳያሲ፡

18 «ሄኮ ታ ደሪዳ አይሊይ፡ ታ ደሴይሲ፡ ታና ኡፋይሴይሲ፡ ታኒ ታ አያና፡ ኢያ ቦላ ሸምፐሳና፤

ኢ፡ አይሁዳ ጊደና ዳሪያሰ ሱሬ ፐርዳባ አዋጃና።

19 ኢ ፓላሜና ዎይኮ ካጩና፤ ባ ቃላካ ዳንባን ጮ ሲሴና።

20 ሱሬ ፐርዳን ያኖ ዳማና ጋካናው፡ ዲንጩቲዳ ማቃ ሜንሴና፡ ጩዩያ ሙቃዳ ቶይሴና።

21 አይሁዳ ጊደና ዳሪይ ኡባይ ኢያን ኡፋይሲ ዎላና»

ያጊዳ ያፊዳይሲ ፖሊታና ሜላሳ።

ዩሱሳኔ ቢዔልዜቡላ (ማር 3:20-30፤ ሉቃ 11:14-23)

22 ሄሳፌ ጉዬ፡ ቱና አያናን ኦይኬቲዳ ቆቄኔ ሙሜ አሴ ዳዔይሳ ኢያኮ ኤሂደሶና። ዩሱሲ ኡራ ፓሊን፡ ኡራይ ቤዒሲኔ ኦዴቲስ።

23 አሳ ኡባይ ማላሌቲዳ፡ «ሃይሲ ዳዊቲ ናዓ ጊደንዳሻ?» ያጊደሶና።

24 ሺን ፋሪሳዊቲ ሃሳ ሲዒዳ፡ «ሃ ኡራይ ቱና አያናታ ኬሴይ ቱና አያናታ ሃላቃ ቢዔልዜቡላ ዎልቃና» ያጊደሶና።

11:21 ኢሳ 23:1-18፤ ሂዝ 26:1-28:26፤ ኢዩ 3:4-8፤ አዋ 1:9-10፤ ዛካ 9:2-4 11:23 ኢሳ 14:13 11:24 ማቶ 10:15፤ ሉቃ 10:12 11:27 ዮሃ 3:35፤ ዮሃ 1:18፤ 10:15 11:29 ኤር 6:16 12:1 ዛሬ 23:25 12:3 1ሳሙ 21:1-6 12:4 ሉዊ 24:9 12:5 ታይ 28:9-10 12:7 ማቶ 9:13፤ ሆሴ 6:6 12:11 ሉቃ 14:5 12:18 ኢሳ 42:1-4 12:24 ማቶ 9:34፤ 10:25

25 ዩሱሲ ከንታ ቆፋ ኤሪዲ፡ «ዋሊ ጊደን ሻኬቲያ ካዎቲላ ኡባይ ኩንዳና፤ ቃሲ ዋሊ ጊደን ሻኬቲያ ካታማይ ወይኮ ኬላይ ሚኒዲ ኤቁና።

26 ፃላሄይ ፃላሄ ኬሲያባ ጊዲኮ ባ ጊደን ሻኬቲስ ጉሱ። ሄሳላ ሃኒያባ ጊዲኮ ኢያ ካዎቲላይ ዋኒዲ ሚኒዲ ኤቃናው ዳንዳዒ?

27 ታኒ ቱና ኣያና ኬሴይ ቢዒልዜቡላ ዋልቃን ጊዲኮ ሂንቴና ካሊያ ኣሳቲ ኦዴ ዋልቃን ኬሳኔ? ሄሳ ጊሾ፡ ሂንቴና ካሊያ ኣሳቲ ሂንቴና ፐርዳና።

28 ሺን ታኒ ቱና ኣያናታ ኬሴይ ያሳ ኣያናን ጊዲኮ፡ ያሳ ካዎቲላይ ሂንቴኮ ዩሱ።

29 «ወይኮ ኢሲ ኣሲ ዋልቃማ ኣሳ ሶ ጌሊዲ ኢያ ሻሉዋ ቦንቃናው ኮይኮ ኮይሮቲዲ ሄ ኡራ ቃቾና ኢዳኮ ዋቲዲ ዳንዳዒ? ያቲኮ ኢያ ሻሉዋ ቦንቃናው ዳንዳዒ።

30 «ታራ ጊደናይ ኦኒካ ታራ ኤቁቲስ፤ ቃሲ ታራ ኢሲፊ ሺሾና ኡባይ ላሌስ።

31 ሄሳ ጊሾ፡ ሲዒቲ፤ ኣሳይ ኦሊያ ኣይ ናጋሪኔ ጫሻ ቃሊ ኡባይ ኣቶ ጌቲታና፡ ሺን ጌሻ ኣያና ጫያ ኦዴስካ ኢያ ናጋሪይ ኣቶ ጌቲቲና።

32 ኦኒካ ኣሳ ናባ ሶላ ኢታባ ኦዴቲኮ ኢያው ኣቶ ጌቲታና፡ ሺን ጌሻ ኣያና ሶላ ኢታባ ኦዴቲያ ኦዴስካ ሃ ሳባን ጊዲን ያና ኣላሚያን ኢያ ናጋሪይ ኣቶ ጌቲቲና።

33 «ሎዎ ሚላይ ሎዎ ኣይፊ ኣይፊስ፤ ቃሲ ኢታ ሚላይ ኢታ ኣይፊስ። ሂዛ፡ ሚላይ ኤሬቲይ ባ ኣይፊያና።

34 ሂንቴኖ፡ ሾሻ ናይቶ፡ ሂንቴ ኢታ ጊዲሾ ዋኒዲ ሎዎባ ኦዴታናው ዳንዳዒቲ? ኣሲ ባ ዋዛናን ኩሚዳባፐ ደናን ኦዴቲስ።

35 ሎዎ ኣሲ ባ ዋዛናን ዋሲዳ ሎዎባ፤ ሎዎባ ኬሴስ፤ ኢታ ኣሲ ባ ዋዛናን ዋሲዳ ኢታባ፤ ኢታባ ኬሴስ።

36 ሺን ሲዒቲ፡ ኣሳይ ኦዴቲያ ጮ ኦዳ ኡባስ ፐርዳ ኃላስ ዛሮ ኢማና።

37 ኣይስ ጊኮ፡ ኔ ኦዴቲያ ኔ ቃላን ዓላና፤ ኔ ኦዴቲያ ኔ ቃላይ ኔ ሶላ ፐርዳና» ያገሰ።

ማላታ ቤዓናው ሸቂዳ ኦይሻ (ማር 8:11-12፤ ሉቃ 11:29-32)

38 ሄሳፊ ጉዬ፡ ኢሲ ኢሲ ፋሪሳዊቲኔ ሂጌ ኣስታማሬቲ ዩሱሳኮ፡ «ኣስታማሪያው፡ ኔኒ ማላታ ኦላዳ ኩና ቤሳ» ያገደሶና።

39 ሺን ዩሱሲ ዛሪዲ፡ «ኣማኔቶናኔ ኢታ ዩሌቲላይ ማላታ ኮዩስ። ሺን ናቢያ ዮናሳ ማላታ፤ ሃራ ማላቲ ኢያው ኢማቴና።

40 ዮናሲ ጊታ ሞሎ ኡሎን ሄሹ ጋላሲኔ ሄሹ ቃማ ጋምዒይሳ ሚላ ኣሳ ናባይ ሄሹ ጋላሲኔ ሄሹ ቃማ ቢታ ጋርሳን ጋምዳና።

41 ናናዌ ኣሳይ ፐርዳ ኃላስ ዳንዲዲ ሃ ዩሌቲላ ሶላ ፐርዳና፤ ኣይስ ጊኮ፡ ኤንቲ ዮናሳ ሲብካቲያ ሲዒዲ ባንታ ናጋሪ፤ ሲሚደሶና። ሄኮ፡ ዮናሳ፤ ኣይሴሲ ሃይሳን ዳዒስ።

42 ፐርዳ ኃላስ ዳጌሃ ካዊያ ዳንዳዳ ሃ ዩሌቲላ ሶላ ፐርዳና፤ ኣይስ ጊኮ፡ ኢያ ሶሎሞኔ

ጨንጫቴላ ሲዓናው ቢታ ጋፃፕ ያሱ። ሄኮ፡ ሶሎሞኔ፤ ኣይሴይ ሃይሳን ዳዒስ።

43 «ቱና ኣያናይ ኣሳፕ ኬዩዳፕ ጉዬ ባው ሸምፕያሶ ኮዩዲ ሃሊ ባይና ሚላ ቤሳን ዳቡሬስ፡ ሺን ባ ኮያ ሸምፕዋ ዳሚና።

44 ያኒን፡ ታ ኣጋ ኬዩዳ ኬላ ሲማዳ ባና ያጌስ። ኢ ሲሚያ ዋዴ ኬላይ ካይሲ ጊዴይሳኔ ፐቲቲዲ ጊጊ ኡቲዳይሳ ዳሚስ።

45 ሂዛ፡ ሲሚ ቢዲ፡ ባፕ ኢቲያ ሃራ ላፑን ኢታ ኣያናታ ኤኪዲ ዩስ፤ ኤንቲካ ኡራ ጊዶ ጌሊዲ ዳዎሶና። ሄ ኡራስ ካሲይሳፊ ጉዩይሲ ዳር ኢቲስ። ሃ ኢታ ዩሌቲላ ሶላ ሄሳ ሚላ ሃናና» ያገሰ።

ዩሱሳ ኣዩወኔ ኢያ ኢሻታ (ማር 3:31-35፤ ሉቃ 8:19-21)

46 ዩሱሲ ዳሪያስ ኦዳ ሶላ ዳዒሺን ኢያ ኣያኔ ኢያ ኢሻቲ ኢያ ኦዲሳናው ኮዩዲ ካሬን ኤቁደሶና።

47 ኢሲ ኣሲ ኢያኮ፡ «ኔ ኣያኔ ኔ ኢሻቲ ኔና ኦዲሳናው ኮዩዲ ካሬን ኤቁደሶና» ያገሰ።

48 ዩሱሲ ዛሪዲ፡ «ታ ኣያ ኦኔ? ታ ኢሻቲካ ኦናንቴ?» ያገሰ።

49 ባ ኩሺያራ ታማሬታ ማሊሹ፡ «ቤዒቲ፡ ታ ኣያኔ ታ ኢሻቲ ሃይሳታ።

50 ሳሎን ዳዒያ ታ ኣዋ ሸኒያ ኦሊያ ኡባይ ታ ኢሻ፡ ታ ሚቾኔ ታ ኣዮ» ያገሰ።

13

ዜሬላ ዜሪያ ኡራ ለሚሶ (ማር 4:1-9፤ ሉቃ 8:4-8)

1 ሄ ጋላስ ዩሱሲ ሶፔ ኬዩዲ ኣባ ጋፃን ኡቲስ።

2 ዳሮ ዳሬይ ኢያ ዩሹዋን ሸቂን ኣሳ ኣባ ጋፃን ኣጋገዲ ዋጎሎን ጌሊዲ ኡቲስ።

3 ኣሳስ ዳሮባ ለሚሶን ያገዲ ኦዲስ፡ «ኢሲ ጎሻንቾይ ዜሬላ ዜራናው ኬዩስ።

4 ኢ ዜሪያ ዋዴ ኢሲ ኢሲ ዜሬላቲ ኦጌ ጋፃን ዋዲደሶና፤ ኤንታካ ካፎቲ ዩዲ ማፂ ሚደሶና።

5 ኢሲ ኢሲ ዜሬላቲ ጋርሳን ሻሎይ ዳዒያ ቢታ ሶላ ዋዲደሶና። ዳሮ ቢቲ ባይና ጊሾ ኤሌሲዲ ደሊስ።

6 ሺን ኣዋይ ኬዩን ሹሊስ፤ ፃጶይ ባይና ጊሾ ሚሊስ።

7 ኢሲ ኢሲ ዜሬላይ ኣጉንሳ ጊደን ዋዲስ፤ ኣጉንሳይ ዲጨዲ ሄ ደላ ጨሊስ።

8 ሃራቲ ቃሲ ኣራዳ ቢታ ሶላ ዋዲስ፤ ደሊዲ ኣይፊ ኣይፊስ። ኢሶይ ፃታ፡ ኢሶይ ኡሱፑን ታማ፡ ኢሶይ ቃሲ ሃስታማ ኣይፊስ።

9 ሲዒያ ሃይላ ዳዒያ ኡራይ ሲዎ» ያገሰ።

10 ዩሱሳ ታማሬቲ ኢያኮ ሸቂዲ፡ «ኣይስ ኔኒ ዳሪያስ ለሚሶን ኦዳይ?» ያገዲ ኦይቾደሶና።

11 ኢ ዛሪዲ፡ «ሂንቴው ሳሎ ካዎቲላ ጱራ ኤራይ ኢማቴስ፡ ሺን ኤንታው ኢማቴቤና።

12 ዴዲያ ኡባሰ ጉጉታና፡ ኢያው ዳራና፡ ሺን ባይናይሳፊ ሃሪ ኣቶሺን ኢያው ዴዲያራካ ኤኬታና።

13 ሃሳ ጊሾ፡ ታኒ ኤንቲ፡ ያሊሾ ዴሞና ማላ፡ ሲዲሾ ሲያና ማላ ዋይኮ ኣኬኮና ማላ ኤንታው ለሚሶን ኦዲይሰ።

14 «ኢሳያሲ ባ ማፃፋን ኦዲዲይሲ ኤንታ ቦላ ፖሌቲሰ። ኢ ኦዲሾ፡

«ሂንቲ ሲሳ ሲዲታ፡ ሺን ኣኬኬኬታ፤ ሂንቲ ያሌታ፡ ሺን ቤዔኬታ።

15 ኣይሰ ገኮ፡ ሃ ኣሳ ዋዛናይ ዜልዑሚሰ፤ ባንታ ሃይላ ኤሪሾ ቱሊሲደሶና፡

ባንታ ኣይፊያ ጎዚደሶና። ሃሲ ባይኔኮ ኤንቲ ባንታ ኣይፊያን ቤዒዲ፡

ባንታ ሃይላን ሲዲዲ፡ ባንታ ዋዛናን ኣኬኪዲ፡

ታኮ ሲማና፡ ታካ ኤንታ ፓላናሺን» ያገሰ።

16 «ሺን ሂንቲ ኣይፊቲ ቤዒያ ጊሾኔ ሂንቲ ሃይላቲ ሲዲያ ጊሾ ሂንቲ ኣንጃቲዳይሳታ።

17 ታ ሂንቲው ቱማ ኦዲይሰ፤ ዳሮ ናቤቲኔ ዲሎ ኣሳቲ ሂንቲ ቤዒይሳ ቤዒናዉኔ ሂንቲ ሲዲይሳ

ሲዒናው ኣሞቲደሶና፡ ሺን ኤንታው ሃኒቤና። 18 «ሂዛ፡ ሃ ዜሬላ ዜሪያ ኡራ ለሚሱዋ ሲዲቲ።

19 ኦጌ ጋፃን ዋዲዳ ዜሬላ ለሚሶይ ሃይሳ፡ ሳሎ ካዋቲላ ቃላ ሲዲዲ ኣኬኮና ኡራ ዋዛናፔ ፃላሃይ ዩዲ ኢያ ዋዛናን ዴዲያ ዜሬላ ማፃ ዲጌሰ።

20 ሻሎይ ጋርሳን ዴዲያ ቢታ ቦላ ዜሬቲዳይሲ ቃላ ሲዲዲ ኤሌሲዲ ኡፋይሳን ኤኬይሳታ።

21 ሺን ፃጶ ዩዳናው ዳንዳያና ጊሾ ዳሮ ጋምፖኮና። ቃላ ጋሶን ማቶይ ዋይኮ ጎዴቴላ ያ ዋዴ ኤሌሲ ቋቤቶሶና።

22 ኣጉንፋ ጋላን ዜሬቲዳይሲ ቃላ ሲዲሰ፡ ሺን ሃ ኣላሚያ ዲሳ ሂርጋይኔ ዲሬቲላ ቆፋይ ቃላ ጩሊያ ጊሾ ኣይፊ ኣይፎና ኣቴሰ።

23 ሺን ኣራዳ ቢታን ዜሬቲዳ ዜሬላይ ኣኬካን ቃላ ሲዲያ ኡራ። ኢ ኣይፊ ኣይፊሰ፤ ኢሶይ ያታ፡ ኢሶይ ኡሶቱን ታማ ኢሶይ ቃሲ ሃሰታማ ኣይፊሰ» ያገሰ።

24 ዩሱሲ ኤንታው ሃራ ለሚሶ ኦዲሰ፡ «ፆሳ ካዋቲላይ ባ ጎሻን ሎፖ ዜሬላ ዜሪዳ ኡራ ዳኔሰ።

25 ሺን ኣሲ ኡባይ ቋሰኪን ኢያ ሞርኬይ ዩዲ ገሰቲያ ገደን ሌሾ ዜሪዲ ቢሰ።

26 ገሰቲይ ዲጩዲ ኣይፊያ ዋዴ ሌሾይ ኢያ ገደን ቤንቲሰ።

27 «ጋዲያ ጎዳ ኣይሌቲ ጎዳኮ ቢዲ፡ ሳዳው፡ ኔ ጎሻን ኔ ሎፖ ዜሬላ ዜሪቢኪሾ? ያቴን፡ ሌሾይ ኣወፔ ዩዴ?» ያገደሶና።

28 «ኢ ኤንታኮ፡ «ሃሳ ሞርኬይ ኦሊሰ» ያገሰ። «ኣይሌቲ ጎዳኮ፡ ሳ ቢዲ ሌሾዋ ሾዳና ማላ ኮያይ?» ያገደሶና።

29 «ሺን ኢ፡ ሳቶ ቦቾሬቲ፤ ሂንቲ ሌሾዋ ሾዳይሰ ገሺን ገሰቲይ ሾዳታና።

30 ቦቾሬቲ፤ ጫካ ዋዴይ ጋካናው ኢሲፊ ዲጩ። ሄ ዋዴ ጫኪያ ኣሳታ ሌሾዋ ሲንሳቲዲ ማፃዲ ታማን ጱጋናው ሚርቁን ሚርቁን ቃቲቴ። ሺን ገሰቲያ ሺሺዲ ታ ሻሊያን ቆለቲ» ያጋና ያገሰ።

31 ቃሲ ሃራ ለሚሶ ያገዲ ኦዲሰ፤ «ሳሎ ካዋቲላይ ኢሲ ኣሲ ባ ጎሻን ባኪዳ ጉላ ሚሌ ኣይፊ ዳኔሰ።

32 ሄ ሚሌ ኣይፊይ ሃራ ሚላ ኣይፊታፔ ጉላ፡ ሺን ኢያ ደላ ዲጩዲ ሃራ ሚላታ ኡባፊ ኣቆ ገታታዉሰ። ኢ ታሺያን ካፎቲ ከዲዲ ኡታና ጋካናው ዋልቃማ ሚሊ ገዳዉሱ» ያገሰ።

33 ካሊዲካ፡ ዩሱሲ ሃራ ለሚሶ ኦዲሰ፤ «ሳሎ ካዋቲላይ ኢሲ ማጫሲ ሃቶ ጋባቲ ቋሌ ኤካ ሙኩቃዳ፡ ሙኩቃይ ዴንዳና ማላ ኢያን ጉጃዳ ኢርሾ ዳኔሰ» ያገሰ።

34 ዩሱሲ ዴሪያሰ ሄ ለሚሱዋ ኡባ ኦዲሰ። ለሚሶይ ባይና ኢሲባካ ኦዲቤና።

35 ናቤይ ባ ማፃፋን፡ «ታኒ ታ ደና፡ ለሚሶን ደያና፤ ሳሎይኔ ሳዒይ ማጭቶሳፔ፡ ገሚዳይሳ ኦዲይሰ» ያገዲ ኦዲዳይሲ ሃሳን ፖሌቲሰ።

36 ዩሱሲ ዴሪያ ሞይዚዲ ሶ ጌሊሰ። ኢያ ታማሬቲ ኢያኮ ሸቁዲ፡ «ጎሻን ዴዲያ ሌሾዋ ቢርሼላ ኦሰ ኦዲ» ያገደሶና።

37 ኢ ዛሪዲ፡ «ሎፖ ዜሬላ ዜሪዳይ ኣሳ ናዒ። 38 ጎሻይ ሃ ኣላሚያ። ሎፖ ዜሬላይ ሳሎ ካዋቲላ ናይታ። ሌሾይ ፃላሃ ናይታ።

39 ሌሾዋ ዜሪዳይ ሞርኪያ ፃላሃ። ጫካ ዋዴይ፡ ዋዲያ ወርሴላ። ጫኬይሳቲ ኪታንቾታ። 40 «ሌሾይ ማፃቲዲ ታማን ጱጌቲይሳ ሚላ ዋዲያ ወርሴላን ሃሳዳ ሃናና።

41 ኣሳ ናዒይ ባ ኪታንቾታ ኪታና። ኤንቲ ናጋራሰ ጋሶ ገዳይሳታኔ ኢታ ኦሊያ ኡባ ማፃዲ ኢያ ካዋቲላፊ ከሳና።

42 ማፃ ሺሺዲ ዩሆይኔ ኣቻ ጋርጩላ ዴዲያ ቶፖና ታማን ዩጋና።

43 ሄ ዋዴ ዲሎቲ ባንታ ኣዋ ካዋቲላን ኣዋዳ ፖናና። ሲዲያ ሃይላ ዴዒይ ሲያ!

44 «ፆሳ ካዋቲላይ ጎሻን ሞጌቲዳ ሚሾ ዳኔሰ። ኢሲ ኣሲ ሄ ሚሺያ ዴሚዲ ዛሪ ሞገሰ። ዳሮ ኡፋይቲዲ ቢዲ ባው ዴዲያባ ኡባ ባይዚዲ ሄ ጎሻ ጋዲያ ሻሚሰ።

45 «ሃሳዳካ፡ ቃሲ ሳሎ ካዋቲላይ ኢንቆ ጊያ ኣልፖ ሹቻታ ኮያ ዛልዓንቾ ዳኔሰ።

46 ዳሮ ኣልፖ ኢንቁዋ ዴሚዲ ቢዲ ባው ዴዲያባ ኡባ ባይዚዲ ኢያ ሻሚሰ።

47 ሞሎ ኦይኪያ ገቲ ለሚሶ

47 «ቃሲ ያሳ ካዎቱላይ አባን ዩጌቲዳ ዲማ ዲማ ቆሞ ሞሎ ኦይኪያ ገቲያ ዳኔሰ።

48 ሞሎ ኦይኪያ አሳቲ ሞሎይ ገቲያን ኩሚን አባፌ ጋፃ ኬሲደሶና። ያን ኡቲዲ ሎዑዋ ቆሪ ቆሪ ዳቸን ዩጌደሶና። ሺን ኢታ ሞሎታ ዎራ ሆሊደሶና።

49 ዎዲያ ወርሴላን ሄሳላ ሃናና። ኪታንቸቲ ዩዲ ናጋራንቸታ ጂሎታፔ ቫኪዲ።

50 ዩሆይኔ አቻ ጋርጩላ ዳዒያ ቶዖና ታማን ዩጋና።

51 «ሃ ኡባይ ሂንቴው ጌሊዳ?» ያጊዲ ኤንታ ኦይቸሰ።

ኤንቲ ዛሪዲ። «ኤ» ያጊደሶና።
52 ዩሱሲ። «ሂዛ፣ ሳሎ ካዎቱላ ኤራ ኤኪዲ ሂጊያ ታማርሲያ ኡባይ፣ ባ ሚንጂዳ ቫሎዋፔ ኦራላኔ ጋልፃ ኬሲያ አሴ ዳኔሰ» ያጊሰ።

ዩሱሲ ናዚሬቲን ኢጻቲሰ
(ማር 6:1-6፤ ሉቃ 4:16-30)

53 ዩሱሲ ሃ ለሚሱዋ ኦዲ ወርሲዳፔ ጉዬ ያፔ ዳንዲዲ ቢሰ።

54 ባ ዩሎቲዳ ቢታ ቢዲ አይሁዳ ዎሳ ኬላን ዳሪያ ታማርሲሰ። ኤንቲ ማላሌቲዲ። «ሃ ኡራይ ሃ ጨንጫቱላኔ ሃ ማላታታ ኦሊያ ዎልቃ አወፔ ኤኪዳ?»

55 ሃይሲ አናጂያ ናባ ጌዴኔዬ? ኢያ አዬ ሱንላይ ማይራዎ ጌዴኔ? ኢያ አቫቲ ያይቆባ፣ ዮሴፋ፣ ሲሞናኔ ዩሁዳ ጌደኮናዬ?

56 ኢያ ሚቹቲ ኦራ ዳዖሶና ጌደኮና? ያቲን፣ ሃ ኡራይ ሃ ኡባ አወፔ ኤኪዳ?» ያጊደሶና።

57 ሄሳ ጊሾ፣ ኢ ጊያባ ኤኮና ኢጂደሶና።
ሺን ዩሱሲ። «ናቤይ ባ ዩሎቲዳ ቢታኒኔ ባ ሶ አሳ ማታን ቦንቹቲና» ያጊሰ።

58 ኤንቲ አማናና ኢጂዳ ጊሾ ዳር ማላታታ ሄ ቤሳን ኦሊቤና።

14

ፃማቂያ ዮሃንሳ ሃይቁዎ
(ማር 6:14-29፤ ሉቃ 9:7-9)

1 ሄ ዎዴ ጋሊላ አይሲያ ሄርዲሲ * ዩሱሳባ ሲዲሰ።

2 ባ አይሌታኮ፣ «ሃይሲ ፃማቂያ ዮሃንሳ፤ ኢ ሃይቆፔ ዳንዲሰ። ያኒዳ ጊሾ ሃ ኡባ ማላታታ ኢ ኦሌሰ» ያጊሰ።

3 ኢ ሄሳ ጌዲይ ሄርዲሲ ባ አቫ ፊልጶሳ ማቹ ሄርዲያዲ ጋሶን ዮሃንሳ ቃሾ ኬላ ጌልሲዳ ጊሾሳ።

4 ዮሃንሲ ሄርዲሳ፣ «ኔ ኢዮ ኤካናው ዎጋ ጌዴና» ያጊሰ።

5 ሄርዲሲ ዮሃንሳ ዎጻናው ኮዩሰ፣ ሺን ዳሬይ ዮሃንሳ ናቤ ኦሊዲ ቤዒያ ጊሾ ያሸቲሰ።

6 ሄርዲሲ ባ ዩሎቲዳ ጋላሳ ቦንቹያ ዎዴ ሄርዲያዳ ናዒያ አሳ ሲንላን ዩላን ዴራዳ ኢያ ኡፋይሳሰ።

7 ያቲን፣ ኢ፣ «ኢያ ኮያባ ኡባ አማና ጌዲ» ጨቂሰ።

8 ናዒያ ባ አዬ ዘሪያ ሲዳዳ ሄርዲሳኮ፣ «ፃማቂያ ዮሃንሳ ሁዒያ ኬሬን ዎላዳ ታው ኢማ» ያጋሰ።

9 ኢያ ያጊን ካዎይ ቂርቲሰ፣ ሺን ባ ጫቁዎ ጊሾኔ ባራ ዳዒያ አማላታ ጊሾ ጌዲ ኢ ኦይቫይ ፖሌታና ሜላ ኪቲሰ።

10 ካዎይ አሴ ኪቲዲ ዮሃንሲ ቃሾ ኬላን ዳዒሺን ኢያ ቆጂያ ገይሪሲሰ።

11 ሁዒያ ኬሬን ዎላ ኤሂዲ ናዒሰ አሚደሶና፤ ናዒያካ ኤካዳ ባ አዩሰ ኤፋሰ።

12 ዮሃንሳ ታማሬቲ ዩዲ ኢያ አሃ ኤፊዲ ሞጊደሶና። ኢያፔ ጉዬ ሃኒዳባ ኡባ ቢዲ ዩሱሳሰ ኦዲደሶና።

ዩሱሲ ኢቻሹ ሙኩሉ አሳ ሙዚሰ
(ማር 6:30-44፤ ሉቃ 9:10-17፤ ዮሃ 6:1-14)

13 ዩሱሲ ሃኒዳባ ሲዳዳ ዎዴ ዎሳሎዎን ጌሊዲ ሄ ቤሳፌ ኢሲ ጌሚያ ሶ ባርካ ቢሰ። አሳይ ሄሳ ሲዳዳ ካታማታፔ ዳንዲዲ ቶሆን ኢያ ካሊደሶና።

14 ዩሱሲ ዎሳሎዎፔ ዎጂዲ ዳር አሳ ቤዒዲ ኤንታው ቃጂቲሰ። ኤንታ ጌደን ዳዒያ ሃርጋንቸታ ፓላሰ።

15 ሳባይ ኦማርሲሽ ቢያ ዎዴ ዩሱሳ ታማሬቲ ኢያኮ ሸቂዲ፣ «ሃ ቤሳይ አሲ ባይና ቤሰ፣ ሳባይካ ቃሚሰ። ያኒያ ጊሾ፣ ሄራን ዳዒያ ጉታታ ቢዲ ባንታው ሻሚዲ ማና ሜላ ዳሪያ ዩዳ» ያጊደሶና።

16 ሺን ዩሱሲ ኤንታኮ፣ «ዳሬይ ዎና ባናው ኮሽና፤ ኤንቲ ማናባ ሂንቴ አሚቲ» ያጊሰ።

17 ኤንቲ ዛሪዲ፣ «ኦሰ ሃይሳን ኢቻሹ ኡይላፌኔ ናምዑ ሞሎፔ ሃሪ ባዎ» ያጊደሶና።

18 ኢካ፣ «አኔ ኤንታ ሃ ኤሂቴ» ያጊሰ።

19 ካሊዲካ፣ ዳሬይ ማታን ኡታና ሜላ ኦዲሰ። ኢቻሹ ኡይላኔ ናምዑ ሞሎታ ኤኪዲ፣ ሳሎ ጃሊዲ ጋላቲ ሲሚዲ፣ ኡይላ ሜንሊዲ ባ ታማሬታሰ አሚሰ፤ ኤንቲ ቃሲ ዳሪያሰ አሚደሶና።
20 ኡባይ ሚዲ ካሊደሶና። ዩሱሳ ታማሬቲ ሚሺን አቲዳይሳ ታማኔ ናምዑ ጋይታ ዳንሊደሶና።

21 ካላ ሚዳ አሳይ ማጫሳይኔ ናይቲ አቲን ኢቻሹ ሙኩሉ ጌዴሰ።

ዩሱሲ አባ ቦላራ ሃሙቲሰ
(ማር 6:45-52፤ ዮሃ 6:15-21)

22 ዩሱሲ ባ ታማሬቲ ዎሳሎዎን ጌሊዲ ባፔ ሲንላቲዲ አባፌ ሄ ፊንላ ፐናና ሜላ ኪቲዲ ባው ዳሪያ ሞይዛናው ጉዬ አቲሰ።

23 ዳሪያ ሞይዚ ሲሚዲ ባርካ ዎሳናው ኢሲ ዳሪያ ቦላ ኬዩሰ። ሳባይ ቃሚንካ ኢ ባርካ ያን ጋምዲሰ።

24 ሄ ዎዴ ዎሳሎይ አባ ቦላ ቢሺን ሲንላ ባጋራ ጫርኮይ ዳንዲን ሆቤይ ዎሳሎዎ ኤንጫሊሰ።

25 ዎንቲማላ ቦላ ዩሱሲ አባ ቦላ ሃሙቲሽ ባ ታማሬታኮ ዩሰ።

13:57 ዮሃ 4:43 * 14:1 ሄርዲሲ፣ ሃይሲ ካወዋ ሄርዲሲ አንቲጳሳ፣ ኢ ዩሁዳኔ ፔሪያ ኪሪሰቶሲ ዩሌታናፔ ሲንሌ 4-39 ሞ.ል. ጋካናው ሃሪሰ። ኢ ካወዋ ሄርዲሳሰ ናና። 14:4 ሉቃ 3:19-20፤ ሉዌ 18:16፤ 20:21

26 ኢያ ታማራቲ፣ ኢ ኣባ ቦላ ሃሙቲሽ ባንታኮ ዩይሳ ቤዒዲ ያዩደሶና። ኤንቲካ፣ «ሃይሲ ሞይቲሉ» ገዲ ያዩዲ ዋሲደሶና።

27 ሺን ዩሱሲ ኤሌሲዲ፣ «አይኮይ ባዋ! ያዮፊቲ! ታናባይ» ያገሰ።

28 ጳዊሮሲ ኢያኮ፣ «ጎዳው፣ ኔና ገዲኮ፣ ታኒ ሃላ ቦላራ ሃሙታዳ ኔኮ ባና ማላ ታና ኪታ» ያገሰ።

29 ዩሱሲ ጳዊሮሳኮ፣ «ሃያ» ያገሰ። ጳዊሮሲ ዋጎሎዋፔ ዋዲዲ ሃላ ቦላራ ሃሙቲሽ ዩሱሳኮ ቡሱ ኣይኪሰ።

30 ሺን ዋልቃማ ጫርኩዋ ቤዒዲ ያዩሲ። ሃላን ማቲቲሉ ኣይኪዳ ዋዴ «ጎዳው፣ ታና ኣሻርኪ» ያገሰ።

31 ዩሱሲ ኤሌሲዲ ባ ኩሺያ ዩዲ ኢያ ኣይኪዲ፣ «ኔኖ፣ ኣማኖይ ፓጪዲይሶ ኣይሰ ሲዳይ» ያገሰ።

32 ዩሱሳራኔ ጳዊሮሳራ ዋጎሎዋን ገሊዳ ዋዴ ጫርኩይ ሲዒ ገሰ።

33 ዋጎሎዋ ገደን ዳዒያ ኢያ ታማራቲ፣ «ኔኒ ቱማካ ያሳ ናዓ» ገዲ ጎይኒደሶና።

34 ኤንቲ ኣባ ፒኒዲ ፔንሳሬዪ ቢታ ጋኪደሶና።

35 ሄ ቢታን ዳዒያ ኣሳይ ዩሱሳ ኤሪዳ ዋዴ ባንታ ሄራን ዳዒያ ጉታ ኡባ ኪታ ዩዲደሶና። ኣሳይ ሃርጋንቸታ ኡባ ኢያኮ ኤሂደሶና።

36 ሃርጋንቸቲ ኢያ ኣፊላ ማጫራ ዓላላ ቦቻና ማላ ዋሲደሶና። ቦቸዳ ኡባይካ ፓዲደሶና።

15

አዋታ ዋጋባ (ማር 7:1-13)

1 ሃሳፊ ጉዬ፣ ኢሲ ኢሲ ፋሪሳዊቲኔ ሂኔ ኣስታማራቲ ዩራሳላማፔ ዩሱሳኮ ዩዲ፣

2 «ኔ ታማራቲ ኣይሰ ኑ አዋታ ዋጋ ማንሉና? ኤንቲ ካሉ ማናፔ ሲንሉ ባንታ ኩሺያ ማጫቶኮና» ያገሰ። ኣይቸደሶና።

3 ዩሱሲ ዛሪዲ፣ «ሂንቲ፣ ሂንቲ ዋጋ ገሾ ያሳ ኪታ ፖሌይሳ ኣይሰ ኢጻቲ?»

4 ኣይሰ ገኮ፣ ያሳይ፣ «ኔ አዋኔ ኔ ኣዩው ቦንቻ። ኢ ባ አዋ ዋይኮ ባ ኣዩው ጫዬይሲ ሃይቆ ገቤኔ?» ያገሰ።

5 ሺን ሂንቲ፣ ኢሲ ኣሲ ባ አዋ ዋይኮ ባ ኣዩው ማዳናባይ ዳዒሺን፣ «ሃይሳ ታ ያሳሰ ያርሻሰ ገኮ፣

6 ባ አዋ ዋይኮ ባ ኣዩው ቦንቻናው ቤሴና ያገታ። ያቲዲ ሂንቲ፣ ሂንቲ ዋጋ ፖላናው ያሳ ቃላ ማንሉታ።

7 ሂንቲኖ፣ ጩቦቶ፣ ኢሳያሲ ሂንቲባ ሊኬ ኣዲሰ፣

8 « ሃ ኣሳይ ታና ባንታ ደናን ቦንቻሰ። ሺን ኤንታ ዋዛናይ ታፔ ሃሆን ዳዒሰ።

9 ኣሳይ ታና ጮ ጎይኖሶና፣ ኤንቲ ኣሲ ማዲዳ ኪታ ያሳ ሂኔ ዳኒሲዲ ታማርሶሶና ገሰ» ያገሰ።

ኣሴ ቱኒሲያባታ (ማር 7:14-23)

10 ዩሱሲ ዳር ኣሳ ባኮ ያገሰ። «ሲዒቲ! ኣኬኪቲ!

11 ኣሴ ቱኒሲያባይ ደናራ ገሊያባ ገደናሺን ደናፔ ኬያባ» ያገሰ።

12 ሃሳፊ ጉዬ፣ ዩሱሳ ታማራቲ ኢያኮ ዩዲ፣ «ፋሪሳዊቲ ኔኒ ገዲይሳ ሲዒዲ ጳቤቲዲይሳ ኣኬካይ?» ያገሰ።

13 ሺን ዩሱሲ ኤንታው ዛሪዲ፣ «ሳሎዋን ዳዒያ ታ ኣዋይ ቶኪቦና ማላይ ኡባይ ሾዴታና።

14 ኤንታባ ሂርሳፊቲ፣ ኤንቲ ቆቄ ካሌሊያ ቆቄታ። ቆቄይ ቆቄ ካሌሊኮ፣ ናምዒካ ኣላን ኩንዳና» ያገሰ።

15 ጳዊሮሲ ዛሪዲ፣ «ሃ ለማሎዋ ቢርሽላ ኑሰ ኦዳርኪ» ያገሰ።

16 ዩሱሲ ኤንታኮ፣ «ሂንቲዉካ ሃዒ ጋካናው ገሊቤኔ?»

17 ደናራ ገሊያባ ኡባይ ኡሎ ገሊዲ ካሪ ኬዬይሳ ኤሬኬቲ?»

18 ሺን ደናራ ኬያባይ ዋዛናፔ ኬዬሰ። ኣሴ ቱኒሲያባቲ ሃሳታ።

19 ኤንቲካ ኣሳ ዋዛና ገደፊ ኬያ ኢታ ቆፋ፣ ዋዶ፣ ላይማቲሉ፣ ኢታ ኦሶ፣ ካይሶ፣ ዋርዶ ማርካቲሉ፣ ጫሼ።

20 ሃሳ ዳኒያባቲ ኣሴ ቱኒሲሲፔ ኣቲን ማጫቶና ኩሼራ ማይሲ ቱኒሲና» ያገሰ።

ኢሲ ማጫሴ አማኑዋ (ማር 7:24-30)

21 ሃሳፊ ጉዬ፣ ዩሱሲ ያፔ ኬዩዲ ዲሮሳኔ ሲደና ካታማቲ ዳዒያ ቢታ ቢሰ።

22 ኢሲ ካናኔ ቢታ ማጫሴ ዩሱሳኮ ያዳ፣ ባ ቃላ ቶቄ ኣላዳ፣ «ጎዳው፣ ዳዊቲ ናዓው፣ ታው ቃዴታርኪ፣ ታ ናዒው ቱና ኣያናይ ኣይኪዲ ኢታ ዋይሴሰ» ያገሰ።

23 ሺን ዩሱሲ ኢሲ ቃላካ ዛርና ሲዒ ገሰ። ዩሱሳ ታማራቲ ኢያኮ ዩዲ፣ «ሃ ማጫሴያ ኑ ገደ ካላ ካላዳ፣ ዋሳዉሱ። ሃሳ ገሾ፣ ኔኒ ኢዮ ሞይዛርኪ» ያገሰ።

24 ዩሱሲ ዛሪዲ፣ «ታኒ ዉዴፔ ጳዩዳ ደርሳዳ ኢሰራዔሌ ኬላፊ ጳዩዳ ኣሳታ ያላላሰ ኪቲታሰ» ያገሰ።

25 ሺን ኢያ፣ ኢያ ሲንላን ኩንዳዳ፣ «ጎዳው፣ ታና ማዳርኪ?» ያገሰ።

26 ኢ ዛሪዲ፣ «ናይታ ካሉ ኤኪዲ ካናታሰ ዩገይሲ ሎጾ ገደና» ያገሰ።

27 ማጫሴያካ፣ «ጎዳው፣ ሄሲ ቱማ፣ ሺን ሃሪ ኣቶሺን ካናቲ ባንታ ጎዳቲ ማሺን፣ ጋይታፔ ዋዲያ ቲፊያ ሞሶና» ያገሰ።

28 ዩሱሲ ዛሪዲ፣ «ሃ ማጫሴቲ፣ ኔ ኣማኖይ ገታ፣ ኔ ኩዩዲይሳዳ ኔው ሃና» ያገሰ። ኢ ናዒያ ኢራካ ፓጻ ኣጋሱ።

ዩሱሲ ዳር ሃርጋንቸታ ፓሊሰ

29 ዩሱሲ ያፔ ዳንዲዲ ጋሊላ ኣባ ማቲ ቢሰ። ኢሲ ዳሪ ቦላ ኬዩዲ፣ ያን ኡቲሰ።

30 ዳር ኣሳይ ባንታራ፣ ዋቤታ፣ ቆቄታ፣ ኩናታ፣ ደና ሙሜታኔ፣ ሃራ ዳር ሃርጋንቸታ ኤኪዲ፣ ኢያኮ ኤሂዲ ኢያ ሲንላን ዋሊደሶና። ዩሱሲ ኤንታና ፓሊሰ።

31 ሄሳ ጊሾ፡ ሙሚቲ ኦዴቲሽን፡ ኩናቲ ፒዲ ጊሽን፡ ዋቤቲ ሃሙቲሽን፡ ቆቁቲ ያሊሽን ኣሳይ ቤዒዲ ማላሊቲዲ፡ ኢስራዔል ያሳ ጋላቲዲሶና።

ዩሱሲ ኦይዲ ሙኩሉ ኣሳ ሙዚሰ (ማር 8:1-10)

32 ዩሱሲ ባ ታማሬታ ባኮ ጭጊዲ፡ «ሃ ደር ኣሳይ ታራ ሄቩ ጋላሰ ጋምዒዲ ጊሾኔ ኤንታው ሃዒ ሚያባይ ባይና ጊሾ ታኒ ኤንታው ቃዲታይሰ፡ ኤንቲ ኦጌን ዲቡሪዲ ኩንደና ማላ ኣይኮ ሙዞና ኤንታ ማላ ዩዲናው ኮዩኬ» ያጊሰ።

33 ኢያ ታማሬቲ ዛሪዲ፡ «ኦኒ ሃ ባዙዋን ሃይሳ ከና ኣሳሰ ጊዲያ ካሌ ኣዉፔ ዳማኔ?» ያጊደሶና።

34 ዩሱሲ ኤንታኮ፡ «ሂንቲው ኣፑን ኡይሌ ዳዒ?» ያጊዲ ኦይቲሰ።

ኤንቲ ዛሪዲ፡ «ላፑን ኡይሌኔ ላፋ ሞሎታፔ ጉሌ ዳዒሰ» ያጊደሶና።

35 ዩሱሲ ዳሪያ ሳዒን ኡቲቲ ያጊዲ ከቲሰ።

36 ሄሳፊ ጉዩ፡ ሄ ላፑን ኡይላኔ ሞሎዋ ኤኪዲ ያሳ ጋላቲሰ። ሚንሌዲ ባ ታማሬታሰ ኢሚሰ። ኢያ ታማሬቲ ኣሳሰ ጊሾደሶና።

37 ኣሳይ ኡባይ ሚዲ ካሊደሶና። ኢያ ታማሬቲ፡ ሚሽን ኣቲዳ ቲፊያ ላፑን ጊታ ጋይታ ኩሚሌ ዳንሌደሶና።

38 ሚዳ ኣሳይ ማጨሲኔ ናዓ ፓይደና ኣዴ ያላሊ ኦይዲ ሙኩሉ።

39 ዩሱሲ ዳሪያ ዩዲዳፔ ጉዩ ዋሳሉዋን ጌሊዲ ማጌደና ጊያ ቢታ ቢሰ።

16

ሳሎፔ ማላ ቤዓናው ኦይቲዳ ኦይሻ (ማር 8:11-13፤ ሉቃ 12:54-56)

1 ፋሪሳዊቲኔ ሳዲቃዊቲ ዩሱሳኮ ዩደሶና። ኢያ ፓጫናው ኮዩዲ፡ ባንታና ሳሎፔ ማላታ ቤሶ ጊዲ ኦይቲደሶና።

2 ሺን ኢ ኤንታኮ፡ «ሳዒ ኦማርሲያ ዋዴ ሳሎፔ ዘዒዲ ጊሾ ዋንቶ ቦቃላና» ያጌታ።

3 ዋንቲያ ዋዴ፡ ሳሎፔ ዘዒዲ ሻራቲዳ ጊሾ ኢራይ ቡካና» ያጌታ። ያቲን ሂንቲ ሳሎ ማላ ቤዒዲ ኤሬታ፡ ሺን ዋዲያ ማላ ኤራናው ዳንዲቤኬታ።

4 ኢታኔ ኣማኖና ዩሌቴላይ ማላታ ኮዩሰ። ሺን ኢያው ዮናሳ ማላታፔ ሃራ ማላቲ ኢሚቲና» ያጊሰ። ሄሳፊ ጉዩ፡ ኤንታና ያን ኣጊዲ ሃራ ሶ ቢሰ።

ፋሪሳዊታኔ ሳዲቃዊታ ኢርሹዋ (ማር 8:14-21)

5 ኤንቲ ኣባፊ ሄፊንሌ ፒኒዳ ዋዴ ዳቦ ኤኪዲ ያናይሳ ደጊደሶና።

6 ዩሱሲ ኤንታኮ፡ «ፋሪሳዊታፔኔ ሳዲቃዊታ ኢርሹዋፊ ናጌቲቲ» ያጊሰ።

7 ኤንቲካ ባንታ ጋርሳን፡ «ኢ ሄሳ ጊዳይ ኑ ዳቦ ኤኪዲ ዮና ጊሾሳ ጊዳና» ያጊደሶና።

8 ዩሱሲ ኤንታ ቆፋ ኤሪዲ፡ «ሂንቲኖ፡ ኣማኖይ ፓጫደይሳቶ! ዳቦ ኤኮና ዩዲ ጊሾ ዋሊ ጊደን ኣይሰ ኦይቲቲ?»

9 ሃዒካ ሂንቲ ኣኬኬቲ? ኢቻሹ ሙኩሉ ኣሳሰ ኢቻሹ ኡይላ ጊሾዳይሳኔ ኤንቲ ሚዲ ካለን ሂንቲ ኣፑን ጋይታ ኩሚሌ ዳንሌዳኮ ደጊደቲ?»

10 ሄሳዳካ፡ ላፑን ኡይላ ኦይዲ ሙኩሉ ኣሳሰ ጊሾዳይሳኔ ኤንቲ ሚዲ ካለን፡ ሂንቲ ኣፑን ጊታ ጋይታ ኩሚሌ ዳንሌዳኮ ኣኬኬኬቲ?»

11 ሂዛ፡ ታኒ ፋሪሳዊታኔ ሳዲቃዊታ ኢርሹዋፊ ናጌቲቲ ጋዳ ኦይሰ ዳቦባ ጊደናይሳ ኣኬኬኬቲ?» ያጊሰ።

12 ያቲን፡ ኢያ ታማሬቲ ዩሱሲ ኦይይ ሙኩቃ ዳንሳናው ዩጌቲያ ኢርሹባ ጊደናሽን ፋሪሳዊታኔ ሳዲቃዊታ ቲሚርቲያፊ ናጌታናይሳ ጊዳይሳ ኣኬኪደሶና።

ጳጳርሲ ዩሱሳባ ኦዲሰ

(ማር 8:27-30፤ ሉቃ 9:18-21)

13 ዩሱሲ ቁሳሪያ ፊልጶሳ ቢታ ጋኪዳ ዋዴ ባ ታማሬታኮ፡ «ኣሳይ፡ ኣሳ ናዓ ኦና ጎና?» ያጊዲ ኦይቲሰ።

14 ኤንቲካ፡ «ኢሶቲ ኢሶቲ ዓማቂያ ዮሃንሳ፡ ሃራቲ ኤሊያሳ ቃሲ ሃንኮቲ ኤርሚያሳ ዋይኮ ናቤታፔ ኢሱዋ ጎሶና» ያጊደሶና።

15 ዩሱሲ ዛሪዲ፡ «ያቲን፡ ሂንቲ ታና ኦና ጌቲ» ጊዲ ኤንታ ኦይቲሰ።

16 ሲሞና ጳጳርሲ ዛሪዲ፡ «ኦኒ ኪሪሰቶሳ፡ ዳዖ ያሳ ናዓ» ያጊሰ።

17 ዩሱሲ ጳጳርሳኮ፡ «ዮና ናዓ ሲሞና፡ ኦኒ ኣንጃቲዳይሳ! ሃይሳ ኔው ቆንጨሲዳይ ሳሉዋን ዳዒያ ታ ኣዋፔ ኣቲን ኣሴ ጊዳና።

18 ታ ኔው ኦዲይሰ ጳጳርሳ፡ ኦኒ ዛላ! ታኒ ሃ ዛላ ቦላ ታ ዋሳ ኬላ ኬፃና። ሃይቆ ዋልቃቲካ ኢዮ ያኖኮና።

19 ሳሎ ካዋቴላ ቁልፔታ ታ ኔው ኢማና። ሳዒን ኦኒ ዲጊያባይ ኡባይ ሳሎን ያሳ ማታን ዲጌቲዳባ ጊዳና። ሳዒን ኦኒ ሃኖ ጊያባይ ኡባይ ሳሎን ያሳ ማታን ሃኒዳባ ጊዳና» ያጊሰ።

20 ሄሳፊ ጉዩ፡ ኢ፡ ኪሪሰቶሳ ጊዳይሳ ኦይሰካ ኦደና ማላ ባ ታማሬታ ሚንሌዲ ከቲሰ።

ዩሱሲ ባና ጋካና ዋያ ኦዲሰ

21 ሄ ዋዲያፔ ደሚዲ ዩሱሲ ባ ታማሬታሰ፡ «ታኒ ዩሩሳላሚ ባናው ቤሴሰ። ያን ዳሪያ ጨማታን፡ ካሂኔ ሃላቃታኔ ሃጌ ኣስታማሬታ ኩሼን ዋዩ ኤካናው ቤሴሰ። ኤንቲ ታና ዋዳና፡ ሺን ታኒ ሄቫንሶ ጋላሰ ሃይቆፔ ዳንዳና» ያጊዲ ቆንጨሲሰ።

22 ጳጳርሲ ዩሱሳ ጋፃ ኬሲዲ፡ «ጎዳው፡ ሄሲ ሃኔና! ሄሳ ሚላባይ ኔና ኡባራካ ጋኮፎ!» ያጊዲ ሃንቁቲሰ።

23 ዩሱሲ ጳጳርሳኮ ጉዩ ሲሚዲ፡ «ሃ ያላሂያው፡ ታፔ ሃካ! ኦኒ ኣሳ ቆፋ ቆፓሳፔ ኣቲን ያሳ ቆፋ ቆፖና ጊሾ ታው ቆቤ ጊዳሳ» ያጊሰ።

16:1 ማቶ 12:38፤ ሉቃ 11:16 16:4 ማቶ 12:39፤ ሉቃ 11:29 16:6 ሉቃ 12:1 16:9 ማቶ 14:17 16:10 ማቶ 15:34 16:14 ማቶ 14:1 16:16 ዮሃ 6:68 16:19 ማቶ 18:18፤ ዮሃ 20:23 16:24 ማቶ 10:38፤ ሉቃ 14:27

24 ሄሳፌ ጉዬ፣ ዩሱሲ ባ ታማሪታኮ፣ «ኦኒካ ታና ካላናው ኮያባ ገዲኮ ባና ካዶ፣ ባ ማሰቃሊያ ቶኪዲ ታና ካሎ።

25 ባ ደዑዋ አሻናው ኮያ ኡባይ ቆይሴሰ። ሺን ባ ደዑዋ ታ ገሾ ገዲ ኣሉ ኢሜይሲ አሾሰ።

26 እሲ አላሜ ኩሜላ ባባ ኣሉዲ፣ ገደሺን ባ ሾምቸዋ ቆይሴኮ ኢያ ኣይ ማዲ? ዋይኮ ኣሲ ባ ሾምቸዋ ላሜ ኣይ አማናው ዳንዳዊ?

27 አሳ ናዓይ ባ አዋ ቦንቸዋን ባ ኪታንቸታራ ያና። ሄ ዋዴ ኢሲ ኢሲ ኡራሰ ኢያ ኦሱዋዳ አማና።

28 ታ ቱማ ኦዳይሰ፤ አሳ ናዓይ ካዋ ገዲዲ ሲሜይሳ ቤዓና ጋካናው ሃይሳን ኤቁዳ አሳፕ ሃይቆናይሳቲ ዳዎሶና» ያገሰ።

17

ዩሱሳ ማላይ ላሜቲሰ (ማር 9:2-13፤ ሉቃ 9:28-36)

1 ኡሱቸን ጋላሳፕ ጉዬ ዩሱሲ፣ ጳዊርሳ፣ ያይቆባኔ ኢያ እሻ ዮሃኒሳ ባራ ኤኪዲ ባንታርካ ገዲናው ዳሪያ ቦላ ኬዩሰ።

2 ያን ኤንታ ሰንላን ዩሱሳ ማላይ ኩሜላ ላሜቲሰ፤ ኢያ ሶምዖይካ አዋዳ ያልቁሰ። ኢያ ማዖይካ ዳር ቦዲሰ።

3 ሄኮ፣ ሙሴይኔ ኤሊያሲ ኢያራ ኦዳቲሺን ቤዒደሶና።

4 ጳዊርሲ ዩሱሳኮ፣ «ኦኒ ሃይሳ ሃሹ ዩዳ። ኔ ኮይኮ ኢሲኖ ኔው፣ ኢሲኖ ሙሴሰ፣ ኢሲኖ ኤሊያሳሰ ሃይሳን ሄሹ ሻቃራ ሻቃራና» ያገሰ።

5 ጳዊርሲ ሄሳ ቡር ኦዲሺን ቦላ ሻራይ ኤንታና ካሚሰ። ሻራ ገደራ፣ «ታና ኡፋይሲያ፣ ታ ደሲያ ናዓይ ሃይሳ፣ ኢያ ሲዒቲ!» ያገሰ ቃላይ ዩሰ።

6 ዩሱሳ ታማሪቲ ሄሳ ሲዒዳ ዋዴ ዳጋሚዲ ባንታ ሶምዑዋራ ሳዓን ኩንዲደሶና።

7 ሺን ዩሱሲ ኤንታኮ ሸቁዲ ኤንታ ቦቸዲ፣ «ዳንዲቲ፣ ያዮፊቲ!» ያገሰ።

8 ኤንቲ ቶቁ ገዲ ቤዒያ ዋዴ ዩሱሳፕ ሃራ ኦናካ ቤዒቦኮና።

9 ኤንቲ ዳሪያፕ ዋዳሺን ዩሱሲ ኤንታኮ፣ «አሳ ናዓይ ሃይቆፕ ዳንዳና ጋካናው ሃ ሂንቲ ቤዒዳባ ኦዳሰካ ኦደፕቲ» ገዲ ከቲሰ።

10 ዩሱሳ ታማሪቲ፣ «ያቲን፣ ሂን ኣሰታማሪቲ ኤሊያሲ ከሪሰቶሳፕ ካሴቲዲ ያና ገዳይ ኣይቤሴ?» ያገሰ ኣይቸደሶና።

11 ዩሱሲ ዛሪዲ፣ «ኤ! ኤሊያሲ ካሴቲ ዩዲ ኡባባ ገገሳና።

12 ሺን ታ ሂንቲው ቱማ ኦዳይሰ፤ ኤሊያሲ ካሴቲዲ ዩሰ። ኤንቲካ ኢያ ቦላ ኮዩዳባ ኦላደሶናፕ ኣቲን ኢያ ሻኪ ኤሪቦኮና። ሄሳዳ አሳ ናዓይ ኤንታ ኩሼን ዋይታና» ያገሰ።

13 ሄ ዋዴ ዩሱሲ ገዳይ ፃማቁያ ዮሃኒሳባ ገደይሳ ኣኬኪደሶና።

ዩሱሲ ቱና ኣያናይ ኣይኪዳ ናዓ ፓሊሰ (ማር 9:14-29፤ ሉቃ 9:37-43)

14 ኤንቲ ዳሪያፕ ኣሳኮ ሲሚያ ዋዴ ኢሲ ኣሲ ዩሱሳ ሲንላን ጉልባቲዲ፣

15 «ሳዳው፣ ሃያና ታ ናዓሰ ቃቆታርኪ፤ ኢያ ሾጪዲ ዩገያ ሃርጌይ ዳር ኡንዔሊዲ ታማኒኔ ሃላን ዩጌሰ።

16 ኔ ታማሪታኮ ኤሃሰ፣ ሺን ኤንቲ ፓላናው ዳንዳዒቦኮና» ያገሰ።

17 ዩሱሲ ዛሪዲ፣ «ሂንቲና፣ ኣማኖና ጌላ ዩሌቴሳው ኣዉዴ ጋካናው ታ ሂንቲራ ዳኔ? ኣዉዴ ጋካናው ታ ሂንቲና ዳንዳዳኔ? ኣኔ ናዓ ሃ ኤኪ ዩቲ» ያገሰ።

18 ዩሱሲ ቱና ኣያና ሃንቁን፣ ቱና ኣያናይ ናዓፕ ከዩሰ፤ ሄ ሳቲንካ ናዓይ ፓዲሰ።

19 ሄሳፌ ጉዬ፣ ዩሱሳ ታማሪቲ ባንታርካ ኢያኮ ሸቁዲ፣ «ኦኒ ቱና ኣያና ከሳናው ዳንዳዒቦናይ ኣይቤሴ?» ያገሰ ኣይቸደሶና።

20 ኢ ኤንታኮ፣ «ሂንቲው ኣማኖይ ላፊዳ ገሾሳ። ታ ሂንቲው ቱማ ኦዳይሰ፤ ጋሼ ኣይፊ ማላ ኣማኖይ ሂንቲው ዳዒኮ (ሃ ዳሪያ ሃይሳፊ ዳንዳዳ ጌዴ ኣቆ) ገኮ ሂንቲው ከቲታና። ሂንቲው ዳንዳዳቶናባይ ዳና።

21 [ሺን ሄሳ ማላይ ዋሳፔኔ ያማፕ ኣቲን ሃራን ከዩና]» ያገሰ። *

ዩሱሲ ባ ሃይቁዋባ ዛሪ ኦዲሰ (ማር 9:30-32፤ ሉቃ 9:43-45)

22 ዩሱሳ ታማሪቲ ጋሊላን ሸቁዲ ዳዒሺን ዩሱሲ ኤንታኮ፣ «አሳ ናዓይ ኣሳ ኩሼን ኣቆዲ ኢሜታና።

23 ኤንቲ ኢያ ዋቆና፣ ሺን ኢ ሄሻንሉ ጋላሰ ሃይቆፕ ዳንዳና» ያገሰ።

ኢያ ታማሪቲካ ዳር ቂርቲደሶና።

ዖሳ ኬላ ገራ

24 ዩሱሳራኔ ኢያ ታማሪታራ ቂፊርናሆሚ ካታማ ጋኪዳ ዋዴ ዖሳ ኬላ ገራ ቃንዲሴይሳቲ ጳዊርሳኮ ዩዲ፣ «ሂንቲ ኣሰታማሪይ ዖሳ ኬላ ገራ ገሪ?» ያገሰ ኣይቸደሶና።

25 ጳዊርሲ ዛሪዲ፣ «ገሪሰ» ያገሰ። ጳዊርሲ ሶ ጌሊያ ዋዴ ዩሱሲ ካሴቲዲ፣ «ጳዊርሳ፣ ኔው ኣይ ዳኒ? ሃ ሳዓ ካዋቲላቲ ቃራፃኔ ገራ ኦፕ ኤኮና? ጋዴ ኣሳፕዬ ዋይኮ ኣሳ ጋዴ ኣሳፕ?» † ያገሰ ኣይቸደሶ።

26 ጳዊርሲ «አሳ ጋዴ ኣሳፕ» ገዲ ዛሪሰ። ዩሱሲ ዛሪዲ፣ «ጋዴ ኣሳይ ገራ ገርኮና ጉሱ።

27 ሺን ኤንቲ ቆቤቶና ማላ ኣባ ባዳ ሞሉዋ ኣይኪያ ማንፃቆ ዩጋ። ኮይር ኔ ኣይኪያ ሞሉዋ ደና ደያዳ ገራሰ ገዲያ ሚሺያ ኔ ገሾኔ ታ ገሾ ኤፋዳ ገራ» ያገሰ።

16:25 ማቶ 10:39፤ ሉቃ 17:33፤ ዮሃ 12:25 16:27 ማቶ 25:31፤ ማገ 62:12፤ ሮሜ 2:6 17:1 2ጳዊ 1:17-18
17:5 ሜጲ 22:2፤ ማገ 2:7፤ ኢሳ 42:1፤ ማቶ 3:17፤ 12:18፤ ማር 1:11፤ ሉቃ 3:22፤ ዛሬ 18:15 17:10 ሚላ 4:5
17:12 ማቶ 11:14 17:21 ማቶ 21:21፤ ማር 11:23፤ 1ቆር 13:2 * 17:21 ኢሲ ኢሲ ቤኒ ማፃፋታን ፓይዶ 21 ደና።
17:24 ከሳ 30:13 † 17:25 ጋዴ ኣሳፕዬ ዋይኮ ኣሳ ጋዴ ኣሳፕ? ሄ ዋዴ ካዋቲላቲ ባንታ ጋዴ ኣሳፕ ገራ ኤኮኮና።

18

ኡባፌ አዲስ ኦሪጎስ?

(ማር 9:33-37፤ ሉቃ 9:46-48)

1 ሃ ዋይ ዩሱስ ገብሮ ለደብዳቤ ጸሎት ጸደቀ። «ሳሎ ካዎቴላን ኡባፌ አዲስ ኦሪጎስ?» ያገለገሉ ኦሪጎስ።

2 ዩሱስ ኢሲ ጉላ ናባ ያገለገሉ ኡባፌ ለደብዳቤ ያገለገሉ።

3 «ታኒ ሂንቴው ቱማ ኦዲይስ፤ ሂንቴ ለሚጠቀሙ ጉላ ናባ ሃና ኡባፌ ሳሎ ካዎቴላን ኡባፌ ካገለገሉ ደንዳዬኬታ።

4 ሂዛ፣ ሃ ጉላ ናባ ሳና ካወሽያ ኦሪጎስ ሳሎ ካዎቴላን ኡባፌ አዲስ ገደና።

5 ሃይሳ ማላ ናባ ታ ሱንላን ሞኪያ ኦሪጎስ ታና ሞኪስ።

6 «ሺን ታናን አማኒያ ሃ ጉላታቴ ኢሱዋ ናጋራ ኦሪጎስ ማላ ጸብ ገደና ኦሪጎስ ገታ ጋቻ ዋፃ ባ ቆይታን ቃቸዲ ጨዋ አባን ማቲቲኮ ኢያው ሎዎ።

7 አላሚን አሳይ ናጋራ ኦሪጎስ ማላ ኦሪጎስ ማላ ገሽ አላሚያ አይ። ሃሳ ማላባቲ ዮና አቴና። ሺን ጸብ ገደና ኢያ ጋሶን ያ ኡራ አይ።

8 «ኔ ኩሼይ ዋይኮ ኔ ቶሆይ ኔና ባሌሊኮ ኔቴ ቃንፃ ይጋ። ኔኒ ናምቡ ኩሼራ ዋይኮ ናምቡ ቶሆራ ማሪና ታማን ዩጌታናይሳፌ ኩሼ ዋይኮ ቶሆ ዲፃ ገደና ማሪና ዲፃ ዲሚይሲ ኔው ሎዎ።

9 ቃሲ ኔ አይፌይ ኔና ባሌሊኮ ኢዮ ዋጫ ኩሳዳ ዋራ ሆላ። ኔኒ ናምቡ አይፌራ ጋናሚ ታማን ዩጌታናይሳፌ ኢሲ አይፌራ ማሪና ዲፃ-ዋ ጌሌይሲ ኔው ሎዎ።

10 «ታ ሂንቴው ኦዲይስ፤ ሳሎን ዲሚያ ኡንታ ናገያ ከታንቸቲ ኡባ ዋይ ሳሎን ዲሚያ ታ አዋ ሲንላን ዲሚያ ገሽ ሂንቴ ሃ ጉላታቴ ኢሱዋካ ካቶና ማላ ናጌቲቲ።

11 አሳ ናባይ ቆይዳይሳታ አሻናው ዩስ» * ያገለገሉ።

ቆይዳ ደርሳ ለሚሶ (ሉቃ 15:3-7)

12 ቃሲ ዩሱስ፣ «ሂንቴው አይ ደኒ? ኢሲ ኡራስ ፃቲ ደርሳቲ ዲሚያታቴ ኢሶይ ቆይኮ ኡዲፋን ታማኔ ኡዲፋናታ ዲሪያ ቦላ ዩጌ አገዲ ሃ ቆይዳይሳ ኮናናው ቤኔ?

13 ታ ቱማ ኦዲይስ፤ ኢ ዲሚያ ዋይ ኡዲፋን ታማኔ ኡዲፋናታቴ አሊዲ ቆይዲ ቤንቲዳ ኢሲ ደርሳን ኡፋይቲስ።

14 ሃሳዳካ፣ ሳሎን ዲሚያ ሂንቴ አዋይ ሃ ጉላታቴ ኢሶይ ቆይና ማላ ኮይና።

ቆይዳ አሲ ዋታኔ?

15 «ኔ ኢሻይ ኔና ቆይኮ ኔርካ ኢያኮ ባዳ ኢያ ባላ ኢያው ኡዳ። ኢ ኔና ሲዲኮ ኔ ኢሻ ኔው ኢሻ ኦሪጎስ።

16 ሺን ኢ ኔና ሲዲኮ ኡባፌ ናምቡ ዋይኮ ሂቭ አሳ ማርካን ሞቶይ ላሴቲያ ገሽ ኢሲ ዋይኮ ናምቡ አሲ ኡካዳ ኢያኮ ባ።

17 ኢ ኡንታና ሲዲኮ ኡባፌ ዋሳ ኩላስ ኡዳ። ዋሳ ኩላ ገያባ ሲዲኮ ኡባፌ አማናና አሳዳ ዋይኮ ቃራፃ ቃንጻሲያ አሳዳ ኢያ ገይዳ።

18 «ታ ሂንቴው ቱማ ኦዲይስ፤ ሳሎን ሂንቴ ዲገያባቲ ኡባይ ሳሎን ዋሳ ማታን ዲጌቲዳባ ገደና። ሳሎን ሂንቴ ሃና ገያባቲ ኡባይ ሳሎን ዋሳ ማታን ሃኒዳባ ገደና።

19 «ቃሲካ ታ ሂንቴው ኦዲይስ፤ ሳሎን ሂንቴፌ ናምባይ ባንታ ዋሲያባስ ኢሲ ዋዛናን ገዲዳ ዋሳ ዋሲያባ ገዲኮ ሳሎን ዲሚያ ታ አዋይ ሂንቴው ኦሪጎስ።

20 ታና ካሌይሳታቴ ናምባ ዋይኮ ሂቭ ገዲዳ ሺቁያ ቤሳን ታኒ ኡንታ ገደና ቤንታና» ያገለገሉ።

አቶ ጉሳባ

21 ሃ ዋይ ዲዳርሲ ዩሱሳኮ ዩዲ፣ «ሳዳው፣ ታ አሻይ ታና ቆይኮ አቸን ቶሆ ታኒ አቶ ጋናው ቤሲ? ላቸን ቶሆ ጋካናሴዬ?» ገዲ ኦይቸሰ።

22 ዩሱስ ዛሪዲ፣ «ገደና፣ ላቸን ታው ቶሆ ላቸናቴ አቲን ላቸን ቶሆ ገደና።

23 «ሃሳ ገሽ፣ ዋሳ ካዎቴላይ ባ አሳንቸታራ ባ ማሽይ ገጠዳኮኔ ገላሂዳኮ ቤናናው ቆጥዳ ካወዋ ደኔስ።

24 ሃ ካዎይ ማሽይ ገጠዳኮኔ ገላሂዳኮ ቤናና ዋይ ዳር ገንዲገንዳ አጮይ ዲሚያ ኢሲ ኡራ ኢያኮ ኡሂደሶና።

25 ሺን ሃ አይሌይ አጠጠዋ ቃንፃናው ያኔቲን ኢያራ፣ ኢያ ማቸራ፣ ኢያ ናይቲኔ ኢያው ዲሚያባይ ኡባይ ባይኮቲዲ አጮይ ጨጌታና ማላ ኢያ ጎዳይ ከቲስ።

26 ያቲን አይሌይ ባ ጎዳ ቶሆ-ዋ ቦላ ጉልባቲዲ፣ ሳሎን ዳው፣ ሃና ጉላ ዋይ ታካርኪ፣ ታ አጠጠዋ ኡባ ታ ጨጋና) ያገለገሉ ዋሲስ።

27 ካዎይ ኢያው ቃቆቲዲ፣ ዩዲ አገሲ፤ ኢያ አጠጠዋ ማሪስ።

28 «ሺን ሃ አይሌይ ኮይ ቢዲ ባ ላጌ አሳንቸታቴ ኢሶይ ባቴ ዳር ጉላ ማሽ ታልዲዳይሳ፣ ኔ ቦላ ዲሚያ ታ ማሽያ ታው ጨጋ) ገዲ ቆይ ኦይኪስ።

29 «ሃ ኢያ ላጌ አይሌይ ኢያ ሲንላን ጉልባቲዲ፣ ሃና ጉላ ዋይ ታካርኪ ታኒ ታ አጠጠዋ ኡባ ጨጋና) ያገለገሉ ዋሲስ።

30 «ሺን ኢዲዲ ኤኪ ኤፊዲ ባ ላጌይ አጠጠዋ ቃንፃና ጋካናው ቃሾ ኩላ ጌልሲስ።

31 ሃሳ ገሽ፣ ሃራ ላጌ አሳንቸቲ ሃሳ ቤዲዳ ዋይ ዳር ዩሎቲዲ፣ ቢዲ ባንታ ጎዳስ ኢ ኡላዳባ ኡባ ኡዲደሶና።

32 «ያቲን ካዎይ ሃ አይሌያ ፀገሲዲ፣ ሃ ኢታ አይሌያው፣ ኔኒ ታና ዋሲዳ ገሽ ታ ኔ አጠጠዋ ኡባ ኔው ማራስ።

33 ያቲን፣ ታኒ ኔ አጠጠዋ ማሪዳይሳዳ ኔኒ ኔ ላጌ አይሌያ አጠጠዋ ማራናው ኔው ቤሴኔ?) ያገለገሉ።

34 ሃሳ ገሽ፣ ካዎይ ዳር ዩሎቲዲ፣ ኢ ባ አጠጠዋ ኡባ ጨጋና ጋካናው ገፃ ካዕታና ማላ ቃሾ ኩላን ዩገሰ።

18:1 ሉቃ 22:24 18:3 ማር 10:15፤ ሉቃ 18:17 18:8 ማቶ 5:30 18:9 ማቶ 5:29 18:10 ሉቃ 19:10 * 18:11 አሳ ናባይ ቆይዳይሳታ አሻናው ዩስ፣ ኢሲ ኢሲ ቤኒ ማፃፋቲ ገይዳ 11 ጉጃሶና። 18:15 ሉቃ 17:3 18:16 ዛሬ 19:15 18:18 ማቶ 16:19፤ ዮሃ 20:23 18:21 ሉቃ 17:3-4 18:22 ሜዴ 4:24

35 «ሄሳዳካ፣ ሂንቲ ኢሶይ ኢሶይ ሂንቲ ኢሻ ዋዛና፤ ማርና ኢዲኮ ሳሎን ዳዊያ ታ አዋይ ሂንቲና ሄሳዳ ኦላና» ያገሰ።

19

ኤኮ ጌሎባ
(ማር 10:1-12)

1 ዩሱስ ሄሳ ኦዲ ኦንጊዳ፤ ጉዬ ጋሊላ፤ ዳንዲዲ ዮርዳኖሴ ሻፋ፤ ሄሬንግን ዳዊያ ዩሁዳ ቢታ ቢሰ።

2 ዳሮ አሳይ ኢያ ካሊዲ ቢን ኤንታ ጊዶሬ ሃርጋንቸታ ፓሊሰ።

3 ፋሪሳዊቱ ኢያ ፓጫናው ኮዪዲ ኢያኮ ዩዲ፣ «ኢሲ አሲ አይ ጋሶንካ ባ ማቸው ዩዳናው ቤሲ?» ያገዲ ኦይቸደሶና።

4 ዩሱስ ዛሪዲ፣ «የሳይ ኮይሮ አዳኔ ማጫሰ ኦሊ ሜዲዳይሳ ሂንቲ ናባቢቤኬቲ?»

5 «ሄሳ ገሾ፣ ኢሲ አሲ ባ አዋኔ ባ አዪው አገዲ ባ ማቸራ ኢሲኖ ገደሰ፣ ናምዳይካ ኢሲ አሾ ገደሶና።»

6 ሄሳ ገሾ፣ ኤንቲ ኢሲ አሾ ገደሶና፤ አቲን ናምዳ ገደኮና። ሂዛ፣ ያሲ ቃቸዳይሳ አሲ ሻኮፎ» ያገሰ።

7 ፋሪሳዊቱ፣ «ያቲን፣ ሙሴይ ኢሲ አሲ አንጆ ዋርቃቲ አሚዲ ዩዳና ሜላ አይሰ ከቲዳ?» ያገዲ ኦይቸደሶና።

8 ዩሱስ ዛሪዲ፣ «ሂንቲ፣ ሂንቲ ማቸታ ዩዳና ሜላ ሙሴይ ሂንቲና ከቲዳይ፣ ሂንቲ ዋዛና ሚኖቲላ ገሾ፤ አቲን ኮይሮ፤ ሄሳ ሜላ ገደና።»

9 ታ ሂንቲው ኦዳይሰ፤ ባ ማቸያ ላይማቶና ዳዊሽን ዩዲዲ ሃራ ኤኪያ ኦኒካ ላሜሰ» ያገሰ።

10 ኢያ ታማሪቲ ኢያኮ፣ «አዚናባይኔ ማቸባይ ሄሳ ሜላ ገዲኮ ኤኮ ጌሎይ አቲኮ ሎዎ» ያገደሶና።

11 ዩሱስ ዛሪዲ፣ «ሄሳ ሜላ ቲሚርቲይ ያሳይ ዳንዳዳ አሚዳይሳታሳሬ አቲን አሳ ኡባሳ ገደና።»

12 ሂዛ፣ ዩሎቲሽ ሹፋ ገዲዲ ዩሎቲዳይሳቲ ዳሶሶና፣ ቃሲ አሲ ቃራቲዳይሳቲ ዳሶሶና፣ ቃሲ ሳሎ ካዋቲላ ገሾ ገዲ ባንታና ሹፋይዳይሳቲ ዳሶሶና። ሄሳ ገሾ፣ ሃይሳ ኤካናው ዳንዳዳያ ኦኒካ ኤኮ» ያገሰ።

ዩሱስ ጉላ ናይታ አንጂሰ
(ማር 10:13-16፤ ሉቃ 18:15-17)

13 ዩሱስ ባ ኩሺያ ጉላ ናይታ ቦላ ዋሊዲ ኤንታው ዋሳና ሜላ ኢሲ ኢሲ አሳይ ናይታ ኢያኮ ኤሂደሶና። ሺን ኢያ ታማሪቲ አሳ ሃንቁቲደሶና።

14 ሺን ዩሱስ፣ «የሳ ካዋቲላይ ሃይሳታ ሜላሳ ገዲያ ገሾ ጉላ ናይቲ ታኮ ዩይሳ ዲሳሬቲ፤ ዮ ገቲ» ያገሰ።

15 ባ ኩሺያ ኤንታ ቦላ ዋሊዲ ጉዬ ሄ ቤሳሬ አገዲ ቢሰ።

ናዓቲላ ዳራ ኡራ
(ማር 10:17-31፤ ሉቃ 18:18-30)

19:4 ሜዴ 1:27፤ 5:1 19:5 ሜዴ 2:24 19:7 ሜዴ 24:1 19:9 ማቶ 5:32፤ 1ቆር 7:10 19:18 ኬሳ 20:13-16፤ ዛሬ 5:17-20 19:19 ኬሳ 20:12፤ ዛሬ 5:16፤ ሉቁ 19:18 19:28 ማቶ 25:31፤ ሉቃ 22:30 19:30 ማቶ 20:16፤ ሉቃ 13:30 * 20:2 ኢሲ ዳናሬ፣ ኢሲ አሲ ኢሲ ጋላሰ ኦሊ ፕዳዲ ኤኪያ ሚሹ።

16 ኢሲ ጋላሰ ኢሲ ኡራይ ዩሱሳኮ ዩዲ፣ «አሰታማሪያው፣ ታኒ ሜሪና ዳዎ ዳማናው አይ ሎዎባ ኦላ?» ያገሰ።

17 ዩሱስ ኢያኮ፣ «ሎዎባ ኔ ታና አይሰ አይቻይ? ኢሲ ያሳሬ አቲን ሃሪ ሎዎይ ባዎ። ሺን ኔኒ ሜሪና ዳዎ-ዋ ኤካናው ኮይኮ ከታታ ናጋ» ያገሰ።

18 ኡራይ ዛሪዲ፣ «አዉሳ ከታታ» ያገዲ ኦይቸሰ።

ዩሱስ ዛሪዲ፣ «ዋዶ፣ ላይማቶ፣ ካይሶቶ፣ ዋርዶ ማርካቶ፣።»

19 ኔ አዋኔ ኔ አዪው ቦንቻ፣ ኔ ሾሩዋ ኔ ሁዲያላ ደሳ» ያገሰ።

20 ሄ ናዓቲላይ፣ «ታኒ ሃይሳታ ኡባ ናዓቲላሬ ደማዳ ናጋሰ። ያቲን፣ ሃሪ ታው ፓጫያባይ አይቤ?» ያገዲ ኦይቸሰ።

21 ዩሱስ ዛሪዲ፣ «ኔኒ ፖሎ ገዳናው ኮይኮ ባዳ ኔው ዳዊያባ ባይዛዳ ማንቆታሰ አማ፤ ኔኒ ሳሎን ዳራታና። ያታ ሲማ ያዳ ታና ካላ» ያገሰ።

22 ሺን ሄ ናቲላ ኡራይ ዳሮ ዳራ ገዲያ ገሾ ሄሳ ሲዲዳ ዋዳ አዛኒሽ አገዲ ቢሰ።

23 ሄሳሬ ጉዬ፣ ዩሱስ ባ ታማሪታ፣ «ታኒ ሂንቲው ቱማ ኦዳይሰ፤ ዳራይ ሳሎ ካዋቲላ ጌላናይሲ ዳሮ ሜቶ።»

24 ዳራ አሲ ያሳ ካዋቲላ ጌላናይሳሬ ገምሌይ ማር፤ ሉሆራ አዲይሲ ካዉዩሰ» ያገሰ።

25 ዩሱሳ ታማሪቲ ሄሳ ሲዲዳ ማላላቲዲ፣ «ያቲን፣ ኦኒ አታናው ዳንዳዳ?» ያገዲ ኦይቸደሶና።

26 ዩሱስ ኤንታ ጫዲ ያሊዲ፣ «ሃይሲ አሳሰ ዳንዳዳቲና፣ ሺን ያሳሰ ኡባይ ዳንዳዳቲሰ» ያገሰ።

27 ጳዊርሲ ዛሪዲ፣ «ኦኒ ኡባባ አገዲ ኔና ካሊዳ። ያቲን፣ ኦኒ አይ ዳማኔ?» ያገሰ።

28 ዩሱስ ኤንታኮ ሃይሳዳ ያገሰ። «ታኒ ሂንቲው ቱማ ኦዳይሰ፤ አሳ ናዓይ ያና አላሚያን ባ ቦንቻ አራታን ኡቲያ ዋዳ ሂንቲ ታማኔ ናምዳቲ፣ ታና ካሊዳይሳቲ፣ ታማኔ ናምዳ ኦራታን ኡቲዲ ታማኔ ናምዳ ኢሰራዔሌ ዜሬላታ ቦላ ፐርዳና።»

29 ታ ሱንግ ገሾ ከጫ ዋይኮ አሻታ ዋይኮ ሚቸታ ዋይኮ አዋ ዋይኮ አዪው ዋይኮ ናይታ ዋይኮ ጋዲያ አገዳይ ኦኒካ ያቲ ኩሽ ኤካና። ቃሲ ሜሪና ዳዎ-ዋ ኤካና።

30 ሺን ዳርቲ ሃዲ ዳላን ሲንጫ ገዲዳይሳቲ ጉዬ ገደና፣ ቃሲ ጉዬ ገዲዳይሳቲ ሲንጫ ገደና» ያገሰ።

20

ዋይኒያ ገደን ኦሊያ ኦሳንቸታ ሎሚሶ

1 «የሳ ካዋቲላይ ባ ዋይኒያ ገደን ኦሳንቸታ ከራ ኦሲሳናው ዋንታ ጉራ ከዪዳ ከላዋ ዳኔሰ።»

2 ኢ ሄ ኦሳንቸታሰ ሃቺ ሃቺ ኢሲ ዲናሬ * ቃንፃናው ኤንታራ ገገዲ፣ ኤንታ ባ ዋይኒያ ገደ ዩዲሰ።

3 «ቀሲ ዋንታፊ ሃቡ ሳቱ ገዲሺን ከዱዲ አሶ ቆዩዲ ገያ ቦላ ኤቁዳ ሃራ አሳታ ዳሚሰ።

4 ኢ ኤንታኮ፡ «ሂንቴካ ታ ዋይኒያ ገደ ቢዲ አላቴ፡ ታኒ ሂንቴው ቤሲያ ጋቲያ ቃንግና» ያገሰ።

5 ኤንቴካ ቢደሶና፡ ቃሲካ ኢ ኡሱፑን ሳቴኒኔ ኡዲፋን ሳቴን ከዱዲ ሃሳዳ አላሰ።

6 ታማኔ ኢሲ ሳቱ ገዲሺን ኢ ከያ ዋዴ ሃራቲ ያን ኤቁዳይሳታ ዳሚዲ፡ «ሂንቴ አሶ አላና ጋላሰ ኩሜላ ሃይሳን አይሰ ኤቁዲ ፔዒዳቴ?» ያገሰ።

7 «ኤንቴ ዛሪዲ፡ ሉና ከራ ኦሲሲያ አሲ ቆዩዲ ገሾሳ» ያገደሶና።

«አካ፡ ሂንቴካ ታ ዋይኒያ ገደ ቢዲ አላቴ» ያገሰ።

8 «ሳዒ አማርሲን፡ ዋይኒያ ጎዳይ አሳንቸታ ሃላቃኮ፡ ሉሳንቸታ ያጋዳ ወርሴላን አሶ ጌሊዳይሳታ፤ ደማዳ ኮይሮ ጌሊዳይሳታ ጋካናው ኤንታ ጋቲያ ቃንግ» ያገሰ።

9 ታማኔ ኢሲ ሳቱን አሶ ኦይኪዳይሳቲ ዩዲ፡ ሁዒን ሁዒን ኢሲ ኢሲ ዲናሪ ኤኪደሶና።

10 ኮይሮ አሶ ኦይኪዳይሳቲ ዩዲ፡ ባንታው ዳሮ አሚታና ገዲ ቆፒደሶና። ሺን ኤንቴካ ሁዒን ሁዒን ኢሲ ኢሲ ዲናሪ ኤኪደሶና።

11 ባንታ ሚሺያ ኤኪ ሲሚዲ ከላዋ ቦላ ዙዙሚደሶና።

12 «ሃይሳቲ ጉዬፔ ዩዲ ኢሲ ሳቱ ፃላላ አላደሶና። ሺን ጋላሰ ኩሜላ አዋ ሱላን ዳቡሪዲ ፔዒዳ ኦራ ኤንቴ ዋኒዲ ኢሲኖ ገደና» ያገደሶና።

13 «ዋይኒያ ከላዋይ አሳንቸታ፤ ኢሱዋኮ፡ ታ አሸው፡ ታኒ ኔና ቆሃቢኬ፤ ኔ ታራ ገዲዳይ ኢሲ ዲናሪሳ ገዴኔ?»

14 ኔ ሚሺያ ኤካዳ ኔ ሶ ባ። ታ አማርሲ ዩዳይሳሰካ ኔይሳ ሜላ አማናው ኮያይሰ።

15 ታኒ ታ ሚሺያን ኮዩዳባ አላናው ታው ማቲ ባዋ? ዋይኮ ታኒ ከሃ ገዲዳ ገሾ ኔኒ ቃናታይ?» ያገሰ።

16 «ሃሳዳ ሃዒ ዳላን ጉዬ ገዲዳይሳቲ ሲንላታና፡ ሲንላቲዳይሳቲ ቃሲ ጉዬታና» ያገሰ።

ዩሱሲ ባ ሃይቁዋባ ሂቅንላ ኦዲሰ
(ማር 10:32-34፤ ሉቃ 18:31-34)

17 ዩሱሲ ዩሩሳላሜ ቢሺ፡ ታማኔ ናምዑ ታማሪታ ዳማ ጋፃ ከሲዲ ኤንታኮ ያገሰ።

18 «ሂኮ፡ ኦኒ ሃዒ ዩሩሳላሜ ቡሳ ቦላ ዳሶሰ። ያን አሳ ናዒይ ካሂኔ ሃላቃታሲኔ ሂጌ አሰታማሪታሰ አቋ አሜታና። ኤንቴካ ኢያ ቦላ ሃይቆ ፐርዳ ፐርዳና።

19 ኢያ አይሁዴ ገደና ዳሪያሰ አላ አማና። ኤንቴ ኢያ ካዉሻና፡ ጋራፋና፡ ያቲዲ ኢያ ማሰቃሊያ ቦላ ካቃና። ሺን ኢ ሂቅንላ ጋላሰ ሃይቆፔ ዳንዳና» ያገሰ።

ዛብዲዮሳ ናይታ አዬ ዋሳ
(ማር 10:35-45)

20 ሄ ዋዴ ዛብዲዮሳ ማቺያ ባ ናምዑ አዴ ናይታራ ዩሱሳኮ ያዳ፡ ኢያ ሲንላን ጉልባታዳ ኢሲባ ኢያ ዋሳሱ።

21 ዩሱሲ ኢኮ፡ «ኔ አይ ኮያይ?» ያገሰ።

ኢያ ዛራዳ፡ «ኔ ካዋቲላን ሃ ታ ናምዑ ናይቲ ኢሶይ ኔ ኡሻቻን ኢሶይ ኔ ሃዲርሳን ኡቶ ጋርኪ!» ያጋሱ።

22 ሺን ዩሱሲ ናይታኮ ዛሪዲ፡ «ሂንቴ አይ ዋሲያኮ ኤሬኬታ፤ ታኒ ኡያናው ዳዒያ ዋዬ ፀዓ ኡያናው ዳንዳዔቲ?» ያገሰ።

ኤንቴካ፡ «ኤ ዳንዳሶሰ» ያገደሶና።

23 ዩሱሲ፡ «ቲማካ ታኒ ኡያናው ዳዒያ ፀዓፔ ሂንቴ ኡያና። ሺን ታ ኡሻቻኒኔ ሃዲርሳን ኡታናይሳታ ደሬይ ታና ገዲኬ። ሂ ቤሳይ አሜቴይ፡ ታ አዋይ አማናው ገረሲዳ አሳታሳ» ያገሰ።

24 አቲዳ ታው ኢያ ታማሪቲ ሃሳ ሲዒዳ ዋዴ ናምዑ ኡሻታ ቦላ ሃንቁቲደሶና።

25 ሺን ዩሱሲ ኤንታ ኡባ ያገዲ ሃይሳዳ ያገሰ። «አይሁዴ ገደና አሳ ሃሪይሳቲ ባንታ አሳ ቦላ ጎዳቴይሳኔ ኤንታ ካሌሌይሳቲ ዋልቃን ሃሪይሳ ሂንቴ ኤሬታ።

26 ሺን ሂንቴ ገደን ሃሳዳ ገደፖ። ሂንቴፊ ገታታናው ኮያ ኦኒካ ሂንቴው አይሌ ገደ።

27 ሂንቴ ገደን ኡባፊ ቦላ ገደናው ኮያ ኦኒካ ሂንቴው አይሌ ገደናው ቤሴሰ።

28 ሃሳዳካ፡ አሳ ናዒይ አሴ ሃጋዛናውኔ ዳሮ አሳ ዋዛናው ባ ሸምፑዋ አማናው ዩሲፔ አቲን አሳን ሃጋዜታናው ዩቤና» ያገሰ።

ዩሱሲ ናምዑ ቆቁታ ፓላሰ
(ማር 10:46-52፤ ሉቃ 18:35-43)

29 ሃሳፊ ጉዬ፡ ዩሱሲ ባ ታማሪታራ ኢያርኮፊ ከዩዲ ቢሺን፡ ዳሮ አሳይ ኤንታና ካሊደሶና።

30 ኦጌ ጋፃን ኡቲዳ ናምዑ ቆቁቲ ዩሱሲ ያራ አቋይሳ ሲዒዲ፡ «ጎዳው፡ ዳዊቲ ናዒው፡ ኦሰ ቃቋታርኪ» ያገዲ ዋሲደሶና።

31 ዳሮ አሳይ ኤንታና፡ «ሃይዘቴ» ያገዲ ካጪደሶና። ሺን ኤንቴ፡ «ጎዳው፡ ዳዊቲ ናዒው፡ ኦሰ ቃቋታርኪ» ገዲ ጉጂ ዋሲደሶና።

32 ዩሱሲ ኤቁዲ፡ ኤንታ ያገዲ፡ «ታ ሂንቴው አይ ኦላና ሜላ ኮዬቲ?» ያገዲ ኦይቺሰ።

33 ኤንቴካ፡ «ጎዳው፡ ኦ አይፊይ ያላና ሜላ ኮዮሰ» ያገደሶና።

34 ዩሱሲ ኤንታው ቃቋቲዲ፡ ኤንታ አይፊያ ቦቺሰ። ኤሌሲዲ ኤንታ አይፊይ ያሊሰ፤ ኤንቴ ኢያ ካሊዲ ቢደሶና።

21

ዩሱሲ ገታ ቦንቸን ዩሩሳላሜ ጌሊሰ
(ማር 11:1-11፤ ሉቃ 19:28-40፤ ዮሃ 12:12-19)

1 ዩሱሳራኔ ኢያ ታማሪታራ ዩሩሳላሜ ማቲዲ፡ ሻማሆ ዳሪያ ቦላ ዳዒያ ቤቴፋጌ ገያ ጉታ ጋኪሼ፡ ዩሱሲ ባ ታማሪታፔ ናምዓታ ባፔ ሲንሴ ያገዲ ኪቲሰ።

2 «ሂንቴፊ ሲንላን ዳዒያ ጉታ ቤቴ። ያን ኢሲ ሃሪይ ቃሾን ዳዒያሮ ኢ ማራራ ሂንቴ ሶሁዋራ ዳማና። ኤንታ ቢሊዲ ሃ ኤኪ ዩቴ።

3 ኦሪካ ሂንቴና ኦሪቸኮ፡ ሳዳይ ኤንታና ኮዬስ) ያገቡ። ኢ ኤንታና ኢራካ ዬዲ አጋና» ያገሱ።

4 ሂሲካ ናቤይ፡

5 «ደዮኔ ካታማስ፡

«ሂኮ፡ ኔ ካዎይ አሽኬ ገዲዲ፡ ሃሪ ቦላኔ ሃሪ ማራ ቦላ ኡተዲ፡ ኔኮ ዬስ) ያገቡ» ያገዱ ያፊዳይሲ ፖሌታና ማላ ሄሲ ሃኒስ።

6 ኢያ ታማራቲ ቢዲ ዬሱሲ ኤንታ ከተዳይሳዳ አሊደሶና።

7 ሃሪወኔ ሃሪ ማራ ኤሂዲ ቦላራ ማዲዳ ባንታ ማዑዎ ኤንታ ዞኮን ዬገደሶና። ዬሱሲ ማዎታ ቦላ ኡተስ።

8 ዳሮ አሳይ ባንታ ማዑዎ አገያን ሃዲደሶና። ሃራቲ ቦንጮ ታሺዲ አገያ ቦላ ዬገደሶና።

9 ዬሱሳፔ ሲንሳራ ሃሙቴይሳቲኔ ኢያፔ ጉዬራ ካሊያ ዳሮ አሳይ፡

«ሆሳና! * ዳዋቱ ናዓይ ጋላቲቶ!

ጎዳ ሱንሳን ዬይሲ አንጃቲዳይሳ!

ቦንቸይ ኡባፌ ቋቃ ሳሉዋን ያሳሰ ገደ!»

ያገዱ ዋሲደሶና።

10 ዬሱሲ ዬራሳላሜ ካታማ ጌሊዳ ዎዴ ሄ ካታማን ዳዒያ አሳ ኡባይ፡ «ሃይሲ ኦኔ?» ያገዱ ያርኪደሶና።

11 አሳይ፡ «ሃይሲ ጋሊላን ዳዒያ ናዚሬቲ ካታማፔ ዬዳ ናቢያ ዬሱሳ» ያገደሶና።

ዬሱሲ ያሳ ኬላ ጌሊሲ (ማር 11:15-19፤ ሉቃ 19:45-48፤ ዮሃ 2:13-22)

12 ዬሱሲ ያሳ ኬላ ጌሊዲ፡ ያን ባይዜይሳቲኔ ሻማይሳታ ኡባ ካሬ ጎደሰ። ሚሼ ለማይሳታ ዓርጾዛታኔ ሆሌታ ባይዚያ ኦይዴታ ሺሪ ዬገሱ።

13 ኢካ ኤንታኮ፡ «ያሳ ቃላን፡ ሓ ከላይ ያሳ ዎሲያ ከላ ጌቲታና) ጌቲቲ ያፊቲስ። ሺን ሂንቴ ፓንጋቲ ቆሴቲያ ጎንጎሎ አሊዳታ» ያገሱ።

14 ዬሱሲ ያሳ ኬላን ዳዒሺን ቆቁቲኔ ጉንዳቲ ኢያኮ ዬን ኤንታ ፓሊስ።

15 ሺን ካሂኔ ሃላቃቲኔ ሂጌ አሰታማራቲ ዬሱሲ አሊዳ ማላሊሲያባታ ቤዒዳይሳሲኔ ጉላ ናይቲ ያሳ ኬላን፡ «ዳዋቲ ናዓይ፡ ጋላቲቶ» ያገዱ ዋሴይሳ ሲዒዲ ሃንቁቲደሶና።

16 ኤንቲ ዬሱሳኮ፡ «ሃይሳቲ ጌይሳ ኔ ሲዓይ?» ያገደሶና።

ዬሱሲ፡ «ኤ ሲዓይስ፡ ያሳ ቃላን፡ ሓላ ናይታ ደናኒኔ ቋማያ ናይታ ደናን ጋላታ ዎላዳሳ) ጌቲቲዲ ያፊቲዳይሳ ሂንቴ ናባቢቤኬቲ?» ያገሱ።

17 ኤንታና ያን አገዲ ቢታኒያ ካታማ ቢዲ አቁስ።

ጎዳይ ባዲዳ ባላሴ ሚሊው (ማር 11:12-14፤ 20-24)

18 ዬሱሲ ዎንታ ጉራ ካታማ ሲሚዲ ዪሼ ኮሻቲስ።

19 ኦኔ ጋዓን ኢሲ ባላሴ ሚሊ ቤዒዲ ኢኮ ቢስ። ሺን ሃይላፌ ኣቲን ሃራ አይኮካ

ዳሚቤና። ሃሳ ገሹ፡ ኢዮ፡ «ሂዛፔ ናምዓንላ አይፌ አይፎፓ!» ያገሱ። ሄ ባላሴ ሚሊያ ኤሌሳዳ ሚላ አጋሱ።

20 ኢያ ታማራቲ ሃሳ ቤዒዲ፡ «ሃ ባላሲያ ዋናዳ ኤሌሳ ሚላዳ?» ያገዱ ማላሌቲደሶና።

21 ዬሱሲ ዛሪዲ፡ «ታኒ ሂንቴው ቱማ ኦዳይስ፤ ሂንቴው አማናይ ዳዒኮ፡ ቃሲ ሂንቴ ሲቶና ኢዳኮ ባላሴ ቦላ ታኒ አሊዳይሳ ሚላ ያላላ አሌኬታ፡ ሺን ሃ ዳሪያ ሾዴታዳ አባን ዎቆ) ያገኩ ሃናና።

22 አማኒዲ ሂንቴ ዎሲያባ አይቢባ ገዲኮካ ሂንቴ ኤካና» ያገሱ።

ዬሱሳ ማታይ ኦይሼቲስ (ማር 11:27-33፤ ሉቃ 20:1-8)

23 ዬሱሲ ያሳ ኬላ ጌሊዲ ታማርሲሺን፡ ካሂኔ ሃላቃቲኔ አይሁዴ ጨማቲ ኢያኮ ዬዲ፡ «ኔኒ ሃይሳ አላና ሚላ ኔው አይ ማቲ ዳዒ? ኔው ሃ ማታ አሚዳይ ኦኔ?» ያገዱ ኦይቸደሶና።

24 ዬሱሲ ኤንታኮ፡ «ታኒካ ሂንቴና ኢሲባ ኦይቻይስ፤ ሂንቴ ታው ሃሳ ዛሪኮ፡ ታኒ አይ ማታን አሊያኮ ሂንቴው ኦዳና።

25 ዮሃኒሲ ማዎቃና ሚላ ማታይ አዉፔ አሚቲዳ? ያሳፊዬ አሳፔ?» ያገሱ።

ኤንቲ ባንታ ገደን ዛሪቲዲ፡ «ኦኒ፡ (ያሳፊ) ገኮ፡ ኢ ኦና፡ (ያቲን አይስ አማኒቤኬቲ?) ያጋና።

26 ኦኒ፡ (አሳፔ) ገኮ፡ አሳ ኡባይ ዮሃኒሳ ናቤ አሊ ያሊያ ገሹ አሳ ያዮስ» ያገደሶና።

27 ሃሳ ገሹ፡ «ኦኒ ኢሮኮ» ያገዱ ዛሪደሶና። አካ፡ «ሂዛ፡ ታኒካ ሃይሳ አይ ማታን አሊያኮ ሂንቴው ኦዲኬ» ያገሱ።

ናምዑ ናይታ ሌሚሶ

28 «ዬሱሲ ካሊዲካ ሃይሳዳ ያገሰ፡ ናምዑ አዴ ናይቲ ዳዒያ ኢሲ ኡራይ ዳዒስ። ሄ ኡራይ ባይራ ናዓኮ ቢዲ፡ ሓ ናዓው፡ ሃቸ ዎይኒያ ገደ ባዳ ኦላ) ያገሱ።

29 ናዓይ ዛሪዲ፡ (አቶ ቢኬ) ያገሱ። ሺን ጉዬፔ ባ ዎዛናን ቆፒ ኤኪዲ አላናው ቢስ።

30 አዎይ ባ ካሎ ናዓኮ ቢዲ፡ ባ ባይራ ናዓኮ ገደይሳዳ ከቲስ። አካ፡ (ኤሮ፡ ታ አዎው) ያገሱ። ሺን ቢቤንና።

31 ሃ ናምዑ ናይታፔ ባ አዎስ ከቲቲዳይሲ አዉሴ?» ያገሱ።

ኤንቲካ፡ «ባይራ» ያገደሶና።

ዬሱሲ ኤንታኮ፡ «ታ ሂንቴው ቱማ ኦዳይስ፤ ቃራዓ ቃንዲሴይሳቲኔ ላይማቴይሳቲ ሂንቴፊ ሲንሳቲዲ ያሳ ካዎቲላ ጌላና።

32 ማዎቁያ ዮሃኒሲ ሱራ አገያ ታማርሲሺ ዬን ኢ ጌይሳ አማኒቤኬታ። ሺን ቃራዓ ቃንዲሴይሳቲኔ ላይማቴይሳቲ አማኒደሶና። ሂንቴ ሃሪ አቶሺን፡ ኤንታ ቤዒዲካ ሂንቴ ናጋራፔ ሲሚዲ አማኒቤኬታ» ያገሱ።

ዎይኒያ ገደን አሊያ ጎሻንቸታ ሌሚሶ (ማር 12:1-12፤ ሉቃ 20:9-19)

33 ቃሲካ ዬሱሲ ሃይሳዳ ያገሰ፤ «ሃራ ሌሚሶ ሲዒቲ፡ ዎይኔ ቶኪዳ ኢሲ ኡራይ ዳዒስ። ሄ

21:5 ዛካ 9:9 * 21:9 ሆላና፡ ኢብራይስጵ ደናን ሆላና ጉሳይ «ኦና አሻ ጉሱ። ቃሲ አሳይ ያሳ ጋላታናው ጎዳቲያ ቃላ።
21:9 ማዘ 118:25 21:13 አሳ 56:7፤ ኤር 7:11 21:21 ማቶ 17:20፤ 1ቆር 13:2 21:32 ሉቃ 3:12፤ 7:29-30

ወይንና የሹዋ ዲሪስ። ወይንና ጉምዱም ኦላካ ቦኪስ። ወይንና ናጋናው ሻኩካ ሻኪስ። ሄሳፊ ጉዬ፣ ጋዲያ ኮሌ አሚዲ ሃራ ቢታ ቢስ።

34 ወይን እይፊያ ማዲያ ወዴይ ጋኪን ባና ጋኪያ ባጋ ኤኪዲ ያና ማላ ባ አይሌታ ኤንታኮ ዩዲስ።

35 ኮሌ አዋቲ ኢያ አይሌታ ኦይኪዲ ኢሱዋ ዋዲደሶና፣ ሃንኩዋ ዋዲደሶና ቃሲ አቲዳይሳ ሹቻን ጫዲደሶና።

36 ወይን አታኪልቲያ ጎዳይ ካሴይሳታፔ ዳሪያ ሃራ አይሌታ ከቲስ። ኮሌ አዋቲ ኤንታ ቦላካ ሃንኮይሳታ ቦላ ኦሌዳይሳ ኦሌደሶና።

37 ወርሱላን ኢ፣ ታና ናባ ኤንቲ ቦንቻና! ያጊዲ ባ ናባ ኤንታኮ ከቲስ።

38 «ሺን ኮሌ አዋቲ ናባ ቤዲዲ ባንታ ጊደን ስጋዲያ ላታናይሲ ሃይሳ፣ ኢያ ዋዲዲ ጋዲያ ኮኒ ላቶስ!» ያጊደሶና።

39 ናባ ኦይኪዲ ወይንና ጊደፊ ጋፃ ከሲዲ ዋዲደሶና።

40 «ሂዛ፣ ወይን አታኪልቲያ ጎዳይ ያ ዋዴ ሄ ኮሌ አዋታ ዋታኔ?» ያጊዲ ኦይቸስ።

41 ኤንቲ ዛሪዲ፣ «ኢ ሄ ኢታ አሳታ ኢታ ዋዲ ዋዲዲ፣ ወይንይ እይፊያ ዋዴ ኢያ ጋኪያ ባጋ ዋዴን ዋዴን አሚያ ሃራ ኮሌ አዋታሰ አማና» ያጊደሶና።

42 ዩሱሲ ዛሪዲ ኤንታኮ፣ ያሳ ቃላን፣ « ረምቤይሳቲ ቦሪዲ ኢዳዳ ሹቻይ፣ ጎዳ ያደዋ ሚንሌያ፣ ኡባፊ አዲያ ሹቻ ጊዲስ።

ሃይሲ ጎዳይ ኦሌዳባ፣ ኦ አይፊያሰ ማላሊሲያባ) ጌቲቲዲ ያፊቲዳይሳ ናባቢቤኬቲ?

43 «ሄሳ ጊሾ፣ ታኒ ሂንቲው ኦዳይሰ፤ ያሳ ካዋቲላይ ሂንቲፊ ኤኬቲዲ ሎዎ አይፊ አይፊያ አሳታሰ አሚታና።

44 [ሃ ሹቻ ቦላ ኩንዲያ ኡባይ ማቄሬታና። ቃሲ ሄ ሹቻይ ኢያ ቦላ ዋዲያ ኡራይካ ጋጩታና] † ያጊስ።

45 ካሂኔ ሃላቃቲኔ ፋሪሳዊቲ ዩሱሲ ኦዲዳ ለሚሱዋን ባንታና ኦዲዳይሳ ኤሪደሶና።

46 ኤንቲ ዩሱሳ ኦይካናው ኮዩደሶና፣ ሺን አሳይ ዩሱሳ ናቤ ኦሌዲ ያለያ ጊሾ አሳሰ ያዩደሶና።

22

ያጋኖ ያሳ ለሚሶ (ሉቃ 14:15-24)

1 ዩሱሲ አሳሰ ዛሪዲ ሃይሳዳ ያጊዲ ለሚሶ ኦዲስ።

2 «ያሳ ካዋቲላይ ባ ናባሰ ያጋኖ ገቢሲዳ ካወዋ ዳኔስ።

3 ሄ ካዋይ ያጋኖ ያና ማላ ኦዲ ዋሌዳ አሳታ ያጋናው ባ አይሌታ ከቲስ። ሺን አሳቲ ያናው ኮዩቦኮና።

4 ቃሲ ሃራ አይሌታ ያጊዲ፣ ያጌቲዳ አሳታኮ ቢዲ፣ ታኒ ታ ሳንጋታኔ ዋዲዳ ጋታርሚንሳታ

ሹካሰ፤ ኡባባይ ገቢስ። ታ ያጋኑዋ ሃ ዩቲ ያጊቲያ ያጊዲ ከቲስ።

5 ሺን ያጌቲዳይሳቲ ያሳ ኢዲዲ፣ ባንታ ኦሶስ ኦሶስ ቢደሶና። ኢሶይ ባ ጎሻሰ፣ ሃንኮይ ባ ዛልዲያሰ ቢስ።

6 ሃራቲ ቃሲ ካወዋ አይሌታ ኦይኪዲ፣ ካወሺ ዋዲዲ ዋዲደሶና።

7 «ካዋይ ዳሮ ዩሎቲዲ፣ ባ ዋታዳሬታ ዩዲዲ ሹምፖ ዋዲዳይሳታ ዋዲሲስ፣ ኤንታ ካታማካ ፀ-ጊስ።

8 ሄሳፊ ጉዬ፣ ባ አይሌታኮ፣ ስጋናይ ገቢስ፣ ሺን ያጌቲዳይሳቲ ያጋኑዋሰ ቤሲያ አሲ ጊደኮና።

9 ሄሳ ጊሾ፣ ዋጋ ኤንታ ቢዲ፣ ዳሚዳ አሲ ኡባ ያጋኑዋ ያና ማላ ያጊቲያ ያጊስ።

10 አይሌቲ ኦጊያ ቦላ ቢዲ ባንታ ዳሚዳ አሲ ኡባ ሎዎታኔ ኢታታ ኤሂዲ ያጋኖ ሻቃሪ ጌልሲዲ ኩንሊደሶና።

11 «ሺን ካዋይ ካሳ ማናው ኡቲዳ አሳ ቤባናው ጌሊዳ ዋዴ ያጋኖ ማዎ ማዲቦና ኢሲ አሲ ዳሚስ።

12 ኢያኮ፣ ላ፣ ኔ ያጋኖ ማዎ ማዎና ዋናዳ ሃይሳ ጌላዲ?» ያጊስ። ሺን ኡራይ ሲዲ ገሰ።

13 «ካዋይ ባ አይሌታኮ፣ ሃ ኡራ ኩሺያኔ ቶሁዋ ቃቸዲ፣ ካሬ ቋማ ኬሲ ዩጊቲ። ያን ኢያው ዩሆኔ አቻ ጋርጩላ ጊዳና» ያጊስ።

14 «ሃሳዳካ፣ ያሳ ካዋቲላይ ያጌቲዳይሳቲ ዳሮ ሺን ዳሬቲዳይሳቲ ጉላ» ያጊስ።

ጊራባ (ማር 12:13-17፤ ሉቃ 20:20-26)

15 ሄሳፊ ጉዬ፣ ፋሪሳዊቲ ቢዲ፣ ዩሱሳ ዋቲ ኦዳን ኦይካኔኮ ዘሪቲደሶና።

16 ባንታ ታማሬታኔ ሄሮዲሳ ባጋታፔ ኢሶታ ኢሶታ ከቲደሶና። ኤንቲካ፣ «አሰታማሪያው፣ ኔ ቱማ ኦዳይሳ ኦ ኤርስ። ኔኒ አሳፔ አሴ ሻካካ፣ አሳ ወይጋንዴሰ ጋዳ አይኮካ ኦሳካ፣ ያሳ ኦጊያ ቱማቲሳን ታማርሳሳ።

17 አኔ ኦሰ ኦዳ፣ ኦኒ ሮሜ ካወዋሰ ጊራ ጊራናው ቤሲ ቤሴኔ?» ያጊደሶና።

18 ሺን ዩሱሲ ኤንታ ኢታ ቆፋ ኤሪዲ፣ «ሃ ጩቦቶ፣ ታና አይሰ ፓጩቲ?»

19 ጊራ ጊሪያ ሚሺያ ታና ቤሲቲ» ያጊስ። ኤንቲካ ኢያው ሳንቲሜ ኤሂደሶና።

20 ኢ፣ «ሃ ሱንሳይኔ ማላይ ኦዳባዬ?» ያጊስ።

21 ኤንቲ፣ «ሮሜ ካወዋይሳ» ያጊደሶና። ያቲን ዩሱሲ ኤንታኮ፣ «ሂዛ፣ ካወዋሰ ቤሴይሳ ካወዋሰ፣ ያሳሰ ቤሴይሳ ያሳሰ አሚቲ» ያጊስ።

22 ኤንቲ ሄሳ ሲዲዳ ዋዴ ማላሌቲዲ ኢያ ማታፔ ኦጊዲ ቢደሶና።

ሃይቆፔ ዳንደባ (ማር 12:18-27፤ ሉቃ 20:27-40)

23 ሄ ጋላሰ ሃይቆፔ ዳንደይ ባዋ ያጊያ ሳዲቃዊቲ ዩሱሳኮ ዩዲ፣ ያጊዲ ኢያ ኦይቸደሶና።

21:33 ኢሳ 5:1-2 21:42 ማዝ 118:22 † 21:44 ኢሲ ኢሲ ቤኒ ማፃፋቲ ፓይዶ 44 ጉጆሶና (ሉቃ 20:18 ያለቲ)። 22:13 ማቶ 8:12፤ 25:30፤ ሉቃ 13:28 22:23 ሃ.ኦ 23:8 22:24 ዛሬ 25:5

24 «አስታማሪያው፡ ሙሴ፣ ኢሲ ኢሲ ናዓ ዩሎና ሃይቁኮ፡ ሄ ሃይቁዳይሳ አሻይ ኢያ ማቸው ኤኪዲ፡ ባ አሻሰ ናዓ ዩሎ» ያጊዲ ከቲሰ።

25 ኑ ኤሪያ ላፑን አሻቲ ዳዖሶና። ባይራይ ማቸ ኤኪዲ ናዓ ዩሎና ሃይቁኮ። ኢያ ማቸው ኢያ ካሎ አሻይ ኤኪሰ።

26 ሄሳዳካ፡ ሄ ማጫሲው ኤኪዲ ናምዓን፣ ሃቸገላይካ፡ ሄቸገላይካ፡ ቢዲ ላፑናቲ ዉራና ጋካናው ኡባይ ሃይቁዳይሶና።

27 ኡባፌ ጉዬ ሄ ማጫሲያ ሃይቃሱ።

28 ያቲን፡ ላፑናቲ ኡባይ ኢዮ ኤኪዲ ጊሾ ሃይቆፔ ዳንዲያ ጋላሰ፡ ሄ ማጫሲያ ላፑናታፔ አዉሳሰ ማቸ ጊዳኔ?» ያጊዲሶና።

29 ዩሱሲ ዛሪዲ፡ «ሂንቲ ያሳ ቃላይ ታማርሲያባ ወይኮ ኢያ ዎልቃ ኤርና ጊሾ ባሌታ።

30 አሳይ ሃይቆፔ ዳንዲያ ዎዳ ሳሎን ዳዒያ ኪታንቸታ ማላ ጊዳናፔ አቲን ኤኮኮና ጌሎኮና።

31 ቃሲ ሃይቁዳ አሳቲ ሃይቆፔ ዳንዳናባ ያሳይ ሂንቲው ኡዲዳይሳ ናባቢኬቲ?»

32 ያሳይ፡ ታኒ አብራሃማ ያሳ፡ ዪሳቃ ያሳ፡ ያይቆባ ያሳ» ያጊሰ። ሄሳ ጊሾ፡ ያሳይ ጋዓ ዳዒይሳታ ያሳፌ አቲን ሃይቁዳይሳታ ያሳ ጊዳና»

* ያጊሰ።

33 ዳሮ አሳይ ሄሳ ሲዲዲ፡ ኢያ ቲሚርቲያን ማላሌቲዳሶና።

ኡባፌ ባይራቲያ ከታ
(ማር 12:28-34፤ ሉቃ 10:25-28)

34 ዩሱሲ ሳዱቃዊታሰ ጋናባ ቆይሲዳይሳ ፋሪሳዊቲ ሲዲዳ ዎዳ ኢሲፌ ሸቂዳሶና።

35 ኤንታ ጊዳፌ ኢሲ ሂጌ አስታማሪይ ዩሱሳ ጋጩ ኦይሾ ኦይቸሰ።

36 «አስታማሪያው፡ ሂጌ ኡባፌ አዳይሲ አዉሴ?» ያጊዲ ኦይቸሰ።

37 ዩሱሲ ዛሪዲ፡ « ኔ ጎዳ፡ ኔ ያሳ፡ ኔ ኩማላ ዎዛና፤ ኔ ኩማላ ሸምፑዎፌ፡ ኔ ኩማላ ቆፋፔ ደሳ።

38 ኡባፌ አዳይሲኔ ባይራ ከታይ ሃይሳ።

39 ናምዓን፣ ኡባፌ አዳይ ከታይ፡ አሴ ኡባ ኔ ሁዒያ ኔ ደሴይሳዳ ደሳ» ያጊይሳ።

40 ሙሴ ሂጌይኔ ናቤታ ቲሚርቲይ ኡባይ ሃ ከታታ ቦላ ካቶሶና» ያጊሰ።

ኪሪሰቶሳባ አይቸዳ አይሻ
(ማር 12:35-37፤ ሉቃ 20:41-44)

41 ፋሪሳዊቲ ኢሲ ቦላ ሸቂዲ ዳዒሸን፡ ዩሱሲ ኤንታና።

42 «ኪሪሰቶሳባ ሂንቲ ዎይጌቲ? ኢ ኦዳ ናዔ?» ያጊዲ አይቸሰ።

ኤንቲ፡ «ኢ ካዉዎ ዳዊቲ ናዓ» ያጊዲ ዛሪዳሶና።

43 ዩሱሲ ኤንታኮ፡ «ያቲን፡ ዳዊቲይ ጌሻ አያናን ጊዲዲ ዋቲዲ ኪሪሰቶሳ፡ ሳዳ» ጊዲ ዪጊ? ዳዊቲይ ጊሴ።

44 ሳዳ ያሳይ፡ ታ ጎዳኮ፡ † ኔ ሞርኬታ ኔ ቶሆይ ዩዲያሶ ኦላና ጋካናው፡ ሃይሳን ታፔ ኡሻቻ ባጋን † ኡታ» ጊሰ።

45 ሂዛ፡ ዳዊቲይ ኪሪሰቶሳ ጎዳ ጊዲ ዪጊኮ፡ ዋኒዲ ኪሪሰቶሲ ዳዊቲ ናዓ ጊዲ?»

ያጊሰ።

46 ዩሱሳሰ ኢሲ ቃላ ዛራናው ዳንዳዒዳ አሲ ኦኒካ ባዎ። ቃሲ ሄ ጋላሳፔ ደሚዲ ሃራ ኦይሻ ኦይቻናው ኦኒካ ዳንዳዒሴና።

23

ሂጌ አስታማሪታኔ ፋሪሳዊታ ኢታቲሳ
(ማር 12:38-39፤ ሉቃ 11:43-46፤

20:45-46)

1 ሄሳፌ ጉዬ፡ ዩሱሲ ሸቂዳ አሳሲኔ ባ ታማሪታሰ ሃይሳዳ ያጊሰ።

2 «ሂጌ አስታማሪቲኔ ፋሪሳዊቲ ሙሴ ሂጊያ ቢላናው ማታራ ዳዖሶና።

3 ሄሳ ጊሾ፡ ኤንቲ ሂንቲና ከቲያ ኡባ ኦሊቲኔ ናጊቲ። ሸን ኤንቲ ኦሊይሳዳ ኦሎፊቲ። አይሰ ጊኮ፡ ኤንቲ ኦሊይሳዳ ኦሎኮና።

4 ኤንቲ ቶካናው ዳንዳዒቶና ቶሆ ቃቸዲ አሳ ቶሶሶና። ሸን ባንታው ሃሪ አቶሸን፡ ሄ ቶሆ አሳይ ቶኪያ ዎዳ ቢራዴ ዪራን ቦቻናው ኮኮኮና።

5 «ሸን ኤንቲ ባንታ ኦሶ ኡባ አሲ ቤዓና ማላ ኦሎሶና። ባንታ ሶምዖኒኔ ቁሴን ቃቸያ ማዓፋ ዪቁሴይ ዳዒያ ከታፌ ዳልጊሶሶና፡ ባንታ ማዑዎ ማጫራካ አዲሶሶና። *

6 ሞኬቲያ ቤሳን ቦንቸ ቤሴኔ አይሁዳ ዎሳ ኬላታን ዳሮ ሎዒያ ኦይዴ ደሶሶና።

7 አሳይ ጊያን ኤንታና ቦንቸን ሳርላይሳኔ (አስታማሪያው) ጊዲ ዪጋይሳ ኮኮኮና።

8 «ሸን ሂንቲ አስታማሪይ ኢሱዎ ዓላላ ጊዲዳ ጊሾኔ ሂንቲ ኡባይ አሻታ ጊዲዳ ጊሾ (አስታማሪያው) ጌቲቲዲ ዪጌቶፊቲ።

9 ሂንቲው ሳሎን ኢሲ አዎ ዓላላ ዳዒያ ጊሾ ሃ ሳዓን ኦናካ (አዎው) ጊዲ ዪጋላፊቲ።

10 ሂንቲው ኢሲ ጎዳይ ኪሪሰቶሳ ዓላላ ዳዒያ ጊሾ ሳዳው) ጌቲቲ ዪጌቶፊቲ።

11 ሂንቲ ጊዳን ባይራቲይ ሂንቲ አይሌ ጊዳ።

12 ባና ጊታያ ኦኒካ ካዉያና፤ ባና ካዉሸያ ኦኒካ ጊታታና።

ሂጌ አስታማሪቲኔ ፋሪሳዊቲ ቦሬቲዳሶና
(ማር 12:40፤ ሉቃ 11:39-42፤ 44፤ 52፤

20:47)

13 «ሂንቲኖ፡ ጩቦቶ፡ ሂጌ አስታማሪቶኔ ፋሪሳዊቶ፡ አሳ ሲንላን ሳሎ ካዎቲላ ጎርዳይሳቶ ሂንቲና አይ። ሂንቲ፡ ሂንቲ ሁዒን ጌሌኬታ ቃሲ ሃራታካ ጌልሴኬታ።

14 [«ሂንቲኖ ጩቦቶ፡ ሂጌ አስታማሪቶኔ፡ ፋሪሳዊቶ፡ አምዒታ ኬላ ሂንቲ ቦንቂሼ፡ አሲ

* 22:32 ያሳይ ጋዓ ዳዒይሳታ ያሳፌ አቲን ሃይቁዳይሳታ ያሳ ጊዳና፡ ዩሱሲ ሃ ቤሳን ኦይይ ያሳይ ሃ ሃይቁዳ ሂቸታሰ ያሴ ጊዳኮ ኤንቲ ዳዖን ዳዖሶና ያጊይሳ። 22:32 ከሳ 3:6 22:37 ዛሬ 6:5 22:39 ሉዌ 19:18 22:40 ሉቃ 10:25-28 † 22:44 ታ ጎዳኮ፡ ሃ ቤሳን ዳዊቲይ ታ ጎዳ ጊዲ ዪጌይ ኪሪሰቶሳ። 22:44 ማዝ 110:1 ‡ 22:44 ኡሻቻ ባጋን፡ ማታኔ ቦንቸ ቤሴ። 22:44 ማዝ 110:1 * 23:5 ሶምዖኒኔ ቁሴን ቃቸያ ማዓፋ... ማዑዎ ማጫራ አዲሶሶና፡ ሄሳ ኤንቲ ኦሊይ ያሳሰ ታ ኢማታሰ ጊያ ማላ ቤሳናሳ (ዛሬ 15:37-41)። 23:5 ማቶ 6:1፤ ዛሬ 6:8፤ ታይ 15:38 23:11 ማቶ 20:26 23:12 ሉቃ 14:11፤ 18:14

በያ ጊዲ ዋሳ አዲሱታ። ሄሳ ጊሾ፣ ሂንቴና አዬ። ኡባፌ አዲያ ፐርዳይ ሂንቴና ናጌሰ።] †

15 «ሂንቴና፣ ጨቦቶ፣ ሂጌ አስታማሪቶኔ ፋሪሳዊቶ፣ ሂንቴ ኢሲ ኡራ አማንፋናው አባራኔ ሳባራ ዩዬታ። ሺን ሂንቴ ኢያ አማንፋዲ ዋዴ ሄ ኡራ ሂንቴፌ አሉዲ ጋናሜሰ ጊጌቲዳይሳ ኦሉያ ጊሾ ሂንቴና አዬ።

16 «ኦኒካ ያሳ ኬላን ጫቂኮ አይኮይካ ባዋ። ሺን ያሳ ኬላን ዳዲያ ዋርቃን ጫቂኮ፣ ሄ ጫቆይ ኢያ ጎማና ጊያ ቆቆቶ፣ ሂንቴው ቆቆዲ ሃራታ ካሌሌይሳቶ፣ ሂንቴና አዬ።

17 ሂንቴና፣ ኤያቶ፣ ቆቆቶ፣ ዋርቃይ አዲዬ? ዋርቂያ ያሳሰ ዲማያ ያሳ ኬላይ አዲ?

18 ቃሲ ሉኒካ ያርሾ ያርሺያ በሳን ጫቂኮ፣ አይኮይካ ባዋ። ሺን ኦኒካ ኢያ ቦላ ዳዲያ ያርሹዋን ጫቂኮ፣ ሄ ጫቆይ ኢያ ጎማና) ያጊዲ ታማርሴታ።

19 ሂንቴና፣ ቆቆቶ፣ ያርሾይ አዲዬ? ያርሹዋ ያሳሰ ዲማያ በሳይ አዲ?

20 ሄሳ ጊሾ፣ ያርሾ በሳን ጫቂያ ኡራይ፣ ሄ ያርሾ በሳኒ ኢያ ቦላ ዳዲያ ኡባባን ጫቆሰ።

21 ያሳ ኬላን ጫቂያ ኡራይ፣ ሄ ያሳ ኬላኒ ኢያን ዳዲያ ያሳን ጫቆሰ።

22 ሳሎን ጫቂያ ኡራይ ያሳ አራታኒኔ ሄ አራታ ቦላ ኡቲያ ያሳን ጫቆሰ።

23 «ሂንቴና፣ ጨቦቶ፣ ሂጌ አስታማሪቶኔ ፋሪሳዊቶ፣ ሂንቴና አዬ። ሂንቴ ካራሳ ሳዎፔ፣ ናቲሮፔኔ ኦካሽፔ አሰራታ ኬሴታ። ሺን ሂጊያን ዳዲያ አዲ ኮሼይሳታ አጊዳታ። ሄሲካ ሱሬ ፐርዳ፣ ቃዴቲሉኔ ኡባባን አማኔቲሉ። ሃራታካ አጎናሺን ሃይሳታ ሂንቴ ኦላናው በሴሰ።

24 ሂንቴው ቆቆዲ ሃራ አሲ ካሌሌይሳቶ፣ ሂንቴ ኡሻፌ ኡዲንፃ ኬሲዲ ገማሌ ሚቲታ።

25 «ሂንቴና፣ ጨቦቶ፣ ሂጌ አስታማሪቶኔ ፋሪሳዊቶ፣ ሂንቴና አዬ። ሂንቴ ሻቲያሲኔ ኬሪያሰ ቦላ ባጋ ጌሼታ። ሺን ኤንታው ጋርሳን ቦንቄይኔ ኡዜቲሉ ኩሚ ኡቲሰ።

26 ኔኖ ቆቆ ፋሪሳዊያው፣ ሻቲያሲኔ ኬሪያሰ ጋርሳ ካሴታዳ ጌሻ። ሄሳፌ ጉዬ፣ ቦላ ባጋይካ ጌሺ ጊዳና።

27 «ሂንቴና፣ ጨቦቶ፣ ሂጌ አስታማሪቶኔ ፋሪሳዊቶ፣ ሂንቴና አዬ። ካራ ባጋራ ቃላሜ ቲዬቲዲ ሎዲዲ፣ ጊደን ሜቄሉኔ ዋቂዳባይ ኩሚዳ ዲፎታ ዳኔታ።

28 ሄሳዳካ፣ ቦላ ባጋራ አሳሰ ሎ? ዳኔታ። ሺን ሂንቴ ጋርሳን ጨቦቲሉኔ ኢታቲሉ ኩሚሰ።

29 «ሂንቴና፣ ጨቦቶ፣ ሂጌ አስታማሪቶኔ ፋሪሳዊቶ፣ ሂንቴና አዬ። ሂንቴ ናቤታሰ ዲፎ ኬፃታ፣ ቃሲ ዲሎታ ዲፋዋካ ሎይሉታ።

30 ቃሲ ሂንቴ፣ ሉኒ በኒ ኑ አዋታ ዋዴ ዳዲዳሳ ጊዲያኮ፣ ኤንታራ ኢሲፌ ናቤታ ሱላ ጉሶኮሺን) ያጌታ።

31 ሄሳ ጊሾ፣ ሂንቴ ናቤታ ዋዲዳ አሳ ናይታ ጊዳይሳ ሂንቴ ሂንቴ ሁዔን ማርካቲታ።

32 ሂዛ፣ ሂንቴ አዋቲ ደሚዳይሳ ሂንቴ ፖሊቲ።

33 «ሃ ሾሻቶ፣ ሾሻ ናይቶ፣ ሂንቴ ጋናሜ ፐርዳፌ ዋኒዲ አታኔ?

34 ሄሳ ጊሾ፣ ታ ኦዴይሳ ሲዒቲ፤ ታኒ ናቤታ፣ ጨንጫ አሳታኔ አስታማሪታ ሂንቴኮ ኪታና። ኤንታፌ ኢሶታ ኢሶታ ሂንቴ ዋዳኔ ማስቃሊያ ቦላ ካቃና። ባጋታ አይሁዳ ዋሳ ኬላታን ሊሶን ጋራፋናኔ ካታማፔ ካታማ ጎዳና።

35 ሄሳ ጊሾ፣ ዲሎዋ አቤላ ዋዲዳ ዋዲያፔ ደሚዲ፣ ያሳ ኬላሲኔ ያርሾ በሳፌ ጊደን ሂንቴ ዋዲዳ ባራኪያ ናዓ ዛካሪያሳ ዋዴ ጋካናው ሃይቂዳ ዲሎ አሳ ኡባ ጊሾ ሂንቴ ሴሬታና።

36 ታኒ ሂንቴው ቲማ ኦዳይሰ፤ ሂንቴኔ ሂንቴ አዋቲ ኦሉዳ ባላሰ ሃ ፐርዳ ኡባይ ሃ ዬሌቴላ ቦላ ጋካና።

ዩሱሲ ዩሩሳላሜስ ዩኪሰ (ሉቃ 13:34-35)

37 «ዩሩሳላሜ፣ ዩሩሳላሜ፣ ናቤታ ዋዲያሬ! ያሳይ ኔኮ ኪቲዳይሳታ ሹቻን ጨዲያሬ! ኩቶይ ባ ናይታ ባ ቂፊን ሃዴይሳዳ ታኒ ኔ አሳ ታ ቂሲያን ጌቻናው አፑን ቶሆ ኮያዲና! ሺን ታና ዲጋዳሳ።

38 ሂዛ፣ ሂንቴ ያሳ ኬላይ ካይሲ ጊዳና።

39 ታኒ ሂንቴው ኦዳይሰ፤ ሳዳ ሱንሳን ዩይሲ አንጃቲዳይሳ) ሂንቴ ጋና ጋካናው ናምዓንሉ ታና በዔኬታ» ያጊሰ።

24

ዩሱሲ ያሳ ኬላይ ላሌታናይሳ ካሴቲዲ ኦዲሰ

(ማር 13:1-2፤ ሉቃ 21:5-6)

1 ዩሱሲ ያሳ ኬላፌ ኬዬዲ ቢሺን፣ ኢያ ታማራቲ ኢያኮ ዩዲ፣ ማላሌቲዲ ያሳ ኬላ ገምቢያ በሲደሶና።

2 ዩሱሲ ኤንታኮ ዛሪዲ፣ «ኤ! ሃይሳ ኡባ በዔቲ? ታኒ ሂንቴው ቲማ ኦዳይሰ፤ ሹቹ ሹቻ ቦላ ገምቤቲዳ ሜላ ላሌቶና አቲና» ያጊሰ።

ሲንሳፌ ሃናናባታ (ማር 13:3-13፤ ሉቃ 21:7-19)

3 ዩሱሲ ሻማሆ ዳሪያ ቦላ ኡቲዳሺን፣ ኢያ ታማራቲ ባንታርካ ኢያኮ ዩዲ፣ «ሃሲ አዉዴ ሃናኔኮ ኑሰ ኦዳ። ቃሲ ኔ ዩሳሲኔ ዋዲያ ዉርሴላሰ ማላታይ አይቤ?» ያጊዲ ኦይቹደሶና።

4 ዩሱሲ ዛሪዲ፣ «ሂንቴና ኦኒካ ባሌላና ሜላ ናጌቲቲ!

5 አይሰ ጊኮ፣ ዳር አሳቲ ታ ሱንሳን፣ ሓኒ ኪሪሰቶሳ፣ ያሳይ አሳ አሻናው ኪቲዳይሳ) ያጊሾ ዩዲ ዳር አሳ ባሌላና።

6 ማታን ዳዲያ አላ ጊርሳ፣ ሃሆን ዳዲያ አላ ዋራ ሲሳናው ዳዴታ። ሄሳ ሜላባይ ሃናናው በሲያ ጊሾ ሂርሳፊቲ። ሺን ዉርሴላይ ቡርና።

7 ዳራይ ዳሪያራ፣ ኢሲ ካዋቲላይ ሃራ ካዋቲላራ ኦሌታና። ኮሻይኔ ቢታ ቃይይ ኡባ በሳን ሃናና።

8 ሃሲ ኡባይ ዩሎ ኢቄላሰ ዘኬ ሜላ።

† 23:14 ኢሲ ኢሲ በኒ ማፃፋቲ ፓይዶ 14 ጉጃሶና። 23:22 ኢሳ 66:1፤ ማቶ 5:34 23:23 ለዋ 27:30 23:27 ሃ.ኦ 23:3 23:33 ማቶ 3:7፤ 12:34፤ ሉቃ 3:7 23:35 ሜዴ 4:8፤ 2ታሪ 24:20 23:38 ኤር 22:5 23:39 ማዝ 118:26 24:9 ማቶ 10:22

9 «ሄ ዎዴ አሳይ ሂንቴና ዋዬስ አሉ ኢማና፡ ቃቻናኔ ዎቆና፡ ታ ሱንሳ ገሾ አሳ ኡባይ ሂንቴና ኢፃና።

10 ሄ ዎዴ ዳሮቲ አማኖ አጋና፡ ባንታ ገደን ኢሶይ ኢሱዋ አሉዲ አማና፡ ኢሶይ ኢሱዋ ኢፃና።

11 ቃሲ ዳሮ ዋርዶ ናቤቲ ዴንዲዲ ዳሮታ ባሌላና።

12 ጌላቴሉ ዳሪያ ገሾ ዳሮ አሳ ሲቆይ ኢርፃና።

13 ሺን ወርሴሉ ጋካናው ጌንጨያ ኡራይ አታና።

14 አሳ ኡባስ ማርካ ገደና ሜላ ፆሳ ካዎቲላ ዎንጌላይ ቢታ ኡባን ኦዴታና። ሄሳፌ ጉዬ፡ ወርሴላይ ያና።

ቱና ባሻ

(ማር 13:14-23፤ ሉቃ 21:20-24)

15 «ሄሳ ገሾ፡ ናቢያ ዳኔሊ ኦዲዳ ባሻ ቱናቴላይ ጌሻ ቤሳን ኤቁዳይሳ ሂንቴ ቤዓና። (አኬኪሶ፡ ሄሲ ዎይ ጉሴኮ ናባቤይሲ አኬኮ!)

16 ሄ ዎዴ ዩሁዳ ቢታን ዴዔይሳቲ ዴሪያኮ ባቃቶ።

17 ኬላ ሁዔን ዴዔያ ኡራይ ባ ሶን ዴዔያባ ኤካናው ሶ ጌሎና ባቃቶ።

18 ጋዴን ዴዔይሲ ባ ማዑዋ ኤካናው ጉዬ ሲሞሮ።

19 ሄ ዎዴ ቃንላ ማጫሳታሲኔ ቆንሉያ ማጫሳታሰ ዳሮ ኡንዓ ገደና።

20 ባልጎን ዎይኮ ሳምባታን ሂንቴ ባቃቶይ ገደና ሜላ ፆሳ ዎሲቲ።

21 አይሰ ገኮ፡ ሳዒ ሜዴቶሳፔ ሃቺ ጋካናው ሃናናባይ፡ ቃሲ ሲንሳፊካ ኡባራካ ሃናና ዎዬይ ሄ ዎዴ ሃናና።

22 ፆሳይ ሄ ጋላሳታ ታይቡዋ ጉላናኮ አሴ ገዲዳ ኦኒካ አቴና። ሺን ኢ ባ ዶሪዳ አሳታ ገሾ ሄ ጋላሳታ ታይቡዋ ጉላና።

23 «ሄ ዎዴ ኦኒካ ሂንቴና፡ ሄኮ፡ ኪሪሰቶሲ ሃይሳን) ዎይኮ (ሂንጎ ዴዔሰ) ያገኮ አማኖ፤

24 አይሰ ገኮ፡ ዎርዶ ኪሪሰቶሳቲኔ ዎርዶ ናቤቲ ዴንዳና። ኤንታው ዳንዳዔቲኮ፡ ሃሪ አቶሺን ፆሳይ ዶሪዳይሳታካ ባሌላናው ገታ ማላታታኔ ማላሊሲያባታ ኦላና።

25 አኬኪቲ፡ ታኒ ሂንቴው ሃይሳ ካሴታዳ ኦዳሰ።

26 «ሄሳ ገሾ፡ አሳይ ሂንቴኮ፡ ሄኮ፡ ኪሪሰቶሲ ባዘን ዴዔሰ) ገኮ፡ ያ ቦፒቲ። ዎይኮ ሂንቴኮ፡ ሄኮ፡ ቆልዓን ዴዔሰ) ገኮ፡ ኤንታባ አማኖ፤

27 አይሰ ገኮ፡ ዎልዓንሉ ሳሎን ዎልዓሚዲ፡ ዶሎሃፔ ወሎሃ ጋካናው ቤንቴይሳዳ፡ አሳ ናዓ ዩሳይ ሄሳዳ ሃናና።

28 «ባወቲ ዴዔይሶን አንኮቲ ሺቃና።

ኪሪሰቶሲ ናምዓንሉ ያና (ማር 13:24-27፤ ሉቃ 21:25-28)

29 «ሄ ዎዴ ሄ ዎዬ ጋላሳታፔ ጉዬ፡ ሶሁዋራ አዎይ ቆማና፡

አጌናይ ባ ፖዑዋ ዲጋና። ያለንቶቲ ሳሎፔ ዎቆና፡

ቃሲ ሳሎን ዴዔያ ዎልቃቲ ቡቁታና።

30 ሄ ዎዴ አሳ ናዓ ዩሳ ማላይ ሳሎዋ ቦላ ቤንታና። ሳዓን ዴዔያ አሲ ኡባይ ዬካና። ቃሲ አሳ ናዓይ፡ ዎልቃራኔ ገታ ቦንቹዋራ ሳሎዋ ሻራ ገዶራ ዩሺን ኤንቲ ቤዓና።

31 ኢ ባ ኪታንቸታ ገታ ፑኒያ ሞይዜራ ኪታና። ኤንቲ ሳዓ ኦይዲ ባጋ ቢዲ፡ ሃ ጋፃፔ ያ ጋፃ ጋካናው ዴዔያ ኢያው ዶሪቲዳይሳታ ሺሻና።

ጎዳይ ያና ጋላሳ ማላታ

(ማር 13:28-31፤ ሉቃ 21:29-33)

32 «ባላሴ ሚላፌ ታማሪቲ። ኢ አጨዲ ሃይዔያ ዎዴ ቶርቼይ ማታቲዳይሳ ሂንቴ ኤሪታ።

33 ሄሳዳካ፡ ሂንቴ ሃ ኡባባ ቤዔያ ዎዴ ዬሱሲ ማቲዲ ፔንጌን ዴዔይሳ ኤሪቲ።

34 ታኒ ሂንቴው ቱማ ኦዳይሰ፤ ሃ ኡባባይ ፖሌታና ጋካናው፡ ሃ ዬሌቴላይ አዴና።

35 ሳሎይኔ ሳዓይ አቆና፡ ሺን ታ ቃላይ ኡባካ አዴና።

ጎዳይ ያና ጋላሳ ኦኒካ ኤሪና

(ማር 13:32-37፤ ሉቃ 17:26-30፤ 34-36)

36 «ሄ ጋላሳኔ ሄ ሳቲያ ሳሎን ዴዔያ ታ አዋፔ አቲን ሃሪ ሳሎ ኪታንቸታ ገዲን ዎይኮ ናዓ ገዲን ኦኒካ ኤሪና።

37 አሳ ናዓ ዩሳይ፡ ኖሄ ዎዴ ሃኒዳይሳ ሜላ ገደና።

38 ሄ ዎዴ ቆሶ ሃላይ ያናፔ ሲንሉ ኖሄይ ማርካቢያን ጌሊዳ ጋላሳ ጋካናው፡ አሳይ ሚሼኔ ኡዩሼ፡ ኤኪሼኔ ጌሊሼ ጋምዒሰ።

39 ባሻ ሃላይ ዩዲ፡ ኤንታ ኡባ ቆይሳና ጋካናው አኬኪቦኮና። አሳ ናዓ ዩሳይካ ሄሳዳ ሃናና።

40 «ሄ ዎዴ ናምዑ አሳቲ ጋዴን ኦላና። ኤንታፌ ኢሶይ ኤኬታና፡ ሃንኮይ አታና።

41 ናምዑ ማጫሳቲ ኢሲፌ ጋጫና። ኤንታፌ ኢሲኒያ ኤኬታና ሃንኪያ አታና።

42 «ሂዛ፡ ሂንቴ ጎዳይ አይ ጋላሰ ያኔኮ ሂንቴ ኤሮና ገሾ ሚኒዲ ናገቲ።

43 ሺን ካይሶይ ቃማፌ አይ ሳቲን ያኔኮ ኬላዎይ ኤሪያኮ፡ ባ ኬላይ ቦኬቶና ሜላ ባርኪዲ ናጋናሺን።

44 ሄሳዳካ፡ አሳ ናዓይ ሂንቴ ቆፖና ሳቲን ያና ገሾ ሂንቴካ ገገዲ ዴዒቲ።

ኢታኔ ሎዎ አይሌታ ለሚሶ

(ሉቃ 12:41-48)

45 «ያቲን፡ ባ ሶ አሳሰ ካላ ኮሺያ ዎዲያን አማና ሜላ ኢያ ጎዳይ ዶሪዳ አማንሌይሲኔ ዎዛናማ አይሌይ ኦኔ?

46 ኢ ባ ጎዳይ ኪቲዳይሳ ኦሊሺን ኢያ ጎዳይ ዩዲ ዴሚያ አይሌይ ኢንጃቲዳይሳ።

47 ታኒ ሂንቴው ቱማ ኦዳይሰ፤ ጎዳይ ሄ አይሊያ ባባ ኡባ ቦላ ሹማና።

48 ሺን ሄ አይሌይ ኢታ ገዲኮ፡ ታ ጎዳይ ጋምዒዲ ያና) ያገዲ ባ ዎዛናን ቆፒዲ፡

49 ባ ላጌ አሳንቸታ ዋጾ ደመኮ፡ ማላቲይሳታራ ሚኮኔ ኡዪኮ፡

50 ሄ አይሊያ ጎዳይ ኢ ቆፖና ጋላሲኔ ኢ ኤሮና ሳቲን፡

51 ዪዲ ኢያ ቃንጻሬላና፡ ኢያ ቃዳ ጨቦታራ ኦላና፡ ሄ ቤሳን ኢያው ዩሆኔ አቼ ጋርጩላ ገዳና፡

25

ታው ጌላጾታ ለሚሶ

1 «ሄ ዋዴ ሳሎ ካዎቴላይ ባንታ ኩራዚያ ኦይኪዲ፡ ማቸ ኤሃናው ቢዳ አዲያ ሞካናው ኬዪዳ ታው ጌላጾታ ዳኔስ፡

2 ኤንታፌ ኢቻሻቲ ኤያ፡ ቃሲ ኢቻሻቲ ጨንጫ፡

3 ኤያቲ ኩራዜ ኦይኪዲሶና፡ ሺን ሃራ ላምባ ኦይኪሶኮና፡

4 ሺን ጨንጫቲ ባንታ ኩራዚያኔ ሃራ ጉዣ ላምባ ኦይኪዲሶና፡

5 ማቸው ኤኬይሲ ጋምባን፡ ሄ ጌላጾታ ባንታና ጳሰኮይ ኦይኪን ጳሰኪዲሶና፡

6 «ገዲ ቢላሄ ገዲያ ዋዴ ላሃ፡ ማቸው ኤሃይሲ ጋኪሰ፡ ኢያ ሞካናው ኬዪቲ» ያገያ ገታ ጫቦይ ሲዔቲሰ፡

7 «ሄ ዋዴ ሄ ጌላጾታ ኡባይ ባርኪዲ፡ ባንታ ኩራዚያ ገገሲዲሶና፡

8 ኤያቲ ጨንጫታኮ፡ ሓ ኩራዜይ ቶዳና ሃኒያ ገሾ ሃንቲ ላምባፌ ኩስ አሚርኬቲ» ያገደሶና፡

9 «ሺን ጨንጫቲ ኤንታኮ ዛሪዲ፡ ላካይ፡ ኩሲኔ ሃንቲስ ገዲያ ላምባ ባዋ፡ ሄሳ ገሾ፡ ሃንቲው ቢዲ ሻሚዲ ኤኪቲ» ያገደሶና፡

10 ኤያ ጌላጾታ ላምባ ሻማናው ቢን፡ ማቸው ኤኬይሲ ፑቲ ገሰ፡ ገጌቲ ኡቲዳ ኢቻሹ ጌላጾታ ኢያራ ኢሲፌ ያጋኖ ኬላ ጌሊዲሶና፤ ካሬይካ ጎርዴቲ አገሰ፡

11 «ጉዬፔ ሃንኮ ጌላጾታ ዪዲ፡ ሳዳው፡ ጎዳው፡ ኩስ ደያርኪ» ያገደሶና፡

12 «ሺን ኢ ኤንታኮ ዛሪዲ፡ ሓኒ ሃንቲው ቱማ ኦዲይሰ፤ ታ ሃንቲና ኤሪኬ!»

13 «ሃዛ፡ አሳ ናዓይ ያና ጋላሳ ዋይኮ ሳቲያ ሃንቲ ኤሮና ገሾ ባርኪዲ ናገቲ፡

ሄቹ አሳንቸታ ለሚሶ

(ሉቃ 19:11-27)

14 «ዶሳ ካዎቴላይ ባ አሳንቸታ ጻገዲ ባው ዳዒያባ ኤንታው ሹጲዲ ኦጌ ባናው ኬዪዳ ኡራ ዳኔስ፡

15 ኤንታው ሁዔን ሁዔን ኤንታ ዋልቃ ሚላ ኢሱዋስ ኢቻሹ ካርጻቲ ቢራ፡ ኢሱዋስ ናምቡ ካርጻቲ ቢራ ቃሲ ኢሱዋስ ኢሲ ካርጻቲ ቢራ አሚዲ ባ ኦጊያ ቢስ፡

16 ኢቻሹ ካርጻቲ ቢራ ኤኪዳ አይሌይ ሶሁዋራ ቢዲ ዛልዒዲ፡ ሃራ ኢቻሹ ካርጻቲ ቢራ ዋጲሲሰ፡

17 ሄሳዳካ፡ ቃሲ ናምቡ ካርጻቲ ቢራ ኤኪዳ አይሌይ ሃራ ናምቡ ካርጻቲ ቢራ ዋጲሲሰ፡

18 ሺን ኢሲ ካርጻቲ ቢራ ኤኪዳይሲ ቢዲ፡ አላ ቦኪዲ፡ ባ ጎዳ ሚሺያ ሞገሰ፡

19 «ዳሮ ዋዴፔ ጉዬ ሄ አይሌታ ጎዳይ ዪዲ፡ ባ ሚሺያ ኤንታራ ሳላዒሰ፡

20 ኢቻሹ ካርጻቲ ቢራ ኤኪዳ አይሌይ ዪዲ፡ ሃራ ኢቻሹ ካርጻቲ ቢራ ኤሃዲ፡ ሓ ጎዳው፡ ኔኒ ታው ኢቻሹ ካርጻቲ ቢራ አማዳሳ፡ ሺን ታኒ ሃራ ኢቻሹ ካርጻቲ ቢራ ዋጲሲሰ» ያገሰ፡

21 ኢያ ጎዳይ፡ «ዛምቦይ! ኔኒ ሎዎኔ አማንሊያ አይሌ፤ ኔኒ ጉላባን አማኔታዳሳ፡ ታኒ ኔና ዳሮባ ቦላ ሹማና፤ ሃ ጌላዳ ኔ ጎዳራ ኡፋይታ» ያገሰ፡

22 «ቃሲ ናምቡ ካርጻቲ ቢራ ኤኪዳይሲ ዪዲ፡ ሓ ጎዳው፡ ኔኒ ታው ናምቡ ካርጻቲ ቢራ አማዳሳ፡ ሺን ታኒ ሃራ ናምቡ ካርጻቲ ቢራ ዋጲሲሰ» ያገሰ፡

23 ኢያ ጎዳይ፡ «ዛምቦይ! ኔኒ ሎዎኔ አማንሊያ አይሌ፤ ኔኒ ጉላባን አማኔታዳሳ፡ ታኒ ኔና ዳሮባ ቦላ ሹማና፤ ሃ ጌላዳ ኔ ጎዳራ ኡፋይታ» ያገሰ፡

24 «ቃሲ ኢሲ ካርጻቲ ቢራ ኤኪዳይሲ ዪዲ፡ ሓ ጎዳው፡ ኔኒ ዜሮና ቤሳፌ ጫኬይሳኔ ጳርጮና ቤሳፌ ማዲያ ኢታ አሲ ገዴይሳ ታኒ ኤራይሰ፡

25 ሄሳ ገሾ፡ ያዳዳ ኔ ቢራ ቢታን ሞጋሰ፡ ኔ ሚሺይ ሃይሲሽ» ያገሰ፡

26 «ኢያ ጎዳይ ዛሪዲ፡ ላካ ኢታ አዛላ አይሊያው፡ ታኒ ዜሮና ቤሳፌ ጫኬይሳኔ ጳርጮና ቤሳፌ ማዲያ አሲ ገዴይሳ ኤራዳሳ፡

27 ያቲን፡ ኔኒ ታ ሚሺያ ባንኬን ዋሊዳባ ገዲያኮ፡ ታኒ ሲሚያ ዋዴ ታ ሚሺያ ዋጲራ ኤካናይሳ ዲጋዳሳ፡

28 ሄሳ ገሾ፡ ሚሺያ ኢያፔ ኤኪዲ፡ ታው ካርጻቲ ቢራ ዳዒይሳሰ አሚቲ፡

29 አይሰ ገኮ፡ ዳዒያ ኡባሰ ጉዙታናኔ ዳራና፡ ሺን ባይናይሳፌ ሃራ አቶሺን፡ ሄ ኢያው ዳዒያ ጉሊያካ ኤኬታና፡

30 ሃ ማደና አይሊያ ካሬ ጳማ ኬሲ ዩገቲ፡ ያን ኢያው ዩሆኔ አቼ ጋርጩላ ገዳና» ያገሰ፡

ዋዲያ ዉርሴላን ሃናና ፒርዳ

31 «አሳ ናዓይ፡ ኪታንቸ ኡባታራ፡ ባ ቦንቹዋራ ያ ዋዴ ኢ ባ ቦንቸ ካዎታ አራታ ቦላ ኡታና፡

32 ቢታን ዳዒያ አሲ ኡባይ ኢያ ሲንፊ ሺቃና፡ ሄንላንቸይ ደርሳታ ዳሻታፔ ሻኬይሳዳ ኢ ሄ አሳ ናምባን ሻካና፡

33 ቃሲ ደርሳታ ኡሻቻ ባጋራ ዳሻታ ሃዲርሳ ባጋራ ኤሳና፡

34 «ሄሳፌ ጉዬ፡ ካዎይ ኡሻቻ ባጋራ ዳዒይሳታኮ ሃይሳዳ ያጋና፡ ሓ አዋይ አንጂዳይሳቶ፡ ሃ ዪዲ ሳዓይ ሜጴቲያ ዋዴ ሃንቲው ገገዲ ካዎቴላ ላቲቲ፡

35 አይሰ ገኮ፡ ታኒ ኮሻቲን ሙዚዳታ፡ ሳሞቲን ኡሺዳታ፡ ኤሬቶና አማላ አሲ ገዲዳ ቢን ሞኪዳታ፡

36 ካሎቲን ማይዚዳታ፡ ሃርጌቲን ሃርጊሲዳታ፡ ቃሹቲን ታና ኦይቹዳታ» ያጋና፡

25:1 ሉቃ 12:35 25:14 ሉቃ 19:11-27 25:29 ማቶ 13:12፤ ማር 4:25፤ ሉቃ 8:18 25:30 ማቶ 8:12፤ 22:13፤ ሉቃ 13:28 25:31 ማቶ 16:27፤ ማቶ 19:28

37 «ሄሳፌ ጉዬ፣ ዓሎቲ ዛሪዲ፣ ሳዳው፣ ኔኒ ኮሻቲን አዉዴ ቤዒዲ ሙዚደ? ዋይኮ ኔኒ ሳዋቲን አዉዴ ቤዒዲ ኡሺደ?

38 ኔኒ እማሌ ጊዳዳ ዪን አዉዴ ቤዒዲ ሞኪደ? ዋይኮ ኔኒ ካሎቲን አዉዴ ማይዚደ?

39 ኔኒ ሃርጊን ዋይኮ ቃሹቲን ኔኮ ቢዲ ኔና አዉዴ ኦይቸደ?» ያገና።

40 ካዋይ ዛሪዲ፣ ታኒ ሂንቲው ቱማ ኦዳይስ፤ ሂንቲ ታና ካሊያ ሃ ኡባፌ ጉዳይሳስ ኦሊዳይሳ ታው ኦሊዳይታ» ያገና።

41 «ሄ ዋዴ ሃዲርሳ ባጋራ ደዔይሳታኮ፣ «ሃ ቃንጌቲዳይሳቶ፣ ታ ማታፔ ሃኪቲ። ፃላሄሲኔ እያ ኪታንቸታስ ጊጊዳ ማሪና ታማን ቢቲ።

42 አይሰ ጊኮ፣ ኮሻቲን ታና ሙዚቤኬታ፤ ሳዋቲን ኡሺቤኬታ።

43 ታኒ እማሌ ጊዳዳ ቢን ታና ሞኪቤኬታ፣ ካሎቲን ማይዚቤኬታ፣ ሃርጊኔ ቃሹቲን ታና ኦይቸቤኬታ» ያገና።

44 «ሄ ዋዴ ኤንቲ፣ ሳዳው፣ ኔኒ ኮሻቲን ዋይኮ ሳዋቲን ዋይኮ እማሌ ጊዳዳ ቢን ዋይኮ ካሎቲን ዋይኮ ሃርጊን ዋይኮ ቃሹቲን ቤዒዲ ኔና አዉዴ ማዶና ኢዲደ?» ያጊዲ ዛራና።

45 «ሄ ዋዴ ካዋይ ዛሪዲ ኤንታኮ፣ ታኒ ሂንቲው ቱማ ኦዳይስ፤ ሂንቲ ታና ካሊያ ሃ ኡባፌ ጉዳይሳ ማዶና ኢዲዳይሰ። ታና ማዶና ኢዲዳይሳ» ያገና።

46 ሄሳ ጊሾ፣ ሄ አሳቲ ማሪና ፐርዳስ ቃሲ ዓሎቲ ማሪና ዴዑዋስ ባና» ያጊሰ።

26

ዩሱሳ ቦላ ማቄቲደሶና (ማር 14:1-2፤ ሉቃ 22:1-2፤ ዮሃ 11:45-53)

1 ዩሱሳ ሃ ቲሚርቲያ ኡባ ዉርሲዳ ዋዴ ባ ታማሪታኮ።

2 «ናምዑ ጋላሳፔ ጉዬ፣ ፓሲካ ባሌ ቦንቹያ ጋላስ ጊዳይሳ ኤሬታ። ሄ ጋላስ አሳ ናዓይ ማስቃሊያ ቦላ ካቄታናው አሳ ኩሼን አጴ እማታና» ያጊሰ።

3 ሄ ዋዴ ካሂኔ ሃላቃቲኔ ጩማቲ፣ ቃያፋ ጊያ ካሂኔ ሃላቃ ከፋን ሸቂዲ።

4 አሲ ኤርና ዩሱሳ ኦይኪዲ፣ ዋዳናው ማቄቲደሶና።

5 ሺን ኤንቲ፣ «አሳይ ኦሺ ኬሶና ማላ ጊዲ፣ ፓሲካ ቦንቹያ ጋላስ ሄሳ ኦሎኮ» ያጊደሶና።

ኢሲ ማጫሲያ ዩሱሳ ሸቶ ቲያሱ (ማር 14:3-9፤ ዮሃ 12:1-8)

6 ዩሱሳ ቢታኒያ ካታማን ባር ሃርጊዳ ሲሞና ሶን ዴዔስ።

7 ዩሱሳ እማቱዋ ቦላ ዴዒሺን ኢሲ ማጫሲያ አልባስደርሴ ጲልቃፄ ኩሜላ ዳር አልዎ ሸቶ ኤካ ያዳ ዩሱሳ ሁዔን ቲጋሱ።

8 ሺን ዩሱሳ ታማሪቲ ሄሳ ቤዒዲ ሃንቄቲዲ፣ «ሃ ሸቶይ ጮ ኢቲይ አይቢሴ?»

9 ሃ ሸቶይ አልዎ ጋቲን ባይዘቲዲ፣ ሚሼይ ማንቆታስ እማታናው ዳንዳዔቲስ» ያጊደሶና።

10 ዩሱሳ ኤንቲ ጌይሳ ኤሪዲ፣ ኤንታኮ፣ «ሃ ማጫሲው አይሰ ዋይሴቲ? ኢያ ታው ሎዎባ ኦሳሱ።

11 ማንቆቲ ኡባ ዋዴ ሂንቲራ ዳና። ሺን ታኒ ሂንቲራ ኡባ ዋዴ ዴዒኬ።

12 ኢያ ሃ ሸቱዋ ታ ቦላ ቲጊዳይሲ ታና ሞጋናው ጊጊሳናሳ።

13 ታኒ ሂንቲው ቱማ ኦዳይስ፤ ቢታ ኡባን ሃ ዋንጌላይ ሳባኬቲያ ቤሳን አዉንካ፣ አሳይ ኢዮ ሃሳናና ማላ ኢያ ኦሊዳይሲ ኦዳታና» ያጊሰ።

ዩሱዲ ዩሱሳ አሊዲ እማናው ጊጌቲስ (ማር 14:10-11፤ ሉቃ 22:3-6)

14 ሄ ዋዴ ታማኔ ናምዑ ዩሱሳ ታማሪታፔ ኢሶይ፣ አሰቆርታ ዩሱዳ ጌቲቲይሲ ካሂኔ ሃላቃታኮ።

15 ቢዲ፣ «ታኒ ሂንቲው ዩሱሳ አላ እሚኮ፣ ሂንቲ ታው አይ እማኔ?» ያጊዲ ኤንታ ኦይቸሰ።

ኤንቲ ዘሬቲዲ ሃስታሙ ቢራ ሳንቲሜ * † እሚደሶና።

16 ሄሳፌ ጉዬ፣ ዩሱዲ ዩሱሳ አሊዲ እማናው ኢንጄቲያ ዋዴ ዋቸሰ።

ዩሱሳ ፓሲካ ካሁዋ ባ ሃዋሪታራ ሚስ (ማር 14:12-21፤ ሉቃ 22:7-14፤ 21-23፤ ዮሃ 13:21-30)

17 ኡይላ ባሌ ቦንቹያ ኮይር ጋላስ፣ ዩሱሳ ታማሪቲ ኢያኮ ዩዲ፣ «ፓሲካ ቦንቹያ ጋላስ ኔኒ ማና ካሊ ኩኒ አዉን ጊጊሲና?» ያጊደሶና።

18 ዩሱሳ ኤንታኮ፣ «ካታማን ዴዒያ አዲያኮ ቢዲ፣ ሳስታማሪይ፣ ታው ዋዴይ ጋኪዳ ጊሾ ታ ታማሪታራ ፓሲካ ቦንቹያ ጋላሳ ኔ ሶን አላና ያጌስ» ያጊቲ።

19 ኢያ ታማሪቲ ዩሱሳ ባንታና ኪቲዳይሳዳ ኦሊዲ፣ ፓሲካ ባሌ ጋላስ ማና ካላ ጊጊሲደሶና።

20 ሳሳይ ኦማርሲያ ዋዴ ዩሱሳ ታማኔ ናምዑ ሃዋሪታራ ካሊ ማናው ኡቲስ።

21 ኤንቲ ሚሺን፣ ዩሱሳ ኤንታኮ፣ «ታኒ ሂንቲው ቱማ ኦዳይስ፤ ሂንቲፌ ኢሲ ኡራይ ታና አሊዲ እማና» ያጊሰ።

22 ኤንቲ ዳር ዳጋሚዲ፣ ሁዔን ሁዔን፣ «ሳዳው፣ ቱማ ታኔሻ?» ጊዲ ኢያ ኦይቸደሶና።

23 ዩሱሳ ዛሪዲ፣ «ባ ኩሺያ ታራ ኢሲፌ ሻቲያን ዩዳይሲ ኢ ታና አሊዲ እማና።

24 አሳ ናዓይ፣ ያሳ ቃላን ኢያው ፃፊቲዳይሳዳ ሃይቃና። ሺን አሳ ናዓ አሊዲ እሚያ ኡራ አይ፤ ሄ ኡራይ ዩሌቶና ኣቲዳኮ ኢያው ሎዎሺን» ያጊሰ።

25 ኢያ አሊ እማናው ዴዒያ ዩሱዲ ዛሪዲ፣ «አስታማሪያው፣ ኔኒ ጌይ ታኔዬ?» ያጊሰ። ዩሱሳ ዛሪዲ፣ «ኔኒ ኔ ሁዔን ጋዳሳ» ያጊሰ።

ጎዳ ካሁዋ (ማር 14:22-26፤ ሉቃ 22:15-20፤ 1ቆር 11:23-25)

26 ኤንቲ ሚሺን፣ ዩሱሳ ኡይላ ኤኪዲ ያሳ ጋላቲስ። ሄ ኡይላ ማንሊዲ ባ ታማሪታስ

25:46 ዳኔ 12:2 26:2 ከሳ 12:1 26:7 ሉቃ 7:37 26:11 ዛሬ 15:11 26:15 ዛካ 11:12 * 26:15 ቢራ ሳንቲሜ፣ አይኮይካ ገዢቲቦና ጌሻ ቢራ ጉሱ። † 26:15 ሃስታሙ ቢራ ሳንቲሜ፣ ሃስታሙ ቢራ ሳንቲሜይ ኢስጋራሌ ቢታን አይሌይ ሻሜቲያኔ ባይዘቲያ ጋቲ። 26:23 ማዘ 41:9

አሚዲ፡ «ሄዱ፡ ሚቴ፡ ሃይሲ ታ አሹዋ» ያገሰ።

27 ፀዓ ኤኪዲ፡ ያሳ ጋላተሰ። ኤንታው አሚዲ፡ «ኡባይ ሃይሳፊ ኡዩቴ።

28 ሃይሲ ዳር አሳ ናጋራይ አቶ ጌቴታና ሜላ ጉኪያ ታ ሱላ። ሃ ሱላይ ያሳይ ሂንቴራ ጌሊያ ጫቁዋ ሚንሌይሳ።

29 ሺን ታኒ ሂንቴው ኦዳይሰ፤ ታኒ ታ አዋ ካዋቴላን ኦራሳ ዋይኔ ኡሻ ሂንቴራ ኡያና ጋላሳ ጋካናው ናምዓንሉ ሃ ዋይኔ ኡሻ ኡዩኬ» ያገሰ።

30 ጋላታ ማዘሙራዬ ዩዲዳይሳፊ ጉዬ ሻማሆ ዳሪያ ቢደሰና።

ዩሱሲ ጳጳርሲ ካዳናይሳ ኮይሮቲዲ ኦዲሰ (ማር 14:27-31፤ ሉቃ 22:31-34፤ ዮሃ 13:36-38)

31 ሄ ዋዴ ዩሱሲ ኤንታኮ፡

« ሳሳይ ሂንሳንቸዋ ሾጫና ደርሳቲካ ላሌታና»

ጌቴቲዲ ያሳ ቃላን ፃፊቲዳይሳ ሜላ ሃቺ ቃማ ሂንቴ ኡባይ ታና አገዲ ባቃታና።

32 ሺን ታኒ ሃይቆፔ ዴንዲዳፔ ጉዬ ሂንቴፊ ሲንሳታዳ ጋላላ ባና» ያገሰ።

33 ጳጳርሲ ዛሪዲ፡ «ኤንቴ ኡባይ ኔና አገዲ ባቃቲኮካ፡ ታኒ ኔና አገኬ» ያገሰ።

34 ዩሱሲ ጳጳርሳኮ፡ «ታኒ ኔው ቱማ ኦዳይሰ፤ ሃቺ ቃማ ኩቶይ ዋሳናፔ ሲንሌ ኔኒ ታና ሄዙ ቶሆ ካዳና» ያገሰ።

35 ጳጳርሲ ዛሪዲ፡ «ታኒ ኔራ ኢሲፊ ሃይቆፔ ኣቲን ኔና ኡባካ ካዲኬ» ያገሰ።

ሃንኮ ኢያ ታማሬቲ ኡባይካ ሄሳዳ ገደሰና።

ዩሱሲ ጌቴሴማኔን ዋሲሰ (ማር 14:32-42፤ ሉቃ 22:39-46)

36 ያቲዲ፡ ዩሱሲ ባ ታማሬታራ ጌቴሴማኔ ገያ ቤሳ ቢዲ፡ ኤንታኮ፡ «ታኒ ሂኒ ባዳ ያሳ ዋሳሻና፡ ሂንቴ ሃይሳን ኡቲቴ» ያገሰ።

37 ጳጳርሳኔ ዛብዲዮሳ ናይታ ናምዓታ ባራ ኤኪ ቢዲ ዳር አዛና ኤንዔቴሌ ደሚሰ።

38 ቃሲካ ኤንታኮ፡ «ታኒ ሃይቆሰ ጋሊያ ኡንዓ ኡንዔታሰ። ሃይሳን ታራ ጋምዒቴኔ ሚኒዲ ናገቴ» ያገሰ።

39 ጉላ ሲንሌ ቢዲ ቢታን ጉፋኒዲ፡ «ታ አዋው፡ ዳንዳዔቲያባ ገዲኮ ሃ ዋዬ ፀዓ ታፔ ዲጋ። ሺን ኔ ሼኔይ ሃናፔ ኣቲን ታ ሼኔይ ሃናፔ» ያገዲ ያሳ ዋሲሰ።

40 ዩሱሲ ባ ታማሬታኮ ሲሚ ዩዲ ኤንቴ ጳሰኪዳሺን ዳሚሰ። ጳጳርሳኮ፡ «ሂንቴ ኢሲ ሳቲኮኔ ጳሰኮና ታራ ሚናናው ዳንዳዒቤኬቲ?»

41 ፓጩን ሂንቴ ጌሎና ሜላ ባርኪዲ ናገቴኔ ያሳ ዋሲቴ። ሂንቴው ሎዖ አዋይ ዳዔሰ፡ ሺን ሂንቴ ዳቡራንቸ አሲ» ያገሰ።

42 ዩሱሲ ቃሲ ናምዓንሉ ቢዲ፡ «ታ አዋው፡ ታኒ ሃ ዋዬ ፀዓፔ ኡዮና ዳዒሼ አቆናው ዳንዳዔቶናባ ገዲኮ ኔ ሼኔይ ሃና» ያገዲ ያሳ ዋሲሰ።

43 ቃሲካ ሲሚ ያ ዋዴ ኢያ ታማሬታ ኣይፊያ ጳሰኮይ ጎዚን፡ ዚንዒዳሺን ዳሚሰ።

44 ቃሲካ ኤንታ አገ ቢዲ፡ ካሴ ቃላ ዛሪ ሄዥንሉ ዋሲሰ።

45 ሄሳፊ ጉዬ፡ ባ ታማሬታኮ ዩዲ፡ «ሃዒ ጋካናው ጳሰኬቲኔ ሸምፔቲ? ሄኮ፡ አሳ ናዓይ፡ ናጋራንቸታ ኩሼን ኣጲ አሜቲያ ሳቲይ ጋኪሰ።

46 ዴንዲዲ ዩዳቴ፡ ታና ኣሌዲ አሜይሲ ሃይሲሽ ጋኪሰ» ያገሰ።

ዩሱሲ ባ ዋርኬታን ኣይኬቲሰ (ማር 14:43-50፤ ሉቃ 22:47-53፤ ዮሃ 18:3-12)

47 ዩሱሲ ቡር ሄሳ ሃሳዩሺን፡ ታማኔ ናምዑ ታማሬታፔ ኢሶይ፡ ዩሁዲ ጋኪ ዋጲሰ። ካሂኔ ሃላቃቲኔ ዳሪያ ጨማቲ ከቲዳ ዳር አሳቲ ማሼኔ ፃምዓ ኣይኪዲ ኢያራ ኢሲፊ ዩደሰና።

48 ዩሱሳ ኣሌ አሚያ ዩሁዲ ሄ ዳር አሳኮ፡ «ታኒ ዩሬይሲ ሂንቴ ኮይይሲ ኢያ፡ ኢያ ኣይኪቴ» ያገዲ ማላ አሚ ዋሊሰ።

49 ኢራካ ዩሱሳኮ ሸቁዲ፡ «አሰታማሪያው፡ ሳር ዳዓይ» ያገዲ ኢያ ዩሪሰ።

50 ዩሱሲ ኢያኮ፡ «ታ ላገያው፡ ኔኒ ኣላናባ ኣላ ኣጋ» ቶ ያገሰ።

ሄሳፊ ጉዬ፡ ሸቁዲ፡ ዩሱሳ ኣይኪደሰና።

51 ዩሱሳራ ዳዔይሳታፔ ኢሶይ ባ ማሻ ሾዲዲ ካሂኔ ሃላቃ ኣይሊያ ሾጪዲ፡ ኢያ ሃይሳ ቃንፃዲ ዩገሰ።

52 ሺን ዩሱሲ፡ «ኔ ማሻ ጉዬ ሾሁዋን ዛራ። ኣይሰ ገኮ፡ ማሻ ሾዲያ ኡባይ ማሻን ሃይቃና።

53 ታ፡ ታ አዋ ዋሲያኮ ዳር ሙኩሉን ታይቤቲያ ከታንቸታ ዩዳናው ዳንዳዮናባ ኔው ዳኒ?»

54 ያቲን፡ ያሳ ቃላን ሄሳዳ ሃናናው ቤሴሰ ጌቴቲዳይሲ ዋኒዲ ፖሌታኔ?» ያገሰ።

55 ሄ ሳቲያን፡ ዩሱሲ ሄ ሸቁዳ ዳር አሳኮ፡ «ታና ፓንጋ ኣሌዲ ኣይካናው ማሼኔ ፃምዓ ኣይኪዲ ዩዳቲ? ታኒ ያሳ ኬላን ጋላሰ ጋላሰ ታማርሳሼ ሂንቴራ ዳዒያ ዋዴ ታና ኣይኪቤኬታ።

56 ሺን ሃይሲ ኡባይ ሃኒዳይሲ ናቤቲ ያሳ ቃላን ፃፊዳይሲ ፖሌታና ሜላሳ» ያገሰ።

ሄ ዋዴ ኢያ ታማሬቲ ኡባይ ኢያ ኣገዲ ባቃቲደሰና።

ዩሱሲ ፐርዳ ሻንጎ ሲንሌ ሸቁሰ (ማር 14:53-65፤ ሉቃ 22:54-55፤ 63-71፤ ዮሃ 18:13-14፤ 19-24)

57 ዩሱሳ ኣይኪዳይሳቲ ካሂኔ ሃላቃ ቃያፋኮ ኢያ ኤፊደሰና። ያን ሂኔ ኣሰታማሬቲኔ ቢታ ጨማቲ ሸቁዲ ዳዖሰና።

58 ሺን ጳጳርሲ ካሂኔ ሃላቃ ዛባ ጋካናው ሃሆን ኢያ ካሊሰ። ኢያ ወርሴላይ ሻኬታና ጋካናው ዛባ ጌሊዲ ናገይሳታራ ኡቲሰ።

59 ካሂኔ ሃላቃቲኔ ሸቁዳ አሳ ኡባይ ዩሱሳ ዋቆናው ኢያ ቦላ ዋርዶ ማርካ ኮዩደሰና።

60 ዳርቲ ዩዲ ኢያ ቦላ ዋርዶ ማርካ ማርካቲደሰና፡ ሺን ኣይኮካ ዳሚሶኮና፡ ጉዬፔ ናምዑ አሳቲ ዩዲ፡

26:28 ኬሳ 24:8፤ ኤር 31:31 26:31 ዛካ 13:7 26:32 ማቶ 28:16 ቶ 26:50 ታ ላገያው፡ ኔኒ ኣላናባ ኣላ ኣጋ፡ ዋይኮ ሃራ ቢርሼላይ ታ ላገያው፡ ኔ ሃይሳን ኣይ ኣላይ? 26:55 ሉቃ 19:47፤ 21:37

61 «ሃ ኡራይ፣ ሩታኒ ያሳ ኬላ ላላዳ ሄቭ-ጋላሳን ዛራ ከፃናው ዳንዳዓይሰ» ያገሰ።

62 ካሂኔታ ሃላቃይ ዳንዳ ኤቁዲ ዩሱሳኮ፣ «ሃይሳቲ ኔና ሞቲያ ሞቶዋስ ኔኒ ዛሪያባይ ባዌ?» ያገሰ።

63 ሺን ዩሱሲ ሲዲ ገሰ። ቃሲካ ካሂኔ ሃላቃይ፣ «ታኒ ኔና ዳዖ ያሳ ሱንላን ኦይካይሰ፤ ኔኒ ያሳ ናዓ ኪሪሰቶሳ ገዲኮ ኦሰ ኦዳ» ያገሰ።

64 ዩሱሲ ዛሪዲ፣ «ኔኒ ኔ ሁዒንካ ጋዳሳ። ሺን ታኒ ሂንቲው ኦዳይሰ፤ ሂዛፔ ጉዬ፣ አሳ ናዓይ ዋልቃማ ያሳ ኡሻቻ ባጋን ኡቲዳሺን፣ ቃሲ ሳሎ ሻራራ ዩሺን ሂንቲ ቤዓና» ያገሰ።

65 ሄ ዋዴ ካሂኔ ሃላቃይ ዳር ዩሎቲዲ ባ ማዑዋ ፔዲዲ፣ «ሃይሳ ቤዒቲ ያሳ ጫዩሰ! ኦና ሃራ ማርካ አይ ኮሺ? ኢ ሃዲ ጫዩዳይሳ ሂንቲ ሲዲዳታ።

66 ሂንቲ ቆፋይ አይቤ?» ያገሰ። ኤንቲካ፣ «ኢያው ሃይቆ ቤሴሰ» ያገዲ ዛሪዳሶና።

67 ያቲን፣ ኤንቲ ኢያ ሶሞዖን ጩቲዲ ዳቸደሶና። ሃራቲ ኢያ ባቂዲ፣

68 «ኪሪሰቶሳ! ኔና ዳቸዳይ ኦኔ? ኣኔ ኦሰ ኦዳ» ያገደሶና።

ጳዕረሲ ዩሱሳ ካዲሰ
(ማር 14:66-72፤ ሉቃ 22:56-62፤ ዮሃ 18:15-18፤ 25-27)

69 ጳዕረሲ ዛባን ኡቲዳሺን፣ ኢሲ አይሊያ ኢያኮ ያዳ፣ «ኔኒካ ጋሊላ ዩሱሳራ ኢሲፌ ዳዓሳ» ያጋሱ።

70 ሺን ኢ ኤንታ ኡባ ሲንላን ሄ አይሌኮ፣ «ኔኒ ገያባይ አይቤኮ ታኒ ኤሪኬ» ያገዲ ካዲሰ።

71 ቃሲ ቢዲ ዲርሳ ፔንጌኮ ጋኪሺን ሃራ አይሊያ ኢያ ቤዓዳ፣ ያን ዳዒያ አሳኮ፣ «ሃ ኡራይ ናዚሬቲ ዩሱሳራ ዳዓሰ» ያጋሱ።

72 ጳዕረሲ ናሞዓንሉ ጫቁዲ፣ «ታኒ ሄ ኡራ ኤሪኬ!» ያገሰ።

73 ጉሉ ጋሞዒሺን፣ ያን ኤቁዳ አሳቲ ጳዕረሳኮ ዩዲ፣ «ኔካ ቱማ ኤንታራ ኢሲፌ ዳዓሳ፤ ኔኒ ኔ ሃሳያን ኤሪታሳ» ያገደሶና።

74 ሄሳፌ ጉዬ፣ ጳዕረሲ፣ «ታኒ ሄ ኡራ ኤሪኬ!» ያገዲ፣ ባና ቃንጌሊኔ ጫቆ ደሚሰ። ሄ ዋዴ ኢራካ ኩቶይ ዋሲ አገሰ።

75 ዩሱሲ ኢያኮ፣ «ኔኒ ኩቶይ ዋሳናፔ ሲንሌ ታና ሄቭ ቶሆ ካዳና» ገዳይሳ ጳዕረሲ አኬኪዲ፣ ካሬ ከዩዲ ኢታ ዩሆ ዩኪሰ።

27

ዩሁዲ ባና ሱሊሰ
(ማር 15:1፤ ሉቃ 23:1-3፤ ዮሃ 18:28-32)

1 ዋንታ ጉራ ካሂኔ ሃላቃቲኔ ቢታ ጨማቲ ኡባይ ዩሱሳ ዋዲሳናው ማቁቲደሶና።

2 ኤንቲ ዩሱሳ ቃቺ ኤፊዲ ዳሪያ ሃሪያ ጲላዖሳሰ አሊዲ አሚደሶና።

3 ሄ ዋዴ ዩሱሳ ኦይሊዳ ዩሁዲ፣ ጲላዖሲ ዩሱሳ ቦላ ፐርዲዳይሳ ቤዒዲ፣ ቂርቲዲ፣ ሄ

ሃሰታው ቢራ ሳንቲሚያ ካሂኔ ሃላቃታሲኔ ዳሪያ ጨማታሰ ጉዬ ዛሪሰ።

4 «ታኒ ዲሎ ኣሲ ሃይቆሰ ኣላ አማዳ ናጋራ ኦላሰ» ያገሰ።

ሺን ኤንቲ፣ «ሄሲ ኦ ሜቶ ገዳና ኔ ሜቶ» ያገደሶና።

5 ዩሁዲ ሚሺያ ያሳ ኬላን ዩጌ አገዲ ኤንታ ማታፔ ቢዲ፣ ሱሌቲ ሃይቁሰ።

6 ካሂኔ ሃላቃቲ ሚሺያ ኤኪዲ፣ «ሃ ሚሼይ ሱላ ሚሼ ገዲያ ገሾ ኦኒ ያሳ ኬላ ሚሺያራ ጋሌይሲ ዋጋ ገዳና» ያገደሶና።

7 ሄሳፌ ጉዬ፣ ኢሲፌ ዛሪቲዲ፣ ቤቲ ኣሲ ሞጋናው ማና ቢታ ሻሚደሶና።

8 ሄሳ ገሾ፣ ሄ ጋዳይ ሃቺ ጋካናው ሱላ ቢታ ጌቲቲ ያጌቲሰ።

9 ናቢያ ኤርሚያሲ፣ «ኢሰራዔሌ አሳይ ኢያው ቃንፃናው ጋማቲዳ ሃሰታው ቢራ ሳንቲሚ ኤኪደሶና።

10 ጎዳይ ታና ኪቲዳይሳዳ ማና ቢታ ሻማናው አሚደሶና» ገዳይሲ ሄ ዋዴ ፖሌቲሰ።

ዩሱሲ ጲላዖሳ ሲንላን
(ማር 15:2-5፤ ሉቃ 23:3-5፤ ዮሃ 18:33-38)

11 ዩሱሲ ዳሪያ ሃሪያ ጲላዖሳ ሲንሌ ሸቁን፣ ጲላዖሲ ኢያኮ፣ «ኔኒ አይሁዳ ካዎ?» ያገዲ አይቺሰ።

ዩሱሲ ዛሪዲ፣ «ኔ ጋዳሳ» ያገሰ።

12 ካሂኔ ሃላቃቲኔ ቢታ ጨማቲ ኢያ ሞቲያ ዋዴ ኤንታው አይቤ ዛርካ አሚቤና።

13 ሄ ዋዴ ጲላዖሲ ዩሱሳኮ፣ «ሃይሳቲ ኔና ሞቲያ ሞቶዋ ኡባ ሲዲኪ?» ያገሰ።

14 ዩሱሲ ሃሪ አቶሺን፣ ኢሲ ቃላካ ዛርና ኢዲን፣ ዳሪያ ሃሪይሲ ዳር ማላሌቲሰ።

ዩሱሳ ቦላ ሃይቆ ፐርዳቲሰ
(ማር 15:6-15፤ ሉቃ 23:13-25፤ ዮሃ 18:39-40፤ 19:1-16)

15 ዳሪያ ሃሪይሲ ላይላን ላይላን ፓሲካ ባሌ ቦንቺያ ጋላሳን፣ አሳይ ኮያ ኢሲ ኣሲ ቃሾፔ ቢርሺያ ዋጊ ዳዔሰ።

16 ሄ ዋዴ ኢሲ ባርባና ዩሱሳ ገያ ዳር ኤሪቲዳ ኢታ ኣሲ ቃሾ ኬላን ዳዔሰ።

17 ሄሳ ገሾ፣ ዳር አሳይ ሸቁዲ ዳዒሺን ጲላዖሲ፣ «ታኒ ሂንቲው ባርባና ዩሱሳ ቢርሾዬ፣ ዋይኮ ዩሱሳ ገያ ኪሪሰቶሳ ቢርሾ?» ያገዲ አሳ አይቺሰ።

18 ኢ ሄሳ ገዳይ ኤንቲ ቃናቲዲ ዩሱሳ ኦይሊዳይሳ ኤሪያ ገሾሳ።

19 ጲላዖሲ ፐርዳ ኬላን ኡቲዳሺን፣ ኢያ ማቺያ፣ «ታኒ ሃቺ ቃማ ኣሙሆን ኢያባ ዳር ዋዩታሼ ኣቁዳ ገሾ ሄ ዲሎ ኡራ ቦላ አይቢባካ ኦላፋ» ያጋዳ ኪታሱ።

20 ሺን ካሂኔ ሃላቃቲኔ ዳሪያ ጨማቲ ጲላዖሲ ባርባና ቢርሺዲ፣ ዩሱሳ ዋቆና ሜላ፣ አሳይ ኢያ ዋሳና ሜላ፣ አሳ ጨሚደሶና።

21 ጲላዎሲ ዛሬዲ ኤንታኮ፡ «ታኒ ኤንታ ናምዓፌ ሂንቲው ኦና ቢላና ማላ ኮዬቲ?» ያጊዲ ኦይቸሰ።

ኤንቲ፡ «ባርባና ቢላና ማላ ኮዮሰ» ያጊደሶና።

22 ጲላዎሲ፡ «ያቲን፡ ዬሱሳ ጊያ ኪሪሰቶሳ ዋቶ?» ያጊዲ ኤንታ ኦይቸሰ።

ኡባይ ዛሬዲ፡ «ማስቃሊያ ቦላ ኢያ ካቃ» ያጊደሶና።

23 ጲላዎሲ አሳኮ፡ «ኣይሰ? ኢ ኣይ ኢታባ ኦሊዳ?» ያጊዲ ኦይቸሰ።

ሺን አሳይ ካሴይሳፌ ኣሊዲ፡ «ማስቃሊያ ቦላ ኢያ ካቃ» ጊዲ ዋሲደሶና።

24 ኦሺ ዳንጽፌ ሃራ ኣይቢባካ ኦላናው ዳንዳዔቶናይሳ ጲላዎሲ ቤዒዲ፡ ሃጼ ኤኪዲ፡ «ሃ ኡራ ሃይቁዋን ታኒ ዳዒኬ። ሃሳ ኦሊይ ሂንቲና» ያጊዲ አሳ ሲንሳን ባ ኩሺያ ማጩቲሰ።

25 አሳ ኡባይ ዛሬዲ፡ «ኢያ ሱላ ጎሜይ ኦና ኦ ኦ ናይታ ጋኮ» ያጊደሶና።

26 ያቲን፡ ጲላዎሲ ባርባና ኤንታው ቢሊዲ፡ ዬሱሳ ሊሶን ጋራፊዲ፡ ማስቃሊያ ቦላ ካቁቲዲ ሃይቃና ማላ ኤንታው ኣሊዲ ኢሚሰ።

ዎታዳሬቲ ዬሱሳ ቁልቁሲደሶና
(ማር 15:16-20፤ ዮሃ 19:2-3)

27 ሃሳፌ ጉዬ፡ ጲላዎሳ ዎታዳሬቲ ዬሱሳ ዳሪያ ሃሪይሳ ሶ ኤኪ ኤፊን፡ ዎታዳሬቲ ኡባይ ኢያ ዩሹዋን ኤቁደሶና።

28 ኢያ ኣፊላ ቃሪ ኤኪዲ ዘዎ ኣፊላ * ማይዚደሶና።

29 ቃሲ ኣጉንሳ ካላቻ ገቢዲ፡ ኢያ ሁዔን ዎሊደሶና። ኢያ ኡሻቻ ኩሺያን ማይሬ ፃምዓ ኦይሊዲ፡ ኢያ ሲንሳን ጉልባቲዲ፡ «ኣይሁዴ ካዋው፡ ሙኩሉ ላይሊ ካዎታ!» ያጊዲ፡ ኢያ ቦላ ቁልቁሲደሶና።

30 ኢያ ቦላ ጩቲደሶና። ሄ ማይሬ ፃምዓ ኤኪዲ፡ ኢያ ሁዔን ሾጩደሶና።

31 ኤንቲ ኢያ ቦላ ቁልቁሲደሶና፡ ጉዬ ዘዎ ኣፊላ ኢያፕ ቃሪ ኤኪዲ፡ ኢያ ኣፊላ ኢያ ማይዚደሶና። ማስቃሊያ ቦላ ኢያ ካቃናው ኤኪ ኤፊደሶና።

ዬሱሳ ካቁቲሳ
(ማር 15:21-32፤ ሉቃ 23:25-43፤ ዮሃ 19:17-27)

32 ኤንቲ ካሬ ኬዬዲ፡ ኢሲ ሲሞና ጊያ ቁሬና ቢታ ኣሲ ዳሚዲ፡ ዬሱሳ ማስቃሊያ ዎልቃን ቶሲደሶና።

33 ጎልጎታ ጊያ ቤሲ ጋኪደሶና። «ጎልጎታ» ጉሳይ «ጉጌ ቤሲ» ጉሱ።

34 ሃሳን ኤንቲ ጩዬ ዋላኬቲዳ ዎይኔ ኡሻ ኡዮ ጊዲ ኢያው ኢሚደሶና። ሺን ኢ ሃሳ ጋንፂ ኤኪዲ፡ ኡዮና ኢዲሰ።

35 ኤንቲ ማስቃሊያ ቦላ ኢያ ካቁዳይሳፌ ጉዬ ኢያ ኣፊላ ሻኪዲ፡ ሳማ ዩጊዲ ኤኪደሶና።

36 ሃሳፌ ጉዬ፡ ያን ኡቲዲ ኢያ ናጊደሶና።

37 ቃሲ፡ «ሃይሲ ኣይሁዴ ካወዋ ዬሱሳ» ያጊያ ሞቶ ፀፊያ ኢያ ሁዔ ሶን ዎሊደሶና።

38 ዬሱሳራ ሄ ዎዴ ናምዑ ፓንጋታ ኢሱዋ ኢያፕ ኡሻቻ ባጋን፡ ሃንኩዋ ኢያፕ ሃዲርሳ ባጋራ፡ ማስቃሊያ ቦላ ካቁደሶና።

39 ኦጊያራ ኣዲያ አሳይ ዬሱሳ ቦሪዲ፡ ኢያ ቦላ ጩቲሺ።

40 «ዮሳ ኬላ ላላዳ ሄዙ ጋላሳ ጊደን ኬደይሶ፡ ኔና አሻ። ኔኒ ዮሳ ናዓ ጊዲኮ፡ ኣኔ ማስቃሊያ ቦላፌ ዎቶ» ያጊደሶና።

41 ሃሳዳካ፡ ካሂኔ ሃላቃቲ፡ ሂጌ አስታማሬቲኔ ቢታ ጩማቲ ኢሲፌ ዬሱሳ ቦላ ቁልቁሲደሶና። ሃይሳዳ ያጊደሶና።

42 «ሃራታ አሺሰ፡ ሺን ባና አሻናው ዳንዳዒቤና። ኢ ኢሰራዒሌ ካዎ ጊዲኮ፡ ኣኔ ማስቃሊያ ቦላፌ ሃዒ ዎቶ፡ ኦካ ኢያ አማናና።

43 ዮሳን ኢ አማኔቲሰ፡ ዮሳይ ኢያ አሻናው ኮይኮ ኣኔ አሻ። ኣይሰ ገኮ፡ ኢ ባና፡ «ታኒ ዮሳ ናዓ» ጌሰ» ያጊደሶና።

44 ቃሲ ሃሪ ኣቶሺን፡ ኢያራ ማስቃሊያ ቦላ ካቁቲዳ ፓንጋቲካ ሃሳዳ ጊዲ ኢያ ቦላ ቁልቁሲደሶና።

ዬሱሳ ሃይቁዎ
(ማር 15:33-41፤ ሉቃ 23:44-49፤ ዮሃ 19:28-30)

45 ኡሱፑን ሳቲፕ ቢዲ፡ ኡዲፋን ሳቲ ጋካናው ቢታ ኡባይ ቋሚሰ።

46 ኡዲፋን ሳቲ ጊዲያ ዎዴ ዬሱሲ፡ «ኤሎሄ፡ ኤሎሄ፡ ላማ ሳባቁታኒ?» ጊዲ ጌታ ዋሶ ዋሲሰ። «ኤሎሄ፡ ኤሎሄ፡ ላማ ሳባቁታኒ?» ጌይሳ ቢርሽላይ «ታ ዮሳው፡ ታ ዮሳው፡ ታና ኣይሰ አጋዲ?» ጉሱ።

47 ሃሳን ኤቁዳ አሳፕ ኢሶቲ ኢሶቲ ሃሳ ሲዒዲ፡ «ሃ ኡራይ ኤሊያሳ ፀጌሰ» ያጊደሶና።

48 ኢራ ኤንታፌ ኢሶይ ዎዲ ቢዲ፡ ኢሰፖንጃ ኤኪዲ፡ ጩላ ዎይኔ ኡሻ ኩንሊሰ። ሃሳ ማይሬ ፃምዓ ፀራን ዎሊዲ ኡሻናው ኢያ ደናኮ ሺሺሰ።

49 ሺን ሃንኮቲ፡ «ናጋ፡ ኤሊያሲ ኢያ አሻናው ያኔኮ ኣኔ ቤዎሰ» ያጊደሶና።

50 ዬሱሲ ናምዓንሱ ጌታ ዋሶ ዋሲዲ፡ ሃይቁ ኣገሰ።

51 ሄ ሳቲን ዮሳ ኬላን ካቁቲዳ ማጋራጃይ ቆሞፌ ዲጌ ጋካናው ናምዑ ኬዬዲ፡ ፔቋቲ ዎቶሰ። ቢታይ ቃዲሰ፡ ዘላይካ ጸልቁቲሰ።

52 ዲፎቲ ዳዬቲን ዮሳ አሳታፕ ዳርቲ ሃይቆፕ ዳንዲደሶና።

53 ኤንቲ ዲፎፕ ኬዬዲ፡ ዬሱሲ ሃይቆፕ ዳንዲደሶና፡ ጉዬ ጌሻ ካታማ ቢደሶና፤ ያን ኤንቲ ዳር አሳሰ ቤንቲደሶና።

54 ማቶ ሃላቃይኔ ኢያራ ዬሱሳ ናጊያ ዎታዳሬቲ ቢታይ ቃዲደሶና ሃሳን ሃኒዳባ ቤዒዲ ዎዴ ዳር ያዩዲ «ቱማ ሃይሲ ዮሳ ናዓ» ያጊደሶና።

27:24 ዛሬ 21:6 * 27:28 ዘዎ ኣፊላ፡ ቤኒ ዎዴ ካዎቲ ቦላራ ማዒያ ኣፊላ። 27:34 ማዝ 69:21 27:35 ማዝ 22:18 27:39 ማዝ 22:7፤ 109:25 27:40 ማቶ 26:61፤ ዮሃ 2:19 27:43 ማዝ 22:8 27:46 ማዝ 22:1 27:48 ማዝ 69:21 27:51 ኬሳ 26:31 27:55 ሉቃ 8:2-3

55 ሄሳን ደር ማጫሳቲ፣ ጋለላፔ ደሚዲ ዩሱሳ ሃጋዚሼ ካሊዳይሳቲ ሃሆን ኤቁዲ ዪሎሶና።

56 ኤንታ ጊደን ማግዴላ ማይራማ፣ † ያይቆባኔ ዮሴፋ ኣያ ማይራማኔ ዛብዲዮሳ ማቺያ ዴዎሶና።

ዩሱሳ ሞጌቲላ
(ማር 15:42-47፤ ሉቃ 23:50-56፤ ዮሃ 19:38-42)

57 ሳዓይ ኦማርሲያ ዎዴ ዮሴፋ ጊያ ኢሲ ዲሬ ኡራይ፣ ኣርማቲያሳ ካታማፔ ዩሶ። ኢ ባ ሁዒንካ ዩሱሳ ካሊያ ኣሲ።

58 ዮሴፊ ጲላዎሳኮ ቢዲ፣ ዩሱሳ ኣሃ ኤካናው ዎሲሰ። ጲላዎሲ ኣሃይ ዮሴፋሰ ኢሜታና ማላ ኪቲሰ።

59 ዩሱሳ ኣሃ ኤኪዲ፣ ጌሻ ሞሳ ኣፊላን ፃዒሰ።

60 ባው ሞጌታናው ሹቻፊ ዎጪዳ ኦራላ ጎንጎሎን ኢያ ኣሃ ዎሲሰ። ቃሲ ሄ ጎንጎሎዎ ደናን ጌታ ሹቻ ጎንደርሲ ዎሲዲ ኣጊ ቢሰ።

61 ማግዴላ ማይራማኔ ሃንኮ ማይራማ ሄ ጎንጎሎዎኮ ሲሚዲ ኡቲደሶና።

62 ዎንቴሌ ሳሞባታ ጋላሰ፣ ካሂኔ ሃላቃቲኔ ፋሪሳዌቲ ጲላዎሳኮ ዩዲ፣ ሃይሳዳ ያጊደሶና።

63 «ጎዳው፣ ሃ ዎርዳንቺይ ፓፃ ዳዒሹ፣ ታኒ ሄቭ ጋላሳፔ ጉዬ ሃይቆፔ ዴንደና) ያጊደይሲ ኦሰ ሃሳዩቲሰ።

64 ሄሳ ጊሹ፣ ኢ ሞጌቲዳ ጎንጎሎዎ ሄቭ ጋላሰ ጋካናው፣ ሚንሌ ናጋና ማላ ኪታርኪ። ሄሲ ሃናና ኢዳኮ፣ ኢያ ታማሬቲ ቢዲ ኢያ ኣሃ ካይሲ ዳይሲዲ፣ (ሃይቆፔ ዴንደሰ) ያጊዲ ኣሳሰ ኦዲኮ ናሞዓንሎ ባሌሶይ ኮይርይሳፊ ኡባ ሃ ኢታና» ያጊደሶና።

65 ጲላዎሲ ኤንታኮ፣ «ሂንቲው ናጌይሳቲ ዴዎሶና፤ ቢዲ ሂንቲው ዳንዳዔቲዳ ማላ ናጊሲቲ» ያጊሰ።

66 ሄሳ ጊሹ፣ ኤንቲ ቢዲ ዲፎይ ቦሹቶና ማላ ሹቻ ቦላ ማታሜ ዎሲዲ ዎታዳሬታን ናጊሲደሶና።

28

ዩሱሳ ሃይቆፔ ዴንደዎ
(ማር 16:1-10፤ ሉቃ 24:1-12፤ ዮሃ 20:1-10)

1 ሳሞባቲ ኣጲን ዎጋ ዎዴ ዎንታ ጉራ፣ ማግዴላ ማይራማኔ ሃንኮ ማይራማ ዩሱሲ ሞጌቲዳ ጎንጎሎዎ ቤዓናው ቢደሶና።

2 ቆፖና ዎልቃማ ቢታ ቃፆይ ሃኒሰ። ጎዳ ኪታንቺይ ሳሎፔ ዎጲዲ ዲፋዎ ደናን ዴዒያ ሹቻ ጎንደርሲዲ ኢያ ቦላ ኡቲሰ።

3 ኢያ ማላይ ዎልዓንሌ ዳኔሰ። ኢያ ማዎይካ ሻቻዳ ቦሊ።

4 ናጌይሳቲ ኪታንቺዎ ቤዒዲ፣ ያሻን ኮኮሪዲ፣ ሃይቁዳ ኣሳዳ ሃኒደሶና።

† 27:56 ማግዴላ ማይራማ፣ ጉሳይ ማግዴላ ካታማፔ ዩዲ ማይራማ ጉሱ። 27:63 ማቶ 16:21፤ 17:23፤ 20:19፤ ማር 8:31፤ 9:31፤ 10:33 28:16 ማቶ 26:32፤ ማር 14:28 28:19 ሃ.ኦ 1:8

5 ኪታንቺይ ማጫሳታኮ፣ «ሂንቲ ማሰቃሊያ ቦላ ካቁቲዳ ዩሱሳ ኮዬይሳ ታኒ ኤሪያ ጊሹ ያዮፊቲ።

6 ኢ ካሴ ኦዲዳይሳ ማላ ሃይቆፔ ዴንደሰ፤ ሃይሳን ዴና። ሃ ዩዲ ኢያ ዘንዒሲዳ ቤሳ ቤዒቲ።

7 ሂንቲ ሃዒ ኤሌሲ ቢዲ፣ ኢያ ታማሬታሰ፣ «ዩሱሲ ሃይቆፔ ዴንደሰ። ቃሲ ኢ ሂንቲፊ ሲንሳቲዲ ጋለላ ባና፤ ሂንቲ ኢያ ያን ቤዓና) ያጊዲ ኦዲቲ። ታኒ ሂንቲው ሃይሳ ኦዳናው ያሰ» ያጊሰ።

8 ኤንቲ ያዩሹኔ ዳር ኡፋይቲሹ፣ ዲፋዎ ማታፔ ኤሌሲዲ ቢዲ፣ ኢያ ታማሬታሰ ኦዳናው ዎዲደሶና።

9 ቆፖና ዩሱሲ ኤንታራ ጋሂቲዲ ኤንታኮ፣ «ሳርይ ሂንቲው ጊደ» ያጊሰ። ኤንቲ ኢያኮ ሹቁዲ፣ ኢያ ቶሁዎ ኦይኪዲ ኢያው ጎይኒደሶና።

10 ሄ ዎዴ ዩሱሲ ኤንታኮ፣ «ያዮፊቲ፤ ቢዲ ታ ታማሬቲ ጋለላ ባና ማላ ኤንታው ኦዲቲ። ኤንቲ ያን ታና ቤዓና» ያጊሰ።

11 ሄ ማጫሳቲ ቢሸን፣ ዲፋዎ ናጊያ ዎታዳሬታፔ ባጋቲ ካታማ ቢዲ፣ ሃኒዳባ ኡባ ካሂኔ ሃላቃታሰ ኦዲደሶና።

12 ካሂኔ ሃላቃቲኔ ጨማቲ ሹቁዲ ዘሬቲዲ፣ ዎታዳሬታሰ ዳር ሚሹ ኢሚዲ።

13 « ኩኒ ጲሰኪዳሺን ኢያ ታማሬቲ ቃማ ዩዲ፣ ኢያ ኣሃ ካይሲደሶና) ያጊቲ።

14 ሃ ኦዳ ዴሪያ ሃሬይሲ ሲዒኮ፣ ሄሲ ሂንቲ ባላ ጊደናይሳ ኦኒ ኢያ ኦዲ ኣማንላና። ሂንቲና ኣይቢካ ሃርጊሶፖ» ያጊደሶና።

15 ዎታዳሬቲ ሚሹያ ኤኪዲ፣ ኪቲቲዳይሳዳ ኦሊደሶና። ሃ ኦዳይ ኣይሁዴ ማታን ሃቺ ጋካናው ኦዴቲሹ ዴዒሰ።

ዩሱሲ ባ ታማሬታሰ ቆንጨሰ
(ማር 16:14-18፤ ሉቃ 24:36-49፤ ዮሃ 20:19-23፤ ሃ.ኦ 1:6-8፤ 1ቆር 15:3-8)

16 ታማኔ ኢሲ ኢያ ታማሬቲ ዩሱሲ ባንታና ቤቲ ጊዳ ጋለላ ዴሪያ ቦላ ቢደሶና።

17 ያን ኤንቲ ኢያ ቤዒዳ ዎዴ ኢያው ጎይኒደሶና፣ ሺን ኤንታፊ ኢሶቲ ኢሶቲ ሲጲደሶና።

18 ዩሱሲ ኤንታኮ ሹቁዲ፣ «ሳሎኒኔ ሳዓን ማቲ ኡባይ ታው ኢሜቲሰ።

19 ሂዛ፣ ሂንቲ ኡባ ቤሲ ቢዲ፣ ኣዎ፣ ናዓ፣ ጌሻ ኣያና ሱንላን ኣሴ ኡባ ፃማቁዲ ታና ካሌይሳታ ኦሊቲ።

20 ታኒ ሂንቲና ኪቲዳባ ኡባ ኤንቲ ናጋና ማላ ኤንታ ታማርሲቲ። ታኒ ዎዲያ ወርሴላ ጋካናው ኡባ ዎዴ ሂንቲራ ዴዒይሰ» ያጊሰ።

ማርቆስ ፃፊዳ ዩሱፊ ኪሪሰቶስ ዋንጌላ ጋላ ቆፋ

ማርቆስ ዋንጌላይ፡ «ሃይሲ ያሳ ናዓ ዩሱስ ኪሪሰቶስ ዋንጌላ ደሜላ» ገሼ ኮይሮ ደሜሰ። ሃ ዋንጌላን ዩሱሲ ኦሶ ኣሲኔ ማታ ኣዋ ጊዲዲ ሸቂሰ። ኢያ ማታይ ኢያ ቲሚርቲያን፡ ቱና ኣያና ቦላ ዳዒያ ዋልቃኒኔ ኣሳ ናጋራፔ ማሬይሳን ቆንጨሰ። ዩሱሲ፡ «ታኒ፡ ኣሳ ናጋራ ኣይሌቴላፊ ኬሳናው ታ ዴቡዋ ኣሳዳ ኢማናው ዩዳ ኣሳ ናዓ» ያጊዲ ባ ደናን ሃሳዩሰ።

ማርቆስ ዩሱፊ ታሪኪያ ሱሬ ኦጌኒኔ ዋልቂ ኩሚዳ ኦጌን ኦዲሰ። ማርቆስ ዩሱፊ ቃላኔ ቲሚርቲያ ጊደናሽን ኢ ኦሊዳ ማላሊሲያ ኦሶታ ባይራዩዲ ኦዴሰ። ማርቆስ ፃማቂያ ዮሃንስ ታሪኪያ፡ ዩሱፊ ግንቃቲያን ኢያ ፓጩቴላ ቃንላን ኦዲ ሰሚዲ፡ ዩሱፊ ቲሚርቲያን ኢያ ፓሱዋ ዳልጊሲዲ ኦዴሰ። ኣቂ ኣቂ ቢሽን ዩሱፊ ታማሬቴ ዩሱፊ ሎይሊዲ ኤሪ ኤሪ ቢደሶና፡ ሽን ዩሱፊ ኢጻይሳቲ ኣሊዲ ኢጻሼ ኢጻሼ ቢደሶና። ወርሴላ ሽምፖቴ ዩሱፊ ዳዖን ወርሴላ ሳሚንታን ፖሌቲዳ ኦሶታባ ኦደሶና። ሃሳቲካ ኢያ ካቂቴላኔ ኢያ ዴንዲዋባ ኦደሶና።

ማርቆስ ዋንጌላ ኣይፌ ቆፋታ

- ዋንጌላ ደሜላ 1:1-13
- ዩሱሲ ጋሊላን ባ ኦሱዋ ኦይኪዳይሳ 1:14-9:50
- ዩሱሲ ዩሩሳላሚን ኦሊዳ ኦሱዋ 10:1-52
- ወርሴላ ሳሚንታ ዩሩሳላሚ ሄራን 11:1-15:47
- ዩሱፊ ሃይቆፔ ዴንዲዋ 16:1-8
- ሃይቆፔ ዴንዲዳ ጎዳ ቆንጨላኔ ሳሎ ኬሳ 16:9-20

ፃማቂያ ዮሃንስ ኦጌ ገሊሰሰ
(ማቶ 3:1-12፤ ሉቃ 3:1-18፤ ዮሃ 1:19-28)

- 1 ሃይሲ ያሳ ናዓ ዩሱስ ኪሪሰቶስ ዋንጌላ ደሜላ።
- 2 ናቢያ ኢሳያሲ ፃፊዳ ማፃፋን ያሳይ፡ «ሃኮ፡ ታኒ ታ ኪታንቸዋ ኔፔ ሰንሐ ዩዳና። ኢ ኔ ኦጊያ ገሊሳና።
- 3 ኢሶይ ባዘ ገደን ባ ቃላ ቆቁ ኦሊዲ፡ ሰዳ ኦጊያ ገሊሲቴ፤ ኢ ሃሙታና ሆሮጋ ኢያው ሱሪሲቴ ገሰ » ያጌሰ።
- 4 ፃማቂያ ዮሃንስ ኣሳ ፃማቂሼ፡ «ሃንቴ ናጋራፔ ሰሚዲ ፃማቂቴቴ፤ ያሳይ ሃንቴ ናጋራ ኣቶ ጋና» ያጊዲ ቃላ ኦዲሼ ባዘ ቢታፊ ዩሰ።
- 5 ዩሁዳ ቢታን ዳዒያ ኣሳይ ኡባይኔ ዩሩሳላሚ ካታማ ኣሳ ኡባይ ዮሃንሳኮ ዮሶና።

ባንታ ናጋራ ፓዲን፡ ዮሃንሲ ኤንታ ዮርዳኖሴ ሻፋን ፃማቂሰ።

6 ዮሃንሲ ገማሌ ኢኪሰፔ ዳዴቲዳ ኣፊላ ማዒሰ። ባ ጻሳን ዳፎ ዳንጨሰ፤ ቃሲ ቦሌኔ ዳጌራ ኤሲ ሜሰ።

7 ዮሃንሲ ቃላ ኦዲሼ፡ «ታፔ ጉዩራ ዳሮ ሚኔይሲ ዩሰ። ሃሪ ኣቶሽን፡ ታኒ ኢያ ጫማ ዋደራዋ ሆካዳ ቢላናው ቤሲኬ።

8 ታኒ ሃንቴና ሃሳን ፃማቃይሰ፡ ሽን ኢ ሃንቴና ጌሻ ኣያናን ፃማቃና» ያጊሰ።

ዩሱፊ ፓጩቴላ
(ማቶ 3:13-17፤ 4:1-11፤ ሉቃ 3:21-22፤ 4:1-13)

9 ዩሱሲ ሄ ዋዴ ጋሊላ ቢታን ዳዒያ ናዚሬቴ ካታማፔ ዩን፡ ዮሃንሲ ዮርዳኖሴ ሻፋን ኢያ ፃማቂሰ።

10 ዩሱሲ ሃላፊ ኬያ ዋዴ ሳሎይ ዶዩቲን፡ ጌሻ ኣያናይ ባ ቦላ ሆሊዳ ዋዲሽን ቤዒሰ።

11 ቃሲ ሳሎፔ፡ «ታኒ ደሲያ ታ ናዓይ ኔና፤ ታ ኔናን ኡፋይታይሰ» ያጊያ ቃላይ ዩሰ።

12 ኢራ ጌሻ ኣያናይ ዩሱፊ ባዘ ቢታ ኤፊሰ።

13 ዩሱሲ ባዘ ቢታን ፃላሃን ፓጩቴሼ ኦይታው ጋላሰ ጋምዒሰ። ደዓታራ ዳዒሰ፡ ሽን ኪታንቸቲ ዩዲ ኢያ ማዲደሶና።

ዩሱሲ ሞሎ ኦይኪያ ኦይዲ ኣሳታ ጻጊሰ
(ማቶ 4:12-22፤ ሉቃ 4:14-15፤ 5:1-11)

14 ዮሃንሲ ቃሼቲዳፔ ጉዩ ዩሱሲ ያሳ ካዋቴላ ዋንጌላ ኦዲሼ ጋሊላ ቢታ ቢሰ።

15 ያን፡ «ዋዴይ ጋሲሰ፤ ያሳ ካዋቴላይ ማታቲሰ። ሃንቴ ናጋራፔ ሰሚዲ፡ ዋንጌላን ኣማኒቴ» ያጊሰ።

16 ዩሱሲ ጋሊላ ኣባ ማታራ ኣዲሼ፡ ሞሎ ኦይኪያ፡ ሰምናኔ ኢያ ኢሻ ኢንዲሪያሳ፡ ባንታ ጌቲያ ኣባን ዩጌይሳታ ቤዒሰ።

17 ኤንታኮ፡ «ታና ካሊቴ፤ ታኒ ሃንቴና ኣሴ ኦይሉ ታማርሳና» ያጊሰ።

18 ኤንቴ ሶሁዋራ ባንታ ጌቲያ ዩጌ ኣጊዲ ዩሱፊ ካሊደሶና።

19 ዩሱሲ ጉላ ሰንሐ ቢዲ፡ ናምቡ ኣሻታ ዘብዲዮሳ ናይታ፡ ያይቆባኔ ዮሃንሳ ዋጎሉዋ ጊደን ባንታ ጌቲያ ገሊሲይሳታ ቤዒሰ።

20 ኢ ኤንታ ቤዒዳ ሜላ ጻጊሰ። ኤንቴ ባንታ ኣዋ ዘብዲዮሳ፡ ኢያ ኦሳንቸታራ ዋጎሉዋ ጊደን ዩጌ ኣጊዲ ዩሱፊ ካሊዲ ቢደሶና።

ቱና ኣያናይ ኦይኪዳ ኡራይ ፓዲሰ
(ሉቃ 4:31-37)

21 ኤንቴ ቁፊርናሆሜ ካታማ ጌሊደሶና። ሳምባቲ ጌሊዳ ሜላ ዩሱሲ ኤሌሲዲ ኣይሁዳ ዋሳ ኬላ ጌሊዲ ታማርሶ ኦይኪሰ።

22 ማታራ ዳዒያ ኣሳዳ ታማርሶሲፔ ኣቲን ሃጌ ኣሰታማሬታላ ታማርሶና ገሾ ኣሳይ ኢያ ቲሚርቲያን ማላሌቲደሶና።

23 ሄ ዋዴ ቱና ኣያናይ ኦይኪዳ ኢሲ ኡራይ ኣይሁዳ ዋሳ ኬላ ጌሊዲ ባ ቃላ ቆቁ ኦሊዲ፡

24 «ናዚሬቱ ዩሱፍ፣ ኔኒ ኑፔ አይ ኮያይ? ኑና ቆይሳናው ያዲ? ኔኒ ኦኔኮ ታ ኤራይሰ፤ ኔኒ ያሳ ጌሻ ጊዲኪ?» ያገሰ።

25 ዩሱሲ ሄ ቱና አያና፣ «ሃይዛ፣ ሃ አዲያፊ ኬያ» ጊዲ ከተሰ።

26 ቱና አያናይ ኡራ ዳፌፌሌዲ፣ ዋሲዲ ኢያፔ ኬዩሰ።

27 አሳይ ኡባይ ማላላቲዲ፣ «ሃይሲ አይቤ? ሃ ኡራይ ባ ማታን ሃሪ አቶሺን ቱና አያናታካ ከተሰ። ኤንቲ ኢያው ከቱቶሶና፤ ሃይሲ አይቤ ኦራላ ተሚርቱ?» ጊዲ፣ ባንታ ጊዲን ኢሶይ ኢሱዋ አይቸደሶና።

28 ዩሱሳ ሱንሳይ ኤሌሲዲ ጋሊላ ቢታን ዳዒያ ሄራ ኡባን ኬዩሰ።

ዩሱሲ ዳር ሃርጋንቸታ ፓሊስ
(ማቶ 8:14-17፤ ሉቃ 4:38-41)

29 ዩሱሲ አይሁዳ ዋሳ ከላፌ ኬዩዲ፣ ያይቆባራኔ ዮሃንሳራ ሲሞና ሶኔ ኢንዲሪያሳ ሶ ቢሰ።

30 ሲሞና ማቼ አያ ቆያ ሚሻ ሃርጋዳ ዚንዲዳሮ ዩሱሲ ያ ጋኪያ ዋዴ ኢያው አዲደሶና።

31 ኢ ኢኮ ሸቂዲ፣ ኢ ኩሺያ ኦይኪዲ፣ ኢዮ ዳንላ ኤሲሰ። ቆያይኔ ሚሻይ ኣገን ኢያ ኤንታ ሞካሱ።

32 ሃርጊዳ አሳ ኡባኔ ቱና አያናቲ ኦይኪዳ አሳ ኡባ ኦማርሲ አዋይ ወሊዳፔ ጉዬ ኢያኮ ኤሂደሶና።

33 ካታማን ዳዒያ አሳ ኡባይ ሄ ከላ ካሬ ሸቂደሶና።

34 ዩሱሲ ዲማ ዲማ ሃርጊን ኦይኬቲዳ ዳር አሳ ፓሊዲ፣ ዳር ቱና አያናታ ኬሲሰ። ኢ ኦኔኮ ቱና አያናቲ ኤሪዳ ጊሾ ኤንታ ኦዲሶና ዲጊሰ።

ዩሱሲ ጋሊላን ታማርሲስ
(ሉቃ 4:42-44)

35 ዩሱሲ ዋንታ ጉራ ዳንዲዲ፣ አሲ ባይና ቤሲ ቢዲ፣ ያን ያሳ ዋሲሰ።

36 ሲሞኒኔ ኢያራ ዳዔይሳቲ ኢያ ኮዩሼ ቢደሶና።

37 ኤንቲ ኢያ ዳሚዲ፣ «አሳይ ኡባይ ኔና ኮዩሰ» ያገደሶና።

38 ዩሱሲ ቃሲ ኤንታ፣ «ሄ ሄራን ዳዒያ ሃራ ካታማታ ዩቋቲ። ታኒ ዩዳይ ዋንጌላ ኦዳናው ጊዲያ ጊሾ ያንካ ቃላ ኦዳናው ቤሲሰ» ያገሰ።

39 አይሁዳ ዋሳ ከላታን ቃላ ኦዲሼኔ ቱና አያናታ ኬሲሼ፣ ጋሊላ ቢታ ኡባን ዩዩሰ።

ዩሱሲ ባር ሃርጋንቸዋ ፓሊስ
(ማቶ 8:1-4፤ ሉቃ 5:12-17)

40 ባርይ ኦይኪዳ ኢሲ ኡራይ ዩሱሳኮ ዩዲ፣ ኢያ ሲንሳን ጉልባቲዲ፣ «ኔኒ ኮይኮ ታና ጌሻናው ዳንዳባሳ» ያገዲ ዋሲሰ።

41 ዩሱሲ ኢያው ቃዴቲዲ፣ ባ ኩሺያ ዩዲዲ ኢያ ቦቸዲ፣ «ታኒ ኮያይሰ፣ ጌያ» ያገሰ።

42 ሶሁዋራ ባርይ ኡራ ዩዲን ኡራይ ፓሂሰ።

43 ዩሱሲ ኡራ ሚንላ ናጊሲዲ ኬሲ ዩዲሰ።

44 ዩሱሲ ኢያ፣ «ኔና ኡራ፣ ሃይሳ ኦዳሰካ ኦደፓ። ሺን ባዳ ኔ አሳቲላ ካሂኔ ቤሳ። ኔኒ ሃዒ

ጌሺ ጊዲዳይሳ አሳ ኤሪሳናው፣ ሙሴይ ከቲዳ ያርሹዋ ያርሻ» ያገሰ።

45 ሺን ኡራይ ቢዲ፣ ጉታ ኡባን አሳ ኡባሰ ኦዲሰ። ሄሳ ጊሾ፣ ዩሱሲ ቆንጮ ኬዩዲ፣ ካታማ ጌላናው ዳንዳባሳ። ሺን አሲ ባይናሰን ጋፃን ዳዒሰ፤ ቃሲ አሳይ ኡባ ቤሳፌ ኢያኮ ዮሶና።

2

ዩሱሲ ጉንዳ ኡራ ፓሊስ
(ማቶ 9:1-8፤ ሉቃ 5:17-26)

1 ጉላ ጋላሳፔ ጉዬ ዩሱሲ ቂፊርናሆሚ ሲሚዲ፣ ሶን ዳዔሰ ጊያ ኦዲይ ሲዔቲሰ።

2 አሳ ከላይ ኤኮና ኢዲን፣ ሃሪ አቶሺን ካሬይካ ፀማና ጋካናው ዳር አሳይ ሸቂን፣ ዩሱሲ ቃላ ታማርሲሰ።

3 ኦይዲ አሳቲ ኢሲ ጉንዳ ኡራ ቶኪዲ ኢያኮ ኤሂደሶና።

4 አሳይ ዳሪዳ ጊሾ ኡራ ዩሱሳኮ ሸሻናው ኤንታው ዳንዳባሳና ኢዲን፣ ዩሱሲ ዳዒያ ገናራ ከላ ቃሪዲ፣ ካራ ቃወዲዲ ኡራ ኢ ዚንዲዳ አልጋራ ዲጌ ዩዲዲ ዩሱሳ ሲንሳን ዋዲሰደሶና።

5 ዩሱሲ ኤንታ አማኑዋ ቤዒዲ፣ ሄ ጉንዳ ኡራ፣ «ታ ናዒው፣ ኔ ናጋራይ አቶ ጌቲቲሰ» ያገሰ።

6 ሂጌ አሰታማሬታፔ ሄ ቤሳን ኡቲዳ ኢሶቲ ኢሶቲ ባንታ ዋዛናን፣

7 «ላ ሃ ኡራይ ሃይሳ ሚላ ኢታባ ያሳ ቦላ አይሰ ኦዳቲ? ያሳ ፃላላፔ አቲን ሃሪ ኦኒ ናጋራ አቶ ጋናው ዳንዳባሳ?» ጊዲ ቆፒደሶና።

8 ኤንቲ ባንታ ዋዛናን ሄሳዳ ቆፒዳይሳ ዩሱሲ ሶሁዋራ ባ አያናን ኤሪዲ፣ ኤንታኮ፣ «ሂንቲ ሂንቲ ዋዛናን አይሰ ሄሳዳ ቆፒቲ?»

9 ጉንዳ ኡራ፣ «ኔ ናጋራይ አቶ ጌቲቲሰ» ጌይሲ ማቴዬ? ዋይኮ፣ «ዳንዳ ኤቃዳ ኔ አልጋ ቶካዳ ባ» ጌይሲ ማቴ?

10 ሺን ታው፣ አሳ ናዒሰ፣ ሳባ ቦላ ናጋራ አቶ ጋናው ማቴ ዳዒይሳ ሂንቲ ኤራና ሜላ» ጊዲ ሄ ጉንዳ ኡራኮ፣

11 «ኔና ጋይሰ፣ ዳንዳ ኤቃዳ ኔ አልጋ ቶካዳ ኔ ሶ ባ» ያገሰ።

12 ኡራይ ኤሌሲ ዳንዲ ኤቂዲ፣ ባ አልጋ ቶኪዲ አሳ ኡባይ ቤዒሺን ቢሰ። አሳይ ኡባይ ማላላቲዲ፣ «ኔኒ ሃይሳ ሚላ ማላሊሲያ ቤዒ ኤርኮ» ያገዲ ያሳ ጋላቲደሶና።

ዩሱሳ ለዌ ፃጊሰ
(ማቶ 9:9-13፤ ሉቃ 5:27-32)

13 ዩሱሲ ቃሲ ጋሊላ አባ ዶና ሲሚ ቢዲ፣ ባኮ ዩዳ አሳ ኡባ ታማርሲሰ።

14 ያራ አቋሼ፣ ኢልፊዮሳ ናዒ ለዌ ጌቲቲይሲ ቃራፃ ቃንዲሲያ ቤሳን ኡቲዳይሳ ቤዒዲ፣ «ታና ካላ» ያገሰ። ለዌይ ዳንዲ ኤቂዲ ኢያ ካሊሰ።

15 ዩሱሲ ካሊ ማናው ለዌ ሶን ኡቲሰ። ኢያ ካሊያ አሳይ ዳር ጊዲያ ጊሾ ቃራፃ ቃንዲሲያ ዳር አሳይኔ ናጋራንቸቲ ኢያራኔ ኢያ ታማሬታራ ኢሲፌ ኡቲደሶና።

16 ሂጌ አስታማሪ ገዲዳ ኢሲ ኢሲ ፋሪሳዊት ዩሱሲ ናጋራንቸታራኔ ቃራፃ ቃንዲሴይሳታራ ካላ ሚሺን ቤዲዲ፡ «ኢ ኣይሰ ናጋራንቸታራኔ ቃራፃ ቃንዲሴይሳታራ ካላ ሚ?» ያገዲ፡ ኢያ ታማሪታ ኣይቺዶሶና።

17 ዩሱሲ ኤንቲ ጌይሳ ሲዲዲ፡ «ሃርጋንቸታፕ ኣቲን ፓፃታስ ኣከሜ ኮሺና። ታኒ ናጋራንቸታ ይገናው ያሲፕ ኣቲን ዲሎታ ይገናው ያቢኬ» ያገዲ ኤንታው ዛሪሰ።

ፆማባ ኤራናው ሸቂዳ ኦይሻ
(ማቶ 9:14-17፤ ሉቃ 5:33-39)

18 ፆማቂያ ዮሃንሳ ታማሪቲኔ ፋሪሳዊት ያምሶና። ኢሲ ኢሲ ኣሳቲ ዩሱሳኮ ዩዲ፡ «ዮሃንሳ ታማሪቲኔ ፋሪሳዊታ ታማሪቲ ያምሶና፡ ሺን ኔ ታማሪቲ ኣይሰ ያምኮና?» ያገደሶና።

19 ዩሱሲ ኤንታኮ፡ «ያጋኑዋ ዩዳ ኣሳቲ ማቺው ኤኬይሲ ኤንታራ ዴዲሺን፡ ያማናው ዳንደያና? ማቺው ኤኬይሲ ኤንታራ ዴዲሺን፡ ያማናው ዳንደያኮና?»

20 ሺን ማቺው ኤኬይሲ ኤንታ ማታፕ ኤኬታና ዋዴይ ያና፡ ኤንቲ ሄ ዋዴ ያማና።

21 «ጩጋ ማዖ ቦላ ኦራላ ዋሊዲ ሲኪያ ኣሲ ባዋ። ዋሊዲ ሲኪኮ፡ ኦራላይ ጩጋ ማዖ-ዋ ዳኬስ፤ ዳኬላይካ ካሴይሳፊ ዳሪሰ።

22 ቃሲ ማልዓንቶ ዋይኔ ጩጋ ኦጎርን ቆሊያ ኣሲ ባዋ። ሺን ቆሊኮ፡ ሄ ዋይኔይ ኦጎርዋ ዳኬስ፡ ባወካ ጉኬስ፡ ኦጎርይካ ኢቲስ። ሺን ማልዓንቶ ዋይኔይ ኦራላ ኦጎርን ቆሊቲስ» ያገሰ።

ሳምባታባ ኤራናው ሸቂዳ ኦይሻ
(ማቶ 12:1-8፤ ሉቃ 6:1-5)

23 ዩሱሲ ኢሲ ሳምባታ ጋላስ ባንጋ ጋዴ ገደራ ኣጂሺን፡ ኢያ ታማሪቲ ኢያራ ቢሽ ባንጋ ቲያ ሺርኪዲ ሞሶና።

24 ፋሪሳዊት ዩሱሳኮ፡ «ሄኮ፡ ኔ ታማሪቲ ሳምባታ ጋላስ ዋጋ ገደናባ ኣይሰ ኦሶና?» ያገደሶና።

25 ዩሱሲ ኤንታኮ፡ «ዳዊቲይ ኮሻቲዲ፡ ሚያባ ኮዩዳ ዋዴ ባራ ዴዴይሳታራ ኦሊዲይሳ ናባቢኬኮት?»

26 ኣቢያታሪ ካሂኔ ሃላቃ ገዲዲ ዴዴያ ዋዴ ዳዊቲይ ያሳ ኬላ ጌሊዲ፡ ካሂኔታ ፃላሊ ማናፕ ኣቲን ኣኒካ ማናው ዋጋ ገደናይሳ ጎዳ ሲንላን ዋሊዳ ዳቡዋ ሚስ፡ ባራ ዴዴይሰታሰካ ኢሚስ» ያገሰ።

27 ቃሲካ ዩሱሲ ኤንታኮ፡ «ሳምባቲ ኣሳ ናባ ጎዳስ ሜዴቲሲፕ ኣቲን ኣሲ ሳምባታስ ሜዴቲቤና።

28 ሄሳ ገሾ፡ ኣሳ ናባይ፡ ሃሪ ኣቶሺን ሳምባታሰካ ጎዳ» ያገሰ።

3

ዩሱሲ ኩሽ ጉንዳ ኡራ ፓሊስ
(ማቶ 12:9-14፤ ሉቃ 6:6-11)

1 ዩሱሲ ኣይሁዴ ዋሳ ኬላ ሲሚ ጌሊስ። ያን ኩሽይ ጉንዲዳ ኢሲ ኡራይ ዴዴስ።

2 ኢሲ ኢሲ ኣሳይ ዩሱሳ ሞታናው ኮዩዲ፡ ኩሽይ ጉንዲዳ ኡራ ሳምባታ ጋላስ ኢ ፓሊኮኔ ኣጊኮ ቤዓናው ኮዩዲ ሚንሊዲ ናጎሶና።

3 ዩሱሲ ኩሽይ ጉንዲዳ ኡራ፡ «ዴንዳ ኤቃዳ ሃ ሲንላ ያ» ያገሰ።

4 ሄሳፊ ጉዩ፡ ኣሳኮ፡ «ሳምባታ ጋላስ ሎዖባ ኦሌይሲ ዋጌዩ ኢታባ ኦሌይሲ ዋጌ? ኣሳ ሸምፕ ኣሾዩ ዋይኮ ዋዶ?» ያገዲ ኣይቺሰ።

ሺን ኣሳይ ሲዲ ገሰ።

5 ዩሱሲ ሃንቁቲዲ፡ ኤንታ ዩሺ ኣላ ዲሊዲ፡ ኤንቲ ኦዲን ሲዮናይሳታ ገዲያ ገሾ ኤንታ ቦላ ዳር ኣዛኒስ። ሄ ኣዲያኮ፡ «ኔ ኩሺያ ፒዲ ኦላ» ያገሰ። ኡራይ ፒዲ ኦሊን ኢያ ኩሽይ ፓዲስ።

6 ኤሌሲዲ ፋሪሳዊት ኣይሁዴ ዋሳ ኬላፊ ካሪ ኬዩዲ፡ ዩሱሳ ሞቲ ዋዳኒኮ ማቁታናው ሄርዲሳ ባጋታራ ኢሲ ሶ ሸቂዶሶና።

ኣሳይ ዩሱሳኮ ሸቂዶሶና

7 ዩሱሲ ባ ታማሪታራ ጋሊላ ኣባኮ ቢስ። ጋሊላፕኔ ዩሁዳፕ ዩዳ ዳር ኣሳይ ኢያ ካሊዶሶና።

8 ቃሲካ ዩራሳላሚፕ፡ ኢዲሚያሳፕ፡ ዮርዳኖስ ሻፋ ፒንላፊ፡ ዲርሳ ካታማፕኔ ሲዶና ካታማፕ ዩሱሲ ኦሊዳባ ሲዲዲ፡ ዳር ኣሳይ ኢያኮ ዩዶሶና።

9 ኣሳ ዳርቴላፊ ዴንደይሳን ኢያ ኡንዴሶና ሚላ ኢያ ታማሪቲ ዋጎሎ ኢያው ገጊሳና ሚላ ከቲስ።

10 ዳር ኣሳ ኢ ፓሊዳ ገሾ ሃርጊያ ኣሳ ኡባይ ኢያ ቦቻናው ሱጌቶሶና።

11 ቱና ኣያናይ ኦይኪዳ ኣሳቲ ኢያ ቤዲዳ ዋዴ ኢያ ሲንላን ኩንዲዲ፡ ባንታ ቃላ ቶቁ ኦሊዲ፡ «ኔኒ ያሳ ናባ ገዲኪ?» ያጎሶና።

12 ዩሱሲ ሄ ቱና ኣያናቲ ባናቱላ ኦዴስካ ቆንጨሶና ሚላ ኤንታ ሚንሊዲ ሃንቁቲስ።

ዩሱሲ ታማኔ ናምዑ ሃዋሪታ ዶሪስ
(ማቶ 10:1-4፤ ሉቃ 6:12-16)

13 ዩሱሲ ዴሪያ ቦላ ኬዩዲ፡ ባ ኮዩዳ ኣሳታ ባኮ ያገሰ፤ ኤንቲካ ኢያኮ ቢዶሶና።

14 ኤንቲ ባራ ዳና ሚላኔ ቃላ ታማርሳና ሚላ ታማኔ ናምዓታ ዶሪዲ፡ ኤንታ፡ «ሃዋሪታ» * ገዲ ሱንሊስ።

15 ቱና ኣያናታካ ኬሳና ሚላ ኤንታው ማታ ኢሚስ።

16 ኢ ዶሪዳ ታማኔ ናምዓቲ ሃይሳታ፡ ጴዊርሳ ያገዲ ሱንሊዳ ሲሞና።

17 ቦዳኔርጌስ (ዳዳ ዳኒያ ኣሳታ) ያገዲ ሱንሊዳይሳታ፡ ዛብዲዮሳ ናይታ ያይቆባኔ ያይቆባ ኢሻ ዮሃንሳ።

18 ኢንዲሪያሳ፡ ፊልጶሳ፡ ባርቶሎሚዮሳ፡ ማቶሳ፡ ቶማሳ፡ ኢልፊዮሳ ናባ ያይቆባ፡ ታዲዮሳ፡ ባ ቢታስ ሚሽቲያ ሲሞና።

19 ዩሱሳ ኣላ ኢሚዳ ኣስቆርታ ዩሁዳ።

ዩሱሳኔ ቢዳልዜቡላ
(ማቶ 12:22-32፤ ሉቃ 11:14-23፤ 12:10)

2:23 ዛሬ 23:25 2:25 1ሳሙ 21:1-6 2:26 ለዌ 24:9 3:9 ማር 4:1፤ ሉቃ 5:1-3 * 3:14 ሃዋሪ፡ ሃዋሪ ጉሳይ ከቲቲዳይሳ ጉስ።

20 ሃሳፌ ጉዬ፣ ዩሱሲ ሶ ቢሰ። ቃሲ ዳር አሳይ ሸቁን፣ ኢኔ ኢያ ታማሬቲ ሃሪ ኣቶሽን ካል ማናውካ ዳንዳቢሶኮና።

21 አሳይ ኢያ፣ «አሳይ» ገያ ገሾ ኢያ ዳቦቲ ሃሳ ሲዲ ኢያ ኤካናው ቢደሶና።

22 ሂጌ አሰታማሬታ፣ ኢሶቲ ኢሶቲ ዩሩሳላሚ፣ ዩዲ፣ «ኢያ ቦላ ቢዩልዘቡሊ ዳዔሰ»፣ ኢ፣ «ፃላሃይ ዋልቃን ቱና ኣያናታ ኮሴሰ» ያገዲ ኦዴቲደሶና።

23 ዩሱሲ አሳ ባኮ ያገዲ ለሚሶ ኦዲሰ። «ፃላሃይ ፃላሃ ዋቲ ኮሳናው ዳንዳቢ?»

24 ኢሲ ካዋቲላይ ባ ገደን ሻኬቲኮ ሄ ካዋቲላይ ኤቃናው ዳንዳቢና።

25 ሃሳዳካ፣ ኢሲ ከላ አሳይ ባንታ ገደን ሻኬቲኮ ዳያና፣ ኣቲን ዳናው ዳንዳቢኮና።

26 ሂዛ፣ ፃላሃይ ባራ ካጩቲዲ ሻኬቲኮ ዳፍ፣ ኣቲን ዳናው ዳንዳቢና።

27 «ሺን ኮይርቲዲ ዋልቃማ ኡራ ቃቾና ዳቢሽ ኢያ ከላ ጌሊዲ፣ ኢያ ሚሺያ ቦንቃናው ዳንዳቢያ አሲ ባዎ። ቃቾ ሲሚዲ ኢያ ከላ ቦንቃናው ዳንዳቢና።

28 «ታኒ ሂንቲው ቱማ ኦዲይሰ፤ ያሳይ አሳ ናይታሰ ናጋራ ኡባኔ ኤንቲ ጫያ ጫሼ ኡባ አቶ ጋና።

29 ሺን ጌሻ ኣያና ቦላ ኢታባ ኦዴቲያ ኦዴሰካ ሚሪና ናጋራ ገዳና፣ ኣቲን ያሳይ ኡባራካ ኢያ ማሪና» ያገሰ።

30 ዩሱሲ ሃሳ ገዳይ፣ ኢሲ ኢሲ አሳቲ፣ «ኢያ ቦላ ቱና ኣያናይ ዳዔሰ» ያገዲ ገሾሳ።

ዩሱሳ ኣዩዉኔ ኢያ አሻታ (ማቶ 12:46-50፤ ሉቃ 8:19-21)

31 ኢያ ኣያኔ ኢያ አሻቲ ዩዲ ካሬን ኤቁዲ፣ ኢያኮ አሴ ከቲዲ ኢያ ያገደሶና።

32 ኢያ ማታን ኡቲዳ ዳር አሳቲ፣ «ሃኮ፣ ኔ አዩራኔ ኔ አሻታራ ካሬን ኤቁዲ ኔና ኮዮሶና» ያገደሶና።

33 ዩሱሲ ዛሪዲ፣ «ታ ኣያ ኦኔ? ቃሲ ታ አሻቲ ኦናንቲ?» ያገሰ።

34 ባ ማታን ኡቲዳ አሳ ዩሺ አላ ያለዲ፣ «ሃኮ፣ ታ ኣያኣኔ ታ አሻቲ ሃይሳታ።

35 ያሳይ ሸኒያ ኦላያ ኡባይ ታ አሻ፣ ታ ሚቾኔ ታ ኣዮ» ያገሰ።

4

ዘሬላ ዘሪያ ኡራ ለሚሶ (ማቶ 13:1-9፤ ሉቃ 8:4-8)

1 ዩሱሲ ዛሪዲ ጋለላ አባ ማታን ታማርሴሰ። ዳር አሳይ ኢያ ዩሹዋን ሸቁን፣ አባን ዳዒያ ዋሳላዋ ገደ ጌሊዲ ኡቲሰ፣ አሳ ኡባይ አባ ማታን ዳዔሰ።

2 ኢ ኤንታ ዳርባ ለሚሶን ታማርሴሰ። ታማርሴሽ ሃይሳዳ ያገሰ።

3 «ሲዲቲ! ኢሲ ኡራይ ዘሬላ ዘራናው ኮዩሰ።

4 ኢ ዘሪሸን፣ ኢሲ ኢሲ ዘሬላይ ኦጌ ጋፃን ዋዲሰ፤ ካፎቲ ዩዲ ሚደሶና።

5 ኢሲ ኢሲ ዘሬላይ ጋርሳን ሻሎይ ዳዒያ ቢታ ቦላ ዋዲሰ። ዳር ቢቲ ባይና ገሾ ሄ ዘሬላይ ኤሌሲዲ ደሊሰ።

6 ሺን ኣዊ ኮዩዳ ዋዴ ሹሊሰ። ሎይላዲ ፃጶ ዩዲሶና ገሾ ኤሌሲ ሚሊሰ።

7 ኢሲ ኢሲ ዘሬላይ ኣጉንላ ገደን ዋዲሰ። ደሊዳይሳ ኣጉንላይ ዲጩዲ ጩሊዳ ገሾ ኣይፌ ኣይፎና ኣቲሰ።

8 ኢሲ ኢሲ ዘሬላይ ኣራዳ ቢታን ዋዲዲ ደሊሰ። ዲጩዲ ኢሶይ ሃሰታማ፣ ኢሶይ ኡሱፑን ታማ ኢሶይ ያታ ኣይፊሰ» ያገሰ።

9 «ሲዲያ ሃይላ ዳዒያ ኦኒካ ሲያ» ያገሰ።

ዩሱሲ ለሚሶን ኦዲዳ ጋሱዋ (ማቶ 13:10-17፤ ሉቃ 8:9-10)

10 ዩሱሲ ኦዲዳይሳ ሲዲዳ ኢሲ ኢሲ አሳቲኔ ታማኔ ናምዑ ታማሬቲ ዩሱሲ ባርካ ዳዒሺን፣ ኢያኮ ሸቁዲ ሄ ለሚሱዋ ቢርሼላ ኦይቲደሶና።

11 ዩሱሲ ኤንታኮ ሃይሳዳ ያገሰ። «ሂንቲው ያሳ ካዋቲላ ፀራ ኤርይ አሚቲሰ። ሺን ሃራታሰ ካዋቲላፌ ካሬን ዳዒይሳታሰ ኡባባይ ለሚሶን ኦዴቲሰ።

12 ጋሶይካ፡

«ኤንቲ ያሎሶና፣ ሺን ዳምኮና።

ሲዶሶና፣ ሺን ኣከኮኮና።

ኤንቲ ዳሚያኮኔ ኣከከያኮ።

ያሳኮ ሲማና

ኢካ ኤንታ ማራናሺን »

ያገሰ።

ዘሬላ ለሚሱዋ ቢርሼላ (ማቶ 13:18-23፤ ሉቃ 8:11-15)

13 ዩሱሲ ኤንታኮ፣ «ሃ ለሚሶይ ሂንቲው ጌሌኔ? ያቲን፣ ለሚሶ ኡባ ሂንቲ ዋቲ ኣከካኔ?

14 ዘሬይሲ ያሳ ቃላ ዘሬሰ።

15 ቃላይ ዘሬቲያ ዋዴ ኦጌ ጋፃን ዋዲዳይሳቲ ቃላ ሲዲዳይሳታ። ሺን ፃላሃይ ሶሁዋራ ዩዲ፣ ኤንታ ዋዛናን ዘሬቲዳ ቃላ ማፂ ዲጌሰ።

16 ሃሳዳካ፣ ጋርሳን ሻሎይ ዳዒያ ቢታን ዘሬቲዳይሲ ቃላ ሲዲዳ፣ ኤሌሲዲ ኡፋይሳን ኤኬይሳ።

17 ሺን ኤንታው ሚኖ ፃጶይ ባይና ገሾ ሃዒሳፌ ኣቲን ጋምዶኮና። ጉላ ዋዴ፣ ጉዬ ቃላ ጋሶን ዋዬይ ዋይኮ ጎዲ ጋኪያ ዋዴ ኤሌሲዲ ዱቤቶሶና።

18 ኣጉንላ ገደን ዘሬቲዳይሲ ቃላ ሲዲዳይሳታ።

19 ሺን ሃ ሳባ ዳዑዋሰ ሂርሳይ፣ ዲሬቲላ ደሶይኔ ሃራባ ኣምቲይሲ ኢያ ዋዛናን ጌሊዲ ቃላ ጩሊያ ገሾ ኣይፌ ኣይፎና ኣቲሰ።

20 ሺን ኣራዳ ቢታን ዘሬቲዳይሳቲ ቃላ ሲዲዳ ኤኬይሳታ። ኤንቲ ኢሶይ ሃሰታማ፣ ኢሶይ ኡሱፑን ታማ ኢሶይ ያታ ኣይፊሰ» ያገሰ።

ጌማን ዳዒያ ያምፔ (ሉቃ 8:16-18)

21 ዩሱሲ ጉጂዲ፣ «ያምፔ ኤኪዲ፣ ዳቾፌ ዋይኮ ኣልጋፌ ጋርሳን ዋላያ ኣሲ ዳዒ? ዶቃ ቤሳን ዋላኔዩ?

3:22 ማቶ 9:34፤ 10:25 3:29 ሉቃ 12:10 4:1 ሉቃ 5:1 4:12 ኣሳ 6:9 4:21 ማቶ 5:15፤ ሉቃ 11:33
4:22 ማቶ 10:26፤ ሉቃ 12:2

22 ሂዛ፡ ቆሴተዳባይ ኡባይ ቆንጩ ከያና፤ ገሚዳባይ ኡባይ ኤሬቶና አቲና።

23 ሲዲያ ሃይሌ ዳዲያ ኦኒካ ሲያ» ያገሰ።

24 ቃሲ ኤንታኮ፡ «ሂንቴ ሲዲያባ ኦኒካዲ ሲዲቴ! ያሳ ቃላ ሂንቴ ሲዲያ ማላ ኢ ሂንቴው ኦኒካ አማና። ኡባካ ሂንቴው ዳርሲዲ አማና።

25 ኢሲባይ ዳዲያ ኡራስ ጉጂ አማታና፡ ባይናይሳፊ ሃሪ አቶሺን፡ ኢያው ዳዲያ ሃ ጉሊያካ ኤኩታና» ያገሰ።

ዲጩያ ዜሬላ ለሚሶ

26 ዩሱሲ ዛሪዲ፡ «ያሳ ካዎቴላይ ባ ጋዴን ዜሬላ ዜሪያ አሳ ማላ።

27 ሃ ኡራይ ቃማ ጳሰከሰ፤ ዋንታ ዴንዴሰ። ኢ ባ ሁዴን ዋኒያኮ ኤርና ዴሲሺን ሃ ዜሬላይ ደሊሲኔ ዲጩሰ።

28 ቢታይ ካላ ባርካ አሚሰ። ኮይር ደሊዲ ዲጩሰ፡ ካሊዲ አይፋናው ጋምቡዳሰ፡ ወርሴላን ኩማላ አይፊ አይፊሰ።

29 ሺን ካላይ ጋኪያ ዎዴ ኡራይ ሶሁዋራ ባጫራ ጌሊ አጌሰ» ያገሰ።

አይፊ ጉላ ሚላ ለሚሶ

(ማቶ 13:31-34፤ ሉቃ 13:18-19)

30 ዩሱሲ፡ «ኑኒ ያሳ ካዎቴላ አይ ዳኔሰ ጋኔ? ዎይኮ አይቢራ ለሚሳኔ?

31 ያሳ ካዎቴላይ አይፊ ጉላ ሚላ ዳኔሰ። ሃ ሚላ አይፊያ ዜሪያ ዎዴ ሳዓን ዳዲያ ሚላ አይፊ ኡባፊ ጉዳሰ።

32 ዜሪን ደሊዲ አታኪልቴ ኡባፊ ገታቲሰ፤ ዳር ዳሺ ዳዩሰ። ካፎቲ ኢያ ታሺያ ቦላ ከዲዲ ኡታና ጋካናው ዳዩሰ» ያገሰ።

33 ዩሱሲ ሃይሳ ማላ ዳር ለሚሶን አሳይ አኬካናው ዳንዳዴይሳ ማላ ቃላ ኦዲሰ።

34 አሳሰ ለሚሶይ ባይና ኦዴና። ሺን ዩሱሲ ባ ታማሬታ ያላላራ ዳዲያ ዎዴ ኤንታው ኡባባ ቢርሺዲ ኦዲሰ።

ዩሱሲ ሆቢያ ሲዲ ኦላሰ

(ማቶ 8:23-27፤ ሉቃ 8:22-25)

35 ሃ ጋላሰ ሳዓይ ኦማርሲን፡ ዩሱሲ ባ ታማሬታኮ፡ «አባፊ ሄፊንላ ፒናሰ» ያገሰ።

36 ኢያ ታማሬቲ ዳር አሳ ዩጊ አጊዲ፡ ዩሱሲ ካሴ ጌሊ ኡቲዳ ዎሳሉዋን ጌሊዲ ዩሱሳ ባንታራ ኤፊደሶና። ሃራ ዎሳሉቲካ ያን ዴያሶና።

37 ዎልቃማ ጎቲይ ዴንዲዲ፡ ሆቤይ ዎሳሉዋ ሾጩን፡ ኩማና ጋካናው ዎሳሉዋ ጊደ ሃላ ጌሊሰ።

38 ሃ ዎዴ ዩሱሲ ዎሳሉዋን ጉዩ ባጋራ ቦርኮቲዲ ጳሰከሰ። ኢያ ታማሬቲ ኢያ ዴንላዲ፡ «አሰታማሪያው፡ ኦኒ ዳያ ዎዴ ኔ ሲዲ ጋዳ ያላይ?» ያገደሶና።

39 ያቲን፡ ኢ ባርኪዲ ጎቲያ፡ «ሲዲ ጋ» ጊዲ፡ አባካ፡ «ዎቼ ጋ» ጊሰ። ጎቲይካ ሲዲ ጊን ኡባባይ ዎቼ ጊሰ።

40 ዩሱሲ ባ ታማሬታኮ፡ «አይሰ ሃይሳዳ ባቤቲ? ሂንቴው አማናይ ዋኒዲ ዳዩዳ?» ያገሰ።

41 ኤንቲ ዳር ባቢዲ ባንታ ጊደን፡ «ሃይሲ ሃሪ አቶሺን፡ ጎቲይኔ አባይ ከቴቲይሲ ኦኔ?» ያገደሶና።

5

ቱና ኦያኒ ኦይኪዳ ኡራይ ፓዲሰ

(ማቶ 8:28-34፤ ሉቃ 8:26-39)

1 ዩሱሲኔ ኢያ ታማሬቲ አባ ፒኒዲ፡ ጌርጌሶኔ ጊያ ቢታ ጋኪደሶና።

2 ዩሱሲ ዎሳሉዋፔ ዎዴያ ዎዴ ቱና ኦያናይ ኦይኪዳ ኢሲ ኡራይ ዲፎፔ ኬዩዲ ኢያራ ጋሂቲሰ።

3 ሃ ኡራይ ዲፋዋን አቂ ፔዲዲ ዴዴሰ። ኢያ ኦኒካ ሳንላላታን ቃቻናው ዳንዳዴና።

4 ኢ ዳር ቶሆ ዲላኒኔ ሳንላላታን ቃሹቲዲ ዴዴሰ። ሺን ሳንላላታ ዲሴሬላሰ፡ ዲላ ማንላሬላሰ። ኢያ ቲቃናው ዳንዳዴያ ኦኒካ ባዎ።

5 ኢ ቃማኔ ጋላሰ ሃ ዲፋዋኒኔ ዴሬ ቦላ ዋሴሰ፡ ባ ቦላካ ሹቻን ጋሪሰ።

6 ዩሱሳ ሃሆን ቤዲዳ ዎዴ ዎዲ ቢዲ ኢያ ሲንላን ጉልባቲሰ።

7 ሃ ኡራይ ባ ቃላ ቶቁ አላዲ፡ «ኡባፊ ቦላ ያሳ ናዓው ዩሱሳ፡ ኔናኔ ታና አይቤ ጋላይ? ታና ዳይሶና ማላ ታኒ ኔና ያሳ ሱንላን ዎሳይሰ» ያገሰ።

8 ኢ ሃሳ ጊዳይ ዩሱሲ ኢያ፡ «ላ ሃ ቱና ኦያናው፡ ሃ አዲያፊ ከያ» ያገደ ጊሾሳ።

9 ዩሱሲ ኢያኮ፡ «ኔ ሱንላይ ኦኔ?» ያገደ ኦይቹሰ።

ኢ፡ «ኑኒ ዳር ጊዲያ ጊሾ ታ ሱንላይ ለጊዮና» ያገሰ።

10 ቱና ኦያናቲ ባንታና ሃ ቢታፊ ከሲ ዩዶና ማላ ዩሱሳ ሚንላዲ ዎሲደሶና።

11 ሃ ዴሪያ ቦላ ዳር ጉዲንላ ወዴይ ሃሙቲሰ።

12 ቱና ኦያናቲ ዩሱሳኮ፡ «ኑና ሂኒ ጉዲንላ ወዲያኮ ዩዳርኪ፡ ኤንታን ቢዲ ጌሎሰ» ያገደ ዎሲደሶና።

13 ዩሱሲ ኤንታኮ፡ «ቢቲ» ያገሰ። ያቲን ቱና ኦያናቲ አዲያፊ ኬዩዲ ጉዲንላታን ጌሊደሶና። ናዎቡ ሙኩሉ ጊዲያ ጉዲንላ ወዴይ አፎ ደናራ ዲርጊዲ ቢዲ አባን ጌሊዲ ሚቲቲደሶና።

14 ጉዲንላ ወዲያ ሃማይሳቲ ባቃቲ ቢዲ ሃኒዳባ ካታማኒኔ ጋዳሪያን ኦዲደሶና። ያቲን አሳይ ሃኒዳባ ቤዳናው ከዩደሶና።

15 አሳይ ዩሱሳኮ ያ ዎዴ ቱና ኦያናን ኦይኬቲዳ ኡራ ቤዲደሶና። ኢ ባ ዎዳናኮ ሲሚዲ፡ ማዎ ማዲዲ፡ ያን ኡቲዳይሳ ቤዲዳ ዎዴ ኡባይ ያዩደሶና።

16 ሃሳ ቤዲዳ አሳቲ ቱና ኦያናቲ ኦይኪዳ ኡራ ቦላኔ ጉዲንላታ ቦላ ሃኒዳባ ኡባ አሳሰ ኦዲደሶና።

17 ሃሳ ጊሾ፡ አሳይ ባንታ ቢታፊ ዩሱሲ ባና ማላ ዎሲደሶና።

18 ዩሱሲ ዎሳሉዋን ጌሊያ ዎዴ ካሴ ቱና ኦያናይ ኦይኪዳ ዩዲዳ ኡራይ፡ ዩሱሳ ካላናው ኢያ ዎሲሰ።

19 ሺን ዩሱሲ ኢዲያ ኢያኮ፡ «ኔ ሶ ሲማዳ፡ ጎዳይ ኔው አይ ማላ ገታባ ኦሊዳኮኔ ኔው አይ ማላ ኮሃዳኮ ኔ ሶ አሳሰ ኦዳ» ያገሰ።

20 ኡራይ ቢዲ ታሙ ካታማ ገያሶን ዩዲዳ፡ ዩሱሲ ባው አይ ማላ ገታባ ኦሊዳኮ ኦዲሰ። ኢ ኦዲዳይሳ ሲዲዳ አሳ ኡባይ ማላሌተዶሶና።

ሃይቂዳ ናዲወኔ ዩሱሳ ማዑዋ ቦቹዳ ማጫሲው
(ማቶ 9:18-26፤ ሉቃ 8:40-56)

21 ዩሱሲ ሲሚዲ፡ ዋጎሉዋን ገሊዲ፡ አባ ፒኒዳፔ ጉዬ ዳር አሳይ አባ ጋፃን ኢያ ዩሹዋን ሸቂዶሶና።

22 ኢያርሳ ገያ አይሁዴ ዋሳ ከላ ሃላቃታፔ ኢሶይ፡ ዩሱሳ ቤዲዳ ዋዴ ኢያኮ ዩዲ ኢያ ቶሁዋ ቦላ

23 ኩንዲዲ፡ «ታ ናዲያ ሃርጋዳ ሃይቃና ሃናውሱ። ኢያ ፓፃዳ ዴዓና ማላ ያዳ ኔ ኩሺያ ኢ ቦላ ዋላርኪ» ያገዲ ዩሱሳ ሚንሉዲ ዋሲሰ።

24 ዩሱሲ ኢያርሳር ቢሰ። ኢ ቢሺን ዳር አሳይ ኢያ ካሊዲ ኡንዬላዶሶና።

25 ታማኔ ናምዑ ላይላ ኢ ቦላፊ ሱላ ጎገያ ኢሲ ማጫሲያ ዴዓውሱ።

26 ዳር አከሜቲ ኢዮ አከሚዶሶና፡ ሺን ኢያ ፓፃ ካዔታሱ። ኢያ ባ ሚሺያ ኡባ ወርሲንካ ኢው ሃ ኢተሰፔ ኦቲን አይኮካ ማዲቤና።

27 ሄ ማጫሲያ ዩሱሳባ ሲዳዳ፡ አሳ ካንፋዳ ዩሱሳ ጉዬራ ያዳ ኢያ ማዑዋ ቦቹሱ።

28 ኢያ፡ «ታሂ ሃሪ አቶሺን ኢያ ማዑዋ ቦቹያኮ ፓፃና» ጋዳ ቆጋሱ።

29 ኢፔ ጎገያ ሱላይ ሶሁዋራ ኤቂ አገሰ። ኢያ ባ ዋያፔ ፓፃዳይሳ ባ አሳቲላን ኤራሱ።

30 ዩሱሲ ባፔ ዋልቂ ከዩዲዳባ ባ ሁዔን ኤራዲ፡ ኤሌሲዲ ዳር አሳ ገደን ጉዬ ሲሚዲ፡ «ታ ማዑዋ ቦቹዳይ ኦኔ?» ያገሰ።

31 ኢያ ታማራቲ፡ «አሳይ ኔና ሱጌይሳ ቤዓሼ፡ «ዋይጋዳ ታና ኦኔ ቦቹዳይ ያጋይ?» » ያገደሶና።

32 ዩሱሲ ሄሳ ኦኔ ኦሊዳኮ ቤዓናው ዩሺ አላ ያሊሰ።

33 ሺን ማጫሲያ ባው ሃኒዳባ ኤራዳ፡ ያሻን ኮኮራሼ ያዳ ዩሱሳ ሲንላን ጉፋናሱ፤ ቃሲ ሃኒዳባ ኡባ ቱማ ኢያው ኦዳሱ።

34 ያኒን፡ ዩሱሲ ኢኮ፡ «ታ ናቲ፡ ኔና ኔ አማኖይ ፓሊሰ፡ ሳርን ባ፡ ኔ ዋያፔካ ፓፃ» ያገሰ።

35 ዩሱሲ ቡር ሄሳ ኦዲሺን፡ አይሁዴ ዋሳ ከላ ሃላቃ ሶፔ ከቲቲዳ አሳቲ ዩዲ፡ «ኔ ናዲያ ሃይቃሱ፡ አሰታማሪያ አይሰ ዳሱሪሳይ?» ያገደሶና።

36 ሺን ዩሱሲ ኤንቲ ገይሳ ሲዲዳ፡ አይሁዴ ዋሳ ከላ ሃላቃኮ፡ «አማኖ ፃላላ አማናፔ ኦቲን ባቦፋ» ያገሰ።

37 ዩሱሲ ጴጋርሳፔ፡ ያይቆባፔኔ ያይቆባ ኢሻ ዮሃንሳፔ ሃሪ ኦኒካ ባና ካሎና ማላ ዲገሰ።

38 ኤንቲ አይሁዴ ዋሳ ከላ ሃላቃ ሶ ጋኪያ ዋዴ ዩሱሲ አሳይ ካሃ ቆዩዲ ዩኬይሳኔ ዜሌሌይሳ ቤዲሰ።

39 ገሊዲ አሳኮ፡ «አይሰ ካሃ ቆዩዲ ዩኮቲ? ናዲያ ጴሰካሱፔ ኦቲን ሃይቃሱኮ» ያገሰ።

40 አሳይ ኢያ ቦላ ሚጫሰ። ሺን አሳ ኡባ ካሪ ኬሲዲ፡ ናዲ አዋ፡ አዩወኔ ሄሹ ታማራታ ባራ ኤኪዲ ናዲያ ዴዲያሱዋ ገሊሰ።

41 ዩሱሲ ናዲ ኩሺያ ኦይኪዲ፡ «ፃሊታ፡ ቁሚ» (ጉላ ናቲ፡ ኔና ጋይሰ ዴንዳ) ያገሰ።

42 ናዲያ ሶሁዋራ ዴንዳ ኤቃዳ ሃሙታሱ። ኢያ ታማኔ ናምዑ ላይላ ናዳ። ሄሳን አሳይ ዳር ማላሌተዶሶና።

43 ዩሱሲ ሄሳ ኤንቲ ኦዴሰካ ኦዶና ማላ ኤንታ ሚንሉ ከቲሰ። ኤንቲ ኢው ሚያባ ኢማና ማላ ኦዲሰ።

6

ዩሱሲ ናዚሬቲን ኢዳቲሰ
(ማቶ 13:53-58፤ ሉቃ 4:16-30)

1 ዩሱሲ ያፔ ከዩዲ፡ ባ ታማራታ ካሌላዲ፡ ባ ካታማ ናዚሬቲ ቢሰ።

2 ሳምባታ ጋላሰ አይሁዴ ዋሳ ከላን ታማርሶ ኦይኪሰ። ኢ ታማርሶይሳ ሲዲዳ ዳር አሳይ ማላሌተዲ፡ «ሃይሲ ሃ ኡባ አወፔ ዴሚዴ? ሃ ጩንጫቲላ ኢ አወፔ ኤኪዴ? ሃ ማላታታ ኦሊያ ማታ ኢ አወፔ ዴሚዴ?»

3 ሃይሲ አናፂያ ገዴኔ? ማይራሚ ናዳ፡ ያይቆባ፡ ዮሳ፡ ዩሁዳኔ ሲሞና ኢሻ ገዴኔዬ? ኢያ ሚቹቲ ኦራ ሃይሳን ዴዎኮናዬ?» ያገዲ፡ ኢ ገያባ ኤኮና ኢደዶሶና።

4 ዩሱሲ ሄ አሳኮ፡ «ናቤይ ባ ቢታን፡ ባ ዳቦታኒኔ ባ ሶ አሳን ቦንቹቲናፊ ኦቲን ሃራታ ማታን ቦንቹቲሰ» ያገሰ።

5 ኢ ሄ ቤሳን ባ ኩሺያ ጉላ አሳ ቦላ ዋሊዲ ፓሊዳይሳፊ ኦቲን ሃራ ማላታታ ኦላናው ዳንዳዲቤና።

6 አሳይ አማኒቦና ገሾ ዳር ማላሌተሰ።

ዩሱሲ ታማኔ ናምዑ ሃዋራታ ከቲሰ
(ማቶ 10:5-15፤ ሉቃ 9:1-6)

ሃሳፊ ጉዬ፡ ዩሱሲ ሄ ሄራን ዴዲያ ጉታታን አሳ ታማርሶሰ።

7 ዩሱሲ ታማኔ ናምዑ ታማራታ ባኮ ያገዲ፡ ናምዓ ናምዓ ጋሊዲ ከቲሰ። ኤንታው ቱና አያናታ ኬሲያ ዋልቃ አሚሰ።

8 ኤንታ፡ «ኦጌ ፃምዓፊ ኦቲን ካላ፡ ካርፂታ፡ ሂንቲ ከሴን ሚሼ አይቢባካ ኦይኮፊቲ።

9 ሂንቲ ቶሁዋን ጫማ አላቲ፡ ሺን ናምዑ አፊላ ኦይኮፊቲ» ያገሰ።

10 ቃሲካ፡ «ሂንቲና አሲ ሞኪዳ ሶ አወንካ ገደን ሄ ቤሳ ዩዲዲ ባና ጋካናው ሄ ከላን ጋምዲቲ።

11 ሂንቲና አሲ ሞኮናሱዋ ዋይኮ ሂንቲ ኦዲያባ ሲዶናሱዋ አወን ገዲኮካ፡ ሄ ቢታን ዴዲያ አሳሰ ሄሲ ናገሶ ማርካ ገደና ማላ ሄ ቤሳፊ ከዩሼ፡ ሂንቲ ቶሁዋፔ ባና ፒቲቲ» ያገሰ።

12 ታማኔ ናምዑ ታማራቲ ቢዲ፡ አሳይ ባንታ ናጋራፔ ሲማናዳ ቃላ ኦዲዶሶና።

13 ኤንቲ አሳፔ ዳር ቱና አያናታ ኬሲዶሶና። ዳር ሃርጋንቸታ ዛይቲ ቲዩዲ ፓሊዶሶና።

ፃጋማቂያ የሃሊሳ ሃይቁዋ
(ማቶ 14:1-12፤ ሉቃ 9:7-9)

14 ዩሱሳ ሱንገላይ ኡባ ቤሳን ከዩዳ ገሾ ካዎይ ሄሮዲሲ ኢያባ ሲዲሰ። ኢሲ ኢሲ አሳይ፡ «ፃጋማቂያ የሃሊሳ ሃይቆፔ ዳንዲሰ፡ ሄሳ ገሾ ሃ ማላታታ ኦሌይ ኢያ» ያገደረሰ።

15 ባጋቲ፡ «ሃይሲ ኤሊያሳ ገዴኔ?» ያገደረሰ።

ሃራቲ ቃሲ፡ «ሃይሲ ቤኒ ዎዴ ናቤታፕ ኢሱዋ ገደና አገና» ያገደረሰ።

16 ሺን ሄሮዲሲ ሄሳ ሲዲዳ ዎዴ «ሃይሲ ታኒ ቆዲያ ቃንጃሲዳ ፃጋማቂያ የሃሊሳ ገዴኔ? ኢ ሃይቆፔ ዳንዲሰ» ያገደረሰ።

17 ሄሮዲሲ ባ አሻ ፊልጶስ ማቸው ሄሮዲያዳ ኤኪዳ ገሾ ኢ ጋሶን የሃሊሳ ኦይሊዲ ቃሺሲሰ።

18 የሃሊሲ ሄሮዲሳ፡ «ኔኒ ኔ አሻ ማቸው ኤካናው ቤሴና» ያገደረሰ።

19 ሄሮዲያዳ የሃሊሳ ባ ኡሎን ሞርካዳ ኢያ ዎዲሳናው ኮያሱ፡ ሺን ዳንዲዳቡኩ።

20 የሃሊሲ ጃሎኔ ጌሻ አሲ ገዲዳይሳ ሄሮዲሲ ኤሪዳ ገሾ ኢያው ባቢዲ ሎይሊ ናገሴሰ። ሄሮዲሲ የሃሊሲ ገያባ ሲዳናው ደሲኮካ ኢ ገያባ ሲዲያ ዎዴ ዳሮ ዳጋሚሰ።

21 ሄሮዲሲ ባ ዩሌቲዳ ጋላሳ ቦንቻናው ዳሪያ ሃራይሳታሰ፡ ሻላቃታሴኔ ጋሊላን ዳዲያ ገታ አሳሰ ኢማቶ ገገሲሰ። ሄሲ ሄሮዲያዳሰ ኢንጃ ጋላሰ ገዲሰ።

22 ሄሮዲያዳ ናዲያ ኢማላይ ሞከቲያ ቤሳ ጌላ ዱራዳ፡ ሄሮዲሳኔ ኢያ ኢማላታ ኡፋይሳሰ። ካዎይ ናዲው፡ «ኔ ኮያባ አይባ ገዲኮካ ታና ኦይቻ፡ ታኒ ኔው ኢማና» ያገደረሰ።

23 ቃሲ ኢው ጫቂዳ፡ «ኔኒ ኦይቸያባ አይባ ገዲኮካ፡ ታኒ ኔው ኢማና። ሃሪ አቶሺን፡ ታ ካዎቲላ ባጋ ገዲኮካ ታኒ ኔው ኢማና» ያገደረሰ።

24 ናዲያ ካሪ ኬያዳ ባ አዩኮ፡ «አይ ኢማ ሳ?» ጋዳ ኦይቻሱ።

ኢ ኢያ፡ «ፃጋማቂያ የሃሊሳ ሁዲያ ኢማ ጋ» ያጋሱ።

25 ናዲያ ኤላሳዳ ካዉዋኮ ባዳ፡ «ፃጋማቂያ የሃሊሳ ሁዲያ ሳኔን ዎላዳ ሃዲ ታው ኢማና ማላ ኮያይሰ» ያጋሱ።

26 ያኒን ካዎይ ዳሮ ቁሮቲሰ፡ ሺን ባ ኢማላታ ገሾ ኢው ጫቂዳ ባ ጫቁዋ ማንገናው ኮዩቤና።

27 ሄሳ ገሾ፡ ኤሌሲዲ ናጌይሳ የሃሊሳ ሁዲያ ኤሃና ማላ ከቲሰ። ናጌይሲ ቃሾ ከሌ ቤዲ የሃሊሳ ቆዲያ ቃንጃሰ።

28 ሄ ቃንጃቲዳ ሁዲያ ሳኔን ዎላ ኤሃዲ ናዴሰ ኢሚሰ። ናዲያ ቃሲ ባ አዩሰ ኢማሱ።

29 የሃሊሳ ታማራቲ ሄሳ ሲዲዳ ዎዴ ቤዲ ኢያ አሃ ኤኪ ኤፊዲ ሞገደረሰ።

ዩሱሲ ኢቻሹ ሙኩሉ አሳ ሙዚሲ
(ማቶ 14:13-21፤ ሉቃ 9:10-17፤ ዮሃ 6:1-14)

30 ታማኔ ናምቡ ሃዎራቲ ሲሚ ዩዲ ኢንቲ ኦሊዳባኔ ታማርሲዳባ ኡባ ዩሱሳሰ ኦዲደረሰ።

31 ኢንታኮ ያ አሳይኔ ቢያ አሳይ ዳሪዳ ገሾ ዩሱሳራኔ ኢያ ታማራታራ፡ ሃሪ አቶሺን

ካሊ ማናዉካ ኢንታ ጋሶና ኢዲሰ። ያኒን፡ ዩሱሲ ኢንታኮ፡ «ኑርካ ጉሊ ሼምፕ ኤካናው አሲ ባይና ቤሲ ዩዲቲ» ያገደረሰ።

32 ሄሳ ገሾ፡ ኢንቲ ባንታርካ ዎሳሎን ጌሊዲ አሲ ባይና ቤሲ ቢደረሰ።

33 ኢንቲ ቢሺን ዳሮ አሳይ ኢንታ ቤዲዲ ኤሪደረሰ። ያቲን፡ ካታማ ኡባፌ አሳይ ቶሆራ ዎጂ ቢዲ ኢንቲ ቢያሱዋ ኢንታፊ ሲንሌ ጋኪደረሰ።

34 ዩሱሲ ዎሳሎዎፔ ዎዲዲ ዳሮ አሳ ቤዲሰ። አሳይ ሄሚያ አሲ ባይና ደርሳ ሚላ ገዲዳይሳ ቤዲዲ ኢንታው ቃዲቲዲ ኢንታ ዳሮባ ታማርሲሰ።

35 ሳዳይ ኦማርሲያ ዎዴ ዩሱሳ ታማራቲ ኢያኮ ዩዲ፡ «ሃይሲ ቤሳይ አሲ ባይና ቤሲ፤ ሃዲ ሳዳይካ ቃሚሰ።

36 አሳይ ጉታታኔ ካታማታ ቢዲ ባንታው ሚያባ ሻማና ሚላ አሳ ዩዳ» ያገደረሰ።

37 ሺን ዩሱሲ ዛሪዲ ኢንታኮ፡ «አሳሰ ሚያባ ሂንቲ ኢሚቲ» ያገደረሰ።

ኢንቲ፡ «ኑኒ ቢዲ ናምቡ ጃቲ ዲናሬን ኡይሉ ሻሚዲ አሳ ሙዛና ሚላ ኮያይ?» ያገደረሰ።

38 ዩሱሲ ኢንታኮ፡ «ሂንቲው አፑን ኡይሊ ዳዲ? ኣኔ ቢዲ ቤዲቲ» ያገደረሰ።

ኢንቲ ቤዲዲ፡ «ኢቻሹ ኡይሉኔ ናምቡ ሞሎ» ያገደረሰ።

39 ዩሱሲ ባ ታማራታ አሳ ኡባ ጩጋን ጩጋን ሻኪዲ ማታን ኡቲሳና ሚላ ከቲሰ።

40 አሳይ ባጋይ ጃታ፡ ባጋይ ኢሻታማ ገዲዲ ጩጋን ጩጋን ሻኪቲዲ ኡቲደረሰ።

41 ዩሱሲ ኢቻሹ ኡይላኔ ናምቡ ሞሎታ ኤኪዲ፡ ፑዴ ሳሎ ጃሊዲ ያሳ ጋላቲሰ። ኡይላ ማንሊዲ አሳሰ ገሻና ሚላ ባ ታማራታሰ ኢሚሰ።

42 አሳ ኡባይ ሚዲ ካሊደረሰ።

43 አቲዳ ኡይላ ቲፊያኔ ሞሎታ ቲፊያ፡ ኢያ ታማራቲ ታማኔ ናምቡ ጋይታ ኩሜሊ ዳንሊደረሰ።

44 ኡይላ ሚዳ አዴ አሳ ታይቦይ ኢቻሹ ሙኩሉ።

ዩሱሲ አባ ቦላራ ሃሙቲሰ
(ማቶ 14:22-33፤ ዮሃ 6:15-21)

45 ኤሌሲዲ ዩሱሲ ባ ታማራቲ ዎሳሎን ጌሊዲ፡ አባፌ ሄሬንገላን ዳዲያ ቤቲሳይዳ ባፔ ሲንገላቲዲ ባና ሚላ ከቲሰ። ሺን ባው አሳ ሞይዛናው ጉዬ አቲሰ።

46 አሳ ሞይዚዳፔ ጉዬ ያሳ ዎሳናው ዳሪያ ቦላ ከዩሰ።

47 ሳዳይ ቃሚያ ዎዴ ዎሳሎይ አባ ገደን ዳዴሰ። ሺን ዩሱሲ አባፌ ጋፃን ባርካ ዳዴሰ።

48 ጫርኮይ ኢያ ታማራታኮ ጫርኪያ ገሾ አባ ፒዶይ ዎይሴይሳ ዩሱሲ ቤዲሰ። ዎንቲማሌ ሳዳይ ገያና ሃሊያ ዎዴ ኢ አባ ቦላ ሃሙቲሺ ኢንታኮ ዩዲ፡ ኢንታ ዩገዲ አቆናው ኮዩሰ።

49 ሺን ኢ አባ ቦላ ሃሙቲሺን፡ ኢንቲ ቤዲዲ፡ ኢንታው ሞይቲሌ ዳኒን ዎሲደረሰ።

6:14 ማቶ 16:14፤ ማር 8:28፤ ሉቃ 9:19 6:18 ሉቃ 3:19-20 6:34 ታይ 27:17፤ 1ካዎ 22:17፤ 2ታሪ 18:16፤ ሂዝ 34:5፤ ማቶ 9:36

50 ኢት ኡባይ ኢያ ቤዲዲ፣ ያሻን ኮኮሪደሶና።

ሺን ዩሱሲ ኤሌሲዲ ኤንታኮ፣ «ታና፣ አይኮይ ባዋ፤ ያዮፊቱ» ያገሰ።

51 ዩሱሲ ዋሳሎዋን ጌሊዲ ኤንታራ ኢሲፌ ኡቲን ጫርኮይ ዋፑ ገሰ። ኢንቲ ዳሮ ማላላቲደሶና።

52 ኢንታ ዋዛናይ ዜልዑሚዳ ገሾ ኢንቲ ኡይላባ አኬኪቦኮና።

ዩሱሲ ጌንሳሬዳን ሃርጋንቸታ ፓሊሰ
(ማቶ 14:34-36)

53 ኢንቲ አባ ፒኒዲ፣ ጌንሳሬዳ ቢታ ጋኪዲ፣ ዋሳሎዋ ጋዳ ሺሺዲ ቃቸደሶና።

54 ኢንቲ ዋሳሎዋፔ ዋዲያ ዋዴ አሳይ ኤሌሲዲ ዩሱሳ ኤሪደሶና።

55 ኢንቲ ሄራን ዳዲያ ቢታ ኡባን ዋዳሬቲዲ ሃርጋንቸታ ሃላን ቶኪዲ፣ «ዩሱሲ ዳዴሰ» ገን ሲዲዳ ቤሳ ኤሂደሶና።

56 አሳይ ኢ ቢዳ ሶ ኡባን፣ ጋዳሪያን ገደን፣ ካታማን፣ ዳዲያ ሃርጋንቸታ ዳባባ ኤፎሶና። ሃርጋንቸቲ ኢያ አፊላ ማጫራ ገደኮካ ቦቻና ማላ አሳይ ኢያ ዋሲደሶና። ቦቸዳ ኡባይ ፓዳሰ።

7

ቤኒ አዋታ ዋጋ
(ማቶ 15:1-9)

1 ዩራሳላማፔ ዩዳ ጉላ ፋሪሳዊቲኔ ሂጌ አስታማሬቲ ዩሱሳ ማታን ሸቂደሶና።

2 ዩሱሳ ታማሬታፔ ኢሶቲ ኢሶቲ ጌዮና ኩሺያን፣ ሄሲካ ኩሼ ማጩቶና ካሊ ማይሳታ ቤዲደሶና።

3 ፋሪሳዊቲኔ አይሁዴ አሳ ኡባይ ባንታ አዋታ ዋጋላ ባንታ ኩሺያ ማጩቶና ሞኮና።

4 ሄሳዳካ፣ ኢንቲ ገያፔ ሻማቲዳባ ማጩና ዳዲሽ ሞኮና። ቃሲ ኢንቲ ባንታ አዋታፔ ኤኪዳ ሃራ ዳሮ ዋጊ ዳዴሰ፣ ሄሲካ ሲኒያ፣ ኬሪያ፣ ቢራታ ማሺታኔ አርሳ ማጩያ ዋጋ ናጌይሳ።

5 ፋሪሳዊቲኔ ሂጌ አስታማሬቲ ዩሱሳ፣ «ኔ ታማሬቲ አይሰ አዋታ ዋጋ ማንሊዲ ባንታ ኩሺያ ማጩቶና ካሊ ሞና?» ያገደ ኦይቸደሶና።

6 ዩሱሲ ኤንታኮ፣ «ኢሳያሲ ሂንቲና ጩቦታ፣ ሃይሲ አሳይ ታና ባ ኢንግርሳ ያላላን ቦንቸሰ፣ ሺን ኢንታ ዋዛናይ ታፔ ሃሆን ዳዴሰ።

7 አሲ ማዲዳ ዋጋ ያሳ ሂጌ ዳኒሲዲ ታማርሲያ ገሾ

ኢንቲ ታና ማላ ጎይኖሶና » ገዲ ያፊዳይሲ ቱማ።

8 «ሂንቲ ያሳ ኪታ አገዲ አሳ ዋጋ ማንሊዲ ናጌታ» ያገሰ።

9 ቃሲካ ዩሱሲ፣ «ሂንቲ ሂንቲ ዋጋ ናገዲ ያሳ ኪታ ዩጌ አጋናው ሎዎ ኦጌ ዳሚዳታ።

10 ሙሴይ፣ ሳኔ አዋኔ ኔ አደው ቦንቻ፣ ቃሲ ሳኔ አዋኔ ባ አደው ጫዬይሲ ሃይቃናው ቤሰሰ) ያገሰ።

11 ሺን ኢሲ አሲ ባ አዋ ዋይኮ ባ አደው ማዳናይሳ አገዲ፣ ሃሲ ያሳ ያርሾ) ገኮ።

12 ኢ ባ አዋ ዋይኮ ባ አደው ማደና ማላ ኦሌታ።

13 ሄሳዳካ፣ ሂንቲ ሃራታ ታማርሲዳ ሂንቲ ዋጋን ያሳ ቃላ ካዲዳታ። ሄሳ ማላ ሃራ ዳሮ ባ ኦሌታ» ያገሰ።

አሴ ቱኒሲያባታ
(ማቶ 15:10-20)

14 ዩሱሲ ዳሮ አሳ ቃሲካ ባኮ ያገደ፣ «ኡባይ ታኒ ኦዴይሳ ሲዲቲኔ አኬኪቲ።

15 አሳ ዋዛናፔ ኬያባይ አሴ ቱኒሲሲፔ አቲን ካሬፔ አሳ ኡሎ ጌሊዲ አሴ ቱኒሲያባይ አይቢካ ባዋ።

16 ሲዲያ ሃይሊ ዳዲያ ኦኒካ ሲዎ» ያገሰ።

17 ዩሱሲ ዳሮ አሳ ዩጌ አገዲ ሶ ጌሊን ኢያ ታማሬቲ ሂ ለሚሱዋባ ኢያ ኦይቸደሶና።

18 ኢ ኤንታኮ፣ «ሂንቲዉካ ቃሲ ጌሊቤኔ? ካሬፔ አሳ ዋዛናን ጌሊያባይ አይቢካ አሴ ቱኒሳናው ዳንዳዳናይሳ አኬኪቲ?

19 አይሰ ገኮ፣ ካሊ አሳ ኡሎ ገደ ጌሊዲ ካንሊዲ አዲሲፔ አቲን አሳ ዋዛና ገደ ጌሊና» ያገሰ። ሄሳን ዩሱሲ ካሊ ኡባይ ጌሺ ገዴይሳ ኤሪሲሰ።

20 ካሊዲካ፣ ዩሱሲ፣ «አሳ ቱኒሲያባይ አሳ ዋዛና ገደፌ ኬያባ።

21 አሳ ዋዛና ገደፌ ኬያባይ ኢታ ቆፋ፣ ላይማቴሊ፣ ካይሶ፣ አሴ ዋዶ፣ ላማ፣

22 ኢታ አሞ፣ ኢታቴሊ፣ ጌኔ፣ ቃይዳ፣ ጨሞ፣ ቃናቲ፣ ጫሼ፣ ኦቶርኔ ቦዛቴሊ።

23 ሃ ኢታባይ ኡባይካ አሳ ዋዛና ገደፌ ኬዩዲ አሴ ቱኒሲሰ» ያገሰ።

አሲ ማጫሲ አማኑዋ
(ማቶ 15:21-28)

24 ዩሱሲ ያፔ ኬዩዲ፣ ዲሮሳ ካታማ ማታን ዳዲያ ቢታ ቢሰ። ኢ ኢሲ ኬሊ ጌሊዲ ያን ዳዴይሳ ኦኒካ ኤራና ማላ ኮዩቤና። ሺን ቆሴቲዲ ጋሞናናው ዳንዳዲቤና።

25 ሺን ኢ ጉላ ናዲው ቱና አያናይ ኦይኪዳ ኢሲ ማጫሲያ ዩሱሳባ ሲዳዳ ኤሌሳ ኢያኮ ያዳ ኢያ ቶሁዋ ቦላ ኩንዳሱ።

26 ኢያ አይሁዴ ማጫሲ ገደኩ፤ ኢያ ዩሎቲዳይ ሲሮፊንቄ ገያ ቢታና። ኢያ፣ ባ ናዴፔ ቱና አያና ኬሳና ማላ ዩሱሳ ዋሳሱ።

27 ሺን ዩሱሲ ዛሪዲ፣ «ናይቲ ኮይሮቲዲ ካላ ካሎ፤ ናይታ ካላ ኤኪዲ ካናታሰ ዩጌይሲ ሎዎ ገዳና» ያገሰ።

28 ማጫሲያ ዛራዳ፣ «ታ ጎዳው ሄሲ ቱማ፣ ሺን ጋይታ ማታን ዳዲያ ካናቲ ናይታፔ ዋዲያ ቲፊያ ሞሶና» ያጋሱ።

29 ዩሱሲ ቃሲ ኢኮ፣ «ሃ ኔ ቃላ ገሾ ኔ ሶ ባ፤ ቱና አያናይ ኔ ናዴፔ ኬይሰ» ያገሰ።

30 ማጫሲያ ባ ሶ ቢያ ዋዴ ቱና አያናይ ኢፔ ኬዩን ሂፃን ዚንዲዳሮ ዳማሱ።

ዩሱሲ ቱሌኔ ሙሚ ኡራ ፓሊሰ

31 ዩሱሲ ዲሮሳ ካታማፔ ኬዩዲ፣ ሲደናራኔ ታሙ ካታማታ ገያ ቢታራ ካንሊዲ ጋሊላ አባኮ ቢሰ።

32 አሳይ ቱሌኔ ዋዪዲ ኦዳቲያ አሲ ዩሱሳኮ ኤሂዲ፣ ባ ኩሺያ ኢያ ቦላ ዋላና ማላ ኢያ ዋሲደሶና።

33 ዩሱሲ ባርካ ሄ ኡራ ዳሮ አሳፔ ጋፃ ኬሲዲ፣ ባ ቢራጂያ ኢያ ሃይላን ዩዲሰ። ቃሲ ጩቺ ጩቲዲ ኢያ አንፃርሳ ቦቺሰ።

34 ሳሎ ፑዴ ያሊዲ፣ ቶኪ ሺምፕዲ፣ «ኤፍታህ» ገሰ። ቢርሼላይካ «ዶዬታ» ጉሱ።

35 ኡራ ሃይላይ ኤሌሲዲ ዶዬቲሰ፣ ቃሺቲዳ አንፃርሳይካ ቢርሼቲሰ፣ ኡራይ ጌሺዲ ኦዳቲሰ።

36 ዩሱሲ አሳኮ፣ «ሃይሳ ኦዳሰካ ኦዶፕቴ» ያገሰ። ሺን ኢ ዳሮ ሚንሳዲ ኦዶፕቴ ገን፣ አሳይ ኦዳ ያ ዳርሲሰ።

37 ሄሳ ሲዲዳ አሳ ኡባይ ዳሮ ማላላቲዲ፣ «ኡባባ ኢ ሎይሌ ኦሌሰ። ሃሪ አቶሺን፣ ቱሊያ ሲሴሰ፣ ሙሚያ ኦዲሴሰ» ያገደሶና።

8

ዩሱሲ ኦይዲ ሙኩሉ አሳ ሙዚሰ (ማቶ 15:32-39)

1 ጉላ ዋዴፔ ጉዬ፣ ዳሮ አሳይ ዩሱሳኮ ሺቁደሶና። አሳሰ ሚያባይ ጳዪን ዩሱሲ ባ ታማሬታ ባኮ ያገደዱ።

2 «ሃ አሳይ ታራ ሄቸ ጋላሰ ጋካናው ጋምዲዲ፣ አይኮካ ሚያባ ዳሚቦና ገሾ ታና አሳይ ቃጴሌሰ።

3 ታኒ አሳ ኮሻራ ሶ ዩዲኮ አሳይ ቢሼ ኦጌን ዳቡራዲ ኩንዳና፣ ባጋ አሳይ ሃሆሶፔ ዩደሶና» ያገሰ።

4 ዩሱሳ ታማሬቲ ዛሪዲ፣ «ሃ ባዞ ቢታን ሃ አሳ ኡባ ሙዛናው ገዲያ ካሌ ዳማናው ዳንዳዔይ ኦኔ?» ያገደሶና።

5 ዩሱሲ ኤንታኮ፣ «ሂንቴው አፑን ኡይሌ ዳዲ?» ያገደዱ ኦይቺሰ። ኤንቲ ዛሪዲ፣ «ላፑን ኡይሌ ዳዔሰ» ያገደሶና።

6 ዩሱሲ አሳይ ሳዓን ኡታና ማላ ከቲሰ። ያቲዲ፣ ላፑን ኡይላ ኤኪዲ ያሳ ጋላቲ ሲሚዲ ሄ ኡይላ ማንሳዲ፣ አሳሰ ገሻና ማላ ባ ታማሬታሰ ኢሚሰ። ኢያ ታማሬቲ አሳሰ ገሺደሶና።

7 ኤንታው ቃሲ ጉላ ላፋ ሞሎቲ ዳዎሶና። ዩሱሲ ሄ ሞሎታ ገሾ ያሳ ጋላቲዲ፣ አሳሰ ገሻና ማላ ባ ታማሬታ ከቲሰ።

8 አሳይ ኡባይ ሚዲ ካሊደሶና። ኢያ ታማሬቲ አቲዳ ቲፊያ ላፑን ጋይታ ኩሚሌ ዳንሳደሶና።

9 ካላ ሚዳ አሳ ታይቦይ ኦይዲ ሙኩሉ ገዳና፣ ሄሳፊ ጉዬ፣ ዩሱሲ አሳ ዩዲሰ።

10 ኢ ቃሲ ባ ታማሬታራ ኤሌሲ ዋሳሎን ጌሊዲ ዳልማኑታ ገያ ቢታ ቢሰ።

ማላቲ ኦሴታና ማላ ኦይቺደሶና (ማቶ 16:1-4)

11 ፋሪሳዊቲ ዩዲ ዩሱሳ ፓጫናው ኮዪዲ፣ ሳሎፔ ባንታና ማላታ ቤሳና ማላ ዩሱሳራ ፓላማ ኦይኪደሶና።

12 ዩሱሲ ቶኪ ሺምፕዲ፣ «ሃ ዋዲያ አሳይ አይሰ ማላታ ኮዪ? ታኒ ሂንቴው ቱማ ኦዳይሰ፤ ሃ ዋዲያ አሳሰ አይ ማላቲካ አሚቴና» ያገሰ።

13 ኢ ኤንታ ያን ዩጌ አጌዲ ዛሪ ዋሳሎን ጌሊዲ አባፊ ሄፊንሌ ፒሰ።

ፋሪሳዊታኔ ሄርዲሳ ኢርሹዋ (ማቶ 16:5-12)

14 ኢያ ታማሬቲ ካሌ ኤፋናይሳ ደገደሶና፤ ኤንታው ዋሳሎ ገደን ኢሲ ኡይላፊ ሃሪ ባዎ።

15 ዩሱሲ ኤንታኮ፣ «ሂንቴና ኤሪቴ። ፋሪሳዊታ ኢርሹዋፊኔ ሄርዲሳ ኢርሹዋፊ ናጌቲቴ» ያገደዱ ከቲሰ።

16 ኤንቲ ባንታ ገደን፣ «ኢ ሃይሳ ጌይ ኦሰ ኡይሌ ባይና ገሾሳ» ያገደሶና።

17 ዩሱሲ ኤንቲ ጌይሳ ኤሪዲ ኤንታኮ፣ «ሂንቴው ኡይሌ ባይና ገሾ አይሰ ኦዳቲቲ? ሃዒካ ኤሪኬቲ? ዋይኮ አኬኬኬቲ? ሂንቴ ዋዛናይ ደጩዳ?

18 ሂንቴው አይፊይ ዳዒሺን ቤዔኬቲ? ሃይሌ ዳዒሺን ሲዔኬቲ? ሂንቴ አኬኬቲ?

19 ታኒ ኢቻሹ ኡይላ ኢቻሹ ሙኩሉ አሳሰ ባሊዳ ዋዴ አፑን ጋይታ ኩሚሌ ቲፊ ዳንሳደቲ?» ያገሰ።

ኤንቲካ፣ «ታማኔ ናምቡ ጋይታ ኩሚሌ» ያገደሶና።

20 «ሄሳዳካ፣ ታኒ ላፑን ኡይላ ኦይዲ ሙኩሉ አሳሰ ባሊዳ ዋዴ አፑን ጋይታ ኩሚላ ቲፊ ዳንሳደቲ?» ያገሰ።

ኤንቲ፣ «ላፑን ጋይታ ኩሚሌ ዳንሳደ» ያገደሶና።

21 ያቲን፣ «ሃዒካ አኬኪቤኬቲ?» ያገሰ።

ዩሱሲ ቤቴሳይዳን ኢሲ ቆቂያ ፓሊሰ

22 ኤንቲ ቤቴሳይዳ ካታማ ቢደሶና። ጉላ አሳቲ ቆቂ ኡራ ዩሱሳኮ ኤሂዲ ሄ ኡራ ቦቻና ማላ ኢያ ዋሲደሶና።

23 ዩሱሲ ቆቂ ኡራ ኩሺያ ኦይኪዲ ካታማፔ ጋፃ ኬሲሰ። ኢያ አይፊያን ጩቲዲ ባ ኩሺያ ኢያ ቦላ ዋሊዲ፣ «ኔው አይኮይ ቤንቲ?» ያገደዱ ኦይቺሰ።

24 ኡራይ ቶቁ ገዲ ያሊዲ፣ «ታው አሳይ ቤንቴሰ፣ ሺን አሳይ ሃሙቲሼ ሚሌ ዳኔሰ» ያገሰ።

25 ሄሳፊ ጉዬ፣ ዩሱሲ ዛሪዲ፣ ኡራ አይፊያን ባ ኩሺያ ዋሊሰ። ኡራይ ሎይሌ ያሊሰ፣ ኢያ አይፊይ ፓዲሰ፣ ኡባባ ጌሺዲ ቤዒሰ።

26 ዩሱሲ አዲያኮ፣ «ኔ ሶ ባ፣ ሺን ጉታ ጌሎፓ» ያገደዱ ከቲሰ።

ጳጳርሳ አማኑዋኔ ማርካቴሳ (ማቶ 16:13-20፤ ሉቃ 9:18-21)

27 ዩሱሲ ባ ታማሬታራ ቁሳሪያ ፊልጶሳ ማታን ዳዒያ ጉታ ቢሰ። ኤንቲ ቢሺን ኦኔ ቦላ ዩሱሲ፣ «ታና አሳይ ኦና ጎና?» ያገደዱ ባ ታማሬታ ኦይቺሰ።

28 ኢያ ታማሬቲ፣ «ኢሲ ኢሲ አሳይ ኔና፣ ሳማቂያ ዮሃኒሳ) ጎሶና፤ ሃራቲ፣ ለኤሊያሳ ጎሶና)

8:11 ማቶ 12:38፤ ሉቃ 11:16 8:12 ማቶ 12:39፤ ሉቃ 11:29 8:15 ሉቃ 12:1 8:18 ኤር 5:21፤ ሃዝ 12:2፤ ማር 4:12 8:28 ማር 6:14

ቃሲ ሃራቲ፡ «ናቤታፔ ኢሱዋ» ጎሶና» ያገደሶና።

29 ዬሱሲ ኢንታኮ፡ «ያቲን ሂንቲ ታና ኦና ጌቲ?» ያገደዱ ኦይቸሰ።

ጳውሎስ፡ «ኔኒ ኪሪሰቶስ» ያገደዱ ዛሪሰ።

30 ዬሱሲ፡ «ታባ ኦዳሰካ ኦዳፒቲ» ያገደዱ ኢንታ ኪቲሰ።

ዬሱሲ ባና ጋካና ሜቱዋኔ ዋያ ኦዲሰ (ማቶ 16:21-28፤ ሉቃ 9:22-27)

31 ዬሱሲ ባ ታማሪታኮ፡ «ኣሳ ናዓይ፡ ዳር ሜቶ ኤካናው ቤሴስ፤ ጨማቲ፡ ካሂኔ ሃላቃቲኔ ሂጌ ኣስታማሪቲ ኢያ ኢዳናው ቤሴስ። ኢንቲ ኢያ ዋቆናውኔ ሂቹ ጋላሳፔ ጉዬ፡ ኢ ሃይቆፔ ዳንዳናው ቤሴስ» ያገደዱ ኢንታ ታማርሲሰ።

32 ኢ ሄሳ ኢንታው ጌሺዱ ኦዲሰ። ጳውሎስ ኢያ ኢሲ ባጋ ዛሪዱ ሃንቁሰ።

33 ሺን ዬሱሲ ጉዬ ሰሚዱ፡ ባ ታማሪታ ዪሊዱ፡ ጳውሎስ ሃንቁቲዱ፡ «ሃ ፃላሂያው፡ ታፔ ሃካ። ኔኒ ኣሲ ደሲያባ ቆፓሳፔ ኣቲን ያሳይ ደሲያባ ቆፓካ» ያገሰ።

ዬሱሳ ካሎይ ባና ካዶ ኦይቸሰ (ማቶ 10:38-39፤ 16:24-28፤ ሉቃ 9:23-27፤ 14:26-27)

34 ቃሲካ ዬሱሲ ዳር ኣሳኔ ባ ታማሪታ ባኮ ዪገዱ፡ «ታና ካላናው ኮያ ኦኒካ ባና ካዶ፤ ባ ማስቃሊያ ቶኪዱ ታና ካሎ።

35 ባ ሸምቸዋ ኣሻናው ኮያ ኡራይ ቆይሳና። ሺን ታ ጊሾኔ ዋንጌላ ጊሾ ባ ሸምቸዋ ቆይሲያ ኡራይ ኣሻና።

36 ኢሲ ኣሲ ሳዓን ዳዒያ ኡባባ ባው ሸሺዱ፡ ባ ሸምቸዋ ቆይሲኮ ኢያ ኣይ ማዳኔ?

37 ኢሲ ኣሲ ባ ሸምቸዋ ዋዛናው ኣይ ኢማናው ዳንዳዒ?

38 ያሳ ኣማናና ሃ ኢታ ዬሎቴላን፡ ኢሲ ኣሲ ታናኒኔ ታ ቃላን ዬላቲኮ፡ ኣሳ ናዓይ፡ ቃሲ ባ ኣዋ ቦንቸን ጌሻ ኪታንቸታራ ያ ዋዴ ኢያን ዬላታና» ያገሰ።

9

ዬሱሳ ማላይ ላሜቲሰ (ማቶ 17:1-13፤ ሉቃ 9:28-36)

1 ዬሱሲ ኢንታኮ፡ «ታኒ ሂንቲው ቱማ ኦዲይሰ፤ ያሳ ካዋቴላይ ዋልቃራ ዬይሳ ቤዖና ሃይቆና ኢሲ ኢሲ ኣሳቲ ሃይሳን ዳዖሶና» ያገሰ።

2 ዬሱሲ ኡሱቸን ጋላሳፔ ጉዬ፡ ባራ ጳውሎስ፡ ያይቆባኔ ዮሃንሳ ኤኪዱ፡ ኢንታ ፃላላ ጌታ ዳሪያ ቦላ ኬሲዱ ኢንታ ሲንሳን ላሜቲሰ።

3 ኢያ ማዖይካ ጳሊሰ፤ ሳዓን ማዖ ሜጨያ ኦኒካ ጌሻናው ዳንዳዖናይሳ ሜላ ዳር ቦሂሰ።

4 ሄ ሃቹ ታማሪቲ፡ ኤሊያሲኔ ሙሴይ ዬሱሳራ ኦዳቲሺን ቤዒደሶና።

5 ጳውሎስ ዬሱሳ፡ «ኣስታማሪያው፡ ኮኒ ሃይሳን ዳዒይሲ ኮሰ ሎዖ፤ ኮ ሃቹ ሻቃራታ ኢሱዋ ኔው፡ ኢሱዋ ሙሴስ፡ ቃሲ ኢሱዋ ኤሊያሳሰ ሻቃራና» ያገሰ።

6 ኢያራኔ ሃንኮታራ ዳር ያዩዳ ጊሾ ኢ ኣይ ጊያኮካ ኤሪቤና።

7 ሄሳፌ ጉዬ፡ ሻራይ ዩዱ ኢንታ ካሚን ሻራፔ፡ «ሃይሲ ታ ደሲያ፡ ታ ናዓ፡ ኢ ጌይሳ ሲዒቲ» ጊያ ቃላይ ዩሰ።

8 ኤሌሲዱ ኢንቲ ዩሺ ኣላ ዪሊያ ዋዴ ዬሱሳፔ ኣቲን ሃራ ኦናካ ባንታ ማታን ቤዒቦኮና።

9 ኢንቲ ዳሪያፔ ዋቆሺን፡ ዬሱሲ ኢንታኮ፡ «ኣሳ ናዓይ፡ ሃይቆፔ ዳንዳና ጋካናው፡ ሂንቲ ቤዒዳባ ኦዳሰካ ኦዳፒቲ» ያገደዱ ኪቲሰ።

10 ኢ ኪቲዳይሳ ኢንቲ፡ «ኤር» ጊዱ፡ «ሃ ሃይቆፔ ዳንዶ ጌይሲ ዋይጉሴ» ጊዱ፡ ባንታ ጊዶን ኦዳቲደሶና።

11 ኢንቲ ዛሪዱ፡ «ሂጌ ኣስታማሪቲ፡ «ኤሊያሲ ኮይሮቲዱ ያናው ቤሴስ» ኣይሰ ጎና?» ያገደዱ ኦይቸደሶና።

12 ዬሱሲ ዛሪዱ «ኤሊያሲ ኮይሮቲዱ ዩዱ፡ ኡባባ ጊሊሴስ፤ ያቲን፡ ኣይሰ ጌሻ ማፃፋይ፡ «ኣሳ ናዓይ ዳር ዋዬታና ኢፃታና» ያገ ጊዱ ኦይቸሰ።

13 ሺን ታኒ ሂንቲው ኦዳይሰ፤ ኤሊያሲ ዩሰ፤ ቃሲ ኢያባይ ጌሻ ማፃፋን ፃፌቲዳይሳዳ፡ ኣሳይ ኢያ ቦላ ባንታ ኮዩዳባ ኦሊደሶና» ያገሰ።

ዬሱሲ ቱና ኣያናይ ኦይኪዳ ናዓ ፓሊሰ (ማቶ 17:14-21፤ ሉቃ 9:37-43)

14 ዬሱሲ፡ ጳውሎስ፡ ያይቆባኔ ዮሃንሲ ሃንኮ ኢያ ታማሪታኮ ሰሚዱ ያ ዋዴ ዳር ኣሳይ ኢንታ ዩሹዋን ኤቁዳይሳታኔ ሂጌ ኣስታማሪ ጊዱዳ ጉላ ኣሳቲ ኢንታራ ፓላሜይሳ ቤዒደሶና።

15 ሄ ዳር ኣሳይ ዬሱሳ ቤዒዳ ዋዴ ማላሌቲዱ፡ ኤሌሲዱ ኢያኮ ዋዶ ዩዱ፡ ኢያ ሳርሊደሶና።

16 ዬሱሲ ባ ታማሪታኮ፡ «ኢንታራ ኣይ ፓላሜቲ?» ያገደዱ ኦይቸሰ።

17 ሄ ዳር ኣሳ ጊደፌ ኢሲ ኡራይ ዛሪዱ፡ «ኣስታማሪያው፡ ታ ናዓ ቦላ ኦዳቴሊ ዲጊያ ቱና ኣያናይ ዳዒያ ጊሾ ኢያ ኔኮ ኤካዳ ያሰ።

18 ሃ ቱና ኣያናይ ኢያ ኦይኪያ ዋዴ ኡባን፡ ኢያ ሸጩ ዬጌሰ፤ ኢያ ዶናራ ጎፖንቶይ ዬሰ፤ ቃሲ ኣቸ ጋርጨሴስ፤ ኣሳቴላካ ሚኔሰ። ኢያፔ ሃ ቱና ኣያና ኬሳና ሜላ፡ ኔ ታማሪታሰ ኦዳሰ፡ ሺን ኬሳናው ዳንዳዒቦኮና» ያገሰ።

19 ዬሱሲ ዛሪዱ ኢንታኮ፡ «ኣማናና ሃ ዋዲያ ኣሳው! ታኒ ሂንቲራ ኣጩ ጋካናው ዳኔ? ቃሲ ሂንቲና ኣጩ ጋካናው ዳንዳዓኔ? ናዓ ታኮ ሃ ኤኪ ዩቲ» ያገሰ።

20 ኢንቲ ናዓ ኢያኮ ኤሂደሶና፤ ሄ ቱና ኣያናይ ዬሱሳ ቤዒዳ ሜላ ናዓ ኮኮርሲስ፤ ናዓይ ሳዓን ኩንዱዱ፡ ዶናራ ጎፖንቶይ ቶፋ ጊሺን ጎንደሬቲሰ።

21 ዬሱሲ ሄ ናዓ ኣዋኮ፡ «ሃይሲ ኔ ናዓ ኦይኮሳፔ ኣይ ሜላ ዋዴ ጊዳኔ?» ያገደዱ ኦይቸሰ።

ናዓ ኣዋይ፡ «ኢ ጉላን ዳዒሺን ኦይኪሰ።

22 ኢያ ዋቆናው ዳር ዋዴ ታማኒኔ ሃላን ዬጌሰ፡ ሺን ኔ ዳንዳዒኮ፡ ኮሰ ቃዴታርኪ፡ ኦና ማዳርኪ» ያገሰ።

23 ዩሱሲ ኢየሱስ፡ « ሳይን ደንዳዊኮ ጋይ?» እማኒያ ኦደሰካ ኡባባይ ደንዳዊቲስ» ያገለገለ።

24 ኤሌሲዲ ናባ እዋይ ባ ቃላ ቆቁ ኦሊዲ፡ «ታኒ እማናይስ፡ ሺን ጉጃ እማናናዳ ታና ማዳርከ» ያገለገለ።

25 ዩሱሲ አሳይ ዳሪ ዳሪ ቤይሳ ቤዒዲ፡ ቱና አያና፡ «ሃ ቱሌኔ ሙሜ አያናው፡ ሃ ናባ፤ ከያ ጋዳ ኔና ታ ኪታይስ፤ ቃሲ ናምዓንሉ ኢያን ጌሎፓ» ያገለገለ።

26 ሄ ቱና አያናይ ዋሲዲ፡ ናባ ዳር ኮኮርሲዲ፡ ኢያ፤ ከዩስ፡ ናባይ ሃይቁዳ ዳኒን፡ ዳር አሳይ፡ «ናባይ ሃይቁስ» ያገለገለ።

27 ሺን ዩሱሲ ናባ ኩሺያ ኦይኪዲ ዳንሉን፡ ናባይ ዳንዲ ኤቁስ።

28 ዩሱሲ ሶ ጌሊዳይሳፊ ጉዬ ኢያ ታማሬቲ፡ «ኦኒ ሄ ቱና አያና ከሳናው አይሰ ዳንዳዊኮ?» ያገለገለ። ዩሱሳ ዳማ አይቺደሶና።

29 ዩሱሲ ዛሪዲ፡ «ሄሳ ማላይ ዋሳ፤ ስማፕ ኣቲን ሃራባን ከያናው ዳንዳዊና» ያገለገለ።

ዩሱሲ ባና ጋካና ሜቱዋ ዛሪ ኦዲስ
(ማቶ 17:22-23፤ ሉቃ 9:43-45)

30 ኤንቲ ሄ ቤሳፊ ዳንዲዲ፡ ጋሊላራ አዲዲ ቢደሶና፤ ዩሱሲ ባ ዳዊያሱዋ ኦኒካ ኤራና ማላ ኮዩቤና።

31 ኢ ባ ታማሬታኮ፡ «አሳ ናባ፡ አሲ አሳስ አሊ እማናኔ ዋቆና፤ ኢ ሄቡ ጋላሳ፤ ጉዬ፡ ሃይቆፕ ዳንዳና» ያገለገለ። ታማርሴስ።

32 ሺን ኤንታው ኢ ጌይሲ ጌሊቤና፤ ቃሲ ኢያ አይቻናዉካ ያዩደሶና።

ኡባፊ አዲይ ኦኒ?
(ማቶ 18:1-5፤ ሉቃ 9:46-48)

33 ኤንቲ ቂፊርናሆሜ ካታማ ቢዲ ሶ ጌሊዳይሳፊ ጉዬ ዩሱሲ ኤንታኮ፡ «ኦኒን አይ ኦዳቲቲ?» ያገለገለ። አይቺሰ።

34 ሺን ኤንቲ፡ «ኦ ጌደን ኡባፊ አዳናይ ኦኒ?» ያገለገለ። ፓላሚዳ ገሾ ሰዒ ጌደሶና።

35 ዩሱሲ ኡቲዲ፡ ታማኔ ናምዑ ታማሬታ ያገዲ፡ «ኦኒካ ሲንሌ አዳናው ኮይኮ፡ ኡባፊ ጉዬ አዲዲ፡ ኡባሰ አይሌ ጌዳናው ቤሴስ» ያገለገለ።

36 ኢሲ ጉላ ናባ ኤኪዲ፡ ኤንታ ጌደን ኤሲስ፤ ሄ ጉላ ናባ ኢዲሚዲ ኤንታኮ፡

37 «ሃይሳ ማላ ጉላ ናይታፕ ኢሱዋ ታ ሱንላን ሞኪያ ኦኒካ ታና ሞኪስ፤ ቃሲ ታና ሞኪያ ኦኒካ ታና ኪቲዳይሳካ ሞኪሲ፤ ኣቲን ታ ዓላላ ሞኪና» ያገለገለ።

ኦና ኢያና ኡራይ ኦ ባጋ
(ሉቃ 9:49-50)

38 ዮሃንሲ፡ «አሰታማሪያው፡ ኢሲ አሲ ኔ ሱንላን ቱና አያናታ ከሲሺን ኦኒ ቤዒዲ፡ ኦ ባጋ ጌደና ገሾ ኢያ ዳጊዲ» ያገለገለ።

39 ሺን ዩሱሲ፡ «ኦኒካ ታ ሱንላን ያሳይ ኦሊያ ማላታታ ኦሊዲ፡ ኤሌሲዲ ታ ቦላ ኢታባ ኦዳታናው ዳንዳዊይ ባይና ገሾ ዳሳፊቲ።

40 ኦባ ኢያና ኡራይ ኦ ባጋ።

41 ታኒ ሂንቲው ቱማ ኦዳይስ፤ ሂንቲ ታይሳታ ጊዲያ ገሾ ኦኒካ ሂንቲው ታ ሱንላን ሃሎ ሃሊ ኡያናው ኢሚኮካ፡ ባ ዋይቱዋ ኤካና።

ናጋራን ፓጩቱሊ
(ማቶ 18:6-9፤ ሉቃ 17:1-2)

42 «ታና እማኒያ ሃ ጉላታፕ ኢሱዋ ባሌሊያ ኦኒካ፡ ጋቻ ዋጋ ዋግ ባ ቆዴን ቃቺዲ፡ አባን ዉሊያኮ ኢያው ሎዎ።

43-44 ኔ ኩሺይ ኔና ባሌሊኮ፡ ቃንግ ሆላ። ኔኒ ናምዑ ኩሺራ ቶዶና ጋናሜ ታማን ዩጌቲይሳፊ፡ ዳግ ኩሺራ ዳዑዋ ጌሎይ ኔው ሎዎ።

45-46 ኔ ቶሆይ ኔና ባሌሊኮ፡ ቃንግ ሆላ። ኔኒ ናምዑ ቶሆራ ጋናሜ ታማን ዩጌቲይሳፊ፡ ዋቤ ጌዳዳ ዳዑዋ ጌሌይሲ ኔው ሎዎ።

47 ኔ አይፊይ ኔና ባሌሊኮ፡ ዋጫ ኮሳ ሆላ። ኔኒ ናምዑ አይፊራ ጋናሜ ታማን ዩጌቲይሳፊ፡ ኢሲ አይፊራ ያሳ ካዋቲላ ጌሌይሲ ኔው ሎዎ።

48 ያን ኤንታ ሚያ ጉፁኔይ ሃይቁና፡ ታማይካ ቶዴና።

49 «ያርሾይ ማግኔን ጌይሳ ማላ አሲ ኡባይ ታማን ሃርቁታና።

50 ማግኔይ ሎዎ፡ ሺን ኢ ማልዶና ኢግኮ፡ ዛሪዲ ዋቲ ማልዳካ? ሂንቲናን ማግኔይ ዴዎ። ያኒዲ ኢሶይ ኢሱዋራ ሳርቲላን ዳዒቲ» ያገለገለ።

10

ማቶ ዩዳናው ቤሴና
(ማቶ 19:1-2፤ ሉቃ 16:18)

1 ዩሱሲ ሃሳፊ ዳንዲዲ፡ ዩሁዳ ቢታ ቢዲ ዮርዳኖሴ ቫፋ ፒኒስ። ዳር አሳይ ዛሪዲ ኢያኮ ሺቁን፡ ካሴይሳካ ሄ አሳ ታማርሲስ።

2 ኢሲ ኢሲ ፋሪሳዊቲ ፓጩናው ኮዩዲ ዩሱሳ፡ «ኢሲ አሲ ባ ማቺው ዩዳና ማላ ሙሴ ሂጌይ ከቲ?» ያገለገለ። ኢያ አይቺደሶና።

3 ኢ ዛሪዲ፡ «ሙሴይ ሂንቲና ዋይጊዲ ከቲዴ?» ያገለገለ።

4 ኤንቲ፡ «ሙሴይ፡ ኢሲ አሲ ባ ማቺሰ አንጃ ዋርቃቲ ኢሚዲ ዩዳ» ገሰ» ያገለገለ።

5 ዩሱሲ ዛሪዲ፡ ኤንታ «ሂንቲ ኦዲን ሲዶናይሳታ ጊዲያ ገሾ ሙሴይ ሃ ኪታ ሂንቲው ያፊስ።

6 ሺን ያሳይ ኮይር ማዲያ ዋዳ አዳኔ ማጫ ኦሊዲ፡ ኤንታ ማዲሰ።

7 ሃሳ ገሾ፡ ኢሲ አሲ ባ አዋኔ ባ አዩው አጊዲ፡ ባ ማቺራ ኢሲፊ ዳዴስ።

8 ኤንቲ ናምዳይ ኢሲ አሴ ጌደሶና፤ ሂዛፕ፡ ኤንቲ ኢሲ አሴ ጌደሶና፤ ኣቲን ናምዑ አሲ ጌደኮና።

9 ሃሳ ገሾ፡ ያሳይ ኢሲፊ ቃቺዳይሳ አሲ ቫኮፎ» ያገለገለ።

10 ኤንቲ ሶ ሲሚዳ ዋዳ ኢያ ታማሬቲ ሃ ኦዳባ ዩሱሳ ናምዳካ ኦይቺደሶና።

11 ዩሱሲ ከንታኮ፡ «ባ ማቸው ዩዲዲ ሃራ ኤኪያ ኦኒካ ላይማቲስ።

12 ቃሲ ማጫሲያካ ባ አዚናፔ ኬያዳ ሃራ አዚና ጌሊኮ ላይማታዉሱ» ያገሰ።

ዩሱሲ ጉላ ናይታ ኣንጂሰ
(ማቶ 19:13-15፤ ሉቃ 18:15-17)

13 ዩሱሲ ጉላ ናይታ ቦቻና ማላ፡ ኢሲ ኢሲ ኣሳይ ናይታ ኢያኮ ኤሆሶና፡ ሺን ኢያ ታማሪቲ ሄ ኣሳ ሃንቁቲደሶና።

14 ዩሱሲ ሄሳ ቤዒዲ፡ ባ ታማሪታ ሃንቁቲዲ፤ ከንታኮ፡ «ጉላ ናይቲ ታኮ ዩይሳ ዲጎፊቲ፤ ያሳ ካዎቲላይ ሃይሳታ ማላሳ።

15 ታኒ ሃንቁቲው ቱማ ኦዲይሰ፤ ያሳ ካዎቲላ ጉላ ናዓዳ ኤኮና ኡራይ ኦኒካ ሄ ካዎቲላ ኡባራካ ጌሊና» ያገሰ።

16 ጉላ ናይታ ኢዲሚዲ፡ ባ ኩሺያ ከንታ ኢሱዋ ኢሱዋ ቦላ ዋሊዲ ኣንጂሰ።

ሚሺ ሲቆይ ኤሂያ ማቲዋ
(ማቶ 19:16-30፤ ሉቃ 18:18-30)

17 ዩሱሲ ባናው ኮዩዳ ዋዴ ኢሲ ኡራይ ዋዴ ዩዲ፡ ኢያ ሲንሳን ጉልባቲዲ፡ «ኮሃ ኣስታማሪያው፡ ማሪና ዴቦዋ ላታናው ታኒ ኣይ ኦሉ?» ያገዲ ኦይቸሰ።

18 ዩሱሲ፡ «ኣይሰ ታና ኮሃው ጋዳ ዪጋይ? ያሳ ያላላፔ ኣቲን ሃሪ ኮሃ ኦኒካ ባዋ።

19 ያሳ ከታ፡ ዋዳፓ፤ ላይማቶፓ፤ ካይሶቶፓ፤ ዋርዶ ማርካቶፋ፤ ኣንጻርሳን ጨዋፋ፤ ኔ ኣዋኔ ኔ ኣዩው ቦንቻ ያጌይሳ ኡራሳ» ያገሰ።

20 ኡራይ፡ «ኣስታማሪያው፡ ታኒ ሄሳ ኡባ ናዓቲላፊ ደማዳ ሃሲ ጋካናው ናጋይሰ» ያገሰ።

21 ዩሱሲ ኡራ ቲሺ ኦሊ ያሊዲ ደሲሰ፤ «ኔው ኢሲባይ ፓጩሰ፤ ባዳ ኔው ዴዒያባ ኡባ ባይዛዳ፡ ሄ ሚሺያ ማንቆታሰ ኣማ፤ ኔኒ ሳሎን ዲሬታና። ታታ ሲማዳ ታና ካላ» ያገሰ።

22 ሺን ኡራይ ሄሳ ሲዒዲ፡ ኢ ዳር ዲሬ ገዲያ ገሾ ባ ሶምቦዋ ካሬሊሰ፡ ኡፋይቶና ኣገዲ ቢሰ።

23 ዩሱሲ ባ ታማሪታ ዩሺ ኣሊ ያሊዲ፡ «ዲሬ ኣሲ ያሳ ካዎቲላ ጌላናይሲ ዋኒዲ ማታንዳሻ!» ያገሰ።

24 ኢያ ታማሪቲ ኢያ ቲማርቲያ ሲዒዲ ማላሌቲደሶና። ሺን ዩሱሲ ቃሲካ ከንታኮ፡ «ናይቶ፡ ያሳ ካዎቲላ ጌላናይሲ ዋኒዲ ማታንዳሻ!

25 ዲሬ ኣሲ ያሳ ካዎቲላ ጌላናይሳፊ፡ ገማሌይ ናርፔ ሉሆራ ኣዴይሲ ካዉዬሰ» ያገሰ።

26 ኢያ ታማሪቲ ማላሌቲዲ፡ «ያቲን፡ ኦኒ ኣታኔ?» ያገዲ፡ ኢሶይ ኢሱዋ ኦይቸደሶና።

27 ዩሱሲ ከንታ ቲሺ ኦሊ ያሊዲ፡ «ሃይሲ ያሳሰ ዳንዳዔቲሰ፤ ኣቲን ኣሳሰ ዳንዳዔቲና፤ ያሳሰ ኡባባይ ዳንዳዔቲሰ» ያገሰ።

28 ጳዲሮሲ ዩሱሳኮ፡ «ሃኮ፤ ኦኒ ኦባ ኡባ ኣገዲ፡ ኔና ካሊዲ» ያገሰ።

29 ዩሱሲ «ታኒ ሃንቁቲው ቱማ ኦዲይሰ፤ ታ ገሾኔ ዋንጌላ ገሾ ኬላ ዋይኮ ኣሻታ ዋይኮ

ሚቸታ ዋይኮ ኣዋ ዋይኮ ኣዩው ዋይኮ ማቸው ዋይኮ ናይታ ዋይኮ ጋዲያ ኣገዲይ ኦኒካ።

30 ሃሲ ሃ ዋዲያን ያቲ ኩሼ ኬላ፡ ኣሻታ፡ ሚቸታ፡ ኣዩታ፡ ናይታ፡ ጋዲያ፡ ጎዴቲላሬ ኢሲፊ ኤካና። ሲንሳፊ ያና ዋዲያንካ ማሪና ዴቦዋ ኤካና።

31 ሺን ዳርቲ ሃሲ ዴላን ሲንሳ ገዲዳይሳቲ ጉዩ ገዳና፡ ቃሲ ዳርቲ ሃሲ ጉዩ ገዲዳይሳቲ ሲንሳ ገዳና» ያገሰ።

ዩሱሲ ባና ጋካና ማቲዋ ሄሻንሉ ኦዲሰ
(ማቶ 20:17-19፤ ሉቃ 18:31-34)

32 ዩሱሳራኔ ኢያ ታማሪታራ ዩሩሳላማ ቢሺን፡ ዩሱሲ ባ ታማሪታ ሲንሳን ሃሙቲስ። ከንቲ ማላሌቲደሶና። ኢያ ካሌይሳቲካ ያዩደሶና። ናምዓንሉ፡ ታማኔ ናምቦ ታማሪታ ጋዩ ኬሲዲ፡ ባና ጋካናባ ዳማ ከንታው ሃይሳዳ ያገዲ ኦዲሰ።

33 «ሃኮ፡ ኦኒ ዩሩሳላማ ሃሲ ኮዮስ። ያን ኣሳ ናዓይ፡ ካሂኔ ሃላቃታሰኔ ሂጌ ኣስታማሪታሰ ኣሊ ኢማታና። ከንቲ ኢያ ቦላ ሃይቆ ፐርዳ ፐርዳና፤ ቃሲ ኣይሁዴ ገደና ዴሪያሰ ኢያ ኣሊ ኢማና።

34 ሄ ኣይሁዴ ገደና ዴሬይ ኢያ ቶቻና፡ ኢያ ቦላ ጨታና፡ ሊሶን ጋራፋናኔ ዋዳና። ኢ ሄሹ ጋላሳፔ ጉዩ፡ ሃይቆፔ ዴንዳና» ያገሰ።

ያይቆቤኔ ዮሃንሲ ዋሲዳ ዋሳ
(ማቶ 20:20-28)

35 ዛብዲዮሳ ናይቲ ያይቆቤኔ ዮሃንሲ ዩሱሳኮ ዩዲ፡ «ኣስታማሪያው፡ ኦኒ ኔና ዋሲያ ኢሲባ ኦሰ ኦላርኪ» ያገደሶና።

36 ዩሱሲ ከንታኮ፡ «ታኒ ሃንቁቲው ኣይ ኦሉ?» ያገሰ።

37 ከንቲ፡ «ኔኒ ኔ ቦንቻ ካዎቲላን ኡቲያ ዋዴ ኦፔ ኢሱዋ ኡሻቻ ባጋራ ቃሲ ኢሱዋ ሃዲርሳ ባጋራ ኡቲሳርኪ» ያገደሶና።

38 ሺን ዩሱሲ ከንታኮ፡ «ሃንቁቲ ኣይ ዋሲያኮ ኤሬኬታ፡ ታ ኡያናው ዴዒያ ፀዓ ኡያናው ዳንዳዔቲ? ቃሲ ታኒ ያማቁታናው ዴዒያ ዩንቃቲያ ያማቁታናው ዳንዳዔቲ?» ያገሰ።

39 ከንቲ ዛሪዲ፡ «ኤ ዳንዳዎሰ» ያገደሶና። ዩሱሲ ቃሲ፡ «ቱማካ ታ ኡያናው ዴዒያ ፀዓ ሃንቁቲ ኡያና፡ ታኒ ያማቁታናው ዴዒያ ዩንቃቲያ ሃንቁቲ ያማቁታና።

40 ሺን ታፔ ኡሻቻ ባጋራ ሃዲርሳ ባጋራ ኡታናይሳታ ደራናው ታው ማቲ ባዋ፡ ሺን ሄ ቤሳይ ያሳይ ኢማናው ገገሲ ዋሊዲይሳታሳ» ያገሰ።

41 ሃንኮ ታው ታማሪቲ ሃሳ ሲዒዳ ዋዴ ያይቆቤኔ ዮሃንሳ ሃንቁቲደሶና።

42 ዩሱሲ ከንታ ኡባ ባኮ ያገዲ፡ «ኣይሁዴ ገደና ኣሳ ሃላቃቲ ዴሪያ ሃይሳታ ጌቲቲዲ ያገቲይሳኔ ሃሪይሳታሰ ዴሪያ ቦላ ማቲ ዴዒይሳ ሃንቁቲ ኤሬታ።

43 ሺን ሃንቁቲ ገደን ሃሳ ማላ ገደና፤ ሃንቁቲ ገደን ገታታናው ኮዩይ ኦኒካ ሃንቁቲው ኣይሌ ገዳናው ቤሲሰ።

44 ቃሲ ሃንቁቲ ገደን ኡባፊ ቦላ ገዳናው ኮዩይ ኦኒካ ሃንቁቲ ኡባሰ ኣይሌ ገዳናው ቤሲሰ።

10:15 ማቶ 18:3 10:19 ኬሳ 20:12-16፤ ዛሬ 5:16-20 10:31 ማቶ 20:16፤ ሉቃ 13:30 10:38 ሉቃ 12:50
10:42 ሉቃ 22:25-26፤ ማቶ 23:11፤ ማር 9:35፤ ሉቃ 22:26

45 ሃሪ አቶሽን፣ አሳ ናዓይካ፣ አሳሰ አላናውኔ ዳርታ ዋዛናው ባ ሾምቸዋ አሉ ኢማናው ዩሲፔ ኣቲን ኣሲ ኢያው አላና ሜላ ዩቤና» ያገሰ።

ዩሱሲ ቆቂያ ባርዲሞሳ ኣይፊያ ፓሊስ
(ማቶ 20:29-34፤ ሉቃ 18:35-43)

46 ኤንቲ ኢያርኮ ካታማ ቢዶሶና። ዩሱሲ ባ ታማሬታራኔ ዳር አሳራ ኢያርኮፊ ኬዩሽን፣ ዲሞሳ ናዓይ፣ ቆቂይ፣ ባርዲሞሳ ጌቴቴይሲ፣ ኦጌ ጋፃን ዋሲሼ ኦቲሰ።

47 ባርዲሞሳ፣ ያራ ኣጼይ ናዚሬቴ ዩሱሳ ገዲዳይሳ ሲዒዳ ዋዴ ባ ቃላ ቶቁ ኦሊዲ፣ «ዳዊቲ ናዓ ዩሱሳ፣ ታና ማራርኪ!» ያገሱ ኦይኪሰ።

48 ዳር አሳይ ኢያ፣ «ሃይዛ!» ገዲ ሃንቁቲዶሶና።

ሺን፣ ኢ ባ ቃላ ካሴይሳፊ ዳር ቶቁ ኦሊዲ፣ «ዳዊቲ ናዓው፣ ታና ማራርኪ!» ያገሰ።

49 ዩሱሲ ኤቁዲ፣ «ኢያ ሃ ዪገቲ» ያገሰ።

ኤንቲ ቆቂያኮ፣ «ኣይኮይ ባዋ፣ ዳንዳ ኤቃ፣ ኔና ዪገሰ» ያገደሶና።

50 ቆቂይ ባ ማዑዋ ሆሊ ዩገዲ፣ ጉፒ ዳንዲ ኤቁዲ፣ ዩሱሳኮ ቢሰ።

51 ዩሱሲ፣ «ታኒ ኔው ኣይ አላና ሜላ ኮያይ?» ያገሰ።

ቆቂይ፣ «ኣስታማሪያው፣ ታ ያላናው ኮያይሰ» ያገሰ።

52 ዩሱሲ ኢያ፣ «ባ፣ ኔ ኣማኖይ ኔና ፓሊስ» ያገሰ። ሱቡዋራካ ኢያ ኣይፊይ ያሊን፣ ዩሱሳ ካሊሰ።

11

ዩሱሲ ገታ ቦንቸን ዩሩሳላሜ ጌሊስ
(ማቶ 21:1-11፤ ሉቃ 19:28-40፤ ዮሃ 12:12-19)

1 ኤንቲ ዩሩሳላሜ ማቲሹ፣ ሻማሆ ዳሪያ ማታን ዳዒያ ቤቴፋንኔ ቢታኒያ ካታማታ ጋኪዶሶና። ዩሱሲ ባ ታማሬታፔ ናምባታ ሲንሌ ኪቲዲ።

2 «ሂንቴፊ ሲንሳን ዳዒያ ጉታ ቢቴ፤ ያ ጌሊዳ ሜላ ኦኒካ ቶገቦና ቃሾን ዳዒያ ሃሪ ማሪ ሂንቴ ዳማና፣ ኢያ ቢሊዲ፣ ሃ ኤኪ ዩቲ።

3 ኦኒካ ሂንቴና፣ «ሃይሳ ኣይሰ ኦሌቲ?» ያገዲ ኦይቸኮ፣ «ሳይዲ ኢያ ኮዩሰ፣ ኤሌሲዲ ሃ ዩዳና» ያገቲ» ያገሰ።

4 ኤንቲ ቢዲ፣ ሃሪ ማሪ ካሬ ቦላ ኦጌ ማታን ቃሾቲዲ ዳዒይሳ ዳሚዲ ቢሊዶሶና።

5 ሄ ቤሳን ኤቁዳ ኢሲ ኢሲ አሳቲ ኤንታኮ፣ «ሃሪ ማራ ዋታናው ቢሌቲ?» ያገደሶና።

6 ኢያ ታማሬቲ ዩሱሲ ባንታና ኪቲዳይሳ ኦዲን፣ አሳቲ ዩዲ ኣገደሶና።

7 ኤንቲ ሃሪ ማራ ዩሱሳኮ ኤሂዲ፣ ባንታ ማዑዋ ኢያ ዘኮን ሂዲን ዩሱሲ ሄ ሃሪ ማራ ቶገሰ።

8 ዳር አሳይ ባንታ ማዑዋ ኦጊያን ሂዲዶሶና፤ ቃሲ ሃራቲ ሚላ ታሼ ታሼዲ፣ ኦጌን ሂዲዶሶና።

9 ዩሱሳፔ ሲንሳራ ሃሙቲያ አሳይኔ ኢያ ካሊያ አሳይ ባንታ ቃላ ቶቁ ኦሊዲ፣

«ሆሳና! * ያሳይ ጋላቲቶ! ጎዳ ሱንሳን ዩይሲ ኣንጄቲዳይሳ።

10 ጎዳ ሱንሳን ያ ኦ ኣዋ ዳዊቲ ካዎቲሳይ ኣንጄቲዳይሳ።

ኡባፊ ቦላ ሳሉዋን ዳዒያ ያሳይ ጋላቲቶ» ያገደሶና።

11 ዩሱሲ ዩሩሳላሜ ቢዲ፣ ያሳ ኬላ ጌሊሰ። ቃሲ ኡባባ ዩዩ ያሊዳፔ ጉዩ፣ ሳዓይ ቃሚያ ጊሾ ታማኔ ናምዑ ታማሬታራ ቢታኒያ ካታማ ቢሰ።

ዩሱሲ ቃንገዳ ባላሴ ሚሊው
(ማቶ 21:18-19)

12 ዋንቴላ ጋላሰ ኤንቲ ቢታኒያፔ ኬዩዲ ቢሺን፣ ዩሱሲ ኮሻቲሰ።

13 ሃሆን ኢሲ ባላሴ ሚሊው ሃይላ ያላላ ማዓ ኡቲዳር ቤዒዲ፣ ኢ ቦላ ኣይፊይ ቤቲኮ ገዲ፣ ቤዓናው ኢኮ ቢሰ፣ ሺን ኢኮ ኢ ቢያ ዋዴ ሃይላ ያላላፔ ኣቲን ኢሲ ኣይፊካ ዳሚቤና፤ ኣይሰ ገኮ፣ ባላሴይ ኣይፊያ ዋዴይ ጋኪቤና።

14 ዩሱሲ ሄ ባላሲው፣ «ሂዛ፣ ኔፔ ሚሪናው ኣሲ ኣይፊ ሞፖ» ያገሰ። ኢያ ታማሬቲ ኢ ጌይሳ ሲዒዶሶና።

ዩሱሲ ያሳ ኬላን ዛዳይሳታ ኬሲስ
(ማቶ 21:12-17፤ ሉቃ 19:45-48፤ ዮሃ 2:13-22)

15 ኤንቲ ዩሩሳላሜ ቢዶሶና፤ ዩሱሲ ያሳ ኬላ ጌሊዲ፣ ያን ባይዜይሳታኔ ሻሚይሳታ ካሬ ጎዶ ኦይኪሰ፤ ቃሲ ሚሹ ላሚይሳታ ያርጳዛኔ ሆሌ ባይዜይሳታ ኦይዲያ ኣሉ ዩገዲ፣

16 ኣሲ ኣይቢባካ ቶኪዲ፣ ያሳ ኬላ ገደራ ኣጶና ሚላ ዲገሰ።

17 ዩሱሲ አሳ ሃይሳዳ ያገዲ ታማርሲሰ። «ጌሻ ማፃፋን፣ ታ ኬላይ ኣሲ ኡባይ ያሳ ዋሲያ ኬላ ገዳና፣ ጌቴቲዲ ያፊቲሰ። ሺን ሂንቴ ኢያ ፓንጋቲ ቆሴቲያ ጎንጎሎ ኦሊዳታ» ያገሰ።

18 ካሂኔ ሃላቃቲኔ ሂጌ ኣስታማሬቲ ሄሳ ሲዒዲ፣ ኢያ ዋጳናው ኦጌ ኮሺ ኦይኪዶሶና። ሺን ዳር አሳይ ኢያ ቲሚርቲያን ማላሌቲያ ጊሾ ኢያው ያዩዶሶና።

19 ሳዓይ ኦማርሲያ ዋዴ ዩሱሲኔ ኢያ ታማሬቲ ካታማፔ ጋፃ ኬዩዶሶና።

ባላሴ ሚሊያ ሚላሱ
(ማቶ 21:20-22)

20 ኤንቲ ዋንቴላ ጋላሰ ሄ ኦጊያራ ኣጲሹ፣ ሄ ባላሲያ ያጶራ ሚሊዳር ቤዒዶሶና።

21 ጳዒርሲ ኣኬኪዲ፣ «ኣስታማሪያው፣ ሂኮ፣ ኔኒ ቃንገዳ ባላሲያ ሚላሱ» ያገሰ።

22 ዩሱሲ ዛሪዲ፣ «ያሳ ኣማኒቲ።

23 ታኒ ሂንቴው ቱማ ኦዳይሰ፤ ኦኒካ ባ ዋዛናን ሲቶና ገዳባይ ሃናይሳ ኣማኒዲ፣ ሃ ዳሪያ፣ «ዳንዳዳ ኣባን ኩንዳ» ያገኮ ኢያው ሃናና።

24 ሄሳ ገሾ፣ ታኒ ሂንቴው ኦዳይሰ፤ ያሳ ሂንቴ ዋሲያባኔ ኦይቸያባ ኣይባ ገዲኮካ ኤኪዳዳ ኣማኒቲ፣ ሂንቴ ኤካና።

* 11:9 ሆሳና፣ ማቶ 21:9 ቤዒቲ። 11:9 ማዘ 118:25 11:17 ኣሳ 56:7፤ ኤር 7:11 11:23 ማቶ 17:20፤ 1ቆር 13:2

25 ያሳ ዋሳናው ሂንቲ ኤቁያ ዋዴ ሳሎን ደዲያ ሂንቲ አዋይ ሂንቲ ናጋራ አቶ ጋና ማላ፡ ኦኒካ ሂንቲና ናቁዳባይ ደዲኮ፡ ኢያው አቶ ጊቲ።

26 ሺን አሳ ናጋራ ሂንቲ አቶ ጎና ኢዲኮ፡ ሳሎን ደዲያ ሂንቲ አዋይካ ሂንቲ ናጋራ ሂንቲው አቶ ጌና» ያጊሰ።

ዩሱሲ አይቢ ማታን አሊያኮ አይሼቲስ (ማቶ 21:23-27፤ ሉቃ 20:1-8)

27 ኤንቲ ዛሪዲ ዩሩሳላሜ ቢደሰና። ዩሱሲ ያሳ ከላን ሃሙተሺን፡ ካሂኔ ሃላቃቲ፡ ሂኔ አስታማሪቲኔ ጨማቲ ኢያኮ ዩዲ፡

28 «ኔሂ ሃይሳ ኦሳናው ኔው አይ ማቲ ደዲ? ዋይኮ ኔው ሃ ማታ ኢሚዳይ ኦኔ?» ያጊደሰና።

29 ዩሱሲ ዛሪዲ ኤንታኮ፡ «ታ ሂንቲና ኢሲባ አይቻና፡ ታው ኦዲቲ። ታ ቃሲ ሃይሳ አይ ማታን አሊያኮ፡ ሂንቲው አደና።

30 ዮሃንሳ ዌንቃቲይ ያሳፊዬ ዋይኮ አሳፕ፡ ታው ኦዲቲ» ያጊሰ።

31 ኤንቲ ባንታ ጊደን ፓላማ ደሚዲ፡ «ኦኒ፡ (የሳፊ) ጊኮ፡ ኢ ኦኮ፡ (ያቲን፡ ዮሃንሲ ኦዲዳይሳ አይሰ አማኒቤኬቲ?) ያጋና።

32 (አሳፕ ጊኮ) አሳ ኡባይ ዮሃንሲ ናቤ ጊዴይሳ ኤርሶና።» ያኒያ ጊሾ አሳሰ ያዩደሰና።

33 ሄሳ ጊሾ፡ ኤንቲ ዩሱሳኮ፡ «ኦኒ ኤርኮ» ያጊዲ ዛሪደሰና፤

ዩሱሲ፡ «ታኒካ ሃይሳ አይ ማታን አሊያኮ፡ ሂንቲው ኦዲኬ» ያጊሰ።

12

ዋይኔ ቶኪያ ጎሻንቸታ ለሚሶ (ማቶ 21:33-46፤ ሉቃ 20:9-19)

1 ዩሱሲ ኤንታው ለሚሶን ያጊዲ ኦዲሰ፤ «ኢሲ ኡሪይ ዋይኔ አታኪልቲ ቶኪዲ፡ ዩሺ አሊዲ ዲርሲ ዲሪሰ። ቃሲ ሄ ዋይኒያ ጉምዲያ ኦሳካ ቦኪሰ። ኢያ ናጋናው አዲሳ ሻኮ ሻኪሰ። ሄሳፊ ጉዬ፡ ኮሌ አሊያ አሳሰ አሚዲ፡ ሃራ ቢታ ቢሰ።

2 ዋይኔ አይፊያ ማዲያ ዋዴይ ጋኪን፡ ባና ጋኪይሳ ኤኪዲ ያና ማላ፡ ኢሲ ባ አይሊያ ኮሌ አዋታኮ ከቲሰ።

3 ኮሌ አዋቲ ኢያ አይሊያ ኦይኪዲ ዋዲዲ፡ ማላ ኩሼ ዩዲደሰና።

4 ናምዓንሎ ሃራ አይሌ ኤንታኮ ከቲን፡ ኤንቲ ሄ አይሊያሰ ሁዲያ ቆዲዲ ካዉሺዲ ዩዲደሰና።

5 ዋይኔ አታኪልቲያ ጎዳይ ቃሲካ ሃራ አይሌ ከቲሰ። ሄ አይሊያ ዋዲደሰና፡ ቃሲ ሃራ ዳርታ ሄሳዳ አሊደሰና፡ ኢሶታ ኢሶታ ዋዲዲ፡ ሃራታ ዋዲደሰና።

6 «ዋይኔ አታኪልቲያ ጎዳሰ ከታናው ኡባፊ ወርሴላን ኢ ዳር ደሲያ ባ ናሳ ያላሊ አቲሰ። ኢ፡ «ኤንቲ ታ ናሳ ቦንቸና አጎኮና» ጊዲ፡ ባ ናሳ ኤንታኮ ከቲሰ።

7 «ሺን ኮሌ አዋቲ ባንታ ጊደን፡ (ላታናይሲ ሃይሳ፤ ዩዲቲ ኢያ ዋዲሰ፤ ኢያ ላታይ ኦባ ጊዳና!) ያጊደሰና።

8 ናሳ ኦይኪዲ ዋዲዲ፡ ኢያ አሃ ዋይኔ አታኪልቲያ ጊደፊ ጋዓ ከሲ ሆሊደሰና።

9 «ሂዛ፡ ዋይኔ አታኪልቲያ ጎዳይ ዋታኔ? ዩዲ ሄ ኮሌ አዋታ ዋዲ ኦንጊዲ፡ ዋይኒያ ኮሌ ኦሊያ ሃራ አሳሰ አሚና።

10-11 (ጊምቤይሳቲ ቦሪዲ አዲዳ ሹቻይ ጎዳ ያዲዋ ሚንሊያ፡ ኡባፊ አዲያ ሹቹ ጊዲሰ።

ሃይሲ ጎዳይ ኦሊዳባ፤ ቃሲ ኦ አይፊያሰካ ማላሊሲያባ) ያጊይሳ ጌሻ ማዓፋፔ ናባቤኬቲ?» ያጊሰ።

12 ካሂኔ ሃላቃቲ፡ ሂኔ አስታማሪቲኔ ጨማቲ ዩሱሲ ሄ ለሚሶዋ ባንታ ቦላ ለሚሲዳይሳ ኤሪዳ ጊሾ ኢያ ኦይካናው ኮዩደሰና፡ ሺን አሳሰ ያዩዲ፡ አጊ ቢደሰና።

ጊራ ጊርባ (ማቶ 22:15-22፤ ሉቃ 20:20-26)

13 ቃሲ ኢያ ኦዳፔ ባላ ደሚዲ፡ ኢያ ኦይካና ማላ፡ ፋሪሳዊታፔኔ ሄርዲሳ ባጋታፔ ጉላ አሳታ ኢያኮ ከቲደሰና።

14 ኤንቲ ኢያኮ ዩዲ፡ «አስታማሪያው፡ ኔሂ ቱማ ኦዴቲይሳኔ አሳፕ አሴ ሻኮናይሳ ኦኒ ኤርሰ። ኔሂ አሴ ዲማያካ፤ ቃሲ ያሳ ኦንጊ ቱማቲላን ታማርሳሳ። ኔሂ ርሜ ቢታ ካዉዋ ቁሳሬሰ ጊራ ጊሪይሲ ዋጌዬ ዋጋ ጊዴኔ? ጊራ ጊራኔ አጋኔ?» ያጊደሰና።

15 ሺን ኤንታ ጩቦቲላ ዩሱሲ ኤሪዲ፡ «ታና አይሰ ፓጩቲ? ኦኔ ኢሲ ሳንቲሜ ታና ቤሲቲ» ያጊሰ።

16 ኤንቲ ኢያው ኤሂደሰና፡ «ሃ ማላይኔ ሱንሳይ ኦዴይሴ?» ያጊዲ ኤንታ ኦይቹሰ። ኤንቲ፡ «ርሜ ካዉዋ ቁሳሬይሳ» ያጊደሰና።

17 ዩሱሲ ዛሪዲ፡ «ያቲኮ፡ ቁሳሬይሳ ቁሳሬሰ፡ ያሳይሳ ያሳሰ አሚቲ» ያጊን ኤንቲ ኢያባ ማላሌቲደሰና።

ሃይቆፔ ዳንደባ (ማቶ 22:23-33፤ ሉቃ 20:27-40)

18 ሃይቁዳ አሲ ዳንደና ጊያ ሳዲቃዊታፔ ኢሲ ኢሲ አሳቲ ዩሱሳኮ ዩዲ፡ ሃይሳዳ ያጊዲ፡ ኢያ ኦይቹደሰና።

19 «አስታማሪያው፡ ሙሴይ ኦሰ ሂጊያ ያፊሼ፡ (ማቸ ኤኪዲ አሲ ናሳ ዩሎና ሃይቁኮ፡ ሄ ሃይቁዳይሳ አሻይ ኢያ ማቸው ኤኪዲ፡ ባ አሻሰ ናሳ ዩላናው ቤሴሰ) ያጊይሳ ያፊሰ።

20 ቤኒ ዋዴ ላፑን አሻቲ ዳዔይሳታፔ ባይራይ ማቸ ኤኪዲ፡ ናሳ ዩሎና ሃይቁሰ።

21 ናምዓንሎ ኢዮ ኤኪሰ፡ ኢካ ናሳ ዩሎና ሃይቁሰ። ሄቫንሎካ ሄሳዳ ሃኒሰ።

22 ላፑናቲካ ሄሳዳ ኢዮ ኤኪዲ፡ ናሳ ዩሎና ሃይቁደሰና። ኡባፊ ጉዬ፡ ቃሲ ሄ ማጫሲያ ሃይቃሱ።

23 ያቲን፡ ላፑናቲ ኢዮ ኤኪዳ ጊሾ ሃይቁዳ አሳይ ሃይቆፔ ዳንዲያ ጋላሰ፡ ኢያ ኤንታፊ አዉሳሰ ማቸ ጊዳኔ?» ያጊደሰና።

24 ዩሱሲ ዛሪዲ፡ «ሂንቲ ባሌይ፡ ጌሻ ማዓፋታ ዋይኮ ያሳ ዋልቃ ኤርና ጊሾሳ!

25 ሃይቂዳ አሳይ ሃይቆፔ ዳንዲያ ጋላስ፡ ሳሎን ዳዊያ ከታንቸታ ማላ ጊዳናፔ አቲን አዴ አሳይ ኤኮኮና፤ ማጫ አሳይ ጌሌኮና።

26 ሺን ሃይቂዳይሳታ ዳንዲያባ ጊዲኮ፡ ሙሴ ማፃፋን ፃፊትዳ ፀጌቲያ ቡሪያባ ኦዲያ ቤሳን፡ ያሳይ ሙሴኮ፡ ታኒ፡ አብራሃሜ ያሳ፡ ዩሳቃ ያሳ፡ ያይቆባ ያሳ፡ ጊዳይሳ ናባቢቤኬት?

27 ሄሳ ጊሹ፡ ኢ፡ ፓፃ ዳዊያይሳታ ያሳፊ አቲን ሃይቂዳይሳታ ያሴ ጊዳና። ሂንቲ ዳር ባሊዳታ» ያገሰ።

ኡባፌ አዲያ ከታ

(ማቶ 22:34-40፤ ሉቃ 10:25-28)

28 ሂጌ አስታማሬታፔ ኢሶይ ኤንቲ ፓላሚይሳ ሸቂዲ ሰዒሰ። ቃሲ ዩሱሲ ኤንታው ሎይላ ዛሪዳይሳ ሰዒዲ፡ «ከታ ኡባፌ አዲያ ከታይ አውሴ?» ያገዲ ዩሱሳ ኦይቸሰ።

29 ዩሱሲ ዛሪዲ፡ ኢያ ሃይሳዳ ያገሰ፡ «ከታ ኡባፌ አዲያ ከታ ሰዒቲ፤ ላሲሪዳይሳ አሳው፡ ጎዳይ ኑ ያሳይ ኢሲ ጎዳ።

30 ኔ ጎዳ ኔ ያሳ ኔ ኩሜላ ዋዛናፔ፡ ኔ ኩሜላ ሸምቸዋፊ፡ ኔ ኩሜላ ቆፋፔ፡ ኔ ኩሜላ ዋልቃፊ ደሳ። ያገሰ።

31 ቃሲ ከታ ኡባፌ አዲያ ናምዓንሉ ከታይ ሃይሳ፤ (ኣሴ ኡባ ኔ ሁዒያዳ ደሳ) ያገሰ። ሃይሳታፔ አዲያ ሃራ ከቲ ባዋ» ያገሰ።

32 ሂጌ አስታማሬይ ዩሱሳኮ፡ «አስታማሬያው፡ ቱማ ጋዳሳ፤ ኔጌ (ያሳይ ኢሲ ያሳ ፃላላ። ኢያፔ አቲን ሃሪ ባዋ) ጊዳይሲ ቱማ።

33 ያሳ ኩሜላ ዋዛናፔ፡ ኩሜላ ቆፋፔ፤ ኩሜላ ዋልቃፊ ደሴይሲ፤ ቃሲ አሴ ኡባ ባ ሁዒያዳ ደሴይሲ፡ ፀጌያ ያርሹዋፊ፤ ሃራ ያርሹ ኡባፌ አዲሰ» ያገሰ።

34 ዩሱሲ ሂጌ አስታማሬያ ዛርይ አዲዳ ኤራንቸ አሳ ዛር ጊዲዳይሳ ቤዒዲ፡ «ኔጌ ያሳ ካዋቱላፊ ሃካባካ» ያገሰ። ሄሳፊ ጉዬ፡ ዩሱሳ ሃራባ ኦይቸናው ኦኒካ ሚኒቤና።

ከሪሰቶሲ ኦዴ ናዔ

(ማቶ 22:41-46፤ ሉቃ 20:41-46)

35 ዩሱሲ ያሳ ከላን ታማርሲሹ፡ ሃይሳዳ ያገሰ፡ «ሂጌ አስታማሬቲ ከሪሰቶሳ ዋይጊዲ ዳዊቲ ናዔ ጎና?

36 ዳዊቲይ ጌሻ አያናን ኩሚዲ፡ ሳዳይ፡ ታ ጎዳ፡ «ታኒ ኔ ዋርኬታ ኔ ቶሆይ ዩዲያሶ ኦላና ጋካናው፡ ሃይሳን ታፔ ኡሻቻ ባጋራ ኡታ» ገሰ ያገሰ።

37 ዳዊቲይ ባ ሁዒን ከሪሰቶሳ፡ (ሳዳ) ጊዲ ያገሰ፡ «ሂጌ አስታማሬቲ ከሪሰቶሳ ዋይዲ፡ ዳዊቲ ናዔ ጊዲ» ያገሰ።

ዳር አሳይ ዩሱሲ ጌይሳ ኡፋይሳን ሰዒደሶና።

ዩሱሲ ሂጌ አስታማሬታኔ ፋሪሳዊታ ቦሪሰ

(ማቶ 23:1-36፤ ሉቃ 20:45-47)

38 ዩሱሲ ታማርሲሹ፡ ሃይሳዳ ያገሰ፡ «ሂጌ አስታማሬታፔ ናጌቲቲ፤ ኤንቲ አዲሳ ማፃ ማዒዲ

ዩዩይሳኔ ጊያንካ አሳይ ኤንታ ቦንቺዲ ሳርሌይሳ ደሶሶና።

39 ኤንቲ አይሁዴ ዋሳ ከላታን ዳር ሎፃ ኦይዴ ደሶሶና፤ ቃሲ አሲ ባንታና ሞኪያ ቤሳን ቦንቸ ቤሲ ደሶሶና።

40 ኤንቲ አምዔታ ከላ ቦንቄዲ፡ ባንታው ሎፃ ዳናናው ዋሳ አዲሶሶና፤ ኤንቲ ኡባፌ አዲያ ፐርዳ ኤካና» ያገሰ።

አምዔ ሙፃታ

(ሉቃ 21:1-4)

41 ዩሱሲ ያሳ ከላን ሙፃታ ዩጊያ ሳዒኒያ ማታን ኡቲዲ፡ አሳይ ባ ሚሺያ ሄ ሳዒኒያን ዩጌይሳ ቤዒሰ፤ ዳር ዱሬ አሳይ ዳር ሚሺያ ሄ ሳዒኒያን ዩጎሶና።

42 ኢሲ ማንቆ አምዒያ ያዳ፡ ናምዑ ባካናታ ሄ ሳዒኒያን ዩጎሶ።

43 ዩሱሲ ባ ታማሬታ ያገዲ፡ «ታኒ ሂንቲው ቱማ ኦዲይሰ፤ ሙፃታ ሳዒኒያን ዩጌዳ አሳ ኡባፌ ሃ ማንቆ አምዒያ ዳርሳዳ ዩጎሶ።

44 አይሰ ጊኮ፡ ሃራቲ ኡባይ ባንታው ፓላሂዳ ሚሺያፔ ዩጌደሶና። ሺን ኢያ ባ ፓጩያፊ፡ ባው ዳዊያ አቁዋ ኩሜላ ኢማሱ» ያገሰ።

13

ዩሱሲ ያሳ ከላይ ላሌታናይሳ ኮይርቲዲ ኦዲሰ

(ማቶ 24:1-2፤ ሉቃ 21:5-6)

1 ዩሱሲ ያሳ ከላፊ ከዩሺን፡ ኢያ ታማሬታፔ ኢሶይ፡ «አስታማሬያው፡ ሃ ሎፃ ሹቻኔ ሃ ሎፃ ሹቻ ከላ ቤዒይ!» ያገሰ።

2 ዩሱሲ ዛሪዲ፡ «ሃ ጊታ ሹቻ ከላ ቤዒይ? ሃ ከላይ ሹቻ ሹቻ ቦላ ጊምቤቲዳ ማላ ላሌቶና አቴና፤ ኢሲ ሹቻካ አቶና ኡባይ ላሌታና» ያገሰ።

ጎዳይ ያናፔ ኮይርቲዲ ጋካና ጎዳኔ ዋያ

(ማቶ 24:3-14፤ ሉቃ 21:7-19)

3 ዩሱሲ ያሳ ከላፊ ሂኒ ባጋራ ሻማሆ ዳሪያ ቦላ ኡቲዲሺን፡ ጳጳርሲ፡ ያይቆቤ፡ ዮሃኒሲኔ ኢንዲሪያሲ ባንታርካ ኢያኮ ዩዲ፡

4 «ሃይሲ አዉዴ ሃናኮ፡ ኑሰ ኦዳ፤ ሃ ኡባይ ፖሊታና ዋዲያ ኤሪሲያ ማላታይ አይቤ?» ያገዲ ኦይቸደሶና።

5 ዩሱሲ ቃሲ ኤንታው ሃይሳዳ ያገዲ ኦዲሰ፡ «ሂንቲና ኦኒካ ባሌሶና ማላ ናጌቲቲ።

6 ዳር አሳቲ ታ ሱንላን፡ (ታኒ ከሪሰቶሳ) ያገዲ ታማርሲሹ ዩዲ፡ ዳር አሳ ባሌሶና።

7 ማታን ዳዊያ ኦላኔ ሃሆን ዳዊያ ኦላ ዋሬ ሂንቲ ሰዒያ ዋዴ ሂርሳፊቲ። ሄሳ ማላባይ ሃናናው ቤሴሰ፡ ሺን ዉርሴላይ ቡርና።

8 ኢሲ ቢታ አሳይ ሃራ ቢታ አሳራ ኦሌታና፤ ቃሲ ኢሲ ካዋቱላይ ሃራ ካዋቱላታራ ኦሌታና፤ ቢታ ቃይይ ኡባ ቤሳን ሃናና፤ ከሻይ ዳና፡ ሺን ሄሲ ኡባይ ዩሎ አቁሳሰ ዘኬ ማላ።

9 «ሺን ሂንቲ፡ ሂንቲ ሁዒን ናጌቲቲ። አይሰ ጊኮ፡ አሲ ሂንቲና ኦይኪዲ፡ ፐርዳ ከላሰ አሊ ኢማና፤ ቃሲ አይሁዴ ዋሳ ከላታንካ ሂንቲና

ሊሶን ጋራፋና፤ ዳሪያ ሃሪይሳታ ሲንላኒኔ ካዎታ ሲንላን ታ ጊሾ ሂንቲ ማርካታናው ኤቃና።

10 ወርሴላይ ጋካናፔ ሲንላ ምንጌላይ ኮይር ዳሬ ኡባሰ ኦዳታናው ቤሴሰ።

11 ኤንቲ ሂንቲና ፐርዳ ኮሌ ኤሂያ ዎዴኔ አሊ ኢሚያ ዎዴ ዎይጊዲ ኦዳኔኮ ኮይር ሂርጎፊቴ፤ ሄ ሳቲያን ያሳይ ሂንቲው ኢሚያባ ኦዲቴ። ሂንቲናን ጌሻ አያናይ ኦዳቴሲፔ ኣቲን ሂንቲና ጊዴኬታ።

12 «አሻይ ባ አሻ፣ አዎይ ባ ናዓ ዎዲሳና። ናይቲ ባንታና ዩሊዲይሳታ ሰላ ዳንዲዲ፣ ኤንታ ዎዲሳና።

13 አሳይ ኡባይ ሂንቲና ታ ሱንላ ጊሾ ኢዓና፣ ሺን ወርሴላ ጋካናው ሚኒዲይ አታና።

ዩራሳላሚ ጋካና ኢታ ሜቱዎ
(ማቶ 24:15-28፤ ሉቃ 21:20-24)

14 «ሺን ባሻ ቱናቴላይ ኤቃናው ቤሶና ቤሳን ኤቃዳሺን ሂንቲ ቤዓና።» (አኬኪሶ፡ ሄሲ ዎይ ፑሴኮ ናባቤይሲ አኬኮ!) «ዩሁዳ ቢታን ሄ ዎዴ ዳዔይሳቲ ዳሪያኮ ባቃቶ።

15 ከላ ሁዔን ዳዔያ ኡሪይካ ኢሲባ ኤካናው ዲጌ ዎዲዲ፣ ባ ሶ ጌሎፖ።

16 ጋዴን ዳዔይሲ ባ ማዑዎ ኤካናው ጉዬ ሲሞፎ።

17 ሄ ዎዴ ቃንላቲዳ ማጫሳታሲኔ ቋንሌያ ማጫሳታሰ ዳር ኡንዓ ጊዳና።

18 ሺን ሃይሲ ኡባይ ሃኒያ ዎዴይ ባልጎ ጊዳና ሜላ፣ ያሳ ዎሲቴ።

19 አይሰ ጊኮ፣ ያሳይ አላሚያ ሜዲዳ ዎዲያፔ ደሚዲ፣ ሃዒ ጋካናው ሃኒሶና ሜቶይኔ ሲንላፊካ ሃናና ሜቶይ አሳ ሰላ ሄ ዎዴ ሃናና።

20 ጎዳይ ሄ ጋላሳታ ታይቡዎ ጉሎናኮ፣ አሴ ጊዲዳይ ኦኒካ አቲና። ሺን ኢ ባ ደሪዳ አሳ ጊሾ ሄ ጋላሳታ ታይቡዎ ጉሎሰ።

21 «ሄ ዎዴ ኦኒካ ሂንቲና፣ ሩካ፣ ኪሪሰቶሲ ሃይሳን ዳዔሰ ዎይኮ ኪሪሰቶሲ ሂኒን ዳዔሰ) ያጊኮ፣ ሄሳ አማናፔቴ።

22 ዎርዲንቸ ኪሪሰቶሳቲኔ ዎርዲ ናቤቲ ዳንዲዲ ባንታው ዳንዳዔቲኮ፣ ሃሪ አቶሺን ያሳይ ደሪዳይሳታካ ባሌላናው ማላታታኔ ማላሊሲያባታ ቤሳና።

23 ሺን ሂንቲ ናጌቲቴ፤ ታኒ ሂንቲው ኡባባ ካሴታዳ ኦዲሰ።

ኪሪሰቶሳ ናምዓንሎ ዩሳ
(ማቶ 24:29-31፤ ሉቃ 21:25-28)

24 «ሺን ሄ ዎዴ ሄ ዎያፔ ጉዬ፣ አዎይ ቋማና፤

25 ያለንቶቲ ሳሎፔ ኩንዳና፤ ቃሲ ሳሎን ዳዔያ ዎልቃቲካ ቃፃና።

26 ሄ ዎዴ አሳ ናዓይ፣ ጊታ ዎልቃራኔ ቦንቸዎራ ሻራ ጊደራ ዩሺን ኤንቲ ቤዓና።

27 ሄ ዎዴ ታኒ ኪታንቸታ ሳዓ ኦይዲ ባጋ ኪታና፤ ሳዓ ጋፃፔ ሳሎዎ ጋፃ ጋካናው፣ ያሳይ ደሪዳ አሳ ሺሻና።

13:13 ማቶ 10:22 13:14 ዛሬ 9:27፤ 11:31፤ 12:11 13:15 ሉቃ 17:31 13:19 ዛሬ 12:1፤ ዮ.ቆ 7:14
13:24 አሳ 13:10፤ ኤር 2:10 13:25 አሳ 34:4፤ ዮ.ቆ 6:13፤ ኤር 2:10 13:26 ዛሬ 7:13፤ ዮ.ቆ 1:7 13:32

ማቶ 24:36 13:34 ሉቃ 12:36 14:1 ኪሳ 12:1 14:3 ሉቃ 7:37 * 14:5 ሄሹ 8ቱ ዲናሬ፡ ኢሲ አሳሰ ላይላን ጨጌታያ ሎዎ ዳዎዜፔ ቦላ ጊዲያ ሚሹ።

ዎዴይ ጋኪዲይሳ ኤሪሲያ ባላሴ ሚሊው (ማቶ 24:32-35፤ ሉቃ 21:29-33)

28 «ሌሚሱዎ ባላሴ ሚላፊ አኬኪቴ፤ ባላሲያ አጠያ ዎዴኔ ኢ ሃይላይ ጨልዒያ ዎዴ ቶርቼይ ማታቲዳይሳ ሂንቲ ኤሪታ።

29 ሄሳዳካ፣ ሂንቲ ሄ ኡባባይ ሃይይሳ ቤዒያ ዎዴ ኢ ማቲዲ ፔንጌ ጋኪዲይሳ ኤሪቴ።

30 ታኒ ሂንቲው ቱማ ኦዲይሰ፤ ሃ ኡባባይ ሃናና ጋካናው ሃይሳን ዳዔያ አሳ ኡባይ ሃይቄና።

31 ሳሎይኔ ሳዓይ አቋና፣ ሺን ታ ቃላይ ኡባራካ አዴና።

ጎዳይ ያና ጋላሳኔ ሳቲያ ኦኒካ ኤሪና
(ማቶ 24:36-44)

32 «ሺን ሄ ጋላሳኔ ሄ ሳቲያ አዎ ያላላፔ አቲን ሃሪ አቶሺን ሳሎን ዳዔያ ኪታንቸታ ጊዲን ዎይኮ ናዓ ጊዲን ኦኒካ ኤሪይ ባዎ።

33 ሄ ዎዴይ አዉዴ ጊዳኔኮ፣ ሂንቲ ኤርና ጊሾ ናጌቲቴኔ ሚኒቴ።

34 ታ ዩሳይ ባ ከላ አጊዲ፣ ኦጌ ቢያ ኡራ ሜላ። ኡራይ ባ አይሌታ ሁዔን ሁዔን ኡሱዎ ኢሚዲ ኤንታ ባ ኡሱዎሰ አዎ ኦሊሰ፤ ቃሲ ናጌይሲካ ሚንሊዲ ናጋና ሜላ ከቲሰ።

35 «ሄሳ ጊሾ፣ ሚኒቴ። አይሰ ጊኮ፣ ከላዎይ ኦማርሲ ጊዲን ዎይኮ ጊዲ ቢላሄ ጊዲን ዎይኮ ኩቶ ዎሶ ጊዲን ዎይኮ ዎንታ ጉራ ጊዲን አዉዴ ያኔኮ፣ ሂንቲ ኤሪኬታ።

36 ሂንቲ አኬኮና ኢ ዩዲ ሂንቲና ቋሰኪዲ ዳዔሺን ዳምና ሜላ ሚኒቴ።

37 ታኒ ሂንቲው ኦዲይሳ አሳ ኡባሰ ኦዲይሰ፤ ሚኒቴ» ያጊሰ።

14

ኪሪሰቶሳ ቦላ ማቄቲደሶና
(ማቶ 26:1-5፤ ሉቃ 22:1-2፤ ዮሃ 11:45-53)

1 ፓሲካ ባሌ ቦንቹያ ጋላሳይኔ ኡይላ ባሌ ቦንቹያ ጋላሳይ ጋካናው ናምዑ ጋላሲ አቲሰ። ካሂኔ ሃላቃቲኔ ሂኔ አሰታማሬቲ አሲ ኤርና ዩሱሳ ኦይኪዲ ዎዲያ ኦጌ ኮዮሶና።

2 «አሳይ ኦሺ ከሶና ሜላ ፓሲካ ቦንቹያ ጋላሳን ሄሳ ኦሎኮ» ያጊደሶና።

ዩሱሳ ሺቱዎ ቲዩዳ ማጫሲው
(ማቶ 26:6-13፤ ዮሃ 12:1-8)

3 ዩሱሲ ቢታኒያ ካታማን ባር ሃርጋንቸዎ ሲሞና ሶን ጊቢራ ቦላ ኡቲዳሺን፣ ኢሲ ማጫሲያ አልባሰደርሴ ጊያ ሹቻፊ ኦሴቲዳ ጲልቃፄ ኩሜላ ናርዶሴ ጊያ ዳር አልዎ ሺቶ ኤካዳ ያሱ። ሄ ጲልቃፄያ ሜንላዳ ሺቱዎ ዩሱሳ ሁዒያን ቲጋሱ።

4 ሄ ቤሳን ዳዔያ አሳፔ ኢሶይ ኢሶይ ሃንቄቲዲ፣ «ሃ ሺቶይ ሜላ ጮ አቲይ አይቢሴ?»

5 ሃ ሺቱዎ ሄሹ ፩ቱ ዲናሬን * ባይዚዲ፣ ሚሺያ ማንቆታሰ ኢማናው ዳንዳዔቲሰ» ያጊዲ

ባንታ ጊደን አዳቲዶሶና። ያቲዲ፣ ሄ ማጫሲው ዳሮ ቦሪዶሶና።

6 ሺን ዩሱሲ «ሃ ማጫሲው አይኮካ ጎጥቲ፤ እዮ አይሰ ዋይሴቲ? እያ ታው ሎዖባ አላሱ።

7 ማንቆቲ እባ ዋዴ ሂንቴራ ዴዖሶና። ሂንቴ ኮዬዳ ዋዴ አዉዴካ ሂንቴ ኤንታ ማዳናው ዳንዳዔታ። ሺን ታኒ እባ ዋዴ ሂንቴራ ዴዒኬ።

8 እያ ባ ዳንዳዒዳይሳ አላሱ፤ ቃሲ ታና ሞጎስ ገሲሳናው ካሴታዳ ሺቶ ቲያሱ።

9 ታኒ ሂንቴው ቱማ ኦዳይሰ፤ ሳባ እባን ሞንጌላ ኦዲያሶን አዉንካ፣ አሳይ እዮ አኬካና ሜላ ሃ እያ አሉዳይሲ ኦዳታና» ያገሰ።

ዩሱዲ ዩሱሳ አሉዲ አማናው ዘሬቲሰ (ማቶ 26:14-16፤ ሉቃ 22:3-6)

10 ታማኔ ናሞቡ ታማሬታ፤ እሶይ አሰቆርታ ዩሱዳ ጌቲቲይሲ ዩሱሳ ካሂኔ ሃላቃታሰ አሉ አማናው ኤንታኮ ቢሰ።

11 ኤንቴ ሃሳ ሲዒዳ ዋዴ ኡፋይቲዲ፣ «ኮኒ ኔው ሚሼ አማና» ያገደሶና፤ ዩሱዲ ዩሱሳ አሉ አማናው አንጃ ዋዴ ኮዩሰ።

ዩሱሲ ባ ታማሬታራ ፓሲካ ሚሰ (ማቶ 26:17-25፤ ሉቃ 22:7-14፤ 21-23፤ ዮሃ 13:21-30)

12 ኡይላ ባሌይ ቦንቹቲያ ኮይሮ ጋላሰ፣ ፓሲካ ካላ ማናው ማራዜ ሹኪያ ዋዴ ዩሱሳ ታማሬቲ ኢያኮ፣ «ፓሲካ ቦንቹያ ጋላሰ ኔኒ ማና ካላ ኮኒ አው ቢዲ ገሲሲና?» ገዲ ኦይቹዶሶና።

13 ዩሱሲ ባ ታማሬታ፤ ናሞታ ሃይሳዳ ያገዲ ከቲሰ፣ «ካታማ ቢቲ፤ ሂንቴ ቢሺን፣ ኦቶራ ሃሌ ቶኪዳ ኢሲ ኡሪይ ሂንቴራ ጋሂታና፤ እያ ካላቲ።

14 ኢ ቢዲ ጌሊያ ከላዋ፣ «አሰታማሬይ ኔኮ፣ «ታኒ ታ ታማሬታራ ፓሲካ ማናው አማላ ከፊሌይ አዉኔ?» ያገሰ» ያገቲ።

15 ከላዋይ ሂንቴና ፖቂያ ቦላ ዴዒያ ገሊ ኡቲዳ ዳልጋ ከፊሌ ቤሳና፤ ሃሳን ገሲሲቲ» ያገሰ።

16 ሄ ናሞቡ ታማሬቲ ከዩዲ፣ ካታማ ቢዶሶና፤ ዩሱሲ ኤንታው ኦዲዳይሳዳ ዴሚዲ፣ ፓሲካ ካላ ገሲሲዶሶና።

17 ሳባይ አማርሲያ ዋዴ ዩሱሲ ታማኔ ናሞቡ ታማሬታራ ያ ቢሰ።

18 ኤንቴ ኡቲዲ ካሉ ሚሺን፣ ዩሱሲ ኤንታኮ፣ «ታኒ ሂንቴው ቱማ ኦዳይሰ፤ ሂንቴፊ ኢሶይ ታራ ሜይሲ፣ ታና አሉ አማና» ያገሰ።

19 እያ ታማሬቲ ዳጋሚዲ፣ ባንታ ሁዒን ሁዒን፣ «ቱማ ታኔሻ?» ያገዲ እያ ኦይቹዶሶና።

20 ዩሱሲ ዛሪዲ፣ «ሄ ኡራይ ሂንቴ ታማኔ ናሞታ፤ እሱዋ፤ ኢ ታራ ኢሲፊ ቱሻናው ባ ኡይላ ሻቲያን ዩዴይሳ።

21 አሳ ናባይ፣ ጌሻ ማፃፋይ ሃይቃና ገዳይሳዳ ሃይቃና፣ ሺን አሳ ናባ፣ አሉ አሚያ ኡራ አይ። ሄ ኡራይ ዩሌቶና አቲዳኮ እያው ሎዖሺን» ያገሰ።

ጎዳ ካሁዋ (ማቶ 26:26-30፤ ሉቃ 22:14-20፤ 1ቆር 11:23-25)

22 ኤንቴ ሚሺን፣ ዩሱሲ ኡይላ ኤኪዲ፣ ያሳ ጋላቲሰ፤ ሄ ኡይላ ሜንሉዲ፣ ባ ታማሬታሰ አሚሼ፣ «ሄዒቲ፣ ሃይሲ ታ አሹዋ» ያገሰ።

23 ፀባ ኤኪዲ፣ ያሳ ጋላቲዲ፣ ኤንታው አሚን ኡባይካ ሄ ፀባ፤ ኡዩዶሶና።

24 ዩሱሲ፣ «ሃይሲ ኡራላ ጫቁዋን ዳሮ አሳ ገሺ ጉኪያ ታ ሱላ።

25 ታኒ ሂንቴው ቱማ ኦዳይሰ፤ ታኒ ያሳ ካዋቲላን ኡራላ ዋይኒያ ኡያና ጋላሳይ ጋካናው ዛራዳ ሃ ዋይኒያ፤ ኡዩኬ» ያገሰ።

26 ማዝሙራ ዩዳዳ፤ ጉዬ ሻማሆ ዴሪያ ቦላ ቢዶሶና።

ጴጌሮሲ ካዳናይሳ ዩሱሲ ኮይሮቲዲ ኦዲሰ (ማቶ 26:31-35፤ ሉቃ 22:31-34፤ ዮሃ 13:36-38)

27 ዩሱሲ ኤንታኮ፣ «ሂንቴ ኡባይ ታና ዩጌ አገዲ ባቃታና፤ ጌሻ ማፃፋይ፣

«ያሳይ ዶርሳ ሃሜይሳ ዋቆና፣ ዶርሳቲ ኡባይ ላሌታና» ያገሰ።

28 ሺን ታኒ ሃይቆ፤ ዴንዲዳ፤ ጉዬ ሂንቴፊ ካሴታዳ ጋሊላ ባና» ያገሰ።

29 ጴጌሮሲ ዛሪዲ፣ «ኤንቴ ኡባይ ኔና ዩጌ አገዲ ባቃቲኮካ፣ ታ ኔና አገኬ» ያገሰ።

30 ዩሱሲ ጴጌሮሳኮ፣ «ታኒ ኔው ቱማ ኦዳይሰ፤ ሃቹ ቃማ ኩቶይ ናሞቡ ቶሆ ዋሳና፤ ሲንሌ ኔኒ ታና ሄቹ ቶሆ ካዳና» ያገሰ።

31 ሺን ጴጌሮሲ ካሴይሳፊ ሚንሉዲ፣ «ታኒ ሃሪ አቶሺን፣ ኔራ ኢሲፊ ሃይቁያኮካ፣ ኔና ካዲኬ» ያገሰ። ቃሲ ሃራቲ ኡባቲካ ሃሳዳ ገደሶና።

ዩሱሲ ጌቲሴማኔን ዋሲሰ (ማቶ 26:36-46፤ ሉቃ 22:39-46)

32 ጌቲሴማኔ ገያ ቤሳ ቢዶሶና፤ ዩሱሲ ባ ታማሬታኮ፣ «ታኒ ያሳ ዋሳዳ ሲማና ጋካናው ሂንቴ ሃይሳን ኡቲሺቲ» ያገሰ።

33 ዩሱሲ ጴጌሮሳ፣ ያይቆባኔ ዮሃኒሳ ባራ ኤኪዲ ቢሰ፤ ዳሮ ዋዩቲሰኔ ኤንዔቲሰ።

34 ቃሲ ኤንታኮ፣ «ታኒ ሃይቃና ጋካናው አዛናሰ፣ ሃይሳን ጋሞሲሺቲ፤ ጴሰኮፊቲ» ያገሰ።

35 ጉላ ሲንሌ ሸቂዲ፣ ሳባን ጉፋኒዲ፣ ዳንዳዔቲያባ ገዲኮ፣ ሄ ዋያ ሳቲይ ባፔ አቆና ሜላ፣ ያሳ ዋሲሰ።

36 ቃሲ፣ «አባ፣ ታ አዋው፣ ኡባባይ ኔው ዳንዳዔቲሰ፣ ሃ ዋዩ ፀባ ታፔ ዲጋ። ሺን ኔ ሸኔይ ሃና፤ አቲን ታ ሸኔይ ሃና?» ያገሰ።

37 ዩሱሲ ባ ታማሬታኮ ሲሚ ዩዲ፣ ኤንቴ ጴሰኪዳሺን ዴሚዲ፣ ጴጌሮሳኮ፣ «ሲሞና፣ ጴሰኪዳ? ኔኒ ኢሲ ሳቲካ ባርካዳ ናጋናው ዳንዳዒሲኪ?»

38 ፓጩን ሂንቴ ጌሎና ሜላ ባርኪዲ ናገቲኔ ያሳ ዋሲሰ። ሂንቴው ሎዖ አሞይ ዴዒሰ፣ ሺን ሂንቴ ዳቡራንቾ አሲ» ያገሰ።

39 ቃሲካ ቢዲ ካሴይሳዳካ ያሳ ዋሲሰ።

40 ባ ታማሪታኮ ጉዬ ሲሚዲ ያ ዋዴ ዲስኪዲሺን ዳሚሰ። ኤንታ ኣይፊያ ዲስኪዲ ገዚ ዋሊዳ ገሾ ኢያኮ ኣይ ኦዴቲያኮካ ኤርኮና።

41 ሄቫንሶ ኤንታኮ ዪዲ፡ «ሃዲ ጋካናወካ ዲስኪዲኔ ሸምፔቲ? ሂዛ፡ ገዳና፤ ሳቲይ ጋኪሰ፤ ቤዒቲ! ኣሳ ናዓይ፡ ናጋራንቸ ኣሳታሰ ኣዲ ኢሚታና ዋዴይ ጋኪሰ።

42 ዳንዲዲ ዪዲቲ፤ ቤዒቲ፡ ታና ኣላ ኢማናይሲ ጋኪሰ» ያገሰ።

ዩሱሲ ባ ሞርኬታ ኩሺን ኣይኬቲሰ
(ማቶ 26:47-56፤ ሉቃ 22:47-53፤ ዮሃ 18:3-12)

43 ዩሱሲ ሄሳ ቡር ኦዲሺን፡ ታማኔ ናምቡ ኢያ ታማሪታፔ ኢሶይ፡ ዪሁዲ፡ ኤሌሲዲ ጋኪ ዋዲ። ቃሲ ካሂኔ ሃላቃቲ፡ ሂጌ ኣስታማራቲኔ ጨማቲ ከቲን፡ ማሺኔ ፃምዓ ኦይኪዳ ዳር ኣሳይ ኢያራ ኢሲፊ ዪደሶና።

44 ዩሱሳ ኣላ ኢማናይሲ ሄ ዳር ኣሳሰ፡ «ታኒ ዩሬይ ኢያ፤ ኢያ ኦይኪዲ፡ ሎይላ ናገዲ፡ ኤኪ ኤፊቲ» ያገዲ ማላ ኦዲ ዋሊሰ።

45 ዪሁዲ ጋኪ ዋዲዳ ሚላ ዩሱሳኮ ሸቂዲ፡ «ኣስታማሪያው» ያገዲ ዩሱሳ ዩሪ ኤኪሰ።

46 ሄ ዳር ኣሳይ ዩሱሳ ኣይኪደሶና።

47 ሺን ማታን ኤቂዳይሳታፔ ኢሶይ ባ ማሻ ሾዲዲ ካሂኔ ሃላቃ ኣይሊያ ሾጪዲ፡ ኢያ ሃይላ ቃንጂዲ ሆሊሰ።

48 ዩሱሲ ዛሪዲ፡ ሄ ሸቂዳ ዳር ኣሳኮ፡ «ታና ፓንጋ ኬሲዲ፡ ፓንጋ ኣይኬይሳዳ ኣይካናው ማሺኔ ፃምዓ ኣይኪዲ ዪዴቲ?

49 ታኒ ያሳ ኬላን ታማርሳሼ፡ ጋላሰ ጋላሰ ሂንቲራ ዳዒያ ዋዴ ታና ኣይኪቤኬታ፡ ሺን ጌሻ ማፃፋይ ገዳይሲ ፖሌታናው ቤሴሰ» ያገሰ።

50 ኢያ ታማራቲ ኡባይ ኢያ ዩጊ ኣገዲ ባቃቲደሶና።

51 ላፃና ፃላላ ማዒዳ ኢሲ ናቴላ ኡራይ ዩሱሳ ካሌይሳ ኣሳይ ኣይኪሰ።

52 ሺን ሄ ኡራይ ላፃና ዩጊ ኣገዲ፡ ፃሬ ካሎ ባቃቲሰ።

ዩሱሳ ፐርዳ ሻንጎ ሲንሌ ኤፊደሶና
(ማቶ 26:57-68፤ ሉቃ 22:54-55፤ 63-71፤ ዮሃ 18:13-14፤ 19-24)

53 ኣሳይ ዩሱሳ ካሂኔ ሃላቃ ሶ ኤፊደሶና። ያን ካሂኔ ሃላቃቲ፡ ጨማቲኔ ሂጌ ኣስታማራቲ ሸቂዲ ዳደሶና።

54 ጳዒርሲ ካሂኔ ሃላቃ ዛባ ጋካናው ሃሆን ኢያ ካሊ ቢዲ ያን ናጌይሳታራ ኡቲዲ ታማ ካዬሰ።

55 ካሂኔ ሃላቃቲኔ ሸቂዳ ኣሳ ኡባይ ዩሱሳ ዋዳናው ኢያ ቦላ ማርካ ኮዪደሶና፡ ሺን ኣይኮካ ዳሚቦኮና።

56 ዳር ኣሳቲ ኢያ ቦላ ዋርዶ ማርካቲደሶና፡ ሺን ኤንታ ማርካቴላይ ኢሲኖ ገዴና።

57-58 ኢሲ ኢሲ ኣሳቲ ዳንዲ ኤቂዲ ዩሱሳ ቦላ፡ «ኢ፡ ታኒ ኣሲ ኬጂዳ ሃ ያሳ ኬላ ላላዳ፡ ኣሳ ኩሺን ኬጃቲቦና ሃራ ያሳ ኬላ ሄቭ ጋላሳ ገደን ኬፃና» ገሺን ኮኒ ሲዒዳ» ያገዲ ዋርዶ ማርካቲደሶና።

59 ገደሺን፡ ኤንታ ማርካቴላይ ሄሳንካ ኢሲኖ ገዴና።

60 ካሂኔ ሃላቃይ ኣሳ ኡባ ሲንላን ዳንዲ ኤቂዲ፡ «ሃይሳቲ ኔና ሞቲያ ሞቲዋሰ ኔ ዛሪያባይ ባዌ?» ያገዲ ዩሱሳ ኣይቸሰ።

61 ሺን ዩሱሲ ሲዒ ገሰ፤ ኣይኮካ ዛሪቤና። ካሂኔ ሃላቃይ፡ «ኣንጃቲዳ ያሳ ናዓይ፡ ኪሪሰቶሲ ኔኔዬ?» ያገዲ ዛሪ ኣይቸሰ።

62 ዩሱሲ ዛሪዲ፡ «ኤ ታና፡ ሂንቲ ኣሳ ናዓይ፡ ዋላቃማ ያሳፊ ኡቫቻ ባጋራ ኡቲዳሺን ቃሲ ሳሉዋ ሻራራ ዪሺን ቤዓና» ያገሰ።

63 ካሂኔ ሃላቃይ ባ ማዑዋ ፔዲዲ፡ «ኦና ሃራ ማርካ ኣይ ኮሺ?

64 ሂንቲ ኢያ ጫሻ ሲዒዳታ፤ ሂንቲ ቆፋይ ኣይቤ?» ያገሰ። ኤንቲ ኡባይ፡ «ኢ ሃይቃናው ቤሴሰ» ያገዲ ኢያ ቦላ ፐርዲደሶና።

65 ኤንታፊ ኢሶቲ ኢሶቲ ኢያ ቦላ ጨቴላ ኣይኪደሶና። ኢያ ኣይፊያ ገዚዲ ባቂሼ፡ «ኔና ዳቸዳይ ኦኔ? ኣኔ ኦሰ ኦዳ!» ያገደሶና። ናጌይሳቲ ኢያ ኤኪ ኤፊዲ ጋራፊደሶና።

ጳዒርሲ ዩሱሳ ካዲሰ
(ማቶ 26:69-75፤ ሉቃ 22:56-62፤ ዮሃ 18:15-18፤ 25-27)

66 ጳዒርሲ ካሂኔ ሃላቃ ዛባን ጋርሳ ባጋራ ዳዒሺን፡ ካሂኔ ሃላቃ ማጫ ኣይሌታፔ ኢሲኒያ ያ ያሱ።

67 ጳዒርሲ ታማ ካይይሳ ቤዓዳ፡ ቲሺ ኦላ ጃላዳ፡ «ኔኒካ ናዚሬቲ ዩሱሳራ ዳዓሳ» ያጋሱ።

68 ሺን ጳዒርሲ፡ «ኔ ጌይሲ ኣይቤኮ ታ ኤሪኬ፡ ታው ኣኬኬቲና» ያገዲ ካዲሰ። ያገሰ ሲሚዲ ዛን ኬያ ዋዴ ሶሁዋራ ኩቶይ ዋሲሰ።

69 ሄ ኣይሊያ ጳዒርሳ ቤዓዳ፡ ኢያ ማታን ኤቂዳ ኣሳታኮ፡ «ሃ ኡራይካ ኤንታራ ዳዔሰ» ጋዳ ዛራ ኦዳሱ።

70 ሺን ጳዒርሲ ቃሲካ ካዲሰ።

ጉላ ጋምዒሺን፡ ማታን ኤቂዳ ኣሳቲ ናምዓንሎ ጳዒርሳኮ፡ «ኔኒ ጋሊላ ቢታ ኣሲ ገዲያ ገሾ ቱማ ኤንታራ ዳዓሳ» ያገደሶና።

71 ሺን ጳዒርሲ፡ «ታኒ ሂንቲ ገያ ኡራ ኤሪኬ!» ያገዲ ባና ቃንጌላኔ ጫቆ ኣይኪሰ።

72 ሶሁዋራ ኩቶይ ናምዓንሎ ዋሲ ኣገሰ። ጳዒርሲ ዩሱሲ ኢያኮ፡ «ኔኒ ኩቶይ ናምቡ ቶሆ ዋሳናፔ ሲንሌ ሄቭ ቶሆ ታና ካዳና» ኢያኮ ገዳይሳ ኣኬኪዲ ዳር ዩኪሰ።

15

ዩሱሳ ጲላዖሳኮ ኤፊደሶና
(ማቶ 27:1-2፤ 11-14፤ ሉቃ 23:1-5፤ ዮሃ 18:28-38)

1 ዋንታ ጉራ ኤሌሲዲ ካሂኔ ሃላቃቲ፡ ጨማቲ፡ ሂጌ ኣስታማራቲኔ ኣይሁዴ ሻንጎቲ ኡባይ ሸቂዲ ማቂቲደሶና። ኤንቲ ዩሱሳ ቃቺ ኤፊዲ ጲላዖሳሰ ኣላ ኢሚደሶና።

2 ጲላዖሳ ኢያኮ፡ «ኔኒ ኣይሁዴታ ካዎ?» ያገዲ ኣይቸሰ። ዩሱሲ ዛሪዲ፡ «ኔ ጋዳሳ» ያገሰ።

3 ካሂኔ ሃላቃቲ ዩሱሳ ዳርባን ሞቲደሶና።
 4 ሺን ጲላዎሲ ዛሪዲ ዩሱሳኮ፡ «ኔው ዛሪያባይ ባዌ? ኤንቲ ኔ ቦላ ኣይ ማላ ሞቲዎ ኤሂያኮ ቤዒኪ?» ያገሰ።
 5 ሺን ዩሱሱ ሃራባ ዛርና ኢዲን፡ ጲላዎሲ ማላሌቲሰ።

ዩሱሳ ሃይቆ ገዲ ፒርዲደሶና
 (ማቶ 27:15-26፤ ሉቃ 23:13-25፤ ዮሃ 18:39-40፤ 19:1-16)

6 ጲላዎሳስ ፓሲካ ባሌ ቦንቹያ ጋላሳን ኣሳይ ኮያ ኢሲ ኡሪ ቃሾፕ ቢሊያ ማዜይ ዴዔሰ።
 7 ሄ ዎዴ ኢሲ ባርባና ገያ ኡራይ ኦሹ ኬሲዲ ሸምፖ ዎዲ ኣሳታራ ኢሲፌ ቃሾ ኬላን ዴዔሰ።
 8 ሺቁዳ ዳር ኣሳይ ጲላዎሲ ካሴይሳዳ ኦላና ማላ ኢያ ኣይቹደሶና።
 9 ጲላዎሲ ኣሳ ዛሪዲ፡ «ታኒ ሂንቲው ኣይሁዴታ ካዉዎ ቢላናይሳ ኮዩቲ?» ያገዲ ኣይቹሰ።

10 ሄሳ ኢ ገዲይ፡ ካሂኔ ሃላቃቲ ዩሱሳ ቃናቲዲ ኣሉ ኢሚዳይሳ ኤሪያ ገሾሳ።
 11 ሺን ካሂኔ ሃላቃቲ ዩሱሳ ገሾ ባርባና ቢላናዳ፡ ሄ ሺቁዳ ኣሳይ ጲላዎሳ ዎሳና ማላ ኣሳ ማቁደሶና።
 12 ጲላዎሲ ዛሪዲ፡ «ያቲን፡ ሃ ሂንቲ ኣይሁዴ ካዎ ጌይሳ ዎቶ?» ያገሰ።

13 ኣሳይ ጲላዎሳ ቦላ ዋሲዲ፡ «ማስቃሊያ ቦላ ኢያ ካቃ» ያገደሶና።
 14 ጲላዎሲ ኣሳኮ፡ «ኣይሰ? ኢ ኣይ ኢታባ ኦሉዴ?» ያገሰ።

ሺን ኣሳይ ካሴይሳፌ ጉጂ ዋሲዲ፡ «ማስቃሊያ ቦላ ኢያ ካቃ» ያገደሶና።

15 ጲላዎሲ ኣሳ ኡፋይሳናው ኮዩዲ፡ ባርባና ኣሳስ ቢሊሰ፤ ያቲዲ ሊሶን ዩሱሳ ጋራፊዲ፡ ማስቃሊያ ቦላ ካቃና ማላ ኤንታው ኣሉ ኢሚሰ።

ዎታዳሬቲ ዩሱሳ ቶቹደሶና
 (ማቶ 27:27-31፤ ዮሃ 19:2-3)

16 ሄሳፌ ጉዩ፡ ዎታዳሬቲ ዩሱሳ ዴሪያ ሃሪይሳ ኦሶ ኬላ ኤኪ ኤፊዲ፡ ሃራ ዎታዳሬታ ኡባ ኢሲፌ ዌገደሶና።
 17 ቃሲ ዘዎ ኣፊላ ኢያ ማይዚደሶና፤ ኣጉንላ ካላቻ ገሊሲዲ፡ ኢያ ሁዒን ዎሉደሶና።
 18 ሄሳፌ ጉዩ፡ ኢያኮ፡ «ኣይሁዴታ ካዉዎው ሚሪናው ካዎታ» ያገዲ፡ ኢያው ዘገደሶና።
 19 ኢያ ሁዒን ፃምባን ሾጪደሶና፤ ቃሲ ኢያ ቦላ ጩቲደሶና፤ ጉልባቲዲ ኢያው ጎይኒደሶና።
 20 ኢያ ቶቹደሶናፌ ጉዩ ዘዎ ኣፊላ ኢያፕ ቃሪ ኤኪዲ፡ ኢያ ኣፊላ ኢያ ማይዚዲ ማስቃሊያ ቦላ ኢያ ካቃናው ኤኪ ኤፊደሶና።

ዩሱሳ ካቁደሶና
 (ማቶ 27:32-44፤ ሉቃ 23:26-43፤ ዮሃ 19:17-27)

21 ኤንቲ ቢሹ፡ ኢሰኪንዲሬኔ ሩፎሳ ኣዎ፡ ሲሞና ገያ ቁሪና ቢታ ኣሲ፡ ጋዎፔ ካታማ ዩይሳራ ጋሂቲዲ፡ ዩሱሳ ማስቃሊያ ዎልቃን ቶሲደሶና።

22 ያቲዲ ጎልጎታ ገያ ቤሳ ዩሱሳ ኤፊደሶና። «ጎልጎታ» ጉሳይ «ሁዒ ጉጌ» ጉሱ።

23 ሳኮይ ሲዔቶና ማላ ካርቤ ገያ ቆሌይ ዋላኬቲዳ ዎይኔ ኡዮ ገዲ ኢያው ኢሚደሶና። ሺን ኢ ኡዮና ኢዲሰ።

24 ኤንቲ ማስቃሊያ ቦላ ኢያ ካቁደሶና። ኦና ኣይቢ ጋካኔኮ ገዲ ኢያ ኣፊላ ሻኪዲ ሳማ ዩገደሶና።

25 ኤንቲ ማስቃሊያ ቦላ ኢያ ካቁደሶና ዎዳ ዎንታፌ ሂሹ ሳቲ።

26 ኤንቲ፡ «ኣይሁዴታ ካዉዎ» ያገዲ ኢያ ሞቲዎ ፀፊ ፃፊዲ ዎሉደሶና።

27 ዩሱሳና ናምቡ ፓንጋታ ኢሱዎ ኢያፕ ኡሻቻ ባጋራ ሃንኩዎ ኢያፕ ሃዲርሳ ባጋራ ማስቃሊያ ቦላ ካቁደሶና።

28 ጌሻ ማፃፋይ፡ «ኢታባ ኦሉዳ ኣሳታራ ኢ ፓይዴቲሰ» ጌቲቲዳይሲ ፖሌቲሰ።

29 ኦጊያራ ኣዲያ ኣሳይ ዩሱሳ ካዲዲ፡ ባንታ ሁዒን ቃሉዲ ጫዩደሶና፤ «ሂኮ! ያሳ ኬላ ላላዳ ሂሹ ጋላሳ ገደን ኬጻይሶ፡ ኔ ሁዒን ኣሻ፤

30 ኣኔ ማስቃሊያ ቦላፌ ዎቆ» ያገደሶና።

31 ሄሳዳካ፡ ካሂኔ ሃላቃቲ ሂገያ ታማርቤይሳታራ ኢሲፌ ዩሱሳ ቶቹዲ፡ «ሃራታ ኣሺሰ፡ ሺን ባና ኣሻናው ዳንዳዔና፤

32 ኦኒ ቤዒዲ ኣማናና ማላ ኪሪሰቶሲ፡ ኢሰራዔሌ ካዎይ፡ ኣኔ ማስቃሊያ ቦላፌ ሃዒ ዎቆ» ያገደሶና። ቃሲ ሃሪ ኣቶሺን፡ ኢያራ ማስቃሊያ ቦላ ካቁቲዳይሳቲካ ኢያ ቶቹደሶና።

ዩሱሲ ሃይቁስ
 (ማቶ 27:45-56፤ ሉቃ 23:44-49፤ ዮሃ 19:28-30)

33 ኡሱፑን ሳቲፕ ደሚዲ፡ ኡዲፋን ሳቲ ጋካናው ቢታ ኡባይ ቆሚሰ።

34 ኡዲፋን ሳቲያን ዩሱሲ ባ ቃላ ቆቁ ኦሉዲ፡ «ኤሎሂ፡ ኤሎሂ፡ ላማ ሳባቁታኒ?» ያገሰ። ሄሳ ጉሳይ፡ «ታ ያሳው፡ ታ ያሳው፡ ታና ኣይሰ ኣጋዲ?» ጉሱ።

35 ሄሳን ኤቁዳ ኣሳፕ ኢሶይ ኢሶይ ሄሳ ሲዒዲ፡ «ሂኮ፡ ኤሊያሳ ዌጌስ» ያገሰ።

36 ሄ ኣሳፕ ኢሶይ ዎዲዲ፡ ኢሰፖንጂን ጫላ ዎይኔ ኩንሉሰ፤ ሄሳ ፃምባ ዌራን ዎሉዲ፡ «ናገቲ፤ ኤሊያሲ ማስቃሊያፕ ኢያ ዎዲሳናው ያኔኮ ኣኔ ቤዎሰ» ያገዲ ዩሱሳ ደናኮ ኡሻናው ሺሺሰ።

37 ዩሱሲ ባ ቃላ ቆቁ ኦሉ ዋሲዲ፡ ሃይቁስ።

38 ያሳ ኬላን ካቁቲዳ ማጋራጃይ ቆምፌ ዲጌ ጋካናው፡ ናምቡ ኮዩዲ ዳኬቲ ዎዲሰ።

39 ማስቃሊያፕ ሲንሳ ባጋራ ያን ኤቁዳ ኢሲ ማቶ ሃላቃይ፡ ዩሱሲ ዋኒዲ ሃይቁዳኮ ቤዒዳ ዎዳ «ሃ ኡራይ ቱማ ያሳ ናዓ» ያገሰ።

40 ሄሳ ሃሆን ኤቁዲ ቤዒያ ጉላ ማጫሳቲ ደዎሶና። ኤንታ ገደን ማገዳላ ማይራማ፡ ካሉዎ ያይቆባኔ ዮሳ ኣያ ማይራማኔ ሳሎማ ደዎሶና።

41 ሄ ማጫ ኣሳቲ ዩሱሲ ጋሊላን ዴዒያ ዎዳ ኢያ ካሊዳይሳታኔ ኢያ ሞኪዳይሳታ ቃሲ

ዩሱሳሩ ኢሲፌ ዩሩሳላሜ ቢዳ ሃራ ዳር ማጫ አሳቲ ያን ዳዎሶና።

ዩሱሲ ሞጌቲስ
(ማቶ 27:57-61፤ ሉቃ 23:50-56፤ ዮሃ 19:38-42)

42-43 ሳዓይ ኦማርሲዳ ዎዴ ሸቂዳ አሳን ቦንቹቲዳ አይሁዳ ሻንጎታፔ ኢሶይ፣ ዮሴፋ ገያ ኡራይ፣ ያሳ ካዎቱላይ ያናይሳ ናገሼ ዳዔይሲ፣ አርማቲያሳ ካታማ አሲ ዳዔይሲ ዩሱ። ዎንቴሌ ሳምባታስ ገጌቲያ ጋላስ ገዲዳ ገሾ ዮሴፌ ሚኒዲ ጸላዎሳኮ ቢዲ፣ ዩሱሳ አሃ ኤካናው ዎሲስ።

44 ጸላዎሲ ዩሱሲ ሃይቂዳይሳ ሲዲዳ ዎዴ ማለሌቲስ፤ ማቶ ሃላቃ ጃገዲ፣ «ኢ ሃይቂዳ ጋምዲዳ?» ያገዲ ኦይቸስ።

45 ጸላዎሲ ዩሱሲ ሃይቂዳይሳ ማቶ ሃላቃፔ ሲዲዲ ኢያ አሃ ዮሴፋስ አሚስ።

46 ዮሴፌ ሞሳ አፊላ ሻሚስ፤ ዩሱሳ አሃ ማስቃሊያፔ ዎሊዲ፣ አፊላን ፃዲዲ፣ ሹቻፌ ዎጩቲዳ ዲፎ ገደን ኢያ አሃ ሞጊስ። ቃሲ ሄ ዲፋዎ ደናን ገታ ሹቹ ጎንደርሲዲ ዎሊስ።

47 ማግዴላ ማይራሚኔ ዮሳ አያ ማይራማ ዩሱሳ አሃ ኤንቲ አጩን ዎሊያኮ ቤዎሶና።

16

ዩሱሲ ሃይቆፔ ዳንዲስ
(ማቶ 28:1-8፤ ሉቃ 24:1-12፤ ዮሃ 20:1-10)

1 ሳምባታይ አቋዳፔ ጉዬ ማግዴላ ማይራማ፣ ያይቆባ አያ ማይራሚኔ ሳሎማ ቢዲ፣ ዩሱሳ አሃ ቲያናው ሸቶ ሻሚደሶና።

2 ዎጋ ዎዴ ዎንታ ዳር ጉራ ፃልቂይ ጫርሺን፣ ዲፋዎ ቢደሶና።

3 ኤንቲ ባንታ ገደን ኢሶይ ኢሱዎራ፣ «ዲፋዎ ደናፔ ኦስ ሹቻ ኦኔ ጎንደርሲዲ ዲጋናይ?» ያገዲ ኦይቲደሶና።

4 ኤንቲ ፃሊያ ዎዴ ሄ ዳር ገታ ሹቻይ ጎንደራቲዲ ከቸዳይሳ ቤዲደሶና።

5 ዩሱሲ ሞጌቲዳ ዲፋዎ ገደ ጌሊያ ዎዴ ኢሲ ፓንሳ አዳይ ቦላ ማዎ ማዲዲ፣ ኡሻቻ ባጋራ ኡቲዳይሳ ቤዲዲ ዳጋሚደሶና።

6 ሺን ኢ ኤንታኮ፣ «ዳጋዎፊቲ፤ ማስቃሊያ ቦላ ካቂቲዳ፣ ናዚሬቲ ዩሱሳ ሂንቲ ኮዬይሳ ታኒ ኤራይስ። ኢ ሃይሳን ዳና፣ ሃይቆፔ ዳንዲስ። ኤንቲ ኢያ ሞጊዳ ቤሳ ሃይሳ ቤዲቲ።

7 ሃዲ ቢዲ ዩሱሳ ታማሬታሲኔ ጳዲርሳስ፣ «ዩሱሲ ሂንቲፌ ሲንሳቲዲ ጋሊላ ቤስ። ኢ ሂንቲው ኦዲዳይሳዳ ሂንቲ ኢያ ያን ቤዳና) ያገዲ ኦዲቲ» ያገሰ።

8 ማጫሳቲ ያሻን ኮኮሪሽ ዲፋዎፔ ከዬዲ ባቃቲደሶና። ቃሲ ኤንቲ ያዩዳ ገሾ ሄሳ ኦዲስካ አይኮካ ኦዲሶኮና። *

ዩሱሲ ማግዴላ ማይራሚኔ ቤንቲስ
(ማቶ 28:9-10፤ ዮሃ 20:11-18)

9 ዩሱሲ ሃይቆፔ ዳንዲዳፔ ጉዬ ዎጋ ጋላስ ዎንታ፣ ላቸን ቱና አያናታ ከሲዳ ማግዴላ ማይራሚኔ ኮይሮቲዲ ቤንቲስ።

10 ኢያ ባዳ ካሴ ኢያራ ዳዔይሳታስ፣ ኤንቲ አዛኒሼኔ ዩኪሼ ዳዲሺን ኦዲሱ።

11 ሺን ዩሱሲ ፓፃ ዳዔይሳኔ ኢው ቤንቲዳይሳ ኤንቲ ሲዲዳ ዎዴ ኢያ ጌይሳ አማኒሶኮና።

ዩሱሲ ናምዑ ባ ታማሬታስ ቤንቲስ
(ሉቃ 24:13-35)

12 ሄሳፌ ጉዬ፣ ኤንታፌ ናምዑቲ ካታማፔ ከዬዲ ቢሺን፣ ኦኔ ቦላ ዩሱሲ ካሴይሳፌ ዲማቲዲ ኤንታው ቤንቲስ።

13 ኤንቲ ጉዬ ሲሚዲ፣ ሃራታስ ኦዲደሶና፣ ሺን ሃራቲካ ኤንታ ኦዲ ቱማ ገሶኮና።

ዩሱሲ ታማኔ ኢሲ ባ ታማሬታስ ቤንቲስ
(ማቶ 28:16-20፤ ሉቃ 24:36-49፤ ዮሃ 20:19-23፤ ሃ.ኦ 1:6-8)

14 ጉዬፔ ታማኔ ኢሲ ኢያ ታማሬቲ ካሊ ሚሺን፣ ዩሱሲ ኤንታው ቤንቲስ። ኤንታው አማኖይ ባይና ገሺኔ ሃይቆፔ ኢ ዳንዲዳይሳ ቤዲዳ አሳይ ኦዲን ኤንቲ አማኖና ኢዲዳ ገሾ ኢ ኤንታ ቦሪስ።

15 ኢ ኤንታኮ፣ «ቢታ ኡባ ቢዲ አሳ ኡባስ ዎንጌላ ኦዲቲ።

16 አማኔይኔ ፃማቂቲይ አታና፣ ሺን አማኖናይ ፐርዳታና።

17 አማኔይሳታስ ሃ ማላታቲ ኢሚታና። ኤንቲ ታ ስንሳን ቱና አያናታ ከሳና፣ ኦራላ ደናን ኦዲታና።

18 ኤንቲ ሸሹ ኦይኪኮካ ዎይኮ ዎዲያባ ኡዩኮካ ኤንታ ቆሃና። ቃሲ ኤንቲ ባንታ ኡሺያ ሃርጋንቸታ ቦላ ዎሊዲ ኤንታ ፓላና» ያገሰ።

ዩሱሲ ፑዴ ሳሎ ከዬስ
(ሉቃ 24:50-53፤ ሃ.ኦ 1:9-11)

19 ጎዳይ ዩሱሲ ታማሬታራ ኦዲቲዳፔ ጉዬ ፑዴ ሳሎ ከዬስ፤ ያሳፌ ኡሻቻ ባጋራ ኡቲስ።

20 ኢያ ታማሬቲ ቢዲሶ ኡባን ቃላ ኦዲደሶና። ጎዳይካ ኤንታራ ኢሲፌ ኦሌስ። ኤንቲ ኦዲያ ቃላይ ቱማ ገዲዳይሳ ያሳይ ኤንታው ኢሚያ ማላታታን ኤሪሲስ።

16:7 ማቶ 26:32፤ ማር 14:28 * 16:8 ኢሲ ኢሲ ቤኒ ማፃፋቲ ማርቆስ ዎንጌላ ፓይዶ 8 ቦላ ኤሶሶና። ቃሲ ኢሲ ኢሲ ማፃፋቲ ፓይዶ 9-20 ጋካናው ዳዲያ ቆፋ ጉጃኮና። ገደሺን፣ ፓይዶ 8 ካሊዲ ዳዲያ ጉጃሶና። ሄሲካ [ማጫሳቲ ቢዲ፣ ከታጎቻይ ኦዲዳባ ኡባ ጳዲርሳሲኔ ኢያራ ዳዔይሳታስ ቃንሳን ኦዲደሶና። ሃሳፌ ጉዬ፣ ዩሱሲ ባ ታማሬታ ጌሺኔ ሜሪና አቶቲላ ዎንጌላ ከታ ደሎሃፔ ዉሎሃ ጋካናው ከቲስ።] 16:15 ሃ.ኦ 1:8 16:19 ሃ.ኦ 1:9

ሉቃስ 9፡፩ ዳ ዩሱስ ኪሪስቶስ ዋንጌላ ጋላ ቆፋ

ዩሱስ ደሪዳ ታማኔ ናምቡ ሃዋርያት ጊደን ሉቃስ ዳና። ሉቃስ ዋንጌላይ፣ ዩሱስ ኮይር ናቤታ ደናን ያና ጌቲቲዲ ኦዴቲዳይሳ፣ ኢሰራዔሌቲ ካሴፕ ናጊሼ ዳዲዳ «ኪሪስቶስ» ጊዳይሳኔ እሳ ዜሬላ ኡባ እሼይሳ ጊዳይሳ ቆንጨሴስ። ሉቃስ፣ ባ ማፃፋን ዩሱስ፣ «ማንቆታስ ዋንጌላ ሳባካናው» ባ አዋፕ ከቲቲዳይሳ ጊዳይሳኔ ሄ ዋንጌላይ እሳስ ዳዲያ ዲማ ዲማ ማቲዋፕ ከሴይሳ ጊዳይሳ ኦዴስ። ሉቃስ ዋንጌላ ጊደን፣ ዩሱስ ዩሳባ ኦዲያ ኮይር ሸምፖታኒኔ ዩሱስ ፑዳ ሳሎ ከዩዳይሳ ኦዲያ ወርሴላ ሸምፖታን ቆንጨዲ ኦዴቲዳይ ኡፋይሳባ። ዩሱስ ሳሎ ከዩዳይ ጉዩ አማኖይ ዋኒዲ ዲጨዳኮኔ ዳልጊዳኮ ኦዲያ ታሪኪያ ሃ ዋንጌላ ፃፊይ ሃዋርያት ኦሶ ማፃፋን ፃፊስ።

ኪታንቸታ ማዘሙሪያባ፣ ዩሱስ ዩሉቲዳ ዋዴ ሄንሳቸቲ ቢዲ ቤዒዳይሳ ኦዲያ ታሪኪይ፣ ዩሱስ ናባቲሳን ያሳ ከሌ ቢዳይሳ፣ ቃጴቲያ ሳማሪ ኦዲያባኔ ቆዩዲ ቤንቲዳ ናባባ ኦዲያ ታሪኪይ፣ ሉቃስ ዋንጌላ ፃላላን ቤንቲያ ታሪኪ። ሉቃስ ዋንጌላን ጋፃፕ ጋፃ ጋካናው ዳዲያ ዋና ቆፋቲ ዋሳባ፣ ጌሻ አያናባ፣ ዩሱስ ኦሱዋ ጊደን ማጨሳታስ ዳዲያ ቤሳኔ ያሳይ ናጋራ ማሪይሳ።

ሉቃስ ዋንጌላ አይፊ ቆፋታ

- ጌሎ ቆፋ 1:1-4
- ፃማቂያ ዮሃንሳኔ ዩሱስ ዩሉቲሳ 1:5-2:52
- ፃማቂያ ዮሃንሳ ኦሱዋ 3:1-20
- ዩሱስ ዲንቃቲያኔ ፓጩቲሳ 3:21-4:13
- ዩሱስ ጋሊላን ኦሌዳ ኦሱዋ 4:14-9:50
- ጋሊላፕ ዩሩሳላሜ ጋካናው 9:51-19:27
- ወርሴላ ሳሚንታ ዩሩሳላሜ ሄራን 19:28-23:56
- ሃይቆፕ ዳንዶ፣ ቆንጨዳኔ ሳሎ ኬሳ 24:1-53

- 1 ቦንቸ ቲዎሬሎሳ፣ ኑ ጊደን ፖሉቲዳባስ ዳርቲ፣ ባንታው ዳንዳዔቲዳ ሜላ ፃፊደሶና።
- 2 ሄ ታሪኪያ ኤንቲ ፃፊዳይ ኮይርፕ ደሚዲ አይፊ ማርካቲኔ ቃላ ሃጋዜይሳቲ ኑስ ኦዲዳይሳ።
- 3 ታካ ታ ባጋራ ኮይርፕ አከካ ጸሊዳፕ ጉዩ ሄ ታሪኪያ ሃናታ ማራያዳ ኔው ፃፊይ ታው ሎፃ ጊዲ ቤንቲስ።
- 4 ሄሲካ፣ ኔ ታማሪዳባይ ቲማ ጊዳይሳ ኤሪሳናሳ።

- ፃማቂያ ዮሃንሳ ዩሉቲሳ
- 5 ዩሁዳ ካወዋ ሄርዲሳ ዋዴ አቢያ ያራፕ ጊዲዳ ዛካሪያሳ ጊያ አይሁዳ ካሄኔይ ዳዔስ። ኢያ ማቸያካ አርና ሸሻፕ። ኢ ሱንሳይካ ኤልሳቤያ።
- 6 ናምባይካ ጎዳ ዋጋኔ ኪታ ኡባ ናጊዲ ቦሬይ ባይና ያሳ ሲንሳን ያሎቲሳን ዳዲደሶና።

7 ሃናፕ ኣቲን ኤልሳቤያ ማይንላ ጊዲዳ ጊሾ ኤንታው ናዒ ባዋ። ናምባይካ ቃሲ ጨሚደሶና።

8 ኢሲ ጋላስ ዛካሪያሲ ባ ጊሹዋ ማራን ያሳ ሲንሳን ካሄኔቲሳን ሃጋዜስ።

9 ካሄኔቲሳ ዋጋን ያሳ ከሌ ጌሊዲ ኢፃኔ ጨዩሳናው ኢያ ሳሚ ጋኪስ።

10 ኢፃኔይ ጨያ ዋዴ አሳይ ካሬን ዋሴስ።

11 ጎዳ ኪታንቸይ ያርሹዋ ያርሺያ ቤሳፊ ኡሻቻ ባጋራ ኡቁዲ ቤንቲስ።

12 ዛካሪያሲ ኢያ ቤዒዳ ዋዴ ዳጋሚዲ ዳር ያዩስ።

13 ሺን ኪታንቸይ ኢያኮ፣ «ዛካሪያሳ ያዮፋ፤ ኔ ዋሳይ ሲዔቲስ። ኔ ማቸያ ኤልሳቤያ አዴ ናባ ዩሳና፣ ኢያ ዮሃንሳ ጋዳ ኔ ሱንሳና።

14 ኢ ኔው ኢንጃኔ ኡፋይሲ ጊዳና፤ ዳርቲ ኢያ ዩሉቲሳን ኡፋይታና።

15 ጎዳ ሲንሳን ኢ ጊታ ጊዳና፤ ዋይኔ ኡሻ ጊዲን ሃራ ማላያ ኡሻ ኡዬና። ባ አዬ ኡሎን ዳዒሼ ጌሻ አያናን ኩማና።

16 ኢሰራዔሌ አሳታፕ ዳርታ ባንታ ጎዳ፣ ያሳኮ ዛራና።

17 አዋታ ዋዛና ናይታኮ ዛራና፣ ኪቲቶናይሳታ ያሎታ ጨንጨቲሳኮ ዛራና ሜላ፣ ጎዳስ ቤሲያ ዳሪ ጊሳናው ኤሊያሳ አያናኒኔ ዋልቃን ጎዳ ሲንሳን ባና» ያጊስ።

18 ዛካሪያሲ ኪታንቸዋኮ፣ «ታ ሄሳ አይቢን ኤራኔ? ታራኔ ታ ማቸራ ጨሚዳ» ያጊስ።

19 ኪታንቸይ ዛሪዳ፣ «ታኒ ያሳ ሲንሳን ኡቁያ ጋብሬሌ። ሃ ሚሺራቸዋ ኔው ኡዳናው ያሳፊ ኪቲታስ።

20 ሄኮ፣ ዋዲያ ናጊዲ ፖሉቲያ ታ ቃላ ኔ አማኖና ኢዲዳ ጊሾ ሃይሲ ፖሉታና ጋካናው ኔኒ ሙሚ ጊዳና፣ ኦዴታናወካ ዳንዳዳካ» ያጊስ።

21 ሄ ዋዴ ዛካሪያሲ ያሳ ከሌ ጌሊዲ ጋምባዲ ጊሾ አይቢ ሃኒዴ ጊዲ አሳይ ካሬን ናጊሼ ጋምባሲ።

22 ኢ ካሪ ከዩዲ ኤንታና ኦዲሳናው ዳንዳዳቤና። ማሊ ቤሶፕ ኣቲን ኦዴታናው ዳንዳዳይሳ ቤዒዳ ዋዴ ቆንጨዳ ቤዒዳይሳ ኤሪደሶና።

23 ዛካሪያሲ ሃጋዜ ዋዲያ ፖሊዲ ባ ሶ ሲሚስ።

24 ሄሳፊ ጉዬ፣ ኢያ ማቸያ ኤልሳቤያ ቃንሳታሱ። ኢቻሹ አጌና ኩሜላ ባና ጌንሳዳ ጋምባሱ።

25 ኢያ፣ «ጎዳይ ባ ማርታን ታ ቦሪያ አሳ ጊደፊ ዲጋናው ቤዒዲ ሃ ዋዲያን ሃይሳ ኦሌስ» ያጋሱ።

ዩሱስ ዩሉቲሳይ ኮይርቲዲ አዴቲስ

26 ኤልሳቤያ ቃንሳቲን ኡሱፑንሳ አጌናን፣ ያሳይ ኪታንቸዋ ጋብሬሌ ጋሊላ ቢታን ዳዲያ ናዚሬቲ ካታማ ከቲስ።

27 ካወዋ ዳዋቲ ሸሻፕ ጊዲዳ ዮሴፋ ጊያ ኡራስ ኦይሹቲዳ ጌላዒኮ ከቲስ። ሄ ጌላዒያ ማይራዋ ጌቲታወሱ።

28 ኪታንቸይ ኢኮ ቢዲ፣ «ዳር ደሴቲዳሬ፣ ሳርይ ኔው ጊደ፣ ያሳይ ኔራ ዳዔስ» ያጊስ።

29 ማይራማ ኢየሁዳን ዳር ዳጋማዳ፤ «ሃይሲ ኣይቢ ሳርፉ» ጋዳ ሄታሱ።

30 ኪታንቸይ ዛሪዲ፤ «ማይራማ፡ ባቦፋ፤ ኔኒ ያሳ ሲንገላን ሳባ ዳማዳሳ።

31 ሄኮ ኔኒ ቃንጎታና ኣዴ ናባ ዩላና፤ ኢያ ሱንገላን ዩሱሳ ጋዳ ሱንገላና።

32 ኢ ጊታ ጊዳና፤ ኡባፌ ቦላ ያሳ ናባ ጌቲቲ ያጌታና። ጎዳ ያሳይ ኢያ ኣቦ ዳዊቲ ኣራታ ኢያው ኢማና።

33 ኢ ያይቆባ ሹሻ ቦላ ማሪናው ካዎታና፤ ኢያ ካዎቲሳስ ዛዊ ባዎ» ያገሱ።

34 ማይራማ ኪታንቸዋኮ፤ «ሄሲ ዋኒዲ ሃናኔ? ታ ኣዴ ኤሪኬ» ያገሱ።

35 ኪታንቸይ ዛሪዲ፤ «ጌሻ ኣያናይ ኔ ቦላ ዎቶና፤ ኡባፌ ቦላ ያሳ ዎልቃይ ኔ ቦላ ኩያታና። ሄሳ ጊሾ፤ ዩላቲያ ጌሻ ናባይ ያሳ ናባ ጌቲታና።

36 ሄኮ፤ ኔ ዳቢያ ኤልሳቤፃ ባ ጨማቲላ ላይላን ኣዴ ናባ ቃንጎታሱ። ኢያ ማይንላ ጌቲቲዳር፤ ሸን ሃሲ ኡሱፑንጎ ኣጌና ኣይካሱ።

37 ያሳ ያኒያባይ ባዎ» ያገሱ።

38 ማይራማ፤ «ሄኮ፤ ታኒ ጎዳ ኣይሊው፤ ኔ ቃላዳ ታው ሃና» ያገሱ። ሄሳፌ ጉዩ፤ ኪታንቸይ ኢፔ ሻኬቲሱ።

39 ማይራማ ሄ ሳሚንታን ዳንዳዳ ዩሁዳ ቢታን ዳሚያ ኢሲ ጌዜ ካታማ ባሱ።

40 ዛካሪያሳ ሶ ጌላዳ ኤልሳቤፃ ሳርፉሱ።

41 ኤልሳቤፃ ማይራማ ሳርፉ-ዎ ሰዒዳ ዎዴ ኢ ኡሉዋን ዳሚያ ናባይ ኡፋይሳን ጉፒሱ። ኤልሳቤፃ ጌሻ ኣያናን ኩማዳ፤

42 ባ ቃላ ቶቁ ኦላዳ፤ «ኔኒ ማጫሳ ጊዶፌ ኣንጃቲዳር፤ ኔ ቃንጎታና ናባይ ኣንጃቲዳይሳ።

43 ሃናሸን፤ ታ ጎዳ ኣዩ፤ ኔኒ ታኮ ያና ማላ ታኒ ኦኔ?

44 ሄኮ ኔ ሳርፉ-ዎ ታ ሰዒዳ ዎዴ ታ ኡሉዋን ዳሚያ ናባይ ኡፋይሳን ጉፒሱ።

45 ጎዳይ ፖላና ጊዲ ኢሚዳ ቃላ ኣማኒዳር፤ ኢያ ኣንጃቲዳር» ያገሱ።

ማይራማ ማዘመራያ

46 ማይራማ ሃይሳዳ ያገሱ። «ታ ሹዎፒያ ጎዳ ቦንቻውሱ።

47 ታ ኣያናይ ጳሊያ ያሳን ኡፋይቲሱ።

48 ኢ ባ ኣይሌ ካወሻቲላ ቤዒሱ። ሃቸፌ ደሚዲ ዩላቲላ ኡባይ ታና ኣንጃቲዳር ጋና።

49 ኣይሰ ጊኮ፤ ዎልቃማ ጊዲዳ ኢ፤ ታው ጊታባ ኦላሱ።

ኢያ ሱንገላይ ጌሻ።

50 ኢያ ቦንቸይሳታ ቦላ፤ ኢያ ማርቲላይ ማሪና ማሪና ጋካናሳ።

51 ባ ቁሲያን ሚኖባ ኦላሱ፤ ባንታ ዎዛናን ኡቶርቲይሳታ ላሊሱ።

52 ዎልቃማ ካዎታ ኣራታፕ ካወሸሱ፤ ባንታና ካወሸዲይሳታ ካቦይሱ።

53 ኮሻቲዳይሳታ ሎዎባን ካልሱሱ፤ ሸን ዲሬታ ማላ ኩሹ ዩዲሱ።

54 ባ ማርታ ቆፒዲ፤

ባ ኣይሊያ ኢሰራዔል ማዲሱ።

55 ሄሲካ ኑ ኣዎታሰ ኦዲዳ ቃላ፤ ኣብራሃሜሲኔ ኢያ ሹሻሰ ጊዳይሳ ማሪናው ፖላናሳ»

ያገሱ።

56 ማይራማ ኤልሳቤፃ ማታን ሄቩ ኣጌና ማላ ጋዎዳዳ ባ ሶ ሰማሱ።

ፃማቂያ ዮሃንሳ ዩላቲላ

57 ኤልሳቤፃሰ ዩሎ ቃማይ ጋኪን ኣዴ ናባ ዩላሱ።

58 ኢ ሸርቲኔ ኢ ዳቦቲ ጎዳይ ጊታ ማርታ ኦላዲይሳ ሰዒዲ፤ ኢራ ኢሲፌ ኡፋይቲዳሶና።

59 ሆሰፑንጎ ጋላሳን ዮጋ ናባ ቃፃራናው ዩዳሶና። ኢያ ኣዎ ሱንገላን ዛካሪያሳ ጊዲ ሱንገላናው ኮዩዳሶና።

60 ሸን ኣያ፤ «ኣካይ፤ ዮሃንሳ ጌቲታናው ቤሴሰ» ያገሱ።

61 ኤንቲካ፤ «ኔ ዳቦታፕ ሃ ሱንገላን ያጌቲዳይ ኦኒካ ባዎ» ያገደሶና።

62 ኢያ ኣዎይ ኦና ጊዲ ሱንገላኔኮ ኤራናው ኮዩዲ ኢያ ማላ ኣይቸደሶና።

63 ኢ ፃፊያባ ኣይቸ ኤኪዲ፤ «ኢያ ሱንገላይ ዮሃንሳ» ጊዲ ፃፊሱ። ኡባይ ኢ ፃፊዲይሳ ቤዒዲ ማላሊቲደሶና።

64 ኢራ ዛካሪያሳ ኢንፃርሳይ ቢሊቲሱ፤ ያሳ ጋላቲሹ ኦዴቲላ ኣይኪሱ።

65 ሸርቲ ኡባይ ያሻን ኩሚደሶና። ሃ ሃኒዳባይ ጌዜ ዩሁዳ ቢታን ኦዴቲሱ።

66 ሄሳ ሰዒዳ ኡባይ፤ «ሃ ናባይ ኣይ ሃናንዳሻ» ጊዲ ባንታ ጊደን ኦዴቲደሶና። ጎዳ ኩሹይ ኢያራ ዳዔሱ።

ዛካሪያሳ ማዘመራያ

67 ዮሃንሳ ኣዎይ ዛካሪያሱ ጌሻ ኣያናን ኩሚዲ ሃይሳዳ ያገዲ ቲንቢቲ ኦዲሱ።

68 «ኢሰራዔሊያ ጎዳይ ጋላቲቶ፤ ዩዲ ባ ኣሳ ዎዚሱ።

69 ባ ኣይሊያ ዳዊቲ ኬላን ኣቶቲላ ካጨያ ዳንላሱ።

70 ሄሲካ ቤኒ ዎዴ ጌሻ ናቤታ ደናን ኦዴቲዳይሳ ማላ፤

71 ኢያ ኣሸይ ኑ ሞርኬታፔኔ ኦራ ኤቁቲያ ኡባ ኩሺያፔ።

72 ሄሳ ኢ ኦላዲይ ኑ ኣዎታሰ ባ ማርታ ቤሳናሱ፤

ባ ጌሻ ጫቁዎ ናጋናሳ።

73 ኑ ኣዎ ኣብራሃሜሰ ጫቁዳ ጫቁዎ ቆፓናሱ፤

74 ኑ ሞርኬታ ኩሹፔ ኬሲዲ ያሸ ባይና ኢያ ሃጋዛና ማላሳ።

75 ኑ ላይላ ኡባን ጌሻቲላኔ ዩሎቲላን ባ ሲንገላን ኦና ኤሳናሳ።

76 ቃሲ ላ ናባው፤ ኔኒ ኡባፌ ቦላ ያሳ ናቤ ጌቲታና።

ጎዳ ኦጊያ ሎይላናው ኔ ኢያ ሲንገላን ባና።

77 ኤንታ ናጋራይ ቁሹቲን፤

እንቲ ኣቶቴሊ ዳማናይሳ ኔ ጎዳ ዳሪያስ ኦዳና።
 78 ኑ ያሳ ሎዖ ማርቲላፊ ዳንደይሳን ሞንታ ያልቄይ ኑስ ሳሉዋፔ ኬዱስ።
 79 ሄሲካ ሉማኒኔ፣ ሃይቆ ኩያ ጋርሳን ዳዔይሳታስ ፖሊሳናሳ፣ ኑ ቶሁዋካ ሳሮ ኦጊያኮ ዛራናሳ» ያገሰ።
 80 ናዓይ ዲጩስ፣ ኣያናን ሚኒስ፣ ኢስራዔል ኣሳስ ቆንጫና ጋካናው ባዘ ቢታን ዳዒስ።

2

ዩሱሳ ዩሌቴላ (ማቶ 1:18-25)

1 ሄ ዎዴ ሮማ ቢታን ዳዒያ ኣሳ ኡባይ ታይቤታና ማላኔ ሱንሳይ ዓፊታና ማላ ካዎይ ኣጩገስዖሲ ከቲስ።
 2 ሄሲካ ቁሬናሲ ሶሬ ቢታ ኣይሲያ ዎዴ ኦሴቲዳ ኮይሮ ታይቡዎ።
 3 ሄሳ ገሹ፣ ኢሲ ኢሲ ኣሲ ባ ሱንሳ ዓፊታናው ባ ዩሌቴዳ ቢታ ቢስ።
 4 ዮሴፊካ ዳዊቲ ኬላፊኔ ያራፔ ገዲዳ ገሹ ጋለላ ናዚሬቲ ካታማፔ ዳንዲዲ ዳዊቲ ካታማ ገዲዳ ዩሁዳ ቤቴሌሜ ቢስ።
 5 ቢሹ፣ ዩላናው ዎዴይ ወሪዳ ኢ ኦይቸ ዎሊዳ፣ ማይራሚራ ዎላ ዓፊታናው ቢስ።
 6 እንቲ ያን ዳዒሺን ኢው ዩሎ ዎዴይ ጋከሰ።
 7 ባ ባይራ ናዓ ዩላሱ። ጩርቃራ ዓፃዳ ኢማሊ ኣቂያሶን ቤሲ ቆዩዳ ገሹ ዳራን ማሄ ሙዚያ ጎንጌን ዚንዒሳሱ።

ሄንሳንቸታኔ ከታንቸታ

8 ሄ ጋዲያን ቃማ ደርሳ ወዲያ ናገሹ ካሬን ኣቂያ ሄንሳንቸቲ ዳዖሶና።
 9 ጎዳ ከታንቸይ ሃሳዮና ዩዲ እንታ ማታን ኤቁስ። ጎዳ ቦንቸይ እንታ ዩሹዎን ፖሊስ፤ እንቲካ ዎልቃማ ያሺ ያዩደሶና።
 10 ሺን ከታንቸይ፣ «ያዮፊቴ! ሄኮ፣ ኣሳ ኡባስ ገዲያ ገታ ኡፋይሳ ሚሺራቸዎ ኤካዳ ያስ።
 11 ሄሲካ፣ ዳዊቲ ካታማን ኣሹይሲ ሂንቲው ሃቸ ዩሌቲስ። ኢ ጎዳ ከሪስቶሳ።
 12 ዘቃሌ ናዓይ ጩርቃራ ዓፃቲዲ ጎንጌን ዚንዒዳይሳ ሂንቲ ዳማና፣ ሄሲካ ሂንቲው ማላ ገደ» ያገሰ።
 13 ቆፖና ዳሮ ሳሎ ከታንቸቲ ከታንቸውራ ኢሲፊ ቆንጩዲ፣
 14 «ቦንቸይ ያሳስ ቶቃ ሳሉዋን፣ ሳሮይ ቢታ ቦላ ያሳይ ደሲያ ኣሳስ ገደ» ያገዲ ጋላቲደሶና።
 15 ከታንቸቲ እንታፊ ሻኬቲዲ ሳሉዎ ኬዩዳፔ ጉዬ ሄንሳንቸቲ፣ «ኣኔ ጎዳይ ኑስ ቆንጩሲዳባኔ ሃኒዳባ ቤዓናው ቤቴሌሜ ቦስ» ያገደሶና።
 16 እንቲካ ኤሌሲዲ ቢደሶና። ማይራዎ፣ ዮሴፋኔ ዘቃሌ ናዓ ጎንጌን ዚንዒዳይሳ ቤዒደሶና።

17 ቤዒ ሲሚዲ ናዓባ እንታው ኦዴቶይሳ፣ ቆንጩሲዲ ሄ ቤሳን ዳዒያ ኣሳስ ማርካቲደሶና።
 18 ሄሳ ሲዒዳ ኡባይ ሄንሳንቸቲ ኦዲዳይሳን ማላሌቲደሶና።
 19 ማይራማ ሃኒዳባ ኡባ ባ ዎዛናን ቆፓሹ ዳዒሱ።
 20 ሄንሳንቸቲ እንታው ኦዴቲዳይሳዳ ሃኒን ቤዒደሶና። ሄሳ ገሹ፣ ባንታ ሲዒዳባሲኔ ቤዒዳባ ኡባስ ያሳ ቦንቸሹኔ ጋላቲሹ ሲሚደሶና።

ዩሱሳ ያሳ ኬሊ ኤፊደሶና

21 ሆስፑንሳ ቃማን፣ ቃፃሮ ዎዴይ ጋከን፣ ኢ ቃንሳታናፔ ሲንጼ ከታንቸይ ዎሊዳ ሱንሳን ዩሱሳ ጌቲቲስ።
 22 ሙሴ ዎጋ ማላ እንታ ጌሻቲላ ዎዴይ ፖሌቲዳፔ ጉዬ ዮሴፋራኔ ማይራሚራ ዮጋ ናዓ ባንታ ጎዳስ ኢማናው ዩሩሳላሜ ቢደሶና።
 23 ሄሲካ፣ ጎዳ ዎጋን፣ «ኣዴ ገዲዳ ባይራ ናዒ ኡባይ ጎዳስ ዳማቲዳይሳ ገደ» ጌቲቲዲ ዓፊቲዳይሳ ፖላናሳ።
 24 ቃሲ ጎዳ ዎጋን፣ ናምዑ ኩራቸ ዎይኮ ሆሌ ያርሻናው ኤፊደሶና።
 25 ሄ ዎዴ ጌሹኔ ኣማናራ ሚና ገዲዳ ሲሞና ጌቲቲያ ኣሲ ዩሩሳላሜን ዳዒስ። ኢ ኢስራዔሌታ ኣቶቴላ ናገሹ ዳዒስ። ጌሻ ኣያናይካ ኢያ ቦላ ዳዒስ።
 26 ቃሲ ከሪስቶሳ ቤያና ሃይቆናይሳ ጌሻ ኣያናይ ኢያው ቆንጩሲን ኤሪዲ ዳዒስ።
 27 ኢ ሄ ጋላስ ኣያናይ ካሌሊን ያሳ ኬሊ ቢስ። ናዓ ኣዩራኔ ኣዎራ ዎጋ ፖላናው ዮጋ ናዓ ዩሱሳ ኤከዲ ጌሊዳ ዎዴ
 28 ሲሞኒ ሞኪ ኤከዲ ናዓ ኢዲሚዲ፣
 29 «ጎዳው ኔ ታው ጌሊዳ ቃላ ማላ፣ ሃዒ ኔ ኣይሊያ ሳሮን ሞይዛ።
 30 ታ ኣይፊይ ኣሳ ኡባ ሲንሳን ኔ ገገሲዳ፣
 31 ኔ ኣሹዎ ቤዒስ።
 32 ሄሲካ ካዎቴላታ ኡባስ፣ ያሳ ኦጊያ ቆንጩሲያ ፖዖ፣ ኔ ኣሳ ኢስራዔሌስካ ቦንቸ» ያገዲ ያሳ ጋላቲስ።
 33 ዮሴፋራኔ ማይራሚራ ኢያው ኦዴቲዳባን ማላሌቲደሶና።
 34 ሲሞኒ እንታ ኣንጂስ። ኣዬ ማይራሚኮ፣ «ሄኮ ዳሮ ኣሳ ዎዛና ቆፋይ ቆንጩና ማላ፣ ኢስራዔሌን ዳዒያ ዳርታስ እንታ ኩንዳሳሲኔ ዳንዲዎስ ያሳን ደሬቲስ።
 35 ቃሲ ኤቁቴይሳታስ ማላ ገደና። ኔ ሸምፑዎራካ ቃሲ ማሺ ኣቆና» ያገሰ።
 36 ቃሲ ኣሴሬ ያራፔ ገዲዳ ፋኑዔላ ናዒያ ሃና ጌቲቲያ ናቤይ ዳዓወሱ። ኢያ ዳሮ ጩማሱ፤ ኢያ ባ ኮይሮ ኣዚራ ላፑን ላይሊ ዳዒሱ።
 37 ኢ ኣዚናይ ሃይቁን ሆስፑን ታማኔ ኣይዲ ላይሊ ገደና ጋካናው ቃማኔ ጋለስ ፓጩይ ባይና ዎሳኒ ፆማን ያሳ ኬላን ሃጋዛሱ።
 38 ኢያ ሄ ሳቲያን ባዳ ያሳ ጋላታሱ፤ ዩሩሳላሜ ዎዜቴላ ናገያ ኡባስ ዮጋ ናዓባ ማርካታሱ።

1:79 ኢሳ 9:2 2:21 ለዌ 12:3፤ ሉቃ 1:3 2:22 ለዌ 12:6-8 2:23 ኬሳ 13:2፤ 12 2:32 ኢሳ 42:6፤ 49:6፤ 52:10 2:39 ማቶ 2:23

39 የሱፋራኔ ማይራሚራ ጎዳ ሂንያን ከቴቲዳ ዋጋ ኡባ ፖሊዳፔ ጉዬ ጋሊላ ቢታን ዳዒያ ባንታ ካታማ ናዚሬቴ ሲሚዶሶና።

40 ናዒይ ዲጩሽኔ ሚኒሽ ቢሰ። ጨንጫቴላን ኩሚስ፤ ያሳ ኣጵ ኬሃቴላይ ኢያ ቦላ ዳዒሰ።

ዩሱሲ ያሳ ኬላ ቢሰ

41 የሱፋራኔ ማይራሚራ ፋሲካ ባሌ ቦንቻናው ላይላን ላይላን ዩሩሳሌም ቦሶና።

42 ዩሱሳስ ታማኔ ናምዑ ላይላ ጊዲያ ዋዴ ካሴ ሜዘቲዳይሳዳ ባሊያ ቦንቻናው ቢዶሶና።

43 ባሊያ ቦንቻናፔ ጉዬ ሶ ሲሚያ ዋዴ ናዒይ ዩሱሲ ዩሩሳሌምን ኣቲሰ። ሺን የሱፋራኔ ማይራሚራ ኢ ዩሩሳሌምን ኣቶይሳ ኤሪቦኮና።

44 ኢ ሶ ሲሚያ ኣሳራ ዋላ ዳዒያ ዳኒን ኤንቲ ኢሲ ጋላሳ ኦቴ ቢዶሶና። ኢ ባይናይሳ ኤሪዳፔ ጉዬ ባንታ ዳቦታኔ ላጌታ ማታን ኮዪዶሶና።

45 ኢ ያን ጳዪን ኮዪሽ ጉዬ ዩሩሳሌም ጋካናው ቢዶሶና።

46 ሄቩ ጋላሳፔ ጉዬ ያሳ ኬላን ኣስታማሬታ ጊዶን ኡቲዲ ኤንታባ ሲዲሽኔ ኤንታ ኦይቺሽ ዳዒሽን ዳሚዶሶና።

47 ኢያ ሲዲያ ኡባይ ኢያ ኣኬካኒኔ ዛሩዋን ማላሌቲዶሶና።

48 ሶ ኣሳይ ኢያ ዳሚዳ ዋዴ ማላሌቲዶሶና። ኢያ ኣያካ፣ «ታ ናዒው፣ ኣይሰ ኦና ሃይሳዳ ኦላዲ? ኔ ኣዋራኔ ታራ ኔና ኮዪሽ ኡንዔቲዳ» ያጋሱ።

49 ዩሱሲ ኤንታኮ፣ «ታና ኣይሰ ኮዬቲ? ታ፣ ታ ኣዋ ኬላን ዳናው ቤሴይሳ ኤሪኬቲ» ያጊሰ።

50 ሺን ኢ ኤንታኮ ጊዳባ ኤንቲ ኣኬኪቦኮና።

51 ሄሳፊ ጉዬ፣ ኤንታራ ኢሲፊ ናዚሬቴ ካታማ ቢሰ። ኤንታው ከቴቲሽ ዳዒሰ። ኢያ ኣያ ሄ ኡባ ባ ዋዛናን ዋላዳ ናጋሱ።

52 ዩሱሲ፣ ጨንጫቴላን፣ ጌሳኒኔ ቴማን ያሳ ሲንሳኒኔ ኣሳ ሲንሳን ዲጩሰ።

3

ፃማቂያ የሃኒሳ ቲሚርቲያ (ማቶ 3:1-12፤ ማር 1:1-8፤ ዮሃ 1:19-28)

1 ካዎይ ዒባርዮሲ ሮሜ ቢታን ካዎቲን፣ ታማኔ ኢቻሻንላ ላይላን፣ ጳንፃ ጲላዮሲ ዪሁዳ ሃሪያ ዋዴ ሄሮዲሲ ጋሊላ ሃሪያ ዋዴ ኢያ ኢሻ ፊልጶስ ኢፀሪያሳኔ ዒራኮንዶሳ ሃሪያ ዋዴ ሊሳኒዮሲ ኣብላኒሳ ሃሪያ ዋዴ

2 ሃናራኔ ቃያፋራ ካሂኔ ሃላቃ ጊዲ ዳዒሽን፣ ያሳ ቃላይ ዛካሪያሳ ናዒ የሃኒሳኮ ባዘ ቢታ ዪሰ።

3 የሃኒሲ፣ «ሂንቴ ናጋራፔ ሲሚቴኔ ፃማቂቲቴ። ያሳይ ሂንቴ ናጋራ ኣቶ ጋና» ያጊዲ ታማርሲሽ ዮርዳኖሴ ሻፋ ሄራን ዳዒያ ቢታ ኡባ ቢሰ።

4 ሄሲካ ናቤይ ኢሳያሲ ባ ማፃፋን፣ «ባዘ ጊዶን ባ ቃላ ጶቄ ኦሊዲ፣ ዋሲያ ኡራ ቃላይ፣

ሳዳ ኦጊያ ጊጊሲቴ፣ ሆርጋካ ፒዲ ኦሊቴ።

5 ኣፎ ኡባይ ኩማና፣ ዙማይኔ ዳሬይ ዘቂ ጋና።

ዎቤ ኦጊይ ሉላና፣ ጊሳና ሆርጋይ ቁንፃ ጋና።

6 ኣሾ ማዒዳ ኡባይ፣ ያሳ ኣሹዋ ቤዓና) »

ጊዲ ዓፊዳይሳዳ ሃኒሰ።

7 የሃኒሲ፣ ባ ኩሽን ፃማቂታናው ዪዳ ኣሳኮ፣ «ሂንቴና፣ ሸሻ ናይቶ ያናው ዳዒያ ሃንቁዋፊ ኣታና ሚላ ሂንቴና ዘሪዳይ ኦኔ?

8 ሂዛ፣ ሂንቴ ሲሙዋ ቆንጨሲያ ሎዎ ኦሶ ኦሊቴ፣ ሂንቴ ዋዛናን፣ ሱሰ፣ ኦ ኣዋይ ኣብራሃሚይ ዳዒሰ ጊዲ ጨቆቶፊቴ።) ሃ ሲዒቴ፣ ሃ ሹቻታፔ ያሳይ ኣብራሃሚሰ ናዒ ኬሳናው ዳንዳዒሰ።

9 ሂኮ፣ ቤፃይ ሚላ ዓጶን ዳዒሰ። ሂዛ፣ ሎዎ ኣይፊ ኣይፎና ሚላ ኡባይ ቃንፃቲዲ ታማን ዩጌታና» ያጊሰ።

10 ኣሳይ፣ «ያቲን ኦኒ ኣይ ኦሊና?» ያጊዲ ኦይቺዶሶና።

11 የሃኒሲ ዛሪዲ፣ «ናምዑ ኣፊሊ ዳዒያ ኣሲ ባይናይሳስ ኢሞ። ካሌ ዳዒይሲ ባይናይሳስ ኢሞ» ያጊሰ።

12 ቃራፃ ቃንፃሴይሳቲ ፃማቂታናው ዪዲ፣ «ኣስታማሪያው፣ ኦኒ ኣይ ኦሊና?» ያጊዶሶና።

13 ኢ ዛሪዲ፣ «ሂንቴ ቃንፃሳናው ከቴቶይሳፊ ኣሊዲ ኤኮፊቴ» ያጊሰ።

14 ቃሲ ዋታዳሬቲ ዪዲ፣ «ኦኒ ኣይ ኦሊና» ያጊዲ ኦይቺዶሶና።

የሃኒሲ፣ «ኦይባካ ዋልቃን ዳፊዲ ኤኮፊቴ፣ ኦናካ ዋርዶን ሞቶፒቴ፣ ሂንቴ ዳሞዜይ ሂንቴው ጊዶ፤ ኡፋይቲዲ ዳዒቴ» ያጊሰ።

15 ኣሳይ ከሪሰቶሳ ናጊሽ ዳዒያ ጊሾ የሃኒሳ፣ «ኢ ከሪሰቶሳ ጊዳንዳሻ?» ጊዲ ቆፒዶሶና።

16 የሃኒሲ ኡባሰ ዛሪዲ፣ «ታኒ ሂንቴና ሃላን ፃማቃይሰ፣ ሺን ታፔ ኣጲዲ ዋልቃሚይሲ ያና። ታኒ ኢያ ጫማ ዋዶሩዋ ቢላናው ቤሶና ኣሲ። ኢ ሂንቴና ጌሻ ኣያናኒኔ ታማን ፃማቃና።

17 ዉዲማን ዳዒያ ካላ ፖሎ ጌሻናው ፒሌይ ኢያ ኩሽን ዳዒሰ። ጌሻ ካላ ባ ሻሊያን ቆላና፤ ካሊያ ጳዮና ታማን ፀጋና» ያጊሰ።

18 ቃሲ የሃኒሲ ኣሳ ዳር ዘሪ ዘሪዲ ዋንጌላ * ኦዲሰ።

19 ሺን የሃኒሲ ሄሮዲሲ ባ ኢሻ ማቺው፣ ሄሮዲያዳ፣ ኤኪዳ ጊሾኔ ሃራ ኢታ ኦሶታ ጊሾ ካጨዳ ዋዴ

20 ሄሮዲሲ ካሴይሳ ቦላ ሃራባ ኡባ ጉጂዲ የሃኒሳ ዋይኔ ጌልሲ።

ዩሱሳ ፃማቂቴላ
(ማቶ 1:1-17፤ 3:13-17፤ ማር 1:9-11)

2:41 ኬሳ 12:1-27፤ ዛሪ 16:1-8 2:52 1ሳው 2:26፤ ለሚ 3:4 3:4 ኢሳ 40:3-5 3:7 ማቶ 12:34፤ 23:33
3:8 ዮሃ 8:33 3:9 ማቶ 7:19 3:12 ሉቃ 7:29 * 3:18 ዋንጌላ፣ ጊሪኬ ዶናን ዋንጌላ ጊያ ቃላይ ዳር ኡፋይሲያ ኦዳ ዋይኮ ሚሽራቾ ጉሱ። ሄ ሚሽራቾይካ ከሪሰቶሲ ኣሳ ዜሬላ ኡባ ሜሪና ፒርዳፊ ኣሻናው ከቴቲዲ ዪዳ ጊታ ኡፋይሳ (ሉቃ 1:19፤ 2:10)። 3:19 ማቶ 14:3-4፤ ማር 6:17-18

21 የሃሲሲ ቃሼታናፔ ሲንፊ አሳ ኡባ ፃማቂዲ ሲሚን፣ ዩሱሲካ ቃሲ ፃማቂቲስ። ኢ ዋሲሺን ሳሎይ ደዩቲስ።

22 ጌሻ አያናይ ሆሌዳ በጌቲሼ ኢያ ቦላ ኡቲስ። ሳሎፔ «ታኒ ደሲያ ናባይ ኔና፤ ኔ ታና ኡፋይሳ ስያገያ» ቃላይ ዩስ።

23 ዩሱሲ ታማርሶ ኦይኪያ ዋዴ ኢያው ሃሰታው ላይሉ ገዲሺን፣ አሳይ ኢያ ዮሴፋ ናባ ገዲ ቆፒስ።

የሴፊ ኤሌ ናባ፣

24 ኤሌይ ማቲ ናባ፣

ማቲይ ለዌ ናባ፣ ለዌይ ማልካ ናባ፣

ማልኬይ ዮና ናባ፣ ዮኒ ዮሴፋ ናባ፣

25 ዮሴፊ ማታቲ ናባ፣ ማታቲይ አዋዌ ናባ፣

አዋዌይ ናሆሜ ናባ፣ ናሆሜይ አሲሊሜ ናባ፣

አሲሊሜይ ናጌ ናባ፣

26 ናጌይ ማታቲ ናባ፣

ማታቲይ ማታቲዬ ናባ፣ ማታቲዬይ ሳማዬ ናባ፣

27 ሳማዬይ ዩሁዳ ናባ፣ ዩሁዲ ዮናኔ ናባ፣

ዮናኔይ ራሴ ናባ፣

ራሴይ ዜሩባቤላ ናባ፣ ዜሩባቤላይ ሳላቲያሌ ናባ፣

ሳላቲያሌይ ኔሬ ናባ፣

28 ኔሬይ ማልካ ናባ፣

ማልኬይ ሃዴ ናባ፣ ሃዴይ ቆሳሜ ናባ፣

ቆሳሜይ ኤልሞዳኔ ናባ፣ ኤልሞዳኔይ ኤሬ ናባ፣

29 ኤሬይ ዮሴፍ ናባ፣ ዮሴፍይ አላዛራ ናባ፣

አላዛራ ዮራሜ ናባ፣ ዮራሜይ ማቲ ናባ፣

ማቲይ ለዌ ናባ፣

30 ለዌይ ሲሞና ናባ፣

ሲሞኒ ዩሁዳ ናባ፣ ዩሁዲ ዮሴፋ ናባ፣

ዮሴፊ ዮናኔ ናባ፣ ዮናኔይ ኤሊያቆሜ ናባ፣

31 ኤሊያቆሜይ ማሊዬ ናባ፣ ማሊዬይ ማይናኔ ናባ፣

ማይናኔይ ማቲ ናባ፣ ማቲይ ናታኔ ናባ፣

ናታኔይ ዳዊቲ ናባ፣

32 ዳዊቲይ ኢሴዬ ናባ፣

ኢሴዬይ አዮቤዴ ናባ፣ አዮቤዴይ ቦዔዛ ናባ፣

ቦዔዛ ሳልሞና ናባ፣ ሳልሞኔይ ናባሶና ናባ፣

33 ናባሶኔይ አሚናዳቤ ናባ፣ አሚናዳቤይ ራሜ ናባ፣ ራሜይ አርኔ ናባ፣

አርኔይ አሰሮሜ ናባ፣

34 አሰሮሜይ ፋሬሴ ናባ፣

ፋሬሴይ ዩሁዳ ናባ፣

ዩሁዲ ያይቆባ ናባ፣

ያይቆቢ ዩሳቃ ናባ፣ ዩሳቂ አብራሃሜ ናባ፣

አብራሃሜይ ታራ ናባ፣

35 ታራ ናኮሬ ናባ፣

ናኮሬይ ሳሩጌ ናባ፣ ሳሩጌይ ሬሁ ናባ፣

ሬሁይ ፋሌቄ ናባ፣ ፋሌቄይ ኤቤራ ናባ፣

ኤቤሮይ ሴላ ናባ፣

36 ሴሊ ቃይናሜ ናባ፣

ቃይናሜይ አርፋኪሳዳ ናባ፣ አርፋኪሳዴይ ሴሜ ናባ፣

ሴሜይ ኖሃ ናባ፣ ኖሃይ ላሜሃ ናባ፣

37 ላሜሃይ ማቲሳላ ናባ፣ ማቲሳሊ ሄኖኬ ናባ፣

ሄኖኬይ ያሬዴ ናባ፣ ያሬዴይ ማላልዔላ ናባ፣

ማላልዔላ ቃይናኔ ናባ፣

38 ቃይናኔይ ሄኖሳ ናባ፣

ሄኖሴይ ሴታ ናባ፣ ሴቴይ አዳሜ ናባ፣ አዳሜይ ያሳ ናባ።

4

ዩሱሲ ፓጩቲስ

(ማቶ 4:1-11፤ ማር 1:12-13)

1 ዩሱሲ ጌሻ አያናን ኩሚዲ ዮርዳኖሴ ሻፋፔ ሲሚዳ ሜላ አያናይ ኢያ ባዘ ኤፊስ።

2 ያን ኦይታው ጋላሲኔ ቃማ ፃላሃን ፓጩቲስ። ሄ ጋላሳታን አይኮካ ሞና ጋሞዲ ጊሾ ወርሴላን ኮሻቲስ።

3 ፃላሃይ ኢያኮ፣ «ኔኒ ያሳ ናባ ገዲኮ እኔ ሃይሲ ሹቻይ ኡይሉ ገደ ጋዳ ኪታ» ያገሰ።

4 ዩሱሲ ዛሪዲ፣ «አሲ ኡይላ ፃላላን ዳና ጌቲቲዲ ፃፊቲስ» ያገሰ።

5 ሄሳፌ ጉዬ፣ ፃላሃይ ዩሱሳ አዲሳ ዴሬ ቦላ ከሲዲ ሃ አላሚያ ካዋቲላታ አይፌ ቂጺ ዛሪናው ቤሲስ።

6 ፃላሃይ፣ «ሃ ኡባስ ማታይኔ ቦንቻይ ታው አሜቲስ። ታኒ ደሲዳ ኦዴሰካ አሚያ ጊሾ ኔው አሚና።

7 ሄሳ ጊሾ፣ ኔኒ ታው ጎይኒኮ ኡባይ ኔው ጊዳና» ያገሰ።

8 ዩሱሲ ዛሪዲ፣ «ኔ ጎዳ፣ ኔ ያሳ፣ ኢያ ፃላላ ጎይና ጌቲቲዲ ፃፊቲስ» ያገሰ።

9 ወርሴላን ፃላሃይ ዩሱሳ ዩሩሳላሜ ኤፊዲ ያሳ ኬላስ ሁዲያ ቦላ ኤሲዲ፣ «ኔኒ ያሳ ናባ ገዲኮ እኔ ዲጌ ሳባን ኔና ዬጋ።

10 አይስ ጊኮ፣

«ኔና ናጊያ ኪታንቻታ

ያሳይ ኔ ጊሾ ኪታና።

11 ኤንቲ ኔ ቶሆይ ሹቻን ጹቤቶና ሜላ፣ ባንታ ኩሺያን ጹቁ ኦሊዲ ኔና ዳንላና) ጌቲቲዲ ፃፊቲስ» ያገሰ።

12 ዩሱሲ ዛሪዲ፣ «ኔ ጎዳ ያሳ ፓጩፋ ጌቲቲዲ ፃፊቲስ» ያገሰ።

13 ፃላሃይ ዩሱሳ ፓጩያ ወርሲዳፔ ጉዬ ሃራ ኪንጃ ዋዴ ዳማና ጋካናው ኢያፔ ሻኬቲስ።

ዩሱሲ ጋሊላን ታማርሶ ኦይኪስ

(ማቶ 4:12-17፤ ማር 1:14-15)

14 ዩሱሲ አያና ዋልቃን ኩሚዲ ጋሊላ ሲሚስ። ኢያ ሱንላይ ሄራን ዳዒያ ቢታ ኡባን ከዩስ።

15 ኢ አይሁዴ ዋሳ ከሉ ጌሊዲ ታማርሲስ፤ አሳ ኡባይ ኢያ ጋላቲደሶና።

16 ያፔ ኢ ዲጩዳ ካታማ ናዚሬቲ ዩስ። ካሴ ሜዜቲዳይሳዳ ሳምባታ ጋላስ አይሁዴ ዋሳ ከሉ ጌሊስ። ናባባናወካ ዴንዲ ኤቂስ።

17 ናቢያ አሳያሳ ማፃፋይ ኢያው አሜቲን፣ ደዩዲ፣ ሃይሳዳ ያገዲ ፃፊቲዳይሳ ዳሚስ።

18 «ጎዳ አያናይ ታ ቦላ ዳዔስ፣

ማንቆታስ ዋንጌላ ኦዳና ሜላ

ያሳይ ታና ደሪስ።

ቃሼቲዳይሳታስ ቢሊቲሉ፣

ቆቂዳይሳታ ዩሊሳናሲኔ

እንዲሁም ለሁሉም ማለት፡
19 ያሳይ ከሃናው ቆጥሩ ላይ ላይ ላይ ማለት ታናሽ ከተሰኘ

ያገለግላል፡፡
20 ሃሳፊ ጉዩ፡ ማፃፋ ፃፃዲ ሃገዜይሳስ እሚዲ ታማርሳናው ኡተሰ፡፡ አይሁዳ ዋሳ ከላን ዳዲያ አሳቲ ኡባይ ጫዲ ያሎሶና፡፡

21 ኢ፡ «ሃይሲ ሂንቴ ሃይላን ሂንቴ ሲዲያ ሃ ማፃፋ ቃላይ ሃቺ ፖሎተሰ» ያገለግላል፡፡

22 ኡባይ ኢያባ ዳርሲዲ ኦዴቶሶና፡፡ ቃሲ ኢያ ደናፔ ከያ አቋ ከሃቴላን ኩሚዳ ቃላን ማላላቲሽ፡ «ሃይሲ ዮሴፋ ናባ ገዴኔዬ?» ያገለግላል፡፡

23 ኢ፡ « ሳኖ ቆላ አዋው ኔና አሻ፡ ቁፊርናሆሜን ኔ ኦሊዳባ ኦ ሲያይሳ ቃሲ ሃይሳን ኔ ካታማን ኦላ» ያገለግላል ለሚሱዋን ሂንቴ ታና ጋናይሳስ ሲዴይ ባዋ» ያገለግላል፡፡

24 ቃሲ፡ «ቱማ ኦዳይሰ፤ ናቤይ ባ ዩሎቲዳ ቢታን ቦንቼቲና፡፡

25 «ታ ሂንቴው ቱማ ኦዳይሰ፤ ሳሎይ ሂቩ ላይላኔ ባጋ ሳርዴቲን ሚኖ ኮቪ ቢታ ኡባን ዳዲያ ኤሊያሳ ዋዴ ዳር አምዴቲ ኢሰራዴሌን ዳይሶና፡፡

26 ኤሊያሲ ኤንታፊ ኢሲኔኮካ ከቲቲቤና፡፡ ሺን ሳራፕታን ዳዲያ አምዴኮ ከቲቲሰ፡፡

27 ናቢያ ኤልሳዔ ዋዴ ኢሰራዴሌን ዳር ባር ሃርጋንቸቲ ዳይሶና፡፡ ሺን ሶሬ ኡራ ኒዲማኔፔ ኦቲን ኦኒካ ፓዲቤና» ያገለግላል፡፡

28 አይሁዳ ዋሳ ከላን ዳዲያ አሳ ኡባይ ሄሳ ሲዲዳ ዋዴ ዳር ዩሎቲዳሶና፡፡

29 ባንታ ኡቲዳ ቤሳፊ ዳንዲዲ ዙማ ቦላ ከጸቲዳ ካታማፔ ጋፃ ከሲዲ ሱጊ ዩዳናው አፎ ደና ኤፊደሶና፡፡

30 ሺን ኢ ኤንታ ገደራ ካንሉዲ አቋሰ፡፡

ዩሱሲ ቱና አያና ከሲሰ
(ማር 1:21-28)

31 ያፔ ጋሊላ ቢታን ዳዲያ ቁፊርናሆሜ ካታማ ቢሰ፡፡ ያን ሳምባታ ጋላስ አሳ ታማርሲሰ፡፡

32 ኢ ታማርሴይ ማታራ ገዲያ ገሾ ኡባይ ኢያ ቲሚርቲያን ማላላቲዳሶና፡፡

33 አይሁዳ ዋሳ ከላን ቱና አያናይ ኦይኪዳ ኡራይ ዳዔሰ፡፡

34 ኢ፡ «ናዚሬቲ ዩሱሳ ኦና አይሰ ዋይሳይ ኡፔ ሃካ፤ ኔኒ ዩዳይ ኦና ቆይሳናሴዬ? ኔኒ ኦኔኮ ታኒ ኤራይሰ፡፡ ኔኒ ያሳፊ ዩዳ ገሻ» ያገለግላል፡፡

35 ዩሱሲ ቱና አያናኮ፡ «ሲዲ ጋዳ ሃ ኡራፔ ከያ» ያገለግላል ሃንቁሰ፡፡ ቱና አያናይ ኡራ አሳ ኡባ ሲንሳን ሆሊ ዩጊዲ አይኮካ ቆሆና ዩዲዲ ከዩሰ፡፡

36 አሳ ኡባይ ማላላቲዳሶና፡፡ ዋሊኮ፡ «ሃኖሰ፡ ሃይሲ አይቢ ቲሚርቲ? ቱና አያናታ ማታኒኔ ዋልቃን ከቲሰ፤ ኤንቲካ ከዮሶና» ያገለግላል፡፡

37 ኢያ ሱንሳይ ሄራ ኡባን ከዩሰ፡፡

ዩሱሲ ዳር ሃርጋንቸታ ፓሊስ
(ማቶ 8:14-17፤ ማር 1:29-34)

38 ሃሳፊ ጉዩ፡ ዩሱሲ አይሁዳ ዋሳ ከላፊ ከዩዲ ሲሞና ሶ ጌሊሰ፡፡ ሲሞና ማቼ አያ ሚኖ ቆያ ሚሻ ሃርጌን ሳከታሱ፡፡ ኢዮ ፓላና ማላ ዩሱሳ ዋሲደሶና፡፡

39 ኢ ሃፃኮ ሺቁ ሆኪዲ ኢ ሃርጌያ ሃንቁሰ፡፡ ሚሻይ አገን ኤሌሳ ዳንዳዳ ኤንታ ሞካሱ፡፡

40 አዋይ ዉላና ሃኒሺን ዳማ ዳማ ሃርጌያን ኦይከቲዳ አሳ ኢያኮ ኤሂደሶና፡፡ ኢ ኢሱዋ ኢሱዋ ቦላ ባ ኩሺያ ዋሊዲ ፓሊስ፡፡

41 ቱና አያናቲ ቃሲ፡ «ኔኒ፡ ያሳ ናባ» ገዲ ዋሲሽ ዳር አሳፔ ከዩደሶና፡፡ ሺን ኢ ኤንታና ሃንቁሰ፡፡ ኢ ከሪሰቶሳ ገዴይሳ ኤንቲ ኤሪያ ገሾ ኢሲባካ ኦዴቶና ማላ ዳገሰ፡፡

42 ቡር ዋንቲያ ዋዴ ዩሱሲ ኢሲ ጌማ ቤሲ ቢሰ፡፡ አሳይ ኮዩሽ ኢ ዳዲያ ቤሳ ዩደሶና፡፡ ኤንታፊ ኢ ሻከቲዲ ቦና ማላ ቡቲቲደሶና፡፡

43 ሺን ኢ፡ «ታኒ ሃራ ካታማታ ባዳ ያሳ ካዋቲላ ዋንጌላ ማርካታናው ቤሰሰ፡፡ ታ ከቲቲዳይ ሄሳሳ» ያገለግላል፡፡

44 ዩሱዳ ቢታን ዳዲያ አይሁዳ ዋሳ ከላን ሳባኪሰ፡፡

5

ዩሱሲ ደሪዳ ኮይር ታማራታ
(ማቶ 4:18-22፤ ማር 1:16-20)

1 ኢሲ ጋላስ ዩሱሲ ጌንሳሬጌ አባ ማታን ኤቁዳሺን ዳር አሳይ ኢያ ዩሹዋ ኡንዔሊዲ፡፡ ኢ ታማርሲያ ያሳ ቃላ ሲያሶና፡፡

2 ያን ሃላ ጋፃን ዳዲያ ናምቡ ዋሳሎታ ቤዲሰ፡፡ ሞሎ ኦይኪያ አሳቲ ዋሳሎታፔ ዋዲዲ ባንታ ገቲያ ሚጮሶና፡፡

3 ሄ ዋሳሎታፔ ሲሞናይሳን ጌሊዲ ቢታፊ ጉሊ ገደ ሺሻና ማላ ኦይቼሰ፡፡ ያቲዲ፡ ሄ ዋሳሎዋ ቦላ ኡቲዲ አሳ ታማርሲሰ፡፡

4 ባ ታማርሱዋ ኦንጊዳፔ ጉዩ ሲሞናኮ፡ «ጌዴ ጨሙዋኮ ሺሻዳ ሞሎዋ ኦይካናው ሂንቴ ገቲያ ዩጌቲ» ያገለግላል፡፡

5 ሲሞኒ ዛሪዲ፡ «አስታማሪያው፡ ቃማ ኩሚላ ዳቡሪሽ አቁዲ አይኮካ ኦይኪሶኮ፡ ሺን ኔ ገኮ ገቲያ ዩጋና» ያገለግላል፡፡

6 ኤንቲ ገቲያ ዩጊዳ ዋዴ ገቲይ ዳከታና ጋካናው ዳር ሞሎ ኦይኪደሶና፡፡

7 ሃራ ዋሳሎዋን ዳዲያ ባንታ ላጌቲ ዩዲ፡ ባንታና ማዳና ማላ ዉቲዲ ያገለግላል፡፡ ኤንቲ ዩዲ ናምቡ ዋሳሎታ፡ ሃላን ሚቲታና ጋካናው ሞሎን ኩንሉደሶና፡፡

8 ሲሞን ጳዲሮሲ ሃሳ ቤዲዳ ዋዴ ዩሱሳ ሲንሳን ኩንዲዲ፡ «ሳዳው፡ ታኒ ናጋራንቸ አሲ ገዲያ ገሾ ታፔ ሻከታ» ያገለግላል፡፡

9 ሃሳ ኢ ገዳይ ኢኔ ኢያራ ዳዔይሳቲ ኦይኪዳ ሞሎዋ ዳርቲላን ማላላቲዳ ገሾሳ፡፡

10 ቃሲ ሲሞና ላጌ ገዲዳ ዛብዲዮሳ ናይቲ ያይቆባራኔ ዮሃኒሳራ ማላላቲዳሶና፡፡ ዩሱሲ ሲሞናኮ፡ «ባቦፋ! ሂዛፔ ኔኒ አሴ ኦይኪያ አሲ ገዳና» ያገለግላል፡፡

4:24 ዮሃ 4:44 4:25 1ካዎ 17:1 4:26 1ካዎ 17:8-16 4:27 2ካዎ 5:1-14 4:32 ማቶ 7:28-29፤ ማገ 91:11-12 5:1 ማቶ 13:1-2፤ ማር 3:9-10፤ 4:1 5:5 ዮሃ 21:3 5:6 ዮሃ 21:6

11 ኤንቲ ዋሳሎታ ጋፃ ሺሺዳፔ ጉዬ ኡባ ኣጊዲ ዩሱሳ ካሊደሶና።

ዩሱሲ ባር ሃርጋንቹዋ ፓሊስ
(ማቶ 8:1-4፤ ማር 1:40-45)

12 ዩሱሲ ካታማታፔ ኢሱዋን ዳዒሺን ኢሲ ባር ሃርጊን * ኣይኩቲዳ ኣሲ ሄ ካታማን ዳዒስ። ሄ ኡራይ ዩሱሳ ቤዒዲ ኢያ ሲንፋን ጉፋኒዲ፣ «ጎዳው፣ ኔ ሸኔ ጊዲኮ ታና ጌሻናው ዳንዳዓሳ» ጊዲ ዋሲስ።

13 ዩሱሲ ባ ኩሺያ ዩዲ ቦቹዲ፣ «ኤ፣ ታ ሸኔ፤ ጌያ» ያጊስ። ኢራ ባር ሃርጊይ ኡራፔ ኪቹስ።

14 ዩሱሲ፣ «ሃይሳ ኦዴስካ ኦድፓ፣ ሺን ባዳ ኔናቴላ ኣይሁዳ ካሂኒያ ቤሳ። ኔ ጌዩደይሳስ ማርካ ጊዳና ማላ ሙሴይ ኪቲዳ ያርሹዋ ያርሻ» ጊዲ ኪቲስ።

15 ጊደሺን፣ ኢያ ሱንፋይ ካሴፔ ኣቋዲ ዳልጊሸ ቤስ። ዳር ኣሳይ ኢ ኦዲያባ ሲዓናውኔ ባንታ ሃርጊያፌ ፓፃናው ዮሶና።

16 ሺን ዩሱሲ ዳር ዋዴ ጌማ ቤሲ ቢዲ ዋሴስ።

ዩሱሲ ጉንዳ ፓሊስ
(ማቶ 9:1-8፤ ማር 2:1-12)

17 ኢሲ ጋላስ ዩሱሲ ታማርሲሺን ጋሊላፔኔ ዩሁዳ ሄራ ኡባፌ ቃሲ ዩሩሳላማፔካ ዩዳ ፋሪሳዊቲኔ ሂጌ ኣስታማሬቲ ያን ኡቲደሶና። ኣሳ ፓሊያ ጎዳ ዋልቃይካ ኢያራ ዳዒስ።

18 ሄ ዋዴ ኣሳይ ኢሲ ጉንዳ ኣሲ ሃላራ ቶኪዲ ኤሂደሶና። ሶ ጌልሲዲ ኢያ ሲንፋን ዋላናው ቆጊደሶና።

19 ሺን ኣሳ ዳርቴላፌ ዳንደይሳን ሶ ጌልሳናው ያኔቲዲ ኬላ ቦላ ኬዩዲ፣ ካራ ቃወዲዲ፣ ሃርጋንቹዋ ሃላራ ኣሳ ሻኪዲ ዩሱሳ ሲንፋን ዩጊደሶና።

20 ዩሱሲ ኤንታ ኣማኑዋ ቤዒዲ፣ «ላ ኣዲያው፣ ኔ ናጋራይ ቁሼቲስ» ያጊስ።

21 ሂጌ ኣስታማሬቲኔ ፋሪሳዊቲ፣ «ሃይሲ ያሳ ቦላ ያጊዲ ኦዴቴይ ኦኔ? ኢሲ ያሳፌ ኣቲን ሃሪ ናጋራ ቁቻናው ዳንዳዒይ ኦኔ?» ያጊዲ ቆጊደሶና።

22 ዩሱሲ ኤንታ ቆፋ ኤሪዳ ጊሾ ኤንታኮ፣ «ሂንቲ ዋዛናን ሄሳሶ ኣይስ ቆፔቲ?»

23 ሳ ናጋራይ ቁሼቲስ ጌይሳፌኔ ዳንዳዳ ባ ጌይሳፌ ኣወሲ ካወዩ?»

24 ሺን ታ ሃሳ ጊዳይ ኣሳ ናዓይ ሳዓ ቦላ ናጋራ ቁቻናው ማቲ ዳዒይሳ ሂንቲ ኤራና ማላሳ።» ሃሳፌ ካሊዲ፣ ጉንዳ ኡራኮ፣ «ዳንዳ፤ ኔ ኣልጋ ቶካዳ ኔ ሶ ባ» ያጊስ።

25 ኢ ኤሌሲ ዳንዲዲ ኤንታ ሲንፋን ኤቁስ፤ ኢ ቶኩቲዲ ዩዳ ኣልጋ ቶኪዲ ያሳ ጋላቲሼ ባ ሶ ቤስ።

26 ሄ ዋዴ ኡባይካ ማላሌቲደሶና። ያሳ ጋላቲሼ፣ «ሃቹ ጊታ ማላታ ቤዒዳ» ያጊዲ ያሸቲደሶና።

ዩሱሲ ለዌ ዪጊስ
(ማቶ 9:9-13፤ ማር 2:13-17)

27 ሃሳፌ ጉዬ፣ ዩሱሲ ያፔ ኬዩዲ ቢስ። ለዌ ጌቲቲያ ኢሲ ቃራፃ ቃንዲሴይሲ ቃራፃ ቃንዲሴያ ቤሳን ኡቲደይሳ ቤዒዲ፣ «ታና ካላ» ያጊስ።

28 ኢ ኡባባ ኣጊ ዳንዲዲ ኢያ ካሊስ።

29 ሄ ለዌይ ባ ሶን ጊታ ጊቢራ ጊጊሲስ። ዳር ቃራፃ ቃንዲሴይሳቲኔ ሃራ ኣሳቲ ካላ ማናው ኡቲደሶና።

30 ፋሪሳዊቲኔ ሂጌ ኣስታማሬቲ፣ «ቃራፃ ቃንዲይሳታራኔ ናጋራንቻታራ ኣይስ ማቲኔ ኡዩቲ?» ያጊዲ ዩሱሳ ታማሬታ ቦላ ዙዙማደሶና።

31 ዩሱሲ ኤንታኮ፣ «ሃርጋንቻታሳፌ ኣቲን ፓፃታስ ኣኪማ ኮሼና።

32 ታኒ ናጋራንቻታ ማርታኮ ዛራናሳፌ ኣቲን ጌሻታ ዪጋናው ያቢኬ» ያጊዲ ዛሪስ።

33 ኤንቲ ዩሱሳኮ፣ «ዮሃኒሳ ታማሬቲ ዳር ዋዴ ያሞሶና፣ ዋሶሶና፤ ቃሲ ፋሪሳዊታ ታማሬቲካ ሃሳሶ ኦሎሶና። ሺን ኔይሳቲ ኡባ ዋዴ ዋሶናኔ ኡዮሶና» ያጊደሶና።

34 ዩሱሲ ኤንታኮ፣ «ሙሹራይ ኤንታራ ዳዒሺን ዪጌቲዳ ኣሳይ ያማና ማላ ኦላናው ዳንዳዒቲ?»

35 ሺን ሙሹራይ ኤንታፌ ሻኬታና ጋላሳይ ያና፣ ሄ ዋዴ ኤንቲ ያማና።»

36 ቃሲ ያጊዲ ለሚሶ ኦዲስ፤ «ኦራላ ማፖፔ ፔቋዲ ጋልዓ ማፖ ቦላ ሲኬይ ኦኒካ ባዋ። ሃሳሶ ኦሊኮ ኦራላ ማዑዋ ፔቋስ፣ ኦራላይ ጋልዓስ ጊጌና።

37 ማልዓንቶ ዋይኒያ ጋልዓ ኦጎርን ቆሊያ ኦኒካ ባዋ። ሃሳ ኦሊኮ፣ ኦራላ ዋይኔይ ጋልዓ ኦጎርዋ ቋሴስ፤ ዋይኔይ ጉኬስ ኦጎርይካ ማደናባ ጊዳስ።

38 ሃሳ ጊሾ፣ ኦራላ ዋይኔይ ኦራላ ኦጎርን ቆሊታናው ቤሴስ።

39 ሂዛ፣ ጫላይ ሎፖ ጊያ ጊሾ ጫላ ዋይኔ ኡዩ ሲሚዲ ማልዓንቶ ኮዬይ ኦኒካ ባዋ» ያጊስ።

6

ዩሱሲ ሳሞባታ ኣይሸቲስ
(ማቶ 12:1-8፤ ማር 2:23-28)

1 ኢሲ ሳሞባታ ጋላስ ዩሱሲ ጊስቲ ጋዴ ጊደራ ኣቋስ። ዩሱሳ ታማሬቲ ቲያ ባንጋ ዱሊዲ ባንታ ኩሼን ሺርኪዲ ዋሶና።

2 ሺን ፋሪሳዊታ ጊደፌ ኢሶቲ ኢሶቲ፣ «ሳሞባታ ጋላስ ኦላናው ቤሶናባ ኣይስ ኦሎቲ?» ያጊደሶና።

3 ዩሱሲ ኤንታኮ ዛሪዲ፣ «ዳዊቲይ ኮሻቲዳ ዋዴ ባራ ዳዒይሳታራ ኢሲፌ ኦሎይሳ ናባቢኬኮቲ?»

4 ያሳ ኬላ ጌሊዲ ኣይሁዳ ካሂኔታ ፃላላስ ቤሲያ ዳቡዋ ሚስ፤ ባራ ዳዒይሳታሰካ ኢሚስ» ያጊስ።

* 5:12 ባር ሃርጊ፣ ባር ሃርጊይ ኣሳ ጋልዓ ቦላ ኬያ ሃርጊ። ኢስራዒል ቢታን ባር ሃርጋንቻቲ ሃራ ኣሳፔ ዳማቲዲ ዳዖሶናፔ ኣቲን ኣሳራ ጋሃቶና። 5:14 ለዌ 14:1-32 5:30 ሉቃ 15:1-2 6:1 ዛሬ 23:25 6:3 1ሳው 21:1-6 6:4 ለዌ 24:9

5 ቃሲ ዩሱሲ፡ «አሳ ናዓይ ሳምባታ ጎዳ» ያገሰ።

6 ሃራ ሳምባታ ጋላስ ዩሱሲ አይሁዴ ዎሳ ከሌ ገሊዲ ታማርሴስ። ሄ ቤሳን ኡቫቻ ኩሼይ ጉንዲዳ አሲ አሲ ዴዔስ።

7 ሂጌ አስታማሬቲኔ ፋሪሳዊቲ ኢያ ሞታናው ጋሶ ኮዩዲ ሳምባታ ጋላስ ፓሊኮ ቤዓና ገዲ ናጎሶና።

8 ሺን ዩሱሲ ኤንታ ቆፋ ኤሪዲ ኩሼይ ጉንዲዳ ኡራኮ፡ «ዴንዲዳ አሳ ገዲዎን ኤቃ» ያገሰ። ኡራይካ ዴንዲ ኤቁስ።

9 ዩሱሲ፡ «አኔ ታ ሂንቴና ኢሲባ ኦይቻይስ፤ ሳምባታ ጋላስ አላናው ቤሴይ ሎጎባዬዬ ኢታባዬ? ሽምፖ አሾዬ ዎይኮ ዳይሶ?» ያገሰ።

10 ቃሲ ዩሱሲ ኢያ ዩሹዋን ዴዔያ አሳ ዩሺ ያሊዲ ኡራኮ፡ «ኔ ኩሺያ ፒዲ አላ» ያገሰ። ኡራይካ ኢ ገዲይሳዳ ኦሊን ኩሼይ ፓዲስ።

11 ሺን ሂጌ አስታማሬቲኔ ፋሪሳዊቲ ዳር ዩሎቲዶሶና። ዩሱሳ ቦላ አይ ኦሊና ገዲ ባንታ ገደን ማቄቲዶሶና።

ዩሱሲ ታማኔ ናምዑ ሃዋሬታ ዶሪስ
(ማቶ 10:1-4፤ ማር 3:13-19)

12 ሄ ዎዴ ጋላሳታፔ ኢሱዋን ዩሱሲ ዎሳናው ዴሪያ ቦላ ከዩስ። ቃማ ኩሜላ ዶሳ ዎሲሼ አቁስ።

13 ዎንቴሌ ባ ታማሬታ ያገዲ ኤንታ ገደፌ ታማኔ ናምባታ ዶሪዲ፡ ኤንታና፡ «ሃዋሬታ» ገዲ ሱንሊስ።

14 ኤንቲካ፡ ጳዊርሳ ገዲ ሱንሊዳ ሲሞና፡ ኢያ ኢሻ ኢንዲሪያሳ፡ ያይቆባ፡ ዮሃንሳ፡ ፊልጶሳ፡ ባርቶሎሚዮሳ፡

15 ማቶሳ፡ ቶማሳ፡ ኢልፊዮሳ ናዓ ያይቆባ፡ ባ ቢታስ ሚሼቲያ ሲሞና፡

16 ያይቆባ ናዓ ዩሁዳኔ ዩሱሳ አሊ ኢሚዳ አስቆርታ ዩሁዳ።

17 ዩሱሲ ኤንታራ ኢሲፌ ዴሪያፔ ዎዲዲ ዴንባ ቤሳን ኤቁስ። ኢያ ታማሬታፔ ዳርቲ ሄ ቤሳን ዴጎሶና ዩሁዳ ቢታ ኡባፌ ዩሩሳላሜፔ፡ ያርሳፔኔ ሲዶና አባ ጋፃፔ ዩዳ ዳር አሳይ ዴዔስ።

18 ኤንቲ ዩዳይ ኢ ታማርሲያባ ሲዓናውኔ ባንታ ሃርጊያፌ ፓፃናሳ። ቱና አያናን ዎዬቲያ አሳቲካ ፓዲዶሶና።

19 ዎልቃይ ኢያፔ ከዩዲ አሳ ኡባ ፓሊያ ገሾ አሳይ ኢያ ቦቻናው ኮዮሶና።

20 ባ ታማሬታኮ ያሊዲ ሃይሳዳ ያገሰ። «ሂንቴና፡ ማንቆቶ፡ ሂንቴ ኢንጃቲዳይሳታ፤ ዶሳ ካዎቲላይ ሂንቴሳ።

21 ሂንቴ ሃዒ ኮሻቲይሳቲ ኢንጃቲዳይሳታ፡ ሂንቴ ካላና።

ሂንቴ ሃዒ ዩኬይሳቲ ኢንጃቲዳይሳታ ሂንቴ ሚጫና።

22 አሳይ ሂንቴና አሳ ናዓ ገሾ ኢዲያ ዎዴ ሂንቴና ሂሊያ ዎዴ ሂንቴና ኤንቲ ቶቺያ ዎዴኔ፡ ኢታ ሱንሊ ኤንቲ ሂንቴው ኢሚያ ዎዴ

ሂንቴ ኢንጃቲዳይሳታ።

23 «ሂኮ፡ ሂንቴ ዎይቶይ ሳሎን ገታ ገዲያ ገሾ ሄ ዎዴ ኡፋይሳን ጉፒፔ። አይስ ገኮ፡ ቤኒ ኤንታ አዎቲ ናቤታ ቦላ ሃሳዳ ኢሊዶሶና።»

24 «ሺን ዲሬቶ ሂንቴና አዬ፤ ሂንቴ ሃዒ ሎጎ ዴሳ ኤኪዴታ።

25 ሃዒ ካሊዲይሳቶ ሂንቴና አዬ፤ ሂንቴ ኮሻታና።

ሃዒ ሚጫይሳቶ ሂንቴና፤ ሂንቴ ካዮታናኔ ዩካና።

26 አሲ ኡባይ ሂንቴ ሎጎቲላ ፃላላ ኦዲያ ዎዴ ሂንቴና አዬ።

ኤንታ አዎቲ ቤኒ ዎርዳንቾ ናቤታ ቦላ ሃሳዳ ኢሊዶሶና።

ሂንቴ ሞርኬታ ሲቂቲ
(ማቶ 5:38-48፤ 7:12)

27 «ሺን ታና ሲዒያ ሂንቴስ ታ ኦዲይስ፤ ሂንቴ ሞርኬታ ሲቂቲ፤ ሂንቴና ኢዳይሳታስ ሎጎባ ኦሊፔ።

28 ሂንቴና ቃንጌይሳታ ኢንጂቲ፡ ሂንቴና ናቄይሳታስ ዎሲፔ።

29 ኢሲ ባጋ ሻካላ ባቄይሳስ ሃንኮ ባጋካ ቤሳ። ኔ ላፃና ኤካና ጌይሳስ ኔ ሻሚዚያካ ጉጃዳ ኢማ።

30 ኔና ዎሲያ ኡባስ ኢማ፤ ኔፔ ኤኪዳ ኦናካ ዛር ጋዳ ኦይቾፋ።

31 አሳይ ሂንቴው አላና ሜላ ሂንቴ ኮያባ ኡባ ሂንቴካ አሳስ ኦሊፔ።

32 «ሂንቴ ሂንቴና ዶሲያ አሳታ ፃላላ ዶሲኮ፡ አይ ጋላቲ ሂንቴው ዴዒ? ሃሪ አቶሺን፡ ናጋራንቾቲካ ባንታና ሲቄይሳታ ሲቆሶና።

33 ሂንቴው ሎጎባ ኦሊይሳታ ፃላላስ ሎጎባ ኦሊኮ ሂንቴው አይ ጋላቲ ዴዒ? ናጋራንቾቲካ ሃሳዳ ኦሎሶና።

34 ታልዔ ዛራና አሳ ፃላላስ ሂንቴ ታልዒኮ አይ ዴማ ጋላቲቲቲ? ናጋራንቾቲካ ጉዬ ዛራና አሲ ቤዒዲ ታልጎሶና።»

ሃራታ ቦላ ፒርዶሬቲ

35 «ሺን ሂንቴ ሞርኬታ ሲቂቲ፤ ኤንታው ሎጎባ ኦሊፔ። ጉዬ ኤካናው ቆፖና ታልዒቲ። ሃሳን ሂንቴ ኤካና ዎይቶይ ገታ ገዳና። ሂንቴ ኡባፌ ቦላ ዶሳ ናይታ ገዳና። ኢ ባና ጋላቶናይሳታሲኔ ኢታታስ ከሃ።

36 ሂንቴ አዎይ ከሃ ገደይሳዳ ሂንቴካ ከሃ ገዲፔ።

37 «አሳ ቦላ ፒርዶሬቲ፤ ሂንቴ ቦላ ፒርዶቴና። ሂንቴ ቦሪቶና ሜላ ኦናካ ቦርፒፔ። አቶ ገቲ፤ ዶሳይ ሂንቴው አቶ ጋና።

38 ኢሚቲ፤ ሂንቴው ኢሜታና። ሂንቴ ማኪዳባን ሂንቴው ዛሪ ማኬታና፡ ኡባራካ ሎጎ ማኪያባን ባቄዲ፡ ሱዲ ኩንሊዲ፡ ላሌታና ጋካናው ሂንቴው ማኬቲ ኢሜታና» ያገሰ።

39 ቃሲካ ዩሱሲ ያገዲ ኤንታው ለሚሶ ኦዲስ፤ «ቆቄይ ቆቄ ካሊላናው ዳንዳዒ? ካሊሊኮ ናምባይካ ዎሊ ኤኪዲ አፎን ዉሎኮናዬ?

6:22 ለሚ 4:14 6:23 2ታሪ 36:16፤ ሃ.ኦ 7:52 6:31 ማቶ 7:17 6:39 ማቶ 15:14 6:40 ማቶ 10:24-25፤ ዮሃ 13:16፤ 15:20

40 ታማሪይ አስታማሪ፤ አዲስ። ሺን ሎይላ ታማሪይ ኡራይ ባ አስታማሪያላ ሃኔስ።

41 «ኔ አሻ አይፊያን ዳዊያ ቡሪያ አይስ ቤዓይ? ኔ አይፊያን ዳዊያ ቱሲ ዳኔይሳ አይስ ቤዓኪ?»

42 ኔ አይፊያን ዳዊያ ቱሲ ዳኔይሳ ቤዓና ኔ አሻኮ፣ ነታ አሻው ኔ አይፊያን ዳዊያ ቡሪያ ኬሶ፣ ጋናው ዋና ዳንዳዓይ? ኔና ጨቡቀው፣ ኮይርታዳ ኔ አይፊያን ዳዊያ ቱሲ ዳኔይሳ ኬሳ። ሃሳፌ ጉዬ፣ ኔ አሻ አይፊያን ዳዊያ ቡሪያ ኬሳናው ጌሻዳ ያላና።

ሚላኔ ኢያ አይፊያ

43 «ሎፖ ሚላ ኢታ አይፌ አይፊና፤ ሃሳዳካ ኢታ ሚላ ሎፖ አይፌ አይፊና።

44 አይፌ አይፊያ ሚላ ኡባይ ባ አይፊያን ኤሬቴስ። አጉንሳፌ ባላሲ ሚላ አይፌይ ማጻፍና ቃሲ ላዳፔ ዋይኔ አይፌይ ማጻፍና።

45 ሎፖ አሲ ባ ዋዛናን ኩሚዳ ሎፖባ፤ ሎፖባ ኬሲስ። ኢታ አሲ ባ ዋዛናን ኩሚዳ ኢታባ፤ ኢታባ ኬሲስ። አሲ ባ ዋዛናን ኩሚዳ ፓላሂዳባ፤ ባ ዳናን ሃሳዬስ።

ኬላ ኬዲያ ናምቡ አሳታ (ማቶ 7:24-27)

46 «ታ ጌይሳ ኦሌኬታ፣ ሺን ያቲን አይስ ታና፣ ሳዳው፣ ጎዳው፣ ጌቲ?»

47 ታኮ ዬይኔ ታ ቃላ ሲዒዲ ፖሊያ ኡባይ ኦና ዳኒያኮ ታ ሂንቴና ቤሳና።

48 ኢ ኬላ ኬዲያው ዘቂ ኦላ፣ ኦላ ቦኪዲ፣ ጋርሳን ዳዊያ ዛላ ቦላ ኬላ ኤሲዳ ጨንጫ ኡራ ዳኔስ። ዲያይ ዲዒዲ ሄ ኬላ ሱጊስ፣ ሺን ሚንላዲ ኬዲያ ጊሾ ቃፃናው ዳንዳዒቤና።

49 ሺን ታ ቃላ ሲዒዲ ኦላናይ ባ ኬላ ሻፌ ቢታ ቦላ ኬዲያ ኡራ ዳኔስ። ዲያይ ዲዒዲ ሄ ኬላ ሱጊዳ ዋዴ ኤሌሲዲ ኩንዲስ። ሄ ኬላይ ዋልቃማ ኩንዴላ ኩንዲስ» ያገሰ።

7

ማቶ ሃላቃ አማኑዋ (ማቶ 8:5-13፤ ዮሃ 4:43-54)

1 ዬሱሲ ሃሳ ኡባ አሳ ሲንላን ታማርሲዲ አንጊዳ፤ ጉዬ፣ ቂፊርናሆሜ ካታማ ቢስ።

2 ሄ ቤሳን ኢሲ ማቶ ሃላቃይ ዳዊስ። ኢ ዳር ደሲያ አይሌይ ሃርጌቲዲ ሃይቆስ ጋኪስ።

3 ኢ ዬሱሳባ ሲዒዳ ዋዴ ባ አይሊያ ፓላና ሚላ ኢያ ዋሶ ጊዲ ኢሲ ኢሲ አይሁዴ ጨማታ ዬሱሳኮ ከቲስ።

4 ከቲቲዳይሳቲ፣ ዬሱሳኮ ቢዲ፣ «ኔ ኢያው ሃይሳ ኦላናው ቤሲስ።

5 አይስ ጊኮ፣ ሃ ኡራይ ኦ አሳ ደሲስ፣ አይሁዴ ዋሳ ኬላካ ኬዲስ» ጊዲ ሚንላ ዋሲደሶና

6 ዬሱሲካ ኤንታራ ቢስ። ማቶ ሃላቃ ሶኮ ማቲያ ዋዴ ባ ላጌታ ኢያኮ ከቲዲ፣ «ጎዳው፣ ታ ካራፔ ጋርሳን ኔ ጌላናው ታ ቤሶና ጊሾ ዳቡርፓ።

7 ታካ ታና ኔ ሲንላ ሺቃናው ቤሲያ አሲ ጋዳ ቆፒኬ። ሺን ኔ ኢሲ ቃላ ኦዳ፤ ታ አይሌይ ፓፃና።

8 ታው ታፔ ቦላራ ሃላቃይ ዳዊስ፣ ታፔ ጋርሳን ታ ከቲያ ዋታዳራቲ ዳዎሶና። ኢሱዋ፣ «ባ ጊኮ ቤስ፣ ሃንኩዋ፣ ሃያ» ጊኮ ዬስ። ታ አይሊያኮ፣ «ሃና ኦላ» ጊኮ ኦላስ» ያገሰ።

9 ዬሱሲ ሃሳ ሲዒዳ ዋዴ ማላላቲስ። ጉዬ ሲሚዲ ባራ ያ አሳኮ፣ «ታኒ ሂንቴው ቱማ ኦዳይስ፤ ሃሪ አቶሺን ኢሰራዒሌንካ ሃይሳ ሚላ ጌታ አማኖ ዳማቢኬ» ያገሰ።

10 ከቲቲዳይሳቲ ሶ ሲሚያ ዋዴ አይሌይ ፓዳን ዳሚደሶና።

አምቤ ናዓ

11 ጉላ ዋዴ፤ ጉዬ ዬሱሲ ናይኔ ካታማ ቢስ። ኢያ ታማሪታራኔ ሃራ ዳር አሳቲ ኢያራ ቢደሶና።

12 ኢ ካታማ ጌላና ሃኒያ ዋዴ አሃ ቶኪዳ ዳር አሳቲ ካታማ፤ ኬዮሶና። ሃይቂዳ ናዓይ ባ አዬስ ኢሱዋ፣ ኢያካ አምፖ ጊዳዳ ዳዓዉሱ። ካታማ አሳፔ ዳርቲ ኢራ ዳዎሶና።

13 ጎዳይ ኢዮ ቤዒዳ ዋዴ ቃዴቲዲ፣ «ዬኮፋ» ያገሰ።

14 ሺቂዲ ሃላ ቦቹን ቶኪዳ አሳቲ ኤቂደሶና። ዬሱሲ፣ «ላ፣ ያላጋው ዳንዳ» ያገሰ።

15 ሃይቂዳይሲ ዳንዲ ኡቲዲ ኦዳ ኦይኪስ። ዬሱሲ ናዓ ኤኪዲ አዬስ አሚስ።

16 አሳ ኡባይ ያሽቲዲ፣ «ጌታ ናቤይ ኦ ጊደን ዳንዲስ፤ ያሳይ ባ አሳ ቤዒስ» ያገረዲ ያሳ ጋላቲደሶና።

17 ኢያ ሱንላይ ዩሁዳኒኔ ሄ ሄራን ዳዊያ ቢታ ኡባን ሲዒቲስ።

ዬሱሳኔ ፃማቂያ ዮሃንሳ

18 ፃማቂያ ዮሃንሳ ታማሪቲ ሃሳ ኡባ ዮሃንሳስ ኦዲደሶና። ኢ ኤንታ ጊደፌ ናምታ ያገረዲ፣

19 «ያና ጌቲቲዳይ ኔኔዬ? ዋይኮ ሃራ ናገና?» ያገረዲ ኦይቸቲ ጊዲ ጎዳኮ ከቲስ።

20 አሳቲ ዬሱሳኮ ቢዲ፣ ፃማቂያ ዮሃንሳ፣ «ያና ጌቲቲዳይ ኔኔዬ? ዋይኮ ሃራ ናገና?» ጌቲ ጊዲ ኦና ኔኮ ከቲስ ያገረደሶና።

21 ሄ ሳቲንካ ዬሱሲ ዳር አሳ ሃርጊያፌ ፓላስ። ቱና አያናታ ኬሲስ፣ ቆቂዳ አይፊያካ ያሊሲስ።

22 ዮሃንሳ ማታ፤ ከቲቲዲ ዩዳይሳታኮ፣ «ቢዲ ሂንቴ ቤዒዳይሳኔ ሲዒዳይሳ ዮሃንሳስ ኦዲቲ። አይፌ ቆቂቲ ያሎሶና፣ ጉንዳቲ ቢርሼቲዲ ሃሙቶሶና፣ ባር ሃርጋንቸቲ ጌዮሶና፣ ቱሌቲ ሲዎሶና፣ ሃይቂዳይሳቲ ሃይቆፔ ዳንደሶና፣ ማንቆታስ ዋንጌላይ ሳባኬቲስ።

23 ታናን ጹቤቶና ኦኒካ አንጃቲዳይሳ።»

24 ዮሃንሳ ከቲዳይሳቲ ቢዳ፤ ጉዬ ዬሱሲ አሳስ ዮሃንሳባ ያገረዲ ኦዲስ፣ «ሂንቴ አይ ቤዓናው ባዞ ቢታ ኬዩዴቲ? ጨርኮይ ቃላያ ማታ ቤዓናሴዬ?»

25 ያቲን፣ አይ ቤዓናው ኬዩዴቲ? ኮይሴ ማፖ ማዒዳ አሳ ቤዓናሴዬ? ኮይሴ ማፖ ማዒዳይሳቲኔ ሳዒ አንጃቲዳ አሳይ ካዋ ኬላን ዳዎሶና።

26 ያቲን፣ አይ ቤዓናው ኬዩዴቲ? ናቢያ ቤዓናሴዬ? ኤ፣ ታ ያጋይስ፣ ሂንቴ ቤዓናው ኬዩዳይ ናቤ፤ አዴይሳ።

27 «ኔ ኦጊያ ኔ ሲንላን ጊጊሲያ

ታ ኪታንቸዋ ኔፔ ሲንጤ ታ ኪታና
 ጌቲቲዲ ዓፌቲዲዳ ኢያሳ።
 28 ታ ሂንቲው ኦዲይሰ፤ ማጫሳፔ ዩሌቲዲይሳታ
 ጊዳፌ ዮሃንሳፔ ኦዲይ ዣዋ። ያሳ ካዋቲሳን
 ኡባፌ ጉዳይሰ፤ ኢ ኡባፌ ጌታ ጊዳና» ያገሰ።
 29 ሃሪ ኦቶሺን፣ ዩሱሳ ቃላ ሲዲዳ ቃራፃ
 ቃንጻሴይሳቲ ኡባይ ዮሃንሳ ኩሺን ፃማቁቲዲ
 ያሳይ ጂሎ ጊዳይሳ ቆንጨሲደሶና።
 30 ሺን ፋሪሳዌቲኔ ሂጌ ኦሰታማሬቲ ዮሃንሳ
 ኩሺን ፃማቁቶና ኢዲዲ ያሳ ዞሪያ ለቁሲደሶና።
 31 ዩሱሲ ካሊዲ ሃይሳዳ ያገሰ። «ሂዛ፣ ሃ
 ዎዲያ ዩሌቴሳ ኦይቢራ ዳኒሶ? ኤንቲካ ኦና
 ዳኖና?»
 32 ጊያ ጊደን ኡቲዲ ዎሊ ጸጊዲ፣ ሱ
 ሂንቲው ሱሱልዔ ቸጊን፣ ሂንቲ ዩዳኬታ። ኩ
 ሳቢዲ ዜሌሊን፣ ሂንቲ ዩኬኬታ) ያገሰ ናይታ
 ዳኖሶና።

33 ፃማቁያ ዮሃንሲ ሞናኔ ኡዮና ዩን፣ ሱታ
 ኦያናራ ዴዔሰ ጊዳታ።
 34 ኦሳ ናባይ ሚሽኔ ኡዩሽ ዩን፣ ሱፎሞባኔ
 ኡቫንቸ፣ ቃራፃ ቃንጻሴይሳታኔ ናጋራንቸታ ዳቦ
 ጊዳታ።
 35 ሂዛ፣ ጨንጫቲሳ ቱማቲሳይ ኢያ ናይታ ኡባ
 ማታን ኤሬቲሰ» ያገሰ።

ኢሲ ማጫሲያ ዩሱሳ ሺቶ ቲያሱ

36 ኢሲ ፋሪሳዌይ ዩሱሳ ካሊ ሙዛናው ባ ሶ
 ጸገሰ። ኢ ፋሪሳዌያ ሶ ቢዲ ጋይታ ቦላ ኡቲሰ።
 37 ሄ ካታማን ኢሲ ናጋራንቸ ማጫሲ ዴዔያራ
 ዩሱሲ ፋሪሳዌያ ሶን ጊቢራ ቦላ ዴዔይሳ ሲዲዳ
 ዎዴ ዳሮ ኦልዎ ጲልቃዳ ሺቶ ኤካዳ ያሱ።
 38 ዩሱሳሰ ጉዩ ባጋራ፣ ኢያ ቶሁዋ ማታን
 ኤቃዳ ዩካሽ ኢያ ቶሁዋ ባ ኦፋሳራ ላኬሳውሱ።
 ባ ቢናናራ ኢያ ቶሁዋ ቁቻሽኔ ዩራሽ ሺቶ
 ቲያሱ።
 39 ጊቢራ ጊጊሲዳ ፋሪሳዌይ ሄሳ ቤዲዳ ዎዴ
 ባ ዎዛናን፣ «ሃይሲ ናቤ ጊዲያኮ ሃ ማጫሲያ
 ኢያ ቦቸያራ ኦኮ ቃሲ ኢያ ናጋራንቸ ጊዳይሳካ
 ኢ ኤራናሺን» ያገሰ።

40 ዩሱሲ፣ «ሲሞና፣ ታ ኔው ኦዲያባይ
 ዴዔሰ» ያገሰ።

ኢ፣ «ኦሰታማሪያው፣ ታው ኦዳ» ያገሰ።

41 ዩሱሲ ኢያኮ፣ «ናሞዑ ኦሳቲ ኢሲ ኡራፔ
 ሚሽ ታልዒደሶና። ኢሶይ ኢቻሹ ጻቲ ቢራ
 ሃንኮይ ቃሲ ኦቫታው ቢራ ታልዒደሶና።

42 ናሞዳይካ ታልዒያ ጨጋናው ያኔቲን፣
 ናሞዳታሰካ ታልዒያ ማሪሰ። ሂዛ፣ ሃ ናሞዳታፔ
 ሄ ኡራ ዳሮ ዳሳናይ ኔው ኦዲሳ ዳኒ» ያገሰ።

43 ሲሞኒ፣ «ዳሮ ኦጮይ ማሬቲዳ ኡራይ
 ዳሮ ዳሳና ዳኔሰ» ያገሰ። ዩሱሲ፣ «ኔ ቱማ
 ፒርዳዳሳ» ያገሰ።

44 ሃሳፌ ጉዩ፣ ዩሱሲ ማጫሴኮ ሲሚ
 ጻሊዲ፣ ሲሞናኮ፣ «ሃኖ ማጫሲው ቤዳይ? ታኒ
 ኔ ሶ ጌሊን ሃሪ ኦቲን ኔ ታው ቶሆ ሃሌ ኢማባካ፣
 ሺን ኢያ ታ ቶሁዋ ባ ኦፋሳን ላኮሳዳ ባ ቢናናን
 ቁቻሱ።

45 ኔኒ ታና ዩራ ኤካባካ፣ ሺን ኢያ ታ ኔ ሶ
 ጌሎዴፔ ደማዳ ታ ቶሁዋ ዩሮ ኦጋቡኮ።

46 ኔኒ ታ ሁዲያን ዛይቲ ቲያባካ፣ ሺን ኢያ
 ታ ቶሁዋ ሺቶ ቲያወሱ።

47 ኢያ ታና ዳሮ ደሲዳ ጊሾ ኢ ዳሮ ናጋራይ
 ኦቶ ጌቲቲሰ። ኢያ ጉሳ ናጋራይ ኦቶ ጌቲቲዲይ
 ጉሳራ ደሴሰ።»

48 ዩሱሲ ማጫሴኮ፣ «ኔ ናጋራይ ኦቶ
 ጌቲቲሰ» ያገሰ።

49 ኢያራ ኢሲፌ ጋይታን ኡቲዲ ሚያ ኢማሳቲ፣
 «ናጋራ ኦቶ ያጌይ፣ ኢ ሃይሲ ኦኔ?» ያገሊ
 ባንታ ዎዛናን ቆፒደሶና።

50 ዩሱሲ ማጫሴኮ፣ «ኔ ኦማናይ ኔና ኦሺሰ፤
 ሳሮ ባ» ያገሰ።

8

ዩሱሳ ሞኪዳ ማጫሳታ

1 ሄሳፌ ጉዩ፣ ዩሱሲ ያሳ ካዋቲሳ ዎንጌላ
 ሳባኪሽ ካታማራኔ ጉታራ ኦዲሰ። ሄ ዎዴ ታማኔ
 ናሞዑ ሃዋሬቲ ኢያራ ዴዎሶና።

2 ቃሲ ቱና ኦያናፔኔ ዲማ ዲማ ሃርጊያፌ
 ፓዲዳ ኢሲ ኢሲ ማጫሳቲ ኢያራ ዴዎሶና።
 ኤንቲካ፣ ላፑን ቱና ኦያናቲ ኬዩዳ ማግዴላ
 ማይራሞ።

3 ሄርዲሳ ሹማ ኩዛ ማቸው ዮሃና፣ ሶሲናራኔ
 ቃሲ ሃራ ዳሮቲ ኤንታና ሚሽን ማዴይሳቲ
 ዴዎሶና።

4 ዳሮ ኦሳይ ዲማ ዲማ ካታማፔ ኢያኮ ሸቁን
 ለሚሶን ኤንታው ኦዲሰ።

5 «ኢሲ ሳቫንቸይ ዜሬላ ዜራናው ኬዩሰ።
 ኢ ዜሪሺን ኢሲ ኢሲ ዜሬሳይ ኦጌ ጋፃን ዎዲዲ
 ዩዴቲሰ፣ ሳሎ ካፎቲ ማዲደሶና።

6 ሃራቲ ሻሎይ ጋርሳን ዴዒያ ቢታ ቦላ
 ዎዲደሶና። ቡር ደሊዳ ማላ ቢታን ላሆይ ባይና
 ጊሾ ሚጨደሶና።

7 ሃራ ዜሬሳይ ቃሲ ኦፑንሳ ጊደን ዎዲሰ።
 ኦፑንሳራ ዎላ ዲጨዳ ጊሾ ኦፑንሳይ ጨሊዲ
 ቤሳን ኦሺሰ።

8 ሃራቲ ሎዎ ቢታ ቦላ ዎዲደሶና። ደሊዳ ዎዴ
 ጻቲ ኩሽ ኦይፊደሶና።» ሃሳ ኦዲ ኦንጊዲ፣ ባ
 ቃላ ቶቁ ኦሊዲ፣ «ሲዲያ ሃይላ ዴዒያ ኡባይ
 ሲዎ» ያገሰ።

9 ኢያ ታማሬቲ፣ «ሃ ለሚሱዋ ቢርሽላይ
 ኦይቤ?» ያገሊ ኦይቸደሶና

10 ኢ፣ «ያሳ ካዋቲሳ ፀራ ኤራና ማላ ሂንቲው
 ኦሚቲሰ። ሺን ሃራቲ ቤዒሽ ዴሞና ማላ፣ ሲዒሽ
 ኦኬኮና ማላ ለሚሶን ኦዳይሰ።

11 «ሂዛ፣ ሃ ለሚሱዋ ቢርሽላይ ሃይሳ፣ ዜሬላ
 ያጌቲዲይ ያሳ ቃላ።

12 ኦጌ ጋፃን ዎዲዳ ዜሬሳይ ቃላ ሲዒይሳታ።
 ጊደሺን፣ ኤንቲ ኦማኒዲ ኦቶና ማላ ፃላሄይ ቃላ
 ኤንታ ዎዛናፔ ማዲ ዲጌሰ።

13 ሻሎይ ጋርሳን ዴዒያ ቢታ ቦላ ዎዲዳ
 ዜሬሳይ ቃላ ሲዒዲ ኡፋይሳን ኤኬይሳታ። ኤንቲ
 ሃዒሲ ኦማናሶናፔ ኦቲን ፃጶይ ባይና ጊሾ ፓጩይ
 ጋኪያ ዎዴ ኤሌሲዲ ካደሶና።

14 ኦፑንሳ ጊደን ዜሬቲዲይሳቲ ቃላ
 ሲዒይሳታ። ኤንቲካ ኦላሚያ ቆፋን፣ ዲሬቲሳኒኔ

7:29 ማቶ 21:32፤ ሉቃ 3:12 7:37 ማቶ 26:7፤ ማር 14:3፤ ዮሃ 12:3 8:2 ማቶ 27:55-56፤ ማር 15:40-41፤ ሉቃ 23:49 8:10 ኦሳ 6:9

ሳዓ ዲሳ ሚኮቴላን ጨሌቲዲ ቤሴይሳዳ አይፊቦኮና።

15 ሎጾ ቢታን ዋዲዳ ዜሬላይ ሎጾ ዋዛናን ቃላ ሲዲዲ ናጌይሳታኔ ዳንዳዓን ሚኒዲ አይፊ አይፊይሳታ።

16 «ጾጦፔ ጾጦፒዲ፣ ዳቾ ካሚይ ዋይኮ አርሳፊ ጋርሳን ዋሴይ ዳና። ጌሊያ አሲ ቤዓና ማላ ጾቃ ቤሳን ዋሴሰ።

17 «ሄሳ ጊሾ፣ ቆንጩ ኮዮና ቆሴቲዲ አቲያባይ፣ ኤሬቶና ጌሚዲ አቲያባይ ዳና።

18 «ሂዛ፣ ሂንቲ ቃላ ዋቲ ሲዲያኮ አኬከቲ። ዳዲያ ኡባሰ ጉኩቲዲ አሜታና፣ ባይናይሳሰ ሃሪ አቶሽን አያው ዳዲያ ጉሊያካ አያፔ ኤኬታና» ያገሰ።

ዩሱሳ አዩራኔ አሻታራ (ማቶ 12:46-50፤ ማር 3:31-35)

19 ዩሱሳ አዩራኔ አሻታራ አያኮ ዪዶሶና። ሺን አሳ ዳርቴላፊ ዳንዳይሳን አያ ዳማናው ዳንዳዲቦኮና።

20 አሲ አሲ ዩሱሳኮ፣ «ኔ አዩራኔ ኔ አሻታራ ኔና ኮዩዲ ካሬን ናሳሶና» ያገሰ።

21 ዩሱሳ ዛሪዲ፣ «ጾሳ ቃላ ሲዲዲ ኦሶን ፔሼይሳቲ ኡባይ ታው አዮኔ ታው አሻ» ያገሰ።

ዩሱሳ ሃላ ዙሊያ ሴሪሰ (ማቶ 8:23-27፤ ማር 4:35-41)

22 አሲ ጋላሰ ዩሱሳራኔ አያ ታማሬታራ አሲፊ ዋሳሎን ጌሊዲ፣ «አባ ፒናሰ» ያገሰ። ኤንቲካ ባናው ዳንዲዶሶና።

23 አባ ቦላራ ኤንቲ ፒናናው ቢሺን ዩሱሳ ጳሰከሰ። ቆፖና ሚኖ ጫርኮይ አባ ቦላ ዳንዲሰ። ሃላይ ዋሳሎን ጌሊን ዋሳሎይ ሚቲቲላ ኦይኪያ ዋዴ ኡባይ ባቢዶሶና።

24 አያ ታማሬቲ አያኮ ሺቁዲ፣ «ኦ ጎዳው፣ ኦ ጎዳው፣ ኦ ጳዮሰ ያጊዲ» ዩሱሳ ዳንላዶሶና። ዩሱሳ ዳንዲዲ ጫርኮዮኔ ጎቲያ ሴሪሰ። ኤሌሲዲ ጫርኮይኔ ጎቲይ ዋፑ ገሰ። ሳርቴላይካ ሲሚሰ።

25 ዩሱሳ ባ ታማሬታኮ፣ «ሂንቲ አማኖይ አዉኔ» ያገሰ። ኤንቲካ፣ ያዩሼኔ ማላሌቲሼ አሶይ አሱዋኮ፣ «ጫርኮይኔ ሃላይ ከቲቲይሲ፣ ኢ ሃይሲ ኦኔ» ያገደሶና።

ቱና አያናፔ ዩዳቲዳ ኡራ (ማቶ 8:28-34፤ ማር 5:1-20)

26 አባ ፒኒዲ ጋሊላ ባጋራ ዳዲያ ጌርጌሶኔ ቢታ ጋኪዶሶና።

27 ዩሱሳ ዋሳሎፔ ኮዩዲ ሳዓን ዋዲሺን ቱና አያናን ኦይኬቲዳ ኡራይ ካታማፔ ኮዩዲ አያራ ጋሂቲሰ። ዳር ላይላ አፊሊ ማዖና ካሎ ዲፎን ዳዔሲፔ አቲን ሶ ጌሌና።

28 ዩሱሳ ቤዒዳ ዋዴ አያ ሲንላን ጉፋኒዲ፣ ባ ቃላ ጾቁ ኦላዲ፣ «ኡባፊ ቦላ ያሳ ናዒው ዩሱሳ ኔራ ታው አይቤ አሲፊቲላ ዳዲ? ሃያና ታና ሃዒ ኡንዮላፋርከ» ያገሰ።

29 ሄሳ ኢ ጊዳይ፣ ቱና አያናይ ኡራፔ ኮያና ማላ ዩሱሳ ሃንቁቲዳ ጊሾሳ። ዳር ዋዴ ቱና አያናይ አያ ሃሪዳ ጊሾ ሳንላላታኒ ቶሆ ቃቺያ

ቢራታን ቃሼቲዲ ናጌቲሰ። ሺን ቃሹዋ ዲላዲ ቱና አያናን ላጌቲዲ ባዞ ጌሊሰ።

30 ዩሱሳ፣ «ኔ ሱንላይ ኦኔ» ያገዲ ኦይቺሰ።

ኢ፣ ዳር ቱና አያናቲ አያ ኦይኪዲ ጊሾ ባና፣ «ሌጊዮና» ገሰ።

31 ቱና አያናቲ ባንታና ሲጾሌ ኪቶና ማላ ዋሲዶሶና።

32 ሄ ቤሳን ዘዜ ቦላ ሚያ ጉዲንላ ዉዳይ ሃሙቲሰ። ሂኒ ጉዲንላታን ጌሊኖ ጊዲ ዋሲዶሶና፣ ኢካ «ጌሊቲ» ገሰ።

33 ቱና አያናቲ ኡራፔ ኮዩዲ ጉዲንላታን ጌሊዶሶና። ዉዳይ ዳሪያፔ ዲጌ ጉርጉዲ አባን ጌሊሰ።

34 ሄንላንቾቲ ሃኒዳይሳ ቤዒዳ ዋዴ ዋዴ ቢዲ፣ ካታማኒኔ ጉታ ኡባን ኦዲዶሶና።

35 አሳይ ሃኒዳባ ቤዓናው ኮዩዲ ዩሱሳኮ ዪዶሶና። ቱና አያናይ ኮዩዲ ኡራይ ማዖ ማዒዲ፣ አያ ዋዛናይ ሲሚን፣ ዩሱሳ ቶሆ ማታን ኡቲዳይሳ ዳሚዲ ያዩዶሶና።

36 አያ ቤዒዳ አሳይ ቱና አያናን ኦይኬቲዳ ኡራይ ዋኒዲ ፓዲዳኮ ኦዲዶሶና።

37 ጌርጌሶኔ ዩሹዋን ዳዲያ አሳይ ጊታ ያሺ ያሹቲዲ ዩሱሳ ባንታ ማታፔ ባና ማላ ዋሲዶሶና። ኢ ዋሳሎን ጌሊዲ ጉዬ ሲሚሰ።

38 ቱና አያናይ ኮዩዲ ኡራይ ዩሱሳራ ዳናው ዋሲሰ።

39 ሺን ዩሱሳ አያኮ፣ «ኔ ሶ ሲማ፣ ያሳይ አይ ማላ ጊታባ ኔው ኦላዲኮ ኦዳ» ያገዲ ዋይዚሰ። ኡራይካ ዩሱሳ አይ ማላ ጊታባ አያው ኦላዲኮ ካታማ ኡባን ማርካቲሼ ቢሰ።

ሃይቁዳ ናዒዉኔ ዩሱሳ ማዑዋ ቦቺዳ ማጫሲው (ማቶ 9:18-26፤ ማር 5:21-43)

40 አሳይ ናጊዲ ጋምዒዳ ጊሾ ዩሱሳ ሲሚያ ዋዴ ዋኪ ኤኪዶሶና።

41 አይሁዴ ዋሳ ኬላ ሃላቃ ጊዲዳ አያሮሳ ጊያ ኡራይ ባ ሶ ያና ማላ ዩሱሳ ቶሆ ቦላ ዋዲዲ ዋሲሰ።

42 አያው ታማኔ ናምዑ ላይላ ጊዲዳ ማጫ ናዒ ዳዒያራ ሳኬታዳ ሃይቆሰ ጋካዳ ዳዒዉሱ። ዩሱሳ ቢያ ዋዴ አሳይ አያ ኡንዮላሱ።

43 ታማኔ ናምዑ ላይላ ሱላ ጎሊሼ ጋምዒዳ ማጫሲ ዳዒያራ ዳዒዉሱ። አያ ባው ዳዒያ ሚሺያ አኪሜታሰ አማዳ ኦንጋሱ። ሺን ፓዖናው ዳንዳዒቡኮ።

44 አያ ዩሱሳሰ ጉዬ ባጋራ ሺቃዳ፣ አያ አፊላ ማጫራ ቦቻሱ፣ ሶሁዋራ ጎጊያ ሱላይ ኤቁ አገሰ።

45 ዩሱሳ፣ «ታና ቦቺዳይ ኦኔ?» ያገሰ። ኡባይ «ኦ ቦቺቦኮ» ያገን፣ ጳዒርሲ፣ «አሰታማሪያው፣ ዳር አሳይ ካሊሺኒኔ ኡንዮላሺን ቤዓሼ ዋናዳ፣ (ታና ቦቺዳይ ኦኔ?) ጋይ» ያገሰ።

46 ሺን ዩሱሳ፣ «አሲ አሲ ታና ቦቺሰ፤ አይሰ ጊኮ፣ ዋልቁ ታፔ ኮዮይሲ ታው ኤሬቲሰ» ያገሰ።

47 ማጫሲያ፣ አባይ ቆንጫዳይሳ ኤራዳ ዋዴ ኮኮራሼ ያዳ ዩሱሳ ቶሆ ቦላ ኮንዳሱ። አይሰ

ቦቹዳኮኔ ዋናዳ ኤሌሳዳ ፓዲዳኮ ኣሳ ኡባ ሲንፋን ማርካታሱ።

48 ኢ፡ «ታ ናቴ፡ ኔ ኣማኖይ ኔና ፓሊሰ፤ ሳርን ባ» ያገሰ።

49 ዩሱሲ ኦዳ ኣንጎና ደዒሺን፡ ኣይሁዴ ዋሳ ኬላ ሃላቃ፡ ኢያርሳ ሶፔ ኢሲ ኣሲ ዩዲ፡ «ኢያርሳ፡ ኔ ናዒያ ሃይቃሱ፤ ኣስታማሪያ ማላ ዳቡሪሶፋ» ያገሰ።

50 ሺን ዩሱሲ ሃሳ ሲዒዲ ኢያርሳኮ፡ «ባቦፋ! ኣማና፡ ኔ ናዒያ ፓፃና» ያገሰ።

51 ዩሱሲ ኢያርሳ ሶ ጋኪዳ ዋዴ ጳዒርሳ፣ ዮሃንሳ፣ ያይቆባ፣ ናዒ ኣዋፔ ኣዬፔ ኣቲን ሃሪ ጌላና ማላ ኮዩቤና።

52 ሃ ቤሳን ደዒያ ኣሳ ኡባይ ናዒሰ ሚሹቲዲ ዩኪሺን፡ ዩሱሲ፡ «ዩኮፊቴ! ናዒያ ጳሰካሱፔ ኣቲን ሃይቃሱኩ» ያገሰ።

53 ኣሳይ ናዒያ ሃይቁዳይሳ ኤሪያ ገሾ ኢያ ኦዳ ሌቁዲ ሚጪደሶና።

54 ሺን ዩሱሲ ናዒ ኮሺያ ኦይኪዲ፡ «ናቴ ዴንዳ» ያገሰ።

55 ናዒሰ ሸምፖይ ሰሚን ዴንዳ ኤቃሱ። ዩሱሲ ኤንታኮ፡ «ኢጫ ሚያባ ኢሚቴ» ያገሰ።

56 ናዒ ኣዋራኔ ኣዬራ ማላሌቲደሶና። ሺን ዩሱሲ ሃይሳ፡ «ኦዴሰካ ኦዶፒቴ» ያገሰ።

9

ዩሱሲ ታማኔ ናምዑ ሃዋሪታ ኪቲሰ (ማቶ 10:5-15፤ ማር 6:7-13)

1 ዩሱሲ ታማኔ ናምዑ ሃዋሪታ ባኮ ያገዲ፡ ቱና ኣያናታ ኬሳና ማላኔ ሃርጌ ኡባ ፓላና ማላ ዋልቃኔ ማታ ኢሚሰ።

2 ያሳ ካዋቴላባ ማርካታናዳኔ ሃርጋንቸታ ፓላናዳ ኪቲሰ።

3 ኢ ኤንታኮ፡ «ፃምዓ ገዲን ኦጎር ገዲን ካሊ ገዲን ሚሹ ገዲን ላሚ ማዒያ ኣፊላ ገዲን ኦጎሰ ገዲ ኣይኮካ ኦይኮፊቴ።

4 ሃ ካታማፔ ሃንቲ ኬያና ጋካናው ኢማላቲላን ሃንቲ ጌሊዳሱዋን ጋምዒቴ።

5 ኣኒካ ሃንቲና ሞኮና ኢዳኮ ሃ ካታማፔ ኬዩሺ ኤንታው ማርካ ገዲና ማላ ሃንቲ ቶሁዋን ደዒያ ባና ፒቲዲ ኬዩቴ።»

6 ኤንቲካ ኪቲቲዳይሳዳ ኬዩዲ ዋንጌላ ኦዲሺኔ ደማ ደማ ጉታታን ሃርጋንቸታ ፓሊሺ ኣጲደሶና።

7 ጋሊላ ቢታ ሃሪያ ሄርዲሲ ዩሱሲ ኦሊዳባ ኡባ ሲዒዳ ዋዴ ዳጋሚሰ። ኣይሰ ገኮ፡ ኢሲ ኢሲ ኣሳቲ ዮሃንሲ ሃይቆፔ ዴንደና ኣጌና ያጎሶና።

8 ባጋቲ፡ «ኤሊያሲ ቆንጨሰ» ጎሶና፤ ሃራቲ ቃሲ፡ «ቤኒ ናቤታፔ ኢሶይ ሃይቆፔ ዴንዲሰ» ያገዲ ኦዴቶሶና።

9 ሺን ሄርዲሲ፡ «ዮሃንሳ ቆጲያ ታ ቃንዲሳዳ ዋዳሰ። ያቴን፡ ሃይሳላ ያጌቲዲ ኢያባ ኦዴቲይ፡ ኢ ኦኔ?» ያገዲ ባ ኣይፊን ቤናናው ኮዩሰ።

ዩሱሲ ኢቻሹ ሙኩሉ ኣሳ ሙዚሰ (ማቶ 14:13-21፤ ማር 6:30-44፤ ዮሃ 6:1-14)

10 ታማኔ ናምዑ ሃዋሪቲ ጉዬ ሰሚ ዩዲ፡ ኤንቲ ኦሊዳባ ኡባ ዩሱሳሰ ኦዲደሶና። ኢ ኤንታና ኤኪዲ ቤቲሳይዳ ካታማፔ ጋፃ ኤፊሰ።

11 ሺን ዳር ኣሳይ ዩሱሳ ገዴይሳ ኤሪዲ ኢያ ካሊደሶና። ኢ ኤንታ ሞኪ ኤኪዲ ያሳ ካዋቴላባ ታማርሲሰ፤ ፓፃናው ኮዩይሳታካ ፓሊሰ።

12 ሳዒ ኦማርሲያ ዋዴ ታማኔ ናምዑ ሃዋሪቲ ኢያኮ ሸቁዲ፡ «ኦ ዴዒይ ባዘ ቢታ ገዲያ ገሾ ኣሳይ ደማ ደማ ጉታታኔ ካታማታ ቢዲ፡ ካሊኔ ኣቁያሶ ኮያና ማላ ኣሳ ሞይዛ» ያገደሶና።

13 ሺን ኢ፡ «ኤንታው ሚያባ ሃንቲ ኢሚቴ» ያገሰ።

ኤንቲ፡ «ኦሰ ዴዒይ ኢቻሹ ኡይላኔ ናምዑ ሞሎ ገዲያ ገሾ ሃ ኣሳሰ ገዲያ ካሊ ኦኒ ቢዲ ሻሞና ኢዳኮ ገዴና» ያገደሶና።

14 ሃ ቤሳን ኢቻሹ ሙኩሉ ገዲያ ኣዴቲ ዴፖሶና።

ዩሱሲ ባ ታማሪታኮ፡ «ኢሻታማን ኢሻታማን ሻኪ ሻኪ ኣሳ ኡቲሰቴ» ያገሰ።

15 ኢያ ታማሪቲ፡ ኢ ኪቲዳይሳዳ ኣሳ ኡቲሰደሶና።

16 ኢ ኢቻሹ ኡይላኔ ናምዑ ሞሎታ ኤኪዲ፡ ሳሎ ያሊዲ፡ ያሳ ጋላቲዲ፡ ማንሊዲ ኣሳ ኡባ ጋላና ማላ ባ ታማሪታሰ ኢሚሰ።

17 ኡባይ ሚዲ ካሊደሶና። ኤንታፊ ኣቲዳ ቲፊይ ታማኔ ናምዑ ጋይታ ኮሚላ ገዲሰ።

ጳዒርሲ፡ ዩሱሲ ኦኒኮ ማርካቲሰ (ማቶ 16:13-19፤ ማር 8:27-29)

18 ዩሱሲ ባ ያላላ ዋሲሺን፡ ኢያ ታማሪቲ ኢያኮ ዩደሶና። ኢ፡ «ኣሳይ ታና ኦና ጎና?» ገዲ ኦይቸሰ።

19 ኤንቲ ዛሪዲ «ኢሶቲ ኢሶቲ፡ ሳማቂያ ዮሃንሳ፡ ባጋቲ ኤሊያሳ፡ ሃራቲ ቃሲ፡ ቤኒ ናቤታፔ ኢሶይ ሃይቆፔ ዴንዲሰ» ያጎሶና።

20 ኢ ዛሪዲ፡ «ያቴን ሃንቲ ታና ኦና ጌቲ» ያገሰ። ጳዒርሲ፡ «ኦኒ ያሳፊ ኪቲቲዳ ኪሪሰቶሳ» ያገዲ ዛሪሰ።

21 ዩሱሲ ሃይሳ ኦዴሰካ ኦዶፒቴ ገዲ ሚንሊዲ ኦዲሰ።

22 ቃሲካ ዩሱሲ፡ «ኣሳ ናዒይ ዳር ማቲዋ ኤካና። ቢታ ጨማታን፡ ካሃኔ ሃላቃታን፡ ሃጌ ኣስታማሪታን ኣጲ ኢሜታና። ኤንቲ ኢያ ዋዳና፡ ሺን ኢ ሄቫንላ ጋላሰ ሃይቆፔ ዴንደና» ያገሰ።

23 ዩሱሲ ኣሳ ኡባኮ፡ «ታና ካላናው ኮዩይ ኦኒካ ዴዒኮ ባና ካዶ፡ ባ ማሰቃሊያ ጋላሰ ጋላሰ ቶኪዲ ታና ካሎ።

24 ባ ሸምፒው ኣሻናው ኮያ ኡባይ ኢዮ ጳይሴሰ፡ ባ ሸምፒው ታ ገሾ ገዲ ጳይሴያ ኦኒካ ኢዮ ኣሹሰ።

25 ኣሲ ኣላሚ ኡባ ሃሪዲ፡ ገደሺን ባ ሸምፒው ጳይሴያባ ዋይኮ ቆሃያባ ገዲኮ ኢያ ኣይ ማዲ?

9:3 ሉቃ 10:4-11 9:7 ማቶ 16:14፤ ማር 8:28፤ ሉቃ 9:19 9:19 ማቶ 14:1፤ 2፤ ማር 6:14-15፤ ሉቃ 9:7-8
9:20 ዮሃ 16:20-28፤ ማር 8:30-9:1 9:23 ማቶ 10:38፤ ሉቃ 14:27 9:24 ማቶ 10:39፤ ሉቃ 17:33፤ ዮሃ 12:25

26 እነዚህ ታናሽ ታ ቃላን ይላቱኩ አሳ ናዓይ ባ ቦንቸዋራ ሄሳዳካ አዋ ቦንቸዋራኔ ገሻ ከታንቸታ ቦንቸዋራ ያ ዋዴ ኢያን ይላታና።

27 ታ ሂንቲው ቱማ ኦዳይሰ፤ ሃይሳን ኤቁዳይሳታ ገደፌ ያሳ ካዋቲላ ቤዖናሺን ሃይቆና አሳቲ ዳዖሶና» ያገሰ።

ዩሱሳ ማላይ ላሜቲስ
(ማቶ 17:1-8፤ ማር 9:2-8)

28 ዩሱሳ ሄ ኦዳ ኦዲን፣ ሆሰፑን ጋላሳፔ ጉዬ ጳዊርሳ፣ ያይቆባኔ ዮሃንሳ ባራ ኤኪዲ ዋሳናው ዳሪያ ቦላ ከዩሰ።

29 ኢ ዋሳ ቦላ ዳዊሺን ኢያ አይፌ ካሬይ ላሜቲስ፤ አፊላይካ አዋ ማላ ጳሊዲ ቦሂሰ።

30 ናምቡ አሳቲ፣ ኤንቲካ ሙሴራኔ ኤሊያሳራ ቦንቸን ቆንጨዲ።

31 ዩሩሳሌምን ፖሊታናው ዳዊያባ፣ ሄሲካ፣ ኢ ሃ አላሚያፔ ሻኬታናባ ኢያራ ኦዳቶሶና።

32 ጳዊርሳኔ ኢያራ ዳዊያሳታ ጳሰኮይ ኤፊን፣ ኤንቲ ጳሰኮፌ ባርኪያ ዋዴ ኢያ ቦንቸዋኔ ኢያራ ኤቁዳ ናምቡ አሳታ ቤዒደሶና።

33 አሳቲ ዩሱሳፔ ሻኬቲዲ ባና ሃሂሺን፣ ጳዊርሳ ዩሱሳቱ፣ «ሳዳው፣ ሃይሳን ገደይሰ ኦሰ አይ ማላ ሎዖ! ኢሲኖ ኔው፣ ኢሲኖ ሙሴሰ፣ ኢሲኖ ኤሊያሳሰ አሊዲ ሄቹ ሻቃራ ሻቃርሰ» ያገሰ። ሺን ኢ አይ ገዳኮ ኤሬና።

34 ኢ ያገዲ ኦዳቲሺን ሻራይ ዩዲ ኤንታና ካሚሰ። ኤንቲ ሄ ሻራ ገደ ገሊሽ ባቢደሶና።

35 ሻራ ገደፌ፣ «ታ ዶሪዳ ናዓይ ሃይሳ ኢያ ሲዒቲ» ያገያ ቃላይ ሲዒቲሰ።

36 ሄ ቃላይ ሲዒቲዳፔ ጉዬ ዩሱሳ ባርካ ዳዊሽ ቤንቲሰ። ሄ ዋዴ ኤንቲ ቤዒዳባ ኦዳሰካ ኦደና፣ ባንታ ዋዳናን ኦዳኪዲ ሲዒ ገደሶና።

ዩሱሳ ቱና አያና ኢሲ ናዓፔ ከሲሰ
(ማቶ 17:14-18፤ ማር 9:14-27)

37 ዋንቲሌ ኤንቲ ዳሪያፔ ዋዲያ ዋዴ ዳር አሳይ ዩዲ ኢያራ ጋሂቲደሶና።

38 ሄ ዋዴ አሳ ገደፌ ኢሲ አሲ፣ «አሰታማሪያው፣ ታ ኢሲ ናዓ ያዳ ቤዓርኪ።

39 ቱና አያናይ ቆፖና ኦዳኪዲ ዋሲሰሰ፤ ጎፖንቶ ዩገሲዲ ቃኤሬሌሰ፣ አሳቲላ ቆሂዲ ኤንዔሊዲ ዩዳሰ።

40 ኔ ታማራቲ ከሳና ማላ ዋሳሰ፣ ሺን ኤንቲ ዳንዳሲሰኮና» ያገዲ ዋሲሰ።

41 ዩሱሳ፣ «አማናይ ባይና ገላ ዩሌቲላቶ፣ አዉዴ ጋካናው ታ ሂንቲራ ዳኔ፣ ሂንቲና ዳንዳዓኔ? ኔ ናዓ ባዳ ሃ ኤካያ» ያገሰ።

42 ናዓ ኤኪዲ ያ ዋዴ ቱና አያናይ ሳዓን ሆሊ ዩገዲ ኮኮርሲሰ። ሺን ዩሱሳ ቱና አያና ሃንቁዲ ናዓፔ ከሲሰ። ናዓካ ናዓ አዋሰ አሚሰ።

43 አሳይ ኡባይ ያሳ ገታ ዋልቃን ማላሌቲደሶና። ኤንቲ ኢ ኦሊዳባን ማላሌቲሺን፣ ዩሱሳ ባ ታማራታኮ።

44 «ሃይሳ ታ ሂንቲው ኦዳይሳ ሎይሊ ሲዒቲ፤ አሳ ናዓይ ዋርኬታ ኩሺን አጂ አሚታና» ያገሰ።

45 ሺን ኢ ገዳባይ ኤንታፌ ገሚዳ ገሾ አኬኪሶኮና። ሄሳ ገሾ፣ ዛሪዲ ኦይቻናው ባቢደሶና።

ኡባፌ ገታ ገዳናይ አኔ?
(ማቶ 18:1-5፤ ማር 9:33-37)

46 ዩሱሳ ታማራቲ፣ «ኦ ገደን ገታ ገዳናይ አኔ?» ገዲ ፓላማ ኦይኪደሶና።

47 ዩሱሳ ኤንታ ዋዳና ቆፋ ኤሪዲ ዮጋ ናዓ ባ ማታን ኤሲዲ።

48 «ሃ ዮጋ ናዓ ታ ሱንላን ሞኪያ ኦኒካ ታና ሞኬሰ፣ ታና ሞኬይ ታና ከቲዳይሳ ሞኬሰ፣ ሂንቲ ኡባፌ ጉዳይሰ፣ ኢ ገታ ገዳና» ያገሰ።

49 ዮሃንሲ፣ «ሳዳው፣ ኢሲ አሲ ኔ ሱንላን ቱና አያናታ ከሲሺን ቤዒዲ ኢ ኦራ ገደና ገሾ ዲገዳ» ያገሰ።

50 ዩሱሳ ዛሪዲ፣ «ሂንቲራ ኤቁቶናይሰ፣ ኢ ሂንቲ ባጋ። ሄሳ ገሾ፣ ኢያ ዲጎፊቲ» ያገሰ።

ሳማራ አሳይ ዩሱሳ ኢዳደሶና

51 ዩሱሳ ሳሎ ቢያ ዋዴ ማታቲዳ ገሾ ዩሩሳሌም ባናው ቃንዲዲ ዳንዲሰ።

52 ሳማራ ቢታን ዳዊያ ኢሲ ጉታ ቢዲ፣ ኡባባ ኢያው ገረሳና ማላ አሴ ያ ከቲሰ።

53 ሺን ኢ ቤይ ዩሩሳሌም ገዲያ ገሾ ኤንቲ ኢያ ሞኪ ኤኪሶኮና።

54 ዩሱሳ ታማራቲ ያይቆባራኔ ዮሃንሳራ ሄሳ ቤዒዲ፣ «ሳዳው፣ ሳሎፔ ታሚ ዋዲዲ ኤንታ ዋ ጋና ማላ ኔ ኮያይ» ያገደሶና።

55 ሺን ዩሱሳ ጉዬ ሲሚ ኤንታ ሃንቁቲዲ፣ «ሂንቲ ጋርሳን አይቤ አያኒ ዳዊያኮ ሂንቲ ኤሬኬታ። አሳ ናዓይ አሴ አሻናው ዩሲፔ አቲን ጳይሳናሳ ገዳና» ያገሰ።

ዩሱሳ ካሎይ ጨገሲያ ጋቲያ
(ማቶ 8:19-22)

57 ኤንቲ ኦኪያራ ቢሺን፣ ኢሲ አሲ፣ «ኔ ቢያሶ ኡባ ታ ካላና» ያገሰ።

58 ዩሱሳ ዛሪዲ፣ «ዋርካናታስ ኦሊ፣ ሳሎ ካፎታስ ከሊ ዳዓሰ፣ ሺን አሳ ናዓይ ባ ሁዒያ ሸምፒሲያሶይ ባዋ» ያገሰ።

59 ሃንኩዋኮ፣ «ኔኒ ታና ካላ» ያገሰ። ሺን ኡራይ፣ «ሳዳው፣ ኮይርታዳ ታ አዋ ሞጋዳ ያና» ያገሰ።

60 ሺን ዩሱሳ፣ «ሃይቁዳይሳቲ ሃይቁዳይሳታ ሞጋና ማላ ኤንታው አጋጋ፤ ኔኒ ባዳ ያሳ ካዋቲላ ሳባካ» ያገሰ።

61 ቃሲ ሃራ አሲ፣ «ሳዳው፣ ታ ኔና ካላና፣ ሺን ኮይርታዳ ታ ሶ አሳ ሳርላዳ ያና» ያገሰ።

62 ዩሱሳ ዛሪዲ፣ «ኮዳ ኦይኪዲ ጉዬ ያሊያ ኦኒካ ያሳ ካዋቲላሰ ቤሴና» ያገሰ።

10

ዩሱሳ ላፑን ታማኔ ናምቡ ታማራታ ከቲሰ

1 ሄሳፌ ጉዬ፣ ጎዳይ ሃራ ላፑን ታማኔ ናምቡ * አሳታ ዶሪሰ። ኢ ባናው ቆፒዳ ካታማኔ

9:28 2ጴይ 1:17-18 9:35 እሳ 42:1፤ ማቶ 3:17፤ 12:18፤ ማር 1:11፤ ሉቃ 3:22 9:46 ሉቃ 22:24 9:48 ማቶ 10:40፤ ሉቃ 10:16፤ ዮሃ 13:20 9:54 2ካዋ 1:9-16 9:61 1ካዋ 19:20 * 10:1 ላፑን ታማኔ ናምቡ፣ ኢሲ ኢሲ ማፃፋቲ ላፑን ታማ ጎሶና፤ ቃሲ ፓይዶ 17 ያላ።

ጉታ ኡባ ሲንገላቲዲ ባናዳ ናምባ ናምባ ኦሊዲ ከቲሰ።

2 ዩሱሲ ኤንታኮ፡ «ሄኮ ሺቃና ካላይ ዳር ሺን ኦሳንቸቲ ጉላ። ያኒያ ጊሾ፡ ካላ ጎዳይ ኦሳንቸታ ከታና ማላ ዋሲቲ።

3 ሂዛ፡ ቤቱ፡ ደርሳታዳ ሱዳሜታ ጊደ ሂንቴና ታኒ ዩዳና።

4 ሂንቴ ቢያ ኦጊያስ ኣይኮካ ኣይኮፊቲ፡ ሚሼ ጊዲን ካሊ ጊዲን ጫማ ኣይኮፊቲ። ኦጊ ቦላ ኦናካ ሳርፊፊቲ።

5 ሂንቴ ጌሊያ ከላ ኡባ ኮይርቲዲ፡ ሳርይ ሃ ከላሰ ጊደ» ያገቱ።

6 ሳር ደሲያ ኣሲ ሄ ቤሳን ዳዒኮ፡ ሂንቴ ሳርይ ያን ሸምፓና፤ ኢፃስ ጊኮ ሂንቴ ሳርይ ሂንቴው ሲማና።

7 ኦሳንቸሰ ዳምዜ ቤሲያ ጊሾ ሂንቴ ጌሊዳ ከላን ሂንቴው ሺሺዳባ ኡባ ሚሼኔ ኡዪሼ ያን ጋምቲ። ኢሱዋ ሶፔ ኢሱዋ ሶ ዩፕፕ።

8 ኣይ ካታማካ ሂንቴ ጌሊያ ዋዴ ኣሳይ ሂንቴና ሞኪዲ፡ ሂንቴው ሺሺዳባ ኡባ ሚቲ።

9 ሄ ካታማን ዳዒያ ሃርጋንቸታ ፓሊሼ፡ «የሳ ካዋቲላይ ሂንቴኮ ማቲሰ» ያገዲ ኦዲቲ።

10 ሺን ኢሲ ካታማ ጌሊያ ዋዴ ኣሳይ ሂንቴና ሞኮና ኢዲኮ ዳባባ ከዪዲ ሃይሳዳ ጊቲ።

11 ሱ ቶ ቶሁዋ ቦላ ዳዒያ ሂንቴ ካታማ ባና ፒቶስ፡ ሺን የሳ ካዋቲላይ ሂንቴኮ ማታቲዳይሳ ኤሪቲ።

12 ፐርዳ ጋላሳን ሃ ካታማፔ ሶዶሜ ካታማሰ ፐርዳይ ካዉሼ ጊዳናይሳ ታ ሂንቴው ኦዲይሰ» ያገሰ።

ኣማናና ጊሾ ቦሪቲዳ ካታማታ
(ማቶ 11:20-24)

13 ካሊዲካ፡ ዩሱሲ፡ «ኔኖ ኮራዚኔ፡ ኔኖ ቤቲሳይዳ፡ ኣዬ፡ ሂንቴናን ኦሴቲዳ ማላታቲ ዪርሳኒኔ ሲዶናን ኦሴቲዳኮ ያን ዳዒያ ኣሳይ ካሌ ማዒዲ፡ ቢዲንሳ ቦላ ኡቲዲ ቤኒ ማርታን ጌሊ ኣጋናሺን።

14 ሃሳ ጊሾ፡ ሂንቴፊ ኣሊዲ ዪርሳሲኔ ሲዶናሰ የሳ ፐርዳይ ካዉያና።

15 ኔካ ቁፊርናሆሜ፡ ሳሎ ጋካናው ኔና ቶቆ ኦላናው ኮያይ? ኔ ዲጌ ሲያሌ ሆሌታና» ያገሰ።

16 ቃሲካ ዩሱሲ ባ ታማሪታኮ፡ «ሂንቴና ሲዳይ ታና ሲዳይ፡ ሂንቴና ኤኮናይ ታና ኤኮና፡ ታና ኤኮናይ ታና ከቲዳይሳ ኤኮና» ያገሰ።

ላፑን ታማኔ ናምባቲ ሲሚዶሶና

17 ላፑን ታማኔ ናምባ ታማሪቲ ከቲቲዳ ቤሳፊ ከሄ ኡፋይቲሼ ሲሚዶሶና። ዩሱሳኮ ሸቂዲ፡ «ጎዳው፡ ኔ ሱንላን ቱና ኣያናቲካ ኦሰ ከቲቲዶሶና» ያገደሶና።

18 ዩሱሲ ኤንታኮ፡ «ፃላሃይ ሳሎፕ ዋልዒንላዳ ዋዲሺን ታ ቤዒሰ።

19 ሄኮ፡ ሸሻኔ ኮርኔ ዩዳና ማላኔ ሞርኪያ ዋልቃ ዛራና ማላ ማታ ሂንቴው ኢማሰ። ሂንቴና ቆሃናባይ ኣይኮይካ ዳና።

20 ጊደሺን፡ ሂንቴ ሱንላይ ሳሎ ማዘጋባን ፃፊቲዳ ጊሾ ኡፋይቲቲፔ ኣቲን ቱና ኣያናቲ ከቲቲዳ ጊሾ ኡፋይቶፊቲ» ያገሰ።

ዩሱሲ ባ ኡፋይሳ ቆንጨሲሰ
(ማቶ 11:25-27፤ 13:16-17)

21 ሄ ዋዴ ዩሱሲ ጊሻ ኣያናን ኡፋይቲዲ፡ «ሳሎዋ ሳባ ጎዳው፡ ሃይሳ ጨንጨታፔኔ ኤራንቸታፔ ጌንላዳ ያላጋታሰ ቆንጨሲዳ ጊሾ ጋላቲታ። ኤ ታ ኣዋው፡ ሃሳ ኔ ኦላናው ሎ? ሼኔ ጊዲሰ።

22 «ኡባባይ ታ ኣዋፔ ታው ኢሜቲሰ። ናባይ ኦኔኮ ኣዋፔ ኣቲን ሃሪ ዋይኮ ናባይ ቆንጨሳናው ኮዬይሳፊ ሃሪ ኦኔካ ኣዋ ኤሬይ ባዋ» ያገሰ።

23 ካሊዲካ፡ ዩሱሲ ዲማ ባ ታማሪታኮ፡ «ሂንቴ ቤዳይሳ ቤዳይሳቲ ኣንጃቲዳይሳታ።

24 ቱማ ዳር ናቤቲኔ ካዋቲ ሂንቴ ቤዳይሳኔ ሲዳይሳ ቤዳናውኔ ሲዳናው ኣሞቲዶሶና፡ ሺን ቤዳሶኮና፡ ሲዳሶኮና» ያገሰ።

ቱማ ሲቆ

25 ሄኮ፡ ኢሲ ጋላሰ ሙሴ ዋጋ ኤሪያ ኢሲ ኡራይ ዳንዲዲ ዩሱሳ ያገዲ ፓጩ ኦይሾ ኦይቸሰ። «ኣሰታማሪያው፡ ማሪና ደዑዋ ላታናው ታኒ ኣይ ኦሎ?» ያገሰ።

26 ዩሱሲ፡ «ሙሴ ማፃፋን ፃፊቲዳይ ዋይጊ? ኔ ዋታ ናባባይ?» ያገሰ።

27 ኣዳይ ዛሪዲ፡ « ኔ ጎዳ ኔ የሳ፡ ኔ ኩሜላ ዋዛናፔ፡ ኔ ኩሜላ ሸምፕዋፊ፡ ኔ ኩሜላ ዋልቃፊኔ ኔ ኩሜላ ቆፋፔ ደሳ። ቃሲ ኣሴ ኔ ሸፈዋ ኔ ሁዲያዳ ደሳ» ያገሰ።

28 ዩሱሲ ኢያኮ፡ «ኔኒ ሊኬ ዛራዳሳ፡ ኔካ ሄሳዳ ኦላ። ኔኒ ማሪናው ደዳን ዳና» ያገሰ።

29 ሺን ኡራይ ባና ዪሎ ኦላናው ኮዪዲ፡ «ሃናሰ ኢ ታ ሸርይ ኦኔ?» ያገሰ።

30 ኢያ ኦይሻሰ ዩሱሲ ያገዲ ዛር ኢሚሰ፡ «ኢሲ ኣሴ ዳዳይሲ ዩራሳላሜ ካታማፔ ዲጌ ኢያርኮ ካታማ ቢሺን ኦጊ ቦላ ፓንጋቲ ከዪዲ ሸጪዶሶና። ኢያ ማዑዋ ቃሪ ኤኪዲ ሃይቆፔኔ ፓፃፔ ጊደን ዩጊዲ ቢዶሶና።

31 ጉዬፔ፡ ኣይሁዳ ካሂኔ ኢሶይ ሄ ኦጊያራ ባ ቡሱ ቢሼ ኡራ ቤዒዲ ዳሺ ጊዲ ኣዲሰ።

32 ቃሲ ኢሲ ሌዌ ዳዳይሲ ሄ ቤሳ ጋኪሼ ኡራ ቤዒዲ ሃራሶራ ኣዲዲ ቢሰ።

33 ሺን፡ ኢሲ ሳማሪ ቢታ ኣሴ ዳዳይሲ ሄ ኦጊያራ ዩሼ ኡራ ቤዒዲ ኢያው ቃዴቲሰ

34 ኢያኮ ሸቂዲ፡ ኢያ ማዲንላ ቦላ ዛይቲኔ ዋይኔ ቲጊዲ ቃቸሰ። ባ ሃሪያ ቦላ ኡቲሲዲ ኢማሊ ኣቂያ ከላ ኤፊሰ። ሄ ቤሳን ኢያው ኮሺያባ ኡባ ኦሊሰ።

10:2 ማቶ 9:37-38 10:3 ማቶ 10:16 10:4 ማቶ 10:7-14፤ ማር 6:8-11፤ ሉቃ 9:3-5 10:7 1ቆር 9:14፤ 1ፂሞ 5:8 10:10 ሃ.ኦ 13:51 10:11 ማቶ 10:7-14፤ ማር 6:8-11፤ ሉቃ 9:3-5 10:12 ሜዴ 19:24-28፤ ማቶ 10:15፤ 11:24 10:13 ኢሳ 23:1-18፤ ሂዝ 26:1-21፤ ኢዪ 3:4-8፤ ኣሞ 1:9-10፤ ዛካ 9:2-4 10:15 ኢሳ 14:13-15 10:16 ማቶ 10:40፤ ማር 9:37፤ ሉቃ 9:48፤ ዮሃ 13:20 10:19 ማዝ 19:13 10:22 ዮሃ 3:35፤ 10:15 10:25 ማቶ 22:35-40፤ ማር 12:28-34 10:27 ሊዌ 19:18፤ ዛሬ 6:5 10:28 ሊዌ 18:5 10:33 2ታሪ 28:15

35 ዋናቴሌ ናሞው ዲናሬ ከሲዲ አማላ ከላዋሰ አሚዲ፡ «ሃያና ሃ ኡራ ሎይላ ያለ። ታኒ ኔው አሚዲይሳፊ ሶላራ ኔ ከሲያባ ኡባ ታ ኔው ጨጋና» ያገሰ።

36 «ሂዛ፡ ሃ ሂዥ አሳታፔ ፓገጋቲ ሾጪዳ ኡራስ ሾሮቲይ ኔው ኦና ዳኒ?»

37 ኡራይ ዛሪዲ፡ «ኢያው ቃዴቲዳይሳካ» ያገሰ።

ዩሱሲ፡ «ኔካ ባዳ ሄሳዳ ኦላ» ያገሰ።

ዩሱሲ ማርታን ማይራሚ ሶን

38 ዩሱሲ ባ ታማሬታራ ኦጌ ቢሼ ኢሲ ጉታ ጋኪሰ። ያን ማርታ ጌቲቲያ ኢሲ ማጫሲያ ኢያ ባ ሶን ሞካሰ።

39 ኢዉካ ማይራሚ ገያ ሚቺያ ዳዓዉሱ፡ ማይራሚ ቃላ ሲዓሼ ጎዳ ቶሁዋ ማታን ኡታሱ።

40 ሺን ማርታ ዳሮ ኦሶን ኡንዔታዳ ዩሱሳኮ ሺቃዳ፡ «ጎዳው፡ ታ ሚቺያ ኦሱዋ ታ ያላላሰ ዩጋዳ ኡታ አገን ታ ዳቡሪያ ዋዴ ኔጌ ቤዓሼ ሲዒ ጋይ? ኢያ ታና ማዳና ማላ ኦዲኪ» ያገሱ።

41 ሺን ጎዳይ ሃይሳዳ ገዲ ዛሪሰ፡ «ማርታ፡ ማርታ፡ ኔጌ ዳሮባን ኡንዔታሳኔ ሚቶታሳ።

42 ገደሺን፡ ኮዩቲይ ኢሲባ ያላላ። ማይራሚ ሎዖባ ደራሱ፡ ሄሲካ ኢፔ ኤኬቴና» ያገሰ።

11

ዩሱሲ ዋሳባ ታማርሲሰ (ማቶ 6:9-13፤ 7:7-11)

1 ኢሲ ጋላሰ ዩሱሲ ኢሲ ቤሳን ዋሴሰ። ዋሳ ዉርሲዳ ዋዴ ኢያ ታማሬታፔ ኢሰይ፡ «ጎዳው፡ ዮሃንሲ ባ ታማሬታ ዋሳ ታማርሲዳ ማላ ኔካ ኦና ዋሳ ታማርሳ» ያገሰ።

2 ዩሱሲ፡ «ሃይሳዳ ያገዲ ዋሲቲ፡ ሳላዎን ዳዒያ ኦ አዋው ኔ ጌሻ ሱንሳይ አንጃቶ፤ ኔ ካዋቲሳይ ዮ።

3 ኦ ጋላሳ ካላ ሃቺ ሃቺ ኦሰ አማ።

4 ኦና ቆሃይሳታ ኦኒ አቶ ጌይሳዳ፡ ኦ ናጋራ አቶ ጋ፤ ፓጩን ኦና ጌልሶፋ» ያገቱ» ያገሰ።

5 ካሊዲካ፡ ዩሱሲ ባ ታማሬታኮ ያገሰ፡ «ሎሚሶስ ሂንቴሬ ኢሱዋሰ ላጌይ ዳዔሰ። ኢ ገዲ ቢላሃ ባ ላጌያ ሶ ቢዲ፡ ታ ላጌያው፡ ሂዥ ሶሎ ታው ታልዓርኪ።

6 ታው ላጌ ገዲዳ ኢሲ አሲ ኦጌፔ ዩን፡ ኢያው አሊያባ ዳያሰ» ያገቱ።

7 «ኢያ ላጌይ ከላ ገደን ገዲዲ፡ ሃያና ታና ዋይሰፓ፡ ዉላይ ጎርዴቲሰ። ታ ናይቲካ ታራ አርሳ ቦላ ዘንዒደሶና። ያኒያ ገሾ፡ ዳንዳዳ ኔ ኮያባ አማናው ዳንዳዒኬ» ያገቡ።

8 ታ ሂንቴው ኦዳይሰ፤ ላጌቲላ ገሾ ዳንዲዲ አማናው ኮዮና ኢዳኮካ ዋሳን ሳሌሊዳ ገሾ ዳንዲዲ ኮሺያባ ኡባ አሚሰ።

9 «ሄሳ ገሾ፡ ታኒ ሂንቴው ኦዳይሰ፤ ዋሲቲ ሂንቴው አሚታና፤ ኮዩቲ ሂንቴ ዳማና፤ ካሬ ዩዲ ዳጌቲ ሂንቴው ዳዩታና።

10 ጋሶይካ ዋሲያ ኡባይ ኤኬሰ፤ ኮዩይ ዳሚሰ፤ ካሬ ዩዲ ዳጌይሳሰ ዳዩቲሰ።

11 «ሂንቴኖ፡ አዋቶ ሂንቴ ገደሬ ናዒ ኡይሊ ዋሲን ሹቺ አሚይ ኦኔ? ሞሎ ዋሲን ሾሽ አሚይ ኦኔ?

12 ዋይኮ ጰጰሌ ዋሲኮ ኮርኔ አሚ?

13 ሂንቴ ኢታታ ገዲሼ ሂንቴ ናይታሰ ሎዖባ አሞ ኤሪኮ፡ ሳሎን ዳዒያ ሂንቴ አዋይ ዋሴይሳታሰ ጌሻ አያና ዋቲ አሊ አሚኔ?» ያገሰ።

ዩሱሳኔ ቢዔልዜቡላ

14 ኢሲ ጋላሰ ዩሱሲ ደና ሙሚሲዳ ቱና አያና ኢሲ ኡራፔ ከሲሰ። ቱና አያናይ ከዩዳ ማላ ሙሚ ኡራይ ኦዴቲሰ። አሳይካ ማላሌቲሰ።

15 ሺን ኢሶቲ ኢሶቲ፡ «ቱና አያና ሃላቃ፡ ቢዔልዜቡላ ዋልቃን ቱና አያናታ ከሴሰ» ያገደሶና።

16 ሃራቲ ቃሲ ፓጩሰ ሳሎፔ ማላ ቤሳና ማላ ኮዩደሶና።

17 ሺን ዩሱሲ ኤንታ ቆፋ ኤሪዲ ኤንታኮ፡ «ዋሊ ገደን ሻኬቲያ ካዋቲሊ ኡባይ ዳዩሰ፤ ዋሊ ገደን ሻኬቲያ ከሊ ኩንዴሰ።

18 ያላሄይ ዋሊ ገደን ሻኬቲያ ኢያ ካዋቲላይ ዋኒዲ ሚኒዲ ኤቃኔ? ሂንቴ ታና፡ ሲ ቱና አያናታ ቢዔልዜቡላ ዋልቃን ከሴሰ» ያጌታ።

19 ሂዛ፡ ታኒ ቱና አያና ቢዔልዜቡላ ዋልቃን ከሲያባ ገዲኮ ሂንቴ ናይቲ ኦዴ ዋልቃን ከሶናሻ? ሄሳ ገሾ፡ ኤንቲ ሂንቴ ቦላ ፕርዴይሳታ ገደና።

20 ሺን ታኒ ቱና አያናታ ያሳ ቢራዴን ከሲያባ ገዲኮ ሂዛ ያሳ ካዋቲላይ ሂንቴኮ ማቲዳይሳ ኤሪቲ።

21 «ሚኖ አሲ ዳንጩቲዲ ባ ከላ ናጌያባ ገዲኮ፡ ኢያ ሻሎይ ቦሼቲና።

22 ሃናሺን፡ ኢያፔ አዲ ሚኖ ገዲዳ አሲ ዩዲ፡ ኢያ ቆሃዲ ያኒኮ አማኔቲዲ ዳንጪዳ ዳንጩዋ ቢሊሲዲ፡ ኢያ ሻሎዋ ቦንቂዲ ሃራሰ ሻኬሰ።

23 «ታራ ገደናይሲ ታና ኢዳሰ፤ ታራ ሺሾናይሲካ ላሌሰ።

24 «ቱና አያናይ አሳፔ ከዩዳ ዋዴ ሹምፕያሶ ኮዩዲ ሃሊ ባይናሶራ ዩዩሰ። ሹምፕያሶ ዳዩዳ ዋዴ ታ ከዩዳኩዋ ሲማና» ያጌሰ።

25 ኢ ሲሚያ ዋዴ ከላይ ፒቲቲዲ ሎዒዲ ዳዒሺን ዳሚሰ።

26 ሃሳፊ ጉዩ፡ ቢዲ ኢያፔ አዲ ኢቲዳ ሃራ ላፑን ቱና አያናታ ኤኪዲ ዩሰ። ኢያን ጌሊዲ ዲሱ ኦይኬሰ። ሄ ኡራሰ ኮይሮይሳፊ ጉዩይሲ አዲ ኢታ ገዴሰ» ያገሰ።

27 ዩሱሲ ሃሳ ኦዳ ቦላ ዳዒሺን ኢሲ ማጫሲ አሳ ጋላፊ ዳንዳዳ፡ ባ ቃላ ጰቁ ኦሳዳ፡ «ኔና ቶኪዳ ኡሎይኔ ኔጌ ዳሚዳ ዳንላቲ አንጃቲደሶና» ያጋሰ።

28 ሺን ኢ፡ «አንጃቲዳይሳቲ ያሳ ቃላ ሲዒዲ ኪቲቲይሳታ» ያገሰ።

ዮናሳ ማላ

29 ዳር አሳይ ሸቂዳ ዋዴ ዩሱስ፡ «ሃ ዩሌቴላይ ኢታ፤ ኦራላ ማላ ኮዬስ። ሺን ዮናሳ ማላታ፤ ኣቲን ሃሪ ኤንታው ኢሜቴና።

30 ዮናሱ ናናዌ አሳሰ ማላ ጊዲዳ ማላ አሳ ናዓይካ ሃ ዩሌቴላስ ማላ ጊዲና።

31 ዲጌሃ ካዊያ ፐርዳ ጋላስ ሃ ዩሌቴላራ ዳንዲዳ ፐርዳና። ጋሰይካ፡ ኢያ ሶሎሞኔ ጨንጨቴላ ሰዓናው ቢታ ጋፃ፤ ዳንዲዳ ያሱ። ሄኮ ሶሎሞኔ፤ ኣዲይሲ ሃይሳን ዳዔስ

32 ናናዌ አሳቲ ፐርዳ ጋላስ ሃ ዩሌቴላራ ዳንዲዳ ኤንታ ሶላ ፐርዳና። ጋሰይካ ዮናሳ ሰብካቲያን ማርታ ጌሊደሶና። ሄኮ፡ ዮናሳ፤ ኣዲይ ሃይሳን ዳዔስ» ያገሰ።

አሳቴላ ፖዖ

33 «ፆሞ፤ ፆሞ፤ ፆሞ፤ ቆሳ ቤሳን ዋይኮ ኦቶ ጊደን ዋሊያ አሲ ዳና። አሲ ፖራዎ ቤዓና ማላ ዶቃ ቤሳን ዋሊያ።

34 ኔ አሳቴላስ ፖዖይ ኔ አይፊያ። ኔ አይፊይ ሎዖ ጊዲኮ፡ ኔ ኩሜላ አሳቴላይ ፖዔስ። ኔና አይፊይ ሳኪኮ ኔ አሳቴላይ ኡባይ ቆሜስ።

35 ሄሳ ጊሾ፡ ኔ ጋርሳን ዳዔያ ፖዖይ ቆሞና ማላ ናጌታ።

36 ሂዛ፡ ኔ ኩሜላ አሳቴላይ ፖዖ ጊዲኮ፡ ኔ አሳቴላንካ ሃሪ ቆማ ቤሲ ቆዩኮ፡ ኔ አሳቴላ ኩሜላይ ዋሊሌ ፖዖ ማላ ጊዳስ» ያገሰ።

ኡሱፑን አዬታ

(ማቶ 23:1-36፤ ማር 12:38-40)

37 ዩሱሲ ባ ኦዳ ኦንጊዳ ማላ ኢሲ ፋሪሳዊይ ባራ ካሊ ማና ማላ ያገሰ። ኢ ኢያራ ኢሲፊ ጌሊዲ ጊቢራ ቦላ ኡቲስ።

38 ፋሪሳዊይ ዩሱሲ ካሊ ማና፤ ሲንፍ ኩሼ ማጮናይሳ ቤዒዲ ማላሌቲስ።

39 ጎዳይ ኢያኮ፡ «ሂንቴ ፋሪሳዊቲ ቁሊያኔ ሻቲያ ቦላ ባጋ ማጮታ። ሺን ሂንቴ ጋላይ ኡዜቴላኒ ኢታቴላን ኩሚስ።

40 ሂንቴኖ፡ ኤያቶ፡ ካሬ ባጋ ማዲዳይሲ ጋላ ማዲዳይ ኢያ ጊዳይዬ?

41 ሺን ቁሊያኒ ካቲያን ዳዔይሳ ማንቆታስ ኢሚቲ። ሄ ዋዴ ሂንቴው ኡባባይ ጌሺ ጊዲና።

42 «ፋሪሳዊቶ ሂንቴና አዬ፡ ሳዎ፤ ፃሎቴ፤ ሂሳ ማላባ፤ አሰራታ ኬሴታ። ሺን ዒሎቴላኔ ያሳ ደሶይ ሂንቴናን ባዎ። ሃራታ አጎና ሃይሳታካ ኦላናው ቤሴስ፡ ሺን ኣገዳታ።

43 «ፋሪሳዊቶ ሂንቴና አዬ፡ አይሁዳ ዋሳ ኬላን ቦንቾ ኦይዴ፡ ጊያ ጊደን ቦንቾ ሳርሶ ደሴታ።

44 «ማላይ ቆዩን አሳይ ኤርና ቦላራ ቢያ ዲፎ ዳይሳቶ ሂንቴና አዬ» ያገሰ።

45 ሂጌ አስታማሬይ ዛሪዲ፡ «አስታማሬው፡ ኔ ሂሳ ጋሼ ኦና ጫያሳ» ያገሰ።

46 ዩሱሲ፡ «ሂንቴኖ፡ ሂጌ አስታማሬቶ፡ ሂንቴናካ አዬ፡ አሳይ ቶካናው ዳንዳዖና ደዖ ቶሆ ቶሴታ፡ ሺን ሂንቴ ሂንቴ ሁዔስ ሃሪ አቶሺን ቢራዴ ያራንካ ቦቼኬታ።

47 «ሂንቴ አዎቲ ዋዲዳ ናቤታ ዲፋዎ ሂንቴ ጊሊሲያ ጊሾ ሂንቴና አዬ።

48 ሂዛ፡ ሂንቴ አዎታ ኦሎዎ ማንላናው ኤንቴ ዋዲዳ ናቤታ ዲፋዎ ሂንቴ ሎይሊያ ጊሾ ኤንታ ኢታ ኦሎዎስ ሂንቴ ማርካ።

49 ሄሳ ጊሾ፡ ያሳይ ባ ጨንጨቴላን፡ «ናቤታኔ ሃዎሬታ ታ ሂንቴው ከታና፡ ሺን ሂንቴ ባጋታ ዋዳና፤ ሃራታ ጎዳና» ያገሰ።

50 ሄሳ ጊሾ፡ ሃ ዩሌቴላይ አላሚይ ማዲቶሳ፤ ሃኖ ጋካናው ጉኪዳ ናቤታ ኡባ ሱላስ አይሼታና።

51 አቤላ፤ ደሚዲ ያርሾ ቤሳሲኔ ያሳ ኬላፊ ጊዲዎን ጉኪዳ ዛካሪያሳ ሱላ ጊሾ ሃ ዩሌቴላይ አይሼታና።

52 «ሂጌ አስታማሬቶ፡ ሂንቴና አዬ፡ ኤራቴላ ቁልፒያ ሂንቴ ኩሼን አይኪዳታ፡ ሺን ሂንቴው ጌሌኬታ ሃራታካ ጌልሴኬታ።» ያገሰ።

53 ዩሱሲ ያፔ ባናው ኬያ ዋዴ ሂጌ አስታማሬቲኔ ፋሪሳዊቲ ኢያራ ኤቁቲዲ አይሸን ዋይሶሶና።

54 ኢያ ደና፤ ኬያ ቃላን ኢያ ኦይካናው ኮዩዲ ሄሳ ኦሊደሶና።

12

አያና ማንጴሶ

(ማቶ 10:26-27)

1 ሄ ዋዴ ዳር ሙኩሉን ታይቤቲያ አሳይ ዋሊ ቦላ ዩዴታና ጋካናው አሲ አሳ ቦላ ሸቂዲ ዳዒሺን፡ ዩሱሲ ባ ታማሬታኮ፡ «ፋሪሳዊታ ኢርሹዋሬ ናጌቲ፤ ሄሲካ ኤንታ ጨቦቴላ።

2 ቆንጮና ቆሴቲዲ፡ ኤራቶና ጌሚዲ አቲያባይ አይኮይካ ባዎ።

3 ሂዛ፡ ሂንቴ ቆሚን ኦዲዳባይ ኡባይ ፖዖን ሲዔታና፡ ቆልዓ ጋላን ካልካሺዳባይ ዳባባን ኦዴታና።

4 «ታ ባጋቶ፡ ታ ኦዴይሳ ሲዒቲ፤ አሹዎ ዋዲሶና፤ ኣቲን ሃራ አይኮካ ኦላናው ዳንዳዖናይሳታስ ባቦፊ፤

5 ሃኖሺን፡ ሂንቴ ባባናው ቤሴይሳ ታ ሂንቴው ቆንጨሳና። ሄሲካ ዋዲዳ፤ ጉዬ ጋናሚን ዩጋናው ዋልቃይ ዳዒይሳስ ኢያው ባቢ፤ ኤ፡ ቱማ ጋይስ፤ ኢያው ባቢ።

6 ኢቻሹ ቡቤቲ ኢሲ ሳንቲሚስ ባይዜቶኮናዬ? ሃኖ፤ ኣቲን ኤንታፊ ኢሲናካ ያሳ ሲንሳን ደጌቲኮ።

7 ሃሪ አቶሺን፡ ሂንቴ ሁዔ ቢናናይካ ፓይዴቲዲ ዳዒስ። ሂዛ፡ ባቦፊ፤ ዳር ቡቤታ፤ ሂንቴ አዴታ።

8 «ታ ኦዴይሳ ሲዒቲ፤ አሳ ሲንሳን ታው ማርካቲያ ኡባስ አሳ ናዓይ ያሳ ከታንቾታ ሲንሳን ማርካታና።

9 አሳ ሲንሳን ታና ካዴይሳስ ያሳ ከታንቾታ ሲንሳን ታ ኢያ ካዳና።

11:30 ዮሃ 3:4 11:31 1ካዎ 10:1-10፤ 2ታሪ 9:1-12 11:32 ዮሃ 3:5 11:33 ማቶ 5:15፤ ማር 4:21፤ ሉቃ 8:16 11:42 ሉዌ 27:30 11:51 ሜዴ 4:8፤ 2ታሪ 24:20-21 12:1 ማቶ 16:6፤ ማር 8:15 12:2 ማር 4:22፤ ሉቃ 8:17 12:10 ማቶ 12:32፤ ማር 3:29 12:11 ማቶ 10:19-20፤ ማር 13:11፤ ሉቃ 21:14-15

10 እሳ ናባ ቦላ ካጄ ቃላ ሃሳያ ኡባይ ማርታ ዳማና፣ ሺን ገሻ አያና ቦላ ካጄ ቃላ ኦዳቲይሲ ማሪቴና።

11 «አሲ ሂንቴና ኦይኪዲ አይሁዳ ዎሳ ኬላን፣ ዳይናታ ሲንላኒኔ ካዎታ ሲንላን ጎሼቹያ ዎዴ አይ ኦዳኔኮኔ ዎይጊ ዛራኔኮ ሂርጎፊቴ።

12 ሂ ዎዴ ሂንቴ ኦዳናባ ገሻ አያናይ ሂንቴና ታማርሳና» ያገሰ።

ዱሬ ኡራ ኤያቴሳ

13 እሳ ጊደሬ ኢሲ አሲ ዩሱሳኮ ዩዲ፣ «ታ አሻይ ታው ኦ አዎ ላታፔ ሻካና ማላ ኢያው ኦዳ» ያገሰ።

14 ዩሱሲ ዛሪዲ፣ «ላ አዲያው፣ ሂንቴ ቦላ ታና ዳይናኔ ላታ ሻኪያ ጨማ አሉዳይ ኦኔ?» ያገሰ።

15 ቃሲካ ዩሱሲ፣ «እሳ ዳይላ ሻሎ ዳርቴላን ጊደና ጊሾ ያሪ አጊዲ ማንሉዲ ሂንቴና ናጊቴ» ያገሰ።

16 ካሊዲካ ለሚሶን፣ «ጋዴይ ዳር ካሉ አሚያ ኢሲ ዱሬ ኡራይ ዳዔሰ።

17 ሂ ኡራይ፣ «ታ ካላ ታኒ ሸሻናው ቤሲ ጉዲዳ ጊሾ አይ አላ?» ያገረዱ ባ ዎዛናን ቆጠሰ።

18 ሂዛፔ ያታና፣ ካሴ ዳዔያ ሻሌታ ላላዳ ሃራ ዳልጋ ሻሌታ ኬፃና። ካላኔ ታው ዳዔያባ ኡባ ኢያን ዩጋና።

19 ባ ሸምፔኮ፣ «ታ ሸምፔቴ፣ ዳር ላይላሰ ኔው ጊዲያ ሻሎ ሸሻሰ። ሂዛ፣ ሸምፓዳ ማ፣ ኡያ፣ ኡፋይታ» ያጋና።

20 «ሺን ያሳይ፣ «ላ፣ ኤያ አዲያው፣ ሃቹ ቃማ ኔ ሸምፔያ ኔፔ ኤኬታውሱ። ሂዛ፣ ኔ ሸሸዳባይ ኦዳሰ ጊዳኔ?» ያገሰ።

21 «ሃሳ ጊሾ፣ ባው ዱሬቴሉ ሳዓን ሸሸያ አሳሰ፣ ያሳ ማታን ዱሬ ጊደና አሳሰ ዉርሴላይ ሃ ኡራይሳ ማላ» ያገሰ።

ኡንዔቶፊቴ

(ማቶ 6:25-34)

22 ሃሳፊ ጉዩ፣ ዩሱሲ ባ ታማሪታኮ፣ «ሂዛ፣ ታ ኦዲያባ ሲዒቴ፣ ሂንቴ ሸምፔቀሰ አይ ሚኖ ሂንቴ ቦላሰ አይ ማዒኖ ያገረዱ ኡንዔቶፊቴ።

23 ሸምፖይ ካላፊ ቦሊ አፊላፔ አጄሰ።

24 ካፎታ ቤዒቴ ዜርኮና፣ ኪሾኮና፣ ኤሌይካ ሻሌይካ ባዎ። ሺን ያሳይ ኤንታና ሙዜሰ። ሂንቴ ካፎታፔ ዳር አጄታ።

25 ሃኖሺን፣ ሂንቴፊ ኡንዔቲዲ ባ ላይላ ቦላ ኢሲ ቃማ ጉጃናው ዳንዳዔይ ኦኔ?

26 ሂዛ፣ ሃ ጉላባ ኦላናው ዳንዳያና ሂንቴ ሃራባሰ አይሰ ኡንዔቴቲ?

27 አኔ ጨሻቲ ዋኒዲ ዲጨያኮ ቤዒቴ። ዎኮኮናኔ ሱቆኮና። ሃሪ አቶሺን፣ ሶሎሞኔይ ባ ዳዔያ ቦንቾ ኡባን ኤንታፊ ኢሱዎ ማላካ ማዒቤና።

28 ሂንቴና፣ አማናይ ፓጨዳይሳቶ፣ ሂዛ፣ ያሳይ ሃቹ ቤንቴዲ ዎንቶ ታማን ዩጌታና ጨሻታ ሃይሳዳ ማይዚኮ፣ ሂንቴና ዎቲ አሉ ማይዜኔ?

29 ሃሳ ጊሾ፣ አይ ሚኖ ዎይኮ አይ ኡዩኖ ጊዲ ኡንዔቶፊቴ።

30 ሂ ኡባሰ ያሳ አማናና አሳቲ ኡንዔቶሶና። ሺን ሂንቴ አዎይ ያሳይ ሄሲ ኡባይ ሂንቴው ኮሼይሳ ኤሬሰ።

31 ኡባፊ አሉዲ ያሳ ካዎቴላ ኮዩቴ ሄሲ ኡባይ ሂንቴው ጉጂ አሚታና።

32 «ሂንቴና፣ ጉላ ዳሪቶ፣ ያዮፊቴ፣ ሂንቴ አዎ ያሳይ ካዎቴላ ሂንቴው አማናው ኡፋይቴሰ።

33 ሂንቴው ዳዔያባ ባይዚዲ ማንቆታሰ አሚቴ። ካይሶይ ኤኮናሶን፣ ቢሊ ዎናሶን፣ ጨሞና ካርዒታን፣ ዉርና ሻሎዎ ሳሎዎን ሸሸቴ።

34 ሂንቴ ዎዛናይ ሂንቴ ሻሎይ ዳዔያሱዎን ጊዳና።

ባርኪዲ ናጎ

35 «ቃንላን ዳንጨዲ ጊጌቴቴ፣ ሂንቴ ያምፔይ ፖዒዳይሳ ጊደ።

36 ባንታ ጎዳይ ያጋኖፔ ሰማና ጋካናው ባርኪዲ ናጌይሳታዳ፣ ጎዳይ ዩዲ ፃጊያ ዎዴ ኤሌሲዲ ዳያናው ጊጊዳ አሳታ ዳኒቴ።

37 ባንታ ጎዳይ ሰሚያ ዎዴ ጄሰኮና ዳዒሽ ናጌይሳቲ አንጃቲዳይሳታ። ቱማ ጋይሰ፣ ጎዳይ ቃንላን ዳንጨዲ ጋይታ ዩሹዎን ኡቲሲዲ ዎኬሰ።

38 ጎዳይ ላዴ ጊዲን ጊዲ ቢላሂ ጊዲን ዎይኮ ዎንቴማሉ ጊዲን ዩዲ፣ ሄሳ ማላ ጄሰኮና ናጊሺን ዳሚያ ሄ አይሌቲ አንጃቲዳይሳታ።

39 ሺን ሃይሳ ኤሪቴ፣ ካይሶይ አዉዴ ያኔኮ ኬላዎይ ኤሪያኮ ኬላይ ቦኬቲያ ዎዴ ሲዒ ጊዲ ቤዔና።

40 ሂንቴካ ጊጊዲ ናጊቴ፣ አሳ ናዓይ ሂንቴ ቆፖና ዎዴ ያና» ያገሰ።

41 ጴጃርሲካ፣ «ጎዳው ሃ ለሚሱዎ ኦ ፃላላሰ ኦዳዬ ዎይኮ አሳ ኡባሴ?» ያገሰ።

42 ጎዳይ ዛሪዲ፣ «ሂዛ፣ ካላ ሙዛናው ቤሲያ ዎዲያን አማና ማላ ጎዳይ ባ አይሌታ ቦላ ሹሚዳ አማንሌይሲኔ ዎዛናማ ሃላቃይ ኦኔ?

43 ጎዳይ ሰሚያ ዎዴ ሄሳ ማላ ኦሊሽ ቤንቴያ አይሌይ ኢ አንጃቲዳይሳ

44 ታ ሂንቴው ቱማ ኦዳይሰ፣ ባ ጎዳሰ ዳዔያ ሻሎ ኡባ ቦላ ኢ ሹሚታና።

45 ሺን ሄ አይሌይ፣ «ታ ጎዳይ ኤሌ ዩና» ያገረዱ ባ ዎዛናን ቆጠዲ፣ ማጫ አይሌታኔ አዴ አይሌታ ዎጂኮ፣ ቃሲ ባው ኮዩዳ ማላ ሚሼኔ ኡዩሽ ማላቲኮ።

46 ሄ አይሌያ ጎዳይ ኢ ቆፖና ጋላሳኒኔ ሂርጎና ዎዴ ያና። ዩዲ ኢያ ቃንፃሬሉዲ፣ ኢያ ቃዳ አማናና አሳታራ ኦላና።

47 «ጎዳ ሸኒያዳ ጊጎናይሲኔ ኢያ ጎዳይ አይ ደሲያኮ ኤሪሽ ኦላና አይሌይ ዳር ጋራፊታና።

48 ሺን ባ ጎዳ ሸኒያ ኤርና አቲዲ ጋራፊታናው ቤሴይሳ ኦሊዳይ ጉላራ ጋራፊታና። ጋሶይካ ዳር አሚቲዳይሳፊ ዳር ኮዩቴሰ፣ ዳር ሃዳራ ኤኪዳይሳፊካ ዳር አማና ጊዲ ናጌቴሰ።

ሳርቴላሰ ጊደናሺን ሻኬቴላሳ

(ማቶ 10:34-36)

49 «ታኒ ዩዳይ ቢታ ቦላ ታማ ኦይላናሳ። ሃዒ ታማይ ኦይኪያኮ ታና ዎቲ ኡፋይሳንዴሻ!

50 ሃኖሽን፡ ታ ሃሲ ፃማቄቲያ ዓንቃቲይ ዳዔስ። ኢ ፖሌታና ጋካናው ታ ዳሮ ኡንዔታይስ።

51 ሳዓ ቦላ ሳሮቲላ ኤሃናው ዩዳ ሂንቴው ዳኒ? ጊዳና፡ ታ ዩዳይ ሻካናሳ።

52 ሃሲፊ ደሚዲ ዋሊ ጊደን ሻኬቲዳ ኢቻሹ ከላ አሳቲ ኢሲፊ ዳዖሶና። ናምዓቲ ሂቫታ ቦላ፡ ሂቫቲካ ናምዓታ ቦላ፡ ዳንዲዲ ሻኬቶሶና።

53 አዋይ ናዓ ቦላ፡ ናዓይካ አዋ ቦላ፡ አያ ናዔ ቦላ፡ ናዔያ አዬ ቦላ፡ አዚና አያ ናዓ ማቼ ቦላ፡ ናዓ ማቼያ አዚና አዬ ቦላ፡ ዳንዲዲ ሻኬታና።»

ላይላታ ማሎ (ማቶ 16:2-3)

54 ቃሲካ አሳኮ፡ «ዉሎሃ ባጋራ ሳሎይ ሻራቲያ ዋዴ ቤዒዲ፡ ኤሌሲዲ፡ ሳሪ ያና ያጌታ፡ ሄሳዳካ ሃኔስ።

55 ዲጌሃ ጫርከይ ጫርከያ ዋዴ ሳዓይ አዋና ያጌታ፡ ሄሳዳካ ሃኔስ» ያጌሰ።

56 ሂንቴና፡ ጩቦቶ፡ ሳሎባኔ ሳዓባ ሻኪ ኤሬታሽን ሃ ዋዲያ ሻኪ ኤርይ ሂንቴና ዋኒዲ ያኒዴ?

57 «ያቲን፡ ሂንቴ ሁዔስ አይስ ቱማ ፒርዴከቲ?»

58 ኔ ሞርከያራ ዋላ ዳይና ሲንላን ኤቃናው ባሼ ኦኔ ቦላ ገጋናው ኮያ። ኔ ገና ኢዲኮ ሳሹቲዲ ዳይና ሲንላ ኔና ኤፋና። ዳይናይ ኔና ፖሊሴስ አላ አማና። ኢ ኔና ዋይኔን ዩጋና።

59 ሲዒቲ፡ ኢሲ ባካኒ አቶና ጩጋ ኦንጋና ጋካናው ኔ ያፔ ከዮናይሳ ኤራ» ያጌሰ።

13

ናጋራፔ ሲዋ

1 ሄ ዋዴ ዩሱሳኮ አሳይ ዩዲ ጲላዖሲ ዋዲዲ ኤንታ ሱላራ ኤንታ ያርሹዋ ዋላኪዳ ጋሊላ አሳባ ኦዲዳ አሳቲ ሄ ቤሳን ዳዖሶና።

2 ኢ ሃይሳዳ ያጌዲ ዛሪስ፤ «ያቲን ሄ ጋሊላ አሳቲ ሄ ኢታ ሃይቆ ሃይቁዳ ገሾ ጋሊላን ዳዔያ አሳ ኡባፊ አዲዳ ናጋራንቸ ዳኖና?

3 ጊዳና! ጊደሽን፡ ሂንቴካ ማርታን ሲሞና ኢዲኮ፡ ኡባይ ሄሳዳ ዳያና።

4 ዋይኮ ቃሲ ሳሊሆሚ ጊያ ቤሳን ገምቤይ ዋዲዲ ዋዲዳ ታማኔ ሆሰፑን አሳይ ዩሩሳሌምን ዳዔያ አሳ ኡባፊ አዲዳ ናጋራንቸ ዳኖና?

5 ጊዳና! ሽን ሂንቴካ ማርታን ሲሞና ኢዲኮ ኡባይ ሄሳዳ ዳያና።»

6 ቃሲካ ዩሱሲ ሃይሳዳ ጊዲ ለሚሶ ኦዲስ፡ «ኢሲ ኡራስ ዋይኔ ጋዴን ቶኬቲዳ ባላሴ ሚሊያ ዳዓዉሱ። ኢ ኢፔ አይፊ ኮዩ ዩዲ አይኮካ ዳሚቤና።

7 ጋዲያ ጎዳይ ዋይኔ አሳንቸዋኮ፡ ሳይፊ ዳማናው ኮያዳ ሂቶ ላይላ ሲሜሬታዳ አይኮካ ዳማቢኬ። ሄሳ ገሾ፡ ቃንፃ ዲጋ፤ አይስ ቢታ ሜሊሳይ?» ያጌሰ።

8 «ሽን ኦሳንቸይ፡ ሳዳው፡ ኢ ዩሹዋ ኦላዳ አሻ ዩጋና ጋካናው ሃ ላይላስ አጋርኪ።

9 ሃ ላይላ አይፊኮ ሎዖ፡ ኢዲኮ ቃንፃ አጋ » ያጌዲ ዛሪስ።

ዘኮ ኩኒዳ ማጫሲያ ፓፃሱ

10 ዩሱሲ ሳምባታ ጋላስ አይሁዴ ዋሳ ከላን ታማርሴስ።

11 ሄ ቤሳን ታማኔ ሆሰፑን ላይላ ቱና አያኒ ዘኮ ኩኒሲዳ ኢሲ ማጫሲያ ዳዓዉሱ። ኢያ ኩናፔ ዳንደይሳን ሱሬ ኤቃናው ዳንደዑኩ።

12 ዩሱሲ ኢዮ ቤዒዳ ዋዴ ያጌዲ፡ «ሃ ማጫሴቲ፡ ኔ ሃርጊያፊ ፓፃዳሳ» ያጌሰ።

13 ባ ኩሺያ ኢ ቦላ ዋላን፡ ኢያ ሰሁዋራ ሱራዳ ኤቃሱ። ያሳካ ጋላታሱ።

14 ሽን አይሁዴ ዋሳ ከላ ሃላቃይ ዩሎቲዲ አሳኮ፡ «ኦሶ ኦላያ ኡሱፑን ጋላሳቲ ዳዖሶና። ሄሳ ገሾ፡ ሄ ጋላሳታን ዩዲ ፓፃፔፔ አቲን ሳምባታ ጋላስ ጊዳና» ያጌሰ።

15 ጎዳይ፡ «ጩቦቶ፡ ሂንቴ ጊደፊ ቦሪ ዋይኮ ሃሬ ሳምባታ ጋላስ ዛዳሎፔ ቢሊዲ ሃሌ ኡሻናው ኤፎናይ ኦኔ?

16 ያቲን፡ ሃ ማጫሲያ አብራሃሚ ናዓ ጊዳሼ ዓላሂን ቃሹታዳ ታማኔ ሆሰፑን ላይላ ኩሜላ ዳዒዳሪስ ሳምባታ ጋላስ ቢርሹቲላ ኮሼኔ?» ያጌዲ ኦይቸሰ።

17 ኢ ሄሳ ኦዲዳ ዋዴ ኤቁቲይሳቲ ኡባይ ዩላቲደሶና። ሽን አሳ ኡባይ ኢ ኦላዳ ማላሊሲያ ኦሶ ኡባን ኡፋይቲደሶና።

18 ሃሳፊ ጉዩ፡ ዩሱሲ ሃይሳዳ ያጌሰ፡ «ያሳ ካዋቲላይ አይ ዳኒ? ኢያ አይቢራ ዳኒሶ?

19 ያሳ ካዋቲላይ ኢሲ አሲ ባ ጎሻን ቶኪዳ ዋላ አይፊ ሚላ። ኢ ዲጩዲ ሚላ ጊዲስ። ሳሎ ካፎቲ ኢያ ታሺያ ቦላ ሽምፒደሶና።

20 ቃሲ፡ «ያሳ ካዋቲላ አይቢራ ዳኒሶ?

21 ኢሲ ማጫሲያ ዳሮ ዲሎራ ዋላካዳ ሙኑቁዳ ጉላ ኢርሾ ዳኔስ» ያጌሰ።

ፀንሳ ዉላ

22 ሄሳፊ ጉዩ፡ ዩሱሲ ዩሩሳሌም ቢሼ ኢ ካንሊያ ኦጊያን ዳዔያ ካታማታኒኔ ጉታታን ታማርሴሽ አዲስ።

23 ኢሲ አሲ ዩሱሳኮ፡ «ጎዳው፡ አታናይ ጉላ አሳ ዓላሌ?» ያጌዲ ኦይቸሰ።

ዩሱሲ ኤንታኮ፡

24 «ሲዒቲ፡ ፀንሳ ዉላራ ጌላናው ባፃቲቲ፡ ዳሮቲ ጌላናው ኮዮሶና ሽን ኤንታው ሃኔና።

25 ከላዋይ ዳንዲዲ ዉላ ጎርዲዳፔ ጉዩ ሳኩ ዳያርኪ» ያጌሽ ካሬን ኤቁዲ ያሲ ኦይኬታ። ሽን ኢ፡ ሂንቴ ኦኔኮኔ አዉፔ ዩዳኮ ታ ኤሪኬ» ጊዲ ዛራና።

26 ሄ ዋዴ ሂንቴ፡ ሳራ ዋላ ሚዳ፡ ኡዩዳ፡ ኦ ዳባባንካ ታማርሳዳሳ» ያጋና።

27 «ኢ ዛሪዲ፡ ሂንቴ ኦኔኮኔ አዉፔ ዩዳኮ ኤሪኬ። ሂንቴኖ፡ ጌላቶ ታፔ ሃኪቲ» ያጋና።

28 አብራሃሚ፡ ዩሳቃ፡ ያይቆባኔ ናቤታ ኡባ ያሳ ካዋቲላን ቤዓና፡ ሽን ሂንቴ ካሬን ዋዲዲ አቲያ ዋዴ ሂንቴው ዩሆኔ አቸ ጋርጩላ ጊዳና።

29 አሳይ ደሎሃፔ፡ ዉሎሃፔ፡ ፑዴሃፔ፤ ዲጌሃፔ ዩዲ ያሳ ካዋቲላን ጊቢራ ቦላ ኡታና።

12:50 ማር 10:38 12:53 ሚክ 7:6 13:14 ኬሳ 20:9-10፤ ዛሬ 5:13-14 13:27 ማዝ 6:8 13:29 ማቶ 8:11-12፤ 22:13፤ 25:30

30 ሕጻን ገሮ። ሃዲ ዳላን ጉዬ ገዲዳይሳታ፤ ሲንሌ ገዲዳይሳታ፤ ሲንሌ ገዲዳይሳታ፤ ጉዬ ገዲዳይሳታ ዳዎሶና» ያገሰ።

ዩሱሲ ዩሩሳሌምን ዩኪስ (ማቶ 23:37-39)

31 ሕ ወደ ፋሪሳዊታ፤ ኢሶቲ ኢሶቲ ዩዲ፤ «ሃሮዲሲ ኔና ዎቆናው ኮያ ገሮ ሃ ቤሳፊ ዳንዲዳ ባ ገደሶና።

32 ኢ ዛሪዲ፤ «ቢዲ፤ ሕ ዎርካናስ ሕኮ፤ ሕሃቲኔ ዎንቶ ቱና አያናታ ኬሳና፤ ሃርጋንቸታ ፓላና፤ ሕቅንሉ ጋላሳን ኩሻ ቦላ ጋካና» ያገሰ ገቲ።

33 ሃና፤ ኣቲን፤ ናቤይ ዩሩሳሌም፤ ካሬን ሃይቃናው ቤሴና። ሕጻን ገሮ፤ ሃቸ፤ ዎንቶኔ ዎንቲ ፔሲን ሕ ቤሳ ባናው ዳንዲሰ።

34 «ዩሩሳሌም፤ ዩሩሳሌም፤ ናቤታ ዎቆና፤ ኔኮ ከቲቲዳይሳታ ሹቻን ጫዲያ፤ ኩቶይ ባ ናይታ ባ ቁፊያ፤ ጋርሳን ሺሺያዳ ኔ ናይታ ታ ቁሲያ፤ ጋርሳን ኣቸን ቶሆ ሺሻናው ኮያዲና፤ ሺን ሂንቲ ኢፃስ ገደታ።

35 ታ ሂንቲው ኦዳይስ፤ ሂንቲ ኬላይ ካይሳታና። ጎዳ ሱንላን ዩይሲ አንጃቲዳይሳ ሂንቲ ጋና ጋካናው ታና ዳሜኬታ» ያገሰ።

14

ዩሱሲ ፋሪሳዊያ ሶን

1 ኢሲ ሳምባታ ጋላስ ዩሱሲ ኢሲ ፋሪሳዊታ ሃላቃ ሶ ካሌ ማናው ጌሊያ ዎዳ አሳይ ጫዲ ያሎሶና።

2 ሕ ቤሳን ሻዉሕ ሃርገን ዎዩቲያ ኢሲ አሲ ኢያው ሲንላ ባጋራ ዘንዲሰ።

3 ዩሱሲ ፋሪሳዊታኮኔ ሂጌ አስታማሬታኮ፤ «ሳምባታ ጋላስ ሃርጋንቸ ፓሶይ ዎጌዬ ዎጋ ገዳኔ?» ያገዲ አይቸሰ።

4 ኢንቲ ሲዲ ገደሶና። ዩሱሲ ሃርገቲያ ኡራ ቦቹ ፓሊዲ ዎይዚሰ።

5 «ቃሲካ ሂንቲፊ ኢሱዎስ ናዲ ዎይኮ ቦሪ ሳምባታ ጋላስ አፎን ዉሊኮ ኤሌሲዲ ኬሶናይ ኦኔ?» ያገዲ አይቸሰ።

6 ኢንቲ ኢሲባካ ዛራናው ዳንዲዲቦኮና።

7 ዩሱሲ አማቱዎስ ያጌቲዳይሳቲ ቦንቸ ቤሲ ዶሪሽን ቤዲዲ፤ ሃ ለሚሱዎ ኦዲሰ።

8 «ኢሲ አሲ ኔና ያጋኖ ያገኮ ቦንቸ ቤሳን ኡቶፋ። ኔፔ አጂ ቦንቸቲያ አሲ ያጌታናው ዳንዲዲሰ።

9 ሂንቲና ናምባታካ ያጌዲይሲ ዩዲ፤ ሕ ቤሳ ሃ አማሳሰ ዩዳ» ያገደ ዎዳ ኔኔ ዩላታሼ ዚቃ ቤሲ ዎቆሳ።

10 ገደሺን፤ ኔ ያጌቲዳ ዎዳ ኮይርታዳ ዚቃ ቤሲ ቤዲዳ ኡታ። ያጎይሲ ዩዲ፤ ሕ ላጊያው፤ ሃ ቦንቸ ቤሳን ኡታ» ያጋና። ሕ ዎዳ ኔራ ኢሲፊ ያጌቲዳ አሳ ኡባ ሲንላን ኔ ቦንቸታና።

11 ባና ቶቁ ቶቁ ኦሊያ ኡባይ ካዉያና፤ ባና ዚቁ ዚቁ ኦሊያ ኡባይ ቶቁ ቶቁ ጋና።»

12 ቃሲ ዩሱሲ ኢያ ሞኪዳ ኬላ ኣዎኮ፤ «ቁማ ዎይኮ ካሆ አማቶ ያገደ ዎዳ ኔኔ ኩሼ ዛር ያጎና ማላ ኔ ላጌታ ዎይኮ ኔ አሻታ ዎይኮ ኔ ዳቦታ ዎይኮ ኔ ዲሬ ሾርታ አማቶ ያጎፓ።

13 ገደሺን፤ ኔ አማቶ ገገሲዳ ዎዳ ማንቆታ፤ ዎቤታ፤ ጉንዳታኔ ቆቁታ ያጋ፤ ኔኔ አንጃታና።

14 ሃይሳቲ ኩሼ ዛራናው ዳንዲያና ገሮ ኩሼ ዛርይ ጌሻታ ዳንዲ ጋላሳን ኔው ሲማና» ያገሰ።

ጌታ አማቱዎ (ማቶ 22:1-10)

15 ዩሱሳራ ዎላ አማቶ ቦላ ኡቶይሳታ ገደፊ ኢሶይ ሕሳ ሲዲዲ፤ «ዎሳ ካዎቲላን አማቶ ቦላ ኡቲይሲ አንጃቲዳይሳ» ያገሰ።

16 ዩሱሲ፤ «ኢሲ አሲ ጌታ አማቶ ገገሲዲ ዳር አሳታ ያገሰ።

17 አማቶይ ሞኬቲያ ሳቲይ ጋኪያ ዎዳ ያጌቲዳ አማላታ፤ ሕኮ ኡባባይ ገገሰ፤ ሃ ዩቲ» ያገዲ ያጋናዳ ባ አይሊያ ከቲሰ።

18 «ሺን ኡባይካ ባንታ ጋሶ ጋሶ ሚጂደሶና። ኢሶይ፤ ሕዲ ቡር ጋዳ ሻሚዳ ገሮ ባዳ ቤዳናው ኮሼስ ሃያና ታና አጋርኪ ያጋ» ያገሰ።

19 ሃንኮይ፤ «ኢቻሹ ዎላ ቦሪ ሻማስ ኤንታና ዎፃ ቤዳና ገሮ ሃያና ታና ላንጮፋ» ያገሰ።

20 ቃሲ ሃራይ፤ «ታኒ ቡር ሚዳን ዳዲያ ገሮ ያናው ዳንዲዲሰ» ያገሰ።

21 «አይሌይ ሲሚ ዩዲ ሕ ኡባ ባ ጎዳስ ኦዲሰ። ሕ ዎዳ ያጋኖ አዎይ ሃንቁቲዲ አይሊያኮ፤ ሕሌሳዳ ካታማን ዳዲያ ዎጋ ኦጌታኔ ዳጋላታ ባዳ፤ ማንቆታ፤ ዎቤታ፤ ቆቁታኔ ጉንዳታ ሕ ኤሃ» ያገሰ።

22 «አይሌይ፤ ሕ ጎዳው፤ ኔ ከቲዳይሲ ኡባይ ፖሌቲሰ፤ ሺን ሃዲካ ቤሲ ዳዲሰ» ያገሰ።

23 «ጎዳይ አይሊያኮ፤ ለሆርጋታ ቦላኔ፤ ጋዳ ገደ ኦጌታ ኬያ፤ ታ ኬላይ ኩማና ጋካናው ዳሚዳ ኡባ ያና ማላ ኦላ።

24 ታ ሂንቲው ኦዳይስ፤ አማቶቲዳይሳታ፤ ኦኒካ ታ ገሲራፔ ሞናይሳ ኤሪቴ» ገሰ» ያገሰ።

ጎዳ ካሎይ ያርሺሴስ

25 ዳር አሳይ ኢያራ ዎላ ቢሺን ዩሱሲ ኤንታኮ ጉዬ ሲሚዲ፤

26 «ታኮ ያ ኡባይ ባ አዎኔ ባ አዩው፤ ባ ማቸዉኔ ባ ናይታ፤ ባ አሻታኔ ባ ሚቸታ፤ ሃሪ አቶሺን ባ ዳዑዎ ኢያናይ ታ ታማሬ ገዳናው ዳንዲዲሰና።

27 ባ ማስቃሊያ ቶኪዲ ታና ካሎናይ ታ ታማሬ ገዳናው ዳንዲዲሰና።

28 «ሂንቲፊ ኢሲ አሲ ሹቻ ኬላ ኬፃናው ኮይኮ፤ ኬላ ኬፃዲ ኦንጋናው አይ ማላ ሚሼ ኮሺያኮ ኮይርቲዲ ኤራናው ቆፒ ቤዶናይ ኦኔ?»

29 ሕጻን ገደና ኢፃኮ፤ ሃ ኡራይ ባሶ ሹቻ ሂፃን ቁስቲላ ያኒኮ፤

30 ቤዲያ ኡባይ፤ ሕ ኡራይ ገምቤላ ኦይኪን ቁስታናው ኢያ ያኒሰ» ያገዲ ቦርሶና።

31 «ዎይኮ ኢሲ ካዎይ ሃራ ካዎራ ኦሌታናው ዳንዲሼ ላታሙ ሙኩሉ ኦላንቸታ ኤኪ ያ

13:30 ማቶ 19:30፤ 20:16፤ ማር 10:31 13:35 ማዘ 118:26፤ ኤር 22:5 14:5 ማቶ 12:11 14:8 ለሚ 25:6-7 14:11 ማቶ 23:12፤ ሉቃ 18:14 14:26 ማቶ 10:37 14:27 ማቶ 10:13፤ 16:24፤ ማር 8:34፤ ሉቃ 9:23

ካወቀራ ታሙ ሙኩሉ እላንቸታራ ኤቄታናው ዳንዳናይሳኔ ዳንዳናይሳ ኡቲዲ ዘራቶናይ ኦኔ?

32 ኤቄታናው ዳንዳናይሳና ገዲኮ፣ ሄ ሃራ ካወቀራ ሃሆን ዳዒሺን ገጋናው ኮይርቲዲ ጨማ ዬዲዲ ኦይቼሰ።

33 ሄሳዳካ፣ ሂንቴፊ ኦኔካ ባው ዳዒያባ ኡባ ኦጎና ኡደኮ ታ ታማራ ገዳናው ዳንዳናይሳ።

34 «ማዳኔይ ሎዎ፣ ሺን ማዳኔይ ባ ማልዑዋ ኦጎኮ፣ ዋኒዲ ማዳኔይ ጌቲታናው ዳንዳናይሳ?»

35 ቢታቴላሰካ ኦራዳቲላሰካ ማዳናባ ገዲያ ገሾ ዋራ ዬጌቴሰ። ሂዛ፣ ሲዒያ ሃይሌ ዳዒያ ኦሲ ሲዎ» ያገሰ።

15

ጳዩዳ ደርሳ (ማቶ 18:12-14)

1 ኢሲ ጋላሰ ቃራፃ ቃንዳይሳቲኔ ናጋራንቸቲ ዬሱሳ ቲሚርቲያ ሲዳናው ኢያ ዩሹዋን ሺቁደሶና።

2 ሺን ፋሪሳዌቲኔ ሂጌ ኦሰታማሬቲ፣ «ሃይሲ ኡራይ ናጋራንቸታ ሺሺዲ ኤኬሰ፣ ኤንታራ ኢሲፊ ማሰ» ያገዲ ዙዙሚደሶና።

3 ዬሱሲ ያገዲ ሃይሳ ለሚሶ ኤንታው ኦዲሰ።

4 «ሂንቴ ገደፊ ኢሱዋሰ ጭ ደርሳቲ ዳዒያባ ገዲኮ ኤንታፊ ኢሶይ ጳዩኮ ኡዲፋን ታማኔ ኡዲፋናታ ባዘን ኦጎዲ ጳዮይሳ ዳማና ጋካናው ኮዮናይ ኦኔ?

5 ዳሚዳ ዋዴ ኡፋይቲዲ ባ ጋናን ቶኪዲ፣

6 ባ ሶ ሲሚሰ። ባ ላጌታኔ ሾርታ ኢሲፊ ጃገዲ፣ ጳዩዳ ታ ደርሳ ዳማሰ፣ ታራ ኢሲፊ ኡፋይቲቲ» ያገሰ።

7 ሄሳዳካ፣ ማርቲ ኮሾና ኡዲፋን ታማኔ ኡዲፋን ጃሎታፔ ኦሊዲ ማርታን ጌሊያ ኢሲ ናጋራንቸታ ጋሶን ሳሎን ጌታ ኡፋይሲ ገደሰ።

8 «ዋይኮ ታሙ ቢሪ ዳዒያ ኢሲ ማጫሲያ ታማፊ ኢሲያ ጳዩኮ ዳማና ጋካናው ዎምፔ ኦይላዳ ኬላ ፒታዳ ሚንላ ኮዮናራ ኦኔ?

9 ዳሚዳ ዋዴ ባ ላጌታኔ ባ ሾርታ ጃገዳ (ጳዩዳ ታ ኢሲ ቢራ ዳሚዳ ገሾ ታራ ኡፋይቲቲ) ያገደሱ።

10 ሲዒቲ፣ ሄሳ ማላ ኢሲ ማርቲላን ጌሊያ ናጋራንቸታን ያሳ ኪታንቸታ ሲንላን ኡፋይሲ ገደሰ» ያገሰ።

ጳዩዳ ናዓ

11 ዛሪዲ ዬሱሲ፣ «ኢሲ ኡራሰ ናምዑ ናይቲ ዳዎሶና።

12 ኤንታፊ ካሎ ናዓይ ባ ኦዎኮ፣ ታ ኦዎው፣ ኔ ሻሉዋፔ ታ ገሹዋ ታው ኢማ» ያገሰ። ኦዎይ ባ ሻሉዋ ባ ናይታሰ ሻኪሰ።

13 ጉላ ጋላሳፔ ጉዬ ካሎ ናዓይ ባ ገሹዋ ኡባ ቃቺ ኤኪዲ ሃሆ ቢታ ቢሰ። ያን ኦልታጫን ሻሉዋ ቶቺዲ ኦንገሰ።

14 ኢ ባው ዳዒያባ ኡባ ወርሲዳፔ ጉዬ ሄ ቢታ ኡባን ሚኖ ኮሺ ኬዩን ማቶቲሰ።

15 ሄሳ ገሾ፣ ሄ ቢታ ኦሳፔ ኢሱዋ ሶ ጋታ ጌሊሰ። ኡራይ ኢያ ጉዲንሶ ሄማና ማላ ባ ሞላ ዬዲሰ።

16 ጉዲንሶቲ ሚያ ሃርቁዋፊ ማናው ኦዎቲሰ። ሺን ኢዮካ ኢያው ኢሚያ ኦሲ ቤንቲቤና።

17 ዋዛኒ ሲሚን፣ «ኦፑን ታ ኦዎ ኦይሌታሰ ካሌ ዋራ ዎጲን ታ ሃይሳን ኮሻራ ሃይቃናው ጋካዲና?»

18 ዳንዳዳ ታ ኦዎኮ ባዳ፣ ታ ኦዎው፣ ሳሎን ያሳ፣ ሳዓን ኔና ቆሃሰ።

19 ሂዛፔ ኔ ናዓ ጌቲታዳ ጃጌታናው ታው ቤሶና ገሾ ኔ ሶን ዳዒያ ኦይሌታፔ ኢሱዋዳ ታና ፓይዳ) ያጋና» ያገሰ።

20 ሄሳ ገሾ፣ ዳንዳዲ ባ ኦዎኮ ቢሰ። «ሃኖሺን፣ ኢ ቡር ሃሆን ዳዒሺን ኦዎይ ቃጴቲዲ፣ ኢያኮ ዎዲ ቢዲ ኢዲሚዲ ዬሪሰ።

21 ናዓይካ፣ ታ ኦዎው ሳሎን ያሳ፣ ሳዓን ኔና ታ ቆሃሰ። ሂዛፔ ኔ ናዓ ጌቲታዳ ጃጌታናው ቤሲኬ) ያገሰ።

22 «ኢያ ኦዎይ ኦይሌታ ጃገዲ፣ «ኤሌሲዲ ኡባፊ ሎዎ ገዲዳ ማዎ ኤሂዲ ኢያ ማይዘቲ፤ ኢያ ቢራጴን ሳጋዮ፣ ኢያ ቶሁዋን ጫማ ኦሊቲ።

23 ዎጲ ጋታርሜንሶ ኤሂዲ ሹኪቲ፣ ሞሰ፣ ኡፋይቶሰ።

24 ታ ናዓይ ሃይሲ ሃይቁሰ፣ ሺን ሃዒ ፓዲሰ፤ ጳይሰ፣ ሺን ቤንቲሰ» ያገሰ። ሃሳፊ ጉዬ፣ ኡፋይቴሌ ኦይኪደሶና።

25 «ሄ ዎዴ ባይራ ናዓይ ሳሻ ጋዴን ዳዒሰ። ያፔ ዩሼ ሶ ማቲሺን ዬሌኔ ጉፋ ገርሲ ሲዒሰ።

26 ኢ፣ ኦይሌታፔ ኢሱዋ ጃገዲ ሃኒያባይ ኦይቤኮ ኡራናው ኦይቼሰ።

27 ኦይሌይ፣ «ኔ ኦሻይ ሳር ዩዳ ገሾ ኔ ኦዎይ ዎጲ ጋታርሜንሶ ኢያው ሹኪሰ» ያገሰ።

28 «ባይራ ኢሻይ ዩሎቲዲ ሶ ጌላናወካ ኮዩቤና። ኦዎይ ካሬ ኬዩዲ ሶ ጌላና ማላ ኢያ ዎሲሰ።

29 ሺን ኢ ባ ኦዎኮ፣ «ሃኮ፣ ሃይሳ ማላ ላይሌ ታ ኔው ኦይሌታዳ ኔ ኪታፔ ኢሱዋካ ፓጪሶና ኔው ከቲቲን ታ ታ ላጌታራ ኡፋይታና ማላ ሃሪ ኦቶሺን ኢሲ ላቃ ዳሼ ኢማባካ።

30 ሃኖሺን፣ ሃይሲ ኔ ናዓይ ኔ ሻሉዋ ላይማታራ ደሚሲዲ ዩን ዎጲ ጋታርሜንሶ ሹካዳሳ» ያገሰ።

31 «ኦዎይካ፣ ታ ናዓው፣ ኔኒ ኡባ ዎዴ ታራ ዳዓሳ፣ ታባይ ኡባይ ኔሳ።

32 ሃይሲ ኔ ኦሻይ ሃይቁሰ፣ ሺን ፓዲሰ፤ ጳይሰ፣ ሺን ቤንቲሰ። ሄሳ ገሾ፣ ዳር ኡፋይታናው ቤሲኬ) ያጋና» ያገሰ።

16

ኦማኔቶና ሹማ ለሚሶ

1 ዬሱሲ ባ ታማራታኮ፣ «ኢሲ ዳሬ ኡራሰ ኢያፔ ጋርሳራ ኢሲ ሹማይ ዳዒሰ። ሄ ሹማይ ባ ጎዳ ሻሉዋ ቶቺሰ ያገያ ዎሬይ ኬላዎ ጋኪሰ።

2 ኬላዎይ ሹማ ጃገሲዲ፣ ታኒ ዎይገያባ ሲዳዲና? ሂዛፔ ኔኒ ታ ኬላሰ ሹማ ገዳዳ

አገናው ደንዳዎና ጊሾ ታ ሻሉዋ ታው ሹቆ ያገሰ።

3 «ሄ ሹማይካ ባ ዋዛናን ሃይሳዳ ያገዱ ቆፒሱ። ታ ጎዳይ ታና ሹማቴላፌ ዋላና ሃኔሰ። ጎያ አቃናው ዋልቂ ባዋ። ዋሳ ማናው ይላዩሰ፤ ያቲን ታ ዋና?

4 ሹማቴላፌ ታ ዋዲያ ዋዴ አሳይ ታና ሞካና ማላ ኦላናባ ታ ኤራይሰን ያገሰ።

5 «ሄሳ ጊሾ፣ ኢያ ጎዳ አጮይ ዴዲያ አሳ ኢሱዋ ኢሱዋ ያገሰ ኤሂዲ ኮይሮ ኡራኮ፣ ሩባ ታ ጎዳ አጮይ አይ ማሊ ዴዲ?» ያገዱ ኦይቸሰ።

6 «ኢ፣ ሳታው ባርሜሌ ዛይቲ አጮይ ዴዲስ» ያገሰ።

«ሹማይ፣ ሳታው ዋርቃቲያ ሄዴ፣ ኤሌሳዳ፣ ታው ባርሜሌ ዛይቲ አጮይ ዴዲስ ጋዳ ዓፋ» ያገሰ።

7 «ሄሳፊ ካሊዲ ናምዓንሉዋኮ፣ ሳው አቸኒ ዴዲ?» ያገሰ።

«ኢ፣ ሳ370 ኩንታሌ ገሰቲ አጮይ ዴዲስ» ያገሰ።

«ሹማይ፣ ሳው ዋርቃቲያ ሄዴ፣ ኤሌሳዳ፣ 296 ኩንታሌ ያጋዳ ዓፋ» ያገሰ።

8 ከላዋይ አማኔቲቦና ሹማ ኢያ ቢላማቴላስ ናሽሰ። ሃ አላሚያ ናይቲ አሴ ኦይላን ፖዖ ናይታፔ አዲዳ ዋዛናማታ።

9 «ሄሳ ጊሾ፣ ታ ሂንቲው ኦዳይሰ፤ ሃ አላሚያ ሚሽይ ወሪያ ዋዴ ማሪና ኬላን ሞኬታና ማላ ሃ ሚሽያራ ሂንቲው ላጌታ ሻሚቲ።

10 ኡባፌ ጉላባን አማኔቲዳይ ዳርባን አማኔቲዳይሳ ገዴሰ። ቃሲ ኡባፌ ጉላባን አማኔቶናይሲ ዳርባን አማኔቲና።

11 ሂዛ፣ ሃ አላሚያ ሚሽን ሂንቲ አማኔቶና ኢዳኮ ቲማ ሚሽ ሂንቲው ኦኒ ሃዳራ ኢማኔ?

12 ሂንቲ ሃራ አሳ ሚሽን አማኔቶና ኢዳኮ፣ ሂንቲ ቡዞ ሚሽ ሂንቲው ኦኒ አማኔ?

13 «ኢሲ አይሌይ ናምዑ ጎዳታሰ ሃራታናው ዳንዳዴና። ኢሱዋ ኢዳኮ ሃንኩዋ ደሴሰ ዋይኮ ኢሱዋኮ ሸቁኮ ሃንኩዋ ካዴሰ። ሃሳዳካ፣ ሂንቲ ያሳሲኔ ሚሽሰ ሃራታናው ዳንዳዴኬታ።»

14 ሚሽ ደሲያ ፋሪሳዌቲ ሃሳ ሲዲዳ ዋዴ ዩሱሳ ቁልቁሲደሶና።

15 ኢ፣ «ሂንቲ ሂንቲና አሳ ሲንላን ደሊሴታ፣ ሺን ያሳይ ሂንቲ ዋዛና ኤሬሰ። አሳ ሲንላን ቦንቸቲዳይሲ ያሳ ሲንላን ቦሬቲዳይሳ።

16 «ሙሴ ሂጌይኔ ናቤታ ከታይ ዮሃኒሳ ጋካናው ሂንቲው ኦይቲሽ ጋምዲሰ። ሃሳፌ ጉዬ፣ ያሳ ካዋቴላ ዋንጌላይ ሳባኬቲሽ ጋምዲሰ። አሲ ኡባይ ያ ጌላናው ዳፊቴሰ።

17 ጊደሺን፣ ሂጌይኔ ኢሲ ላፋ ፒዳሌይ አታናፔ ሳሎይኔ ሳሳይ አዴይሲ ካወዩሰ።

18 «ባ ማቸው ዩዲዲ ሃራ ኤኪያ ኡባይ ላሚሰ። ባ አዚናፔ አንጃቲዳሮ ኤኬይሲካ ላሚሰ» ያገሰ።

ዱሬ ኡራኔ አላዛራ

19 «አልዎኔ አሌቆ አፊላ ማዲያ፣ ሳዲ ኢንጃቲን ጋላሰ ጋላሰ ኡፋይሳን ዴዲያ ኢሲ ዱሬ አሲ ዴዲሰ።

20 ሃሪ ቃሲ አሳቴላይ ኩሜሲ ማዲንዲዳ ኢሲ አላዛራ ጌቲቲያ ማንቆይ ሄ ዱሬ ኡራ ካሬን ዩጌቲዲ አቲዳይሲ ዴዲሰ።

21 ኮሻፔ ዴንደይሳን ዱሬ ኡራ ጋይታፔ ዋዲያ ቲሬያ ማናው አሞቲሽ ዴዲሰ። ሃሪ አቶሺን፣ ካናቲ ዩዲ ኢያ ማዲንላ ላጮሶና።

22 «ሄ ማንቆይ ሃይቁሰ፤ ከታንቸቲ ኢያ አብራሃሜ ከዑዋ ኤፊደሶና። ቃሲ ዱሬ ኡራይካ ሃይቁዲ ሞጌቲሰ።

23 ሲዎሌን ኡንዴቲዲ ዴዲሽ ጶቁ ገዲ ሃሆን አብራሃሜኔ ኢያ ከዎን ዴዲያ አላዛራ ቤዲሰ።

24 ኢ፣ ሳታው አብራሃሜ፣ ታው ቃዴታርኪ፤ ሃ ላጮ ታማን ኡንዴታዳ ዴዲያ ጊሾ አላዛራ ባ ቢራዲያ ሃላን ዩዲዲ ታ ኢንፃርሳ ላኮላና ማላ ሃያና ኢያ ዩዳርኪ» ያገዱ ዋሲሰ።

25 «ሺን አብራሃሜይ ኢያኮ፣ ታ ናዓው፣ ኔ ሳዓን ዴዲያ ዋዴ ሎዎባታ ኤኪዳይሳ፣ ቃሲ አላዛራ ኢታባታ ኤኪዳይሳ አኬካ። ሺን ሃዲ ኢ ሃይሳን ኡፋይቲሰ፣ ቃሲ ኔኒ ዋዬታሽ ዴዳሳ» ያገሰ።

26 ሃ ኡባፌ አዲዲ፣ ሳፔ ሂንቲኮ፣ ሂኒፔ ሃ ኮኮ አቆናው ኮይይሳቲ ፒናና ማላ ኡሲኔ ሂንቲሰ ጊደን ጌታ አፎይ ዴዲሰ» ያገሰ።

27 «ዱሬ ኡራይ፣ ሳታው፣ ያኮ አላዛራ ታ አዋ ሶ ከታና ማላ ታ ኔና ዋሳይሰ።

28 ታው ኢቻሹ አሻቲ ዴዲደሶና፣ ኤንቲካ ሃ ዋዬ ቤሳ ዮና ማላ ኤንታው ቢዲ ማርካቶ» ያገሰ።

29 «ሺን አብራሃሜይ፣ ሳታው ሙሴራኔ ናቤታራ ዴዎሶና፤ ኤንቲ ኦዲያባ ሲዎና» ያገሰ።

30 «ዱሬ ኡራይ፣ ሳታው አብራሃሜ፣ ሃሳላ ገዴና፤ ኢሲ አሲ ሃይቆፔ ዴንዲዲ ቢኮ ኤንቲ ማርታን ጌላና» ያገሰ።

31 «አብራሃሜይ፣ ሳታው ሙሴኔ ናቤታ ሲዎና ኢዳኮ፣ ሃሪ አቶሺን ሃይቆፔ ኢሲ አሲ ዴንዲ ኡዲኮካ አማኖኮና» ያገሰ።»

17

ኦይሺሲያ አዋቴላ

1 ዩሱሲ ባ ታማሬታኮ፣ «አሴ ቆቤሌዲ ናጋራን ጌልሲያባይ ዮና አጌና። ጊደሺን፣ ናጋራን ጌላና ማላ ኦሌያ ኡራ አዩ» ያገሰ።

2 ሃ ኡራይ ካሎታፔ ኢሱዋ ባሌላናፔ ዋፃ ባ ቆዴን ቃቸዲ አባን ወሊኮ ኢያው ሎዎ።

3 ሃሳ ጊሾ ናጌቲቲ።

«ኔ አሻይ ናጋራ ኦሌኮ ሃንቁታ፤ ቁርቲዲ ማርቲላን ሲሚኮ፣ ኢያው አቶ ያጋ።

4 ኢሲ ጋላሳን ላቸን ቶሆ ቆሂዲ፣ ላቸን ቶሆ፣ ሳቲ ታ ባላ ኤራሰ ታና ማራ» ያገዱ ኔኮ ዩኮ ኢያው አቶ ጋ።»

5 ሃዋሬቲ ጎዳኮ፣ «አማኖ ኑሰ ጉጃርኪ» ያገደሶና።

6 ጎዳይ፡ «ጋሼ አይፊ ማላ አማኛይ ሂንቲው ዳዒኩ (ሃይሳ ዋላ ሸዳታዳ አባ ጊደን ቶኩታ) ያገኙ ሂንቲው ከቲታና» ያገኙ።

7 ጉጂዲካ ዩሱሲ፡ «ሂንቲ ጊደፊ ኢሱዋስ ጎሻንቸይ ዋይኮ ደርሴ ሃሚያ አይሌይ ዳዒኩ ኦሶ ጋይፔ ዋይኮ ወዳፔ ሶ ሲሚያ ዋይ (ኤሌ ሃያዳ ካሉ ማናው ኡታ) ያገኙ ዳዒ?»

8 ዳና፡ «ታው ካሆ ገገሳ፤ ታኒ ማዳ፡ ኡያዳ አጋና ጋካናው ኤቃዳ ሙዛ። ሃሳፊ ጉዩ፡ ኔኒ ቃሲ ማሳኔ ኡያሳ» ያገኙ።

9 ሂዛ፡ ጎዳይ፡ አይሌይ ከታ ፖሊዳ ገሾ አንጂዬ?»

10 ሃሳ ገሾ፡ ሂንቲካ ከቲቶይሳ ኡባ ፖሊዳ ዋይ (ኑ ፓሶና አይሌታ፤ አላናው ቤሲያ ኦሱዋ ፖሊዳ) ያገኙ» ያገኙ።

ባር ሃርጊያፊ ጌዩዳ ታሙ አሳታ

11 ዩሱሲ ዩሩሳላሚ ቢሼ ሳማሪሴ ጋሊላ ቢታስ ጊደራ ካንሲዲ አዲስ።

12 ኢሲ ጉታ ጌሊያ ዋይ ባር ሃርጊን አይከቲዳ ታሙ አሳቲ ኢያ ዳሚዶሶና። ኤንቲካ ሃሆን ኤቁዲ፡

13 «ጎዳ ዩሱሳ፡ ኑስ ቃዴታርኪ» ያገዱ ዋሲዶሶና።

14 ኢ ኤንታ ቤዒዳ ዋይ «ቢዲ ሂንቲናቲላ አይሁዳ ካሂኔ ቤሲቲ» ያገኙ። ኤንቲ ኦጊያ ቦላ ቢሼ ፓዲዶሶና።

15 ኤንታፊ ኢሶይ ባ ፓፀ-ዋ ቤዒዳ ዋይ ቶቁ ጊዳ ቃላን ያሳ ቦንቸሼ ዩሱሳኮ ሲሚሰ።

16 ኢ ሳማሪ ቢታ አሲ፡ ሺን ዩሱሳ ቶሁዋ ቦላ ጉፋኒዲ ኢያ ጋላቲሰ።

17 ዩሱሲ፡ «ፓዲዳይ ታሙ አሳታ ጊደኮናዬ? ያቲን፡ ኡዱፋናቲ አው ቢደና?»

18 ሃ አላጋ ኡራፔ * አቲን ሃሪ ሲሚዲ ያሳ ጋላቲይ ዳና ጉሴዬ?» ያገዱ አይቸሰ።

19 ኡራኮ፡ «ኔ አማኛይ ኔና ፓሊሰ፤ ዳንዳዳ ባ» ያገኙ።

የሳ ካዋቲላ ዩሳ (ማቶ 24:23-28፣ 37-41)

20 ፋሪሳዊቲ፡ «የሳ ካዋቲላይ አወዳ ያኔ?» ጊዲ ዩሱሳ አይቸደሶና። ኢ፡ «የሳ ካዋቲላይ ቤንቲያ ማላን ዩና።

21 ቃሲካ እያ፡ «ሃኒና ዋይኮ ሃኒና ያጋናው ዳንዳዒና። አይሰ ገኮ፡ ያሳ ካዋቲላይ ሂንቲ ጊደን ዳዒሰ» ያገዱ ዛሪሰ።

22 ዩሱሲ ባ ታማሪታኮ፡ «አሳ ናባ ጋላሳታፔ ኢሱዋ ቤዳናው ሂንቲ አሞቲያ ዋይይ ያና፡ ሺን ሂንቲ ቤዒኬታ።

23 አሳይ፡ «ኢ ያን ዳዒሰ» ዋይኮ፡ «ሃይሳን ዳዒሰ» ያጋና፡ ሺን ኤንታና ካሊዲ ቦፒቲ።

24 ዋልዳንላ ዋልዳሚዲ ሳሉዋ ጋፀፔ ጋፀ ፖሊሲያ ማላ አሳ ናባ ዩሳ ጋላሳይ ሃሳዳ ሃናና።

25 ሺን ሃሲ ሃናናፔ ሰንሐ አሳ ናባይ ዳር ዋያናወኔ ሃ ዩሌቲላን አዳታናው ቤሴሰ።

26 ሮሃ ዋይ ሃኒዳይሳ ማላ አሳ ናባ ዋዲያንካ ሃሳዳ ሃናና።

27 ሮሃይ ማርካቢያን ጌሊዳ ቃማ ጋካናው አሳይ ሚሼኔ ኡዩሼ፡ ኤኪሼኔ ጌሊሼ ዳዒሺን ቆዮ ሃላይ ዩዲ ኡባ ቆይሲሰ።

28 ሎዴ ላይላንካ ሃሳላ ሃኒሰ። አሳይ ሚሼኔ ኡዩሼ፡ ሻሚሼኔ ባይዚሼ፡ ቶኪሼኔ ከዲሼ፡ ጋሞዒዶሶና።

29 ሎዴይ ሶዶሜፔ ከዩዳ ጋላሰ ዲኔ ጌቲቲያ ፀ-ጊያባይ ሳሎፔ ቡኪዲ ኡባ ቆይሲሰ።

30 አሳ ናባይ ቆንጨያ ዋይካ ሃሳዳ ሃናና።

31 «ሃ ጋላሳን ኦኒካ ካሬን ዳዒይ ከላ ጊደን ዳዒያባ ኤካናው ሶ ጌሎፖ። ሃሳዳካ፡ ጋዴን ዳዒያ አሲ አይኮሰካ ሶ ሲሞፎ።

32 ሎዴ ማቸው አኬከቲ፤

33 ባ ሺሞፕው አሻናው ኮያ አሲ ኦኒካ ቆይሳና፤ ባ ሺሞፕው አሉ አሚያ ኦኒካ ኢ አሻና።

34 ታ ሂንቲው ኦዳይሰ፤ ሄ ጋላሳን ናሞ-አሳቲ ኢሲ አርሳን ዚንግና። ኢሶይ ኤኬታና፡ ሃንኮይ አታና።

35 ናሞ- ማጫሳቲ ዋላ ጋጨሺን ኢሲያ ኤኬታና፡ ሃንኪያ አታና።

36 ናሞ- አሳቲ ዋላ ጋዴን ጎዬይሳታፔ ኢሶይ ኤኬታና፡ ሃንኮይ አታና» † ያገኙ።

37 ኤንቲ፡ «ጎዳው አው ኤኬታኔ?» ያገዱ አይቸደሶና።

ኢ፡ «ባወቲ ዳዒያ ቤሳን አንኮቲ ሺቆሶና» ያገኙ።

18

ሚኒዲ ዋሳና ማላ ታማርሲስ

1 ዩሱሲ ባ ታማሪታ አዛሎና ኡባ ዋይ ዋሳና ማላ ታማርሳናው ኮዩዲ ያገዱ ለሚሶ ኦዲሰ።

2 «ኢሲ ካታማን ያሳሰ ያሼቶና አሳሰካ ዩሳቶና ኢሲ ዳይኒ ዳዒሰ

3 ሄ ካታማን ኢሲ አሞዒያ ዳዒወሰ። ኢያካ፡ «ታወኔ ታ ሞርኪያሰ ጊደን ዳዒያ ሞቲዋ ፒርዳ» ያጋዳ ኡባ ዋይ ሄ ዳይናኮ ሲሜሪታወሰ።

4 ዳይናይ ጉላ ዋይሰ ኢ ኦዳ ሲያና ኢዲሰ፡ ሺን ጉዬፔ ባ ዋዛናን፡ «ታኒ ያሳሰ ያዮና፡ አሳሰ ዩሳቶና ኢዲካ፡

5 ሃ አሞዒያ ታና ዋይሲያ ገሾ ኢው ፒርዳና፤ ያቶና ኢዲኮ ኡባ ዋይ ያዳ ታና ሳሌላና» ያገዱ ቆፒሰ» ያገኙ።

6 ጎዳይካ፡ «ጌላ ዳይናይ ጊዳይሳ ሲዒዳታ፤

7 ያሳይ ቃማኔ ጋላሰ ኢያኮ ዋሲያ ባ ደሪዳይሳታሰ ፒርዳኔዬ? ኤንታና ማዳናው ጋሞዒያ?»

8 ታ ሂንቲው ኦዳይሳ ሲዒቲ፡ ኤሌሲዲ ፒርዳና። ገደሺን፡ አሳ ናባይ ያ ዋይ ሳባ ቦላ አማኖ ዳማንዳሻ?» ያገኙ።

ፋሪሳዊያኔ ቃራፃ ቃንዲሴይሳ

17:14 ለዌ 14:1-32 * 17:18 ሃ አላጋ ኡራፔ፡ ባር ሃርጊያፊ ፓዲዳ ኡራይ አላጋ ጌቲቲዳይ ኢ አይሁዳ ጊደና ገሾሳ።
17:26 ሜዴ 6:5-8 17:27 ሜዴ 7:6-24 17:28 ሜዴ 18:20-19:25 17:31 ማቶ 24:17-18፤ ማር 13:15-16
17:32 ሜዴ 19:26 17:33 ማቶ 10:39፤ 16:25፤ ማር 8:35፤ ሉቃ 9:24፤ ዮሃ 12:25 † 17:36 ኢሲ ኢሲ ማፃፋታን ፓይዶ 36 ዳና።

9 ቃሲ ዛሪዲ፣ ዩሱሲ፣ ባንታና ዲሎ አሳዳ ኦሊዲ ጨቁቴይሳታሲኔ ሃራታ ካዲይሳታሲ ሃይሳዳ ያጊዲ ለሚሶ ኦዲስ።

10 «ናምቡ አሳቲ ዋሳናው ያሳ ኬላ ቢደሶና። ኢሶይ ፋሪሳዊ ሃንኮይ ቃሲ ቃራፃ ቃንዲሲያ አሲ።

11 ፋሪሳዊይ ኤቁዲ ባው ዋሲሹ፣ «የሳው ታኒ ሃራታ ሚላ ቦንቃንቸ፣ ጌላኔ ላይማቲያ አሲ፣ አዲዳ ቃሲ ሃ ቃራፃ ቃንዲሲያ ኡራ ሚላ ጊደና ጊሾ ኔና ጋላታይሰ።

12 ሳሚንታፌ ናምቡ ቶሆ ያማይሰ፣ ታ ዳሚያባ ኡባፌ አሲራታ ኬሳይሰ» ያጊሰ።

13 «ሺን ቃራፃ ቃንዲሲይሲ ቃሲ ሃሆን ኤቁዲ ሃሪ አቶሺን ሳሎ ዶቁ ጊዲ ያላናወካ ያዩዲ ባ ቲራ ኢጨሽ «የሳው፣ ታና ናጋራንቸዋ ማራርኪ» ጊዲ ዋሲሰ።

14 ታ ሃንቲው ኦዲይሳ ሲዲቴ፣ ፋሪሳዊያፕ ሃይሲ ቃራፃ ቃንዲሲይሲ ያሳ ሲንሳን ዲሎ ጊዲዲ ባ ሶ ሲሚሰ። አይሰ ጊኮ፣ ባና ዶቁ ዶቁ ኦሊያ አሲ ካወያና፣ ባና ካወሺያ አሲ ዶቁ ዶቁ ጋና» ያጊሰ።

ዩሱሲ ኖጋ ናይታ
(ማቶ 19:13-30፤ ማር 10:13-31)

15 ዩሱሲ ኖጋ ናይታ ቦላ ባ ኩሺያ ዋላዲ አንጃና ሚላ አሳይ ኢያኮ ኤሆሶና። ዩሱሳ ታማራቲ ሃሳ ቤዲዲ አይሰ ዩሱሳኮ ኤሄቲ ያጊዲ ካጨደሶና።

16 ሺን ዩሱሲ ናይታ ባኮ ያጊዲ፣ «ኖጋ ናይቲ ታኮ ያናይሳ ዲጎፊቴ፣ ኖ ጊቴ። አይሰ ጊኮ፣ ያሳ ካዋቲላይ ኤንታዳ ሃኒዲይሳታሳ።

17 ታኒ ሃንቲው ቱማ ኦዲይሰ፤ ያሳ ካዋቲላ ኖጋ ናይታላ ኤኮናይ ኦኒካ ያ ጌሌና» ያጊሰ።

ዱሬ ኡራ ኦይሻ
(ማቶ 19:16-30፤ ማር 10:17-31)

18 አይሁዳ ሃላቃታፕ ኢሶይ፣ «ኬሃ አሰታማሪያው፣ ሚሪና ዳዑዋ ዳማናው አይ ኦላ?» ያጊዲ ኦይቸሰ።

19 ዩሱሲ ኢያኮ፣ «አይሰ ታና ኬሃው ያጋዳ ያጋይ? ኢሲ ያሳፌ አቲን ሃሪ ኬሃ ባዋ።

20 ላዋፋ፣ ዋዶ፣ ካይሶቶ፣ ዋርዶ ማርካቶፋ፣ ኔ አዋኔ ኔ አዩው ቦንቻ ያጊያ ኪታ ኤራይ» ያጊዲ ኦይቸሰ።

21 ኡራይካ፣ «ሄሳታ ኡባ ታኒ ናዓቲላፌ ዶማዳ ናጋሺ ጋምዳሰ» ያጊሰ።

22 ዩሱሲ ሃሳ ሲዲዳ ዋዳ «ሃዛ፣ ኔው ኢሲባይ ፓጩሰ፤ ኔው ዳዲያባ ኡባ ባይዛዳ ማንቆታሰ ኢማ፤ ሳሎን ኔና ሻሎይ ናጌሰ። ያታ ሲማዳ ታና ካላ» ያጊሰ።

23 ሺን ኡራይ ሃሳ ሲዲዳ ዋዳ ኢያው ዳር ሻሎይ ዳዲያ ጊሾ ዳር ቁርቲሰ።

24 ዩሱሲ ኡራ ቤዲዲ፣ «ዱሬ አሳሰ ያሳ ካዋቲላ ጌሎይ ዋኒዲ ኤንዳንዳሻ?

25 ዱሬይ ያሳ ካዋቲላ ጌላናይሳፌ ገማሌይ ናርፕ ሉሆራ ካንጭይሲ ካወዬሰ» ያጊሰ።

26 ሃሳ ሲዲዳ አሳይ፣ «ሃሳ ጊዲኮ ኦኒ አታኔ?» ያጊደሶና።

27 ዩሱሲ፣ «አሳሰ ዳንዳዔቶናባይ ያሳሰ ዳንዳዔቲሰ» ያጊሰ።

28 ጳዲርሲ፣ «ሄኮ ኦኒ ኦባ ኡባ አጊዲ ኔና ካሊዳ» ያጊሰ።

29 «ዩሱሲ ቱማ ታ ሃንቲው ኦዲይሰ፤ ያሳ ካዋቲላሰ ጊዲ ባ ኬላ ዋይኮ ባ ማቸው ዋይኮ ባ ኢሻታ ዋይኮ ባ አዋኔ ባ አዩው ዋይኮ ባ ናይታ አጊዳይ፤

30 ሃ ዋዲያን ዳኮ ዳር፣ ያና አላሚያን ሜሪና ዳዑዋ ኤኮናይ ኦኒካ ባዋ» ያጊሰ።

ዩሱሲ ባ ሃይቁዋባ ዛሪ ኦዲሰ
(ማቶ 20:17-19፤ ማር 10:32-34)

31 ዩሱሲ ታማኔ ናምዳታ ባኮ ያጊዲ፣ «አኔ ዩሩሳላሚ ቦሰ፣ ናቤቲ አሳ ናዓባ ያፊዳባ ኡባይ ያን ፖሌታና።

32 ኢ አይሁዳ ጊደና አሳሰ አዲዲ ኢሜታና። ኤንቲ ኢያ ቶቻና፣ ጫያናኔ ኢያ ቦላ ጨታና።

33 ኢያ ጋራፊዳፕ ጉዬ ዋዳና፣ ሺን ሄቫንላ ጋላሳን ኢ ሃይቆፕ ዳንዳና» ያጊሰ።

34 ሺን ኢያ ታማራቲ ሃሳ ኡባፌ ኢሲባካ አኬኪቦኮና። ኢያ ፀራይ ኤንታው ቆሴቲዳ ጊሾ ኢ ዋይጊዳኮ ኤሪቦኮና።

ቆቁ ኡራይ ያሊሰ
(ማቶ 20:29-34፤ ማር 10:46-52)

35 ዩሱሲ ኢያርኮ ማታቲያ ዋዳ ኢሲ ቆቁ ኡራይ ኦጌ ጋፃን ኡቲዲ ዋሲሰ።

36 ቆቁ ኡራይ አሳይ ሄ ቤሳራ አዲሺን ሲዲዲ፣ «ኢ አይቤ?» ጊዲ ኦይቸሰ።

37 ኤንቲ፣ «ናዚሬቴ ዩሱሲ ሃይሳራ አዲሰ» ያጊደሶና።

38 ኢ፣ «ዳዊቲ ናዓው፣ ዩሱሳ፣ ታና ማራርኪ» ያጊዲ ዋሲሰ።

39 ሲንጭ ሲንጭ ቢያ አሳቲ፣ «ሲዲ ጋ» ጊዲ ሃንቁቲደሶና። ሺን ኢ፣ «ዳዊቲ ናዓው፣ ታና ማራ» ያጊዲ ዳርሲ ዋሲሰ።

40 ዩሱሲ ኤቁዲ ኡራ ባኮ ኤሃና ሚላ ኪቲሰ። ኡራይካ፣ ኢያኮ ሺቁን፣

41 «ታ ኔው አይ ኦላና ሚላ ኮያይ?» ያጊዲ ኦይቸሰ።

ቆቁይ፣ «ጎዳው ታ ያላናው ኮያይሰ» ያጊሰ።

42 ዩሱሲ፣ «ዳላ፣ ኔ አማናይ ኔና ፓሊሰ» ያጊሰ።

43 ኡራይ ሶሁዋራ ያሊ አጊሰ። ያሳ ቦንቸሽ ዩሱሳ ካሊሰ። አሳ ኡባይ ሃሳ ቤዲዲ ያሳ ጋላቲደሶና።

19

ቃራፃ ቃንዲሲያ ዛኪዮሳ

1 ዩሱሲ ኢያርኮ ጌሊዲ አዲሰ።

2 ያን ዛኪዮሳ ጌቲቲያ ቃራፃ ቃንዲሲይሳታ ሃላቃይ ዳዲሰ። ኢ ዳር ዱሬ።

3 ኢ ዩሱሲ ኦኔኮ ቤዓናው ኮዩሰ። ኢ ቃንገሊ ጊዲያ ጊሾ አሳ ዳርቲላፌ ዳንደይሳን ዩሱሳ ቤዓናው ዳንዳዲቤና።

4 ዩሱሳ ቤዓናው ኮዩዲ ኢ ቢያ ኦጊያሰ ሲንጭ ዋዳ ቢዲ ኢሲ ቦባ ሚላ ቦላ ኬዩሰ።

5 ዩሱሲ ሄ ቤሳ ጋኪሽ ዶቁ ጊዲ ቤዲዲ፣ «ዛኪዮሳ፣ ሃቺ ታ ኔ ሶን ፕዓናው ቤሲያ ጊሾ ኤሌ ዋዳ» ያጊሰ።

6 ኢ ኤሌሲ ወዲ ኡፋይሳን ዩሱሳ ሞከሰ።
7 ሄ ቤሳን ዳዲያ አሳ ኡባይ ሄሳ ቤዲዲ።
«ናጋራንቸዋ ሶ ጌሊዲ ሞከታንው ሃኔሰ» ያጊዲ ዙዙሚደሶና።

8 ጊደሺን፣ ዛኪዮሲ ኤቁዲ ጎዳኮ። «ጎዳው፣ ሄኮ ታው ዳዲያ ሻሎ ኡባፌ ባጋ ማንቆታሰ ኢማና። አሳፔ አይባካ ዋርዶን ባሌላዳ ኤከዳባ ጊዲኮ ኦይዲ ኩሼ ዛራና» ያጊሰ።

9 ዩሱሲ ቃሲ። «ሃ ኡራይ አብራሃሜ ናዓ ጊዲዳ ጊሾ ሃቸ አቶቱላይ ሃ ሶ ዩሰ።

10 አሳ ናዓይ ዩዳይ ቆዩዳይሳ ኮያናሳኔ አሻናሳ» ያጊሰ።

ታሙ ሚናኔታ ለሚሱዋ
(ማቶ 25:14-30)

11 አሳይ ሄሳ ሲዲያ ዋዴ ዩሱሲ ዩሩሳላሜ ማታቲዳ ጊሾኔ ያሳ ካዋቱላይ ሃዲ ማታራ ቆንጫና ዳኒዳ ጊሾ ኤንታው ለሚሶ ኦዲሰ።

12 ሄሳ ጊሾ፣ ዩሱሲ፣ «ኢሲ ጊታ አሲ ዳዔይሲ ባው ካዋቱላ ኤከዲ ያናው ሃራ ቤታ ቢሰ።

13 ኢያው ኦሊያ አይሌታፔ ታማታ ያጊዲ ኢሱዋሰ ኢሱዋሰ ታሙ ሚናኔ * ኢሚዲ ታ ሲማዳ ያና ጋካናው ሃ ሚሺያራ ዘልዲቲ» ያጊሰ።

14 «ሄ ቤታ አሳይ ኢያ ኢዲያ ጊሾ ሃ ኡራይ ኑ ቦላ ካዋታና ማላ ኑ ኮኮኮ ያጊዲ አሴ ኢያ ጉዩራ ከቲደሶና።

15 «ጊደሺን፣ ሄ ኡራይ ካዋ ጊዲዲ ባ ቤታ ሲሚሰ። ሄ ታሙ አይሌቲ ኢ ኢሚዳ ሚሺያን አይ ማላ ዘልዲዲ ዋዲሲዳኮ ኤራናው ኮዩዲ ኤንታና ያጊሲሰ።

16 «ኮይሮይሲ ዩዲ፣ ጎዳው፣ ኔ ታው ኢሚዳ ሚሼይ ሃራ ታማ ዋዲሰ» ያጊሰ።

17 «ኢያ ጎዳይ፣ ሳኖ አማኔቲዳ አይሊያው ሎዎ ኦላዳሳ። ኔኒ ጉላባን አማኔቲዳ ጊሾ ኔው ታሙ ካታማታ ቦላ ማታ ኢማሰ» ያጊሰ።

18 «ናምዓንላይካ ዩዲ፣ ጎዳው፣ ኔ ታው ኢሚዳ ሚሼይ ሃራ ኢቻሻ ዋዲሰ» ያጊሰ።

19 «ጎዳይ ኢያኮ፣ ሳወካ ቃሲ ኢቻሹ ካታማታ ቦላ ማታ ኢማሰ» ያጊሰ።

20 «ሄኮ ሄሻንላይ ዩዲ፣ ጎዳው፣ ታ ጨርቃን ዓዓዳ ናጊዳ ኔ ሚሺያ ሃናሹ።

21 አይሰ ጊኮ፣ ኔኒ ኔባ ጊደናባ ኤከይሳኔ ኔ ዜርናባ ቡጪያ ኢታ አሲ ጊዲያ ጊሾ ኔው ያያሰ» ያጊሰ።

22 «ኢያ ጎዳይ ዛሪዲ፣ ሳኖ ኢታ አይሊያው ኔ ደናላ ታ ኔና ፒርዳና። ታ ዋላናባ ኤከይሳኔ ዜርናባ ቡጪያ አሲ ጊዳይሳ ኔ ኤሪኮ።

23 ታ ያዳ ታ ሚሺያ ዋዲራ ኤካና ማላ ዘልዲያ አሳሰ አይሰ አማቢኪ?»

24 «ኢያ ጎዳይ ሄ ቤሳን ኤቁዳይሳታኮ፣ «ኢያራ ዳዲያ ሚሺያ ኤከዲ ታማ ዋዲሲዳይሳሰ ኢሚቲ» ያጊሰ።

25 «ኤንቲ፣ ጎዳው፣ ኢያው ካሴካ ታሙ ሚናኔይ ዳዔሰ» ያጊደሶና።

26 «ጎዳይ፣ ታ ሄንቲው ኦዳይሰ፤ «ዳዲያ ኡባሰ ሃሪ ጉዜታና፣ ሺን ባይናይሳፌ ሃራይ አቶ ኢያው ዳዲያራካ ኤከታና።

27 ጊደሺን፣ ታ ኤንታ ቦላ ካዋቶና ማላ ኮዩዳይሳታ ሄ ታ ሞርኬታ ሃ ታ ሲንሌ ኤሂዲ ጎይሪቲ» ጊሰ።

ዩሱሲ ጊታ ቦንቸን ዩሩሳላሜ ጌሊሰ

(ማቶ 21:1-11፤ ማር 11:1-11፤ ዮሃ 12:12-19)

28 ዩሱሲ ሄሳ ኦዲዳይሳፌ ጉዩ ኤንታፌ ሲንሌ አዲ ሃሙቲዲ ዩሩሳላሜ ቢሰ።

29 ሻማሆ ዳሪያ † ቦላ ዳዲያ ቤቱፋጌኔ ቢታኒያ ማታቲዳ ዋዴ ባ ታማሬታፔ ናምዓታ ያጊዲ ከቲሰ።

30 «ሄንቲ ሲንላን ዳዲያ ጉታ ቢቲ፣ ሄንቲ ያ ጋኪያ ዋዴ ኦኒካ ቶጎና ቃሹቲዲ ዳዲያ ሃሪ ማሪ ዳማና። ኢያ ቢሊዲ ሃ ኤከ ዩቲ።

31 ኦኒካ፣ «አይሰ ቢሌቲ?» ጊዲ ኦይቸኮ፣ «ጎዳይ ኢያ ኮዩሰ» ያጊቲ» ያጊሰ።

32 ከቲቲዳይሳቲ ቢዲ ኢ ጊዳይሳዳ ሃኒን ቤዲደሶና።

33 ኤንቲ ሃሪ ማራ ቢሊሺን ጎዳቲ ቤዲዲ፣ «ሃሪ ማራ አይሰ ቢሌቲ?» ያጊደሶና።

34 ኤንቲ ዛሪዲ፣ «ጎዳይ ኢያ ኮዩሰ» ያጊደሶና።

35 ያፔ ሃሪ ማራ ዩሱሳኮ ኤሂደሶና። ባንታ ማዑዋ ሃሪ ማራ ዘኮን ዩጊዲ ዩሱሳ ሃሪ ማራ ቦላ ኡቲሲደሶና።

36 አሳይካ ኢ ቢያ ኦኒያ ቦላ ባንታ ማዑዋ ሂዲደሶና።

37 ሻማሆ ዳሪያ ዲጌላ ዋዲሲያ ኦኒያኮ ማቲያ ዋዴ ታይቦን ከሂ ዳር አሳይ ኤንቲ ቤዲዳ ማላሊሲያባን ኡፋይቲዲ ባንታ ቃላ ቶቁ ኦሊዲ።

38 «ጎዳ ሱንላን ያ ካዋይ አንጃቲዳይሳ ሳሉዋን ሳርይ ኡባፌ ቶቃ ሳሉዋን ቦንቸይ ያሳሰ ጊደ።»

ያጊዲ ያሳ ጋላቲደሶና።

39 አሳ ጊደፌ ኢሲ ኢሲ ፋሪሳዌቲ ዩሱሳኮ፣ «አሰታማሪያው፣ ኔ ታማሬታ ሃይዚቲ ጋዳ ሃንቄታ» ያጊደሶና።

40 ኢ ኤንታኮ፣ «ኤንቲ ሲዲ ጊኮ ሹቻቲ ዋሳና» ያጊሰ።

41 ዩሱሲ ዩሩሳላሜ ማቲሼ ካታማ ቤዲዲ ኢያው ዩከሰ።

42 «ኔው ሳር ጊዳናይሳ ሃቸ ኔ ኤሪዳባ ጊዲያኮሺን፣ ሃዲ ኔ አይፊያፔ ጌሚሰ።

43 ኔ ሞርኬቲ ኔ ዩሹዋ ዲሪዲ ዲማ ዲማ ኦኒያራ ኔና ቲቁዲ ኡንዔሊያ ዋዴይ ያና።

44 ኔና ኔ ዲርሳ ጋርሳን ዳዲያ ኔ ናይታ ቆይሳና። ኢሲ ኢሲ ሹቸ ዳንሊዲ ላላና፣ አይሰ ጊኮ ያሳይ ኔና አሻናው ያ ዋዲያ ኡራባካ» ያጊዲ ኢው ዩከሰ።

45 ሄሳፌ ጉዩ፣ ዩሱሲ ያሳ ከሌ ጌሊዲ ዘልዳይሳታ ያፔ ጎዲሰ።

19:10 ማቶ 18:10 19:11 ማቶ 25:14-30 * 19:13 ሚናኔይ ጌሪኬ ደና። ኢሲ ሚናኔይ ኢሲ ጋላሳ ኦሳንቸሰ ሄሹ ኣጌና ዳሞዜ ጊዳሰ። 19:26 ማቶ 13:12፤ ማር 4:25፤ ሉቃ 8:18 19:27 ማቶ 25:14-30 † 19:29 ሻማሆ ዳሪያ፣ ሻማሆይ ዳር ደሊያ ዳሪ ጉሱ። 19:38 ማዘ 118:26

46 ቃሉ፡ « ታ ከላይ ያሳ ዋሲያ ከሌ ገደና ገደ ያፊቲሰ፡ ሺን ሂንቲ ታ ከላ ፓንጋታ ጎንጎሎ ኦሊዳታ» ያገሰ።

47 ጋላስ ጋላስ ያሳ ከላን ታማርሴሰ። ካሂኔታ ሃላቃቲ፡ ሂጌ አስታማሬቲኔ ዳሪያ ጨማቲ ኢያ ዋዳናው ኦጌ ኮዮሶና።

48 ገደሺን፡ አሳ ኡባይ ኢያ ቲሚርቲያ ባንታ ዋዛና ዩጊዲ ሲዒያ ገሾ ኤንታው ኦላናባይ ዳይሰ።

20

ዩሱሳ ማታይ አይሁዳታስ ኦይሾ ገደሰ (ማቶ 21:23-27፤ ማር 11:27-33)

1 ኢሲ ጋላስ ዩሱሲ ያሳ ከላን አሳ ታማርሴሺኔኔ ዋንጌላ ማርካቲሺን፡ ካሂኔ ሃላቃቲ፡ ሂጌ አስታማሬቲኔ ዳሪያ ጨማቲ ኢሲፊ ኢያኮ ዩዲ።

2 «ኔኒ ሃይሳታ አይቢ ማታን ኦሊያኮ ኮሰ ኦዳ፡ ሃ ማታ ኔው አሚዳይ ኦኔ?» ያገደሰ ኦይቺደሶና።

3 ኢ ኤንታኮ፡ «ታካ ሂንቲና ኢሲባ ኦይቻና፡ ኣኔ ታው ዛሪቲ።

4 ማማቂያ ዮሃንሳ ዊንቃቲይ ያሳፊዬ አሳፔ?» ያገሰ።

5 ኤንቲ ዋሊ ገደን ያገደሰ ዛሪቲደሶና፡ «ያሳፊ ገሰ ያቲን፡ አይሰ አማኒቤኬቲ?» ያገና።

6 «አሳፔ ገሰ፡ አሳ ኡባይ ዮሃንሲ ናቤ ገዳይሳ አማኒያ ገሾ ኦና ሹቻን ጫዳና።»

7 ያገያ ገሾ፡ «አወፔኮ ኦ ኤርኮ» ያገደሰ ዛሪደሶና።

8 ዩሱሲ ዛሪዲ፡ «ሂዛ፡ ታካ አይ ማታን ሃይሳታ ኦሊያኮ ሂንቲው ኦዲኬ» ያገሰ።

ጎሻንቸታ ለሚሱዋ (ማቶ 21:33-46፤ ማር 12:1-12)

9 ሃሳፊ ጉዩ፡ ዩሱሲ ያገደሰ ሃ ለሚሱዋ አሳስ ኦዲሰ፡ «ኢሲ አሲ ዋይኔ ቶኪሰ። ጎሻንቸታስ ከራ አሚዲ ዳር ዋዳ ጋምዒዲ ያናው ሃራ ቢታ ቢሰ።

10 ዋይኔ አይፊያ ማጻያ ዋዳይ ጋኪን ዋይኒያ አይፊያፔ ኢያው ዩዳና ማላ ጎሻንቸታኮ ባ አይሊያ ከቲሰ። ሺን ጎሻንቸቲ ሄ አይሊያ ኦይኪዲ ዋዳዲ ማላ ኩሼ ዩዲደሶና።

11 ካሊዲካ ሃራ አይሊያ ከቲሰ። ቃሲ ጎሻንቸቲ ኢያ ዋዳዲ፡ ካወሺዲ ማላ ኩሼ ዩዲደሶና።

12 ሃሳካ ዛሪዲ ሃሻንሎ አይሊያ ከቲሰ። ጎሻንቸቲ ኢያካ ማዲንግሲዲ ዋይኒያ ገደፊ ጋፃ ኬሲዲ ዩጊደሶና።

13 «ዋይኒያ ጎዳይ፡ ሳቲን ታ አይ ኦላ? ኣኔ ቃሲ ታ ደሲያ ታ ናባ ዩዳና፤ ኦኒ ኤሪ ኤንቲ ኢያ ቦንቸና አጎኮና» ያገሰ።

14 «ሺን ጎሻንቸቲ ኡራ ናባ ቤዒዳ ዋዳ ሃይሲ ኢያ ላቲይሳ፡ ሃ ዩቲ ኢያ ዋዳና፡ ያቲኮ ላታይ ኮሰ ገደና» ያገደሰ ዛሪቲደሶና።

15 ዋይኒያ ገደፊ ጋፃ ኬሲዲ ዋዳደሶና። «ያቲን፡ ዋይኒያ ጎዳይ ሄ አሳታ ዋታኔ?»

16 ዩዲ ሄ ጎሻንቸታ ዳይሳና፡ ዋይኒያ ቤሳ ሃራ አሳታሰ አማና። አሳይ ሄሳ ሲዒዳ ዋዳ «ሺንቻሌ ሄሳ ማላባ ኤሆፖ» ያገደሶና።

17 ዩሱሲ ኤንታ ጫዲ ያሊዲ፡ «ያቲን ሪምቤ ከጻያ አሳቲ ቦሪዳ ሹቻይ፡ ከላሰ ማላኔ ሚኖቴሌ አሚያ ኡባፊ አዳያ ሹቺ ገደሰ።

ጌቲቲዲ ያፊቲዳይሳ ቢርሼላይ አይቤ?

18 ሄ ሹቻ ቦላ ኩንዲያ ኡባይ ቆጻታና፡ ሹቻይ ኢያ ቦላ ዋዳያ ኡባይ ሊቃና» ያገሰ።

19 ሂጌ አስታማሬቲኔ ካሂኔ ሃላቃቲ ሃ ለሚሶይ ኦዳቲዳይ ኤንታ ቦላ ገዳይሳ ኤሪዲ ሄ ዋዳ ኢያ ኦይካናው ኮዩደሶና፡ ሺን አሳሰ ባቢደሶና።

ገራባ (ማቶ 22:15-22፤ ማር 12:13-17)

20 ሃሳ ገሾ፡ ዩሱሳ ዳሪያ ሃሪያ ሮሜ ካወዋ ማታስ አላ አማናው ኮዩዲ ኢያ ደናፔ ባላ ቃላ ናጎሶና። ሄሳ ፖሊሳናው ያሎ ዳኒዲ ጨሚያ አሳታ ኢያኮ ከቲደሶና።

21 ከቲቲዲ ቢዳ አሳቲ፡ «አስታማሪያው፡ ኔኒ ኦዳይሲኔ ታማርሴይሲ ሊኬ ገዳይሳ፡ ቃሲ ያሳ ኦጊያ ቱማቴላን ታማርሴይሳኔ ኦናካ ሻኮናይሳ ኦ ኤርሰ።

22 ሃናሺን፡ ሮሜ ካወዋሰ ገራ ገራናው ቤሲ ቤሴኔ?» ያገደሰ ኢያ ኦይቺደሶና።

23 ሺን ኢ ኤንታ ዋዛና ኢታቲላ ኤሪዳ ገሾ

24 «ኣኔ ታና ኢሲ ሳንቲሜ ቤሲቲ፡ ኢያ ቦላ ዳዒያ ሚሲሌይኔ ሱንሳይ ኦዳባዬ?» ያገሰ።

ኤንቲ ዛሪዲ፡ «ሮሜ ካወዋ ቁሳሬይሳ» ያገደሶና።

25 ኢ ዛሪዲ፡ «ያቲኮ፡ ቁሳሬይሳ ቁሳሬሰ፡ ያሳይሳ ያሳሰ አሚቴ» ያገሰ።

26 ሃሳ ገሾ፡ ኢ ዛሪዳ ዛሩዋን አሳ ሲንላን ባላ ዳማናው ዳንዳዒቦኮና። ኢያ ዛሩዋን ማላሌቲዲ ሲዒ ገደሶና።

ሃይቆፔ ዳንደባ (ማቶ 22:23-33፤ ማር 12:18-27)

27 ሃይቆፔ ዳንደይ ባዋ ያገያ ሳዲቃዋታፔ ኢሶቲ ኢሶቲ ዩሱሳኮ ዩዲ፡

28 «አስታማሪያው፡ ኢሲ አሲ ማቸ ኤኪዲ ናባ ዩሎና ሃይቁኮ፡ ኢያ ኢሻይ ሄ ማጫሲው ኤኪዲ ናይታ ዩሊዲ ባ ኢሻሰ ዜሬሌ ኣሻና ማላ ሙሴይ ያፊሰ።

29 ሄኮ ላፑን ኢሻቲ ዳዮሶና። ኮይርይሲ ማቸ ኤኪዲ ናባ ዩሎና ሃይቁሰ።

30 ናምዓንሎይ ኢዮ ኤኪዲ ናባ ዩሎና ሃይቁሰ።

31 ሃሻንሎይካ ሃሳሎ ሃኒሰ። ላፑናቲ ኡባይ ሃሳዳ ሃኒዲ ኢዮ ኤኪደሶና፡ ሺን ናባ ዩሎና ሃይቁደሶና።

32 ወርሴላን ማጫሲያ ሃይቃሱ።

33 ሃዛ፡ ላፑን አዳይ ኢዮ ኤኪዲ ገሾ ሃይቆፔ ዳንዲያ ዋዳ ኢያ ኦዳ ማቸ ገዳኔ?» ያገደሰ ኦይቺደሶና።

34 ዩሱሲ ዛሪዲ፡ «አሳይ ሃ ዋዲያን ኤኮሶናኔ ጌሎሶና።

19:46 ኢሳ 56:7፤ ኤር 7:11 19:47 ሉቃ 21:37 20:9 ኢሳ 5:1 20:17 ማዘ 118:22 20:27 ሃ.ኦ 23:8
20:28 ዛሬ 25:5

35 ሺን ሃይቆፔ ደንዲዲ ያና አላሚያን ዳናው በሴይሳት ኤኮኮናኔ ጌሎኮና።

36 ኤንቲ ኪታንቸ ሜላ ጊዲያ ጊሾ ሲንሳፊ ሃይቆኮና። ሃይቆፔ ደንዲዲ ጊሾ ኤንቲ ያሳ ናይታ።

37 ሙሴይ ጎዳ፣ ሳብራሃሜ ጎዳ፣ ዩሳቃ ጎዳ፣ ያይቆባ ጎዳ) ጊዲ ቱሺያ ጊደን ፀጌቲያ ታማ ታሪክያ ፃፊዳይሳን ሃይቆዳ አሳይ ደንዳይሳ በሴሰ።

38 ኡባይ ኢያው ደን ደዔይሳታ ጊዲያ ጊሾ ኢ ደን ደዔይሳታ ጎዳ፣ ኣቲን ሃይቆዳይሳታ ጎዳ ጊደና» ያጊዲ ዛሪሰ።

39 ሃጌ ኣስታማሬታፔ ኢሶቲ ኢሶቲ፣ «አስታማሬያው፣ ሎቦባ ኦዳዳሳ» ያጊደሶና።

40 ሄሳፊ ጉዬ፣ ሃራ ኦይሾ ኦይቻናው ያዩደሶና።

ኪሪሰቶስ ኦዴ ናዔ
(ማቶ 22:41-46፤ ማር 12:35-37)

41 ኢያፔ ካሊዲ ዩሱሲ ኤንታኮ፣ «አሳይ ኪሪሰቶሳ ዋቲዲ ዳዊቲ ናዔ ያጎና?

42-43 ኣይሰ ጊኮ፣ ዳዊቲይ ባ ሁዔን ባ ማፃፋን፣

ጭሳይ ታ ጎዳኮ «ታ ኔ ሞርኬታ ኔ ቶሆይ ዩዲያሶ ኦላና ጋካናው

ታፔ ኡቫቻ ባጋን ኡታ» ጊሰ) ያጊሰ።

44 «ሃዛ፣ ዳዊቲይ ኪሪሰቶሳ፣ ሳዳ ጊዲ ያጊሾ ኢያው ናዔ ዋኒዲ ጊዲ?» » ያጊሰ።

45 ዳሬይ ኡባይ ሲዒሺን ባ ታማሬታኮ፣

46 «አዲሳ ማፖ ማዒዲ ዩሼ ደሴይሳታፔ፣ ጊያን ቦንቸ ሳርሶ፣ ኣይሁዴ ዋሳ ኬላን ቦንቸ ኦይዴ፣ ሞኬቲያ ሶንካ ቦንቸ በሲ ኮያ ሂጌ ኣስታማሬታፔ ናጌቲቲ።

47 ኤንቲ ኣምዔታ ኬላ ካሎዮሶና፣ ያሎ ኣሲ ዳኒዲ ዋሳ ኣዲሶሶና። ኤንቲ ኢታ ፐርዳ ኤካና» ያጊሰ።

21

ኣምዔ ሙፃታ
(ማር 12:41-44)

1 ዱሬ አሳይ ያሳ ኬላን ሙፃታ ሳፃኒያን ዩጊሺን ዩሱሲ ቶቁ ጊዲ አሳ በዒሰ።

2 ቃሲ ኢሲ ማንቆ ኣምዒያ ናምዑ ሲኪና ዩጊሺን በዒዲ፣

3 «ታ ሂንቲው ቱማ ኦዳይሰ፤ ሃ ማንቆ ኣምዒያ ኡባፊ ኣላዳ ኢማሱ።

4 ኣይሰ ጊኮ፣ ሃ አሳ ኡባይ ባንታው ደዒያባፔ ኢሚደሶና፣ ሺን ኢያ ባ ፓጩያፔ፣ ባው ደዒያ ኣቁዋ ኡባ ኢማሱ» ያጊሰ።

ዉርሴላ ዋዲያ ማላታታ
(ማቶ 24:3-14፤ ማር 13:3-23)

5 ዩሱሳ ታማሬታፔ ኢሶቲ ኢሶቲ ያሳ ኬላይ ዳር ሎዒያ ሹቻኒኔ አሳይ ያሳሰ ኢሚዳ ኢሞታን ሎዒዳይሳ ኦዴቶሶና።

6 ሺን ዩሱሲ፣ «ሃ ሂንቲ በዒያባይ ኡባይ ላሊቶና፣ ሹቹ ሹቻ ቦላ ጊምቤቲዳ ሜላ ኣቶና ዋዴይ ያና» ያጊሰ።

7 ኤንቲካ፣ «አስታማሬያው፣ ሃ ኡባይ ሃናናይ ኣዉዴ? ቃሲ ሃይሲ ሃናናይሳሰ ማላታይ ኣይቤ?» ያጊዲ ኦይቹደሶና።

8 ዩሱሲ ያጊዲ ኤንታው ዛር ኢሚሰ፣ «ባሊቶና ሜላ ናጌቲቲ። ዳርቲ፣ ታኒ ኪሪሰቶሳ፣ ዋዴይ ማታቲሰ) ያጊሾ ታ ሱንላን ያና፣ ሺን ሂንቲ ኤንታ ካሎፊቲ።

9 ሂንቲ ኦላባኔ አሳ ጌላቲላ ሲዒያ ዋዴ ዳጋሞፊቲ። ሄሲ ሲንሳቲዲ ሃናናይሲ ኣቶናባ ጊዲያ ጊሾ ዋዲያ ዉርሴላይ ኤሌሲዲ ዩና» ያጊሰ።

10 ካሊዲካ፣ «ዳሬይ ዳሪያ ቦላ፣ ካዋቲላይ ካዋቲላ ቦላ ደንዳና።

11 ጊታ ቢታ ቃይሃ ሃናና፣ ኮቫይኔ ጋዶይ ዳማ ዲማ በሳን ዳራና፣ ያሺያባይኔ ጊታ ማላታቲ ሳሎፔ ቆንጫና።

12 ሺን ሃ ኡባይ ሃናናፔ ሲንጼ ታ ሱንላ ጊሾ ጊዲ አሳይ ሂንቲና ጎዳናኔ ኦይካና። ኣይሁዴ ዋሳ ኬላኒኔ ቃሾ ኬላን ሂንቲና ዩጋና። ካዋታ ሲንጼኔ ዳሪያ ሃሬይሳታ ሲንጼ ሂንቲና ኤፋና።

13 ሄሲካ ታባ ሂንቲ ኤንታው ማርካታናው ሎፖ ኦጌ ጊዳና።

14 ሄሳ ጊሾ፣ ሂንቲ ኦይሹቲያ ዋዴ ዋይጊዲ ዛር ኢማኔ ጊዲ ሂንቲ ዋዛናን ኡንዔቶና ሜላ ኣኬኪቲ።

15 ኣይሰ ጊኮ፣ ሂንቲ ሞርኬቲ ሂንቲራ ኤቁታናዉኔ ፓላማናው ዳንዳያና ደናኔ ጨንጫቲላ ታ ሂንቲው ኢማና።

16 ሃሪ ኣቶሺን፣ ሂንቲና ዩሊዳይሳቲ፣ ሂንቲ ኣቫቲ፣ ሂንቲ ዳቦቲኔ ሳጌቲ ሂንቲና ኣሉ ኢማና። ሂንቲ ጊደፊ ኢሶታ ኢሶታ ዋቆና።

17 ታ ሱንላ ጊሾ አሳ ኡባ ሲንላን ሂንቲ ኢፃቲዳይሳታ ጊዳና።

18 ሺን ሃሪ ኣቶሺን፣ ሂንቲ ቢናናፔ ኢሶይካ ቆይና።

19 ፖሎ ዳንዳዒን ሂንቲ፣ ሂንቲ ሹምፑዋ ኣቫና።»

20 «ዩሩሳላሜ ካታማይ ዋታዳሬን ዲሬቲዲ ኡቲዳሺን ሂንቲ በዒኮ ኢያው ቆይይ ማታቲዳይሳ ኤሪቲ።

21 ሄ ዋዴ ዩሁዳን ደዒያ ኡባይ ዳሪያኮ ባቃቶ፣ ካታማን ደዒይሳቲ ያፔ ኬዮ፣ ጋፃሪያን ደዒይሳቲ ካታማ ጌሎፖ።

22 ኣይሰ ጊኮ፣ ሃ ፃፊቲዳባይ ፖሌታና ሜላ ሄሲ ያሳይ ኩሼ ዛሪያ ዋዴ።

23 ሳዒ ቦላ ጊታ ሜቶይ ያና፣ ሄሳንካ አሳ ቦላ ያሳ ሃንቆይ ያና። ሄሳ ጊሾ፣ ቃንላቲዳይሳቲኔ ቆንጫይሳታ ኣይ።

24 ኤንቲ ማሻን ሃይቃና፣ አሳ ኡባይ አላጋ ቢታ ዳዔታና። ኣይሁዴ ጊደና አሳ ዋዴይ ፖሌታና ጋካናው ዩሩሳላሜ ኤንታናን ዩዴቲዳይሳ ጊዳና።

25 «አዋን፣ ኣጌናኒኔ፣ ያሊንቶታ ቦላ ማላታቲ ሃኒዲ በንታና። ኣባፊኔ ዙሊያ ደሹዋፔ

20:37 ኬሳ 3:6 20:42-43 ማዝ 110:1 21:14 ሉቃ 12:11-12 21:22 ሆሴ 9:7 21:25 ኣሳ 13:10፤ ሂዝ 32:7፤ ኤር 2:31፤ ዮ.ቆ 6:12

ዳንደይሳን ቢታን ዳዊያ አሳይ ኡንዴታናኔ ያርካና።

26 ሳሉዋ ዋልቃቲ ቡቂታና ጊሾ አሳይ ያሻኒኔ ቢታ ቦላ አይቢ ሃናንዴሻ ጊዲ ናጎን ባንታና ባሌታና።

27 ሄ ዋዴ አሳ ናዓይ ዋልቃኒኔ ጊታ ቦንቹዋን ሻራራ ዪሽን ኤንቲ ቤዓና።

28 ሂንቲ አቶቱላይ ማታቲዳ ጊሾ ሃ ሃኖቲ ፖሌቴሌ ኮይኪያ ዋዴ ጊጌቲ ኤቂቲ፣ ሂንቲ ሁዒያ ዶቁ ኦሊዲ ያለቲ» ያገሰ።

29 ካሊዲካ፣ ሃይሳዳ ጊዲ ለሚሶ ኦዲስ፡ «ባላሴ ሚላኔ ሃራ ሚላታ ኡባ ቤዒቲ።

30 ኤንቲ አጪያ ዋዴ ቶርቹይ ማታቲዳይሳ ሂንቲ ኤሬታ።

31 ሃሳዳ ሃ ሃኖቲ ፖሌቲሽን ሂንቲ ቤዒኮ ያሳ ካዋቱላይ ማታቲዳይሳ ኤሬቲ።

32 «ታ ሂንቲው ቱማ ኦዳይስ፤ ሃ ኡባይ ፖሌታና ጋካናው ሃ ዩሌቴላይ አዴና።

33 ሳሎይኔ ሳዓይ አዳና፣ ሽን ታ ቃላይ አዴና።

34 «ሂዛ፣ ዳሲ ባይና ዴዎን፣ ኡሻ ዳርኒኔ ዲሳባሰ ኡንዴቱላን ሂንቲ ዋዛናይ ኦይኬቶና ሚላኔ ሄ ቃማይ አኬኮና ዪሄዳ ሂንቲ ቦላ ጋኮና ሚላ ናጌቲቲ።

35 ሄ ቃማይ ቢታ ኩሚላን ዳዊያ ኡባ ቦላ ጋካና።

36 ሃሳ ጊሾ፣ ያ ኢታፔ አታናወኔ አሳ ናዓ ሲንላን ኤቃናው ዳንዳዓና ሚላ ኡባ ዋዴ ሚኒዲ ዋሲቲ» ያገሰ።

37 ጋላሰ ጋላሰ ዩሱሲ ያሳ ኬላን ታማርሲሹ፣ ቃማ ቃማ ሻማሆ ዳሪያ ቦላ ኬዩዲ አቂስ።

38 አሳይ ኡባይ ኢያ ሲዓናው ዋንታ ጉራ ኢያኮ ያሳ ኬሌ ዮሶና።

22

ዪሁዲ ዩሱሳ አላ ኢማናው ማቄቲስ

(ማቶ 26:1-5፣ 14፣ 16፤ ማር 14:1-2፣ 10-11፤ ዮሃ 11:45-53)

1 ሄ ዋዴ «ፋሲካ» ያገሰ ኡይላ ባሌይ ማቲስ።

2 ካሂኔ ሃላቃቲኔ ሂኔ አሰታማሬቲ አሳሰ ያዩዳ ጊሾ ዋቲዲ ዩሱሳ ባንታ ገደሬ ዳይሳኔኮ ኦጌ ኮዮሶና።

3 ያላሂይ ታማኔ ናዋዓታፔ ኢሱዋ ጊዲዳ አሰቆርታ ዪሁዳ ጌቲቲይሳ ገደ ጌሊስ።

4 ዪሁዲ ካሂኔ ሃላቃታኮኔ ያሳ ኬላ ናጌይሳታ ሃላቃታኮ ቢዲ ዩሱሳ ዋቲ አላ ኢማኔኮ ኤንታራ ማቄቲስ።

5 ኤንቲካ ሃሳን ኡፋይቲዲ ሚሹ ኢማናው ኢያራ ዘሬቲዶሶና።

6 ኢካ ዘሬቲላን ጊሊስ። አላ ኤንታው ኢማናው አሲ ባይና ኢንጄ ዋዴ ናጊሹ ዳዔስ።

ዉርሴላ ካሁዋ

(ማቶ 26:17-25፤ ማር 14:12-21፤ ዮሃ 13:21-30)

7 ሃሳሬ ጉዬ፣ ፋሲካ ዶርሳይ ሹኬቲያ ኡይላ ባሌይ ጋኪስ።

8 ዩሱሲ፡ «ፋሲካ ካሁዋ ማና ሚላ ቢዲ ኮሰ ጊሊሲቲ» ያገሰ ዲዲ ዲደርሳኔ ዮሃኒሳ ኪቲስ።

9 ኤንቲ፡ «ኮ አዉን ጊሊሳና ሚላ ኔ ኮያይ» ያገሰ ዲዲ ዲደቹዶሶና።

10 ኢ ኤንታኮ፡ «ሄኮ ሂንቲ ካታማ ጌሊሽን ሃላ ኦቶ ቶኪዳ አይይ ሂንቲራ ጋሂታና። ኢ ቢዲ ጌሊያ ኬላ ኢያ ካሊዲ ጌሊቲ።

11 ኬላዋኮ አሰታማሬይ፣ «ታ ታ ታማሬታራ ዋላ ፋሲካ ካሁዋ ማናው ኢማላ ኬሌ አዉኔ? ያገሰ» ጌቲ።

12 ኢ ፖቂያ ቦላ ሃፃቲዲ ጊሊዲ ዳዊያ ዳልጋ ኪፊሌ ሂንቲና ቤሳና፣ ያን ጊሊሲቲ» ያገሰ።

13 ኤንቲ ቢዲ ዩሱሲ ጊዳይሳዳ ሃኒን ዳሚዶሶና። ፋሲካ ባሌ ካሁዋ ያን ጊሊሲዶሶና።

14 ሳቲይካ ጋኪዳ ዋዴ ዩሱሲ ሃዋሬታራ ዋላ ካሁዋ ቦላ ኡቲስ።

15 ኢ ኤንታኮ፡ «ታ ዋዩ ኤካናፔ ሲንሌ ሃ ካሁዋ ሂንቲራ ማናው ዳር አዋታስ።

16 ሂዛ፣ ሲዒቲ! ያሳ ካዋቱላን ሃይሳሰ ቢርሹላይ ፖሌታና ጋካናው ሃ ካሁዋ ዘራዳ ሚኬ» ያገሰ።

17 ኡሻ ኤኪዲ ጋላቲ ሲሚዲ፣ «ሃዒቲ ሃይሳ ሂንቲ ገደን ሻኬቲቲ።

18 ሲዒቲ! ያሳ ካዋቱላይ ያና ጋካናው ሃቹሬ ዶማዳ ሃ ዋይኔ ኡሻሬ ዘራዳ ኡዩኬ» ያገሰ።

19 ኡይላ ኤኪዲ፣ ጋላቲ ሲሚዲ፣ «ሃይሲ ሂንቲው ኢማቲያ ታ አሹዋ። ሃይሳ ኦሊሹ ታና ቆፒቲ» ያገሰ ዲዲ ሜንሊዲ ኤንታው ኢሚስ።

20 ሃሳዳካ፣ ካሁዋፔ ጉዬ ኡሻ ኤኪዲ፣ «ሃ ኡሻይ ሂንቲው ጉኪዳ ታ ሱላን ጊዲያ ኦራላ ጫቁዋ።

21 ጊደሽን፣ ታና አላ ኢማና ኡራ ኩሹይ ታራ ኢሲሬ ጋይታና።

22 አሳ ናዓይ ኢያው ጌቲቶይሳ ሚላ ሃይቃናው ዳዔስ፣ ሽን ኢያ አላ ኢሚያ ኡራ አዩ» ያገሰ።

23 ኤንቲ ባንታ ገደን፣ «ሃይሳ ኦኒ አላኔ» ጊዲ ዋሊ ዲደቹዶሶና።

24 ቃሲ ኤንታ ገደን ጊታ ገዳናይ ኦኔ ጊያ ፓላሚ ሜዴቲስ።

25 ዩሱሲ ኤንታኮ፡ «ዳሪያ ካዋቲ ባንታ አሳ ዋልቃን ሃርሶና፤ ባንታ ዳሪያ ቦላ ጎዳቲይሳታሰካ ባንታና፣ «ሎያ አሌይሳታ» ያገሰ ዲዲ ያጎሶና።

26 ሽን ሂንቲ ገደን ሃሳ ሚላ ገደፖ። ሂንቲ ገደን ባይራቲይ ካሎዳ ሃና፤ ካሌሌይሲ ካሌይሳዳ ሃና።

27 ሃኖሽን፣ ሞኬይሳሬኔ ሞኬይሳሬ አዉሲ አዲ? ሞኬይሳ ጊዳኔዬ? ሽን ታኒ ሂንቲ ገደን ሞኬይሳ ሚላ።

28 «ሂንቲካ ታ ሜቱዋን ታፔ ሻኬቶና ታራ ሚኒዲ ኤቂዳይሳታ።

29-30 ሂንቲ ታ ጋይታፔ ማና ሚላ፣ ኢያና ሚላኔ አራታታ ቦላ ኡቲዲ ታማኔ ናዋዑ ኢሰራዔሌ ሹሻታ ቦላ ፒርዳና ሚላ ታ አዋይ ታና ሹሚዳይሳዳ ታካ ሂንቲና ታ ካዋቱላን ሹማና» ያገሰ።

21:27 ዳኔ 7:13፤ ዮ.ቆ 1:7 21:37 ሉቃ 19:47 22:1 ኬሳ 12:1 22:20 ኤር 31:31 22:21 ማዘ 41:9
22:24 ማቶ 18:1፤ ማር 9:34፤ ሉቃ 9:46 22:25 ማቶ 20:25-27፤ ማር 10:42-44 22:26 ማቶ 23:11፤ ማር 9:35
22:27 ዮ.ቆ 13:12 22:29-30 ማቶ 19:28

31 ካሊዲካ ዩሱስ፡ «ሲሞና፡ ሲሞና፡ ፃላሄይ ሂንቴና ገሰቴዳ ሃርቃናው ዋሲስ።

32 ሺን ታኒ ኔ እማኖይ ቆዮና ማላ ኔው ጋናታስ። ኔካ ሲሚዳ ዋዴ ኔ እሻታ ሚንላ» ያገሰ።

33 ሲሞኒ፡ «ጎዳው፡ ታኒ ኔራ ቃሼታናውኔ ሃይቃናው ገሰታስ» ያገሰ።

34 ዩሱስ ጳዊርሳኮ፡ «ታ ኔው ኦዳይስ፤ ሃቺ ኩቶይ ዋሳና፤ ሲንሐ ኔ ታና ሄቸ ቶሆ ካዳና» ያገሰ።

35 ካሊዲካ፡ ዩሱስ ኤንታኮ፡ «ታኒ ሂንቴና ኮርጃይ፡ ካርጃይኔ ጫሚ ባይና ከቲዳ ዋዴ ሂንቴው ፓጠዳባይ ዳዲ?» ያገረዱ ኦይቸሰ።

ኤንቲ ዛሪዲ፡ «ኣይኮይካ ፓጠቤና» ያገደሰና።

36 ኢ ኤንታኮ፡ «ሃዲ ኮርጃይኔ ካርጃይይ ዳዴይ ኦይኮ፤ ማሺ ባይናይ ባ ኣፊላ ባይዚዲ ማሻ ሻሞ።

37 ሃ ሲዲቲ! ሩጌላታራ ታይቤቲስ) ጌቲቲዲ ያፊቲዳይሲ ታናን ፖሌታናው ቤሰስ። ኤ፡ ታ ገሾ ያፊቲዳባይ ፖሌቲይሲ ቱማቲስ» ያገሰ።

38 ኢያ ታማሬቲ፡ «ጎዳው ሃይሳን ናሞቡ ማሺ ዳዴስ» ያገደሰና።

ኢ፡ «ገዳና» ያገሰ።

ዩሱስ ሻማሆ ዳሪያ ቦላ ዋሲስ (ማቶ 26:36-46፤ ማር 14:32-42)

39 ዩሱስ ካሴ ሚዜቲዳይሳዳ ዳንዲዲ ሻማሆ ዳሪያ ቦላ ከዩስ። ኢያ ታማሬቲ ኢያ ካሊደሰና።

40 ሄ ቤሳ ጋኪዳ ዋዴ «ፓጠኛን ጌሎና ማላ ዋሲቲ» ያገሰ።

41 ኤንታፊ ሹቺ ሆሊን ጋኪያ ሶ ማላ ሃኪዲ ጉልባቲዲ ዋሲስ።

42 «ታ ኣሞው፡ ኔ ሺኔ ገዲኮ ሃ ማቲዋ ታፔ ኣላ። ሺን ታ ሺኔ ገደፖ ኔ ሺኔይ ሃኖ» ያገረዱ ዋሲስ።

43 ኪታንቸይ ሳሎፔ ቆንጨዲ ሚንሐሰ።

44 ዳር ኤንዔቲዲ ሚንሐዲ ዋሲስ። ኢያ ጫዋይካ ሱሐ ያኪያዳ ሳዓን ያኮስ።

45 ዩሱስ ዋሳ ዉርሲዲ ባ ታማሬታኮ ዩስ። ኤንቲ፡ ኣዛኒያፔ ዳንደይሳን ዳቡሪዲ ጳሰኪዳሺን ዳሚዲ።

46 «ኣይስ ጳሰኪቲ? ፓጠኛን ጌሎና ማላ ዳንዲዲ ዋሲቲ» ያገሰ።

ዩሱስ ኦይኮቲስ (ማቶ 26:47-56፤ ማር 14:43-50፤ ዮሃ 18:3-11)

47 ኢ ቡር ኦዳ ቦላ ዳዲሺን ዳር ኣሳቲ ዩደሰና። ታማኔ ናሞባታፔ ኢሶይ ዩሁዳ ጌቲቲይሲ ኤንታና ካሌሐስ። ኢ ዩሱሳ ዩራናው ማቲ ሺቂስ።

48 ሺን ዩሱስ፡ «ዩሁዳ፡ ኣሳ ናዓ ዩራዳ ኣላ ኢማኔ?» ያገሰ።

49 ዩሱሳ ታማሬቲ ሄ ሃኩዋ ቤዒዲ፡ «ጎዳው ማሻን ሾጪና?» ያገደሰና።

50 ኤንታ ገደፊ ኢሶይ ካሂኔ ሃላቃ ኦሳንቸዋ ሾጪዲ ኡሻቻ ሃይላ ቃንጂዲ ዩገሰ።

51 ሺን ዩሱስ፡ «ኣጋ! ዳጎፊቲ» * ያገሰ። ኡራ ሃይላ ቦቺዲ ፓሐሰ።

52 ሃሳፊ ጉዬ፡ ዩሱስ ባና ኦይካናው ዩዳ ካሂኔ ሃላቃታኮ፡ ያሳ ከላ ናጌይሳታ ሹማታኮኔ ጪማታኮ፡ «ፓኖ ኦይኪያ ኣሳዳ ማሼኔ ፃሞዓ ኦይኪዲ ዩዳቲ?»

53 ኡባ ጋላስ ያሳ ከላን ታ ሂንቴራ ዳዲያ ዋዴ ታ ቦላ ኩሼ ዋሊቤኬታ። ሺን ሃይሲ ቆማ ካዋቲላይ ሃሪዳ ዋዴኔ ሂንቴ ዋዴ» ያገሰ።

ጳዊርሲ ዩሱሳ ካዲስ

(ማቶ 26:57-58፤ 67-75፤ ማር 14:53-54፤ 66-72፤ ዮሃ 18:12-18፤ 25-27)

54 ሃሳፊ ጉዬ፡ ዩሱሳ ኦይኪዲ ካሂኔ ሃላቃ ዛባ ኤፊደሰና። ጳዊርሲ ሃሆን ዩሱሳ ካሌስ።

55 ኣሳቲ ካሂኔ ሃላቃ ዛባን ታማ ኤሊዲ ዋላ ኡቲዳሺን ጳዊርሲ ኤንታራ ኢሲፊ ኡቲስ።

56 ኢሲ ኣይሊያ ጳዊርሲ ታማ ማታን ኡቲዳይሳ ጫዳ ያላዳ፡ «ሃ ኡራይ ኢያራ ዳዴስ» ያገሰ።

57 ሺን ጳዊርሲ፡ «ሃ ማጫሴቲ ታ ሄ ኡራ ኤሪኬ» ያገረዱ ካዲስ።

58 ጉላ ዋዴፔ ጉዬ ኢሲ ሃራ ኣዳይ ኢያ ቤዒዲ፡ «ኔካ ኤንታፊ ኢሱዋ» ያገሰ።

ሺን ጳዊርሲ፡ «ሃ ኣዲያው ታና ገዲኬ» ያገሰ።

59 ኢሲ ሳቲ ማላ ጋሞዒዳፔ ጉዬ ኢሲ ሃራ ኣዳይ ቲሊሲዲ፡ «ሃ ኡራይ ጋሊላፔ ገዲያ ገሾ ሲጴይ ባይና ኢያራ ዳዴስ» ያገሰ።

60 ሺን ጳዊርሲ፡ «ሃ ኣዲያው፡ ኔ ጌይሳ ታ ኤሪኬ» ያገሰ። ኢ ሄ ኦዳ ኦንጎና ዳዲሺን ኩቶይ ዋሲስ።

61 ጎዳይ ጉዬ ሲሚዲ ጳዊርሳ ያሊስ።

ጳዊርሲ፡ «ሃቺ ኩቶይ ዋሳና፤ ሲንሐ ኔ ታና ሄቸ ቶሆ ካዳና» ያገረዱ፡ ጎዳይ ኦዲዳ ቃላ ኣኬኪስ።

62 ጳዊርሲ ካሬ ከዩዲ ዳር ኮኮሪዲ ዩኪስ።

63 ዩሱሳ ናጊያ ኣሳቲ ኢያ ሌቂሶኔ ዳሼሐ ኦይኪደሰና።

64 ኢያ ኣይፊያ ጎዚዲ «ኣኔ ቲንቢቲ ኦዳ፤ ኔና ዳቺዳይ ኦኔ?» ያገረዱ ኦይቸሰና።

65 ሃራ ዳር ጫሼ ጫዩዲ ካዉሾሰና።

ዩሱስ ጳላያሳ ሲንሐኔ ሄርዲሳ ሲንሐ ሺቂስ (ማቶ 26:59-66፤ ማር 14:55-64፤ ዮሃ 18:19-24)

66 ሳዒ ዋንቲያ ዋዴ ኣይሁዳ ቢታ ጪማቲ፡ ካሂኔ ሃላቃቲኔ ሂጌ ኣስታማሬቲ ሺቂዲ፡ ዩሱሳ ባንታ ሲንሐ ሺሺደሰና።

67 ኤንቲ፡ «ኔኒ ኪሪሰቶሴ? ኣኔ ኦስ ኦዳ?» ያገረዱ ኦይቸሰና።

ዩሱስ፡ «ታ ኦዲያኮ ኣማኔኬታ።

68 ታ ኦይቸያኮ ዛሬኬታ።

22:35 ማቶ 10:9-10፤ ማር 6:8-9፤ ሉቃ 9:3 22:37 ኣሳ 53:12 * 22:51 ኣጋ! ዳጎፊቲ፡ ዩሱስ ሃ ቤሳን ኣጋ ያገደይ ኢያ ኣሻናው ገዲ ኣሳቲ ኡራ ሃይላ ቃንጂዳ ኣጋ ቃንጃ፡ ገዳይሳኔ፡ ሃራቲ ኢያ ኦይካናው ዩዳይሳታ ዳጎፊቲ ሃዲ ኤንታ ዋዴ ያገደይሳ ናሞቡ ቆፋታ ዋላ ጋሊዲ ኦይኪስ። 22:53 ሉቃ 19:47፤ 21:37

69 ሺን አሳ ናዓይ ሃይሳፌ ጌዳ ባጋን ዋልቃማ ያሳ ኡሻቻ ባጋን ኡታና» ያገሰ።

70 ሄ ዋዳ ኡባይ፡ «ያቲን፡ ኔኒ ያሳ ናዓ?» ያገደሶና።

ኢ፡ «ታ ያሳ ናዓ ጌዳይሳ ሂንቲ ጌዳታ» ያገሰ።

71 ኤንቲ፡ «ሂዛ፡ ሃራ ማርካ አይ ኮሺ? ኢ ባ ኢንፃርሳን ኡዲሺን ኑ ሲዒዳ» ያገደሶና።

23

ዩሱሲ ጲላዎሳ ሲንላን

(ማቶ 27:1-2፣ 11-14፣ ማር 15:1-5፣ ዮሃ 18:28-38)

1 ሄ ቤሳን ሸቂዳ ሻንጎቲ ኡባይ ዳንዲዲ ዩሱሳ ጲላዎሳኮ ኤፊደሶና።

2 «ሃ ኡራይ ኑ አሳ ባሌሊሺን፡ ካወቀሰ ጌራ ጌርና ማላ ዲገሺኒኔ ቃሲ፡ ታኒ ኪሪሰቶሳ ሂንቲ ካወቀ» ያገሺን ዳሚዳ» ያገደሶና ሞቲደሶና።

3 ጲላዎሲ ዩሱሳ፡ «ኔኒ አይሁዳታ ካዎዩ?» ያገደሶና ኦይቸሰ።

ዩሱሲ፡ «ኤ፡ ኔ ጌዳይሳ ማላ» ያገሰ።

4 ጲላዎሲ ካሂኔ ሃላቃታኮኔ አሳኮ፡ «ሃ ኡራ ቦላ ታኒ ኢሲ ባላካ ዳማቤኬ» ያገሰ።

5 ሺን ኤንቲ፡ «ሃ ኡራይ ጋሊላፔ ደሚዲ ሃይሳ ጋካናው ዪሁዳ ኩሚላ ኢታባሰ ዳንጼሌሰ» ያገደሶና ሚንላ ኦዲደሶና።

6 ጲላዎሲ ሄሳ ሲዒዳ ዋዳ ዩሱሲ ጋሊላ አሲኮ ኤራናው ኮዪዲ ኢያ ኦይቸሰ።

7 ዩሱሲ ሄራዲሳ ቢታፊ ዩዳ አሲ ጌዳይሳ ጲላዎሲ ኤራዳ ዋዳ ሄራዲሲ ሄ ዋዳ ዩራሳላሚን ዳዒያ ገሾ ኢያኮ ዩዲሰ።

8 ሄራዲሲ ዩሱሳ ቤዓናው ዳር ዋዳፔ ኮዪሼ ዳዒያ ገሾ ኢያ ቤዒዳ ዋዳ ዳር ኡፋይቲሰ። አይሰ ገኮ፡ ኢያባ ሲዒዳ ገሾ ማላሊሲያባ ኦሊን ቤዓናው አሞቲሼ ዳዒሰ።

9 ሄራዲሲ ዩሱሳ ዳር ኦይሾታ ኦይቸሰ፡ ሺን ኢ አይኮካ ዛሪቤና።

10 ካሂኔታ ሃላቃቲኔ ሂጌ አሰታማሬቲ ያን ኤቂዲ ሚንላዲ ኢያ ሞቶሶና።

11 ሄራዲሳራኔ ኢያ ዋታዳሬታራ ዩሱሳ ካዲደሶናኔ ለቂሲደሶና፡ ቦንቾ አፊላ ማይዚዲ ጲላዎሳኮ ዛሪዲ ዩዲደሶና።

12 ሄራዲሳራኔ ጲላዎሳራ ካሴ ሞርኬሺን ሄ ጋላሰ ዋላ ገገደሶና።

13 ጲላዎሲ ካሂኔ ሃላቃታ፡ አሳ ሃራይሳታኔ አሳ ያገደሶና።

14 «ሃ ኡራይ አሳ ጌላቲላሰ ዳንጼሌሰ» ገደሶ ታኮ ኢሃዳታ። ታካ ሂንቲ ሲንላን ፐልጋዳ ሂንቲ ሺሺዳ ሞቶሞሰ አይቤ ባላካ ዳማቤኬ።

15 ሄራዲሲ፡ ሄሳሶ አይቤ ባላካ ኢያ ቦላ ዳሚቦና ገሾ ኑኮ ዩዲሰ። ቱማካ ሃ ኡራይ ሃይቆሰ ጋሊያ አይቤ ባላካ ኦሊቤና።

16 ሄሳ ገሾ፡ ኢያ ጋራፋዳ ቢላ ዩዳና» ያገሰ።

17 ሄሳ ኢ ገደይ ፋሲካ ባሌ ዋዳ ኢሲ አሲ ኤንታው ቢላናይሲ ኢያው አቶናባ ገደያ ገሾሳ።

18 ዳሪይ ኡባይ ኢሲ ቦላ፡ «ሃ ኡራ ጌዳ ዲጋ፡ ኑሰ ባርባና ቢላ» ያገደሶና ሞሲደሶና።

19 ባርባኒ ካታማ ገደን አሳ ኢታባሰ ዳንጼሊዲ አሴ ዋዲዲ ቃሸቲዳ አሲ።

20 ጲላዎሲ ዩሱሳ ቢላናው ኮዪዲ አሳሰ ዛሪ ኦዲሰ።

21 ገደሺን፡ አሳይ፡ «ካቃ! ካቃ!» ያገደሶና ሞሲደሶና።

22 ጲላዎሲ ሄሻንሶ፡ «ሃ ኡራይ ቆሂዳባይ አይቤ? ዋዲሰ ጋሊያ ባላ ታ ዳማቤኬ። ሄሳ ገሾ፡ ጋራፋዳ ዩዳ አጋና» ያገሰ።

23 ኤንቲ ባንታ ቃላ ቆቁ ኦሊዲ፡ «ካቂታናው ቤሴሰ» ገደሶ ሚንላ ሞሲደሶና። ኤንታ ሞሪይካ ያኒሰ።

24 ኤንታ ኦይሻ ገሾ ገደሶ ጲላዎሲ ኢያ ቦላ ፐርዲሰ።

25 አሳ ኢታባሰ ዳንጼሊይሳኔ አሴ ዋዲዲ ቃሸቲዳይሳ ቢላና ማላ ሞሲዲ፡ ሄ ኡራ ኤንታው ቢሊሰ። ሺን ዩሱሳ ኤንቲ ኮዪዳባ አላና ማላ ኤንታው አሊ ኢሚሰ።

ዩሱሳ ካቂደሶና

(ማቶ 27:31-44፣ ማር 15:21-32፣ ዮሃ 19:17-27)

26 ዩሱሳ ኦይኪዲ ኤፊሺን ሲሞና ገያ ቂሬና ቢታ አይይ ጋፃሬፔ ዪሺን፡ ዳሚዲ ማሰቃሊያ ቶሲዲ ዩሱሳ ካሊዲ ባና ማላ ኡንዔሊደሶና።

27 ዳር አሳይኔ ባንታ ቲራ ኢጨሼ ዩኪያ ማጫሳቲ ኢያ ጉዩያራ ካሎሶና።

28 ሺን ዩሱሲ ኤንታኮ ጉዩ ሲሚዲ፡ «ሂንቲኖ፡ ዩራሳላሚ ማጫሳቶ፡ ሂንቲ ሁዒሲኔ ሂንቲ ናይታሰ ዩኪቲፔ አቲን ታው ዩኮፊቲ።

29 ሂኮ ማይንላቲ፡ ዩሎና ኡሎቲኔ ቆንሶና ቆንሳቲ አንጄቲደሶና ሂንቲ ያጋና ጋላሳይ ያና።

30 ሄ ዋዳ ዳሪታ፡ ሱ ቦላ ኩንዲቲ፡ ዙማታካ፡ ሱና ካሚቲ» ያጋና።

31 ሂዛ፡ ቃዬ ሚላ ሄሳሶ ኦሊኮ ማላ ሚላ ሞታንዳሻ?» ያገሰ።

32 ኢያራ ዋዳናው ሃራ ናሞዑ ዋራንሾታ ኤፊደሶና።

33 ቂራኒዮ * ጌቲቲያ ቤሳ ጋሊዲ ካቂደሶና። ዋራንሾታፔ ኢሱሞ ኡሻቻ ባጋራ ሃንኩሞ ሃዲርሳ ባጋራ ካቂደሶና።

34 ዩሱሲ፡ «ታ አሞና፡ ኤንቲ አይ ኦሊያኮ ኤርና ገሾ ኔኒ ኤንታው አቶ ያጋ» ያገሰ።

ኤንቲ ኢያ አፊላ ቦላ ሳማ ዩገዲ ሻኬቲዲ ኤኪደሶና።

35 አሳይ ኤቂዲ ያሎሶና፡ ሺን ዳሪያ ሃራይሳቲ፡ «ሃራታ አሺሰ፤ ያሳይ ደሪዳ ኪሪሰቶሲ ኢያ ገደኮ አኔ ባና አሾ» ያገደሶና ለቂሲደሶና።

36 ዋታዳሬቲ ኢያኮ ሸቂዲ፡ ጫላ ዋይኔ ኡሻ ኢሚደሶና።

23:30 ሆሴ 10:8፣ ዮ.ቆ 6:16 * 23:33 ቂራኒዮ፡ ቂራኒዮ ጌይሲ ገሪኬ ደና። አራማይኬ ደናን «ጎልጎታ» ዋይኮ «ሁዒ ጉጌ» ጉሱ። ቂራኒዮ ገያ ሰንሳይ ኢሜቲዳይ ዩሱሲ ካቂቲዳይ አሳ ሁዒ ጉጌ ዳኒያ ቤሳን ገደያ ገሾሳ። ሄ ቤሳይ ሮሜ ካሞቲላይ ዋራንሾታ ካቂያ ቤሲ። (ማቶ 27: 33፣ ማር 15:22፣ ዮሃ 19:17) 23:34 ማዘ 22:18 23:35 ማዘ 22:18፣ ማዘ 22:7 23:36 ማዘ 69:21

37 ያተደፈ፡ «ኔኒ አይሁዳታ ካዎ ገዲኮ ኔ ሁዒያ አሻ» ያገዲ ለቀሲደሶና።

38 ኢያው ሁዒ ባጋራ፡ «ሃይሲ አይሁዳታ ካዎ» ያገያ ፀፊይ ዳዒሰ።

39 ካቁተዳ ዎራንቸታ፤ ኢሶይ ጫሼ ሳዓራ ጎቹሼ፡ «ኔኒ ኔኒ ከሪሰቶሳ ገዲኮ፡ ኔናካ ኑናካ አሻ» ያገሰ።

40 ሺን ሃንኮ ዎራንቸታ፡ «ኔኒ ሃይሳ ማላ ፐርዳን ዳዒሼ ሃሪ አቶሺን፡ ያሳሰ ያዩኪ?»

41 ኔኒ ኑ ባላሰ ቤሲያ ፐርዳ ኤኮሰ፡ ሺን ሃ ኡራይ ኢሲ ኢታባካ ኦሊቤና» ያገዲ ሃንቁቲሰ።

42 ቃሲካ፡ «ዩሱሳ፡ ኔ ኔ ካዎቴሳራ ያ ዎዴ ታና ቆፓ» ያገሰ።

43 ዩሱሲ፡ «ታ ኔው ቱማ ኦዳይሰ፤ ሃቺ ኔኒ ታራ ጋናቴን ገዳና» ያገሰ።

44-45 ሄ ጋላሰ ኡሱቸን ሳቴ፤ ቢዲ ኡዲፋን ሳቴ ጋካናው አዎይ ፖዑዎ ዲገዲ ገሾ ቢታ ኡባ ቦላ ቋማ ገዲሰ። ያሳ ከላ ማጋራጃይ ዳከቴዲ ናምዓን ሻከቴሰ።

46 ዩሱሲ፡ ቃላ ቋቁ ኦሊዲ፡ «ታ አዎው፡ ታ ታ ሽምፐው ኔ ኩሼን ሽቆይሰ» ያገዲ ሃይቁሰ።

47 ማቶ ሃላቃይ፡ ሃኒዳይሳ ቤዒዲ፡ «ሃይሲ ኡራይ ቱማካ ያሎ» ያገዲ ያሳ ጋላቲሰ።

48 ሃ ሃኒያባ ቤዒናው ሄ ቤሳ ሸቁዳ አሳ ኡባይ ሃኒዳባ ቤዒዲ ዎዴ ባንታ ቴራ ኢጪሼ ባንታ ሶ ሰሚደሶና።

49 ገደሺን፡ ዩሱሳ ማታን ኤሪያ አሳ ኡባይ፡ ሃሳዳካ ጋላላ፤ ካሊዲ ዩዳ ማጫሳቲ ሄሳ ቤዒሼ ሃሆን ኤቁደሶና።

50-51 አይሁዳ ሻንጎታ፤ ኢሶይ፡ ዮሴፋ ጌቲቲያ ኡራይ ዳዒሰ። ኢ አርማቲያሳ ጌቲቲያ ዩሁዳ ካታማ፤ ዩሱሲ፡ ኢ ሎጎኔ ያሎ አሲ ገዲያ ገሾ ያሳ ካዎቴሳ ዩሳ ናጌሰ። ሻንጎታ፤ ኢሱዎ ገዲሼ ኤንታ ዘሪቴላኒኔ ኦሱዎን ዳና።

52 ሄ ኡራይ ጳሊዎሳኮ ቢዲ፡ ዩሱሳ አሃ ሞጋናው ታው አማ ገዲ ዎሲሰ።

53 ጳሊዎሲ ኤካ ያገን፡ ዩሱሳ አሃ ዎዲሲዲ አፊላራ ያዳሰ። ዘላፊ ዎጪዲ ከሲዳ ሃራ አሲ ሞጌቶና ኦራሳ ዳፎን ዎሊሰ።

54 ሳምባቲ ጌላና ሃኒያ ገሾ ሄ ጋላሳይ ገጌቱሳ ቃማ።

55 ጋላላ፤ ዳንዲዲ ዩሱሳ ካሊዲ ዩዳ ማጫሳቲ ዮሴፋራ ቢዲ ኢያ አሃ ዎቲ ሞገያኮ ዲፋዎ አከኪዲ ቤዒደሶና።

56 ያ፤ ሰሚዲ ሸቶኔ ቁባቲያ ገገሲደሶና። ሃጌይ ከቲይሳ ማላ ሳምባታ ጋላሰ ሽምፐ ፐዒደሶና።

24

ዩሱሲ ሃይቆፕ ዳንዲሰ
(ማቶ 28:1-10፤ ማር 16:1-8፤ ዮሃ 20:1-10)

1 ሳሚንታፊ ኮይሮ ጋላሰ፡ ዎጋ ዎዴ ዎንታ ዳሮ ጉራ፡ ማጫሳቲ ባንታ ገገሲዳ ሸቱዎ ኤኪዲ ዲፋዎ ቢደሶና።

2 ኤንቲ ያ ጋኪያ ዎዴ ዲፋዎ ደናን ዳዒያ ሹቻይ ጎንዳሪቲዲ ከቸይሳ ዳሚደሶና።

3 ኤንቲ ዲፋዎ ጋሊ ጌሊደሶና፡ ሺን ጎዳ ዩሱሳ አሃ ዳሚሶኮና።

4 ኤንቲ ያን ኤቁዲ አይቢ ሃኒዳ ገዲ ቆፐሺን አከኮና ዳሮ ጳሊያ አፊላ ማዒዳ ናምዑ አሳቲ ኤንታ ማታን ኤቁደሶና።

5 ማጫሳቲ ያሹቲዲ ባንታ ሁዒያ ሳዓን ዘቁ ኦሊዲ ዳዒሺን፡ አሳቲ ኤንታኮ፡ «ዳዎን ዳዒይሳ ሃይቆፓ ገደን አይሰ ኮዬ?»

6-7 ኢ ሃይሳን ዳና፤ ሃይቆፕ ዳንዲሰ፡ «አሳ ናዒይ ናጋራንቸታ ኩሺን አቋ አሚታና፤ ኤንቲካ ኢያ ካቃና። ኢ ሃቸንሳ ቃማን ሃይቆፕ ዳንዲና» ያገዲ፡ ኢ ሃንቴራ ጋሊላን ዳዒሼ ሃንቴው ኦዲዳ ቃላ ቆፐፕ» ያገሰ።

8 ማጫሳቲ ሄ ዎዴ ኢያ ቃላ ቆፐደሶና።

9 ማጫሳቲ ዲፋዎ፤ ሰሚዲ ሃኒዳባ ኡባ ታማኔ ኢሶታሲኔ ሃራታሲካ አዲደሶና።

10 ሄሳ ሃዎሪታሰ ኦዲዳይ ማገዳላ ማይራሞ፡ ዮሃና፡ ያይቆባ አዩው ማይራሞኔ ኤንታራ ዳዒያ ሃራ ማጫሳታ።

11 ሺን ኤንታው ማጫሳቲ ኦዲዳይሲ ኤልዎ ዳኒን አማኒሶኮና።

12 ሺን ጳዒርሲ ዳንዲ ዎዲዲ ዲፎ ቢሰ። ሄ ቤሳ ጋኪዲ ሆኪ ጋሊ ያሊያ ዎዴ ሞጎ አፊላ ያላላ ቤዒሰ። ሃኒዳባን ማላሌቲሼ ባ ሶ ሰሚሰ።

ኤማሁሴ አገያ ቦላ (ማር 16:12-13)

13 ሄ ጋላሰ ካሊያ ታማሪታ፤ ናምዓቲ ዩሩሳላሜ፤ ታማኔ ኢሲ ከሎ ሚቲሬ ሃኪያ ኤማሁሴ ጉታ ቦሶና።

14 ኤንቲ ዎላ ሃኒዳባ ኡባ ኦዳቶሶና።

15 ኤንቲ ሄ ሃናታባ ቆፐሼኔ ኦዳቲሼ ቢያ ዎዴ ዩሱሲ ባ ሁዒን ሸቁዲ ኤንታራ ቤሰ።

16 ሃናሺን፡ ኤንቲ ኢያ ኤርና ማላ ኤንታ አይፊይ ኦይከቴሰ።

17 ኢ፡ «ሃንቴ ዎላ ኦጌ ቦላ ዳዒሼ ኦዳቲይሲ አይቤ?» ያገሰ።

ኤንቲ አዛኒዲ ሰዒ ገዲ ኤቁደሶና።

18 ኤንታፊ ኢሶይ ቁለዮጳ ጌቲቲይሰ፡ «ሃ ቃማታ ገደን ዩሩሳላሜን ሃኒዳባ ኤርናይሰ፡ ኔ ቢታሰ አማሌዬ?» ያገሰ።

19 ኢ ዘራዲ፡ «ኢ ሃኒዳይሲ አይቤ?» ያገዲ ኦይቸሰ።

ኤንቲ፡ «ያሳ ሲንላኒኔ አሳ ሲንላን ኦሶኒኔ ኦዳን ሚኖ ናቤ ገዲዳ ናዘሪቲ ዩሱሳባ።

20 ኢያ ካሂኔ ሃላቃቲኔ ኑና ሃሪይሳቲ ሃይቆ ፐርዳሰ አሊ አሚዲ፡ ካቁደሶና።

21 ኔኒ ኢሰራዒሌ አሳ ዎዛንዴ ገዲ ኡፋይቲዲ ናገዳሺን ሃይሲ ሃኒን ሃቺ ሃቸንሳ ቃማ።

22 ቃሲ ኑ ገደፊ ኢሲ ኢሲ ማጫሳቲ ኑና ማላሊሲደሶና። ኤንቲ ሃቺ ዎንታ ጉራ ዲፋዎ ቢደሶና።

23:44-45 ኪሳ 26:31 23:46 ማዘ 31:5 23:49 ሉቃ 8:2 23:56 ኪሳ 20:10፤ ዛሬ 5:14 24:6-7 ማቶ 16:21፤ 17:22-23፤ 20:18-19፤ ማር 8:31፤ 9:31፤ 10:33-34፤ ሉቃ 9:22፤ 18:31-33

23 ኢየሱስ እህ ዳዩዳ ዋዴ ሲሚ ዩዲ፣ ሩኢ ገፃ ዳዕሱን ያገደ ከታንቸቲ ቆንጨን በዔዳ ያገደ ኢዲደሶና።

24 ኑ ገደፊካ ኢሶቲ ኢሶቲ ዲፋዋ ቢዲ ማጫሳቲ ኦዲዲይሳሉ ሃኒን በዔዳደሶና፣ ሺን ኢያ በዔሶሶኮና» ያገሰ።

25 ኢ ኤንታኮ፣ «ሂንቲኖ፣ አኬኮና አሳው፣ ሂንቲ ዋዛናይ ናቤቲ ኦዲዳባ ኡባ አማናናው ጋምዔይሳቶ።

26 ኪሪሰቶሲ ሃ ሜቱዋ ኤካናዉኔ ባ ቦንቹዋን ገላናው ስሴኔ?» ያገሰ።

27 ሙሴፔኔ ናቤታ ኡባፊ ዳንዲዲ ገሻ ማፃፋን ኢያባይ ፃፊቲዲይሳ ኡባ ኤንታው ቆንጨሲሰ።

28 ኤንቲ ቢያ ጉታኮ ማታቲዳ ዋዴ ዩሱሲ አጲዲ ሃሆ ሶ ቢያ ዳኒን።

29 ኤንቲ፣ «ሳባይ ቃሚዳ ገሾ ኑራ አቃ» ያገደ ሚንሉዲ ዋሲደሶና። ሄሳ ገሾ፣ ኤንታራ አቃናው ገሊሰ።

30 ኤንታራ ኢሲፊ ጋይታ ቦላ ኡቲዲ፣ ኡይላ ዳንሉዲ፣ ሚንሉ አንጂዲ ኤንታው አሚሰ።

31 ሄ ዋዴ ኤንቲ ኤራና ሜላ ኤንታ አይፊይ ደዩቲሰ። ኤንቲካ ኤሪደሶና። ሺን ኢ ኤንታፊ ገሚሰ።

32 ኤንቲ፣ «ኑ ኦጊያ ቦላ ዳዒሺን ኢ ኑሰ ገሻ ማፃፋ በርሺሺኔ ኑና ሃሳዩሲሺን ኑ ዋዛናይ ፀጌቲቤኔ?» ያገደሶና።

33 ሄ ዋዴ ዳንዲዲ ጉዩ ዩሩሳላሜ ዩደሶና። ታማኔ ኢሶቲኔ ሃራቲ ኢሲ ቦላ ሸቂዲ ዳዒሺን ዳሚደሶና።

34 ኤንቲ፣ «ሳዳይ ቱማ ዳንዲሰ፤ ሲሞናስ ቆንጨሰ» ያገደሶና።

35 ሄ ናምቡ ታማሬቲ ኤማሁሴ ኦጊያ ቦላ ዳዒሺን ሃኒዳይሳኔ ኡይላ ሚንሉዳ ዋዴ ዋቲ ኢያ ኤሪዳኮ ኤንታው ኦዲደሶና።

ዩሱሲ ባ ታማሬታስ ቆንጨሰ

(ማቶ 28:16-20፤ ማር 16:14-18፤ ዮሃ 20:19-23፤ ሃ.ኦ 1:6-8)

36 ናምቡ ታማሬቲ ሄሳ ኦዳ ቦላ ዳዒሺን፣ ዩሱሲ ኤንታ ገደን ኤቂዲ፣ «ሳርይ ሂንቲው ገደ» ያገሰ።

37 ገደሺን፣ ኤንቲ ዳጋሚዲ፣ ሞይቲሌ በዔዳ ዳኒን ያዩደሶና።

38 ኢ ኤንታኮ፣ «አይሰ ባቢዴቲ? አይሰ ሲጴይ ሂንቲ ዋዛናን ገሊዴ?»

39 ታ ኩሺያኔ ታ ቶሁዋ በዔቲ፤ ታኒ ታና። ቃሲ ኦይኪዲ በዔቲ፤ ታናን ሂንቲ በዔይሳዳ፣ ሞይቲሌሰ አሾይኔ ሜቄላ ባዋ» ያገሰ።

40 ያገደ፣ ባ ቶሁዋኔ ባ ኩሺያ ኤንታ በሲሰ።

41 ኤንቲ ኡፋይሳፊ ዳንደይሳን አማኖና ማላሌቲላን ዳዒሺን፣ ዩሱሲ ኤንታኮ፣ «ሃይሳን ሂንቲው ሚያባይ ዳዒ?» ያገሰ።

42 ኤንቲ ኢሲ ጫጫቲዳ ሞሎ ኢያው አሚደሶና።

43 ኢ ኤኪዲ ኤንታ ሲንላን ሚሰ።

44 ኢ፣ «ታ ሂንቲራ ጋምዒዳ ዋዴ ኡባን ሙሴ ማፃፋታን፣ ናቤታ ማፃፋታኒኔ ማዘሙሬ ማፃፋታን፣ ታ ገሾ ፃፊቲዳባይ ኡባይ ፖሌታናው»

በሴሰ ያጋዳ ታ ሂንቲው ኦዲዳ ቃላይ ሃይሳ» ያገሰ።

45 ሄ ዋዴ ገሻ ማፃፋታ አኬካና ሜላ ዋዛና ኤንታ ደዩሰ።

46 ሄሳዳካ፣ «ኪሪሰቶሲ ዋዩ ኤካና፣ ሄቫንላ ቃማን ሃይቆፔ ዳንዳና ያገደ ፃፊቲሰ።

47 ዩሩሳላሜ፣ ዳንዲዲ አሳ ኡባሰ ናጋራፔ ማርቲላይኔ አቶቲላይ ኢያ ሱንላን ማርካታና።

48 ሂንቲ ሄሳሰ ማርካታ።

49 ሂኮ፣ ታካ ታ አዋይ አሚዳ ኡፋይሳ ሂንቲው ዩዳና። ሂንቲ ሳሎፔ ዋልቃ ማዕና ጋካናው ዩሩሳላሜ ካታማን ጋምዒቲ» ያገሰ።

ዩሱሲ ዳንዲሰ

(ማር 16:19-20፤ ሃ.ኦ 1:9-11)

50 ሄሳፊ ጉዩ፣ ቢታኒያ ካታማ ኤንታና ኤኪዲ ቢሰ። ባ ኩሺያ ዳንሉዲ አንጂሰ።

51 ኤንታና አንጂሴ ኤንታፊ ሻኬቲዲ ፑዴ ሳሎ ኤኬቲሰ።

52 ኤንቲ ዘገ ሳይኒዲ ዳር ኡፋይሳን ዩሩሳላሜ ሲሚደሶና።

53 ያሳ ኡባ ዋዴ ጋላቲሼ ያሳ ኬላን ጋምዒደሶና።

የሃኒሳ ፃፊዳ ዩሱስ ኪሪስቶስ ዋንጌላ ጋላ ቆፋ

የሃኒሳ ዩሱስ፡ «አሴ ገዲዲ አሳ ገደን በንቲዳ ያሳ ቃላ» ያገዲ ቆንጨሴስ። ሃ ዋንጌላይ ፃፊቱዳይ፡ ኢያ ናባቢያ አሳይ ዩሱሲ አሳ አሼይሳ ገዲዲ ያና ጌቲቲዳ ያሳ ናባ ገዳይሳ አማናና ማላኔ ኢያን አማኔይሳታስ ማሪና ዳይይ ዳዔይሳ ኤንቲ ኤራና ማላሳ (20:31)።

ዋንጌላስ ኮይሮ ከፊሌይ ማሪናባ ገዲዳ ያሳ ቃላይኔ ዩሱሲ ኢሶ ገዳይሳ ኦዲ ሲሚዲ፡ ዩሱሲ አሼይሳ ገዲዲ ያና ገዳ ያሳ ናባ ገዳይሳ በሲያ ዲማ ዲማ ማላታታ ቆንጨሴስ። ፃፊይ፡ ዩሱስ ኪሪስቶስ ባ ሁዔን ቲማ ያሳ ናባ ያሳ አዋሮ ኢሶ ገዳይሳ (1:1) ቦላ ቆንጨሴስ። ዩሱሲ ባ ሁዔን ታ አብሪሃማፔ ካሴ ዳዓይሰ (8:58) ያገሰ። ወርሴላን ቶማሲ፡ «ታ ጎዳው፣ ታ ያሳው» ያገዲ ዪገሰ (20:28)። ሄሳፊ ካሊዲ ቃሲ ሃ ማላታታፔ በንቲዳ አይፊያ ኦዲያ ታሪከቲ ካሎሶና። ሃ ከፊሌይ ኢሲ ኢሲ አሳይ ዩሱሳ አማኒዲ ኢያ ካሊይሳታ ገዲዳይሳ ኦዳስ፤ ቃሲ ሃራቲ ኢያራ ዋኒዲ ኤቆቲዳኮኔ ዋኒዲ አማናና ኢዲዳኮ ኦዳሶና። ሼምፖ 13-17 ጋካናው ዩሱሲ ኦይኬቲዳ ኦማርሲ ኢያው፣ ኢያ ታማራታራ አይ ማላ ማኖ ጋሃቲላ ዳዒያኮ፣ ቃሲ ዋንጌላ ጋላስ ካቆታናፔ ሲንፍ ጊጌታላ ቃላኔ ሚንፍላ ቃላ ኤንታው ኦዲዳይሳ ቆንጨሴስ። ወርሴላ ሼምፖቲ ዩሱሲ ኦይኬቲዳባኔ ፐርዳስ ሸቆዳባ፡ ኢያ ካቆቲላኔ ኢያ ዳንዲዋ፣ ሄሳዳካ ዳንዲዋፊ ጉዬ ባ ታማራታስ ኢ ቆንጨዳ ቆንጨላባ ኦዳሶና።

የሃኒሳ ዋንጌላ አይፊ ቆፋታ
ጌሎ ቆፋ 1:1-18
ፃማቂያ የሃኒሳኔ ዩሱሳ ኮይሮ ታማራታ 1:19-51
ዩሱሲ ቆንጨኝ ኦሶ ኦይኮይሳ 2:1-12:50
ወርሴላ ቃማታ ዩራሳላሚ ሄራን 13:1-19:42
ጎዳ ዳንዲዋኔ ቆንጨላ 20:1-31
ኩሻ ቆፋ፡ ጋሊላን ዛሪዲ ባ ታማራታስ ቆንጨይሳ 21:1-25

- ዳይ ቃላ
- 1 ቃላይ ኮይሮ ዳዔስ። ቃላይካ ያሳራ ዳዔስ፤ ሄ ቃላይ ያሳ።
- 2 ኮይሮፔ ቃላይ ያሳራ ዳዔስ።
- 3 ያሳይ ኡባባ ቃላ ባጋራ ማዲስ። ማዲቲዳባፔ ኢሶይካ ኢያ ባጋራ ማዲቶናባይ ባዋ።
- 4 ኢያን ዳይይ ዳዔስ፤ ሄ ዳይይ አሳስ ፖ።
- 5 ፖይይ ጹማን ፖዔስ፤ ጹማይ ፖዑዋ ያኒቤና።
- 6 ያሳይ ከቲዳ፣ ኢሲ የሃኒሳ ገያ አሲ ዳዔስ።

7 አሳ ኡባይ ፖዑዋን አማናና ማላ ኢ ፖሶ ማርካ ገዲዲ ዩስ።

8 ኢ ፖዑዋባ ማርካታናው ዩሲፔ አቲን ባ ሁዔን ፖፖ ገዳና።

9 አሳ ኡባስ ፖዒሲያ ቲማ ፖይይ አላሚያ ዩስ።

10 ቃላይ አላሚን ዳዒስ። ያሳይ ቃላን አላሚያ ማዲስ፡ ሺን አላሚይ ኢያ ኤሪቤና።

11 ኢ ባይሳታኮ ዩስ፡ ሺን ኢያይሳቲ ኢያ ኤኪቦኮና።

12 ሺን ኢ ባና ኤኪዳይሳታሲኔ ኢያ ሱንላን አማኒዳይሳታስ ያሳ ናይታ ገዳና ማላ ማታ ኢሚስ።

13 ኤንቲ ያሳፊ ዩሌቲዳሶናፔ አቲን አሲ ዩሌቲያ ዋጋን ዋይኮ አዳ ሼኔን ዋይኮ አሳ አዋን ዩሌቲቦኮና። ያሳይ ኢ ኤንታ አዋ።

14 ቃላይ አሴ ገዲሲ፤ አዶ ከሃቴላኔ ቲማ ኩሚዲ ኦ ገደን ዳዒስ። ኢ አዋስ ኢሲ ናባ ገዲዲ ኤኪዳ ኢያ ቦንቹዋ ኮኔ ቤዒዳ።

15 የሃኒሳ ኢያባ ማርካቲስ። ባ ቃላ ጶቁ ኦሊዲ፡ «ታኒ፡ ታፔ ጉዬራ ዩይሲ ታፔ ካሴ ዳዒያ ገሾ ታፔ አዴስ» ጋዳ ማርካቲዳይሲ ሃይሳ» ያገሰ።

16 ኮኔ ኡባይ ኢያ አዶ ከሃቴላ ኩማላፊ አንጆ ቦላ አንጆ ኤኪዳ።

17 ያሳይ ሂጊያ ሙሴ ባጋራ ኢሚስ፡ ሺን አዶ ከሃቴላይኔ ቲማቴላይ ዩሱስ ኪሪስቶስ ባጋራ ዩስ።

18 ያሳ ቤዒዳ አሲ ኦኒካ ባዋ፤ ባ አዋ ማታን ዳዒያ ኢሲ ናባ ፃላሊ ባው ያሴ ገዲዳይሲ ኢያ ቆንጨሴስ።

ፃማቂያ የሃኒሳ ማርካቲላ (ማቶ 3:1-12፤ ማር 1:1-8፤ ሉቃ 3:1-8)

19 ዩራሳላሚን ዳዒያ አይሁዳ ሃላቃቲ፡ ካሂኔታኔ ሌዌታ፡ «ኔኒ ኦኔ?» ገዲ፡ የሃኒሳ ኦይቻና ማላ ኢያኮ ከቲን፡ የሃኒሳ ኤንታው ማርካቲዳ ማርካቲላይ ሃይሳ።

20 የሃኒሳ፡ «ታኒ ኪሪስቶስ ገዲኬ» ያገዲ፡ ጌሺዲ ማርካቲሲፔ አቲን ካዲቤና።

21 ኤንቲ፡ «ያቲን፡ ኔኒ ኦኔ? ኔኒ ኤሊያሴዬ?» ያገዲ ኦይቹዳሶና።

የሃኒሳ፡ «አካይ ገዲኬ» ያገሰ።

ቃሲ ኤንቲ፡ «ኔኒ ያና ጌቲቲዳ ናቢያዬ?» ያገዲ ኦይቹዳሶና።

የሃኒሳ፡ «አካይ» ገዲ ዛሪስ።

22 ያቲን፡ «ኔኒ ኦኔ? ኮኔ ኦና ከቲዳይሳታስ ኦዳና ማላ ኔኒ ኔና ኦና ጋይ?» ያገዲሶና።

23 የሃኒሳ ዛሪዲ፡ «ናቢያ ኢሳያሲ ገዳይሳዳ፡ ሳዳ ኦጊያ ሱሪሲቲ!» ገዲ ባዞ ቢታን ዋሲያ ኡራ ቃላይ ታና» ያገሰ።

24 ቃሲ ፋሪሳዌቲ ከቲዳ አሳቲ

25 የሃኒሳኮ፡ «ኔኒ ኪሪስቶስ ዋይኮ ኤሊያሳ ዋይኮ ናቤ ገደና ኢዲኮ፡ ያቲን አይሰ ፃማቃይ?» ገዲ ኦይቹዳሶና።

26 የሃኒሳ ዛሪዲ፡ «ታኒ ሃላን ፃማቃይስ፡ ሺን ሂንቲ ኤርና አሲ ሂንቲ ገደን ኤቁስ።

27 ኢ ታፔ ጉዬራ ዬሱስ፡ ታኒ ሃሪ አቶሺን ኢያ ጫማ ዋደሩዋ ቢላናው ቤሲኬ» ያገሰ።

28 ሄሲ ኡባይ ዮርዳኖሴ ሻፋፔ ሄፊንፋን፡ ቢታኒያ ካታማን፡ የሃኒሲ ፃማቂያ ቤሳን ሃኒሰ።

ፆሳ ደርሳ

29 የሃኒሲ ዋንቱላ ጋላሰ ዬሱሲ ባኮ ዪሺን ቤዒዲ፡ «አላሚያ ናጋራ ቁቺያ ፆሳ ደርሳይ ሃይሳ!

30 ታኒ፡ «ታፔ ጉዬራ ኢሲ አሲ ያና። ኢ ታፔ ካሴ ዳዒያ ጊሾ ታፔ አዴሰ» ጋዳ ኦዲዳይሲ ሃይሳ።

31 ኢ ኦኔኮ ታኒ ኤሪኬ። ሺን ኢሰራዔል አሳሰ ኢያ ቆንጨሳናው ሃላን ፃማቃሼ ያሰ» ያገሰ።

32 የሃኒሲ ሃይሳዳ ያገዲ ማርካቲሰ፡ «ጌሻ አያናይ ሳሎፔ ሆሌዳ ዋዲሺኒ ኢያራ ዳዒሺን ቤዒሰ።

33 ሄሲ ሃናናፔ ካሴ ታኒ ኢያ ኤሪኬ። ሺን ሃላን ፃማቃናው ታና ከቲዳ ፆሳይ፡ «ጌሻ አያናይ ዋዲዲ ኢያራ ዳዒሺን ኔኒ ቤዒናይሲኔ ጌሻ አያናን ፃማቃናይሲ ኢያ» ያገዲ ታው ኦዲሰ።

34 ታኒ ሄሲ ሃኒሺን ቤዒዲ፡ ኢ ፆሳ ናዓ ገዲዳይሳ ማርካታይሰ» ያገሰ።

ዬሱሳ ካሊዳ ኮይሮ ታማሬታ

35 ቃሲ ዋንቱላ ጋላሰ የሃኒሲ ባ ታማሬታፔ ናምዓታራ ኢሲፌ ኤቁሰ።

36 ዬሱሲ አዲሺን የሃኒሲ ቤዒዲ፡ «ፆሳ ደርሳይ ሃይሲሸ!» ያገሰ።

37 ናምዑ የሃኒሳ ታማሬቲ የሃኒሲ ጌይሳ ሲዒዲ ዬሱሳ ካሊደሶና።

38 ዬሱሲ ባና ካሊይሳታ ጉዬ ሲሚ ቤዒዲ፡ «አይ ኮዬቲ?» ያገዲ አይቺሰ።

ኢንቲ ዛሪዲ፡ «አሰታማሪያው፡ ኔኒ አዉን ዳዒይ?» ያገደሶና።

39 ዬሱሲ ኤንታኮ፡ «ሃ ዪዲ ቤዒቲ» ያገሰ። ኤንቲ ቢዲ ኢ ዳዒያሱዋ ቤዒደሶና። ሄ ጋላሰ ሳዒይ ታሙ ሳቲ ሄራ ገዲያ ጊሾ ኢያ ማታን ፔዒደሶና።

40 የሃኒሲ ገዲይሳ ሲዒዲ፡ ዬሱሳ ካሊዳ ናምዑ ታማሬታፔ ኢሶይ፡ ሲሞን ጳዒሮሳ ኢሻ ኢንዲሪያሳ።

41 ኢንዲሪያሲ ኮይሮ ባ አሻ ሲሞናራ ጋሃቲዲ፡ «ኔኒ ከሪሰቶሳ ዳሚዳ» ያገሰ።

42 ኢንዲሪያሲ ሲሞና ዬሱሳኮ ኤሂሰ። ዬሱሲ ሲሞና ቤዒዲ፡ «ኔኒ ዮና ናዓ ሲሞና፤ ኔ ሰንገላይ ከፋ * ገዲ ያጌታና» ያገሰ።

ዬሱሲ ፊልጶስ ናቲናዔላ ያገሰ

43 ዋንቱላ ጋላሰ ዬሱሲ ጋሊላ ቢታ ባናው ቆፋ ቃቺሰ። ኢ ፊልጶስራ ጋሃቲዲ፡ «ታና ካላ!» ያገሰ።

44 ፊልጶስ፡ ኢንዲሪያሲኔ ጳዒሮሲ ዳዒዳ ቤቱሳይዳ ካታማፔ ዪዳ አሴ።

45 ፊልጶስ ናቲናዔላራ ጋሃቲዲ፡ «ሙሴይ ሃኒ ማፃፋን፡ ቃሲ ናቤቲካ ኢያባ ፃፊዳ ዮሴፋ ናዓ ናዚሬቲ ዬሱሳ ነኒ ዳሚዳ» ያገሰ።

46 ናቲናዔላ ዛሪዲ፡ «ናዚሬቲ ካታማፔ ሎዎባይ ኬያናው ዳንዳዒ?» ያገሰ።

ፊልጶስ፡ «ያዳ ቤዒ» ያገሰ።

47 ናቲናዔላ ባኮ ዬይሳ ዬሱሲ ቤዒዲ፡ «ጌኔይ ባይና ቱማ ኢሰራዔል አሲ ሃይሳ!» ያገሰ።

48 ናቲናዔላ ዬሱሳኮ፡ «ኔኒ ታና አዉን ኤራይ?» ያገሰ።

ዬሱሲ ዛሪዲ፡ «ፊልጶስ ኔና ያጋናፔ ሲንጮ፡ ኔኒ ባላሴ ሚላ ጋርሳን ዳዒሺን ታኒ ኔና ቤዒሰ» ያገሰ።

49 ናቲናዔላ ዛሪዲ፡ «አሰታማሪያው፡ ኔኒ ፆሳ ናዓ! ኔኒ ኢሰራዔል ካዎ!» ያገሰ።

50 ዬሱሲ ኢያኮ፡ «ታኒ ኔና ባላሴ ሚላ ጋርሳን ቤዒሰ ገዲ ጊሾ አማናይ? ኔኒ ሃይሳፌ አዲያባ ቤዒና!» ያገሰ።

51 ቃሲ ዬሱሲ፡ «ታኒ ሃንቲው ቱማ ኦዲይሰ፤ ሳሎይ ዶዬቲን፡ ፆሳ ከታንቸቲ አሳ ናዓ ቦላ ኬዩሺኒኔ ዋዲሺን ሃንቲ ቤዒና» ያገሰ።

2

ዬሱሲ ያጋና ቤሳን

1 ሄሻንሉ ጋላሰ ጋሊላ ቢታን ቃና ካታማን ያጋናይ ያጋኔቲሰ። ዬሱሳ አያ ሄ ያጋኑዋን ዳዒዉሱ።

2 ዬሱሲካ ባ ታማሬታራ ኢሲፌ ሄ ያጋኑዋ ያጌቲሰ።

3 ዋይኔ ኡሻይ ዉሪን፡ ዬሱሳ አያ ዬሱሳኮ፡ «ኤንታው ዋይኔ ኡሻይ ዉሪሰ» ያጋሱ።

4 ዬሱሲ ዛሪዲ፡ «ታ አዬ፡ ኔ ሃይሳን ጌሎፓ? ታ ዋዳይ ቡሮ ጋኪቤና» ያገሰ።

5 ዬሱሳ አያ ኦሳንቸታኮ፡ «ኢ ሃንቲው ኦዲያባ አይቢባ ገዲኮካ ኦሊቲ» ያጋሱ።

6 አይሁዳቲ ባንታ ጌሾ ዋጋሰ ጎዒቲያ ኡሱቸን ሹቻ ባላቲ ሄ ቤሳን ዳዎሶና። ኢሲ ኢሲ ባላይ ናምዑ ዋይኮ ሄቹ ፀጋ ኦይኬሰ።

7 ዬሱሲ ኦሳንቸታኮ፡ «ባላታን ሃጼ ኩንሊቲ» ያገሰ። ኢንቲ ባላታሰ ደና ጋካናው ሃጼ ኩንሊደሶና።

8 ዬሱሲ ኤንታኮ፡ «ሃዒ ዳቂዲ ያጋኑዋ አዋቱላን ፖሊሴይሳሰ አሚቲ» ያገሰ። ኤንቲ ኢያን ኤፊዲ አሚደሶና።

9 ያጋኑዋ አዋቱላን ፖሊሴይሲ ዋይኔ ኡሺ ላሚቲዳ ሃላ ጋንፂ ኤኪዲ አዉፔ ዪዳኮ ኤሪቤና፡ ሺን ሃላ ኩንሊዳ ኦሳንቸቲ ኤሮሶና። ያጋኑዋ አዋቱላን ፖሊሴይሲ ማቺው ኤኬይሳ ያገዲ፡

10 «ኦኒካ ሎዎ ዋይኔ ኡሻ አሳ ኮይሮቲዲ ኡሼሰ። ያቲዲ አሳይ ኡዩ ካሊዳፔ ጉዬ ቂራሪያ አሚሰ። ሺን ኔኒ ሎዎ ዋይኔ ኡሻ ሃና ጋካናው ዋላ አጋዳሳ» ያገሰ።

11 ዬሱሲ ሃ ኮይሮ ማላታ ጋሊላ ቢታን ቃና ካታማን ኦሊሰ፤ ሄሳን ባ ገታቲላ ቤሲሰ። ኢያ ታማሬቲ ኢያ አማኒደሶና።

12 ሄሳፌ ጉዬ፡ ዬሱሲ ባ አዬራ፡ ባ አሻታራኔ ባ ታማሬታራ ኢሲፌ ቂፊርናሆሚ ካታማ ቢዲ ጉላ ጋላሰ ጋምዒሰ።

* 1:42 ከፋ፡ ገያ ቃላይ አራማይኬ ደና ገዲሺን፡ ገሪኬ ደናን ቢርሽላይ ጳዒሮሳ ዋይኮ ዛላ ጉሱ። 1:51 ሜዴ 28:12 2:12 ማቶ 4:13

ዩሱሲ ያሳ ከላፌ ዛልዔይሳታ ኬሲሰ (ማቶ 21:12-13፤ ማር 11:15-17፤ ሉቃ 19:45-46)

13 እይሁዳቲ ቦንቸያ ፓሲካ ባሌ ጋላሳይ ማታቲን ዩሱሲ ዩሩሳላሚ ቢስ።

14 ቢዲ ያሳ ከላን ቦራታ፣ ሚዛታ፣ ደርሳታኔ ሆሌታ ባይዜይሳታኔ ባንታ ኦይዲያን ኡቲዲ ሚሼ ላሚይሳታ ዳሚስ።

15 ኢ ፀርቃፌ ደቂዲ አሳ ኡባ ኤንታ ማህታራ ያሳ ከላፌ ጎዲዲ ካሬ ኬሲስ። ሚሼ ላሚይሳታ ፃርጶዛታካ አላ ዩጊዲ ኤንታ ሚሼያ ላሊስ።

16 ሆሌ ባይዜይሳታ፣ «ሃ ሆሌታ ሃይሳፌ ኬሲቲ፤ ታ አዋ ከላ ጊያ ኦሳፊቲ» ያጊስ።

17 ኢያ ታማሬቲ ጌሻ ማፃፋን፣ «ታኒ ኔ ከላስ ሚሹቲያ ሚሻይ ታና ታማዳ ፀጌስ» ጌቲቲዲ ፃፊቲዳይሳ አኬኪደሶና።

18 ሃሳፌ ጉዬ፣ እይሁዳቲ ዛሪዲ፣ «ኔ ሃይሳ አላናው ኔው ማቲ ዳዔይሳሰ ኑና አይ ማላታ አላዳ ቤሳኔ?» ያጊደሶና።

19 ዩሱሲ፣ «ሃ ያሳ ከላ ላሊቲ፤ ታኒ ሄቸ ጋላሳን ዛሪዳ ከፃና» ያጊስ።

20 ቃሲካ እይሁዳቲ፣ «ሃ ያሳ ከላ ከፃናው ኦይታማኔ ኡሱቸን ላይላ ኤኪስ፣ ሺን ኔኒ ሄቸ ጋላሳን ከፃኔ?» ያጊደሶና።

21 ሺን ዩሱሲ ኦዲያ ያሳ ከላይ ባ አሳቲላባ።

22 ሃሳ ጊሾ፣ ዩሱሲ ሃይቆፔ ዳንዲዳፔ ጉዬ ኢያ ታማሬቲ ኢ ሃሳ ጊዳይሳ አኬኪደሶና። ቃሲ ኤንቲ ጌሻ ማፃፋን ፃፊቲዳይሳኔ ዩሱሲ ኦዲዳይሳ አማኒደሶና።

23 ዩሱሲ ፓሲካ ቦንቸያ ቤሳን ዩሩሳላሚን ዳዒሺን፣ ኢ አላዳ ማላታታ ቤዒዲ ዳር አሳይ ኢያ አማኒደሶና።

24 ሺን ዩሱሲ አሳ ኡባ ኤሪያ ጊሾ ኤንታ አማኒቤና።

25 አሳ ዋዛናን ዳዒያባ ኢ ባ ሁዔን ኤሪያ ጊሾ አሳባ ኦኒካ ኢያው ኦዳና ማላ ኮሺቤና።

3

ዩሱሳኔ ኒቆዲሞሳ

1 ፋሪሳዊታ ያራፔ ጊዲዳ፣ እይሁዳታ ሃላቃይ፣ ኒቆዲሞሳ ጊያ ኢሲ አዳይ ዳዔስ።

2 ኒቆዲሞሲ ቃማ ዩሱሳኩ ዩዲ፣ «አስታማሪያው፣ ኔኒ ያሳይ ከቲዳ አስታማሪ ጊዳይሳ ኦኒ ኤርስ። አይስ ጊኮ፣ ያሳይ ኢያራ ደና ኢዲኮ ሃ ኔኒ አላያ ማላታ አላናው ዳንዳዒያ አሲ ባዋ» ያጊስ።

3 ዩሱሲ ዛሪዲ፣ «ታኒ ኔው ቱማ ኦዳይስ፤ ኦኒካ ዛሪ ዩሌቶና ኢዲኮ ያሳ ካዋቲላ ቤዓናው ዳንዳዒና» ያጊስ።

4 ኒቆዲሞሲ፣ «ጤጋ አሲ ዋኒዲ ዛሪ ዩሌታናው ዳንዳዒ? ባ አዬ ኡሎ ሲሚ ጌሊዲ ዛሪ ዩሌታናው ዳንዳዒ?» ያጊስ።

5 ዩሱሲ ዛሪዲ፣ «ታኒ ኔው ቱማ ኦዳይስ፤ ኦኒካ ሃላፊኔ ጌሻ አያናፔ ዩሌቶና ኢዲኮ፣ ያሳ ካዋቲላ ጌላናው ዳንዳዒና።

6 አሾ ናዓቲላ አወፔኔ አዩፔ ዩሰ፤ ያሳ ናዓቲላ ጌሻ አያናፔ አሜቲስ።

7 ታኒ፣ «ሂንቲ ዛሪ ዩሌታናው ቤሴስ» ጋዳ ሂንቲው ኦዲዳ ጊሾ ኔኒ ማላሌቶፋ።

8 ጫርኮይ ባ ኮዩዳ ቤሲ ጫርኮስ። ኔኒ ኢያ ኮሺንቻ ሰዓሳፔ አቲን ኢ አወፔ ያኮ ዋይኮ አው ቢያኮ ኤራካ። አያናፔ ዩሌቲዳ ኡባይ ሄሳ ማላ» ያጊስ።

9 ያቲን ኒቆዲሞሲ፣ «ሄሲ ዋኒዲ ሃናናው ዳንዳዒ?» ያጊዲ ኦይቸስ።

10 ዩሱሲ ዛሪዲ፣ «ኔኒ ኢሰራዔላታ አስታማሪ ጊዳሼ ሃይሳ ኤሪኪ?»

11 ታኒ ኔው ቱማ ኦዳይስ፤ ኦ ኤሪያባ ኦደሲኔ ቤዒዳባ ማርካቶስ፣ ሺን ኦ ማርካቲላ ሂንቲ ኤኬኬታ።

12 ታኒ ሂንቲው ሳዓባ ኦዲን ሂንቲ አማናናባ ጊዲኮ ሳሎባ ኦዲን ዋቲ አማናኔ?»

13 ሳሎፔ ዋዲዳ አሳ ናዓፔ አቲን ሳሎ ከዩዳይ ኦኒካ ባዋ፤ [ሳሎን ዳዒያ አሳ ናዓይ ታና]» * ያጊስ።

14-15 ሙሴይ ባዙ ቢታን ቢራታ ሾሺ ካቂዳይሳዳ ታና አማኒዳ ኡባይ ሚሪና ዳዑዋ ኤካና ማላ አሳ ናዓይ ቆቁ ጋናው ቤሴስ።

16 ያሳ ናዓ አማኒያ ኡባይ ሚሪና ዳዑዋ ላታናፔ አቲን ቆዩና ማላ ያሳይ ሃ አላሚያ ዳር ደሲዳ ጊሾ ባ ኢሲ ናዓ አሚስ።

17 ያሳይ ባ ናዓ ሃ አላሚያ ከቲዳይ አላሚያ ፐርዳናው ጊዳናሺን አላሚያ ኢያ ባጋራ አሻና።

18 ናዓ አማኒያ ኦኒካ ፐርዳቲና፣ ሺን ናዓ አማናና ኦኒካ ኢሲ ያሳ ናዓ አማኒቦና ጊሾ ሃዒ ፐርዳቲስ።

19 ፐርዳይካ ሃይሳ፣ ፖይ አላሚያ ዩስ፣ ሺን አሳ ኦሶይ ኢታ ጊዲያ ጊሾ አሳይ ፖዑዋፔ አላዲ ቆማ ደሴስ።

20 ኢታባ አላያ ኦኒካ ፖይ ኢፃስ። አይስ ጊኮ፣ ባ ኦሶይ ቆንጮና ማላ ፖዑዋኮ ዩና።

21 ሺን ቱማ አላያ ኦኒካ ያሳይ ከቲዳይሳዳ ኢ አላዳይሳ ፖይ ቆንጫሳና ማላ ፖዑዋኮ ዩስ።

ዩሱሳኔ ፃማቂያ የሃኒሳ

22 ሃሳፌ ጉዬ፣ ዩሱሲኔ ኢያ ታማሬቲ ዩሁዳ ቢታ ቢደሶና። ዩሱሲ ያን ፃማቂሼ ኤንታራ ጉላ ዋዴ ኡቲስ።

23 ቃሲ የሃኒሲ ሳሌሚ ማታን ዳዒያ ሄናና ጊያሶን ጊዲያ ሃላ ዳዒያ ጊሾ አሳ ያን ፃማቂስ። አሳይካ ያ ቢዲ ፃማቂቶሶና።

24 ሄ ዋዴ የሃኒሲ ቡር ቃሺቲቤና።

25 ሃሳፌ ጉዬ፣ የሃኒሳ ታማሬቲኔ ኢሲ እይሁዳ አዳይ ተ ጊሾ ዋጋባ ፓላሚደሶና።

26 ኤንቲ የሃኒሳኮ ቢዲ፣ «አስታማሪያው፣ ዮርዳናሴ ሻፋፔ ሄፊንላን ኔራ ዳዔይሲ፣ ኔኒ ኢያባ ማርካቲዳይሲ፣ ሄኮ ፃማቂስ። አሳይ ኡባይካ ኢያኮ ሶሶና» ያጊደሶና።

27 የሃኒሲ ዛሪዲ፣ «ያሳይ አሞና አሲ አይቢባካ ኤካናው ዳንዳዒና።

2:13 ኬሳ 12:1-27 2:17 ማዘ 69:9 2:19 ማቶ 26:61፤ 27:40፤ ማር 14:58፤ 15:29 * 3:13 ሳሎን ዳዒያ አሳ ናዓይ ታና፣ ኢሲ ኢሲ ቤኒ ማፃፋቲ ጉጆሶና። 3:14-15 ታይ 21:9 3:24 ማቶ 14:3፤ ማር 6:17፤ ሉቃ 3:19-20 † 3:25 ኢሲ እይሁዳ አዳይ፣ ኢሲ ኢሲ ማፃፋቲ «ጉላ እይሁዳ አሳቲ» ያሰሰና። 3:28 የሃ 1:20

28 ታሪ ከሪሰቶሳ ገደብ፣ ሺን ኢያፔ ሲንፍ ከታታሰን ገደብ ሂንቲ፣ ሂንቲ ሁዔን ታው ማርካ።

29 ጌሎስ ገደብ ኤኮናው ገደብ ሲንፍ፣ ኤኮና ላጌይ ኢያ ማታን ኤቁዲ ኢ ጌይሳ ሲዒያ ዋዴ ዳሮ ኡፋይቲስ። ሄሳ ገሾ፣ ሃይሲ ታ ኡፋይሳይ ፖሊቲስ።

30 ኢ ገታታናው ታሪ ጉፃናው ቤሴስ» ያገሰ።

31 ቦላፌ ዩይሲ ኡባፌ ቦላ። ሳዓፔ ቤንቲዳይሲ ሳዓባ። ኢ ሳዓባ ኦዴስ። ሳሎፔ ዩይሲ ኡባፌ ቦላ።

32 ኢ ባ ቤዒዳባኔ ሲዒዳባ ማርካቲስ፣ ሺን ኢያ ማርካቲስ ኤኮና ባዋ።

33 ኢያ ማርካቲስ ኤኮና ኦኒካ ያሳይ ቱማ ገደብ ቆንጨሴስ።

34 ያሳይ ባ ገሻ ኢያና ኢያው ኩሜላ ኢሚያ ገሾ ያሳይ ከቲዳይሲ ያሳ ቃላ ኦዴስ።

35 ኦዋይ ባ ናዓ ደሲዲ ኡባባ ኢያ ኩሼን ዋሲስ።

36 ናዓ ኦሚያ ኡራስ ሜሪና ዴይ ዴዔስ። ሺን ናዓ ኦማናይሳ ቦላ ያሳ ሃንቆይ ዴዔሲፔ ኦቲን ኢ ዴዓ ዴሜና።

4

ዩሱሳኔ ሳማሬ ማጫሲው

1 ዩሱሳኔ የሃሳብ ዳሪ ዳሪ ካሌይሳታ ባኮ ሺሼይሳኔ ፃማቄይሳ ፋሪሳዊቲ ሲዒደሶና።

2 ገደብካ ዩሱሳኔ ታማሬቲ ፃማቄደሶናፔ ኦቲን ዩሱሳኔ ኦናካ ፃማቄቤና።

3 ዩሱሳኔ ኦሳይ ኢያባ ጌይሳ ሲዒዳ ዋዴ ዩሁዳፔ ዴንዲዲ ጋሊላ ቤስ።

4 ጋሊላ ቤሼ ሳማሬራ ኦፋይሲ ኢያው ኦቶናባ ገደብ።

5 ሄሳ ገሾ፣ ያይቆቢ ባ ናዓ የሴፋስ ኢሚዳ ጋዲያ ማታን ዴዒያ ሲካሬ ገያ ሳማሬ ካታማ ቤስ።

6 ሄ ቤሳን ያይቆባ ሃላ ኦላይ ዴዔስ። ዩሱሳኔ ሃውሳን ደቡሪዲ ሄ ሃላ ኦላ ማታን ኡቲስ። ሄ ዋዴ ሳሳይ ኡሱፔን ሳቲ ሄራ።

7 ኢሲ ሳማሬ ካታማ ማጫሲ ሄ ኦላፌ ሃላ ቲካናው ያስ። ዩሱሳኔ ሄ ማጫሲኮ፣ «ታና ሃላ ኡሻርኪ» ያገሰ።

8 ሄ ዋዴ ዩሱሳኔ ታማሬቲ ካላ ሻማናው ካታማ ቢደሶናሺን።

9 ሄ ማጫሲያ ዛራዳ፣ «ኔኒ ኦይሁዴ ኦሴ ገደብ፣ ሳማሬ ማጫሲ ገደብ ታና ዋናዳ ሃላ ኡሻ ጋይ?» ያገሰ። ሄሳ ኢያ ገደብ ኦይሁዴቲ ሳማሬታራ ጋሄቶና ገሾሳ።

10 ዩሱሳኔ ዛራዳ፣ «ኔኒ ያሳ ኢሞታኔ ሃላ ታና ኡሻ ገይሲ ኦኮኮ ኡሪዳባ ገደብ ኢያ ኔ ዋሳና፣ ኢካ ኔው ዴዓ ኢሚያ ሃላ ኢማናሺን» ያገሰ።

11 ማጫሲያ ዛራዳ፣ «ጎዳው፣ ኔው ዲቁያባይ ባዋ፣ ኦላይካ ዘቃ። ያቲን፣ ዴዓ ኢሚያ ሃላ ኔ ኦላፔ ኡካኔ?»

12 ኦሳ ሃ ሃላ ኦላ ኢሚዳ ኦ ኦዋ ያይቆባፔ ኔኒ ኦፋይ? ኢ፣ ኢያ ናይቲኔ ኢያ ሜሄይ ሃ ኦላፌ ኡዩደሶና» ያገሰ።

13 ዩሱሳኔ፣ «ሃ ሃላፌ ኡዩዳ ኦኒካ ዛሪ ሳሞታና።

14 ሺን ታሪ ኢማና ሃላ ኡያ ኦኒካ ኡባካ ሳሞቲና። ታሪ ኢማና ሃላይ ኢያ ገደን ሜሪና ዴዓ ኢሚያ ጎሊያ ፑልቶ ገደና» ያገሰ።

15 ማጫሲያ ዛራዳ፣ «ጎዳው፣ ታሪ ሳሞቶና ሜላኔ ሃላ ቲካናው ሃ ቤሳ የና ሜላ ታው ሄ ሃላ ኢማ» ያገሰ።

16 ዩሱሳኔ ኢኮ፣ «ባዳ ኔ ኦዚና ፃጋዳ ያ» ያገሰ።

17 ማጫሲያ ዛራዳ፣ «ታው ኦዚኒ ባዋ» ያገሰ።

ዩሱሳኔ ኢኮ፣ «ታው ኦዚኒ ባዋ ጉሳን ባላባካ።

18 ኔው ካሴ ኢቻሹ ኦዚናቲ ዴዓሶና። ሃዒ ኔራ ዴዒያ ኦዴይ ኔ ኦዚና ገደና። ኔኒ ሃዒ ቱማ ኡዳዳሳ» ያገሰ።

19 ማጫሲያ ዛራዳ፣ «ጎዳው፣ ኔኒ ናቤ ገደብ ታሪ ኡራስ።

20 ኦ ኦዋቲ ሃ ዴሪያ ቦላ ያሳ ጎይኒደሶና። ሺን ሂንቲ ኦይሁዴቲ ኦሲ ያሴ ጎይናናው ቤሲያ ቤሳይ ዩራሳላሜና ጌታ» ያገሰ።

21 ዩሱሳኔ፣ «ሃ ማጫሲቲ ታና ኦማና፣ ሃ ዴሪያ ቦላ ዋይኮ ዩራሳላሜን ኦዋ ሂንቲ ጎይናና ዋዴይ ያና።

22 ሂንቲ ሳማሬቲ ኤርናይሳ ጎይኔታ። ሺን ኦኒ ኦቶቲላይ ኦይሁዴፔ ያ ገሾ ኦ ኡሪይሳ ጎይናሰ።

23 ሺን ኦዋ ቱማን ጎይኔይሳቲ ኦዳናኒኔ ቱማቲላን ጎይናና ዋዴይ ማታቲስ፤ ሃዒካ ጋኪስ። ሂዛ፣ ኦዋይ ኮዬይ ሃይሳ ሜላ ኦሊያን ጎይኔይሳታ።

24 ያሳይ ኦዳና፣ ኢያው ጎይኔይሳቲ ኦዳናኒኔ ቱማቲላን ጎይናናው ቤሴስ» ያገሰ።

25 ማጫሲያ ዛራዳ፣ «ከሪሰቶሲ ያናይሳ ታሪ ኡራይሰ። ኢ ያ ዋዴ ኦሳ ኡባባ ኦዳና» ያገሰ።

26 ዩሱሳኔ፣ «ሃ ኔራ ኦዴቲይ ታሪ ኢያ» ያገሰ።

27 ኤንቲ ኦዴቲሺን፣ ዩሱሳኔ ታማሬቲ ቢዳ ቤሳፌ ሲሚደሶና። ዩሱሳኔ ማጫሳራ ኦዴቲሺን ኤንቲ ቤዒዲ ዳሮ ማላላቲደሶና። ሺን ማጫሲኮ፣ «ኦይ ኮያይ?» ዋይኮ ዩሱሳኔ፣ «ኡራ ኦይሰ ኦዴታይ?» ገደይ ኦኒካ ባዋ።

28 ሃሳፌ ጉዬ፣ ማጫሲያ ባ ሃላ ኦቲዋ ኦጋዳ ጉዬ ካታማ ባዳ ኦሳኮ።

29 «ታሪ ኡላዳባ ኡባ ታው ኦዲዳ ኦዲያ ቤዓናው ዩዲቲ። ኢ ከሪሰቶሳ ገደንዴሻ?» ያገሰ።

30 ኦሳይ ካታማፔ ኮዩዲ ዩሱሳኔ ቢደሶና።

31 ሄሲ ሃኒሺን፣ ኢያ ታማሬቲ ዩሱሳኔ፣ «ጉላባ ማርኪ» ያገሰ ዋሲደሶና።

32 ሺን ኢ፣ «ታው ሂንቲ ኤርና ካላ ታ ሜይሲ ዴዔስ» ያገሰ።

33 ሄሳ ገሾ፣ ኢያ ታማሬቲ ባንታ ገደን፣ «ኢያው ሚያባ ኦሲ ኤሆና ኦኒና?» ያገሰ።

34 ዩሱሳኔ ኤንታኮ፣ «ታ ካላይ ታና ከቲዳይሳ ሺኒያ ኦላናይሳኔ ኢያ ኦሱዋ ፖላናይሳ።

35 ሂንቲ፣ «ኦይዲ ኦኒናፔ ጉዬ ካላይ ጫኬታና ጌኬቲዬ? ሺን ታሪ ሂንቲው ኦዳይሰ፤ ካላይ ካዲዲ ሺሾስ ጋኪዳይሳ ሎይላ ፃሊቲ።

36 ዘራይሲኔ ጩኤይሲ ኢሲፌ ኡፋይታና ማላ ጩኤይሲ ዳሞዜ ኤኬስ ቃሲ ካፋ ማሪና ዳያሰ ሸሼሰ።

37 ሂዘ፣ ለሲሶይ ዘራሰ፤ ሃንኮይ ቃሲ ጩኤሰ) ጊያ ኦዳይ ቱማ።

38 ሂንቱ ዳቡሪሶናይሳ ሸሻና ማላ ታኒ ሂንቱና ኪታሰ። ሃራቲ ኦሊ ዳቡሪዳሱዋን ጌሊዲ ሂንቱ ኤንታ ዳቡሪ ኣይፊያ ኤኪዳታ» ያገሰ።

39 ማጫሲያ፣ «ኢ፣ ታኒ ኦሊዳ ኡባባ ኦዲሰ» ጋዳ ማርካቲዳ ጊሾ ሂ ካታማን ዳዲያ ሳማሬ ኣሳፕ ደርቲ ዩሱሳ ኣማኒደሶና።

40 ሳማሬ ኣሳይ ዩሱሳኮ ዩዲ፣ ባንታ ማታን ጋሞዳና ማላ ዩሱሳ ዋሲን ኢ ያን ናሞዑ ጋላስ ኡቲሰ።

41 ኢ ኦዲያ ቃላ ጊሾ ካሴይሳፌ ዳር ኣሳይ ኣማኒደሶና።

42 ቃሲ ኤንቲ ማጫሴኮ፣ «ሃዲ ኑ ኣማኔይ ኑ ሁዔን ኢ ጌይሳ ሲዒዳ ጊሾሳፌ ኣቲን ኔኒ ማርካቲዳ ጊሾሳ ጊዳና። ቃሲ ኢ ቱማ ሃ ኣላሚያ ኣሽይሳ ጊዳይሳ ኑኒ ኤሪዳ» ያገደሶና።

ዩሱሲ ኢሲ ሹማ ናዓ ፓሊሰ

43 ናሞዑ ጋላሳፕ ጉዬ፣ ዩሱሲ ያፔ ከዩዲ ጋሊላ ቢታ ቢሰ።

44 ዩሱሲ ባ ሁዔን፣ «ናቤይ ባ ቢታን ቦንቹቲና» ያገደዲ ካሴቲዲ ኦዲሰ።

45 ዩሱሲ ጋሊላ ጋኪዳ ዋዴ ጋሊላ ኣሳይ ኢያ ሞኪደሶና። ኣይሰ ጊኮ፣ ፓሲካ ባሌ ቦንቹያ ጋላስ ኤንቲ ዩሩሳላሚን ዳዲያ ጊሾ ኢ ኦሊዳባ ኡባ ቤዒደሶና።

46 ዩሱሲ ሃፋ ዋይኔ ኡሺ ላሚዳ ቤሳ፣ ጋሊላን ዳዲያ ቃና ካታማ ቢሰ። ቁፊርናሆሚን ካዋ ከፋን ኦሊያ ኢሲ ሹማሰ ናዓይ ሃርጌቲሰ።

47 ዩሱሲ ዩሁዳፕ ጋሊላ ዩዳይሳ ሄ ሹማይ ሲዒዲ ኢያኮ ዩሰ። ሃይቃናው ማቲዳ ባ ናዓ ቢዲ ፓላና ማላ ዩሱሳ ዋሲሰ።

48 ዩሱሲ ሹማኮ፣ «ዶሳይ ኦሊያ ማላታታኔ ኦራባባታ ቤያና ዳዲሼ ሂንቱ ኡባራካ ኣማኔኬታ» ያገሰ።

49 ሹማይ ዘሪዲ፣ «ጎዳው፣ ታ ናዓይ ሃይቆና ዳዲሺን ታራ ዩቆርኪ» ያገሰ።

50 ዩሱሲ፣ «ኔ ሶ ባ፤ ኔ ናዓይ ፓፃና» ያገሰ። ሄ ሹማይ ዩሱሲ ጊዳይሳ ኣማኒዲ ባ ሶ ቢሰ።

51 ኢ ባ ሶ ቢሺን ኢያ ኣይሌቲ ኢያኮ ዩሼ ኢያራ ኦኬን ጋሄቲዲ፣ «ኔ ናዓይ ፓፃሰ» ገደሶና።

52 ኢ ባ ኣይሌታ ባ ናዓሰ ኣይ ሳቲን ሎዒዳኮ ኦይቹሰ። ኤንቲ ዘሪዲ፣ «ዚኔ ላፑን ሳቲን ሚሻይ ኣገሰ» ያገደሶና።

53 ናዓ ኣዋይ ዩሱሲ ባኮ፣ «ኔ ናዓይ ፓፃና» ጊዳይ ሄ ሳቲያን ጊዳይሳ ኣኬኪሰ። ሄሳ ጊሾ፣ ኢኔ ኢያ ሶ ኣሳ ኡባይ ኣማኒደሶና።

54 ሄሲ ዩሱሲ ዩሁዳፕ ጋሊላ ዩዲ ኦሊዳ ናሞዳንፋ ማላታ።

5

ዩሱሲ ኢሲ ጉንዳ ኣዲያ ፓሊሰ

1 ሄሳፌ ጉዬ፣ ዩሱሲ ኣይሁዳቲ ቦንቹያ ባሊያሰ ዩሩሳላሚ ቢሰ።

2 ዩሩሳላሚን ደርሳ ፔንጊያ ማታን ኢብራይስጭ ደናን ቤቲሳይዳ ጊያ ቲቁቲዳ ሃሊ ዳዒሰ። ሄ ቲቁቲ ኡቲዳ ሃፋ ማታን ኢቻሹ ሸምፒያ ቤሳቲ ዳያሶና።

3 [ሄሳን ሃሳይ ቃፃናይሳ ናጊያ] ዳር ሃርጋንቸቲ፣ ቆቁቲ፣ ዋቤቲኔ ጉንዳቲ ዘንዒደሶና።

4 [ኣይሰ ጊኮ፣ ኢሲ ኢሲ ቶሆ ጎዳ ኪታንቸይ ቲቁቲዳ ሃላን ዋዲዲ ሃላ ቃሌሰ። ሃሳይ ቃፃያ ዋዴ ኮይር ጌሊዳ ኡራይ ባና ኦይኪዳ ኣይ ሃርጌፊካ ፓፃሰ።]

5 ሄ ቤሳን ሃሰታማኔ ሆሰፑን ላይሊ ሃርጌቲዳ ኢሲ ኣዳይ ዳዒሰ።

6 ዩሱሲ ያን ዘንዒዳ ኣዲያ ቤዒዲ፣ ቃሲ ዳር ዋዴ ሃርጌቲዳይሳ ኤሪዲ ኣዲያኮ፣ «ፓፃናው ኮያይ?» ያገሰ።

7 ሃርጋንቸይ ዘሪዲ፣ «ጎዳው፣ ሃሳይ ቃፃያ ዋዴ ታና ሃላን ዩጊያ ኣሲ ባዋ። ታኒ ጌላና ሃኒያ ዋዴ ሃራይ ታፔ ሲንፋቲዲ ጌሊ ኪቹሰ» ያገሰ።

8 ዩሱሲ ኢያኮ፣ «ዳንዳ ኤቃ፤ ኔ ኣልጋ ቶካዳ ባ» ያገሰ።

9 ኣዳይ ሶሁዋራካ ፓፃሰ፤ ባ ኣልጋ ቶኪዲ ቢሰ።

ሄሲ ሳሞባታ ጋላሳን ሃኒሰ።

10 ሄሳ ጊሾ፣ ኣይሁዳቲ ፓፃዳ ኣዲያኮ፣ «ሃቹ ሳዓይ ሳሞባታ፤ ኔኒ ኔ ኣልጋ ቶኬይሲ ዋጋ ጊዳና» ያገደሶና።

11 ሺን ኣዳይ፣ «ታና ፓሊዳይሲ፣ ኔ ኣልጋ ቶካዳ ባ ጊሰ» ያገደዲ ዘሪሰ።

12 ኤንቲ ኢያኮ፣ «ኔና፣ ኔ ኣልጋ ቶካዳ ባ ጊዳይ ኢ ኦኔ?» ያገደዲ ኦይቹደሶና።

13 ሺን ዩሱሲ ሄ ቤሳን ዳር ኣሳ ጊዳራ ኤሪሶና ካንሊዲ ቢዳ ጊሾ ኣዳይ ባና ፓሊዳይ ኦኔኮ ኤሪና።

14 ዩሱሲ ጉዬፕ ሄ ኣዲያ ዶሳ ከፋን ዳሚዲ፣ «ሄኮ፣ ኔኒ ፓፃዳሳ፤ ሃይሳፌ ኢታባይ ኔና ጋኮና ማላ ዘራዳ ናጋራ ኦላፋ» ያገሰ።

15 ሄሳፌ ጉዬ፣ ኣዳይ ቢዲ ባና ፓሊዳይሲ ዩሱሳ ጊዲዳይሳ ኣይሁዳታሰ ኦዲሰ።

16 ዩሱሲ ሄሳ ሳሞባታ ጋላስ ኦሊዳ ጊሾ ኣይሁዳቲ ዩሱሳ ጎዳ ኦይኪደሶና።

17 ዩሱሲ ዘሪዲ፣ «ታ ኣዋይ ኡባ ዋዴ ኦሌሰ፤ ታካ ኦላናው ቤሴሰ» ያገሰ።

18 ዩሱሲ ሳሞባታ ቦንቹና ጊሾ ፃላላሰ ጊደናሺን ዶሳይ ባ ኣዋ ጊዲ ባና ዶሳራ ጊሲዲ ጊሾ ኣይሁዳቲ ኢያ ዋዳናው ካሴፔ ሚንሊዲ ኮዩደሶና።

ዶሳ ናዓ ማታ

19 ዩሱሲ ዘሪዲ፣ «ታኒ ሂንቲው ቱማ ኦዳይሰ፤ ናዓይ ባርካ ኣይኮካ ኦላናው ደንዳዒና። ኢ ባ ኣዋይ ኦሊሺን ቤያይሳ ፃላላ ኦሌሰ። ኣዋይ ኦሌይሳ ናዓይካ ኦሌሰ።

4:44 ማቶ 13:57፤ ማር 6:4፤ ሉቃ 4:24 4:45 የሃ 2:23 4:46 የሃ 2:1-11 * 5:4 ኢሲ ኢሲ ቤኒ ማፃፋቲ ፓይዶ ሄሻሰ ኮይር ባጋኔ ፓይዶ ኦይዳ ጉጅኮና። 5:10 ናህ 13:19፤ ኤር 17:21

20 አዋይ ባ ናዓ ደሲያ ጊሾ ኢ ኦሊያ ኦሶ ኡባ ባ ናዓ ቤሴሰ። ሂንቴ ማላሌታና ማላ ኢ ሃይሳፌ አጂያ ኦሶ ባ ናዓ ቤሳና።

21 አዋይ ሃይቁዳይሳታ ሃይቆፔ ዳንሊዲ ኤንታው ዳዖ አሜይሳዳ ናዓይካ ባ ኮዬይሳታሰ ዳዖ አሜሰ።

22 አዋይ ናዓሰ ፐርዳ ማታ ኡባ አሚሰፔ አቲን ኢ ኦናካ ፐርዳና።

23 አሳይ ኡባይ አዋ ቦንቼይሳዳ ናዓካ ቦንቻና። ናዓ ቦንቻና ኦኒካ ናዓ ከቲዳ አዋካ ቦንቻና።

24 «ታኒ ሂንቴው ቱማ ኦዳይሰ፤ ታ ቃላ ሲዔይሳሰኔ ታና ከቲዳይሳ አማኔይሳሰ ሜሪና ዳይይ ዳዔሰ። ኢ ሃይቆፔ ዳዖን ፒኒዳ ጊሾ ፐርዳቴና።

25 ታኒ ሂንቴው ቱማ ኦዳይሰ፤ ሃይቁዳ አሳይ ያሳ ናዓ ቃላ ሲዔያ ዋይይ ያና፤ ሄሲካ ሃዒ። ሄ ቃላ ሲዔይ ዳዖን ዳና።

26 አዋይ ዳዖሰ ፑልቶ ጊዲዳይሳዳ ናዓካ ዳዖሰ ፑልቶ ኦሊሰ።

27 ናዓይ አሳ ናዓ ጊዲያ ጊሾ አዋይ ናዓሰ ፐርዳ ማታ አሚሰ።

28 «ዲፎን ዳዔይሳቲ ኢያ ቃላ ሲዔዲ ዳንዲያ ዋይይ ያና ጊሾ ሃይሳን ማላሌቶፊቴ።

29 ሎዖ ኦሊዳይሳቲ ዳዖን ዳናው ቃሲ ኢታ ኦሊዳይሳቲ ፐርዳ ኤካናው ዲፎፔ ዳንዳና።

ዩሱሳሰ ማርካቲዳ አሳታ

30 «ታኒ ታ ማታን አይቢባካ ኦላናው ዳንዳዒኤ። ያሳይ ታው ኦዲዳይሳዳ ፐርዳይሰ። ታኒ ታና ከቲዳይሲ ኮያባ ኦላይሰፔ አቲን ታ ኮያባ ኦላና ጊሾ ታ ፐርዳይ ቱማ።

31 «ታኒ ታባ ማርካቲኮ ታ ማርካቲላይ ቱማ ጊዳና።

32 ታባ ማርካቲያ ሃሪ ዳዔሰ፤ ኢ ታባ ማርካቲይሲ ቱማ ጊዳይሳ ታኒ ኤራይሰ።

33 «ሂንቴ ዮሃኒሳኮ ኦሴ ከቲን ኢ ቱማሰ ማርካቲሰ።

34 ታኒ ሃሳ ሂንቴው ኦዳይ፣ ሂንቴ አታና ማላ ጋዳፔ አቲን አሳ ማርካቲላ ታው ኮሺን ጊዳና።

35 ዮሃኒሲ ሙቃዳዳ ኤጻሼ ፖዒሰ። ሂንቴ ጉላ ዋይ ኢያ ፖዑዋን ኡፋይቲዳታ።

36 «ሺን ታው ዮሃኒሳፔ አጂያ ማርኪ ዳዔሰ። ታኒ ኦላና ማላ ታ አዋይ ታው አሚዳ ኦሶቲ ታባ ማርካቶሶና፤ አዋይ ታና ከቲዳይሳ ቆንጨሶሶና።

37 «ቃሲ ታና ከቲዳ አዋይካ ባ ሁዔን ታባ ማርካቲሰ። ሂንቴ ኢያ ቃላ ኡባራካ ሲዒቤኤታ ዋይኮ ኢያ ማላ ቤዒቤኤታ።

38 ኢ ከቲዳይሳ ሂንቴ አማኖና ጊሾ ኢያ ቃላይ ሂንቴ ዋዛናን ባዋ።

39 «ጌሻ ማፃፋታፔ ሜሪና ዳዖ ዳማናባ ሂንቴው ዳኒን ኤንታ ፒልጌታ፤ ኤንቴ ታባ ማርካቶሶና።

40 ሺን ሂንቴ ዳዖ ዳማናው ታኮ ያናው ኮዬኤታ።

41 «አሳፔ ታኒ ቦንቻ ኮዬኤ።

42 ሺን ታኒ ሂንቴ ዋዛናን ያሳ ሲቆይ ባይናይሳ ኤራይሰ።

43 ታኒ ታ አዋ ማታን ያሰ፣ ሺን ታና ሞኪቤኤታ። ሃራይ ባ ማታን ያ ዋይ ኢያ ሞኪታ።

44 ሂንቴ ኢሶይ ኢሱዋፌ ቦንቻ ኮዬይሳቲ፣ ኢሲ ያሳፌ ያ ጋላታ ኤካናው ኮዮናይሳቲ፣ ዋኒዲ ታና አማናናው ዳንዳዔቲ?

45 «ታኒ ታ አዋ ሲንላን ሂንቴና ሞቲያባ ሂንቴው ዳናፖ። ሂንቴና ሞታናይ ሂንቴ ኡፋይሳን ናጊያ ሙሴ።

46 ሂንቴ ሙሴ አማኒዳባ ጊዲያኮ ኢ ታባ ዓፊዳ ጊሾ ታናካ አማናናሺን።

47 ሺን ሂንቴ ኢ ዓፊዳይሳ አማኖና ኢጻኮ ታ ቃላ ዋቲዲ አማናኔ?» ያጊሰ።

6

ዩሱሲ ኢቻሹ ሙኩሉ አሳ ሙዚሰ
(ማቶ 14:13-21፤ ማር 6:30-44፤ ሉቃ 9:10-17)

1 ሄሳፌ ጉዬ፣ ዩሱሲ ጻባርዮሳ ጊያ ጋለላ አባፌ ሄፊንላ ፒኒሰ።

2 ኢ ሃርጋንቻታ ፓሶን ኦሊዳ ማላታ ቤዒዳ ጊሾ ዳር አሳይ ኢያ ካሊደሶና።

3 ዩሱሲ ዳሪያ ቦላ ኮዬዲ፣ ያን ባ ታማሬታራ ኢሲፌ ኡቲሰ።

4 አይሁዳቲ ቦንቻያ ፓሲካ ባሌ ጋላሳይ ጋኪሰ።

5 ዩሱሲ ዳር አሳይ ባኮ ዩይሳ ቤዒዲ ፊልጶሳኮ፣ «ሃ አሳ ኡባ ሙዛናው ጊዲያ ካላ አገፔ ሻማኔ?» ያጊሰ።

6 ኢ ሄሳ ፊልጶሳ ፓጫናው ጊሲፔ አቲን ኢ ባ ሁዔን አይ ኦላኔኮ ኤሬሰ።

7 ፊልጶሲ ዛሪዲ ዩሱሳኮ፣ «ሃሪ አቶሺን፣ ሁዔን ሁዔን፣ ኢሲ ኢሲ ባርሲ ጋላናው፣ ናምዑ ፃቱ ዳናሬን * ኡይሉ ሻሚንካ ጊዳና» ያጊሰ።

8 ቃሲ ዩሱሳ ታማሬታፔ ኢሶይ፣ ሲዋን ጶጻርሳ ኢሻይ ኢንዲሪያሲ።

9 «ኢቻሹ ባንጋ ሶሎኔ ናምዑ ሞሎ ኦይኪዳ ኢሲ ናዓይ ሃይሳን ዳዔሰ፣ ሺን ሃ አሳ ኡባሰ ሄሲ አይ ማዳኔ?» ያጊሰ።

10 ዩሱሲ ባ ታማሬታኮ፣ «አሳ ኡቲሲቴ» ያጊሰ። ሄ ቤሳን ዳር ማቲ ዳዔሰ፤ አሳ ኡባይ ኡቲሰ። አዳ አሳ ታይቦይ ኢቻሹ ሙኩሉ ጊዳና።

11 ዩሱሲ ኡይሳ ኤኪዲ ያሳ ጋላቲ ሲሚዲ ያን ኡቲዳ አሳሰ ጊሺሰ። ሞሎዋካ ኤኪዲ ሃሳዳ ኦሊዲ አሚን፣ አሳይ ባ ኮዩዳይሳ ማላ ሚሰ።

12 ኤንቴ ኡባይ ካሊዳፔ ጉዬ ዩሱሲ ባ ታማሬታኮ፣ «ኢሲባይካ ኢቶና ማላ አቲዳ ቲፊያ ሺሺቴ» ያጊሰ።

13 ሃሳ ጊሾ፣ ኤንቴ ኡባ ሺሺደሶና። አሳይ ሚን አቲዳ ባንጋ ሶሎ ቲፊያ ሺሺዲ ታማኔ ናምዑ ጋይታ ኮንላደሶና።

14 አሳይ ዩሱሲ ኦሊዳ ማላታታ ቤዒዳ ዋይ «ሃይሲ ቱማ ሃ አላሚያ ያና ጌቴቲዳ ናቢያ» ያጊደሶና።

5:29 ዳኔ 12:2 5:33 ዮሃ 1:19-27፤ 3:27-30 5:37 ማቶ 3:17፤ ማር 1:11፤ ሉቃ 3:22 * 6:7 ዳናሬ፣ ኢሲ ዳናሬይ ኢሲ ኢሲ ጋላሰ ኦሊ ፔዒዲ ኤኪያ ሚሹ። ናምዑ ፃቱ ዳናሬይ ኢሲ ኢሲ ላይላ ባጋ ኦሊዳ ኤኪያ ሚሹ ከና። (ማቶ 20:2) ፃለቴ።

15 ዩሱሲ ኤንቲ ኢያ ኦይኪዲ ዋልቃን ካዎ ኦላናው ሃኔይሳ ኤሪዲ፣ ባርካ ዴሪያ ቦላ ዛሪ ከዩሲ።

ዩሱሲ አባ ቦላራ ሃሙተስ (ማቶ 14:22-33፤ ማር 6:45-52)

16 ሳዓይ ኦማርሲዳ ዋዴ ዩሱሳ ታማራቲ አባኮ ዋዲደሶና።

17 ሳዓይ ቃሚዳ ጊሾኔ ዩሱሲ ቡር ኤንታኮ ዩቦና ጊሾ ኢያ ታማራቲ ዋጎሎን ጌሊዲ አባ ፒኒዲ ቁፊርናሆሜ ባናው ዴንዲደሶና።

18 ዋልቃማ ጫርኮይ ጫርኪዳ ጊሾ አባይ ቃጸስ።

19 ኢቻሹ ዋይኮ ኡሱቸን ኪሎ ሚቲሬ ጊዴይሳ ሚላ ኤንቲ አባ ፒዲዲ ቢዳፔ ጉዬ ዩሱሲ አባ ቦላራ ሃሙተሹ ዩይሳ ቤዲዲ ያዩደሶና።

20 ሺን ኢ፣ «ባቦፊቲ፣ ታና» ያገሰ።

21 ኤንቲ ኡፋይቲዲ ኢያ ዋጎሎን ጌሊሲደሶና፤ ኢራካ ዋጎሎይ ኤንቲ ቢያ አባ ጋፃ ጋኪስ።

ዩሱሲ ዴያ ኡይላ

22 ዋንቲላ ጋላስ አባፊ ሄፊንላን አቲዳ ዳር አሳይ ኢሲ ዋጎሎ ፃላሊ ዴዔይሳ ቤዲደሶና። ዩሱሲ ባ ታማራቲ ዋጎሎን ጌሊዲ፣ ኤንታራ ቦናይሳኔ ኤንቲ ባንታርካ ቢዳይሳ ኦክኪደሶና።

23 ሺን ዲባርዮሳፔ ሃራ ዋጎሎቲ ዩሱሲ ያሳ ጋላቲን፣ አሳይ ኡይላ ሚዳ ቤሳ ዩደሶና።

24 አሳይ ዩሱሲ ዋይኮ ኢያ ታማራቲ ያን ባይናይሳ ቤዲዲ፣ ዩሱሳ ኮያናው ዋጎሎታን ጌሊዲ ቁፊርናሆሜ ቢደሶና።

25 አሳይ ዩሱሳ አባፊ ሄፊንላን ዴሚዳ ዋዴ «አስታማሪያው፣ ሃ አዉዴ ያዲ?» ያገሰ።

26 ዩሱሲ ዛሪዲ፣ «ታኒ ሂንቲው ቱማ ኦዳይስ፤ ሂንቲ ታና ኮዬይ ኡይላ ሚዳ ካሊዳ ጊሾሳፊ አቲን ማላታ ቤዲዳ ጊሾሳ ጊዴና።

27 ሳሚያ ካላስ ኦላፊቲ፣ ሺን ሜሪና ዴያ ኢሚያ ካላስ ኦላቲ፣ ያሳ አዋይ ኢ ኦላና ሚላ ኢያው ማታ ኢሚዳ ጊሾ ሄ ካላ አሳ ናዓይ ሂንቲው ኢማና» ያገሰ።

28 ያቲን ኤንቲ፣ «ኦኒ ያሳ ኦሎታ ኦላናው አይ ኦላኔ?» ያገሊዲ ዩሱሳ ኦይቺደሶና።

29 ዩሱሲ ዛሪዲ፣ «ሂንቲ ኦላና ሚላ ያሳይ ኮያ ኦሶይ ሃይሳ፣ ኢ ኪቲዳይሳ አማኒቲ» ያገሰ።

30 ኤንቲ ዛሪዲ፣ «ኦኒ ቤዲዲ፣ ኔና አማናና ሚላ አይ ማላታ ኔ ቤሳኔ? ኔ አይ ኦላኔ?»

31 ጌሻ ማፃፋን፣ «ኤንቲ ማና ሚላ ኡይላ ሳሎፔ ኢሚስን ጌቲቲ ፃፊቲዳይሳዳ ኦ አዋቲ ባዘ ቢታን ማና ሚደሶና» ያገሊደሶና።

32 ዩሱሲ፣ «ታኒ ሂንቲው ቱማ ኦዳይስ፤ ሂንቲው ሳሎፔ ቱማ ኡይላ ኢሚዳይ ታ አዋፔ አቲን ሙሴ ጊዴና።

33 ሂዛ፣ ያሳይ ኢሚያ ኡይላይ ሳሎፔ ዋዲዳይሲ አላሚያስ ዴያ ኢሚይሳ» ያገሰ።

34 ኤንቲ ዛሪዲ፣ «ጎዳው፣ ኦስ ሄ ኡይላ ኡባ ዋዴ ኢማ» ያገሊደሶና።

35 ዩሱሲ፣ «ታኒ ዴያ ኢሚያ ኡይላ፤ ታኮ ያ ኦኒካ ኡባራካ ኮሻቲና። ቃሲ ታና አማኒያ ኡራይ ኡባራካ ሳሞቲና።

36 ሺን ታኒ ሂንቲው ኦዳስ፤ ሂንቲ ታና ቤዲዳታ፣ ሺን አማኒኬታ።

37 ታ አዋይ ታው ኢሚያ ኡባይ ታኮ ያና፤ ቃሲ ታኮ ያ ኦናካ ካሬ ዩዲኬ።

38 ታኒ ታ ኮያባ ኦላናው ጊዶናሺን ታና ኪቲዳይሲ ኮያባ ኦላናው ሳሎፔ ያስ።

39 ታና ኪቲዳይሲ ኮዬይ ሃይሳ፣ ታኒ ኢ ታው ኢሚዳ ኡባታካ ዉርሴላ ጋላስ ሃይቆፔ ዴንላና ሚላፔ አቲን ኢሱዋካ ሳይሳና ሚላ ኮዬና።

40 ሂዛ፣ ታ አዋይ ኮዬይ ሃሳ፣ ናዓ ቤዲዲ አማኒያ ኡባይ ሚሪና ዴቡዋ ኤካና፤ ታኒ ሄ ኡባ ዉርሴላ ጋላስ ሚሪና ዴሶስ ሃይቆፔ ዴንላና» ያገሰ።

41 ዩሱሲ፣ «ታኒ ሳሎፔ ዋዲዳ ኡይላ» ጊዳ ጊሾ አይሁዴቲ ኢያ ቦላ ዙዙሚደሶና።

42 ኤንቲ፣ «ሃይሲ ኦኒ ኢያ አዋኔ ኢያ አዩው ኤሪያ ዮሴፋ ናዓ ዩሱሳ ጊዴኔ? ያቲን፣ ኢ ዋኒዲ፣ «ታኒ ሳሎፔ ዋዲሶ» ጋናው ዴንዳዒ?» ያገሊደሶና።

43 ዩሱሲ ዛሪዲ፣ «ኢሶይ ኢሱዋራ ዙዙሚይሳ አገቲ።

44 ታና ኪቲዳ ታ አዋይ ታኮ ኤሂያ አሳፔ አቲን ታኮ ያናው ዴንዳዒያ ኦኒካ ባዋ። ታኒ ዉርሴላ ጋላስ ኢያ ሚሪና ዴሶስ ሃይቆፔ ዴንላና።

45 ናቤቲ፣ «ያሳይ አሳ ኡባ ታማርሳና» ያገሊዲ ፃፊደሶና። አዋ ሲዔይሲኔ ኢያፔ ታማሪያ ኦኒካ ታኮ ዩስ።

46 ያሳ ማታፔ ዩዳይሳፊ አቲን አዋ ቤዲዳይ ኦኒካ ባዋ፤ ኢያ ፃላሊ አዋ ቤዲሲ።

47 «ታኒ ሂንቲው ቱማ ኦዳይስ፤ ታና አማኒያ ኡዴስካ ሚሪና ዴይይ ዴዔስ።

48 ታኒ ዴያ ኢሚያ ኡይላ።

49 ሂንቲ አዋቲ ባዘን ማና ሚደሶና፣ ሺን ሃይቁደሶና።

50 ሳሎፔ ያ ኡይላይ ሃይሳ፤ ሄ ኡይላ ሚያ ኦኒካ ሃይቁና።

51 ሳሎፔ ዩዳ ዴያ ኡይላይ ታና። ኦኒካ ሃ ኡይላ ሚኮ ሚሪናው ዳና። ቃሲ ሃ አላሚይ ዴያን ዳና ሚላ ታኒ ሂንቲው ኢማና ኡይላይ ታ አሹዋ» ያገሰ።

52 አይሁዴቲ፣ «ሃ አዳይ ባ አሹዋ ኦ ማና ሚላ ኦስ ዋቲዲ ኢማናው ዴንዳዒ?» ያገሊዲ ባንታ ጊደን ፓላሚደሶና።

53 ሃሳ ጊሾ፣ ዩሱሲ ኤንታኮ፣ «ታኒ ሂንቲው ቱማ ኦዳይስ፤ አሳ ናዓ አሹዋ፣ ሂንቲ ሞና ኢዲኮ፣ ቃሲ ኢያ ሱላ ሂንቲ ኡዮና ኢዲኮ፣ ሂንቲው ዴይይ ባዋ።

54 ታ አሹዋ ሚያ ኡራሲኔ ታ ሱላ ኡያ ኡራሲ ሚሪና ዴይይ ዴዔስ። ታኒ ዉርሴላ ጋላስ ኢያ ሃይቆፔ ዴንላና።

55 ታ አሹዋ ቱማ ካሊ፤ ታ ሱላይካ ቱማ ኡሹ።

56 ታ አሹዋ ሚያ ኡራይኔ ታ ሱላ ኡያ ኡራይ ታናን ዴዔስ፤ ታካ ኢያን ዴዔይስ።

57 ዴያ አዋይ ታና ኪቲን፣ ታኒ ኢያ ባጋራ ዴያን ዴዔይሳዳ፣ ታና ሚያ ኡራይካ ታ ጋሶን ዴያን ዳና።

58 ሳሎፔ ዋዲዳ ኡይላይ ሃይሳ፣ ሂንቲ አዋቲ ሚዲ ሃይቁዳ ማና ሚላ ጊዴና፤ ሃ ኡይላ ሚያ ኡራይ ሚሪናው ዳና» ያገሰ።

59 ዩሱስ ቁሬርናሆሜ ካታማን አይሁዳ ዋሳ ከላን ሃይሳ ታማርሲስ።

ሜሪና ዴያ ቃላ

60 ዩሱሳ ታማሪታፔ ዳሪያ ባጋይ ሄሳ ሲዲዳ ዋዴ «ሃይሲ ጌሎና ቲሚርቲ፤ ሃይሲ ኦዴስ ጌሊ?» ያገደሶና።

61 ዩሱሲ ባ ታማሪቲ ሄሳስ ዙዙሚዳይሳ ኤሪዲ፣ «ሃይሲ ሂንቴና ቆቢ?»

62 ያቲን፣ አሳ ናዓይ ካሴ ዴዲያሱዋ ፑዴ ከዩሲን ሂንቴ ቤዲዲ ዋይጋንዴቲ?

63 ጌሻ አያናይ ዴያ አሚስ፤ አሳ ዋልቁ አይኮካ ማዳና። ታ ሂንቴው ኦዲያ ቃላይ ዴያ አሚያ ጌሻ አያናፔ ዩሱ።

64 ሺን ሂንቴ ገደን አማናናይሳቲ ዴያሶና» ያገሰ። አማናናይሳቲ ኦናንቴኮ ዩሱሲ ኮይርፔ ደሚዲ ኤሪስ። ቃሲ ባና አላ አማናይ ኦኔኮ ኤሪስ።

65 ቃሲካ ዩሱሲ፣ «አዋይ ባ ጎና ኦኒካ ታኮ ያናው ዳንዳዔና ጋዳ ታኒ ኦዲዳይ ሄሳ ገሾሳ» ያገሰ።

66 ሄሳ ጋሶን፣ ዩሱሳ ካሌይሳታፔ ዳርቲ ኢያ አገዲ ጉዬ ሲሚደሶና፤ ዛሪ ኢያ ካሊሶኮና።

67 ዩሱሲ ታማኔ ናምዑ ባ ታማሪታ፣ «ሂንቴካ አገዲ ባናው ኮዬቲ?» ያገደዲ ኦይቸሰ።

68 ሲሞን ጸዲርሲ ዛሪዲ፣ «ጎዳው፣ ኦኒ ኦዴኮ ባኔ? ኔው ሜሪና ዴያ አሚያ ቃላይ ዴዔስ።

69 ኔኒ ያሳ ጌሻ ገዴይሳ ኦኒ አማናሲኔ ኤርሰ» ያገሰ።

70 ዩሱሲ ኤንታኮ፣ «ታኒ ሂንቴና ታማኔ ናምዓታ ደራቢኪና? ሺን ሂንቴፊ ኢሶይ ፃላሄ» ያገሰ።

71 ዩሱሲ ሄሳ ገዳይ ሲሞና ናዓ አስቆርታ ዩሁዳሳ። ዩሁዲ ዩሱሳ አላ አማናው ዴዲያ ታማኔ ናምዑ ታማሪታፔ ኢሱዋ።

7

ዩሱሳራኔ ኢያ አሻታራ

1 ሄሳፊ ጉዬ፣ አይሁዳቲ ዩሱሳ ዋዳናው ኮያ ገሾ ኢ ዩሁዳ አገዲ ጋሊላን ሲሜሪቲስ።

2 አይሁዳቲ ቦንቹያ ሻቃራ ባሌይ ቦንቹታናው ማቲስ።

3 ሄሳ ገሾ፣ ዩሱሳ አሻቲ፣ «ኔ ታማሪቲ ኔኒ ኦላያ ማላታታ ቤዓና ሜላ ሃይሳፊ ዴንዳዳ ዩሁዳ ቢታ ባ።

4 ባው ኤሪታናው ኮያ አሲ ኦኒካ ባ ኦሱዋ ጌንፊና። ኔኒ ሃይሳታ ኦላዳ ኔባ አላሚያ ኤሪሳ» ያገደሶና።

5 ኢያ አሻቲ ሄሳ ገዳይ ኢያን አማኒባና ገሾሳ።

6 ዩሱሲ ኤንታኮ፣ «ታው አንጃ ዋዴይ ጋኪቤና፣ ሺን ሂንቴው ኡባ ዋዴይ አንጃቲስ።

7 አላሚይ ሂንቴና ኢፃናው ዳንዳዔና፣ ሺን ታኒ አላሚያ ኦሶይ ኢታ ገዴይሳ ማርካቲያ ገሾ ታና ኢፃስ።

8 ሂንቴ ባሊያ ቢቲ፤ ታ ዋዴይ ጋኪባና ገሾ ታኒ ባሊያ ቢኬ» ያገሰ።

9 ኢ ሄሳ ገዲ ጋሊላን አቲስ።

ዩሱሲ ባሊያ ቦንቻናው ቢስ

10 ኢያ አሻቲ ባሊያ ቦንቻናው ቢዳፔ ጉዬ ዩሱሲ ኦናካ ኤሪሶና ቆሳን ሄ ቤሳ ቢስ።

11 አይሁዳቲ ባሊያ ቦንቹያ ቤሳን፣ «ኢ አዉን ዴዒ?» ያገደዲ ኢያ ኮዩደሶና።

12 አሳይ ካልካሺዲ ኢያባ ኦዴቶሶና። ባጋይ፣ «ኢ ሎያ አሲ» ገያ ዋዴ ሃራቲ ቃሲ፣ «አካይ፣ ኢ አሳ ባሌሌስ» ያጎሶና።

13 ሺን አይሁዳ ሃላቃታስ ያዩዳ ገሾ ኦኒካ ኢያባ ቆንጮን ኦዴቲና።

14 ባሊያ ቦንቹዲ ገደ ጋሊያ ዋዴ ዩሱሲ ያሳ ከላ ቢዲ ታማርሶ ኦይኪስ።

15 አይሁዳቲ፣ «ሃ አዴይ ቲሚርቲ ታማርና ሃይሳ ኡባ ዋቲ ኤሪዴ?» ያገደዲ ማላሌቲደሶና።

16 ዩሱሲ ዛሪዲ፣ «ታ ታማርሲያ ቲሚርቲይ ታና ኪቲዳ ያሳ ማታፔ ያ ቲሚርቲፊ አቲን ታባ ገዴና።

17 ያሳ ሺኒያ ኦላናው ኮያ ኦኒካ ሃ ቲሚርቲይ ያሳ ማታፔ ዩያኮኔ ዋይኮ ታኒ ታፔ ኦዲያኮ ኤሪና።

18 ባባ ኦዲያ ኦኒካ ባ ሁዔ ቦንቻ ኮዬስ። ሺን ባና ኪቲዳይሳ ቦንቹዋ ኮያ ኦኒካ ኢ ቱማንቻ፤ ኢያን ዋርዶይ ባዋ።

19 ሙሴይ ሂንቴው ሂጊያ አሚስ፣ ሺን ሂንቴፊ ኦኒካ ሂጊያ ናጊቤና። ያቲን አይስ ታና ዋዳናው ኮዬቲ?» ያገሰ።

20 አሳይ ዛሪዲ፣ «ኔና ፃላሄይ ኦይኪስ፤ ኔና ዋዳናው ኦኔ ኮዬይ?» ያገደሶና።

21 ዩሱሲ፣ «ታኒ ኢሲ ማላታ ኦላን ሂንቴ ኡባይ ማላሌቲዳታ።

22 ሂንቴ፣ ሂንቴ ናይታ ቃፃራና ሜላ ሙሴይ ኪቲስ። ሺን ቃፃር ሂንቴ ማይዛቲ ደሚደሶናፔ አቲን ሙሴ ገዴና። ሄሳ ገሾ፣ ሂንቴ ሳምባታ ጋላስ አዴ ናይታ ቃፃሪታ።

23 ሙሴ ሂጊይ ኪቲዳ ገሾ ሂንቴ ሳምባታ ጋላስ ቃፃሪያባ ገዲኮ፣ ታኒ ኢሲ አሳ ኩሜላ አሳቲላ ፓሊዳ ገሾ ታራ አይስ ካጮቲ?

24 ቱማ ፐርዳ ፐርዳቲፔ አቲን አሳ ሶምዎ ቤዲዲ ፐርዶፊቲ» ያገሰ።

ዩሱሲ፣ ኢ ኪሪሰቶሴ?

25 ዩሩሳላሜ አሳፔ ኢሶቲ ኢሶቲ፣ «ኤንቲ ዋዳናው ኮያ ኡራይ ሃይሳ ገዴኔ?

26 ሄኮ፣ ኢ ቆንጮን ኦዴስ፤ ኤንቲ ኢያ አይኮካ ጎኮና። ኢ ኪሪሰቶሳ ገዴይሳ አይሁዳ ሃላቃቲ ቱማ ኤሪደናሻ?

27 ኪሪሰቶሴ ያ ዋዴ ኢ አዉፔ ያኮ ኦኒካ ኤሪና፣ ሺን ኢ አዉፔ ዩዳኮ ኦ ኤርሰ» ያገደሶና።

28 ዩሱሲ ያሳ ከላን ታማርሲሼ ባ ቃላ ቶቁ ኦላዲ፣ «ቱማ ሂንቴ ታኒ ኦኒኮኔ ታ አዉፔ ዩዳኮ ኤሪቲ? ታኒ ታ ማታን ያቢኮ፣ ሺን ታና ኪቲዳይሲ ቱማንቻ፤ ሂንቴ ኢያ ኤሪኬታ።

29 ሺን ታኒ ኢ ኪቲን ኢያ ማታፔ ዩዳ ገሾ ኢያ ኤሪይስ» ያገሰ።

30 ሄሳ ገሾ፣ ኤንቲ ኢያ ኦይካናው ኮዩደሶና። ሺን ኢያ ዋዴይ ቡር ጋኪባና ገሾ ኦኒካ ኢያ ቦላ ኩሼ ዋላቤና።

31 ሺን ዳር አሳይ ዩሱሳ አማኒዲ፡ «ከሪሰቶሲ ያ ዋዴ ሃ ኡራይ ኦሊዲ ማላታታፕ ዳሪያ ማላታ ኦላኔዬ?» ያጊደሶና።

ዩሱሳ አይካናው ዋታዳሬቲ ከቲቲደሶና

32 ፋሪሳዊቲ ዳር አሳይ ዩሱሳ ካልካሼይሳ ሲዲደሶና። ካሂኔ ሃላቃቲኔ ፋሪሳዊቲ ኢያ ኦሊዲ ቃሺሳናው ያሳ ከሌ ናጌይሳታ ከቲደሶና።

33 ዩሱሳ፡ «ታኒ ሂንቴራ ጉላ ዋዴ ጋሞዳና፤ ሄሳፊ ጉዬ ታና ከቲደሳሳኮ ባና።

34 ሂንቴ ታና ኮያና፡ ሺን ዳሜኬታ። ታኒ ዳዲያሱዋ ሂንቴ ያናው ዳንዳዔኬታ» ያጊሰ።

35 አይሁዳቲ ኢሶይ ኢሱዋራ፡ «ሃይሲ ኮኒ ዳሞናሶ አው ባና ሃኒ? ጌሪኬ ካታማን ዳዲያ አይሁዳታኮ ቢዲ ጌሪኬታ ታማርሳናው ሃኒዬ?»

36 ሂንቴ ታና ኮያና፡ ሺን ዳሜኬታ ቃሲ፡ «ታኒ ዳዲያሱዋ ሂንቴ ያናው ዳንዳዔኬታ ጉሳይ አይ ጉሴ?» ያጊደሶና።

ዳዶ ሃላ

37 ባሊያ ቦንቸያ ጋላሳታፕ ዋልቃማኔ ወርሴላ ጋላሳን ዩሱሳ ዳንዲዲ፡ ባ ቃላ ቶቁ ኦሊዲ፡ «ሳሞቲዳ ኦኒካ ታኮ ዩዲ ኡዮ።

38 ታና አማኒያ ኦኒካ ጌሻ ማፃፋይ ጊደይሳዳ ዳዶ ኢሚያ ፑልቶ ሃላይ ኢያፕ ሳጋና» ያጊሰ።

39 ኢ ሄሳ ጊደይ ኢያ አማኒዲይሳቲ ኤካናው ዳዲያ ጌሻ አያናባ፡ ዩሱሳ ቡር ቦንቸቲቦና ጊሾ ሄ ዋዴ ጌሻ አያናይ አሜቲቤና።

አሳ ጊደን ሻኬቲላ ሜዴቲሰ

40 ሄ አሳፕ ዳርቲ ኢ ጌይሳ ሲዲዲ፡ «ቱማ ሃይሲ ናቢያ» * ያጊደሶና።

41 ሃራቲ ቃሲ፡ «ሃይሲ ከሪሰቶሳ» ያጊደሶና። ሺን ሃራቲ ቃሲ፡ «ከሪሰቶሳ ጋሊላፕ ዋኒዲ ኬዬ?»

42 ጌሻ ማፃፋይ፡ «ከሪሰቶሳ ዳዊቲ ሸሻፕ ዳዊቲይ ዳዲዳ ቤቴሌሜ ካታማፕ ያና» ያጊደሶና።

43 ሄሳ ጊሾ፡ ዩሱሳ ጋሶን አሳይ ባንታ ጊደን ሻኬቲደሶና።

44 ሄ አሳፕ ኢሶቲ ኢሶቲ ኢያ አይካናው ኮዩደሶና፡ ሺን ኦኒካ ኢያ ቦላ ኩሼ ዋሊቤና።

አይሁዳ ሃላቃቲ አማኒቦኮና

45 ያሳ ከላ ናጌይሳቲ ካሂኔ ሃላቃታኮኔ ፋሪሳዊታኮ ጉዬ ሲሚ ዩን ኤንቲ፡ «አይሰ ኢያ ኤሂቤኬቲ?» ያጊዲ አይቸደሶና።

46 ያሳ ከላ ናጌይሳቲ ኤንታኮ፡ «ሃ አዳይ ኦዳቲይሳላ ኦኒካ ኦዳቲና» ያጊዲ ዛሪደሶና።

47 ፋሪሳዊቲ ዛሪዲ፡ «ኢ ሂንቴናካ ባሌሊዳ?»

48 አይሁዳ ሃላቃታፕ ዋይኮ ፋሪሳዊቲኔ ኢያ አማኒዳ አሲ ዳዲ?

49 ሙሴ ሂጊያ ኤርና ሃ አሳይ ቃንጌቲዳባ» ያጊደሶና።

50 ፋሪሳዊታፕ ኢሶይ ቃማ ዩሱሳኮ ቢዳ ኒቆዲሞሲ ኤንታኮ።

51 «ኢሲ አሲ ጊያባ ሲዶና ዋይኮ ኢ አይ ኦሊዲኮ ኤርና ዳዲሼ ኮይርቲዲ ኢያ ቦላ ፐርዳይሲ ኮ ሂጊያን ዳዲ?» ያጊሰ።

52 ኤንቲ ዛሪዲ፡ «ኦኒካ ቃሲ ጋሊላ ቢታ አሴ? ጋሊላ ቢታፊ ናቤይ ከዮናይሳ ጌሻ ማፃፋፕ ፐልጋዳ ዳማ» ያጊደሶና።

8

ላይማቴላን አይኬቲዳ ማጨሲው

1 ኢሶይ ኢሶይ አጊዲ ባ ሶ ባ ሶ ቢሰ፡ ሺን ዩሱሳ ሻማሆ ዳሪያ ቦላ ቢሰ።

2 ቃሲ ዋንቴላ ጋላሰ ጉራ ያሳ ከሌ ሲሚሰ። ዳር አሳይ ኢያኮ ዩን ኡቲዲ ኤንታ ታማርሲሰ።

3 ሂጌ አሰታማሬቲኔ ፋሪሳዊቲ ላይማቴሺን አይኪዳ ኢሲ ማጨሲው ኢያኮ ኤሂደሶና። ኤንቲ አሳ ኡባ ሲንሳን ኢዮ ኤሲዲ፡

4 «አሰታማሪያው፡ ሃ ማጨሲያ ላይማቴሺን ኮ አይኪዳ።

5 ሙሴ ሂጌይ ሃኒ ሜላ ማጨሰ ሹቻን ጨዳታ ሃይቃና ሜላ ከቲሰ። ያቲን፡ ኔኒ ዋይጋይ?» ያጊደሶና።

6 ኤንቲ ሄሳ ጊደይ ዩሱሳ ፓጩዲ ኢያ ሞቲያባ ዳማናሳ። ሺን ዩሱሳ ሆኪዲ ባ ቢራዴን ቢታ ቦላ ፃፊሰ።

7 ኤንቲ ኢያ ዛሪ ዛሪ አይቸዲ አጎና ኢዲን፡ ፑዳ ቶቁ ጊዲ፡ «ሂንቴ ጊደን ናጋራ ኦሊቦና አሲ ኮይርቲዲ ኢዮ ሹቻን ጨዳ። ያጊሰ።

8 ቃሲካ ሆኪዲ ቢታ ቦላ ፃፊሰ።

9 ኤንቲ ሄሳ ሲዲዳ ዋዴ ጨማታፕ ደሚዲ ኢሶይ ኢሶይ ከዩሼ ወሪደሶና። ዩሱሳ ፃላሊ ሄ ቤሳን ኤቂዳ ማጨሴራ አቲሰ።

10 ኢ ፑዳ ቶቁ ጊዲ ማጨሴኮ፡ «ማጨሴቲ፡ አሳቲ አው ቢደና? ኔ ቦላ ፐርዲዳይ ኦኒካ ባዊ?» ያጊሰ።

11 ማጨሲያ፡ «ሳዳው፡ ኦኒካ ባዋ» ያጋሱ። ዩሱሳ ዛሪዲ፡ «ታኒካ ኔ ቦላ ፐርዲኬ። ባ፤ ዛራዳ ናጋራ ኦላፋ» ያጊሰ።

ዩሱሳ አላሚያሰ ፖዩ

12 ቃሲካ ዩሱሳ አሳኮ፡ «ታኒ አላሚያሰ ፖዩ። ታና ካሊያ ኦኒካ ዳዶ ኢሚያ ፖዑዋ ኤካናፕ አቲን ቋማን ሲሜሪቲና» ያጊዲ ኦዲሰ።

13 ፋሪሳዊቲ፡ «ኔ ኔባ ማርካታሳ፡ ሺን ኔ ማርካታላይ ቱማ ጊዳና» ያጊደሶና።

14 ዩሱሳ ዛሪዲ፡ «ታኒ ታባ ማርካታኮካ ታ ማርካታላይ ቱማ። አይሰ ጊኮ፡ ታኒ አወፕ ዩዳኮ ቃሲ አው ቢያኮ ኤራይሰ። ሺን ሂንቴ ኤሬኬታ።

15 ሂንቴ አሳ ቆፋን ፐርዳታ፤ ታኒ ኢሲ አሳ ቦላካ ፐርዲኬ።

16 ታኒ ፐርዲያባ ጊዲኮካ ታ ፐርዳይ ቱማ። አይሰ ጊኮ፡ ታና ከቲዳ ታ አዋይ ታራ ዳዲሲፕ አቲን ታኒ ታርካ ዳዲኬ።

17 ናሞዑ አሳ ማርካታላይ ቱማ ጊዳይሲ ሂንቴ ሂጊያን ፃፊቲሰ።

18 ታኒ ታባ ታ ሁዔን ማርካታይሰ፤ ቃሲ ታና ከቲዳ ታ አዋይካ ታባ ማርካታሰ» ያጊሰ።

7:37 ለዋ 23:36 7:38 ሂዝ 47:1፤ ካካ 14:8 * 7:40 ናቢያ፡ ሃ ቤሳን ናቢያ ጌቲቲዳይ ያና ጊዲ ኤንቲ ናጊያ ናቢያ ቆንጨሲሰ። (ዮሃ 1:21 ጳሊቱ።) 7:42 2ሳሙ 7:12፤ ሚክ 5:2 7:50 ዮሃ 3:1፤ 2 8:5 ለዋ 20:10፤ ዛሬ 22:22-24
8:12 ማቶ 5:14፤ ዮሃ 9:5 8:13 ዮሃ 5:31 8:17 ዛሬ 19:15

19 ኤንቲ፣ «ኔ አዋይ አውን ዳዒ?» ያጊዲ ኢያ ኦይቸደሶና።

ዬሱሲ ዛሪዲ፣ «ሂንቲ ታና ዋይኮ ታ አዋ ኤሪኬታ። ታና ኤሪዳባ ጊዲያኮ፣ ሂንቲ ታ አዋካ ኤሪናሺን» ያጊሰ።

20 ዬሱሲ ያሳ ኬላን ሙፃታ ሚሺያ ዬጊያ ሳዲይ ዳዒያ ቤሳን ሄሳ ታማርሲሰ። ኢያ ቃማይ ቡሮ ጋኪቦና ጊሾ ኦኒካ ኢያ ኦይኪቤና።

21 ቃሲካ ዬሱሲ ኤንታኮ፣ «ታኒ ባና፤ ሂንቲ ታና ኮያና፤ ሺን ሂንቲ አቶቴሌ ዳሞና ሂንቲ ናጋራን ሃይቃና። ታኒ ቢያሱዋ ባናው ሂንቲ ዳንዳዔኬታ» ያጊሰ።

22 አይሁዳ ሃላቃቲ፣ «ኢ፣ ሩታ ቢያሱዋ ሂንቲ ባናው ዳንዳዔኬታ» ያጊሰ። ኢ ባና ባርካ ዋዳኔዬ?» ያጊደሶና።

23 ዬሱሲ ዛሪዲ፣ «ሂንቲ ጋርሳፊ፤ ታኒ ቦላፊ። ሂንቲ ሃ አላሚያ፣ ታኒ ሃ አላሚያ፣ ጊዲኬ።

24 ሂንቲ አቶቴሌ ዳሞና ሂንቲ ናጋራን ሃይቃና ጋዳ ታኒ ሂንቲው ኦዲዳይ ሄሳሳ። ታኒ ታና ጊዳይሳ ሂንቲ አማናና ኢዲኮ ሂንቲ አቶቴሌ ዳሞና ሂንቲ ናጋራን ሃይቃና» ያጊሰ።

25 ኤንቲ፣ «ኔኒ ኦኒ?» ያጊዲ ኦይቸደሶና። ዬሱሲ ዛሪዲ፣ «ታኒ፣ ኮይሮ፣ ሂንቲው ኦዲዳ ታና።

26 ታኒ ሂንቲባ ኦዲዳ ፐርዲያባይ ዳርባይ ዳዒሰ። ሺን ታና ከቲዳይሲ ቱማንቸ፤ ቃሲ ታኒ ኢያ፣ ሲዲዳይሳ ፃላላ አላሚያሰ ኦዲይሰ» ያጊሰ።

27 ዬሱሲ ባ አዋባ ኦዲይሳ ኤንቲ አኬኪቦኮና።

28 ሄሳ ጊሾ፣ ዬሱሲ ኤንታኮ፣ «ሂንቲ አሳ ናና ፑዴ ቶቁ ኦዲያ ዋዴ ታኒ ታና ጊዳይሳ ሂንቲ ኤሪና። ቃሲካ ታኒ ታ ማታን አይኮካ አላይሳኔ ታ አዋይ ታና ታማርሲዳይሳ ኦዲይሳ ሂንቲ ኤሪና።

29 ታና ከቲዳይሲ ታራ ዳዒሰ። ታኒ ኡባ ዋዴ ኢያ ኡፋይሲያባ ኦዲያ ጊሾ ኢ ታና ታ ፃላላ አጊቤና» ያጊሰ።

30 ዬሱሲ ሄሳ ኦዲሺን ሲዲዳ ዳር አሳይ ኢያ አማኒደሶና።

ናጋራ አይሌቴላፊ ኬሲ

31 ዬሱሲ ባና አማኒዳ አሳታኮ፣ «ሂንቲ ታ ቲማርቲያሰ ከቲቲኮ ቱማ ታና ካሌይሳታ።

32 ሂንቲ ቱማ ኤሪና፤ ቱማይካ ሂንቲና አይሌቴላፊ ኬሳና» ያጊሰ።

33 ኤንቲ ዛሪዲ፣ «ኦኒ አብራሃሜ ሸሺ፤ ኦኒ ኦዲሰካ አይሌቲቦኮ። ኔኒ ዋይጋዳ፣ ሂንቲ አይሌቴላፊ ኬያና ጋይ?» ያጊደሶና።

34 ዬሱሲ ዛሪዲ፣ «ታኒ ሂንቲው ቱማ ኦዲይሰ፤ ናጋራ ኦዲያ ኦኒካ ናጋራ አይሌ።

35 አይሌይ ሜሪናው ሶ አሳራ ዳና፣ ሺን ናባይ ሜሪናው ሶ አሳራ ዳዒሰ።

36 ናባይ ሂንቲና አይሌቴላፊ ኬሲኮ ሂንቲ አይሌቴላፊ ቱማ ኬያና።

37 ሂንቲ አብራሃሜ ሸሺ ጊዳይሳ ታኒ ኤሪይሰ። ሺን ታ ቃላይ ሂንቲ ዋዳናን ባይና ጊሾ ታና ዋዳናው ኮዬታ።

38 ታኒ ታ አዋይ ታና ቤሲዳይሳ ኦዲይሰ፣ ሺን ሂንቲካ ሂንቲ አዋ፤ ሲዲዳይሳ ኦዲያ» ያጊሰ።

39 ኤንቲ ዛሪዲ፣ «ኦ አዋይ አብራሃሜ» ያጊደሶና።

ዬሱሲ ኤንታኮ፣ «ሂንቲ አብራሃሜ ናይታ ጊዲያኮ ኢ ኦዲዳይሳ ኦዳና።

40 ሺን ያሳፊ ሲዲዳ ቱማ ኦዲዳ ታና ሂንቲ ዋዳናው ኮዬታ። አብራሃሜይ ሄሳዳ ኦዲይሰ።

41 ሂንቲ፣ ሂንቲ አዋይ ኦዲዳይሳ ኦዲያ» ያጊሰ።

ኤንቲ ዛሪዲ፣ «ኦኒ ቱማ ያሳ ናይታ፤ ኦኒ ኢሲ አዋይ ያሳ ፃላሊ ዳዒሰ» ያጊደሶና።

42 ዬሱሲ ኤንታኮ፣ «ያይ ቱማ ሂንቲ አዋ ጊዲያኮ ሂንቲ ታና ዳሳና፤ አይሰ ጊኮ፣ ታኒ ያሳ ማታ፤ ያዳ ሃይሳን ዳዒይሰ። ታና ኢ ከቲሰፔ ኦቲን ታኒ ታ ማታን ያቢኬ።

43 ታኒ ጊይሳ ሂንቲ ሲዳናው ኮዮና ጊሾ ታ ጊያባይ ሂንቲው ጌሌና።

44 ሂንቲ፣ ሂንቲ አዋ ፃላሄ ናይታ። ቃሲ ሂንቲ፣ ሂንቲ አዋይ አሞቲያባ ኦዳናው ኮዬታ። ኢ ኮይሮ፣ ዳሚዲ ሸምፖ ዋዴይሳ። ቱሚ ኢያን ባይና ጊሾ ኢ ቱማ ኢዳሰ። ዋርዳይ ኢያው ሜዶ ጊዲዳ ጊሾኔ ኢ ዋርዳ አዋ ጊዲያ ጊሾ ዋርዳ ኦዲቲሽ ባፔ ኦዲቲሰ።

45 ታኒ ቱማ ሃሳይሰ፣ ሺን ሂንቲ ታና አማኔኬታ።

46 ሂንቲ፣ «ኦኒ ናጋራ ኦዲሺን ታ ቤዳሰን ጋናው ዳንዳዔይ ኦኒ? ታኒ ቱማ ኦዲቲያባ ጊዲኮ ታና አይሰ አማኔኬቲ?»

47 ያሳ አሲ ያሳይ ጊያባ ሲዳሰ። ሂንቲ ያሳ አሲ ጊደና ጊሾ ያሳይ ጊያባ ሲዳኬታ» ያጊሰ።

ዬሱሲ አብራሃሜ፤ ሲንሌ

48 አይሁዳቲ ዛሪዲ፣ « ኦኒ ሳማሬ አሲ፤ ኔናን ቱና አያናይ ዳዒሰን ጊሹ ሊኬ ጊደኮ?» ያጊደሶና።

49 ዬሱሲ ኤንታኮ «ታ ቦላ ቱና አያኒ ባዋ። ታኒ ታ አዋ ቦንቻይሰ፣ ሺን ሂንቲ ታና ካዉሼታ።

50 ታኒ ታ ሁዔ ቦንቻ ኮዩኬ፤ ታኒ ቦንቻታና ሜላ ኮዩይሰኔ ታው ፐርዳይሲ ዳዒሰ።

51 ታኒ ሂንቲው ቱማ ኦዲይሰ፤ ታ ቃላ ናጊያ ኦኒካ ሃይቁና» ያጊሰ።

52 አይሁዳቲ ዛሪዲ፣ «ኦ ቦላ ቱና አያናይ ዳዒይሳ ኦኒ ሃዒ ኤሪዳ። አብራሃሜይ ሃይቁሰ፤ ናቤቲካ ሃይቁደሶና። ሺን ኦኒ፣ ሩታ ቃላ ናጊያ ኦኒካ ሃይቁና» ያጋሳ።

53 ኦኒ ሃይቁዳ ኦ አዋ አብራሃሜ፤ አዳዬ? ናቤቲካ ቃሲ ሃይቁደሶና። ኦኒ ኔና ኦና ጋዳ ቆፓይ?» ያጊደሶና።

54 ዬሱሲ፣ «ታኒ ታና ቦንቻኮ ታ ቦንቻይ ሃዳ። ሂንቲ፣ ሩታ ያሳ ጊያ ታ አዋይ ኢ ታና ቦንቻሰ።

55 ሂንቲ ኢያ ኤሮና ኢዲኮ ታኒ ኢያ ኤሪይሰ። ታኒ ኢያ ኤሪኬ ጊኮ ሂንቲ ሜላ ዋርዳታይሰ። ሺን ታኒ ኢያ ኤሪይሰ፤ ቃሲ ኢያ ቃላካ ናጋይሰ።

56 ሂንቲ አዋይ አብራሃሜይ ታ ዩሳ ጋላሳ ቤዲዲ ኡፋይታናው አሞቲሰ፤ ቤዲዲካ ኡፋይቲሰ» ያጊሰ።

57 አይሁዳት ዛሬዲ፡ «ሃሪ አቶሺን፡ ኔው አሻታው ላይሌ ኩሚቤናሺን ዋናዳ አብራሃሚ ቤዓስ ጋይ?» ያገደሶና።

58 ዬሱሲ ኤንታኮ፡ «ታኒ ሂንቲው ቱማ ኦዲይሰ፤ አብራሃሚይ ዬሌታናፕ ካሴ ታኒ ታና » ያገሰ።

59 ሄሳ ገሸ፡ ኤንቲ ዬሱሳ ጫዳናው ሹቸ ኤኪደሶና። ሺን ዬሱሲ ኤንታፊ ጌሚዲ ያሳ ኬላፊ ኬዬዲ ቢሰ።

9

ዬሱሲ ቆቄ ገዲዲ ዬሌቲዳ አዲያ ፓሊስ

1 ዬሱሲ ቢሸ ዬሌቶሳፕ ቆቄ ገዲዲ ዳዒያ ኢሲ አዲያ ቤዒሰ።

2 ኢያ ታማሬቲ፡ «አስታማሪያው፡ ሃ አዳይ ቆቄ ገዲዲ ዬሌታና ሜላ ናጋራ ኦሊዳይ ኦኔ? ኢ ኦሊዳይ ዋይኮ ኢያ ዬሊዳይሳቲ ኦሊዳና?» ያገደሶ ኦይቸደሶና።

3 ዬሱሲ፡ «ያሳ ኦሶይ ኢያ ቦላ ቆንጫና ሜላፕ አቲን ኢ ዋይኮ ኢያ ዬሊዳይሳቲ ናጋራ ኦሊዳ ገሸ ገዳና።

4 ሳዒ ጋላስ ዳዒሺን ታና ከቲዳይሳ ኦሶዋ ኑ ኦላናው ቤሴስ። ኦኒካ ኦላናው ዳንዳዖና ቃማይ ዬሰ።

5 ታኒ አላሚያን ዳዒሸ አላሚያስ ፖ?» ያገሰ።

6 ዬሱሲ ሄሳ ገዲ ሳዒን ጨቲስ። ባ ጨቻን ጉላ ቢታ ላኮሊዲ ሄ ኤርቃን ቆቄ አዲያ አይፊያ ቲዬሰ።

7 ያቲዲ፡ «ባዳ ሳሊሆሚ (ሳሊሆሚ ጉሳይ ከቲቲዳይሳ ጉሱ) ገያ ቲቲቲዳ ሃላን ኔ አይፊያ ሜጨታ» ያገሰ። ሄሳ ገሸ፡ አዳይ ቢዲ ባ አይፊያ ሜጨቲዲ ያሊሸ ሲሚሰ።

8 አዲያ ሾርቲኔ አዳይ ካሴ ዋሲሺን ቤዒዳ አሳይ፡ «ሃይሲ ኡቲዲ ዋሲያ አዲያ ገዳኔዬ?» ያገደሶና።

9 ኢሲ ኢሲ አሳይ፡ «ሃይሲ ኢያ» ያገደሶና። ሃራቲ ቃሲ፡ «አካይ፡ ሃይሲ ኢያ ዳኔሲፕ አቲን ኢያ ገዳና» ያገደሶና።

ሺን አዳይ፡ «ኦ፡ ታና» ያገሰ።

10 ኤንቲ ኢያኮ፡ «ያቲን ኔ አይፊይ ዋኒዲ ያሊዳ?» ያገደሶ ኦይቸደሶና።

11 ኢ ዛሪዳ፡ «ዬሱሳ ገያ አዳይ ጉላ ኤርቃ ላኮሊዲ ታ አይፊያ ቲዬዲ፡ (ሳሊሆሚ ባዳ ኔ አይፊያ ሜጨታ) ያገሰ። ታኒ ባዳ ሜጨታዳ ያላ አጋስ» ያገሰ።

12 ኤንቲ ኢያኮ፡ «ኢ አዉን ዳዒ?» ያገደሶ ኦይቸደሶና።

አዳይ፡ «ታኒ ኤሪኬ» ያገሰ።

ፋሪሳዊቲ ሃኒዳባ ኤራናው ኮዩደሶና

13 ኤንቲ ካሴ ቆቄ፡ ሺን ሃዒ ያሊዳ አዲያ ፋሪሳዊታኮ ኤፊደሶና።

14 ዬሱሲ ኤርቃ ላኮሊዲ አዲያ አይፊያ ፓሊዳ ጋላሳይ ሳሞባታ ጋላስ።

15 ሄሳ ገሸ፡ አዳይ ዋኒዲ ያሊዳኮ ፋሪሳዊቲ ኢያ ዛሪ ኦይቸደሶና። አዳይ ኤንታኮ፡ «ኢ ታ አይፊያን ጉላ ኤርቃ ቲዬሰ። ታ አይፊያ ሜጨታዳ ሃዒ ያላይሰ» ያገሰ።

16 ፋሪሳዊታፕ ኢሶቲ ኢሶቲ፡ «ሃይሳ ኦሊዳ አዳይ ሳሞባታ ሃገያ ናጎና ገሸ ያሳ ማታፕ ዩቤና» ያገደሶና።

ሺን ሃራቲ፡ «ናጋራንቸ አሲ ሃይሳ ሜላ ማላታ ዋቲ ኦላናው ዳንዳዒ?» ያገደሶ ባንታ ገደን ሻኬቲደሶና።

17 ሄሳ ገሸ፡ ፋሪሳዊቲ አዲያኮ፡ «ኢ ኔ አይፊያ ያሊሲዳ ገሸ ኔ ኢያባ ዋይጋይ?» ያገደሶና።

አዳይ፡ «ኢ ናቤ» ያገሰ።

18 አይሁዳ ሃላቃቲ፡ ኢያ አዩዉኔ አዋ ያገዲ አይቻና ጋካናው፡ አዳይ ካሴ ቆቄ ገዲዳይሳኔ ሃዒ ኢ ያሊይሳ አማኒቦኮና።

19 ኤንቲ ኢያ አዩዉኔ ኢያ አዋኮ፡ «ሂንቲ (ቆቄ ገዲዲ ዬሌቲስ) ገያ ሂንቲ ናሳይ ሃይሴ? ያቲን፡ ሃዒ ዋኒዲ ያሊዳ?» ያገደሶ ኦይቸደሶና።

20 ኢያ ዬሊዳይሳቲ፡ «ሃይሲ ኑ ናሳ ገዲዳይሳኔ ቆቄ ገዲዲ ኢ ዬሌቲዳይሳ ኑ ኤርስ።

21 ሺን ሃዒ ኢ ዋኒዲ ያሊዳኮ ቃሲ ኢያ አይፊያ ኦኒ ፓሊዳኮ ኦኒ ኤርኮ። ኢያ ኦይቸቲ፡ ኢ ባና ኤሪዳ አሲ ገዲያ ገሸ ባባ ኦዳናው ዳንዳዒስ» ያገደሶና።

22 ኢያ ዬሊዳይሳቲ ሄሳ ገዲይ አይሁዳታስ ያዩዳ ገሸሳ። አይሰ ገኮ፡ አይሁዳቲ፡ ዬሱሲ ኢ ከሪሰቶሳ ያገዲ ማርካቲያ አሲ ዳዒኮ ሄ ኡራ አይሁዳ ዋሳ ኬላፊ ሂላናው ኮይርቲዲ ዞሪ ቃቸደሶና።

23 ኢያ ዬሊዳይሳቲ፡ «ኢ ባና ኤሪዳ አሲ፤ ኢያ ኦይቸቲ» ያገደሶ ሃሳሳ።

24 ሄሳ ገሸ፡ ቆቄ ገዲዲ ዬሌቲዳ አዲያ ኤንቲ ዛሪ ያገዲ፡ «ቱማ ኦዳናው ያሳን ጫቃ፤ ሃ አዳይ ናጋራንቸ ገዳይሳ ኑ ኤርስ» ያገደሶና።

25 አዳይ ዛሪዳ፡ «ኢ ናጋራንቸ ገደን፡ ገደና ኢዳን ታ ኤሪኬ። ታኒ ቆቄ ገዳይሳኔ ሃዒ ያሊይሳ ሄ ኢሲባ ኤራይሰ» ያገሰ።

26 ኤንቲ ዛሪዳ፡ «ኢ ኔው አይ ኦሊዳ? ኢ ኔ አይፊያ ዋቲ ፓሊዳ?» ያገደሶና።

27 ኢ ኤንታኮ፡ «ታኒ ሂንቲው ኦዳስ፡ ሺን ሲዒቤኬታ። አይሰ ዛሪ ሲዒናው ኮዬቲ? ሂንቲካ ኢያ ታማሪ ገዳናው ኮዬቲዬ?» ያገሰ።

28 ኤንቲ ኢያ ጫዩዲ፡ «ኔ ሄ ኡራ ታማሪ ገዳ፤ ኦኒ ሙሴ ታማሪ።

29 ያሳይ ሙሴስ ኦዲዳይሳ ኦኒ ኤርስ፡ ሺን ሃ ኡራይ ኢ አዉፕ ዩዳኮካ ኑ ኤርኮ» ያገደሶና።

30 አዳይ ኤንታኮ፡ «ኢ አዉፕ ዩዳኮ ሂንቲ ኤርናይሲ ማላሊሲያባ፡ ሺን ኢ ታ አይፊያ ፓሊዳ።

31 ያሳ ቦንቸይሳኔ ኢ ኮያባ ኦሊያ ኡራ ያሳይ ሲዒሲፕ አቲን ናጋራንቸታ ሲዒና።

32 ሳሎይ ሳዒ ሜዴቶሳፕ ቆቄ ገዲዲ ዬሌቲዳ አሳ አይፊያ ፓሊዳይ ኦኒካ ባዋ።

33 ሃ አዳይ ያሳፊ ከቲቲቦናባ ገዲያኮ ኢሲባካ ኦላናው ዳንዳዒና» ያገሰ።

34 ኤንቲ ዛሪዳ፡ «ኔ ናጋራን ዬሌታዳ ዲጨዳይሲ ኑና ታማርሳናው ኮያይ?» ያገደሶና። ኢያ አይሁዳ ዋሳ ኬላፊ ሂሊደሶና።

ዎዛና ቆቄቲሊ

35 ዩሱሲ ኤንቲ አዲያ ኬሲዳይሳ ሰዒዳ ዎዴ ኢያ ዳሚዲ። «አሳ ናዓ አማናይ?» ያገዱ ኦይቲሰ።

36 አዳይ ዩሱሳኮ። «ጎዳው፣ ታኒ ኢያ አማናና ማላ ኢ ኦኔ? ታው ኦዳርኪ?» ያገዱ።

37 ዩሱሲ አዲያኮ። «ኔኒ ኢያ ቤዓዳሳ፤ ሃ ኔራ ኦዳቲይሲ ኢያ» ያገዱ።

38 አዳይ ዛሪዲ። «ጎዳው፣ አማናይሰ» ያገዱ ዩሱሳሰ ጎይኒሰ።

39 ዩሱሲ። «ቆቄቲ ያላና ማላኔ ያሌይሳቲ ቆቃና ማላ ታኒ ፐርዳናው ሃ አላሚያ ያሰ» ያገዱ።

40 ኢያራ ዳዒያ ጉላ ፋሪሳዊቲ ሃሳ ሰዒዲ። «ኮ ቆቄዬ?» ያገዱ ኦይቲዶሶና።

41 ዩሱሲ። «ሂንቲ ቆቄ ገዲያኮ ሂንቲው ናጋራ ገዳና። ሺን ሃዒ ሂንቲ ያሎሰ ገያ ገሾ ሂንቲ፣ ሂንቲ ናጋራን ዳዒታ» ያገዱ።

10

ዩሱሲ ሎዎ ሃንሳንቸ

1 ዩሱሲ። «ታኒ ሂንቲው ቱማ ኦዳይሰ፤ ደርሳ ገርቤ ገዶ ፔንጌራ ገደና ሃራሶራ ጌሊያ ኦኒካ ካይሶኔ ፓንጋ።

2 ሺን ፔንጌራ ጌሊይሲ ደርሳታ ሃሚይሳ።

3 ፔንጌያ ናጌይሲ ኢያው ፔንጌያ ደይሰ፤ ደርሳቲካ ኢያ ቃላ ሲዎሶና። ኢ ባ ደርሳታ ኤንታ ሱንሳን ሱንሳን ያጌሰ፤ ኤንታ ካሌሊዲ ካሬ ኬሴሰ።

4 ኢ ባይሳታ ካሬ ኬሲዳፔ ጉዬ ኤንታ ሲንሳን ሃውቲሰ። ኤንቲ ኢያ ቃላ ኤሪያ ገሾ ኢያ ካሎሶና።

5 ሃራ ኡራ ቃላ ኤንቲ ኤርና ገሾ ኢያፔ ባቃቶሶናፔ ኦቲን ኢያ ጌዶ ካሎኮና» ያገዱ።

6 ዩሱሲ ኤንታው ሃ ለሚሱዎ ኦዲሰ። ሺን ኢ አይ ገዳኮ ኤንቲ አክኪሶኮና።

7 ዛሪዲ ዩሱሲ ኤንታኮ። «ታኒ ሂንቲው ቱማ ኦዳይሰ፤ ታኒ ደርሳታሰ ፔንጌ።

8 ታፔ ሲንሌ ዩዳ ኡባይ ካይሶኔ ፓንጋ። ሺን ደርሳቲ ኤንታ ሲዒሶኮና።

9 ፔንጌይ ታና፤ ታ ባጋራ ጌሊያ ኦኒካ አታና። ኢ ታ ባጋራ ጌላናኔ ኬያና፤ ሎዎ ሃሚቲያ ቤሲ ዳማና።

10 ካይሶይ ካይሶታናው፣ ሹካናዉኔ ቆይሳናው ዩሲፔ ኦቲን ሃራባሰ ዩና። ታኒ ኤንታው ዳዎይ ዳና ማላኔ ኩሚዲ ፓላሃና ማላ ያሰ።

11 «ታኒ ሎዎ ሃንሳንቸ፤ ሎዎ ሃንሳንቸይ ባ ደርሳታ ገሾ ባ ሸምቸዎ አሊ አሚሰ።

12 ኬራ ሃሚያ ኦሲ ደርሳታ ጎዳኔ ሃንሳንቸ ገደና ገሾ ሱቆሚይ ያ ዎዴ ቤዒዲ ደርሳታ አገዲ ቤሰ። ሃሳ ገሾ፣ ሱቆሚይ ደርሳታ ኦይኪዲ ላሌሰ።

13 ኬራ ሃሚይሲ ሚሼሰ ሃሚያ ገሾኔ ደርሳታባይ ኢያ ቆፊሶና ገሾ ደርሳታ አገዲ ባቃቲሰ።

14-15 «ታኒ ሎዎ ሃንሳንቸ። ታ አዋይ ታና ኤሪይሳዳ ታኒካ ታ አዋ ኤራይሰ። ሃሳዳካ፣ ታኒ

ታ ደርሳታ ኤራይሰ፤ ታ ደርሳቲካ ታና ኤርሶና። ታኒ ታ ደርሳታ ገሾ ታ ሸምቸዎ አላ አሚይሰ።

16 ሃ ወዲያን ባይና ሃራ ደርሳቲ ታው ዳዎሶና። ታኒ ኤንታካ ኤሃናው ቤሴሰ። ኤንቲ ታ ቃላ ሲዓና፤ ኤንቲ ኢሲ ወዳ ገዳና፤ ሃንሳንቸይካ ኢሱዎ።

17 «ታኒ ታ ሸምቸዎ አላ አሚዳ ዛራ ኤኪያ ገሾ ታ አዋይ ታና ደሴሰ።

18 ታ ደሳዳ ታ ሸምቸዎ አላ አሚይሲፔ ኦቲን ታፔ ኦኒካ ኤኬና። ታ ታ ሸምቸዎ አላ አሚናዉኔ ዛራ ኤካናው ማቲ ታው ዳዒሰ። ታኒ ኦላና ማላ ታ አዋይ ታና ኪቲዳይሲ ሃይሳ» ያገዱ።

19 ሃሳ ኢ ገዳ ገሾ አይሁዴታ ገደን ቃሲካ ሻኬቲሊ ሚዴቲሰ።

20 ኤንታፊ ዳሪያ ባጋይ። «ኢያን ቱና አያኒ ዳዒሰ! ኢ ጎዬሰ! ኢ ገያባ አይሰ ሲዒቲ?» ያገደሶና።

21 ሃራቲ ቃሲ። «ፃላሄይ ኦይኪዳ ኦሲ ሃይሳዳ ኦዳቲና። ቱና አያኒ ቆቄ አይፊ ያሊሳናው ዳንዳዒዬ?» ያገደሶና።

ዩሱሲ አሳ ናዓ

22 ዩራሳላሚን ያሳ ኬላ አንጂሲዳ ጋላሳታ ቦንቸያ ባሌይ ጋኪሰ፤ ሄ ዎዴ ሳዒ ባልጎ።

23 ዩሱሲ ያሳ ኬላን ሶሎምኔ ባራንዳን ሲሚሬቲሰ።

24 አይሁዴቲ ዩሱሳ ዩሾን ሸቄ ኤቂዲ። «ኔኒ ኦና አወዳ ጋካናው ሲዴራ ዎላኔ? ኔኒ ኪሪሰቶሳ ገዲኮ ኦኔ ኮሰ ጌሻዳ ኦዳ» ያገደሶና።

25 ዩሱሲ ዛሪዲ ኤንታኮ። «ታኒ ሂንቲው ኦዳሰ፤ ሺን ታና አማኔኬታ። ታኒ ታ አዋይ ታው አሚዳ ማታን ኦሊያ ኦሶይ ታባ ማርካቲሰ።

26 ሺን ታኒ ሂንቲው ኦዳዳይሳዳ ሂንቲ ታ ደርሴ ገደና ገሾ አማኔኬታ።

27 ታ ደርሳቲ ታ ቃላ ሲዎሶና። ታኒ ኤንታ ኤራይሰ፤ ኤንቲካ ታና ካሎሶና።

28 ታኒ ኤንታው ማሪና ዳዐ-ዎ አሚይሰ፤ ኤንቲ ኡባራካ ቆዮኮና። ኦኒካ ታ ኩሼፔ ኤንታ ቦንቄ ኤካናው ዳንዳዒና።

29 ኤንታ ታው አሚዳ ታ አዋይ ኡባሬ አዴሰ * አኒካ ታ አዋ ኩሼፔ ኤንታ ቦንቄ ኤካናው ዳንዳዒና።

30 ታኔ ታ አዋይ ኢሲኖ» ያገዱ።

31 አይሁዴቲ ዩሱሳ ጫዳናው ቃሲካ ሹቺ ዳንሊደሶና።

32 ዩሱሲ ኤንታኮ። «ታኒ ኦላና ማላ ታ አዋይ ታው አሚዳ ዳር ሎዎ ኦሶታ ሂንቲና ኦላ ቤሳሰ። ሃሳታፔ አዉሳ ገሾ ታና ሹቻን ጫዳናው ኮዩቲ?» ያገዱ።

33 አይሁዴቲ ዛሪዲ። «ኔኒ ኔና ኔ ሎዎ ኦሶ ገሾ ሹቻን ጫዳናው ኮዮኮ። ሺን ኔኒ ያሳ ጫያ ገሾኔ ኦሴ ገዳሼ ኔ ኔና ያሴ ገያ ገሾሳ» ያገደሶና።

34 ዩሱሲ ዛሪዲ። «ጌሻ ማፃፋን ያሳይ፣ ሂንቲ ያሳታ» ገዳይሲ ያፊቲቤኔ?

35 ጌሻ ማፃፋይ ማሪናው ለሚቲና። ያሳይ ባ ቃላ አሚዳ አሳታ፣ ሳሳታ» ገዲ ያገዱ።

10:14-15 ማቶ 11:27፤ ሉቃ 10:22 * 10:29 ታ አዋይ ኡባሬ አዴሰ። ኢሲ ኢሲ ቤኒ ማፃፋቲ። «ታ አዋይ ታው አሚዳ ኤንቲ ኡባሬ አዳሶና» ያገሰና። 10:33 ሉቃ 24:16 10:34 ማዝ 82:6

36 አዋይ ደሪዲ ሃ አላሚያ ከቲዳ ታና ያሳ ናዓ ዋቲዲ (የሳ ጫያሳ) ያገቱ?

37 ታኒ ታ አዋይ ኦፊይሳ አላና ኢዲኮ ታና አማናፒቱ።

38 ሺን ታኒ አሊያባ ገዲኮ ሂንቱ ታና አማናና ኢዲኮካ፣ ታ አዋይ ታናን ዳዔይሳኔ ታካ ታ አዋን ዳዔይሳ ሂንቱ ኤራና ማላ ታ ኦሱዋ አማኒቱ» ያገሰ።

39 ቃሲካ ኤንቲ ኢያ ኦይካናው ኮዪደሶና፣ ሺን ኢ ኤንታፊ ኬሲ ኤኪሰ።

40 የሃኒሲ ካሴ ፃማቂያ ቤሳ፣ የርዳናሴ ሻፋፔ ሄፊንሊ ዩሱሲ ፒኒዲ ያን ዳዒሰ።

41 ዳር አሳይ ዩሱሳኮ ዪዲ፣ «የሃኒሲ ማላታ አሊቤና፣ ሺን ኢ ሃ አሊያባ ኦዲዳባይ ኡባይ ቱማ» ያገደሶና።

42 ያን ዳር አሳይ ዩሱሳ አማኒደሶና።

11

አላዛራ ሃይቁዋ

1 ቢታኒያ ጉታን አላዛራ ገያ ኢሲ አዳይ ሃርጌቲሰ። ቢታኒይ ማይራማኔ ኢ ሚቹያ ማርታ ዳዒያ ጉታ።

2 ማይራማ ጎዳ ቶሁዋ ሺቶ ቲያዳ ባ ቢናናን ኢያ ቶሁዋ ቁቹዳር። ሃርጌቲዳይ ኢ አሻ አላዛራ።

3 ሃሳ ገሾ፣ ሚቹቲ፣ «ጎዳው፣ ኔ ደሴይሲ ሃርጌቲሰ» ገዲ ዩሱሳኮ ከቲደሶና።

4 ዩሱሲ ሃሳ ሲዒዳ ዋዴ «ሃ ሃርጌይ፣ ያሳይኔ ኢያ ናዓይ ቦንቹታና ማላፔ ኦቲን ሃይቆሰ ጋሊያ ሃርጌ ገዴና» ያገሰ።

5 ዩሱሲ ማርታ፣ ኢ ሚቹዉኔ አላዛራ ደሴሰ።

6 ሺን አላዛሪ ሃርጌዳይሳ ዩሱሲ ሲዒዲ ባ ዳዒያ ቤሳን ናሞቡ ጋላሰ ጋሞዒሰ።

7 ሃሳፊ ጉዬ፣ ዩሱሲ ባ ታማራታኮ፣ «ዛሪዲ ዪሁዳ ቢታ ቦሰ» ያገሰ።

8 ኢያ ታማራቲ ዛሪዲ፣ «አሰታማሪያው፣ ጉላ ዋዴፔ ካሴ አይሁዳቲ ኔና ሹቻን ጫዲዲ ዋቆናው ኮዪደሶና፣ ሃዒካ ያ ባኔ?» ያገደሶና።

9 ዩሱሲ፣ «ኢሲ ጋላሳን ታማኔ ናሞቡ ሳቲይ ዳዒሰ ገዴኔይ? ጋላሰ ሃሙቲያ አሲ ሃ አላሚያ ፖቡዋ ቤዒያ ገሾ ቆቤቱና።

10 ሺን ቃማ ሃሙቲያ ኦኒካ ፖዖይ ባይና ገሾ ቆቤቱሰ» ያገሰ።

11 ዩሱሲ ሃሳ ገዳፔ ጉዬ ኤንታኮ፣ «ኑ ደሲያ አላዛሪ ቋሰኪሰ፣ ሺን ኢያ ዳንፋናው ታኒ ባና» ያገሰ።

12 ኢያ ታማራቲ ዛሪዲ፣ «ጎዳው፣ ኢ ቋሰኪዳባ ገዲኮ ኢያው ሎዓና» ያገደሶና።

13 ዩሱሲ አላዛሪ ሃይቁዳይሳ ኦዲሰ፣ ሺን ኤንታው ጮ ቋሰኮ ዳኒሰ።

14 ሃሳ ገሾ፣ ዩሱሲ ጌሺዲ ኤንታኮ፣ «አላዛሪ ሃይቁሰ።

15 ሂንቱ አማናና ማላ ታኒ ሄ ቤሳን ዳዖናይሳሰ ሂንቱ ገሾ ኡፋይታይሰ። አኔ ዩቋቲ፣ ኢያኮ ቦሰ» ያገሰ።

16 ሃሳፊ ጉዬ፣ ዲዲሞሳ * ጌቲቲያ ቶማሲ ባ ላጌ ታማራታኮ፣ «አሰታማሪያው ሃይቃናው ኑካ ቦሰ» ያገሰ።

ዩሱሲ ዳንዶኔ ዳዖ

17 ዩሱሲ ጋኪያ ዋዴ አላዛሪ ሞጌቲን አይዲ ጋላሰ ገዲሰ።

18 ቢታኒይ ዩራሳላማፔ ሂቹ ኪሎ ሚቲራ ማላ ሃኬሰ።

19 ዳር አይሁዳቲ ማርታኔ ማይራሞ ኤንታ አሻይ ሃይቁዳይሳሰ ሚንሌፋናው ዪደሶና።

20 ማርታ ዩሱሲ ዪደይሳ ሲዒዳ ኢያ ሞካናው ኬያሱ፣ ሺን ማይራማ ሶን አታሱ።

21 ማርታ ዩሱሳኮ፣ «ጎዳው፣ ኔኒ ሃይሳን ዳዒዳባ ገዲያኮ ታ አሻይ ሃይቁና።

22 ሺን ሃዒ ገዲኮካ ኔኒ ዋሲያባ ያሳይ ኔው አማናይሳ ታኒ ኤራይሰ» ያጋሱ።

23 ዩሱሲ፣ «ኔ አሻይ ሃይቆፔ ዳንዳና» ያገሰ።

24 ማርታ ኢያኮ፣ «ዉርሴፋ ጋላሰ ኢ ሃይቆፔ ዳንዳናይሳ ኤራይሰ» ያጋሱ።

25 ዩሱሲ ኢኮ፣ «ታኒ ዳንዶኔ ዳዖ፣ ታና አማኒያ ኦኒካ ሃይቁኮካ ዳዖን ዳና።

26 ቃሲ ዳዖን ዳዒይኔ ታና አማኒያ ኦኒካ ሃይቁና። ሃሳ ኔኒ አማናይ?» ያገሰ።

27 ማርታ ዛሪዲ፣ «ጎዳው፣ ኤ ታኒ አማናይሰ! ኔኒ ያሳ ናዓ፣ አላሚያ ያናው ዳዒያ ኪሪሰቶሳ ገዴይሳ ታኒ አማናይሰ» ያጋሱ።

28 ማርታ ሃሳ ገዳፔ ጉዬ፣ ባዳ ባ ሚቹው ጌማን ፃጋዳ፣ «አሰታማሪይ ዪዲ ኔና ኮዩሰ» ያጋሱ።

29 ማይራማ ሃሳ ሲዒዳ ዋዴ ኤሌሳ ዳንዳ ኤቃዳ ዩሱሳኮ ባሱ።

30 ሄ ዋዴ ዩሱሲ ማርታራ ጋሂቲዳ ቤሳን ዳዒሰ፣ ቡር ጉታ ጋኪቤና።

31 ማይራሞ ሚንሌሊሽ ኢራ ሶን ዳዒያ አይሁዳቲ፣ ኢያ ዳንዳ ኤቃዳ ኤሌሳዳ ካሪ ኬዪዳይሳ ቤዒዲ፣ ዲፎ ባዳ ዩካናው ሃኒያ ዳኒን ኢዮ ካሊዲ ኬዪደሶና።

32 ማይራማ ዩሱሲ ዳዒያሱዋ ባዳ ኢያ ቤዒዳ ዋዴ ኢያ ቶሁዋ ቦላ ኩንዳዳ፣ «ጎዳው፣ ኔኒ ሃይሳን ዳዒዳባ ገዲያኮ ታ አሻይ ሃይቁናሺን» ያጋሱ።

33 ዩሱሲ ማይራማኔ ኢራ ዳዒያ፣ አይሁዳቲ ዩኬይሳ ቤዒዲ፣ ባ ዋዛናን ዳር ሴሌቲዲ፣

34 «አዉን ሞገዴቲ?» ያገዲ ኦይቹን፣ «ጎዳው፣ ያዳ ቤዓ» ያገዲ ዛሪደሶና።

35 ዩሱሲ አፋዒሰ።

36 ሃሳ ገሾ፣ አይሁዳቲ፣ «ኢ አላዛራ አይ ማላ ደሲያኮ ቤዒቲ» ያገደሶና።

37 ሺን ኤንታፊ ኢሶቲ ኢሶቲ፣ «ሃይሲ ቆቂያ ፃሊሲዳይሲ ሃ አዳይ ሃይቆና ማላ ኦፋናው ዳንዳዒኔሺን?» ያገደሶና።

ዩሱሲ አላዛራ ሃይቆፔ ዳንሊሰ

38 ቃሲካ ዩሱሲ ሴሌቲዲ፣ አላዛሪ ሞጌቲዳ ዲፋዋ ቤሰ። ሄ ዲፎይ ሹቻን ጎርዴቲዳ ጎንጎሎ።

39 ዩሱሲ፣ «ሹቻ ዳንሊቲ» ያገዲ ከቲሰ።

ማርታ፡ «ጎዳው፡ ኢ ሃይቆሳፕ ኦይዲ ጋላስ ገዲዳ ገሾ ሃዒ ያንቃና» ያጋሱ።

40 ዩሱሲ ማርታኮ፡ «ኔ አማኒያባ ገዲኮ ያሳ ቦንቹዋ ቤዓናይሳ ታኒ ኔው ኦዳቢኪና?» ያገሰ።

41 ኤንቲ ሹቻ ዳንሴን ዩሱሲ ሳሎ ፑዳ ያሊዲ፡ «አዋው፡ ታና ኔ ሲዒዳ ገሾ ኔና ጋላታይሰ።

42 ኔ ኡባ ዋዳ ታና ሲዒይሳ ታኒ ኤራይሰ። ሺን ሃይሳን ኤቁዳ አሳይ ኔኒ ታና ከቲዳይሳ አማናና ማላ ታኒ ኤንታ ገሾ ሃይሳ ጋይሰ» ያገሰ።

43 ዩሱሲ ሄሳ ገዳፕ ጉዬ፡ ባ ቃላ ቶቁ ኦሊዲ፡ «አላዛራ፡ ሃ ኬያ!» ያገሰ።

44 ሃይቁዳ አዳይ ዚዲቲዳ ማላ ኩሼይኔ ቶሆይ ሻሎን ቃሹቲዲ ዳዒሺን ኢያ አይፌ ካሪይ ጎዜቲዳ ማላ ዱፋዋፕ ኬዩሰ። ዩሱሲ ኤንታ፡ «ቢርሺቲ! ቦ ገቲ!» ያገሰ።

ኪሪሰቶሳ ቦላ ማቄቲዳሶና (ማቶ 26:1-5፤ ማር 14:1-2፤ ሉቃ 22:1-2)

45 ሄሳ ገሾ፡ ማይራሚኮ ዩዳ አይሁዳታፕ ዳርቲ ዩሱሲ ኦሊዲይሳ ቤዒዲ ኢያ አማኒደሶና።

46 ሺን ኤንታፊ ኢሶቲ ኢሶቲ ፋሪሳዊታኮ ቢዲ ዩሱሲ ኦሊዲይሳ ኤንታው አዲደሶና።

47 ሄሳፊ ጉዬ፡ ካሂኔ ሃላቃቲኔ ፋሪሳዊቲ ሻንጉዋ ሺሺዲ፡ «ሃ አዳይ ዳር ማላታታ ኦሊያ ገሾ ኦ አይ ኦሊና?

48 ኦኒ ኢያ ሲዒ ገዲ አገኮ አሳ ኡባይ ኢያ አማናና፡ ቃሲ ሮሜ ቢታ አሳቲ ዩዲ ኦ ያሳ ኬላኔ ኦ ዳሪያ ቆይሳና» ያገደሶና።

49 ኤንታፊ ኢሶይ ቃያፋ ጌይሰ፡ ሄ ላይሊ ካሂኔ ሃላቃ ገዲዳይሰ፡ «ሂንቲ አይኮካ ኤሪኬታ!

50 አሳይ ኡባይ ቆይሳፊ አሳ ኡባ ገሾ ኢሲ አሲ ሃይቆይሰ ሎዎ ገዳይሳ ኤሪኬቲ?» ያገሰ።

51 ኢ ሄሳ ባፕ ገቤና። ሺን ሄ ላይሊ ካሂኔ ሃላቃ ገዲያ ገሾ ዩሱሲ አይሁዳ አሳ ገሾ ሃይቃናው ቤሴይሳ ቲንቢቲ አዲሰ።

52 ቃሲ ዩሱሲ አይሁዳ አሳ ዓላላሰ ገደናሺን ላሌቲዲ ዳዒያ ያሳ አሳ ኡባ ኢሲፊ ሺሻናዉኔ ኢሲ አሲ አላናው ሃይቃና።

53 ሄ ጋላሳፕ ደሚዲ ኤንቲ ኢያ ዋቆናው ማቄቲዳሶና።

54 ሄሳ ገሾ፡ ዩሱሲ አይሁዳታ ገደን ቆንጩን ሲማሪቲቤና። ሺን ባዞ ቢታ ማታን ዳዒያ ኤፍሪሜ ጉታ ቢሰ። ባ ታማሪታራ ሄ ቤሳን ጋምዒሰ።

55 አይሁዳቲ ቦንቹያ ፓሲካ ጋላሳይ ማቲሰ። ቃሲ ዳር አሳይ ባንታና ጌሻናው ፓሲካ ቦንቹያ ጋላሳይ ጋካናፕ ሲንሌ ሄ ቢታፊ ዩራሳላሚ ቢደሶና።

56 ኤንቲ ያሳ ኬላን ኤቁዲ ዩሱሳ ዩሳ ናገያ ገሾ «አይ ቆፕቲ? ዩሱሲ ባሊያ ቦንቻናው ዩኔ?» ያገዲ ኢሶይ ኢሱዋ አይቹደሶና።

57 ካሂኔ ሃላቃቲኔ ፋሪሳዊቲ ዩሱሳ አይካናው፡ ኢ ዳዒያሱዋ ኤሪያ ኦኒካ ባንታው ኦዳና ማላ ከቲደሶና።

12

ዩሱሳ ሺቶ ቲዩዳ ማጫሰው (ማቶ 26:6-13፤ ማር 14:3-9)

1 ፓሲካ ቦንቹያ ጋላሳፕ ኡሱፑን ጋላሰ ሲንላቲዲ፡ ዩሱሲ ሃይቆፕ ዳንሴዳ አላዛሪ ዳዒያ ጉታ፡ ቢታኒያ ቢሰ።

2 ሄ ቤሳን ኤንቲ ኢያው ካሆ ገቢደሶና። አላዛሪ ዩሱሳራ ኢሲፊ ጋይታ ቦላ ኡቲዳሺን ማርታ ኤንታና ሞካዉሱ።

3 ማይራሚ ናርደሴ ገያ ዳር አልዎ ጌሻ ሺቶ ኤሃዳ ዩሱሳ ቶሆዋ ቲያሱ። ባ ቢናናን ኢያ ቶሆዋ ቁቻሱ፤ ኬላ ኡባይ ሺቶ ሳዎን ቶንጉ ገሰ።

4 ሺን ዩሱሳ ታማሪታፕ ኢሶይ፡ ዩሱሳ አሊ አማናይሰ፡ አሰቆሮታ ዩሁዲ፡

5 «አይሰ ሃ ሺቶይ ሄዙ ጭቲ ዲናሪን ባይዜቲዲ፡ ሚሼይ ማንቆታሰ አሜቴኔ?» ያገሰ።

6 ኢ ካይሶ ገዲዳ ገሾ ሄሳ ገሲፕ አቲን ማንቆታሰ ቃቆቲዲ ገቤና። ኢ ሚሼ ካርዒታ ኦይኬይሳ ገዲያ ገሾ ኡባ ዋዳ ኢያፕ ባው ኤኬሰ።

7 ዩሱሲ፡ «ኢያ ባው ዳዒያባ ታ ሞሳ ጋላሳሰ ሚንጂዳ ገሾ ኢዮ አጋገቲ።

8 ማንቆቲ ኡባ ዋዳ ሂንቲራ ዳና፡ ሺን ታኒ ኡባ ዋዳ ሂንቲራ ዳዒኬ» ያገሰ።

9 ሄ ዋዳ ዳር አሳይ ዩሱሲ ቢታኒያን ዳዒይሳ ሲዒዲ ያ ቢደሶና። ኤንቲ ዩሱሳ ዓላላ ገደናሺን ኢ ሃይቆፕ ዳንሴዳ አላዛራካ ቤዓናው ቢደሶና።

10 ሄሳ ገሾ፡ ካሂኔ ሃላቃቲ አላዛራካ ቃሲ ዋቆናው ማቄቲዳሶና።

11 አይሰ ገኮ፡ አላዛራ ጋሶን ዳር አይሁዳቲ ኤንታና ኢዳዲ ዩሱሳ አማናሶና።

ዩሱሲ ቦንቹን ዩራሳላሚ ጌሊሰ (ማቶ 21:1-11፤ ማር 11:1-11፤ ሉቃ 19:28-40)

12 ዋንቲላ ጋላሰ ፓሲካ ቦንቹያ ቤሳ ዩዳ ዳር አሳይ ዩሱሲ ዩራሳላሚ ቤይሳ ሲዒዲ፡

13 ዛምባ ሃይሊ ኤኪዲ ኢያ ሞካናው ኬዩደሶና። ባንታ ቃላ ቶቁ ኦሊዲ፡ «ሆሳና! ያሳይ ጋላቲቶ!

ጎዳ ሱንላን ዩይሲ አንጄቶ! ያሳይ ኢሰራዔሌ ካዉዋ አንጄ!» ያገደሶና።

14-15 ጌሻ ማፃፋን፡ «ደዮኔ ካታማው፡ ባቦፋ!

ሄኮ፡ ኔ ካዋይ ሃሪ ማራ ቦላ ኡቲዲ ዩሰ» ጌቲቲዳይሳዳ ዩሱሲ ሃሪ ማሪ ዳሚዲ ኢያ ቶገሰ።

16 ዩሱሳ ታማሪቲ ሄሳ ካሴ አኬኪቦኮና። ሺን ዩሱሲ ቦንቹቲዳፕ ጉዬ ኤንቲ ሄሳ ኡባ አኬኪደሶና። ሄሲ ኡባይ ጌሻ ማፃፋይ ገዳይሳዳ ሃኒሰ።

17 ዩሱሲ አላዛራ ዲፎፔ ፀገዲ፣ ሃይቆፔ ደንሊዳ ዋዴ ኢያራ ዳዲያ ዳሮ አሳይ ዩሱሳባ ማርካቲዶሶና።

18 ዳሮ አሳይ ኢያ ሞካናው ከዩዳይ፣ ኢ ሄ ማላታታ ኦሊዳይሰሳ ሲዲዳ ገሾሳ።

19 ሄሳ ገሾ፣ ፋሪሳዊቱ ኢሶይ ኢሱዋኮ፣ «ኑ አይኮካ ኦላናው ዳንዳያናይሳ ቤዒቲ፤ ዳሬ ኡባይ ኢያ ካሌሰ» ያገደሶና።

20 ፓሲካ ቦንቼያ ጋላሰ ጎይናናው ዩሩሳላሜ ቢዳይሳታ ገደን ኢሲ ኢሲ ገሪኬ አሳቲ ዳያሶና።

21 ኤንቲ ጋሊላ ቢታን ቤቲሳይዳ ካታማፔ ዩዳ ፊልጶሳኮ ቢዲ፣ «ጎዳው፣ ኑኒ ዩሱሳ ቤዳናው ኮዮሰ» ያገደዱ ዋሲደሶና።

22 ፊልጶሲ ቢዲ ኢንዲሪያሳሰ ኦዲን ናምዓይ ቢዲ፣ ዩሱሳሰ ኦዲደሶና።

23 ዩሱሲ ኤንታኮ፣ «አሳ ናዓይ፣ ቦንቼቲያ ዋዴይ ጋኪሰ።

24 ታኒ ሂንቲው ቱማ ኦዳይሰ፤ ኢሲ ገሰቲ አይፊይ ቢታን ዋዲዳ ዋቆና ኢዲኮ ባርካ አቲሰ። ሺን ሄ ገሰቲ አይፊይ ዋቂኮ ዳሮ አይፊ አይፊሰ።

25 ባ ሸምፕዋ ደሲያ ኦኒካ ቆይሴሰ፤ ባ ሸምፕዋ ሃ አላሚያን ኢዲያ ኦኒካ ሜሪና ዳያሰ አሸሰ።

26 ታኒ ዳዲያሱዋን ታራ ዳና ሜላ ታው ኦላናው ኮያ ኦኒካ ታና ካላናው ቤሴሰ። ታው ኦሊያ ኦናካ ታ አዋይ ቦንቻና።

ዩሱሲ ባ ሃይቆፔባ ሲንሳቲዲ ኦዲሰ

27 «ሃዒ ታ ሸምፕሮ ዳሮ ኤንዴቲሰ፤ ያቲን ዋይሳ? ታ አዋው፣ ታና ሃ ሳቲፔ አሻርኪ» ያጎ? አካይ፣ ታኒ ዩዳይ ዋዩ ኤካናሳ።

28 ታ አዋው፣ ኔ ሱንሳ ቦንቻ» ያገሰ።

ሄ ዋዴ ሳሎፔ፣ «ታኒ ታ ሱንሳ ቦንቻሰ፤ ዛራዳካ ቦንቻና» ያገያ ቃላይ ዩሰ።

29 ሄ ቤሳን ኤቁዳ ዳሮ አሳይ ሄ ቃላ ሲዲዲ፣ «ሄሲ ዳዳ» ያገደሶና።

ሃራቲ ቃሲ፣ «ኪታንቸይ ኢያው ኦዲሰ» ያገደሶና።

30 ዩሱሲ ዛሪዲ ኤንታኮ፣ «ሃ ቃላይ ሂንቲ ገሾ ዩሲፔ አቲን ታ ገሾ ገደና።

31 ሃ አላሜይ ፐርዳቲያ ዋዴይ ሃዒ፤ ሃ አላሚያ ሃሪይሲ ሃዒ ካሪ ሆሌታና።

32 ቃሲ ታኒ ሳዓፔ ቶቁ ኦሴቲዳ ዋዴ አሳ ኡባ ታኮ ኤሃና» ያገሰ።

33 ኢ ሄሳ ገዳይ አይ ሜላ ሃይቆ ሃይቃኑኮ ኤንታው ቆንጨሳናሳ።

34 ዳሮ አሳይ ዛሪዲ፣ «ኑ ሂጌይ ኪሪሰቶሲ ሜሪናው ዳዒይሳ ኦዴሰ። ያቲን፣ ኑኒ ዋይጋዳ፣ «አሳ ናዓይ ቶቁ ጋናው ቤሴሰ» ጋይ? «ኢ፣ አሳ ናዓይ ኦኒ?» » ያገደሶና።

35 ዩሱሲ፣ «ፖይሪ ሂንቲራ ጉሳ ዋዴ ጋምዓና። ሂንቲው ቆምና ሜላ ፖይሪ ዳዒሺን፣ ፖዑዋን ሃሙቲቲ። ቆማን ሃሙቲያ አሲ አው ቢያኮ ኤሪና።

36 ፖይ ናይታ ገደና ሜላ ፖይሪ ዳዒሺን ፖዑዋ አማኒቲ» ያገሰ።

አይሁዳቲ አማኒቦኮና

ዩሱሲ ሄሳ ኦዲዳፔ ጉዬ ቢዲ ኤንታፊ ጌሚሰ።

37 ኢ ሄሳ ሜላ ማላታታ ኤንታ ሲንሳን ኦሊንካ አማኒቦኮና።

38 ናቢያ አሳያሲ፣

«ጎዳው፣ ኑ ማርካቲላ ኦኒ አማኒዴ? ጎዳይ ባ ዋልቃ ኦዴሰ ቆንጨሲዴ?»

ገዳይሲ ቱማ ገደና ሜላ ኤንቲ ኢያ አማኒቦኮና።

39-40 ቃሲካ አሳያሲ፣

«ኤንታ አይፊይ ዳሎና ሜላ፣

ኤንታ ዋዛናይ አኬኮና ሜላ፣

ኤንቲ ያሳኮ ሲሚን፣ ኢ ኤንታ ፓሶና ሜላ፣

ያሳይ ኤንታ አይፊያ ቆቂሲሰ።

ኤንታ ዋዛና ሚንላሰ»

ገዳ ገሾ ኤንቲ አማናናው ዳንዳዲቦኮና።

41 አሳያሲ ሄሳ ገዳይ፣ ዩሱሳ ቦንቼዋ ቤዒዳ ገሾኔ ኢያባ ኦዲዳ ገሾሳ።

42 ገዲኮካ፣ አይሁዳታ ሃላቃታፔካ ዳሮቲ ዩሱሳ አማኒዶሶና። ሺን ፋሪሳዊቱ ባንታና አይሁዳታ ዋሳ ኬላፊ ኬሶሶና ገዲ ያዩዳ ገሾ አማኒዳ ገዲ ቆንጨን ማርካቲቦኮና።

43 ሄሳ ኤንቲ ኦሊዳይ፣ ያሳን ኤሪታናይሳፊ አሊዲ አሳን ኤሪታናይሳ ደሲዳ ገሾሳ።

44 ዩሱሲ ባ ቃላ ቶቁ ኦሊዳ፣ «ታና አማኒያ ኦኒካ ታና ኪቲዳይሳካ አማኒሰፔ አቲን ታ ፃላላ አማኒና።

45 ታና ቤዒያ ኦኒካ ታና ኪቲዳይሳካ ቤዒሰ።

46 ታና አማኒያ ኡባይ ቆማን ደና ሜላ ታኒ ፖይ ገዳዳ አላሚያ ያሰ።

47 ታ ቃላ ሲዲዲ ኪቲቶና ኦናካ ታኒ ፐርዲኬ። አይሰ ገኮ፣ ታኒ አላሚያ አሻናው ያሰፔ አቲን ፐርዳናው ያቢኬ።

48 ታና ኢዲይሳኔ ታ ቃላ ኤኮና ኦናካ ፐርዳይሲ ዳዒሰ። ታኒ ኦዲዳ ቃላይ ወርሴሳ ጋላሰ ሄ ኡራ ፐርዳና።

49 አይሰ ገኮ፣ ታኒ ሄሳ ታፔ ኦዲኬ፣ ሺን ታና ኪቲዳ ታ አዋይ ታኒ ጋናይሳኔ ኦዳናይሳ ኪቲሰ።

50 ቃሲ ኢያ ኪታይ ሜሪና ዳያ ገዳይሳ ታኒ ኤራይሰ። ሄሳ ገሾ፣ ታኒ ኦዴይሲ ታ አዋይ ታና ኦዲ ገዳይሳ» ያገሰ።

13

ዩሱሲ ባ ታማሪታ ቶሁዋ ሜጨሰ

1 ፓሲካ ቦንቼያ ጋላሳይ ጋካናፔ ሲንሳቲዲ ሃ አላሚያ አገዲ አዋኮ ቢያ ዋዴይ ጋኪዳይሳ ዩሱሲ ኤሪሰ። ሃ አላሚያን ዳዒያ ባይሳታ ኡባ ዋዴ ደሲሰ፤ ወርሴላ ጋካናወካ ኤንታ ደሲሰ።

2 ዩሱሳራኔ ኢያ ታማሪታራ ኢሲፊ ካሆ ሞሶና። ሄሳፊ ካሴ ፃላሄይ ሲሞና ናዓ አሰቆርታ ዩሁዲ ዩሱሳ አሊ አማናዳ ኢያ ዋዛናን ኢታ ቆፋ ዋሊሰ።

3 ዩሱሲ አዋይ ኡባባ ኢያ ኩሼን ዋሊዳይሳ፣ ኢ ያሳ ማታፔ ዩዳይሳኔ ሲሚዲ ኢያኮ ባናይሳ ኤሪሰ።

12:25 ማቶ 10:39፤ 16:25፤ ማር 8:35፤ ሉቃ 9:24፤ 17:33 12:34 ማዝ 110:4፤ ኢሳ 9:7፤ ሃዝ 37:25፤ ዳኔ 7:14
12:38 ኢሳ 53:1 12:39-40 ኢሳ 6:10

4 ዩሱሲ ጋይታ ቦላፌ ዳንዲዲ ቦላ ባጋ ማዑዋ ቃሪ ዋሊዲ፣ ፖፃ ኤኪዲ ባ ያሳን ማርፃፊሰ።

5 ሄሳፌ ጉዬ፣ ሃሌ ሜቻ ሚሼን ተጊዲ፣ ባ ታማሬታ ቶሁዋ ሜጪሰ፤ ቃሲ ባ ያሳን ዳንጪዲ ፖፃን ቁቺሰ።

6 ዩሱሲ ሲሞን ጳዊርሳኮ ያ ዋዴ ጳዊርሲ፣ «ጎዳው፣ ኔ ታ ቶሁዋ ሜጫኔ?» ያገሰ።

7 ዩሱሲ ዛሪዲ ኢያኮ፣ «ታኒ ኦሌይሳ ኔ ሃዒ ኤራካ፣ ሺን ጉዬፔ ኣኩካና» ያገሰ።

8 ያቲን፣ ጳዊርሲ፣ «ኔ ታ ቶሁዋ ኡባራካ ሜጫካ» ያገሰ።

ዩሱሲ ኢያኮ፣ «ታኒ ኔ ቶሁዋ ሜጫና ኢዲኮ ኔወኔ ታው ኢሲፌቱሊ ባዋ» ያገሰ።

9 ጳዊርሲ ዩሱሳኮ፣ «ጎዳው፣ ያቲኮ፣ ታ ቶሁዋ ያላላ ገደናሺን ታ ኩሺያኔ ታ ሁዒያ ሜጫ» ያገሰ።

10 ዩሱሲ ዛሪዲ፣ «ቦላ ሜጫቲዳ ኦኒካ ቶሆፔ ሃራባ ሜጫታናው ኮሺና፤ ኢያው ኡባሶይ ጌሺ። ሂንቴ ጌሺ፣ ሺን ኡባይ ጌሺ ገዳኬታ» ያገሰ።

11 ዩሱሲ ባና ኣሊ ኢማና ኡራይ ኦኔኮ ኤሪያ ገሾ «ሂንቴ ኡባይ ጌሺ ገዳኬታ» ያገሰ።

12 ኤንታ ቶሁዋ ሜጪዳፔ ጉዬ ዩሱሲ ባ ማዑዋ ዛሪ ማዒሰ። ሲሚ ጋይታ ቦላ ኡቲዲ ኤንታኮ፣ «ታኒ ሂንቴው ኦሊዳይሳ ኣኬኬቲ?»

13 ሂንቴ ታና ኣሰታማሬ ነዳ ጌታ፤ ታኒ ሂንቴ ጌይሳ ገዲያ ገሾ ሎፆ ገዴታ።

14 ታኒ ሂንቴው ጎዳኔ ኣሰታማሬ ገዳሽ ሂንቴ ቶሁዋ ሜጪኮ ሂንቴካ ኢሶይ ኢሱዋሰ ሄሳዳ ኦላናው ቤሴሰ።

15 ሂዛ፣ ታኒ ሂንቴው ኦሊዳይሳዳ ሂንቴካ ኦላና ማላ ሂንቴው ለሚሶ ገዳሰ።

16 ታኒ ሂንቴው ቱማ ኦዳይሰ፤ ኣይሌይ ባ ጎዳፔ፣ ከቲቲዳይሲ ከቲዳይሳፌ ኣጼና።

17 ሂንቴ ሄሳ ኤሪዲ ኦሊያባ ገዲኮ ኣንጃቲዳይሳታ።

18 «ታኒ ሂንቴና ኡባ ገኬ፤ ታኒ ዶሪዳይሳታ ኤሪይሰ። ሺን ጌሻ ማፃፋን፣ ታ ባርሲዳይሲ ታ ኩሺያ ሳዲሰ» ጌቲቲዳይሲ ቱማ ገዳናው ቤሴሰ።

19 ታኒ ታና ገዳይሳ ሂንቴ ኣማናና ማላ ሄሲ ሃናናፔ ሲንሳታዳ ሂንቴው ኦዳይሰ።

20 ታኒ ሂንቴው ቱማ ኦዳይሰ፤ ታኒ ከቲዳ ኦናካ ሞኪያ ኡራይ ታና ሞኬሰ። ታና ሞኪያ ኦኒካ ታና ከቲዳይሳ ሞኬሰ» ያገሰ።

ዩሱሲ ባና ኣሊ ኢማናይ ኦኔኮ ኮይርቲዲ ኦዲሰ

(ማቶ 26:20-25፤ ማር 14:17-21፤ ሉቃ 22:21-23)

21 ዩሱሲ ሄሳ ኦዲዳፔ ጉዬ ባ ዋዛናን ዳር ኢንዔቲዲ፣ «ታኒ ሂንቴው ቱማ ኦዳይሰ፤ ታና ሂንቴፌ ኢሶይ ኣሊ ኢማና» ገዲ ቆንጪሲዲ ኦዲሰ።

22 ኢ ኦዳባ ኦዲያኮ ኢያ ታማሬታሰ ኤሬቶና ኢዲን ኢሶይ ኢሱዋ ያሊደሶና።

23 ኢያ ታማሬታፔ ኢሶይ፣ ዩሱሲ ዶሴይሰ፣ ዩሱሳ ማታን ኡቲሰ።

24 ሄሳ ገሾ፣ ሲሞን ጳዊርሲ ኢያ ቃምፆቲዲ፣ «ኢ ኦና ገያኮ ኣኔ ኦይቻ» ያገሰ።

25 ሄሳ ገሾ፣ ሄ ታማሬይ ዩሱሳኮ ሺቁዲ ሃይላን፣ «ጎዳው፣ ኢ ኦኔ?» ያገሰ።

26 ዩሱሲ ዛሪዲ፣ «ታኒ ኡይላ ዋዳን ቱሻዳ ባርሴይሳ» ያገሰ። ቃሲ ኡይላ ሜንሊ ኤኪዲ፣ ዋዳን ቱሺዲ፣ ሲሞና ናዓ ኣሰቆርታ ዩሁዳ ባርሲሰ።

27 ዩሁዲ ኡይላ ባሪዳፔ ጉዬ ያላሄይ ሶሁዋራ ዩሁዳን ጌሊሰ። ዩሱሲ ኢያኮ፣ «ኔኒ ኦላናው ቆፒዳባ ኤሌሳዳ ኦላ» ያገሰ።

28 ሺን ጋይታ ቦላ ኡቲዳይሳታፔ ኦኒካ ዩሱሲ ሄሳ ኣይሰ ኢያኮ ገዳኮ ኤሪቤና።

29 ዩሁዲ ሚሼ ኦይኪያ ገሾ ኢያ ታማሬታፔ ኢሶቲ ኢሶቲ ዩሱሲ ኢያ፣ «ፓሲካ ቦንቹያ ጋላሳሰ ባንታው ኮሺያባ ሻማ ዋይኮ ማንቆታሰ ሙፃታ ኣማ ገሰ» ያገዲ ቆፒደሶና።

30 ዩሁዲ ኡይላ ባሪዳ ማላ ሶሁዋራ ካሬ ኬዩሰ። ሄ ዋዴ ሳዒ ቃማ።

ኦራላ ኪታ

31 ዩሁዲ ካሬ ኬዩዳፔ ጉዬ፣ ዩሱሲ፣ «ሃዒ ኣሳ ናዓይ ቦንቹቲሰ፤ ያሳይካ ኢያ ባጋራ ቦንቹቲሰ።

32 ያሳይ ኢያ ባጋራ ቦንቹቲኮ ኢ ባ ሁዒን ኣሳ ናዓ ቦንቻና፤ ቃሲ ኢ ሄሳ ኤሌሲዲ ኦላና።

33 ታና ሳይቶ፣ ታኒ ሂንቴራ ዳር ዋዴ ጋምዒኬ። ሂንቴ ታና ኮያና፣ ሺን ታኒ ኣይሁዳታሰ ኦዲዳይሳ ማላ፣ «ሂንቴ ታኒ ቢያሱዋ ባናው ዳንዲዲኬታ።»

34 ታኒ ሂንቴው ኢማያ ኦራላ ኪታይ ሃይሳ፤ ኢሶይ ኢሱዋ ዶሲቲ። ታኒ ሂንቴና ዶሲዳይሳዳ ሂንቴ ኢሶይ ኢሱዋ ዶላናው ቤሴሰ።

35 ሂንቴ ኢሶይ ኢሱዋራ ዶሴቲኮ ሂንቴ ታ ታማሬ ገዳይሳ ኣሳ ኡባይ ኤራና» ያገሰ።

ጳዊርሲ ካዳናይሳ ዩሱሲ ኮይርቲዲ ኦዲሰ (ማቶ 26:31-35፤ ማር 14:27-31፤ ሉቃ 22:31-34)

36 ሲሞን ጳዊርሲ ዩሱሳኮ፣ «ጎዳው፣ ኔኒ ኣው ባይ?» ያገሰ።

ዩሱሲ ዛሪዲ፣ «ታኒ ቢያሱዋ ኔኒ ሃዒ ካላናው ዳንዲዳካ፣ ሺን ጉዬፔ ታና ካላና» ያገሰ።

37 ጳዊርሲ፣ «ጎዳው፣ ታኒ ኔና ሃዒ ካላናው ኣይሰ ዳንዲዳኪና? ታኒ ኔ ገሾ ሃይቃናወካ ገጋ ኡታሰ» ያገሰ።

38 ዩሱሲ ዛሪዲ፣ «ታ ገሾ ሃይቃናው ቱማ ገጋ ኡታዲ? ታኒ ኔው ቱማ ኦዳይሰ፤ ኩቶይ ዋሳናፔ ሲንሌ ኔኒ ታና ሄቹ ቶሆ ካዳና» ያገሰ።

14

ዩሱሲ ኣዋኮ ኤፊያ ኦጌ

1 ዩሱሲ ባ ታማሬታኮ፣ «ሂንቴ ዋዛናይ ኢንዔቶፎ፣ ያሳ ኣማኒቲ፣ ታናካ ኣማኒቲ።

2 ታ አዋ ከላን ዳር ቤሲ ዳዕስ። ታኒ ሂንቴው ቤሲ ገሊሳናው ባይስ። ሄሳ ገደናኮ ታኒ ሂንቴው ኦዲኬሽን።

3 ታኒ ባዳ ቤሲ ገሊሲዳፔ ጉዬ ታኒ ዳዕሲያሱዋን ሂንቴ ዳና ሜላ ሲማ ያዳ ሂንቴና ታኮ ኤፋና።

4 ሂንቴ ታኒ ቢያሱዋ ኤፊያ ኦጊያ ኤሬታ» ያገሰ።

5 ያቲን፣ ቶማሲ፣ «ጎዳው፣ ኔኒ ቢያሱዋ ኔኒ ኤርኮ፤ ኦጊያ ዋቲዲ ኤራናው ዳንዳዕኔ?» ያገሰ።

6 ዬሱሲ ዛሪዲ፣ «ኦጊያ፣ ቱማይኔ ዳዕይ ታና። ታ ባጋራ ገደና ኢዲኮ ኦኒካ ታ አዋኮ ባናው ዳንዳዕኔ።

7 ሂንቴ ታና ኤሪያባ ገዲያኮ፣ ታ አዋካ ኤራና። ሽን ሂዛፔ ደሚዲ ሂንቴ ኢያ ኤሬታኔ ኢያ ቤዲዳታ» ያገሰ።

8 ፊልጶሲ ዬሱሳኮ፣ «ጎዳው፣ አዋ ኦና ቤሳ፤ ሄሲ ኮሰ ገደና» ያገሰ።

9 ዬሱሲ ዛሪዲ፣ «ታኒ ሃይሳ ሜላ ዋዴ ሂንቴራ ዳዕሲንካ ታና ኤሪኪ? ታና ቤዲዳ ኤራይ አዋካ ቤዲሰ። ያቲን፣ ኔኒ ዋይጋዳ፣ ሳዋ ኦና ቤሳ» ጋይ?

10 ታኒ አዋራ ኢሲኖ ገደይሳኔ አዋይካ ታራ ኢሲኖ ገደይሳ ኔኒ አማኒኪዬ? ታኒ ሂንቴው ኦዲያ ቃላ ታኒ ታፔ ኦዲኬ፣ ሽን ታናን ዳዕሲ አዋይ ባ ኦሱዋ ኦሱሰ።

11 ታኒ አዋን ዳዕይሳኔ አዋይካ ታናን ዳዕይሳ አማኒቴ። ሄሳ አማኖና ኢዲኮ ታ ኦሱያባታን ታና አማኒቴ።

12 «ታኒ ሂንቴው ቱማ ኦዲይሰ፤ ታና አማኒያ ኡራይ ታኒ ኦሱያ ኦሱዋፔ ኦዲያ ኦሶ ኦላና። ታኒ አዋኮ ቢያ ገሾ ታና አማኒያ ኦኒካ ሃይሳፊ ኦዲያ ኦሶ ኦላና።

13 አዋይ ናዓ ባጋራ ቦንቼታና ሜላ ታ ሱንላን ሂንቴ ዋሲያ ኡባ ታ ሂንቴው ኦላና።

14 ታ ሱንላን አይቢባካ ሂንቴ ኦይቼኮ ታ ሂንቴው ኦላና።

ዬሱሲ ጌሻ እያና አማናው ቃላ ጌሊሰ

15 «ሂንቴ ታና ደሲኮ ታ ኪታ ናጋና።

16 ታኒ አዋ ዋሳና፤ ሂንቴራ ሜሪናው ዳና ሜላ ሚንሌሌሳ ሂንቴው አማና።

17 ሄ እያናይ ያሳ ቱማ ቆንጨሴሰ። ሃ አላሚያ አሳይ ኢያ ቤያና ገሾኔ ኤርና ገሾ ኢያ ኤካናው ዳንዳዕኮና። ሽን ኢ ሂንቴራ ዳዕሲ ገሾኔ ሂንቴ ገደን ዳና ገሾ ሂንቴ ኢያ ኤሬታ።

18 «ታኒ ሂንቴና አያ አጢ ባይና ናዓዳ ሂንቴ ፃላላ አጊኬ፤ ሲማዳ ሂንቴኮ ያና።

19 ጉላ ዋዴፔ ጉዬ አላሚያ ታና ዛሪ ቤዲና፣ ሽን ሂንቴ ቤዲና። ታኒ ዳዕን ዳዕሲ ገሾ ሂንቴካ ዳዕን ዳዕና።

20 ታኒ ታ አዋን፣ ሂንቴ ታናን፣ ቃሲ ታኒ ሂንቴናን ዳዕይሳ ሂንቴ ሄ ጋላሰ ኤራና።

21 «ታ ኪታ ኤኪዲ ናጌይ ታና ደሴሰ። ታና ደሴይሳ ታ አዋይካ ደሴሰ፤ ታኒካ ኢያ ደሳይሰ፤ ታኒ ኢያው ቆንጨና» ያገሰ።

22 አሰቆርታ ዪሁዳ ገደና ዪሁዳ ዬሱሳኮ፣ «ጎዳው፣ ኔኒ ዋታዳ አላሚያሰ ገደናሽን ኮሰ ኔና ቆንጨሳኔ?» ያገሰ።

23 ዬሱሲ ዛሪዲ፣ «ታና ደሴያ ኦኒካ ታ ቃላሰ ኪታታና። ታ አዋይ ኢያ ደሳና። ቃሲ ታ አዋይኔ ታኒ ኢያኮ ዪዲ ኢያራ ዳና።

24 ታና ደሴና ኦኒካ ታ ቃላሰ ኪታቴና። ሂንቴ ሲዲያ ቃላይ ታና ኪታዳ አዋባፔ አቲን ታባ ገደና።

25 «ታኒ ሂንቴራ ሃዲ ዳዕሼ ሄሳ ሂንቴው ኦዲሰ።

26 ሽን አዋይ ታ ሱንላን ኪታና ሚንሌሌያ ጌሻ እያናይ፣ ሂንቴና ኡባባ ታማርሳና። ታኒ ሂንቴው ኦዲዳ ኡባ ኢ ሂንቴና ሃሳዩሳና።

27 «ሳርቴሌ ሂንቴው አማና። ታኒ ታ ሳርቴላ ሂንቴው አማና። ታ አሚያ ሳርቴላይ አላሚይ አሚያ ሳርቴላ ሜላ ገደና። ሄሳ ገሾ፣ ኡንዔቶሬቴ፣ ያዮሬቴ።

28 «ታኒ ባና፣ ሽን ሲማዳ ሂንቴኮ ያና» ገደይሳ ሲዲዳታ። ሂንቴ ታና ቱማ ደሴያባ ገዲያኮ ታ አዋይ ታፔ ኦዲያ ገሾ ታኒ ኢያኮ ቤይሳን ሂንቴ ኡፋይታና።

29 ሄሲ ሃኒያ ዋዴ ሂንቴ አማናና ሜላ ሄሲ ሃናና ዳዕሼን ሲንላታዳ ታኒ ሂንቴው ኦዲሰ።

30 «ሃ አላሚያ ሃሪይሲ ያ ገሾ ሂዛፔ ጉዬ ሂንቴራ ዳር ኦዴቲኬ። ታና ኢ አይኮካ ኦላናው ዳንዳዕኔ።

31 ሽን ታኒ አዋ ደሴይሳ አላሚይ ኤራና ሜላ ታ አዋይ ታና ኪታዳይሳ ኡባ ኦላይሰ። ዳንዳቴ፤ ሃይሳፊ ሰሰ።

15

ዋይኒያ ቱማ ኡባይ ዬሱሳ

1 «ታኒ ዋይኒያ ቱማ ኡባ። ጎሻንቾይ ታ አዋ።

2 ታ ቦላ ዳዕሲ አይፊ አይፎና ታሺያ ኡባ ኢ ካሬሰ። አይፊያ ታሺያ ካሴይሳፊ ኦዲ አይፋና ሜላ ሄ ታሺያ ኢ ገሊሳና።

3 ታኒ ሂንቴው ኦዲዳ ቃላ ገሾ ሂንቴ ጌሹ።

4 ታናን ዳዕቴ፤ ታኒካ ሂንቴናን ዳዕና። ዋይኒያ ታሹይ ኡባራ ዳዕና ኢዲኮ ሄ ታሹይ ባርካ አይፊ አይፋናው ዳንዳዕኔ። ሄሳዳካ፣ ሂንቴካ ታናን ዳዕና ኢዲኮ አይፊ አይፋናው ዳንዳዕኬታ።

5 «ታኒ ዋይኒያ ኡባ፤ ሂንቴ ታሹታ። ታናን ዳዕይሰኔ ታኒ ኢያን ዳዕይሰ። ኢ ዳር አይፊ አይፋና። ታ ባይና ሂንቴ ፃላላ አይኮካ ኦላናው ዳንዳዕኬታ።

6 ታናን ዳና ኡራይ ታሹዳ ካሬን ዬጊቲዲ ሜላና። ሄሳ ሜላ ታሹቲ ሽቁዲ ታማን ዬጌታና፣ ፀጌታና።

7 ሂንቴ ታናን ዳዕኮ፣ ታ ቃላይካ ሂንቴናን ዳዕኮ፣ ሂንቴ ኮያባይ አይባ ገዲኮካ ዋሲቴ፤ ሂንቴ ኤካና።

8 ሂንቴ ዳር አይፊ አይፊያ ታ ታማሬ ገዲኮ፣ ሄሳን ታ አዋይ ቦንቼታና።

9 አዋይ ታና ደሴይሳዳ ታኒካ ሂንቴና ደሳይሰ፤ ታ ሰቁዋን ዳዕቴ።

10 ታኒ ታ አዋ ኪታ ናጋዳ ኢያ ሰቁዋን ዳዕዳይሳዳ ሂንቴካ ታ ኪታ ናጊኮ ታ ሰቁዋን ዳና።

11 «ታ ኡፋይሳይ ሂንቴናን ጊዳና ማላኔ ሂንቴ ኡፋይሳይ ፖሎ ጊዳና ማላ ታኒ ሂንቴው ሄሳ ኦዲስ።

12 ታ ከታይ ሃይሳ፤ ታኒ ሂንቴና ደሲዳይሳዳ ሂንቴካ ኢሶይ ኢሱዋ ደሲቴ።

13 ባ ሸምጥባ ባ ላጊያሰ አሊዲ አሜይሳፊ አዲያ ገታ ሲቆይ ባዋ።

14 ታኒ ሂንቴና ከቲዳባ ኡባ አሊኮ ሂንቴ ደሴቲዳይሳታ።

15 «አይሌይ ባ ጎዳይ ኦሊያባ ኤርና ገሾ ታኒ ሂንቴና ሂዛፔ ጉዬ አይሌታ ገኬ። ሸን ታ አዋፔ ሲዲዳ ኡባ ታኒ ሂንቴው ኦዲዳ ገሾ ሂንቴና ደሴቲዳይሳታ ጋሰ።

16 ታኒ ሂንቴና ደራሲፔ አቲን ሂንቴ ታና ደሪቤኬታ። ሂንቴ ቢዲ ቆዮና አይፌ አይፋና ማላ ታኒ ሂንቴና ሹማሰ። ያኒኮ ታ አዋይ ሂንቴ ታ ሱንላን ዋሲዳባ ኡባ አማና።

17 ታ ከታይ ሃይሳ፤ ኢሶይ ኢሱዋ ደሲቴ።

ዩሱሲ አላሜይ ኢፃናይሳ ኦዲስ

18 «አላሜይ ሂንቴና ኢፃኮ ኮይርቲዲ ታና ኢፃዳይሳ አኬከቴ።

19 ሂንቴ አላሜይባ ጊዲያኮ አላሜይ ባባዳ ሂንቴና ደሳና። ሸን ታኒ ሂንቴና አላሜፔ ደሪዳ ገሾኔ ሂንቴ አላሜይባ ጊዳና ገሾ አላሜይ ሂንቴና ኢፃሰ።

20 «አይሌይ ባ ጎዳፔ አዴና» ጋዳ ታኒ ሂንቴው ኦዲዳይሳ አኬከቴ። ኤንቲ ታና ጎዲዳባ ጊዲኮ ሂንቴናካ ጎዳና። ኤንቲ ታ ቃላ ናጊዳባ ጊዲኮ ሂንቴ ቃላካ ናጋና።

21 ሸን ኤንቲ ታና ከቲዳይሳ ኤርና ገሾ ሃ ኡባ ታ ጋሶን ሂንቴ ቦላ ኦላና።

22 ታኒ ያዳ ኦዲናባ ጊዲያኮ ኤንታው ናጋራ ጊዳና። ሸን ሃዲ ኤንቲ ኦሊዳ ናጋራሰ ጋሶንባይ ባዋ።

23 ታና ኢፃይሲ ታ አዋካ ኢፃሰ።

24 ኦኒካ ኦሊቦና ኦሶ ታ ኤንታ ጊደን ኦላቦናባ ጊዲያኮ ኤንታው ናጋራ ጊዳና አታና። ሸን ሃዲ ኤንቲ ታኒ ኦሊዳ ኦሶዋ ቤዲዲ ታናካ ታ አዋካ ኢፃደሶና።

25 ሸን ኤንታ ሂጊያን፣ «ታና ጮ ኢፃደሶና» ጌቲቲዲ ፃፊቲዳይሲ ፖሌታና ማላ ሄሲ ሃኒሰ።

26 «አዋፔ ያ ቱማ ቆንጨሲያ አያና ታ ሂንቴው ከታና። ኢ ሂንቴና ሚንጮላና፣ ታባ ማርካታና።

27 ሂንቴካ ኮይርፔ ደሚዲ ታራ ዳዲያ ገሾ ታባ ማርካታና።

16

1 «ታኒ ሄሳ ሂንቴ አማኖይ ቆዮና ማላ ሂንቴው ኦዲስ።

2 ኤንቲ ሂንቴና አይሁዴ ዋሳ ከላታፔ ኬሲ ዩዳና። ሃሳዳካ፣ ሂንቴና ዋዲያ ኦኒካ ያሲ ኮያባ ኦሊያ ዳኒያ ዋይይ ያና።

3 ኤንቲ ሄሳ ሂንቴ ቦላ ኦሊይ ታና ዋይኮ አዋ ኤርና ገሾላ።

4 ሸን ኤንቲ ሄሳ ሂንቴ ቦላ ኦሊያ ዋይይ ጋኪያ ዋይ ታኒ ሂንቴው ኦዲዳይሳ ሂንቴ አኬካና ማላ ታኒ ሂንቴው ሃይሳ ኦዲስ።

ጌሻ አያና ኦሶዋ

«ሲንላታዳ ታኒ ሃይሳ ሂንቴው ኦዲና ጋምዲዳይ ታ ሂንቴራ ዳዲያ ገሾላ።

5 ሸን ሃዲ ታኒ ታና ከቲዳይሳኮ ባይሰ፤ ሂንቴፊ ኦኒካ፣ «አጢ ባይ?» ጊዲ ታና ኦይቼይ ባዋ።

6 ሸን ታኒ ሄሳ ኦዲዳ ገሾ ሂንቴ ዋዛናን ዳር አዛኖይ ዳዲስ።

7 ሸን ታኒ ሂንቴው ቱማ ኦዲይሰ፤ ታኒ ቢኮ ሂንቴው ሎዎ። አይሰ ገኮ፣ ታኒ ቦና ኢፃኮ ሚንጮይሲ ሂንቴኮ ዩና። ሸን ታኒ ቢኮ ኢያ ሂንቴኮ ዩዳና።

8 ሚንጮይሲ ዩዳ፣ ናጋራባ፣ ፂሎቴላባኔ ፐርዳባ ሃ አላሜይ አሳ ኤሪሳና።

9 ናጋራባይ፣ አሳይ ታና አማኖና ገሾላ።

10 ፂሎቴላባይ፣ ታኒ አዋኮ ቢያ ገሾኔ ሂንቴ ታና ዛሪ ቤዎና ገሾላ።

11 ፐርዳባይ፣ ቃሲ አላሜይ ሃሬይሲ ፐርዳታዳ ገሾላ።

12 «ታኒ ሂንቴው ኦዲያባይ ዳርባይ ዳዲስ። ሸን ሃዲ ሂንቴው ጌሌና።

13 ቱማ አያናይ ያ ዋይ ሂንቴና ቱማቴላ ኡባኮ ካሌላና። ኢ ሲዲዳባ ኦዲሲፔ አቲን ባፔ አይቢባካ ኦዲና። ቃሲ ሲንላፊ ያናባ ሂንቴው ኢ ኦዲና።

14 ኢ ታው ዳዲይሳፊ ኤኪዲ ሂንቴው ኦዲያ ገሾ ኢ ታና ቦንቻና።

15 አዋሰ ዳዲያባ ኡባይ ታባ፤ «ሚንጮይሲ ታው ዳዲይሳፊ ኤኪዲ ሂንቴው ኦዲና» ታኒ ገዳይ ሄሳሳ።

ሂንቴ አዛኖይ ኡፋይሳን ላሜታና

16 «ጉላ ዋይፔ ጉዬ ታና ቤዴኬታ፤ ቃሲ ጉላ ዋይፔ ጉዬ ሂንቴ ታና ቤዴና» ያገሰ።

17 ኢያ ታማራታፔ ኢሶቲ ኢሶቲ ባንታ ገደን፣ «ጉላ ዋይፔ ጉዬ ሂንቴ ታና ቤዴኬታ፤ ቃሲ ጉላ ዋይፔ ጉዬ ሂንቴ ታና ቤዴና፤ ቃሲካ ታኒ አዋኮ ባይሰ ጉሳይ ዋይ ጉሴ?» ያገደሶና።

18 «ጉላ ዋይፔ ጉዬ ጌይሲ ዋይ ጉሴ? ኢ አይ ኦዲቴያኮ ኮሰ ኤሬቴና» ያገደሶና።

19 ኤንቲ ባና ኦይቻናው ኮይይሳ ዩሱሲ ኤሪዲ፣ «ታኒ፣ ጉላ ዋይፔ ጉዬ ታና ቤዴኬታ፤ ቃሲ ጉላ ዋይፔ ጉዬ ሂንቴ ታና ቤዴና» ገዳይሳሰ ሂንቴ ኢሶይ ኢሱዋ ኦይቼቲ?

20 ታኒ ሂንቴው ቱማ ኦዲይሰ፤ ሂንቴ ዩካናኔ አፋፃና፣ ሸን ሃ አላሜይ ኡፋይታና። ሃዲ ሂንቴ አዛኖና፣ ሸን ሂንቴ አዛኖይ ኡፋይሳን ላሜታና።

21 ኢሲ ማጫሲያ ናባ ዩላና ሃኒያ ዋይ ባ ዩሎ ዋይይ ጋኪዳ ገሾ ሃርጋዉሱ። ሸን ናባ ዩሊዳፔ ጉዬ ናባ ሃ አላሜይን ዩሎቴዳ ኡፋይሳ ገሾ ባ ኡንባ ደጋዉሱ።

22 ሄሳዳካ፣ ሂንቴካ ሂንቴ ዋዛናን አዛኔታ፣ ሸን ታኒ ሂንቴና ዛራዳ ቤዴና። ሂንቴ ዋዛናይ ዳር ኡፋይታና፤ ሄ ኡፋይሳ ኦኒካ ሂንቴፊ ኤኬና።

23 «ሄ ጋላስ ሂንቲ ታና አይቢባካ ዋሴኬታ። ታኒ ሂንቲው ቱማ ኦዲይሰ፤ ሂንቲ ታ ሱንገላን ዋሴያባ ኡባ አዋይ ሂንቲው አማና።
 24 ሃላ ጋካናው ታ ሱንገላን አይቢባካ ዋሴኬኬታ። ሂንቲ ኡፋይሳይ ፖሎ ጊዳና ማላ ያሳ ዋሴቲ፤ ሂንቲ ኤካና።
 25 «ታኒ ሃላ ጋካናው ሂንቲው ለሚሶን ኦዲሰ። ሂንቲ ታኒ ለሚሶን ኦዲና ዋይይ ያና። ሺን አዋባ ታኒ ሂንቲው ቆንጩን ኦዲና።
 26 ሄ ጋላስ ሂንቲ ታ ሱንገላን አዋ ዋሳና፤ ሂንቲ ጊሾ ታኒ አዋ ዋሴኬ።
 27 አይሰ ጊኮ፣ አዋይ ባ ሁዔን ሂንቲና ደሴሰ። ሂንቲ ታና ደሴያ ጊሾኔ ታኒ አዋ ማታፔ ዩዳይሳ አማኒዳ ጊሾ ኢ ሂንቲና ደሴሰ።
 28 ታኒ አዋ ማታፔ ሃ አላሚያ ያሰ፤ ቃሲ አላሚያ አጋዳ አዋኮ ባና» ያጊሰ።
 29 ኢያ ታማሬቲ ዛሪዲ፣ «ሄኮ፣ ሃላ ኔኒ ቆንጩን ኦዲሳ፤ ለሚሶን አይኮካ ኦዲካ።
 30 ኔኒ ኡባባ ኤሪይሳ ኔኒ ሃላ ኤሮሰ፤ ቃሲ ኔና ኦኒካ ኦይቻና ማላ ኔኒ ኮያካ። ሂሲ ኦና ኔኒ ያሳፊ ኪቲቲዳይሳ አማንጮሰ» ያጊደሰና።
 31 ያቲን፣ ዩሱሲ ዛሪዲ ኤንታኮ፣ «ሃላ አማኔቲ?
 32 ሄኮ፣ ሂንቲ፣ ሂንቲ ሶ ሂንቲ ሶ ላሌቲያ ዋይይኔ ታ ያላላ ዩጊ አጊዲ ባቃቲያ ዋይይ ያና፤ ሃላካ ዩኪቹሰ። ሺን አዋይ ታራ ዳላያ ጊሾ ታ ታ ያላላ ጊዲኬ።
 33 ሂንቲ ታራ ዳላያ ሳሮይ ሂንቲው ዳና ማላ ታኒ ሃሳ ኦዲሰ። አላሚን ዳላያ ሂንቲ ዋይታና። ሺን ማኒቲ፤ ታኒ አላሚያ ያናሰ» ያጊሰ።

17

ዩሱሳ ዋሳ
 1 ዩሱሲ ሂሳ ኦዲዳፔ ጉዬ ፑዳ ሳሎ ያሊዲ፣ ሃይሳዳ ያጊሰ። «አዋው፣ ሳቲይ ጋኪሰ፤ ኔ ናዓይ ኔና ቦንቻና ማላ ኔኒ ኔ ናዓ ቦንቻ።
 2 ኔኒ ኢያው አሚዳ ኡባሰ ኢ ማሪና ዳዑዋ አማና ማላ አሳ ኡባ ቦላ ኢያው ማታ አማዳሳ።
 3 ማሪና ዳዖይ፣ ኔና፣ ኢሲ ቱማ ያሳኔ ኔ ኪቲዳ ዩሱሰ ኪሪሰቶሳ ኤሮ።
 4 ኔኒ ታ ኦላና ማላ አሚዳ ኦሱዋ ፖላዳ ኔና ሳዓን ቦንቻሰ።
 5 ሃላካ፣ አዋው፣ አላሚይ ማዴታናፔ ሲንጮ ኔ ማታን ታው ዳላያ ቦንቹዋን ታና ቦንቻ።
 6 «አላሚያ አሳፔ ኔኒ ታው አሚዳይሳታ ኔና ኤሪሳሰ። ኤንቲ ኔይሳታ፤ ኔኒ ኤንታ ታው አማዳሳ። ኤንቲ ኔ ቃላሰካ ኪቲቲደሰና።
 7 ኔኒ ታው አሚዳ ኡባባይ ኔፔ ዩዳይሳ ኤንቲ ሃላ ኤሮሰና።
 8 ኔኒ ታው አሚዳ ቃላ ታኒ ኤንታው አማሰ፤ ኤንቲካ ሄ ቃላ ኤኪደሰና። ታኒ ኔ ማታፔ ዩዳይሰ ቱማ ጊዳይሳ ኤሪዲ ኔኒ ታና ኪቲዳይሳካ አማኒደሰና።
 9 «ታኒ ኤንታው ዋሳይሰ። ኤንቲ ኔይሳታ ጊዲያ ጊሾ ኔኒ ታው አሚዳ አሳሰ ዋሳይሰፔ ኣቲን አላሚያሰ ዋሴኬ።
 10 ታው ዳላያ ኡባባይ ኔባ፤ ኔው ዳላያ ኡባይካ ታባ። ታኒ ኤንታ ባጋራ ቦንቹታሰ።

11 ታኒ ሂንቲ ጉዬ አላሚን ዳላኬ፤ ኤንቲ አላሚን ዳዖሰና። ታኒ ሃላ ኔኮ ባይሰ። ጌሻ አዋው፣ ሃ ኔኒ ታው አሚዳይሳቲ ኔራኔ ታራ ኢሲኖ ጊዲዳይሳዳ ኤንቲ ኢሲኖ ጊዳና ማላ ኤንታ ኔ ታው አሚዳ ኔ ሱንገላን ናጋ።
 12 ታኒ ኤንታራ ሳዓን ዳላኬ፣ ኔ ታው አሚዳ ኔ ሱንገላ ዋልቃን ኤንታ ናጋሰ። ጌሻ ማፃፋይ ጊዳይሰ ፖሎታና ማላ ቆዮይ ቤሲያ ኡራፔ ኣቲን ኤንታፊ ሃሪ ኦኒካ ቆዩቤና።
 13 «ሃላ ታኒ ኔኮ ባይሰ። ታ ኡፋይሳይ ኤንታ ዋዛናን ፖሎ ጊዳና ማላ ሃይሳ ታኒ አላሚን ዳላኬ ኦዲይሰ።
 14 ታኒ ኤንታው ኔ ቃላ አማሰ። ታኒ አላሚፔ ጊዳናይሳዳ፣ ኤንቲካ አላሚፔ ጊዳና ጊሾ አላሚይ ኤንታ ኢዲሰ።
 15 ኔኒ ያላሄፔ ኤንታ ናጋና ማላፔ ኣቲን አላሚፔ ኬሳና ማላ ዋሴኬ።
 16 ታኒ አላሚፔ ጊዳናይሳዳ ኤንቲካ አላሚፔ ጊደኮና።
 17 ኔኒ ኔ ቱማቲላን ኤንታ ኔባ ኦላ፤ ኔ ቃላይካ ቱማ።
 18 ኔኒ ታና አላሚያ ኪቲዳይሳዳ ታኒካ ኤንታ አላሚያ ኪታሰ።
 19 ቃሲ ኤንቲ ቱማ ኔባ ጊዳና ማላ ኤንታ ጊሾ ታኒ ታ ሁዒያ ኔው አማይሰ።
 20 «ታኒ ኤንታ ያላላሰ ጊዳናሺን ኤንቲ ቃላ ኦዲን፣ ታና አማናይሳታሰካ ዋሳይሰ።
 21 ኤንቲ ኡባይ ኢሲኖ ጊዳና ማላ ታኒ ዋሳይሰ። አዋው፣ ኔ ታናን ዳላይሳዳ፣ ቃሲ ታ ኔናን ዳላይሳዳ ኤንቲ ኦናን ዳና ማላ ዋሳይሰ። ሄ ዋይ ኔኒ ታና ኪቲዳይሳ አላሚይ አማናና።
 22 ኔኒኔ ታኒ ኢሲኖ ጊዳይሳዳ፣ ኤንቲ ኢሲኖ ጊዳና ማላ፣ ኔኒ ታና ቦንቹዳይሳዳ፣ ታኒካ ኤንታ ቦንቻሰ።
 23 ታኒ ኤንታን፣ ኔኒ ታናን ዳላይሳዳ ኤንቲ ፖሎ ኢሲኖ ጊዳና ማላ ኔና ዋሳይሰ። ሄሲካ፣ ኔ ታና ኪቲዳይሳኔ ኔ ታና ደሴዳ ደሱዋን ኤንታ ደሴዳይሳ አላሚይ ኤራን ማላሳ።
 24 «አዋው፣ ኔኒ ታው አሚዳይሳቲ ታኒ ዳላይሰኩዋን ታራ ዳና ማላ ኮያይሰ። አላሚይ ማዴታናፔ ሲንጮ ኔኒ ታና ደሴዳ ጊሾ ታው አሚዳ ታ ቦንቹዋ ኤንቲ ቤዓና።
 25 «ጌሻ አዋው፣ አላሚይ ኔና ኤሪና፣ ሺን ታኒ ኤራይሰ። ቃሲ ኔኒ ታና ኪቲዳይሳ ሃይሳቲ ኤሮሰና።
 26 ኔኒ ታና ሲቁዳ ሲቆይ ኤንታናን ዳና ማላ፣ ቃሲ ታኒ ኤንታናን ጊዳና ማላ፣ ታኒ ኔ ሱንገላ ኤንታ ኤሪሳሰ፤ ሲንገላሰካ ኤሪሳና» ያጊሰ።

18

ዩሱሳ አይኬቲፋ
 (ማቶ 26:47-56፤ ማር 14:43-50፤ ሉቃ 22:47-53)
 1 ዩሱሲ ዋሳ ኦንጊዳፔ ጉዬ ባ ታማሬታራ ቁዲሮና ዛንጋራ ፒኒዲ፣ ሄ ቤሳን ዳላያ አታኪልቲያ ጊደ ጌሊደሰና።
 2 ዩሱሲ ኡባ ዋይ ባ ታማሬታራ ያን ሸቂያ ጊሾ ዩሱሳ አላ አሚዳ ዩሁዲ ሄ ቤሳ ኤሪሰ።

17:12 ማዝ 41:9፤ የሃ 13:18

3 ሃላ ገሾ፡ ዩሁዲ ፓኖሴ፡ ያምፔ፡ ቶራኔ ጎንዳሌ ኦይኪዳ ዳሮ ዋታዳሬታ፡ ካሂኔ ሃላቃቲኔ ፋሪሳዊቲ ከቲዳ ያሳ ከፋ ናጊያ ፖሊሴታ ካሌሌ ኤኪዲ፡ ሄ ቤሳ ቢሰ።

4 ዩሱሲ ባና ጋካና ሃኒያባ ኡባ ኤሪዲ፡ ጋፃ ከዩዲ፡ «ኦና ኮዬቲ?» ያገሰ።

5 ኤንቲ ዛሪዲ፡ «ናዚሬቲ ዩሱሳ ኮዮሰ» ያገደሰና።

ኢ ዛሪዲ፡ «ታኒ ዩሱሳ» ያገሰ።
ዩሱሳ አላ ኢሚዳ ዩሁዲ ያን ኤንታራ ኤቁሰ።

6 ኢ፡ «ታኒ ዩሱሳ» ገዳ ዋዴ ኤንቲ ጉዩ ሸቂዲ፡ ሳባን ኩንዲደሶና።

7 ዩሱሲ ቃሲካ፡ «ኦና ኮዬቲ?» ያገዲ ኦይቸሰ።

ኤንቲ፡ «ናዚሬቲ ዩሱሳ ኮዮሰ» ያገደሰና።

8 ኢ ዛሪዲ፡ «ታኒ ዩሱሳ ገዴይሳ ሂንቲው ኦዳሰ። ሂዛ፡ ሂንቲ ታና ኮያባ ገዲኮ ሃይሳታ ዩዲቲ» ያገሰ።

9 ኢ ሃሳ ገዳይ፡ «አዋው፡ ኔኒ ታው ኢሚዳይሳታፔ ሃሪ ኣቶሺን ኢሱዋካ ቆይሳቢኬ» ገዳይሲ ፖሊታና ማላሳ።

10 ሲሞን ጳዳርሳሰ ማሺ ዳዔሰ። ኢ ሄ ማሻ ሾዲዲ ካሂኔ ሃላቃ ኣይሊያሰ ኡሻቻ ሃይላ ሾጪዲ፡ ቃንዲ ዩገሰ። ሄ ኣይሊያ ሱንላይ ማልኮሳ።

11 ዩሱሲ ጳዳርሳኮ፡ «ኔ ማሻ ሾሁዋን ዛራ። ታ አዋይ ታው ኢሚዳ ፀ-ዓፔ ታኒ ኡዮናባ ኔው ዳኒ?» ያገሰ።

ዩሱሲ ሃና ሲንጼ ሸቂሳ
(ማቶ 26:57-58፤ ማር 14:53-54፤ ሉቃ 22:54)

12 ሮሜ ዋታዳሬቲኔ ኤንታ ሃላቃይ ያሳ ከፋ ናጊያ ፖሊሴታራ ኢሲፌ ዩሱሳ ኦይኪዲ ቃቸደሶና።

13 ኮይሮ ዩሱሳ ሃናኮ ኤፊደሶና። ሃኒ ሄ ላይሌ ካሂኔ ሃላቃ ገዲያ ቃያፋ ቦሎ።

14 ቃያፊ፡ «አሳ ኡባ ገሾ ኢሲ አሲ ሃይቁኮ ሎዎ» ገዲ ካሴ ኣይሁዴታ ዘሪዳይሳ።

ጳዳርሲ ዩሱሳ ካዲሰ
(ማቶ 26:69-70፤ ማር 14:66-68፤ ሉቃ 22:55-57)

15 ሲሞን ጳዳርሲኔ ሃራ ኢሲ ታማሪይ ዩሱሳ ካሊዲ ቢደሶና። ካሂኔ ሃላቃይ ሄ ሃራ ታማሪያ ሎይሌ ኤሬሰ። ሃሳ ገሾ፡ ኢ ዩሱሳራ ካሂኔ ሃላቃ ዘባ ገሊሰ።

16 ሺን ጳዳርሲ ካሪራ ዲርሳ ፔንጌን ኤቁሰ። ካሂኔ ሃላቃይ ኤሪያ ሃራ ታማሪይ ካሪ ከዩዲ፡ ፔንጌያ ናጊያ ናዔሰ ኦዲዲ፡ ጳዳርሳ ጋላ ገልሰሰ።

17 ፔንጌያ ናጊያ ናዲያ ጳዳርሳኮ፡ «ኔኒ፡ ሄ ኣዲያ ታማሪታፔ ኢሱዋ ገዲኪ?» ያጋሱ።

ጳዳርሲ ዛሪዲ፡ «አካይ፡ ታኒ ገዲኬ» ያገሰ።

18 ሳባይ ማጊያ ገሾ ኣይሌቲኔ ናጌይሳቲ ያፋ ታማ ኤሊዲ፡ ዩዩ ኣቋ ኤቁዲ ካዮሶና። ጳዳርሲካ ኤንታራ ኤቁዲ ታማ ካዩሰ።

ካሂኔ ሃላቃይ ዩሱሳ ኦይቸሰ
(ማቶ 26:59-66፤ ማር 14:55-64፤ ሉቃ 22:66-71)

19 ካሂኔ ሃላቃይ ዩሱሳ፡ ኢያ ታማሪታባኔ ኢያ ቲሚርቲያባ ኦይቸሰ።

20 ዩሱሲ ዛሪዲ፡ «ታኒ ኣሳ ኡባሰ ቆንጩን ኦዳሰ። ታኒ ኣይሁዴ ኡባይ ሸቂያ ኣይሁዴ ዋሳ ከፋኒኔ ያሳ ከፋን ኡባ ዋዴ ታማርሳሰ። ጌማን ኣይኮካ ኦዳቢኬ።

21 ያቲን፡ ኔኒ ታና ኣይሰ ኦይቻይ? ታ ኦዲሺን ሲዲዳ ኣሳ ኦይቻ። ሄ ኣሳይ ታኒ ኦዲዲዳይሳ ኤርሶና» ያገሰ።

22 ዩሱሲ ሃሳ ገዳ ዋዴ ሄ ቤሳን ኤቁዳ ዋታዳሬታፔ ኢሶይ ዩሱሳ ባቂዲ፡ «ካሂኔ ሃላቃሰ ሃይሳዳ ዛሪይ?» ያገሰ።

23 ዩሱሲ ዛሪዲ፡ «ታኒ ኢታባ ኦዲዳባ ገዲኮ ሃይሳን ዳዲያ ኣሳ ኡባ ሲንፋን ኦዳ። ሺን ታኒ ቲማ ኦዲዳባ ገዲኮ ታና ኣይሰ ባቃይ?» ያገሰ።

24 ሃሳ ገሾ፡ ሃኒ፡ ዩሱሲ ቃሸቲዳ ማላ ካሂኔ ሃላቃ ቃያፋኮ ዩዲሰ።

ጳዳርሲ ዩሱሳ ዛሪ ካዲሰ
(ማቶ 26:71-75፤ ማር 14:69-72፤ ሉቃ 22:58-62)

25 ጳዳርሲ ያን ኤቁዲ፡ ታማ ካዩሺን፡ ሃራቲ ኢያኮ፡ «ኔኒ ሃ ኣዲያ ታማሪታፔ ኢሱዋ ገዲኪ?» ያገሰ።

ጳዳርሲ ዛሪዲ፡ «አካይ፡ ታኒ ገዲኬ» ያገዲ ካዲሰ።

26 ካሂኔ ሃላቃ ኣይሌታፔ ኢሶይ፡ ጳዳርሲ ሃይላ ቃንዲዳ ኣዲያ ዳቦይ፡ ጳዳርሳኮ፡ «ታኒ ኔና ኢያራ ኣታኪልቲያ ገደን ቤዓቢኪና?» ያገዲ ኦይቸሰ።

27 ጳዳርሲ ቃሲካ ካዲሰ። ሶሁዋራ ኩቶይ ዋሲ ኣገሰ።

ዩሱሲ ጲላዳሳ ሲንፋን
(ማቶ 27:1-2፤ 11-14፤ ማር 15:1-5፤ ሉቃ 23:1-5)

28 ዋንታ ጉራ፡ ኤንቲ ዩሱሳ ቃያፋ ሶፔ ዳሪያ ሃሪይሳ ኦሶ ከሌ ኤፊደሶና። ኣይሁዴቲ ፓሲካ ባሌ ካላ ማናው ባንታና ቱኒሶና ማላ ዳሪያ ሃሪይሳ ኦሶ ከፋ ገሊሶኮና።

29 ሃሳ ገሾ፡ ጲላዳሳ ኤንታኮ ካሪ ከዩዲ፡ «ሃ ኣዲያ ኣይሰ ሞቲቲ?» ያገሰ።

30 ኤንቲ፡ «ኢ ኢታ ኦሶናባ ገዲያኮ ኦኒ ኢያ ኔኮ ኤሆኮ» ያገደሰና።

31 ጲላዳሳ ዛሪዲ፡ «ሂንቲ ኢያ ኤኪ ኤፊዲ፡ ሂንቲ ሂጌይ ጌይሳዳ ኢያ ቦላ ፐርዲቲ» ያገሰ። ኣይሁዴቲ፡ «ኦናካ ዋቋያ ማቲ ኦሰ ባዋ» ያገደሰና።

32 ሄሲ ሃኒዳይ ዩሱሲ ኣይ ማላ ሃይቆ ሃይቃኔኮ ኤሪሳናው ኦዲዳይሲ ፖሊታናሳ።

33 ጲላዳሳ ባ ኦሶ ከፋ ዛሪ ገሊዲ፡ ዩሱሳ ጻገዲ፡ «ኔኒ ኣይሁዴ ካዋ?» ያገዲ ኦይቸሰ።

34 ዩሱሲ ጲላዳሳ፡ «ሃ ኦይቫ ኔኒ ኔፔ ኦይቻዩ ዋይኮ ሃራ ኣሲ ኔው ታባ ኦዲዳ?» ያገሰ።

35 ጲላዎሲ ዛሬዲ፡ «ታ አይሁዳ አሴ? ኔ አሳይኔ ካሂኔ ሃላቃቲ ኔና ታው አሌ አሚደሶና። ኔ አይ አላዲ?» ያገሰ።

36 ዬሱሲ፡ «ታ ካዎቲላይ ሃ አላሚያና ገዴና። ኢ ሃይሳን ገዲያኮ ታ አይሁዳታ ሃላቃታሰ አቆ አሚቶና ማላ ታ አይሌቲ ታው ኦሌታና። ሺን ታ ካዎቲላይ ሃ አላሚያና ገዴና» ያገሰ።

37 ሄሳ ገሾ፡ ጲላዎሲ ዬሱሳኮ፡ «ያቲን፡ ኔ ካዎቲ?» ያገዲ ኦይቺሰ።

ዬሱሲ ዛሬዲ፡ «ቱማ ታ ካዎ ገዴይሳ ኔ ገዴሳ። ታኒ ዬሌቲዳይኔ ሃ አላሚያ ዬዳይ ቱማቲላሰ ማርካታናሳ። ቱማ ባጋ ገዲዳ ኦኒካ ታኒ ጌይሳ ሰዔሰ» ያገሰ።

38 ጲላዎሲ፡ «ቱሚ አይቤ?» ያገሰ።

ጲላዎሲ ሄሳ ገዴ፤ ገዬ አይሁዳታኮ ካሬ ከዬዲ፡ «ታኒ ኢያፔ አይ ኢታካ ዳማቢኬ።

39 ሺን ፓሲካ ባሌ ጋላሰ፡ ኢሲ አሴ ሂንቴው ቃሾ፤ ቢሊያ ማዜይ ዳዔሰ። ታኒ ሂንቴው አይሁዳታ ካወቀ ቢላና ማላ ኮይቲ?» ያገሰ።

40 ኤንቲ ዛሬዲ፡ ባንታ ቃላ ቆቁ ኦሊዲ፡ «ባርባና ቢላፊ ኦቲን ኢያ ገዴና» ያገደሶና። ሺን ባርባኒ ፓንጋ።

19

ዎታዳሬቲ ዬሱሳ ቶቺደሶና (ማቶ 27:27-32፤ ማር 15:15-21)

1 ሄሳፊ ገዬ፡ ጲላዎሲ ዬሱሳ ጋራፊሲሰ።

2 ዎታዳሬቲ አጉንላ ካላቻ ማዲዲ ኢያ ሁዔን ዎሊደሶና። ቃሲ ዘዎ ማዎ ኢያ ማይዚደሶና።

3 ኢያኮ ሸቂዲ፡ «አይሁዳ ካወቀው፡ ማሪናው ካዎታ» ያገዲ ኢያ ባቂደሶና።

4 ጲላዎሲ ቃሲካ ካሬ ከዬዲ፡ አይሁዳታኮ፡ «ሂኮ፡ ታኒ ኢያፔ አይ ኢታካ ዳማቦናይሳ ሂንቴ ኤራና ማላ ኢያ ሂንቴኮ ካሬ ከሳና» ያገሰ።

5 ሄሳፊ ገዬ፡ ዬሱሲ አጉንላ ካላቻ ባ ሁዔን ዎሊዲ፡ ዘዎ ማዎ ማዲዲ፡ ካሬ ከዬሰ። ጲላዎሲ አይሁዳታኮ፡ «ኡራ ሃይሳ ቤዒቲ» ያገሰ።

6 ካሂኔ ሃላቃቲኔ ያሳ ከላ ናጌይሳቲ ኢያ ቤዒዳ ዎዳ ባንታ ቃላ ቆቁ ኦሊዲ፡ «ማሰቃሊያ ቦላ ካቃ! ካቃ!» ያገደሶና።

ጲላዎሲ ኤንታኮ፡ «ሂንቴ ኢያ ኤፊዲ፡ ማሰቃሊያ ቦላ ካቂቲ። ታኒ ኢያፔ አይ ኢታካ ዳማቢኬ» ያገሰ።

7 አይሁዳቲ ዛሬዲ፡ «ኦሰ ሂጌይ ዳዔሰ። ኢ ባና ያሳ ናዓ ኦሊዲ ገሾ ኦ ሂጌያላ ኢ ሃይቃናው ቤሴሰ» ያገደሶና።

8 ጲላዎሲ ሄሳ ሰዒዳ ዎዳ ካሴይሳፊ ዳር ያዩሰ።

9 ቃሲካ ጲላዎሲ ባ ኦሶ ከሌ ሰሚ ጌሊዲ ዬሱሳኮ፡ «ኔኒ አወፔ ያዲ?» ያገዲ ኦይቺሰ። ሺን ዬሱሲ ኢያው አይኮካ ዛሬቤና።

10 ሄሳ ገሾ፡ ጲላዎሲ፡ «ታው ኦዲኪ? ኔና ቢላናው ዎይኮ ማሰቃሊያ ቦላ ካቃናው ታው ማቲ ዳዔይሳ ኤሪኪ?» ያገሰ።

11 ዬሱሲ፡ «ያሳይ ኔው ማታ አሚቦናባ ገዲያኮ ታ ቦላ ማቲ ኔው ዳናሺን። ሄሳ ገሾ፡ ታና ኔው አሌ አሚዳይሰ አዲያ ናጋራ ኦሊሰ» ያገሰ።

ዬሱሳ ቦላ ሃይቆ ፐርዲደሶና (ማቶ 27:15-31፤ ማር 15:6-20፤ ሉቃ 23:13-25)

12 ጲላዎሲ ሄሳ ሰዒዳ ዎዳ ዬሱሳ ቢላናው ኦጌ ኮዩሰ። ሺን አይሁዳቲ ባንታ ቃላ ቆቁ ኦሊዲ፡ «ኔኒ ኢያ ቢሊያባ ገዲኮ ካወቀ ቁሳሬ ባጋ ገዴካ። ባና ካዎ ገያ ኦኒካ ቁሳሬ ሞርኬ» ያገደሶና።

13 ጲላዎሲ ሄሳ ሰዒዳ ዬሱሳ ካሬ ከሲሰ። ያቲዲ፡ «ሎቼ ሹቺ» ገያሶን ፐርዳ ኦይዲያን ኡቲሰ። ኢብራይሰዔ ቃላን ሄ ቤሳይ «ጋባታ» ጉሱ።

14 ሄ ጋላሳይ ፓሲካ ባሌ ቦንቻናው ገጌቲላ ጋላሰ። ሄ ዎዳ ሳዒ ኡሱቸን ሳቲ ሄራ። ጲላዎሲ አይሁዳታኮ፡ «ሂንቴ ካወቀ ሃይሳ ቤዒቲ» ያገሰ።

15 አይሁዳቲ ባንታ ቃላ ቆቁ ኦሊዲ፡ «ዲጋ! ዲጋ! ማሰቃሊያ ቦላ ካቃ» ያገደሶና።

ጲላዎሲ ዛሬዲ፡ «ሂንቴ ካወቀ ታኒ ማሰቃሊያ ቦላ ካቃናይሳ ኮይቲ?» ያገዲ ኦይቺሰ።

ካሂኔ ሃላቃቲ፡ «ቁሳሬፔ ሃራ ካዎይ ኦሰ ባዎ» ያገደሶና።

16 ሄሳፊ ገዬ፡ ኤንቲ ዬሱሳ ማሰቃሊያ ቦላ ካቃና ማላ ጲላዎሲ ኤንታው አሌ አሚሰ።

ዬሱሲ ካቂቲሰ (ማቶ 27:32-44፤ ማር 15:21-32፤ ሉቃ 23:26-43)

ኤንቲ ዬሱሳ ኦይኪዲ ኤፊደሶና።

17 ዬሱሲ ባ ማሰቃሊያ ቶኪዲ፡ «ሁዔ ጉጌ» ገያ ቤሳ ቢሰ። «ሁዔ ጉጌ» ጉሳይ ኢብራይሰዔ ቃላን «ሳላጎታ» ጉሱ።

18 ኤንቲ ሄ ቤሳን ማሰቃሊያ ቦላ ዬሱሳ ካቂደሶና። ቃሲ ኢያራ ሃራ ናምዑ አሳታ፡ ኢሱዎ ያ ባጋራ ሃንኩዎ ሃ ባጋራ ማሰቃሊያ ቦላ ካቂደሶና።

19 ጲላዎሲ፡ «አይሁዳታ ካወቀ፡ ናዚሬቲ ዬሱሳ» ያገያ ፀፊ ፃፊዲ ማሰቃሊያ ቦላ ዎሊሰ።

20 ዬሱሲ ማሰቃሊያ ቦላ ካቂቲዳ ቤሳይ ካታማሰ ማታን ዳዒያ ገሾ ዳር አይሁዳቲ ሄ ፀፊያ ናባቢደሶና። ፀፊይ ፃፊቲዳይ ኢብራይሰዔ ደናን፡ ላቲኔ ደናኒኔ ገሪኬ ደናና።

21 ሄሳ ገሾ፡ ካሂኔ ሃላቃቲ ጲላዎሳኮ፡ « ሃ አዳይ ባና አይሁዳ ካዎ ያገሰን ጋዳ ፃፋፔ ኦቲን (አይሁዳ ካዎ) ጋዳ ፃፎፓ» ያገደሶና።

22 ያቲን፡ ጲላዎሲ፡ «ታ ፃፊዳይሳ ፃፋሰ» ያገዲ ዛሬሰ።

23 ዎታዳሬቲ ማሰቃሊያ ቦላ ኢያ ካቂዳፔ ገዬ ኢያ ማዕቀ ኤኪዲ፡ አይዲ ቤሳን ሻኪዲ፡ ኢሶ ኢሶ ኤኪደሶና። ዬዳ ማዔቲያ ኢያ አዲሳ ማዕቀ ኤኪደሶና።

24 ዎታዳሬቲ፡ «ኦና ጋካኔኮ፡ ሳማ ዬጋናፔ ኦቲን ማዕቀ ፔዶኮ» ያገደሶና። ሄሲ ሃኒዳይ ጌሻ ማፃፋን፡

«ታ ማዕቀ ሻኪ ኤኪደሶና፤

ታ አዲሳ ማዕቀ ቦላካ ሳማ ዬገደሶና»

ጌቲቲዳይሲ ፖሌታና ማላሳ። ሄሳ ገሾ፡ ዎታዳሬቲ ሄሳ ኦሊደሶና።

25 ሺን ዩሱድ ማስቃሊያ ማታን ኢያ ኢያ፣ ኢያ ኢያ ሚቸያ፣ ቁሊዮጵ ማቸያ ማይራማኔ ማግደላ ማይራማ ኤቂደሶና።

26 ዩሱሲ ባ ኣዩዉኔ ኢ ደሲያ ታማሪይ ያን ኤቂደይሳታ ቤዒዲ፣ ባ ኣዩኮ፣ «ታ ኣዩ፣ ኔ ናዓ ሃይሳ ቤዓ» ያገሰ።

27 ሃሳፌ ጉዩ፣ ሄ ታማሪያኮ፣ «ኔ ኣዩው ሃኖ ቤዓ» ያገሰ። ሄ ታማሪይ ኢዮ ሄ ዋዴፔ ደሚዲ ባራ ደና ማላ ሶ ኤፊሰ።

ዩሱሲ ሃይቂሰ
(ማቶ 27:45-56፤ ማር 15:33-41፤ ሉቃ 23:44-49)

28 ሃሳፌ ጉዩ፣ ዩሱሲ ኡባይ ሃዒ ፖሌቲዲይሳ ኤሪዲ፣ ጌሻ ማፃፋን ፃፊቲዲይሲ ፖሌታና ማላ «ታና ሳሚስ» ያገሰ።

29 ሄ ቤሳን ኢሲ ፀጋ ኩሚሳ ጫላ ዋይኔይ ዴዒስ። ኤንቲ ኢሰፖንጃ ሄ ዋይኔያን ዩገዲ፣ ሂሶጶ ሚሳ ጸራን ዋሊዲ፣ ዩሱሳ ደናኮ ሺሺደሶና።

30 ዩሱሲ ዋይኔያ ጋንፂ ቤዒዲ፣ «ፖሌቲስ» ያገሰ።

ሃሳፌ ጉዩ፣ ባ ሁዒያ ዘቂ ኦሊዲ ባ ሸምፑዋ ኢሚስ።

ዩሱሳ ሚያ ቶራን ጫዲደሶና

31 ሄ ጋላሳይ ገጌቲላ ጋላስ ገዲያ ገሾኔ ዋንቲላ ጋላሳይ ቦንቸ ሳምባታ ገዲያ ገሾ ኣሳታ ኣሃይ ማስቃሊያ ቦላ ሳምባታ ጋላስ ፔያና ሚላ ኤንታ ቶሁዋ ሚንሊዲ፣ ማስቃሊያፔ ዋዲሳና ሚላ ኣይሁዴቲ ጸላያሳ ዋሲደሶና።

32 ሃሳ ገሾ፣ ዋታዳሪቲ ቢዲ፣ ዩሱሳራ ካቂቲዳ ናምቡ ኣሳታ ቶሁዋ ሚንሊዲደሶና።

33 ሺን ዩሱሳኮ ዩዳ ዋዴ ኢ ሃይቂዲይሳ ቤዒዲ፣ ኢያ ቶሁዋ ሚንሊዲደሶና።

34 ሺን ዋታዳሪታፔ ኢሶይ ኢያ ሚያ ቶራን ጫዲን ሶሁዋራ ሱሊኔ ሃሊ ጎገሰ።

35 ሂንቲ ኣማናና ሚላ ሃሳ ቤዒዲይሲ ማርካቲስ። ኢያ ማርካቲላይካ ቱማ። ቃሲ ኢ ኦዴይሲ ቱማ ገዴይሳ ኤፊሰ።

36 ሄሲ ሃኒደይ ጌሻ ማፃፋይ፣ «ኢያ ሚቁላታፔ ኢሶይካ ሚቁና» ገዲይሲ ፖሌታና ሚላሳ።

37 ቃሲካ ጌሻ ማፃፋይ ሃራ ቤሳን፣ «ኤንቲ ባንታ ጫዲዲይሳ ቤዒና» ያገሰ።

ዩሱሲ ሞጌቲስ
(ማቶ 27:57-61፤ ማር 15:42-47፤ ሉቃ 23:50-56)

38 ሃሳፌ ጉዩ፣ ኣርማቲያሳ ካታማፔ ዩዳ ዮሴፊ ዩሱሳ ኣሃ ኤካናው ጸላያሳ ዋሲስ። ዮሴፊ ኣይሁዴታስ ያዩዳ ገሾ ቆሳን ዩሱሳ ካሌይሳ።

ጸላያሲ፣ «ኤካ» ያገሰ። ሃሳ ገሾ፣ ዮሴፊ ቢዲ ዩሱሳ ኣሃ ኤኪስ።

39 ቃሲ ኒቆዲሞሲ፣ ሃይሳፊ ካሴ ዩሱሳኮ ቃማ ዩዲይሲ፣ ካርቤኔ ጎዳራ ኡላራ ዋላኬቲዳ ሃሳታማኔ ኢሲ ኪሎ ገራሚ ገዲያ ሺቶ ኤኪዲ ዮሴፋራ ዩሰ።

40 ሄ ናምቡ ኣሳቲ ዩሱሳ ኣሃ ኤኪዲ፣ ኣይሁዴቲ ኣሃ ፃፂያ ማራን፣ ሺቶራ፣ ሞጎ ኣፊላን ፃፂደሶና።

41 ዩሱሲ ማስቃሊያ ቦላ ካቂቲዳ ቤሳን ዳር ኣታኪልቲይ ዴዒስ። ሄ ኣታኪልቲያ ገዲን ሹቻፊ ዋጩቲዲ ኦሴቲዳ ቡር ኦኒካ ሞጌቲሶና ኦራሳ ዲፎይ ዴዒስ።

42 ሄ ጎንጎሎይ ማታን ዴዒያ ገሾኔ ኣይሁዴቲ ሳምባታስ ገጌቲያ ጋላስ ገዲያ ገሾ ዩሱሳ ኣሃ ያን ሞጌደሶና።

20

ዩሱሲ ሃይቆፔ ዴንዲስ
(ማቶ 28:1-8፤ ማር 16:1-8፤ ሉቃ 24:1-12)

1 ዋጋ ዋዴ ዋንታ ቡር ጌዮና ዴዒሺን፣ ማግደላ ማይራማ፣ ዩሱሲ ሞጌቲዳ ዲፋዋ ባዳ ሹቻይ ሄ ዲፋዋ ደናፔ ዴንዲዲይሳ ቤዒስ።

2 ሰሞን ጳዒርሳኮኔ ዩሱሲ ደሲያ ሃንኮ ታማሪያኮ ዋፃ ባዳ፣ «ዲፋዋፔ ጎዳ ኤፊደሶና፤ ኢያ ኣዉን ዋሊዲኮ ኦ ኤርኮ» ያገሰ።

3 ሃሳ ገሾ፣ ጳዒርሳኮ ሃንኮ ታማሪይ ከዩዲ ዲፋዋ ቢደሶና።

4 ናምባይካ ኢሲፊ ዋዲደሶና፣ ሺን ሃንኮ ታማሪይ ጳዒርሳፔ ኣዲዲ ሲንሳቲዲ ዲፋዋ ጋኪስ።

5 ሄ ታማሪይ ሆኪዲ፣ ሞጎ ኣፊላ ቤዒስ፣ ሺን ዲፋዋን ዋዲቤና።

6 ሰሞን ጳዒርሳኮ ኢያ ካሊ ዩዲ፣ ዲፋዋን ዋዲዲ ሞጎ ኣፊላይ ያን ዴዒይሳ ቤዒስ።

7 ቃሲ ዩሱሳ ሁዒን ፃፂቲዳ ኣፊላይ ፃፂቲዳ ሚላ ደማ ኢሲ ቤሳን ዴዒይሳ ቤዒስ። ሄ ኣፊላይ ደማ ዴዒሲፔ ኣቲን ሞጎ ኣፊላራ ኢሲፊ ዴና።

8 ሄ ዋዴ ሲንሳቲዲ ዲፋዋ ጋኪዳ ሃንኮ ታማሪይ ጌሊ ቤዒዲ ኣማኒስ።

9 ዩሱሲ ሃይቆፔ ዴንዲናው ቤሴይሳ ኦዲያ ጌሻ ማፃፋ ቃላ ኤንቲ ቡር ኣኬኪሶኮና።

10 ሃሳፌ ጉዩ፣ ኢያ ታማሪቲ ባንታ ሶ ሲሚዲ ቢደሶና።

ዩሱሲ ማግደላ ማይራሚስ ቤንቲስ
(ማቶ 28:9-10፤ ማር 16:9-11)

11 ሺን ማይራማ ሄ ዲፋዋ ደናን ኤቃዳ ዩካሽ ሆካዳ ዲፋዋ ገደ ፃላሱ።

12 ቦላ ማፃ ማዒዳ ናምቡ ኪታንቸቲ ዩሱሳ ኣሃይ ዘንዒዳሱዋን ኢሶይ ሁዒሶራ ሃንኮይ ቶሆሶራ ኡቲዳሺን ቤዒስ።

13 ኤንቲ ኢኮ፣ «ማጫሴቲ፣ ኣይስ ዩካይ?» ያገዲ ኦይቸደሶና።

ኢያ፣ «ኤንቲ ታ ጎዳ ኤፊደሶና፤ ኤንቲ ኣዉን ዋሊዲኮ ታኒ ኤሪኬ» ያገሰ።

14 ሃሳ ገዳፔ ጉዩ፣ ኢያ ጉዩ ሲማ ፃሊያ ዋዴ ዩሱሲ ያን ኤቂዲይሳ ቤዒስ። ሺን ኢ ዩሱሳ ገዲዲይሳ ኤራቡኮ።

15 ዩሱሲ ኢኮ፣ «ማጫሴቲ፣ ኣይስ ዩካይ? ኦና ኮያይ?» ያገዲ ኦይቸሰ።

ማይራማ አታኪልቴ አሳንቸዋ ዳኒን፡ «ጎዳው፡ ኔ ኤኪዳባ ገዲኮ፡ ኢያ አውን ዋሊዳኮ ታው ኦዳርኪ፡ ታኒ ኢያ ኤካና» ያገሱ።

16 ዬሱሲ ኢኮ፡ «ማይራማ» ያገሱ። ኢያ ኢያኮ ሲማዳ፡ ኢብራይስጭ ደናን «ሬቡኒ» ያገሱ። ሄሳስ ቢርሼላይ «አስታማሪያው» ጉሱ።

17 ዬሱሲ ኢኮ፡ «ታኒ ቡሮ ታ አዋኮ ቦና ገሾ ታና አይካዳ አሻናው ኮዮፓ፡ ሺን ታ አሻታኮ ባዳ፡ ምኒ ታ አዋኮኔ ሂንቲ አዋኮ፡ ታ ያሳኮኔ ሂንቲ ያሳኮ፡ ሲማና ገሰ» ጋዳ ኤንታው ኦዳ» ያገሱ።

18 ማግዳላ ማይራማ ጎዳ ቤዒዳይሳኔ አው ሄሳ ኢ ኦዲዲዳይሳ ባዳ ኢያ ታማራታስ ኦዳሱ።

ዬሱሲ ባ ታማራታስ ቆንጨሰ

(ማቶ 28:16-20፤ ማር 16:14-18፤ ሉቃ 24:36-49)

19 ዋጋ ዋዴ አማርሲ፡ ኢያ ታማራቲ አይሁዳታስ ያዩዲ ካሪያ ጎርዲዲ ሸቄ ኡቲዳሺን፡ ዬሱሲ ዩዲ፡ ኤንታ ገደን ኤቁዲ፡ «ሳርይ ሂንቲው ገደ» ያገሱ።

20 ሄሳ ገዲ ሲሚዲ ባ ኩሺያኔ ባ ሚያ ኤንታ ቤሲስ። ኢያ ታማራቲ ጎዳ ቤዒዳ ዋዴ ዳር ኡፋይቲደሶና።

21 ዬሱሲ ዛሪዲ ኤንታኮ፡ «ሳርይ ሂንቲው ገደ፤ ታ አዋይ ታና ከቲዳይሳዳ ታኒካ ሂንቲና ከታይሰ» ያገሱ።

22 ሄሳ ገዲ፤ ጉዬ፡ ኤንታ ቦላ ኡፋ ገዲ ዩኒስ። ቃሲ፡ «ገሻ አያና ኤከቲ።

23 ሂንቲ አቶ ገዲ አሳ ናጋራይ አቶ ጌቲታና። ሂንቲ አቶ ጎናይሳታ ናጋራይ አቶ ጌቲቲና» ያገሱ።

ዬሱሳኔ ቶማሳ

24 ሺን ታማኔ ናምቡ ታማራታ፤ ኢሶይ፡ ዲዲሞሳ * ጌቲቲያ ቶማሲ፡ ዬሱሲ ዩዳ ዋዴ ኤንታራ ዴና።

25 ሄሳ ገሾ፡ ሃንኮ ኢያ ታማራቲ ቶማሳኮ፡ «ኦኒ ጎዳ ቤዒዳ» ያገደሶና።

ሺን ቶማሲ ኤንታኮ፡ «ሚሲማራን ኢ ጫዳቲዳ ኢያ ኩሺያን ዴዲያ ቤታ ቤዶናኔ ሄ ቤታ ታ ቢራዴን ቦቸና፡ ቃሲ ታ ኩሺያ ኢያ ሚያን ዬዳ ቤዶና አማኒኬ» ያገሱ።

26 ሳሚንታፊ ጉዬ፡ ዬሱሳ ታማራቲ ቃሲካ ሶን ሸቄዲ ኡቲደሶና፤ ቶማሲካ ኤንታራ ዴዴሰ። ካሪይ ጎርዳቲዲ ዴዲሺን ዬሱሲ ዩዲ፡ ኤንታ ገደን ኤቁዲ፡ «ሳርይ ሂንቲው ገደ» ያገሱ።

27 ሄሳፊ ጉዬ፡ ዬሱሲ ቶማሳኮ፡ «ታ ኩሺያ ኔ ቢራዴን ቦቸዳ ቤዳ። ቃሲ ኔ ኩሺያ ታ ሚያን ዬዳዳ ቤዳ፤ ሲጾፓ፡ አማና» ያገሱ።

28 ቶማሲ ዛሪዲ፡ «ታ ጎዳው፡ ታ ያሳው» ያገሱ።

29 ያቲን ዬሱሲ፡ «ኦኒ ታና ቤዒዳ ገሾ አማናዳሳ፡ ሺን ታና ቤዶና አማኒዳይሳቲ አንጃቲዳይሳታ» ያገሱ።

ሃ ማፃፋ ቆፋ

30 ዬሱሲ ሃ ማፃፋን ፃፊቲቦና ሃራ ዳር ማላታታ ባ ታማራታ ሲንላን ኦሲስ።

31 ሺን ዬሱሲ ኢ ከሪሰቶሳ፡ ያሳ ናዓ ገዴይሳ ሂንቲ አማና ሚላኔ አማኒዲ ኢያ ሱንላን ዴዶ ዴማና ሚላ ሄሲ ፃፊቲስ።

21

ዬሱሲ ላቸን ባ ታማራታስ ቆንጨሰ

1 ሄሳፊ ጉዬ፡ ዬሱሲ ዲባርዮሳ አባ ማታን ባ ታማራታስ ዛሪ ቆንጨሰ። ኢ ኤንታው ሃይሳፊ ካሊዲ ዴዲያ ሃናታን ቆንጨሰ።

2 ሲሞን ጳዳርሲ፡ ሚንቲ ጌቲቲያ ቶማሲ፡ ቃና ጋለላ፤ ዩዳ ናቲናዒሊ፡ ዛብዲዮሳ ናይቲኔ ዬሱሳ ታማራታ፤ ሃራ ናምዓቲ ኢሲፊ ዴዶሶና።

3 ሲሞን ጳዳርሲ ኤንታኮ፡ «ታኒ ሞሎ አይካናው ባይሰ» ያገሱ።

ኤንቲ፡ «ኦካ ኔራ ባና» ያገዲ፡ ዋጎሎ ገደ ጌሊደሶና። ሺን ኤንቲ ሄ ቃማን አይቢ ሞሎካ አይኪቦኮና።

4 ዋንታ ጉራ ፃልቁይ ደላና፤ ሲንሐ፡ ዬሱሲ አባ ጋፃን ኤቁሰ፡ ሺን ኢያ ታማራቲ ዬሱሳ ገዲዳይሳ ኤርቦኮና።

5 ዬሱሲ ኤንታኮ፡ «ታ ላጌቶ፡ ሞሎ አይኪቤኬቲ?» ያገሱ።

ኤንቲ ዛሪዲ፡ «አይኮካ አይኪቦኮ» ያገደሶና።

6 ኢ ዛሪዲ፡ «ሂንቲ ገቲያ ዋጎሎ፤ ጌታ ሞሎ ሂንቲ አይካና» ያገሱ። ሄሳ ገሾ፡ ገቲያ ኡሻቻ ባጋራ ዩጌደሶና። ሞሎይ ዳሪዳ ገሾ ጎቹዲ ኬሳናው ዶኔቲደሶና።

7 ዬሱሲ ደሲያ ታማራይ ጳዳርሳኮ፡ «ሃይሲ ጎዳ!» ያገሱ። ሲሞን ጳዳርሲ ኢ ጎዳ ገዴይሳ ሲዒዳ ዋዴ ካሎ ዴዲያ ገሾ ባ ማቡዋ ማዒዲ አባ ገደ ጉፕ ጌሊስ።

8 ሺን ዋጎሎ፡ አቲዳ ሃንኮ ታማራቲ ሞሎይ ኩሚዳ ገቲያ ጎቹዲ፡ አባፊ ጋፃ ኬዩደሶና። ኤንቲ አባፊ ናምቡ ፃቲ ዋፋ ሚላ ሃኮሶና።

9 ኤንቲ አባፊ ጋፃ ኬዩዳ ዋዴ ያፋ ቦንቆን ሞሎይ ዴዴይሳኔ ኡይሳ ቤዒደሶና።

10 ዬሱሲ ኤንታኮ፡ «ሃራ ሂንቲ አይኪዳ ሞሎ፤ ጉላራ ሃሚቲ» ያገሱ።

11 ሲሞን ጳዳርሲ ዋጎሎ፡ ዲታኔ አሻታማኔ ሃቸ ዋጋ ሞሎቲ ኩሚዳ ገቲያ ጎቹዲ አባፊ ጋፃ ኬሲስ። ሞሎይ ሄሳ ሚላ ዳር ገዲን ገቲይ ዳኬቲቤና።

12 ዬሱሲ ኤንታኮ፡ «ሃ ዩዲ ሚቲ» ያገሱ። ኢ ጎዳ ገዴይሳ ኤንቲ ኤሪዳ ገሾ ኢያ ታማራታ፤ ኢሶይካ፡ «ኦኒ ኦኔ?» ገዲ ኢያ አይቻናው ሚኒዳይ ባዋ።

13 ዬሱሲ ዩዲ፡ ኡይላ ኤኪዲ ኤንታው አሚሰ፤ ሞሎ፤ ሃሳዳ አሚሰ።

14 ዬሱሲ ሃይቆፕ ዴንዲዲ ባ ታማራታስ ቆንጨሺን ሃይሲ ሃቸንሎ።

ዬሱሳኔ ጳዳርሳ

20:23 ማቶ 16:19፤ 18:18 * 20:24 ዲዲሞሳ ጌሳ ቢርሼላ የሃ 11:16 ጻሊቲ። 21:3 ሉቃ 5:5 21:6 ሉቃ 5:6 * 21:15 ዮና፡ ጌሪኬ ደናን ዮና ጌያ ሱንላይ የሃሊ ጌያ ሱንላስ ሳጾሎ ሱንሎ።

15 ኤንቲ ሚዳፔ ጉዬ፥ ዩሱሲ ሲሞን ጳጳርሳኩ፥ «የና * ናዓው ሲሞና፥ ታና ሃይሳታፔ ኣላዳ ደሳይ?» ያገሰ።

ሲሞን ጳጳርሳኩ፥ «ኤ ጎዳው፥ ታኒ ኔና ደሴይሳ ኔ ኤራሳ» ያገሰ።

ዩሱሲ ኢያኮ፥ «ታ ደርሳ ማራታ ሃማ» ያገሰ።

16 ዩሱሲ ቃሲካ፥ «የና ናዓው ሲሞና፥ ታና ደሳይ?» ያገሰ።

ሲሞን ጳጳርሳኩ፥ «ኤ ጎዳው፥ ታኒ ኔና ደሴይሳ ኔ ኤራሳ» ያገሰ።

ዩሱሲ፥ «ታ ደርሳታ ሃማ» ያገሰ።

17 ዩሱሲ ሃቫንሶ፥ «የና ናዓው ሲሞና፥ ታና ደሳይ?» ያገሰ።

ዩሱሲ ሃቫንሶ ሲሞን ጳጳርሳኩ፥ «ታና ደሳይ?» ያገረዱ ኦይቸዳ ገሾ ጳጳርሳኩ ኣዛኒዱ፥ «ጎዳው፥ ኔኒ ኡባባ ኤራሳ፤ ታኒ ኔና ደሴይሳ ኔ ኤራሳ» ያገሰ።

ዩሱሲ፥ «ታ ደርሳታ ሃማ።

18 ታኒ ኔው ቱማ ኦዳይሰ፤ ኔኒ ናዓቱላን ዳዒያ ዎዴ ኔርካ ዳንጨታዳ፥ ኔ ኮዬዳ ሶ ባሳ። ሺን ኔ ጨሚዳ ዎዴ ኔ ኩሺያ ሚጫ ቤሳና። ሃሪ ዳንጨሳና፤ ኔ ደሶና ሶ ኤፋና» ያገሰ።

19 ዩሱሲ ሃሳ ጳጳርሳኩ ኣይ ሚላ ሃይቆ ሃይቁዱ፥ ያሳ ቦንቸሳኔኮ ኤሪሳናው ገሰ። ሃሳ ገዳፔ ጉዬ፥ ዩሱሲ ጳጳርሳኩ፥ «ታና ካላ» ያገሰ።

ዩሱሳኔ ሃንኮ ታማሪያ

20 ጳጳርሳኩ ጉዬ ሲሚዱ፥ ዩሱሲ ደሲያ ታማሪይ ባፔ ጉዬራ ዩይሳ ቤዒሰ። ሃ ታማሪይ፥ ካሆ ሚያሶን ዩሱሳኩ ሸቂዱ፥ «ጎዳው፥ ኔና ኣሉ ኢማናይ ኦኔ?» ገዳይሳ።

21 ጳጳርሳኩ ሃ ታማሪያ ቤዒዱ፥ «ጎዳው፥ ሃ ኣዳይ ቃሲ ዎናኔ?» ያገረዱ ዩሱሳ ኦይቸሰ።

22 ዩሱሲ ኢያኮ፥ «ታኒ ያና ጋካናው ኢ ዳና ሚላ ታኒ ኮይኮ፥ ሃሲ ኔና ኣይ ሜቲዴ? ኔኒ ታና ካላ» ያገሰ።

23 ሃሳ ገሾ፥ ሃ ታማሪይ ሃይቁና ገያ ኦዳይ ኢሻታ ኡባ ጋኪሰ። ሺን ዩሱሲ፥ «ታኒ ያና ጋካናው፥ ኢ ዳና ሚላ ታኒ ኮይኮ ኔና ኣይ ሜቲዴ?» ያገሰ። ኣቲን «ሃይቁና» ገቤና።

24 ሃ ኦዳባ ማርካቲዳይኔ ሃይሳ ፃፊዳይ ሃ ታማሪያ። ኢያ ማርካቲዳይ ቱማ ገዳይሳ ኮኒ ኤርሰ።

25 ዩሱሲ ኦዳዳ ሃራ ዳርባይ ዳዒሰ። ታ ቆፕን፥ ኡባባይ ሁዒን ሁዒን ፃፊቲዳኮ፥ ፃፊቲያ ማፃፋታሰ ኩሜላ ኣላሚይ ዎላንው ገዳናባ ዳኔና።

ሃዋሪታ ኦሱዋ ጋላ ቆፋ

ሃዋሪታ ኦሱ ማፃፋይ፡ ሉቃስ ዋንጌላ ካሊዲ ፃፈተዳ ማፃፋ። ማፃፋስ ዳዊድ ዋና ቆፋይ ኮይሮ ዩሱፍ ካሊዲ እሳቲ ጌሻ እያናይ ካሌሊ፡፡ ኢያባ ኦዲያ ቃላ፡ «ዩሩሳሌምን፡ ዩሱዳ ቢታ ኡባን፡ ሳማራን፡ ሳባ ጋፃፔ ጋፃ ጋካናው» (1:8) ዋንጌላ ቢታ ኡባ ዋቲ ጋሊዲኮ ኦዲናሳ። ማፃፋይ፡ እማኖይ እይሁዳ እሳታ ጊደን ደሜቲዲ፡ ኩሜላ አላሜን ዳዊድ እሳ ኡባ እማኖ ጊደና ጋካናው ዋኒዲ ዳልገዳኮ ኦዲያ ታሪኩ። ሃ ማፃፋ ፃፊይ፡ እማኒያ እሳቲ ሮሜ ካዎቲላ ኩንዲሳናው ጋርሳራ ማቂቲያ እሲ ጊደናይሳኔ እማኖይ እይሁዳታ ሃይማኖቱ ፖሎ ኦሊዲሳ ጊደናይሳ ኤሪሳናው ኬሂ ዳቡሪዲ አሊሰ።

ሃዋሪታ ኦሱ ማፃፋን ዩሱሳባ ኦዲያ ዋንጌላይ ጋኪያ ቤሳይ ዋዴን ዋዴን ዳልገ ዳልገ ቤይሳኔ ዋሳ ኬሊ ኤቁዳይሳ ቆንጨሲያ ሄቹ አይፊ ኪፊሊታን ሻካናው ዳንዳዔቲሰ።

1. እማኖይ ዩሱሲ ሳሎ ከዪ ሲሚን ደሜቲዲይሳ።

2. እማኖይ ኢስራዔል ቢታ ኡባ ጋኪዲይሳ።

3. ሮሜ ጉጂዲ ሜዲቲራኔ እባ ዩቩዋን ዳዊድ ቢታ ኡባን ዳልገዲይሳ ቤሴሰ።

ሃዋሪታ ኦሱ ማፃፋን አጁዲ ቤንቴይ ጌሻ እያና ኦሱ ጊዲሺን፡ ጸንፃቆስፃ ጋላስ ዩሩሳሌምን ዳዊድ እማኒይሳታ ቦላ ዋልቃራ ዋጁይይሳ ኦዴስ። ሄሳዳካ፡ ማፃፋ ጊደን ቆንጨዲ ኦሱታ ኡባን ቤንቴይይሳ ጌሻ እያናይ ዋሳ ኬላኔ ዋሳ ኬላ እይሴይሳታ ካሌሊዲይሳኔ ሚንሌሊዲይሳ ጉጂዲ ኦዴስ። ቤኒ ዋዴ እሜቲያ እማኖ ኪታይ ዲማ ዲማ ኦዴቲዳ ቃላፔ ኬሶን ኬሶን ኤኬቲሰ። ሃዋሪታ ኦሱዋ ጊደን ኦሴቲዳ ኦሱታ ኪታይ እማኒያ እሳ ዳይንኔ ዋሳ ኬላ ኢሲፊቲላን ዳዊድ ዋልቃይ አይ ሜላ ጊቲኮ ቤሴሰ።

ሃዋሪታ ኦሱዋ አይፊ ቆፋታ

ማርካቴሳስ ጊጌቲላ 1:1-26

- 1) ዩሱሳ ጠርሴላ ኪታኔ ኢሚዳ ኡፋይሳ 1:1-14
- 2) ዩሱዳ ቤሳን ሃራ ዶሩዋ 1:15-26
- ዩሩሳሌምን ማርካቴላ 2:1-8:3
- ዩሱዳኒኔ ሳማራን ማርካቴላ 8:4-12:25
- ጳውሎስ ሃዋሪቲላ ኦሱዋ 13:1-28:31
- 1) ኮይሮ ሃዋሪቲላ ቡሳ 13:1-14:28
- 2) ዩሩሳሌም ሺቁዋ 15:1-35
- 3) ናምዓንሎ ሃዋሪቲላ ቡሳ 15:36-18:22
- 4) ሄቫንሎ ሃዋሪቲላ ቡሳ 18:23-21:16
- 5) ጳውሎሲ ዩሩሳሌምን፡ ቂሳሪያኒኔ ሮሜን ቃሹቲላ 21:17-28:31

1-2 ቲዎፊሎሳ፡ ዩሱሲ ባ ኦሱዋ ኦይኪዳ ዋዴፔ ሳሎ ቢዳ ጋላሳ ጋካናው፡ ኦሊዲባኔ ታማርሲዳባ ኡባ ታኒ ታ ኮይሮ ማፃፋን ፃፋሰ።

ሳሎ ባናፔ ሲንፍ ኢ ባ ዶሪዳ ሃዋሪታ ጌሻ እያናን ኪቲሰ።

3 ኢ ባ ዋያፔ ጉዬ ሃይቆፔ ዴንዲዲይሳ ሲዲይ ባይና ቆንጨሲዲ ኤንታው ባና ቤሲሰ። ኦይታሙ ጋላስ ኤንታው ቆንጨዲ ያሳ ካዎቲላባ ኤንታ ታማርሲሰ።

4 ኢሲ ዋዴ ኤንታራ ኢሲፊ ሚሼ ኤንታ ሃይሳዳ ያገዲ ኪቲሰ። «ታ ሂንቴው ኦዲዳ፡ ታ አዎይ እማኖ ጊዳ ኡፋይሳ ቃላ ናገቲፔ ኣቲን ዩሩሳሌምፔ ከዮፕቲ።

5 አይሰ ጊኮ፡ ዮሃኒሲ ሃላን ፃማቂሰ፡ ሺን ጉላ ዋዴፔ ጉዬ ጌሻ እያናን ሂንቴ ፃማቂታና» ያገሲ።

6 ሃዋሪቲ ዩሱሳራ ጋሂቲዳ ዋዴ ኢያኮ፡ «ሳዳው፡ ኢስራዔሊታስ ኔ ካዎቲላ ዛራና ዋዴይ ሃይሰ?» ያገዲ ኦይቲዶሶና።

7 ዩሱሲ ኤንታኮ፡ «ታ አዎይ ባ ማታን ኦሊያ ዋዲያኔ ሳይላ ሂንቴ ኤራናው ዳንዳዔኬታ።

8 ሺን ጌሻ እያናይ ሂንቴ ቦላ ዋጁያ ዋዴ ሂንቴ ዋልቃን ኩሚና። ያኒ ሰሚዲ፡ ዩሩሳሌምን፡ ዩሱዳ ቢታ ኡባን፡ ሳማራኒኔ ሳባ ጋፃ ጋካናው ታው ማርካታ ጊደና» ያገሲ።

9 ሄሳ ጊዲይሳፊ ጉዬ ኤንቴ ጻሊሺን፡ ቶቁ ቶቁ ጊዲ፡ ሳሎዋ ቢን ሻራይካ ኢያ ኤንታ አይፊያፔ ጌንሊሰ።

10 ዩሱሲ ቢያ ዋዴ ኤንቴ ሳሎ ቲሺ ኦሊዲ ጻሊሺን፡ ቦላ ማፃ ማዲዳ ናምዑ አሳቲ አኬኮና ኤንታ ማታን ኤቁዲ፡

11 «ጋሊላ አሳው፡ ሳሎ ጻሊሹ፡ ሂንቴ አይሰ ኤቁዴቲ? ሃ ሂንቴ ቤዒሺን ሳሎ ቢዳ ዩሱሲ ሄሳዳካ ሰሚዲ ያና» ያገደሶና።

ዩሱዳ ቤሳን ማቲያሲ ዶሪቲሰ (ማቶ 27:3-10)

12 ሄሳፊ ጉዬ፡ ሃዋሪቲ ሻማሆ ዳሪያፔ ዩሩሳሌም ሰሚደሶና። ሻማሆ ዳሪይ ዩሩሳሌምን ማታን ዳዔሰ።

13 ኤንቴ ዩሩሳሌም ጌሊዲ፡ ባንታ ዳዊያ ቤሳ ፖቂያ ቦላ ኬዪደሶና። ኤንቴካ፡ ጳይሮሳ፡ ዮሃኒሳ፡ ያይቆባ፡ ኢንዲሪያሳ፡ ፊልጶሳ፡ ቶማሳ፡ ባርቶሎሚዮሳ፡ ማቶሳ፡ ኢልፊዮሳ ናዓ ያይቆባ፡ ባ ቢታስ ሚሹቲያ ሲሞናኔ ያይቆባ ናዓ ዩሱዳ።

14 ሃይሳቲ ኡባይ ማጫሳታራ፡ ዩሱሳ አይ ማይራሚራኔ ዩሱሳ እሻታራ ኡባይ ኢሲ ዋዛናን ጊዲዲ ሚንሊዲ ዋሶሶና።

15 ሄ ዋዴ ጳይሮሲ ጻታኔ ላታማ ጊዲያ እማኒያ አሳይ ሺቁዳ ቤሳን ዳንዲ ኤቁዲ፡ ሃይሳዳ ያገሲ።

16 «አሳው፡ ዩሱሳ ኦይኪዲይሳታ ካሌሊዳ ዩሱዳባ ጌሻ እያናይ ካሴ ዳዊቲ ዶናን ኦዲዳ ያሳ ቃላይ ፖሌታናው ቤሴሰ።

17 ዩሱዲ ኑራ ኢሲፊ ሃ ኦሱዋ ኦላናው ዶሪቲዳ አሲ።»

18 ሺን ዩሱዲ ባ ኢታ ኦሱዋን ዳሚዳ ሚሹን ጋዴ ሻሚሰ። ኢ ጉፋኒዲ ኩንዲን፡ ኢያ ኡሎይ ዳኬቲሰ፤ ኢያ ማራጩይ ኡባይ ካሪ ኬዪሰ።

1:1-2 ሉቃ 1:1-4 1:4 ሉቃ 24:49 1:5 ማቶ 3:11፤ ማር 1:8፤ ሉቃ 3:16፤ ዮሃ 1:33 1:8 ማቶ 28:19፤ ማር 16:15፤ ሉቃ 24:47-48 1:9 ማር 16:19፤ ሉቃ 24:50-51 1:13 ማቶ 10:2-4፤ ማር 3:16-19፤ ሉቃ 6:14-16

19 ዩሁዳ ቦላ ሃኒዳባ ዩሩሳሌምን ዳዊያ አሳ ኡባይ ሲሲሰ። ሄሳ ጊሾ፣ ሄ ጋዲያ ባንታ ቃላን አከፊዳማ (ሱላ ጋዴ) ጊዲ ያገደሰና።

20 «ሄሲካ ማዘሙራ ማፃፋን፣ ሲያ ከላይ ካሎ አቶ፤ ኦኒካ ኢያን ዳፖ። ቃሲ ኢያ ሹማቴላ ሃሪ ኡኮ» ጌቴቴ ፃፊቴሰ።

21 «ሄሳ ጊሾ፣ ጎዳ ዩሱሲ ኑ ጊደን ሲሜሬቴዳ ዎዴ ኡባን ኑራ ዳዊያሳታ።

22 ቃሲ ፃማቂያ የሃኒሳ ዎዲያፕ ደሚዲ ጎዳ ዩሱሲ ሳሎ ቢዳ ጋላሰ ጋካናው ኑራ ዳዊያሳታ። ኢሲ አሲ ኢያ ዳንዲዎሰ ኑራ ማርካ ጊዳናው ቤሴሰ» ያገደሰ።

23 ሄሳ ጊሾ፣ አሳይ ደሩዎሰ የሰፃሳ ጊያ ባርሳባሳ ጌቴቴያ የሱፋኔ ማቴያሳ ናምዓ ሺሺደሰና።

24 ሄሳፊ ጉዬ፣ ያሳ ዎሲሼ፣ «አሳ ኡባ ዎዛና ኤሪያ ጎዳው፣ ሃ ናምዓታፕ ኔ ኦና ደሪዳኮ ኑና ቤሳ።

25 ዩሁዲ ባ ቤሳ ቢዲ፣ አጊዳ ኦሱዎኔ ሃዋራቴላ ኦሱዎ ኤካና ሜላ ሃይሳታፕ ኑሰ ቆንጨሳ» ያገደሰና።

26 ኤንታ ቦላ ሳማ ዩጊደሰና። ሳማይ ማቴያሳ ቦላ ዎዲን ማቴያሲ ታማኔ ኢሲ ሃዋራታ ቦላ ጉኩቴሰ።

13 ሺን ሃራቴ፣ «ሃይሳቴ ኡዩዲ ማላቴደሰና» ያገደዲ ቁልቁሲደሰና።

ጳጳርሳ ሃሳ።

14 ሺን ጳጳርሲ፣ ታማኔ ኢሲ ሃዋራታራ ዳንዲ ኤቂዲ፣ ባ ቃላ ቶቁ ኦሱዲ፣ ኤንታው ሃይሳዳ ያገደዲ ኦዲሰ። «አይሁዳቶ፣ ዩሩሳሌምን ዳዊያ ኡባቶ፣ ታኒ ኦዳይሳ ሲሲቴ።

15 ዎንታፊ ሄቩ ሳቴ ጊዲያ ጊሾ ሃንቴ ቆፔይሳዳ ሃ አሳቴ ማላቴቦኮና፤ ሄሲ ሃንቴው ኤሪቶ።

16 ሺን ሃይሲ ሃኒዳይ ናቢያ ኢዩዔሊ ኦዲዳይሲ ፖሌታና ማላሳ።

17 « ሳሳይ፣ ዎዲያ ዉርሴላን ሃይሳዳ ሃናና ያገደሰ።

ታኒ አሳ ኡባ ቦላ ታ አያና ጉሳና። ሃንቴ አዴ ናይቴኔ ማጫ ናይቴ፣ ቴንቢቴ ኦዳና።

ሃንቴ ያላጋቴ ቆንጨዎላ ቤዓና፤ ሃንቴ ጨማቴ አሙሆ አሙሃና።

18 ሄ ጋላሳታን ታና አማኒያ አዴ አይሌታ ቦላኔ ማጫ አይሌታ ቦላ

ታኒ ታ አያና ጉሳና፤ ኤንቴ ቴንቢቴ ኦዳና።

19 ቃሲ ታኒ ቦላ ሳሉዎን ኦራላባ፣ ጋርሳ ሳዓንካ ማላ ቤሳና።

ሱላ፣ ታማኔ ዎልቃማ ጫጋኒ ቤንታና። 20 ጊታኔ ቦንቾ ጊዲዳ ጎዳ ጋላሳይ

ጋካናፕ ሲንሌ አዎይ ቆማና፤ አገናይካ ሱላ ዳናና።

21 ሄ ዎዴ ሄሳዳ ሃናና፤ ጎዳ ሱንላ ያገደሰ ኦኒካ አታና» ያገደሰ።

22 «ኢሰራዔሌ አሳው፣ ሃ ቃላ ሲሲቴ። ናዘሬቴ ዩሱሳ ኦናቴላይ፣ ያሳይ ሃንቴ ጊደን ኦሱዳ ዎልቃማ ኦሱዎኒኔ ማላታታን ሃንቴው ቆንጨይሳ ሃንቴ፣ ሃንቴ ሁዔን ኤሪታ።

23 ያሳ ካሴ ኤራኒኔ ኢያ ሼኒያን ዩሱሲ ሃንቴው አዲ አሜቴሰ። ሃንቴ ኢያ ናጋራንቾቴ ማሰቃሊያ ቦላ ካቂዲ ዎዳና ማላ አላ አሚዳታ።

24 ሺን ያሳይ ሃይቆ ዎልቃ ዲጊዲ ኢያ ዳንሱሰ። ሄሳ ጊሾ፣ ሃይቆይ ኢያ ኦይካናው ዳንዳዒቤና።

25 ዳዊቴይ ኢያባ ኦዲሼ፣ ሳኒ ያርኮና ማላ፣ ጎዳይ ታ ኡቫቻን ዳዔሰ። ጎዳ ኡባ ዎዴ ታ ማታን ቤዓይሰ።

26 ሄሳ ጊሾ፣ ታ ዎዛናይ ኡፋይቴሰ፤ ታ ኢንፃርሳን ኡፋይሲ ኩሚሰ፤ ሃይቂያ ታ አሳቴላይ ኡፋይሳን ዳና።

27 አይሰ ጊኮ፣ ታ ሹምፑዎ ሲፖሌን አጋካ። ቃሲ ኔ ጊሻ ናዓ አሃ ዎቂሳካ።

28 ኔኒ ታና ዳዎ ኦጊያ ኤሪሳዳ፣ ኔኒ ታራ ዳዔይሳን ታ ኡፋይሳይ ኩሜላ ጊዳሰ» ያገደሰ።

2

ጊሻ አያና ዩሳ

1 ጳንጭቆስጌ ጊያ ጋላሳይ ጋኪዳ ዎዴ አማኒያ አሳ ኡባይ ኢሲፊ ኢሲ ቤሳን ሸቂዲ ዳፖሰና።

2 ቆፖና ዎልቃማ ጎቴዳ ጉሚያ ጉንሳይ አከኮና ሳሎፕ ዩዲ ኤንቴ ዳዊያ ከላ ኩሚሰ።

3 ቃሲ ታማ ላጮ ዳኒያ ኢንፃርሳቴ ኤንታው ቤንቴሼ፣ ሻኬቴ ሻኬቴ ኤንታ ኡባ ቦላ ዎዲደሰና።

4 ኤንቴ ኡባይ ጊሻ አያናን ኩሚዲ ዳማ ዳማ ደናን ኦዴታና ሜላ ጊሻ አያናይ ኤንታ ዳንዳዒሲን ሃሳያ ደሚደሰና።

5 ሄ ዎዴ ቢታ ኡባፊ ዩዳ ያሳ ያያ አይሁዳቴ ዩሩሳሌምን ዳፖሰና።

6 ሄ ጉንላ ሲዲዳ ዎዴ ዳር አሳይ ሸቂደሰና። አማኒያ አሳይ ኤንታ ቃላን ኦዴቴሺን ሲዲዳ ጊሾ

7 ማላሌቴዲ፣ «ሃ ኦዴቴያ አሳ ኡባይ ጋሊላ አሴ ጊደኮናዬ?»

8 ያቴን፣ ኑኒ፣ ኑ ዩሌቴዳ ቢታ ደናን ኤንቴ ኦዴቴሺን ዎኒዲ ሲዳናው ዳንዳዒደ?»

9 ኑኒ ጳርጭን፣ ሜደናን፣ ኤላሜን፣ ናምቡ ሻፋታፕ ጊደን ዳዔይሳቴ፣ ዩሁዳን፣ ቃጳደቂያን፣ ጳንፆሳን፣ ኢሲያን፣

10 ጳርጌን፣ ጳንጌሌን፣ ጊብጭን፣ ቃሬና ማታን ዳዊያ ሊቢያን ዳዔይሳታ። ኑፕ ባጋቴካ ሮሜፕ ዩዳ አሳታ።

11 አይሁዳቴኔ አይሁዳቴላ አማኖ ጌሊዳ አሳቴ፣ ቃርጭሳኔ አራቤ አሳቴ፣ ያሳይ ኦሱዳ ጊታ ኦሱዎ ኑ ቃላን ኦዴቴሺን ሲፖሰ» ያገደሰና።

12 ኡባይ ማላሌቴዲ፣ ጋናባ ቆዩዲ ዎሊኮ፣ «ላ ሃይሲ አይ ጉሴ?» ያገደሰና።

1:20 ማዘ 69:25፤ 109:8 1:22 ማቶ 3:16፤ ማር 1:9፤ ሉቃ 3:21 2:1 ሉቁ 23:15-21፤ ዛሬ 16:9-11 2:17 ሉቁ 2:28-32 2:23 ማቶ 27:35፤ ማር 15:24፤ ሉቃ 23:33፤ ዮሃ 19:18 2:24 ማቶ 28:5-6፤ ማር 16:6፤ ሉቃ 24:5 2:28 ማዘ 16:8-1

29 «አሳው፡ ኑ አዋ ዳዊቲባ ታ ሂንቲው ገሻዳ ኦዳና። ዳዊቲይ ሃይቂዲ ሞጌቲስ፤ ኢያ ዲፎይ ሃቺ ጋካናው ኑ ማታን ዳዔስ።

30 ዳዊቲይ ናቤ ገዲዳ ገሾ ያሳይ ኢያ ሸሻፕ ኢሱዋ ኢያ ካዎቲላ አራታ ቦላ ኡቲሳናው ኢያው ጫቂዳ ጫቂዋ ኤሪስ።

31 ሄሳ ገሾ፡ ኪሪስቶሳ ዳንዲዋ ሲንሐ ያሊዲ፡ ሲያ ሸምፖይ ሲገሌን አቲቤና፤ ኢያ አሳቲሳይካ ዎቂቤና ገዲ ኦዲስ።

32 «ያሳይ፡ ሃ ዩሱሳ ሃይቂዋፕ ዳንሐዲይሳስ ኑኒ ኡባይ ማርካ።

33 ሄሳ ገሾ፡ ያሳይ ባራ ሃራና ማላ ባፕ ኡሻቻ ባጋራ ኢያ ጶቁ ጶቁ ኦሐዲ፡ ኢያው ኢማና ጌቲቲዳ ጌሻ አያና ኡኪዲ፡ ሃይሳ ሂንቲ ሃዲ ቤዔይሳኔ ሲዔይሳ ኑ ቦላ ጉሲስ።

34-35 ጋሶይካ፡ ዳዊቲይ ባ ሁዔን ሳሎ ቢቤናሽን ያገሰ።

ሳዳይ፡ ታ ጎዳ፡ «ታኒ ኔ ሞርኬታ ኔ ቶሆይ ዩዲያሶ ኦላና ጋካናው ሃይሳን ታፔ ኡሻቻ ባጋን ኡታ» ገሰ።

36 «ሄሳ ገሾ፡ ሃ ሂንቲ ማስቃሊያ ቦላ ካቂዳ ዩሱሳ፡ ያሳይ ጎዳኔ ኪሪስቶሳ ኦሐዲይሳ ኢሰራዔል አሳ ኡባይ ቱማ ኤር» ያገሰ።

37 አሳይ ጳዊርሲ ገዳይሳ ሲዒዳ ዎዴ ባንታ ዎዛናን ቦሽቲዲ ጳዊርሳኔ ሃንኮ ሃዋራታኮ፡ «አሻቶ፡ ያቲን ኑኒ አይ ኦሐና?» ያገደሰና።

38 ጳዊርሲ ኤንታኮ፡ «ሂንቲ ናጋራይ አቶ ጌቲታና ማላ ናጋራፕ ሲሚዲ፡ ሂንቲ ኢሶይ ኢሶይ ዩሱስ ኪሪስቶሳ ሱንላን ፃማቂቲቲ። ያሳይ ኢሚያ ጌሻ አያና ሂንቲ ኤካና።

39 ጋሶይካ ያሳይ ኢማና ገዳ ኡፋይሳ ቃላይ ሂንቲስ፡ ሂንቲ ናይታሲኔ ጎዳይ ኑ ያሳይ ባኮ ያገሰ ሃሆን ዳዲያ ኡባሳ» ያገሰ።

40 ጳዊርሲ ኤንታው ሃራ ቃላካ ጉጂ ማርካቲዲ፡ «ሃ ዎዲያ ጌላ አሳ ቦላ ያናው ዳዲያ ፐርዳፊ ሂንቲ ሁዔን አሸቲ» ያገዲ ዘሪስ።

41 ጳዊርሲ ኦዲዲይሳ ኤኪዲይሳቲ ፃማቂቲደሶና። ሄ ጋላስ ሄቭ ሙኩሉ ገዲያ አሳይ አማኒደሶና።

42 ኤንቲ ሃዋራታ ቲሚርቲያን፡ ኢሲፊቲላን፡ ኡይላ ሙሳኒኔ ያሳ ዎሳን ሚኖሶና።

አማኒያ አሳ ኢሲፊቲላ ደዑዋ

43 ሃዋራታ ኩሼን ዳር ኦራላባይኔ ማላቲ ኦሴቲያ ገሾ አሳ ኡባይ ያዩደሶና።

44 አማኒዳ ኡባይ ኢሲፊ ዳዎሶና፤ ባንታው ዳዲያ ቡባ ኢሲፊ ሻኬቶሶና።

45 ኤንቲ ባንታው ዳዲያ ባይዚዲ ሚሺያ ኢሱዋስ ኢሱዋስ ኮሺዳ ማላ ሻኮሶና።

46 ኡባ ጋላስ ኢሲ ዎዛናን ገዲዲ ያሳ ኬላን ሸቆሶና። ባንታ ኬላን ኢሶይ ኢሱዋ ያገዲ ኡፋይሳኒኔ አሸኬ ዎዛናን ካላ ሞሶና።

47 ያሳ ጋላቲሽ አሳ ኡባን ሳቤቲደሶና። ጎዳይ አቲይሳታ ጋላስ ጋላስ ኤንታ ቦላ ጉጂስ።

3

ዎቤ አዳይ ፓዲስ

1 ኢሲ ጋላስ ጳዊርሲኔ ዮሃንሲ ያሳ ዎሳናው ኡዲፋን ሳቲን ያሳ ኬላ ቢደሶና።

2 ዩሌቶሶፕ ደሚዲ ዎቤ ገዲዳ ኢሲ አዳይ ያሳ ኬላ ጌሊያ አሳፕ ሚሽ ዎሳና ማላ ኡባ ዎዴ ሎፖ ገያ ያሳ ኬላ ፔንገያን ኤሂዲ ዎሶሶና።

3 ሄ ዎቤ አዳይ ጳዊርሲኔ ዮሃንሲ ያሳ ኬላ ጌላና ሃኒሺን ቤዒዲ ኤንታ ሚሽ ዎሲስ።

4 ኤንቲካ ኢያ ጫዲ ያሊዲ፡ «ኑኮ ሃ ያላ» ያገደሰና።

5 ዎቤ አዳይ ኤንታፊ አይኮ ኤካና ዳኒን ኤንታኮ ያሊስ።

6 ሺን ጳዊርሲ ኢያኮ፡ «ታው ሚሽይ ባዎ፡ ሺን ታው ዳዲያ ታኒ ኔው ኢማና። ናዚሬቲ ዩሱስ ኪሪስቶሳ ሱንላን ዳንዳዳ ሃሙታ» ያገሰ።

7 ሄሳፊ ጉዩ፡ ዎቤ አዲያ ኡሻቻ ኩሺያ ኦይኪዲ ዳንሐስ። ኤሌሲዲ ኢያ ቶሆይኔ ቂንጫፊሌይ ሚኒ አገሰ።

8 አዳይ ጉፒዲ ዳንዲ ኤቂስ። ጌዴኔ ሃ ሃሙሐ ደሚስ። ሄሳፊ ጉዩ፡ ሃሙቲሽ፡ ጉፒሽኔ ያሳ ጋላቲሽ ኤንታራ ኢሲፊ ያሳ ኬላ ጌሊስ።

9 ኢ ሃሙቲሺኒኔ ያሳ ጋላቲሺን አሳ ኡባይ ኢያ ቤዒደሶና።

10 ቤዒዲ ኡባይ ሚሽ ዎሳናው ሎፖ ገያ ያሳ ኬላ ፔንገን ኡቲዳይሲ ኢያ ገዲዲይሳ ኤሪደሶና፤ ኢ ሃኒዳባ ቤዒዲ ማላሌቲደሶና።

ጳዊርሲ ያሳ ኬላን ሃሳዱ ሃሳያ

11 አዳይ ጳዊርሳፔኔ ዮሃንሳፕ ዲዲኬ ገዲ ኦይኪዲ ዳዲሺን አሳ ኡባይ ማላሌቲዲ፡ ሶሎሞኔ ባራንዳ ገያሶን ኢሲፊ ኤንታኮ ዎዴሶና።

12 ጳዊርሲ አሳ ቤዒዳ ዎዴ አሳኮ፡ «ኢሰራዔል አሳው፡ አይስ ሃይሳን ማላሌቲቲ? ዎይኮ አይስ ኑና ጫዲ ያሌቲ? ኑኒ ኑ ዎላቃን ዎይኮ ኑ ያሎቲላን ሃ አዲያ ሃሙሐዳባ ሂንቲው ዳኒ?»

13 አብራሃሜ፡ ዩሳቃ፡ ያይቆባ ያሳይ፡ ኑ አዋታ ያሳይ፡ ባ ናዓ ዩሱሳ ቦንቲስ። ሺን ሂንቲ ሃይቆስ አሐ ኢሚዲይሳ ጲላፖሲ ቢላናው ኮዩንካ ሂንቲ ኢያ ሲንላን፡ ሱኒ ኢያ ኤርኮን ያገዴታ።

14 ሂንቲ ጌሻኔ ያሉዎ፡ ሱኒ ኢያ ኤርኮን ገዲ፡ ሸምፖ ዎዲዲይሳ ሂንቲው ቢላና ማላ ጲላፖሳ ዎሲዳታ።

15 ዳዑዋ ኢሚይሳ ሂንቲ ዎዲዳታ፡ ሺን ያሳይ ሃይቆፕ ኢያ ዳንሐስ። ሄሳስ ኑኒ ማርካ።

16 ሃ ሂንቲ ቤዔይሲኔ ኤሪያ አዳይ ፓዲዲ ሚኒዳይ ዩሱሳ ሱንላን አማኒዳይሳና። ሃ ሂንቲ ኡባ ሲንላን ኢያ ሃይሳዳ ፓሐዳይ ኢ ዩሱሳ አማኒዳ ገሾሳ።

17 «ሃዒካ ታ አሻቶ፡ ሂንቲካ ሂንቲና ካሌሌይሳታዳ፡ ኤርና ኦሐዲይሳ ታኒ ኤራይስ።

18 ሺን ያሳይ ቤኒ ናቤታ ኡባ ደናን፡ ስሪስቶሲ ዎዩ ኤካናው ቤሰስ) ያገዲይሲ ሃይሳዳ ፖሌታና ማላ ኦሐስ።

19 ሂዛ፣ ያሳይ ሂንቲ ናጋራ አቶ ጋና ማላ ጎዳኮ ሲሚቱ።
 20 ጎዳ ማታፔ ሚንሌል ዋዴይ ሂንቲው ያና። ያሳይ ከሪሰቶሳ ጊዳና ማላ ሲንሳቲዲ ደሪዳ ዩሱሳ ሂንቲው ዩዳና።
 21 ያሳይ ባ ጌሻ ናቤታ ደናን ቤኒ ኦዲዳይሳ ማላ ኡባባይ ኦሪዲያ ዋዴይ ጋካናው ዩሱሳ ሳሎን ጋምዓናው ቤሴሰ።
 22 ሙሴይ፣ ሳዳ ያሳይ ታና ዳንሊዳይሳ ማላ ሂንቲ ጊደፌ ሂንቲው ናቤ ዳንሳና። ሂንቲ ኢ ጌይሳ ኡባ ሲዲቲ።
 23 ሄ ናቤይ ኦዴይሳ ሲያና ኣሲ ኦኒካ ኣሳ ጊደፌ ሻኩቲዲ ቆየ» ያገሰ።
 24 «ቃሲ ሳሙዔልፔ ደሚዲ ዳዒያ ናቤቲ ኡባይ ሃ ዋዲያባ ኦዲደሶና።
 25 ሂንቲ ናቤታ ናይታ፤ ቃሲ ያሳይ ኣብራሃሚስ፣ ሳዓን ዳዒያ ኣሳ ኡባ ታኒ ኔ ሸሻ ባጋራ ኣንጃና» ያገዲ ኦ ኣዋታስ ጌሊዳ ቃላ ላቲያ ናይታ።
 26 ያሳይ ሂንቲና ኡባ ሂንቲ ኢታ ኦጊያፔ ዛሪዲ ኣንጃና ማላ ባ ናዓ ዳንሊዳ ሂንቲው ኮይሮ ዩዲሰ» ያገሰ።

4

ጳጳሮሴ የሂኒሲ ኣይሁዳ ሻንጎ ሲንሳን

1 ጳጳሮሴ የሂኒሲ ኣሳሰ ኦዲሸን ካሂኔ ሃላቃቲ፣ ያሳ ኩል ናጌይሳታ ሃላቃይኔ ሳዲቃዌቲ ኤንታኮ ዩደሶና።
 2 ኤንቲ ዩሱሳ ሃይቆፔ ዳንደይሳኔ ኢያ ጋሶን ሃይቆፔ ዳንደይ ዳዔይሳ ኣሳ ታማርሲዳ ጊሾ ዩሎቲደሶና።
 3 ሄሳ ጊሾ፣ ኤንታ ኦይኪዲ ሳዓይ ኦማርሲዳ ጊሾ ዋንታና ጋካናው ቃሾ ኩል ጌልሲደሶና።
 4 ሸን ቃላ ሲዲዳይሳታፔ ዳርቲ ኣማኒደሶና። ኣማኒዳ ኣዴ ኣሳ ታይቦይ ኢቻሹ ሙኩሉኮ ቢሰ።
 5 ዋንቲላ ጋላሰ ዳሪያ ሃሪይሳቲ፣ ጨማቲኔ፣ ሂኒ ኣስታማራቲ ዩራሳላሚን ሸቁደሶና።
 6 ሄ ኣሳ ጊደን ካሂኔ ሃላቃይ ሃኒ፣ ቃያፊ፣ የሂኒሲ፣ ኢሰኪንዲሬይኔ ካሂኔ ሃላቃ ሶ ኣሳቲ ኡባይ ዳይሶና።
 7 ሃዋርያታ ባንታ ሲንሳን ኤሲዲ፣ «ኣይቢ ዋልቃን ዋይኮ ኦዴ ሱንሳን ሃይሳ ሂንቲ ኦሊዳቲ?» ያገዲ ኦይቲደሶና።
 8 ሄ ዋዴ ጳጳሮሴ ጌሻ ኣያናን ኩሚዲ፣ «ዳሪያ ሃሪይሳቶ፣ ጨማቶ፣
 9 ሃቺ ሃ ዋቤ ኣዲያሰ ኦሴቲዳ ሎዖ ኦሱዋሲኔ ኢ ዋኒዲ ፓዲደኮ ሂንቲ ኦና ኦይቲኮ።
 10 ማስቃሊያ ቦላ ሂንቲ ካቁን፣ ያሳይ ሃይቆፔ ዳንሊዳ ናዚሬቲ ዩሱሳ ከሪሰቶሳ ሱንሳን ሃ ኣዴይ ፓዲዲ ሂንቲ ሲንሳን ኤቁዳይሲ ሂንቲውኔ ኢሰራዔሌ ኣሳ ኡባሰ ኤሬቶ።
 11 ሳገሞቤይሳቲ ቦሪዲ ኢዲዳ ሹቻይ፣ ጎዳ ያዲዋ ሚንሊያ፣ ኡባሬ ኣዲያ ሹቹ ጊዲሰ፤ ሄ ሹቻይ ዩሱሳ።»

12 ሄሳ ጊሾ፣ ኣቶቲል ኢያ ባጋራፔ ኣቲን ሃራ ኦዴ ባጋራካ ባዋ። ኦኒ ኢያ ሱንሳን ኣታና ማላ ኣሳ ኡባሰ ያሳይ ሳሎፔ ጋርሳን ኢሚዳ ሃራ ሱንሊ ባዋ» ያገሰ።
 13 ሸቁዳ ኣሳይ ጳጳሮሴ የሂኒሲ ሚኒዳ ሚኖቲላ ቤዒዳ ዋዴ ኤንቲ ታማሪቦና ሞ ኣሲ ጊዲዳይሳ ኣኬኪዲ ማላሌቲደሶና፤ ኤንቲ ዩሱሳራ ዳዔይሳ ኤሪደሶና።
 14 ቃሲ ፓዲዳ ኣዴይ ጳጳሮሳራ የሂኒሳራ ኤቁዳይሳ ኣሳይ ቤዒዲ ጊያባ ቆይደሶና።
 15 ሸን ጳጳሮሳኔ የሂኒሳ ካሬ ኬያና ማላ ኦሊዲ ባንታ ጊደን፣
 16 «ሃ ኣሳታ ኦ ኣይ ኦሊኖ? ኤንታ ኩሸን ኦሴቲዳ ጊታ ማላታይ ዩራሳላሚን ዳዒያ ኡባሰ ቤንቲሰ። ኦኒ ሄሳ ኤርኮ ጋናው ዳንዳዖኮ።
 17 ሸን ሃ ኦዴይ ኣሳ ጊደን ላሌቶና ማላ ሂዛፔ ጉዬ ሃ ኣሳቲ ዩሱሳ ሱንሳን ኦዴሰካ ኦደና ማላ ሚንሊዲ ናገሳና» ያገዲ ዛሬቲደሶና።
 18 ኤንታ ያገዲ፣ ዩሱሳ ሱንሳን ሂዛፔ ኦደና ማላ ዋይኮ ታማርሶና ማላ ከቲደሶና።
 19 ሸን ጳጳሮሴ የሂኒሲ ኤንታኮ ዛሪዲ፣ «ያሳሰ ከቲታናይሳፊኔ ሂንቲው ከቲታናይሳፊ ያሳ ሲንሳን ኣወሲ ሎዖኮ ኣኔ ሂንቲ ፐርዲቲ።
 20 ኦኒ ቤዒዳባኔ ሲዲዳባ ኦደና ኣጋናው ዳንዳዖኮ» ያገዲደሶና።
 21 ቢታ ጨማቲኔ ዳሪያ ሃሪይሳቲ ካሰፔ ሚንሊ ናገሲዲ ኤንታ ዩዲ ኣገደሶና። ኣሳይ ሃኒዳባሰ ያሳ ጋላቲያ ጊሾ ኤንታ ሴራናው ዳንዳዲቦኮና።
 22 ሄ ማላታን ሃርጊያፊ ፓሊዳ ኣዲያሰ ላይላይ ኦይታማፔ ኣዲሰ።

ኣማኒያ ኣሳ ዋሳ

23 ጳጳሮሴ የሂኒሲ ቢርሼቲዲ ባንታ ዳቦታኮ ቢዲ፣ ካሂኔ ሃላቃቲኔ ጨማቲ ባንታኮ ጊዳባ ኡባ ኤንታው ኦዲደሶና።
 24 ኤንቲ ሄሳ ሲዲዳ ዋዴ ኢሲ ዋዛናን ጊዲዲ ያሳ ሃይሳዳ ያገዲ ዋሲደሶና፣ «ኡባ ሃሪያ ጎዳው፣ ሳሎ፣ ሳዓ፣ ኣባኔ ኤንታ ጊደን ዳዒያ ኡባባ ሚዲዳይሶ።
 25 ኦኒ ኔ ኣይሊያ፣ ኦ ኣዋ ዳዊቲ ደናን ጌሻ ኣያናን፣
 «ዳሬይ ኣይሰ ዩሎቲደና?
 ኣሳይ ኣይሰ ሞ ማቁቲደና?
 26 ሳዓ ካዋቲኔ ዳሪያ ሃሪይሳቲ ኢሲፊ ጎዳ ቦላኔ ከሪሰቶሳ ቦላ ዳንዲደሶና» ያገዳሳ።
 27 «ቲማካ፣ ሃርዲሲኔ ጳጳሪ ጲላዖሲ ኣይሁዳ ጊደና ኣሳራኔ ኢሰራዔሌ ኣሳራ ኔ ደሪዳ ኔ ጌሻ ናዓ ዩሱሳ ቦላ ዳንዳናው ሃ ካታማን ሸቁደሶና።
 28 ቃሲ ኦኒ ኔ ዋልቃኒኔ ኔ ሸኒያን ኦላና ጋዳ ቆፓ ኡቲዳባ ኡባ ፖሊደሶና።
 29 ሃዒካ ጎዳው፣ ኤንታ ማንዳላ ቤዓ፤ ኦኒ ኔ ኣይሊቲ ኔ ቃላ ኩሚላ ዋዛናን ኦደና ማላ ኦና ዳንዳዲሳ።»

3:22 ዛሬ 18:15፣ 18 3:23 ዛሬ 18:19 3:25 ሜዴ 22:18 4:11 ማዘ 118:22 4:24 ኬሳ 20:11፤ ናህ 9:6፤ ማዘ 146:6 4:25 ማዘ 2:1-2 4:27 ማቶ 27:1-2፤ ማር 15:1፤ ሉቃ 23:1፤ 7-11፤ የሃ 18:28-29

30 ኔ ገሻ ናዓ ዩሱሳ ሱንጻን ሃርጋንቸታ ፓፋናው፡ ኦራፋባይኔ ማላታቲ ኦሴታና ማላ ኔ ኩሺያ ሚጫ» ጊዲ ዋሲደሶና።

31 ኤንቲ ያሳ ዋሲዳፔ ጉዬ ሄ ኤንቲ ሺቁዳሶይ ቃዲስ። ኤንታ ኡባን ገሻ ኣያኒ ኩሚን ያሳ ቃላ ሚናቲፋን ኦራደሶና።

ኮይር ኣማኒዳ ኣሳ ኢሲፊቲፋ

32 ኣማኔይሳቲ ኡባይ ቆፋኒኔ ዋዛናን ኢሲና ጊዲደሶና። ኤንቲ ባንታው ዳዒያባ ታባ ጎናሺን ኢሲፊ ሻኬቶሶና።

33 ሃዋርቲ ጎዳ ዩሱሲ ሃይቆፔ ዳንዲይሳ ገታ ዋልቃን ማርካቶሶና። ያሳይ ኤንታ ኡባስ ኣጵ ኬሃቲፋ ዳርሲዲ ኢሚስ።

34 ቢቲ ዋይኮ ኬላ ዳዒይሳቲ ኡባይ ባይዚ ኤኪዳ ሚሺያ ኤሂያ ገሾ ኣማኔይሳታ ጊደን ማቶታንቸይ ኢሶይካ ባዋ።

35 ሚሺያ ኤሂዲ ሃዋርታስ ኢሞሶና፤ ሄ ሚሺያ ኢሱዋስ ኢሱዋስ ኮሺይሳዳ ሻኪ ሻኪ ኢሚስ።

36 ቆጲርሳ ጊያ ቤሳን ዩሌቲዳ ዮሴፋ ጊያ ለዌ ሺሻፔ ጊዲዳ ኢሶይ ዳዒስ። ኢያ ሱንጻ ሃዋርቲ ባርናባሳ (ሚንጼሶ ናዓ) ጊደሶና።

37 ባርናባሳ ባው ዳዒያ ቢታ ባይዚዲ ሚሺያ ኤሂዲ ሃዋርታስ ኢሚስ።

5

ሃናኒያኔ ኢያ ማቸው ሳጲር

1 ኢሲ ሃናኒያ ጊያ ኣዳይ ባ ማቸ ሳጲሪሪ ጋዴ ባይዚስ።

2 ሄ ባይዚዳ ሚሺያፔ ባ ማቸያ ኤሪሺን ባጋ ኣሺዲ፡ ኣቲዳይሳ ኤሂዲ ሃዋርታስ ኢሚስ።

3 ሺን ጳዒርሲ ሃናኒያኩ፡ «ኔኒ ገሻ ኣያና ጨማና ማላኔ ጋዲያ ባይዚዳ ሚሺያፔ ሻካዳ ኣሻና ማላ ዓላሄይ ኔ ዋዛናን ኣይስ ጌሊዳ?»

4 ኔኒ ባይዛናፔ ካሴ ጋዴይ ኔባ ጊዳኔዬ? ቃስ ኔኒ ባይዛ ሰሚንካ ሚሺይ ኔባ ጊዳኔዬ? ያቲን፡ ሄሳ ማላባ ኣፋናው ኣይስ ኔ ዋዛናን ቆፓዲ? ኔኒ ያሳ ቦላ ዋርዶታዳሳፔ ኣቲን ኣሳ ቦላ ዋርዶታባካ» ያገሰ።

5 ሃናኔይ ሄ ቃላ ሰዒዳ ማላ ኩንዲዲ ሃይቁስ፤ ሄሳ ሰዒዳ ኡባይ ዳር ያዩስ።

6 ናዓቲፋ ኣሳቲ ሶ ጌሊዲ ኢያ ኣሃ ዓዲዲ ኤፊዲ ሞጊደሶና።

7 ሄቩ ሳቲፔ ጉዬ ሃናኒያ ማቸያ ሄሳ ኤርና ዳዓሺ ጳዒርሲ ዳዒያሱዋ ጌላሱ።

8 ጳዒርሲ ኢኩ፡ «ሂንቲ ጋዲያ ሃይሳ ማላ ሚሺስ ባይዚዳቲ? ኣኔ ታው ኦዳ» ያገሰ።

ኢያካ፡ «ኤ፡ ሃይሳ ማላ ሚሺስ ባይዚዳ» ያጋሱ።

9 ጳዒርሲ ማጫሲው፡ «ኔራኔ ኔ ኣዚናራ ጎዳ ኣያና ፓጫናው ኣይስ ዘሬቲዳቲ? ሄኩ፡ ኔ ኣዚና ሞጊዳ ኣሳቲ ካሬን ዳዖሶና፤ ኔናካ ኤንቲ ካሬ ኬሳና» ያገሰ።

10 ማጫሲያ ኢራካ ጳዒርሳ ቶሁዋ ማታን ኩንዲዳ ሃይቃ ኣጋሱ፤ ናዓቲፋቲ ጌሊያ ዋዴ ሃይቁዳር ዳሚዲ ካሬ ኬሲዲ፡ ኢ ኣዚና ማታን ሞጊደሶና።

11 ኩሚና ዋሳ ኬላይኔ ሄሳ ሰዒዳ ሃራ ኣሳ ኡባይ ዳር ያዩደሶና።

ኦራፋባታኔ ማላሊሲያባታ

12 ሃዋርቲ ዳር ማላታታኔ ኦራፋባታ ኣሳ ጊደን ኣሶሶና። ኣማኒያ ኡባይ ሶሎሞኔ ባራንዳን ኢሲፊ ሺቆሶና።

13 ሃራ ኣሳፔ ኤንታራ ጋሄታናው ኢሲ ኣሲካ ሚኒቤና፡ ሺን ኣሳይ ኤንታ ቦንቸስ።

14 ኣማኒያ ኣዳታኔ ማጫሳታ ታይቦይ ካሴይሳፊ ዳሪሺ ቢስ።

15 ሄሳ ገሾ፡ ኣሳይ ሃርጋንቸታ ሃላኒኔ ኣልጋን ቶኪዲ ጳዒርሲ ኣጲያ ዋዴ ኢያ ኩያይ ኤንታፊ ኢሶታ ኢሶታ ቦላ ሺሞፓና ማላ ኦጌ ደናን ኬሲዲ ዋሶሶና።

16 ቃስ ዳር ኣሳይ ዩራሳላሜ ማታን ዳዒያ ካታማታፔ ሃርጋንቸታኔ ቱና ኣያኒ ዋይሲያ ኣሳታ ኤኪዲ ዮሶና፤ ኡባይካ ፓዲደሶና።

ሃዋርታ ቦላ ጎዲ ዳንዲስ

17 ካሂኔ ሃላቃይኔ ኢያራ ዳዒያ ሳዲቃዊቲ ኡባይ ቃናቲን ኩሚዲ ሃዋርታ ቦላ ዳንዲደሶና።

18 ሃዋርታ ኦይኪዲ ዳሪያ ቃሾ ኬላን ዩጊደሶና።

19 ሺን ጎዳ ኪታንቸይ ቃማ ቃሾ ኬላ ፔንጊያ ደዩዲ ሃዋርታ ካሬ ኬሲዲ፡

20 «ቢዲ፡ ያሳ ኬላን ኤቁዲ ሃ ኦራፋ ዳዖ ቃላ ኣሳ ኡባስ ኦዲቲ» ያገሰ።

21 ሃዋርቲ ሄሳ ሰዒዳ ዋዴ ዋንታ ጉራ ያሳ ኬላ ጌሊዲ ታማርሶ ደሚደሶና።

ካሂኔታ ሃላቃይኔ ኢያራ ዳዒይሳቲ ዩዲ፡ ኢሰራዔሌ ጨማታ ኡባ ዪጊ ሺሺዲ ሃዋርታ ባንታ ሲንጼ ኤሃና ማላ ዋታዳሬታ ቃሾ ኬላ ኪቲደሶና።

22 ሺን ዋታዳሬቲ ቃሾ ኬላ ቢዲ ሃዋርታ ዳሚቦኩና። ጉዬ ሰሚ ዩዲ ዳሪያስ፡

23 «ኔኒ ቢያ ዋዴ ቃሾ ኬላ ፔንጌይ ሚንጼ ጎርዳቲን፡ ናጌይሳቲ ፔንጌን ኤቁዳይሳታ ዳሚዳ። ሺን ኦኒ ካሪያ ደያ ዋዴ ጊደን ሃራ ኣቶሺን ኢሲ ኣሲካ ባዋ» ያገሰ።

24 ሄሳ ገሾ፡ ያሳ ኬላ ዋታዳሬታ ኪቲይሲኔ ካሂኔ ሃላቃቲ ሄሳ ሰዒዳ ዋዴ «ሃዋርታ ቦላ ኣይቢ ሃኒዳ?» ያገሰ። ሂርጊደሶና።

25 ሄ ዋዴ ኢሲ ኣዳይ ኤንታኮ ዩዲ፡ «ሄኩ፡ ቃሾ ኬላ ሂንቲ ጌልሲዳ ኣሳቲ ያሳ ኬላን ኤቁዲ ኣሳ ታማርሶሶና» ያገሰ። ኤንታው ኦዲስ።

26 ያሳ ኬላ ዋታዳሬታ ኪቲይሲ ባ ዋታዳሬታራ ቢዲ ሃዋርታ ኤሂስ። ሺን ኤንቲ ባንታና ኣሳይ ሹቻን ጫዳና ጊዲ ያዩዳ ገሾ ኤንታ ኣዳሺዲ ኤሂደሶና።

27 ኤንቲ ሃዋርታ ኤሂዲ፡ ሺቁዳ ሻንጉዋ ሲንጻን ኤሲን ካሂኔ ሃላቃይ ኤንታኩ፡

28 «ሂንቲና ኦኒ ሄ ኡራ ሱንጻን ታማርሶና ማላ ሚንጼዲ ኪቲቦኩ? ሄኩ፡ ሂንቲ ቲሚርቲያ ዩራሳላሜ ካታማ ኡባ ጋላዳታ። ሄ ኡራ ሺሞፔዋስ ኦና ኦይላናው ቆፔቲ?» ያገሰ።

29 ጳዒርሳራኔ ሃንኮ ሃዋርታራ ኤንታው ዛሪሹ፡ «ኦኒ ኣሳስ ኪቲታናፔ ያሳስ ኪቲታናው ቤሴስ።

30 ማስቀላያ ቦላ ሂንቴ ካቁዲ ዋዲዳ ዩሱፊ ኑ አዋታ ያሳይ ሃይቆፔ ዳንጼሰ።

31 ኢስራዔሌቲ ናጋራፔ ሰማና ማላኔ ኤንታ ናጋራይ አቶ ጌቲታና ማላ ያሳይ ዩሱፊ ሃራይሳኔ አሼይሳ አሊዲ ቦንቸን ባፔ ኡቫቻ ባጋን ኡቲሰሰ።

32 ሄሳስ ኑኒ ማርካ፤ ቃሲ ያሳይ ባና አማኔይሳታስ አሚዳ ጌቫ አያናይካ ማርካ» ያገደሰና።

33 ሸቂዳ አሳይ ሄሳ ሰዒዳ ዋዴ ዳር ዩሎቲዲ፣ ሃዋሪታ ዋዳናው ቆፒደሰና።

34 ሸን አሳ ኡባን ዳሮ ቦንቸቲዳ፣ ሂጌ አስታማሪይ፣ ጋማሊያሌ ጌያ ኢሲ ፋሪሳዊይ ዳንዲ ኤቂዲ ሃዋሪታ ጉላ ዋዴስ ካሬ ኬሳና ማላ ከቲሰ።

35 ሄሳፌ ጉዬ፣ ሸቂዳ አሳኮ፣ «ኢስራዔሌ አሳው፣ ሃ አሳታ ቦላ ሂንቴ ኦላናው ቆፒያባፔ ናጌቲቲ።

36 አይስ ጊኮ፣ ሃይሳፌ ካሴ ቲዋዳሲ ባና፣ ታኒ ጊታ ጊዲ ዳንዲን፣ ኦይዲ ጌቲ ጊዲያ አሳቲ ኢያራ ኢሲፊደሰና። ሸን ኢያ ዋዲን ኢያ ካሊዳ ኡባይ ላሌቲን ፓላና አሲ ጊዲዲ አቲደሰና።

37 ሄሳፌ ጉዬ፣ አሳይ ታይቤቲያ ዋዴ ጋሊላ ዩሁዲ ዳንዲዲ ዳር አሳ ፓንጋዩዲ ካሌሊሰ፣ ሸን ኢያካ ዋዲን ኢያ ካሊዳ አሳ ኡባይ ላሌቲሰ።

38 ሃዒካ ታ ሂንቴው ኦዳይሰ፤ ሃ አሳታፔ ቫኬቲቲ፤ ኤንታ ቦቸፊቲ። አይስ ጊኮ፣ ሃ ቆፋኔ ሃ ኦሎቆ አሲ አሊያባ ጊዲኮ ዳያና።

39 ሸን ሃ ቆፋይኔ ሃ ኦሶይ ያሳፌ ዩዳባ ጊዲኮ፣ ሂንቴ ኤንታ ዳይሳናው ዳንዳዔኬታ። ጌላዳ ያኒሼ ሂንቴ ያሳራ ካጩታና» ያገደዲ ኦዲሰ። ሄሳ ጊሾ፣ ሸቂዳ አሳይ ጋማሊያሌ ዞሪያ ኤከደሰና።

40 ሃዋሪታ ሶ ያገደዲ ሊሶን ጋራፊሰሰ። ሄሳፌ ጉዬ፣ ኤንታኮ፣ «ዩሱፊ ሱንሳ ናምዓንሶ ዳንሶፊቲ» ጊዲ ቢርሽ ዩዲደሰና።

41 ዩሱፊ ሱንሳ ጊሾ ኤንቲ ካዉያናይሲ ቤሲያባ ጊዴይሳ ኤሪዳ ጊሾ ቫንጉዋ ሲንሳፌ ኡፋይቲሼ ከዩደሰና።

42 ኤንቲ ኡባ ዋዴ ያሳ ኬላኒኔ አሳ ሶን ዩሱሲ ኢ ከሪሰቶሳ ጊዴይሳ ታማርሶኔ ሳባኮ አገቦኮና።

6

ላፑን አሳታ ደሪቲላ

1 ሃ ዋዴ ካሊይሳታ ታይቦይ ዳሪ ዳሪ ቢሸን፣ ጊሪኬ ደና ኦዴቲያ አይሁዳቲ ዩሁዳን ዩሎቲዲ ዳዒያ አይሁዳታ ቦላ ዙዙሚደሰና። አይስ ጊኮ፣ ጊሪኬ ደና ኦዴቲያ አይሁዳቲ፣ «ጋሳስ ጋሳስ አሚቲያ ካላን ኑ አምዒቲ ናቁቶሶና» ያገደሰና።

2 ታማኔ ናምዑ ሃዋሪቲ ዋሳ ኬላ አሳ ኡባ ያገደዲ፣ «ኑኒ ያሳ ቃላ ኦዴይሳ አገዲ ካሊ ጊሻናው ኑሰ ቤሲና።

3 ሂዛ፣ አሻቶ፣ ሎዎ አሳታ፣ ጌቫ አያናኒኔ ጨንጫቲላን ኩሚዳ ላፑን አሳታ ሂንቴ ጊደፌ ደሪቲ፤ ኑኒ ኤንታ ሃ ኦሎቆሰ ሹማና።

4 ሸን ኑኒ፣ ኑ ኩሚላ ዋዲያ ያሳ ዋሳኒኔ ቃላ ታማርሶን ፔሻና» ያገደሰና።

5 ሃዋሪቲ ኦዲዳ ኦዲይ አሳ ኡባ ኡፋይሲሰ። ሄሳ ጊሾ፣ አማኖይኔ ጌቫ አያኒ ኩሚዳ ኢስዒፋናሴ፣ ፊልጶሳ፣ ጸሮኮሮሳ፣ ኒቃርኔ፣ ዓሞና፣ ጳርማናኔ አይሁዳ አማኖ ጌሊ ሲሚዳ አንዎኪያ ኒቆላዎሳ ደሪደሰና።

6 ኤንታ ሃዋሪታ ሲንሳን ኤሲን፣ ሃዋሪቲ ኤንታ ቦላ ኩሼ ዋሊዲ ያሳ ዋሲደሰና።

7 ያሳ ቃላይ ዳልጊ ዳልጊ ቢሰ። ዩሩሳላሚን ዳዒያ አማኔይሳታ ታይቦይ ዳሪ ዳሪ ቢሰ፤ ዳር ካሂኔቲካ አማኒደሰና።

ኢስዒፋናሴይ ኦይኬቲሰ

8 ኢስዒፋናሴይ አጼ ኬሃቲላኒኔ ዋልቃን ኩሚዲ አሳ ጊደን ኦራላባታኔ ማላታታ ኦሊሰ።

9 አይሌቲላፌ ከዩዳ አይሁዳ ዋሳ ኬላ አሳይ ቄሪናፔኔ ኢስኪንዲሪያፔ ኪልቁያፌኔ ኢሲያፔ ዩዳ ኢሲ ኢሲ አሳቲ ዳንዲዲ ኢስዒፋናሴራ ፓላሚደሰና።

10 ሸን ኢስዒፋናሴይ አያና ዋልቃን ኦዴቲያ ጨንጫቲላ ኤንቲ ኤቁታናው ዳንዳዒቦኮና።

11 ሃ ዋዴ ኤንቲ፣ «ሙሴኔ ያሳ ኢ ጫዩሸን ሲዒዳ» ጊያ ዋርዶ አሳታ ሻሚደሰና።

12 ሄሳዳ ኦሊዲ ቢታ ጨማታኔ ሂጌ አስታማሪታ ኢያ ቦላ ዳንጼደሰና። ኢስዒፋናሴ ኦይኪዲ ቫንጉዋ ሲንጼ ኤፊደሰና።

13 ኢያ ቦላ ፓይዲዳ ዋርዶ ማርካቲ፣ «ሃ ኡራይ ሃ ያሳ ኬላኔ ሙሴ ሂጊያ ዛሪ ዛሪ ጫዩሰ።

14 ኢ፣ ሃይሲ ናዚሬቲ ዩሱሲ፣ ሃ ያሳ ኬላ ላላና፤ ቃሲ ሙሴይ ኑሰ አሚዳ ሂጊያ ላማና) ያገሸን ኑኒ ሰዒዳ» ያገደሰና።

15 ቫንጊ ሸቆን ኡቲዳ አሳ ኡባይ ኢስዒፋናሴ ሎይሊዲ ያሊያ ዋዴ ኢያ ሶምዎይ ኪታንቸ ሶምዎ ዳኔሰ።

7

ኢስዒፋናሴ ሃሳያ

1 ካሂኔታ ሃላቃይ ኢስዒፋናሴኮ፣ «ሃይሲ ቲሜ?» ያገደዲ ኦይቸሰ።

2 ኢስዒፋናሴይ፣ «ታ አሻቶ፣ ታ አዋቶ፣ ሲዒቲ! ኑ አዋ አብራሃሚይ ካራኔን ዳናው ባናፔ ሲንጼ ማሴጶምያን ዳዒሸን፣ ቦንቸ ያሳይ ኢያው ቆንጨዲ፣

3 ነጌ ቢታፌኔ ኔ ዳቦታፔ ቫኬታዳ ታኒ ኔና ቤሲያ ቢታ ባ) ያገሰ።

4 ሃ ዋዴ አብራሃሚይ ካልዳዌታ ቢታፌ ከዩዲ ካራኔን ዳናው ቢሰ። ኢያ አዋይ ሃይቂዳፔ ጉዬ ያሳይ ኢያ ሃ ቢታ ሃዒ ሂንቴ ዳዒያ ቤሳ ኤሂሰ።

5 ኢ ሃ ቢታፌ ሃሪ አቶሸን ቶሆይ ዩዲያ ቤሲካ አብራሃሚሰ አሚቤና። ሸን ናዒ ኢያው ባይና ዋዴ ያሳይ ሃ ቢታ ኢያዉኔ ኢያ ሸቫሰ ላታ ኦሊዲ አማናይሳ ቃላ ጌሊሰ።

6 ያሳይ አብራሃሚኮ፣ ነጌ ሸቫይ ሃራ ቢታን አማላቲላን ዳና፤ ያን ኦይዲ ጌቲ ላይሊ ኤንቲ አይሌቲላን ሃሪታና።

7 ሺን ታኒ ኔ ሹሻ ሃሪያ ዳሪያ ቦላ ፒርዳና። ሄሳፌ ጉዬ፣ ኤንቲ ሄ ቢታፌ ከዩዲ ሃይሳን ታው ጎይናና ያገሰ።

8 ያሳይ አብራሃሜ ሹሻይ ቃፃሬታና ሜላ ኢያራ ጫቁን፣ ዩሳቁ ዩሌቲዳ ሆሰፕንሳ ጋላሳን ቃፃሪሰ። ዩሳቁ ያይቆባ ቃፃሪሰ፤ ቃሲ ያይቆቢ ታማኔ ናምዑ ባ ናይታ፣ ኑ አዋታ ማይዛታ ቃፃሪሰ።

9 «ያይቆባ ናይቲ ዮሴፋ ቃናቲዲ ገብፄ ቢታን አይሌቲላሰ ባይዚዶሶና፣ ሺን ያሳይ ኢያራ ዳዒሰ።

10 ኢያ፣ ኢያ ዋዬ ኡባፌ ከሲሰ። ገብፄ ካወዋ ሲንሳን ሳባኔ ጨንጫቴላ ኢያው አሚሰ። ገብፄ ካዋይ ዮሴፋሰ ገብፄ ቢታኔ ባ ከላ ኡባ አይሳናዳ ሃላቃቴላ አሚሰ።

11 «ገብፄ ቢታኒኔ ካናኔ ቢታ ኡባን ኮሺ ገሊዲ ዳር አሳ ኡንዔላሰ። ሄ ዋዴ ኑ ማይዛቲ ካላ ዳማናው ዳንዳቢቦኮና።

12 ያይቆቢ ገብፄ ቢታን ካላ ዳዒሳ ሲዒዲ ኑ አዋታ ኮይር ያ ዩዲሰ።

13 ናምዒንሎ ቡሳን ዮሴፌ ባ ኢሻታሰ ባናቲላ ኤሪሰሰ። ገብፄ ካዋይካ ዮሴፋ ሹሻ ኤሪሰ።

14 ዮሴፌ ባ አዋ ያይቆባኔ ባ ዳቦ ኡባ፣ ላቸን ታማኔ ኢቻሹ አሳ ባኮ ያና ሜላ ከቲዲ ኤሂሲሰ።

15 ያይቆቢ ገብፄ ቢታ ዋዲሰ፤ ኢኔ ኢያ ናይቲ ያን ሃይቁዶሶና።

16 ኤንታ አሃይ ሄ ቤሳፌ ሴከሜ ቢታ ቶኩቲዲ ቢዲ፣ ያን አብራሃሜይ ሃሞሬ ናይታፔ ዳር ቢራን ሻሚዳ ዳፎን ሞጌቲሰ።

17 «ሺን ያሳይ አብራሃሜሰ አማና ገዳይሳ ፖሊያ ዋዴይ ጋካናው ማቲዳ ዋዴ ገብፄ ቢታን ዳዒያ ኑ አሳይ ዳሪ ዳሪ ቢሰ።

18 ሄሳፌ ጉዬ፣ ዮሴፋ ኤርና ሃራ ካዋይ ገብፄ ቢታን ካዋቲሰ።

19 ሄ ካዋይ ኑ ዜሬላ ገኒዲ ጉላ ናይቲ ሃይቃና ሜላ ኤንታ ካሬ ከሲ ዩጋና ሜላ ኑ አዋታ ኡንዔላሰ።

20 «ሄ ዋዴ ሙሴይ ዩሌቲሰ፤ ኢ ያሳ ሲንሳን ዳር ሎቦ ናና። ባ አዋ ከላን ሄሹ አገና ጋካናው ዲጨሰ።

21 ሙሴይ ዋራ ሆሌቲዳ ዋዴ ገብፄ ካወዋ ናዒያ ዳማ ኤካዳ ባ ናና ኦላዳ ኢያ ዲቻሱ።

22 ሙሴይ ገብፄታ ጨንጫቴላ ኡባ ታማሪዲ ኦዳኒኔ ኦሶን ሚኖ አሲ ገዲሰ።

23 «ሙሴሰ ላይላይ ኦይታማ ኩሚዳ ዋዴ ባ ኢሻታ፣ ኢሰራዔሌታ ቤዓናው ባ ዋዛናን ቆፒሰ።

24 ኢሰራዔላታፔ ኢሱዋ ገብፄ ኢሶይ ቆሂሺን ቤዒዲ ሄ ኢሰራዔሌ ኡራ ማዲዲ፣ ሄ ቆሂዳ ገብፄ ኡራ ዋዲዲ ኩሹ ዛሪሰ።

25 ሙሴይ ባ ኢሻታ ባ ባጋራ ያሳይ አሻናው ሃይይሳ ኤንቲ አከካና ገዲ ቆፒሰ፣ ሺን ኤንቲ አከኪቦኮና።

26 «ዋንቴላ ጋላሰ ናምዑ ኢሰራዔሌ አሳቲ ኢሶይ ኢሱዋራ ዋዴቲሺን ዳሚዲ ኤንታ ሲገላናው ኮዩዲ፣ ላሳቶ፣ ሂንቲ ኢሻንታ፤ አይሰ ኢሶይ ኢሱዋ ቆሂቲ?» ያገሰ።

27 «ሺን ባ ላገያ ቆሂይሲ ሙሴኮ፣ ሳና ኑ ቦላ ሃሪይሳኔ ዳይና ኦላዲይ ኦኔ?»

28 ኒኒ ዚኔ ገብፄ ኡራ ዋዴዳይሳዳ ታና ዋዳናው ኮያይ?» ያገዲ ሙሴ ሱጊ ዩዲሰ።

29 ሙሴይ ሄሳ ሲዒዳ ዋዴ ገብፄፌ ቤቲዲ ሚዲያሜ ቢታን ቤቲ አሲ ገዲዲ ዳዒሹ ናምዑ አዳ ናይታ ዩሊሰ።

30 «ጎዳ ከታንቸይ ኦይታሙ ላይላፌ ጉዬ ሰና ዳሪያ ማታን ዳዒያ ባዞ ቱሺያ ገደን ኤጊያ ታማ ላጮ ገደን ሙሴሰ ቤንቲሰ።

31 ሙሴይ ባ ቤዒዳይሳን ማላሌቲዲ፣ ሎይላ ቤዓናው ቱሺያ ማቲ ሹቁዲ ዳዒሺን፣ ጎዳ ቃላይ፣

32 ታኒ ኔ አዋታ፣ አብራሃሜ ያሳ፣ ዩሳቃ ያሳ፣ ያይቆባ ያሳ» ያገሺ ሙሴኮ ዩሰ። ሙሴይ ያሻን ከኮሪዲ ጃላናው ዳንዳዒቤና።

33 «ጎዳይ ሙሴኮ፣ ሳኒ ኤቁዳ ቢታይ ገሺ ገዲያ ገሺ ኔ ቶሁዋን ዳዒያ ጫማ ከሳ።

34 ታኒ ገብፄን ዳዒያ ታ አሳ ኡንዔቲላ ቤዓሰ። ኤንታ ዋሱዋ ሲዓዳ ኤንታ አሻናው ዋዳሰ። ሃዒ ሃያ! ታኒ ኔና ገብፄ ከታና» ያገሰ።

35 «ኢሰራዔሌቲ ሙሴ፣ ሳና ኑና ሃሪይሳኔ ዳይና ኦላዲይ ኦኔ?» ያገዲ ኢደዳይሳ ቱሺያ ገደን ኢያው ቤንቲዳ ከታንቸዋ ባጋራ ሃሪይሳኔ አሹይሳ ኦላዲ ያሳይ ከቲሰ።

36 ሙሴይ ኢሰራዔሌታ ገብፄፌ ከሲዲ ማላሊሲያባታኔ ኦራላባታ ገብፄ ቢታኒኔ ዞዖ አባን ኦላዲ ኤንታ ኦይታሙ ላይላ ባዞ ቢታን ካሌላሰ።

37 «ኢሰራዔሌ አሳኮ፣ ሳሳይ ታና ዳንላዳይሳዳ ሂንቲ ሹሻ ገደፌ ታ ሜላ ናቤ ሂንቲው ዳንላና» ያገዲይ ሄ ሙሴ።

38 ባዞ ቢታን ሹቁዳ ኢሰራዔሌ አሳራ ዳዒዳይሰ፣ ኑ አዋታራኔ ሰና ዳሪያ ቦላ ኢያው ኦዲዳ ከታንቸዋራ ዳዒዳ ሙሴይ ኢያ። ያቲዲ፣ ያሳ ዳዖ ቃላ ኑሰ አማናው ኤኪሰ።

39 «ሺን ኑ ማይዛቲ ሙሴሰ ከቲታናው ደሲቦኮና፤ ኢያ ኢደዲ ጉዬ ገብፄ ሲማናው አሞቲዶሶና።

40 ቃሲ አርናኮ፣ ሳና ካሌላያ ያሳታ ኑሰ ኦላ። አይሰ ገኮ፣ ሃይሲ ኑና ገብፄፌ ኤሂዳ ሙሴይ፣ ዋኒዳኮ ኑኒ ኤርኮ» ያገደሶና።

41 ሄ ዋዴ ማሪ ዳኒሲዲ ኤቃ ኦላደሶና። ሄ ኤቃሰ ያርሾ ያርሺዲ ባንታ ኩሹን ኦላዳ ኦሱዋን ኡፋይቲዶሶና።

7:7 ከሳ 3:12 7:8 ሜዴ 17:10-14፣ 21:2-4፣ 25፣ 26፣ 29:31-35 7:9 ሜዴ 37:11፣ 28፣ 39:2፣ 21 7:10 ሜዴ 41:39-41 7:11 ሜዴ 42:1-2 7:13 ሜዴ 45:1፣ 16 7:14 ሜዴ 45:9-10፣ 17-18፣ 46:27 7:15 ሜዴ 46:1-7፣ 49:33 7:16 ሜዴ 23:3-16፣ 33:19፣ 50:7-13፣ ኢያ 24:32 7:17 ከሳ 1:7-8 7:19 ከሳ 1:10-11፣ 22 7:20 ከሳ 2:2 7:21 ከሳ 2:3-10 7:23 ከሳ 2:11-15 7:29 ከሳ 18:3-4 7:30 ከሳ 3:1-10 7:35 ከሳ 2:14 7:36 ከሳ 7:5፣ 14:21፣ ታይ 14:33 7:37 ዛሬ 18:15፣ 18 7:38 ከሳ 19:1-20:17፣ ዛሬ 5:1-33 7:40 ከሳ 32:1 7:41 ከሳ 32:2-6

42 ሺን ያሳይ ኤንታው ዘኮ ዛሪስ። ኤንቲ ሳሎ ያለንቶታ ጎይናና ማላ ኤንታ ዩጊ ኣጊስ። ናቤታ ማፃፋን።

ኣኢሰራዔሌ ኣሳው፣ ኦይታሙ ላይሳ ኩሜሳ ሳዘ ቢታን ሹኪዳ ማሂያን ያርሺዳ ያርሹዋ ታው ያርሺዳቲ?

43 ሂንቲ፣ ሂንቲው ጎይናናው ኬሲዳ ኤቃኔ ሞሎኬ ዱንካኒያ ሬፋና ጊያ ሂንቲ ያሳ ያለንቶ ሚሲሊያ ቶኪዳታ።

ታኒ ሂንቲና ባቢሎኔፕ ሂኒ ባጋ ዩዳና) ጌቲቲዲ ፃፊቲስ።

44 «ኑ ኣዋታስ ባዘ ቢታን ማርካ ዱንካኔይ ዳዔስ። ኢያካ ያሳይ ሙሴ ከቲዳይሳዳኔ ኢያ ቤሲዳይሳዳ ኦሊስ።

45 ቃሲ ኑ ኣዋቲ ሄ ዱንካኒያ ባንታ ኣዋታፕ ኤኪዲ ያሳይ ካሴ ዩዳሳዳ ኣይሁዳ ጊደና ኣሳ ቢታ ኦይኪዳ ዎዴ ኢያሱራ ያ ኤኪዲ ጌሊደሶና። ሄ ዱንካኔይ ዳዊቲ ዎዴ ጋካናወካ ሄ ቤሳን ዳዔስ።

46 ዳዊቲይ ያሳን ሳቤቲስ። ቃሲ ያይቆባ ጎዳይ ዳዓና ኬሳ ኬፃናው ያሳ ዎሲስ።

47 ሺን ኢያው ኬሳ ኬፃዳይ ሶሎሞኔ።

48 «ሃናሺን፣ ኡባፌ ቦላ ያሳይ ኣሲ ኬፃዳ ኬሳን ዳና። ናቤይ ጊዳይሳ ማላ።

49 ሳሎይ ታ ኣራታ፣ ሳዓይካ ታ ቶሆይ ዩዳያሶ።

ያቲን፣ ታው ሂንቲ ኣይ ማላ ኬሳ ኬፃኔ? ዎይኮ ታኒ ሹሞፕያሶይ ኣወኔ?

50 ሃ ኡባ ታ ኩሺያን ኦላቢኪና?) ያጌስ ጎዳይ።

51 «ሂንቲ ዋኒዳ ሲያና ኣሴ? ሂንቲ ዎዛናይ ያሳ ቃላ ኤካናው ኣይሰ ኢፂዳ? ሂንቲ ሃይሳይ ኣይሰ ቱሊዳ? ሂንቲ፣ ሂንቲ ኣዋታሶ ኡባ ዎዴ ጌሻ ኣያናራ ኤቁቲታ።

52 ናቤታ ጊዳፊ ሂንቲ ኣዋቲ ጎዳናይ ኦኔ? ያሳ ናዓይ፣ ፂሎይ ያናይሳ ካሴቲዲ ኦዲዳይሳታ ዎዳደሶና። ሃዒ ሂንቲ ኢያ ኣላ ኢሚዲ ዎዳዳታ።

53 ሂንቲ ከታንቸዎ ኩሹፕ ያሳ ሂጊያ ኤኪዳታ፣ ሺን ከቲቲቤኬታ» ያጊስ።

ኢሰፂፋኖሴይ ሹቻን ጫዳቲስ

54 ኤንቲ ሄሳ ሲዒዳ ዎዴ ባንታ ዎዛናን ኢሰፂፋኖሴ ቦላ ዳር ዩሎቲዲ፣ ባንታ ማቴርሻ ሳፂዲ ማንዲደሶና።

55 ሺን ኢሰፂፋኖሴይ ጌሻ ኣያናን ኩሚዲ፣ ሳሎ ፑዴ ፀሊዲ፣ ያሳ ቦንቸዎኔ ዩሱሳ ያሳ ኡሻቻ ባጋን ኤቁዳይሳ ቤዒስ።

56 «ሄኮ፣ ታኒ ሳሎይ ደዩቲን፣ ኣሳ ናዓይ፣ ያሳ ኡሻቻ ባጋን ኤቁዳይሳ ቤዒይስ» ያጊስ።

57 ቃላ ቶቁ ኦሊዲ ዋሲሹ፣ ባንታ ሃይሳ ኦይኪዲ ኢሲፊ ኢያኮ ዎዳደሶና

58 ኢያ ካታማፕ ጋፃ ኬሲዲ፣ ሹቻን ጫዲደሶና። ማርካቲ ባንታ ማዑዋ ኢሲ ሳፂላ ጊያ ናዓቲላ ማታን ዎሊደሶና።

59 ኢሰፂፋኖሴይ፣ «ታ ጎዳ ዩሱሳ፣ ታ ሹሞፑዎ ኤካ» ያጊዲ ፀጊሺን ኤንቲ ኢያ ሹቻን ጫደሶና።

60 ጉልባቲዲ፣ ባ ቃላ ቶቁ ኦሊዲ፣ «ታ ጎዳው፣ ሃ ናጋራ ኤንታው ኣቶ ጋ» ያጊስ። ሄሳ ያጊዲ ሲሚዳ ማላ ሃይቁ ኣጊስ።

8

ሳፂላ ኣማኒያ ኣሳ ጎዲስ

1 ሳፂላ ኢሰፂፋኖሴ ሃይቁዎን ኡፋይቲስ። ሄ ጋላስ ዩሩሳላሚን ዳዒያ ዎሳ ኬሳን ጊታ ጎዲ ዳንዲስ። ሃዋሪቲ ኣቲን ኣማኔይሳቲ ኡባይ ዩሁዳ ቢታኒኔ ሳማሪ ቢታን ላሌቲደሶና።

2 ኢሲ ኢሲ ያሳ ኣሳቲ ኢሰፂፋኖሴ ሞጊደሶና፤ ቃሲ ኢያው ዳር ዩኪደሶና።

3 ሺን ሳፂላ ዎሳ ኬሳ ጳይሳናው ኮዩስ። ሶ ሶ ዩዩ ጌሊዲ፣ ኣማኒያ ኣዳታኔ ማጫሳታ ጎቹ ጎቹ ኬሲዲ ቃሾ ኬሳ ጌልሴስ።

ዎንጌላይ ሳማሪን ሳባኬቲስ

4 ላሌቲዳ ኣማኔይሳቲ ቢዳ ቤሳ ኡባን ቃላ ኡዲደሶና።

5 ፊልጶሲ ሳማሪ ካታማ ቢዲ ከሪስቶሳባ ኣሳስ ኦዲስ።

6 ዳር ኣሳይ ፊልጶሲ ጊዳይሳ ሲዒዳ ዎዴ ኢ ኦሊያ ማላታታ ቤዒዳ ዎዴ ኢያ ኣኬኪዲ ሲዒደሶና።

7 ቱና ኣያናቲ ዎሲዲ ዳር ኣሳፕ ኬዩደሶና፤ ቃሲ ዳር ጉንዳቲኔ ዎቤቲ ቢሌቲደሶና።

8 ሄ ካታማን ዳዒያ ኣሳይ ዳር ኡፋይቲደሶና።

9 ሺን ሲሞና ጊያ ኢሲ ኡሪይ ሄ ካታማን ዳዒስ። ኢ፣ «ባና ጊታ» ጊዲ ሳማሪ ኣሳ ማርቲላን ማላሊሲሽ ጋሞዒስ።

10 ጉላፊ ጊታ ጋካናው ዳዒያ ኣሳ ኡባይ፣ «ጊታ ያሳ ዎልቃይ ሃይሳ» ጊዲ ኢያባ ሲያሶና።

11 ዳር ዎዴፕ ደሚዲ ማርቲሽ ሳማሪ ኣሳ ማላሊሲዳ ጊሾ ኣሳይ ኢያባ ሲያሶና።

12 ሺን ፊልጶሲ ያሳ ካዎቲላባኔ ዩሱስ ከሪስቶሳባ ሱንሳባ ኣዳታሲኔ ማጫታስ ኦዲን፣ ኤንቲ ኢያባ ኣማኒዲ ፃማቁቲደሶና።

13 ቃሲ ሲሞኒካ ባ ሁዒን ኣማኒዲ ፃማቁቲስ። ፊልጶሳራ ኢሲፊ ቢዳ ቤሳ ኡባን ኦሴቲያ ጊታ ማላታታ ቤዒዲ ማላሌቲስ።

14 ዩሩሳላሚን ዳዒያ ሃዋሪቲ ሳማሪ ኣሳይ ያሳ ቃላ ኤኪዳይሳ ሲዒዳ ዎዴ ጳይርሳኔ ዮሃኒሳ ኤንታኮ ዩዲደሶና።

15 ጳይርሲኔ ዮሃኒሲ ቢዲ፣ ኣማኔይሳቲ ጌሻ ኣያና ኤካና ማላ ኤንታው ያሳ ዎሲደሶና።

16 ኣይሰ ጊኮ፣ ሳማሪ ኣሳቲ ጎዳ ዩሱሳ ሱንሳ ፃላላን ፃማቁቲደሶናፕ ኣቲን ኤንታፊ ኢሱዋ ቦላካ ጌሻ ኣያኒ ዎዳቤና።

17 ሄ ዎዴ ጳይርሲኔ ዮሃኒሲ ባንታ ኩሹያ ኤንታ ቦላ ዎሊን፣ ኤንቲ ጌሻ ኣያና ኤኪደሶና።

18 ሃዋሪቲ ባንታ ኩሹያ ኤንታ ቦላ ዎሊን፣ ኤንታው ጌሻ ኣያናይ ኢሚቲዳይሳ ሲሞኒ ቤዒዳ ዎዴ ጳይርሳሲኔ ዮሃኒሳስ ሚሹ ኤሂዲ።

7:42 ኣዎ 5:25-27 7:44 ኬሳ 25:9፣ 40 7:45 ኢያ 3:14-17 7:46 2ሳሙ 7:1-16፣ 1ታሪ 17:1-14 7:47 1ካዎ 6:1-38፣ 2ታሪ 3:1-17 7:49 ኣሳ 66:1-2 7:51 ኣሳ 63:10 8:3 ሃ.ኦ 22:4-5፣ 26:9-11

19 «ታኒካ ታ ኩሺያ ዋሊያ ኡባይ ገሻ ኣያና ኤካና ማላ ሃ ማታ ታወካ ኢሜርኬቲ» ያገሰ።

20 ሺን ጳጳሮሲ ኢያኮ፡ «ኔኒ ያሳ ኢሞታ ሚሼን ሻማናው ቆፒዳ ገሾ ኔ ሚሼይ ኔራ ቆየ።

21 ኔ ዋዛናይ ያሳ ሲንላን ሱሬ ገደና ገሾ ኔው ሃይሳን ገሾይ ዋይኮ ቃዲ ባዋ።

22 ሂዛ፡ ሃ ኔ ዋዛና ኢታቲላ ገሾ ናጋራፔ ሲማ። ኔ ዋዛናን ዳዲያ ኢታ ቆፋ ያሳይ ኣቶ ጋና ማላ ያሳ ዋሳ።

23 ጋሶይካ፡ ኔኒ ኢታ ቃናቲኔ ናጋራ ቃሹዋን ዳዲያሳ ታኒ ቤዳይሰ» ያገሰ።

24 ሲሞኒ ዛሪዲ፡ «ሂንቲ ገደይሳፊ ኢሶይካ ታና ጋኮና ማላ ታው ያሳ ዋሰቲ» ያገሰ።

25 ጳጳሮሲን ጥሃኒሲ ማርካቲዳፔ ነ ዳ ቃላ ኦዲዳፔ ጉዬ ዩሩሳላሜ ሲሚዶሶና። ሳሚሬን ዳዲያ ዳር ጉታታን ዋንጌላ ኦዲዶሶና።

ፊልጶስ ቶጲያ ሞሪና ፃማቂስ

26 ጎዳ ከታንቸይ ፊልጶሳኮ፡ «ዳንዳዳ ዩሩሳላሜፔ ጋዛ ኤፊያ ባዞ ቢታ ኦጊያኮ ባ። ሄ ኦጊይ ዲጌሃ ባጋራ ዳዴሰ» ያገሰ።

27 ፊልጶስ ዳንዲዲ ቢሰ። ሂንዴኬ ገያ ቶጲያ ካዋሰ ኢ ሚሼ ኡባ ናገያ ቶጲያ ኣሲ ዳዴሰ። ኢካ ጎይናው ዩሩሳላሜ ቢሰ።

28 ፓራ ጋሪያን ኡቲዲ፡ ዩሩሳላሜፔ ባ ቢታ ሲሚሼ ናቢያ ኢሳያሳ ማፃፋ ናባቤሰ።

29 ገሻ ኣያናይ ፊልጶሳኮ፡ «ሄ ጋሪያኮ ባዳ ኢያ ማቲ ሸቃ» ያገሰ።

30 ያቲን ፊልጶስ ዋዲ ቢዲ ጋኪያ ዋዴ ሞሪናይ ናቢያ ኢሳያሳ ማፃፋፔ ናባቢሺን ሲዲዲ፡ «ኔ ናባቤያሲ ኔው ጌሊ?» ያገሰ።

31 ሞሪናይ፡ «ታው ኦዲ ጌልሲያ ኣሲ ባይና ዋኒዲ ጌላኔ?» ያገሰ። ባራ ጋሪያን ኬዪዲ ኡታና ማላ ፊልጶሳ ዋሰሰ።

32 ሞሪናይ ናባቢያ ማፃፋ ከፊሌይ፡ «ኢ ደርሳዳ ሹኬታናው ላጌቲሰ፤ ደርሳ ማሪ ባ ኢኪሲያ ማዴይሳታ ሲንላን ሲዲ ጌይሳዳ፡

ኢካ ባ ደና ደዪቤና።

33 ኢ ካወዪሰ፤ ኢያው ዪሎ ፒርዲ ቆይሰ። ኢያ ዳይይ ሃ ሳዓፔ ቃንጭቲዳ ገሾ ኢያ ሹሻባ ኦኔ ኦዳናይ?» ያገሰ።

34 ሞሪናይ ዛሪዲ ፊልጶሳኮ፡ «ናቤይ ኦዴባ ኦዲ? ባባ ኦዲዬ ዋይኮ ሃራ ኣሳባ ኦዲ? ታው ኦዳርኪ» ያገሰ።

35 ፊልጶስ ዛሪዲ፡ ያሳ ቃላ ሄ ቤሳፊ ደሚዲ፡ ዩሱሳባ ኦዲያ ዋንጌላ ኢያው ኦዲሰ።

36 ኤንቲ ቢሹ ሃሊ ዳዲያሶ ጋኪዶሶና። ሞሪናይ፡ «ሃሌ ሃይሳ ቤዓ፤ ታ ፃማቆቶና ማላ ኣይቢ ዲገ?» ያገሰ።

37 ፊልጶስ ኢያኮ፡ «ኔኒ ኔ ኩሜላ ዋዛናፔ ኣማኒኮ ዳንዳዳሳ» ያገሰ።

ኢ ዛሪዲ፡ «ዩሱሰ ከሪሰቶሲ ያሳ ናዓ ገዴይሳ ታኒ ኣማናይሰ» ያገሰ።

38 ጋሪይ ኤቃና ማላ ሞሪናይ ከቲን፡ ናሞዓይ ዋዲዲ ሃላን ጌሊዶሶና፤ ፊልጶስ ኢያ ፃማቂስ።

39 ኤንቲ ሃላፊ ጋፃ ኬዪዲ ዋዴ ጎዳ ኣያናይ ፊልጶሳ ቆፖና ኤኪሰ። ናሞዓንሎ ሞሪናይ ፊልጶሳ ቤዒቤና፡ ሺን ባ ኦጊያ ኡፋይቲሼ ቢሰ።

40 ፊልጶስ ኣዛዖናን ባና ዳሚሰ። ቃሲ ቁሳሪያ ያና ጋካናው ካታማታን ዩዪዲ ዋንጌላ ማርካቲሰ።

9

ሳዖሊ ከሪሰቶሳ ኣማኒሰ (ሃ.ኦ 22:6-16፤ 26:12-18)

1 ሄ ዋዴ ሳዖሊ ጎዳ ካሌይሳታ ዋዳናው ማንዲዲ ካሂኔ ሃላቃኮ ቢሰ።

2 ጎዳ ኦጊያ ካሊያ ኣዴታኔ ማጫታ ዳሚኮ፡ ቃቸሼ ዩሩሳላሜ ኤሃናው፡ ዳማሰቆን ዳዲያ ኣይሁዴ ዋሳ ኬላታሰ ዳብዳቤይ ፃፊታና ማላ ኢያ ዋሰሰ።

3 ኢ ቢዲ፡ ዳማሰቆ ካታማ ጋካናው ማቲሺን፡ ቆፖና ሳሎፔ ዋልቃማ ፖይይ ኢያ ዩሹዋን ፖዲሰ።

4 ኢ ሳዓን ኩንዲዳሺን፡ «ሳዖላ፡ ሳዖላ፡ ኣይሰ ታና ጎዳይ?» ገያ ቃላ ሲዲሰ።

5 ሳዖሊ፡ «ጎዳው፡ ኔኒ ኦኔ?» ያገሊ ኣይቸሰ።

«ታኒ፡ ኔኒ ጎዳያ ዩሱሳ» ያገሰ።

6 ሺን ሳዖሊ ኩሪሼኔ ማላላቲሼ፡ «ጎዳው፡ ታኒ ኣይ ኦላና ማላ ኮያይ?» ያገሰ።

ጎዳይ ኢያኮ፡ «ዳንዳዳ ካታማ ጌላ፤ ኔኒ ኦላናው ቤሲያባይ ያን ኔው ኦዴታና» ያገሰ።

7 ሳዖላራ ኦጊያ ቢያ ኣሳቲ ኣይኮካ ኦዴቶና ኤቂ ኣቲዶሶና። ቃላ ሲዶሶና፡ ሺን ኦናካ ቤዒቦኮና።

8 ሳዖሊ ኩንዲዳ ቤሳፊ ዳንዲዲ ጃሊያ ዋዴ ኢያ ኣይፊይ ዳሞና ኢዲሰ። ሃሳ ገሾ፡ ኤንቲ ኢያ ኩሺያ ኦይኪዲ ካሌሊዲ ዳማሰቆ ጌልሲዶሶና።

9 ሄቹ ጋላሰ ጋካናው ኢ ጃላናው ዳንዳዲቤና፤ ኣይኮካ ሚቤና፤ ኡዪቤና።

10 ዳማሰቆን ኢሲ ሃናኒያ ገያ ዩሱሳ ታማሬይ ዳዴሰ። ጎዳይ ቆንጩሳን፡ «ሃናኒያ» ያገሊ ጃሊሰ።

ሃናኒይ ዛሪዲ፡ «ታ ጎዳው፡ ሃይሳን ዳዳይሰ» ያገሰ።

11 ጎዳይ ኢያኮ፡ «ዳንዳዳ ሱሬ ጌቲቲያ ኦጊያ ባዳ፡ ዪሁዳ ሶን ሳዖላ ገያ ቲርሴሴፔ ዪዳ ኡራ ኮያ፤ ሳዖሊ ዋሰሰ።

12 ቃሲ ሃናኒይ ጌሊዲ፡ ሳዖሊ ናሞዓንሎ ጃላና ማላ ባ ኩሺያ ኢያ ቦላ ዋሊሺን ቆንጩሳን ቤዒሰ» ያገሰ።

13 ሃናኒይ ዛሪዲ፡ «ጎዳው፡ ዩሩሳላሜን ኔ ገሻ ኣሳ ቦላ ሄ ኡራይ ኣይ ማላ ኢታባ ኦሊዳኮ ታኒ ዳር ኣሳፔ ሲዳሰ።

14 ቃሲ ዳማሰቆን ኔ ሱንላ ጃጌይሳታ ኡባ ቃቻናው፡ ካሂኔ ሃላቃቲ ኢያው ማታ ኢሚዶሶና» ያገሰ።

15 ሺን ጎዳይ ኢያኮ፡ «ሳዖሊ ኣይሁዴ ገደና ኣሳ ሲንላን፡ ካዎታ ሲንላን ኢሰራዔሌ ኣሳ ሲንላን፡ ታ ሱንላ ኤሪሳናውኔ ታው ኦላናው ደራቲዳ ሚሼ ገዲያ ገሾ ኔኒ ኢያኮ ባ።

16 ኣይሰ ገኮ፡ ታ ሱንላ ገሾ ኢ ኣይ ማላ ዋዬ ኤካናው ቤሲያኮ ታኒ ኢያ ቤሳና» ያገሰ።

17 ሃናኒይ ቢዲ፡ ሶ ጌሊዲ፡ ባ ኩሺያ ሳዖላ ቦላ ዋሊዲ፡ «ታ ኢሻ ሳዖላ፡ ኔኒ ያ ኦጊያን ኔው

በንጥድ ጎዳ ዩሱስ፡፡ ነገ ጭላና ማላኔ ገሻ አያናን ኩማና ማላ ታና ከተሰ» ያገለገለ።

18 ኤሌሲዲ፡፡ ሳዖሊ አይፊያፕ ኢሲ ፖቆ ማላባይ ዋቋን፡፡ ሳዖሊ ናምዓንሉ ያሌሰ። ቃሲ ዳንዲዲ ፃማቁተሰ።

19 ካሌ ሚዲ ፃሊዲ፡፡ ዳማሰቆን ዳዒያ አማኔይሳታራ ጉላ ጋላሰ ጋምዒሰ።

ሳዖሊ ዳማሰቆን ታማርሲሰ

20 ኤሌሲዲ ሳዖሊ፡፡ «ዩሱስ ያሳ ናዓ» ያገረዱ ዳማሰቆን ዳዒያ አይሁዳ ዋሳ ከላታን ቃላ ታማርሲሰ።

21 ሄሳ ሲዒዳ ኡባይ ማላሌተዲ፡፡ «ሃይሲ ዩሩሳላሜን ዩሱሳ ሱንላ ያገረዱት ቃቼይሳ ገዴኔዬ? ቃሲ ሃ ዩዳይ ኤንታ ቃቼዲ፡፡ ካሂኔ ሃላቃታ ሲንሐ ኤፋናሳ ገዴኔ?» ያገረዱሰ።

22 ሺን ሳዖሊ ቃላ ኦደን ሚኒ ሚኒ ቢሰ። ዩሱሰ፡፡ ኢ ከሪሰቶሳ ገዴይሳ ቆንጨሲዲ ኦደዳ ገሻ ዳማሰቆን ዳዒያ አይሁዳቲ ኢያው ዛሪያባ ቆዩደሰ።

23 ዳር ጋላሳፕ ጉዬ አይሁዳቲ ሸቂዲ፡፡ ሳዖሊ ዋቆናው ዘሬቲደሰ።

24 ሺን አይሁዳቲ ባና ዋቆናው ቆፒዳይሳ ሳዖሊ ሲዒሰ። ኤንቲ ኢያ ዋቆናው ቃማኔ ጋላሰ ካታማ ፔንገያን ናጎሰ።

25 ሺን ኢያ ታማሬቲ ኢያ ቃማ ኤፊዲ፡፡ ገምቤ ዲርሳ ማሰኩቲያራ ዳቸራ ዋቋሲደሰ።

ሳዖሊ ዩሩሳላሜን ታማርሲሰ

26 ሳዖሊ ዩሩሳላሜ ጋኪዳ ዋቆ አማኔይሳታራ ጋሂታናው ኮዩሰ። ሺን ኢ ከሪሰቶሳ አማኒዳይሲ ኤንታው ቱማ ዳና ኢዲን ኢያው ያዩደሰ።

27 ሺን ባርናባሲ ሳዖሊ ሃዋሪታኮ ኤፊሰ። ኦጌን ጎዳይ ዋኒዲ ቆንጨዳኮኔ ሃሳዩሲዳኮ፡፡ ቃሲ ሳዖሊ ዳማሰቆን ዩሱሳ ሱንላን ያዮና ዋቲዲ ቃላ ኦደዳኮ ኤንታው ገሸዲ ኦደሰ።

28 ሳዖሊ ዩሩሳላሜን ዩዩዲ ጎዳ ሱንላን ያዮና ቃላ ኦደሸ፡፡ ሃዋሪታራ ኢሲፊ ዳዒሰ።

29 ቃሲ ሳዖሊ ገሪኬ ቃላ ሃሳያ አይሁዳታራ ኦደቲሸ ፓላሜሰ። ሺን ኤንቲ ኢያ ዋቆናው ኮዩደሰ።

30 አማኒያ አሳቲ ሄሳ ሲዒዲ፡፡ ሳዖሊ ቁሳሪያ ኤፊዲ ቲርሴሴ ዩዲደሰ።

31 ዩሱዳን፡፡ ጋላላኔ ሳማሬ ኡባን ዳዒያ ዋሳ ከላቲ ሳርቲሳን ዳዒደሰ። ቃሲ ሚኒደሰ። ጎዳሰ ያዩሸ ገሻ አያና ሚንሐሉዋን ዳሪ ዳሪ ቢደሰ።

ጳዊርሲ ሊዳኔኔ ዮጵን ታማርሲሰ

32 ጳዊርሲ ቢታ ኡባ ዩዩሸ ሊዳን ዳዒያ አማኒያ አሳታኮ ጋኪሰ።

33 ያን ሆሰፑን ላይሌ ኩሜሌ ጉንዲዲ አርሳን ዘንዒዲ ዳዒያ ኤኒያ ገያ አዲያ ዳሚሰ።

34 ጳዊርሲ፡፡ «ኤኒያ፡፡ ዩሱሰ ከሪሰቶሲ ኔና ፓላና፤ ዳንዲዲ ኔ ሄፃ ዳንላ» ያገለገለ። ኢካ ኤሌሲዲ ዳንዲ ኤቁሰ።

35 ሊዳኔኔ ሳርናን ዳዒያ አሳ ኡባይ ኤኒያ ቤዒዲ፡፡ ጎዳኮ ሲሚደሰ።

36 ዮጵ ካታማን ኢሲ ፃቢቶ ገያ አማኒያራ ዳዓዉሰ። (ፃቢቶ ጉሳይ ገንዔ ጉሱ) ኢያ ባ

ዳዒዳ ዋቆ ኡባን ሎዖባ ኦላሽኔ ማንቆታ ማዳሸ ዳዓሱ።

37 ሄ ዋቆ ኢያ ሃርጋዳ ሃይቁን፡፡ አሳይ ኢ አሃ ማጨዲ፡፡ ፖቁያ ቦላ ከሲዲ ዘንዒሲደሰ።

38 ሊዲ ዮጵሰ ማታ። አማኔይሳቲ ጳዊርሲ ሊዳን ዳዒይሳ ሲዒዲ፡፡ «ሃያና ኩኮ ኤሌሳዳ ያ» ያገረዱ ከታ ናምዑ አሳታ ቦላ ኢያኮ ከቲደሰ።

39 ሄሳ ገሸ፡፡ ጳዊርሲ ዳንዲዲ፡፡ ኤንታራ ቢሰ። ያ ጋኪን፡፡ ፖቁያ ቦላ ዳዒያ ከፊሊያ ኢያ ጌላሲደሰ። አምዒቲ ጳዊርሳ ዩሹዋን ኤቁዲ ዩኪሸ ደርቃ ኤንታራ ፓፃ ዳዓሽ ኦላዳ ቃሚሴታኔ አፊላታ ኡባ ጳዊርሳ ቤሲደሰ።

40 ጳዊርሲ ኤንታ ኡባ ካሪ ከሲዲ፡፡ ጉልባቲዲ ያሳ ዋሲሰ። ቃሲ አሃኮ ሲሚዲ፡፡ «ፃቢቲ፡፡ ዳንዳ» ያገለገለ። ፃቢታ ባ አይፊያ ደያዳ ጳዊርሳ ቤዒዳ፡፡ ዳንዳ ኡታሱ።

41 ጳዊርሲ ኢዮ ባ ኩሺያን ማዲዲ ዳንሌ ኤሲሰ። ሄሳፊ ጉዩ፡፡ አማኔይሳታኔ አምዒታ ፃገዲ፡፡ ዳንዲዳር ኤንታ ሲንሐ ሺሺሰ።

42 ሃ ኦዳይ ዮጵ ካታማ ኡባ ጋኪሰ። ዳር አሳይ ጎዳ አማኒደሰ።

43 ጳዊርሲ ዮጵን ሲሞና ገያ ጋልባ ሃሽይሳ ሶን ዳር ጋላሰ ጋምዒሰ።

10

ጳዊርሳኔ ቆርኔሊዮሳ

1 ቁሳሪያን፡፡ «ፃሌ ኦላ አሳታ» ጌቲቲያ ኦላንቸታ ገደን ኢሲ ቆርኔሊዮሳ ጌቲቲያ ማቶ ሃላቃይ ዳዒሰ።

2 ቆርኔሊዮሲ ባ ሶ አሳራ ያሳ ሚንሐ አማኒያ አሰኔ ያሳ ጎይኒያ አሰ። አይሁዳ ማንቆታካ ዳር ማዳሰ፡፡ ቃሲ ያሳ ኡባ ዋቆ ዋሴሰ።

3 ኢሲ ጋላሰ ኡዲፋን ሳቲ ሄራን ያሳ ከታንቸይ ኢያኮ ዩዲ፡፡ «ቆርኔሊዮሳ» ገዲ ፃገሺን ኢ ቆንጨዳን ገሸዲ ቤዒሰ።

4 ቆርኔሊዮሲ ዳጋሚዲ ከታንቸዋ ቲሺ ኦሌ ፃሊዲ፡፡ «ጎዳው፡፡ ኢ አይቤ?» ያገለገለ።

ከታንቸይ ዛሪዲ፡፡ «ኔ ዋሳይኔ ማንቆታ ኔ ማዳይሲ ያሳ ሲንላን ሃሳዩቲሰ።

5 ሃዒ ዮጵ አሴ ከታዳ፡፡ ጳዊርሳ ገያ ሲሞና ኤሃሳ።

6 ጳዊርሲ አባ ዳናን ጋልባ ሃሺያ ሲሞና ሶን ኢማላቲሌ ሲራቲሰ» ያገለገለ።

7 ቆርኔሊዮሲ ባው ኦዲዳ ከታንቸይ ቢን፡፡ ባ አይሌታፕ ናምዒታኔ ያሳ ጎይኒያ ባ ማታ ዋታዳሪታፕ ኢሱዋ ፃገዲ፡፡

8 ኤንታው ኡባባ ኦዲዲ ዮጵ ከቲሰ።

9 ዋንቲላ ጋላሰ ኤንቲ ቢዲ፡፡ ዮጵ ካታማ ማቲሺን ኡሱፑን ሳቲ ሄራን ያሳ ዋሳናው ጳዊርሲ ፖቁ ቦላ ከይሰ።

10 ኢ ኮሻቲዲ ካሌ ማናው ኮዩሰ፡፡ ሺን ካሌ ካዲሺን ኢ ቆንጨዳ ቤዒሰ።

11 ሳሎይ ዳዩቲን፡፡ ጌታ አፊላ ዳኒያባይ ኦይዲ ባጋራ ኦይኬቲዲ ዋቋሺን ኢ ቤዒሰ።

12 ኢያን ኦይዲ ቶሆራ ዳዒያ ማሄቲ፡፡ ዋራ ደዓቲ፡፡ ኡሎራ ጎሽቲያ ማዴቲላቲኔ ሳሎ ካፎቲ ኡባይ ዳዒሰ።

13 ህ ዎ ዎ «ጳጳሮች፣ ዳኝዎች ከቃዳ ሹካዳ ማ» ገያ ቃሊ ኢያኮ ዪሰ።

14 ሺን ጳጳሮሱ፣ «ጎዳው፣ አካይ! ታ ቱናባ ኡባራካ ማ ኤሪኮ» ያገሰ።

15 ቃሰ፣ «የሳይ ገሺዳይሳ ኔኒ ቱና ጎፓ» ገያ ቃሊ ናሞዓን፣ ኢያኮ ዪሰ።

16 ሄሲካ፣ ሄሹ ቶሆ ሃኒዳ፣ ጉዬ ህ ገታ አፊላ ዳኔይሲ ኤሌሲዲ ፑዴ ሳሎ ኤኮቲሰ።

17 ጳጳሮሱ ባ በዲዳ ቆንጮላ ቢርሽላይ፣ «አይ ገዳንዳሻ?» ገዲ ባ ዎዛናን ቆፒሺን፣ ቆርኔሊዮሲ ከቲዳ አሳቲ ሲሞና ሶ አይቺ ዳሚዲ ካሬን ኤቂደሶና።

18 ባንታ ቃላ ቶቁ አላዲ፣ «ጳጳሮሳ ገያ ሲሞኒ አማላቲላን ዳዔይ ሃይሳኔ?» ያገዲ ኦይቺደሶና።

19 ጳጳሮሱ ቆንጮላን በዲዳባ ቆፋ ቦላ ዳዒሺን፣ ገሻ አያኒ ኢያኮ፣ «ሄኮ፣ ሄሹ አሳቲ ኔና ኮዮሶና።

20 ዳንዳዳ ዎቶ፣ ታኒ ኤንታ ከቲዳ ገሾ ሲቶና ኤንታራ ባ» ያገሰ።

21 ጳጳሮሱ አሳታኮ ዎቶዲ፣ «ሃንቲ ኮዬይ ታና፤ አይሰ ዪዳቲ?» ያገሰ።

22 ኤንቲ ዛሪዲ፣ «ኑና ማቶ ሃላቃይ ቆርኔሊዮሲ ከቲሰ። ኢ ዲሎ፣ የሳ ጎይኒያ አሲኔ አይሁዳ አሳ ኡባን ዳሮ ቦንቸቲዳ አሲ። ቆርኔሊዮሲ፣ ኔና ባ ሶ ኤሂሲዲ ቃላ ኔፔ ሲዓና ማላ ገሻ ከታንቸይ ኢያው አዲስ» ያገደሶና።

23 ጳጳሮሱ አሳታ ሶ ገልሲዲ ሞኪሰ። ዎንቲላ ጋላሰ፣ ዳንዲዲ ኤንታራ ቢሰ። ዮጴ ካታማን ዳዒያ አማኔይሳታ፣ ኢሶቲ ኢሶቲ ኢያራ ኢሲፊ ቢደሶና።

24 ዎንቲላ ጋላሰ፣ ቂሳሪያ ጋኪደሶና። ቆርኔሊዮሲ ባ ዳቦታኔ ባ ማታ ላጌታ ኢሲፊ ያገ ሺሺዲ፣ ጳጳሮሳ ናጌሰ።

25 ጳጳሮሱ ሶ ገላና ሃኒሺን፣ ቆርኔሊዮሲ ኢያራ ጋሄቲዲ ኢያ ሲንላን ከንዲዲ ኢያው ጎይናናው ኮዪሰ።

26 ሺን ጳጳሮሱ፣ «ዳንዳ፣ ታካ ታ ሁዔን ኔ ማላ አሲ» ያገዲ ኢያ ዳንላሰ።

27 ጳጳሮሱ ቆርኔሊዮሳራ ኦዳቲሼ ሶ ገሊያ ዎዴ ዳሮ አሳይ ሸቆዳይሳ ዳሚሰ።

28 ኢ አሳኮ፣ «አይሁዳ አሲ ሃራ ዳሬራ ኢሲፋናው ዎይኮ ጋሄታናው ዎጋ ገደናይሳ ሃንቲ ኤሪታ። ሺን ታኒ ኦናካ ቱና ዎይኮ ገሺ ገዴና ጎና ማላ የሳይ ታና በሲሰ።

29 ሃሳ ገሾ፣ ሃንቲ ታኮ ከቲን ኢያይ ባይና ያሰ። ሃዒ ታና አይሰ ያገሲዳኮ ታው ኦዲቲ» ያገሰ።

30 ቆርኔሊዮሲ፣ «ታኒ ሃቺ አይዲ ጋላሳ፣ ካሰ ሃናዴ ኡዲፋን ሳቲ ዎሳ ዎሲሺን፣ ጸሊያ ማዎ ማዒዳ አሲ ታ ሲንላን ኤቂሰ።

31 ኢ ታኮ፣ «ቆርኔሊዮሳ፣ የሳይ ኔ ዎሳ ሲዒሰ፣ ኔኒ ማንቆታ ማዲዳይሳካ ሃሳይሰ።

32 ሃዛ፣ አሲ ዮጴ ከታዳ፣ ሲሞን ጳጳሮሳ ገይሳ ያገሳ። ኢ፣ ሲሞና ገያ ጋላባ ሃሺያ ኡራ ሶን አባ ደናን ሲራቲሰ» ያገሰ።

33 ሃሳ ገሾ፣ ታኒ ኔኮ ኤሌሳዳ ከታሰ፤ ኔ ሎዎ ያዳሳ። ሃዛ፣ የሳይ ኔና ከቲዳባ ኡባ ሲዓናው ሃዒ ኔኒ ኡባይ ሃይሳን ጎዳ ሲንላን ዳዎስ» ያገሰ።

ጳጳሮሳ ሃሳያ

34 ካሊዲካ፣ ጳጳሮሱ፣ «የሳይ አሳ ሶሞዎ በዲዲ አሲ አሳፔ ሻኬና።

35 ሺን አሲ ኡባ ኦና ገዲኮካ ባው ያዬይሳኔ ዲሎ ኦሶ ኤሌይሳን የሳይ ኡፋይቲይሳ ታኒ ቱማ አከካሰ።

36 የሳይ፣ ኡባ ጎዳ ገዲዳ ዬሱሰ ከሪሰቶሳ ባጋራ ሳሮቲላ ኦዲሼ ሃ ዎንጌላ ኢሰራዔሌ አሳስ ከቲዳይሳ ሃንቲ ኤሪታ።

37 ዮሃኒሲ ዲንቃቲባ ጋሊላን ሳባኪዳ ዎዲያፔ ደሚዲ ዪሁዳ ቢታ ኡባ ጋካናው ሃኒዳባ ሃንቲ ኤሪታ።

38 የሳይ ናዚሬቲ ዬሱሳሰ ገሻ አያናኔ ዎልቃ አሚሰ። የሳይ ኢያራ ዳዒያ ገሾ ሎዎባ ኢ ኦሊሼ ያላሄ ኮሼን ሃራቲዳ ኡባ ጋሊሼ ዩዩሰ።

39 «አይሁዳ ቢታኒኔ ዬራሳላሚን ኢ ኦሊዳ ኡባባሰ ኔኒ ማርካታ። ኤንቲ ማሰቃሊያ ቦላ ካቂዲ ኢያ ዎቶደሶና።

40 ሺን የሳይ ሃሸን፣ ጋላሳን ሃይቆፔ ኢያ ዳንላዲ አሳስ ቆንጮና ማላ አላሰ።

41 ህ ቆንጮላይ የሳይ ኮይሮ ደሪዳ ማርካታሳፊ አቲን አሳ ኡባሰ ገዴና። ኢ ሃይቆፔ ዳንዲዳፔ ጉዬ ኢያራ ሚዳኔ ኡዩዳ።

42 ኑኒ ዎንጌላ አሳስ ኦዳና ማላኔ ፓዓ ዳዔይሳታ ቦላኔ ሃይቆዳይሳታ ቦላ ፒርዳናው የሳይ ሹሚዳይ ዬሱሳ ገዴይሳ ማርካታና ማላ ኑና ከቲሰ።

43 የሳይ ኢያ አማኒያ ኡባ ናጋራይ፣ ኢያ ሱንላን አቶ ጌቲቲይሳ ናቤቲ ማርካቶሶና» ያገሰ።

አይሁዳ ገደና አሳቲ አማኒዲ ገሻ አያና ኤኪደሶና

44 ጳጳሮሱ ቡር ህ ኦዳ ኦንጎናሺን ቃላ ሲዒያ ኡባ ቦላ ገሻ አያኒ ዎቶሰ።

45 ጳጳሮሳራ ዮጴፊ ዩዳ አማኒያ ቃዓሬቲዳ አይሁዳ ኡባይ፣ አይሁዳ ገደናይሳታ ቦላ ገሻ አያኒ ጉኪዳ ገሾ ማላላቲደሶና።

46 ጋሶይካ፣ ኤንቲ ዲማ ዲናን ሃሳዩሺኒኔ የሳ ገታቲላ ሳቢሺን ሲዒደሶና።

ህ ዎዴ ጳጳሮሱ ዛሪዲ፣

47 «ሃይሳቲ ቃሲ ኑ ማላ ገሻ አያና ኤኪዳይሳቲ ዓማቆቶና ማላ ሃሌ ዲጋናይ ኦኔ?» ያገሰ።

48 ኤንቲ ዬሱሰ ከሪሰቶሳ ሱንላን ዓማቆታና ማላ ኤንታ ከቲሰ። ሃሳፊ ጉዬ፣ ኤንቲ ባንታራ ጉላ ጋላሰ ኡታና ማላ ጳጳሮሳ ዎሲደሶና።

11

ጳጳሮሱ ባ ኦሊዳባ ዬራሳላሚ ዎሳ ኬላሰ አዲሰ

1 ሃዋራቲኔ ዪሁዳ ኡባን ዳዒያ አማኔይሳቲ፣ አይሁዳ ገደናይሳቲካ የሳ ቃላ ኤኪዳይሳ ሲዒደሶና።

2 ጳጳሮሱ ዬራሳላሚ ቢዳ ዎዴ ቃዓሬቲዳ አማኔይሳቲ፣

3 ኢያኮ፣ «ኔኒ ቃዓሬቲቦናይሳታኮ ገላዳ ኤንታራ ካላ አይሰ ማዲ?» ያገደሶና።

4 ሺን ጳጳሮች ሃይደባ ኮይር፤ ደሚዲ ማራን ማራን አዲስ።

5 «ታሪ የጳጳሩ ካታማን ያሳ ዋሳሽ ቆንጩላ በዓሰ። ጌታ አፊላ ዳኒያባይ አይዱ ባጋራ ኦይኩተዱ ሳሎ፤ ምዳሽ ታኮ ዩሰ።

6 ታሪ ተሽ አላ ኢያ ጌዶ ያሊያ ዋዴ አይዱ ቶሆራ ዳዲያ ማህታ። ምራ ደዓታ። ኡሎራ ጎሽቲያ ማዴቲላታን ሳሎ ካፎታ በዓሰ።

7 «ጳጳሮች፣ ዳንዳ፣ ሹካዳ ማ) ጌያ ቃላ ሲዓሰ።

8 «ሺን ታሪ፣ ሳዳው፣ አካይ፣ ቱናባይ ዋይኮ ጌናናባይ ኡባካ ታ ደናኮ ሸቄ ኤሬና) ያጋሰ።

9 « (የሳይ ጌሺዳይሳ ኔኒ ቱና ጎፓ) ያጌያ ቃሊ ናምዓንሉ ሳሎ፤ ዩሰ።

10 «ሄሲ ሄሹ ቶሆ ሃኒን፣ ወርሴላን ኡባባይ ሳሎ ፑዴ ኤኬቲሰ።

11 ሄ ሳቲንካ ሄሹ አሳቲ ቁሳሪያ፤ ታኮ ከቲቲዱ ታሪ ዳዲያ ከላ ጋኪ አገደሰ።

12 ሲቶና ኤንታራ ባና ማላ አያናኢ ታው ኦዲሰ። ቃሲ ሃ ኡሱፑን አሻቲ የጳጳሩ ታራ ቁሳሪያ ቢዳይሳታራ ቆርኔሊዮሳ ሶ ጌሊዳ።

13 ከታንቸይ ኢያ ሶን ኤቁዳ፣ የጳጳሩ ከታዳ ጳጳሮች ጌቲቲያ ሲሞና ያገላ።

14 ኔና ኔ ሶ አሳ ኡባ አሺያ ቃላ ኢ ኔው ኦዳና) ጌዳይሳ ቆርኔሊዮሰ ኮሰ አዲሰ።

15 «ታሪ ሃሳያ ደሚያ ዋዴ ጌሻ አያናይ ኮይር ኮ ቦላ ዋዳይሳዳ ኤንታ ቦላካ ዋዳ አገሰ።

16 ሄ ዋዴ (የሃኒሲ ሃላን ማቀሰ፣ ሺን ሃንቲ ጌሻ አያናን ማቀታና) ያጌዳ ጎዳ ቃላይ ታው ቆፊቲሰ።

17 ያሳይ ኮሰ ጎዳ ዩሱሰ ከሪሰቶሳ አማኒይሳታሰ አሚዳ አምታ አይሁዴ ጌዳናይሳታሰካ አሚኮ፣ ያቲን ያሳ ዲጋናው ታሪ ኦኔ?» ያገሰ።

18 ኤንቲ ሄሳ ሲዲዳ ዋዴ ባንታ ፓላማ አገዳ፣ «ሄሳ ጌዲኮ፣ ያሳይ አይሁዴ ጌዳናይሳቲካ ናጋራ፤ ሲሚዲ ዴዎን ዳናዳ ቃዳ አሚሰ» ያጌዳ ያሳ ጋላቲዶሶና።

አንጻራዊ ዋሳ ከላ

19 ኢሰዳናሴ ሃይቆሰ ጋሊዳ ጎዳ ጋሶን ላሊቲዳ አማኒይሳቲ ቃላ አይሁዴታ ሃሳላሰ ኦዲሽ ሲርፊንቁ፣ ቆጶርሳኔ አንጻራዊ ጋካናው ዩዩደሶና።

20 ሺን ቆጶርሳ፤ ቁሬና፤ ዩዳ ኢሲ ኢሲ አማኒያ አሳቲ አንጻራዊ ቢዲ፣ ጎዳ ዩሱሳ ዋንጌላ ጌሪኬ አሳሰካ አዲዶሶና።

21 ጎዳ ዋልቃይ ኤንታራ ዴዴሰ፤ ቃሲ ዳር አሳይ አማኒዲ ጎዳኮ ሲሚዶሶና።

22 ሄ ኦዳ ዩሩሳላሚን ዳዲያ ዋሳ ከላይ ሲዲዳ ጌሻ ባርናባሳ አንጻራዊ ከቲሰ።

23 ባርናባሳ አንጻራዊ ቢዳ ዋዴ ያሳ አቶ ከሃቲላ ኡሱዋ በዲዲ ኡፋይቲሰ። ኤንቲ ኡባይ ባንታ ኡሜላ ዋዳናን ጎዳን ሚኒዲ ዳና ማላ ኤንታ ዞሪሰ።

24 ባርናባሳ ጌሻ አያናይ አማናይ ኡሚዳ ሎዎ አሲ ጌዲያ ጌሾ ዳር አሳይ ጎዳ አማኒዶሶና።

25 ሄሳፊ ጉዬ፣ ባርናባሳ ሳዶላ ኮያናው ቲርሴሴ ቢሰ።

26 ያን ሳዶላ ዳሚዳ ዋዴ አንጻራዊ ኤኪዲ ዩሰ። ባርናባሳ ሳዶላ ዋሳ ከላ አሳራ ላይላ ኡሜላ ኡቲዲ ዳር አሳ ታማርሲዶሶና። አማኒይሳቲ አንጻራዊን «ከሪሰታኔ» ጌቲቲዲ ኮይር ያጌቲዶሶና።

27 ሄ ዋዴ ኢሲ ኢሲ ናቤቲ ዩሩሳላሚ፤ አንጻራዊ ዋዳዶሶና።

28 ኤንታ ጌዶፊ አጋቦሳ ጌይሲ ዳንዲዲ ቢታ ኡባን ጌታ ኮሺ ከያናይሳ አያና ዋልቃን ቲንቢቲ ኦዲሰ። ሄሲ ሃኒዳይ ሮሜ ካወዋ ቃላወዲዮሳ ዋዳና።

29 አማኒይሳቲ ሁዔን ሁዔን ባንታ ዋልቃ ማላ ሚሽ ከሲዲ ዩሁዳን ዳዲያ አማኒይሳታሰ ማዴ ዩዳናው ቆፋ ቃቺዶሶና።

30 ኤንቲ ሃሳዳ ኦሊዲ፣ ሚሺያ ባርናባሳ ቦላኔ ሳዶላ ቦላ ዋሳ ከላ ጨማታሰ ዩዲዶሶና።

12

ዋሳ ከላ ቦላ ዋልቃማ ጎዳ ጋኪሰ

1 ሄ ዋዴ ካዎይ ሄርዲሲ * ዋሳ ከላ አሳ፤ ባጋ ጎዳ ደሚሰ።

2 የሃኒሳ አሻ ያይቆባ ማሻን ዋዳሲሰ።

3 ሄሲ አይሁዴታ ኡፋይሲዳይሳ በዲዲ፣ ጉጂዲ ጳጳሮች ኦይላሰ። ሄሲ ሃኒዳይ ፓሲካ ባሌ ቦንቸያ ጋላሳታና።

4 ጳጳሮች ኦይኪዲ ቃቺሰ። ፓሲካ ቦንቸያ ጋላሳታ፤ ጉዬ ዳሪያ ሲንጼ አላናው ቆፒዲ፣ ኦይዲ ኦይዲ ዋታዳሬቲ ኢያ ናጋና ማላ ታማኔ ኡሱፑን ዋታዳሬታሰ አላ አሚሰ።

5 ሃሳ ጌሾ፣ ጳጳሮች ቃሾ ከላን ናጌቲሰ። ሺን ዋሳ ከላ አሳይ ኢያው ሚንላዲ ያሳ ዋሶሶና።

ከታንቸይ ጳጳሮች ከላፊ ከሲሰ

6 ሄርዲሲ ጳጳሮች አሳ ሲንጼ ሺሻና፤ ካሴ ቃማ ጳጳሮች ናምዑ ባጋራ ናምዑ ዋታዳሬታራ ሳንላላታን ቃሽቲዲ ኤንታ ጌዶን ቋሰኪሰ። ናጌይሳቲ ቃሾ ከላ ፔንጌታን ኤቁዲ ናጎሶና።

7 አኬኮና ዳዲሺን ጎዳ ከታንቸይ ቆንጩሰ። ቃሾ ከላን ፖይ ፖዲሰ። ከታንቸይ ጳጳሮች ሚያ ቦቺ ባርኪሲዲ፣ «ኤሌ ዳንዳ» ያገሰ። ኢራካ ሳንላላታይ ኢያ ኡሺያ፤ ዋዳ አገሰ።

8 ከታንቸይ ኢያኮ፣ «ኔ ማዑዋ ማዓ፣ ኔ ጨማካ አላ» ያገሰ። ጳጳሮች ሃሳዳ ኦሊሰ፤ ከታንቸይ፣ «ኔ ላዓና ማዓዳ ታና ካላ» ያገሰ።

9 ጳጳሮች ቃሾ ከላፊ ከዩዲ ከታንቸይ ካሊሰ። ኢያው ቆንጩላ በዲያባ ዳኒሲ፤ አቲን ከታንቸይ ኦሊያባይ ቱማ ዳኒቤና።

10 ከታንቸይ ጳጳሮች ኮይሩዋኔ ናምዓንሉ ዋታዳሪያ አቋዲ ካታማ ኤፊያ ቢራታ ፔንጌያኮ ጋኪዶሶና። ፔንጌይ ኤንታው ባርካ ዶዬቲ አገሰ።

11:16 ሃ.አ 1:5 11:19 ሃ.አ 8:1-4 11:28 ሃ.አ 21:10 * 12:1 ካዎይ ሄርዲሲ፣ ሃይሲ ካዎይ ሄርዲሲ፣ ሄርዲሳ አገርጸ ጌያ ኮይሩዋ። ኢ፣ 37-44 ማርቲላ ላይላ ጋካናው ሃሪሰ። ኢ ካወዋ ሄርዲሳሰ ናዓ ናዓ 12:4 ከላ 12:1-27

እነዚህ ከዩዲ ኢሲ ኦሪጎስ ሲሆኑ ከታገኙ ይኸውን ጳጳሮች ሻኬት አደሩ።

11 ጳጳሮች ስሜን፡ «ታና ጎዳይ ባ ከታገኙ ከታዲ፡ ሄሮዲስ ኩሼቴኔ ናጊዲ ኡቲዳ አይሁዳ አሳ ኡባፌ አሺዳይሳ ሃዲ ቱማ ኤራስ» ያገሉ።

12 ኢ ሄሳ አኩኪዳ ዋዴ ዳር አሳይ ኢሲፌ ሸቂዲ ያሳ ዋሲያ ቤሳ፡ ማርቆስ ገያ ዮሃንሳ አዬ ማይራሚ ሶ ቢስ።

13 ያን ካሬን ኤቂዲ ያገሉ። ኢሲ ሮዳ ገያ አሳንቸያ ፔንገያ ደያናው ያሱ።

14 ሮዳ ጳጳሮች ቃላ ገዲዳይሳ ኤራዳ ዋዴ ኡፋይሳን ኩማዳ ካሪያ ደዬና ጉዬ ዋፃ ባዳ፡ «ጳጳሮሴ ካሬን ኤቂስ» ያገዳ አሳስ ኦዲሱ።

15 አሳይ ኢኮ፡ «ኔኒ ጎያይ!» ያገደሱ። ሮዳ ጳጳሮች ገዲዳይሳ ገሻዳ ኦዲሱ። እነዚህ፡ «ሄሲ ኢያ ናጊያ ከታገኙ» ያገደሱ።

16 ሸን ጳጳሮሴ ካሬን ኤቂዲ ያገዲ አጎና ኢዲን አሳይ ካሪያ ደዩዲ ኢያ ቤዲዲ ማላላቲዳሱ።

17 ሸን እነዚህ ሲዲ ጋና ማላ ጳጳሮሴ ባ ኩሼያን ማሊዲ ጎዳይ ቃሾ ከላፌ ኢያ ዋቲ ከሲዳኮ እነታው ቆንጨሲ ኦዲዲ፡ «ሃይሳ ያይቆባሲኔ አማኒያ አሳታስ ኦዲቲ» ገዲ ያፔ ከዩዲ ሃራሶ ቢስ።

18 ሳዲ ዋንቲያ ዋዴ «ጳጳሮሴ አው ቢዴ» ገዲ ዋታዳሬቲ ዋሊ ገደን ዳር ካጨደሱ።

19 ሄሮዲሴ ጳጳሮች ኮዩሲን፡ ኢ ቆዩዳ ዋዴ ናጊይሳታ ቆሪዲ፡ እነታ ዋቆና ማላ ከቲስ። ሄሳፌ ጉዬ፡ ሄሮዲሴ ዩሁዳፔ ቁሳሪያ ዋቂዲ ያን ጉላ ዋዴ ኡቲስ።

ሄሮዲስ ሃይቁዋ

20 ሄሮዲሴ ሂሮሳ አሳ ቦላኔ ሲደና አሳ ቦላ ዳር ሃንቁቲስ። እነታ ቢታይ ካሌ ሄሮዲሳ ቢታይ ዴሚያ ገሾ እነዚህ ኢሲፌ ገዲዲ ኢያ ሞሪና ቢላስያሳ ባንታው ጨማ አሌዲ ገጋናው ሄሮዲሳኮ ቢደሱ።

21 ሄሮዲሴ ሱንሌዳ ጋላሳን ባ ካዋቲላ አፊላ ማዲዲ፡ አራታ ቦላ ኡቲዲ አሳስ ኦዲሱ።

22 አሳይ፡ «ሄሲ ያሳ ቃላ፡ አሳ ቃላ ገዴና» ያገዲ ዋሲደሱ።

23 ሄሮዲሴ ያሳ ቦንቸቦና ገሾ ኢራካ ጎዳ ከታገኙ ይኸውን ዴቸን ጉፀኔን ማቲቲዲ ሃይቁስ።

24 ሸን ያሳ ቃላይ ዲጨሼኔ ዳገሼ ቤስ።

25 ባርናባሲኔ ሳያሊ ባንታ ኦሎቆ ፖሊዲ ማርቆስ ገያ ዮሃንሳ ባንታራ ኤኪዲ ዬራሳላሜፔ ሲሚደሱ።

13

ባርናባሲኔ ሳያሊ ከቲቲደሱ

1 እንደሆነ ዴዲያ ዋሳ ከላን ናቤቲኔ አስታማሬቲ ዴደሱ። እነዚህ ባርናባሳ፡ ካሬሌ ጌቲቲያ ሲሞና፡ ቁሬናፔ ዩዳ ሉኪዮሳ፡ ካወዋ ሄሮዲሳራ ዲጨዳ ማናሄኔ ሳያላ።

2 እነዚህ ጎዳ ጎይኒሺኒኔ ያሚሸን ገሻ አያናይ፡ «ታኒ ያገዳ ኦሎቆስ ባርናባሳኔ ሳያላ ታው ዲማዩቲ» ያገሉ።

3 ሄሳ ገሾ፡ እነዚህ ያሚዳፔኔ ዋሲዳፔ ጉዬ ባንታ ኩሼያ እነታ ቦላ ዋሌዲ ዬዲደሱ።

ባርናባሲኔ ሳያሊ ቆጶሮሳ ቢደሱ

4 ሄሳ ገሾ፡ ገሻ አያኒ እነታ ከቲስ። ሴሌወቁ ቢደሱ፤ ያፔ ማርካቤን ጌሊዲ ቆጶሮሳ ሃላን ቲቁቲዳ ቢታ ቢደሱ።

5 እነዚህ ሲልማና ጋኪዲ አይሁዳ ዋሳ ከላታን ያሳ ቃላ ኦዲደሱ። ዮሃንሴ * ማዲሼ እነታራ ዴዴስ።

6 እነዚህ ቆጶሮሳ ሃላን ቲቁቲዳ ቢታ ካንሌዲ ጳፉ ጋኪያ ዋዴ ኢሲ ዋርዳንቸ ናቢያ ባር-ዬሱሳ ገያ አይሁዳ ማራዋ ዴሚደሱ።

7 ሄ ማርይ ዴሪያ አይሲያ ሳርገዮስ ጳውሎሳ ገያ አከካንቸ አዲያራ ዴዴስ። ሳርገዮስ ጳውሎሴ ባርናባሳኔ ሳያላ ባኮ ያገዲ ያሳ ቃላ ሲዳናው ኮዩስ።

8 ሸን ገሪኬ ደናን ማራዋ ሱንላይ «ኤልማሳ» ጌቲቲስ። ኢ ዴሪያ ሃሪይሲ አማናና ማላ ዲጋናው ኮዩዲ ባርናባሳራኔ ጳውሎሳራ ኤቁቲስ።

9 ሸን ጳውሎሳ ገያ ሳያሊ ገሻ አያናን ኩሚዲ ማራዋ ጫዲ ያሊዲ።

10 «ላ፡ ያላሄ ናዳው፡ ኢታቲሌ ኡባይ ኩሚዳይሶ፡ ያሎቲላ ኡባስ ሞርኪያው፡ ሱራ ጎዳ ኦጊያ ማርቆይሳ አገኪ?»

11 ሄኮ፡ ሃዲ ጎዳ ኩሼይ ኔ ቦላ ዴዴስ። ኔኒ ቆቁ ገዳና፤ ጉላ ዋዴስ አዋ ፖፖ ቤዳካ» ያገሉ። ኢራ ጫጋናይኔ ቆማይ ኢያ አይፊያ ጎዘን፡ ባ ኩሼያ ኦይኪዲ ካሌሌያ አሲ ኮዩሼ ዩዩስ።

12 ዴሪያ ሃሪይሲ ሄሳ ቤዲዳ ዋዴ ጎዳባ ታማርሴይሳን ማላላቲዲ አማኒስ።

ባርናባሲኔ ጳውሎሴ ጲሲዲያ እንደሆነ ቢደሱ

13 ጳውሎሴ ኢያራ ዴዴይሳቲ ጳፉፔ ዴንዲዲ፡ ጲንፊሊያን ዴዲያ ጳርጌ ማርካቤራ ቢደሱ። ዮሃንሴ እነታፌ ሻኬቲዲ ዬራሳላሜ ሲሚስ።

14 ሸን እነዚህ ጳርጌፌ አቂዲ ጲሲዲያን ዴዲያ እንደሆነ ጋኪደሱ። ሳሞባታ ጋላስ አይሁዳ ዋሳ ከሌ ጌሊዲ ኡቲደሱ።

15 ሙሴ ሂጌይኔ ናቤታ ማፃፋይ ናባቤቲዳፔ ጉዬ አይሁዳ ዋሳ ከላ ሃላቃቲ፡ «ኑ አሻቶ፡ አሳ ሚንሌሌያ ቃሊ ሂንቲው ዴዲያኮ አሳስ ኡዴርኬቲ» ያገዲ እነታኮ ከቲደሱ።

16 ጳውሎሴ ዴንዲ ኤቂዲ ባ ኩሼ ማሊዲ፡ «ኢሰራዴሌ አሳታው፡ ቃሲ ያሳ ጎይኒያ አይሁዳ ገደና አሳው፡ ሲዲቲ።

17 ሃ ኢሰራዴሌ አሳ ያሳይ፡ ኑ ማይዛታ ደሪስ። ገብፄ ቢታን ኢማላቲላን እነዚህ ዴዲሸን፡ እነታ ዳርሲዲ ባ ገታ ዋልቃን ገብፄ ቢታፌ እነታ ከሲስ።

18 ባዘ ቢታን ኦይታሙ ላይላ ማላ እነታ ደንዳሲስ።

* 13:5 ዮሃንሴ፡ ሃ ቤሳን ያፊቲዳ ዮሃንሴ፡ ሃዋሪያ ዮሃንሴ ገደናሸን ዮሃንሴ ማርቆስ ጌቲቲያ ማርቆስ ዋንጌላ ያፊዳይሳ። 13:17 ከሳ 1:7፤ ከሳ 12:51 13:18 ታይ 14:34፤ ዛሬ 1:31 13:19 ዛሬ 7:1፤ ኢያ 14:1

19 ካናኔ ቢታን አይሁዳ ጊደና ለፑን ካዋቱላታ ዲጊዲ ኤንታ ቢታ ባ አሳ ላቲሲስ።

20 ሄሳፌ ጉዬ፣ ናቢያ ሳሙዔል ዋዴ ጋካናው አይዱ ያታኔ አሻታሙ ላይላ ሜላ አይሲያ ዳይናታ ኤንታው አሚስ።

21 ሄሳፌ ጉዬ፣ ኤንቲ ባንታው ካዋ አማና ሜላ ዋሲን፣ ያሳይ ቢኒያሜ ሼሻፔ ቂሴ ናዓ፣ ሳዖላ አይታሙ ላይላ ካዋታና ሜላ ኤንታው አሚስ።

22 ያሳይ ሳዖላ ሻሪዳፔ ጉዬ ኤንታ ቦላ ዳዊቲ ካዋሊስ። ያሳይ ዳዊቲባ ማርካቲሼ፣ ታኒ ኮያ ኡባ ታ ዋዛና ሜላ ኦሊያ ኢሴዬ ናዓ ዳዊቲ ዳማስ) ያገሰ።

23 «ያሳይ፣ ታኒ ዳዊቲ ሼሻፔ ኢሰራዔል ዳሪያ አሼይሳ ኤሃና) ጊዳይሳ ሜላ ዬሱሳ ኤሂስ።

24 ዬሱሲ ያናፔ ሲንጤ ኢሰራዔል አሳ ኡባይ ባንታ ናጋራፔ ሲሚዲ ፃማቁታና ሜላ ዮሃኒሲ ቃላ ኡዲስ።

25 ቃሲ ዮሃኒሲ ባ አሱዋ ወርሳና ሃኒሼ አሳኮ፣ ታና ኦና ጊዲ ቆፔቲ? ታኒ ሂንቲ ናጊያ ኪሪሰቶሳ ጊዲኮ፣ ሺን ታኒ ኢያ ጫማ ቢርሻናው ታው ቤሶናይሲ ታፔ ጉዬራ ዬሱ) ያገሰ።

26 «አሻቶ፣ አብራሃሜ ሼሻቶ፣ ቃሲ ሃይሳን አይሁዳ ጊደናሺን ያሳሰ ያዬይሳቶ፣ ሃ አቶቱላ ቃላይ ኮስ ከቲቲስ።

27 አይስ ገኮ፣ ዬሩሳላሜን ዳዒያ አሳይኔ ኤንታ ሃላቃቲ ዬሱሳ ኤሪቦኮና። ሳምባታ ኡባን ናባቤቲያ ናቤታ ቃላ አኬኪቦና ገሾ ኢያ ቦላ ፐርዲዲ ናቤቲ ኦዲዳ ቃላ ፖሊደሶና።

28 ዬሱሳ ዋዲሳናው ኢሲ ጋሶይካ ቆዩን ጸላያሲ ኢያ ዋዳና ሜላ ዋሲደሶና።

29 ኤንቲ ዬሱሳባይ ጌሻ ማፃፋን ፃፊቲዳባ ኡባ ፖሊዳ ዋዴ ማስቃሊያፔ ኢያ ዋዲሲዲ ሞጊደሶና።

30 ሺን ያሳይ ሃይቆፔ ዬሱሳ ዳንሊስ።

31 ሄሳፌ ጉዬ፣ ኢ ባራ ጋለላፔ ዬሩሳላሜ ዩዳይሳታስ ዳር ቶሆ ቤንቲስ። ኤንቲ ሃዒ ኢያባ አሳሰ ማርካቶሶና።

32 «ያሳይ ኦ አዋታስ አማና ጊዳ ዋንጌላ ኮኒ ሂንቲው አደስ።

33 ዳዊቲይ ባ ማዝሙራ ማፃፋን ናምዓንሶ ሸምፑዋን፣

ሳኒ፣ ታ ናዓ፣

ታኒ ሃቺ ኔና ዬላስ) ጌቲቲዲ ፃፊቲዳ ዬሱሳ፣ ያሳይ ሃይቆፔ ዳንሊዲ ኦ ማይዛታስ አማና ጊዳይሳ ኮስ ኤንታ ናይታስ ፖሊስ።

34 ኢ ዋቆና ሜላ ያሳይ ሃይቆፔ ኢያ ዳንሶን ኤሪሳናው፣

ታኒ ዳዊቲስ አማና ጊዳ አማኔቲዳ ጌሻ አንጂዋ ሂንቲው አማና) ያገዲ አዲስ።

35 ሄሳ ጊሾ፣ ማዝሙራ ማፃፋን ሃራሶን ቃሲ፣

ሳኒ ጌሻ ናዓ አሃ ዋቁሳካ) ያገሰ።

36 «ዳዊቲይ ባ ዋዴ ያሳ ቆፋ ፖሊዳፔ ጉዬ ሃይቁዲ ባ አዋታራ ሞጌቲዲ ዋቁስ።

37 ሺን ያሳይ ሃይቆፔ ዳንሊዳይሲ ዋቁቤና።

38 «ሄሳ ጊሾ፣ ታ አሻቶ፣ ናጋራ አቶቱላይ ዬሱሳ ባጋራ ካሴቲዲ ሂንቲው ኦዴቲዳይሳ ኤሪቲ። ሙሴ ሂጌይ ናጋራፔ ያሊሳናው ዳንዳዒና።

39 ሺን ዬሱሳ አማኒያ ኡባይ ናጋራፔ ያሊስ።

40 ሄሳ ጊሾ፣ ናቤቲ ጊዳይሲ ሂንቲ ቦላ ጋኮና ሜላ ናጌቲቲ።

41 «ያሳይ ጊዳባ ሌቁሴይሳቶ! ቤዒቲ! ማላሌቲቲ! ቆዩቲ!

ኮኒካ ኦዲን፣ ሂንቲ አማኖና ኦሱዋ ታኒ ሂንቲ ዋዲያን ኦላና) » ያገሰ።

42 ጳውሎሲኔ ባርናባሲ አይሁዳ ዋሳ ኮላፌ ኬዩሺን፣ ካሊያ ሳምባታን ሄሳ ጉጂዲ ኦዳና ሜላ አሳይ ኤንታና ዋሲደሶና።

43 ሸቆይ ላሌቲዳፔ ጉዬ ዳር አይሁዳቲኔ አይሁዳታ አማኑዋን ጌሊዲ ያሳ ጎይኒያ ዳርቲ ጳውሎሳኔ ባርናባሳ ካሊደሶና። አማኒዳይሳቲ ያሳ አጼ ኬሃቱላን ሚኒዲ ዳና ሜላ ኤንታ ዘሪደሶና።

44 ካሊያ ሳምባታን ካታማን ዳዒያ አሳፔ ዳርቲ ያሳ ቃላ ሲዓናው ሸቁደሶና።

45 ሺን አይሁዳቲ ዳር አሳ ቤዒዳ ዋዴ ጳውሎሳ ቃናቲዲ ኢያ ሃሳያ አፂዲ ኢያ ጫዩደሶና።

46 ጳውሎሲኔ ባርናባሲ ያዮና፣ «ያሳ ቃላይ ኮይርቲዲ ሂንቲው ኦዴታናው ኮሼስ። ሺን ሂንቲ ቃላ አፂዲ ሜሪና ዳዑዋ ኤካናው ኮስ ቤሴና ጊዲ ሂንቲ፣ ሂንቲ ሁዔን ፐርዲዳ ጊሾ ሂዛ ኮኒ አይሁዳ ጊደናይሳታኮ ሲሞስ።

47 ጋሶይካ ጎዳይ፣

«አላሜ ኩሜላይ ኔ ባጋራ አታና ሜላ፣ ታኒ ኔና አይሁዳ ጊደና ዳሪያስ ፖዖ ኦላስ) ያገዲ ኦና ከቲስ» ያገደሶና።

48 አይሁዳ ጊደናይሳቲ ሄሳ ሲዒዳ ዋዴ ኡፋይቲዲ ያሳ ቃላ ቦንቺደሶና። ቃሲ ሜሪና ዳዑዋስ ደሬቲዳ ኡባይ አማኒደሶና።

49 ጎዳ ቃላይ ሄ ቢታ ኡባ ጋኪስ።

50 ሺን አይሁዳቲ፣ አይሁዳ ጊደና ያሴ ጎይኒያ ዲሬ ማጫሳታኔ ካታማን ዳዒያ ጌታ አሳታ ጳውሎሳ ቦላኔ ባርናባሳ ቦላ ዳንሊዳይሶና። ሄ አሳቲ ኤንታ ጎዳ ደሚዲ ባንታ ቢታፌ ኬሲደሶና።

51 ሺን ጳውሎሳራኔ ባርናባሳራ ኢይይሳታስ ማላ ጊዳና ሜላ ባንታ ቶሁዋፔ ባና ፒቲዲ ኢቆኒዮኔ ካታማ ቢደሶና።

52 ቃሲ አንጾኪያን ዳዒያ አማኔይሳቲ ጌሻ አያናኒኔ ኡፋይሳን ኩሚደሶና።

13:20 ዛሬ 2:16፤ 1ሳሙ 3:20 13:21 1ሳሙ 8:5፤ 10:21 13:22 1ሳሙ 13:14፤ 16:12፤ ማዝ 89:20 13:24 ማር 1:4፤ ሉቃ 3:3 13:25 ማቶ 3:11፤ ማር 1:7፤ ሉቃ 3:16፤ ዮሃ 1:20፤ 27 13:28 ማቶ 27:22-23፤ ማር 15:13-14፤ ሉቃ 23:21-23፤ ዮሃ 19:15 13:29 ማቶ 27:57-61፤ ማር 15:42-47፤ ሉቃ 23:50-56፤ ዮሃ 19:38-42 13:31 ሃ.ኦ 1:3 13:33 ማዝ 2:7 13:34 ኢሳ 55:3 13:35 ማዝ 16:10 13:41 ኢብ 1:5 13:47 ኢሳ 42:6፤ 49:6 13:51 ማቶ 10:14፤ ማር 6:11፤ ሉቃ 9:5፤ 10:11

14

ጳውሎስን ባርናባሲ አቆራኝ ሲደሰና

1 ካሴይሳዳካ፣ ጳውሎስን ባርናባሲ አቆራኝን አይሁዳታ ዋሳ ከሌ ጌሊዲ ዳር አይሁዳቲኔ አይሁዳ ጊደናይሳቲ አማናና ጋካናው ቃላ አዲደሰና።

2 ሺን አማኒቦና አይሁዳቲ፣ አይሁዳ ጊደናይሳታ ዋዛና ላሚዲ አሻታ ቦላ ዳንሌሊደሰና።

3 ሃዋርያቲ ያን ዳር ዋዳ ጋምዲደሰና። ከንቲ ያዮና ጎዳባ አዲደሰና። ጎዳይ ማላታታኔ ኦራፋባ ከንቲ አላና ማላ ከንታው ማታ አሚዲ ባ አቶ ከሃቴላ ቃላይ ቱማ ጊዳይሳ ቆንጩሲስ።

4 ሺን ሄ ካታማ አሳይ ቫኬቲዲ፣ ባጋይ አይሁዳታራ ባጋይ ቃሲ ሃዋርያታራ ጊዲስ።

5 አይሁዳ ጊደናይሳቲኔ አይሁዳቲ ባንታ ሃላቃታራ ኢሲፌ ጊዲዲ ሃዋርያታ ቆሃናውኔ ሹቻን ጫዳናው ኮዩደሰና።

6 ሃዋርያቲ ሄሳ ኤሪዲ፣ ሊሰደራኔ ዳርቤ ጊያ ሊቃዖኒያ ካታማታኔ ከንታ ሄራን ዳዒያ ቢታ ባቃቲደሰና።

7 ያን ዋንጌላ አዲደሰና።

ጳውሎስን ባርናባሲ ሊሰደራኔ ዳርቤን

8 ዩሌቶሳፕ ደሚዲ ናምቡ ቶሆይ ዋቢን ሃሙቲ ኤርና ኢሲ አዳይ ሊሰደራን ዳዔስ።

9 ሄ አዳይ ጳውሎስ አዲሺን ኡቲዲ ሲዔስ። ጳውሎስ ኢያ ጫዲዲ ያሊያ ዋዳ ፓፃናው ኢያው አማናይ ዳዔይሳ ቤዒዲ፣

10 ባ ቃላ ቶቁ አሊዲ፣ «ሲቲ ጋዳ ኔ ቶሁዋን ኤቃ» ያገሰ። ያቲን፣ ጉፒ ዳንዲ ኤቁዲ ሃሙላ ደሚስ።

11 ጳውሎስ አሊዳይሳ አሳይ ቤዒዲ ባንታ ቃላ ቶቁ አሊዲ ሊቃዖኒያ ደናን፣ «የሳቲ አሴ ዳኒዲ ኩኮ ዋዳደሰና» ያገደሰና።

12 ባርናባሳ፣ «ዲያ» ጊዲ፣ ጳውሎስ ሃሳያን ዋናቲያ ገሹ ኢያ፣ «ሄርሜሳ» ጊዲ ሱንሊደሰና።

13 ካታማፔ ጋፃን ዳዒያ ኤቃ ዲያ ከላ ካሄኔይኔ አሳይ ኮርማታኔ አሌቆ ጩሻታ ሃዋርያታሰ ያርሻናው ኮዩዲ ካታማ ፔንጌ ኤሂደሰና።

14 ሺን ባርናባሳን ጳውሎስ ሄሳ ሲዒዳ ዋዳ ከንቲ አላናው ቆፒዳይሳ ኢዲዲ ባንታ ማዕዋ ፔዳደሰና። አሳ ጊደ ዋዳ ጌሊዲ፣

15 ባንታ ቃላ ቶቁ አሊዲ፣ «አሳው፣ ሃይሳ አይስ አሌቲ? ኩካ ሂንቲ ማላ አሴ። ሃ ፓላናባፔ ሳሉዋኔ ሳዓ፣ አባኔ ከንታ ጊደን ዳዒያ ኡባባ ማዳዳ ዳዖ የሳኮ ሂንቲ ሲማና ማላ ሂንቲው ኩኒ ዋንጌላ አደስ።

16 ኢ ቤኒ አሳ ባንታ ኦጊያ ባና ማላ ዩዲ አገሰ።

17 ሺን ኢራ ሳሉዋፔ ቡኪሲስ፣ ካላካ ዋዳን ዋዳን አሚስ፣ ካሊ አሚዲ ሂንቲና ዳር ኡፋይሲስ፣ ያቲዲ ሂንቲው ሎዖባ አሊዲ ባው ማርካ ጳይሲቤና» ያገደሰና።

18 ሃዋርያቲ ሄሳ ጊዲ ባንታው አሳይ ያርሾና ማላ ዋዩዲ ዲጊደሰና።

19 አንጾኪያፔኔ አቆራኝፔ ዩዳ አይሁዳቲ፣ አሳ ባንታ ባጋ ዛሪዲ ሹቻን ጳውሎስ ጫዲደሰና። ከንታው ኢ ሃይቁዳባ ዳኒን ካታማፔ ጋፃ ጎቺ ኤፊዲ ዩጊደሰና።

20 ሺን አማኔይሳቲ ዩዲ፣ ኢያ የሹዋን ኤቁዳሺን ኢ ዳንዲዲ ካታማ ጌሊስ። ዋንቴላ ጋላስ ባርናባሳራ ኢሲፌ ዳርቤ ቢስ።

ጳውሎስን ባርናባሲ ሶሪያ አንጾኪያ ሲሚደሰና

21 ከንቲ ዳርቤ ካታማን ዋንጌላ አዲዲ ዳርታ አማንሊዳፔ ጉዬ ሊሰደራ፣ አቆራኝኔኔ ጲሲዲያ አንጾኪያ ሲሚደሰና።

22 ያን አማኔይሳታ ማንሌሊሽኔ ከንቲ አማናን ማኒዲ ዳዓና ማላ ዘሪሽ፣ «የሳ ካዋቴላ ጌላናው ኩኒ ዳር ዋዬ ኤካናው ቤሴስ» ያገደዲ ታማርሲደሰና።

23 ቃሲ ዋሳ ከላታሰ ሁዒን ሁዒን ጩማታ ደሪደሰና። ያሚዳፔኔ ዋሲዳፔ ጉዬ ከንቲ አማኒዳ ጎዳስ ከንታ ሃዳራ አሚደሰና።

24 ጲሲዲያ ቢታ ካንሊዲ አቋዲ ጲንፊሊያ ቢደሰና።

25 ጴርጌን ቃላ አዲዳፔ ጉዬ አፃሊያ ቢደሰና።

26 ያፔ ከንቲ ባንታ ፖሊዳ ኦሎቆስ ያሳ አቶ ከሃቴላስ ከንታ ሃዳራ አሚዳ አንጾኪያ ማርካቤራ ሲሚደሰና።

27 አንጾኪያ ጋኪዳ ዋዳ ዋሳ ከላ አሳ ሺሺዲ ያሳይ ከንታራ አሊዳ ኦሎቆ ኡባኔ አይሁዳ ጊደና አሳይ አማናና ማላ ከንታው ዋቲ ፔንጌ ደዩዳኮ አዲደሰና።

28 ሄሳን አማኔይሳታራ ዳር ዋዳ ጋምዲደሰና።

15

ዩሩሳሌም ሸቆዋ

1 ኢሲ ኢሲ አሳቲ ዩሁዳፔ አንጾኪያ ቢዲ፣ «ሙሴ ዋጋላ ሂንቲ ቃፃሬቶና አዲኮ አታናው ዳንዳዔኬታ» ጊዲ አማኔይሳታ ታማርሶ ደሚደሰና።

2 ሄሲ ጳውሎስን ባርናባሳ ከንታራ ዳር ፓላማናዳኔ ካጫናዳ አሊስ። ሄሳ ገሹ፣ አንጾኪያን ዳዒያ ኢሲ ኢሲ አሳቲ ጳውሎስን ባርናባሳራ ዩሩሳሌም ቢዲ ሃዋርያታኔ ጩማታራ ጋሂቲዲ ሄ አዳ ቢላና ማላ ቆፋ ቃቺደሰና።

3 ዋሳ ከላይ ከንታ ከቲን ቢደሰና። ከንቲ ሲርፊንቁ ሳማሬራ አቋሽ አይሁዳ ጊደናይሳቲ የሳኮ ዋኒዲ ሲሚዳኮ አዲደሰና። ሄሲ አማኔይሳታ ኡባ ዳር ኡፋይሲስ።

4 ከንቲ ዩሩሳሌም ጋኪዳ ዋዳ ዋሳ ከላይ፣ ሃዋርያቲ ጩማቲ ከንታ ሞኪደሰና። ያሳይ ባንታራ አሊዳባ ኡባ አዲደሰና።

5 ሺን ፋሪሳዊታ ባጋፌ አማኒዳ ኢሲ ኢሲ አሳቲ ዳንዲ ኤቁዲ፣ «አይሁዳ ጊደናሺን አማኒዳ አሳቲ ቃፃሬታናውኔ ሙሴ ሂጊያ ናጋናው ቤሴስ» ያገደሰና።

6 ሃዋርያቲ ጩማቲ ሄሳ ዘሪታናው ሸቁደሰና።

7 ዳር ሃሳዩዳፔ ጉዬ፣ ጴዳርሲ ዳንዲ ኤቁዲ፣ «ታ አሻቶ፣ አይሁዳ ጊደናይሳቲ ዋንጌላ ቃላ ታ

ደናፔ ሲሲዲ አማናና ማላ ካሴቲዲ ታና ያሳይ ሂንቲ ገደፌ ደሪዳይሳ ሂንቲ ኤሬታ።

8 አሳ ዋዛና ኤሪያ ያሳይ ገሻ አያና ኑስ አሚዳይሳዳ ኤንታወካ አሚዲ ቱማይሰ።

9 አማኖን ኤንታ ዋዛና ገሻዲ ገሾ ኑ ገደኒኔ ኤንታ ገደን ዲማቴሌ ዋሊቤና።

10 ሄሳ ገሾ፣ ኑ አዋቲኔ ኑኒ ቶካናው ዳንዳዲባና ቃምባራ አማኔይሳታ ሞርጌን ዋሊዲ ሃዲ አይሰ ያሳ ፓጩቲ?

11 ጎዳ ዩሱስ ኪሪሰቶሳ አቶ ኬሃቴሳን ኤንቲ አቲዳይሳዳ ኑካ አቲዳይሳ አማኖስ» ያገሰ።

12 አሳይ ሲሲ ገዲ፣ ባርናባሲኔ ጳውሎሲ አይሁዳ ገደና አሳ ገደን ባንታ ባጋራ ያሳይ ኦሊዳ ማላታታኔ ኦራላባ ኡባ ኦዲሺን ሲገሰና።

13 ኤንቲ ሃሳያ አንገዳፔ ጉዬ ያይቆቤ፣ «አሻቶ፣ ታ ገይሳ ሲሲቴ።

14 ያሳይ አይሁዳ ገደናይሳታ ገደፌ ባ አሴ ደራናው ኮዩዲ ኤንታና ኮይሮ ዋቲዲ ቆፒዳኮ ሲሞኒ ኦዲሰ።

15 ናቤታ ቃላይ ሃይሳራ ገኔሰ። ገሻ ማፃፋን፣

16 «ሃይሳፌ ጉዬ፣ ታኒ ሲማና፣

ኩንዲዳ ዳዊቲ ካዎቴላ ዳንላና።

ላሌቲዳ ኬላካ ዛራ ኤሳና።

17 አቲዳ አሳ ኡባይ ታኮ ያና፣

ታኒ ቄጊዳ አይሁዳ ገደና አሳ ኡባይ ታና ኮያና።

18 ቤኒፔ ደማዳ ሄሲ ኤሬታና ማላ ኦሊዳ ያሳይ፣ ታኒ ያጋይሰ» ያገሰ።

19 «ሄሳ ገሾ፣ ታ ቆፋይ ያሳኮ ሲሚያ አይሁዳ ገደናይሳታ ኑኒ ዋይሶናኮ ሎዎ።

20 ሺን ኤንቲ ኤቃስ ያርሼቲዲ ቱኒዳባ ሞና ማላ፣ ላይማቶና ማላ፣ ባወታ ሞና ማላኔ ሱሊ ኡዮና ማላ ኤንታው ኑኒ ዳብዳቤ ፃፋናው ኮሼሰ።

21 ሙሴ ሂጌይ ቤኒፔ ደሚዲ ሳምባታን ሳምባታን አይሁዳ ዋሳ ኬላታን ናባቤቲሼ ካታማ ኡባን ሳባኬቴስ» ያገሰ።

22 ሄሳፌ ጉዬ፣ ሃዋሪቲኔ ጨማቲ ዋሳ ኬላ አሳ ኡባራ ኢሲፌ ባንታ ገደፌ ጉላ አሳታ ደሪዲ ጳውሎሳራኔ ባርናባራ አንገኪያ ዩዳናው ቆፋ ቃቺደሶና። ኤንቲ ዳሮ ቦንቼቲዳ ናምዑ አሳታ ባርሳባሳ ጌቲቲያ ዩሁዳኔ ሲላሴ ደሪደሶና።

23 ሃይሳዳ ጌቲቲ ፃፊቲዳ ዳብዳቤያ ኤንታ ቦላ ዩዲደሶና፣ «ኑኒ ሃዋሪቲኔ ጨማቲ ሂንቲ አሻቲ፣ አንገኪያን፣ ሶሪያኒኔ ከልቂያን ዳዲያ አይሁዳ ገደና አሻታስ ኑ ሳርሱዋ ከቶስ።

24 «ኑኒ ከቶና አሳቲ ኑ ገደፌ ቤዲ፣ «ሂንቲ ቃፃሪታናውኔ ሂጊያ ናጋናው ቤሴስ» ገዲ፣ ሂንቲና ዋይሲዳይሳኔ ዩሎዩዳይሳ ሲሲዳ።

25 ኑኒ ደሲያ ባርናባሳኔ ጳውሎሳ ደሪቲዳ አሳታራ ኢሲፌ ሂንቲኮ ከታናው ኢሲ ዋዛናን ኑ ቆፋ ቃቺዳ።

26 ኤንቲ ኑ ጎዳ ዩሱስ ኪሪሰቶሳ ገሾ ባንታ ዳዑዋ አሊ አሚደሶና።

27 ሄሳ ገሾ፣ ኑኒ ፃፊዳይሳ ኤንቲ ባንታ ደናን ጉጂዲ ሂንቲው ኦዳና ማላ ዩሁዳኔ ሲላሴ ከቲዳ።

28 «ሃ ኮሼይሳታፔ አቲን ሃራ ቶሆ ሂንቲና ቶሶና ማላ ኑኒ ገሻ አያናይ ኦዳ ቃቺዳ።

29 ኤቃስ ያርሼቲዲ ቱኒዳባ ሞፒቲ፣ ሱሉ ኡዮፒቲ፣ ባወታ ሞፒቲ፣ ላይማቶፒቲ። ሃ ኡባፌ ሂንቲ፣ ሂንቲ ሁዲያ ናገኮ ሎዎባ ኦሊታ» ያገደሶና።

30 ሄሳ ገሾ፣ ከቲቲዳይሳቲ ሞይዜቲዲ አንገኪያ ቤዲ አማኒያ አሳ ሺሺዲ፣ ዳብዳቤ አሚደሶና።

31 ኤንቲ ሄ ሚንሌሊያ ዳብዳቤያ ናባቤዳ ዎዳ ኡፋይቲደሶና።

32 ቃሲ ዩሁዳኔ ሲላሴይ ባንታ ሁዲን ናቤ ገዲያ ገሾ አማኔይሳታ ሎይሊ ዞሪዲ ሚንሌሊደሶና።

33 ኤንቲ አንገኪያን ጉላ ጋላስ ኡቲዳፔ ጉዬ አሻቲ ሎዎራ ሞይዘን ባንታና ከቲዳይሳታኮ ሲሚደሶና።

34 * [ሺን ሲላሴይ ያን አታናው ኮዩስ።]

35 ቃሲ ጳውሎሴኔ ባርናባሲ ሃራ ዳሮ አሳታራ ኢሲፌ ጎዳ ቃላ ታማርሲሼኔ ዎንጌላ ኦዲሼ አንገኪያን ጋምዲደሶና።

ጳውሎሴኔ ባርናባሲ ሻኬቲደሶና

36 ጉላ ጋላሳፔ ጉዬ ጳውሎሴ ባርናባሳኮ፣ «ኑኒ ጎዳ ቃላ ኦዲዳ ካታማ ኡባን አማኔይሳቲ ዋኒዲ ዳዲያኮ ጉዬ ሲሚሼ ያምሳና» ያገሰ።

37 ባርናባሲ ማርቆሳ ጌቲቲያ ዮሃንሳ ባንታራ ኤፋናው ኮዩስ።

38 ሺን ጳውሎሴ ማርቆሳ ባንታራ ኤፋናው ኮዩቤና። ጋሶይካ፣ ኢ ጸንፊሊያን ሻኬቲዲ ኤንታራ ኦላናው ቤቤና።

39 ኤንታ ገደን ኢታ ኦሺ ኬዩን ኢሶይ ኢሱዋፌ ሻኬቲደሶና። ባርናባሲ ማርቆሳ ኤኪዲ ማርካቤራ ቆጲሮሳ ቤሴ።

40 ሺን ጳውሎሴ ሲላሴ ደሪሰ፤ አማኔይሳቲ ጳውሎሳ ያሳ አቶ ኬሃቴሳሰ ሃዳራ አሚዳፔ ጉዬ ኢ ኬዩዲ ቤሴ።

41 ያቲዲ፣ ዋሳ ኬላታ ሚንሌሊሼ ሶሪያራኔ ከልቂያራ አቋሰ።

16

ጂሞቲዮሲ ጳውሎሳራኔ ሲላሴራ ጋሂቲስ

1 ጳውሎሴ ዳርቤኔ ሊሰፃራ ቤሴ። ያን ጂሞቲዮሳ ገያ አማኒያ አሲ ዳዴስ። ኢያ አያ አማኒያ አይሁዳ ማጫስ፣ ኢያ አዋይ ገሪኬ አሲ።

2 ሊሰፃራኒኔ ኢቆኒዮኔን ዳዲያ አማኔይሳቲ ጂሞቲዮሳባ ሎይሊዲ ማርካቲደሶና።

3 ጳውሎሴ ጂሞቲዮሳ ባራ ኤፋናው ኮዩዲ፣ ኢያ አዋይ ገሪኬ አሲ ገዲዳይሳ ሄ ቤሳን ዳዲያ አይሁዳ ኡባይ ኤሪያ ገሾ ኢያ ቃፃሪስ።

4 ኤንቲ ካታማታራ ቢሼ ዩሩሳላሚን ዳዲያ ሃዋሪቲኔ ጨማቲ ዋሊዳ ሂጊያ አማኔይሳቲ ናጋና ማላ ኤንታው ኦዲሼ አቋደሶና።

5 ሄሳ ገሾ፣ ዋሳ ኬላቲ አማኖን ሚኒሼ፣ ታይቦንካ ጋላስ ጋላስ ዳሪ ዳሪ ቤደሶና።

15:16 አዋ 9:11-12 15:20 ኬሳ 34:15-17፤ ለዌ 17:10-16፤ 18:6-23 * 15:34 ኢሲ ኢሲ ማፃፋታን ፓይዶ 34 ባዋ። 15:38 ሃ.ኦ 13:13

ጳውሎስ ማቅደንና ባናዳ ጭፍኖ

6 ኢሲያን ቃላ ኦዶና ማላ ገሻ ኣያናይ ኤንታ ዲጊዳ ገሾ ጸርጌራኔ ጋላቲያ ቢታራ ኣጲደሶና።

7 ኤንቲ ሚሲያ ዛዋ ጋኪዳ ዋዳ ቢቲኒያ ባናው ኮዩደሶና። ሺን ዩሱሳ ኣያናይ ኤንታ ዲጊሰ።

8 ሃሳ ገሾ፣ ኤንቲ ሚሲያ ማታራ ኣጲሾ ዲሮዳ ዋዳደሶና።

9 ጳውሎስ ቃማ ቆንጩላን ኢሲ ማቅደንና ኣሲ ባኮ፣ «ማቅደንና ፕናዳ ኦና ማዳርኪ» ያገሼ ኤቁዲ ዋሲሺን ቤዒሰ።

10 ቆንጩላ ኢ ቤዒዳ፣ ገዬ ኤሌሲዲ ኮኒ ማቅደንና ባናው ኮዩዳ። ሄሲካ፣ ዋንጌላ ያን ዳዒያ ኣሳሰ ኦዳናው ያሳይ ኦና ጃጊዳይሳ ኤሪዳ ገሾሳ።

ሊዲያ ኪሪስቶሳ ኣማናሱ

11 ዲሮዳ፣ ደንዲዲ ማርካቤን ጌሊዲ ሳዋቲራቁ ቤዳ፣ ዋንቲሳ ጋላሰ ናጵሌ ቤዳ።

12 ያፔ ደንዲዲ ማቅደንና ቢታን ዳዒያ ፊልጲሲዩሳ ገያ ኮይሮ ካታማ ቤዳ። ቃሲ ፊልጲሲዩሲ ሮሜ ኣሳይ ዳዒያ ካታማ። ኮኒ ሄ ካታማን ጉሳ ጋላሰ ኡቲዳ።

13 ሳምባታ ጋላሰ ካታማ፣ ጋዳን ሻፋ ደናን ኣይሁዳቲ ያሳ ዋሲያ ቤሲ ዳዒይሳ ኤሪዲ ያ ቤዳ። ሄ ቤሳን ሸቁዳ ማጫሳሰ ቃላ ኦዲዳ።

14 ኦና ሲዒያ ኣሳፎ ኢሲ ሊዲያ ጌቲቲያ ቲያቲሮና ካታማ፣ ዩዳ፣ ያሳ ኣማኒዳ ዘዖ ኣፊላ ዘልዒያ፣ ማጫሲያ ዳዒወሱ። ጳውሎስ ኦዳይሳ ኢያ ሲዒና ማላ ያሳይ ኢ ዋዛና ደዩሰ።

15 ሊዲያ ባ ሶ ኣሳራ ኢሲፊ ጻማቁቲዳ፣ ገዬ ኮኮ፣ «ሂንቲ ታና ጎዳ ቲማ ኣማናሱ ገኮ ታ ሶ ዩጲቲ» ጋዳ ሚንጎዳ ዋሳሱ።

ጳውሎስ ሲላሲ ቃሽቲደሶና

16 ኮኒ ያሳ ዋሲያ ቤሳ ቢሺን ኢታ ኣያኒ ኢ ቦላ ዳዒዲ ካይሲያ ኢሲ ጌላዖ ኣይሌይ ኦራ ጋሃታሱ። ኢያ ካዳዳ ዳሮ ሚሾ ባ ጎዳታሰ ኤሃወሱ።

17 ጳውሎስ ኦና ካላዳ፣ «ሃይሳቲ ኡባፊ ቦላ ያሳ ኣይሌታ! ኤንቲ ሂንቲ ኣታና ኦጊያ ኦዳይሳታ» ጋዳ ዋሳሱ።

18 ኡባ ጋላሰ ሃሳዳ ጋወሱ። ሺን ጳውሎስ ዩሎቲዲ ገዬ ሲሚዲ፣ ሄ ኣያና፣ «ዩሱሰ ኪሪስቶሳ ሱንጎላን ኢፔ ኬያ» ገዲ ኪቲሰ። ኢራካ ኢታ ኣያናይ ኢፔ ኬዩ ኣጊሰ።

19 ሺን ኢ ጎዳቲ ባንታው ሚሾ ዳሚያ ኦጊይ ጳዩዳይሳ ቤዒዲ፣ ጳውሎስ ሲላሲ ኦይኪዲ፣ ዳባባ ዳይናታ ሲንጼ ጎቲ ኤፊደሶና።

20 ዳይናታ ሲንጼ ኤንታ ኤፊዲ፣ «ሃይሳቲ ኣይሁዳ ኣሲ ገዲሾ ኦ ካታማ ኣሳ ዳሮ ዋይሶሶና።

21 ኮኒ ሮሜ ቢታ ኣሲ ገዲሾ ኤካናወኔ ኣላናው ዋጋ ገደናባ ታማርሶሶና» ያገደሶና።

22 ኣሳይ ኢሲ ባጋ ገዲዲ፣ ጳውሎስ ቦላኔ ሲላሲ ቦላ ዳንዲደሶና። ዳይናቲ ኤንታ ማዑ ዋ ቃሪዲ ጻምዓን ኤንታ ሾጫና ማላ ኪቲደሶና።

23 ኤንታ ዳሮ ዋዳዳ፣ ገዬ ቃሾ ኬሊ ጌልሲደሶና። ቃሾ ኬላ ናጌይሲ ኤንታ ሚንጼ ናጋና ማላ ኪቲደሶና።

24 ቃሾ ኬላ ናጌይሲ ሄ ኪታ ኤኪዲ፣ ጳውሎስ ሲላሲ ቃሾ ኬላሰ ቆልዓ ጌልሲሰ። ኤንታ ቶሁዋ ዲዒሰ

25 ሺን ገዲ ቢላሄ ገዲያ ዋዳ ጳውሎስ ሲላሲ-ራ ዋሲሾኔ ማዘሙራ ዩዒሾ ያሳ ጋላቶሶና። ቃሾ ኬላን ዳዒያ ሃራ ኣሳቲካ ኤንቲ ገያባ ሲደሶና።

26 ቆፖና ቃሾ ኬላ ባሶይ ቃዳና ጋካናው ቢታ ቃይይ ሃኒሰ። ሄ ሳቲካ ፔንጌ ኡባይ ደዩቲ ኣጊሰ፤ ቃሾቲዳ ኣሳ ኡባ ሳንጎላታይ ቢሮሾቲ ዋዳሰ።

27 ቃሾ ኬላ ናጌይሲ ጲሰኮፊ ባርኪዳ ዋዳ ቃሾ ኬላ ፔንጌ ኡባይ ደዩቲዳይሳ ቤዒዲ ቃሾ ኣሳይ ኬሲ ኤኪ ቤዳባ ዳኒን ባና ዋዳናው ማሾ ኤኪሰ።

28 ሺን ጳውሎስ ቃላ ቶቁ ኦሊዲ «ኦ ኡባይ ሃይሳን ዳዒያ ገሾ ኔኒ ኔና ቆሆፓ» ያገሰ።

29 ቃሾ ኬላ ናጌይሲ ያምፔ ዋሲ ኤኪዲ ኤሌሲዲ ጋሊ ዋዒሰ። ኮኮሪሾ ጳውሎስ ሲንጎላኔ ሲላሲ ሲንጎላን ጉፋኒሰ።

30 ኤንታ ካሬ ኬሲዲ፣ «ታ ጎዳቶ፣ ታኒ ኣታናው ኣይ ኣላናው ቤሲ?» ያገሰ።

31 ጳውሎስ ሲላሲ ኢያኮ፣ «ጎዳ ዩሱሰ ኪሪስቶሳ ኣማና፤ ኔራኔ ኔ ሶ ኣሳራ ኣታና» ያገደሶና።

32 ኤንቲ ኢያሲኔ ኢያ ሶን ዳዒያ ኡባሰ ጎዳ ቃላ ኦዲደሶና።

33 ቃማ ሄ ሳቲካ ቃሾ ኬላ ናጌይሲ ኤንታ ኤፊዲ ኤንታ ማዲንጎ ማጨሰ። ኤሌሲዲ ባ ሶ ኣሳ ኡባራ ጻማቁቲሰ።

34 ጳውሎስ ሲላሲ ባ ሶ ኤፊዲ ኤንታው ካሊ ኣሊሰ። ኢ ባ ሶ ኣሳ ኡባራ ያሳ ኣማኒዳ ገሾ ኡፋይቲሰ።

35 ሳባይ ዋንቲን ዳይናቲ፣ «ሄ ኣሳታ ቢላ» ያገዲ ፖሊሴ ሃላቃታ ኢያኮ ኪቲደሶና።

36 ቃሾ ኬላ ናጌይሲ፣ «ሂንቲ ቢሌታና ማላ ዳይናቲ ኪቲደሶና። ሂዛ፣ ኬዩዲ ሳሮ ቤቲ» ያገዲ ሄ ኪታ ጳውሎስ ኦዲሰ።

37 ሺን ጳውሎስ ሄ ፖሊሴ ሃላቃታኮ፣ «ኮኒ ሮሜ ኣሲ * ገዲሺን ኤንቲ ኦና ፐርዲ ባይና ኣሳ ሲንጎላን ዋዳዲ፣ ቃሾ ኬላን ዩጊደሶና። ሃዒ ኦና ጌማን ኬዩዲ ሶ ጎና? ሃኔና፣ ኤንቲ ባንታ ሁዒን ዩዲ ኦና ኬሶ» ያገሰ።

38 ፖሊሴ ሃላቃቲ ዳይናታሰ ሃሳ ኦዲን፣ ጳውሎስ ሲላሲ-ራ ሮሜ ቢታ ኣሲ ገዲዳይሳ ሲዒዳ ዋዳ ያዩደሶና።

39 ሃሳ ገሾ፣ ዳይናቲ ዩዲ ኤንታኮ፣ «ኮኒ ሂንቲና ቆሃዳ» ገደሶና። ቃሾ ኬላፊ ካሬ ኤንታ ኬሲዲ፣ ካታማ፣ ኬዩዲ ባና ማላ ዋሲደሶና።

40 ጳውሎስ ሲላሲ-ራ ቃሾ ኬላፊ ኬዩዲ ሊዲያ ሶ ቢደሶና። ያን ኣማኔይሳታራ ጋሃቲዲ ኤንታ ሚንጼሊዲ ኬዩዲ ቢደሶና።

* 16:37 ሮሜ ኣሲ፣ ጳውሎስ ሮሜ ኣሲ ያገዲ ባና ጃጊዳይ ሄ ዋዳ ኣይሁዳ ቢታ ሃሬይ ሮሜ ካዋቲላ ገዲዳ ገሾሳ። ሄ ዋዳ ሮሜ ቢታን ዳዒያ ኣሳይ ፐርዲ ባይና ጋራፊቶኮና።

17

ጳውሎስ ቴሴሎንቄን ታማርሲስ

1 ጳውሎሳራኔ ሲላሴራ አምጪጸሊሳራኔ አጸሎኒያራ አጲዲ ቴሴሎንቄ ቢደሰሩ። ያን አይሁዳ ዋሳ ከሌ ዳዔስ።

2 ጳውሎስ ካሴይሳዳ ያ ጌሊስ። ያን ሄቩ ሳሚንታ ያሳ ቃላፔ አሳስ ኦዲስ።

3 ከሪስቶስ ዋዬ ኤካናወኔ ሃይቆፔ ዳንዳናው ቤሴይሳ ኤንታው ቆንጩሲዲ ኦዲሼ። «ዮሱሲ ሃ ታኒ ሂንቲው ኦዲይሲ ከሪስቶሳ» ያገሰ።

4 ኤንታፊ ኢሶቲ ኢሶቲ ኦዲይ ቱማ ጌዴይሳ ማዒዲ ጳውሎሳራኔ ሲላሴራ ኢሲፊደሶና። ሄሳዳካ፣ ያሳ ጎይኒያ ዳሮ ጌሪኬ አሳይኔ ዳሮ ቦንቸቲዳ ማጫሳቲካ ኤንታራ ኢሲፊደሶና።

5 ሺን አይሁዳቲ ቃናቲዲ ኢሲ ኢሲ ኦሶይ ባይና ኢታ አሳታ ኦጌፔ ሺሺደሶና። ካታማን ቡቁሌ ከሲደሶና፤ ጳውሎሳኔ ሲላሴ አሳስ አሌ ኢማናው ኮዬዲ ያሶና ከላ ቱቁደሶና።

6 ጳውሎሳኔ ሲላሴ ኤንታው ቤንቶና ኢዳን፣ ያሶና ኢሲ ኢሲ አማኔይሳታ ካታማ ሃላቃታኮ ጎቹ ኤፊዲ፣ «ሃይሳቲ ቢታ ኡባ ቡቁይሳቲ ሃዒ ኦኮ ዪደሶና።

7 ያሶኒ ኤንታ ባ ሶን ዋሊስ። ሃይሳቲ፣ «ዮሱሳ ጊያ ሃራ ካዎይ ዳዔስ» ጊዲ ቁሳሬ ከታ ማንሎሶና» ያገዲ ዶቁ ገዳ ቃላን ኦዲደሶና።

8 ሺቁዳ አሳይኔ ካታማ ሃላቃቲ ሄሳ ሲዒዲ ሃናና ባ ጳዪደሶና።

9 ሃላቃቲ ያሶናኔ ሃራታ ዋሴን ቢርሺደሶና።

ጳውሎስ ቤሪያን ታማርሲስ

10 አማኔይሳቲ ጳውሎሳኔ ሲላሴ ቃማራ ቤሪያ ዩዲደሶና። ቤሪያ ጋኪዲ፣ አይሁዳ ዋሳ ከሌ ጌሊደሶና።

11 ቤሪያ አሳቲ ቴሴሎንቄ አሳታፔ አጲዳ ሱሪታ። ኤንቲ ቃላ ኩሚላ ዋዛናፔ ኤኪደሶና፤ ጳውሎስ ጊዳይሲ ቱማ ጌዴይሳ ሻኪ ኤራናው ጋላስ ጋላስ ጌሻ ማፃፋታ ፃናሶሶና።

12 ሄሳ ጊሾ፣ ኤንታፊ ዳሮቲ፣ ጌሪኬታፔካ ቦንቸቲዳ ዳሮ ማጫሳቲኔ ዳሮ አዳቲ አማኒደሶና።

13 ሺን ቴሴሎንቄን ዳዒያ አይሁዳቲ ጳውሎስ ያሳ ቃላ ቤሪያንካ ኦዲዳይሳ ሲዒዳ ዋዬ ቤሪያ ዩዲ አሳ ቡቁደሶና።

14 ሃሳፊ ጉዬ፣ አማኔይሳቲ ኤሌሲዲ ጳውሎሳ አባ ማቲ ዩዲደሶና። ሺን ሲላሴይኔ ሂዋቲዮሲ ቤሪያን አቲደሶና።

15 ጳውሎሳ ሞይዚዳ አሳቲ አቲና ጋሌደሶና። ሄ አሳቲ ሲላሴይኔ ሂዋቲዮሲ ባንታው ዳንዳዔቲዳ ማላ ኤሌሲዲ ባኮ ያና ማላ ጳውሎስ ከቲዳ ከታ ኤኪዲ ቤሪያ ሲሚደሶና።

ጳውሎስ አቲና ቢስ

16 ጳውሎስ አቲናን ሲላሴይኔ ሂዋቲዮሳ ናጊሼ፣ ካታማን ኤቁ ኩሚዳይሳ ቤዒዲ ዩሎቲስ።

17 ሄሳ ጊሾ፣ አይሁዳ ዋሳ ከላን አይሁዳታራኔ ያሳ ጎይኒያ አይሁዳ ጊደና አሳታራ ቃሲ ባራ ጋሂቲያ አሳታራ ኡባ ዋዬ ፓላሚስ።

18 ኤጲቆሮሳኔ ኢሰቶይኬ ጌቲቲያ ጩጋታፔ ኢሲ ኢሲ ኤራንቸቲ ጳውሎሳራ ፓላሚደሶና። ኤንታፊ ኢሶቲ ኢሶቲ፣ «ሃ ዮያማይ አይ ኦዳናው ኮዬ?» ያገደሶና።

ሃራቲ ጳውሎስ ዩሱሳባኔ ሃይቆፔ ኢ ዳንዲዳይሳ ባንታው ኦዲዳ ጊሾ «ኦራላ ያሳታባ ኦዲያ ዳኔስ» ያገደሶና።

19 ጳውሎሳ ኦይኪዲ አርዮስፓጎሳ ጊያ ሺቆ ቤሳ ኤፊዲ፣ «ሃ ኔኒ ታማርሲያ ኦራላባይ አይቤኮ ኦና ኤሪሲኪ?»

20 አይስ ጊኮ፣ ኔኒ ኦስ ኦራላባ ኦዳሳ፤ ሂዛ ሄሲ አይቤኮ ኔኒ ኤራናው ኮዮስ» ያገደሶና።

21 አቲና አሳ ኡባይኔ ያን ዳዒያ ኢማላቲ ኦራላባ ኦዳቶናኔ ሲዶና ፔዎኮና።

22 ጳውሎስ አርዮስፓጎሳን ሺቁዳ አሳ ሲንላን ኤቁዲ፣ «አቲና አሳው፣ ሂንቲ ያሳታስ ኡባባን ዳሮ ያዩይሳ ታኒ ቤዓይስ።

23 ታኒ ሂንቲ ካታማራ ዩያሼ ሂንቲ ጎይኒያ ቤሳታ ቤዒያ ዋዬ «ኤራቶና ያሳስ» ጌቲቲ ፃፊቲዳ ያርሾ ቤሳ ዳማስ። ሃ ሂንቲ ኤርናሺን ጎይኔይሳ ታኒ ሂንቲው ኦዳይስ።

24 ሳዓኔ ሳዓን ዳዒያ ኡባባ ሜጲዳ ያሳይ፣ ሳሎዋኔ ሳዓ ጎዳይ፣ አሲ ከፂዳ ከላን ዳና።

25 ኢ ዳዎ፣ ሺምፖኔ ኡባባ አሳ ኡባስ ኢሚያ ጊሾ ፓጩ ዳዒያ አሳዳ አሳ ማዴ ኮዬና።

26 ያሳይ አሳ ዜራሌ ኡባ ኢሲ አዲያፊ ሜጲዳ ቢታ ኡባን ዋሊስ። ያቲዲ ኤንቲ ዳዓና ዋዲያሲኔ ቤሳስ ዛዋ ኢሚስ።

27 ኢ ሄሳ ኦሌዳይ አሲ ኢያ ኮያና ማላኔ ፒልጊዲ ዳማና ማላሳ። ሃኒኮካ ኢ ኦፔ ጌሚሴና።

28 ሂንቲፊ ኢሲ ኢሲ ዩጄይሳቲ፣ «ኦኒ ኢያ ናይታ» ጊዳይሳዳ፣ «ኦኒ ኢያን ፓፃ ዳዎስ፣ ቃዎስ።»

29 ሂዛ፣ ኦኒ ያሳ ናይታ ጊዲያ ጊሾ «ያሳይ አሳ ሂላቲላኒኔ ቆፋን ዋርቃፊ ዋይኮ ቢራፔ ዋይኮ ሹቻፊ ኦስቲዳባ ዳኔስ» ያገዲ ቆፓናው ቤሴና።

30 ሄሳ ጊሾ፣ ያሳይ ካሴ ዋዴ አሳሶን ዳዒያ ኦሌዳይሳ አገዲ አጲስ፣ ሺን ሃዒ ኡባሶን ዳዒያ አሳ ኡባይ ናጋራፔ ሰማና ማላ ከቲስ።

31 አይስ ጊኮ፣ ያሳይ ባ ደሪዳ አዲያን ሳዓን ዳዒያ አሳ ኡባ ቦላ ጂሎ ፐርዳ ፐርዳናው ቃማ ጊሲ ዋሊስ። ኢያ ሃይቆፔ ዳንሌዲ ሄሳ አሳ ኡባስ ቱማዩስ» ያገሰ።

32 ኤንታፊ ኢሲ ኢሲ አሳቲ ሃይቆፔ ዳንደባ ጳውሎሳፔ ሲዒዲ፣ ኢያ ቦላ ቁልቁሲደሶና። ሺን ሃራቲ፣ «ኦኒ ሄሳ ኔፔ ጉጂዲ ሲዓናው ኮዮስ» ያገደሶና።

33 ሄሳ ጊሾ፣ ጳውሎስ ኤንታ ጊደፊ ከዩስ።

34 ሺን ኢሲ ኢሲ አዳቲ ጳውሎሳራ ጋሂቲዲ አማኒደሶና። ኤንታ ጊደፊ አርዮስፓጎሳን ሺቁዋን ዳዒያ ዲዮናስዮሳ ጊያ አዳይ፣ ዳማርሶ ጊያ ኢሲ ማጫሲያኔ ሃራቲ ዳዎሶና።

18

ጳውሎስ ቆርንቶሳ ቢስ

1 ሄሳፊ ጉዬ፣ ጳውሎስ አቲናፔ ከዩዲ፣ ቆርንቶሳ ቢስ።

17:24 1ካዎ 8:27፤ አሳ 42:5፤ ሃ.ኦ 7:48

2 ያን አቁላ ጊያ ጳጳሳን ዩሌቲዳ ኢሲ አይሁዳ አሲ ዳሚሰ። አይሁዳ አሳ ኡባይ ርሜፔ ከያና ሜላ ካዎይ ቃላወዲዮሲ ከቲዳ ጊሾ ጉላ ዎዴፔ ካሴ ኢ ባ ማቼ ጲሪሰቁላራ ዓሌፔ ዩሰ። ጳውሎሲ ኤንታራ ጋሄታናው ቢሰ።

3 ኢያ ኦሶይ ኤንታይሳዳ ዲንካኔ ሲኮ ጊዲያ ጊሾ ኤንታራ ኡቲዲ ኢሲፌ ኦሊሰ።

4 ጳውሎሲ ሳምባታ ኡባን አይሁዳታኔ ጊሪኬታ አማንላናው አይሁዳ ዎሳ ከላን ፓላሚሰ።

5 ሲላሴይኔ ዓሞቲዮሲ ማቄደኒያፔ ዩዳ ዎዴ ጳውሎሲ ባ ኩሜላ ዎዲያ ኢሚዲ አይሁዳታሰ ዩሱሲ ኢ፣ ከሪሰቶሳ ጊዲ ቃላ ኦዲሰ።

6 ሺን ኤንቲ ጳውሎሳ ኢዲዲ ኢያ ጫዩን ጳውሎሲ ባ ማዑዎፔ ባና ቆቆፊሼ፣ «ሂንቲ ሳሜይ ሂንቲና ኦይኮ፤ ታኒ ሂሳን ዳዒኬ። ሂዛፔ ጉዬ፣ ታኒ አይሁዳ ጊዳና አሳኮ ባይሰ» ያገሰ።

7 ያፔ ከዩዲ ያሳ ጎይኒያ ቲቶስ ዮሰያሳ ጊያ ኡራ ሶ ቢሰ። ዮሰያሳ ከላይ አይሁዳ ዎሳ ከላ ማታን ዳዒሰ።

8 አይሁዳ ዎሳ ከላ ሃላቃይ ቃሪሰጸሲ ባ ሶ አሳ ኡባራ ጎዳ አማኒሰ። ቆርንቶሳ አሳታፔካ ዳርቲ ያሳ ቃላ ሲዒዳ ዎዴ አማኒዲ ፃማቄቲዶሶና።

9 ጎዳይ ኢሲ ቃማ ጳውሎሳሰ ቆንጩዲ፣ «ያዮፋ፤ ኦዳ፣ ሲዒ ጎፓ።

10 ታኒ ኔራ ዳዒይሰ። ታው ሃ ካታማን ዳር አሲ ዳዒያ ጊሾ ኔና ቆሂዲ ኢታባን ዩጋና አሲ ኦኒካ ባዎ» ያገሰ።

11 ሄሳ ጊሾ፣ ጳውሎሲ ያሳ ቃላ አሳ ታማርሲሼ ኢሲ ላይላኔ ኡሱፑን ኦኒና ኤንታራ ኡቲሰ።

12 ጋሊዮሲ አካያ ቢታ አይሲያ ዎዴ አይሁዳቲ ኢሲፌ ጳውሎሳ ቦላ ዳንዲዲ ፒርዳ ከሌ ኢያ ኤፊዲ፣

13 «ሃ አዳይ ሂጊያ ኢዲዲ፣ አሳይ ያሳ ጎይናና ሜላ ኦሌሰ» ያገደሶና።

14 ጳውሎሲ ሃሳናና ሃኒሺን፣ ጋሊዮሲ አይሁዳታኮ፣ «አይሁዳቶ፣ ሄሲ ኢታ ኦሶ ዎይኮ ናቆ ጊዲያኮ ታኒ ሂንቲባ ዳንዳዳዳ ሲዳናው ቤሴሰ።

15 ሺን ቃላሰ፣ ሱንላሲኔ ሂንቲ ሂጊያሰ ሂንቲ ፓላሚያባ ጊዲኮ ሂንቲ፣ ሂንቲው ቢሊቲ፤ ሄሳ ታኒ ፒርዲኬ» ያገሰ።

16 ያቲዲ፣ ኤንታ ፒርዳ ከላፌ ካሪ ከሲሰ።

17 ሄሳፌ ጉዬ፣ ጊሪኬ አሳ ኡባይ አይሁዳ ዎሳ ከላ ሃላቃ ሶስቲኒሳ ኦይኪዲ ፒርዳ ከላ ሲንላን ዎቋደሶና። ሺን ጋሊዮሲ ሄሳ ፓፃባ ጊቤና።

ጳውሎሲ አንጾኪያ ቢሰ

18 ጳውሎሲ ዳር ጋላሰ ቆርንቶሳን ኡቲዳፔ ጉዬ አማኒያ አሳ ሳርሊዲ፣ ጲሪሰቁላራኔ አቁላራ ማርካቤራ ሶሪያ ቢሰ። ሺን ኢ ባናፔ ሲንሌ ባው ጋሶይ ዳዒያ ጊሾ ከንኪሪያ ካታማን ባ ሁዒያ ቡሉሴቲሰ።

19 ኤንቲ ኤፊሶና ጋኪዳ ዎዴ ጳውሎሲ ጲሪሰቁላራኔ አቁላ ያን አገሰ። ሺን ባው አይሁዳ ዎሳ ከሌ ጌሊዲ አይሁዳታራ ኦዴቲሰ።

20 ኤንቲ ባንታራ ዳር ዎዴ ኡታና ሜላ ጳውሎሳ ዎሲዶሶና ሺን ኢ ኢዲሰ።

21 ኤንታፌ ሻኬቲሼ፣ «ታኒ ያ ባሊያ ዩሩሳላሜን ቦንቻናው ቤሴሰ። ሺን ያሲ ጊኮ ሂንቲኮ ሲማዳ ያና» ያገዲ ኤፊሶናፔ ማርካቤራ ቢሰ።

22 ቁሳሪያ ጋኪዳ ዎዴ ዩሩሳላሜ ቢዲ ዎሳ ከላ አሳ ሳርሊዲፔ ጉዬ አንጾኪያ ቢሰ።

23 ያን ጉላ ዎዴ ጋምዒዳፔ ጉዬ አማኒያ አሳታ ኡባ ሚንሌሊሼ ጋላቲያራኔ ጲርጌራ አቋሰ።

አጲሎሲ ኤፊሶናኒኔ ቆርንቶሳን

24 ኢሰኪንዲሪያን ዩሌቲዳ ኢሲ አጲሎሳ ጊያ አይሁዳ አሲ ኤፊሶና ቢሰ። ኢ ኦዳ ኤሪያ አሲኔ ያሳ ቃላ ዳር ኤሪያ አሲ።

25 ኢ ጎዳ ኦጊያ ታማሪዲ፣ አያናን ፀጉቲዲ ዩሱሳባ ሱሪ ታማርሴሰ። ጊደሺን፣ ዮሃኒሳ ዪንቃቲያ ያላላ ኤሪሰ።

26 ኢ አይሁዳ ዎሳ ከላን ያዮና ታማርሴሰ። ጲሪሰቁላኔ አቁላ ኢ ኦዴይሳ ሲዒዳ ዎዴ ኢያ ባንታራ ሶ ኤፊዲ ያሳ ኦጊያ ካሴይሳፌ ጌሺዲ ኢያው ኦዲዶሶና።

27 አጲሎሲ አካያ ባናው ኮዩን ኤፊሶናን ዳዒያ አማኒያ አሳይ ኢያ ቆፋ ኤኪዲ አካያን ዳዒያ አማኒይሳቲ ኢያ ሞካና ሜላ ኤንታው ዳብዳቤ ዓፊዶሶና። ኢ ያ ጋኪዳ ዎዴ ያሳ አቋ ከሃቴላ ባጋራ ዩሱሰ ከሪሰቶሳ አማኒዳይሳታ ዳር ማዲሰ።

28 አይሰ ጊኮ፣ ዩሱሲ ኢ ከሪሰቶሳ ጊዳይሳ አይሁዳታሰ ያሳ ቃላፔ ቆንጩሲዲ ዳሪያ ሲንላን ሚንሌ ኦዲዲ ኤንታ ላሊሰ።

19

ጳውሎሲ ኤፊሶና ቢሰ

1 አጲሎሲ ቆርንቶሳን ዳዒሺን፣ ጳውሎሲ ቆሞ ባጋራ አቋዲ ኤፊሶና ቢሰ። ያን ኢሲ ኢሲ አማኒያ አሳታ ዳሚሰ።

2 ኤንታኮ፣ «ሂንቲ አማኒዳ ዎዴ ጌሻ አያና ኤኪዳቲ?» ያገዲ ኦይቹሰ።

ኤንቲ፣ «አካይ፣ ኤኪቦኮ፤ ሃሪ አቶሺን፣ ጌሻ አያኒ ዳዒያባካ ሲዒቦኮ» ያገደሶና።

3 ጳውሎሲ ኤንታኮ፣ «ያቲን፣ አይቢን ፃማቄቲዳቲ?» ያገሰ።

ኤንቲ፣ «ኑኒ ዮሃኒሳ ዪንቃቲያን ፃማቄቲዳ» ያገዲ ዛሪዶሶና።

4 ጳውሎሲ፣ «ዮሃኒሲ ባፔ ጉዬራ ያ ዩሱሰ ከሪሰቶሳን አሳይ አማናና ሜላ አሳሰ ኦዲሼ፣ ናጋራፔ ሲሞ ቤሲያ ዪንቃቲያን ፃማቄሰ» ያገሰ።

5 ኤንቲ ሄሳ ሲዒዳ ዎዴ ጎዳ ዩሱሰ ከሪሰቶሳ ታማሪ ጊዳናው ፃማቄቲዶሶና።

6 ጳውሎሲ ባ ኩሺያ ኤንታ ቦላ ዎሊዳ ዎዴ ጌሻ አያኒ ኤንታ ቦላ ዎቋን፣ ዲማ ዲማ ደናን ኦዴቲዶሶና፤ ቃሲ ቲንቢቲ ኦዲዶሶና።

7 ሄ ቤሳን ታማኔ ናምዒ ጊዲያ አሳታ ዳዶሶና።

18:18 ታይ 6:18 19:4 ማቶ 3:11፤ ማር 1:4፤ 7-8፤ ሉቃ 3:4፤ 16፤ ዮሃ 1:26-27

8 ጳውሎስ አይሁዳ ዋሳ ከላ ገሊዲ፣ ያሳ ካዋቴላባ ያዮና ፓላሚኒኔ ሎይሌ ቆንጨሲሽ ኤንታራ ሄዡ አገና ጋካናው ጋምሲስ።

9 ሺን ኤንታራ ኢሶቲ ኢሶቲ ቆቤ ገዲዲ ዳሮ አሳ ሰንገላን ጎዳ ኦጊያ ጫዩዲ አማኖና ኢዲዳሶና። ጳውሎስ አማኔይሳታ ኤንታራ ሻኪ ኤኪዲ ዲራኖሳ ጊያ ቲሚርቴ ከላን ኡባ ዋዴ ኤንታ ታማርሲስ።

10 ጳውሎስ ናምቡ ላይሌ ጋካናው ቃላ ኦዲስ። ሄሳ ጊሾ፣ ኢሲያን ዴዲያ አሳ ኡባይ፣ አይሁዳቲኔ አይሁዳ ገደናይሳቲ ጎዳ ቃላ ሲዲዳሶና።

የሳይ ጳውሎስ ኩሽን ኦሊዳ ማላታታ

11 የሳይ ጳውሎስ ኩሽን ዋልቃማ ማላታታ ኦሊስ።

12 ሄሳ ጊሾ፣ አሳይ ኢያ ቦላ ቦቹዳ ማራቢያ ዋይኮ ማዑዋ ሃርጋንቸታሰ ኤሮሶና። ኤንቲካ ፓዎሶና፤ ቱና አያናቲካ ኤንታራ ከዮሶና።

13 ቱና አያናታ ከሲሽ ዩያ አይሁዳታ፤ ኢሶቲ ኢሶቲ፣ «ጳውሎስ ሳባኪያ ዩሱሳ ሱንገላን ከዩቲ ገዲ ሂንቲና ኪቶስ» ያገዲ፣ ቱና አያናቲ ኦይኪዳ አሳታ ቦላ ጎዳ ዩሱሳ ሱንገላ ያገደሶና

14 ካሂኔ ሃላቃ አሰቁዌ ጊያ ኢሲ አይሁዳ አዲያሰ ሄሳ ኦሊያ ላፑን ናይቲ ዴዎሶና።

15 ሺን ቱና አያናይ ኤንታኮ፣ «ታኒ ዩሱሳካ ጳውሎስካ ኤራይሰ፣ ሺን ሂንቲ ኦናንቲ?» ያገሲ።

16 ቱና አያናይ ኦይኪዳ አይይ ኤንታ ቦላ ጉፒ ዋዲዲ፣ ኤንታ ማዲንጂሲዲ፣ ሄ ከላፊ ካሎ ባቃታና ጋካናው ዋልቃማሲ።

17 ኤፌሶናን ዴዲያ አይሁዳቲኔ አይሁዳ ገደናይሳቲ ኡባይ ሄሳ ሲዲዲ ዳሮ ያዩዳሶና። ጎዳ ዩሱሳ ሱንገላይ ዳሮ ቦንቸቲስ።

18 አማኔይሳታ፤ ዳሮቲ ባንታ ኦሊዳ ኢታ ኦሱዋ ፓዲሽኔ ቆንጨን ኦዲሽ ዮሶና።

19 ቤቲይሳታ፤ ዳሮቲ ባንታ ማፃፋታ ሺሺዲ አሳ ኡባ ሰንገላን ፀገደሶና። ሄ ማፃፋታ ጋቲያ ቆዳይ አሻታሙ ሙኩሉ ቢራ ሳንቲሜ * ገዲሲ።

20 ሄሳዳ ሃኒዲ ያሳ ቃላይ ዲጨሽኔ ዳልጊሽ ቢስ።

ኤፌሶና ካታማን ኦሺ ዴንዲስ

21 ሄሲ ፖሌቲዳ፤ ጉዬ ጳውሎስ፣ «ታኒ ዩሩሳሌሜ ባ ሲማዳ ሮሜካ ባናው ቤሴስ» ያገዲ ማቄዲኒያራኔ አካያራ አዲዲ ዩሩሳሌሜ ባናው ቆፋ ቃቸስ።

22 ቃሲ ባና ማዴይሳታ፤ ናምባታ ዲሞቲዮሳኔ ኤራሰዎሳ ማቄዲኒያ ኪቲዲ፣ ባው ኢሲያን ጉላ ዋዴ ጋምሲስ።

23 ሄ ዋዴ ጎዳ ኦጊያ ጊሾ ኤፌሶናን ዋልቃማ ካቸ ከዩሰ።

24 ኢሲ ቢራ ኦሊያ ዲሜዲሮሳ ጊያ ኡራይ አርጸሚሲ ኤቃ ከላ ሚሲሊያ ቢራ፤ ኦሊዲ ዳሮ ዋዴ ዴሚስ።

25 ሄሳ ጊሾ፣ ሄሳ ማላ ኦሶ ኦሊይሳታ ኢሲፊ ሺሺዲ፣ «አሳው፣ ኦ ዲራቲላይ ሃ ኦሱዋን ገዴይሳ ሂንቲ ኤሬታ።

26 ሃይሲ ጳውሎስ፣ «አሳ ኩሽን ኦሴቲዳይሳቲ ያሳታ ገደኮና» ያገዲ፣ ኤፌሶናኒኔ ጉላ ቢታታ፤ አቲን ኩሜላ ኢሲያ ኡባን ዴዲያ ዳሮ አሳ ኦዲ አማንላዲይሳኔ ባሌላዲይሳ ሂንቲ ቤዲዴታኔ ሲዲዴታ።

27 ማቶ ገዲዳይ፣ ኦ ኦሶይ ካዴቲይሳ ፃላላ ገደናሺን ኢሲያኒኔ ቢታ ኡባን ዴዲያ ኢሲ ጎይኒያ ጊታ ያሴ አርጸሚሲ ከላይ ቦንቸቶና አቲይሳኔ ኢ ጊታቲላይካ ኩንዳናይሳ» ያገሲ።

28 አሳይ ሄሳ ሲዲዳ ዋዴ ሽኔን ፀገቲዲ፣ «ኤፌሶና አርጸሚሳ ጊታ» ያገዲ ዋሲዳሶና።

29 ሄ ዋሶይ ካታማ ኡባ ጋኪስ። ጳውሎስ ሃሙቲያ ማቄዲኒያ አሳታ፣ ጋዮሳኔ አርሰዲሮሳ አይኪዲ ጎቸሽ ካሳ ቤሳ ዋዲዳሶና።

30 ጳውሎስካ አሳይ ሺቁዳሱዋ ገላናው ኮዩስ፣ ሺን አማኔይሳቲ ኢያ ዲገደሶና።

31 ኢሲያ ቢታ ሃላቃታ፤ ጳውሎስ ላጌ ገዲዳ ኢሶቲ ኢሶቲ ጳውሎስኮ ኪቲዲ፣ «ካሳ ቤሳ ቆንጨን ከያዳ ቤንቶፋ» ገዲ ኢያ ዋሲዳሶና።

32 ሺቁዳ አሳሰ ሃናናይ ዳይሰ፤ ዳሪያ ባጋ አሳይ ሃሪ አቶሺን አይሰ ሺቁዳኮ ኤሮና ጊሾ ኢሶይ ኢሲባሰ ዋሲያ ዋዴ ሃንኮይ ሃራባሰ ዋሴስ።

33 አይሁዳቲ ኢሰኪንዲሬ ጊያ አዲያ አሌ ቤሲን፣ ኢሲ ኢሲ አሳይ ኢ ጋናባ ኦዲዲ ኢያ ሲንሌ አሌዳሶና። ኢ አሳይ ሲዲ ጋና ማላ ባ ኩሺያን ማላ ቤሲዲ፣ አሳሰ ሞቲታናው ኤቁስ።

34 ሺን ኢሰኪንዲሬ አይሁዳ አሲ ገዲዳይሳ አሳይ ኤሪዳ ዋዴ ናምቡ ሳቲ ገደናይሳ ማላ ኡባይ ኢሲ ቃላን፣ «ኤፌሶና አርጸሚሳ ጊታ» ያገዲ ዋሲዳሶና።

35 ወርሴላን ካታማ ፃሬይ አሳ ሲዲ ኦሊዲ፣ «ኤፌሶና አሳው! ኤፌሶና ካታማይ ጊታ አርጸሚሲ ኤቃ ከላኔ ሳሎ፤ ዋዲዳ፣ ኢ ሹቻ ሚሲሊያ ናጌይሳ ገዴይሳ ኤሮና ኢሲ ባዋ።

36 ሃይሳ ካሺ ጊያ አሲ ባይና ጊሾ ሂንቲ ሲዲ ጋናው ዲርገዲ አይኮ ኦሶና አጋናው ቤሴስ።

37 ሂንቲ ሃ አሳታ፣ ኤቃ ከላ ሚሽ ካይሶቲቦናይሳታኔ ኦ ያሳታ ጫይቦናይሳታ ኤሂዴታ።

38 ሄሳ ጊሾ፣ ዲሜዲሮሲኔ ኢያራ ዴዲያ ኦሳንቸቲ አሳ ሞታናው ኮይኮ፣ ፒርዳ ከላይ ዴያ ዴዴስ፤ ዳይናቲካ ዴዎሶና፤ ኤንቲ ሞታናው ዳንዳዎሶና።

39 ሺን ሂንቲ ሃራ ኦዳ ኮይኮ፣ ሻንጎ ሺቆን ኦዳይ ቤዴቶ።

40 ሄሳ ገደና ኢዲኮ ሃቸ ሃኒዳባሰ ሮሜ ካዋቴላይ ኦና ኦይቻና። ሃ ቡቁላሰ ጋሶይ ባይና ጊሾ ኦኒ ጋሶ ኦዳናው ዳንዳዎኮ»

41 ያገዲ ሺቁዋ ላሊስ።

20

ጳውሎስ ማቄዲኒያኔ ገሪኬ ቢስ

1 ዋሶይ ዴጨዳ፤ ጉዬ ጳውሎስ አማኒያ አሳታ ያገሲዲ ኤንታ ዞሪዳ፤ ጉዬ ሳርሌዲ ማቄዲኒያ ባናው ከዩሰ።

* 19:19 ቢራ ሳንቲሜ፣ ማቶሳ 26:15 ያሊቲ።

ማርካጌይ ባ ጫና ያን ዋላናው ኮዬዳ ጊሾ ዓርሳ ቢዳ።

4 ያን አማኒያ አሳታ ዳሚዲ ኤንታራ ላቸን ጋላሰ ኡቲዳ። ጳውሎሲ ዩሩሳላሜ ቦና ሜላ ኤንቲ ኢያው አያናን ኦዲደሶና።

5 ኮኒ ኤንታራ ኡቲያ ዋዴይ ወሪን ከዬዲ ቢዳ። ኤንቲ ኡባይ ባንታ ማጫሳታራኔ ባንታ ናይታራ ኢሲፌ ካታማፔ ካሪ ከሲዲ ኑና ሞይዚደሶና። ኮኒ አባ ደናን ጉልባቲዲ ያሳ ዋሲዳ።

6 ሄሳፌ ጉዬ፣ ዋሊ ሳርሊዲ ኑ ማርካቢያን ጌሊዳ፤ ኤንቲ ባንታ ሶ ሲሚደሶና።

7 ኮኒ አባ ኦጊያ ኦንጊዲ፣ ዓርሳፔ ጳውሎሲያሳ ጋኪዳ። ያን አማኒያ አሳታ ሳርሊዲ፣ ኤንታ ማታን ኢሲ ጋላሰ ፔዲዳ።

8 ዋንቴላ ጋላሰ ከዬዲ፣ ቁሳሪያ ቢዳ። ሳባኪያ ፊልጶሳ ሶ ጋኪዲ ኢያ ማታን ኡቲዳ። ኢ ዩሩሳላሜን ካሴ ደራቲዳ ላቸናታፔ ኢሱዋ።

9 ፊልጶሳሰ ናቤ ጊዲዳ ኦይዲ ጌላያ ናይቲ ዳያሶና።

10 ኮኒ ኡንዳና ጋላሰ ያን ኡቲዲ ዳዲሽን አጋቦሳ ጊያ ናቤይ ዩሁዳፔ ቁሳሪያ ዩሰ።

11 ኩዮ ዩዲ ጳውሎሳ ሳቁያ ኤኪዲ ባ ኩሺያኔ ባ ቶሁዋ ቃቺዲ፣ «ጌሻ አያናይ ሃ ሳቁያ ሳዳ፣ ዩሩሳላሜን አይሁዳቲ ሃይሳዳ ቃቺዲ፣ አይሁዳ ጊደና አሳሰ አሊዲ አማና ያጌሰ» ያጊሰ።

12 ኮኒ ሄሳ ሲዲዳ ዋዴ ኮኔ ያን ዳዲያ አሳቲ ጳውሎሲ ዩሩሳላሜ ቦና ሜላ ዋሲዳ።

13 ሺን ጳውሎሲ ዛሪዲ፣ «ሂንቲ ሃይሳዳ ዩኪሼ አይሰ ታ ዋዛና ሹጊሴቲ? ታኒ፣ ጎዳ ዩሱሳ ሱንላ ጊሾ ቃሹቲላ ፃላላ ጊደናሺን ዩሩሳላሜን ሃይቃናወካ ጊጌታሰ» ያጊሰ።

14 ኑ ዞሪያ ኢ ኤኮና ኢዲን፣ «ጎዳ ሹኔይ ሃና» ያጊዲ ሲዲ ጊዳ።

15 ያን ጉላ ዋዴ ጋምዲዳፔ ጉዬ ጊጌቲዲ ዩሩሳላሜ ባናው ከዬዲ።

16 ቁሳሪያን ዳዲያ አማኒያ አሳታፔ ጉላቲ ኑራ ቢደሶና። ኤንቲ ኮኒ ሹምፓናሱዋ ሚናሶና ጊያ ቆጶሪሳ አዲያ ሶ ኤፊደሶና። ሚናሶኒ ኮይሮ አማኒዳ አሳፔ ኢሱዋ።

ጳውሎሲ ዩሩሳላሜ ጋኪሰ

17 ኮኒ ዩሩሳላሜ ጋኪዳ ዋዴ አማኒያ አሳቲ ኑና ኡፋይሳን ሞኪደሶና።

18 ዋንቴላ ጋላሰ ጳውሎሲኔ ኮኒ ያይቆባራ ጋሂታናው ቢዳ። ዋሳ ከላ ጨማቲ ኡባቲካ ያን ዳያሶና።

19 ጳውሎሲ ኤንታ ሳርሊዳፔ ጉዬ አይሁዳ ጊደና አሳ ጊደን ባ ባጋራ ያሳይ ኦሊዳባ ኡባ ኤንታው ኦዲሰ።

20 ኤንቲ ሄሳ ሲዲዳ ዋዴ ያሳ ጋላቲዲ ጳውሎሳኮ ሃይሳዳ ያጊደሶና። «ኑ አሻው፣ አይሁዳታ ጊደን አቸን ሙኩላቲ ያሳ አማኒዳኮ ኔ ቤዓሳ፤ ኤንቲ ኡባይካ ሂጊያ ሚንሊ ናሳሶና።

21 ኮኒ አይሁዳ ጊደናይሳታ ቢታን ዳዲያ አይሁዳ ኡባይ ባንታ ናይታ ቃፃሮና ሜላ፣ አይሁዳታ ዋጋ ካሎና ሜላኔ ሙሴ ሂጊያ

ኢዳና ሜላ ኮኒ ታማርሴይሳ ዩሩሳላሜን ዳዲያ አይሁዳቲ ሲዲደሶና።

22 ያቲን አይቤ ሎ? ኮኒ ዩዳይሳ ዳሮቲ ሲዳና።

23 «ሄሳ ጊሾ፣ ኮኒ ኔው ኦዴይሳ ሲዳ፤ ጋሶይ ዳዲያ ኦይዲ አሳቲ ኑ ማታን ዳያሶና።

24 ኤንታ ኤካዳ ኤንታራ ጌያ፤ ቃሲ ኤንቲ ባንታ ሁዲያ ሜዳታና ሜላ ኤንታው ሚሼ ኢማ። ኤንቲ ካሴ ኔባ ሲዲዳይሲ ቱማ ጊደናይሳኔ ኮኒ ኔ ሁዲንካ ሂጌ ናጊያ አሲ ጊዳይሳ ኡባይ ኤራና።

25 «ሺን አማኒዳ አይሁዳ ጊደና አሳታ ጊዲኮ፣ ኤንቲ ኤቃሰ ያርሹቲዳባ ሞና ሜላ፣ ሱሉ ኡዮና ሜላ፣ ባወታ ሞና ሜላኔ ላይማቶና ሜላ፣ ኮኒ ኦዳ ቃቺዲ፣ ኤንታው ዳብዳቤ ፃፊዳ» ያጊደሶና።

26 ሄሳፌ ጉዬ፣ ጳውሎሲ ዋንቴላ ጋላሰ አሳታ ኤኪዲ፣ ኤንታራ ጌዩሰ። ኢ ባንታ ጌያ ጋላሳይ አወዴ ፖሌቲያኮ ኤሪሳናወኔ ባንታ ያርሹዋ አወዴ ያርሻኔኮ ኤሪሳናው ያሳ ከሌ ጌሊሰ።

ጳውሎሲ አይከቲሰ

27 ላቸን ጋላሳይ ወራና ሃኒሺን፣ ኢሲያፔ ዩዳ አይሁዳቲ ያሳ ከላን ጳውሎሳ ቤዲዲ፣ አሳ ኡባ ዳንሐሊዲ ጳውሎሳ አይከደሶና።

28 «ኢሰራዴሌ አሳው፣ ኑና ማዲቲ፤ ሃ ኡራይ፣ ኑ ዳሪያ፣ ኑ ሂጊያኔ ሃ ያሳ ከላ ኢዳና ሜላ አሳ ኡባ ታማርሴሰ። ሄሲካ ጊደና ኢዲን አይሁዳ ጊደናይሳታ ያሳ ከሌ ጌልሲዲ፣ ሃ ጌሻ ቤሳ ቱኒሲሰ» ያጊዲ ዋሲደሶና።

29 ኤንቲ ሄሳ ጊዲይ ካሴ ኤፊሶና ዓርፊዋሳ ጳውሎሳራ ካታማን ቤዲዳ ጊሾ ሃዲ ጳውሎሲ ያሳ ከሌ ኢያ ኤኪ ጌሊዳባ ኤንታው ዳኒሰ።

30 ካታማ ኡባይ ቡቁቲሰ፤ አሳ ኡባይ ሸቁዲ ጳውሎሳ አይከዲ ያሳ ከላፌ ካሪ ሳቺደሶና። ያሳ ከላ ፔንጌቲ ኤሌሲዲ ሳርዴቲደሶና።

31 አሳይ ጳውሎሳ ዋጳና ሃኒሺን፣ «ዩሩሳላሜ ካታማ ኩሜሌ ቡቁቲሰ» ጊያ ኦዳይ ሮሜ ሻላቃኮ ጋኪሰ።

32 ሻላቃይ ዋታዳሬታኔ ማቶ ሃላቃታ ኤኪዲ ዋዲሼ ዩሰ። አሳይ ሻላቃኔ ዋታዳሬታ ቤዲዳ ዋዴ ጳውሎሳ ዋዴይሳ አጋጊደሶና።

33 ሄ ዋዴ ሻላቃይ ሸቁዲ፣ ጳውሎሳ አይከዲ፣ ናምዑ ሳንሳላታን ቃሹታና ሜላ ከቲሰ። ያቲዲ፣ ኢ ኦኔኮኔ አይ ኦሊዳኮ አሳ አይቺሰ።

34 አሳፔ ባጋይ ኢሲባ ጊዲ ዋሲያ ዋዴ ሃራቲ ሃራባ ጊዲ ዋሴሰ። ዋሶይ ዳሪዳ ጊሾ ሻላቃይ ቱማ ሻካንው ዳንዳዴቶና ኢዲን፣ ዋታዳሬቲ ጳውሎሳ ባንታ ዳዲያሶ ኤፋና ሜላ ከቲሰ።

35 ጳውሎሲ ዩዲ ከያ ዳላ ጋኪያ ዋዴ አሳ ሱጌላ ጊሾ ዋታዳሬቲ ኢያ ቶኪደሶና።

36 ዳሮ አሳይ፣ «ኢ ሃይቆ!» ያጊዲ ዋሲሹ ካሎሶና።

ጳውሎሲ ሞቱዋሰ ዛሮ አሚሰ

37 ዋታዳሬቲ ጳውሎሳ ባንታ ዳዲያሱዋ ጌልሳና ሃኒሺን፣ ጳውሎሲ ሻላቃኮ፣ «ታኒ ኔው ኢሲባ ኦዳ?» ያጊሰ።

ኢ ጳውሎስ፡ «ኔኒ ገሪኮ ዶና ኤራይ?
 38 ኔኒ ሃይሳፌ ሲንጤ ቡቁላ ሜዲያ ሸምፖ ዋዲያ ኦይዲ ሙኩሉ ኣሳታ ኤኪዲ ባዘ ጌሊዲ ገብጻ ኡራ ገዲኪ?» ያገሰ።
 39 ሸን ጳውሎስ፡ «ታኒ፡ ከለቁያን ዳዒያ ኤራቲዳ ቱርሴሴ ካታማን ዩሌቲዳ ኣይሁዳ ኣሲ። ሃያና ታና ኦዲሳርኪ?» ያገሰ።
 40 ሻላቃይ ኢያኮ፡ «ኦዲ» ያገሰ ጳውሎስ ዳላ ቦላ ኤቁዲ፡ ኣሳይ ሲዒ ጋና ሜላ ባ ኩሺያን ማሊስ። ኣሳይ ሲዒ ገን ኢብራይስጽ ዶናን ሃይሳዳ ያገሰ።

22

1 «ታ ኢሻቶ፡ ታ ኣዋቶ፡ ታኒ ሃዒ ሂንቴው ኢሚያ ዛሩዋ ሲዒቴ።»
 2 ጳውሎስ ኤንታው ኢብራይስጽ ዶናን ኦይይሳ ሲዒዲ ካሴይሳፌ ኣሉዲ ሲዒ ገደሶና። ኢ ካሊዲ።
 3 «ታኒ ከለቁያን ዳዒያ ቱርሴሴን ዩሌታዳ ሃ ካታማን ዲጫስ። ታ ኣስታማሬይካ ጋማሊያሌ፤ ታኒ ኦ ኣዋታ ሂጊያ ሚንሳ ታማራዳ፡ ሃቺ ሂንቴ ኡባይ ሃይይሳዳ ያሳሰ ሚሹቴያ ኣይሁዳ ኣሲ።
 4 ታኒ ሃ ኦጊያ ካሊያ ማጫታኔ ኣዳታ ኦይካዳ ቃሾ ከላን ዩጋሽን ኤንታ ዋዲሳና ጋካናው ዋዬ ቤሲዳ ኣሲ።
 5 ሃሳዳካ፡ ካሂኔ ሃላቃይኔ ሻንጎ ኡባይ ታባ ማርካታናው ዳንዳዔስ። ታኒ ዳማስቆን ዳዒያ ኤንታ ኢሻታስ ኤንታፌ ዳብዳቤ ኤካዳ ያን ዳዒያ ኣሳቲ ቃሹቴዲ ሴሬታና ሜላ ዩራሳላሚ ኤንታ ኤሃናው ያ ባስ።
 6 «ታኒ ባዳ ዳማስቆ ማቲዳ ዋዴ ሴታ ጋላስ ቆፖና ሳሎቴ ገታ ፖይይ ታ ዩሹዋን ፖዒስ።
 7 ታኒ ሳዒን ኩንዳ ዳዒሺን፡ ሳዖላ፡ ሳዖላ፡ ታና ኣይስ ጎዳይ?» ገያ ቃላ ሲዒስ።
 8 ታኒ ዛራዳ፡ ሳዳው፡ ኔኒ ኦኔ?» ያገሰ።
 ኢ ዛራዳ፡ ሳዳ፡ ኔኒ ጎዲያ ናዘሬቴ ዩሱሳን ያገሰ።
 9 ታራ ዳዒይሳቲ ፖውዋ ቤዒደሶናቴ ኣቲን ታው ኦይይሳ ቃላ ኣኪኪቦኮና።
 10 «ታኒ፡ ሳዳው፡ ታ ኣይ ኦላ?» ያገሰ።
 «ጎዳይ ታኮ፡ ዳንዳዳ ዳማስቆ ባ። ኔኒ ኦላና ሜላ ያሳይ ቆፒዳባ ኡባይ ያን ኔው ኦዳታና» ያገሰ።
 11 ሃ ዋለቃማ ፖውዋ ጋሶን ታ ኣይፌይ ቆቁን፡ ታራ ዳዒያ ኣሳቲ ታ ኩሺያ ኦይኪዲ፡ ታና ጎቲን ዳማስቆ ጋካስ።
 12 «ዳማስቆን ዳዒያ ኣይሁዳ ኡባይ ዳር ቦንቲያ ኢሲ ሃናኒያ ገያ ኣዳይ፡ ኦ ሂጊያ ቦንቲይሴኔ ያሳ ሚንጤ ዋሴይሴ ዳዒስ።
 13 ሃናኔይ ታኮ ዩዲ፡ ታ ማታን ኤቁዲ፡ ሳ ኢሻው ሳዖላ፡ ያላ» ያገሰ። ኤሌሳዳ ታኒ ኢያ ያላ ኣጋስ።
 14 «ኢ ታኮ፡ ሳ ኣዋታ ያሳይ ኔኒ ኢያ ሸኒያ ኤራና ሜላ፡ ኢያ ያሎ ናዒ ቤዒና ሜላኔ ኢያ ዶናቴ ቃላ ሲዒና ሜላ ካሴቲዲ ኔና ዶሪስ።
 15 ኔኒ ቤዒዳባኔ ሲዒዳባ ኣሳ ኡባ ሲንሳን ኢያው ማርካታና።

16 ሃዒ ኣይስ ጋምዒይ? ዳንዳዳ ዓማቁታ፤ ኢያ ሱንሳ ያጋዳ ኔ ናጋራቴ ሜጤታ» ያገሰ።
 17 «ታኒ ጉዬ ዩራሳላሚ ሲማዳ ያሳ ከላን ዋሲሺን፡ ታው ቆንጩላ ቤንቴስ።
 18 ቆንጩላን ጎዳይ ታኮ፡ ሳ ታው ማርካቲያ ማርካቲላ ኣሳይ ኤኮና ገሾ ኤሌሳዳ ዩራሳላሚቴ ኬያ» ያገሰ ሲዒስ።
 19 «ታኒ፡ ሳዳው፡ ኣይሁዳ ዋሳ ከላ ኡባን ኔና ኣማኔይሳታ ኦይካዳ ዋዲዳይሳኔ ቃሾ ከላን ዩጊዳይሳ ኤንቴ ኤርሶና።
 20 ኤንቴ ኔ ማርካ ኢስዒፋናሴ ዋዲያ ዋዴ ታኒ ሃ ኦዳን ኢሲፋስ። ቃሲ ኤንታ ማታን ኤቃዳ ኢያ ዋዲይሳታ ማውዋ ናጋይስ» ያገሰ።
 21 «ጎዳይ ታኮ፡ ሳኒ ኔና ኣይሁዳ ገደና ኣሳኮ ሃሆሶ ከቲያ ገሾ ዳንዳዳ ባ » ያገሰ።

ጳውሎስ ርሜ ኣሲ ገዳይሳ ቆንጩሲስ

22 ጳውሎስ ሃ ቃላ ኦዲዲ ኦንጋና ጋካናው ኣሳይ ኢ ጌይሳ ሲዖሶና። ሃሳፌ ጉዬ፡ ባንታ ቃላ ቶቁ ኦሊዲ፡ «ሃይሳ ቢታፌ ቆይሳ! ኢ ዳናው ቤሴና» ያገሰ።
 23 ኤንቴ ዋጫሚሺን፡ ባንታ ማውዋ ቦላ ሆሊሺኒኔ ባና ቦላ ላሊሺን፤
 24 ሻላቃይ ቤዒዲ ዋታዳሬቲ ጳውሎሳ ባንታ ዳዒያሱዋ ኤፋና ሜላ ከቲስ። ቃሲ ኣሳይ ኣይስ ሃሳዳ ዋጫሚዳኮ ኤራናው ኮዩዲ ጳውሎሳ ሊሶን ጋራፊዲ ፒልጋና ሜላ ኤንታ ከቲስ።
 25 ሸን ዋታዳሬቲ ጳውሎሳ ዳፎን ሚንጤ ቃቺዲ ጋራፋና ሃኒያ ዋዴ ጳውሎስ ባ ማታን ኤቁዳ ማቶ ሃላቃኮ፡ «ርሜ ኣሲ * ፒርዲ ባይና ጋራፊይሴ ሂንቴው ዋጌ?» ያገሰ።
 26 ማቶ ሃላቃይ ሃሳ ሲዒዳ ዋዴ ሻላቃኮ ቢዲ፡ «ሃ ኣዳይ ርሜ ኣሲ። ኔኒ ኣይ ኦላናው ቆፓይ?» ያገሰ ኦይቺስ።
 27 ሻላቃይ ጳውሎሳኮ ሸቁዲ፡ «ኔኒ ርሜ ኣሴ? ኣኔ ታው ኦዳ» ያገሰ።
 ጳውሎስ፡ «ኤ» ያገሰ።
 28 ሻላቃይ ዛራዳ፡ «ታኒ ሃ ጋዴቴላ ዳር ሚሹን ሻማስ» ያገሰ።
 ሸን ጳውሎስ፡ «ታ ሃ ጋዴቴላ ዩሌቴላን ዳማ ኤካስ» ያገሰ።
 29 ሃሳ ገሾ፡ ጳውሎሳ ፒልጋናው ቆፒዳይሳቲ ኢራ ኢያቴ ሻኬቲደሶና። ሻላቃይ ርሜ ኣሲ ሳንላላታን ቃቺዳይሳ ኤራዳ ዋዴ ያዩስ።

ጳውሎስ ኣይሁዳ ሻንጎ ሲንጤ ሸቁስ

30 ዋንቴላ ጋላስ ሻላቃይ፡ ኣይሁዳቲ ጳውሎሳ ኣይስ ሞቲዳኮ ጌሺ ኤራናው ኮዩስ። ካሂኔ ሃላቃቲኔ ሻንጎ ኡባይ ሸቃና ሜላ ከቲስ፤ ቃሲ ጳውሎሳ ቃሾቴ ቢሊሲዲ ኤንታ ሲንሳን ኤሲስ።

23

1 ጳውሎስ ሸቁዋ ጫዲ ያሊዲ፡ «ታ ኢሻቶ፡ ታኒ ሃቺ ጋካናው ያሳ ሲንሳን ታ ዴዖ ኡባን ሎዖ ዋዛናን ዳዒስ» ያገሰ።
 2 ካሂኔ ሃላቃይ ሃናኔይ፡ ጳውሎሳ ዶናን ባቃና ሜላ ኢያ ማታን ኤቁዳይሳታ ከቲስ።

22:3 ሃ.ኦ 5:34-39 22:4 ሃ.ኦ 8:3፤ 26:9-11 22:20 ሃ.ኦ 7:58 * 22:25 ርሜ ኣሲ፡ 16:37 ያሊቲ።

3 ሄ ዎዴ ጳውሎስ ኢያኮ፡ «ላ ኔ ቦቂንቴ ቲዩዳ ጎዳ ዳኔይሶ፡ ያሳይ ኔና ባቃና፡ ኔኒ ታ ቦላ ሂጊያሉ ፐርዳናው ኡታዳ ዳዓሼ ሂጊይ ባይና ታና ባቃና ማላ ከታይ?» ያገሰ።

4 ጳውሎስ ማታን ኤቂዳይሳቲ ኢያኮ፡ «ኔ ያሳ ካሂኔ ሃላቃ ጫያይ?» ያገደሶና።

5 ጳውሎስ፡ «ታ ኢሻቶ፡ ኢ ካሂኔ ሃላቃ ጊዲዳይሳ ታኒ ኤራቢኬ፤ አይስ ጊኮ ያሳ ቃላን፡ ሩይ ዳሪያ አይሴይሳ ቦላ ኢታ ቃላ ሃሳቡን ጌቲቲ ያፊቲስ» ያገሰ።

6 ሺን ጳውሎስ ሄ ቤሳን ዳዒያ አሳፕ ባገቲ ሳዱቃዊታ፡ ባገቲ ፋሪሳዊታ ጊዳይሳ ቤዒዲ፡ «ታ ኢሻቶ፡ ታኒ ፋሪሳዊኔ ፋሪሳዊ ናዓ፤ ሃይቂዳይሳቲ ሃይቆፕ ዳንዳና፤ ጋዳ ታኒ ኡፋይሳን ናጊያ ጊሾ ኤንቲ ታ ቦላ ፐርደሶና» ያገደሶ ኢዲስ።

7 ጳውሎስ ሄሳ ጊዳ ዎዴ ፋሪሳዊታ ጊደኒኔ ሳዱቃዊታ ጊደን ኦሺ ኬዩን ሻኬቲደሶና።

8 አይስ ጊኮ፡ ሳዱቃዊቲ፡ «ሃይቂዳ አሲ ዳንዳና፤ ከታንቸይካ አያኒካ ባዎ» ያጎሶና። ሺን ፋሪሳዊቲ ናሞዳይካ ዳዒይሳ አማናሶና።

9 ጊታ ካቲ ኬዩስ፤ ፋሪሳዊታ ባገ ጊዲዳ ሂጊ አስታማሬቲ ዳንዲ ኤቂዳ፡ «ሃ ኡራ ቦላ አይቤ ባላካ ዳሚቦኮ፤ ኢያው አያኒ ዎይኮ ከታንቸይ ሃሳቡና አጌና» ያገደሶ ፓላሚደሶና።

10 ኦሻይ ዳሪን አሳይ ጳውሎስ ሻቂሬሶና ማላ ጊዲ፡ ሻላቃይ ባ ዎታዳሬቲ ዎዲዲ ኤንታ ጊደሬ ኢያ ኤሌሲ ኬሲዲ ባንታ ዳዒያሱዎ ኤፋና ማላ ከቲስ።

11 ሄ ቃማ ጎዳይ ጳውሎስ ማታን ኤቂዳ፡ «ጳውሎስ፡ ኔኒ ታው ዩሩሳላሚን ማርካቲዳይሳዳ ሮሜንካ ማርካታናው ቤሴስ፤ ሚና፤ አይኮይ ባዎ» ያገሰ።

ጳውሎስ ዎዳናው ማቂቲደሶና

12 ዎንቴላ ጋላስ አይሁዳቲ፡ «ጳውሎስ ዎዳና ዳዒሼ ሞኮ ኡዮኮ» ጊዲ ጫቂደሶና።

13 ጳውሎስ ቦላ ሄሳ ማቂቲዳ አሳቲ ኦይታማፕ ዳርሶና።

14 ኤንቲ ካሂኔ ሃላቃታኮኔ ዳሪያ ጨማታኮ ቢዲ፡ «ኮኒ ጳውሎስ ዎዳና ዳዒሼ ካሌ ጊያባ ሞኮ ጊዲ ጫቂዳ።

15 ሂዛ፡ ሂንቴኔ ሻንጎይ ኢያባ ጌሺዲ ፐሊያባይ ዳዒያ ዳኒሲዲ፡ ጳውሎስ ሂንቴኮ ኤሃና ማላ ሻላቃ ኦይቸቲ። ኮኒ ኢ ሃ ሸቂዎ ጋካናፕ ሲንሌ ኢያ ዎዳናው ጊጊዲ ኡቲዳ» ያገደሶና።

16 ሺን ጳውሎስ ሚቹ ናዓይ ሄ ማቂዎ ሲዒዳ ዎዴ ቢዲ ዎታዳሬቲ ዳዒያሱዎ ጌሊዲ፡ ጳውሎስ ኦዲስ።

17 ጳውሎስ ማቶ ሃላቃታፕ ኢሱዎ ያገደሶ፡ «ሃ ናዓይ ሻላቃኮ ኦዲያባይ ዳዒያ ጊሾ ኢያ ሻላቃኮ ኤፋ» ያገሰ።

18 ማቶ ሃላቃይ ናዓ ሻላቃኮ ኤፊዲ፡ «ቃሾ ኬላን ዳዒያ ጳውሎስ ታና ባኮ ያገደሶ፡ ሃ ናዓይ ኔው ኦዲያባይ ዳዒያ ጊሾ ኢያ ኮኮ ኤሃና ማላ ታና ዎሲስ» ያገሰ።

19 ሻላቃይ ናዓ ኩሺያ ኦይኪዲ፡ ዲማ ካሬ ኬሲዲ፡ «ኔኒ ታው ኦዳናባይ አይቤ?» ያገደሶ ኦይቸሰ።

20 ናዓይ ሻላቃኮ፡ «አይሁዳቲ ጳውሎስ ባ ካሴፕ ሚንሌ ፐሊጋናው ኮዩዳባ ዳኒሲዲ ኔኒ ዎንቶ ኢያ ሸቂዎ ኤሃና ማላ ኔና ዎሳናው ዘሬታ ቃቸደሶና።

21 ሺን ኔኒ ኤንቲ ጊያባ ሲዎፕ፡ አይስ ጊኮ፡ ኦይታማፕ ዳሪያ አሳቲ ጳውሎስ ዎዳና ዳዒሼ ሳካሌ ሞኮ፡ ሃሌ ኡዮኮ ጊዲ ጫቂዳ፡ ቆሴቲዲ ኢያ ናጎሶና። ሃዒ ኔ ጊያባ ያላላ ሲዓናው ናጎሶና» ያገሰ።

22 ሻላቃይ ዛሪዲ፡ «ሃ ኦዳ ኔ ታው ኦዲዳይሳ ሃራ ኦዳስካ ኦይፕ» ያገደሶ ናዓ ጉዬ ዬዲስ።

ጳውሎስ ዳሪያ አይሲያ ፊልኪሳ ሲንሌ ሸቂስ

23 ሻላቃይ ማቶ ሃላቃታፕ ናሞዳታ ያገደሶ፡ «ቃማሬ ሄዥ ሳቲን ቂሳሪያ ባናው፡ ናሞዑ ያቲ ዎታዳሬታ፡ ላፑን ታው ፓራ አሳታኔ ናሞዑ ያቲ ቶራንቸታ ጊጊሲ።

24 ዳሪያ አይሲያ ፊልኪሳኮ ጳውሎስ ሳር ጋላናው ቶጋ ማሂ ጊጊሲ።» ያገደሶ ኤንታ ከቲስ።

25 ሻላቃይ ፊልኪሳስ ሃይሳዳ ጊያ ዳብዳቤ ያፊስ፡

26 «ቃላዉዲዮሳ ሉሲዮሳፕ ዳሪያ አይሲያ ቦንቸ ፊልኪሳስ፡ ሳርይ ኔው ጊድ።

27 አይሁዳቲ ሃ ኡራ ኦይኪዲ ዎዳና ሂኒሺን፡ ኢ ሮሜ ቢታ አሲ ጊደይሳ ኤራዳ ዎታዳሬታራ ጋካዳ ኢያ አሻስ።

28 ኤንቲ ኢያ አይስ ሞቲያኮ ኤራናው ኮያዳ ኤንታ ሸቂዎን ኢያ ሸሻስ።

29 ኤንቲ ባንታ ሂጊያስ ኢያ ሞቲዳይሳሬ አቲን ኢያ ዎዲሲያባ ዎይኮ ቃሺሲያባ ጊደናይሳ ታ ዳማስ።

30 ኤንቲ ሃ ኡራ ቦላ ማቂቲዳ ዘጊርሳይ ታና ጋኪን፡ ታኒ ኤሌሳዳ ኢያ ኮኮ ዬዳስ። ኢያ ሞቲይሳቲ ኔ ሲንላን ቢዲ ሞታና ማላ ከታስ» ያገሰ።

31 ሄሳ ጊሾ፡ ዎታዳሬቲ ከቲቲዳይሳዳ ጳውሎስ ኤኪዲ፡ ቃማ አንቲዳዒሪሳ ጋሌደሶና።

32 ዎንቴላ ጋላስ ፓራ አሳቲ ኢያራ ባና ማላ ኦሌዲ ቶሆ አሳቲ ጉዬ ሲሚደሶና።

33 ቶጋይ ቂሳሪያ ጋኪዲ ዳብዳቤያ ዳሪያ አይሴይሳስ አሚዲ፡ ጳውሎስ ኢያ ሲንሌ አሌደሶና።

34 ዳሪያ አይሴይሲ ዳብዳቤያ ናባቢዳፕ ጉዬ «ጳውሎስ፡ ኔ አው አዉራጃ አሴ?» ጊዲ ኢያ ኦይቸሰ። ኢ ከልቂያ አሲ ጊደይሳ ኤራዳ ዎዴ

35 «ታኒ ኔባ ኔና ሞቲይሳቲ ያ ዎዴ ሲዓና» ያገሰ። ዎታዳሬቲ ጳውሎስ ሄርዲሳ ኬላን ናጋና ማላ ከቲስ።

24

ጳውሎስ አይሁዳቲ ሞቲደሶና

1 ኢቻሹ ጋላሳፕ ጉዬ ካሂኔ ሃላቃይ፡ ሃናኔይ፡ ጨማታራኔ ያርዴሉሳ ጊያ ኢሲ ያባቃራ ቂሳሪያ

23:3 ማቶ 23:27-28 23:5 ኬሳ 22:28 23:6 ሃ.አ 26:5፤ ፊል 3:5 23:8 ማቶ 22:23፤ ማር 12:18፤ ሉቃ 20:27

ቢሰጡ። እንቲ ዳሪያ አይሴይሳ ቦላ ጳውሎሳ ሞተደሶና።

2 ጳውሎሱ ያጌትዲ ጌሊዳ ዋዴ ያርዳሎሲ ኢያ ሃይሳዳ ያጌዲ ሞተሰ።

«ቦንቸ ፊልኪሳ፣ ኑኒ ኔ ባጋራ ዳር ሳርቲሳ ዳሪ ዳሪ፣ ኔ ሎዎ አይሱዋን ኑ ቢታይ ዳር ላሚቲሰ።

3 ቦንቸ ፊልኪሳ፣ ኑኒ አውንካ አውዴ ገዲን ዳር ጋላታን ሄሳ ኤኮሰ።

4 ታኒ ኔና ጋምቢሶናሽን ኔኒ ኔ ኬሃቴላን ኑባ ቃንላን ሲዓና ሚላ ኔና ዋሳይሰ።

5 ሃ ኡራይ ቆቤ ገዲዲ ቢታ ኡባን ዳሪያ አይሁዴታ ገዲን ቡቁላ ማቆዲ ናዚራዌታ ባጋ አሳ ካሌሌይሳ ገዲይሳ ኤሪዳ።

6 ሃሪ አቶሽን፣ ያሳ ኬላ ቱኒሳና ሃኒሽን ኑኒ ኢያ ኦይኪዳ፤ ኑ ሃጊያዳ ኢያ ቦላ ፐርዳናው ቆፒዳ።

7 ሽን ሻላቃ ሉሲዮሲ ዩዲ፣ ዋልቃን ኑ ኩሼፕ ኢያ ዋላ ኤኪሰ።

8 ኢያ ሞቲይሳቲካ ኔኮ ያና ሚላ ከቲሰ። ኔኒ ኔ ሁዒን ሃ ኡራ ፒልጋዳ ኑኒ ኢያ ሞቲያ ሞቲዋ ኡባ ኤራናው ዳንዳዓሳ» ያገሰ።

9 አይሁዴቲካ፣ «ሃ ኦዳይ ቱማ» ገዲ ኢያ ቆፋ ማዒደሶና።

ጳውሎሲ ሞቲዋሰ ዛር ኢሚሰ

10 ዳሪያ አይሴይሲ ጳውሎሳ ኦዳ ገዲ ማሊሰ። ጳውሎሲ ሃይሳዳ ገዲ ዛሪሰ። «ኔኒ ዳር ዋዴፕ ደማዳ፣ ሃ አሳሰ ፐርዳሼ ዳዔይሳ ኤራዳ ታ ኦዳሰ ኡፋይሳን ዛር ኢሚይሰ።

11 ታኒ ጎይናናው ዩራሳላሚ ኬዩን ታማኔ ናምቡ ጋላሳፕ አቆናይሳ ኔኒ ኔ ሁዒን ኤራናው ዳንዳዓሳ።

12 አይሁዴቲ ታና ያሳ ኬላን ገዲን አይሁዴ ዋሳ ኬላን ገዲን ካታማን ገዲን ኦዳራካ ፓላሚሽን ዋይኮ አሴ ሺሻዳ ማቁሽን ኢሲ አሲካ ዳሚቤና።

13 ሃዒካ እንቲ ታና ሞቲያባሰ ማርካ ዳማናው ዳንዳዮና።

14 «ሽን ታኒ ኢሲባ አማናይሰ፤ ታኒ ሃኒን ዳዒያባኔ ናቤቲ ያፊዳ ኡባባ አማናዳ፣ ኑ አዋታ ያሳ፣ እንቲ ዋርዶ ገያ ኦጊያን ጎይናይሰ።

15 እንቲ ባንታ ሁዒን አማኔይሳ ሚላ ዒሎቲኔ ናጋራንቸቲ ሃይቆፕ ዳንዳናይሳ ታካ አማናይሰ።

16 ሄሳ ገሾ፣ ታኒ ያሳ ሲንላኒኔ አሳ ሲንላን ኡባ ዋዴ ሎዎ ካሂ ታው ዳና ሚላ ሚናይሰ።

17 «ታኒ ዩራሳላሚፕ ኬዮሳፕ ዳር ላይላፊ ጉዬ ታ ቢታ ማንቆታሰ ማዴ አማናውኔ ያርሾ ያርሻናው ዩራሳላሚ ባሰ።

18 ታኒ ያሳ ኬላን ሄሳ አላዳ ጌሻ ዋጋ ፖላ ሲሚን ታና ዳሚደሶና። ሄ ዋዴ ታራ አሲ ባዋ፣ አሽካ ኬዩቤና።

19 ሽን ኢሲያፕ ዩዳ ኢሲ ኢሲ አይሁዴቲ ያን ዳዎሶና፤ እንቲ ታ ቦላ ኦዳ ኮይኮ ዩዳ ታና ኔ ቦላ ሞታናው ዳንዳዮና።

20 ዋይኮ ታኒ ሻንጉዋ ሲንሌ ሸቂዳ ዋዴ አላዳ ባሊ ዳዒኮ ሃይሳቲ ኔ ሲንላን ዳዔይሳቲ ኦዳና።

21 ታኒ እንታ ገዲን ኤቃዳ፣ «ሃይቁዳይሳቲ ዳንዳና ጋዳ ዋሳዳ ኦዳዳ ገሾ ሃቸ ሂንቲ ሲንላን ታ ቦላ ፐርደሶና» ጋሰ፤ ሄሳፊ ሃራባ ኦላቢኬ» ያገሰ።

22 ሽን ፊልኪሲ ያሳ ኦጊያባ ጌሺ ኤሪዳ ገሾ «ታኒ ሂንቲ ኦዳ ሻላቃ ሉሲዮሲ ያ ዋዴ ፐርዳና» ያገዲ ሞይዚሰ።

23 ፊልኪሲ ቃሲ ጳውሎሳ ቃቸና ናጋና ሚላኔ ኢያ ዳቦታፕ ኦኒካ ኢያ ኦይቻናው ዩሽን ዲጎና ሚላ ማቶ ሃላቃሰ ኦዳሰ።

ጳውሎሲ ፊልኪሳ ሲንሌኔ ዲሩሲላ ሲንሌ ሸቂሰ

24 ጉላ ጋላሳፕ ጉዬ፣ ፊልኪሲ አይሁዴ ባጋ ገዲዳ ባ ማቸ ዲሩሲላራ ዩዲ ጳውሎሳ ከቲ ኤሂሲዲ ዩሱሰ ከሪሰቶሳን አማናባ ኢያፕ ሲዒሰ።

25 ጳውሎሲ ዒሎቲላባ፣ ባ ሁዒ ሃርባኔ ያናው ዳዒያ ፐርዳባ ኦዳሽን፣ ፊልኪሲ ያዩዲ፣ «ኔኒ ሃዒሰ ባ፤ ታው ኢንጃቲዳ ዋዴ ኔና ያገሳና» ያገሰ።

26 ሄ ዋዴ ጳውሎሳፕ ጉቦ ኤካናው ቆፒዲ ኢያ ዛሪ ዛሪ ያገሲዲ ኢያራ ኦዳቲሰ።

27 ናምቡ ላይላፊ ጉዬ፣ ፊልኪሳ ቤሳ ጳርቁዮሰ ፊሰዎሲ ኤኪሰ። ፊልኪሲ አይሁዴታ ኡፋይሳናው ኮዩዲ ጳውሎሳ ቢሎና አጋገሰ።

25

ጳውሎሲ ርሜ ካዉዋሰ አቤት ገሰ

1 ፊሰዎሲ ካዋቲዳ ሄቸ ጋላሳፕ ጉዬ ቁሳሪያፕ ዩራሳላሚ ቢሰ።

2 ያን ካሂኔ ሃላቃቲኔ አይሁዴታ ካሌሌይሳቲ ጳውሎሳ ሞቲደሶና።

3 ጳውሎሳ ዩራሳላሚ ኤሂሽን ኦጊን ቆሴቲዲ ኢያ ዋቆናው እንታው ኢንጃታና ሚላ ባንታና ማዶ ገዲ ፊሰዎሳ ዋሲደሶና።

4 ፊሰዎሲ እንታኮ፣ «ጳውሎሲ፣ ቁሳሪያን ቃሾ ኬላን ዳዒሰ፤ ታኒ ታ ሁዒንካ ኤሌሳዳ ጉዬ ሲማና ሃናይሰ።

5 ኢ ባሊዳባይ ዳዒኮ ሂንቲ ገዲን አዋቲይሳቲ ታራ ቁሳሪያ ቢዲ ኢያ ሞቶና» ያገዲ ዛሪሰ።

6 ፊሰዎሲ እንታ ማታን ሆሰፑን ዋይኮ ታው ጋላሳ ሚላ ጋምቢዳፕ ጉዬ ቁሳሪያ ቢሰ። ዋንቲላ ጋላሰ ፐርዳ ኦይዲያን ኡቲዲ ጳውሎሳ ኤሃና ሚላ ከቲሰ።

7 ኢ ዩን ዩራሳላሚፕ ዩዳ አይሁዴቲ ኢያ ዩሾዋን ኤቁዲ እንቲ ላላናው ዳንዳዮና ዳር ዳዎ ሞቶ ኢያ ቦላ ሸሺደሶና።

8 ጳውሎሲ ዛሪዳ፣ «ታኒ አይሁዴ ሃጊያ ገዲን ያሳ ኬላ ዋይኮ ርሜ ካዉዋ ቁሳሪ ናቃቢኬ» ያገሰ።

9 ሽን ፊሰዎሲ አይሁዴታ ኡፋይሳናው ኮዩዲ ጳውሎሳኮ፣ «ዩራሳላሚ ባዳ ሃ ሞቲዋባ ያን ታ ሲንላን ፐርዳታናው ኮያይ?» ያገዲ ኦይቸሰ።

10 ሽን ጳውሎሲ፣ «ታኒ ፐርዳታናው ቤሲያ ቁሳሪ ፐርዳ ኬላን ኤቃ ከቻሰ። ኔኒ ሎይላ ኤሪይሳዳ ታኒ አይሁዴታ አይቢንካ ናቃቢኬ።

11 ሂዛ፡ ታኒ ናቁዳባይ ወይኮ ሃይቆስ ጋሊያባ ኦሊዳባ ገዲኮ ሃይቆፔ ታና ኣሻ ገኬ። ሺን ኤንቲ ታና ሞቲያ ሞቶይ ጮ ገዳፔ ጉዬ ኦኒካ ታና ኤንታው ኣሊ ኢማናው ዳንዳዔና። ቁሳሬይ ታባ ፒርዶ ጋዳ ኦይቻይስ» ያገሰ።

12 ሄ ወዳ ፊስጎሲ ባ ዞራንቸታራ ዞሬቲዲ፡ «ኔኒ ቁሳሬይ ታባ ፒርዶ ጋዳ ኦይቻዳሳ፤ ቁሳሬኮ ባሳ» ያገዲ ዛሪስ።

ጳውሎሲ ኣገርጳ ሲንጻኔ ባርኒቄ ሲንጻ ሺቁስ

13 ጉላ ጋላሳፔ ጉዬ ካዎይ ኣገርጳኔ ባርኒቄይ ፊስጎሳ ሳርፋናው ቁሳሬያ ቢዶሶና።

14 ያን ኤንቲ ዳር ጋላስ ጋምዒን፡ ፊስጎሲ ካወቀስ ጳውሎሳባ ሃይሳዳ ያገዲ ኦዲስ፤ «ፊልኪሲ ቢሎና ኣገዲ ቢዳ ኢሲ ኣዳይ ሃይሳን ዳዔስ።

15 ታኒ ዩሩሳላሜ ቢዳ ወዳ ካሂኔ ሃላቃቲኔ ኣይሁዴ ጨማቲ ኢያ ቦላ ፒርዳና ሜላ ታና ዎሲዲ ኢያባ ታው ኦዲዶሶና።

16 ታኒ፡ «ሞቲቲዳ ኡራይ ባና ሞቲይሳታ ሲንጻን ኤቁዲ ባ ሞቲዳባስ ዛር ኢሞናሽን፡ ኦና ገዲኮካ ኣጲዲ ኢሜቲይሲ ሮሜ ሂጌ ገዴና» ያገዳ ኤንታው ዛሪስ።

17 «ሄሳ ገሹ፡ ኤንቲ ሃይሳን ሺቁዳ ወዳ ታኒ ጋምዶና ዎንቲላ ጋላስ ፒርዳ ኬላ ጌላዳ ጳውሎሳ ኢሃና ሜላ ከታስ።

18 ኢያ ሞቲይሳቲ ኢያ ማታን ኤቁዲ፡ ኢታባን ኢያ ሞቶና ኣጎኮና ጋዳ ታኒ ቆፒዳይሳ ሜላ ኢያ ሞቲቦኮና።

19 ሺን ኤንቲ ባንታ ኣማናባኔ ጳውሎሲ፡ «ገፃ ዳዔስ» ገያ ኢሲ ሃይቁዳ ዩሱሳ ጌቲቲያ ኣዲያባ ኢያራ ገላሞሶና።

20 ሃ ኦዲይ ታና ሻካናው ሜቲዳ ገሹ ጳውሎሲ ዩሩሳላሜ ቢዲ፡ ያን ፒርዳታናው ኮያኮ ጋዳ ኢያ ኦይቻስ።

21 ሺን ጳውሎሲ ባ ኦዳ ቁሳሬይ ቤዓና ጋካናው ቃሾ ኬላን ጋምዳናው ኦይቻስ። ታኒ ኢያ ቁሳሬኮ ዩዳና ጋካናው ኢ ቃሽታና ሜላ ከታስ» ያገሰ።

22 ሄሳ ገሹ፡ ኣገርጳ ፊስጎሳኮ፡ «ታኒ ታ ሁዔንካ ሄ ኡራይ ገያባ ሲዓናው ኮያይስ» ያገሰ።

ፊስጎሲ ኢያኮ፡ «ኔኒ ዎንቶ ኢ ገያባ ሲዓና» ያገሰ።

23 ዎንቲላ ጋላስ ኣገርጳኔ ባርኒቄይ ገታ ቦንቸን ሻላቃታራኔ ካታማን ዳዒያ ገታ ኣሳታራ ዩዲ ፒርዳ ኬላ ጌላዶሶና። ፊስጎሲ ጳውሎሳ ጻገሲዲ ኤሂስ።

24 ፊስጎሲ፡ «ካዎው ኣገርጳ፡ ሃይሳን ኦራ ዳዒያ ኣሳው፡ ኣይሁዴቲ ዩሩሳላሜንካ ሃይሳንካ ዋሲዲ፡ «ኢ ሂዛፔ ጉዬ ገፃ ዳናው ቤሴና» ያገዲ፡ ታና ዎሲዳ ኡራ ሃይሳ ቤዔታ።

25 ሺን ኢያ ሃይቆስ ጋሊያባ ኣይቢባካ ታኒ ዳማቢኬ። ኢ ባ ሁዔን፡ «ቁሳሬይ ታባ ፒርዶ ያጋዳ ኦይቻይስ» ገዳ ገሹ ቁሳሬኮ ኢያ ዩዳናው ቆፋ ቃቻስ።

26 ታኒ ኢያባ ታ ጎዳ ቁሳሬስ ፃፋናው ገዲያ ጋሶይ ኣይቢካ ባዎ። ሄሳ ገሹ፡ ኢያባ ሂንቲ

ቤዒኮ ታ ፃፊያባይ ቤንታኮኮ ጋዳ ሂንቲ ሲንጻ ኡባራካ ካዎው፡ ኣገርጳ፡ ኔ ሲንጻ ኢያ ኤሃስ።

27 ኣይስ ገኮ፡ ቃሽቲዳ ኣሲ ቦላ ዳይናስ ኣሊያ ወዳ ኢ ኣይስ ሞቲቲዳኮ ቆንጨሶና ኣጌይሲ ታው ኤያቴላ ዳኔስ» ያገሰ።

26

ጳውሎሲ ኣገርጳ ሲንጻን ዛሪዳ ዛሩዎ

1 ኣገርጳ ጳውሎሳኮ፡ «ኔኒ ኔባ ኦዳናው ዳንዳዒሳ» ያገሰ። ሄ ወዳ ጳውሎሲ ባ ኩሺያ ዴንጻዲ ሃይሳዳ ያገሰ።

2 «ካዎው፡ ኣገርጳ፡ ኣይሁዴቲ ታና ሞቲዳባስ ዛር ኢማናው ሃቺ ኔ ሲንጻን ኤቃሽ ታ ቃዳይ ሎዎ ጋዳ ቆፓይስ።

3 ኔኒ ኣይሁዴ ዎጋኔ ገላማ ሎይላዳ ኤሪያ ገሹ ታና ሳሌቶና ሲዓና ሜላ ዎሳይስ።

4 «ታኒ ናዓቲላፊ ዶማዳ ታ ኣሳ ገዴኒኔ ዩሩሳላሜን ዳዒዳ ታ ዴዑዎ ኣይሁዴ ኡባይ ኤርሶና።

5 ታኒ ኮይሮፔ ዶማዳ፡ ኦ ኣማና ሂገያ ሚንጻዲ ናገያ ፋሪሳዊታ ያራፔ ገዴይሳ ኤንቲ ማርካታናው ኮይኮ ኤርሶና።

6 ሃዒካ ታኒ ያሳይ ኦ ኣዎታስ ኢማና ገዳ ኡፋይሳ ናገያ ገሹ ሞቲታዳ ሃይሳን ኤቃስ።

7 ቃሲ ታማኔ ናምዑ ኦ ኣዎታ ሽሻይ ያሳ ቃማኔ ጋላስ ሚንጻዲ ጎይኒሽ ያሳይ ኢማና ገዴይሳ ኤካናው ኡፋይሳን ናጎሶና። ካዎው ኣገርጳ፡ ኣይሁዴቲ ታና ሞቲይ ታኒ ኡፋይሳን ሄሳ ናገያ ገሹሳ።

8 ኣይሁዴቶ፡ ያሳይ ሃይቁዳይሳታ ዳንጻይሳ ኣይስ ኣማኔኬቲ?

9 «ካሴ ታኒ ታ ሁዔንካ ናዚሬቴ ዩሱሳ ሱንጻ ቴቃናው ዳንዳዒቲዳባ ኡባ ኦላናው ቤሴስ ጋዳ ቆፓስ።

10 ታኒ ዩሩሳላሜን ኦሊዳይ ሃይሳ። ካሂኔ ሃላቃታፔ ማታ ኤካዳ ያሳ ኣሳታፔ ዳርታ ቃሽሳስ። ኤንታ ዎጲያ ዎዴካ ኤንታ ሃይቁዎ ዳሳስ።

11 ዳር ወዳ ኣይሁዴ ዎሳ ኬላ ኡባን ኤንቲ ሴራታና ሜላኔ ዩሱሳ ጫዩዲ ካዳና ሜላ ኡንዔላስ። ታኒ ዎጊ ባይና ኤንታ ሃንቁታዳ ሃሪ ኣቶሺን፡ ሃራ ቢታ ካታማታ ጋካናው ኤንታ ጎዳስ።

12 «ታኒ ሃ ኦዳስ ካሂኔ ሃላቃታፔ ማታኔ ከታ ኤካዳ ዳማስቆ ባይስ።

13 ካዎው፡ ታኒ ሴታ ጋላስ ኦገያን ዳዒሺን ኣዎ ፖፖፔ ዳር ኣጲያ ፖፖይ ታ ዩሹዋኒኔ ታራ ቤይሳታ ዩሹዋን ሳሎፔ ፖዒስ።

14 ኦኒ ኡባይካ ሳዓን ኩንዲዳ ወዳ ኢብራይስጫ ዶናን፡ ሳፖላ፡ ሳፖላ፡ ታና ኣይስ ጎዳይ? ኔኒ ኔና ጫዲያ ፃምዓ ቃኪኮ ኔና ቆሃሳ» ያገዲ ታው ኦዲሺን ሲዓስ።

15 «ታኒ፡ ሳዳው፡ ኔኒ ኦኒ?» ያገሰ።

«ጎዳይ፡ ታኒ፡ ኔኒ ጎዲያ ዩሱሳ፤

16 ሺን ዳንዳ ኤቃ። ሃቺ ኔኒ ታና ቤዒዳይሳኒኔ ሲንጻፊ ታ ኔና ቤሳኝሳ ሃራታስ ማርካታና ሜላ ታ ኦሳንቸ ኦላዳ ኔና ሹማናው ኔው ቤንታስ።

17 ኢሰራዔል አሳታፔኔ ታኒ ኔና ኤንታኮ ከቲያ አይሁዳ ጊደናይሳታፔ ኔና አሻና።

18 ኔኒ ኤንታ አይፊያ ደያና፣ ጳማፔ ፖዎኮ፣ ፃላሄ ኩሼፔ ያሳኮ ኤንታ ዛራና። ኤንቲ ታናን አማኒዲ ናጋራ አቶቴላ ኤካና። ያሳይ ዶሪዳ አሳ ጊደን ባንታ ላታ ዳማና፣ ያጊሰ።

19 «ካዋው አገርጸ፣ ሄሳ ጊሾ፣ ታው ሳሎፔ ቤንቲዳ ቆንጨፍላስ ከቲታናይሳ ኢፃቢኬ።

20 ሺን ታኒ ኮይሮታዳ ዳማሰቆን ሄሳፊ ጉዬ ዬሩሳላሜኒኔ ዪሁዳ ቢታ ኡባን ዳዔይሳቲኔ አይሁዳ ጊደናይሳቲ ባንታ ናጋራፔ ያሳኮ ሲማና ማላኔ ናጋራፔ ሲሙዋ ቤሲያ ኦሶ አላና ማላ ቃላ ኦዳሰ።

21 ሄሳ ጊሾ፣ አይሁዳቲ ታና ያሳ ኬላን ኦይኪዲ ዋቋናው ኮዩደሶና።

22 ሃቺ ጋካናው ያሳ ማዳይ ታፔ ሻኬቲቤና፣ ያኒያ ጊሾ፣ ጉላሲኔ ጊታስ ማርካታሼ ሃይሳን ኤቃሰ። ናቤቲኔ ሙሴይ ሃናና ጊዲ ኦዲዳይሳፊ ሃራ ኢሲባካ ታኒ ኦዲዳባይ ባዋ።

23 ሄሲካ፣ ሳሪሰቶሲ ዋዬ ኤካናው ቤሴሰ፤ ቃሲ ሃይቆፔ ኮይሮ ዳንዲዲ አይሁዳታሲኔ አይሁዳ ጊደናይሳታሰ አቶቴላ ፖዎ ኦዳናው ቤሴሰን ጊዳይሳ» ያጊሰ።

24 ጳውሎሲ ሄሳ ያጊዲ ዛሪሺን፣ ፊሰያሲ ባ ቃላ ቆቁ ኦሊዲ፣ «ጳውሎሳ፣ ኔ ጎዳሳ፤ ኔ ዳሮ ቲሚርቲይ ኔና ጎሻሰ ጋሊሰ» ያጊሰ።

25 ሺን ጳውሎሲ፣ «ቦንቾ ፊሰያሳ፣ ታኒ ቱማባኔ ቤሲያ ባ ኦዲይሲፔ አቲን ጎያቢኬ።

26 ታኒ ቆንጨፍን ኦዲያ ኦዳ ካዋይ ኤሬሰ። ሃ ኦዳይ ገማን ኦሴቲቦና ጊሾ ኢሶይካ ኢያፔ ገምናይሳ ታኒ ገሻዳ ኤራይሰ።

27 «ካዋው አገርጸ፣ ኔኒ ናቤታ አማናሳ ጊዲኪ? ኔኒ አማኔይሳ ታኒ ኤራይሰ» ያጊሰ።

28 ካዋይ አገርጸ፣ ጳውሎሳኮ፣ «ሃ ጉላ ሳቲን ታና አማንላናው ኮያይ?» ያጊሰ።

29 ጳውሎሲ፣ «ዳሮ ዋዳ ጊዲን ጉላ ዋዳ ኔ ፃላላ ጊደናሺን ሃቺ ታና ሲዒያ ኡባይ ሃ ቃሹዋፔ አቲን ታ ማላ ጊዳና ማላ ያሳ ዋሳይሰ» ያጊሰ።

30 ሄሳፊ ጉዬ፣ ካዋይ ፊሰያሲ፣ ባርኒቄይኔ ኤንታራ ኡቲዳ ኡባይካ ዳንዲደሶና።

31 ያፔ ኬዩዲ ቢሼ ኢሶይ ኢሱዋራ፣ «ሃ ኡራይ ሃይቆስ ዋይኮ ቃሾሰ ጋሊያ ባ አይኮካ ኦሊቤና» ያጊዲ ኦዳቲደሶና።

32 አገርጸ ፊሰያሳኮ፣ «ሃ ኡራይ ላቆሬይ ታባ ፐርዶ» ጎናኮ ቢሌታናው ዳንዳዔሰ፣ ሺን አቲሰ» ያጊሰ።

27

ጳውሎሲ ሮሜ ቢሰ

1 ኔኒ ማርካቤራ ፃሌ ባናው ቃቺዳ ዋዳ አዉጊሰያሳ ዋታዳሬታ ጌቲቲይሳታፔ ኢሲ ዩሊዮሳ ጊያ ማቶ ሃላቃስ ጳውሎሳኔ ሃራ ጉላ ቃሾ አሳታ ኢሚደሶና።

2 ኢሲያ ጋፃን ዳዒያ ቢታታ ቢያ አዲራሚፃዮኔ ማርካቤን ጌሊዲ ዳንዲዳ። ማቄደኒያ አሲ ጊዲዳ ቲሴሎንቄ አርሰፃሮኮሲ ኦራ ዳዔሰ።

3 ዋንቴላ ጋላሰ ኦኒ ሲደና ጋኪሺን፣ ዩሊዮሲ ጳውሎሳሰ ኬሂዲ ባ ላጌታኮ ቢዲ ኮሺያባን ማዳታና ማላ ኤንታኮ ዩዲሰ።

4 ያፔ ዳንዲዲ ሲንላራ ኦ ቦላ ጫርኪያ ጊሾ ሃላን ቴቄቲዳ ቢታ፣ ቆጶሮሳን ዜምፒዲ አቋዳ።

5 ከላቄያኔ ጸንፊሊያ ማታን ዳዒያ አባ ፒኒዲ ለቄያን ዳዒያ ሙራ ጋኪዳ።

6 ያን ማቶ ሃላቃይ ፃሌ ቢያ ኢሰከንዲሪያ ማርካቤ ዳሚዲ፣ ኢያን ኦና ጌልሲሰ።

7 ኦኒ ዳሮ ጋላሰ ሎዳራ ቢዲ፣ ዳሮ ሜቶን ቃንደሳ ካታማ ማታ ጋኪዳ። ያራ ባናው ኦና ጫርኮይ ዲጊን ሳልሞናራ አቋዳ ሃላን ቴቄቲዳ ቢታ፣ ቃርፂሳን ዜምፒዲ አቋዳ።

8 ዳሮ ሜቶን ጋፃ ጋፃ ኦይኪዲ ላሲያ ካታማ ማታን ዳዒያ አባ ደናን «ማርካቤይ ዋፑ ጊዲ ሸምፒያሶ» ጊያ ቤሳ ጋኪዳ።

9 ኦኒ ያን ዳሮ ዋዲያ ጋምዒዳፔ ጉዬ ያሚ ቢሌቲን፣ ማርካቤራ ቡሲ ሜቲያ ጊሾ ጳውሎሲ ኤንታ ዞሪሰ።

10 «አሳው፣ ኦ ቡሳን ጊታ ቦሺኔ ዳሮ ቆሆይ ዳዔይሲ ታው ቤንቲሰ፤ ቆሆይ ጫና ቦላኔ ማርካቤያ ቦላ ፃላላ ጊደናሺን ኦ ዳዐ-ዋ ቦላካ ጋካና» ያጊሰ።

11 ሺን ማቶ ሃላቃይ ጳውሎሲ ጊዳይሳፊ አሊዲ ማርካቤያ ላጌይሲኔ ማርካቤያ ጎዳይ ጌይሳ አማኒሰ።

12 ሄ አባ ደናን ዳዒያ ካታማይ ባልጎ አጌና አላናው ኤንታው ኢንጃቶና ጊሾ ዳሪያ አሳቲ ባንታው ዳንዳዔቲኮ ፊንቄ ካታማ ጋኪዲ ባልጎ አጌና ያን አላናው ዞሪቲደሶና። ፊንቄይ ፑዳሃ-ዉሎሃፔኔ ዲጌሃ-ዉሎሃፔ ጊደን አባ ደናን ዳዒያ ካታማ።

አባ ቦላ ጎቲይ ዳንዲሰ

13 ካዉሻ ዲጌሃ ጫርኮይ ሎዳራ ጫርኪዳ ዋዳ ባንታ ቆፒዳይሳዳ ሃኒዳባ ዳኒን ዳንዲዲ፣ ማርካቤይ ቃቶና ማላ ኦይኪያ ቢራታ ፑዳ ኤኪዲ ቃርፂሳ ማታራ አቋደሶና።

14 ሺን ዳሮ ጋምፖና «አዉራቄስ» ጊያ ዋልቃማ ጎቲይ ሃላን ቴቄቲዳ ቢታፊ ዲጌ ኤንታ ቦላ ዳንዲሰ።

15 ሄ ጎቲይ ማርካቤያ ሱጊዲ ኤፎና ዲጊዳ ጊሾ ጫርኮይ ማርካቤያ ባ ደሲዳ ሶ ኤፊሰ።

16 ኦኒ ቄዳ ጊያ ሃላን ቴቄቲዳ ቢታ ዜምፒዲ ቢሼ ዳሮ ሜቶቴቲዲ ማርካቤያ ዋጎሉዋ አሻናው ዳንዳዒዳ።

17 ኤንቲ ዋጎሉዋ ፑዳ ኬሲዳፔ ጉዬ ዋደሩዋን ማርካቤያ ቦላ ፃፂዲ፣ ሚንሊ ቃቺደሶና። ሱርቲሳ ጊያ ሻፊያን ባንታና ደምዔላና ጊዲ ሂርጊዲ፣ ማርካቤያ ሻራ ዋቋሲዲ ማርካቤያ ጮ ዩዲ አጊደሶና።

18 ጎቲይ ዋልቃሚሽ ቢን ዋንቴላ ጋላሰ ጫናፔ ባጋ አባን ሆሎ ኦይኪደሶና።

19 ሄጸንላ ጋላሰ ማርካቤያ ሚሺያ ኤኪዲ ባንታ ኩሼን ሆሊደሶና።

20 ኦኒ ዳሮ ጋላሰ አዋ አይፊኔ ያሊንቶ ቤዮና ጊሾኔ ዋልቃማ ኡሾይ ኦ ቦላ ኡሺዳ ጊሾ ሲንላፊ ሸምፖራ አታና ጊዲ ቆፒቦኮ።

21 ሄ ዎዴ ኤንቲ ዳር ጋላስ ካሌ ሞና ጋምባዳ ገሾ ጳውሎሲ ኤንታ ገደን ዴንዲ ኤቁዲ፡ «አሳው፡ ሂንቲ ታ ዘሪያ ኤኪዲ ቃርፃሳፔ ዴንደና አጊዳኮ ሃ ማቶይኔ ቆሆይ ኑና ጋኬና።

22 ሺን ታኒ ሂንቲና ያዮፊቴ ጋዳ ዘራይሰ፤ አይሰ ገኮ፡ ሃ ማርካቤይ ጳያናፔ አቲን ሂንቲፊ ኢሲ አሳ ሽምፖይካ ጳዬና።

23 ዘኔ ቃማ ታ ኢያባ ገዲዳይሰኔ ታ ጎይኒያ ያሳይ ከቲዳ ከታንቸይ ታ ማታን ኤቁዲ፡

24 ጳውሎሳ፡ ያዮፋ፤ ኔኒ ርሜ ካወዋ ቁሳሬ ሲንጻን ኤቃናው ቤሴስ። ሂኮ ያሳይ ኔ ገሾ ኔራ ቢያ አሳ ኡባ ሽምፑዋ አሺሰን ያገሰ።

25 ሄሳ ገሾ፡ አሳው፡ ያዮፊቴ። ሄ ከታንቸይ ታው ኦዲዳይሲ ሃናናይሳ ታኒ አማናይሰ።

26 ሺን ጫርኮይ ኑና ኤፊዲ ኢሲ ሃጻን ቴቁቲዳ ቢታ ጋፃን ሆላና» ያገሰ።

27 ታማኔ አይዳንሶ ቃማን ማዲቲራኔ አባን ኑና ጫርኮይ ጌዴኔ ሃ ሱጊሽን፡ ገዲ ቢላሄ ገዲያ ዎዴ ማርካቤያን ኦፊይሳታሰ ቢታኮ ማቲዳባ ዳኒሰ።

28 ኤንቲ ጨሞቴላ ኤራናው ኮዩዲ ዎደር ዪራን ዳዲያባ ቃቸዲ አባን ዩጊን፡ አባይ ሆሰፑን ታሙ ዎታ ገዲሰ። ጉሌ ጋምባዳ፡ ዛሪ ዩጊን ኡሱፑን ታሙ ዎታ ገዲሰ።

29 ኤንቲ አባ ጋፃን ዳዲያ ሹቻን ደምዔቶና ማላ ያዩዲ፡ ማርካቤይ ቦና ማላ ኦይኪያ ኦይዲ ቢራታታ ማርካቤያፔ ጉዬራ አባን ዩጊዲ፡ ሳዔይ ዎንታና ማላ ያሳ ዎሶሶና።

30 ማርካቤያን ኦፊይሳቲ ማርካቤያፔ ባቃታናው ኮዩዲ፡ ማርካቤይ ቦና ማላ ኦይኪያ ቢራታታ ማርካቤያፔ ሲንጻ ባጋራ አባን ዩጊያ ዳኒን ዎጎሎዋ አባን ዩጊዳሶና።

31 ጳውሎሲ ማቶ ሃላቃኮኔ ዎታዳሬታኮ፡ «ሃይሳቲ ማርካቤያን ሽምፐ ኡቶና ኢዲኮ ሂንቲ አታናው ዳንዳዔኬታ» ያገሰ።

32 ሄሳ ገሾ፡ ዎታዳሬቲ ዎጎሎይ ቃሽቲዳ ዎደራዎ ቃንጻዲ ዩዲ አገደሶና።

33 ሳዒ ዎንታና ሃኒሺን ኡባይ ካሌ ማና ማላ ጳውሎሲ አሳኮ፡ «ሂንቲ ካሌ ሞና ናጊሼ ሃቸራ ታማኔ ኦይዲ ጋላስ ጋምባዳታ።

34 ሄሳ ገሾ፡ ጉላ ካሌ ሂንቲ ማና ማላ ታኒ ሂንቲና ዎሳይሰ። ሂንቲ ጋሽታና ማላ ጉላ ካሌ ማናው ኮሽሰ፤ ሃሪ አቶሺን ሂንቲ ሁዔ ቢናናፔ ኢሶይካ ጳዬና» ያገሰ።

35 ጳውሎሲ ሄሳ ገዲ ኡይሌ ኤኪዲ ኡባ ሲንጻን ያሳ ጋላቲሰ፤ ኡይላ ማንሌዲ ሙሱ ደሚሰ።

36 ኡባይ ማኔቲዲ ባንታው ካሌ ኤኪዲ ሚደሶና።

37 ኑኒ ማርካቤያን ዳዔይሳቲ ናሞዑ ጻታኔ ላፑን ታማኔ ኡሱፑና።

38 ኤንቲ ሚዲ ካሊዳ ዎዴ ጫና ገሰቲያ አባን ዩጊዲ ማርካቤያ ዳፀዎ ካወሸደሶና።

ማርካቤይ ማዒሰ

39 ሳዒ ዎንቲዳ ዎዴ ማርካቤያ ኦሳንቸቲ አው ቢታ ጋኪዳኮ ኤርናሺን፡ አባ ጋፃን ዳዲያ

ሻፌኔ ሲሊሞ ቤዒደሶና። ባንታው ዳንዳዔቲኮ ማርካቤያ ሄ ሻፊያኮ ሸሻናው ቆፒደሶና።

40 ያቲዲ፡ ማርካቤይ ቦና ማላ ኦይኪያ ቢራታታ ቢርሺዲ አባን ዩጊደሶና። ሄ ዎዴ ላጊያ ማላ ቃቸያ ዎደራዎ ቢርሺደሶና። ሄሳፊ ጉዬ፡ ጫርኮይ ማርካቤያ ሲንጻ ሱጋና ማላ ማርካቤያ ኤፊያ ሻራ ሲንጻ ባጋራ ቶቁ ኦሌዲ ቡሱ ደሚደሶና።

41 ሺን ማርካቤይ ሻፊ ደሬን ደምዔቲዲ ሚቲቲሰ። ማርካቤያሰ ሲንጻ ባጋይ ፀጉኒዲ ሻፊያ ጫዲ ኦይኪዲ ቃያና ኢዲን፡ ጉዬ ባጋይ ዙሊያ ሱጌላን ማቁሬቴሌ ኦይኪሰ።

42 ዎታዳሬቲ ቃሾ አሳፔ ኢሶይካ ሃጻ ዎታዲ ኬሲ ኤኮና ማላ ኤንታ ዎታናው ዘሬቲደሶና።

43 ሺን ማቶ ሃላቃይ ጳውሎሳ አሻናው ኮዩዲ ዎታዳሬታ ዘሬታ ኢዲሰ። ሃፊ ዎቶ ኤሪያ ኡባይ ማርካቤያፔ ሃጻን ጉፒ ጉፒ ዎታዲ ካሴቲዲ ጋፃ ኬያና ማላ ከቲሰ።

44 አቲዳይሳቲ ሳንቃ ቦላኔ፡ ማርካቤያ ማዑዎ ቦላ ኬያና ማላ ከቲሰ። ሄሳዳ ሃኒዲ ኡባይ ጋፃ ሳርራ ኬዩደሶና።

28

ጳውሎሲ ማልታ ጊያ ሃጻን ቴቁቲዳ ቢታ ቢሰ

1 ኑኒ ጋፃ ሳር ኬዩዳ ዎዴ ጋኪዳ ሃጻን ቴቁቲዳ ቢታይ ማልታ ጌቴቴይሳ ኤሪዳ።

2 ማልታ አሳይ ኑሰ ዳር ኬሃ ኬሂደሶና። ኢሪ ቡኪያ ገሾኔ ማጊያ ገሾ ታማ ኤሌዲ ኑና ኡባ ሞኪደሶና።

3 ጳውሎሲ ዳር አፊራ ሺሺዲ ታማን ዎሌሺን፡ ሾሺ ሴላ ገሾ ኬዩዲ ኢያ ኩሺያ ቦላ ፃፃቲዲ ኢያ ዱኪሰ።

4 ማልታ አሳይ ሾሺ ጳውሎሳ ኩሺን ፃፃቲዳይሳ ቤዒዳ ዎዴ ኢሶይ ኢሱዎኮ፡ «ቱማ ሃ ኡራይ ሽምፖ ዎታዳ አሰ፤ ሃሪ አቶሺን አባፊ ኢ አቲንካ ያሳ ፐርዳፊ * አቲዲ ጋፃ ዳናው ዳንዳዒቤና» ያገደሶና።

5 ሺን ጳውሎሲ ባ ኩሺያፔ ሾሻ ወፃርኪዲ፡ ታማን ዩጊሰ፤ ኢያ አይኮካ ቆሂቤና።

6 ኤንቲ፡ «ኢያ አሳቴላይ ኪዳሰ፡ ዎይኮ አክኮና ኩንዲዲ ሃይቁሰ» ገዲ ናጎሶና። ሺን ዳር ዎዴ ናገዲ ኢያ አሳቴላን አይቢካ ዳማቲዳባይ ጳዩን፡ «ሃይሲ ያሴ» ያገዲ ባንታ ቆፋ ላሚደሶና።

7 ሄ ሄራን ሃጻን ቴቁቲዳ ቢታ ሃላቃ፡ ፑፕሊዮሳ ጌይሳሰ ጋዴይ ዳዔሰ፤ ሄሹ ጋላሰ ጋካናው ኢ ኑና ሲቆን ሞኪሰ።

8 ፑፕሊዮሳ አዋይ ቆያ፡ ሚሻኔ ኡሎ ኡቲሶን ሃርጌቲዲ ዚንዒዲ ዳዔሰ። ጳውሎሲ ኢያ ሶ ጌሊዲ ኢያው ያሳ ዎሲሰ፤ ባ ኩሺያ ኢያ ቦላ ዎሌዲ ፓላሰ።

9 ሄሳፊ ጉዬ፡ ማልታን ዳዲያ ሃርጊያ ሃራ አሳቲካ ዩዲ ፓዲደሶና።

10 ኤንቲ ኑና ዳር ቦንቸደሶና፤ ኑኒ ማርካቤራ ባናው ዳንዲዳ ዎዴ ኦኔሰ ኮሺያባ ኑሰ ኢሚደሶና።

* 28:4 ያሳ ፐርዳፊ፡ ሄ ዎዴ ሄ ቢታን ዳማ ዳማ ማጫ ያሳቲ ዳዎሶና። ኤንታፊ ኢሲኒያ ኢታ ኦሊያ አሳ ፐርዳደር። ኢያ ፐርዳ ያሲ ጌቲታ ጻኔታሱ።

ጳውሎስ ማልታፊ ሮሜ ቤስ

11 ሄዥ አገናኜ ጉዬ፣ ማልታን ባልጎ አሉዲ ኢስኪንዲሪያ ማርካቤራ ባናው ዳንዲዳ። ሄ ማርካቤያ ቦላ ዲዮስቆሮሳ ጊያ ሜንቴ ኤቃታ ሚሲሌይ ዳዔስ።

12 ሲራኩሴ ካታማ ጌሊዲ ያን ሄዥ ጋላስ ኡቲዳ።

13 ያፔ ዳንዲዳ ሪገዩሜ ካታማ ጋኪዳ። ኢሲ ጋላሳፔ ጉዬ፣ ዲጌሃ ባጋ ጫርኮይ ጫርኪን፣ ዋንቴላ ጋላስ ፑቲዮሌ ካታማ ጋኪዳ።

14 ያን ኩኒ ኢሲ ኢሲ አማኒያ አሳታ ዳሚን፣ ባንታራ ሳሚንታ ጋሞዳና ሜላ ኑና ዋሲዶሶና። ሄሳፊ ጉዬ፣ ሮሜ ቤዳ።

15 ሮሜን ዳዔያ አማኒያ አሳቲ ኑባ ሲዲዲ፣ አፊዮሳ ጊያን፣ ሄዥ አቂያሶ ጊያ ቤሳ ጋካናው ኑና ሞካናው ዩዶሶና። ጳውሎስ ኤንታ ቤዲዳ ዋዴ ያሳ ጋላቲዲ ሚኔቲስ።

ጳውሎስ ሮሜን

16 ኩኒ ሮሜ ጌሊዳ ዋዴ ጳውሎስ ባና ናጊያ ዋታዳሪያራ ባርካ ዳዖ ጌቲቲስ።

17 ሄዥ ጋላሳፔ ጉዬ፣ ጳውሎስ አይሁዳታ ሃላቃታ ባኮ ጻጊሲስ። ኤንቲ ሸቂዳ ዋዴ ኤንታኮ፣ «ታ አሸቶ፣ ታኒ ኑ አሳ ዋይኮ ኑ አዋታ ዋጋ ቦላ አይቢ ቆሆካ ኦላቢኬ፣ ሺን ታና ዬሩሳሌሜን ቃቸዲ ሮሜ አሳስ አሉዲ አሚዶሶና።

18 ኤንቲ ታ ሞቱዋ ቤዲዲ ሃይቆስ ጋሊያባ ታ ቦላ አይቢባካ ዳሚቦና ጊሾ ታና ቢላናው ቆፒዶሶና።

19 ሺን አይሁዳቲ ሄሳ አዲዳ ዋዴ ሩታባ ቄሳሬይ ፒርዶ፣ ያጋሲፔ አቲን ታኒ ታ ዳሪያ ሞቲያባይ ዳዔን ጊዶና።

20 ታኒ ሂንቴና ጻጊሲዳይ ሂንቴና ቤዓናውኔ ሂንቴው ሃይሳ ኦዳናሳ። ታኒ ሃ ሳንላላታን ቃሽቲዳይ ኢስራዔል አሳይ ናጊያ ኡፋይሳ ጊሾሳ» ያጊሳ።

21 አይሁዳ ሃላቃቲ ጳውሎሳኮ፣ «ኑስ ዩሁዳፔ ኔባ ፃፊቲዳ ዲብዳቤይ ጋኪቤና። ያፔ ዩዳ አሳታፔ ኢሶይካ ኔባ ኢታ ኦዲዳይ ባዋ።

22 ሺን ሃ ኔ ካሊያ አማኑዋ ዲማ ዲማ ቤሳን አሳይ አዳይሳ ኩኒ ኤሪያ ጊሾ ኔ ቆፋ ሲዓናው ኮዮስ» ያጊዶሶና።

23 ኤንቲ ባንታ ያና ጋላስ ጳውሎሳስ ቃፃሪዲ፣ ሄ ጋላስ ዳሪዲ ኢ ዳዔያሱዋ ዩዶሶና። ኢ ዋንታፊ ኦማርሲ ጋካናው ያሳ ካዋቲላባ ኤንታው ማርካቲስ። ቃሲ ኤንቲ ዬሱሳባ አማናና ሜላ ሙሴ ሂጊያፊኔ ናቤታ ማፃፋፔ ቆንጨሲዲ ኤንታ ታማርሲስ።

24 ኢሶቲ ኢሶቲ ጳውሎስ ጊዳይሳ አማኒዶሶና፣ ሺን ሃራቲ አማኒቦኮና።

25 ኤንቲ ባንታ ጊዶን ኦዳ ማዖና አዲዳ ዋዴ ጳውሎስ ኢሲባ ጊዳፔ ጉዬ ቢዶሶና። ኢ ሃይሳዳ ያጊሳ፣ «ጌሻ አያናይ ኑ አዋታስ ናቢያ ኢሳያሳ ዶናን ኦዲዳይሲ ቱማ።

26 ሳኒ ሄ አሳኮ ባዳ፣ ሂንቴ ሲሳ ሲዔታ፣ ሺን ሂንቴው ጌሌና፤ ሂንቴ ቤዖ ቤዔታ፣ ሺን ዳሜኬታ።

27 ሃ አሳ ዋዳናይ ሙሚስ፤ ኤንታ ሃይሳይ ቱሊስ፤

ኤንታ አይፊይካ ጎዜቲስ።

ሄሲ ባይኔኮ፣ ኤንቲ ባንታ አይፊያን ቤዲዲ፣ ባንታ ሃይላን ሲዲዲ፣ ባንታ ዋዳናን አኬኪዲ፣

ኤንቲ ታኮ ሲማና፤ ታካ ኤንታ ፓላናሺን ያጋ» ያጊሳ።

28 «ሂዛ፣ ሃይሲ ያሳ አቶቲላ ኪታይ አይሁዳ ጊዶናይሳታስ ጊዳይሳ ኤሬታ። ኤንቲካ ሲዓና» ያጊሳ።

29 ጳውሎስ ሄሳ ጊዳፔ ጉዬ አይሁዳቲ ባንታ ጊዶን ዳሮ ፓላሚሽ ኬዩዲ ቢዶሶና።

30 ጳውሎስ ኬራ ኬላን ናሞሁ ላይሌ ኩሜሌ ዳዔስ፤ ያን ዳዔሽ ባኮ ያ ኡባ ሞኬስ።

31 ያሺ ባይናኔ ኦኒካ ዲጎናሺን ያሳ ካዋቲላባ ሳባኪስ፤ ጎዳ ዬሱስ ኪሪስቶሳባ ቆንጨሲዲ ታማርሲስ።

ጳውሎስ ሮሜ አሳስ ፃፊዳ ኪታ ጋላ ቆፋ

ሃዋርያ ጳውሎስ ኪታይ ሮሜ አሳስ ፃፊቱዳይ፡ ጳውሎስ ሮሜን ዳዊያ ዋሳ ከላ በዓናው ቆፒዳ ገሾ ኢ ቢያ ዋዳ ኤንቲ ገገዲ ናጋና ማላ አላናሳ። ጳውሎስ ቆፋይ ሮሜን ዳዊያ አማኔይሳታራ ጉላ ዋዳ ኦሊዳፕ ጉዬ ኤንቲ ኢያ ማዲን ኢሰፔኔ ባናሳ። አማኖባ ኢ ኤሪዳይሳኔ አማኒያ አሳይ ሄ ቲሚርቲያ ኦሶን ፔሻና ማላ ቆንጨሲዲ ፃፊሰ። ሃ ማፃፋን ጳውሎስ ኩሜላ ኪታይ ሃ ቆፋ ኦይኬሰ።

ጳውሎስ ሮሜን ዳዊያ አማኒያ አሳታ ኮይር ሳርላ ሲሚዲ፣ ካሊዲ ኤንታው ዋሴይሳ ኦዲዳፕ ጉዬ ባ ኪታስ ጉልሳ ቆፋ፡ «ዋንጌላን ያሳ ሂሎቴላይ ቆንጨሲ፤ ሄ ሂሎቴላይ ኮይርፕ ወርሴላ ጋካናው አማኖን ቆንጨሲ» ገዲ ኦዴስ (1:17)።

ሄሳፊ ጉዬ፡ ሄ ቆፋ ዳልገሲዲ ፃፊሰ። አይሁዳታ ገዲን አይሁዳ ገደና አሳ ገዲን ኡባይ ናጋራስ ሃሬቲዳይሳታ ገዲያ ገሾ ኤንቲ ያሳይ ሲጌታናው ኮሼሰ። አሳይ ያሳራ ሲጌታናው ዳንዳዬይ ዩሱስ ኪሪስቶስ አማኖና። ኤንቲ ያሳራ ሜዲያ ሃ ኦራላ ጋሃቴላ አይፊይ፡ ኦራላ ዳዎ ገደይሳ ጳውሎስ ዳልገሲዲ ኦዴሰ። አማኒያ አሲ ያሳራ ሳር ዳዊስ፤ ቃሲ ያሳ አያና ባጋራ ናጋራፔኔ ሃይቆ ዋልቃፊ ኬሲ ኤኬሰ። ሼምፖ 5-8 ጋካናው ጳውሎስ ያሳ ሂጌይኔ አማኒያ አሳ ዳዎን ኦሊያ ያሳ አያና ዋልቃ ቆፋይ አይቤኮ ኦዴሰ። ሄሳፊ ካሊዲ፣ ጳውሎስ፡ «ያሳይ አሳ ናይታስ ቆፒዳ ቆፋ ገደን አይሁዳቴኔ አይሁዳ ገደና አሳይ ዋኒዲ ኢሲፊ ዋዳታናው ዳንዳዲ?» ያገያ ኦይሻሰ ዘር አማናው ባዳቲሰ።

ቃሲ አይሁዳቴ ዩሱስ ኤኮና ኢዲዳይ ያሳ ቆፋ ገደይሳ ኦዴሰ። ሄሲ ሃኒዳይ ዩሱስ ኪሪስቶስ ባጋራ ቆንጨሲዲ ኦዴ ኬሃቴላ ገደን አሳ ዘሬ ኡባ ሃጳና ማላሳ። ገደሺን፡ አይሁዳቴ ዩሱስ ኤኮና ዋዳይ ያናይሳ ጳውሎስ አማኔሰ። ወርሴላን ጳውሎስ አማኖ ዳዎ ዋኒዲ ዳናው ቤሲያኮ ኦዴሰ። ያሳስ ኦላናባ፡ አማኒያ አሳቲ ባንታ ቢታሲኔ ባንታ ገደን ኢሶይ ኢሱዋስ አዋቴላን ኦላናባኔ ካሃ ጋሶን ሜዴቲያ ኦይሼታባ ቆንጨሲዲ ኦዴሰ።

ሮሜ ኪታ አይፊ ቆፋታ

- ጌሎ ቆፋ 1:1-15
- ሮሜ ኪታ ሁዔ ቆፋ 1:16-17
- አሳ ናሳስ አቶቴላ ኮሼይሳ 1:18-3:20
- ያሳይ አሴ አሺያ ኦጊያ 3:21-4:25
- ኪሪስቶስን ቤንቲያ ኦራላ ዳዎ 5:1-8:39
- ኢሰራዔሌስ ያሳ ቆፋ 9:1-11:36
- አማኒያ አሳ ዲሳ 12:1-15:13
- ኩሻ ቆፋኔ ሳርሶ 15:14-16:27

1 ዩሱስ ኪሪስቶስ አይሌ ገዲዳ፡ ሃዋሪ ገደና ማላ ያጌቲዳይሳፊኔ ያሳ ዋንጌላ ሳባካና ማላ ደሬቲዳ ጳውሎስ ከቲዳ ኪታ።

2 ያሳይ ዳር ዋዳፕ ሲንፍ ባ ናቤታ ባጋራ ኢማና ያገዲ ያሳ ዋንጌላይ ጌሻ ማፃፋታን ፃፊቲሰ።

3 ሄ ዋንጌላይ አሾን ዳዋቲ ሼሻፕ ዩሌቲዳ፡ ያሳ ናሳ፡ ኦ ጎዳ ዩሱስ ኪሪስቶስ።

4 ቃሲ ኢ ባ ጌሻ አያናን ሃይቆፕ ዳንዲዲ፡ ያሳ ናሳ ገደይሳ ገታ ዋልቃን ቤሲሰ።

5 ኢያ ባጋራ አይሁዳ ገደና አሳ ኡባይ፡ አማኒዲ ከቲታና ማላ ኪሪስቶስ ሱንሳ ገሾ ያሳይ አዶ ኬሃቴላኔ ሃዋሪቴላ ማታ ኦስ አሚሰ።

6 ዩሱስ ኪሪስቶስ ገደና ማላ ያጌቲዳ አሳታፕ ባጋቲ ሂንቴና።

7 ሮሜን ዳዊያ፡ ያሳይ ሲቄይሳታሲኔ ኢያ ጌሻ ዳሬ ገደና ማላ ደሪዳይሳታሰ።

ያሳ ኦ አዋፔኔ ጎዳ ዩሱስ ኪሪስቶስ ኦዶ ኬሃቴላይኔ ሳርቴላይ ሂንቴው ገደ።

ጋላታ ዋሳ

8 ኡባፊ ኮይርታዳ፡ ሂንቴ አማኖይ ቢታ ኡባን ሲዔቲዳ ገሾ ዩሱስ ኪሪስቶስ ባጋራ ሂንቴ ገሾ ታ ያሳ ጋላታይሰ።

9 ታኒ ኢያ ናሳ ዋንጌላባ ኩሜላ ዋዛናን ኦዲያ ያሳይ፡ ታኒ ታ ዋሳን ኡባ ዋዳ ሂንቴና ቆፔይሳስ ኢ ማርካ።

10 ወርሴላን፡ ያሳ ሼኔ ገዲኮ፡ ታኒ ሂንቴኮ ባናው ኦጌይ ታው ኢንጄታና ማላ ኡባ ዋዳ ዋሳይሰ።

11 ታኒ ሂንቴው አያና ኢሙዋ ሻካናወኔ ሂንቴና ቤዓናው ላሞታይሰ።

12 ሄሲካ፡ ታኒ ሂንቴ አማኑዋን፡ ቃሲ ሂንቴ ታ አማኑዋን ሚኔታና ማላሳ።

13 ታ ኢሻቶ፡ ታኒ አይሁዳ ገደና አሳፔ አይፊ ዳሚዳይሳዳ፡ ሂንቴፊካ አይፊ ዳማናው ሂንቴኮ ባናው ቆፓሰ፡ ሺን ዲጌታሰ።

14 ታማሪዳ አሳሲኔ ታማሪቦና አሳስ ቃሲ ጨንጫታሲኔ ኤያታሰ ታው አጮይ ዳዔሰ።

15 ሄሳ ገሾ፡ ሮሜን ዳዊያ ሂንቴወካ ዋንጌላ ኦዳናው አሞታይሰ።

ዋንጌላይ ያሳ ዋልቃ

16 ኢያ አማኒያ ኡባ፡ ኮይርቲዲ አይሁዳታ፡ ካሊዲ አይሁዳ ገደናይሳታ አሻናው ዋንጌላይ ያሳ ዋልቃ ገዲያ ገሾ ታ ዋንጌላን ዩላቲኬ።

17 ሂሎይ አማኖን ዳዎን ዳና ጌቲቲዲ ጌሻ ማፃፋን ፃፊቲሰ። ዋንጌላን ያሳ ሂሎቴላይ ቆንጨሲ፤ ኮይርፕ ወርሴላ ጋካናው አሳይ ሂሌይ አማኖና።

አሳ ኢታቴላ

18 ቱማይ ኤሬቶና ማላ ባንታ ኢታ ኦሶን ካሚያ አሳ ቦላኔ ናጋራ ኡባ ቦላ፡ ያሳ ሃንቆይ ሳሎፕ ዋዴሰ።

19 ያሳይ ኤንታው ቆንጨናው ቤሲያባ ቆንጨሲዲ ገሾ ኤንቲ ያሳባ ኤርሶና።

20 አሳሚይ ሜዴቶሳፕ ዳሚዲ፡ አሳስ ቤንቶና ያሳ ካንደይ፡ ሄሲካ ኢያ ሚሪና ዋልቃይኔ

የሳቲላይ ኢያ ማዴታላን ቆንጨዲ ዳዲያ ገሾ አሳይ ባንታ ኢታቲላስ ጋሶያባይ ባዎ።

21 ኢንቲ ያሳ ኤሪሼ፣ ኢያ ቦንቹቦኮናኔ ጋላቲቦኮና። ኢንታ ቆፋይ ማዶናባ ገዲሰ፤ ኢንታ ኣኬኮና ዋዛናይ ቆሚሰ።

22 ኢንቲ ባንታና ጨንጨታ ጎሶና፣ ሺን ኤያታ።

23 ኢንቲ ሃይቆና ያሳ ጎይናናይሳ ኣገዲ፣ ሃይቁያ ኣሳ ማዶን፣ ካፎታ ማዶን፣ ደባታ ማዶን፤ ኡሎራ ጎሽቲያባታ ዳኒሲዲ ኦሊዳ ሚሲሌታ ጎይኒደሶና።

24 ሃሳ ገሾ፣ ኢንቲ ኢሶይ ኢሱዋራ ቦርሶባ ኦሊዲ፣ ባንታ ኣሳቲላ ካወሻና ማላ ያሳይ ኢንታ ዋዛናይ ኣሞቲያ ቱና ኦሶስ ኢንታ ዬገ ኣገሰ።

25 ሃሲ ሃኒዳይ ኢንቲ ያሳ ቱማ ዋርዶን ለማዳ ገሾኔ ማዶን ያሳ ኣገዲ፣ ማዴታላ ጎይኒዳ ገሾሳ። ያሳይ ማሪናው ጋላቲቲዳይሳ። ኣሚንዲ።

26 ሃሳ ገሾ፣ ያሳይ ኢንታና ኢንታ ቦርሶ ኣውዋስ ዬገ ኣገሰ። ኢንታ ማጨሳይ ባንታው ቤሲያ ኣዳራ ጋሄቲላ ኣገዲ፣ ቤሶናባ ሃኒዲ ማጨሲ ማጨሳራ ጋሄቲደሶና።

27 ሃሳዳካ፣ ኣዳቲ ባንታው ቤሲያ ማጨሳራ ጋይቲላ ኣገዲ፣ ኣዳይ ኣዳራ ጋሄቲደሶና። ኣዳቲ ኢሶይ ኢሱዋራ ኣሞን ፀጌቲዲ፣ ቦርሶባ ኦሊደሶና። ባንታ ኦሊዳ ባላስ ቤሲያ ፐርዳ ኤኪደሶና።

28 ኢንቲ ያሳ ኤሪሼ፣ ሃሪ ኣቶሺን ኢያባ ቆገናው ኮኾና ኢዳይ ገሾ ቤሶናባ ኦላና ማላ ያሳይ ኢንታና ፓሶና ቆፋስ ኣላ ኣሚሰ።

29 ኢንታን ጌላቲላ፣ ኢታቲላ፣ ዩቆይ፣ ጌኔይ፣ ቃናቲይ፣ ሸምፖ ዋዶይ፣ ፓላሚ፣ ጨሞይኔ ኢታ ኣሞይ ኩሚሰ። ኢንቲ ዘገራይሳታ።

30 ኣሳ ሱንላ ኢሴይሳታ፣ ያሳ ኢዳይሳታ፣ ጨዬይሳታ፣ ኦቶሬይሳታ፣ ጨቁቲይሳታ፣ ኢታባ ኦላናው ኮይይሳታኔ ባንታ ኣዬሲኔ ኣሞስ ኪቲቶናይሳታ።

31 ኣኬኮናይሳታ፣ ጨቆ ማንሌይሳታ፣ ሲቆይ ባይናይሳታ፣ ቃዴይ ባይናይሳታ።

32 ሃይሳታ ማላ ኦሊይሳታስ ሃይቆይ ቤሴስ ገያ ያሳ ሃገያ ኤሪሼ፣ ሃይሳታ ኦላሶና። ኢንቲ ባንታው ኦሶ ዓላላ ገደናሺን ኦሊያ ሃራታካ ናሾሶና።

2

ያሳ ዓሎ ፐርዳ

1 ሃሳ ገሾ፣ ኔና ሃራታ ቦላ ፐርዳይሶ፣ ኔኒ ጋሶያባይ ባዎ። ኔኒ ሃራታ ቦላ ፐርዳሼ፣ ሄ ኔኒ ፐርዲያ ኡራ ማላ ኦሊኮ፣ ኔ፣ ኔ ቦላ ፐርዳሳ።

2 ሃሳ ማላ ኦሶ ኦሊይሳታ ቦላ ያሳይ ዓሎ ፐርዳ ፐርዳይሳ ኦ ኤሮስ።

3 ኔና፣ ሃሳ ማላ ኦሶ ኦሊይሳታ ቦላ ፐርዳይሶ፣ ኢንቲ ኦሊይሳ ማላ ኦሊይሶ፣ ኔኒ ያሳ ፐርዳፊ ኣታናባ ዳኒ?

4 ዋይኮ ያሳ ኬሃቲላ፣ ጌንጫኔ ዳንዳዳ ዳርቲላ ካቆይ? ያሳይ ኔው ኬሃዳይ ኔና ናጋራፔ ዛራናው ገዳይሳ ኤሪኪዬ?

5 ሺን ሃንቲው ሹቻ ዋዛኒኔ ሲያና ሃይላ ዳዴስ። ሃሳ ገሾ፣ ያሳ ሃንቆይኔ ዓሎ ፐርዳይ

ቆንጨያ ጋላስ፣ ኔ ቦላ ፐርዳይ ዳራና ማላ ኦላሳ።

6 ያሳይ ኢሱዋስ ኢሱዋስ ኢያ ኦሶዋ ማላ ኣሚና።

7 ሎዎ ኦሶን ሚኒዲ፣ ጋላታ፣ ቦንቸኔ ቆኾና ዴቦዋ ኮይይሳታስ ያሳይ ማሪና ዴቦዋ ኣሚና።

8 ሺን ባንታና ሲቆይሳታ፣ ቱማ ኢዳይሳታኔ ኢታባ ኦላናው ኮይይሳታ ቦላ ያሳ ሃንቆይኔ ፐርዳይ ያና።

9 ኢታባ ኦሊያ ኣሳ ኡባ፣ ኮይርቲዲ ኣይሁዳታ፣ ካሊዲ ኣይሁዳ ገደና ኣሳ ማቶይኔ ዋዬይ ጋካና።

10 ሺን ያሳይ ሎዎ ኦሶ ኦሊያ ኡባስ፣ ኮይርቲዲ ኣይሁዳታስ፣ ካሊዲ ኣይሁዳ ገደናይሳታስ ጋላታ፣ ቦንቸኔ ሳርቲላ ኣሚና።

11 ያሳይ ሶምዎ ቤዲዲ ኣሴ ሻኬና።

12 ሃጌይ ባይና ናጋራ ኦሊዳ ኡባይ ሃጌይ ባይና ቆያና። ሃጌይ ዳዲሺን፣ ናጋራ ኦሊዳ ኡባይ ሃጌን ፐርዳታና።

13 ያሳ ሲንላን ዓሌይሳቲ ሃጌ ናጌይሳታፔ ኣቲን ሃጌ ሲሳ ዓላላ ሲዔይሳታ ገደኮና።

14 ሃጌይ ባይና ኣይሁዳ ገደና ኣሳይ ማዶን ሃጌይ ኪቲይሳ ኦላሶና። ኢንታው ዓፊቲዳ ሃጌይ ባይና ኢዳኮካ ኢንቲ ባንታ ዋዛናን ሃገያ ኤሮሶና።

15 ኢንታ ሃናታይ፣ ሃጌ ኪታይ ኢንታ ዋዛናን ዓፊቲዳይሳ ቤሴስ። ቃሲ ኢንታ ካሃይ ኢንታ ቦላ ማርካቲስ። ኢንታ ቆፋይ ኢሲ ኢሲ ቶሆ ኢንታና ባላ ጌሰ፤ ኢሲ ኢሲ ቶሆ ኢንታና ሊኬ ጌሰ።

16 ታ ታማርሲዳ ዋንጌላ ማላ ያሳይ ዩሱስ ኪሪስቶሳ ባጋራ ኣሳ ዋዛናን ጌሚዳ ቆፋ ፐርዲያ ዋዶ ሃሲ ኤሪታና።

ኣይሁዳታኔ ኢንታ ሃገያ

17 ሺን ኔ ኔና ኣይሁዳ ጋሳ፤ ሃጌን ዜምፓሳ፤ ያሳን ጨቃሳ።

18 ኔ ኦላና ማላ ያሳይ ኮያባይ ኣይቤኮ ኤራሳ። ሃገያ ታማራዳ ገሾ ቱማ ገዲያባ ደራናው ኤራሳ።

19 ኔኒ ቆቁታ ካሌሌይሳ፣ ቃሲ ቆማን ዳዔይሳታስ ፖፖ ገዳይሳ ሻካ ኤራሳ።

20 ኔኒ ሃገያፊ ዳሚዳ ኤራቲላኒኔ ቱማቲላን ኤያታ ኤሪሴይሳኔ ዮጋታ ታማርሴይሳ ገዳይሳ ኤራሳ።

21 ያቲን፣ ኔ ሃራታ ታማርሴይሴ ኔ ኔና ኣይሰ ታማርሴኪ? ኔኒ፣ «ካይሶቶፓ» ጋሼ፣ ኔኒ ኔ ሁዔን ካይሶታዬ?

22 ኔኒ፣ «ላሞፋ» ጋሼ፣ ኔኒ ኔ ሁዔን ላማዬ? ኔኒ ኤቃ ኢዳሼ፣ ኤቃይ ዳዲያ ኬላ ቦንቃዬ?

23 ኔኒ ያሳ ሃገያን ጨቁታሳ፣ ሺን ሃገያስ ኪቲቶና ኢዳዳ ያሳ ዩላያይ?

24 ጌሻ ማዳፋን፣ «ሃንቲ ጋሶን ያሳ ሱንላይ ኣይሁዳ ገደና ኣሳታን ጨዬቲስ» ጌቲቲዲ ዓፊቲስ።

25 ኔ ሃጌስ ኪቲቲኮ፣ ኔ ቃዓራቲላስ ማዳይ ዳዴስ፣ ሺን ኔኒ ሃገያስ ኪቲቶና ኢዳኮ ኔ ቃዓራቲላይ ቃዓራቲሶና ማላ ገዴስ።

26 አይሁዳ ገደና አሲ ቃፃሬቶና ዳዊቪ፣ ሂጊያስ ከቴቲኮ፣ ያሳይ ኢያ ቃፃሬቲዳ ማላ ታይቤኔ?

27 ሂንቴ፣ አይሁዳ አሳቲ፣ ሂንቴው ፃፊቲዳ ሂጊይኔ ቃፃሬይ ዳዊቪን፣ ሂንቴ ሂጊስ ከቴቶና ኢዲኮ፣ አይሁዳ ገደና አሳይ ቃፃሬቶና ኢዲኮካ ሂጊስ ከቴቲዳ፣ ሂንቴ ቦላ ፐርዳና። *

28 ሂዛ፣ ሱንላን አይሁዳ ገደዱ ኡባይ ቱማ አይሁዳ ገደና። ቃሲ ካሬ አሳቴላ ቃፃሬይ ቱማ ቃፃሬ ገደና።

29 ሺን ቱማ አይሁዳቴላ ጋላ ባጋን አይሁዳ ገደይሳ። ቱማ ቃፃሬቴላ ያሳ አያናን ኦሴቲያ ዋዛና ቃፃሬቴላፊ አቲን ፃፊቲዳ ሂጊያን ኦሴቲያ አሳቴላ ቃፃሬ ገደና። ሄ ኡራይ ጋላታ ያሳፊ ኤኬሲፔ አቲን አሳፔ ገደና።

3

አይሁዳታ አማናና ኢያ

1 ያቲን፣ አይሁዳ ገደን አይ ደማቴላ ዳዊ? ዋይኮ ቃፃሬቴላን አይ ማዳይ ዳዊ?

2 ቱማካ አይሁዳ ገደይ ዳር ኦጌራ ማዳስ። ኡባፊ ሲንሌ ያሳይ ባ ቃላ ሃዳራ አይሁዳታስ ኢሚስ።

3 ያቲን፣ ኤንታፊ ኢሶቲ ኢሶቲ ቃላ አማናና ኢዲኮ፣ ኤንታ ኢያይ ያሳ አማኔቴላ ዲጊዬ?

4 ዲጊና! አሳ ኡባይ ዋርዳንቸ ገደኮካ ያሳይ ቱማ ገደ። ጌሻ ማፃፋን፣

«ኔ ቃላን ኔ ያላሳ፤ ኔና ሞቴይሳ ፐርዳን ላላሳ»

ጌቲቲዳ ፃፊቲስ።

5 ያቲን፣ ኦ ናጋራይ ያሳይ ያሎ ገደይሳ ቤሲያባ ገደኮ፣ ኦ ዋይጋኔ? ያሳይ ኦ ናጋራ ገሾ ኦ ቦላ ፐርዳኮ፣ ሊኬ ገደኔዬ? ሃይሳ ታኒ አሳ ቆፋላ ገይስ።

6 ሄሲ ኡባራካ ሃኔና። ሄሳዳ ሃኒኮ፣ ያሳይ ሃ አላሚያ ቦላ ዋቲ ፐርዳኔ?

7 ሺን ታ ዋርዳቴላይ ያሳ ቱማ ቆንጨሲዲ፣ ኢያ ቦንቸዋ ዳርሲ ቤሲያባ ገደኮ፣ ያቲን፣ አይስ ታ ቦላ ናጋራንቸዳ ፐርዳቲ?

8 ኢሲ ኢሲ አሳይ፣ «ሎያይ ያና ማላ ኢታ አላስ» ያገደ ታማርሲያዳ አላዲ ታና ሞቶሶና። ሄሳ ማላ አሳ ቦላ ያ ያሳ ፐርዳይ ሊኬ።

አሲ ኡባይ ናጋራንቸ

9 ያቲን፣ ኦኒ ዋይጋኔ? ኦ አይሁዳቲ፣ አይሁዳ ገደናይሳታፔ አጾናዬ? ገደና! አይሁዳ ገደን፣ አይሁዳ ገደና ኢዲኮ ኡባይ ናጋራንቸ ገደይሳ ታኒ ካሴታዳ ሂንቴው ኦዳስ።

10 ጌሻ ማፃፋን፣ «ያሎ አሲ ኢሶይካ ባዋ።

11 አኬኪያ አሲ ባዋ፣ ያሳ ኮያ ኦኒካ ባዋ።

12 አሳ ኡባይ ያሳስ ዞኮ ዛሬዳሶና፤ ኡባይ ኢሲፊ ፓሶናባ ገደዳሶና።

ሎያ አላያ ኦኒካ ባዋ፤ ኢሲ አሲካ ባዋ።

13 ኤንታ ደናፔ ኬያ ቃላይ፣ ደዬቲዳ ዲፎፔ ኬያ ዲንቆ ማላ፤ ባንታ ኢንፃርሳን ጨዋሶና።

ኤንታ ደናፔ አሴ ዋጂያ፣ ሾሻ ማርዜይ ኬዬስ።

14 ኤንታ ደናን ጨዋ ኦዳይኔ ባዳላ ኩሚስ።

15 ኤንቲ ሱላ ጉሳናው ኤሌሶሶና።

16 ኤንታ ኦጊያን ቆየይኔ ቆሆይ ዳዬስ።

17 ኤንቲ ሳሮቴላ ኦጊያ ኤሮኮና።

18 ባንታ ዳዑዋን ያሳስ ያዮኮና» ጌቲቲዳ ፃፊቲስ።

19 አሴ ኡባ ደና ኦይላናውኔ ኩሚላ አላሚያ ያሳ ፐርዳፊ ጋርሳን ሺሻናው፣ ሂጊይ ኢሚቲዳይ ሂጊፊ ጋርሳን አቆይሳታስ ገደይሳ ኦ ኤሮስ።

20 ሄሳ ገሾ፣ ኦኒካ ሂጊስ ከቴቲዳ ያሳ ሲንላን ያላናው ዳንዳዬና። ሂጊይ አሲ ኡባይ ናጋራንቸ ገደይሳ ቤሴስ።

ዲሎቴላ አማናና

21 ሺን ሃዲ ያሳይ አሲ ሂጊይ ባይናሺን ያላያ ኦጌ ቆንጨሲስ። ሄ ኦጊያ ሙሴ ሂጊይኔ ናቤቲ ማርካቲዳሶና።

22 ሃ ዲሎቴላ፣ ያሳይ ዬሱስ ከሪስቶሳ ባጋራ አሳ ኡባስ ሻኮይ ባይና ኢሚስ።

23 አሳ ኡባይ ናጋራ ኦላዳሶና፤ ያሳይ ኤንታው አሚዳ ቦንቸዋፊ ሃኪዲ አቲዳሶና።

24 ሺን ኤንቲ ያሳ አጾ ኬሃቴላን፣ ዋዚያ ከሪስቶስ ዬሱሳ ባጋራ ጮ ያሊዳሶና።

25 ያሳይ ዬሱስ ከሪስቶሳ ያርሾ አላዲ አሚዳይ፣ ኢያ አማኒያ ኡባይ ኢያ ሱላን ናጋራ ማርቴላ ዳማና ማላሳ። ያሳይ ሄሳ አላዲይ ባ ዳንዳዳን ካሴ ናጋራ ታይቦና አገዲ፣ ባ ዲሎቴላ ቤሳናሳ።

26 ሃዲ ዋዲያን ዬሱሳ አማኒያ ኡባ ያሊሲዲ፣ ያሳይ ባ ሁዳን ያሎ ገደይሳ ቤሴስ።

27 ያቲን፣ ኦ ጨቁቴያባይ አይቤ ዳዊ? አይቤካ ባዋ። ኦኒ ጨቁቴይ ሂጊስ ከቴቲያ ገሾዬ? አካይ! አማና ገሾሳ።

28 ያሳይ አሴ ያሊሴይ አማናፔ አቲን ሂጊስ ከቴቲላን ገደናይሳ ኦ አኬኮስ።

29 ዋይኮ ያሳይ አይሁዳታ ያላላ ያሴዬ? አይሁዳ ገደናይሳታስ ያሴ ገደኔዬ? ቱማ፣ አይሁዳ ገደናይሳታስካ ኢ ያሴ።

30 ያሳይ ኢሶ፤ አይሁዳታኔ አይሁዳ ገደናይሳታ አማናን ያሊሴይ ኢያ።

31 ያቲን፣ ኦኒ ሂጊያ አማና ገሾ ሻርስ ጉሴዬ? ገደና! ሂጊያ ሚንሶሲፔ አቲን።

4

አብራሃሜይ አማናን ያሊስ

1 ያቲን፣ ኦ ማይዛይ አብራሃሜይ አይ ዳሚዳ?

2 አብራሃሜይ ኦሶን ያሊዳባ ገደያኮ፣ ኢ ጨቁቴያባይ ዳዬስ፣ ገደሺን፣ ያሳ ሲንላን ጨቁታናው ዳንዳዬና።

* 2:27 ሂንቴ ቦላ ፐርዳና፣ ኤንታ ሃናታይ ዋይኮ ኤንታ ከቴቲላይ ሂንቴ ቦላ ፐርዳና። 2:29 ዛሬ 30:6 3:4 ማዘ 51:4 3:10 ማዘ 14:1-3፤ 53:1-3 3:13 ማዘ 5:9፤ 140:3 3:14 ማዘ 10:7 3:15 አሳ 59:7-8 3:18 ማዘ 36:1 3:20 ማዘ 143:2፤ ጋላ 2:16 3:30 ዛሬ 6:4፤ ጋላ 3:20 4:3 ሜዴ 15:6፤ ጋላ 3:6

3 ጌሻ ማፃፋይ፡ «አብራሃም ያሳ አማኒሰ፤ ያሳይ ሄሳ ኢያው ደሎቴሌ ኦሊዲ ኤኪሰ» ያጌሰ።

4 ኦሊያ ኡራይ ኤኪያ ዳሞዜይ፡ ኢያ ኦሊ ዋልቃሰ ጨጌቲያ ጋቴፕ ኣቲን ኢያው ኢሞታ ጊዳና።

5 ሺን ኦሊ ኦሊ ኦሊ ኣገራንቸዋ ደሊሲያ ያሳ አማኒኮ፡ ኢያ አማኖይ ኢያው ደሎቴሌ ጊዲዲ ታይቤቲሰ።

6 ጌሻ ማፃፋን ዳዊቲይ፡ ኦሊይ ባይና ያሳይ ደሊሲያ ኣሳቲ ኣይ ማላ ኣንጃቲዳኮ ሃይሳዳ ያጊዲ ቆንጨሴሰ።

7 «ኤንታ ባላይ ኣቶ ጌቲቲዳይሳቲኔ ኤንታ ኣገራይ ካሜቲዳይሳቲ ኣንጃቲዳይሳታ።

8 ጎዳይ ኢያ ኣገራ ታይቦና ኣሲ ኣንጃቲዳይሳ» ያጌሰ።

9 ያቲን፡ ዳዊቲይ ኦሊዳ ኣንጃይ ቃፃሬቲዳ ኣሳ ፃላላሴዬ? ዋይኮ ቃፃሬቲቦና ኣሳሴ? ኦኒ፡ «ጌሻ ማፃፋይ፡ ኣአብራሃም ያሳ አማኒሰ፤ ያሳይ ሄሳ ኢያው ደሎቴሌ ኦሊዲ ኤኪሰ» ያጌሰ።

10 ያቲን፡ ሄሲ ኣዉዴ ሃኒዳ? ኣብራሃምይ ቃፃሬቲኔይ? ዋይኮ ቃፃሬቶና ዴሲሺኔ? ቃፃሬታናፕ ሲንሌ ሃኒሲፕ ኣቲን ጉዬ ጊዳና።

11 ኣብራሃምይ ቃፃሬታናፕ ሲንሌ ኢያ አማኖይ ኢያው ደሎቴሌ ጊዲዲ ታይቤቲዳይሳ ኤሪሳናው፡ ኢያ ቃፃሮይ ማላታ ጊዲሰ። ሄሳ ጊሾ፡ ኣብራሃምይ ቃፃሬቶና አማኒይሳታሲኔ አማኖን ደሊይሳታ ኡባሰ ኣዋ ጊዲሰ።

12 ኢ ቃፃሬቲዳይሳታሰካ ኣዋ። ኣብራሃምይ ኤንታው ኣዋ ጊዲዳይ ኤንቲ ቃፃሬቲዳ ጊሾ ፃላላሰ ጊዳናሺን ኢ ቃፃሬታናፕ ሲንሌ አማኒዳ አማኑዋ ኤንቲ ካሊዳ ጊሾሳ።

ያሳ ኡፋይሳይ አማኖን ኤኬቲሰ

13 ኣብራሃምሲኔ ኢያ ሺሻሰ፡ «ኣላሚያ ታ ሃንቲው አማኖ» ያጊዳ ኡፋይሳይ፡ ኣብራሃምይ አማኖን ደሊዳ ጊሾሳፊ ኣቲን ሃጌ ናጊዲ ፖሊዳ ጊሾ ጊዳና።

14 ሃጌሰ ኪቲቲዳይሳቲ ያሳይ አማኖ ጊዳ ኡፋይሳ ላታኤይሳታ ጊዲኮ፡ ኣሳ አማኖይ ማዳና፤ ያሳ ኡፋይሳይካ ሃዳ ጊዲሰ።

15 ሃጌ ማንሳይ ያሳ ሃንቆ ኤሄሰ፡ ሺን ሃጌይ ባይናሶን ሃጌ ማንሳይ ባዋ።

16 ሄሳ ጊሾ፡ ያሳይ አሚዳ ኡፋይሳይ አማኖን ኤኬቲሰ። ሃ ኡፋይሳይ ኣብራሃም ሺሻ ኡባሰ ያሳ ኣዶ ኬሃቴላ ባጋራ አሜቲዳይሳ ቆንጨሴሰ። ሄሲካ ሃጌ ናጊይሳታ ፃላላሰ ጊዳናሺን ኣብራሃምዳ አማኒዳ ኡባሳ። ኣብራሃምይ ኦ ኡባሰ ኣዋ።

17 ጌሻ ማፃፋን፡ «ታ ኔና ዳር ካዋቴላታሰ ኣዋ ኦላሰ» ጌቲቲዲ ኣብራሃም ጊሾ ፃፊቲሰ። ሃ ኡፋይሳይ ኣብራሃምሰ አሜቲዳይ ሃይቂዳይሳታሰ ዴፖ አሜይሲኔ ኦራላባ ኦሊያ ያሳይ ኢያ ጊዳይሳ ኢ አማኒዳ ጊሾሳ።

18 ያሳይ ኣብራሃምሰ ዳር ዜሬሌ አማኖይሳ ጫቂሰ። ኡፋይሲ ኦላናው ኣይኮካ ዳንዳዴቶና ዋዴ ኣብራሃምይ ያሳን አማኒዳ ጊሾኔ ኡፋይሲ ኦሊዳ ጊሾ ዳር ካዋቴላታሰ ኣዋ ጊዲሰ።

19 ኣብራሃምሰ ፃቱ ላይሌ ኩማና ሃኒኮካ፡ ባ ዳቡሪዳ ኣሳቲላኔ ሳራ ናዓ ዬላናው ዳንዳዳይሳ ኤሪሾ ባ አማኑዋን ዳቡሪቤና።

20 ጊዳሺን፡ ኢ ባ አማኑዋን ሚኒዲ ያሳሰ ቦንቸ አሚሰፕ ኣቲን ያሳይ አሚዳ ኡፋይሳ አማኖና ኢዲዲ፡ ሲጲቤና።

21 ኣብራሃምይ፡ ያሳይ ጫቂዳ ጫቂዋ ፖላይሳ ባ ኩማላ ዋዳናን አማኒሰ።

22 ሄሳ ጊሾ፡ ያሳይ ኢያ አማኑዋ ደሎቴላን ታይቤሰ።

23 ሺን፡ «ኢያው ደሎቴላን ታይቤሰ» ጊያ ቃላይ ኣብራሃም ፃላላሰ ፃፊቲቤና።

24 ሄ ቃላይ ኦ ጎዳ ዬሱሳ ሃይቆፕ ዴንሊዳ ያሳ አማኒያ ኦሰካ ኦ አማኖይ ደሎቴላን ታይቤታና ማላ ፃፊቲሰ።

25 ያሳይ ኢያ ኦ ኣገራ ጊሾ ሃይቆሰ ኣሊዲ አሚሰ፤ ኢ ኦና ደሊሳናው ሃይቆፕ ዴንዲሰ።

5

ያሳን ዴሲያ ሳርቴላ

1 ሃዛ፡ ኦ አማኖን ደሊዳ ጊሾ ኦ ጎዳ ዬሱሰ ኪሪሰቶሳ ባጋራ ያሳራ ኦሰ ሳርቴሌ ዴዴሰ።

2 ኦኒ ኢያ ባጋራ ሃዲ ኦ ኤቂዳ ኣዶ ኬሃቴላ ጊዳ አማኖን ጌሊዳ። ሄሳ ጊሾ፡ ኦ ያሳ ቦንቸዋ ሻኬታናው ዴሲያ ኡፋይሳን ጨቁቶሰ።

3 ሄሳ ፃላላ ጊዳናሺን ማቶይ ዳንዳዳ ኤሄይሳ ኦ ኤሪያ ጊሾ ኦ ማቲዋንካ ጨቁቶሰ።

4 ቃሲ ዳንዳዳይ ጌንጫ፡ ጌንጫይ ኡፋይሲ አሚሳ ኦ ኤርሰ።

5 ኦሰ አሚዳ ጌሻ ኣያና ባጋራ ያሳይ ባ ሲቁዋ ኦ ዋዳናን ጉሲዳ ጊሾ ሄ ኡፋይሳይ ኦና ዬላዬና።

6 ኦኒ ቡር ዳቡራንቸታ ጊዲዲ ዴሲሺን፡ ያሳ ዋዴይ ጋኪን፡ ኪሪሰቶሲ ኣገራንቸታ ጊሾ ሃይቂሰ።

7 ደሎ ኣሳ ጊሾ ሃይቃና ኣሲ ዴማናይሲ ዳር ማቶ፡ ሺን ኬሃ ኣሳ ጊሾ ሃይቃና ኣሲ ኦኒ ኤሪ ቤንቶና ኣጌና።

8 ሺን ኦኒ ቡር ኣገራንቸ ጊዲዲ ዴሲሺን፡ ኪሪሰቶሲ ኦ ጊሾ ሃይቂሰ። ሄሲ ያሳይ ኦና ኣይ ማላ ሲቂያኮ ኢያ ሲቁዋ ቤሴሰ።

9 ሃዛ፡ ኦኒ ኪሪሰቶሳ ሱላን ደሊዳ ባ ጊዲኮ፡ ኡባፊ ኣሊዲ ኢያ ባጋራ ያሳ ሃንቁዋፊ ኣታና።

10 ኦኒ ያሳራ ካሴ ሞርኬ፡ ሺን ኢያ ናዓ ሃይቁዋን ኢያራ ሲጌቲዳ። ሄሳፊ ኣሊዲ፡ ሃዲ ኦኒ ያሳራ ሲጌቲዳፕ ጉዬ ኢያ ናዓ ዴዑዋ ጋሶን ኦኒ ኣታና።

11 ሄሳ ፃላላ ጊዳናሺን ሃዲ ኦና ያሳራ ሲጌሊዳ ኦ ጎዳ ዬሱሰ ኪሪሰቶሳ ባጋራ ኦ ያሳን ጨቁቶሰ።

ኣዳሜኔ ኪሪሰቶሳ

12 አዳማ ባጋራ ናጋሪ ሃ አላሚያ ጌሊስ። ሄ ናጋራ ባጋራ ሃይቆይ ዩስ። አሲ ኡባይ ናጋራ ኦሊዳ ጊሾ ሃይቆይ አሳ ዛሬ ኡባ ጋኪስ።

13 ሂጌይ አሜታናፕ ሲንጤ አላሚን ናጋራ ዴዴስ። ሺን ሂጌይ ባይና ዋዴ ናጋራ ናጋራ ጊዲዲ ታይቤቴና።

14 ሺን አዳማፕ ሙሴ ጋካናው ሃይቆይ አሳ ኡባ ሃሪስ። ሃሪ አቶሺን፣ አዳማዳ ሂጌስ ከቴቶና አዲዲ፣ ናጋራ ኦሊቦናይሳታ ቦላካ ሃይቆይ ካዋቲስ።

አዳማይ ያና ዬሱሳስ ለሚሶ።

15 ሺን ያሳ አቶ ኬሃቴላይ አዳማ ናጋራ ማላ ጊዴና። አሲ አሳ ናጋራ ባጋራ ዳሮ አሳይ ሃይቆስ። ሺን ዬሱስ ከሪስቶሳ ባጋራ ያሳ አቶ ኬሃቴላይ አሳ ኡባስ ዳሪዲ አሜቲስ።

16 አዳማ ናጋራ ጊዲኒኔ ያሳ አሞታ ጊደን ዳሮ ዲማቴሊ ዴዴስ። አሲ አሳ ናጋራ ጋሶን ያሳይ አያ ቦላ ፐርዲስ። ሺን አሳይ ዳሮ ናጋራ ኦሊንካ ያሳ አቶ ኬሃቴላይ ዲሎቴላ ኤሂስ።

17 አሲ አሳ ናጋራ ጋሶን ሃይቆይ አሳ ኡባ ቦላ ካዋቲስ። ሺን ዬሱስ ከሪስቶሳ ባጋራ ያሳ አቶ ኬሃቴላይ ዲሎቴላ አሞታ ኤኪያ ኡባይ፣ ያኖ ዴዳን ዴዳሶና።

18 ሂዛ፣ አሲ አሲ ናጋራ ኦሊዳ ጋሶን አሳ ኡባ ቦላ ፐርዲ ዩዳይሳዳ አሲ አሲ ዲሎ ኦሊዳ ጋሶን፣ ያሳይ አሴ ኡባ ዲሊሲዲ ኤንታው ዴዳ አሜስ።

19 አሲ አሲ ከቴቶና አዲዳ ጋሶን፣ ዳሮ አሳይ ናጋራንቸ ጊዲዳይሳዳ አሲ አሳ ከቴቶላን ዳሮ አሳይ ዲላና።

20 አሳይ ናጋራ ዋልቃ ኤራና ማላ ሂጌይ ዩስ። ሺን ናጋራ ዋልቃይ ዳራዳ ዋዴ ያሳ አቶ ኬሃቴላይ አቋዲ ዳሪስ።

21 ናጋራ ሃይቆ ዋልቃን ካዋቲዳይሳ ማላ ያሳ አቶ ኬሃቴላይ ዲሎቴላ ዋልቃን ካዋቲዲ፣ ኑ ጎዳ ዬሱስ ከሪስቶሳ ባጋራ ኑና ማሪና ዴዴዋኮ ካሌሴስ።

6

ናጋራስ ሃይቆዲ ከሪስቶሳን ዴዳ

1 ያቲን፣ ኑኒ ዋይጋኔ? ያሳ አቶ ኬሃቴላይ ዳራና ማላ ናጋራን ማኒዲ ዴዳና?

2 አካይ፣ ኑኒ ናጋራስ ሃይቆዳባ ጊዲኮ፣ ያቲን፣ ኑኒ ሂዛፕ ዋኒዲ ናጋራን ዳኔ?

3 ኑ ኡባይ ከሪስቶስ ዬሱሳራ አሲፋናው ፃማቂቲዳ ዋዴ አያ ሃይቆዋን አያራ አሲፋናው ፃማቂቲዳይሳ ኤሬኬቴዬ?

4 ኑ ፃማቂቲዳ ዋዴ ከሪስቶሳራ ሃይቆዳኔ ሞጌቲዳ። ከሪስቶሲ ያሳ አዋ ቦንቸ ዋልቃን ሃይቆፕ ዴንዲዳይሳ ማላ ኑካ ኦራሳ ዴዳን ዳና።

5 ኑ አያ ሃይቆዋን አያራ አሲኖ ጊዲኮ፣ ሃሳዳካ፣ አያ ዴንዲዳዋን አያራ አሲኖ ጊዳና።

6 ኑ ሂዛፕ ናጋራስ አይሌ ጊዳና ማላኔ ኑ ናጋራንቸ አሳቴላ ዋልቃይ ቋያና ማላ ኑ ጨማ አሳቴላይ ከሪስቶሳራ ካቂቲዳይሳ ኤርስ።

7 አሲ አሲ ከሪስቶሳን ሃይቆዳባ ጊዲኮ፣ አ ናጋራ ዋልቃፊ ላሳ ኬዩስ።

6:4 ቆላ 2:12

8 ኑኒ ከሪስቶሳራ ሃይቂኮ፣ አያራ ዴዳን ዳናይሳ አማናስ።

9 ከሪስቶሲ ሃይቆፕ ዴንዲዳ ጊሾ ዛሬ አ ሃይቆናይሳኔ ሃይቆይ ሲንጎፊ አያ ሃርናይሳ ኑ ኤርስ።

10 አ ሃይቂዳ ዋዴ ናጋራስ አሲ ቶሆ ወርሴሊ ጋካናው ሃይቂስ፣ ሺን ሃዲ ዴዳን ያሳስ ዴዴስ።

11 ሃሳዳካ፣ ሂንቴ ናጋራስ ሃይቂዲ፣ ጎዳ ከሪስቶስ ዬሱሳ ባጋራ ያሳስ ዴዳን ዴዴይሳ ቆፕቴ።

12 ሃሳ ጊሾ፣ ሂንቴ፣ ሂንቴ አሳቴላ አሙዋስ ከቴቶና ማላ ሃይቂያ ሂንቴ አሳቴላ ናጋራ ሃርፕ።

13 ቃሲ ሂንቴ አሳቴላ ናጋራ ኦላናው ጌላቴላ ሚሼ ኦሊዲ አሞፊቴ። ሺን ሂንቴ ሃይቆፕ ዴንዲዲ፣ ዴዳን ዴዴያ አሳዳ ሂንቴ አሳቴላ ያሳስ አሚቴ። ቃሲ ሂንቴ ኩሜላ አሳቴላ ዲሎ ኦሶ ኦላናው ያሳስ አሊ አሚቴ።

14 ሂንቴ ያሳ አቶ ኬሃቴላ ጋርሳን ዴዳታፕ አቲን ሂጌፊ ጋርሳን ዴዳና ጊሾ ናጋራ ሂንቴና ሃራናው ቤሴና።

ዲሎቴላ አይሌ

15 ያቲን፣ ኑ ዋይጋኔ? ሂጌፊ ጋርሳን ጊዳናሺን ያሳ አቶ ኬሃቴላ ጋርሳን ዴዴያ ጊሾ ናጋራ ኦላኔዬ? አካይ!

16 ሂንቴ አሲ አሳስ ከቴታናው ሂንቴና አይሌ ኦሊዲ አሚያ ዋዴ ሄ ሂንቴ ከቴቲይሳስ አይሌ ጊዴይሳ ኤሬታ። ሃሳዳካ፣ ሂንቴ ናጋራስ ከቴቲኮ፣ ሂንቴው ሃይቆ ኤሂያ ናጋራስ አይሌ ጊዳታ። ዋይኮ ሂንቴ ያሳስ ከቴቲኮ ዲሎቴሊ ኤሂያ ያሳስ አይሌ ጊዳታ።

17 ካሴ ሂንቴ ናጋራስ አይሌ፣ ሺን ሃዲ ሂንቴ ኤኪዳ ቲማ ቲሚርቲያስ ኩሜላ ዋዛናፕ ከቴቲዳ ጊሾ ያሳስ ጋላቲ ጊዳ።

18 ሂንቴ ናጋራ አይሌቴላ ቃሾፕ ቢሌቲዲ ዲሎቴላ አይሌ ጊዲዳታ።

19 ሂንቴ ሂንቴ ቆፋን ዳቡራንቸ ጊዲያ ጊሾ ታኒ ኦዴስካ ጌሊያ ኦጌን ኦዳይስ። ካሴ ሂንቴ፣ ሂንቴ አሳቴላ ቱናኔ አታባ ኦላናው አይሌ ኦሊዲ አሚዳይሳ ማላ ሃዲ ሂንቴ አሳቴላ ጌሺ ጊዳና ማላ ዲሎቴላ አይሌ ኦሊዲ አሚቴ።

20 ሂንቴ ናጋራስ አይሌቴዲ ዴዴያ ዋዴ ዲሎቴላስ ሃሪቴኬታ።

21 ሂንቴና ሃዲ ዬላያ ቤኒ ሂንቴ አታ ኦሶዋፕ አይ ማዴ ዴሚዳቲ? ሄ ኦሶታ ወርሴላይ ሃይቆ።

22 ሺን ሂንቴ ናጋራ አይሌቴላ ቃሾፕ ቢሌቲዲ፣ ያሳስ አይሌ ጊዲዳታ። ሃሲ ሂንቴና ጌሺ ኦሊዲ ማሪና ዴዴዋኮ ካሌሴስ።

23 ናጋራ ጋቲይ ሃይቆ፣ ሺን ያሳይ፣ ኑ ጎዳ ከሪስቶስ ዬሱሳ ባጋራ አሚያ አሞታይ ማሪና ዴዳ።

7

ኤኮ ጌሎ ለሚሶ

1 ታ አሻቶ፣ ታኒ ኦዴይ ሂጌ ኤሪያ አሳታሳ። ሂጌይ አሲ አሲ ገፃ ዴዴያ ዋዴ ኡባን አያ ሃሪስ።

2 ለሚሶስ፣ አዘና ጌሊዳ ማጫሲያ አ አዘናይ ገፃ ዴዴያ ዋዴ ሂጌን አያራ ቃሼታሱ።

ሺን ኢ አዘናይ ሃይቁኮ ኢያራ ኢያ ጫቂዳ ጫቆይ ኢዮ ሃሪና።

3 ሄሳ ጊሾ፡ ኢያ ባ አዘናይ ፓፃ ዳዒሺን፡ ሃራ አዳ ጌሊኮ፡ ኢያ ለሚዳሮ ጌቲታወሱ። ሺን ኢ አዘናይ ሃይቁኮ፡ ጫቆይ ኢዮ ሃሮና ጊሾ ኢያ ሃራ አዘና ጌሊኮ፡ ኢያ ለሚዳሮ ጌቲቲኩ።

4 ሄሳ ጊሾ፡ ታ አሻቶ፡ ሂንቴ ኪሪሰቶሳ አሳቲሳ ባጋራ ሂጌ ዋልቃሰ ሃይቁዲ፡ ያሳሰ አይፌ አይፋናው ሃይቆፔ ዳንዲዳ ኪሪሰቶሳሰ ጊዲዳታ።

5 ኑ አሾ አሞይ ኑና ሃሪን፡ ኑ ዳዒያ ዋዴ ሂጌይ ጉጂ ናጋራ ኦላና ማላ ኑና ዳንጫሌሰ። ኑ አሳቲሳ ጊዲን ኢታ አሞቲላ ዳዒያ ጊሾ ኑኒ ሃይቆ አይፌ አይፋና ማላ ኦሊሰ።

6 ሺን ሃራ ኑኒ ኑና ቃቸዳ ሂጌያሰ ሃይቁዳ ጊሾ ኑኒ ሂጌ ቃሾፔ ቢሌቲዳ። ሄሳ ጊሾ፡ ጌሻ አያና ኦኒን ያሳሰ ኪቲቶሲፔ ኦቲን ፃፊቲዳ ጪማ ሂጌያሰ ኪቲቶኮ።

ሂጌኔ ናጋራ

7 ያቲን፡ ኑኒ ዋይጋኔ? ሂጌይ ባ ሁዒን ናጋራ? ጊዳና! ሺን ሂጌይ ናጋራ አይቤኮ ታና ኤሪሰሰ። ሂጌይ፡ «አሞቶፋ» ጎናኮ፡ አሞቲላ አይቤኮ ታኒ ኤሪኬ።

8 ሺን ታ ኡባባ አሞታና ማላ ናጋራ ሂጌ ባጋራ ታናን ኦኔ ዳሚሰ። ሂጌይ ባይኔኮ ናጋራ ሃይቁዳይሳ።

9 ካሴ ሂጌይ ባይና ዋዴ ታ ፓፃ፡ ሺን ሂጌይ አሜቲዳ ዋዴ ናጋራ ፓፂን ታ ቃሲ ሃይቃሰ።

10 ታኒ ዳዒን ዳና ማላ ያሳይ አሚዳ ሂጌይ ታው ሃይቆ ኤሂሰ።

11 ናጋራ ሂጌ ባጋራ ታና ጪሚያ ኦኔ ዳሚዲ፡ ዋዲሰ።

12 ሄሳ ጊሾ፡ ሂጌይ ጌሺ፤ ኢያን ፃፊቲዳ ኪታይካ ጌሺ፡ ጂሎኔ ሎዎ።

13 ያቲን፡ ሎዎ ጊዲዳባይ ታ ቦላ ሃይቆ ኤሂዳዬ? ጊዳና! ሺን ናጋራ ናጋራ ጊዳይሲ ቆንጫና ማላ ሎዎባን ማዳቲዲ ታው ሃይቆ ኤሂሰ። ሄሳ ጊሾ፡ ናጋራ ናጋራ-ቲላይ ሂጌ ባጋራ አጂዲ ኤሪቲሰ።

14 ኑኒ ሂጌይ አያናባ ጊዳይሳ ኤሪሰ። ሺን ታኒ ናጋራሰ ባይዜቲዳ አሾ አሲ።

15 ታኒ ኦሊያባ አኬኪኬ፤ ታኒ ደሲያባ ኦላናይሳ አጋዳ ታ ኢጂያባ ኦላይሰ።

16 ታኒ ኢጂያባ ኦሊያባ ጊዲኮ፡ ሂጌይ ሎዎ ጊዳይሳ ማዳይሰ።

17 ሄሳ ጊዲኮ፡ ሄ ኦሎታ ታናን ዳዒያ ናጋራይ ኦላይሲፔ ኦቲን ታ ኦሊኬ።

18 ታናን፡ ሂሲካ ታ አሾቀን ሎዎባይ ባይናይሳ ኤሪይሰ። ሎዎባ ኦሊያ አሞቲላ ታናን ዳዒሰ። ሺን ሎዎባ ኦላናው ዳንዳዒኬ።

19 ታኒ ኢጂያ ኢታባ ኦላይሲፔ ኦቲን ታ ደሲያ ሎዎባ ኦሊኬ።

20 ታኒ ኢጂያባ ኦሊያባ ጊዲኮ፡ ሄሳ ታናን ዳዒያ ናጋራይ ኦሊኬ፤ ኦቲን ኦሊይ ታና ጊዲኬ።

21 ሂዛ፡ ታ ሎዎባ ኦላናው ደሲሺን፡ ኢታባ ኦሲይ ዋጋ ጊዳይሳ ዳማሰ።

22 ታኒ ታ ዋዛናን ያሳ ሂጌያን ኡፋይታይሰ።

23 ሺን ታ አሳቲሳ ጊዲን ዳዒያ ታ ቆፋ ሂጌያራ ኦሊቲያ ዳማ ሂጌ ቤዳይሰ። ሄ ሂጌይ ታ አሳቲሳ ጊዲን ኦሊያ ናጋራ ሂጌያሰ ታና አይሌ ኦሊዲ ኢሚሰ።

24 ታኒ ዋኒዳ ዩባታ አሴ? ሃይቆሰ ኤፊያ ሃ አሳቲሳፊ ታና አሻናይ ኦኔ?

25 ኑ ጎዳ ዬሱሰ ኪሪሰቶሳ ባጋራ ታና አሺያ ያሳሰ ጋላቲ ጊዲ።

ሂዛ፡ ታኒ ታ ቆፋን ያሳ ሂጌያሰ ሃሪታይሰ፤ ሺን ታ አሳቲሳን ታና ናጋራ ኦሲሲያ ሂጌያሰ ሃሪታይሰ።

8

ጌሻ አያናን ዳዎ

1 ሄሳ ጊሾ፡ ኪሪሰቶሰ ዬሱሳን ዳዒይሳቲ ሃዒ ፐርዳቶኮና።

2 ኪሪሰቶሰ ዬሱሳ ባጋራ ኑሰ ዳዎ አሚያ ጌሻ አያና ሂጌይ፡ ታና ናጋራኔ ሃይቆ ሂጌ አይሌቲላፊ ኬሲሰ።

3 ኑ ናጋራ አሳቲሳ ጋሶን፡ ሂጌይ ዳቡራንቸ ጊዲያ ጊሾ ኑና አሻናው ዳንዳዒቤና። ያሳይ ባ ናዓ ናጋራንቸ አሳ ለሚሶን ናጋራሰ ያርሾ ጊዳና ማላ ኪቲዲ ሄሳ ኦሊሰ። ያቲዲ፡ ያሳይ ኪሪሰቶሳ አሾቀ ባጋራ ናጋራ፡ ናጋራንቸ አሳ ጊዲን ፐርዲሰ።

4 ያሳይ ሄሳ ኦሊዳይ፡ ኑ አሾ አሞይ ኮዬይሳዳ ጊዲናሺን ጌሻ አያናይ ኮዬይሳዳ ዳዒያ ኑ ቦላ ሂጌያ ጂሎ ኪታይ ፖሌታና ማላሳ።

5 ባንታ አሾ አሙቀ ካሊዲ ዳዒይሳቲ ባንታና ኡፋይሲያባ ቆፖሶና። ሺን ጌሻ አያና ሼኔን ዳዒይሳቲ ጌሻ አያና ኡፋይሲያባ ቆፖሶና።

6 ኑ ቆፋይ አሾ አሞሰ ሃሪቲኮ ሃይቆ ኤሂሰ፡ ሺን አያና አሞሰ ሃሪቲኮ ዳዎኔ ሳርቲላ ኤሂሰ።

7 አሾ አሞሰ ሃሪቲያ አሲ ያሳ ሂጌያሰ ኪቲታናው ኮዮና ጊሾኔ ኪቲታናው ዳንዳዎና ጊሾ ያሳራ ሞርኬ።

8 ባንታ አሾ አሙቀሰ ሃሪቲይሳቲ ያሳ ኡፋይሳናው ዳንዳዎኮና።

9 ሺን ያሳ አያናይ ሂንቴናን ዳዒኮኔ ሂንቴና ሃሪኮ፡ ሂንቴ አያና ሼኔን ዳዒታፔ ኦቲን ሂንቴ አሾ አሙቀሰ ሃሪቲኬታ። ኪሪሰቶሳ አያናይ ባይና ኦኒካ ኪሪሰቶሳባ ጊዳና።

10 ሺን ኪሪሰቶሲ ሂንቴናን ዳዒኮ፡ ሂንቴ አሳቲላይ ናጋራ ጋሶን ሃይቁዳይሳ። ሺን ሂንቴ አያናይ ጂሎቲላ ጋሶን ዳዎን ዳዒሰ።

11 ሺን ዬሱሳ ሃይቆፔ ዳንጫዳ ያሳ አያናይ ሂንቴናን ዳዒኮ፡ ኪሪሰቶሳ ሃይቆፔ ዳንጫዳ ያሳይ፡ ሂንቴናን ዳዒያ ባ ጌሻ አያናን ሃይቁያ ሂንቴ አሳቲላሰ ዳዎ አሚና።

12 ሂዛ፡ ታ አሻቶ፡ ኑኒ ኑ አሾ አሙቀ ካሊዲ ዳናው ቤሴና።

13 ሂንቴ፡ ሂንቴ አሾ አሙቀሰ ዳዒኮ ሃይቃና፡ ሺን ጌሻ አያና ዋልቃን ናጋራ ኦሎታ ዋዲኮ ሂንቴ ዳዎን ዳና።

14 ያሳ አያናይ ካሌሊያ ኡባይ ያሳ ናይታ።

15 ኮኒ፡ «አባ፡ ታ አዋው» ያጊዲ ጭገ፡ ያሳ ናይታ ኦሊያ ገሻ ኣያና ኤኪዳፔ ኣቲን ዛሪዲ ያሻን ዳናው ኣይሌ ኦሊያ ኣያና ኤኪቦኮ።

16 ያሳ ኣያናይ ኦ ኣያናራ ጊዲዲ ኮኒ ያሳ ናይታ ጊዴይሳ ማርካቲስ።

17 ኮኒ ኢያ ናይታ ጊዲኮ ያሳ ኣንጂዋ ላታና፤ ኪሪሰቶሳራ ዋላ ሄ ኣንጂዋ ላታና። ቃሲ ኮኒ ኪሪሰቶሳራ ሜቱዋ ኤኪኮ ኢያራ ዋላ ኢያ ቦንቹዋን ሻኬታና።

ያና ቦንቹዋ

18 ኮኒ ሃዒ ዋይቲያ ዋያ፡ ሲንሳፌ ኮስ ቆንጫና ቦንቹዋራ ጋላ ቤዒኮ፡ ጊኒሳናው ዳንዳዔቴና ጋዳ ቆፓይስ።

19 ማዴቴላ ኡባይ ያሳ ናይታ ቆንጫና ዳር ላዋቲዲ ናጎሶና።

20 ማዴቴላ ኡባይ ሃዳ ጊዲስ፤ ሄሲካ፡ ማዴቴላ ደርን ጊደናሽን ኡፋይሳን ናጋና ሜላ ኦሊዳ ያሳ ሽኔን ሃኒስ።

21 ማዴቴላይ ባ ሁዔን ጳዮ ኣይሌቴላፌ ዋዚቲዲ፡ ያሳ ናይታራ ዋላ ቦንቹ ላዓ ሻኬታና።

22 ማዴቴላይ ኢሲፌ ሃኖ ጋካናው ሚያይ ኦይኪዳ ማጫሳዳ ኦሌኒኔ ኡንሳን ዳዔይሳ ኦ ኤርስ።

23 ቃሲ ሄሳ ማዴቴላ ዓላላ ጊደናሽን ገሻ ኣያና ባይራ ኢዋታዳ ኤኪዳ ኮኒ፡ ኦ ሁዔን ኦ ኣሳቴላስ ዋዚ ጊዲዳ ያሳ ናይታ ጊደና ኡፋይሳ ናገሼ ኦ ኣሳቴላን ኦሎስ።

24 ሃ ኡፋይሳን ኮኒ ኣቲዳ። ሽን ኮኒ ኡፋይሲ ኦሊያባይ ቤንቲያ ጊዲኮ ሄሳ ኮኒ ኡፋይሲ ኦሊ?

25 ሽን ኦ ቤያናባ ዳማና ጊዲ ኡፋይሳን ናገኮ ሄሳ ዳንዳዓን ናጎስ።

26 ሄሳዳ ገሻ ኣያናይ ኦ ዳቡራን ማዴስ። ኮኒ ያሳ ዋቲ ዋሳናው ቤሲያኮ ኤርኮ፡ ሽን ገሻ ኣያናይ ባ ሁዔን፡ ኣሲ ኦዳናው ዳንዳዔቶና ቃላን ኮስ ጋናቲስ።

27 ቃሲ ኣሳ ዋዛና ኤሪያ ያሳይ ገሻ ኣያና ቆፋይ ኣይቤኮ ኤሪስ። ገሻ ኣያናይ ያሳ ሽኒያዳ ገሻታስ ጋናቲስ።

28 ያሳ ሲቁይሳታሲኔ ኢያ ሽኒያዳ ጭቲዳይሳታስ ያሳይ ኡባ ሎዎስ ኦሊይሳ ኤርስ።

29 ያሳይ ኮይርቲዲ ኤሪዳይሳቲ ባ ናዓ ዳናና ሜላኔ ናዓይካ ኣማኔይሳታ ጊደን ባይራ ጊደና ሜላ ኤንታ ዳማዪዲ ዋላስ።

30 ያሳይ ኮይርቲዲ ዳማዪዳይሳታ ጭገስ፤ ሄ ጭገዳይሳታ ጭሲስ፤ ሄ ጭሲዳይሳታ ቃሲ ቦንቹስ።

ያሳ ሲቁዋ

31 ያቲን፡ ኦ ሃ ኡባስ ዋይጋኔ? ያሳይ ኦ ባጋ ጊዲኮ ኦራ ኦኔ ኤቁታናይ?

32 ኢ ሃሪ ኣቶሽን፡ ባ ናዓስ ቃዴቶናሽን፡ ኦ ገሻ ኣሊ ኢሚስ። ያቲን፡ ባ ናዓ ኮስ ኣሊ ኢሚዳይሲ ዋኒዲ ኡባባ ጮ ኢሜኔ?

33 ያሳይ ኤንታና ጭሲዳ ገሻ ኢ ደሪዳይሳታ ኦኔ ዋታናይ?

34 ያቲን፡ ኤንታ ቦላ ፐርዳናው ዳንዳዔይ ኦኔ? ኦኒካ ባዋ። ሃይቆፔ ዳንዲዲ ያሳ ኡሻቻን ኡቲዳ፡ ኪሪሰቶስ ዩሱሲ፡ ኢ ኮስ ጋናቲስ።

35 ሄዛ፡ ኦ ኪሪሰቶሳ ሲቁዋፔ ሻካናይ ኦኔ? ዋዩዬ ዋይኮ ሜቶዬ ዋይኮ ጎዳዬ ዋይኮ ኮሼዬ ዋይኮ ካሎቴሌዬ ዋይኮ ያሼዬ ዋይኮ ኦሌዬ?

36 ገሻ ማዓፋን፡ «ኮኒ ኔ ገሻ ጋላሳ ኩሜላ ሃይቆስ፤ ሹካሰ ኤፊያ ደርሳዳ ታይቤቲዳ» ጌቲቲዲ ፃፌቲዳይሳ ሜላ ጊዲስ።

37 ሽን ኮኒ፡ ኦ ኢቁዳ ኪሪሰቶሳን ሃ ኡባ ፖሎ ያኖስ።

38 ሄሳ ገሻ፡ ሃይቆ ጊዲን ዳዎ ጊዲን ኪታንቸታ ጊዲን ሃሪይሳታ ጊዲን ሃዒ ዳዔይሳ ጊዲን ሲንሳፌ ያናይሳ ጊዲን ዋልቃማታ ጊዲን።

39 ሳሎ ዋልቃ ጊዲን ሳዓ ዋልቃ ጊዲን ኣይ ማዴቴላ ጊዲን ኦ ጎዳ፡ ኪሪሰቶስ ዩሱሳን ዳዒያ ያሳ ሲቁዋፔ ኦ ሻካናው ዳንዳዎናይሳ ታኒ ኤራስ።

9

ኢስራዔሌታ ደሪቴላ

1 ታኒ ኪሪሰቶሳን ቱማ ኦዳይስ፡ ዋርዶቲኬ። ገሻ ኣያናይ ካሌሊያ ታ ካሃይ ታኒ ዋርዶቶናይሳ ታው ማርካቲስ።

2 ታ ዋዛናን ኢስራዔሌታስ ዳር ቃዴታይሲኔ ቃማ ጋላስ ቆፓይስ።

3 ታኒ፡ ታ ኢሻታ ገሻ ኪሪሰቶሳፔ ሻኬታዳ ያሳ ቃንጌላፌ ጋርሳን ዳዒዳኮ ዳሳይሲሽን።

4 ኤንቲ ኢስራዔሌታ፡ ያሳይ ኤንታ ባ ናይታ ኦሊስ፡ ባ ቦንቹዋ ኤንታው ቆንጫሲስ። ኤንታራ ጫቁስ፤ ሃጊያ ኤንታው ኢሚስ። ኤንቲ ያሳ ጎይናና ቱማ ኦጊያ ቤሲስ፤ ያሳይ ኡፋይሳ ቃላ ኤንታው ኢሚስ።

5 ኤንቲ ዩሌቴላን ማይዛታ ዛሬ፤ ቃሲ ኪሪሰቶሲ ኣሾን ኤንታ ዛሬ ጊዲዲ ዩስ። ኡባፌ ቦላ ጊዲዳ ያሳይ ሜሪናው ጋላቴቶ። ኢሚንዒ!

6 ጊደሽን፡ ያሳይ ጌሊዳ ቃላይ ፖሌቶና ኣቲስ ጉሱ ጊዳና። ኢስራዔሌ ኣሳ ኡባይ ያሳ ኣሲ ጊደኮና።

7 ቃሲ ኣብራሃማ ዛሬ ኡባይ ኣብራሃማ ናይታ ጊደኮና። ያሳይ ኣብራሃማስ፡ «ኔ ዜሬላይ ዩሳቃ ባጋራ ጭገታና» ያገሰ።

8 ሄሳ ጉሳይ ኣሾን ዩሌቴዳ ናይቲ ኡባይ ያሳ ናይታ ጊደኮና። ሽን ቱማ ኢስራዔሌ ናይቲ ያሳይ ኣብራሃማስ ጌሊዳ ቃላዳ ዩሌቴዳ ናይታ።

9 ያሳይ ኢማና ጊዲ ጌሊዳ ቃላይ፡ «ታኒ ዋንቶ ላይሊ ሃኖዳ ያና፤ ሳራካ ኣዳ ናዓ ዩላና» ያገይሳ።

10 ሄሳ ዓላላ ጊደናሽን ኢርቢቁኔ ዩሳቁ ዩሊዳ ማንቲ ኣዳ ናይታባ ኣኬኪቲ።

11 ኤንቲ ዩሌታናፔ ዋይኮ ኢታ ዋይኮ ሎዎ ኦላናፔ ሲንሌ ያሳ ደርይ ኦሶን ጊደናሽን ጭሳን ጊዴይሳ ቆንጫሳናው።

12 «ባይራይ ካሎዋስ ኪቲታና» ያጊዲ ጎዳይ ኢርቢቃስ ኦዲስ።

8:20 ሜዴ 3:17-19 8:23 2ቆሮ 5:2-4 8:36 ማዝ 44:2 9:4 ኬሳ 4:22 9:7 ሜዴ 21:12 9:9 ሜዴ 18:10 9:12 ሜዴ 25:23 9:13 ሚላ 1:2

13 ሄሲካ ገሻ ማፃፋን፡ «ያይቆባ ደሳለ፡ ኤሳዋ ኢሳስ» ገቴቲዲ ፃፊቲስ።

14 ያቲን፡ ኑኒ ዋይጋኔ? ያሳይ አሴ አሳፔ ሻኪዬ? ገዴና።

15 ጎዳይ ሙሴኮ፡ «ታ ማራናው ኮዬዳይሳታ ማራና፤ ታ ቃዴታናው ኮዬዳይሳታሰ ቃዴታና» ያገሰ።

16 ሂዛ፡ ያሳ ደርይ አሳ ሸኔን ዋይኮ ኦሶን ገደናሽን ኢያ ማርቴላና።

17 ገሻ ማፃፋን፡ ገብፄ ካወዋኮ፡ «ታኒ፡ ታ ዋልቃ ኔናን ቤሳናዉኔ ታ ሱንሳይ አላሜ ኡባን ኤሪታና ሜላ ሄሳስ ኔና ካዋሳስ» ገቴቲዲ ፃፊቲስ።

18 ሂዛ፡ ያሳይ ማራናው ኮዬይሳ ማሪስ፤ ዋዛና ሙሚሳናው ኮዬይሳ ዋዛና ሙሚሴስ።

ያሳ ሃንቁዋኔ ማርቴላ

19 ሂንቴፊ ኢሶይ፡ «ያቲን፡ ያሳይ አሴ ኢታ ኦሶ ገሻ አይሰ ቦሪ? ያሳ ሸኒያ ኢሳስ ጋናይ ኦኔ?» ያገዲ ኦይቻናው ዳንዳዔስ።

20 ሸን ታ አሻው፡ ያሳራ ፓላማናው ኔኒ ኦኔ? ኡርቃፊ ሜዴቲዳ ሚሼይ ባና ሜዲዳይሳ፡ «ታና ሃይሳዳ ኦሳዳ አይሰ ሜዳዲ?» ገዲ ኦይቻናው ዳንዳዲ?

21 ዋይኮ ኡርቃ ሜዴይሲ ኢሲ ኡርቃፊ ኢሱዋ ቦንቻ ሚሼ፡ ሃንኩዋ ቃሲ ቶሼ ሚሼ ኦሳዲ ሜዳናው ማቲ ባዌ?

22 ያሳይ ባ ሃንቁዋ ቤሳናዉኔ ባ ዋልቃ ኤሪሳናው ኮዬዲ፡ ፐርዳስ ገገዳ ሃንቆ ናይታ ዳር ፔንጫን ዳንዳዲዳኮ ኔ አይ ኤራይ?

23 ሄሳ ኢ ኦሳዲይ ኮይርቴዲ ቦንቻሰ ገገሲዳ፡ ባ ደሪዳ ናይታሰ ባ ቦንቻዋ ቆንጨሳናሳ።

24 አይሁዳ ገዲን፡ ዋይኮ አይሁዳ ገደና አሳ ኡባይ ያሳን ደሪቲዳ።

25 ናቢያ ሆሴዔ ማፃፋን፡ «ታ አሴ ገደናይሳታ፡ (ታ አሴ) ጋዳ ይጋና፡ ታ ሲቃቦና ዳሪያ፡ ሲቆቲዳይሳታ) ጋዳ ይጋና።

26 ኤንቲ፡ (ታ አሴ ገዴኬታ) ገቴቲ ይገቴዳ ቤሳን፡ «ዴያ ያሳ ናይታ) ገቴቲዲ ይገጋና» ያገሰ።

27 ናቢያ ኢሳያሲ ኢሰራዔል አሳባ፡ «ኢሰራዔል አሳይ አባ ጋፃን ዴዲያ ሻፊያዳ ዳሪኮካ፡ ኤንታፊ ጉላ አሳ ያላሊ አታና።

28 ጎዳይ አላሚያ ኡባ ቦላ ኤሌሲዲ ፖሎ ፐርዳ ፐርዳና።»

29 ቃሲካ ኢሳያሲ፡ «ኡባፊ ዋልቃማ ጎዳይ ኦሰ ጉላ ዜሬሊ አሾናባ ገዲያኮ፡ ኔኒ ሶዶሜኔ ጋዋራ ካታማዳ ዳያናሽን» ያገዲ ኮይርቴዲ ኦዲስ።

30 ያቲን፡ ኑ ዋይጋኔ? ዲሎቴላ ኮዬቦና አይሁዳ ገደና አሳይ አማኖን ዲሎቴሊ ዴሚደሶና።

31 ሸን ዲሎቴላኮ ጋሊያ ሂጌይ ዴዲያ ኢሰራዔል አሳይ ዲሎቴሊ ዴሚቦኮና።

32 አይሰ ዴሚቦኮና? ኤንቲ ዲሎቴላ አማኖን ገደናሽን ኦሶን ኤካናው ኮዬዳ ገሻ። ያኒያ ገሻ፡ ኤንቲ፡ «ዱቢያ ሹቻን» ዱቤቲደሶና።

33 ገሻ ማፃፋን፡ «ታኒ ዲዮኔን ዱቢ ኩንዲሲያ ሹቻ ዋላና፡ ኢያን አማኒያ ኦኒካ ዬላቴና» ገቴቲዲ ፃፊቲስ።

10

1 ታ አሻቶ፡ ታ ኩሚላ ዋዛናን ታ አሞቴይኔ ያሳ ዋሴይ ኢሰራዔልይ አታና ሜላሳ።

2 ኤንቲ ያሳሰ ሚሼቶሶናሽን፡ ቱማ ኤራቴላን ሚሼቶናይሳ ታ ማርካታይስ።

3 ኤንቲ ያሳ ዲሎቴላ ኦጊያ ኤርና ኢዲዲ፡ ባንታ ሁዔ ዲሎቴላ ካሊደሶናፔ ኦቲን ያሳ ዲሎቴላ ኮዬቦኮና።

4 አሲ ኡባይ አማኖን ዲላና ሜላ ኪሪሰቶሲ ሂጌያ ፖሊስ።

አቶቴላይ ኡባሳ

5 አሲ ሂጌ ናገዲ ኤኪያ ዲሎቴላባ ሙሴይ ፃፊሼ፡ «ሂጌ ናገያ ኦኒካ ሄ ሂጌያ ናገዳ ሜላ ዴዲስ» ያገሰ።

6 ሸን አማኖን ኤኪያ ዲሎቴላባ ገቴቲዳይ ሃይሳ፡ «ኔ ዋዛናን፡ (ኦኒ ሳሎ ኬያኔ?) ያጎፓ፤ ሄሲ ኪሪሰቶሳ ዋዲሳናሳ።

7 ዋይኮ፡ «ዲጌ ሳዓ ጋርሲ ዋዳናይ ኦኔ?» ጎፓ፤ ሄሲ ኪሪሰቶሳ ዴፎፔ ኬሳናሳ።

8 ሸን ያገዲ ፃፊቲስ፡ (ያሳ ቃላይ ኔ ማታና፤ ኔ ደናኒኔ ኔ ዋዛናን ዴዲስ) ኦኒ ሂንቴው ኦዲያ አማኖ ቃላይ ሃይሳ።

9 «ዬሱሲ ጎዳ» ጋዳ ኔ ደናን ማርካቲኮኔ ያሳይ ኢያ ሃይቆፔ ዴንላዲይሳ ኔ ዋዛናን አማኒኮ፡ ኔ አታና።

10 አሲ ባ ዋዛናን አማኒዲ ዲሎስ፤ ባ ደናን ማርካቲዲ አቲስ።

11 ገሻ ማፃፋይ፡ «ኢያን አማኒያ ኦኒካ ዬላቴና» ያገሰ።

12 ኢሲ ያሳይ ኡባ ጎዳ ገዲያ ገሻ አይሁዳታ ገደኒኔ አይሁዳ ገደና አሳ ገደን ዲማቴሊ ባዋ፡ ኢ ባና ይገያ ኡባሰ ዳር ኬሃ።

13 ገሻ ማፃፋይ፡ «ጎዳ ሱንሳ ይገያ ኦኒካ አታና» ያገሰ።

14 ያቲን፡ ኤንቲ አማኖና ዴዲሼ ዋኒዲ ኢያ ይጋናው ዳንዳያና? ኤንቲ ኢያባ ሲያና ዴዲሼ ዋቲዲ ኢያ አማኖናው ዳንዳያና? ቃሲ ኤንታው ቃላ ኦዲያ አሲ ባይና ዴዲሽን፡ ዋኒዲ ሲሳናው ዳንዳያና?

15 ኪቴቲዳ አሲ ባይና ዴዲሽን፡ ቃላይ ዋኒዲ ኦዴታናው ዳንዳዲ? ገሻ ማፃፋን፡ «ኡፋይሳ ዋንጌላ ኦዲያ አሳ ቶሆቲ ዋኒዲ ሎያና!» ያገዲ ፃፊቲስ።

9:15 ኬሳ 33:19 9:17 ኬሳ 9:16 9:20 ኢሳ 29:16፤ 45:9 9:25 ሆሴ 2:23 9:26 ሆሴ 1:10 9:27 ኢሳ 10:22-23 9:29 ኢሳ 1:9 9:33 ኢሳ 28:16 10:5 ለዌ 18:5 10:6 ዛሬ 30:12-14 10:11 ኢሳ 28:16 10:13 ኢዩ 2:32 10:15 ኢሳ 52:7 10:16 ኢሳ 53:1

16 ሺን አሳያህ፡ «ጎዳው፡ ኑ ማርካቴላ ኦሪ አማኒዳ?» ያገዳይሳዳ፡ ኡባይ ዋንጌላ አማኒቦኮና።

17 ሄሳ ገሾ፡ አማኖይ ሲሳፊ ዬሰ፤ ሲሲ ኪሪሰቶሳ ቃላፔ ዬሰ።

18 ገደሺን፡ ኢሰራዔል አሳይ ቃላ ሲሲቦኮና ጉሴዬ? አካይ ሲሲደሶና። ጌሻ ማፃፋን፡ «ኤንታ ቃላይ ቢታ ኡባን ሲዔቲሰ፡ ኤንታ ኦዳይ ሳባ ጋፃ ጋኪሰ» ያገባቸው።

19 ሺን ኢሰራዔል አሳይ ኤሪቦኮና ጉሴዬ? ሙሴይ ካሴ፡ «ታኒ ሂንቴና ለቁቴዳ አሳን ቁርይሳና፤ ቃሲ ኤያ አሳን ሂንቴና ዩሎያና» ያገቡ።

20 ቃሲ አሳያህ፡ «ታና ኮዩቦና አሳሰ ቤንታሰ፤ ታና ኦይቲቦና አሳሰ ቆንጫሰ» ያገዱ ያኖና ኦዲሴ።

21 ሺን አሳያህ ኢሰራዔላታባ ኦዲሴ፡ «ኡባ ዋዴ ኪቴቶና አሳሰኔ ታና ኢዲያ አሳሰ ታ ኩሺያ ሚጫሰ» ያገቡ።

11

የሳይ ኢሰራዔላታ አገባና

1 እኔ ታ ኦይታይሰ፡ ያቲን፡ የሳይ ባ አሳ አገዴዬ? አገባና! ታኒ ታ ሁዔን ኢሰራዔላ፤ አብራሃማ ሸሽ፤ ቢሲያማ ዛሬ።

2 የሳይ ኮይር ደሪዳ ባ አሳታ ዩጌና። ጌሻ ማፃፋን፡ ኤሊያሲ ኢሰራዔላታ የሳ ሲንሳን ዋቲ ዋቲዳኮ፡ ሂንቴ ኤሬኬቴ?

3 ኤሊያሲ፡ «ጎዳው፡ ኤንቲ ኔ ናቤታ ዋዲደሶና፡ ኔ ያርሾ ቤሳካ ላሊደሶና። ታ ታርካ አታሰ፤ ኤንቲ ታናካ ዋዳናው ኮኖሶና» ያገቡ።

4 የሳይ ኢያው ዋይጊ ዛሬዴ? «ባባሌ ኤቃሰ ጎይጊቦና ላፑን ሙኩሉ አሳ ታው አሻሰ» ያገቡ።

5 ሄሳዳካ፡ ሃ ዋዲያን የሳይ ባ አዶ ከሃቴላን ደሪዳ ጉላ ኢሰራዔላቲ ዳዎሶና።

6 ኢ ኤንታ ደሪዳይ ባ አዶ ከሃቴላና፤ አቲን ኤንታ ኦሶን ገዴና። ደርይ ኦሶን ገዴኮ፡ ኢያ አዶ ከሃቴላይ ቱማ አዶ ከሃቴላ ገዴና።

7 ያቲን፡ ዋይጊ፡ ኢሰራዔላቲ ባንታ ኮያባ ዳሚቦኮና፡ ሺን የሳይ ደሪዳ ጉላቲ ዳሚደሶና። አቲዳይሳቲ ባንታ ዋዛና ሙሚሲደሶና።

8 ሄሲካ፡ ጌሻ ማፃፋን፡ «ኤንቲ ባንታ አይፊያን ቤዎናዳ ባንታ ሃይላን ሲዎናዳ፡ ሃኖ ጋካናው ኤንታው

የሳይ አዛላ አያና አሚሰ» ጌቲቲዲ ፃፊቲዳይሳዳ ሃኒሰ።

9 ቃሲ ዳዋቲይ፡ «ኤንቲ ሚያ ጋይታይ ኤንታ ጻሃዳ ኦይኮ፤ ኤንታ ጉፋንሳያ አፎ ገዴ፤ ኤንታ ኢታቴላይ ኤንታ ቦላ ጋኮ።

10 ኤንቲ ጻሎናዳ ኤንታ አይፊይ ጎዜቶ፤ ኡባ ዋዴ ሚቶን ኤንቲ ኩኒዲ ዳዎ» ያገቡ።

11 ያቲን፡ አይሁዳይ ማሪ ዳንደና ሚላ ኩንዲደናዬ? ገዴና! ኤንታ ኩንዳይ አይሁዳ

ገዴና አሳይ አታና ሚላ ጋሶ ገዴሰ። ሄሲካ አይሁዳይ ኤንታ ቦላ ቃናታናዳ አሊሰ።

12 አይሁዳይ ናጋራይ አላሚያሰ ዳር አንጆ ኤሂሰ፤ ቃሲ ኤንታ ኩንዳይ አይሁዳ ገዴና አሳሰ ዳር አንጆ ገዴሰ። ያቲን፡ ደሪቲዳ አይሁዳይ ኩሚላ አቲያ ዋዴ አንጆይ አይ ሚላ ዳራንዳሻ!

13 ታኒ፡ ሃዲ ሂንቴው አይሁዳ ገዴና አሳሰ ኦዳይሰ። አይሁዳ ገዴና አሳሰ ሃዋሬ ገዴዳ ኦሊይሳን ታኒ ዳር ጨቁታይሰ።

14 ታ ሄሳ ኦሊዳይ ታው አሾን ዛሬ ገዴዳ ኢሰራዔላታ ቁርያዳ ኤንታፊ ጉላታ አሻናሳ።

15 የሳይ ኤንታ ዩጌዳ ዋዴ ሃ አላሚይ የሳራ ሲጌቲሰ። የሳይ ኤንታ ሺሺ ኤኪያ ዋዴ ሃይቁዳ አሲ ሃይቆፔ ዳንዲዳ ሚላ ገዴሰ።

16 ኮይር ሚንላዳ ባሶ ኡይላይ የሳሰ ያርሾቲዲ ጌሺ ገዴኮ፡ ሙሚ ኡይላይካ ጌሺ። ሚላሰ ፃጶይ ጌሺ ገዴኮ፡ ታሺይካ ጌሺ።

17 ጋዴን ቶኪዳ ሻማሆ ታሽ ገዴዳ አይሁዳይ ካሬቲን፡ ሂንቴ ባዞን ደሊዳ ሻማሆ ታሽ ገዴዳ አይሁዳ ገዴናይሳቲ ኤንታ ቤሳን ቆንጫቲዲ ኤንታ አንጆዎን ዳራቴላ ሻኬቲዳታ።

18 ሂዛ፡ ሂንቴ ታሽዳ ካሬቲ ዋዲዳ አይሁዳይ ቦላ አቶርቶሬቲ። ሂንቴ አቶርቲያባ ገዴኮ፡ ፃጶይ ሂንቴና ቶኬሲፔ አቲን ሂንቴ ፃጶዋ ቶኮናይሳ አኬኪቲ።

19 ኔኒ፡ «ሂ ታሽቲ ካሬቲዳይ፡ ታ ኤንታ ቤሳን ቆንጫታና ሚላሳ» ጋናው ዳንዳሳ።

20 ሄሲ ቱማ። ኤንቲ አማኒቦና ገሾ ካሬቲደሶና። ኔኒ አማኒዳ ገሾ ሄ ቤሳን ኤቃዳሳ። ኔኒ ያያናው ቤሴሰ፤ አቲን አቶራናው ቤሴና።

21 የሳይ ሚዶን ታሽ ገዴዳ አይሁዳይ ቃዴቶና ኢዲኮ ሂንቴወካ ቃዴቲና።

22 ሂዛ፡ የሳይ አይ ሚላ ኬሂኮኔ አይ ሚላ ያሽያኮ ቤዳ። ኢ ያሽይ ኪቴቶናይሳታ፡ ቃሲ ኢ ኬሂይ ኢያ አማኒዲ ሚኒዲ ኤቁዳይሳታሳ። ሚኒዲ ኤቆና ኢዲኮ ሂንቴካ ካሬታና።

23 አይሁዳይ አማኒኮ፡ ካሴ ኤንቲ ዳዲያ ቤሳ ሲማ። የሳይ ኤንታ ዛሬዲ፡ ዋላናው ዳንዳሳ።

24 ሂንቴና ባዞን ዳዲያ ሻማሆ ገዴዳ አይሁዳ ገዴናይሳታ ቃንዲዳ፡ ጋዴን ቶኬቲዳ ሻማሆ ቦላ ሂንቴና ቶኪኮ፡ ሚዶን ጋዴ ሻማሆ ገዴዳ አይሁዳይ ባንታ ኮይር ቤሳን ዛሬ ቶካናው ዋይዲ ዳንዳዔቲኔ?

የሳ ማርቲላይ ኡባሳ

25 ታ አሻቶ፡ ሂንቴ ሂንቴና ኤራንቾ ገዴ ጨቁቶሬቲ። ታ ሂንቴው ኦዲያ ኢሲ ፀራ ዳዔሰ። ሄሲካ ኢሰራዔላታ፤ ባጋይ ሲዎና ኢዲዳይ ወርሴላ ጋካናው ገዴናሺን አታናው ዳዲያ አይሁዳ ገዴና አሳይ ኩሚላ የሳኮ ያና ጋካናሳ።

26 ሄሳዳካ፡ ኢሰራዔላ አሳ ኡባይ አታና። ጌሻ ማፃፋን፡ «ኩና አሽይሲ ጻኖኔ፤ ያና፤ ያይቆባ ዜራላፊ ኢታ ኡባ ዲጋና።

27 ታኒ ኤንታ ናጋራ አቶ ገያ ዋዴ

10:18 ማዘ 19:4 10:19 ዛሬ 32:21 10:20 ኢሳ 65:1 10:21 ኢሳ 65:2 11:1 ፊል 3:5 11:3 1ካዎ 19:10፣ 14 11:4 1ካዎ 19:18 11:8 ዛሬ 29:4፤ ኢሳ 29:10 11:9 ማዘ 69:22-23 11:26 ኢሳ 59:20-21 11:27 ኢሳ 27:9

ከንታራ ጫቃና ጫቆይ ሃይሳ»
 ጌቲቲዲ ፃፊቲሰ።
 28 እይሁዳቲ ዋንጌላ ኤኮና ኢዲዲ፡ ሂንቲ ጊሾ ያሳራ ዋርኬ ጊዲደሶና። ጊደሺን፡ ሃዲካ ኤንቲ ደሬቲዳይሳታ፡ ያሳይ ኤንታ ኣዋታ ጊሾ ኤንታ ደሴሰ።
 29 ያሳይ ባ ኢሙዋኒኔ ባ ፃሳን ቂሮቲና።
 30 ሂንቲ እይሁዳ ጊደናይሳቲ ካሴ ያሳሰ ከቲቲቤኬታ። ሺን ሃዲ እይሁዳቲ ከቲቶና ኢዲን፡ ሂንቲ ያሳ ማርቲላ ኤኪዳታ።
 31 ሃሳዳካ፡ ሂንቲ ኤኪዳ ማርቲላ እይሁዳቲ ኤካና ማላ ሃዲ ያሳሰ ከቲቶና ኢዲደሶና።
 32 ያሳይ ኣሳ ኡባ ባ ማርቲላ ቤሳናው ኮዩዲ፡ ኣሲ ኡባይ ከቲቶና ኢፃና ማላ ኦሊሰ።
 33 ያሳ ዲሬቲላ፡ ጨንጫቲላኔ ኤራቲላ ኣኬኪዲ ኦዳናይ ኦኔ? ኢያ ፒርዳይ ፒልጌቲና፡ ኢያ ኦኔይ ኤሬቲና።
 34 ጌሻ ማፃፋን፡
 «ጎዳ ቆፋ ኤሬይ ኦኔ?
 ኢያ ዘራናው ዳንዳዔይ ኦኔ?»
 35 ያሳሰ ታልዔይኔ
 ታልዔያ ዘራዲ ኤኬይ ኦኔ?»
 ያጌሰ።
 36 ኡባ ኢ ማዲሰ፤ ኡባይ ኢያን ዳዔሰ፤ ኡባይ ኢያ ቦንቸሳ። ያሳሰ ማሪናው ቦንቸይ ጊደ።
 ኣሚንዲ።

12

ኪሪሰቶሳን ኦራላ ዳዖ
 1 ሂዛ፡ ታ ኢሻቶ፡ ሂንቲ፡ ሂንቲ ኣሳቲላ ያሳ ኡፋይሲያ፡ ዳዖኔ ጌሻ ያርሾ ኦሊዲ፡ ኢማና ማላ ታኒ ሂንቲና ያሳ ማርቲላን ዋሳይሰ። ያሳ ሂንቲ ጎይናናው ቤሲያ ቲማ ኦኔይ ሃሳ።
 2 ሎዖ፡ ኡፋይሲይሳኔ ፖሎ ጊዲዳ ያሳ ሸኒያ ሂንቲ ሻኪ ኤራናው ሂንቲ ቆፋን ላማቲቲ፤ ኣቲን ሃ ኣላሚያ ዳናፒቲ።
 3 ያሳይ ሂንቲ ኢሱዋሰ ኢሱዋሰ ኢሚዳ ኣማኑዋ ማላ ዋዛናማ ኣሳዳ ቆፒቲ። ቆፓናው ቤሴይሳፊ ኣሊዲ ሂንቲና ዲማዩዲ፡ ኦቶርን ቆፖሬቲ ጋዳ ታው ኢማቲዳ ኣጼ ኬሃቲላን ሂንቲው ኦዳይሰ።
 4 ኦ ኢሲ ኣሳቲላ ጊደን ዲማ ዲማ ከፊሊቲ ዳዖሶና፤ ሄ ዲማ ዲማ ከፊሊታሰ ዲማ ዲማ ኦሶይ ዳዔሰ።
 5 ሃሳዳ፡ ኦኒ ዳር ኣሲ ጊዲኮካ ኪሪሰቶሳን ኢሲ ኣሳቲላ ጊዲዳ፡ ኦኒ ኢሲ ኣሳቲላ ጊዲዲ ዲማ ዲማ ከፊሊቲ ኢሶይ ኢሱዋራ ኦይኬቲዳ።
 6 ኦሰ ኢማቲዳ ኣጼ ኬሃቲላን ዲማ ዲማ ኢሞታቲ ዳዖሶና። ኦ ኢሞይ ቲንቢት ኦዶ ጊዲኮ፡ ኦሰ ዳዲያ ኣማኑዋ ማላ ኦዳናው ቤሴሰ።
 7 ኦ ኢሞይ ሃራታ ማዳ ጊዲኮ፡ ሄ ኦሱዋን ሚናናው ቤሴሰ፤ ታማርሶ ጊዲኮ፡ ሄ ታማርሱዋን ሚናናው ቤሴሰ።
 8 ኦ ኢሞይ ሃራታ ሚንሱሶ ጊዲኮ፡ ሚኒዲ ሚንሱሶናው ቤሴሰ። ኦ ኢሞይ ኦሰ ዳዲያባፒ ሃራታሰ ኢሞ ጊዲኮ፡ ዋዛናፒ ኢማናው ቤሴሰ። ኦ ኢሞይ ኣይሶ ጊዲኮ፡ ሚኒዲ ኣይሳናው ቤሴሰ።

ኦ ኢሞይ ሃራታሰ ኬሆ ጊዲኮ፡ ኡፋይሳን ኬሃናው ቤሴሰ።
 9 ሂንቲ ሲቆይ ቆጴፔ ቆሞን ጊዳናው ቤሴና። ኢታባ ኢዲቲ፤ ሎዖባ ሚንሱዲ ኦይኪቲ።
 10 ኢሶይ ኢሱዋራ ኢሻዳ ሲቲቲ፤ ኢሶይ ኢሱዋ ቦንቸቲ።
 11 ኣዛሎሬቲ፤ ሂንቲ ኣያናን ሚኒዲ ጎዳሰ ኦሊቲ።
 12 ያሳይ ኢሚዳ ኡፋይሳን ኡፋይቲቲ፤ ማቲዋ ዳንዳዒቲ፤ ኡባ ዋዳ ያሳ ዋሲቲ።
 13 ኣማኒያ ጌሻታ ኮሺያባን ማዲቲ፤ ኢማሳታ ሞኪቲ።
 14 ሂንቲና ጎይይሳታ ኣንጂቲ፤ ኣንጂቲ፤ ኣቲን ባደሬቲ።
 15 ኡፋይቲሳታራ ኡፋይቲቲ፤ ዩኬይሳታራ ዩኪቲ።
 16 ኢሶይ ኢሱዋራ ኢሲ ቆፋን ዳዲቲ። ኦቶር ቆፋ ኣጊዲ፡ ሂንቲና ካዉሺዲ፡ ካዉሻ ኦሶ ኦሊቲ። ሂንቲ ሂንቲና ጨንጫ ጊዲ ቆፖሬቲ።
 17 ኦኒካ ሂንቲው ኢታባ ኦሊኮ፡ ሄ ኡራሰ ኢታ ዛርፒቲ። ኣሳ ኡባ ሲንሳን ናሺሲያ ሎዖ ኦሶ ኦሊቲ።
 18 ኣሳ ኡባራ ሳርን ዳናው ሂንቲው ዳንዳዒቲያ ኡባ ኦሊቲ።
 19 ታ ኢሻቶ፡ ሂንቲ፡ ሂንቲ ሁዔን ኣሳሰ ሃሎ ኬዮፒቲ። ያሳይ ሃሎ ኬያና ማላ ኢያው ኣጋጊቲ። ጌሻ ማፃፋን፡
 «ታኒ ሃሎ ኬያና፤
 ታኒ ኮሼ ዛራና»
 ያጌሰ ጎዳይ፡ ጌቲቲዲ ፃፊቲሰ።
 20 ሺን ጌሻ ማፃፋን፡
 «ኔ ሞርኬይ ኮሻቲኮ ሙዛ፤
 ኢ ሳሞቲኮ ኡሻ።
 ኔኒ ሃሳ ኦሊኮ ኢያ ሁዔን
 ዩላ ታማ ቦንቆ ቆላሳ»
 ጌቲቲዲ ፃፊቲሰ።
 21 ኢታ ሎዖን ያናፒ ኣቲን ኢታን ያኔቶፋ።

13

ዳሪያ ኣይሴይሳታሰ ከቲቲላ
 1 ያሳ ሸኔ ጊደናሺን ማቲ ኢማቶና ጊሾኔ ሃዲ ዳዲያ ሹማቲካ ያሳ ሸኔን ሹማቲዳ ጊሾ ኣሲ ኡባይ ዳሪያ ኣይሴይሳታሰ ከቲታናው ቤሴሰ።
 2 ሃሳ ጊሾ፡ ማታራ ዳዔይሳታሰ ከቲቶና ኢዲያ ኦኒካ ያሳ ከታ ኢዳሰ። ከቲቶና ኢዲያ ኦኒካ ባ ቦላ ፒርዳ ኤሃሰ።
 3 ኣይሴይሳቲ ኢታ ኦሊይሳታ፤ ኣቲን ሎዖ ኦሊይሳታ ያሾኮና። ኣይሴይሳታሰ ያዮና ኣጋናው ኮያይ? ያኮ ሎዖ ኦላ፤ ኤንቲ ኔና ጋላታና።
 4 ኤንቲ ኔው ሎዖባ ኦላናው ሹማቲዳ ያሳ ኣይሴ። ሺን ኔኒ ኢታባ ኦሊኮ፡ ኤንቲ ኢታባ ኦሊዲይሳ ሴሪያ ጊሾ ኢያው ያያ። ኤንቲ ኢታ ኦሊይሳታ ሴሪዲ፡ ያሳ ሃንቁዋ ቆንጨሲያ ያሳ ኣይሴ።

11:33 ኢሳ 55:8 11:34 ኢሳ 40:13 11:35 ኢዮ 41:11 11:36 1ቆር 8:6 12:4 1ቆር 12:12 12:6 1ቆር 12:4-11 12:14 ማቶ 5:44፤ ሉቃ 6:28 12:16 ለሚ 3:7 12:19 ዛሬ 32:35 12:20 ለሚ 25:21

5 ሄሳ ገሸ፣ ያሳ ሃንቁዋ ፃላላሰ ገደናሽን ሃንቴ ካሃይ ማርካቲያ ገሾ ዴሪያ አይሴይሳታሰ ከቲታናው ቤሴሰ።

6 ሃንቴ ገራ ገሪይካ ሄሳሳ። ዴሪያ አይሴይሳቲ ሄ ኦሱዋ ኦሴይ፣ ኤንቴ ያሳ አይሴታ ገዲዳ ገሸሳ።

7 ኢሱዋሰ ኢሱዋሰ ቤሴይሳ አሚቴ። ገራ ገራናው ቤሴይሳሰ ገሪቴ፤ ቃራፃ ቃንፃናው ቤሴይሳሰ ቃራፃ ቃንፃቴ፤ ያያናው ቤሴይሳሰ ያዩቴ፤ ቦንቾይ ቤሴይሳ ቦንቾቴ።

ሲቄቴቴ

8 ኢሶይ ኢሱዋራ ሲቄቴቴ። ሲቆ አጮፔ አቲን ሃንቴ ቦላ ሃራ አጮይ ደፖ። አሴ ሲቄያ ኦኒካ ሂጌ ጌይሳ ፖሊሰ።

9 «ላሞፋ፤ ዋጶፓ፤ ካይሶቶፓ፤ አሞቶፋ» ገያ ከታይኔ ሃራ ከታ ኡባይ፣ «አሴ ኔ ሁዔዳ ደሳ» ገያ ከታን ቃሽቴሰ።

10 አሴ ሲቄያ ኦኒካ ኢያ ቦላ ኢታባ ኦሴና። ሄሳ ገሸ፣ አሴ ሲቄይሴ ሂጌ ከታ ፖሊሰ።

11 ጳሰኮፊ ሃንቴ ባርኪያ ዋዴይ ሃራ ገዴይሳ አኬኪዲ ሄሳ ኦሴቴ። ኦ አታና ዋዴይ ኮይሮ ኦ አማኒዳ ዋዴያፔ ሃራ ኦኮ ማቲሰ።

12 ጳማ ዋዴይ አቆናው ሃኔሰ፤ ዋንታይ ማቲሰ። ሂዛ፣ ኦኒ ጳማ ኦሶ አገዲ ፖፖ ኦላ ሚሼ ኦይሶሰ።

13 አኔ ጋላሰ ፖፖን ዴሪያ አሳዳ ማራን ዴሶሰ። ማሶኒኔ ላይማቴላራ ጋሂቴያ ዲማ ዲማ ቱና ኦሶታን፣ * ፓላማኒኔ ቃናቴን ገደፖ።

14 ጎዳ ዬሱሰ ከሪሰቶሳ ካንዲዋ ማራቴ፤ ሃንቴ ናጋራንቾ አሳቴላይ ባ አሙዋ ፖላና ማላ ኢያው ቆፖሬቴ።

14

አሳ ቦላ ፐርዶሬቴ

1 አማኖን ዲቡሪዳ ኦናካ ሸሸ ኤኪቴፔ አቲን ኢያ ቆፋ ቦላ ፐርዶሬቴ።

2 ለሚሶሰ፣ አማኖን ሚኒዳ ኢሲ አሲ አይ ካላካ ማናው ዳንዳዔሰ። ሸን አማኖን ዲቡሪያ አሲ አታኪልቴ ፃላላ ማሰ።

3 ኡባባ ሚያ አሲ ሞና ኡራ ካጶ። ኡባባ ሞና አሲ ሚያ ኡራ ቦላ ፐርዶሬቴ። ያሳይ ኡባ ሚያ ኡራ ሸሸ ኤኪሰ።

4 ሃራ አሳ አይሴ ቦላ ፐርዶይ ኔኒ ኦኔ? ኢ ዲቡሪን ዋይኮ ሚኒን ባ ጎዳሳ። ጎዳይ ኢያ ኤሳናው ዳንዳዔያ ገሾ ኢ ሚኒዲ ኤቃና።

5 ቃሲ «ኢሲ ጋላሳይ ሃራ ጋላሳፔ አጴሰ» ያገዲ ቆፐያ አሲ ዴዔሰ። ሃራይ ቃሲ፣ «ጋላሳቲ ኡባይ ኢሲ ማላ» ገዲ ቆፐሰ። ሸን ኢሶይ ኢሶይ ባ ቆፋ አኬኪዲ ቃቾ።

6 ኢሲ ጋላሳ ሃራ ጋላሳታፔ አላዲ ቦንቾያ ኦኒካ ጎዳ ቦንቾሰ ገዲ ኦሴሰ። ኡባ ካላ ሚያ አሲ ጎዳ ቦንቾሰ ገዲ ሚሰ። ኢ ሚያ ሃ ካላ ገሾ ያሳ ጋላቴሰ። ኡባ ካላ ሞና አሲ ጎዳ ቦንቾሰ ሞና አኔሰ፤ ቃሲ ሞና አጎን ያሳ ጋላቴሰ።

7 ኦፔ ኦኒካ ባው ዴና፤ ቃሲ ኦ ገደፊ ኦኒካ ባው ሃይቄና።

8 ኦ ዴፖን ዴሪኮ ጎዳሰ ዴሶሰ፤ ቃሲ ሃይቄኮካ ጎዳሰ ሃይቆሰ። ሂዛ፣ ኦ ዴፖን ዴሪን ዋይኮ ሃይቄን ጎዳሳ።

9 ከሪሰቶሲ ሃይቄዲ ሃይቆፔ ዴንዲዳይ፣ ዴፖን ዴሪይሳታሲኔ ሃይቄዳይሳታሰ ጎዳ ገዲናሳ።

10 ያቲን፣ ኔኒ ኔ አሻ ቦላ አይሰ ፐርዶይ? ዋይኮ ኔኒ ኔ አሻ አይሰ ካቆይ? ኦኒ ኡባይ ያሳ ፐርዶ አራታ ሰንላን ኤቃና።

11 ገሻ ማፃፋን ጎዳይ፣ «ታኒ ዴፖን ዴሪይሰ፤ አሳ ኡባይ ታ ሰንላን ፑልባታና፤ ታኒ ያሴ ገዴይሳ ማርካታና» ያገጌሰ።

12 ሂዛ፣ ኦ አላዲባሰ ኦ ሁዔን ሁዔን ያሳ ሰንላን ሸቄዲ ዛሮ አማና።

ሃራ አሲ ጳቤሶፋ

13 ሄሳ ገሸ፣ ኦኒ ኢሶይ ኢሱዋ ቦላ ፐርዶይሳ አጎሰ። ሸን ሃንቴ አሻ ጳብሲዲ ዋይኮ ቃፂዲ ናጋራን ጌልሲያባ አሶናዳ ናፔቴቴ።

14 ጎዳ ዬሱሳ አማኒያ አሳዳ፣ ባ ሁዔን ቱና ገዲዳ ካላ ባይናይሳ ታኒ ጌሻዳ ኤራይሰ። ሸን ኢሲ አሲ ኢሲባ ቱና ገዲ ቆፐኮ ሄሲ ኢያው ቱና ገዴሰ።

15 ኔ ሚያ ካላ ገሾ ኔ አሻ ጳቤሶባ ገዲኮ፣ ከሪሰቶሳን ዴሪያ ኔ አሻ ሲቃካ። ከሪሰቶሲ ኢያ ገሾ ሃይቄዳ ኡራ ኔ ሚያ ካላን ኢያ አያና ዴቡዋ ቆይሶፋ።

16 ሂዛ፣ ሃንቴው ዴሪያ ላዓቴላ ሃራቴ ቦራና ማላ አሶፊቴ።

17 ያሳ ካዋቴላይ ጌሻ አያናን ቤንቲያ ፂሎቴላ፣ ሳርቴላኔ ቱማ ኡፋይሲፊ አቲን ሙሳባኔ ኡሻባ ገዴና።

18 ሄሳዳ ከሪሰቶሳሰ ኦላያ አሲ ያሳ ኡፋይሴሰ፤ አሳንካ አንጃቴሰ።

19 ሄሳ ገሸ፣ አኔ ኦኒ ሳርቴላ ቤንቲያ ኦገያኔ ኢሱዋ ኢሱዋ አማኖን ሚንላያ ኦገያ ኮኖሰ።

20 ካላ ገሾ ጋዳ ያሳ ኦሱዋ ቆይሶሶፋ። ኡባ ካላ ሚቴቴሰ፣ ሸን ሃራ አሲ ናጋራን ጳብሲያ ካላ ሙሲ ኢታ።

21 ኔ አሻይ ጳቤቶና ማላ አሾ ሞና ዋይኮ ኡሹ ኡዮና ዋይኮ ኔ አሻ ጳቤሶ ሃራባ ኦሶና አጎይ ሎዮ።

22 ሂዛ፣ ሃ ኔ አማኑዋ ኔ ገደኒኔ ኔ ያሳ ገደን ናጋ። ሊኬ ገዲ ቆፐዳባ ኦላያ ዋዴ ኢያ ካሃይ ሞቶና ኡራይ አንጃቴዳይሳ።

23 ሸን ሲጳሼ ሚያ ኡራሰ ኢያ ሙሳይ አማኖን ገደና ገሾ ፐርዶቴሰ። አማኖይ ባይና ኦሴቴዳ ኦሶ ኡባይ ናጋራ።

15

ሃራታ ኡፋይሳናው ቤሴሰ

13:6 ማቶ 22:21፤ ማር 12:17፤ ሉቃ 20:25 13:9 ኬሳ 20:13-17፤ ዛሬ 5:17-19፤ ሉቁ 19:18 * 13:13 ላይማቴላራ ጋሂቴያ ዲማ ዲማ ቱና ኦሶታን፣ ዋይኮ ዬላን፣ ማላን፣ ላይማቶን፣ ቃይጸን ገደፖ ገዲ ቢላናው ዳንዳዔሰ። ላይማቴላራ ጋሂቴያ ዲማ ዲማ ቱና ኦሶቲ አሲ ያሳ ሃርፔ ካሬ ከዲዲ ደዳ ካንደ ኤኪዲ ፖሊያ ኦሶ ጉሱ። 14:1 ቆላ 2:16 14:10 2ቆር 5:10 14:11 አሳ 45:23

1 ኑኒ አማኖን ሚኒዳይሳቲ ዳቡራንቸታ ቶሁዋ ቶካናው ቤሴስ። ኑኒ ኑና ኡፋይሳናው ቤሴስ።

2 ኑኒ ኑ ኢሻ አማኖን ሚንገፋናው ኢያ ማዳናው ኡፋይሳናው ቤሴስ።

3 ከሪስቶሲ ባና ኡፋይሲቤና። ሺን ጌሻ ማፃፋን፣ «አሳይ ነና ጫደዳ ጫሻይ ታና ጋኪስ» ጌቲቲ ፃፊቲዳይሳዳ ሃኒስ።

4 ጌሻ ማፃፋይ ኢሚያ ጌንጫኒኒ ሚንጫቱን ኑ ኡፋይሳ ኤካና ሚላ ጌሻ ማፃፋን ፃፊቲዳ ኡባይ ኑና ታማርሳናው ፃፊቲስ።

5 ጌንጫኔ ሚኖቴሌ ኢሚያ ጎዳይ ሂንቴ ከሪስቶሲ ዩሱፋ ካሊያ ዋዴ ኢሲፊቴሌ ሂንቴው ኢሞ።

6 ሄሲካ፣ ኑ ጎዳ ዩሱስ ከሪስቶሳ አዋ፣ ያሳ፣ ኢሲ ዋዳናኒኒ ኢሲ ቃላን ሂንቴ ቦንቻና ሚላሳ።

ዋንጌላይ አሳ ኡባሳ

7 ከሪስቶሲ ሂንቴና ኤኪዳይሳዳ ያሳ ቦንቻስ ኢሶይ ኢሱዋ ኤኪቲ።

8 ያሳይ ቤኒ አዋታስ ኢሚዳ ኡፋይሳይ ፖሌታና ሚላኔ ኢያ ተማቴላይ ኤሬታና ሚላ ከሪስቶሲ አይሁዳታ አይሌ ጊዲዲ ዩዳይሳ ታ ሂንቴው ኦዳይስ።

9 ከሪስቶሲ አይሁዳታ አይሌ ጊዲዳ ሃራ ጋሶይ ቃሲ አይሁዳ ጊደና አሳቲ ያሳ ኢያ ማሮቴላ ጊሾ ጋላታና ሚላሳ። ጌሻ ማፃፋን፣ «ታ ኑና አይሁዳ ጊደና አሳ ጊደን ጋላታና፤ ኔ ሱንጎሳ ሳባና» ጌቲቲዲ ፃፊቲዳይሳዳ ሃኒስ።

10 ቃሲ፣ «አይሁዳ ጊደና አሳው፣ ያሳ ዴሪያራ ኡፋይቲቲ» ያጌቲስ።

11 ቃሲ ዛሪዲ፣ «አይሁዳ ጊደና አሳው፣ ጎዳ ጋላቲቲ፣ ካዋቴላ ኡባይ ኢያ ሳቢቲ» ያጌቲስ።

12 ሃሳዳ ኢሳያሲ፣ «ኢሴዬ ዛሬ፤ ዩሌቲያ ኢሶይ ያና፤ ኢ ካዋቴላ ኡባ ሃራና። ኤንቴ ባንታ ኡፋይሳ ኢያ ቦላ ዋላና» ያጌስ።

13 ጌሻ አያና ዋልቃን ሂንቴ ዲጫና ሚላ ኡፋይሲ ኢሚያ ያሳይ፣ ሂንቴ አማኑዋ ጋሶን ሂንቴው ኡፋይሲኔ ሳርቴሌ ኩሚሌ ኢሞ።

ጳውሎሲ ፃፊዳ ጋሱዋ

14 ታ ኢሻቶ፣ ሂንቴናን ሎዎቴሌኔ ኤራቴሌ ኩሚዳይሳ ቃሲ ኢሶይ ኢሱዋ ዘራናው ዳንዳዔይሳ ታ ጌሻዳ ኤራይስ።

15 ታኒ ሂንቴና ኢሲ ኢሲባ ጉጃ አኬኪሳናው ኮያዳ ያዮና ሃ ዳብዳቢያ ሂንቴው ፃፋስ።

16 ታኒ ከሪስቶሲ ዩሱፋ አይሌ ጊዳዳ፣ አይሁዳ ጊደና አሳስ ካሂኔዳ ኦላዳ፣ ዋንጌላ ኦዳና ሚላ ያሳይ ታው አጼ ኬሃቴላ ኢሚስ። አይሁዳ ጊደና አሳይ ጌሻ አያናን ጌዱዲ፣ ያሳ ኡፋይሲያ ያርሾ ጊደና ሚላ ያሳይ ሃሳ ኦሌስ።

17 ታኒ ከሪስቶሲ ዩሱፋን ጊዳዳ ያሳስ ኦሌያ ኦሱዋን ጨቁታይስ።

18 አይሁዳ ጊደና አሳይ ያሳስ ኪቲታናዳ፣ ከሪስቶሲ ታ ቃላኔ ታ ኦሱዋ ባጋራ ኦሌዳ ኦሱዋ፤ አቲን ሃሪ ታ ጨቁቲያባይ ባዋ።

19 ያሳይ ሃሳ ማላታኒኔ ጌሻ አያና ዋልቃን ዋቲ ኦሌዳኮ ታ ሂንቴው ኦዳና። ታኒ ዩራሳላሚ፤ ደማዳ፣ ኢሊዋርቆኔ ጋካናው ከሪስቶሳ ዋንጌላ ሳባካስ።

20 ታኒ ሃራ አሲ ባሲዳ ቤሳን ኬፃናው ኮዩኬ። ከሪስቶሳ ሱንጎሳይ ጃጌቲቦና ቤሳን ዋንጌላ ኦዳናው አዋታይስ።

21 ጌሻ ማፃፋን፣ «ኢያባይ ኦዳቲቦና አሳቲ ኢያ ቤዓና፤ ኢያባ ሲዒቦና አሳቲ አኬካና» ጌቲቲዲ ፃፊቲስ።

ጳውሎሲ ሮሜ ባናው ቆፒስ

22 ሃሳ ጋሶን፣ ታኒ ሂንቴኮ ያናው ዳንዳዒቤኔ።

23 ሺን ታኒ ሃዒ ሃ ሃራን ታ ኦሱዋ ኦንጊዳ ጊሾኔ ዳር ላይላፊ ደማዳ ሂንቴና ቤዓናው ላሞቲዳ ጊሾ

24 ታኒ ኢሰፔኔ ባሼ ሂንቴና ቤዓናው ቆፓስ። ቃሲ ጉላ ዋዴ ሂንቴራ ኡፋይቲዳ፤ ጉዬ ኢሰፔኔ ቢያ ዋዴ ሂንቴ ታ ኦሊያስ ታና ማዳና ሚላ ኮያይስ።

25 ሺን ሃዒ ታኒ ያሳ አሳታ ማዳናው ዩራሳላሚ ባይስ።

26 ማቁደኒያኔ አካያን ዴዒያ ያሳ አሳቲ፣ ዩራሳላሚን ዴዒያ ማንቆታ ሚሼን ማዳናው ኮዩዳ ጊሾሳ።

27 ኤንቴ ማንቆታ ማዳናይሲ ኤንታው አቶናባ ጊዲዳ ጊሾ ባንታ ሁዔን ሃሳ ኦላናው ቆፋ ቃቺደሶና። አይሁዳቲ አይሁዳ ጊደናይሳታራ አያና አንጂዋ ሻኬቲኮ፣ ኤንቴ ቃሲ ባንታው ዴዒያባን አይሁዳታ ማዳናው ቤሴስ።

28 ሃሳ ጊሾ፣ ታኒ ሄ ሸቁዳ ሚሺያ ኤንታው ኢሚዳ፤ ጉዬ ኢሰፔኔ ባሼ ሂንቴ ማታራ አፋና።

29 ታኒ ሂንቴኮ ቢያ ዋዴ ከሪስቶሳ አንጂዋን ኩማዳ ባናይሳ ኤራይስ።

30 ታ ኢሻቶ፣ ታው ያሳ ዋሲሼ ታ ባዲያን ታራ ኤቃና ሚላ ጎዳ ዩሱስ ከሪስቶሳኒኔ ጌሻ አያና ሲቁዋን ሂንቴና ዋሳይስ።

31 ያሳይ ታና ዩሱዳን ዴዒያ አማኖና አሳታ፤ አሻናዳኔ ዩራሳላሚን ታ ኦላና ኦሶይ ያሳ አሳታ ማታን ኤኬታና ሚላ ታው ዋሲቲ።

32 ቃሲ ያሲ ጊኮ፣ ታኒ ሂንቴኮ ባዳ ኡፋይሳን ሂንቴራ ሸምፓና ሚላ ታው ዋሲቲ።

33 ሳርቴላ ያሳይ ሂንቴ ኡባራ ጊደ። አሚንዒ።

16

ሳርሶ

1 ከንኪሪያ ካታማን ዴዒያ ዋሳ ኬላን ኦሌያ ኑ ሚቺያ ፊባ ሎዎ ማጫስ ጊዳይሳ ሂንቴ ኤራና ሚላ ኮያይስ።

2 ሂንቴ ኢዮ አማኒያ አሳቲ ጎዳ ሱንጎን ሞካናው ቤሲያ አማኒያ አሳታፔ ኢሱዋዳ ሞከቱ። ኢያ ሂንቴፌ ኮያባ ኡባ ኢዮ ማዲቱ። ኢያ ባ ሁዔን ዳሮ አሳ ማዳሱ፤ ቃሲ ታና ታ ሁዔንካ ዳሮ ማዳሱ።

3 ኪሪሰቶስ ዩሱሳ ኦሱዋ ታራ ኢሲፌ ኦሌያ ጲሪሰቁላኔ አቁላ ሳሮ ጊቱ።

4 ኤንቲ ታ ጊሾ ባንታ ሸምፑዋ አላ ኢሚደሶና። ታ ዓላላ ጊደናሺን አይሁዳ ጊደና አሳ ዋሳ ከላ ኡባይ ኤንታ ጋላቴስ።

5 ኤንታ ሶን ሸቂያ አማኒያ አሳ ሳሮ ጊቱ።

ኢሲያ ቤታን ኪሪሰቶሳ ኮይሮ አማኒዳ፣ ታ ደሲያ ኤጳኔያሳስ ታ ሳሮሱዋ ኦዲቱ።

6 ሂንቴ ጊሾ ኦሶን ዳሮ ዳቡሪዳ ማይራዋ ሳሮ ጊቱ።

7 ታራ ቃሾ ከላን አላዳ ታ አይሁዳ ላጌታ አንዲርኒቆሳኔ ዩኒያሳ ሳሮ ጊቱ። ኤንቲ ዩሱሳ ሃዋሪታ ጊደን ኤሬቲዳይሳታ። ቃሲ ኤንቲ ኪሪሰቶሳ ታፔ ሲንጮ አማኒደሶና።

8 ጎዳን አማኒያ ታ ሲቆ ላጊያ፣ አምጺሊያያሳ ሳሮ ጊቱ።

9 ኪሪሰቶሳ ኦሱዋ ኑራ ኢሲፌ ኦሌያ ኡርባናሴኔ ታ ደሲያ ኢሰታኩሳ ሳሮ ጊቱ።

10 ኪሪሰቶሳን አማንሊያ አይሊያ አጳሊሳስ ታ ሳሮሱዋ ኦዲቱ። አርሰያቡሎሳ ሶ አሳስ ታ ሳሮሱዋ ኦዲቱ።

11 ታ አይሁዳ ላጊያ ሄሮዲዮና ሳሮ ጊቱ።

ናርሲሳኔ ኢያ ሶ አሳፔ ኪሪሰቶሳ አማኒዳይሳታ ሳሮ ጊቱ።

12 ጎዳ ኦሱዋን ዳቡሪያ ቲሩፋይናኔ ቲሩፎሳ ሳሮ ጊቱ። ቃሲ ጎዳስ ዳሮ ዳቡራዳ ኦሌያ፣ ታ ደሲያ ጳርሲሶ ሳሮ ጊቱ።

13 ጎዳ ኦሱዋን ዳሮ ኤሬቲዳ ሩፎሳሲኔ ታና ባ ናዳዳ ቤዒያ ኢያ አይሰ ታ ሳሮሱዋ ኦዲቱ።

14 አሲኒኪርቶሳስ፣ ፊሌጎናስ፣ ሄሮሜሳስ፣ ፓቲርባሳሲኔ ኤንታራ ዳዒያ አማኒያ ኢሻታ ኡባስ ታ ሳሮሱዋ ኦዲቱ።

15 ፊሎሎጉሳ፣ ዩሊያ፣ ኔሪያ፣ ኢያ ሚቺው፣ ኦሎምፖሳኔ ኤንታራ ዳዒያ አማኒያ አሳ ኡባ ሳሮ ጊቱ።

16 ጌሻ ዩሬቴላ ዩሬቲሼ፣ ኢሶይ ኢሱዋ ሳሮሊቴ። ኪሪሰቶሳ ዋሳ ከላ ኡባይ ሂንቴና ሳሮ ያጎሶና።

ወርሴላ ዞሪ

17 ታ ኢሻቶ፣ ሂንቴ ታማሪዳ ቲሚርቲያ ኢዲዲ፣ ሂንቴ ጊደን ሻኬቴላኔ ሜቶ ሜዲያ አሳታፔ ናጌቲቱ። ኤንታፌ ሃከቱ።

18 ሄሳ ሜላ አሳቲ ባንታው ኦሶሶናፔ አቲን ኑ ጎዳ ኪሪሰቶሳስ ኦሶኮና። ባንታ ማልዒያ ደናኒኔ ሳጳሊያ ቃላን አይኮ ኤሮና አሳ ዋዛና ባሌሶሶና።

19 ዋንጌላስ ሂንቴ ከቲቲዳይሳ አሳ ኡባይ ሲዒዳይሲ ታና ኡፋይሴስ። ሺን ሂንቴ ሎያባ ኤራና ሚላኔ ኢታባፔ ሃካና ሜላ ታ ኮያይሰ።

20 ሳሮቴላ ያሳይ ያላሂያ ሂንቴ ቶሁዋፔ ጋርሳን ጋጪ ዩጋና።

ኑ ጎዳ ዩሱሰ ኪሪሰቶሳ አጼ ከሃቴላይ ሂንቴራ ጊደ።

21 ታራ ኦሌያ ዲሞቲዮሲ ሂንቴና ሳሮ ያጌሰ። ሄሳዳካ፣ ታ ዳቦቲ ሉቁዮሲ፣ ያሶኒኔ ሶስጳዒሮሲ ሂንቴና ሳሮ ያጎሶና።

22 ሃ ዲብዳቢያ ጳውሎሳስ ያፊዳ ታኒ፣ ያርዲዮሲ፣ ሂንቴና ጎዳ ሱንጎን ሳሮ ያጋይሰ።

23 ታና ሞኪዳይኔ ዋሳ ከላ ኡባይ ኢያ ሶን ሸቂያ ጋዮሲ፣ ሂንቴና ሳሮ ያጌሰ። ካታማ ሚሺያ ኦይኪያ ኤራሰያሲኔ ኑ ኢሻ ቃርያሲ ሂንቴና ሳሮ ያጎሶና። [

24 ኑ ጎዳ ዩሱሰ ኪሪሰቶሳ አጼ ከሃቴላይ ሂንቴ ኡባራ ጊደ። አሚንዒ።] *

25 ያሳስ ጋላቲ ጊደ። ታኒ፣ ዩሱሰ ኪሪሰቶሳባ ኦዲያ ዋንጌላ ቃላኒኔ ዳሮ ዋዴፔ ቆሴቲዲ ጋምዒዳ ቲማቴላን፣ ያሳይ ሂንቴና አማኖን ሚንሊዲ ኤሳናው ዳንዳዔስ።

26 ሺን ሃዒ ሄ ቲማይ ቆንጨሰ። ካዋቴላ ኡባይ አማኒዲ ከቲታና ሜላ ሜሪና ያሳ ኪታን ናቤቲ ሄ ቲማባ ያፊደሶና።

27 ዩሱሰ ኪሪሰቶሳ ባጋራ ጨንጫቴላ ኢያ ያላላስ ዳዒያ፣ ኢሲ ያሳስ ሜሪናው ቦንቺይ ጊደ። አሚንዒ።

16:3 ሃ.ኦ 18:2 16:13 ማር 15:21 16:21 ሃ.ኦ 16:1 16:23 ሃ.ኦ 19:29፤ 1ቆር 1:14፤ 2ጊሞ 4:20 * 16:24 በኒ ኮይሮ ማፃፋታን ፓይዶ 24 ዳና።

ጳውሎስ ቆርንቶሳ አሳስ ፃፊዳ ኮይር ኪታ ጋሳ ቆፋ

ጳውሎስ ቆርንቶሳ አሳስ ፃፊዳ ኮይር ኪታይ ፃፊቲዳይ፡ ጳውሎስ ቆርንቶሳን ኤሲዳ ዎሳ ኬላን አማኒያ አሳ ዳዎኒኔ አማኖ ቦላ ዳንዲዳ ሜቱዎስ ዘር አማኖ፡፡ ሄ ዎዴ ቆርንቶሳ ካታማይ ቢታን ዳዒያ ዳማ ዳማ አሳይ ዳዒያ ገሪኬ ካታማኔ አካያ ገያ ርሜ አውራጃስ ዋና ካታማ፡፡ ሄ ካታማይ ዘልዒን ኤሬቲዳ፡ ዎጋን ሚኒዳ፡ ዳማ ዳማ ኢታ ዳዎን ዳልገዳይሳኔ ሃይማኖቱ ዳርቲላን ኤሬቲዳይሳ፡፡

ሃዋሬይ ሚንሱዳ ኦዳናው ኮዩዳይ፡ ሄ ዎሳ ኬላ ገደን ሜዴቲዳ ሻሆቴላባ፡ ዳማ ዳማ ኢታ ዳዎባ፡ ላይማቴላባ፡ ኤኮ ጌሎባ፡ ዎሳ ኬላ ዎጋባ፡ ጌሻ አያና አሞታታባኔ ሃይቆቴ ዳንደባ፡፡ ዎንጌላይ ሃ ኮይሻታ ዋቲ ዘሪያኮ ሃዋሬይ ናጊዳ ኦዳስ፡፡

ሲቆይ ያሳይ ባ አሳስ አሚዳ አቶ አሞታ ገዳይሳ ሸምፖ ታማኔ ሄሻይ ቆንጨሴስ፤ ቃሲ ሸምፖ ታማኔ ሄሻይ ሃ ማፃፋን ዳር ኤሬቲዳ ኪፊሌ ጌቲቲዳ ኤሬቲስ፡፡

1 ቆርንቶሳ ኪታ ኣይፌ ቆፋታ

- ጌሎ ቆፋ 1:1-9
- አማኒያ አሳ ገደን ሜዴቲዳ ሻሃቴላ 1:9-4:21
- ላይማቴላኔ ሶ አሳ ዳዎ ዎጋ 5:1-7:40
- አማኒያ አሳኔ አማኖና አሳ 8:1-11:1
- ዎሳ ኬላኔ ጎይኖ ዎጋ 11:2-14:40
- ኪሪስቶሳ ዳንዲዎኔ አማኒያ አሳ ዳንዲዎ 15:1-58
- ዩሁዳን ዳዒያ ማቶቴቲዳ አማኒያ አሳስ ማዶ 16:1-4
- ኩሻ ቆፋ 16:5-24

1 ዎሳ ሸኒያን ዩሱስ ኪሪስቶሳ ሃዋሬ ገዳናው ጻጌቲዳ ጳውሎስኔ፡ ኑ አሻ ሶስቲኒሲ፡፡

2 ቆርንቶሳን ዳዒያ ዎሳ ዎሳ ኬላስ፡ ዩሱስ ኪሪስቶሳን ጌዩዳይሳታሲኔ ጌሺ ገዳና ሜላ ጻጌቲዳይሳታሲ፤ ቃሲ ኤንታሲኔ ኑስ ጎዳ ገዲያ ኑ ጎዳ ዩሱስ ኪሪስቶሳ ሱንላ ኡባ ቤሳን ጻጊያ ኡባስ፤

3 ዎሳይ፡ ኑ አዋይኔ ጎዳይ ዩሱስ ኪሪስቶሲ ሃንቴው አቶ ኬሃቴላኔ ሳርቲላ አሞ፡፡

ጳውሎስ ዎሳ ጋላቴስ

4 ዎሳይ ኪሪስቶስ ዩሱሳ ባጋራ ሃንቴው አሚዳ አቶ ኬሃቴላ ገሾ ታኒ ኡባ ዎዴ ዎሳ ጋላታይስ፡፡

5 ኢያን ኦዳኒኔ ኤራቴላ ኡባን ሃንቴ ዳራቲዳታ፡፡

6 ታኒ ኪሪስቶሳባ ማርካቲዳይሲ ቱማ ገዳይሳ ሄሲ ቆንጨሴስ፡፡

7 ሄሳ ገሾ፡ ሃንቴ ኑ ጎዳ ዩሱስ ኪሪስቶሳ ዩሳ ናጊሼ ዳዒሺን፡ ኣይ አያና አሞይካ ሃንቴው ፓጩና፡፡

8 ኑ ጎዳ ዩሱስ ኪሪስቶሲ ሲሚያ ዎዴ ሃንቴ ቦሬቶናይሳታ ገዳና ሜላ ኢ ዉርሴላ ጋካናው ሃንቴና ሚንላና፡፡

9 ባ ናዒ፡ ኑ ጎዳ ዩሱስ ኪሪስቶሳራ ኢሲፊቴላይ ዳና ሜላ ሃንቴና ጻጊዳ ያሳይ አማኔቲዳይሳ፡፡

ዎሳ ኬላን ዳዒያ ሻሁዎ

10 ታ አሻቶ፡ ሃንቴ ገደን ሻኬቴላ ዳናዳ ሃንቴ ኢሲ ዎዛናኒኔ ኢሲ ቆፋን ኢሶ ገዲዲ፡ ዳና ሜላ ኑ ጎዳ ዩሱስ ኪሪስቶሳ ሱንላን ታ ሃንቴና ዎሳይስ፡፡

11 ታ አሻቶ፡ ቁሎዔ ሶ አሳይ ሃንቴ ገደን ኦሺ ዳዒይሳ ታው ኦዲደሶና፡፡

12 ሃንቴፊ ኢሶቲ ኢሶቲ፡ «ታኒ ጳውሎሳሳ፤ ታኒ አጲሎሳሳ፤ ታኒ ጳዒርሳሳ፤ ታኒ ኪሪስቶሳሳ» ያጌታ፡፡

13 ኪሪስቶሲ ሻኬቴዳይ? ሃንቴ ገሾ ማስቃሊያ ቦላ ካቁቲዳይ ጳውሎሴይ? ዎይኮ ሃንቴ ጳውሎሳ ሱንላን ፃማቁቲዳይቱ?

14 ታኒ ቃሪስጸሲኔ ጋኖሲ ኣቲን ሃንቴፊ ኦናካ ፃማቃቦና ገሾ ያሳ ጋላታይስ፡፡

15 ሄሳ ገሾ፡ ኦኒካ ሃንቴና ታ ሱንላን ፃማቁቲዳታ ጋናው ዳንዲዳና፡፡ [

16 ቃሲ ኢሲጻፋናሴ ሶ አሳካ ታ ፃማቁዳይሳ ኣኬካይስ፡ ሺን ሃራ ኦና ፃማቁዳኮ ሃሳዩኬ፡፡]

17 ኪሪስቶሲ ታና ኪቲዳይ ዎንጌላ ኦዳና ሜላሳፊ ኣቲን ፃማቃና ሜላ ገዳና፡፡ ኪሪስቶሲ ማስቃሊያ ቦላ ሃይቁዳይሲ ሃዳ ገዳና ሜላ ታኒ አሳ ጨንጫቴላ ቃላን ኦዲኬ፡፡

ኪሪስቶሲ ያሳ ዎልቃኔ ጨንጫቴላ

18 ኪሪስቶሲ ማስቃሊያ ቦላ ሃይቁዳይሳ ኦዲያ ቃላይ ጳይይሳታስ ኤያቴላ፡ ሺን ኑስ ኣቴይሳታስ ያሳ ዎልቃ፡፡

19 ጌሻ ማፃፋን፡ «ታኒ ጨንጫታ ጨንጫቴላ ጳይሳና፤ ኣኬካንቸታ ኣኬካ ባሌላና» ያጌሰ፡፡

20 ያቲን፡ ጨንጨ አውን ዳዒ? ሃጌ ኣስታማሬይ አውን ዳዒ? ዎይኮ ሃ ሳዒ ኤራንቸይ አውን ዳዒ? ያሳይ ሃ ሳዒ ጨንጫቴላ ኤያቴላ ኦላቤኔ?

21 ሃ ሳዒ አሳይ ባንታ ጨንጫቴላን ያሳ ኤርና ሜላ ባ ጨንጫቴላን ዲጊዲ፡ ኤያቴላን ታይቤቲያ፡ ኩኒ ኦዲያ ቃላን አማኔይሳታ አሻናው ያሳ ሼኔ ገዲሰ፡፡

22 ኣይሁዳቲ ማላታ ቤዓናው ኮዮሶና፤ ቃሲ ገሪኬቲ ጨንጫቴላ ኮዮሶና፡፡

23 ሺን ኩኒ ማስቃሊያ ቦላ ካቁቲዳ ኪሪስቶሳ ሳባኮስ፡፡ ሄሲ ኣይሁዳታስ ጴቤ፤ ቃሲ ገሪኬታስ ኤያቴላ፡፡

24 ሺን ያሳይ ጻጊዳይሳታስ፡ ኣይሁዳ ገዲን፡ ገሪኬ ገዲን ኪሪስቶሲ ያሳ ዎልቃኔ ኢያ ጨንጫቴላ፡፡

25 ያሳ ኤያቴላይ አሳ ጩንጫቴላፌ አዴሰ፤ ቃሲ ያሳ ዳቡራይ አሳ ሚኖቴላፌ ሚኔሰ።

26 ሂዛ፡ ታ ኢሻቶ፡ ያሳይ ሂንቴና ፃጊያ ዎዴ ሂንቴ አይ ሚላ አሴኮ ቆፕቴ። አሳ ቆፋን ሂንቴ ጊደን ጩንጫቴ፡ ዎልቃማቴኔ ቶቃ ዛሬቴ ደኮና።

27 ሺን ያሳይ ጩንጫታ ዩላያናው አላሚን ዴዒያ ኤያታ ደሪሰ፤ ቃሲ ሚኖታ ዩላያናው አላሚን ዴዒያ ዳቡራንቸታ ደሪሰ።

28 ያሳይ ሃ አላሚያን ጊታ ጌቴቴዳባ ቆይሳናው፡ ሃ ሳባ ካወሻባ፡ ካዴቴዳባኔ ፓላናባ ደሪሰ።

29 ኦኒካ ያሳ ሲንላን ጩቁቶና ሚላ ሄሳ ኦሲሰ።

30 ሺን ያሳይ ሂንቴው ኪሪሰቶሰ ዩሱሳራ ኢሲፌቴላ ዳና ሚላ ኦሲሰ። ኢ ኮሰ ያሳፌ ጩንጫቴላ፡ ዲሎቴላ፡ ጌሻቴላኔ አቶቴላ ጊዲሰ።

31 ሄሳ ጊሾ፡ ጌሻ ማፃፋን፡ «ጩቁቴያ ኦኒካ ጎዳን ጩቆ» ያጌሰ።

2

ኪሪሰቶሳ ካቁቴላ

1 ታ ኢሻቶ፡ ታኒ ኮይሮ ያሳ ቃላ ሂንቴው ኦዳሼ ዩዳ ዎዴ ደና ቢላቴላኒኔ ጩንጫቴላን ያቢኬ።

2 ታኒ ሂንቴራ ዴዒያ ዎዴ ማሰቃሊያ ቦላ ካቁቴዳ ዩሱሰ ኪሪሰቶሳቴ ኦቴን ሃራባ ኤራናው ኮዩኬ ጋዳ ታ ቆፋ ቃቻሰ።

3 ታ ሂንቴራ ዴዒያ ዎዴ ዳቡራን፡ ያሻኒኔ ዳሮ ኮኮርሳን ዳዳሰ።

4 ታ ኪታይኔ ታ ቴሚርቴይ ደና ቢላቴላኒኔ ጩንጫቴላን ጊደናሺን ጌሻ አያና ዎልቃ ቆንጩሴላና።

5 ሄሲካ፡ ሂንቴ አማኖይ ያሳ ዎልቃናቴ ኦቴን አሳ ጩንጫቴላን ዜምፖና ሚላሳ።

ያሳ ጩንጫቴላ

6 አያና ዴያን ዲጩዳይሳታሰ ኦኒ ጩንጫቴላ ቃላን ኦደሰ። ሺን ሄ ጩንጫቴላይ፡ ሃ ሳባ ጩንጫቴላ ዎይኮ ቆያናው ዴዒያ ሃ ሳባ ሃሬይሳታ ጩንጫቴላ ጊዴና።

7 ሺን ኦኒ ኦዲያ ጩንጩቴላይ፡ ዳሮ ዎዴቴ ሲንሌ ያሳይ ኦ ቦንቸዎሰ ጊሲሲዳይሳኔ ጌሚዲ ዴዒያ ፀራ ጩንጫቴላ።

8 ሃ ሳባ ሃሬይሳታቴ ኦኒካ ሃ ጩንጫቴላ ኤሪቤና። ኤንቴ ኤሪዳባ ጊዲያኮ፡ ቦንቸ ጎዳ ማሰቃሊያ ቦላ ካቆኮና።

9 ሺን ጌሻ ማፃፋን፡ «አይፌይ ቤዒቦናባ፡ ሃይሌ ሲዒቦናባ፡ ዎዛኒ ቆፕሶናባ፡ ያሳይ ባና ሲቁይሳታሰ ጊሲሲሰ» ያጌሰ።

10 ያሳይ ባ ፀራ ባ አያና ባጋራ ኮሰ ቆንጩሲሰ። ጌሻ አያናይ ሃሪ አቶሺን ጌሚዳ ያሳ ፀራ ኡባ ፒልጌሰ።

11 አሳን ዴዒያ አሳ አያናቴ ኦቴን አሳባ ኦኒካ ኤሪና። ሄሳዳካ፡ ያሳባ ያሳ አያናቴ ኦቴን ኦኒካ ኤሪና።

12 ያሳይ ኮሰ ጩ አሚዳባ ኦ ኤራና ሚላ ያሳ አያና ኤኪዳፔ ኦቴን ሃ ሳባ አያና ኤኪቦኮ።

13 ኦኒ አያናባ፡ አያና አሳታሰ አሳ ጩንጫቴላን ጊደናሺን ያሳ አያናይ አሚያ ጩንጫቴላን ታማርሶሰ።

14 ሺን ጌሻ አያናይ ባይና አሲ ያሳ አያና አሞታታ ኤኬና። ሄሲ ኢያው ኤያቴላ፤ ኡባይ ጌሻ አያናን ፒልጌቴያ ጊሾ ኢ ኤራናው ዳንዳዒና።

15 ሺን ጌሻ አያኒ ዴዒያ አሲ ኡባባ ፒልጌሰ፡ ሺን ኢያ ኦኒካ ፒልጌና።

16 ጌሻ ማፃፋን፡ «ጎዳ ዎዛና ኤሪይ ኦኒ? ኢያ ዘራናው ዳንዳዒይ ኦኒ?»

ጌቴቴዲ ዓፌቴዳይሳ ሚላ። ሺን ኮሰ ኪሪሰቶሳ ዎዛኒ ዴዒሰ።

3

ያሳ ኦሳንቸታ

1 ታ ኢሻቶ፡ ሂንቴ ኪሪሰቶሳን ቡሮ ዮጋኔ አማኖና አሳሶ ዴዒያ ጊሾ ታኒ አያናባ ሂንቴው ኦዳናው ዳንዳዒቢኬ።

2 ሂንቴ ሚኖ ካሊ ማናው ዳንዳዒቦና ጊሾ ታኒ ሂንቴና ማላ ፓሃሰ፤ ሃዒካ ዳንዳዒቤኬታ።

3 ሃዒካ ሂንቴ አማኖና አሳዳ ዴዒታ። ሂንቴ ጊደን ዴዒያ ቃናቴይኔ ፓላማይ ሂንቴ አማኖና አሳዳ ዴዒይሳ ኤሪቤኔ? ሂንቴ አማኖና አሳዳ ሃኔታ።

4 ሂንቴፌ ኢሶይ፡ «ታኒ ጳዉሎሳሳ» ሃራይ ቃሲ፡ «ታኒ አጲሎሳሳ» ጊኮ፡ አማኖና አሳ ሚላ ጊዴኬቴ?

5 ያቴን፡ አጲሎሲ ኦኒ? ጳዉሎሲ ኦኒ? ኦኒ ሂንቴና አማንሌዳ ያሳ ኦሳንቸታ። ያሳይ ኢሱዋሰ ኢሱዋሰ አሚዳ ኦሱዋ ሚላ ኦሊያ ኦሳንቸታ ጊደኮናዬ?

6 ታ ቶካሰ፤ አጲሎሲ ሃሌ ኡሺሰ፡ ሺን ዲቼይ ያሳ።

7 ሄሳ ጊሾ፡ ዲቼዳ ያሳፌ ኦቴን ቶኬይካ ሃሌ ኡሺይካ አይኮካ ጊዴና።

8 ቶኬይኔ ሃሌ ኡሺይ ዎሊ ሚላ፡ ሺን ኢሶይ ኢሶይ ባ ኦሱዋ ሚላ ያሳይ አሚያ ዎይቱዋ ኤካና።

9 ኦኒ ኢሲፌ ያሳሰ ኦሊያ ኢያ ኦሳንቸታ ጊዲያ ጊሾ ሂንቴ ያሳ ሾቃ፤ ያሳ ኬላ።

10 ያሳይ ታው አሚዳ አዶ ኬሃቴላ ሚላ ሂላንቸ አናፃዳ ባሱዋ ዩጋሰ። ሃራ ኡራይ ኢያ ቦላ ኬፃሰ። ሺን ኢያ ቦላ ኬፃያ ኦኒካ ዎቴዲ ኬፃያኮ፡ ባው ናጌቶ።

11 ኢሲ ቶሆ ዩጌቴዳ ባሱዋቴ ሃራ ባሶ ዩጋናው ኦኒካ ዳንዳዒና። ሄ ባሶይካ ዩሱሰ ኪሪሰቶሳ።

12 ሺን ሃ ባሱዋ ቦላ ኦኒካ ዎርቃን ዎይኮ ቢራን ጊዲን፡ አልፎ ሹቻን ዎይኮ ሚላን ጊዲን፡ ማታን ዎይኮ ማቃን ኬፃኮ።

13 ኢሲ ኢሲ አሲ ሄ ባሱዋ ቦላ አይቢን ኬፃዳኮ ፒርዳ ጋላሰ ታማን ፓጩቴዲ ቆንጩና።

1:31 ኤር 9:24 2:3 ሃ.ኦ 18:9 2:9 ኢሳ 64:4 2:16 ኢሳ 40:13 3:2 ኢሳ 5:12-13 3:4 1ቆር 1:12 3:6 ሃ.ኦ 18:4-11፣ 24-28

14 እኒካ ሄ ባሱዋ ቦላ ከጊዳ ከላይ ታማን ፀጌቶና አቲኮ፡ ባ ዎይቱዋ ኤካና።

15 ሺን ኦይ አሶይካ ታማን ፀጌቲኮ፡ ሄ ኡራስ ዎይቶይ ባዎ። ጊደሺን፡ ኢ ባ ሁዔን ታማፔ ከሴ ኤኪዳ አሳዳ አታና።

16 ሂንቲ ያሳ ከላ ጊዳይሳኔ ያሳ አያናይ ሂንቲናን ዳዔይሳ ኤሬከቲ?

17 እኒካ ያሳ ከላ ላሊኮ፡ ያሳይካ ኢያ ላላና። ያሳ ከላይ ጌሺ፤ ሄ ከላይካ ሂንቲና።

18 እኒካ ባና ጨዋፎ። ሃ ሳዓ ጨንጫቱላን ባና ጨንጫ ኦሊዲ ኤኪያ እኒካ ያሳ ሲንላን ጨንጫ ጊዳናው ኤያ ጊደ።

19 ሃ ሳዓ ጨንጫቱላይ ያሳ ሲንላን ኤያቴላ። ጌሻ ማፃፃን፡

«ያሳይ ጨንጫታ ኤንታ ጌኔ ቆፋን ኦይከሰ» ያጌሰ።

20 ቃሲ፡ «ጨንጫታ ቆፋይ ማዶናባ ጊዳይሳ ጎዳይ ኤሬሰ» ያጌሰ።

21 ሄሳ ጊሾ፡ ኡባይ ሂንቲሳ ጊዲያ ጊሾ እኒካ አሳን ጨቁቶፎ።

22 ጳውሎሲ፡ አጲሎሲኔ ጳይሮሲ፡ ሃ አላሜይ፡ ዳይይ፡ ሃይቆይ፡ ሃዒ ዳዔይ፡ ሲንላፌ ያናይሲ፡ ኡባይ ሂንቲሳ።

23 ሂንቲ ከሪሰቶሳ፤ ከሪሰቶሲ ያሳሳ።

4

ከሪሰቶሳ ሃዋሬታ

1 አሳይ ኦና ከሪሰቶሳ አይሌዳኔ ያሳ ፀራ ቆንጨሳናው ሃዳሪ አሜቲዳ አሳዳ ኦሊዲ ቆፖ።

2 ሄ ሃዳሪ ኤኪዳ አሳቲ ባንታ ጎዳሰ አማኔቲዳይሳታ ጊዳናው ቤሴሰ።

3 ሺን ሂንቲ ዎይኮ ሃራይ ታና ፐርዲኮ፡ ታው አይኮካ ጊዳና። ሃራይ አቶ፡ ታካ ታ ቦላ ፐርዲኮ።

4 ታ ካሃይ ጌሺ፡ ሺን ሄሲ ታ ፖሎ ዓሎ ጊዳይሳ ቤሴና። ታ ቦላ ፐርዳናይ ጎዳ ዓላላ።

5 ሄሳ ጊሾ፡ ዎይይ ጋኮና፡ ጎዳይ ዮና ኦይ ቦላካ ፐርዶፊቲ። ኢ ቆማን ጌሚዳባ ፖዎ ከሴና፤ አሳ ዎዛናን ቆሴቲዳ ቆፋ ቆንጨሳና። ሄ ዎይ ኢሶይ ኢሶይ ያሳፌ ጋላታ ኤካና።

6 ታ አሻቶ፡ ሂንቲ ጊሾ አጲሎሳኔ ታና ለሚሶ አሳዳ ሂንቲው ኦዳሰ። ሄሳ ታ ኦሊዳይ፡ «ፃፊቲዳይሳፌ አጵፋ» ያጊያ ዘሪያ ሂንቲ ኑፔ ታማራና ሜላሳ። ሄሳ ጊሾ፡ እኒካ ኢሱዋ ሳቢዲ ሃንኩዋ ካቆናው ቤሴና።

7 ኔ ሃራታፔ አይቢን አቆይ? ኔኔ ኤካቦናባይ አይቢ ዳዒ? ያቲን፡ ኔኔ ኤኪዳባ ሃራ አሳፔ ኤኪዳ ጊዲኮ፡ ኤኪቦና አሳዳ አይሰ ጨቁታይ?

8 ሃዒ ሂንቲ ካሊዳታ። ሃዒ ሂንቲ ዱሬቲዳታ። ኔኔ ባይና ሂንቲ ዓላላ ካዎቲዳታ። ሂንቲ ቱማ ካዎቲዳባ ጊዲያኮ፡ ኑካ ሂንቲራ ካዎታናሺን።

9 ያሳይ ኦና ሃዋሬታ፡ ሃይቆ ፐርዳቲዳ አሳዳ አሳ ኡባፌ ኦና ጉዬ ኦሊዳ ታው ዳኔሰ። ኔኔ ሃ አላሚያሰ፡ ከታንቾታሲኔ አሳሰ ካሳባ ጊዲዳ።

10 ኔኔ ከሪሰቶሳ ጊሾ ኤያ ጊዲዳ፡ ሺን ሂንቲ ከሪሰቶሳን ጨንጫታ ጊዲዳታ። ኔኔ ዳቡራንቾ፡ ሺን ሂንቲ ሚና ጊዲዳታ። ሂንቲ ቦንቼቲዳታ፡ ሺን ኔኔ ቶሼቲዳ።

11 ሃዒ ጋካናው ኑ ኮሻቶሰ፡ ሳዎቶሰ፡ ካሎቶሰ፡ ዎጄቶሰ፤ ዳና ሶ ቆይዲ ቶይላቶሰ።

12 ኔኔ ኑ ኩሼን ኦሊ አቆሰ። ኦና አሲ ባዲያ ዎይ አንጆሰ፤ ኦና ጎዲያ ዎይ ዳንዳሶሰ።

13 ኑ ቦላ ኢታባ ኦይቲያ ዎይ ሎዎ ቃላ ዛርሰ። ኑ ሃዒ ጋካናው ሃ አላሚያ ፒቶኔ ዎራ ዩጌቲያ ቡሬ ጊዲዳ።

14 ታኒ ሄሳ ፃፊዳይ፡ ታ ሲቁያ ናይታዳ፡ ሂንቲና ዘራናው ዓፋሲፔ አቲን ዩላያናው ጊዳና።

15 ከሪሰቶሳን ሂንቲና ዲቺያ ታይቦፔ ቦላ ጊዲዳ ካሌጼይሳቲ ዳዒኮካ፡ ሂንቲው ኢሲ አዉ ዳዔሰ። ታ ሂንቲና ከሪሰቶሰ ዩሱሳ ዎንጌላን ዩላሰ።

16 ሄዛ፡ ሂንቲ ታና ለሚሶ ኦሊዲ ካላና ሚላ ሂንቲና ዎሳይሰ።

17 ሄሳ ጊሾ፡ አማኔቲዳ፡ ታ ሲቁያ፡ ጎዳን ታ ናዓ፡ ዓሞቲዮሳ ሂንቲኮ ከታሰ። ኢ ዲማ ዲማ ቤሳን ዳዒያ ዎሳ ከላን ታ ታማርሲዳ፡ ከሪሰቶሳ ዩሱሳን ዳዒያ ታ ኦጊያ ሂንቲና ሃሳዪሳና።

18 ታኒ ሂንቲኮ ዮናባ ዳኒን፡ ኦቶሪያ ኢሲ ኢሲ አሳቲ ዳዎሶና።

19 ሺን ጎዳይ ጊኮ፡ ማታ ዎይ ታኒ ሂንቲኮ ባና። ሄ ዎይ ኦቶራንቾታ ኦዳ ዓላላ ጊዳናሺን ኤንታ ዎላቃካ ኤራና።

20 ያሳ ካዎቲላይ ኦዳ ጊዳናሺን ዎላቃ።

21 ታኒ ሂንቲኮ ዓሞዓራ ቦዬ ዎይኮ ሲቆራኔ አሽኬ አያናራ ቦ? አዉሳ ደሬቲ?

5

አማኒያ አሳ ጊደን ዳዒያ ዩላያ ኦሶ

1 ሂንቲ ጊደን ላይማቴላ ዳዒይሲ ዘጊሬቲሰ። ሄሳ ሚላ ላይማቴላ ሃሪ አቶሺን፡ አማናና አሳይካ ኦሎኮና። ሂንቲ ጊደን ባ አዎ ማቼራ ቲኒዳ አሲ ዳዔሰ።

2 ሄሳን ሂንቲ ቁርታናዉኔ ዩላታናው ቤሴኔ፡ ሺን ኦቶቲዳታ። ሄሳ ሚላ ቦርሶባ ኦሊዳ ኡራ ሂንቲ ጊደፌ ከሳናው ቤሴኔ?

3 ታኒ አሽን ሂንቲራ ደና ኢዳኮካ አያናን ታ ሂንቲራ ዳዒይሰ። ታኒ ሂንቲራ ዳዒያ አሳዳ ሃናዳ ሄሳ ሚላ ኦሱዋ ኦሊዳ ኡራ ቦላ ፐርዳሰ።

4 ኑ ጎዳ ዩሱሰ ከሪሰቶሳ ሱንላን ሂንቲ ሺቁያ ዎይ ታኒ አያናን ሂንቲራ ዳና። ሄሳን ጎዳ ዩሱሰ ከሪሰቶሳ ዎላቃይ ሂንቲራ ጊዳና።

5 ሄ ኡራ ናጋራ አሾይ * ቆይዲ፡ ኢያ አያናይ ጎዳ ዩሱሳ ፐርዳ ጋላሳን አታና ሚላ ኢ ዓላሂሰ አጲ አሜቶ።

6 ሂንቲ ጨቆይ ሎዎ ጊዳና። ጉላ ኢርሾይ ሙኑቃ ኡባ ዳንጼይሳ ኤሬከቲዬ?

7 ሂንቲ ሃዒ ኢርሾይ ባይና ሙኑቃ ጊዳና ሚላ፡ ናጋራ ኢርሾ-ዎ ሂንቲፌ ከሴቲ። ኦሰ ፓሲካ ደርሳ ጊዲዳ ከሪሰቶሲ ያርሼቲሰ።

3:16 1ቆር 6:19፤ 2ቆር 6:16 3:19 ኢዮ 5:13 3:20 ማዘ 94:11 4:12 ሃ.ኦ 18:3 4:16 1ቆር 11:1፤ ፊል 3:17 5:1 ዛሬ 22:30 * 5:5 ናጋራ አሾይ፡ ናጋራ ሜቆይ ዎይኮ ናጋራ አሳቲላይ። 5:6 ጋላ 5:9 5:7 ከሳ 12:5 5:8 ከሳ 13:7፤ ዛሬ 16:3

8 ሃሳ ገሸ፡ ጌኔይኔ ኢታቴሌ ዳዒያ ኢርሹዋራ ገደናሺን ቱማቴሌኔ ጌሻቴሌ ዳዒያ ኡይላራ ኑ ባሊያ ቦንቸሰ።

9 ታ ካሴ ፃፊዳ ዳብዳቢያን ሂንቴ ላይማቴያ አሳራ ጋሄቶና ማላ ሂንቴው ኦዳሰ።

10 ሃሳ ጉሳይ ሃ አላሚያን ዳዒያ ላይማቴይሳታራ ዋይኮ ኡዜታራ ዋይኮ ካይሶታራ ዋይኮ ኤቃ ጎይኔይሳታራ ፖሎ ጋሄቶፊቴ ጉሱ ገደና። ሃሳ ገደኑ፡ ሃ አላሚያፕ ሂንቴ ከያናው ቤሴሰ ሺን አቲሰ።

11 ሺን አማናይሰ ያገሺ ላይማቴይሳታራ ዋይኮ ኡዜታራ ዋይኮ ኤቃ ጎይኔይሳታራ ዋይኮ ጫዬይሳታራ ዋይኮ ማላቴይሳታራ ዋይኮ ካይሶታራ ጋሄቶፊቴ ጋዳ ሂንቴው ኦዳይሰ። ሃሳ ማላ አሳራ ሃሪ አቶሺን፡ ካሌካ ሞፒቴ።

12 ዋሳ ከላፊ ካሬራ ዳዒይሳታ ቦላ ፐርዳናው ታና አይቤ ጋሌይ? ዋሳ ከላን ዳዒይሳታ ቦላ ሂንቴ ፐርዳኤቴዬ?

13 ሺን ካሬራ ዳዒይሳታ ቦላ ያሳይ ፐርዳና። ሃ ኢታባ ኦሊያ ኡራ ሂንቴ ገደፊ ከሰቴ።

6

አማኒያ አሳ ገደን ዳዒያ ሞቶ

1 ሂንቴ ገደፊ ኢሶይ ኢሱዋራ ሞቶይ ዳዒኮ፡ ሃሳ አማኒያ አሳ ሲንላን ፐርዳታናይሳ አጊዲ አማናና አሳ ሲንላን ፐርዳታናው ዋኒዲ ቢ?

2 ጌሻቴ አላሚያ ቦላ ፐርዳናይሳ ሂንቴ ኤሬኤቴ? ያቲን፡ ሂንቴ አላሚያ ቦላ ፐርዲያባ ገደኑ፡ ሃይሳ ማላ ጉላባ ፐርዳናው ዋኒዲ ዳንዳዒኤቴ?

3 ኑኒ ከታንቸታ ቦላ ፐርዳናይሳ ኤሬኤቴ? ያቲን፡ ሃ ሳዓ ዲሳባ ቦላ ፐርዳናይሴ ሂንቴና ዋኒዲ ያኒ?

4 ያቲን፡ ሃሳ ማላ ማቶይ ሂንቴ ገደን ማዴቴኮ፡ ዋሳ ከላ አይፊን ካዴቴዳ አሳ ሲንላን ፐርዳታናው ሞቲ ኤፊቴ?

5 ታኒ ሂንቴና ዬላያናው ሃሳ ጋይሰ። ሂንቴ ገደን ካጩቴዳ አሳታ ሲጌላናው ዳንዳዒያ አኮካ አሲ ባዌ?

6 ያቲን፡ ኢሲ አማኔይሲ ሃንኮ አማኔይሳ ፐርዳ ከላን አማናና አሳ ሲንላን ሞታናው ቤሲ?

7 ሃዘ፡ ሂንቴ ኢሶይ ኢሱዋ ሞቶያባ ገደኑ ሃሲ ሂንቴ ኩንዳላ ቤሴሰ። ሃሳፊ ሂንቴ ቆሃቴኮኔ ጨማቴኮ ከሄኔ?

8 ሺን ሂንቴ ዋሊ ገደን አማኔይሳቲ ኢሶይ ኢሱዋ ቆሃታኔ ጨማታ።

9 ጌላቴ ያሳ ካዋቴላ ላቶናይሳ ሂንቴ ኤሬኤቴ? ሂንቴና ጨሞፊቴ፤ ላይማቴይሳቲ ዋይኮ ኤቃ ጎይኔይሳቲ ዋይኮ ቃይዩይሳቲ ዋይኮ አዳራ አዳራ ጋሃቴይሳቲ።

10 ዋይኮ ካይሶቲ ዋይኮ ኡዜቲ ዋይኮ ማላቴይሳቲ ዋይኮ ጫዬይሳቲ ዋይኮ ቦንቄይሳቲ ያሳ ካዋቴላ ላቶኮና።

11 ሂንቴፊ ኢሲ ኢሲ አሳቲ ካሴ ሃሳ ማላ። ሺን ሂንቴ ሃዒ ጎዳ ዬሱሰ ከሪሰቶሳ ሱንላኒኔ ያሳ አያናን ማጩቴዳታ፤ ጌዬዳታ፤ ዒሊዳታ።

ሂንቴ አሳቴላን ያሳ ቦንቸቴ

12 ሂንቴ፡ «ኑ ኮዩዳባ አላናው ዳንዳዮሰ» ያጌታ። ሺን ኡባይ ሂንቴና ማዴና። ታኒ ኮዩዳባ ኡባ አላናው ዳንዳዮይሰ። ሺን አይቢካ ታና ሃሬና።

13 ሂንቴ፡ «ካሌ ኡሎሳ፤ ኡሎይካ ካላሳ» ያጌታ። ሺን ያሳይ ኡሎዋካ ካላካ ጳይሳናይሳ ታ ሂንቴው ኡዳይሰ። ኑ አሳቴላይ ጎዳሳፊ አቲን ላይማቴላሳ ገደና። ጎዳይካ ኑ አሳቴላሳ።

14 ያሳይ ጎዳ ሃይቆፕ ዳንሊዳይሳዳ፡ ኑናካ ሃይቆፕ ባ ዋልቃን ዳንላና።

15 ሂንቴ አሳቴላይ ከሪሰቶሳ አሳቴላፊ ባጋ ገደይሳ ኤሬኤቴ? ያቲን፡ ታኒ ከሪሰቶሳ አሳቴላፊ ባጋ ኤፋዳ ላይማቴላ አሳቴሌ ገደና ማላ አላ? ሃኔና!

16 ላይማቴያ ኡራይ ኢ ጋሃቴያ አሴራ ኢሲ አሳቴሌ ገደይሳ ኤሬኤቴ? ጌሻ ማፃፋን፡ «ኤንቴ ናሞዳይ ኢሲ አሳቴሌ ገደና» ጌቴቴዲ ፃፊቴሰ።

17 ሺን ጎዳራ ኢሲፊያ ኡራይ ኢያራ አያናን ኢሶ ገደሰ።

18 ላይማቴላፊ ሃኪቴ። ኢሲ ኡራይ ኦሊያ ሃራ ናጋራይ ኢያ አሳቴላፊ ካሬራ ኦሴቴሰ። ሺን ላይማቴያ አሲ ባ አሳቴላ ቦላ ናጋራ ኦሌሰ።

19 ሂንቴ አሳቴላይ ያሳይ ሂንቴው አሚዳ ሂንቴናን ዳዒያ ጌሻ አያና ከሌ ገደይሳ ኤሬኤቴ? ሂንቴ ሂንቴባ ገደኤታ።

20 ያሳይ ሂንቴና ጋቲን ሻሚሰ። ሃሳ ገሸ፡ ሂንቴ አሳቴላን ያሳ ቦንቸቴ።

7

ኢኮ ጌሎባ

1 ሂንቴ ታው ፃፊዳ ዳብዳቢያሰ ዘርይ ሃይሳ። ኢሲ አሲ ማቸና ዳዒኮ ሎዮ።

2 ሺን ላይማቴላፊ አታናው ኢሲ ኢሲ አዳይ ማቸ ኤኮ፤ ቃሲ ኢሲ ኢሲ ማጫሳሰ አዘኒ ዳዮ።

3 አዘናይ ባ ማቸሰ፡ ቃሲ ማቸያ ባ አዘናሰ ቤሲያባ ኩንላ።

4 ማቸሰ ባ አሳቴላ ቦላ ኢው ማቲ ባዋ፡ ሺን ማታይ ኢ አዘናሳ። ሃሳዳካ፡ አዘናሰ ኢያ አሳቴላ ቦላ ማቲ ባዋ፡ ሺን ማታይ ማቸሳ።

5 ሂንቴ ዋሳን ጉላ ዋዴ ጋሞዳናው ዘሬቴላን ገደና ኢዳኮ፡ ኢሶይ ኢሱዋ ዲሳፊቴ። ሃሳ ጋሶን ሂንቴናቴላ ሃራናው ያኔቲን፡ ፃላሃይ ሂንቴና ፓጮና ማላ ኢሲፊ ዳዒቴ።

6 ሺን ታኒ ሂንቴና ዘራናው ሃይሳ ጋይሲፕ አቲን ከታ ገደና።

7 አሲ ኡባይ ታዳ ማቸ ኤኮና ዳዒያኮ ዳሳይሰ። ሺን ያሳይ ኢሱዋሰ ኢሱዋሰ አሚዳ ዲማ አሞቲ ዳዒሰ። ኢሱዋሰ ሃይሳ ማላ ሃንኩዋሰ ሃሳ ማላ አሞቲ ዳዒሰ።

8 ማቸ ኤከቦናይሳታሲኔ አዘና ጌሊቦናይሳታሰ ቃሲ አሞዴታሰ ታኒ ጌይ፡ ታዳ ኤኮና ዋይኮ ጌሎና ዳዒቴ ጋዳ ዘራይሰ።

9 ሺን አሞን ፀጌቴይሳፊ ኤኮይሲኔ ጌሌይሲ ሎዮ ገደያ ገሸ ኤንቴ ባንታና ሃራናው ዳንዳዮና ኢዳኮ፡ ኤኮኔ ጌሎ።

10 ታኒ ኤኪዳይሳታኔ ጌሊዳይሳታ ሃይሳዳ ጋዳ ዘራይሰ፤ ታና ጊዲኬ ጎዳይ ከቲሰ፤ ማቺያ ባ አዚናፕ ሻኬቶ።

11 ሺን ሻኬቲኮ ሃራ አዚና ጌሎና ባርካ ዳያ ዋይኮ ባ አዚናራ ገሳ። አዚናይ ባ ማቺው ቢሎ።

12 ሺን ሃራታሰ ጎዳ ጊደናሺን ታኒ ሃይሳዳ ጋይሰ። አማናና ማቻ ዳዒያ አማኒያ አዚኒ ዳዒኮ። ኢያ ማቺያ ኢያራ ኢሲፌ ዳናው ኮይኮ ኢዮ ቢሎ።

13 ቃሲ አማናና አዚኒ ዳዒያ አማኒያ ማቻ ዳዒኮ። ኢ አዚናይ ኢራ ኢሲፌ ዳናው ኮይኮ ኢያፕ ቢሎቶ።

14 አማናና አዚናይ ባ አማኒያ ማቺ ባጋራ ጌዬሰ፤ ቃሲ አማናና ማቺያ ባ አማኒያ አዚና ባጋራ ጌያዉሱ። ሄሲ ባይኔኮ። ሂንቲ ናይቲ ቱና ጊደሶና። ሺን ሃዒ ኤንቲ ጌሺ።

15 ሺን አማናና አዚናይ ዋይኮ ማቺያ ቢላናው ኮይኮ ቢሎ። አማኒያ ማቺያ ዋይኮ አዚናይ ሄሳ ማላባን ቃሺቶኮና። ያሳይ ኑና ሳርቲላን ዳና ማላ ያገሰ።

16 አማኒያ ማቺቲ። ኔኒ አማናና ኔ አዚና አሻኔኮ አይ ኤራይ? ዋይኮ አማኒያ አዚናው። ኔኒ አማናና ኔ ማቺው አሻኔኮ አይ ኤራይ?

የሳይ ሂንቲና ያገዳይሳዳ ዳዒቲ

17 ኢሲ ኢሲ አሲ ጎዳይ ኢያው ኢሚዳ አምታዳኔ ያሳይ ኢያ ያገዳይሳዳ ዳዒ። ዋሳ ኬላ ኡባን ታኒ ታማርሲዳ ዋጋይ ሃይሳ።

18 ኦኒካ ቃፃሬቲዲ አማኒዳባ ጊዲኮ። ቃፃሬቶና ዳና። ቃፃሬቶና አማኒዳ ኦኒካ ዳዒኮ። ቃፃሬታናው ኮዮ።

19 ያሳ ከታ ፖላናው ቤሲሰፕ ኦቲን ቃፃሬቲን ቃፃሬቶና አጊን አይኮካ ማዳና።

20 ኢሲ ኢሲ አሲ ያሳይ ባና ያገዳ ዋዳ ዳዒይሳዳ ዳዒ።

21 ያሳይ ኔና ያገዳ ዋዳ ኔኒ አይሌ? አይኮይ ባዋ ሄሳሰ ኡንዔቶ። ሺን ኔኒ አይሌቲላፌ ላዓ ኬያናው ዳንዳዒኮ ዬዳ ኬያ።

22 አይሌ ጊዲ ዳዒሺ ጎዳን ያገቲዳ አሲ ጎዳን አይሌቲላፌ ላዓ ኬዩሰ። ሄሳዳካ። አይሌ ጊደና ዳዒሺ። ጎዳን ያገቲዳ አሲ ከሪሰቶሳ አይሌ።

23 ያሳይ ሂንቲና ጋቲን ሻሚዳ ጊሾ አሳ አይሌ ጊደፕቲ።

24 ታ ኢሻቶ። ሂንቲ ኢሶይ ኢሶይ ያገቲያ ዋዳ ዳዒያ ዳዑዋን ያሳራ ኢሲፌ ዳዒቲ።

ኤኪሶና፣ ጌሊሶና አሳባኔ አምዔታባ

25 ጌላዮታባ ጎዳይ ታና ከቲዳባይ ባዋ። ሺን ጎዳይ ታው ኢሚዳ ማርቲላ ማላ ታኒ ሂንቲና ዘራይሰ።

26 ሂዛ። ሃዒ ማቲዋ ጊሾ ኤኮና ዋይኮ ጌሎና ዳሲ ታው ሎዎ ዳኔሰ።

27 ኔ ማቻ ኤኪዳባ ጊዲኮ። ቢላናው ኮዮ። ኔ ማቻ ኤኪሶናባ ጊዲኮ። ኤካናው ኮዮ።

28 ሺን ኔ ማቻ ኤኪኮ ናጋሪ ባዋ። ሄሳዳ ጌላዒያካ አዚና ጌሊኮ ናጋሪ ባዋ። ሺን ኤኪያ ጌሊያ አሳሰ ሃ ሳዓን ዳር ማቶይ ዳዒያ ጊሾ ሂንቲ ሄሳፌ አታና ማላ ታ ኮያይሰ።

29 ታ ኢሻቶ። ታ ጌይ ሄሳ፤ ዋዳይ ዉሪሰ። ሂዛፕ ሲንጤ ማቻ ዳዒይሲ ማቻ ኤኮናይሳዳ ዳዒ።

30 ዩኬይሳቲ ዩኮናዳ። ኡፋይቲይሳቲ ኡፋይቶናዳ። ሻሚይሳቲ አይኮይካ ባይናዳ ባንታና ታይሶ።

31 ሃ ሳዓ ሻሉዋን ማዳቲይሳቲ ማዳቲሶናዳ ሃና። ሃ አላሚያ ማላይ አቆና።

32 ሂንቲ ሂርጊ ባይና ዳና ማላ ታ ደሳይሰ። ማቻ ኤኪሶናይሲ ጎዳ ኡፋይሳናው ኮያ ጊሾ ጎዳባ ቆፕሰ።

33 ሺን ማቻ ኤኪዳይሲ ባ ማቺው ኡፋይሳናው ኮያ ጊሾ ሃ ሳዓባ ቆፕሰ።

34 ኢያ ቆፋይ ናምዓን ሻኬቲሰ። አዚና ጌላሶና ጌላዒያ ባ አሳቲላኔኔ ባ ሺምፑዋን ጌያዳ ጎዳ ኡፋይሳናው ኮያ ጊሾ ጎዳባ ቆፓዉሱ። ሺን አዚና ጌሊዳራ ባ አዚና ኡፋይሳናው ኮያ ጊሾ ሳዓባ ቆፓዉሱ።

35 ታኒ ሄሳ ሂንቲው ኦዳይ። ሂንቲ ማዳታና ማላሳፌ አቲን ሂንቲና ኤንዔላናው ጊዳና። ሺን ሂንቲ ቆፋይ ሻኬቶና ማራን ዳዒዲ ጎዳ ኡፋይሲያባ ሂንቲ ኦላና ማላ ታኒ ኦዳይሰ።

36 ኦኒካ ባ አይቺዳ ጌላዒሰ ጌሎ ዋዳይ አፏሰ ጊዲ ኢዮ አጋናው ቆፕኮ። ሄሲ ቃሲ ኢው ሎዎ ጊደናይሲ ኢያው ሲዔቲኮ። ባ ኮዩዳይሳ ኦላ፤ ኤንቲ ኤኬቶ። ጌሎቶ፤ ሄሳን ናጋሪ ባዋ።

37 ሺን ኢሲ አሲ ኡንዔላያባይ ቆዩን። ባ ዋዛናን ሚኒዲ። ባና ሃሪዲ። ባ አይቺዳ ጌላዒው ኤኮና አጋናው ኮይኮ ሎይሊሰ።

38 ሄሳ ጊሾ። ጌላዒው ኤኪያ ኡራይ ሎይሊሰ፤ ቃሲ ኤኮና ኡራይ ዳር ሎይሊሰ።

39 ማቺያ ባ አዚናይ ፓፃ ዳዒያ ዋዳ ኡባን ኢያራ ቃሺታሱ። ሺን ኢ አዚናይ ሃይቁኮ። ባ ደሲዳ አዚና ጌላናው ዳንዳዒዉሱ። ጊደሺን። ኢያ ጌሊያ አዳይ አማኒያ አሲ ጊደናው ቤሲሰ።

40 ታ ቆፋን ጊዲኮ። ኢያ ጌሎና ዳዒኮ ኡፋይሳን ዳና። ቃሲ ታው። ታ ሶላ ያሳ አያኒ ዳዒያ ዳኔሰ።

8

ኤቃሰ ያርሼቲዳ ካላባ

1 ኤቃሰ ያርሼቲያ ካላባ ጊዲኮ ኑ ኡባይ ኤርሰ። ኤራቲሊ ኦቶርሴሰ። ሺን ሲቆይ ዲቺሰ።

2 ኦኒካ ባና ኤራይሰ ጊዲ ቆፕኮ። ኢ ቡር ኤራናው ቤሲይሳ ኤሪቤና።

3 ሺን ኦኒካ ያሳ ሲቁኮ ኢ ያሳ ማታን ኤሬቲዳይሳ።

4 ሄሳ ጊሾ። ኤቃሰ ያርሼቲዳ ካላ ሙሳባ ጊዲኮ ሃ አላሚያን ጎዳ ኢሲ ያሳፌ አቲን ሃሪ ባይና ጊሾ ኤቁ ፓላናባ ጊዳይሳ ኦኒ ኤርሰ።

5 ያሴ ጊደናሺን ሳሎኔ ሳዓን ያሴ ጌቲቲ ያገቲያ ዳር ያሳቲኔ ጎዳቲ ዳዒኮካ።

6 ኡባባ ማዳዳ። ኑ ኢያባ ጊዲዳ። ኢሲ ያሳይ። አዋይ። ኑሰ ዳዒሰ። ኡባይ ኢያ ባጋራ ማዳቲዳ። ኩካ ኢያ ባጋራ ዳዩ ዳሚዳ ኢሲ ጎዳይ። ዩሱሰ ከሪሰቶሲ ኑሰ ዳዒሰ።

7 ሺን ሃይሳ ኤራይ ኡባ ጊደና። ኢሲ ኢሲ አሳይ ኤቃ ጎይናራ ማዜቲዳ ጊሾ ካላ ሚያ ዋዳ

ኤቃስ ያርሼቲዳባ ኦሊዲ ኤኮሶና። ሄ ዋዳ ኤንታ ካሃይ ዳቡራ ገዲያ ገሾ ቱኔስ።

8 ሺን ካሊ ኑና ያሳራ ዳቦዬና። ኑ ሞና አገዲ አይኮካ ቆሄቶኮ፤ ቃሲ ሚዲ ዲማ ጎዔቶኮ።

9 ሺን ሂንቲ ኮዬዳባ ማናው ላዓቲሊ ሂንቲው ዳዒኮካ ሄሲ አማኖን ሚናናይሳታ ቆቦና ማላ ናጌቲቴ።

10 ኔኒ ኔና ኤራንቾ ጋዳ ኤቃስ ያርሼቲዳ ካሊ ማናው ኤቃ ኮላን ኡቲዳሺን፣ አማኖን ሚናናይሲ ኔና በዒኮ ሄሲ ኢያ ኤቃስ ያርሼቲዳ ካሊ ማና ማላ ዳንሌሌኔዬ?

11 ሂዛ፣ ኔ ኤራቲላ ጋሶን ኪሪሰቶሲ ኢያ ገሾ ሃይቂዳ፣ አማኖን ሚናና ኔ አሻይ፣ ቆይሰ።

12 ሄሳዳ ኦሊዲ፣ አማኖን ሚናና ሂንቲ አሻታ ቆሂሼኔ ኤንታ ካሃ ማዲንዲሲሼ ኪሪሰቶሳ ቆሂታ።

13 ሄሳ ገሾ፣ ካሊ ታ አሻ ቆቢያባ ገዲኮ፣ ኢ ቆቤቶና ማላ አሾ ኡባራካ ሚኬ።

9

ሃዋሬታ ማታ

1 ታኒ ዬዳ ዳዒያ አሲ ገዲኪና? ታ ሃዋሬ ገዲኪና? ታኒ ኑ ጎዳ ዬሱስ ኪሪሰቶሳ በዓቢኪና? ሂንቲ ጎዳን ታ ዳቡራ አይፊ ገዴኬቲ?

2 ሂንቲ ጎዳባ ገዲያ ገሾ ታ ሃራታስ ሃዋሬ ገደና አይኮካ፣ ሂንቲው ሃዋሬ ገዴይሳስ ሂንቲ ማርካ።

3 ታና ሃዋሬ ገደና ገይሳታስ ታ አሚያ ዛርይ ሃይሳ።

4 ኑ ሂንቲፊ ማናዉኔ ኡያናው ቱማ ኑስ ማቲ ባዌ?

5 ሃንኮ ሃዋሬታዳ፣ ጎዳ አሻታዳኔ ጳዒርሳዳ፣ አማኖን ኑ ማቼታ ኤኪ ሃሙታናው ኑስ ማቲ ባዌ?

6 ዋይኮ ኦሊዲ ማናው በሴይ ታራኔ ባርናባሳ ያላሌ?

7 ባ ሚሼን ዋታዳሪታሊ አሌይ ኦኔ? ዋይኮ ዋይኔ ቶኪዲ፣ ኢያፔ አይፊ ሞናይ ኦኔ? ዋይኮ ወዳ ሃሚሼ፣ ሄ ወዲያፔ ማሊ ኡኖናይ ኦኔ?

8 ታኒ ሄሳ አሳ ቆፋላ ጋይናዬ? ሂንቲ ሄሳ ጌኔ?

9 ሙሴ ሂንቲ፣ «ወዲማን ካላ ዬዲያ ቦራ ደና ቃቾፋ» ጌቲቲዲ ያፊቲሰ። ያቲን ያሳይ ሄሳ ቦራስ ቆፒዲ ገዴ?

10 ያሳይ ሄሳ ገዴይ ኑስ ቆፒዲ ገዴኔ? ኤ ኑ ገሾሳ። ጎዴይሲካ፣ ካላ ጌሼይሲካ ባና ጋኬይሳ ኤካና ገዲ ኡፋይሳን ኦላናው በሴስ ጌቲቲዲ ቱማ ኑ ገሾ ያፊቲሰ።

11 ኑኒ ሂንቲ ገደን አያና ዜሪሊ ዜሪዳ ገዲኮ አሾስ ኮሺያባ ኑ ሂንቲፊ ኤኪኮ፣ ሄሲ ገታባዬ?

12 ሃራቲ ሄሳ ሂንቲፊ ኤካናው ኤንታው ማቲ ዳዒኮ፣ ኑስ ኤንታይሳፊ አዲያ ማቲ ዳዒሰ።

ሺን ኑኒ ኪሪሰቶሳ ዋንጌላስ ቆቤ ገደና ማላ፣ ኡባ ጌንጮሲፔ አቲን ሄ ማታን ጎዔቲቦኮ።

13 ያሳ ኮላን ኦሊያ አሳቲ ባንታ ካላ ያሳ ኮላፊ ኤኬይሳ ኤሬኬቲ? ቃሲ ያርሾ ቤሳን ኦሊይሳቲ ያርሹዋፊ ኤኬይሳ ኤሬኬቲ?

14 ሄሳዳካ፣ ዋንጌላ ማርካቲይሳቲ ዲሳስ ኮሺያባ ዋንጌላፔ ኤካና ማላ ጎዳይ ኪቲስ።

15 ሺን ታኒ ሃ ማታ ኡባን አይኮካ ጎዔታቢኬ። ታኒ ሃይሳ ያፊዳይ ታ ማታ ቦንቹሳናው ኮያዳ ገዴና። ኦኒካ ታ ጩቁዋ ሃዳ ኦላናፔ ሃይቆይ ታው ሎዎ።

16 ታኒ ዋንጌላ ኦዳይ ኪቲቲዳ ገሾሳፊ አቲን ታና ጩቁሲያባ ገዴና። ዋንጌላ ኦዳና ኢዲኮ፣ ታና አዬ።

17 ታኒ ዋንጌላ ዳሳዳ ሳባኪኮ ታው ዋይቶይ ዳዒሰ። ሺን ታኒ ዋንጌላ ደሶና ኪቲታዳ ሳባኪያባ ገዲኮ ሄሳ ያሳይ ታው ሃዳራ አሚሰ።

18 ያቲን፣ ታ ዋይቶይ አይቤ? ታኒ ዋንጌላ ሳባኪያ ዋይ ታ ማታን ጎዔቶና ዋንጌላ ጮ ሳባኬይሲ ታው ዋይቶ።

19 ታኒ ኦዳሰካ አይሌ ገዲኬ፣ ሺን ዳርታ አሻናው ኡባስ አይሌ ገዴሰ።

20 ታኒ አይሁዳታ አሻናው ኤንታራ ኤንታ ገዴሰ። ታ ሁዔን ሂንፊ ጋርሳን ዳዒኬ፣ ሺን ሂንፊ ጋርሳን ዳዒይሳታ አሻናው ሂንፊ ጋርሳን ዳዒያ አሲ ገዴሰ።

21 ያሳ ሂንፊ ካሬ ኮኖና፣ ኪሪሰቶሳ ሂንፊ ኪቲታሼ፣ ሂንፊ ባይናይሳታ አሻናው ሂንፊ ባይና አሳዳ ገዴሰ።

22 ታኒ ዳቡራንቾታ አሻናው ዳቡራንቾ ገዴሰ። ታኒ ጉላታ አሻናው ኡባራ ኡባ ሃናሰ።

23 ታኒ ዋንጌላ አንጂዋ ሻኬታናው፣ ሃ ኡባ ዋንጌላ ገሾ ሃናሰ።

24 ዋላን ጋዴቲያ ኡባይ ዋዲሰ፣ ሺን ኢሱዋ ያላሊ ዋይቶ ኤኬይሳ ኤሬኬቲ? ሄሳዳ ሂንቲካ ዋይቲዋ ኤካናው ዋዲቲ።

25 ጋዴቲያ አሳ ኡባይ ኡባባን ባንታና ሃሬሰ። ኤንቲ ሄሳ ዳቡሪይ ቆያ ካላቻ ዋይቶ ኤካናሳ። ሺን ኑኒ ዳቡሪይ ማሪና ካላቻ ዋይቲዋ ኤካናሳ።

26 ሄሳ ገሾ፣ ታኒ ቆፊ ባይና አሳዳ ዋዲኬ። ጫርኮ ደሞፒያ አሳዳ ጮ ኩሼ ዬዲኬ።

27 ሺን ታኒ ሃራታስ ዋንጌላ ሳባኪዳፔ ጉዬ ታ ሁዔን ዬጌቲዳ አሲ ገደና ማላ ታ አሳቲላ ዋልቃን ሃራዳ ታው ኪቲታና ማላ ኦላይሰ።

10

ኤቃ ጎይናፊቲ

1 ታ አሻቶ፣ ታኒ ሂንቲ ሃይሳ አኬካና ማላ ኮያይሰ። ኑ አዋቲ ኡባይ ሻራፔ ጋርሳራ ሃሙቲደሶና፣ ኡባይ አባ ፒኒደሶና።

2 ኤንቲ ሙሴራ ኢሲፋናው ሻራኒኔ አባን ያማቁቲደሶና።

3 ኤንቲ ኡባይ ኢሲ አያና ካላ ሚደሶና።

4 ቃሲ ኡባይ ኢሲ አያና ኡሻ ኡዩደሶና። ኤንቲ ባንታና ካሊያ አያና ዛላፊ ፑልቲዳ ኡሻ ኡዩደሶና፤ ሄ ዛላይካ ኪሪሰቶሳ።

9:9 ዛሬ 25:4፤ 19ዋ 5:18 9:11 ሮሜ 15:27 9:14 ማቶ 10:10፤ ሉቃ 10:7 10:1 ኬሳ 13:21-22፤ 14:22-29 10:3 ኬሳ 16:35 10:4 ኬሳ 17:6፤ ታይ 20:11 10:5 ታይ 14:29-30 10:6 ታይ 11:4

5 ሺን ያሳይ ከንታፊ ዳርታን ኡፋይቲቦና ጊሾ ከንታ ኣሃይ ባዘ ቢታን ዎዲዲ ኣትሰ።

6 ከንቲ ኢታባ ኣሞቲዳይሳዳ፣ ኩካ ኢታባ ኣሞቶና ማላ ሄሲ ኡባይ ኮሰ ለሚሶ ጊዲሰ።

7 ጊሻ ማፃፋን፣ «ኣሳይ ማናውኔ ኡያናው ኡቲደሶና፣ ቃሲ ዩፃናው ዳንዲደሶና» ጌቲቲዳይሳዳ ከንታፊ ኢሶቲ ኢሶቲ ኤቃ ጎይኒዳይሳ ማላ ሂንቲ ኤቃ ጎይኖፊቲ።

8 ከንታፊ ኢሶቲ ኢሶቲ ላይማቲዳይሳዳ ኩ ላይማታናው ቤሴና። ሄሳ ጋሶን ከንታፊ ኢሲ ጋሳሰ ላታማኔ ሄዡ ሙኩሉ ኣሲ ሃይቁሰ።

9 ከንታፊ ኢሶቲ ኢሶቲ ጎዳ ፓጩዲ ሾሻን ዱኩቲዲ ሃይቁዳይሳዳ ኩ ጎዳ ፓጩናው ቤሴና።

10 ከንታፊ ኢሶቲ ኢሶቲ ዙዙሚዲ ሃይቆ ኤሂያ ኪታንቹዎን ቆዩዳይሳዳ ሂንቲካ ዙዙሞፊቲ።

11 ሃ ከንታ ቦላ ጋኪዳ ኡባይ ኩ ናጌታና ማላ ኮሰ ለሚሶ ጊዲሰ። ቃሲ ዎዴ ወርሴላ ቦላ ዳዒያ ኮሰ ቲሚርቲ ጊዳና ማላ ሃ ኡባይ ፃፊቲሰ።

12 ሄሳ ጊሾ፣ ታ ኤቃሰ ጊያ ኦኒካ ኩንዶና ማላ ባና ናጎ።

13 ኣሴ ኡባ ጋኪያ ፓጩፔ ኣቲን ዲማ ፓጩይ ሂንቲና ጋኪቤና። ሂንቲ ዎልቃይ ዳንዳዔይሳፊ ኣዲያ ፓጩን ሂንቲ ፓጩቶና ማላ ኣላ ኣሞና ያሳይ ኣማኔቲዳይሳ። ሂንቲና ፓጩይ ጋኪያ ዎዴ ሄ ፓጩያ ኢ ሂንቲና ዳንዳዒሳና። ቃሲ ሄ ፓጩያፔ ሂንቲ ኬያና ኦጊያ ኢ ጊሳና።

14 ሂዛ፣ ታ ኣልፆ ኣሻቶ፣ ኤቃ ጎይኖፊ ሃኪቲ።

15 ሂንቲ ዎዛናማ ኣሲ ጊዲዳ ጊሾ ታ ሃይሳ ኦዳይሰ። ታኒ ጌይሲ ቱማ ጊዳይሳ ሂንቲ ሂንቲ ሁዒን ፐርዲቲ።

16 ኩኒ ያሳ ጋላቲዲ ሻኬቲያ ኣንጆ ፀዓይ ኪሪሰቶሳ ሱላሬ ኢሲፊቲላ ዳዒይሳ ጊዳኔይ? ቃሲ ኩኒ ባሊያ ኡይላይ ኪሪሰቶሳ ኣሹዎራ ኢሲፊቲላ ዳዒይሳ ጊዳኔይ?

17 ኩኒ ዳር ጊዲኮካ ኡይላይ ኢሲኖ፣ ኩ ሄ ኢሲ ኡይላ ሻኬቲያ ጊሾ ኢሲ ኣሳቲላ።

18 ኣኔ ኢሲራዔሌ ኣሳይ ኦሊዳይሳ ኣኬኪቲ። ያርሼቲዳ ያርሹዎ ማይሳታሰ ያርሾ ቤሳራ ኢሲፊቲላ ባዌይ?

19 ታኒ ኣይ ጋናው ኮያዳ ጋይና? ኤቃሰ ያርሼቲዳ ካላይ ዎይኮ ኤቃይ ፓሊያባ ጊዳና።

20 ከንቲ ያርሼይ ያሳሰ ጊዳናሺን ቱና ኣያናታ። ሄሳ ጊሾ፣ ሂንቲው ቱና ኣያናታራ ኢሲፊቲላ ዳና ማላ ኮዩኬ።

21 ሂንቲ ጎዳ ፀዓፔ ኡዩሼ፣ ቃሲ ቱና ኣያናታ ፀዓፔ ኡያናው ዳንዳዔኬታ። ጎዳ ጋይታፔ ሚሼ ቃሲ ቱና ኣያናታ ጋይታፔ ማናው ዳንዳዔኬታ።

22 ኩ ሄሳ ኦሊዲ ጎዳ ዩሎይኖ? ኩ ኢያፔ ኣዲያ ሚኖይ?

23 ሂንቲ፣ «ኡባባ ኦሎና ማላ ዳጊያባይ ባዎ» ጌታ፣ ሺን ኡባይ ማዳና። ሂንቲ፣ «ኡባባ ኦሎና

ማላ ዳጊያባይ ባዎ» ጌታ፣ ሺን ኡባባይ ዳቹና።

24 ኢሲ ኢሲ ኣሲ፣ ሃራ ኣሲ ማዲያባ ቆፓናው ቤሴሲፔ ኣቲን ባና ማዲያባ ፃላላ ቆፖፎ።

25 ሂንቲ ካሃ ሲዴን ጌልሲያ ኦይሻ ዳንሎና ጊያን ባይዜቲያ ኣሹዎ ጮ ሚቲ።

26 ኣይሰ ጊኮ፣ «ሳዒኔ ሳዒን ዳዒያ ኡባይ ጎዳሳ።»

27 ኢሲ ኣማናና ኣሲ ሂንቲና ኣማታናው ኮዩዲ ፄጊኮ ባናው ኮይኮ ቢቲ። ሂንቲ ካሃን ሜዴቲያ ኦይሻን ሲዶና ሂንቲ ሲንሌ ኣሊያባ ኡባ ሚቲ።

28 ሺን ኢሲ ኣሲ፣ «ሃይሲ ኤቃሰ ያርሼቲዳባ» ጊኮ፣ ሄ ሂንቲው ኦዲዳ ኣዲያ ጊሾኔ ሂንቲ ካሃ ጊሾ ሄ ካላ ሞፐቲ።

29 ታኒ፣ ካሃ ጊሾ ጌይ ሄ ሂንቲው ኦዲዳ ኡራ ካሃ ጉሱፊ ኣቲን ሂንቲ ካሃ ጊዳና።

ሃራ ኣሳ ካሃ ጊሾ ጋዳ ታኒ ታ ላዓቲላ ቦላ ኣይሰ ፐርዶ?

30 ታኒ ሚያ ካላ ያሳ ጋላታዳ ሚኮ ባሊዳዳ ኣይሰ ቦሬቲያና?

31 ሂዛ፣ ሂንቲ ኣይ ሚኮ ኣይ ኡዩኮ፣ ዎይኮ ኣይ ኦሊኮካ ኡባባ ያሳ ቦንቸሰ ኦሊቲ።

32 ኣይሁዴታ ጊዲን ጊሪኬታ ጊዲን ዎይኮ ያሳ ዎሳ ኬላ ጊዲን ኦዳሰካ ጴቤ ጊደፐቲ።

33 ታኒ ኡባ ዎዴ ዳርታ ኣሻናው ከንቲ ማዴቲያ ኦጌ ኮያይሲፔ ኣቲን ታና ማዲያ ኦጌ ኮዩኬ።

11

1 ታኒ ኪሪሰቶሳ ለሚሱዎ ካሌይሳዳ፣ ሂንቲካ ታና ካሊቲ።

ጎይኖ ማራ

2 ሂንቲ ኡባባን ታና ቆፐያ ጊሾኔ ታ ታማርሲዳ ቲሚርቲያ ሚንሊዲ ናጊዳ ጊሾ ታ ሂንቲና ጋላታይሰ።

3 ሺን ኪሪሰቶሲ ኣዴ ኡባሰ ሁዒ፣ ኣዴይ ማጫሳሰ ሁዒ፣ ቃሲ ያሳይ ኪሪሰቶሳሰ ሁዒ ጊዳይሳ ሂንቲ ኤራና ማላ ታ ኮያይሰ።

4 ባ ሁዒያ ጉሉንቲዲ ያሳ ዎሲያ ዎይኮ ቲንቢቲ ኦዲያ ኣዴ ኡባይ ሁዒ ጊዲዳ ኪሪሰቶሳ ቶቹሰ።

5 ባ ሁዒያ ቃጮና ያሳ ዎሲያ ዎይኮ ቲንቢቲ ኦዲያ ማጫሲያ ሁዒ ጊዲዳ ባ ኣዚና ቶቻውሱ። ባ ሁዒያ ቃጮና ማጫሲያ ባ ሁዒያ ሚዴቲዳ ማጫሳ ማላ።

6 ማጫሲ ባ ሁዒያ ቃጮና ኢዳኮ፣ ባ ሁዒያ ቃንፃቶ። ሺን ኢው ሁዒያ ቃንፃይ ዎይኮ ሚዳይ ቦርሶ ጊዲኮ ባ ሁዒያ ቃጮ።

7 ኣዴይ ያሳ ለሚሶኔ ያሳ ቦንቸ ጊዲያ ጊሾ ባ ሁዒያ ቃቻናው ቤሴና፣ ሺን ማጫሲ ኣዳሰ ቦንቸ።

8 ማጫሲ ኣዴፊ ማዴታሱፔ ኣቲን ኣዴይ ማጫሳፔ ማዴቲቤና።

9 ማጫሲ ኣዳሰ ማዴቲሲፔ ኣቲን ኣዴይ ማጫሳሰ ማዴቲቤና።

10:7 ኬሳ 32:6 10:8 ታይ 25:1-18 10:9 ታይ 21:5-6 10:10 ታይ 16:41-49 10:16 ማቶ 26:26-28፤ ማር 14:22-24፤ ሉቃ 22:19-20 10:18 ሉዌ 7:6 10:20 ዛሬ 32:17 10:22 ዛሬ 32:21 10:23 1ቆር 6:12 10:26 ማዘ 24:1 11:1 1ቆር 4:16፤ ፊል 3:17 11:7 ሜዴ 1:26-27 11:8 ሜዴ 2:18-23

10 ሃይሳ ገሾኔ ከታንቸታ ገሾ ማጫሲ ባው ማቲ ዳዔይሳ በሴያ ማላ ባ ሁዔን ቃጫናው በሴሰ።

11 ሺን ጎዳ ቆፋን ማጫሲ አዳይ ባይና ዳና፤ አዳይካ ማጫሲ ባይና ዳዔና።

12 ማጫሲ አዳፌ ሜዴቲዳይሳዳ አዳይካ ማጫሳፔ ዩሌቲሰ። ሺን ኡባባይካ ያሳፌ ሜዴቲሰ።

13 እኔ ሂንቴ ፐርዲቴ። ማጫሲ ባ ሁዔ ቃጮና ያሳ ያሳናው በሴ?

14 አዳይ ባ ሁዔያ ዲቸኮ ኢያው ቦርሶ ገዳይሳ ሃሪ አቶሺን ሜዴቴላ ሂንቴና ታማርሴኔ?

15 ሺን ማጫሲ ባ ሁዔያ ዲቸኮ ኢው ቦንቸ ገዳኔ? ማጫሳሰ ሁዔይ አሜቲዳይ ኢያ ባና ካማና ማላሳ።

16 ሺን ሃይሳ ቦላ ፓላማናው ኮያ አሲ ዳዔኮ፤ ኡሰ ገዲን ወይኮ ያሳ ያሳ ከላታሰ ገዲን ሃይሳፌ ሃራ ዋጊ ባዋ።

ጎዳ ካሁዋ ኤኪያ ማራ (ማቶ 26:26-29፤ ማር 14:22-25፤ ሉቃ 22:14-20)

17 ሂንቴ ኢሲፌ ሺቄይ ጎዳሰ ገደናሺን ቆሆሰ ገዲያ ገሾ ሃዒ ታ አሚያ ከታን ሂንቴና ናሺኬ።

18 ታ ኮይሮ ሲዒዳይ፤ ሂንቴ ያሳ ከላን ሺቄያ ዋዴ ሂንቴ ገደን ሻሃቴላ ዳዔይሳ። ሄ ታ ሲዒዳይሳፌ ባጋይ ቱማ ገዳይሳ አማናይሰ።

19 ሂንቴ ገደፌ ቱሚ ዳዔይሳቲ ኦናንቴኮ ኤሬታና ማላ ሂንቴ ገደን ሻኮይ ዳናይሲ አቴና።

20 ሂንቴ ኢሲፌ ሺቄያ ዋዴ ሂንቴ ሺቄይ ጎዳ ካሁዋ ማናሳ ገዳና።

21 ሂንቴ ካላ ሚያ ዋዴ ኢሶይ ኢሱዋ ናጎና ባይሳ ባይሳ ሚያ ገሾ ኢሶይ ኮሻቴሰ ሃንኮይ ቃሲ ማሳቴሰ።

22 ቱማ ሂንቴ ማናውኔ ኡያናው ሂንቴው ከላ ባዋ? ወይኮ ያሳ ያሳ ከላ ካዴቲ? አይኮይ ባይና ማንቆታ ዩላይቲ? ታ ሂንቴና ወይጎ? ሃይሳሰ ታ ሂንቴና ናሽ? ናሺኬ።

23 ታኒ ሂንቴው አሚዳ ቲሚርቲያ ጎዳፔ ኤካሰ። ጎዳ ዩሱሲ አዲዲ አሚቲያ ቃማን ኡይላ ኤኪዲ።

24 ያሳ ጋላቲሰ። ኡይላ ባላዲ «ሃዒቴ፤ ሚቲ። ሃይሲ ሂንቴው አሚቲያ ታ አሹዋ። ሃይሳ ሚሹ ታና ሃሳዩቲ» ያገሰ።

25 ሃሳዳካ፤ ካሁዋ ሚዲ ሲሚን፤ ፀዓ ኤኪዲ፤ «ሃይሲ ፀዓይ ታ ሱላን ኤቄያ ኦራላ ጫቁዋ። ሂንቴ ኢያፔ ኡያ ዋዴ ኡባን ታና ሃሳዩቲ» ያገሰ።

26 ሂንቴ ሃ ኡይላ ሚያ ዋዴኔ ሃ ፀዓ ኡያ ዋዴ ኡባን ጎዳይ ያና ጋካናው ኢያ ሃይቁዋ ኦዴታ።

27 ሃሳ ገሾ፤ በሶና ኦጊያን ጎዳ ኡይላ ሚያ ወይኮ ጎዳ ፀዓ ኡያ ኦኒካ ኢያ አሹዋኔ ሱላ ቶቹዳ ገሾ ባ ናጋራን ኦይሹቴሰ።

28 ሺን አሲ ባና ፓጮ። ያቲዲ ኡይላ ዋ፤ ፀዓፔካ ኡዮ።

29 ጎዳ አሹዋባ ሻኪ ኤርና፤ ኡይላ ሚይኔ ፀዓፔ ኡይይ፤ ባ ቦላ ፐርዳ ሚሲኔ ኡይሰ።

30 ሃሳ ገሾ፤ ሂንቴ ገደፌ ዳርቲ ዳቡሪደሶና፤ ሃርጊደሶና፤ ቃሲ ኤንዴና አሳቲ ሃይቁደሶና።

31 ሺን ኦ ኦና ፓጮ በዒዳባ ገዲያኮ፤ ኦ ቦላ ፐርዳታናሺን።

32 አላሚይ ፐርዳቲያ ዋዴ ኦ አላሚያራ ፐርዳቶና ሚላ ሃዒ ጎዳይ ኦና ሴሬሰ።

33 ሃሳ ገሾ፤ ታ አሻቶ፤ ጎዳ ካሁዋ ማናው ሂንቴ ሺቄያ ዋዴ ኢሶይ ኢሱዋ ጋላ ኤኪቴ።

34 ሂንቴ ሺቄይ ፐርዳሰ ገደና ሚላ ኮሻቲዳ ኦኒካ ዳዒኮ፤ ባ ሶን ዋ። አቲዳባ ታኒ ያ ባዳ ሂንቴው ኦዳና።

12

ጌሻ አያና አሞታታ

1 ታ አሻቶ፤ ጌሻ አያና አሞታታባ ሂንቴ ኤራና ሚላ ታ ኮያሰ።

2 ሂንቴ ያሳ አማናና ዋዴ ዶኒ ባይና ኤቃታን ጎሹቲዲ፤ ሂንቴ ኤርና ሶ በዒዳሳ ኤሬታ።

3 ያሳ አያናይ ካሌሊያ አሲ ኦኒካ፤ «ዩሱሲ ቃንጌቶ» ያገና። ቃሲ ጌሻ አያናይ ካሌሊና ዳዒሺን፤ ኦኒካ፤ «ዩሱሲ ጎዳ» ጋናው ዳንዳዮናይሳ ሂንቴ ኤራና ሚላ ኮያይሰ።

4 ዲማ ዲማ አያና አሞታቲ ዳዮሶና፤ ሺን አሞታታ አሚያ አያናይ ኢሱዋ።

5 ኦ ጎዳሰ ኦሊያ ዲማ ዲማ ኦሶቲ ዳዮሶና፤ ሺን ጎዳይ ኢሱዋ።

6 ኦ ጎዳሰ ኦሊያ ዲማ ዲማ ኦጌቲ ዳዮሶና፤ ሺን ሄ ኦጌታን አሳ ኡባን ኦሊያ ያሳይ ኢሱዋ።

7 ሺን ኢሱዋሰ ኢሱዋሰ አሚቲዳ አሞታታን ሃራታ ማዳና ሚላ ጌሻ አያናይ ቆንጩሶ።

8 ጌሻ አያናይ ኢሱዋሰ ጨንጫቴላ ኩሚዳ ቃላ አሚሰ፤ ቃሲ ኢሱዋሰ ኤራቴላ ኩሚዳ ቃላ አሚሰ።

9 ሄ ጌሻ አያናይ ኢሱዋሰ አማና፤ ሃንኩዋሰ ቃሲ ፓሊያ ዋልቃ አሚሰ።

10 ጌሻ አያናይ ኢሱዋሰ ማላታ ኦሊያ ዋልቃ፤ ኢሱዋሰ ቲንቢቲ ኦዲያ ዋልቃ አሚሰ። ኢሱዋሰ አያናፔ አያና ሻኪ ኤሪያ ዋልቃ፤ ኢሱዋሰ ዲማ ዲማ ደናን ኦዲያ ዋልቃ፤ ቃሲ ኢሱዋሰ ዲማ ዲማ ደናን ኦዴቲዳይሳ ቢርሺያ ዋልቃ አሚሰ።

11 ሺን ሃ ኡባ ኦሊይ ሄ ኢሲ ጌሻ አያና። ኢ ኮያ ሚላ ኢሲ ኢሲ አሳሰ ዲማ ዲማ አሞታ አሚሰ።

አሳቴላኔ ዲማ ዲማ ቢሊቲታ

12 ኢሲ አሳቴላን ዳር ቢሊቲቲ ዳዮሶና፤ ሺን ሄ ዲማ ዲማ ቢሊቲቲ ኢሲ አሳቴላ ገደሶና። ሃሳዳካ፤ ከሪሰቶሲ ዲማ ዲማ ቢሊቲቲ ዳዒያ አሳቴላ ሚላ።

13 ኦኒ አይሁዴ ገዲን ገሪኬ ገዲን አይሌ ገዲን ዋማኖ ገዲን፤ ኡባይ ኢሲ አሳቴላ ገዳናው ጌሻ አያናን ፃማቁቲዳ። ቃሲ ኦ ኡባይ ኢሲ ጌሻ አያና ኤኪዳ።

14 ኦ አሳቴላን ዲማ ዲማ ቢሊቲቲ ዳዮሶናፔ አቲን ኢሲ ቢሊቲ ገዳና።

15 ቶሆይ፡ «ታኒ ኩሼ ጊደና ጊሾ ቢሊቲ ጊደኬ» ጊኮ፡ ኢ ሄሳ ጊደ ጊሾ ቢሊቲቴላይ አቲዬ?

16 ሃይሉ፡ «ታኒ አይፌ ጊደና ጊሾ ቢሊቲ ጊደኬ» ጊኮ፡ ኢ ሄሳ ጊደ ጊሾ አሳቴላፌ ኢሲ ቢሊቲ ጊደይሲ አቲዬ?

17 አሳቴላ ኡባይ አይፌ ፃላላ ጊደዳኮ፡ ኑ አይቢን ሲዓኔ? ቃሲ አሳቴላ ኡባይ ሃይላ ፃላላ ጊደዳኮ ኑ አይቢን ሲንጋኔ?

18 ሺን ያሳይ ባ ኮዩዳይሳዳ፡ አሳቴላ ጊደን ዲማ ዲማ ቢሊቲታ ዋሊስ።

19 ኡባይ ኢሲ ቢሊቲ ጊደዳኮ አሳቴላ ዋኒዲ ዳኔ?

20 ሺን ቢሊቲቲ ዳር ጊደኮካ፡ አሳቴላይ ኢሶ።

21 አይፌይ ኩሼኮ፡ «ኔ ታው ኮሻካ» ጋናው ዳንዳዔና። ዋይኮ ሁዔይ ቶሆኮ፡ «ኔ ታው ኮሻካ» ጋናው ዳንዳዔና።

22 ሺን ዳቡራ ዳኒያ አሳቴላ ቢሊቲቲ ኑስ አዲዲ ኮሾሶና።

23 ቦንቾ ኮሼና ጊደ ኑ ቆፒያ ኑ ቢሊቲታፕ ባጋታ ዳር ቦንቾስ። ቃሲ ኑ ቦርሴቲያ ኑ አሳቴላ ቢሊቲታ አሊ ቦንቾዲ ናጎስ።

24 ኑ ቤዒን ቦርሶና አሳቴላ ቢሊቲታስ ቦንቾ ኮሼና። ሺን ያሳይ ኑ አሳቴላ ቢሊቲታ ዋሊራ ጋሴሊ ቦርሲያ ቢሊቲታስ አዲያ ቦንቾ አሚስ።

25 አሳቴላ ቢሊቲቲ ኢሶይ ኢሱዋራ ሻኮ ሜዶና ዋሊስ ቆፓና ሜላ ኦሊዲ ሜዲስ።

26 አሳቴላ ቢሊቲታፕ ኢሶይ ሳኬቲኮ ቢሊቲቲ ኡባይ ኢያራ ሳኬቶሶና። አሳቴላ ቢሊቲታፕ ኢሶይ ቦንቾቲኮ ቢሊቲቲ ኡባይ ኢያራ ኡፋይቶሶና።

27 ሂንቲ ኡባይ ኪሪሰቶሳ አሳቴላ፤ ቃሲ ሂንቲ ኢሶይ ኢሶይ ኢያ ቢሊቲታ።

28 ዋሳ ኬላን ያሳይ፡ ኮይሮ ሃዋሬታ፡ ናምዓንሉ ናቤታ፡ ሄቫንሉ አስታማሬታ፡ ካሊዲ ማላታ ኦሌይሳታ፡ ፓሌይሳታ፡ ሃራታ ማዴይሳታ፡ ዋሳ ኬላ አይሴይሳታ፡ ዲማ ዲማ ደናን ሃሳይይሳታ ዋሊስ።

29 ኡባይ ሃዋሬ? ኡባይ ናቤ? ኡባይ አስታማሬ? ኡባይ ማላታ አሊ?

30 ኡባይ ፓሊዬ? ኡባይ ዲማ ዲማ ደናን ኦይቲ? ኡባይ ዲማ ዲማ ደናን ኦይቶይሳ ቢርሺ?

31 ሺን ኡባፌ አዲያ አሞታ ሚንሊዲ ኮዩቲ። ቃሲ ኡባፌ አዲያ ኦፒያ ታ ሂንቲና ቤሳና።

13

ቱማ ሲቆ

1 ታኒ አሳ ቃላኔ ከታንቾ ቃላ ኦይታናው ዳንዳዒኮካ፡ ታው ሲቆይ ቆይኮ፡ ጮ ገሪያ ዳላ ሜላ።

2 ቲንቢቲ ኦዲያ አሞይ ታው ዳዒኮካ፡ ፀራ ኡባ ኤሪኮካ፡ ኤራቴሊ ኡባይ ዳዒኮካ፡ ቃሲ ዳሪያ ዳንሊዲ ሃራሶ ኤፊያ አማኖይ ታው ዳዒኮካ፡ ሲቆይ ቆይኮ፡ ታ አይኮካ ጊደኬ።

3 ታው ዳዒያባ ኡባ ማንቆታስ አሚኮካ፡ ሃሪ አቶሺን፡ ታና ታማሰ አላ አሚኮካ፡ ሲቆይ ቆይኮ ታና አይኮካ ማዳና።

4 ሲቆይ ዳንዳዒንቾ። ሲቆይ ኬሃ። ሲቆይ ቃናቲና። ሲቆይ ጩቁቲና። ሲቆይ ኑቶሪና።

5 ሲቆይ ቤሶናባ ኦሌና። ሲቆይ ኡዜቲና። ሲቆይ ዩሎቲና። ሲቆይ ባ ቆሆ ፓይዳና።

6 ሲቆይ ቱማን ኡፋይቲሲፕ አቲን ዋርደን ኡፋይቲና።

7 ሲቆይ ኡባ ዳንዳዒስ፤ ኡባ አማኔስ፤ ሎዎባይ ሃናና ጊደ፡ ኡፋይሳን ናጌስ፤ ኡባ ጌንጩስ።

8 ሲቆይ ዉርሴሊ ጋካናው ቆይና። ሺን ቲንቢቲይ አታና፤ ዲማ ዲማ ደናን ኦይቲይሲ አታና፤ ኤራቴሊካ አቆና።

9 ኑ ኤራቴላፌ ጉሊ ኤርስ፤ ቲንቢቲያፕ ባጋ ኦዲስ።

10 ሺን ፖሎ ጊደዳይሲ ያ ዋዴ ፖሎ ጊደዳይሲ አታና።

11 ታኒ ናዒ ዳዒያ ዋዴ ናዒያ ሃሳይስ፤ ናዒያ ቆፓይስ፤ ናዒያ አኬካይስ። ታ ካሃሚዳ ዋዴ ናዒያ ሃኑዋ አጋስ።

12 ሃዒ ፖይሮ ባይናሶን ማስቶቲን ቤዔይሳዳ ቤዎስ፡ ሺን ሄ ዋዴ ኑ ቆንጩን ቤዓና። ሃዒ ኑ ኤራቴላፌ ጉላ ኤርስ፡ ሺን ሄ ዋዴ ያሳይ ኑና ኤሬይሳዳ ፖሎ ኤራና።

13 ሃዛ፡ አማኖይ፡ ኡፋይሲኔ ሲቆይ፡ ሃ ሄቫቲ ኤቂዲ ዳና። ሺን ሃይሳታፕ አዲይ ሲቆ።

14

ቲንቢቲይ ዲማ ዲማ ደና

1 ሲቆ ካሊቲ። አያና አሞታታ ሚንሊዲ ኮዩቲ፤ ኡባፌ አሊዲ፡ ቲንቢቲ አሞታ ሚንሊዲ ኮዩቲ።

2 ዲማ ዲማ ደናን ኦይቲያ አሲ ያሳሰ ኦይሲፕ አቲን አሳሰ ኦይና። ሺን አሳሰ ቆንጩባና ፀራ አያና ዋልቃን ኦይቲያ ጊሾ ኦኒካ ኢ ኦይቲይሳ አኬኬና።

3 ሺን ቲንቢቲ ኦይይሳቲ አሴ ዲቻናው፡ ሚንሊዳናውኔ ሚንሊዳው አሳሰ ኦይስ።

4 ዲማ ዲማ ደናን ኦዲያ አሲ ባና ዲቼስ። ሺን ቲንቢቲ ኦዲያ አሲ ዋሳ ኬላ ዲቼስ።

5 ሂንቲ ኡባይ ዲማ ዲማ ደናን ኦይቲያኮ ታ ደሳይስ፡ ሺን ቲንቢቲ ኦይቲይሳ አላዳ ደሳይስ። ዲማ ዲማ ደናን ኦይቲይሳ ዋሳ ኬሊ ዲቻናው ቢርሺያ አሲ ቆይኮ፡ ዲማ ዲማ ደና ኦይቲያሳፌ ቲንቢቲ ኦይይሲ አዲስ።

6 ሺን ታ አሻቶ፡ ታኒ ሂንቲኮ ባዳ ቆንጩላን ዋይኮ ኤራቴላን ዋይኮ ቲንቢቲ ኦዲን ዋይኮ ቲሚርቲን ጊደናሺን ዲማ ዲማ ደናን ኦይቲኮ ሂንቲና አይ ማዳኔ?

7 ዲማ ዲማ ዬላ ሚሼታስ ኢሲ ቆሞ ገርሲ ዳዒኮ፡ ሱሱልዔ ገርሲኔ ዲላ ገርሲ ዋቲዲ ሻኪ ኤራኔ?

8 ቃሲ ሞይዜ ፑሮይ ጌዬዲ ኤሬቶና ኢዲኮ ኦላሰ ገጌቲይ ኦኔ?

9 ሃሳዳካ፡ ዲማ ዲማ ደናን ሂንቲ ኦይቲይሲ ቆንጩ ጊደና ኢዲኮ ሂንቲ ኦይቲይሳ ኦኒ ኤራኔ? ሄሲ ጫርኮስ ኦዲያ ሜላ።

10 ሃ አላሚያን ደር ደናቲ ዳዎሶና፤ ሄ ኡባስ ቢርሼሊ ዳዎስ።

11 ሺን ኢሲ አሲ ኦዴቲያ ደና ታኒ ኤርና ኢዲኮ ኢ ታው ኢማሌ ገዴሰ፤ ታካ ኢያው ኢማሌ ገዳይሰ።

12 ሄሳዳካ፣ ጌሻ አያና ኢሞታ ሂንቲ ኤካናው ሚንሉዲ ኮይኮ፣ ዋሳ ኬሌ ዲቻናው ኡባፌ አዲያ ኢሞታ ኮይቲ።

13 ዲማ ዲማ ደናን ኦዴቲያ አሲ ባ ኦዳ ቢርሻናው ቢርሼላ ኢሞታይ ኢሜታና ማላ ያሳ ዋሶ።

14 ታኒ ዲማ ዲማ ደናን ያሳ ዋሶኮ፣ ታ አያናይ ዋሶስ፣ ሺን ታ ዋዛናይ አይኮካ ጎዔቲና።

15 ያቲን፣ ታ አይ አላናው ኮሺ? ታኒ ታ አያናን ዋሳይሰ፤ ታ ዋዛናንካ ዋሳይሰ። ታኒ ታ አያናን ዌፃይሰ፤ ታ ዋዛናንካ ዌፃይሰ።

16 ሄሳ ገደና ኢዲኮ ኔኒ ኔ አያናን ያሳ ጋላቲያ ዋዴ ሄ ቤሳን ኔኒ ጌይሳ ኤርና አሲ ኔ ጋላቲይሳ ዋይገዲ፣ «አሚንዒ» ጋኔ?

17 ኔኒ ያሳ ጋላቲይሰ ሎዎ፣ ሺን ሃራ አሲ ማዳና።

18 ታ ሂንቲ ኡባፌ አላዳ ዲማ ዲማ ደናን ኦዴቲያ ገሾ ያሳ ጋላታይሰ።

19 ሺን ታኒ ዋሳ ኬላን ሃራታ ታማርሳናው ዲማ ዲማ ደናን ታሙ ሙኩሉ ቃላ ኦዴታናፕ ኤሬቲያ ደናን ኢቻሹ ቃላ ኦዴታናው ደሳይሰ።

20 ታ ኢሻቶ፣ ሂንቲ ቆፋን ናይታዳ ሃናፕቲ። ሂንቲ ኢታባስ ናይታዳ ሃኒቲፕ አቲን ሂንቲ ቆፋን ካሃማታ ገዲቲ።

21 ጎዳይ፣ ጌሻ ማፃፋን፣ «ታኒ ሃ አሳስ፣

ዲማ ዲማ ደናን ኦዴቲያ አሳኒኔ ኢማላ ኢንፃርሳን ኦዴቲያ አሳን ኦዳና።

ሺን ሄሲ ሃኒኒካ ታና ሲዎኮና» ያገሰ።

22 ሂዛ፣ ዲማ ዲማ ደናን ሃሳዮይ፣ አማናና አሳስ ማላ ገዴሰፕ አቲን አማኒያ አሳሳ ገዴና። ቲንቢቲይ አማኒያ አሳስ ማላ ገዴሰፕ አቲን አማናና አሳሳ ገዴና።

23 ዋሳ ኬላ አሳይ ኢሲፌ ሸቂያ ዋዴ ኡባይ ዲማ ዲማ ደናን ኦዴቲኮ ኤርና ዋይኮ አማናና አሳይ ሂንቲ ሸቆዋ ዩዲ፣ «ሃይሳቲ ጎዮሶና» ጎኮናዬ?

24 ሺን ኤርና ዋይኮ አማናና አሳይ ዋሳ ኬላ ያ ዋዴ አሳይ ቲንቢቲ ኦዲሺን፣ ሲዒኮ ባ ናጋራ አኬካና፤ ቃሲ ኢ ሲዒዳ ቃላን ፕርዴታና።

25 ኤንቲ ኢያ ዋዛናን ገሚዳ ቆፋ ቆንጨሳና። ሄሳዳካ፣ «ቱማ ያሳይ ሂንቲ ገደን ዳዎስ» ያገዲ ማርካቲዲ፣ ፑፋኒዲ ያሳስ ጎይናና።

ጎይና ማራ

26 ታ ኢሻቶ፣ ኦ ዋይገና? ሂንቲ ኢሲፌ ሸቂያ ዋዴ ኢሱዋስ ማዘሙሬይ ዳዎስ፤ ኢሱዋስ ታማርሶ ኢሞቲ ዳዎስ፤ ኢሱዋስ ቆንጨጫ ዳዎስ፤ ኢሱዋስ ዲማ ዲማ ደናን ሃሳዮይ ዳዎስ፤ ኢሱዋስ ቢርሼላ ኢሞቲ ዳዎስ። ሄ ኡባይ ዋሳ ኬላ ዲቻና ገደናው ቤሰስ።

27 ዲማ ዲማ ደናን ኦዴቲያ አሳቲ ዳዎኮ፣ ናሞሳ ዋይኮ ዳሪኮ ሄሻ ገዲዲ ማራን ማራን

ሃሳያናው ቤሰስ። ኤንቲ ኦዴቲይሳ ሃራ አሲ ቢርሹ።

28 ሺን ቢርሹያ አሲ ቆይኮ፣ ዲማ ዲማ ደናን ኦዴቲይሰ ዋሳ ኬላን ሲዒ ጎ። ባወኔ ባ ያሳስ ኦዴ።

29 ቲንቢቲ ኦዴቲይሳቲ ናሞሳ ዋይኮ ሄሻ ገዲዲ ኦዴ። ቃሲ ሃራቲ ኤንቲ ገያባ ፕርደና።

30 ሄ ሸቆዋን ዳዎያ ሃራ አሳስ ኢሲባይ ቆንጨኮ ካሴ ኦዴቲይሰ ሲዒ ጎ።

31 ኡባይ ታማራና ማላኔ ኡባይ ማናና ማላ ማራን ማራን ቲንቢቲ ኦዴናው ዳንዳዎታ።

32 ናቤታ አያናይ ናቤታስ ከቲቲስ።

33 ጌሻታ ዋሳ ኬላ ኡባይ ሚዜቲዳይሳዳ ያሳይ ሳርቲላ ያሳፌ አቲን ጨቦ ያሲ ገዴና።

34 ማጫሲ ዋሳ ኬላን ሲዒ ጎ። ሙሴ ሂጌይ ጌይሳዳ ኤንቲ ሃራቶፌ አቲን ዋሳ ኬላን ኦዳናው ኤንታው ማቲ ባዎ።

35 ማጫሲ ዋሳ ኬላን ሃሳዮይ ቦርሶ ገዲያ ገሾ ኢሲባ ኤራናው ኮይኮ ሶን ባንታ አዚናታ ኦይቻና።

36 ያሳ ቃላ ኮይር ሂንቲ ኤሂዴቲ? ዋይኮ ያሳ ቃላይ ሂንቲ ያላላኮ ዩዴ?

37 ኦኒካ ባና ናቤ ዋይኮ ባና ያሳ አሲ ገዲ ቆፕኮ፣ ታኒ ሂንቲው ፃፊይሰ ጎዳ ከታ ገዴይሳ አኬኮ።

38 ሺን ኦኒካ አኬኮና ኢዲኮ ኢካ አኬኮቶፎ።

39 ሄሳ ገሾ፣ ታ ኢሻቶ፣ ቲንቢቲ ኦዳናው ሚንሉዲ ኢሞቲቲ፤ ቃሲ ዲማ ዲማ ደናን ኦዴቲይሳካ ዲሳፊቲ።

40 ሺን ኡባይካ ዋጋኒኔ ማራን ገዴ።

15

ኪሪሰቶሳ ሃይቆፕ ዴንዲዋ

1 ታ ኢሻቶ፣ ታ ሂንቲው ማርካቲዳ ዋንጌላ ሂንቲ ኤኪዳይሳኔ ሂንቲ አማናይ ኢያን ኤቁዳይሳ ሂንቲ አኬካና ማላ ኮያይሰ።

2 ታ ታማርሲዳ ዋንጌላ ሚንሉዲ ኦይኪኮ ሂንቲ ኢያን አታና። ሄሲ ሃናና ኢዲኮ ሂንቲ አማናይ ሃዳ ገዴና።

3 ታኒ ኤኪዳ ኡባፌ አዲያ ከታ ካሴታዳ ሂንቲው ኢማስ። ሄሲካ፣ ጌሻ ማፃፋይ ጌይሳዳ፣ ኪሪሰቶሲ ኦ ናጋራ ገሾ ሃይቁስ።

4 ዋጌቲስ፤ ጌሻ ማፃፋይ ጌይሳዳ፣ ሄሻንሎ ጋላሳን ሃይቆፕ ዴንዲሰ።

5 ጴዳርሳስ ቆንጨሰ። ሄሳፌ ጉዬ፣ ታማኔ ናሞዑ ሃዋሬታስ ቆንጨሰ።

6 ሃሳፌ ጉዬ፣ ኢቻሹ ያታፕ ዳሪያ አሳስ ኢሲ ቶሆ ቆንጨሰ። ኤንታፌ ዳሪያ ባጋይ ሃዒ ጋካናው ፓፃ ዳዎሶና፣ ሺን ጉላቲ ሃይቁደሶና።

7 ሃሳፌ ጉዬ፣ ያይቆባስ ቆንጨሰ፤ ጉዬፕ ባ ሃዋሬታ ኡባስ ቆንጨሰ።

8 ቃሲ ዉርሴላን አዉጫያ ማላ ገዲዳ ታው ቆንጨሰ።

9 ታኒ ዬሱሳ ሃዋሬታ ኡባፌ ላፋ። ታኒ ያሳ ዋሳ ኬላ ጎዲዳ ገሾ ዬሱሳ ሃዋሬ ጌቲታዳ ያጌታናው ቤሶናይሳ።

14:21 ኢሳ 28:11-12 15:3 ኢሳ 53:5-12 15:4 ማዘ 16:8-10፤ ማቶ 12:40፤ ሃ.ኦ 2:24-32 15:5 ማቶ 28:16-17፤ ማር 16:14፤ ሉቃ 24:34፤ 36፤ ዮሃ 20:19 15:8 ሃ.ኦ 9:3-6 15:9 ሃ.ኦ 8:3

10 ሺን ያሳ አቶ ኬሃቴላን ታ ሃዒ ገዲዳይሳ ገደሰ፤ ኢ ታው አሚዳ አቶ ኬሃቴላይ ማላ አገቡና። ታኒ ሃንኮ ሃዋሬታፔ አላዳ ዳቡራስ። ሺን ታራ ዳዒያ ያሳ አቶ ኬሃቴላይ ኦሊሰፔ አቴን ታና ገዲኬ።

11 ሂዛ፣ ታና ገዲን ኤንቲ፣ ኑ ኡባይ ታማርሴይ ሄሳ፤ ሂንቴካ ሄ ኪታ አማኒዳታ።

ሃቆፔ ዳንዶ

12 ኪሪሰቶሲ ሃይቆፔ ዳንዲዳይሳ ኑ ሳባኪያ ዋዴ ሂንቴፊ ኢሶቲ ኢሶቲ ያቲን፣ ዋይገዲ፣ «ሃይቆፔ ዳንዶ ባዋ» ያገና?

13 ሃይቆፔ ዳንዶይ ባይናባ ገዲኮ ኪሪሰቶሲ ሃይቆፔ ዳንዲቤና ጉሱ።

14 ኪሪሰቶሲ ሃይቆፔ ዳንዲቦናባ ገዲኮ ኑ ቲሚርቲይ ቃሲ ሂንቴ አማናይካ ሃዳ።

15 ሃይቆፔ ዳንዶይ ባይናሺን፣ ኑኒ ያሳይ፣ «ኪሪሰቶሳ ሃይቆፔ ዳንዲሰ» ያገዲ ሳባኪሼ ያሳ ዋርዳንቸ ማርካታ ገዲዳ ጉሱ።

16 ሃይቆዳ አሳይ ሃይቆፔ ዳንዲቦናባ ገዲኮ ሂዛ፣ ኪሪሰቶሲ ሃይቆፔ ዳንዲቤና።

17 ኪሪሰቶሲ ሃይቆፔ ዳንዶናባ ገዲኮ፣ ሂንቴ አማናይ ሃዳ፤ ቃሲ ሂንቴ ሃዒ ጋካናው ሂንቴ ናጋራን ዳዒታ።

18 ሂዛ፣ ኪሪሰቶሳ አማኒዲ ሃይቆዳይሳቲካ ቆዩዶሶና ጉሱ።

19 ኑኒ ሃ አላሚያ ዳውዋ ያላላሰ ኪሪሰቶሳን ኡፋይሲ አላዳባ ገዲኮ፣ ሃ ሳባን ዳዒያ አሳ ኡባፊ ኑባይ አቋዳ ዩባታ።

20 ሺን ኪሪሰቶሲ ሃይቆዳይሳታሰ ሃይቆፔ ዳንዶን ባይራ ገዲዲ ቱማ ዳንዲሰ።

21 ሃይቆይ ኢሲ አሳ ባጋራ ሃ አላሚያ ዩዳይሳዳ ሃይቆፔ ዳንዶይ ኢሲ አሳ ባጋራ ዩሰ።

22 አዳሚ ባጋራ አሳ ኡባይ ሃይቆዳይሳዳ ኪሪሰቶሳ ባጋራ አሳ ኡባይ ዳዎን ዳና።

23 ሺን ኢሶይ ኢሶይ ባ ማራን ማራን ዳንዳና። ኪሪሰቶሲ ኡባፊ ካሴቲዲ ዳንዲሰ፤ ሄሳፊ ጉዬ፣ ኪሪሰቶሳይሳቲ ኢ ያ ዋዴ ዳንዳና።

24 ሄሳፊ ጉዬ፣ ኪሪሰቶሲ ሃራይሳ፣ ማታኔ ዋልቃ ኡባ ቆይሲዲ፣ ካዋቴላ ያሳ አዋሰ አሚያ ዋዴ ዋዲያ ወርሴላይ ያና።

25 ያሳይ ኢያ ሞርኬታ ኡባ ኢያ ቶሁዋፔ ጋርሳን ዋሳና ጋካናው ኪሪሰቶሲ ሃራናው ቤሴሰ።

26 ወርሴላን ኢ ቆይሳናው ዳዒያ ሞርኬይ ሃይቆ።

27 ጌሻ ማፃፋን፣ «ያሳይ ኡባባ ኢያ ማታፔ ጋርሳን ሃራሲሰ» ጌቲቲዲ ያፊቲሰ። ሺን ኡባ ኢያ ማታፔ ጋርሳን ሃራሲሰ ጌይሲ፣ ኡባባ ኢያ ማታፔ ጋርሳን ሃራሲዳ ያሳ ጉጃና።

28 ኡባባይ ኪሪሰቶሳ ማታፔ ጋርሳን ሃራቲዳፔ ጉዬ ኪሪሰቶሲ ቃሲ ባ ሁዔን ኡባባ ባው ሃራሲዳ ያሳሰ ሃራታና። ሄ ዋዴ ያሳይ ባ ያላላ ኡባ ሃራና።

29 ሃይቆዳይሳቲ ዳንዶናባ ገዲኮ ኤንታ ገሾ አሳሰ እይቢ ዋዴይ ዳዒ? ሃይቆዳይሳቲ ዳንዶናባ ገዲኮ ያቲን፣ አይሰ፣ አሳይ ሃይቆዳይሳታ ገሾ ፃማቆቶና?

30 ያቲን፣ ኑኒ አይሰ ኡባ ዋዴ ኑናቴላ ማቶሰ አላ አሞና?

31 ታ ኢሻቶ፣ ታ ጋላሰ ጋላሰ ሃይቆሰ አቆዳ አሚታይሰ። ሄሲካ፣ ጎዳ ኪሪሰቶሰ ዩሱሳን ዳዒያ ዳውዋ ኢሲፊቴላን ሂንቴናን ጨቁያ ገሾሳ።

32 አሳ ቆፋላ ገዲኮ፣ ታኒ ኤፌሶናን ደዓራ ቡቴቲዳይሲ ታና አይ ማዲ? ሃይቆዳይሳቲ ሃይቆፔ ዳንዶናባ ገዲኮ፣ «ዋንቶ ኑ ሃይቆያ ገሾ ሃቸ ማና ኡያና» ያገዲ አሳ ማላ ገደሰ።

33 ጨማቶፊቴ! ኢታ ላጌቴላ ሎዎ አማሊያ ኢሴሰ።

34 ሂንቴ አኬካኮ ሰሚቴ። ናጋራ ኦሎፊቴ። ሂንቴፊ ኢሲ ኢሲ አሳይ ያሳ ኤርኮና። ታኒ ሂንቴና ዩላያናው ሄሳ ጋይሰ።

ዳንዶ አሳቴላ

35 ኢሲ አሲ፣ «ሃይቆዳ አሳይ ዋኒዲ ዳንዳይ? ኤንቲ አይ ማላ አሳቴላራ ያኔ?» ያገና አጌና።

36 ኔኖ ኤያው፣ ኑኒ ቢታን ዜሪያ ዜሪላይ ሃይቆና ዶሌና።

37 ኑኒ ዜሪይ ገሰቴ ገዲን ዋይኮ ሃራ ካላ ቆሞ አይፊ ያላላ ዜራሳፔ አቴን ዶሊዳ ዶላ ገደና።

38 ሺን ያሳይ ዜሪላሰ ባ ደሲዳ ማላ ማዴቴላ አሚሰ። ዳማ ዳማ ዜሪላሰ ዳማ ዳማ አሳቴላ አሚሰ።

39 ማዴቴላ ኡባ አሾይ ኢሶ ገደና። ሺን አሳ አሾይ ኢሶዋ፤ ማሄ አሾይ ዳማ፤ ካፎታ አሾይ ዳማ፤ ቃሲ ሞሎ አሾይ ዳማ።

40 ሳሎ አሳቴላ ዳዒሰ፤ ቃሲ ሳባ አሳቴላ ዳዒሰ። ሺን ሳሎ አሳቴላ ቦንቸይ ዳማ፤ ቃሲ ሳባ አሳቴላ ቦንቸይ ዳማ።

41 አዋ ቦንቸይ ዳማ፤ አጌና ቦንቸይ ዳማ፤ ያሊንቶታ ቦንቸይ ዳማ፤ ኢሲ ያሊንቶይ ሃንኮ ያሊንቲዋፊ ቦንቸን ዳማቴሰ።

42 ሃይቆዳይሳቲ ሃይቆፔ ዳንዲያ ዋዴ ሄሳዳ ሃናና። ሃይቆያ አሳቴላይ ዜሪቴሰ፤ ሃይቆና አሳቴላ ገዲዲ ዳንዳሰ።

43 ቶሼን ዜሪቲዲ፣ ቦንቸን ዳንዳና፤ ዳቡራን ዜሪቲዲ፣ ዋልቃን ዳንዳና።

44 ማዴቴላ አሳቴላይ ዜሪቲዲ፣ አያና አሳቴላ ገዲዲ ዳንዳና። ማዴታ አሳቴላ ዳዒኮ፣ አያና አሳቴላ * ዳዒሰ።

45 ሄሳዳካ፣ ጌሻ ማፃፋን፣ «ኮይሮ አዳይ፣ አዳሚይ፣ ፓፃ ዳዒያ አሴ ገዲዲ ማዴቴሰ» ያገሰ። ሺን ወርሴላ አዳሚይ፣ ኪሪሰቶሲ፣ ዳዎ አሚያ አያና ገዲሰ።

46 ሺን ማዴታ አሲ ኮይሮ ዩን፣ ጉዬፔ አያና አሲ ዩሲፔ አቴን አያና አሲ ኮይሮ ዩቤና።

47 ኮይሮ አዳሚይ ቢታፊ ማዴቴዳ ቢታ አሲ፤ ናሞሳንሶ አዳሚይ ሳሎፔ ዩዳ ሳሎ አሲ።

48 ቢታፊ ማዴቴዳይሳቲ ቢታፊ ማዴቴዳይሳ ዳናሶና። ሳሎይሳቲ ሳሎፔ ዩዳይሳ ዳናሶና።

49 ኑኒ ቢታፊ ማዴቴዳ አዲያ ዳይይሳ ማላ ሳሎፔ ዩዳ አዲያ ዳናና።

50 ታ ኢሻቶ፣ ታ ጌይሲ ሄሳ፤ ሃዒ ኑ ማዒዳ አሳቴላይ ያሳ ካዋቴላ ላታናው ዳንዳዒና። ዋቁያ አሳቴላይ ዋቆና አሳቴላ ላቴና።

15:25 ማዘ 110:1 15:27 ማዘ 8:6 15:32 ኢሳ 22:13 * 15:44 አያና አሳቴላ፣ ጌሻ አያናይ ሃራዳ ዋይኮ ጌሻ አያናይ ዳዎ አሚዳ አሳቴላ ጉሱ። 15:45 ሜዴ 2:7

51 ታ ሂንቴው ኢሲ ፀራ ኦዳና። ኑ ኡባይ ሃይቆኮ። ሺን ወርሴላን ኡባይ ላሚታና።

52 ሞይዜይ ፑኔቲያ ዋዴ ኣይፊይ ቂጺ ያለናው ሃሳዮና ላሚታና። ሃይቂዳ ኣሳይ ዋቆና ኣሲ ጊዲዲ ዳገዳና፤ ኑካ ላሚታና።

53 ሃይሲ ዋቂይሲ ዋቆናይሳ፣ ሃይሲ ሃይቂይሲ ሃይቆናይሳ ማዓናው ቤሴሰ።

54 ሃይሲ ዋቂይሲ ዋቆናይሳ፣ ቃሲ ሃይሲ ሃይቂይሲ ሃይቆናይሳ ማዓያ ዋዴ ጌሻ ማፃፋን፣ «ሃይቆይ ያኖን ማቴቲስ» ጊያ ቃላይ ፖሌታና።

55 ሃሳዳካ፣ «ሃይቆ፣ ኔ ያኖይ ኣወን ዳዒ? ሃይቆ፣ ኔ ቆሃያ ዋልቃይ ኣወን ዳዒ?»

ጊዳ ቃላይ ፖሌታና።

56 ሃይቆይ ዱኪያ ዋልቃይ ናጋራ፤ ቃሲ ናጋራ ዋልቃይ ሂጌ።

57 ሺን ኑ ጎዳ ዩሱስ ኪሪሰቶሳ ባጋራ ኑስ ያኖ ኢሚያ ያሳ ጋላቲ ጋኮ።

58 ሃሳ ጊሾ፣ ታ ሲቆ ኢሻቶ፣ ቃያና ሚኒዲ ኤቂቴ። ጎዳ ኦሱዋን ሂንቴ ዳቡሬይሲ ጮ ጊዳናይሳ ኤሪዲ ኡባ ዋዴ ጎዳ ኦሱዋ ኣዛሎና ኦሊቴ።

16

እማኒያ ኣሳስ ሺቂዳ ማዲዋ

1 እማኒያ ኣሳስ ሚሼ ሺሸባ ጋላቲያ ዋሳ ኬላታስ ታኒ ከቲዳይሳዳ ሂንቴካ ኦሊቴ።

2 ሚሺያ ሺሸይ ታ ሂንቴኮ ቢያ ዋዴ ጊደና ሚላ ኢሶይ ኢሶይ ሳሚንታፊ ኮይሮ ጋላስ፣ ዋጋ ዋዴ ዋጋ ዋዴ ባ ዳሚይሳፊ ኬሲዲ ባ ሶን ዳጋዮ።

3 ታኒ ያ ቢዳ ዋዴ ሚሺያ ዩሩሳላሚ ጋላና ሚላ ሂንቴ ደሪያ ኣሳስ ዳብዳቤ ኢማዳ ኤንታ ዩሩሳላሚ ኪታና።

4 ኤንታራ ታ ቡሳይ ኮሺያባ ጊዲኮ ኤንቴ ታራ ባናው ዳገዳዖሶና።

ጳውሎሳ ቆፋ

5 ታኒ ማቂዶኒያራ ኣጳናው ቆፒዳ ጊሾ ያ ባዳ ሂንቴኮ ያና።

6 ታ ቢያሶ ኣው ጊዲኮካ፣ ታ ቡሳን ሂንቴ ታና ማዳና ሚላ ሂንቴ ማታን ጉላ ዋዴ ጋሞዖና ኣጊኪ። ባልጎ ኣጌናታ ሂንቴ ማታን ኣላና ዋያ ኣጋና።

7 ታኒ ኦጌራ ኣጳሽ ሂንቴና ቤዓናው ኮዩኪ። ጎዳይ ጊኮ፣ ሂንቴ ማታን ጉላ ዋዴ ታካናው ቆጋይሰ።

8 ሺን ታኒ ጳንጻቆስጻ ባሌይ ጋካናው ኤፌሶናን ጋሞዓና።

9 ታው ኦሶይ ኮሚዳ ዳልጋ ፔንጌይ ደዩቲስ፣ ሺን ዳር ኤቂቴያ ሞርኬቲ ዳዖሶና።

10 ኢ ታ ሚላ ጎዳ ኦሶ ኦሊያ ኣሲ ጊዲያ ጊሾ ዲሞቲዮሲ ሂንቴኮ ቢኮ፣ ሂንቴ ማታን ኢ ሂርጎና ዳና ሚላ ኦሊቴ።

11 ኦኒካ ኢያ ካጶፖ። ኢ ታኮ ሳር ሲማና ሚላ ኢያ ማዲዲ ሞይዚቴ። ታኒ ኢ ሃንኮ ኣማኔይሳታራ ሲማናይሳ ናጋይሰ።

12 ኑ ኢሻ ኣጲሎሲ ሃንኮ ኣማኔይሳታራ ሂንቴኮ ባና ሚላ ታ ኢያ ሚንላ ዋሳስ። ሃዒ ሂንቴኮ ባናው ኮዩቤና፣ ሺን ኢያው ኢንጆቲያ ዋዴ ሂንቴኮ ባና።

ወርሴላ ዘሬኔ ሳርሶ

13 ባርኪቴ፤ ኣማኖን ኤቂቴ፤ ፃሊቴ፤ ሚኒቴ።

14 ኦሶ ኡባ ሲቆን ኦሊቴ።

15 ታ ኢሻቶ፣ ኢሰጻፋኖሴይኔ ኢያ ሶ ኣሳይ ኣካዖን ኤንቴ ኮይሮ ኣማኒዳይሳታ ጊዴይሳኔ ኣማኔይሳታ ማዳናው ባንታና ኣሊ ኢሚዳይሳ ሂንቴ ኤሬታ።

16 ሂንቴካ ኤንታ ሚላ ኣሳሲኔ፣ ኤንታራ ኦሶን ዳቡሪያ ኡባስ ኪቴታና ሚላ ታ ሂንቴና ዋሳይሰ።

17 ኢሰጻፋኖሴይ፣ ፎርቆናሲኔ ኣካይቆሲ ታኮ ዩዳይሲ ታና ኡፋይሲሰ። ሂንቴ ባይና ቤሳን ኤንቴ ሂንቴና ጊዲዲ ታ ፓጫ ኩንሊደሶና።

18 ኤንቴ ሂንቴና ኡፋይሲዳይሳዳ ታናካ ኡፋይሲደሶና። ሃሳ ሚላ ኣሳታ ደጎፒቴ።

19 ኢሲያ ዋሳ ኬላ ኣሳይ ሂንቴና ሳር ጎሶና። ኣቂሊኔ ጲሪሰቂላ ባንታ ሶን ሺቂያ ዋሳ ኬላ ኣሳራ ኢሲፊ ሂንቴና ጎዳ ሰንሳን ዋካናፔ ሳርሶሶና።

20 ኣማኒያ ኢሻቲ ኡባይ ሂንቴና ሳር ያጎሶና። ጌሻ ዩሬቴላ ዩሬቴሽ ኢሶይ ኢሱዋ ሳርሊቴ።

21 ታኒ፣ ጳውሎሲ፣ ሃ ሳርሉዋ ታ ኩሺን ፃፋሰ።

22 ጎዳ ደሶና ኣሲ ዳዒኮ፣ ቃንጌቲዳይሳ ጊዶ። ኑ ጎዳው፣ ሃያ!

23 ጎዳ ዩሱስ ኪሪሰቶሳ ኣጶ ኬሃቴላይ ሂንቴራ ጊዶ።

24 ታ ሲቆይ ኪሪሰቶስ ዩሱሳን ዳዒያ ሂንቴ ኡባራ ጊዶ። ኣሚንዒ።

15:52 1ተሴ 4:15-17 15:54 ኢሳ 25:8 15:55 ሆሴ 13:14 16:1 ሮሜ 15:25-26 16:5 ሃ.ኦ 19:21 16:9 ለዌ 23:15-21፤ ዛሬ 16:9-11፤ ሃ.ኦ 19:8-10 16:10 1ቆር 4:17 16:15 1ቆር 1:16 16:19 ሃ.ኦ 18:2

ጳውሎስ ቆርንቶሳ ኣሳስ ፃፊ ዓምዓንሶ ኪታ ጋላ ቆፋ

ጳውሎስ ቆርንቶሳ ኣሳስ ፃፊ ዓምዓንሶ ኪታይ ፃፊቲ ዳይ፡ ኢያው ቆርንቶሳ ዋሳ ኩላራ ዳዒያ ጋሃቲላይ ዳር ሜቶ ገደ ጌሊዲ ዳዒያ ዋዴና፡ ኢሲ ኢሲ ዋሳ ኩላ ኣሳቲ ጳውሎስ ኢታ ቦሬ ቦሪኮካ ጳውሎስ ሲጋ ሜቆናው ኢያው ኣዋይ ዳዒይሳ ቤሲስ፡ ሄሲ ሃኒያ ዋዴ ገታ ኡፋይሳ ኡፋይታናው ዳንዳዒይሳ ቆንጨሲስ፡

ጳውሎስ ባ ኪታን ኮይር ኪፊሊያን፡ ቆርንቶሳ ዋሳ ኩላራ ኢያው ዳዒያ ጋሃቲላ ቆንጨሲዲ፡ ዋሳ ኩላን ሜቆቲዳ ቦሪያሲኔ ኢፀዋስ ኣይስ ሚኖ ዛር ኢሚዳኮ ኦዴስ፡ ሄሳራ ጋላዲ ኢያ ስራይ ኤንታ ናጋራፔ ዛሪዲ ሲጋን ጋላዲ ገሾ ኢ ኡፋይቲዳ ኡፋይሳ ኤንታው ቆንጨሲስ፡ ካሊዲካ፡ ዪሁዳን ዳዒያ ኣሚኒያ ኣሳ ማዳናው ባንታው ዳዒያባፔ ጮ ኢማና ሜላ ሃሳይሲስ፡ ወርሴላ ሽምፖታን ጳውሎስ ባ ሃዋሪቲላ ቦላ ዳንዲዳ ሞቲዋስ ዛር ኢሚስ፡ ጋሪይካ፡ ቆርንቶሳ ዋሳ ኩላን ዳዒያ ኢሲ ኢሲ ኣሳቲ ባንታና፡ «ቲማ ሃዋሪ» ኦሊዲ፡ «ጳውሎስ ዋርዳንቸ ሃዋሪ» ኦሊዲ ሞቲሶና፡

2 ቆርንቶሳ ኪታ ኣይፌ ቆፋታ

ጌሎ ቆፋ 1:1-11
ጳውሎስ፡ ቆርንቶሳ ዋሳ ኩላ 1:12-7:16
ዪሁዳን ዳዒያ ኣሚኒያ ኣሳ ማዴ 8:1-9:15
ጳውሎስ ባ ሃዋሪቲላ ማታስ ኢሚዳ ዛር 10:1-13:10
ኩሻ ቆፋ 13:11-14

1 ዋሳ ሽኔን ዩሱስ ኪሪስቶሳ ሃዋሪ ገዲዳ ጳውሎስ፡ ኦ ኢሻ ጊሞቲዮሲ፡

ቆርንቶሳን ዳዒያ ዋሳ ኩላን ኣካያ ቢታን ዳዒያ ዋሳ ኩላን ፃፊዳ ኪታ፡፡

2 ዋሳ ኦ ኣዋፔኔ ጎዳ ዩሱስ ኪሪስቶሳ፡ ኣቆ ኬሃቲላይ ሳርቲላይ ሂንቲው ገደ፡፡

ጳውሎስ ዋሳ ጋላቲስ

3 ማርቲላ ኣዋስ፡ ኡባ ዋዴ ኦና ሚንሌሊያ ዋሳ፡ ኦ ጎዳ ዩሱስ ኪሪስቶሳ ኣዋስ ጋላቲ ገደ፡፡

4 ዋሳይ ኦስ ኢሚዳ ሚንሌሊያን፡ ሜቶን ዳዒይሳታ ኦ ሚንሌላና ሜላ ዋሳይ ኦና ኦ ሜቶ ኡባን ሚንሌሊስ፡፡

5 ኦ ኪሪስቶሳ ዳር ዋያ ሻኬቲዳይሳዳ ቃሲ ኦ ኢያ ዳር ሚንሌሊያን ሚናና፡፡

6 ኦ ኢ ዋዴቲኮ ሄሲ ሂንቲና ሚንሌላናካ ሂንቲና ኣሻናሳ፡ ቃሲ ኦ ኢ ሚኔቲኮ ኦ ኢ ጌንጨዳ ዋያ ሜላ ሂንቲካ ጌንጨዲ፡ ዋሳይ ሂንቲው ኢሚያ ሚንሌሊያን ሚናና፡፡

7 ሂንቲ ኦ ኤኪዳ ሜቲዋ ሜላ ኤኪዲ፡ ኦ ሚንሌሊያን ሻኬታይሳ ኦ ኤሪያ ገሾ ኦ ኡፋይሳይ ሂንቲናን ሚና፡፡

8 ኦ ኣሻቶ፡ ኢሲያ ቢታን ኦና ጋኪዳ ሜቲዋ ሂንቲ ኤራና ሜላ ኮዮስ፡ ሄ ኦና ጋኪዳ ሜቶይ

ኦ ዋልቃፊ ዳሪን፡ ሃይቆና ኣቶኮ ገዲ ኡፋይሲ ቃንጊዳሺን፡፡

9 ኦ ኢ ኦ ቦላ ሃይቆ ፐርዲ ፐርዴቲዳ ሜላ ቆፒዳ፡፡ ሺን ኦ ኢ ኦ ሁዒን ገደናሺን፡ ሃይቆዳይሳታ ዳንሊያ ዋሳን ኣማኔታና ሜላ ሄሲ ሃኒስ፡፡

10 ዋሳይ ሄሳ ሜላ ኢታ ሃይቆፔ ኦና ኣሺስ፤ ሃዒካ ኣሻና፤ ሲንላፊካ ኢ ኦና ኣሻና ገዲ ኢያን ኡፋይሲ ዋሳስ፡፡

11 ዋሳን ኦና ማዲቲ፡፡ ዳር ዋሳ ጋሶን ዋሳ ማዲዋ ኦ ዳሚያ ዋዴ ዳር ኣሳይ ኦ ገሾ ዋሳ ጋላቶሶና፡፡

ጳውሎስ ባናው ቆፒዳ ቆፋ ላሚስ

12 ኦ ኢ ኦ ጌሻ ካሃን ጨቆቶስ፡፡ ኦ ኢ ሃ ኣላሚያን ዳዒዳ ዳዑዋን ኡባራካ ኦ ዳዒዳ ዳዑዋን ቲማቲላኔ ሱሬቲላን ሂንቲራ ዳዒዳ፡፡ ሄሲካ፡ ሃ ኣላሚያ ጨንጫቲላን ገደናሺን ዋሳ ኣቆ ኬሃቲላና፡፡

13 ኦ ሂንቲው ፃፊዳ ዳብዳቤይ ሂንቲ ናባባናውኔ ኣኬካናው ዳንዳዒያባፔ ኣቲን ሃራ ገደና፡፡ ሂንቲ ኢያ ኣኬካናው ዳንዳዒይሳ ታ ኣማናይሲስ፡፡

14 ሃዒ ሂንቲ ኦና ሃኒዳ ኬና ኤሬታ፡ ሺን ሲንላፊ ኩሜሊ ኤራናይሳ ታ ኣማኔታይስ፡፡ ኦ ጎዳ ዩሱስ ሲሚያ ዋዴ ኦ ኢ ሂንቲናን ጨቆቲዳይሳዳ ሂንቲካ ኦናን ጨቆታና፡፡

15 ሃሳ ታኒ ሎይላ ኤሪዳ ገሾ ሂንቲ ናምዓንሶ ጎዒታና ሜላ ካሴታዳ ሂንቲኮ ባናው ቆፋ ቃቻስ፡፡

16 ታኒ ማቆዲያ ባሼኔ ያፔ ሲማሼ ሂንቲና ቤዓና፡፡ ታኒ ያፔ ዪሁዳ ቢያ ዋዴ ሂንቲ ታና ታ ኦጊያን ማዳና ጋዳ ቆፓስ፡፡

17 ታኒ ሃሳ ጋሼ ኣይ ኦላናው ቤሲያኮ ኤርና ኣሲ ዳናይና? ዋይኮ ታኒ ታ ቆፋ ቃቻያ ዋዴ ኣሳ ቆፋዳ፡ ኢሲ ቶሆ «ኤ» ቃሲ ኢሲ ቶሆ «ኣካይ» ገያ ኣሳ ሜሊዬ?

18 ሺን ዋሳይ ኣማኔቲይሳ ገዲያ ገሾ ኦ ሂንቲው ኦዲያ ቃላይ «ኤ» ዋይኮ «ኣካይ» ጌይሳ ገደና፡፡

19 ታኒ፡ ሲላሴይኔ ጊሞቲዮሲ ሂንቲው ማርካቲዳ ዋሳ ናዒይ፡ ዩሱስ ኪሪስቶሲ ኡባ ዋዴ «ኤፔ» ኣቲን «ኤ» ኦ «ኣካይ» ገደና፡፡

20 ዋሳይ ኢማና ገዳ ኡባይ ኪሪስቶሳ ባጋራ «ኤ» ገደሰ፡፡ ኦ ኪሪስቶሳ ባጋራ ዋሳ ቦንቸሰ፡ «ኣሚንዒ» ጌይ ሃሳ ገሾሳ፡፡

21 ኦ ኢ ሂንቲ ኪሪስቶሳን ሚኒዲ ኤቃና ሜላ ኦሊዲይኔ ባ ኦሱዋስ ዳሪዳይ ዋሳ፡፡

22 ኦ ኢ ኢያባ ገዴይሳ ኤሪሳናው ባ ማታሚያ ኦ ቦላ ዋላስ፤ ቃሲ ባ ጌሻ ኣያና ኦይሊ ኦሊዲ ኦ ዋዛናን ዋላስ፡፡

23 ታኒ ቆርንቶሳ ቦና ኣገዳይ ሂንቲ ኣዛኖና ኣታና ሜላሳ፤ ሄሲ ዋርዶ ገዲኮ ዋሳይ ታ ሽምፑዋ ታፔ ኤኮ፡፡

24 ሂንቲ፡ ሂንቲ ኣማኔዋን ሚኒዲ ዳዒያ ገሾ ኦ ሂንቲና ኡፋይሳናው ሂንቲራ ኢሲፊ ኦሊዲይሳታፔ ኣቲን ሂንቲና ዋልቃን ኣማንሌይሳታ ገደኮ፡፡

2

1 ታኒ ናምዓን፥ ሂንቴኮ ቢኬ ጋዳ ቆፋ ቃቸዳይ ሂንቴና አዛንፍና አጋና።

2 ታኒ ሂንቴና አዛንፍኮካ ታ አዛንፍዳ ሂንቴፊ ሃሪ ታና ኡፋይሳናው ዴዔይ ኦኔ?

3 ታኒ ሂንቴው ሄ ዳብዳቢያ ፃፊዳይ፥ ታ ሂንቴና ቤዓናው ቢያ ዋዴ ታና ኡፋይሳናው ቤሲያ አሳን ታ አዛናናው ኮዮና ገሾሳ። ታ ኡፋይቲያ ዋዴ ሂንቴ ኡባይካ ኡፋይታናይሳ ታ አማናይሰ።

4 ታኒ ዳር ዋዴኒኔ ኡንዓን ቃሲ ዳር አፋፋን ፃፊዳይ፥ ሂንቴና አዛንፍሳ ገደናሺን ታኒ ሂንቴና ኡባ አይ ማላ ደሲያኮ ሂንቴና ኤሪሳና ማላሳ።

ቆሃዳይሳ ማርባ

5 አሴ አዛንፍዳ ኦኒካ ዴቢኮ ታ ኢያ ባላ ዳርሳናው ኮዩኬፊ አቲን ታና ገደናሺን ሂንቴፊ ዳርታ አዛንፍሰ።

6 ሂንቴፊ ዳሪያ አሳይ ሄ ኡራ ሴሪዳ ሴራይ ኢያው ገዳና።

7 ሄሳ ገሾ፥ ሄ ኡራይ ዳር አዛኒዲ፥ ኡፋይሲ ቃንዮና ማላ ሂንቴ ኢያ ማራናዉኔ ማንፍላናው ቤሴሰ።

8 ሂንቴ ኢያ ሲቁይሳ ዛሪ ኢያው ቆንጨሳና ማላ ታ ሂንቴና ዋሳይሰ።

9 ታ ሄ ዳብዳቢያ ሂንቴው ፃፊዳይ፥ ሂንቴ ፓጩቲዲ፥ ኡባባን ታው ከቴቲይሳ ኡራናው ኮዩዳ ገሾሳ።

10 ሂንቴ ማሪያ ኡራ ታካ ማራና። ታኒ ማራናባይ አይቤ ዴቢኮካ፥ ከሪሰቶሳ ሲንፋን ሂንቴ ገሾ ጋዳ ማራሰ።

11 ታኒ ሄሳ ኦሊዳይ ፃላሂያ ጨዋ ኦሱዋ ኦ ኤሪያ ገሾ ፃላሂን ጨማቶና አታና ማላሳ።

ደርዳዳን ጳውሎሳ ኡንዔቴላ

12 ታኒ ከሪሰቶሳ ዋንጌላ ሳባካናው ደርዳዳ ቢዳ ዋዴ ጎዳይ ያን ታው ኦሶ ኦጌ ገሺሲዲ ዋላሰ።

13 ሺን ታኒ ታ አሻ ቲቶ ያን ዴማቦና ገሾ ታ ዋዛናይ ሸምፕቤና። ሄሳ ገሾ፥ ያን ዴዔያ አሳ ሳርላዳ ኢያ ኮያናው ማቁደኒያ ባሰ።

14 ሺን ከሪሰቶሳ ባጋራ ኡባ ዋዴ ኦና ያናን ካሌሊያኔ ሺቶ ማላ ሳዊያ ከሪሰቶሳባ ኦ ኤሪያ ቲሚርቲያ ኡባ ቤሲ ጋላና ማላ ኦሊያ ያሳ ጋላቲ ጋኮ።

15 ኦኒ አቲያ አሳ ገደኒኔ ቆያ አሳ ገደን ከሪሰቶሳ ባጋራ ያሳሰ ኢማቲዳ ሳዊያ ሺቶ ማላ።

16 ቆያ አሳሰ ሃይቆኮ ኤፊያ ሃይቆ ፔና፤ ቃሲ አቲያ አሳሰ ዴዎኮ ኤፊያ ዴዎ ሳዋ፤ ያቲን፥ ሄሳ ማላ ኦሱዋሰ ገዳናይ ኦኔ?

17 ኦኒ ያሳ ቃላ ዋዴ ዴማናው ኮዩዲ ዋላኪዲ ዛልዒያ ዳር አሳ ማላ ገደኮ። ሺን ያሳይ ከቲዳ ሱሪ አሳታ ማላ ከሪሰቶሳን ዴዒዲ ያሳ ሲንፋን ቃላ ኦደሰ።

3

ኦራላ ጫቁዋ ኦሳንቸታ

1 ኦኒ ዛሪዲ ኦና ሳቢኖዬ? ዋይኮ ሃራ አሳዳ፥ ሳባ ዳብዳቢያ ሂንቴው ዬዳናው ዋይኮ ሂንቴፊ ኤካናው ኦና ኮሺዬ?

2 አሲ ኡባይ ሂንቴና ኤራና ማላኔ ናባባና ማላ ሂንቴ ኦ ዋዛናን ፃፊቲዲ ዴዔያ ኦ ዳብዳቢ።

3 ሂንቴ ቃላሚን ገደናሺን ዴዎ ያሳ አያና፥ ሹቻ ቦላ ገደናሺን አሳ ዋዛናን ፃፊቲዳይሳታኔ ኦናን ሃጋዜቲዳ ከሪሰቶሳ ዳብዳቢ ገዴይሳ ቤሲዴታ።

4 ኦ ሄሳ ገዳይ፥ ከሪሰቶሳ ባጋራ ያሳን አማናይ ኦሰ ዴዔያ ገሾሳ።

5 ኦ ሄሳ አላናው ዳንዳዒዳይ ያሳ ዋልቃናፔ አቲን ኦኒ ኦ ዋልቃን አይኮካ አላናው ዳንዳዎኮ።

6 ኦ ኦራላ ጫቁዋ ኦሳንቸታ ገዳና ማላ ያሳይ ኦና ዳንዳዒሲሰ። ሄ ኦራላ ጫቆይ ገሻ አያናን ቤንቲዳይሳፊ አቲን ፃፊቲዳ ሂንቴ ገዴና። ሂንቴ ዋዴሰ፥ ሺን ገሻ አያናይ ዴዎ ኢማሰ።

7 ሹቻ ቦላ ፃፊቲዳ ሂንቴ ኢማቲያ ዋዴ ያሳ ቦንቸይ ቆንጨሰ። ሙሴ ሶምዑዋን ዴዔያ ቦንቸይ ቆይሼ ቢያባ ገዴኮካ፥ ኢሰራዔሌ አሳይ ኢያ ሶምዑዋ ቲሺ ኦሊዲ ያላናው ዳንዳዒቦኮና። ሂዛ፥ ሃይቆ ኤሂያ ሂንቴ ሄሳ ማላ ቦንቸን ቆንጨኮ።

8 ያቲን፥ ገሻ አያናን ኦሴቲያ ኦሱዋ ቦንቸይ ዋኒዲ አጼኔ?

9 አሳ ቦላ ፐርዳ ኤሂያ ሂንቴ ቦንቸ ገዴኮ ያቲን፥ አሴ ያሊሲያ ኦራላ ኦጌይ ዋኒዲ አጼዲ ቦንቸቴኔ?

10 ካሴ ቦንቸ ገዴዳይሳ ሃዒ አጼያ ቦንቸይ ዴዔይሳራ ጋሊ ቤዒያ ዋዴ ቦንቸይ ባይናባ ገዴሰ።

11 ጉላ ዋዴሰ ቆንጨዲ ጉዬፔ ቆይዳይሲ ሃይሳዳ ቦንቸቲኮ፥ ማሪናው ዴዔይሲ ዋኒዲ አጼዲ ቦንቸቴኔ?

12 ኦሰ ሃይሳ ማላ ኡፋይሳይ ዴዔያ ገሾ ዬላቶና ኦዴቶሰ።

13 ኦኒ፥ ኢሰራዔሌ አሳይ ቆይሼ ቢያ ቦንቸዋ ወርሴላ ቤዶና ማላ ባ ሶምዑዋ ካሚዳ ሙሴ ማላ ገደኮ።

14 ሺን ኤንታ ዋዛናይ ደጨሰ። ሃቺ ጋካናው ኤንቲ ጋልዒ ጫቁዋ ናባቢያ ዋዴ ኤንታ ዋዛናይ ሄ ካማን ካማቲ ዴዔሰ። ሄ ካማይ ከሪሰቶሳ ፃላላን ቃሬቲሰ።

15 ሺን ሃቺ ጋካናዉካ ኤንቲ ሙሴ ማፃፋ ናባቢያ ዋዴ ኡባን ሄ ካማይ ኤንታ ዋዛና ካማሰ።

16 ሺን ኦኒካ ጎዳኮ ሲሚያ ዋዴ አዉዴካ ሄ ካማይ ቃሬቲሰ።

17 ጎዳይ አያና፤ ጎዳ አያናይ ዴዔያ ቤሳን ላዒቲሊ ዴዔሰ።

18 ኦኒ ኡባይ ካማቲቦና ሶምዎን ጎዳ ቦንቸዋ ቤዓና። * ኦኒ አያና ገዴዳ ጎዳ ማላ ዳናናው ቦንቸፊ ቦንቸን ላማታና።

2:12 ሃ.ኦ 20:1 3:3 ኪሳ 24:12፤ ኤር 31:33፤ ሃዘ 11:19፤ 36:26 3:6 ኤር 31:31 3:7 ኪሳ 34:29 3:13 ኪሳ 34:33 3:16 ኪሳ 34:34 * 3:18 ቤዓና፥ ማሰቶቲዳ ዛሪዲ ጸሊሳና ጌቲቲ ቢርሺታናው ዳንዳዒሰ።

4

ቱማ ሃዋርያት ስሉዋ

1 ሂዛ፣ ያሳይ ባ ማርቲያን ሃ ስሉዋ ኩስ አሚዳ ጊሾ ኮኒ ኡፋይሲ ቃንያኮ።

2 ኮኒ ዩላያ ጌማ አሶ ኡባ አጊዳ፤ ጌኔ አሶ አላኮ፤ ያሳ ቃላ ዋርዶራ ዋላኮ። ቱማ ቆንጩን ሃሳዩሼ፣ አሳ ኡባ ካሃይ ኩና ኤካና ማላ ያሳ ሲንላን ኩና ሺሾሰ።

3 ኩ ኡዲያ ዋንጌላይ ጌሚዳባ ጊዲኮካ፣ ጌሚዳይ ቆዮ ኦጌን ደዲያ አሳሳ።

4 ሃ አላሚያ ሃሪያ ያሳይ አማኖና አሳ ዋዛና ጎዚሲ። እንቲ ያሳ ማላን ቆንጩዳ ኪሪሰቶሳ ቦንቾ ዋንጌላ ፖዑዋ ቤዖና ማላ ዲጊሰ።

5 ኮኒ፣ ዩሱሰ ኪሪሰቶሲ ጎዳ ጊዳይሳኔ ኩ ኢያ ጊሾ ሂንቲ ኦሳንቾ ጊዳይሳ ኦደሲ፤ ኦቲን ኩባ ኦደኮ።

6 «ቆማን ፖይይ ፖይ» ጊዳ ያሳይ፣ ኪሪሰቶሳ ሶምዑዋን ፖሚያ ያሳ ቦንቾዋ ኤራ ፖዑዋ አማኖና ባ ፖዑዋ ኩ ዋዛናን ፖሚሲሰ።

7 ሺን ኡባፊ አቋያ ዋልቃይ ኩባ ጊዳናሺን ያሳባ ጊዳይሳ ቤሳናው ሃ ቦንቾ ሻሎይ ሜቃ ሚሼ * ጊዲዳ ኩ አሳቲላን ዳዔሰ።

8 ኩ ኡባ ባጋራካ ዋዩቲዳ፣ ሺን ማቀሪቲቦኮ። ኩስ ሃዲርሲ ጊዲሰ፣ ሺን ኡፋይሲ ቃንያኮኮ።

9 ኩ፣ ዋርኬታን ጎዳቲዳ፣ ሺን ላጌ ቆዩቦኮ። ኩ ዋርኬታን ሸጩቲዲ ኩንዲዳ፣ ሺን ቆዩቦኮ።

10 ዩሱሳ ዳይይ ኩ አሳቲላን ቆንጩና ማላ ኢያ ሃይቁዋ ኡባ ዋዩ ኩ አሳቲላን ቶኪዲ ዩዮሰ።

11 ዩሱሳ ዳይይ ሃይቁያ ኩ አሳቲላን ቆንጩና ማላ ፓፃ ዳዲያ ኮኒ ኢያ ጊሾ ኡባ ዋዩ ሃይቆሰ አቋዲ አሚቶሰ።

12 ሂዛ፣ ሃይቆይ ኩናን ኦሌያ ዋዩ ዳይይ ሂንቲናን ኦሌሰ።

13 ጌሻ ማፃፋን፣ «ታ አማናሰ፤ ሂሳ ጊሾ ሃሳያሰ» ያጌቲሰ። ሂሳ ማላ አማኖይ ኩስ ዳዲያ ጊሾ ሃሳዮሰ።

14 ጎዳ ዩሱሳ ሃይቆፔ ዳንሊዳ ያሳይ፣ ኩናካ ዩሱሳራ ሃይቆፔ ዳንላናይሳኔ ሂንቲራ ኢሲፊ ባ ሲንሌ ሺሻናይሳ ኤርሰ።

15 ሂሲ ኡባይ ሃኒዳይ ሂንቲ ጊሾሳ። ያሳ አቋ ኬሃቲላይ ዳር አሳ ጋኪያ ዋዩ አሳይ ያሳ ቦንቾዋሰ ዳር ጋላታ አማና።

አማኖን ዳዖ

16 ሂሳ ጊሾ፣ ኮኒ ኡፋይሲ ቃንያኮ። ኩ ቤንቲያ አሳቲላይ ዳቡሪሼ ቢያባ ጊዲኮካ፣ ኩ አያና አሳቲላይ ጋላሰ ጋላሰ ኦራዳሰ።

17 ሃሲሰ ኮኒ ዋዩቲያ ሃ ካወሻ ዋዩይ፣ ኡባፊ ኬሂ ጌታቲያ ማሪና ቦንቾዋ ኩስ አሚሳና።

18 ኮኒ ቤንቲያባ ጊዳናሺን ቤንቶናባ ያሎሰ። ቤንቲያባይ ሃሲሳ፣ ሺን ቤንቶናባይ ማሪናሳ።

4:6 ሜዴ 1:3 * 4:7 ሜቃ ሚሼ፣ ሃ ቤሳን ሜቃ ሚሼ ጌቲቲዳይ ቢታፊ ኦሲቲዳ ሚሼታ ቤሳናሳ - ኦቶ፣ ሻቲ፣ ቤሼ...

4:13 ማዝ 116:10 5:10 ሮሜ 14:10 * 5:21 ናጋራንቾቾ አሳዳ፣ ናጋራ ያርሾ ኦሌሰ።

5

1 ሃሲ ኩ ዳዲያ ዳንካኔ ዳኒያ ሃ ሳዓ አሳቲላይ ላሌቲኮካ፣ አሲ ኬዲቦና፣ ያሳይ ኬዲዳ ማሪና ኬላይ ኩስ ሳሎን ዳዲያ ኤርሰ።

2 ሳሎ አሳቲላ ማዓናው አሞቲሼ ሃሲ ሃ ሳዓን ዳዲሼ ኦሎሰ።

3 ኮኒ ሂሳ ማሚያ ዋዩ ካሎቶኮ።

4 ዳንካኔ ዳኒያ ሃ ሳዓ አሳቲላን ኩ ዳዲሼ ዳይቲዲ ኦሎሰ። ሃይቁያ ኩ አሳቲላይ ዳዖን ላሚታና ማላ ሳሎ አሳቲላ ማዓናው ኮዮሲ፤ ኦቲን አሹዋፔ ሻኬታናው ኮዩዲ ጊዳና።

5 ኩና ሃይሳሰ ጊሲሲዳይ ያሳ። ቃሲ ሲንላፊ ያናባሰ ኦይሊ ኦሌዲ ባ አያና ኩስ አሚሰ።

6 ሂሳ ጊሾ፣ ኮኒ ሃ ሳዓ አሳቲላን ዳዲያ ዋዩ ኡባን ጎዳፔ ሃኪዲ ዳዲያ ኤሪኮካ ኡባ ዋዩ አማኔቲዲ ዳዖሰ።

7 ኮኒ ዳዲያ አማኖና፤ ኦቲን ቤዲያባን ጊዳና።

8 ኩ ሃ ሳዓ አሳቲላፊ ሻኬቲዲ፣ ኩ ሶ ቢዲ ጎዳራ ኢሲፊ ዳናው አሞቲያ ጊሾ አማኔቲዲ ዳዖሰ።

9 ሂሳ ጊሾ፣ ኩ ሃ አሳቲላን ዳዲያ ዋይኮ ሃ አሳቲላፊ ሻኬቲን፣ ኩ አሞይ ኢያ ኡፋይሳናይሳ።

10 ኮኒ ኢሶይ ኢሶይ ሃ ሳዓን ዳዲሼ ሎዖ ጊዲን ዋይኮ ኢታ ጊዲን፣ ኦሌዳ ኦሎቶሰ ቤሲያ ፐርዳ ኤካናው ኪሪሰቶሳ ፐርዳ አራታ ሲንላን ሺቃና።

አሴ ያሳራ ሲጌላ

11 ሂዛ፣ ኮኒ ጎዳ ቦንቾይሲ አይ ጉሴኮ ኤሪያ ጊሾ አሳይ ኩ ኦይሳ ኤካና ማላ ዞርሰ። ያሳይ፣ ኮኒ ኦኔኮ ኩና ኤሪሰ፤ ቃሲ ሂንቲካ ሂንቲ ካሃን ኩ ኦኔኮ ኤሪታ ያጋዳ ቆፓይሰ።

12 ዋዛናን ጊዳናሺን ማላን ጩቁቲያ አሳ ዳና ኦይሳናው ሂንቲ ኩናን ጩቁታና ማላ ሂንቲው ጋሶ ጊዳናው ኮዮሲ፤ ኦቲን ኩ ኩና ዛሪዲ ናሻናው ኮዮኮ።

13 ኩ ጎሺ ጊዲኮ ያሳ ቦንቾሳ፤ ዋዛናማ ጊዲኮ ሂንቲሳ።

14 ኢሶይ ኡባሰ ሃይቁዳይሳኔ ኡባይ ቃሲ ኢያራ ሃይቁዳይሳ ኩ ኤሪያ ጊሾ ኪሪሰቶሳ ሲቆይ ኩና ሃሪሰ።

15 ዳዖን ዳዲያሳቲ ሂዛፔ ጉዬ ባንታው ጊዳናሺን ኤንታው ሃይቁዳይሳሴ ሃይቆፔ ዳንዲዳይሳሰ ዳና ማላ ኪሪሰቶሲ አሳ ኡባ ጊሾ ሃይቆሰ።

16 ሂዛፔ ጉዬ፣ ኮኒ ኦናካ አሳ ቆፋን ፐርዶኮ። ሃይሳፊ ካሴ ኮኒ ኪሪሰቶሳካ አሳ ቆፋን ፐርዲዳባ ጊዲኮካ፣ ሂዛፔ ሃሳዳ ፐርዶኮ።

17 ሂሳ ጊሾ፣ ኦኔካ ኪሪሰቶሳን ዳዲኮ ኦራሳ ማዴቲላ፤ ጋላዓ ማዴቲላይ አቋሰ፤ ኡባይካ ኦራላ ጊዲሰ።

18 ሂሳ ኡባ ያሳይ ኦሌሰ። ኢ ኪሪሰቶሳ ባጋራ ኩና ባራ ሲጌላሰ። ቃሲ ሃራታ ባራ ሲጌላና ማላ ኩስ ሲጌላ ኦሶ አሚሰ።

19 ያሳይ ኪሪሰቶሳ ባጋራ አሳ ኡባ ባራ ሲጌላሰ። ኤንታ ናጋራ ታይቢቤና፤ ቃሲ አሳ ባራ ሲጌላያ ቃላ ኩስ አሚሰ።

4:6 ሜዴ 1:3 * 4:7 ሜቃ ሚሼ፣ ሃ ቤሳን ሜቃ ሚሼ ጌቲቲዳይ ቢታፊ ኦሲቲዳ ሚሼታ ቤሳናሳ - ኦቶ፣ ሻቲ፣ ቤሼ... 4:13 ማዝ 116:10 5:10 ሮሜ 14:10 * 5:21 ናጋራንቾቾ አሳዳ፣ ናጋራ ያርሾ ኦሌሰ።

20 ያሳይ አሳ ኑ ባጋራ ጭገያ ጊሾ ኑ ከሪሰቶሳን ከቲቲዲ አሳ ያሳራ ሲጌቲቲ ጊዲ ከሪሰቶሳ ጊሾ ዋሶሰ።

21 ኑኒ ያሳ ጂሎቴላ ከሪሰቶሳ ባጋራ ኤካና ማላ፡ ናጋራ ኤርና ከሪሰቶሳ ኑ ጊሾ ናጋራንቸ አሳዳ ኦሊሰ።*

6

1 ኑኒ ያሳራ ኢሲፌ ኦሊያ አሲ ጊዴይሳዳ፡ ሂንቲ ኤከዳ አጼ ከሃቴላ ሃዳ ኦሊና ማላ ኑ ሂንቲና ዋሶሰ።

2 ያሳይ፡ «ታ ኔና ሲዓና ዋዴን ሲዓሰ፤ አቶቴላ ጋላሳን ኔና ማዳሰ» ያጌሰ። ሄኮ፡ ታ ሲዒያ ዋዴይ ሃዒ፤ አቶቴላ ጋላሳይ ሃቸ።

3 እነካ ኑ ኦሎቶ ሶራና ማላኔ ኑናን ጹቤታና ማላ ኮኮኮ።

4 ጊደሺን፡ ኑ ቱማ ያሳ ኦሳንቸታ ጊዴይሳ ኑ ኦሊያ ኡባባን ቤሲዳ። ዳር ጌንጫን፡ ዋዴን፡ ማዳን፡ ኡንዓን፡

5 ጋራፌቴላን፡ ቃሾን፡ ኢያን ከሚዳ ዋጫማን፡ ዳቡራን፡ ጳሰኮ ጳዮን፡ ያማን፡

6 ጌሻቴላን፡ ኤራቴላን፡ ዳንዳዓን፡ ከሃቴላን፡ ጌሻ አያናን፡ ቱማ ሲቆን፡

7 ቱማ ሃሳያኒኔ ያሳ ዋልቃን ኑኒ ኢያ ኦሳንቸታ ጊዴይሳ ቤሲዳ። ቃሲ ጂሎቴላይ ኑሰ ቶራኔ ሳንዳሌ።

8 ኑኒ ሶንቸቲዳኔ ቶሾቲዳ፤ ጫዬቲዳኔ ጋላቲቲዳ። ቱማ ሃሳዮሰ፡ ሺን አሳይ ኑና ዋርዳንቸ ጊደሶና።

9 ኑ አሳን ኤሬቲዳ አሲ፡ ሺን ኤሬቶና አሳ ማላ ጊዲዳ። ሃይቂዶሶና ያጌቲዳ፡ ሺን ፓፃ ዳዎሰ፤ ሾጬቲዳ፡ ሺን ሃይቂሶኮ።

10 ኑኒ አዛኒኮካ ኡባ ዋዴ ኡፋይቶሰ። ኑ ማንቆ ዳሮሰ፡ ሺን ዳር አሳ ዳራዮሰ። ቃሲ አይኮይካ ባይና አሲ ዳሮሰ፡ ሺን ኡባይ ኑባ።

11 ቆርንቶሳ አሳው፡ ኑ ሂንቲው ቆንጮን ኦዲዳ፤ ኑ ኡሉዋ ሂንቲና ቤሲዳ።

12 ሂንቲ ኑና ሂንቲ ሲቁዋ ቤሶና ዲጊዴታፔ ኦቲን ኑ ኑ ሲቁዋ ሂንቲና ዲጊሶኮ።

13 አጫ ባ ናይታሰ ኦዴይሳዳ ታ ሂንቲው ኦዴይሰ፤ ኑ ሂንቲና ኑ ኡሉዋ ቤሲዳይሳዳ፡ ሂንቲካ ሂንቲ ኡሉዋ ኑና ቤሲቲ።

አማናና አሳራ ዳዒያ ኢሲፌቴላ አጎ

14 አማናና አሳራ ቤሶና ኦጌን ዋዳቶፊቴ። ጂሎቴላሲኔ ናጋራሰ አይቢ ጋሄቴላ ዳዒ? ፖዎሲኔ ጹማሰ አይቢ ኢሲፌቴላ ዳዒ?

15 ከሪሰቶሳን ፃላሄ ኢሲፌ ጋሊያባይ አይቤ? ቃሲ አማኔይሲኔ አማናይሲ ኢሲፌ ኮዲያባይ አይቤ?

16 ያሳ ከላሰ ኤቃታራ አይቢ ኢሲፌቴላ ዳዒ? ያሳይ፡

«ታኒ ኤንታ ጊደን ዳዒና፡ ኤንታ ጊደን ሃሙታና። ታኒ ኤንታ ያሳ ጊዳና፤

ኤንቲካ ታ አሲ ጊዳና» ጊዳይሳዳ፡ ኑኒ ዳዎ ያሳ ከሌ።

17 ሄሳዳካ፡ ጎዳይ፡ «ኤንታ ጊደፌ ሻኬቲዲ ከዪቴ፤

ቱና ጊዲዳባ ሶቾፊቴ፤ ታ ሂንቲና ኤካና።

18 ታ ሂንቲው አዋ ጊዳና፤ ሂንቲ ታው አዳ ናይታኔ ማጫ ናይታ ጊዳና፤ ያጌሰ ኡባፌ ዋልቃማ ጎዳይ» ያጌሰ።

7

1 ሂዛ፡ ታ ሲቆቶ፡ ሃ ኡፋይሳይ ኑሰ ዳዒያ ጊሾ ኑ አሹዋኔ ኑ ሾምፑዋ ቱኒሲያባ ኡባፌ ኑና ጌሾሰ። ያሳሰ ያዪዲ ኑ ጌሻቴላ ፖሎ ኦላሰ።

ጳጫሎሳ ኡፋይሳ

2 ሂንቲ ኡሉዋ ኑና ቤሲቲ። ኑኒ ኦናካ ናቂሶኮ፤ ኦናካ ቆሂሶኮ፤ ኦናካ ጨሚሶኮ።

3 ታኒ ሄሳ ሂንቲ ሶላ ፒርዳናው ጊኬ። ሃይሳፌ ካሴ ታ ሂንቲው ኦዲዳይሳዳ፡ ሂንቲ ኑ ዋዛናን ዳዴታ፤ ኑ ፓፃ ዳዒንካ ሃይቂንካ ሂንቲፌ ሻኬቶኮ።

4 ታ ኦዲያባ ሂንቲፌ ቆቲኬ፤ ታ ሂንቲናን ጨቁታይሰ፤ ኑ ዋዬ ኡባን ሚኔታይሰ፤ ቃሲ ጊታ ኡፋይሲ ኡፋይታይሰ።

5 ኑኒ ማቂዶኒያ ቢዳ ዋዴ ኡባ ባጋራ ዋዬቲዳፔ ኦቲን ሾምፒሶኮ። ካሬራ ሞርኬታን፡ ኑ ጋላን ያሻን ኡንዔቲዳ።

6 ሺን አዛኒዳይሳታ ሚንሌሊያ ያሳይ፡ ቲቶ ዩሳን ኑና ሚንሌሊሰ።

7 ኑና ሚንሌሊዳይ ቲቶ ዩሳ ፃላላ ጊደናሺን ሂንቲካ ኢያ ሚንሌሊዳይሳና። ሂንቲ ታና ለሞቴይሳ፡ ታው አዛኒይሳኔ ታው ቆፔይሳ ታ ሲዒዳ ዋዴ ታና ዳር ኡፋይሲሰ።

8 ታ ዳብዳቤይ ሂንቲና አዛንሊኮካ አይሰ ፃፋዲናሻ ጋዳ ቂርቲኬ። ታ ቂርቲዳይ ታ ፃፊዳ ዳብዳቤይ ሂንቲና ጉላ ዋዴሰ አዛንሊዳ ጊሾሳ።

9 ሃዒ ታኒ ኡፋይቲዳይ፡ ታ ሂንቲና አዛንሊዳ ጊሾ ጊደናሺን ሂንቲ አዛናይ ሂንቲና ሂንቲ ናጋራፔ ዛሪዳ ጊሾሳ። ያሳይ ባ ሼኒያዳ ሂንቲና አዛንሊሲፔ ኦቲን ኑ ሂንቲና አይቢንካ ቆሂሶኮ።

10 ያሳይ ኮያ አዛናይ፡ አቶቴላኮ ጋሊያ ናጋራፔ ሲሞ ኤሃሰ፤ ኢያን ቂርያባይ ባዋ። ሺን ሃ ሳዓ አዛናይ ሃይቆ ኤሃሰ።

11 ሂንቲ አዛናይ ሂንቲናን አይፊሲዳ አይፊያ ቤዒቲ። ሄ አዛናይ ሂንቲና አይ ማላ ዳንሌሊዳኮ፡ አይ ማላ ዛር አማናዳ ጊሊዳኮ፡ ሄ ኡራ ሶላ አይ ማላ ሃንቂሲዳኮ፡ አይ ማላ ታው ያያና ማላ ኦሊዳኮ፡ አይ ማላ አሞዬዳኮ፡ ሄ ኡራ ሴራናው አይ ማላ ጊሊዳኮ ቤዒቲ። ሃ ኡባባን ሂንቲ ጌሺ ጊዴይሳ ማርካዪዳታ።

12 ሄሳ ጊሾ፡ ታኒ ሃ ዳብዳቤያ ሂንቲው ፃፊዳይ፡ ናቂዳ ኡራ ዋይኮ ናቂቲዳ ኡራ ጊሾ ጊዴና። ሺን ሂንቲ ኑሰ አይ ማላ ቆፒያኮ ያሳ ሲንሳን ሂንቲ፡ ሂንቲና ቤዓና ማላ ፃፋሰ።

6:2 ኢሳ 49:8 6:5 ሃ.ኦ 16:23 6:16 ለዌ 26:12፤ ሃዘ 37:27፤ 1ቆር 3:16፤ 6:19 6:17 ኢሳ 52:11 6:18 2ሳሙ 7:14፤ 1ታሪ 17:13፤ ኢሳ 43:6፤ ኤር 31:9 7:5 2ታሪ 2:13

13 ኮኒ ኡፋይቲዳይ ሄሳ ጊሾሳ። ኑ ኡፋይሳፌ ኣጲዲ ኑና ዳሮ ኡፋይሲዳይ። ሂንቲ ቲቶ ኡፋይሲዳይሳኔ ኢያ ዋዛና ሹምፒሲዳይሳ።

14 ታኒ ሂንቲና ናሻዳ ኢያው ኦዲን ሂንቲ ታና ዩላዩቤኬታ። ሺን ኮኒ ኡባ ዎዴ ሂንቲው ቱማ ኦዲዳ፤ ሄሳዳካ ኮኒ ቲቶ ሲንላን ሂንቲና ናሹዳይሲ ቱማ ጊዲሰ።

15 ሂንቲ ኢያው ያሻን ኮኮሪዲ፣ ኢያ ሞኪዳይሳ ቃሲ ኢያው ኣይ ማላ ከቲቲዳኮ ኢ ቆፒያ ዎዴ ሂንቲው ዳዒያ ሲቆይ ማኒሼ ቢሰ።

16 ታኒ ኡባባን ሂንቲናን ኣማኔቲያ ጊሾ ኡፋይታይሰ።

8

አሞባ

1 ኑ አሻቶ፣ ያሳይ ማቄዳኒያን ዳዒያ ዎሳ ኬላታሰ አሚዳ ኣቶ ኬሃቴላ ሂንቲ ኤራና ማላ ኑ ኮኖሰ።

2 ኤንቲ ጊታ ማቶን ፓጩቲዳሶና፣ ሺን ኤንታ ኡፋይሳይ ዎልቃማ። ኤንታ ማንቆቴላሰ ዛዋ ባዎ፣ ሺን ባንታ ኢሙዋን ዳሮ ኬሂዳሶና።

3 ኤንቲ ባንታ ዎልቃ ማላኔ ባንታ ዎልቃፌ ኣቆይሳ ደሲዲ አሚዳይሳሰ ታ ማርካ።

4 ኤንቲ ያሳ ኣሳ ማዲያ ሎዎ ኦሶ ኑራ ኦላናው ኮዩዲ ኑና ዳሮ ዎሲደሶና።

5 ኤንቲ ኮኒ ቆፒዳይሳፌ ኣሊዲ ኦሊደሶና። ኮይርቲዲ ባንታና ጎዳሰ አሚዳሶና፤ ካሊዲ፣ ያሳ ሹኒያዳ ባንታና ኦሰ አሚዳሶና።

6 ሃ ሎዎ ኦሶ-ዋ ደሚዳ ቲቶይ ጉጂ ኦላናዲኔ ሂንቲና ማዲዲ፣ ሄ ኦሶ-ዋ ፖሊሳናዳ ኢያ ዎሲዳ።

7 ሺን ሂንቲ ኡባባን፣ ኣማኖን፣ ሃሳያን፣ ኤራቴላን፣ ጊታ አሞን፣ ኑና ሲቆኒኔ ኡባባን ዳሬቲዳይሳዳ ሃ ሎዎ ኦሶ-ዋንካ ሂንቲ ኬሃ ጊዳና ማላ ኑ ኮኖሰ።

8 ታኒ ሄሳ ኪታናው ጊኬ። ሺን ሃራታ ጊታ ኣሙዋ ሂንቲ ሲቁዋራ ጋላ ቤዓዳ ሂንቲ ኣይ ኬና ቱማኮ ኤራናው ጋይሰ።

9 ሂንቲ ኑ ጎዳ ዩሱሰ ኪሪሰቶሳ ኣቶ ኬሃቴላ ኤራታ። ኪሪሰቶሲ ዱሬ ጊዲ ኡቲዲ፣ ሂንቲ ኢያ ማንቆቴላን ዱሬታናዳ ሂንቲ ጊሾ ማንቁሰ።

10 ታኒ ሃ ኦዳን ሂንቲና ማዲያ ዞሬ ዞራናው ኮያይሰ። ሂንቲ ዚላይሌ አማናው ዓላላ ጊዳናሺን ሄሳ ኦላናው ኣሞቴላንካ ሂንቲ ኮይር።

11 ሂንቲ ኦላናው ደሚዳ ኦሶ-ዋ ሃዒ ፖሊቲ። ሂንቲ ሂንቲው ዳዒይሳ ኬና አሚኮ፣ ሄሲ ሂንቲ አማናው ዳሮ ኣሞቴይሳ ቆንጨሲሰ።

12 ኢሲ ኣሲ አማናው ኣሞቴኮ፣ ኢያ አሞይ ያሳ ሲንላን ኤኬቴይ፣ ኢ ባው ዳዒዳይሳ ኬና አሚናፕ ኣቲን ባይናባፕ አማናው ኡንዔቲን ጊዳና።

13 ታኒ ሄሳ ጌይ፣ ሂንቲ ኡባይ ኢሲ ጊና ጊዳና ማላሳፌ ኣቲን ሃራቲ ዎያፕ ሹምፒን ሂንቲ ዎዩታና ማላሳ ጊዳና።

14 ዎዴ ኤንታ ፓላሃይ ሂንቲ ፓጫ ኩንላና ማላ ሃዒ ሂንቲ ፓላሃይ ኤንታ ፓጫ ኩንላ። ሄሳን ሂንቲ ጊና ጊዳና።

15 ጌሻ ማፃፋን፣ «ዳሮ ሺሺዳይሳሰ ፓላሃይና፤ ጉላ ሺሺዳይሳሰ ፓጩቤና» ጌቲቲ ዓፌቲዳይሳ ማላ።

ቲቶኔ ኢያ ላጌታ

16 ኑ ሂንቲው ቆፒይሳዳ ቲቶይካ ሂንቲው ቆፓና ማላ ኦሊዳ ያሳይ ጋላቲቶ።

17 ቲቶይ ሂንቲኮ ቢዳይ፣ ኑ ኢያ ዴንሌሊዳ ጊሾ ዓላላ ጊዳናሺን ኢ ባ ሹኔን ባናው ኣሞቴዳ ጊሾሳ።

18 ዎንጌላ ማርካቴላን ዎሳ ኬላ ኡባን ዳሮ ኤሬቲዳ አሻ፣ ኮኒ ቲቶራ ኢሲፌ ኪቶሰ።

19 ሄሳ ቦላ ኮኒ ሃ ኬሃ ኣሞታ ኤሬያ ዎዴ ኑራ ባና ማላ ሃ ሎዎ ኦሶ-ዋን ጎዳ ቦንቻናውኔ ሃራታ ማዳናው ዳዒያ ኣሙዋ ቤሳናው ኢ ዎሳ ኬላታን ደሬቲሰ።

20 ሃ አሚቲዳ ኬሃ ኢሙዋ፣ ኑ ኦሶ ቦላ ፔሺያ ዎዴ ቦሬቶና ማላ ናጌቶሰ።

21 ኮኒ ጎዳ ሲንላን ዓላላ ጊዳናሺን ኣሳ ሲንላንካ ሎዎ ጊዲዳባ ኦሶሰ።

22 ቃሲ ዳሮ ዎዴ ፓጩን ማኒዲ ኣጲዳ ኑ አሻ፣ ኤንታራ ሂንቲኮ ከቲዳ። ኢ ሂንቲናን ኬሃ ኣማኔቲያ ጊሾ ሃዒ ሂንቲና ማዳናው ዳሮ ኣሞቴሰ።

23 ቲቶባ ኤራናው ኮይኮ፣ ኢ ሂንቲና ማዳናው ታራ ኦሊያ ታ ኦሶ ላጊያ። ሃንኮ አሻታባ ጊዲኮ ዎሳ ኬላቲ ከቲዳይሳታ፤ ቃሲ ኣሳይ ኤንታ ዲሳ ቤዒዲ ኪሪሰቶሳ ቦንቻሶና።

24 ሄሳ ጊሾ፣ ዎሳ ኬላቲ ሂንቲ ሲቁዋኔ ኑ ሂንቲና ናሹይሲ ቱማ ጊዳይሳ ቆንጨሳናው ሂንቲ ሲቁዋ ሃ ኣሳታ ቤሲቴ።

9

አማኒያ ኣሳሰ ኬሲዳ ማሺያ

1 አማኒያ ኣሳሰ ኬሲያ ማሺያባ ታ ሂንቲው ዓፋናው ኮሹና።

2 ሂንቲ ማዳናው ኬሃ ኣሞቴይሳ ታ ኤራይሰ። ሂንቲ ኣካያ ኣሳይ፣ ዚላይላፌ ደሚዲ ማዳናው ጊጌቲዳይሳ ታኒ ማቄዳኒያ ኣሳሰ ደና ኩንላዳ ኦዳሰ። ሂንቲ ጊታ ኣሞይካ ኤንታፌ ዳሮታ ዴንሌሊሰ።

3 ሃ ኦሶ-ዋን ሂንቲናን ኑ ጩቁቲያ ጩቆይ ሃዳ ጊዳና ማላ ኮይር ሂንቲባ ታ ኦዲዳይሳዳ ሂንቲ ጊጌቲዲ ናጋና ማላ ሃ አሻታ ሂንቲኮ ኪታሰ።

4 ማቄዳኒያ ኣሳይ ታራ ቢዲ፣ ሂንቲ ጊጌቶና ዳዒሺን፣ ዳሚኮ፣ ኑ ሂንቲናን ዩላታና፤ ቃሲ ሂንቲ ኑፕ ኣቶ ዩላታና።

5 ሄሳ ጊሾ፣ ሃ አሻቲ ታፔ ሲንላቲዲ ሂንቲኮ ቢዲ፣ ሂንቲ አማና ጊዳ ኢሙዋ ካሴቲዲ ጊጊሳና ማላ ታ ኤንታና ኪታሰ። ታኒ ጋኪያ ዎዴ ሄ አሞይ ጊጊ ኡቲሰ። ሄ ዎዴ ሄ ኬሃቴላ ኣሞይ ዎልቃን ጊዳናሺን ደሳን ጊዳይሳ ኤሪሴሰ።

6 ሃይሳ ኣኬኪቴ፤ ጉሉ ዜሪዳይ ጉሉ ጫካና፤ ዳሮ ዜሪዳይ ዳሮ ጫካና።

7 ያሳይ ኡፋይሳን አሚያ ኡራ ደሲያ ጊሾ ዎልቃን ዎይኮ ደሲ ባይና ጊዳናሺን ኢሲ ኢሲ

አሲ ባ ዋዛናን ቆፒዳይሳዳ ደሳን አማናው ቤሴሰ።

8 ኡባ ዋዳ ኡባባን ኮሺያባ ኡባ ዳሚዲ ሎዎ ኦሶ ኡባ አላናው ዳንዳናና ማላ ያሳይ ሂንቲው ባ አንጃዋ ዳርሳና።

9 ጌሻ ማፃፋን፤

«ኢ ባ ሻሉዋ ማንቆታስ ላሊሰ፤

ኢያ ዪሎቴላይ ማሪናው ዳዓና»

ያጌሰ።

10 ዜሬይሳስ ዜሬላ፤ ማናው ካሌ አሚያ ጎዳይ፤ ሂንቲ ዜሬያ ዜሬላ ዳርሲዲ አማና። ሂንቲ ዪሎቴላ አይፊያካ ዳርሳና።

11 ዳሮ አሳይ ሂንቲ አሚያ አሙዋ ኑፔ ኤኪዲ፤ ያሳ ጋላታናዳ፤ ሂንቲ ኡባ ዋዳ ዳርሲዲ አሚያሳታ ገዳና ማላ ያሳይ ሂንቲና ኡባ ባጋራ ዲሬያና።

12 ሃ ሂንቲ አሚያ አሞይ አማኒያ አሳ ፓጫ ኩንላ ዓላላ ገዳናሽን አሳይ ያሳ ጋላታናው ጋሶ ገዳሰ።

13 ሃ ሂንቲ ኦሶይ ሂንቲ አማኑዋ ኤርሲዲ ኪሪሰቶሳ ዋንጌላ ሂንቲ አማኒዲኔ ኢያው ኪቴቲዲ ሂንቲው ዳዒያባ ኤንታራኔ ሃራታራ ሻኬቲዳ ገሾ ኡባይ ያሳ ቦንቻና።

14 ያሳይ ሂንቲው አሚዳ አጾ ከሃቴላ ገሾ ኤንቲ ሂንቲው ያሳ ዋሲሼ ሂንቲና ቤዓናው ላሞቶሶና።

15 ዛዊ ባይና ያሳ አሙዋስ ያሳይ ጋላቴቶ።

10 ኢሲ ኢሲ አሳይ፤ «ጳውሎሳ ዳብዳቤይ ዳዎኔ ዋልቃማ፤ ሽን ኢያ ሶሞዎን ቤዒያ ዋዳ ኢ ዳቡራንቾ፤ ኢያ ኦዳይካ ፓሌና» ያጎሶና።

11 ሄ አሳቲ ኑ ሃሆን ዳዒሼ ፃፊያ ዳብዳቤያኒኔ ማታን ሂንቲራ ዳዒሼ ኦሊያ ኦሱዋ ገደን ዲማቴሌ ባይናይሳ አኬኮ።

12 ኑኒ ባንታና ናሺያ አሳታራ ኑና ገናያናው ዋይኮ ጋዴያናው ኮዮኮ። ሽን ኤንቲ ባንታና ባንታራ ገናዪዲ ዋይኮ ጋዴዪዲ ቤዒሼ ኤያ።

13 ሽን ኑኒ ያሳይ ኑሰ አሚዳ ጳሳን ጨቁቶሲፔ አቲን ዛዋ ፒኒዲ ጨቁቶኮ፤ ሄ ዛዋይ ሂንቲኮካ ጋኬሰ።

14 ኑኒ ቤሴይሳፊ አሊዲ ጨቁቶኮ፤ ሽን ኪሪሰቶሳ ዋንጌላ ሂንቲኮ ጋሊዳይሳን ጨቁቶሰ።

15 ኑኒ ያሳይ ኤሲዳ ዛዋፔ ፒኒዲ፤ ሃራቲ ኦሊዳ ኦሶን ጨቁቶኮ። ገደሽን፤ ሂንቲ አማናይ ዲጫና ማላ ያሳይ አሚዳ ዛዋን ሂንቲ ገደን ኑ ኦሊያ ኦሶይ ዳልጋና ገዲ ቆፖሰ።

16 ኑኒ ሃራ አሲ ባ ዛዋን ኦሊዳ ኦሶን ጌሊዲ ጨቁቶኮ፤ ሽን ሂንቲፊ ፒኒዲ ሃራታሰ ዋንጌላ ማርካታናው ዳንዳሶሰ።

17 ሽን፤ ጌሻ ማፃፋን፤ «ጨቁያ ኡባይ ጎዳ ሎዎቴላን ጨቆ» ያገዲ ፃፊቲሰ።

18 ጎዳይ ናሺያ ኡራፔ አቲን ባና ባው ናሺያ ኡራይ ናሺቴና።

11

ጳውሎሳኔ ዋርዳንቾ ሃዋሪታ

1 ታ ጉላ ኤያቴላ ሂንቲ ሃዒካ ዳንዳናና ጋዳ ቆፓይሰ፤ ሃያና ዳንዳዒቲ።

2 ያሳይ ሂንቲው ቆፒዳይሰሳዳ፤ ታካ ሂንቲው ቆፓይሰ። ታኒ ሂንቲና ጌሻ ጌላዒዳ ኢሲ አዲያ፤ ኪሪሰቶሳስ አማናው ኦይቻ ዋላሰ።

3 ሽን ሾሻይ ባ ጌኒያን ሄዋና ባሌሊዳይሳዳ ኦኒ ኤሪ ሂንቲ ዋዛናይ አቲዲ ኪሪሰቶሳስ ዳዒያ ሂንቲ ሱሬቴላኔ ጌሻቴላ አጋንዴቲ ጋዳ ሃርጋይሰ።

4 ኢሲ አሲ ዪዲ፤ ኑኒ ሂንቲው ማርካቲዳ ዬሱሳፔ ሃራ ዬሱሳ ሂንቲው ማርካቲኮ፤ ዋይኮ ሂንቲ ኤኪዳ አያናፔኔ ዋንጌላፔ ሃራ አያናኔ ዋንጌላ ሂንቲው ኦዲኮ፤ ሲዒ ገዲ ኤኬታ።

5 ሽን ታኒ ዬሱሰ ኪቲዳ «ጌታ ሃዋሪታፔ» ጉፃይሰ ጋዳ ቆፒኬ።

6 ታኒ ኦዳ ኤሮና ኢሲ ገዲኮካ፤ ኤራቴሌ ታው ዳዒሰ። ሄሳ ታ ሂንቲው ዳሮ ኦኔን ቆንጨሳሰ።

7 ታኒ ሚሼ ኦይቾና ያሳ ዋንጌላ ሂንቲው ጮ ኦዲዳይሰኔ ሂንቲና ጾቁ አላዳ ታና ቶቹዳይሲ ታው ናጋራ ገዲ?

8 ታኒ ሂንቲው አላናው ሃራ ዋሳ ከላታፔ ሚሼ ቦንቃ ኤካሰ።

9 ታ ሂንቲራ ዳዒያ ዋዳ ታና ማቲንካ ሂንቲፊ ኢሲ አሲካ ዋይሳቢኬ። ማቁደኒያፔ ዪዳ አማኔይሳቲ ታና ኮሺያባ ኡባን ማዲደሶና። ሃቹ ጋካናው ታ ሂንቲው ቶሆ ገዲቢኬ ሲንላሰካ ቶሆ ገዲኬ።

10

ጳውሎሲ ሞቴይሳታስ ዛሪዳ ዛሩዋ

1 ታ ሂንቲራ ዳዒያ ዋዳ ሹጎ፤ ቃሲ ሂንቲፊ ሃኪያ ዋዳ ኑ ቦላ ሚኔሰ ያጌቲዳ፤ ጳውሎሲ፤ ኬሃኔ አሽኬ ገዲዳ ኪሪሰቶሳ ሱንላን ሂንቲና ዋሳይሰ።

2 ታኒ ሂንቲኮ ቢያ ዋዳ ኑ አሾ ቆፋራ ሲሜሬቲያ አሲ ኦሊዲ ቆፒያ አሳ ቦላ ሚና ቃላን ኦዳታናው ቆፋ ቃቻሰ። ሂንቲ ቦላ ሄሳዳ ኦዳታና ማላ ሂንቲ ታና ኦላናዳ ሂንቲና ዋሳይሰ።

3 ኑኒ ሃ ሳዓን ዳዒኮካ ሃ ሳዓ አሳዳ ኦሊቶኮ።

4 ኑ ኦላ ሚሼይ ሃ ሳዓይሳ ገዳና። ሽን ሚፃ ላላናው ዋልቃራ ዳዒያ ያሳ ቶራ። ቴማራ ኤቁቲያ ፓላማኔ፤

5 ያሳ ኤሮና ማላ ዲጊያ ኦቶሮ ቆፋ ኡባ ላሎሰ። አሳ ቆፋ ኡባ ዲዒዲ ኪሪሰቶሳስ ኪቴታና ማላ ኦላሰ።

6 ሂንቲ ኪቴቴላይ ፖሎ ገዲያ ዋዳ ኑኒ ኪቴቴላ ኢያ ኡባ ሴራናው ገጌታና።

7 ሂንቲ አይፊይ ቤዒዳ ማላ ፒርዴታ። ኦኒካ ባና ኪሪሰቶሳባ ገዲ ቆፒያባ ገዲኮ፤ ኑካ ኪሪሰቶሳባ ገዳይሳ ኤሮ።

8 ጎዳይ ታው አሚዳ ማታን ጨቁቲኮካ ሄሳን ዬላቲኬ። ሄ ማታይ ታው አሚቲዳይ ሂንቲና ዲቻናሳፊ አቲን ቆሃናሳ ገዳና።

9 ታኒ ታ ዳብዳቤያን ሂንቲና ያሽሳናው ኮያዳ ፃፊዳባ ዳናፖ።

10 ኪሪስቶስ ቱማቴላይ ታናን ዳዒሺን፤ ታ ጨቁዋ አካያ ቢታን ታና ኦኒካ ዲጌና።

11 ታ ሃይሳ አይስ ጋይና? ሂንቴና ዶሶና ገሾሴዬ? ታኒ ሂንቴና ዶሴይሳ ያሳይ ኤሬስ።

12 «ኩካ ሂንቴ ማላ አሰስ» ያገዱ ጨቁያ ሃንኮ ሃዋሬታ ጨቁዋ ጋሱዋ ዳይሳናው ሃዒ ታ ኦሴይሳ ሲንሳሰካ ኦላና።

13 ሃይሳ ማላ አሳቲ ኪሪስቶስ ሃዋሬ ዳናናው ባንታና ለሚያ ዋርዳንቸ ሃዋሬታኔ ጨሚያ አሳንቸታ።

14 ሄሲ ማላሊሲያ ባ ገዳና፤ አይስ ገኮ፤ ዓላሄይ ፖዩ ኪታንቸ ዳናናው ባና ለሚስ።

15 ሄሳ ገሾ፤ ዓላሄ ኦሳንቸቲ ያሎቴላ ኦሳንቸታ ዳናናው ባንታና ለሚኮ ሄሲ ገታባ ገዳና። ኤንቲ ወርሴላን ባንታ ኦሱዋዳ ኤካና።

ጳውሎስ ጋኪዳ ሜቱዋ

16 ኦኒካ ታና ኤያ ገዲ ቆፖና ማላ ዛራዳካ ኦዳይስ። ታ ሂንቴው ኤያ ዳኒኮካ ታ ጉላራ ጨቁታና ማላ ታና ኤያ ኦሊዲ ኤኪቴ።

17 ታኒ ሃይሳዳ ጨቁታዳ ኦዳይ፤ ጎዳይ ኮዬይሳዳ ገደናሺን ኤያቴላን ኦዳይስ።

18 ዳሮ አሳይ ሃ ሳዓባን ጨቁቲያ ገሾ ታካ ጨቁታና።

19 ሂንቴ ዋዛናማ ገዲያ ገሾ ኤያ አሳባ ኡፋይሳን ዳንዳዔታ።

20 ኦኒካ ሂንቴና አይሌይኮ ዋይኮ ሂንቴና ቦንቁኮ ዋይኮ ባው ማዳታናው ሂንቴኮ ሸቁኮ ዋይኮ ሂንቴ ቦላ ኦቶርቲኮ ዋይኮ ሂንቴና ባቁኮ ሂንቴ ዳንዳዔታ።

21 ኩኒ ሄሳ ኦላናው ዳሮ ዳቡራንቸ ገዳይሳ ዬላታሼ ታ ኦዳይስ።

ሺን ኦኒካ ሚኒዲ ጨቁቲኮ፤ ታካ ጨቁታናው ሚናይስ። ታኒ ሄሳ ኤያ አሳዳ ኦዳይስ።

22 ኤንቲ ኡብራዌ? ታካ ኡብራዌ። ኤንቲ ኡብራዌሌ? ታካ ኡብራዌሌ። ኤንቲ ኡብራሃሜ ሼሼ? ታካ ኡብራሃሜ ሼሼ።

23 ኤንቲ ኪሪስቶስ ኦሳናቸ? ታኒ ጎሻ አሳዳ ኦዳይስ፤ ኤንታሬ አዲያ ኪሪስቶስ ኦሳንቸ። ታኒ ኦሶን ዳሮ ዳቡራስ፤ ዳሮ ዋዳ ቃሼታስ፤ ጋራሬታስ፤ ዳሮ ዋዳ ሃይቆፔ አታስ።

24 አይሁዳቲ ታና ሃስታማኔ ኡዱፋና ኢቻሹ ቶሆ ጋራሬዶሶና።

25 ሄቩ ቶሆ ዓምዓን ሾጩታስ፤ ኢሲ ቶሆ ሹቻን ጫዳታስ፤ ማርካቤይ ሄቩ ቶሆ ሚዒስ፤ አባ ገደን ኢሲ ቃማ ኩሚላ አቃዳ ፔዓስ።

26 ታኒ ዳሮ ኦጊያ ዳቡራን ሃውታስ። ኪዓ ሃላፊኔ ፓንጋፊ አታስ። አይሁዳቲኔ አይሁዳ ገደና አሳይ ታ ቦላ ሚቶ ጋሊዶሶና። ካታማይ፤ ባዞይ፤ አባይ፤ ታና ያሺስ፤ አማኒያ ዳኒያ አሳቲ ታና ዋይሲዶሶና።

27 ታኒ ኦሶን ዳቡራሲኔ ጫዋታስ፤ ዳሮ ቶሆ ዲስኮ ዳያስ፤ ኮሻታስ፤ ሳሞታስ፤ ዳሮ ቶሆ ያማስ፤ ማጌታስ፤ ካሎታስ።

28 ሃራባ ኡባ ታይሶና ኡባ ዋዳ ታና ቆሬሴይ ዋሳ ኬላታባ።

29 ኢሲ አሲ ዳቡሪያ ዋዳ ኢያራ ታ ዳቡራቢኪና? ኢሲ አሲ ናጋራን ቆቤቲያ ዋዳ ታ አዉዴ ቁርቶና አጋዲና?

30 ታ ጨቁታናው ኮሺያባ ገዲኮ ታኒ ዳቡራንቸ ገዳይሳ ኤሪሲያባን ጨቁታና።

31 ሚሪናው ቦንቸቲዳ ያሳይ፤ ኑ ጎዳ ዬሱስ ኪሪስቶስ አዋይ፤ ታ ዋርዶቶናይሳ ኤሬስ።

32 ዳማስቆ ካታማን አሬታሳ ጊያ ካወዋፔ ጋርሳራ ሃሬይሲ ታና ኦይላናው ኮዱዲ ዳማስቆ ካታማ ፔንጊያ ናጊሲስ።

33 ሺን አሳይ ታና ዳቸን ዬገዲ፤ ካታማ ዲርሳ ማሰኮቲያራ ዋዲሲን ታኒ ኢያ ኮሺያፔ አታስ።

12

ጳውሎስ ቆንጮላ

1 ጨቁቲላስ ጎዲ ባይናይሳ ኤራይስ። ሺን ጨቁታናው ኮሺኮ፤ ጎዳፔ ኤኪዳ ቆንጮላን ጨቃና።

2 ታማኔ ኦይዲ ላይላፊ ካሴ፤ ኪሪስቶስ አማኒያ ኢሲ ኡራይ ሄቭንሎ ሳሉዋ ቢዳይሳ ታ ኤራይስ። ሄ ኡራይ አሾን ዋይኮ አሾፔ ካሬራ ቢዳኮ ታ ኤሪኬ፤ ያሳይ ኤሬስ።

3 ሄ ኡራይ ሄቭንሎ ሳሉዋ ኤኬቲዳይሳ ኤራይስ። ሺን ኢ አሾን ዋይኮ አሾፔ ካሬራ ኤኬቲዳኮ ታ ኤሪኬ፤ ያሳይ ኤሬስ።

4 ሄ ኡራይ ጋናቲ ኤኬቲዳ አሲ ቆንጮሳናዉኔ አሲ ኦዳናው ዳንዳያናባ ሲዒስ።

5 ታኒ ሄ አዲያባን ጨቁታና፤ ሺን ታኒ ታ ዳቡራፔ ኦቲን ታናን ጨቁቲያባይ ባዋ።

6 ታኒ ቱማ ኦዳቲያ ገሾ ጨቁታናው ኮይኮካ ኤያ ገዲኬ። ሺን አሲ ታ ኦሴይሳ ቤዔይሳፊኔ ሲዔይሳፊ አሊዲ ቆፖና ማላ ጋዳ ጨቁቲላ አጋይስ።

7 ታው ቆንጮላ ገታ ቆንጮላን ታ ኦቶርቶና ማላ ታና ዋይሳናው ታ አሾዋን ጫዲያ ዓላሄያ ኪታንቸይ ታው አሜቲስ።

8 ሃ ዋይሲያባ ታፔ ዲጋና ማላ ታኒ ጎዳ ሄቩ ቶሆ ዋሳስ።

9 ሺን ጎዳይ፤ «ታ ዋልቃይ ኔ ዳቡራን ቆንጮያ ገሾ ታ አዶ ኬሃቴላይ ኔው ገደና» ያገሰ። ኪሪስቶስ ዋልቃይ ታናን ቆንጮላ ማላ ታ ዳቡራን ኡፋይታሼ ጨቁታይስ።

10 ታኒ ኪሪስቶስ ገሾ ዳቡሪያ ዋዳ ጫዬቲያ ዋዳ ዋዬቲያ ዋዳ ጎዳቲያ ዋዳ ማቶቲያ ዋዳ ታ ዳቡራን ኡፋይታይስ። አይስ ገኮ፤ ታ ዳቡሪያ ዋዳ ሄ ዋዳ ሚናይስ።

ጳውሎስ ቆርንቶሳ አሳስ ቆፔስ

11 ታኒ ኤያ አሳዳ ጨቁታስ። ሄሳዳ ታ ጨቁታና ማላ ኦሊዲይ ሂንቴና። ታ፤ ታ ሁዔን ኤሬቶና አሲ ገዲኮካ፤ «ገታ ሃዋሬታ» ጌቴቲይሳታፔ ጉዲኬ። ሄሳ ታው ማርካታናው ቤሴይ ሂንቴናሺን።

12 ታ ሂንቴ ገደን ዳዓሼ ዳንዳዓን ኦሊዳ ማላታቲኔ ማላቲ ታ ቱማ ሃዋሬ ገዳይሳ ቤሶሶና።

11:23 ሃ.አ 16:23 11:24 ዛሬ 25:3 11:25 ሃ.አ 16:22፤ 14:19 11:26 ሃ.አ 9:23፤ 14:15 11:32 ሃ.አ 9:23-25

13 ታ ሂንቲው ቶሆ ገደናይሳፊ አቲን ሃራ ዋሳ ከላታፔ ሂንቲ አይቢን ጉዲዳቲ? ሄሲ ባለ ገዲኮ ታና ማሪቲ።

14 ታኒ ሂንቲኮ ባናው ገቤቲሽን ሃይሲ ታው ሄሻን። ታ ሂንቲናፔ አቲን ሂንቲው ደዲያባ ኮኖና ገሽ ሂንቲና ዋይሳናው ኮዪኬ። ዩሊዳይሳቲ ባንታ ናይታሰ ሻሎ ማንጀሶናፔ አቲን ናይቲ ባንታና ዩሊዳይሳታሰ ሻሎ ማንጀኮና።

15 ታ ሂንቲ ገሽ ታው ደዲያባኔ ታና አላ አሚንካ ታና ኡፋይሴሰ። ያቲን፣ ታኒ ሂንቲና ሃሳዳ ከሃ ሲቂያ ዋይ ሂንቲ ታና ጉላራ ሲቂቲ?

16 ገዲኮካ፣ ታ ሂንቲው ቶሆ ገዲኬ፤ ዋይሳቢኬ፤ ሽን ሂንቲና ጨሞኒኔ ጌኔን አይኪዳባ ሂንቲው ዳኖና አጌና።

17 ሃሪ አቶሽን፣ ታ ሂንቲኮ ከቲዳ አሳታፔ ሂንቲና ጨሚዳ አሲ ዳዲ?

18 ቲቶይ ሂንቲኮ ባና ማላ ታኒ ዋሳሰ፤ ቃሲ አማኒያ አሻካ ኢያራ ዩዳሰ። ያቲን፣ ቲቶይ ሂንቲና ጨሚዳ? ኮኒ ኑ አሱዋ ኢሲ አያናን አሊቦኮ? ቃሲ ኑ ሃኖይካ ኢሲኖ ገዴኔ?

19 ኑ ኡባ ዋይ ሂንቲ ሲንላን ኑና ዪሊሳናው ሞቲቲያባ ሂንቲው ዳኒ? ኑ ከሪሰቶሳን ዳዲዲ ያሳ ሲንላን ሃዲ ጋካናው አዶሰ። ኑ ሲቆ አሻቶ፣ ኑ ሃ ኡባ አሌይ ሂንቲና ዲቻናሳ።

20 ታ ሂንቲኮ ቢያ ዋይ ኮኒ ኤሪ ሂንቲ ታ ኮይይሳዳ ሃኖና፣ ቃሲ ታካ ሂንቲ ኮይይሳዳ ሃኖና ጋሄቶና አጎኮ ጋዳ ያያይሰ። ቃሲ ኮኒ ኤሪ ሂንቲ ገደን ፓላሚ፣ ቃናቲይ፣ ሃንቆይ፣ ዩቄይ፣ ዚገርሲ፣ አሳ ሱንሎ አሶይ፣ ኦቶሮይኔ ካቺ ዶና አጌና ጋዳ ያያይሰ።

21 ታኒ ናሞዳንሎ ሂንቲኮ ቢያ ዋይ ያሳይ ሂንቲ ሲንላን ታና ካዉሻና ጋዳ ያያይሰ። ካሴ ናጋራ አሊዲ ሄ ባንታ አሊዳ ቲናቲላፊ፣ ላይማቲላፊኔ ዩላያ ኦሱዋፔ ሲሚቦና አሳታ ቤዓዳ አዛኖና አጌኬ ጋዳ ያያይሰ።

7 ሂንቲ ኢታባ አላና ማላ ኮኒ ያሳ ዋሳሰ። ኮኒ ማኖ ገዴይሳ አሳይ ቤዓና ማላ ገደናሽን ኮኒ ማኖ ገደና ኢዲኮካ፣ ሂንቲ ሎ? አላና ማላ ኮኒ ዋሳሰ።

8 ኮኒ ቱማሰ አላሲፔ አቲን ቱማራ ኤቄቲያባ አይባካ አላኮ።

9 ኑ ዳቡሪያ ዋይ ሂንቲ ቃሲ ማኒያ ዋይ ኑና ኡፋይሴሰ። ሂንቲ ቦሬይ ባይናይሳታ ገደና ማላ ኑ ሂንቲው ያሳ ዋሳሰ።

10 ታኒ ሂንቲፊ ሃካዳ ደዳሼ ፃፊዳይ ሄሳ ገሽሳ። ታኒ ሂንቲኮ ቢያ ዋይ ጎዳይ ታው አሚዳ ማታን ዜምፓዳ ሂንቲ ቦላ ጎዳታናው ኮዪኬ። ጎዳይ ታው ማታ አሚዳይ፣ ሂንቲና ማዳናሳፊ አቲን ቆሃናሳ ገዴና።

11 ዉርሴላን ታ አሻቶ፣ ሳሮ ዳዲቲ። ቦሬይ ባይና ዳዲቲ፣ ታ ዘሪያ ሲዲቲ። ኢሲ ዋዛናን ገዲዲ ዳዲቲ፣ ሳሮቲላን ዳዲቲ። ሲቆኔ ሳሮ አሚያ ያሳይ ሂንቲራ ገደ።

12 ጌሻ ዩሬቴላ ዩሬቲሼ፣ ኢሶይ ኢሱዋ ሳሮላቲ።

13 ያሳ አሳ ኡባይ ሂንቲና ሳሮ ሳሮ ያጎሶና።

14 ጎዳ ዩሱሰ ከሪሰቶሳ አጼ ከሃቴላይ፣ ያሳ ሲቆይ፣ ጌሻ አያና ኢሲፊቴላይ ሂንቲ ኡባራ ገደ።

13

ዉርሴላ ዘሬኔ ሳሮላ

1 ታ ሂንቲኮ ቢሽን ሃይሲ ሄሻን። አይ ሞቶይካ ናሞቡ ዋይኮ ሄሹ ማርካን ማኔሰ።

2 ታኒ ናሞዳንሎ ሂንቲራ ጋሄቲዳ ዋይ ሂንቲ ገደን ካሴ ናጋራ አሊዳ ኡራኔ ሃራታ ኡባ ሴሮና አጌኬ ጋዳ ኡዳ ዋላሰ። ሃዲ ታ ሃካዳ ዳዲኮካ ሲማዳ ሂንቲኮ ቢያ ዋይ አዳሰካ ቃጼቲኬ።

3 ታናን ዳዲዲ አዳይ ከሪሰቶሳ ገዴይሳ ሂንቲ ኤራናው ኮይታ። ኢ ሂንቲራ ሃሳያ ዋይ ዋልቃማፔ አቲን ሂንቲ ገደን ዳቡራንቾ ገዴና።

4 ከሪሰቶሲ ማሰቃሊያ ቦላ ዳቡራን ካቄቲሰ፣ ሽን ያሳ ዋልቃን ዳዶን ዳዴሰ። ኢ ዳቡራንቾ ገዲዳይሳዳ፣ ኑካ ዳቡራንቾ። ሽን ሂንቲና ሃጋዛናው ያሳ ዋልቃን ኢያራ ዳዶን ዳና።

5 አማኖን ማኒዲ ዳዲያኮ ሂንቲና ሂንቲው ፓጪ ቤዲቲ። ፓጪኛን ሂንቲ ኩንዶና አቲኮ፣ ከሪሰቶሲ ሂንቲናን ዳዴይሳ ሂንቲ ኤሬታ። ሽን ከሪሰቶሲ ሂንቲናን ዶና ኢዲኮ ሂንቲ ኩንዴታ።

6 ኮኒ ፓጪኛን ኩንዶናይሳ ሂንቲ ኤሬታ ጋዳ አማናይሰ።

13:1 ዛሬ 17:6፤ 19:15

ጳውሎስ ጋላቲያ አሳሰ ፃፊዳ ኪታ ጋላ ቆፋ

ዩሱስ አሸይሳ ጊዳይሳ ኦዲያ ዋንጌላ ቃላይ ዲማ ዲማ ቤሳን ሳባኬቲን፣ አይሁዳ ጊደና አሳይ አማኒ አማኒ ቢያ ዋዴ «ከሪስታኔ ጊደናው ሙሴ ሂጌ ፖላናው ኮሺዬ ኮሺኔ?» ያገያ ኦይሾይ ኢሲፌ ዳንዲሰ። ሄ ዋዴ ጳውሎስ፣ «ከሪስታኔ ጊደናው ሙሴ ሂጌ ፖላናው ኮሺና፣ ዩሱሳን ኦራላ ዳዖ ዳማናው ኮሺያ ዋናይ አማና። አሳይ ያሳ ሲንላን ያላናው ዳንዳዔይ አማና ያላላን» ያገዲ ታማርሲሰ። ሺን ጉላ ኢሲያን፣ ጋላቲያ አውራጃን ዳዔያ ዋሳ ኬላን ዳዔያ አሳ ጊደን፣ «አሲ ያሳ ሲንላን ያላናው ዩሱሳ አማና ያላላ ጊደናሺን ሙሴ ሂጌያካ ፖላናው ኮሺሰ» ያገዲ ጳውሎሳ ቲሚርቲያ ጳልቂያ አሳቲ ዳዖሶና።

ጳውሎስ ጋላቲያ ማፃፋ ፃፊዳይ፣ ሄ ባላ ቲሚርቲያን ጨሜቲዳ አሳ ቱማ አማኑዋኮኔ አማና ዳዑዋኮ ዛራናሳ። ጳውሎስ ዩሱሳ ሃዋሪ ጊዳይሳ ቲላይዲ ኦዶ ኦይኪሰ። ኢያ ሃዋሪ ኦሊዲ ያገዲይ አሴ ጊደናሺን ያሳ ጊዳይሳኔ ኢ ከቲቲዳይ አይሁዳ ጊደና አሳሰ ጊዳይሳ ቆንጨሲዲ ኦዲሰ። ኢያራ ኦይሴሊዲ አሳይ ያላናው ዳንዳዔይ አማና ያላላና ጊዳይሳ ኦዳሰ። ወርሴላ ሽምፖታን አማና ዳዖይ ዩሱሳ አማናን ቤንቲያ ሲቆፔ ፑልቲይሳ ጊዳይሳ ኦዳሰ።

ጋላቲያ ኪታ ኦይፌ ቆፋታ
ጌሎ ቆፋ 1:1-10
ጳውሎሳ ሃዋሪቲላ ማታ 1:11-2:21
ያሳ ኦዶ ኬሃቲላ ዋንጌላ 3:1-4:31
ላዓቲሊኔ አማናን ዲሱ 5:1-6:10
ኩሻ ቆፋ 6:11-18

1 አሳፔ ዋይኮ አሳ ባጋራ ጊደናሺን ዩሱሰ ከሪስታሳፔኔ ኢያ ሃይቆፔ ዳንሳዳ ያሳ አዋፔ ሃዋሪ ጊደና ማላ ከቲቲዳ ታ ጳውሎስ፣
2 ታራ ዳዔያ አማኒያ አሻቲ ኡባይ፣ ጋላቲያን ዳዔያ ዋሳ ኬላታሰ ከቲቲዳ ኪታ።
3 ያሳይ ኦ አዋይኔ ኦ ጎዳ ዩሱሰ ከሪስታሰ ሂንቲው አዶ ኬሃቲላኔ ሳርቲላ ኢዋ።
4 ሃ ኢታ ዋዲያፔ ኦና አሻናው፣ ኦ ያሳ፣ ኦ አዋ ሽኔን ከሪስታሰ ኦ ናጋራ ገሾ ባና ኦሊ ኢሚሰ።
5 ያሳሰ ሜሪናፔ ሜሪና ጋካናው ቦንቾይ ጊደ። አሚንዒ።

ቱማ ዋንጌላይ ኢሲና
6 ከሪስታሳ አዶ ኬሃቲላን ሂንቲና ያገዲ ያሳ አገዲ፣ ሃራ ዋንጌላኮ፣ ሂንቲ ኤሌሲዲ፣ ዋኒዲ ሲሚዳኮ ታና ማላሊሴሰ።
7 ሂንቲና ባሌላናውኔ ከሪስታሳ ዋንጌላ ዋቢሳንው ኮያ ጉላ አሳቲ ዳዖሶናፔ አቲን ቱማ ዋንጌላይ ኢሲና።
8 ሺን ኦና ጊዲን ዋይኮ ሳሎ ከታንቾ ጊዲን ኦኒ ሂንቲው ኮይር ኦዲዳ ዋንጌላፔ ዲማቲያ

1:13 ሃ.ኦ 8:3፤ 22:4-5፤ 26:9-11 1:14 ሃ.ኦ 22:3
9:26-30 2:1 ሃ.ኦ 11:30፤ 15:2

ሃራ ዋንጌላ ሂንቲው ኦዲያባ ጊዲኮ፣ ኢ ቃንጌቲዳባ ጊደ።

9 ሃይሳፌ ሲንሐ ኦኒ ጊዳይሳዳ ሃዒካ ዛራዳ ጋይሰ። ሂንቲ ኤኪዳ ዋንጌላፔ ዲማቲያ ዋንጌላ ኦኒካ ሂንቲው ኦዲኮ ሄ ኡራይ ቃንጌቲዳባ ጊደ።

10 ያቲን፣ ታና አሲ ናሻና ማላ ኮያይናዬ? ዋይኮ ያሲ ናሻና ማላ ኮያይና? ዋይኮ ታ አሴ ኡፋይሳናው ኮያይና? ታ አሴ ኡፋይሳናው ኮያባ ጊዲኮ፣ ከሪስታሳ አይሌ ጊዲኬ።

ጳውሎሳ ያጌቴላ

11 ታ አሻቶ፣ ታ ሂንቲው ኦዲዳ ዋንጌላይ አሳፔ ጊደናይሳ ሂንቲ ኤራና ማላ ታ ኮያይሰ።

12 ታው ሃ ዋንጌላ ዩሱሰ ከሪስታሰ ቆንጨሲሲፔ አቲን አሳፔ ኤካቢኬ ዋይኮ አሲ ታና ታማርሲሴና።

13 ታ ካሴ አይሁዳ አማናን ዳዔያ ዋዴ ዋና ዳዒዳኮ፣ ሂንቲ ሲዒዳታ። ታ ዋሳ ኬላ ቃዶይ ባይና ጎዳናውኔ ጳይሳናው ባዳታሰ።

14 አይሁዳ አማና ናን፣ ታ ዋዴን ዳዔያ አይሁዳ አሻታፔ አዳይሰ። ኦ አዋታ ዋጋሰካ አዳዳ ሚሽታይሰ።

15 ሺን ታ ቡር ታ አዬ ኡሎን ዳዒሺን ያሳይ ታና ደሪሰ፤ ባ አዶ ኬሃቲላን ታና ያገሰ።

16 አይሁዳ ጊደና አሳሰ ዋንጌላ ኦዳና ማላ ያሳይ ባ ናዓ ታው ቆንጨሲዳ ዋዴ ታ ኦዳራካ ዘሬታቢኬ።

17 ዋይኮ ታፔ ሲንሐ ሃዋሪ ጊዲዳይሳታራ ጋሂታናው ዩሩሳላሜ ባቢኬ። ሺን ታ ካሴታዳ አራቤ ቢታ ባሰ፤ ሄሳፌ ሲማዳ ዳማሰቆ ካታማ ያሰ።

18 ሄቹ ላይላፌ ጉዬ፣ ጳዒርሳራ ጋሂታናው ዩሩሳላሜ ባዳ ኢያራ ታማኔ ኢቻሹ ጋላሰ ኡታሰ።

19 ሺን ጎዳ አሻ ያይቆባፔ አቲን ሃንኮ ሃዋሪታ ቤዓቢኬ።

20 ታ ሂንቲው ፃፊይዳይሲ ዋርዶ ጊደናይሳ ያሳ ሲንላን ሂንቲው ቆንጨሳይሰ።

21 ሄሳፌ ጉዬ፣ ታኒ ሶሪያ ቢታኔ ከልቂያ ቢታ ባሰ።

22 ዩሁዳን ዳዔያ ዋሳ ኬላ አሳይ ታና ቤዒዲ ኤሪሶኮና።

23 ሺን ኤንቲ፣ «ካሴ ኦና ጎዲያ ኡራይ፣ ሃዒ ሄ ኢ ጳይሳናው ኮያ አማኑዋባ ሳባኬሰ» ያጌይሳ ሲዒዳሶና።

24 ሲዒዳ ኡባይ ታ ጋሶን ያሳ ጋላቲዶሶና።

2

ሃዋሪቲ ጳውሎሳ ኤኪደሶና

1 ታማኔ ኦይዲ ላይላፌ ጉዬ፣ ባርናባሳራ ዛራዳ ዩሩሳላሜ ባሰ። ሄ ዋዴ ቲቶ ታራ ኤካዳ ባሰ።

2 ያሳይ ታው ቆንጨሲዳ ቆንጨዳን ያ ባዳ አይሁዳ ጊደና አሳ ጊደን ታ ሳባኪያ ዋንጌላ ኤንታው ቆንጨሳሰ። ካሴ ታ ዋዲያ ዋሳይኔ ሃዒካ ታ ዋዲያ ዋሳይ ሃዳ ጊደና ማላ ጋዳ ካሌሌይሳታ ዲማ ሺሻዳ ኤንታው ኦዳሰ።

1:15 ሃ.ኦ 9:3-6፤ 22:6-10፤ 26:13-18 1:18 ሃ.ኦ

3 ሃሪ አቶሺን፣ ታራ ደዓዎ ተቶይ ገሪኬ አሲ ገዲኮካ፣ ቃፃሪቶ ገዲ ኡንዌሊቦኮና።

4 ገደሺን፣ አማኒያ አሻታ ዳኒዲ ኑ ገደ ጌሊዳ አሰቲ አሰቲ ኢ ቃፃሪታና ሜላ ኮዪደሶና። ሄ አሳቲ ከሪሰቶሰ ዩሱሳን ኑስ ደዓዎ ላዓቲላ ዋቹዲ ቤዓናው ገማን ኑ ገደ ጌሊዲ ዛሪዲ ኑና አይሌ ኦላናው ኮዮሶና።

5 ሺን ቱማ ዋንጌላይ ሂንቴናን ሚኒዲ ዳና ማላ ኑኒ ሃሪ አቶሺን፣ ጉላ ዋዴሰካ ኤንታው ኩሼ አሚቦኮ።

6 ሺን ሃላቃ ዳኒያ አሳታ ኦናቲላይ ታው አይኮካ ገደና። ያሳይ አሳ ሰምዖ ቤዒዲ ፒርደና። ሃ አሳቲ ታ ማርካቲያ ዋንጌላ ቦላ ጉጂዳባይ ባዋ።

7 ሺን ጳዳርሲ፣ አይሁዳታሰ ዋንጌላ ኦዳና ማላ ያሳይ ኢያው ሃዳራ አሚዳይሳዳ ታውካ አይሁዳ ገደና አሳሰ ዋንጌላ ኦዲያ ሃዳራ አሚዳይሳ ኤንቲ ጉዬፔ ቤዒደሶና።

8 ሂዛ፣ ጳዳርሲ አይሁዳታ ሃዋሪ ገደና ማላ ኦሊዳ ያሳይ፣ ታካ አይሁዳ ገደና አሳሰ ሃዋሪ ገደና ማላ ኦሊሰ።

9 ቃሲ ቱሱ ዳኒዲ ቤንቲያ ያይቆቤ፣ ጳዳርሲኔ ዮሃንሲ፣ ታው አሜቲዳ አጼ ኬሃቴላ ቤዒዳ ዋዴ ኑራ ኢሲፊዳይሳ ቆንጨሳናው ታ ኩሺያኔ ባርናባሳ ኩሺያ ኦይኪደሶና። ኑኒ አይሁዳ ገደና አሳኮ፣ ቃሲ ኤንቲ አይሁዳ አሳኮ ባናው ገደሶና።

10 ኤንቲ ኑና ሚንሊዲ ሃዳራ ገደይ፣ ኑኒ ማንቆታሰ ቆፓናይሳ። ካሴካ ታ ሄሳ ኦላናው አሞቴይሰ።

ጳውሎሲ ጳዳርሳ ቲሚርቲያ ጳልቁሰ

11 ጳዳርሲ አንዮኪያ ካታማ ዪዳ ዋዴ ኢ ባሊዳ ገሾ ታኒ ኢያ ሰምዖን «ኔኒ ባላዳሳ» ጋሰ።

12 ያይቆቤ ከቲዳ ጉላ አሳይ ያናፔ ሲንሌ ኢ አይሁዳ ገደና አሳራ ማሰ፣ ሺን ኤንቲ ዪዳፔ ጉዬ፣ «አይሁዳ ገደና አሳፔ አማኒዳይሳቲ ቃፃሪታናው ቤሴሰ» ገያ አሳሰ ያዩዲ ኤንታፊ ሻኬቲሰ።

13 ቃሲ ሃንኮ አማኒዳ አይሁዳቲ ጳዳርሳ ሃኑዋ ካሊደሶና። ሃሪ አቶሺን፣ ባርናባሲካ ኢያ ቆፋን ጎሼቲሰ።

14 ሺን ኤንቲ ዋንጌላ ቱማቲላን ሱሪ ሃውቶናይሳ ቤዓዳ፣ ጳዳርሳ አሳ ኡባ ሲንላን፣ «ኔኒ አይሁዳ ገደሹ፣ አይሁዳ ዋጋሶ ገደናሺን አይሁዳ ገደና አሳዳ ደዓሳ፤ ያቲን፣ ዋናዳ አይሁዳ ገደናይሳታ፣ (አይሁዳ ዋጋን ደዓቲ ጋዳ ዋልቃታይ?) » ያጋሰ።

15 ኑኒ ዩሌታን አይሁዳ፣ ሺን ናጋራንቾ ገዲዳ አይሁዳ ገደና አሳ ማላ ገደኮ።

16 ሺን አሲ ዩሱሰ ከሪሰቶሰ አማኒዲ ዓሌሲፔ አቲን ሂኔ ናገዲ ዓሌናይሳ ኤርሰ። ኦኒካ ሂኔ ናገዲ ዓሌና ገሾ ኑካ ሂኔ ናገዲ ገደናሺን ከሪሰቶሰን አማኒዲ ዓላና ማላ ከሪሰቶሰ ዩሱሳ አማኒዲ።

17 ኑ አይሁዳቲካ ከሪሰቶሰ ባጋራ ዓላናው ኮሼሰ። ሄሳ ገዲኮ ኑካ ሃራ አሳዳ ናጋራንቾ ገደይሳ ቤዖሰ። ያቲን፣ ኑ ናጋራ ኦላና ማላ ደንሐይ ከሪሰቶሰ ጉሴዬ? ኡባካ ገደና!

18 ሂዛ፣ ታ ላሊዳይሳ ዛራዳ ኬዲያባ ገዲኮ ታኒ ታ ሁዔን ሂኔ ማንሐይሳ ገደይሳ ቆንጨሳይሰ።

19 ታኒ ያሳሰ ዳና ማላ ሂኔ ባጋራ ሂኔሰ ሃይቃሰ።

20 ታኒ ከሪሰቶሰ ማሰቃሊያ ቦላ ካቁታሰ። ታኒ ሂዛፔ ታው ደዒኬ፣ ሺን ከሪሰቶሰ ታናን ደዒሰ። ታ ሃዒ ደዒያ ደዐዋ፣ ታና ደሲዲ ታ ገሾ ባና አሊ አሚዳ ያሳ ናዓ አማናዳ ደዒይሰ።

21 ታኒ ያሳ አጼ ኬሃቴላ ሃዳ ኦሊኬ። ዓሌቲሊ አሳሰ ሂኔ ባጋራ ቤንቲያባ ገዲያኮ፣ ከሪሰቶሰ ጮ ሃይቁሰ ጉሱ።

3

ዓሌቲሊ አማናና

1 ሂንቴና፣ አኬኪ ባይና ጋላጥያ አሳው፣ ሂንቴ አይፊያ ሲንላን ከሪሰቶሰ ማሰቃሊያ ቦላ ካቁቲዳ ሚሲሌዳ ቆንጨዲ ቤንቲሰ። ያቲን፣ ቱማሰ ሂንቴ ከቲቶና ማላ ሂንቴና ቢቲዳይ ኦኔ?

2 ታ ኢሲባ ኤራናው ኮያይሰ፤ ሂንቴ ገሻ አያና ኤኪዳይ ሂኔ ናገዲዬ ዋይኮ ሂንቴ ሲዒዳ ዋንጌላ አማኒዲ ኤኪዳቲ?

3 ሂንቴ ሄሳ ማላ ኤዬ? ሂንቴ ያሳ አያናን ደሚዲ፣ ሃዒ ዋልቃን ፖላናው ኮዬቲ?

4 ሂንቴ ዋንጌላ ጋሶን ዳር ዋዬቲዳይ ማሌ? ሄ ዋዬ ኡባይ ጮ ገዲዳ?

5 ያሳይ ሂንቴው ገሻ አያና አሚይኔ ሂንቴ ገደን ማላታታ ኦሌይ፣ ሂንቴ ሂኔ ናገዲ ገሾዬ ዋይኮ ዋንጌላ ሲዒዲ አማኒዳ ገሾ?

6 ኦኔ አብራሃሜ ቤዒቲ፣ «ኢ ያሳ አማኒሰ፤ ያሳይ ኢያው ሄሳ ዓሌቲሊ ኦሊዲ ኤኪሰ» ጌቲቲዲ ዓፊቲሰ።

7 ሂዛ፣ አማኔይሳቲ አብራሃሜ ናይታ ገደይሳ ኤሪቲ።

8 ያሳይ አይሁዳ ገደና አሳ አማናን ዓሊሳናይሳ ገሻ ማፃፋይ ቤዒዲ፣ «ካዋቲላ ኡባይ ኔናን አንጃታና» ያገዲ፣ ዋንጌላ አብራሃሜሰ ካሴቲዲ ኦዲሰ።

9 ሄሳ ገሾ፣ አማኒያ ኡባይ አማኒዳ አብራሃሜራ ኢሲፊ አንጃቲደሶና።

10 ሂኔ ናገዲ ዓላና ገያ ኦኒካ ቃንጌቲዳይሳ። አይሰ ገኮ፣ ገሻ ማፃፋን፣ «ሂኔ ማፃፋን ዓፊቲዳ ኡባ ናጎና ኦኒካ ቃንጌቲዳይሳ ገደ» ጌቲቲዲ ዓፊቲሰ።

11 «ዓሌይ አማናን ዳና» ጌቲቲዲ ዓፊቲዳ ገሾ ኦኒካ ያሳ ሲንላን ሂኔ ናገዲ ዓሌናይሲ ኤሪቲዳባ።

12 ሂኔይ አማናን ዜምፔና። ሺን፣ «ሂገያ ናገያ ኦኒካ ሂገያን ደዖን ዳና» ያጌሰ።

13 «ሚላ ቦላ ካቁቲዲ ሃይቁያ ኦኒካ ቃንጌቲዳይሳ» ጌቲቲ ዓፊቲዳ ገሾ ከሪሰቶሰ ኑ

2:6 ዛሪ 10:17 2:16 ማዘ 143:2፤ ሮሜ 3:20፣ 22 3:6 ሜዴ 15:6፤ ሮሜ 4:3 3:7 ሮሜ 4:16 3:8 ሜዴ 12:3 3:10 ዛሪ 27:26 3:11 ኢብ 2:4 3:12 ሉዌ 18:5 3:13 ዛሪ 21:23

ጊሾ ቃንጌቲዳይሳ ጊዲዲ፡ ኑና ሂጌ ቃንጌላፊ ዋዚሰ።

14 ያሳይ አብራሃሜስ አሚዳ አንጃይ፡ ዬሱስ ከሪስቶሳ ባጋራ አይሁዳ ጊደና አሳ ጋካና ማላኔ ያሳይ አማና ጊዳ ጌሻ አያና ኑኒ አማኖን ኤካና ማላ ሄሳ ኦሊሰ።

ሂጌ ኡፋይሳ ቃላ

15 ታ አሻቶ፡ ታ ሂንቴው አሳ ዴዎን ማዜ ጊዲዲ ዴዲያ ባሉሚሰ ኦላዳ ኦዳይሰ። አሲ ጫቁዳ ጫቆይ ሚኒዳፔ ጉዬ፡ ኦኒካ ሄ ጫቁዋ ሻራናው ዋይኮ ኢያ ቦላ ሃራ ጉጃናው ዳንዳዔና።

16 ያሳይ ሄ ኬኬ ቃላ አብራሃሜሲኔ ኢያ ዜሪሳሰ አሚሰ። ጌሻ ማፃፋይ፡ ዳሮ አሳሰ ኦዲያዳ፡ «ኔ ዜሪሳሰ» ጌና። ሺን ኢሲ አሳሰ ኦዲያዳ፡ «ኔ ዜሪሳሰ» ያጌሰ፤ ኢካ ከሪስቶሳ።

17 ታኒ ጌይ ሃይሳ፤ አይዲ ዳታኔ ሃሰታው ላይላፊ ጉዬ አሚቲዳ ሂጌይ፡ ኮይሮ ያሳይ ሚንሳዳ ጫቁዋ ሻራዲ ኡፋይሳ ቃላ ዳይሳናው ዳንዳዔና።

18 ያሳይ አሚያ ላታይ ሂጌን ኤኬቲያባ ጊዲያኮ ያሳይ አሚዳ ኡፋይሳ ባጋራ ጊዳይሲ አቲሰ። ሺን ያሳይ ባ አቶ ኬሃቴላን ላታ አብራሃሜስ ኡፋይሳ ቃላ ባጋራ አሚሰ።

19 ያቲን፡ ሂጌይ አይሰ አሚቲዳ? ሂጌይ አሚቲዳይ፡ አብራሃሜስ ኡፋይሳ ቃላ አሚቲዳ ዜሪሳይ ያና ጋካናው ኢታ ኦሪይ አይቤኮ ኤሪሳና። ሂጌይ ከታንቸታ ባጋራ አሚቲዳ፡ ጊደ ጊዲዲ ሲጌልያ ኢሲ አሳ ባጋራ ኦሪ ቦላ ፔሲሰ።

20 ጊደ ጊዲዲ ሲጌልያ ኡራይ ኢሲ አሳ ዓላላሰ ጊዳና፡ ሺን ያሳይ ኢሲኖ።

21 ያቲን፡ ሂጌይ ያሳ ኡፋይሳ ቃላራ ኤቁቲዬ? አካይ፡ ጊዳና! ሂጌይ አሚቲዳይ አሳሰ ዴዎ አማናው ጊዲያኮ፡ ዲሎቴላ ሂጌ ባጋራ ቤንታናሺን።

22 ሺን ዬሱስ ከሪስቶሳ አማኒን ቤንቲያ ኡፋይሳ ቃላይ አማኔይሳታሰ አሚታና ማላ ኩሚላ አላሚይ ናጋራሰ ሃሪቲዲ ዴዲይሳ ጌሻ ማፃፋይ ኦዴሰ።

23 ሺን አማኖይ ያናፔ ካሴ ሂጌይ ኑና ቃቸ ዋሊሰ። ሄ አማኖይ ቆንጫና ጋካናው ሂጌይ ኑ ቦላ ጎርዲ ዋሊሰ።

24 ሄሳ ጊሾ፡ ኑኒ አማኖን ዲላና ማላ ከሪስቶሲ ያና ጋካናው ሂጌይ ናባ ናጊያ አሳ ማላ ኑና ናጌይሳ ጊዲሰ።

25 ሺን ሃዒ አማኖይ ዪዳ ጊሾ ሂጌይ ሂዛፔ ጉዬ ናባ ናጊያ አሳ ማላ ኑና ናጌይሲ አቲሰ።

26 ሂንቴ ኡባይ ዬሱስ ከሪስቶሳ አማኒዲ ያሳ ናይታ ጊዲዳታ።

27 ከሪስቶሳራ ኢሲኖ ጊዳናው ፃማቁቲዳ ኡባይ ከሪስቶሳ ማፃዳ ማዒዳታ።

28 ሂንቴ ኡባይ ከሪስቶሳን ኢሲኖ ጊዲያ ጊሾ አይሁዳ አሳ ጊደኒኔ ጌሪኬ አሳ ጊደን፡ አይሌ ጊደኒኔ ዋማኖ ጊደን፡ አዴ ጊደኒኔ ማጫሳ ጊደን ዲማቴላ ባዋ።

29 ሂዛ፡ ሂንቴ ከሪስቶሳባ ጊዲኮ ሂንቴ አብራሃሜ ዛሬ። ያሳ ኡፋይሳ ቃላዳ ሂንቴ ላቴይሳታ።

4

1 ታ ጌይሲ ሃይሳ። ላቴይ ናባ ጊዲ ዴዲሹ፡ ሻሎ ኡባይ ኢያባ ጊዲኮካ፡ ኢ አይሌፊ አይኮካ ዲማቴና።

2 ሺን ኢያ አዋይ ጊዳ ዋዴይ ጋካናው ኢ ሃዳራ ኤኪዳይሳታ ኩሺኒኔ ናጌይሳታ ኩሺን ዴዲሰ።

3 ሄሳዳካ፡ ኑኒ ናባቴላን ዴዲያ ዋዴ አላሚያ ዋጋሰ አይሌቲዲ ዴዲዳ።

4 ሺን ዋዴይ ጋኪዳ ዋዴ ያሳይ ሂጌፊ ጋርሳን፡ ማጫሳፔ ዬሌቲዳ ባ ናባ ከቲሰ።

5 ኢ ሄሳ ኦሊዳይ፡ ሂጌሰ ሃሪቲዲ ዴዲይሳታ ዋዛናውኔ ኑና ባ ናይታ አላናሳ።

6 ኑ ያሳ ናይታ ጊዲያ ጊሾ «አባ፡ አዋው» ጊዲ ዪጊያ ባ ናባ አያና ኑ ዋዛና ጊደ ከቲሰ።

7 ሄሳ ጊሾ፡ ሂዛፔ ኑኒ ያሳ ናባፔ አቲን አይሌ ጊዳካ። ኑኒ ኢያ ናባ ጊዲኮ፡ ያሳ ላቴይሳ ጊዳዳሳ።

ጳውሎሲ ጋላጥያ አሳሰ ቆፒሰ

8 ሂንቴ ካሴ ያሳ ኤሮና ዋዴ ያሴ ጊደናይሳታሰ አይሌ ጊዲዲ ሃሪቲዳታ።

9 ሺን ሃዒ ሂንቴ ያሳ ኤሪዳታ፤ ኡባራካ ያሳን ኤሪቲዳታ። ያቲን ፓላና ኅዖና አላሚያ ዋጋታኮ ጉዬ ዋኒዲ ሰሜቲ? ዋዲ ኤቁዲ፡ ዋኒዲ ኤንታው አይሌ ጊዳናው ኮዬቲ?

10 ዲማ ጊዲዳ ጋላሳታ፡ አጌናታ፡ ዋዴታኔ ላይሳታ ሂንቴ ሎይላ ቦንቸታ።

11 ታና ሂንቴባይ ያሽሰ፤ ታ ሂንቴው ጮ ዳቡራዲናሻ?

12 ታ አሻቶ፡ ታ ሂንቴዳ ሃኒዳ ጊሾ ሂንቴካ ታዳ ሃኒቴ ጋዳ ሂንቴና ዋሳይሰ። ሂንቴ ታና አይቢንካ ቆሂቤኬታ።

13 ታኒ ኮይሮ ሃርጌታሽ ሂንቴው ዋንጌላ ኦዲዳይሳ ሂንቴ ኤሪታ።

14 ታ ሃርጌይ ሂንቴው ፓጩ ጊዲኮካ፡ ታና ሳሌቲቤኬታ፤ ኢዲቤኬታ። ሺን ታና ያሳ ከታንቸ ዋይኮ ከሪስቶሰ ዬሱሳ ሞኬይሳዳ ሞኪዳታ።

15 ያቲን፡ ሄ ሂንቴው ዴዲያ ኡፋይሳይ ኡባይ አው ቢዴ? ሂንቴው ዳንዳዔቲዳኮ፡ ሂንቴ ታው፡ ሂንቴ አይፊያ ኬሲዲ አሚያኮ ኢያናይሳ ታ ማርካታይሰ።

16 ያቲን፡ ታ ሂንቴው ቱማ ኦዲዳ ጊሾ ሂንቴው ሞርኬ ጊዳዲናዬ?

17 ሄ አሳቲ ሂንቴና ባንታኮ ዛራናው ኮዮሶና፡ ሺን ኤንታ ቆፋይ ሎዖሳ ጊዳና። ኤንታ ቆፋይ ሂንቴና ሻካናሳኔ ሂንቴ ኤንታው ቆፓና ማላ አላናሳ።

18 ሎዖባ አላናው አዋቲኮ ሎዖ፡ ሺን ሄሲ ታ ሂንቴራ ዴዲያ ዋዴ ያላላ ጊደናሺን ኡባ ዋዴ ጊደ።

19 ታ ሲቆ ናይቶ፡ ከሪስቶሲ ሂንቴናን ሚሲሌታና ጋካናው ዬሎሰ ማጫሲ ሚያቴይሳዳ ታ ሂንቴ ጊሾ ሚያታይሰ።

20 ሂንቴባይ ታው ሃዲርሲ ገዲን ታ ኡንዮታሰ፤ ሃዲ ሂንቴ ገዲን ታ ቤንታዳ ሼኔታዳ ኦዲያኮ ኣይ ሜላ ደሳይናሺን።

አጋርኔ ሳር

21 ሙሴ ሂንቴ ሃሬቲዲ ዳናው ኮዬይሳቶ፣ ኣኔ ታው ኦዲቴ፤ ሂንቴ ኣይ ገያኮ ኤሬኬቴ?

22 ጌሻ ማፃፋይ፣ «ኣብራሃሜስ ኣይሌፊኔ ጎዳቴፊ ዬሌቲዳ ናምዑ ናይቲ ዳዖሶና» ያጌሰ።

23 ኣይሌ ናዓይ ኣሲ ናዓ ዬሊያ ማራን ዬሌቲሰ፣ ሺን ጎዳቴ ናዓይ ያሳ ኡፋይሳ ቃላን ዬሌቲሰ።

24 ሃ ማጫሳቲ ናምዑ ጫቆታሰ ለሚሶ ገዲዲ ኤኬቶሶና። ኤንታፊ ኢሲኒያ፣ ሲና ዳሪያፔ ዩዳራ፣ ባ ናይታ ኣይሌቴላሰ ዬላሱ፤ ኢያካ አጋር።

25 አጋር ኣራቤ ቢታን ዳዒያ ሲና ዳሪያን ለሚሰታዳ ሃዲ ዳዒያ ዬራሳላሜ ዳናውሱ። ኣይሰ ገኮ፣ ኢያ ባ ናይታ ኣይሌቴላሰ ዳዓዉሱ።

26 ሺን ሳሎን ዳዒያ ዬራሳላሜይ ኣይሌቴላሰ ዳዑኩ፤ ኢያ ኦ ኡባሰ ኣዮ።

27 ጌሻ ማፃፋይ፣
«ናቴ፣ ዬሎና ማይንሌቴ ኡፋይታ፤
ናቴ ሚያታ ኤርናሬ ኢሊላ።
ኣዚናራ ዳዒያ ማጫሰፔ፣
ኣዚኒ ባይና ማጫሰሰ ናይቲ ዳር» ያጌሰ።

28 ታ ኢሻቶ፣ ሂንቴ ዩሳቃዳ ያሳ ኡፋይሳ ቃላን ዬሌቲዳ ናይታ።

29 ሺን ሄ ዋዳ ኣሳ ማራዳ ዬሌቲዳይሰ፣ ኣያና ዋልቃን ዬሌቲዳይሳ ጎዲሰ። ሃቸካ ሄሳ ሜላ።

30 ሺን ጌሻ ማፃፋይ ዋይገ? «ኣይሌ ናዓይ ጎዳቴ ናዓራ ኢሲፊ ላቶና ገሾ ኣይሊው ኢ ናዓራ ዋላ ኬሳ ዬዳ» ያጌሰ።

31 ሄሳ ገሾ፣ ታ ኢሻቶ፣ ኦኒ ጎዳቴ ናይታፔ ኣቲን ኣይሌ ናይታ ገደኮ።

5

ኪሪሰቶሳን ዳዒያ ላዓቲላ

1 ኦኒ ላዓቲላን ዳና ሜላ ኪሪሰቶሲ ኦና ኣይሌቴላፊ ኬሲሰ። ሂዛ፣ ሚኒዲ ኤቁቴ፤ ዛሪዲ ኣይሌቴላ ቃምባራን ጌሎፒቴ።

2 ታ፣ ጳውሎሲ፣ ጌይሳ ሲዒቴ። ሂንቴ ቃፃሬታናው ኮይኮ፣ ኪሪሰቶሲ ሂንቴና ኣይኮካ ማዳና።

3 ቃፃሬቲያ ኦኒካ ሂንቴ ከቲያ ኡባ ፖላናው ቤሴይሳ ጉጃዳ ታ ኦዲይሰ።

4 ሂንቴ ናገዲ ያላናው ኮዬይሳቶ፣ ኪሪሰቶሳፔ ሻኬቲዳታ፤ ያሳ ኣጼ ኬሃቴላፊ ኩንዲዳታ።

5 ሺን ኦኒ ያሳ ኣያና ባጋራ ኣማናን ያላናው ኡፋይሳን ናጎሰ።

6 ሂዛ፣ ኪሪሰቶሰ ዬሱሳን ዳዒኮ፣ ሲቆን ቆንጨያ ኣማናፔ ኣቲን ቃፃሬቲን፣ ቃፃሬቶና ኣገን ኦና ኣይኮካ ማዳና።

7 ካሴ ሂንቴ ሎዖ ዋፃታ፣ ሺን ሃዲ ቱማሰ ኪቴቶና ሜላ ሂንቴና ዲገዳይ ኦኔ?

8 ሃይሳ ሜላ ኢታ ጨዋይ ሂንቴና ፀገዳ ያሳፊ ዩቤና።

9 ሄሲካ፣ «ጉላ ኢርሾይ ሙኦቃ ኡባ ዳንሐሰ።» ጌቴቲዲ ያፊቲዳይሳ ሜላ።

10 ሂንቴው ሃራ ቆፊ ባይናይሳሰ ታ ጎዳን ኣማኔታይሰ። ሺን ሂንቴና ቡቁያ ኦኒካ ያሳፊ ባ ፒርዳ ኤካና።

11 ታ ኢሻቶ፣ ታ ሃዲ ጋካናው ቃፃሮ ሳባኪያባ ገዲኮ፣ ያቲን ታና ኣይሰ ጎደና? ሄሲ ቱማ ገዲያኮ ኪሪሰቶሳ ማሰቃሊያባ ታማርሶይ ኣሳሰ ቆይ ገዳናሺን።

12 ሂንቴና ቡቁይሳቲ ቃፃሬቲላ ያላላ ገደናሺን ባንታና ቃራቲያኮካ ታ ደሳይሰ።

13 ታ ኢሻቶ፣ ሂንቴ ላዓ ዳናው ፀጌቲዳታ። ገደሺን፣ ሂንቴ ላዓቲላይ ኣሾ ኣሞ ፖላናው ሂንቴው ጋሶ ገደፖ፤ ሃሳፊ ኣሌዲ ኢሶይ ኢሱዋ ሲቆን ማዲቴ።

14 ሂንቴ ኡባይ፣ «ኣሴ ኦዳ ደሳ» ያገያ ኢሲ ቃላን ቃሾቲሰ።

15 ሺን ሂንቴ ኢሶይ ኢሱዋራ ሳፀቲያባኔ ሜቲቲያባ ገዲኮ፣ ሂንቴ ዋሊ ዉርሶና ሜላ ናጌቲቴ።

ኣያና ዳዖኔ ኣሾ ዳዖ

16 ሂዛ፣ ታ ሂንቴው ኦዲይሰ፤ ኣያናን ዳዒቴ፤ ሂንቴ ኣሾ ኣሙዋ ፖሎፒቴ።

17 ኣሾ ኣሞይ ኣያና ኣሙዋራ ሞርኬ፤ ቃሲ ኣያና ኣሞይካ ኣሾ ኣሙዋራ ሞርኬ። ኤንቲ ኢሶይ ኢሱዋራ ኢፀቲያ ገሾ ሂንቴ ደሲያባ ኦላናው ዳንዳዔኬታ።

18 ሺን ኣያናይ ሂንቴና ካሌሊያባ ገዲኮ ሂንቴ ሂንቴና ሃሬና።

19 ኣሾ ኦሶቲ ኤሬቲዳይሳታ፤ ኤንቲካ፣ ላይማቴላ፣ ቱናቴላ፣ ቃይፃ።

20 ኤቃ ጎይና፣ ቢታ፣ ሞርኬቴላ፣ ካቸ፣ ቃናቴ፣ ሃንቆ፣ ባና ደሶ፣ ሻኬቴላ፣ ኢታ ቶቤ

21 ጌኔ፣ ማሶ፣ ዬላኔ ሄሳ ሄሳ ሜላታ። ካሴ ታ ሂንቴው ኦዲዳይሳዳ ሃዒካ ታ ሂንቴው ኦዲይሰ። ሃይሳ ሜላባታ ኦሌይሳቲ ያሳ ካዋቴላ ላቶኮና።

22 ሺን ኣያና ኣይፊይ፣ ሲቆ፣ ኡፋይሰ፣ ሳርቴላ፣ ዳንዳዓ፣ ኬሃቴላ፣ ሎዖቴላ፣ ኣማና፣

23 ኣሻኬቴላ፣ ባና ሃር። ሃይሳ ሜላባታ ኢደያ ሂንቴ ባዋ።

24 ኪሪሰቶሰ ዬሱሳባ ገዲዳይሳቲ ባንታ ኣሹዋ ኢያ ኢታ ቆፋራኔ ኢያ ኣሙዋራ ኢሲፊ ማሰቃሊያ ቦላ ካቁደሶና።

25 ኦ ኣያናን ዳዒያባ ገዲኮ፣ ኦና ኣያናይ ካሌላ።

26 ኣኔ ኢሶይ ኢሱዋ ዩሎዩሼኔ ቃናቲሼ ጮ ጨቁቴይሳ ኣጎሰ።

6

ኢሶይ ኢሱዋ ማዲቴ

1 ታ ኢሻቶ፣ ኢሲ ኣሲ ናጋራን ኩንዲኮ፣ ኣያናን ዳዒያ ሂንቴ ሄ ኡራ ኣሻኬቴላን ሱሪሲቴ። ሺን ኦኒ ሄሳ ሜላባን ፓጩቶና ሜላ ኦና ናጋ።

4:22 ሜዴ 16:15፤ 21:2 4:27 ኢሳ 54:1 4:29 ሜዴ 21:9 4:30 ሜዴ 21:10 5:9 1ቆር 5:6 5:14 ለዋ 19:18 5:17 ሮሜ 7:15-23

2 ኢሶይ ኢሱዋ ዴዎ ቶሁዋ ቶኪቴ። ያቲኮ ኪሪሰቶሳ ሂጊያ ፖሌታ።

3 ኢሲ ኣሲ ኣይኮይካ ባዋሺን፣ ባና ሃራታፔ ሎዎ ጊዲ ቆፒኮ፣ ኢ ባና ጨሚሰ።

4 ሺን ኢሲ ኢሲ ኣሲ ባ ኦሱዋ ፓጮ። ሄሳፌ ጉዬ፣ ሃራታራ ባና ጋዴዬሳ ኣጊዲ ባው ጨቄቲያባ ዴሚሰ።

5 ኢሲ ኢሲ ኣሲ ባ ቶሁዋ ባው ቶካናው ቤሴሰ።

6 ያሳ ቃላ ታማሪያ ኦኒካ ሎዎባ ኡባ ባ ኣሰታማሪያራ ሻኬቴሰ።

7 ሂንቴ፣ ሂንቴና ጨሞፊቴ። ኣሲ ባ ዜሪዳባ ዛሪዲ ጫኪያ ጊሾ ያሳ ቦላ ቁልቁሶፕቴ።

8 ባ ኣሾ ኣሙዋ ኩንፋናው ዜሪያ ኦኒካ፣ ባ ኣሾ ኣሙዋፔ ሃይቆ ቡጫና። ሺን ኣያና ኡፋይሳናው ዜሪያ ኦኒካ ኣያናፔ ሜሪና ዴዎ ጫካና።

9 ኣኔ ሎዎ ኦሪ ኦፋናው ኣዛሌይሳ ኣጎሰ። ኦኒ ኣዛሎና ኢጂኮ ዎዴይ ጋኪያ ዎዴ ኦ ዜሪዳይሳ ጫካና።

10 ኦ ኢንጃ ዎዴ ዴሚኮ፣ ኣሳ ኡባሰ፣ ኣሌዲካ ኣማኒያ ኣሳሰ ሎዎባ ኦፋሰ።

ወርሴፋ ዞሬኔ ሳርታ

11 ታኒ ታ ኩሼን፣ ኣይ ሜላ ጊታ ፒዳሌን ሂንቴው ፃፊዳኮ ቤዒቴ።

12 ኣሳ ሲንፋን ሎዎ ጊዲዲ ቤንታናው ኮያ ኣሳቲ ሂንቴ ቃፃሬታና ሜላ ኮዮሶና። ሺን ሄሳ ኤንቴ ኦፊይ፣ ኪሪሰቶሳ ማሰቃሊያ ጊሾ ኤንታና ጎዲ ጋኮና ሜላሳ።

13 ኤንቴ ሂንቴ ቃፃሬቴፋን ጨቄታናው ኮዩዲ ሂንቴና ቃፃሬቶ ጎሶናፔ ኣቲን ቃፃሬቲዳይሳቲካ ባንታ ሁዔን ሂጊያ ናጎኮና።

14 ሺን ኣላሚይ ታው ካቄቲዳይሳፌኔ ታኒካ ኣላሚያሰ ካቄቲዳ፣ ጎዳ ዩሱሰ ኪሪሰቶሳ ማሰቃሊያፔ ኣቲን ሃራ ጨቄቴሌ ታፔ ሃኮ።

15 ሂዛ፣ ቃፃሬቲን ቃፃሬቶና ኣጊን ኣይኮካ ማዴና። ማዴይ ኦራፋ ሜዴቴሌ ጊዶ።

16 ሃ ዎጋ ካሊያ ኡባሰኔ ያሳ ዴሬ ጊዲዳ ኢሰራዔሌሰ ሳርቴፋይኔ ማርቴፋይ ጊዶ።

17 ታኒ ዩሱሳሰ ማዲንጂዳ ቤታ ታ ኣሳቴፋን ቶኪዳ ጊሾ ሂዛፔ ታና ኦኒካ ዎይሶፖ።

18 ታ ኢሻቶ፣ ኦ ጎዳ ዩሱሰ ኪሪሰቶሳ ኣጼ ኬሃቴፋይ ሂንቴራ ጊዶ። ኣሚንዒ።

ጳውሎስ ኤፌሶና አሳሰ ፃፊ ዘታ ጋላ ቆፋ

ጳውሎስ ኤፌሶናን ዳዊያ አሳሰ ፃፊ ዘታን ኡባሬ አሊዲ ያለዳባይ፤ «ዎይይ ጋኪያ ዎይ ያሳይ ፖላናው ቆፒዳ ቆፋይ፤ ሳሎኒኔ ሳዓን ዳዊያ ሜዴቱላ ኡባይ ኪሪሰቶሳፔ ጋርሳን ጊዳና ማላሳ» ያጊያ ቆፋ (1:10)። ሄሳ ቦላ ጉጂዲ ዩሱስ ኪሪሰቶሳራ ዳዊያ ኢሲፊቱላን፤ አሳ ዜሬሌ ኡባይ ኢሲኖ ጊዳና ማላ ሃ ጊታ ቆፋ ኦሶን ፔሻና ማላ ያሳ አሳ ሃሳዩሴስ።

ኤፌሶና ከታ ኮይር ኪፊሊያን ፃፊይ ካራ ቆፋ ጊዲዳ ኢሲፊቱላባ ፃፋናው ደሚዳይሳ ዳልጊሲዲ፤ ያሳ አዋይ ባ አሳ ዋቲ ዶሪዳኮ፤ ኤንቲካ ኢያ ናዓ፤ ዩሱስ ኪሪሰቶሳን ባንታ ናጋራፔ ማርታ ዳሚዲ ዋኒዲ ላዓ ኬዩዳኮኔ፤ ያሳ ጊታ ኡፋይሳ ቃላይ ጌሻ አያና ባጋራ ቱማ ጊዳይሲ ኤሬቲዳኮ ኦዳስ። ናምዓንሉ ኪፊሊያን ቃሲ ፃፊይ ሃ ከታ ናባቢያ አሳይ ባንታ ኢሲፊቱላ ዳዐቀን ኪሪሰቶሳን ኤንታው ዳዊያ ኢሲፊቱላይ ቱማ ጊዳና ማላ ኤንቲ ዋኒዲ ዳናው ቤሲያኮ ቆፊሴስ።

አሳይ ኪሪሰቶሳን ዳዊያ ኢሲፊቱላ ዋኒዲ ዳናው ቤሲያኮ ዳማ ዳማ ለሚሶን ቆንጨስ። ዋሳ ኬሌ አሳቲላ ለሚሶ ጊዲያ ዎይ ኪሪሰቶሲ ሄ አሳቲላሰ ሁዔ። ዋሳ ኬሌ ጊምቤ ኬላን ለሚሴቲያ ዎይ ኪሪሰቶሲ ሄ ኬላ ጎዳ ፃጹዋ ሚንሉያ ዋና ሹቻ። ዋሳ ኬሌ ማቺን ለሚሴቲያ ዎይ ኪሪሰቶሲ አዚናን ለሚሴቲስ። ፃፊይ ኪሪሰቶሳ ባጋራ ቆንጨዳ ያሳ አጼ ኬሃቲላ ዳር ናሽዲ ኦዲሽ፤ ጊዳይ ጨዋቲያ ሃሳያ ሃሳዩሴስ። ኢ ኡባባ፤ ኪሪሰቶሳ ሰቁዋ፤ ኢያ ያርሼቲላ፤ ኢ ኢሚዳ ናጋራ አቶቲላ፤ ኢያ አጼ ኬሃቲላኔ ኢያ ጌሻቲላ ባጋራ ያለሰ።

ኤፌሶና ከታ አይሬ ቆፋታ

ሳርሶ 1:1-2
ኪሪሰቶሳኔ ዋሳ ኬሌ 1:3-3:21
ኪሪሰቶሳን ዳዊያ ኦራላ ዳዐቀ 4:1-6:20
ኩሻ ቆፋ 6:21-24

1 ያሳ ሼኔን ኪሪሰቶሰ ዩሱሳ ሃዋሬ ጊዲዳ ጳውሎሳፔ፤ ኤፌሶናን ዳዊያ ጌሻታሲኔ ኪሪሰቶሰ ዩሱሳ አማኔይሳታሰ ፃፊቲዳ ከታ።

2 ያሳ ኦ አዋፔኔ ጎዳ ዩሱስ ኪሪሰቶሳፔ አጼ ኬሃቲላይኔ ሳርቲላይ ሂንቲው ጊዳ።

ኪሪሰቶሳን ዳዊያ አያና አንጂዋ

3 ሳሎን ዳዊያ አያና አንጂ ኡባን ኪሪሰቶሳ ባጋራ ኦ አንጂዳ፤ ኦ ጎዳ ዩሱስ ኪሪሰቶሳ አዋይ፤ ያሳይ ጋላቲቶ።

4 ኦኒ ኢያ ሲንላን ጌሻታኔ ቦሬይ ባይናይሳታ ጊዳና ማላ ያሳይ አላሜይ ሜዴታናፔ ካሴ ኪሪሰቶሳ ባጋራ ባ ሰቁዋን ኦና ዶሪስ።

5 ያሳይ ባ ሼኒያን ባ ዶሲዳይሳዳ ዩሱስ ኪሪሰቶሳ ባጋራ ኦና ባ ናይታ ኦላናው ካሴቲዲ ቆፒ ዎሊስ።

6 ያሳይ ባ ሰቁያ ናዓ ባጋራ ኦሰ ጮ ኢሚዳ አጼ ኬሃቲላይ ቦንቼታና ማላ ሄሳ ኦሊስ።

7 ያሳ አጼ ኬሃቲላ ዳሬቲላዳ ኪሪሰቶሳ ሱላን ዎዜቲዲ ናጋራ አቶቲላ ዳሚዳ።

8 ባ አጼ ኬሃቲላ ጨንጫቲላኒ ኤራቲላን ኩንሉዲ ኦሰ ኢሚስ።

9 ያሳይ ባ ዶሲዳይሳዳ ኪሪሰቶሳ ባጋራ ኢያ ሼኒያ ፀራ ኦ ኤራና ማላ ኦሊስ።

10 ዎይይ ጋኪያ ዎይ ያሳይ ፖላናው ቆፒዳ ቆፋይ፤ ሳሎኒኔ ሳዓን ዳዊያ ሜዴቲላ ኡባይ ኪሪሰቶሳፔ ጋርሳን ጊዳና ማላሳ።

11 ኡባባ ባ ሼኒያዳ ኦሊያ ያሳይ፤ ካሴቲዲ ባ ቆፒ ዎሊዳይሳዳ ኪሪሰቶሳ ባጋራ ኦኒ ኢያ ባ ጊዳና ማላ ኦና ዶሪስ።

12 ሄሳ ኢ ኦሊዳይ፤ ኪሪሰቶሳን ኡፋይሲ ዎሊዲ ናንን ኮይር ጊዲዳ ኦኒ ያሳ ቦንቼዋ ጋላታን ቆንጨሳና ማላሳ።

13 ሂንቲካ ሂንቲ አቶቲላ ዎንጌላ፤ ሄሲካ ቱማ ቃላ ሲዲዳ ዎይ ኪሪሰቶሳ አማኒዳታ። ያሳይ ሂንቲው አማና ጊዳ ጌሻ አያናን ሂንቲ አታሚቲዳታ።

14 ያሳ ቦንቼይ ጋላቲታና ማላ ያሳይ ባ አሳ ዎዛና ጋካናው ጌሻ አያና ኦሰ ኦይሉ ኦሊዲ ኢሚስ።

ጳውሎሳ ዎሳ

15 ሄሳ ጊሾ፤ ጎዳ ዩሱሳ ሂንቲ አማኔይሳኔ ጌሻታ ኡባ ሂንቲ ሲቁይሳ ታ ሲዲዳ ዎይ

16 ታ ዎሳን ሂንቲና ቆፓሼ ሂንቲ ጊሾ ያሳ ጋላቲይሳ አጋቢኮ።

17 ጎዳ ዩሱስ ኪሪሰቶሳ ያሳይ፤ ቦንቼ አዋይ፤ ያሳ ሂንቲ ኦሊ ኤራናዳ ጨንጫቲላኔ ቆንጨዳ አያና ሂንቲው አማናዳ ታኒ ያሳ ዎሳይሰ።

18 ያሳይ ሂንቲና ያጊዳ ኡፋይሳይኔ ጌሻቲ ላቲያ ቦንቼ ላታይ አይ ማላ ዳርኮ ሂንቲ ኤራና ማላ ያሳይ ሂንቲ ዎዛና አይፊያ ዳናና ማላ ታኒ ያሳ ዎሳይሰ።

19 ቃሲ ኢያ አማኒያ ኦናን ኦሊያ ኢያ ዎልቃይ አይ ማላ አጼዳ ጌቲኮ ሂንቲ ኤራና ማላ ዎሳይሰ። ሄ ዎልቃይ ዩኔቶናኔ ዳቡርና ዎልቃ። ሃ ኦናን ዳዊዲ ኦሊያ ዎልቃይኔ።

20 ኪሪሰቶሳ ሃይቆፔ ዳንሉዲ፤ ሳሎን ያሳሬ ኡሻቻ ባጋራ ኡቲሲዳ ጊታ ዎልቃይ ኢሲኖ።

21 ኢያ ሱንላይ፤ አይሴይሳታፔኔ ማታ አዋታፔ፤ ሃሬይሳታፔኔ ጎዳታፔ፤ ቦላ ጊዲዲ ሃ አላሚያ ዓላላን ጊዶናሽን ሲንላሬ ያና አላሚያንካ ሃራ ሱንላታ ኡባሬ ጶቃ።

22 ያሳይ ኡባ ኪሪሰቶሳ ቶሁዋፔ ጋርሳን ሃራሲስ፤ ቃሲ ዎሳ ኬላን ኡባባን ጎዳ ጊዳና ማላ ኢያ ሹሚስ።

23 ዎሳ ኬላይ ኪሪሰቶሳ ኩሚሌ ኦሊያ ኢያ አሳቲላ። ማዴቲላይ ዳዊያ ቤሳ ኡባን ኪሪሰቶሲ ባ ሁዔን ኡባባ ኩንሉይሳ።

2

ኪሪስቶስን ሃይቆፔ ዳዎ ፕኔሌ

1 ሃይሳፌ ካሴ ሂንቴ፣ ሂንቴ ናጋራኔ ሂንቴ ቆሁዋ ጋሶን ሃይቆዳይሳታ።

2 ሄ ዎዴ ሂንቴ ሃ አላሚያ ኢታ ኦጊያ ካሊዳታ። ጫርኩዋ ቦላ ዳዲያ ኣያና ዋልቃታ ሃላቃሲኔ ሃላካ ያሳሰ ኪቴቶና ኣሳ ሃሪያ ኣያናሰ ኪቴቲዳታ።

3 ኑ ኡባይካ ካሴ ሄ አሳታ ጊደን ኑ አሾ አሙዋኔ ኑ ዎዛና ሺኒያ ካሊዲ ዳዲዳ። ኑካ ሃራታ ሜላ ኑ ሜዴቴላን ያሳ ሃንቁዋ ኤካናው ዳዲይሳታ።

4 ሺን ያሳ ጊታ ማርቴላፊኔ ኑሰ ዳዲያ ጊታ ሲቁዋፔ ዳንዲዳይሳን፣

5 ሃሪ አቶሺን ኑኒ ኑ ቆሁዋን ሃይቆዳ ዳዲሺን ኪሪስቶስ ባጋራ ኑሰ ዳዎ ኢሚሰ። ሂንቴካ ኣቴዳይ ያሳ ኣቆ ኬሃቴላና።

6 ያሳይ ኑና ኪሪስቶስን ኢሲፌ ሃይቆፔ ዳንዲዳ ሳሎ ስሁዋን ኢያራ ኢሲፌ ዎሊሰ።

7 ኢ ሄሳ ኦሊዳይ፣ ኪሪስቶስ ዬሱሳ ባጋራ ኑሰ ቆንጨሲዳ ባ ኬሃቴላኔ ዛዊ ባይና ባ ኣቆ ኬሃቴላ ዱሬቴላ ያና ላይላን ኑና ቤሳናሳ።

8 ሂንቴ ኣቆ ኬሃቴላን ኣማኖን ኣቴዳታ። ሄሲካ፣ ያሳ ኢዎታፔ ኣቴን ሂንቴ ኦሶን ቤንቴዳባ ጊዳና።

9 ኦኒካ ጩቆቶና ሜላ ኣቶቴላይ ቤንቴዳይ ኦሶን ጊዳና።

10 ኑኒ ያሳ ሜዴቴላ፤ ኢ ኑሰ ካሴቴዲ ጊጊሲ ዎሊዳ ሎዎ ኦሶታ ኦሳና ሜላ ኪሪስቶስ ዬሱሳ ባጋራ ኦራሌ ሜዴቴላ።

ኪሪስቶስን ዳዲያ ኢሲፌቴላ

11 ሄሳ ጊሾ፣ ሂንቴኖ ዬሌታን ኣይሁዴ ጊደናይሳቶ፣ ኣይሁዴቲ ባንታው ኣሳ ኩሸን ቃፃሬቴዲ፣ ሂንቴና ቃሲ ቃፃሬቴቦናይሳታ ጊዲ ዪይሳ ኣኬኪቴ።

12 ሄ ዎዴ ሂንቴ ኪሪስቶስን ሻኬቴ ዳዲዳይሳ፣ ኢሰራዬሌ ኣሳሰ ኣላጋ ጊዲዲ ዳዲዳይሳ፣ ያሳ ኡፋይሳ ቃላፔ ሃኪዲ ዳዲዳይሳኔ ሃ አላሚያን ኡፋይሳኔ ያሲ ባይና ዳዲዳይሳ ኣኬኪቴ።

13 ሺን ሂንቴ ካሴ ሃኪዲ ዳዲዳይሳቲ፣ ሃሲ ኪሪስቶስ ዬሱሳን ዳዲዲ ኪሪስቶስ ሱላን ማታ ሺቁዳታ።

14 ኪሪስቶሲ ኑ ሳርቴላ፤ ኢ ኣይሁዴኔ ኣይሁዴ ጊደና ኣሳ ቲሚዲ፣ ናምዓ ሻኪ ዎሊዳ ዎርኬቴላ ጎዳ ላሊሰ።

15 ኢ ባናን ሃ ናምዑ ዛሬታፔ ኢሲ ኦራላ ኣሴ ሜዲዳ፣ ሂጊያ ኢያ ኪታራኔ ዎጋታራ ኢሲፌ ባ ኣሳቴላን ቆይሲዲ ሳርቴላ ኢሚሰ።

16 ኪሪስቶሲ ማሰቃሊያ ቦላ ሃይቆዳ ዎርኬቴላ ቆይሲሰ፤ ቃሲ ናምዑ ዛሬታ ኢሲ ኣሳቴላ ኦሊዲ ያሳራ ሲጌላሰ።

17 ኪሪስቶሲ ዪዲ፣ ያሳፌ ሃኪዲ ዳዲያ ሂንቴው፣ ቃሲ ማቴዲ ዳዲያ ኤንታው ሳርቴላ ዎንጌላ ኦዲሰ።

18 ኑ ኡባይ ኢያ ባጋራ ኢሲ ኣያናን ኣዎ ሲንሌ ሺቃናው ዳንዳዎሰ።

19 ሂዛፔ ሂንቴ ኣላጋ ዎይኮ ኢማሌ ጊዳኬታ፣ ሺን ሂንቴ ሃሲ ጌሻታ ቢታ ኣሲኔ ያሳ ሶ ኣሲ።

20 ሂንቴ ሃዎሬቴኔ ናቤቲ ባሲዳ ባሱዋ ቦላ ኬፃቴዳታ። ጎዳ ፃጹዋ ሚንሊያ ሹቻይ ኪሪስቶስ ዬሱሳ።

21 ኢያን ኬላ ኡባይ ኢሲፌ ኦይኬቴዲ ጎዳን ጌሻ ያሳ ኬሌ ጊዳናው ዲጩሰ።

22 ሂንቴ ቃሲ ያሳይ ባ ኣያናን ዳዲያ ኬሌ ጊዳናው ኪሪስቶስን ኢሲፌ ኬፃቴታ።

3

ኣይሁዴ ጊደና ኣሳሰ ሃዎሬ ጊዲዳ ጳውሎሳ

1 ሄሳ ጊሾ፣ ታኒ፣ ጳውሎሲ፣ ኣይሁዴ ጊደና ሂንቴ ጊሾ ኪሪስቶስ ዬሱሳን ቃሾ ኣሲ ጊዳሰ።

2 ታ ሂንቴና ማዳና ሜላ ያሳይ ባ ኣቆ ኬሃቴላን ታው ኢሚዳ ሃ ኦሱዋባ ሂንቴ ሎይሌ ሲዲዳታ።

3 ታ ሂንቴው ካሴ ቃንላን ፃፊዳይሳዳ ያሳይ ባ ፀራ ቆንጨኣን ታው ቆንጨሲሰ።

4 ታ ፃፊዳይሳ ሂንቴ ናባቢያ ዎዴ ኪሪስቶስ ፀራ ታ ኣይ ሜላ ኤሪዳኮ ሂንቴ ኣኬካናው ዳንዳዳታ።

5 ሃ ፀራይ ጌሻ ሃዎሬታሲኔ ናቤታሰ ሃሲ ኣያና ባጋራ ቆንጨዳይሳዳ ቤኒ ዎዴ ኣሳሰ ሄሳዳ ቆንጨሲቤና።

6 ፀራይ ሃይሳ፣ ኣይሁዴ ጊደና ኣሳይ ዎንጌላ ባጋራ ኢሰራዬሌታራ ኢሲፌ ያሳ ኣንጂዎ ላቶሶና። ኢሰራዬሌታራ ኢሲ ኬላ ኣሲ ጊደሶና፤ ኪሪስቶስ ዬሱሳ ባጋራ ያሳ ኡፋይሳ ቃላ ኤኮሶና።

7 ያሳይ ባ ኦሊያ ዎልቃ ባጋራ ታው ኢሚዳ ኣቆ ኬሃቴላን ሃ ዎንጌላሰ ኦሳንቾ ጊዳሰ።

8 ታኒ ጌሻታ ኡባፌ ላፋ ጊዲኮካ ኣይሁዴ ጊደና ኣሳሰ ዛዊ ባይና ኪሪስቶስ ዱሬቴላ ዎንጌላ ኦዳና ሜላ ሃ ኣቆ ኬሃቴላይ ታው ኢሚቴሰ።

9 ቃሲ ካሴ ዎዲያን ኡባ ሜዲዳ ያሳን ቆሴቴዲ ዳዲያ ፀራሰ፣ ያሳ ቆፋይ ኣይቤኮ ቆንጨሳናው ኣቆ ኬሃቴላይ ታው ኢሚቴሰ።

10 ያሳይ ሄሳ ኦሊዳይ ሃሲ ዎዲያን ዎሳ ኬላ ባጋራ ሳሎ ስሁዋን ዳዲያ ሃላቃታሲኔ ሃሬይሳታሰ ባ ዳማ ዳማ ቆንጨኣ ኤሪሳናሳ።

11 ያሳይ ባ ሜሪና ቆፋ ኑ ጎዳ ኪሪስቶስ ዬሱሳ ባጋራ ፖላናው ሄሳ ኦሊሰ።

12 ኑ ኣማኖን ያሺ ባይና ያሳኮ ሺቃና ሜላ ኪሪስቶሲ ኑሰ ሚኖቴሌኔ ላዓቴሌ ኢሚሰ።

13 ታኒ ሂንቴ ጊሾ ዎዴ ኤኪያ ጊሾ ሂንቴ ታ ዎያን ዬላቶናዳ ሂንቴና ዎሳይሰ፤ ታኒ ሂንቴ ቦንቹዎሰ ዎይታይሰ።

ኤፌሶና ኣሳሰ ዎሴቴዳ ዎሳ

14 ታኒ ኣዎ ሲንላን ጉልባታዳ ዎሴይ ሄሳ ጊሾሳ።

15 ሳሎኒኔ ሳዓን ዳዲያ ኢሲ ኢሲ ሶ ኣሳይ ኢያን ሱንሌቴሰ።

16 ያሳይ ባ ቦንቾ ዱሬቴላፌ ሂንቴ ጋርሳ ኣሳቴላ ሚንሊያ ዎልቃ ባ ኣያና ባጋራ ኢማና ሜላ ሂንቴው ዎሳይሰ።

17 ቃሲ አማኝ ኪሪሰቶሲ ሂንቲ ዋዛናን ዳና ማላኔ ሂንቲ ሲቆን ፃፅ ዩዲዲ ማኒዲ ዳና ማላ ዋሳይሰ።

18 ሄሳዳካ፡ ኪሪሰቶሳ ሲቆይ አይ ማላ ዳልገኮ፡ አዲሱኮ፡ ቶቄኮኔ ጨሞኮ ጌሻታ ኡባራ ኤሪያ ዋልቃ ሂንቲ አከካና ማላ ዋሳይሰ።

19 ኤራቴላፌ አዲያ ኪሪሰቶሳ ሲቆዋ ሂንቲ ኤራና ማላ ቃሲ ዳያ አሚያ ያሳ ዋልቃን ሂንቲ ኩማና ማላ ታ ዋሳይሰ።

20 ሂዛ፡ ኑ ጊደን ኦሊያ ባ ዋልቃ ባጋራ ኑኒ ዋሴይሳፌ ዋይኮ ቆጥይሳፌ አሊዲ አላናው ዳንዳዲያ ያሳሰ።

21 ዋሳ ከላኒኔ ኪሪሰቶሳ ዩሱሳን ዋይ ኡባን ማሪናቴ ማሪና ጋካናው ቦንቾይ ጊደ። አሚንዲ።

4

ኪሪሰቶሳራ ዳዲያ አሲፊቴላ

1 ሂዛ፡ ጎዳ ጊሾ ቃሼቲዳ ታኒ፡ ሂንቲ ፃጌቲዳ ፃሳሰ ቤሲያ ዳያ ዳና ማላ ሂንቲና ዋሳይሰ።

2 ሂንቲ ኡባ ዋይ አዳኔ ሃዮ ጊዲቲ፤ አሳይ አሱዋ ዳንዳዲቲኔ ሲቆን ዳዲቲ።

3 ሳርቴላን ቃሼቲዲ አያናይ አሚያ አሲፊቴላ ናጋናው ማኒቲ።

4 ያሳይ ሂንቲና ፃጌዳ ዋይ አሲ ኡፋይሳሰ ፃጌዳይሳዳ አሲ አሳቴላኔ አሲ አያኒ ዳዲሰ።

5 አሲ ጎዳይ፡ አሲ አማናይኔ አሲ ፃንቃቴይ ዳዲሰ።

6 ኡባፌ ቦላ ጊዲዳ፡ ኡባ ባጋራ ኦሊያኔ ኡባ ጊደን ዳዲያ አሲ ያሳይ፡ ኡባ አዋይ ዳዲሰ።

7 ሺን ኪሪሰቶሲ አማናው ኮዩዳይሳዳ ኑ አሳይ አሳይ ዳማ ዳማ አሞታ ኤከዳ።

8 ሄሳ ጊሾ፡ ያሳ ቃላይ፡ «አ ፑዴ ኮዩዳ ዋይ ዲዩቲዳ ዳርታ ባራ ኤከዲ ቢሰ፤ አሳሰካ አሞታ አሚሰ»

9 ያቲን፡ «ፑዴ ኮዩሰ» ጉሳይ ዋይ ጉሴ? አ ኮይሮ ዳጌ፡ ሳዓ ዚቃ ቤሳ ዋዲሰ ጉሱ ጊደና አዲኮ አይ ጉሴ?

10 ሃ ዳጌ ዋዲዳይሰ፡ ኡባ ቤሳን ቤንታናው ኡባፌ ቶቃ ሳሉዋ ኮዩዳይሰ አያ።

11 አ አሳታ አሳታ ሃዋሬታ፡ አሳታ አሳታ ናቤታ፡ አሳታ አሳታ ዋንጌላ ሳባኬታ፡ አሳታ አሳታ ዋሳ ኮሊ ሃማይሳታ፡ አሳታ አሳታ አሰታማሬታ ኦሊዲ አሚሰ።

12 አ ሄሳ ኦሊዲይ ኪሪሰቶሳ አሳቴላ ጊዲዳ ዋሳ ኮሊ ዲቻናውኔ አማኒያ አሳ ያሳ ኦሳሰ ጊሳሳናሳ።

13 ሄሳዳካ፡ ኑ ኡባይ ያሳ ናዓ ኤሪዲ አማኝ ቤንቲያ አሲፊቴላኮ ጋከዲ፡ ኪሪሰቶሳ አያና ዳዑዋ ኩማላ ጋከዲ ዲጫና ማላሳ።

14 ሂዛቴ ጉዩ፡ አሳ ጌኔ ጨሞን ጊዲዳ ባሊሊያ ዋርዳ ተማርቲ ጫርኮኒኔ ሆሴን ጌዴኔ ሃ ኩሎ ካዲያ ናይታ ማላ ጊዳናው ቤሴና።

15 ሺን ኑኒ ቱማ ሲቆን ኦዲሼ አሳቴላሰ ሁዔ ጊዲያ ኪሪሰቶሳራ ዳዲያ አሲፊቴላ ጉዲ ጉዲ ዲቻሰ።

16 ኩማላ አሳቴላይ ኪሪሰቶሳ ቦላ ዜምፔሰ ቃሲ ዳማ ዳማ አሳቴላ ቢሊቲቲ አሳይ አሱዋራ ኦይኬቲዲ ኡቲሰ። አሲ አሲ አሳቴላ ከፊሊይ ባ ኦሱዋ ኦሊያ ዋይ ኩማላ አሳቴላይ ሲቆን ዲጩሰ።

ኪሪሰቶሳን ኦራላ ዳያ

17 ሄሳ ጊሾ፡ ታኒ ሃይሳ ሂንቲው ጎዳ ሱንላን ኦዳይሰኔ ማርካታይሰ። ጎዲ ባይና ቆፋ ቆፒያ አይሁዳ ጊደና አሳታዳ ዳያፒቲ።

18 ኤንታ ቆፋይ ቶሚሰ፤ ባንታ ዋዛና ሙሚሲደሶና። ኤንቲ ኤራቴላ ቶሮኒኔ አፃሰ ጊዲ ያሳይ አሚያ ዳዑዋፔ ሃኪደሶና።

19 ኤንቲ ዩላ ጊያባ ኤርኮና፤ ኤንቲ ላይማቴላሰ ባንታና አሊ አሚደሶና፤ ቃሲ ቴናባ ኡባ ጉዩ ጎና አሳሶና።

20 ሺን ሂንቲ ኪሪሰቶሳ ኤሪዳይ ሄሳ ማላ አጌን ጊዳና።

21 አያባ ቱማ ሲዲዳታ። ቃሲ ዩሱሳን ዳዲያ ቱማ ማላ አያፔ ታማሪዳታ።

22 ሂንቲ ካሴ ዳዲያ ዳያ ኦጊያ አጌቲ። ቃሲ ባ ጨሚያ አሞን ቶያ ሂንቲ ጩጋ አሳቴላ ዲጌቲ።

23 ሂንቲ ዋዛና ቆፋን ኦራዲቲ።

24 ቱማ ዲሎቴላኒኔ ጌሻቴላን ያሳ ሌሚሶን ማዴቲዳ ኦራላ አሳቴላ ማዲቲ።

25 ሂዛ፡ ዋርዳ ኦዳቶፊቴ። ኑኒ ኡባይ ኪሪሰቶሳ አሳቴላ ቢሊቲታ ጊዲያ ጊሾ አሳ ኡባራ ቱማ ኦዳቲቲ።

26 ሃንቄቲቲ፡ ሺን ሂንቲ ሃንቄዋን ናጋራ ኦራፊቴ። ሂንቲ ሃንቄቲ ዳዲሺን አዋ ዉሎ።

27 ፃላሂሰ ቤሴ አሞፊቴ።

28 ካይሲያ ኡራይ ሂዛፔ ጉዩ ካይሶቶፖ። ሺን ማንቆታ ማዲያባይ አያው ዳና ማላ ባ ኩሼን ሎዖባ ኦራ።

29 ሂንቲ ዳናቴ ኢታ ቃሊ ኮዮፖ። ሺን ሲዔይሳታ ጎዳና ማላኔ ሃራታ ማንጫሊያ ኮሺያ ሎዖ ቃሊ ሂንቲ ዳናቴ ኮዮ።

30 ያሳይ ሂንቲና ዋዚያ ጋላሳሰ ሂንቲና አታሚዲ ዋሊዳ ያሳ አያና አዛንጾፊቴ።

31 ጫማቴላ፡ ዩሎ፡ ሃንቆ፡ ዋሶ፡ ጫሼኔ ኢታ ኡባ ሂንቲፌ ሃሲቲ።

32 አሊዲ አሳይ አሱዋሰ ኮሃኔ ቃዴቴይሳታ ጊዲቲ። ያሳይ ኪሪሰቶሳ ባጋራ ሂንቲው አቶ ጊዳይሳዳ ሂንቲካ ዋሊሰ አቶ ጌቲ።

5

1 ሂዛ፡ ያሳይ ደሲያ ናይታዳ አያ ዳኒቲ።

2 ኪሪሰቶሲ ኑና ደሲዲ ባና ኑ ጊሾ ያሳሰ ሳዋያ አሞኔ ያርሾ ኦሊዲ አሚዳይሳዳ ሂንቲካ ሲቆን ዳዲቲ።

3 ሺን ላይማቴላ፡ ቴናቴላኔ ኡዜቴላ አማኒያ አሳሰ ቤሶና ጊሾ ሂንቲ ጊደን ኡባራካ ሲዔቶፎ።

4 ያሳ ጋላቲቲቴ ኦቲን ዩላያባይኔ ኤያ ኦዲ ዋይኮ ቂዴይ ሂንቲው ቤሶና ጊሾ ሂንቲ ጊደን ኡባካ ዳያፖ።

5 ሃይሳ ኤሪቴ፤ ኦሪካ ላይማቴይ ወይኮ ቱናባ ኦሌይ ወይኮ ኡዜቴይ ኪሪሰቶሳ ካዎቴላኔ ያሳ ካዎቴላ ላታናው ዳንዳዔና። ኡዜቴላ ኤቃ ጎይኖ ሜላ።

6 ሃይሳታ ጋሶን ያሳ ሃንቆይ ኪቴቶና ኣሳ ቦላ ያና ጊሾ ኦሪካ ሂንቴና ፓሶና ኦዳን ጨሞፎ።

7 ሂሳ ሜላ ኣሳራ ኢሲፊቴላ ኦሎፊቴ።

8 ካሴ ሂንቴ ቋማን ዳዒዳታ፣ ሺን ሃዒ ጎዳ ባጋራ ፖን ዳዒታ። ሂዛ፣ ፖን ኣሳዳ ፖንን ሲሜሬቴቴ።

9 ፖንይ ሎፖቴላ፣ ዒሎቴላኔ ቴማቴላ ኣይፊሰ።

10 ጎዳ ኡፋይሲያባ ኦላናው ኮዩቴ።

11 ጎዒ ባይና ቋማ ኦሶ ቆንጨሲቴቴ ኣቲን ኢያራ ኢሲፎፕቴ።

12 ኤንቴ ጌማን ኦሊያ ኦሱዋ ሃሪ ኣቶሺን ኦዳናወካ ዩላዩሰ።

13 ሺን ኡባባይ ፖንን ኬያ ዎዴ ቆንጨን ቤንቴሰ።

14 ፖንይ ኡባባ ቆንጨን ቤሴሰ። ሂሳ ጊሾ፣ «ኔኖ ቋሰኬይሶ ባርካ፤ ሃይቆፕ ዳንዳ፤

ኪሪሰቶሲ ኔ ቦላ ፖናና» ያጌቴሰ።

15 ሂዛ፣ ሂንቴ ዋኒዲ ዳዒያኮ ኣኬኪ ቤዒቴ። ጨንጨታ ጊዲቴቴ ኣቲን ኤያታ ጊደፕቴ።

16 ላይላይ ኤታ ጊዲያ ጊሾ ኣንጃቴያ ዎዴ ኡባ ጎዒቴቴ።

17 ሃሳ ጊሾ፣ ጎዳ ሸኔይ ኣይቤኮ ኣኬኪቴቴ ኣቲን ኤዮፕቴ።

18 ጌሻ ኣያናን ጋላሰ ጋላሰ ኩሚቴቴ ኣቲን ቋዮኮ ሂንቴና ካሌሊያ ጊሾ ዎይኔ ኡሻን ማሶቶፊቴ።

19 ማዘሙሬን፣ ሳባኒኔ ኣያና ዩላን፣ ኢሶይ ኢሱዋራ ኦዳቴቴ። ቃሲ ሂንቴ ዎዛናን ዛማሪሼኔ ሳቢሼ ጎዳ ጋላቴቴ።

20 ኑ ጎዳ ዩሱሰ ኪሪሰቶሳ ሱንላን ኡባ ዎዴ ያሳ ኣዎ ኡባባሰ ጋላቴቴ።

21 ኪሪሰቶሳ ቦንቹዋሰ ጊዲ ኢሶይ ኢሱዋሰ ሃሪቴቴ።

አዚናባኔ ማቹባ

22 ማቹቶ፣ ጎዳሰ ሃሪቴይሳዳ ሂንቴ ኣዚናታሰ ሃሪቴቴ።

23 ኪሪሰቶሲ ዎሳ ኬላሰ ሁዒ ጊዳይሳዳ ኣዚኒካ ባ ማቹሰ ሁዒ። ቃሲ ኪሪሰቶሲ ባ ኣሳቴላ ጊዲዳ ዎሳ ኬላ ኣሼይሳ።

24 ሺን ዎሳ ኬላይ ኪሪሰቶሳሰ ሃሪቴይሳዳ ማቹቲ ባንታ ኣዚናታሰ ኡባባን ሃሪታናው ቤሴሰ።

25 ኣዚናቶ፣ ኪሪሰቶሲ ዎሳ ኬላ ደሲዲ ባና ኢው ኢሚዳይሳዳ ሂንቴካ ሂንቴ ማቹታ ደሲቴ።

26 ኢ ዎሳ ኬላ ባ ቃላ ባጋራ ሃላን ሜጨዲ ጌሺሰ።

27 ኪሪሰቶሲ ዎሳ ኬላ ቂቲ ዎይኮ ሶምፖ ቴሲ ዎይኮ ሃሳ ሜላባይ ባይና ኢ ኩሜላ ቦንቹዋራ

ጌሺኔ ቦሪቶናር ኦሊዲ ባኮ ሺሻናው ኮዩዲ ሃሳ ኦሊሰ።

28 ሃሳዳካ፣ ኣዚናቲ ባንታና ደሴይሳዳ ባንታ ማቹታ ደሳናው ቤሴሰ። ባ ማቹው ደሴይሲ ባና ደሴሰ።

29 ባና ኢደያ ኣሲ ኦሪካ ባዎ፣ ሺን ኪሪሰቶሲ ዎሳ ኬላሰ ኦሊይሳዳ ባ ኣሳቴላ ሙዜሲኔ ናጌሰ።

30 ኦኒ ኪሪሰቶሳ ኣሳቴላ ቢሊቴታ።

31 ያሳ ቃላይ፣ «ሃሳ ጊሾ፣ ኣሲ ባ ኣዎኔ ባ ኣዩው ኣጊዲ፣ ባ ማቹራ ኢሲፊ ዳና፤ ኤንቴ ናምዒይካ ኢሲ ኣሾ ጊደና» ያጌሰ።

32 ሃይሲ ጊታ ፀራ፣ ሺን ታኒ ሃሳ ኪሪሰቶሳባኒ ዎሳ ኬላባ ለሚሶ ኦላዳ ኦዳይሰ።

33 ጊደሺን፣ ሂንቴ ኢሶይ ኢሶይ ሂንቴ ማቹታ ሂንቴ፣ ሂንቴና ደሴይሳዳ ደሲቴ። ኢሲ ኢሲ ማቻ ባ ኣዚና ቦንቻናው ቤሴሰ።

6

ናይታባኔ ዩሊዳይሳታባ

1 ናይቶ፣ ሂንቴ ጎዳባ ጊዲያ ጊሾ ሂንቴና ዩሊዳይሳታሰ ኪቴቴ። ሂሲ ሂንቴው ቤሲያባ።

2 «ኔ ኣዩወኔ ኔ ኣዎ ቦንቻ።» ሂሲ ኡፋይሳ ቃሊ ዳዒያ ከይር ኪታ።

3 «ኔ ሃሳ ፖሊያባ ጊዲኮ ኡባይ ኔው ኣንጃታና፤ ኔ ላይላይ ሳባ ቦላ ኣዲቃና።»

4 ኣዎቶ፣ ሂንቴ ናይታ ጎዳ ቃላ ታማርሶኒኔ ኤንታ ካሌሶን ዲቹቴቴ ኣቲን ኤንታና ጫሚሶፕቴ።

ጎዳታባኔ ኣይሌታባ

5 ኣይሌቶ፣ ኪሪሰቶሳሰ ኪቴቴይሳዳ ሂንቴ ሳባ ጎዳታሰ ያሻን፣ ቦንቻኒኔ ሱሬ ዎዛናን ኪቴቴ።

6 ኤንታ ሰንላን ሳባ ዳማናው ኤንቴ ቤዒያ ዎዴ ያላላ ኦሎፊቴ። ሺን ኪሪሰቶሳ ኣይሌታዳ ያሳ ሸኒያ ዎዛናፕ ፖሊቴ።

7 ኣሳሰ ጊደናሺን ጎዳሰ ጊዲ ሂንቴ ኩሜላ ዎዛናፕ ኦሊቴ።

8 ኣይሌ ጊዲን ዎይኮ ጎዳ ጊዲን ኢሶይ ኢሶይ ባ ኦሊዳ ሎፖ ኦሱዋሰ ጎዳፕ ዎይቶ ኤካናይሳ ኤሬታ።

9 ጎዳቶ፣ ኣሳ ሶምፖ ቤዒዲ ማዶና ጎዳይ፣ ሳሉዋን ዳዒይሳ ኤሬታ። ሃሳ ጊሾ፣ ሂንቴ ኣይሌታ ማንዳይሳ ኣጊዲ ኤንቴ ሂንቴው ቦንቻን ኪቴቴይሳ ሜላ ሂንቴ ኤንታው ሎፖባ ኦሊቴ።

ያሳ ኦላ ሚሼታ

10 ዉርሴላን፣ ጎዳኒኔ ኢያ ጊታ ዎልቃን ሚኒቴ።

11 ያላሂ ጨሙዋ ኤቁታናው ዳንዳዒና ሜላ ያሳይ ሂንቴው ኢሚዳ ኦላ ሚሺያ ኡባ ማዒቴ።

12 ኑ ኦላይ ኣሳራ ጊደናሺን ሳሎን ዳዒያ ቱና ኣያና ኦላንቻታራ፣ ማታ ኣዎታራ፣ ሃሪይሳታራኔ ሃ ቋማ ኣላሚያ ዎልቃታራ።

5:16 ቆላ 4:5 5:19 ቆላ 3:16-17 5:22 ቆላ 3:18፤ 1ጳጳ 3:1 5:25 ቆላ 3:19፤ 1ጳጳ 3:7 5:31 ሜጲ 2:24 6:1 ቆላ 3:20 6:2 ኬሳ 20:12፤ ዛሬ 5:16 6:4 ቆላ 3:21 6:5 ቆላ 3:22-25 6:9 ቆላ 4:1፤ ዛሬ 10:17፤ ቆላ 3:25

13 ሄሳ ጊሾ፣ ኢታ ጋላሳ ቴቃናወኔ ኡባ ፖሊዲ፣ ሚኒዲ ኤቃናው ሂንቴ ዳንዳዓና ሜላ ያሳ ኦላ ሚሾታ ኡባ ማዒቲ።

14-15 ቱማ ፃሳን ዳንጮዳ ዳንጨዲ፣ ፃሎቴላ ፀረሬዳ ቲራን ዋሲዲ፣ ሳርቴላ ዋንጌላ ሂንቴ ቶሁዋን ጫማዳ አሲዲ ሚኒዲ ኤቁቴ።

16 ሄ ኡባፌ አሲዲ፣ ፃላሄይ ዬዲያ ላዲያ ታማ ደንጌ ኡባ ቶይሳናው ዳንዳዒያ አማኑዋ ኡባ ዋዴ ጎንዳሌዳ ኦይኪቴ።

17 ያሳ አቶቴላ ቢራታ ባርኔፃዳ ሂንቴ ሁዔን ዋሲቴ፤ ቃሲ ጌሻ አያና ማሻ፣ ኢካ ያሳ ቃላ ኦይኪቴ።

18 ዋሳ አጎፊቴ፤ ሃራታሰካ ጋናቲቴ፤ ኡባ ዋዴ አያናን ዋሲቴ። ሄሳን፣ ጌሻታሰ ሳሌቶና ሚኒዲ ኡባ ዋዴ ዋሲቴ።

19 ታኒ ዋንጌላ ፀራ ያሽ ባይና ቆንጨሳዳ ኦዳና ሜላ ያሳይ ታው ቃላ አማና ሜላ ዋሲቴ።

20 ታኒ ሄሳ ኦላናው ከቴታሰ ሃዒካ ቃሾን ዴዔይ ሄ ዋንጌላ ጊሾሳ። ያኒያ ጊሾ፣ ታኒ ያሽ ባይና ቤሴይሳዳ ኦዳና ሜላ ታው ዋሲቴ።

ወርሴላ ሳርሶ

21 ታኒ ዋና ዴዒያኮኔ አይ ኦሊያኮ ሂንቴ ኤራና ሜላ ኑ ሲቆ አሻይ፣ ጎዳ ኦሱዋን አማኔቲዳ አሳንቾይ፣ ቲኪቆሲ፣ ታባ ኡባ ሂንቴው ኦዳና።

22 ኑኒ ኡባይ ዋኒዲ ዴዒያኮ ሂንቴው ኦዳና ሜላኔ ሂንቴና ሚንጮላና ሜላ ታኒ ኢያ ሂንቴኮ ኪታሰ።

23 ያሳ አዋፔ፣ ጎዳ ዬሱሰ ኪሪሰቶሳፔ ሳርቴላይኔ ሲቆይ አማኖራ ኢሲፌ አማኒያ ኡባሰ ጊድ።

24 ኢርፆና ሲቆን ኑ ጎዳ ዬሱሰ ኪሪሰቶሳ ሲቁያ ኡባራ ያሳ አጾ ኬሃቴላይ ጊድ።

ጳውሎስ ፊልጲሲዩሳ አሳሰ ፃፊ ዚታ ጋላ ቆፋ

ጳውሎስ ፊልጲሲዩሳ አሳሰ ፃፊ ዚታይ ፃፈትዳይ፡ ርሜ ቢታን ማቁደኒያ አወራጃን፡ ፊልጲሲዩሳ ቢታን ዳዒያ ዋሳ ኬላሳ፡ ሄ ዋሳ ኬላይ ጳውሎስ አወርጋ ቢታን ኮይሮ ኤሲዳ ዋሳ ኬላ፡ ሃ ከታይ ፃፈትዳይ፡ ጳውሎስ ቃሾ ኬላን ዳዒያ ዋዴ ሃራ አማኒያ ኦሳንቸት ኢያ ኢዳዳ ዋዴ፡ ፊልጲሲዩሳ ዋሳ ኬላን ዳንዲዳ ዋርዶ ቲሚርቲያ ጋሶን ኢያ ዋዛናይ ዳር አዛኒዳ ዋዴ፡ ጊደሽን፡ ጳውሎስ ዩሱስ ኪሪስቶሳ ሚንሱዲ አማኒያ ጊሾ ሃ ከታን ቆንጨዲ ቤንቲይ፡ ኡፋይሲኔ ኩሚሳ አማኔቲላ፡ ፊልጲሲዩሳን ዳዒያ ዳር አሳይ ርሜ፤ ዲዔቲዲ ዩዳ አሲ፡ ኤንቲ ርሜ ቢታሰ ሚሹቶሶና ኤይላ ናሳሶና፡ ኤንታፊ ኢሶቲ ኢሶቲ አማኒዲ ባንታ ቢታ አሳን ጎዴቲዶሶና፡ ሄ ጎዳይ ኤንታ ቦላ ሜቶኔ ማንቆቲላ ኤሂሰ (ሃ.ኦ 16:20-21)፡፡

ጳውሎስ ሃ ከታ ፃፊዳ ኮይሮ ጋሶይ ኢያ ሜቲዋ ዋዴ ኢያ ማዳናው ፊልጲሲዩሳ አማኒያ አሳይ አሞታ ኢያው ዩዲዳ ጊሾ ኤንታ ጋላታናሳ፡ ኢያ ቦላኔ ኤንታ ቦላ ዲማ ዲማ ሜቶይ ጋኪዳባ ጊዲኮካ ኤንቲ ሚኔታና ሚላኔ ኩሚላ አማኔቲዲ ዳና ሚላ ሃ ዳሚዳ ኢንጂያን ኤንታ ሚንሱላሰ፡ ጨቆኔ ኦቶር አጊዳ፡ ዩሱስ ኪሪስቶሳ አሽኬቲላን ኤንቲ ኩማና ሚላ ሚንሱዲ ኤንታ አኬኪሴሰ፡ ዩሱስ ኪሪስቶሳራ ኢሲፊ ጊደን ኤንቲ ዳሚዳ ዳይይ ያሳ አጼ ኬሃቲላፊ ፑልቲዳይሳኔ አማኖን ኤንቲ ኤኪዳይሳፊ አቲን አይሁዳታ ዋጋ ፖሎን ቤንቲዳባ ጊደናይሳ ኤንታ አኬኪሴሰ፡ ዩሱስ ኪሪስቶሳራ ኢሲፊ ዳዒያ ኡባሰ ያሳይ አሚያ ሳሩዋኔ ኡፋይሳ ኤንታው ፃፊሰ፡፡

ሃ ከታይ ኤሬቲይ ኡፋይሲ፡ አማኔቲላ፡ ኢሲፊቴላኔ አማኖን ሚኒዲ ዳይ ቆንጨሲዲ ቤሴይሳና፡ ሄሳ ቦላ ጉጂዲ፡ ጳውሎስ ፊልጲሲዩሳ ዋሳ ኬላ ሲቁያ ጊታ ሲቁዋ ቆንጨሴሰ፡፡

ፊልጲሲዩሳ ከታ አይፊ ቆፋታ

- ጌሎ ቆፋ 1:1-11
- ጳውሎስ ሃኒዲ ዳዒያ ዲሳ 1:12-26
- አማኖን ለሚሶ ዳይ 1:27-2:18
- ዲሞቲዮሳሲኔ ኤሳፊራዲቲሰ ዳዒያ ቆፋ 2:19-30
- ሞርኬታፔኔ ኢታታፔ ናጌቲላ 3:1-4:9
- ጳውሎስ ፊልጲሲዩሳ አማኒያ አሳ 4:10-20
- ሳርላኔ አንጅ 4:21-23

1 ኪሪስቶስ ዩሱሳራ ኢሲፊዳ ጊሾ ያሳባ ጊዲዳ፡ ፊልጲሲዩሳ ካታማን ዳዒያ ዋሳ ኬላ ጨማታሲኔ ዳቆኔታ ኡባሰ፡ ዩሱስ ኪሪስቶሳ አይሌ ጊዲዳ፡ ጳውሎሳፔኔ ዲሞቲዮሳፔ ኪቲቲዳ ከታ፡፡

2 ኑ አዋ ያሳፊኔ ጎዳ ዩሱስ ኪሪስቶሳፔ አጼ ኬሃቲላይኔ ሳርቲላይ ሂንቲው ጊደ፡፡

ጳውሎሳ ጋላታ ዋሳ

3 ታኒ ሂንቲና ቆፒያ ዋዴ ኡባን፡ ታ ያሳ ጋላታይሰ፡፡

4 ታኒ ሂንቲ ኡባሰ ያሳ ዋሲያ ዋዴ ኡፋይሳን ዋሳይሰ፡፡

5 ሂንቲ ኮይሮ ጋላሳፔ ሃዒ ጋካናው፡ ዋንጌላ ማርካቲይሳን ታራ ኢሲፊ ጊዲዲ፡ ታና ማዲዳ ጊሾ ያሳ ጋላታይሰ፡፡

6 ሂንቲ ጊደን ሎጾ ኦሶ ዳሚዳ ያሳይ፡ ኪሪስቶስ ዩሱስ ሲሚያ ጋላሳይ ጋካናው፡ ፖላናይሳ ኤራይሰ፡፡

7 ሂንቲ ኡባ ዋዴ ታ ዋዛናን ዳዒታ፡ ታኒ ኡባ ዋዴካ ሄሳዳ ቆፓናው ቤሴሰ፡ ሃዒ ታኒ ቃሾን ዳዒሼኔ ቃሾታናፔ ሲንሌ ዋንጌላ ናሳኒኔ ዋንጌላ ሚሳላ ኤሶን ያሳይ ታው ቃዲዳ ቃዳ ሂንቲካ ታራ ሻኬቲዳታ፡፡

8 ታኒ ሂንቲና ኡባ ኪሪስቶስ ዩሱሳ ሲቁዋን አይ ሚላ ላሞቲያኮ ያሳይ ታው ማርካ፡፡

9 ሂንቲ ሲቆይ ቱማ ኤራቲላራኔ አኬካራ ኢሲፊ ጉጂ ጉጂ ዲጫና ሚላ ያሳ ዋሳይሰ፡፡

10 ሄሳን ሂንቲ ሎጾባ ሻኪዲ፡ ደሬይሳታ፡ ኪሪስቶስ ሲሚያ ጋላሳን ጌሻታኔ ቦሬቶናይሳታ ጊዳና፡፡

11 ሂንቲ ዳይይ ያሳ ቦንቹዋሲኔ ጋላታሰ ዩሱስ ኪሪስቶሳ ባጋራ ቤንቲያ ዲሎቲላ አይፊያን ኩሚዲ አይፋና፡፡

ጳውሎሳ ቃሹቲላይ ዋንጌላይ ዳልጋና ሚላ ማዲሰ

12 ታ ኢሻቶ፡ ታና ጋኪዳ ኡባይ ዋንጌላይ ዳልጋና ሚላ ቱማ ማዲዳይሳ ሂንቲ ኤራና ሚላ ኮያይሰ፡፡

13 ታኒ ኪሪስቶሳ ጊሾ ቃሹቲዳይሳ፡ ካዋ ኬላ ናጌይሳቲኔ ሃይሳን ዳዒያ ሃራቲ ኡባይ ኤርሶና፡፡

14 ታ ቃሹዋ ጋሶን ኑ አሻታፔ ዳርቲ ጎዳን ኬሂ አማኔቲዶሶና፡ ሄሳ ጊሾ፡ ያሳ ቃላ ያሽ ባይና ካሴይሳፊ አጼ ሚኒዲ ኦዳና ሚላ ሚኖቲላ ዳሚዶሶና፡፡

15 ጊደሽን፡ ኢሶቲ ኢሶቲ ቃናቲኒኔ ፓላማን ኪሪስቶሳባ ኦዶሶና፡ ሽን ሃራቲ ሱሬ ዋዛናፔ ኦዶሶና፡፡

16 ሱሬ ዋዛናፔ ኦዶይሳቲ፡ ያሳይ ታው ዋንጌላ ናሳ ኦሶ አሚዳይሳ ኤሪያ ጊሾ ሲቆን ኦዶሶና፡፡

17 ሽን ታና ቃናቲይሳቲ ታ ቃሹዋ ቦላ ሃራ ሜቶ ኤሃናባ ኤንታው ዳኒን ባንታና ዶሲዲ ኪሪስቶሳባ ኦዶሶናፔ አቲን ቱማ ዋዛናፔ ኦዶሶና፡፡

18 ሄሲ አይኮካ ሜቲና፡ ቱማ ኦጌን ጊዲን ዋይኮ ዋርዶ ኦጌን ጊዲን ሄ ኡባን ኪሪስቶሲ ሳባኬቲሰ፡ ታና ሄሲ ኡፋይሴሰ፡ ቃሲ ሃራባይ ታና ኡፋይሴሰባይ፡፡

19 ታኒ ሂንቲ ዋሳኒኔ ዩሱስ ኪሪስቶሳ አያና ማዲዋን አታናይሳ ኤሪያ ጊሾ ታና ኡፋይሴሰ፡፡

20 ታ ጊታ አሞይኔ ኡፋይሳን ናጌያ ናሳይ ታ ዩላቶና አታናይሳ፡ ሽን ኡባ ዋዴ ኦፊይሳዳ፡፡

ሃዲካ ታኒ ፓፃ ዳዲን ወይኮ ሃይቁን ያዮና ታ ኩሚላ ኣሳቲላን ኪሪሰቶሲ ቦንቼታና ጋዳ ሚናቲላን ኦዳይሰ።

21 ታ ዳዲኮካ ኪሪሰቶሳ ፃላላሰ ዳዲይሰ፤ ቃሲ ታ ሃይቁኮካ ታው ኣጲዳ ወዲ።

22 ሺን ታ ፓፃ ዳዲኮ ኣይፊይ ዳዲያ ኦሶ ኦላና። ሺን ፓፃ ዳዲይሳፊኔ ሃይቆፔ ኣዉሳ ዶራኔኮ ታው ኤሬቴና።

23 ታኒ ሃ ናምባታፔ ኣዉሳ ዶራኔኮ ኡንዔታሰ። ሃ ዳዑወፔ ሻኬታዳ ኪሪሰቶሳራ ኢሲፊ ዳናው ኣምታይሰ፤ ኪሪሰቶሳራ ኢሲፊ ዳዲይሲ ኡባፊ ኣጲዳ ሎዶ።

24 ሺን ታኒ ሂንቴ ጊሾ ፓፃ ዳዲይሲ ሂንቴው ዳር ኮሺያባ።

25 ሄሳ ታኒ ጌሻዳ ኤራይሰ፤ ታኒ፣ ሂንቴ ኣማኖን ዲጫናዳኔ ኡፋይታናዳ ሂንቴራ ፓፃ ዳና።

26 ሄሳ ጊሾ፣ ታኒ ሂንቴኮ ሲማዳ ያ ወዳ ኪሪሰቶሰ ዩሱሳራ ሂንቴ ዳዲያ ዳዑወን ታናን ዳዲያ ጨቁቲላይ ሂንቴው ዳራና።

27 ኡባፊ ኣሊዳ፣ ሂንቴ ኪሪሰቶሳ ዋንጌላሰ ቦንቸ ኤሂያ ዳዶ ዳዲቴ። ታ ሂንቴና ቤዲን ወይኮ ቤዶና ኢጂን ሂንቴ ኢሲ ቆፋን ሚኒዲ ኤቁዲ፣ ሃራቲ ዋንጌላን ኣማናና ሚላ ኢሲ ዋዛናን ጊዲዲ ኢሲፊ ባጭይሳ ታ ሲዳና።

28 ሂንቴ ዋርኬታሰ ያዮፊቴ። ኤንቲ ሂንቴራ ኤቁቲያባ ጊዲኮ ሄሲ ሂንቴው ኣቶቲላሰ፣ ኤንታው ጳዮሰ ያሳፊ ጊዲዳ ማላ።

29 ኪሪሰቶሳሰ ኦሊያ ቃዳይ ሂንቴው ኢሚቲዳይ፣ ሂንቴ ኢያ ኣማናና ሚላ ፃላላ ጊዳናሺን ሂንቴ ኢያ ጊሾ ሚቶ ኤካና ሚላሳ።

30 ሄሳ ጊሾ፣ ሂንቴ ታ ዋያ ካሴ ቤዲዳታ፤ ሃዲካ ታ ዋይቲይሳ ሲዔታ። ሂንቴካ ታ ዋያ ሚላ ዋይቲታ።

2

ቲማ ኣሽኬቲላ

1 ኪሪሰቶሳን ሂንቴ ዳዲያ ዳዶይ ሂንቴና ሚንሌሰ፤ ቃሲ ኢያ ሲቆይካ ሂንቴና ሚንሌሰ። ጌሻ ኣያናራ ሂንቴው ኢሲፊቴላ ዳዲይሰ፤ ሂንቴ ሃራታሰ ከሄታኔ ቃጴቲታ።

2 ሂዛ፣ ሂንቴ ኢሲ ቆፋን፣ ሲቆን፣ ኢሲ ዋዛናኒኔ ኣያናን ኢሲኖ ጊዲዲ ታና ፖሎ ኡፋይሲቴ።

3 ሂንቴና ደሶን ወይኮ ጨቁቲያ ሃዳ ኣምን ኢሲባካ ኦሎፊቴ። ሺን ሂንቴ ኢሶይ ኢሱዋፊ ጊታታይሰ ያጊዲ ቆፖና ሂንቴና ካዉሺቴ።

4 ሂንቴ ኢሶይ ኢሶይ፣ ሃራ ኣሲ ማዲያባ ኮጭፔ ኣቲን ሂንቴና ማዲያባ ፃላላ ኮዮፒቴ።

5 ኪሪሰቶሰ ዩሱሳን ዳዲያ ቆፋይ ሂንቴናን ዳናው ቤሴሰ።

6 ኢያው ኡባ ወዳ ያሳ ሃኖቴላ ዳዲይሰ። ያኒያ ጊሾ፣ ኢያ ያሳራ ኢሲኖ ኦሊያ ሃኖታ፣ ዋልቃን ኤካናው ኮጭቤና።

7 ጊዳሺን፣ ኢ ባው ዳዲያ ቦንቸዋ ኡባ ኣጊዲ፣ ኣይሌ ሚጴታ ኤኪሰ፤ ኣሴ ዳኒዲ ቆንጨሰ።

8 ኢ ባና ካዉሺሰ፤

ሃይቃና ጋካናው፣ ሃሪ ኣቶሺን ማሰቃሊያ ቦላ ሃይቃናው ኪቲቲሰ።

9 ሄሳ ጊሾ፣ ያሳይ ኢያ ዳር ቶቁ ቶቁ ኦሊሰ፤ ቃሲ ሱንሳ ኡባፊካ ኣጲያ ቶቃ ሱንሳ ኢሚሰ።

10 ሳሎኒኔ ሳዓን፣ ሳዓፔ ጋርሳን ዳዲያ ኡባይ፣ ዩሱሳ ሱንሳ ቦንቸዋሰ ፕልባታና።

11 ኣሳ ኡባይ ባንታ ኢንፃርሳን፣ ዩሱሰ ኪሪሰቶሳ ጎዳ ያጊዲ፣ ያሳ ኣዋ ቦንቸዋሰ ማርካታና።

ሃ ኣላሚያሰ ፖፃ ጊዶ

12 ታ ኢሻቶ፣ ታኒ ሂንቴራ ዳዲያ ወዳ ኡባን ሂንቴ ኪቲቲዳይሳዳ፣ ሃዲ ታኒ ሂንቴ ማታፔ ሃኪንካ፣ ካሴይሳፊ ኣሊዳ፣ ኪቲታናው ቤሴሰ። ያሳሰ ያሻኒኔ ኮኮርሳን ሂንቴ ኣቶቲላ ፖላናው ኦሊቴ።

13 ያሳይ፣ ሂንቴ ኢያው ኤር ጊዲ ኪቲታና ሚላ ኡባ ወዳ ሂንቴ ጊዶን ኦሊሰ።

14 ኣይ ኦሶ ኦሊሾካ ዙዙዋና ወይኮ ፓላዋና ኦሊቴ።

15 ጌላኔ ናጋራንቸ ኣሳ ጊዶን ቦሬቶናይሳታ፣ ጌሻታኔ ፖኮይ ባይና ያሳ ናይታ ጊዲቴ። ሂንቴ ኤንታ ጊዶን ሳሎ ያለንቶዳ ፖሊሾ።

16 ዳዶ ኢሚያ ኪታ ኤንታው ኦዳቴ። ሄ ወዳ ታ ዳቡሪሳይኔ ታ ኦሶይ ሚላ ኣቲቦና ጊሾ ኪሪሰቶሲ ያ ጋላሰ ታ ሂንቴናን ጨቁታና።

17 ሂንቴ ያሳሰ ኢሚያ ኣማኖ ኣምታ ቦላ ታ ሱላይ ኡሻ ያርሾዳ * ፕኪኮካ ታና ኡፋይሴሰ። ሂንቴካ ታራ ኡፋይታና።

18 ሄሳዳ ሂንቴካ ኡፋይቲዲ ታናካ ኡፋይሳናው ቤሴሰ።

ፃምቲዮሳኔ ኤጳፊራዲቲሳ

19 ታኒ ሂንቴ ዳዑወባ ሲዓዳ ኡፋይታናው ፃምቲዮሳ ሂንቴኮ ኤሌሳዳ ዩዳና ሚላ ጎዳ ዩሱሲ ታና ማዳናይሳ ኣማኔታይሰ።

20 ሂንቴ ዳዑወሰ ዋዛናፔ ቆፒያ ኢያ ሚላ ኣሲ ሃሪ ኦኒካ ባዋ።

21 ሃራቲ ባንታና ሳዲያባ ኮዮሶናፔ ኣቲን ዩሱሰ ኪሪሰቶሲ ኮያባ ኦሎኮና።

22 ኢ ታራ ኢሲፊ ጊዲዲ ናዲ ባ ኣዋሰ ኦሊይሳዳ ዋንጌላ ኦሶ ኦሊዳይሳኔ ኣማኔቲያ ኣሲ ጊዳይሳ ሂንቴ ኤሬታ።

23 ሄሳ ጊሾ፣ ታባይ ሃኒያባ ቤዓዳ ኤሌሳዳ ኢያ ሂንቴኮ ዩዳና ጋዳ ቆፓይሰ።

24 ታኒ፣ ታ ሁዔን ማታ ወዳን ሂንቴኮ ባናይሳ ጎዳን ኣማኔታይሰ።

25 ሃሳዳካ፣ ታኒ፣ ታ ኢሻ ኤጳፊራዲቲሳ፣ ታራ ኢሲፊ ታ ባጋ ጊዲዲ ኦሊዳይሳ፣ ኦሊቲዳይሳኔ፣ ታና ማዳናው ሂንቴው ኪቲቲዳይሳ፣ ሂንቴኮ ኪታናው ቆፓሰ።

26 ኢ ሂንቴና ኡባ ቤዓናው ዳር ላዋቲሰ። ቃሲ ኢ ሃርጌቲዳይሳ ሂንቴ ሲዒዳ ጊሾ ባ ዋዛናን ዳር ኡንዔቲሰ።

1:30 ሃ.ኦ 16:19-40 2:10 ኣሳ 45:23 2:15 ዛሬ 32:5 * 2:17 ታ ሱላይ ኡሻ ያርሾዳ፣ ኢሲ ኢሲ ወዳ ያርሾ ቤሳን ያርሾቲያ ሜሄ ያርሾቱዋ ቦላ ሃሌ ወይኮ ወይኔ ኡሻይ ፕኪሰ።

27 ኢ ቱማ ሃርጌቲዲ ሃይቂ ኪቺዲ አቲሰ። ሺን ያሳይ ኢያው ቃጮቲሰ። ኢያ ፃላላስ ገደናሺን አዛኖይ አዛኖ ቦላ ገብቶናዳ። ታውካ ቃጮቲሰ።

28 ሂዛ፣ ሂንቲ ኢያ ዛሪ ቤዒዲ ኡፋይታናዳ ታውካ ታ ዋዛና ሴላይ ኢርፃናዳ ታኒ ኢያ ኤሌሳዳ ሂንቲኮ ዬዳናው አሞታይሰ።

29 ጎዳሰ ሃጋዚያ አሳዳ ኢያ ኩሜላ ኡፋይሳን ሞኪቲ። ቃሲ ኢያ ሜላ አሳ ኡባካ ቦንቺቲ።

30 ሂንቲ ታ ማታን ገዲዲ አላናው ዳንዳየና ማዲያ ማዲዲ ኪሪሰቶሳ አሱዋ ገሾ ባ ሸምቸዋሰ ሚሼቶና ኢጂዲ ሃይቂ ኪቺዲ አቲሰ።

3

ቱማ ጂሎቴላ

1 ወርሴላን፣ ታ አሻቶ፣ ሂንቲ ጎዳባ ገዲያ ገሾ ኡፋይቲቲ። ታኒ ካሴ ፃፊዳይሳ ዛራዳ ፃፋናይሲ ታና ዋይሴና፣ ሺን ሂንቲና ባላፔ ናጋና።

2 ኢታባ አሊያ ካናታፔ፣ ቃሲ ቃፃሬታናው ኮሼሰ ገያ ኢታ አሳታፔ ናጌቲቲ።

3 ኑኒ ያሳ ገሻ አያናን ጎይኒያ ገሾኔ ኑ ዳዑዋን ኪሪሰቶሰ ዬሱሳን ጨቁቲያ ገሾ ቱማ ቃፃሬ ቃፃሬቲዳይሳታ። ኑኒ ካሬ አሳቴላ ቦላ ኦሴቲያባን ጨቁቶኮ።

4 ታ ካሬ አሳቴላን ጨቁታናው ኮሻኮ ታ ዳርባን ጨቁታናው ዳንዳዓይሰ። አይ አሲካ ባ ካሬ አሳቴላን ጨቁቲያባይ ባው ዳዔሰ ገዲ ቆፒኮ፣ ታኒ ኢያፔ ዳር አጳዳ ጨቁቲያባይ ዳዔሰ።

5 ታኒ ዬሌቲዳ ሳሚንታራ ቃፃሬታሰ። ታኒ ዬሌታን ኢሰራዔሌ፤ ታኒ ቢኒያሜ ዛሬ፤ ታኒ ዋላኪ ባይና አይሁዳ አሴ። አይሁዳ ሂን ናንን ገዲኮ ታኒ ፋሪሳዊ።

6 አይሁዳ አማኑዋሰ ሚሼቲላን ገዲኮ ታኒ ዋሳ ኬላ ዬዳላሰ። ኢሲ አሲ ሂን ናጌዲ ጂሊያባ ገዲኮ፣ ታናን ቦሬይ ቤንቲቤና።

7 ሺን ካሴ ታና ማዴሰ ጋዳ ቆፒዳባ ኡባ፣ ኪሪሰቶሳ ገሾ ጋዳ ማዴናባ አላዳ ታይባሰ።

8 ሄሳ ፃላላ ገደናሺን ታኒ ታ ጎዳ ኪሪሰቶሰ ዬሱሳ ኤሬይሲ ሃራባ ኡባሬ ዳር አጳያ ገሾ ሂ ኡባ ዋጼይ ባይናባዳ ታይባሰ። ታኒ ኢያ ገሾ ኡባባ ጳያሰ። ኪሪሰቶሳ ዳማናው ኡባባ ዋራ ሆሌቲዳ ቡሬዳ ታይባይሰ። ታኒ ዬሱሳራ ኢሲኖ ገዲሰ።

9 ታኒ ሂንቲ ኪቲታዳ ዳሚያ ታ ሁዔ ጂሎቴላ ታው ባዋ። ኪሪሰቶሳ አማኒን ቤንቲያ ጂሎቴላይ፣ ያሳ ማታፔ ያ ጂሎቴላይ ሃዒ ታው ዳዔሰ።

10 ታኒ ኪሪሰቶሳኔ ኢያ ዳንዳ ዋልቃ ኤራናው ኮያይሰ። ታኒ ኢያ ሜቱዋ ኢያራ ሻኬታናውኔ ኢያ ሃይቁዋን ኢያ ዳናናው አሞታይሰ።

11 ሄሳዳካ፣ ሃይቆፔ ዳንዳዳ ሜሪናው ዳዎን ዳናይሳ ኡፋይሲ አላይሰ።

ጋፃ ጋካናው ዋፃቲ

12 ታኒ ሃዒ ጋፃ ጋካሰ ዋይኮ ታናን ባሊ ባዋ ገኬ። ሺን ኪሪሰቶሰ ዬሱሲ ታና ኦይኪዳ ገሾ ታኒ ታ ሲንላን ዳዒያ ዋይቱዋ ኦይካናው ዋፃይሲኔ ቡቲታይሰ።

13 ታ አሻቶ፣ ታኒ ሄሳ ዳማሰ ጋዳ ቆፒኬ፣ ሺን ታኒ ኢሲባ ኦላይሰ። ታፔ ጉዬራ ዳዔይሳ ደጋዳ ሲንላን ዳዔይሳ ኦይካናው ዛቲራይሰ።

14 ሄሳ ገሾ፣ ታኒ ጋፃ ጋካናው ዋፃይሰ። ያሳይ ኪሪሰቶሰ ዬሱሳ ባጋራ ሳሎ ዳዑዋሰ ጃጊዳ ዋይቱዋ ኦይካናው ዳቡራይሰ።

15 ሂዛ፣ ኑኒ አያናን ጋሽቲዳ ኡባይ ሄሳ ቆፓናው ቤሴሰ። ሂንቲሬ ባጋታሰ ዳማቲያ ቆፊ ዳዒኮ፣ ሄሳካ ያሳይ ሂንቲው ቆንጨሳና።

16 ገዲኮካ፣ ኑኒ ሃኖ ጋካናው ዳዒዳ ዳዑዋን፣ አኔ ሲንሴ ቦሰ።

17 ታ አሻቶ፣ ታና ዳኒቲ፤ ሄሳዳካ፣ ኑ ለሚሱዋ ካሊያ አሳታ አኬኪዲ ቤዒቲ።

18 ታኒ ሄሳ ሂንቲው ካሴ ዳር ቶሆ ኦዳሰ፣ ሺን ሃዒካ ዛራዳ አፋላን ኦዳይሰ። ኪሪሰቶሲ ማሰቃሊያ ቦላ ሃይቁዳይሳሰ ባንታና ሞርኬ አሊዳ ዳር አሳቲ ዳዎሶና።

19 ኤንታ ወርሴላይ ጳዮ፤ ኤንታ ኡሎይ ኤንታው ያሴ። ዬላታናው ቤሲያባን ኤንቲ ጨቁቶሶና፤ ቃሲ ሃ ሳዓባ ፃላላ ቆፖሶና።

20 ኑ ቢታይ ሳሎዋና። ሳሎፔ ዬዲ ኦና አሻናው ዳዒያ ጎዳ ዬሱሰ ኪሪሰቶሳ ናጎሰ።

21 ኪሪሰቶሲ ኡባባ ባ ማታፔ ጋርሳን አላናው ዳንዳዒያ ባ ዋልቃን ኑ ዳቡራንቾ አሳቴላ ላሚዲ ባ ቦንቾ አሳቴላ ዳኒሳና።

4

ወርሴላ ዘሬ

1 ታ አሻቶ፣ ታ ደሴይሳቶ፣ ታ ላሞቲይሳቶ፣ ታና ኡፋይሴይሳቶ፣ ታና ገታዬይሳቶ ሂዛ ጎዳን ሚኒዲ ኤቂቲ።

2 ኤዋዲኔ ሲንጃካ፣ ሂንቲ ናምዓይ፣ ኢሲ ቆፋን ሚቺዳ ጎዳን ዳናዳ ታኒ ሂንቲና ዘራይሰ።

3 ታራ አሊያ አማኒሴይሰ፣ ኑኒ ሃ ማጫሳታ ማዳና ሜላ ታ ኑና ዋሳይሰ። ሃ ማጫሳቲ ታራ፣ ቁሌሚንፃሳራኔ ኤንታ ሱንላይ ያሳ ዳዎ ማፃፋን ፃፊቲዳ ሃራታራ ኢሲሬ ዋንጌላ ኡባ ቤሳ ጋላናው ዳቡሪዶሶና።

4 ጎዳራ ሂንቲ ዳዒያ ዳዑዋን ኡባ ዋዳ ኡፋይቲቲ። ታኒ ሄሳ ጉጃዳካ ኦዳይሰ፤ ኡፋይቲቲ።

5 አሳ ኡባይ ሂንቲ አሽኬቴላ ኤር፤ ጎዳይ ማታን ያና።

6 ያሳ ሂንቲ ዋሲያ ዋዳ ኡባን ኢያ ጋላቲሼ፣ ሂንቲና ኮሺያባ ኡባሰ ዋሲቲፔ አቲን አይቢባሰካ ሂርጎፊቲ።

7 አሳ ኤራቴላ ኡባሬ አጳያ ያሳ ሳርቲላይ፣ ሂንቲ ዋዛናኔ ሂንቲ ቆፋ ጎዳ ዬሱሰ ኪሪሰቶሳ ባጋራ ናጋና።

8 ወርሴላን፣ ታ አሻቶ፣ ሂንቲ ዋዛናን ሎዎባኔ ጋላቲሲያባ ቆፒቲ። ቱማ ገዲያባ ኡባ፣ ቦንቾባ ኡባ፣ ቆሆ ገደናባ ኡባ፣ ገሻባ ኡባ፣ ሲቆባ ኡባኔ ኡፋይሲያባ ኡባ ቆፒቲ።

9 ሂንቲ ታፔ ታማሪዳባ፣ ኤኪዳባ፣ ሰዒዳባኔ ቤዒዳባ ኡባ ኦሊቲ። ሳርቲላ አሚያ ያሳይ ሂንቲራ ኢሲሬ ገደና።

ጳውሎሲ አሚቲዳ አሞታሰ ጋላቲሰ

10 ዳር ዋዴፕ ጉዬ፥ ሂንቴ ታባ ዛሪዲ ቆፓናው ደሚዳ ጊሾ ታኒ ጎዳን ዳር ኡፋይታይስ። ሂሳ ጉሳይ፥ ታው ቆፓናው ሂንቴው ኢንጃቶና ኢዲዳይሳፊ ኣቲን ታው ቆፋ ኣጊቤኬታ።

11 ታኒ ሂሳ ታና ሜቲዳ ጊሾ ጊኬ፤ ታው ዴዲያባይ ጊዳና ጉሱ ታማራስ።

12 ታኒ ሜቶቲቲዲ ዴዲያ ዲሲ ኤራይስ፤ ቃሲ ዲሬቲዲ ዴዲያ ዲሲካ ኤራይስ። ኣዉን ጊዲን ቃሲ ኣይ ዋዴካ ታኒ ካሎኔ ኮሻ፥ ፓጩኔ ፓላሃ ታማራስ።

13 ኪሪሰቶሲ ታው ኢሚያ ዋልቃን ኡባባ ኣላናው ዳንዳዳይስ።

14 ጊዲኮካ፥ ሂንቴ ታ ሜቲዋ ታራ ኤኪዳይሳን ሎዖ ኦሊዴታ።

15 ፊልጲሲዩሳ ኣሳው፥ ዋንጌላ ኮይሮ ኦዳናው ታኒ ማቄደኒያፕ ኬያ ዋዴ ኢሚያባንካ ኤኪያባንካ ሂንቴ ዋሳ ኬላፊ ኣቲን ሃሪ ታና ማዲቦናይሳ ሂንቴ ኤሬታ።

16 ቲሴሎንቄን ሜቶይ ጋኪዳ ዋዴካ ታና ዛሪ ዛሪዲ ማዲዴታ።

17 ታኒ፥ ሂንቴፊ ኢሞታ ኤካናው ኮያዳ ጊዳናሽን ኢሞፕ ያ ኣንጂዋ ሂንቴ ኤካና ማላሳ።

18 ታኒ፥ ሂንቴ ኢሚዳ ኡባኔ ጊዲዲ ፓላሃይሳ ኤካስ። ሂንቴ ዬዲዳ ኡባ ኤጳፊራዲቲሳፕ ኤካስ፤ ኮሺያባ ኡባይ ታው ዴዴስ። ሂንቴ ታው ዬዲዳ ኢሞይ ያሳስ ሳዋ ቶንጉ ጊያ፥ ኢ ደሲያ፥ ኢ ኡፋይቲያ ያርሾ ማላ።

19 ታ ያሳይ ባ ቦንቾ ዲሬቴላፊ፥ ኪሪሰቶስ ዬሱሳ ባጋራ ሂንቴው ኮሺያባ ኡባ ኢሚያ።

20 ኑ ኣዋ ያሳስ ሜሪናፕ ሜሪና ጋካናው ቦንቾይ ጊዳ። ኣሚንዲ።

ዉርሴላ ሳርታ

21 ኪሪሰቶስ ዬሱሳ ባጋራ ያሳባ ጊዲዳ ኡባ ሳር ጊቴ። ታራ ዴዲያ ኢሻቲ ሂንቴና ሳር ጎሶና።

22 ያሳባ ጊዲዳ ኣሳ ኡባይ፥ ኡባፊ ኣሊዲ ካዉዋ ቄሳሬ ኬላን ዴዴይሳቲ ሂንቴና ሳር ጎሶና።

23 ጎዳ ዬሱስ ኪሪሰቶሳ ኣጼ ኬሃቴላይ ሂንቴራ ጊዳ።

ጳውሎስ ቆላሲያ ላሳሰ ጻፊ ኪታ ጋላ ቆፋ

ጳውሎስ ቆላሲያ ላሳሰ ጻፊ ኪታይ ጻፈተዳይ፡ ጉላ ኢሲያን፡ ኤፌሶና፡ ደሎሃ ባጋራ ዳዊያ ቆላሲያ ላሳሰን ዳዊያ ዋሳ ኬላሳ። ሄ ዋሳ ኬላ ኤሲያይ ጳውሎስ ገደና ኢዲካ፡ ርሜ ቢታን ኢሲያ ዋና ካታማ ገዲዳ ኤፌሶና፡ ዋንጌላ ኦሳንቸታ ኪታይ ኢያ ገዲያ ገሾ ቆላሲያ ላሳሰካ አዋቲላ ኢያው ዳዊስ። ቆላሲያ ላሳሰ ኬላን፡ «የሳ ኤራናውኔ ኩሜላ አቶቲላ ዳማናው አሲ ኡባይ አያና ዋልቃታሲኔ ማታታሰ ጎይናናው ኮሼስ» ያገሰ ዋርዶ አስታማሬቲ ዳዊይሳ ጳውሎስ ሲሲስ። ሄ አስታማሬቲ ታማርሲያ ሃራባይ፡ ቃሲ፡ «አሲ ኡባይ ቃዖር ዳጊያ ዋጋታሰ ሃሬታናውኔ ካላ ዋጋ ኡባ ናጋናው ኮሼስ» ያገሰና።

ጳውሎስ ሃ ኪታ ጻፊዳይ፡ ቱማ አማኖ ቲሚርቲያ ታማርሲዳ፡ ኤንታ ዋርዶ ቲሚርቲያ ላላናሳ። ኢ ዛሪዳ ዛርታፔ ዋናቲይ፡ «ዩሱስ ኪሪስቶሲ ኩሜላ አቶቲላ ኢሜስ፤ ሃራ ሃይማኖቲቲኔ ኦሶቲ ኢያፔ ሃሶሶና» ያገይሳ። ያሳይ ኪሪስቶሳ ባጋራ አላሚያ ሜዲስ። ቃሲ ኢያ ባጋራ ዛሪዳ ባኮ ኤሃና። ሃ አላሚያሰ አቶቲላ ኡፋይሳይ ዳዊይ ኪሪስቶሳ አማኖና። ሄሳ ገሾ፡ ጳውሎስ ሃ ገታ ቲሚርቲይ አማኒያ አሳ ዳዖን ዋጊዳ ኦሶን ፔሳናው ቤሲያኮ ኦዳስ። ሃ ኪታይኔ ኤፌሶና ላሳሰ ጻፊ ኪታይ፡ ባ ኦይኪዳ ቆፋኒኔ ኪታን ዋሊ ዳናሶና። ሃ ናምቡ ማፃፋታ ገደን ዳዊያ ዳማቲላይ፡ ኤፌሶናን ኪሪስቶሲ ዋሳ ኬላሰ ሁዔ፡ ቆላሲያ ላሳሰ ኪሪስቶሲ ሜዲቲላሰ ሁዔ።

ሃ ኪታ ጳውሎሳፔ ኤኪዳ ቆላሲያ ጋላናው ቢዳ ቲኪቆሳራ ኢሲፌ ዳዊይ አናሰዋሳ ገዳይሳ ቤሶይ ማዲያባ። ዋጊዳ ገኮ፡ ጳውሎስ አናሰዋሳ ገቲቲያ ባ ኦሳንቸዋባ ፊልዋናሰ ሃራ ኪታ ጻፊስ።

ቆላሲያ ኪታ ኦይፌ ቆፋታ
ጌሎ ቆፋ 1:1-8
ኪሪስቶሳ ካንዲዋኔ ኦሶዋ 1:9-2:19
ኪሪስቶሳን ዳዊያ ኦራላ ዳዖ 2:20-4:6
ዉርሴላ ሳርላኔ ኩሻ ቆፋ 4:7-18

1 ያሳ ሼኔን ኪሪስቶሲ ዩሱሳ ሃዋሬ ገዲዳ ጳውሎስኔ ኦ ኢሻ ዲሞቲዮሲ፡

2 ቆላሲያ ላሳሰን ዳዊያ ኪሪስቶሳን ጌሻታሲኔ አማኔቲዳ አሳሰ ጻፊ ኪታ።

ያሳ ኦ አዋፔ አጼ ኬሃቲላይኔ ሳርቲላይ ሃንቲው ገደ።

ጋላታ ዋሳ
3 ኦኒ ሃንቲው ዋሲያ ዋዳ ያሳ ኦ ጎዳ፡ ዩሱስ ኪሪስቶሳ አዋ ኡባ ዋዳ ጋላቶስ።

4 ኦኒ ኪሪስቶሳ ዩሱሳን ዳዊያ ሃንቲ አማኔዋኔ ጌሻታ ኡባሰ ዳዊያ ሃንቲ ሲቁዋ ሲሲዳ።

5 ሃሳ ሃንቲ ኦሊዳይ ሃንቲ ኡፋይሳይ ሳሎን ሃንቲው ናጌቲዳ ገሾሳ። ሃንቲ ቱማ ኪታ ገዲዳ ዋንጌላ ኮይር አማኒዳ ዋዳ ሄ ኡፋይሳ ሲሲዳ።

6 ሃንቲ ሄ ዋንጌላ ሲሲዳ ዋዳይ ያሳ አጼ ኬሃቲላ ቱማ ሻኪ ኤሪዳ ዋዳፔ ደሚዳ ሃንቲ ገደን ሃኒዳይሳዳ ቢታ ኡባን ዲጨሼኔ ኦይፊሼ ዳዊስ።

7 ሃንቲ ሃሳ ኦራ ኢሲፌ ኪሪስቶሳሰ ኦሊያ አማኔቲዳ፡ ደሴቲዳ ኤጳፊራፔ ታማሪዳ።

8 ኢ ሃሳ ቦላ ጉጂዳ አያናይ ሃንቲው አሚዳ ሲቁዋባ ኦሰ ኦዲስ።

9 ሃሳ ገሾ፡ ኦኒ ሃንቲባ ሲሲዳ ጋላሳፔ ደሚዳ፡ ያሳይ ባ ሼኒያ ሃንቲና ቤሳና ሜላኔ፡ ጌሻ አያናይ አሚያ ኤራቲላኒኔ ጨንጨቲላ ኡባን ሃንቲና ኩንላና ሜላ ኡባ ዋዳ ሃንቲው ያሳ ዋሶስ።

10 ሃሳዳካ፡ ጎዳይ ኮይይሳዳ ሃንቲ ዳና ሜላ፡ ኡባ ዋዳ ኢያ ኡፋይሳና ሜላ፡ ሎዖ ኦሶ ኡባን ሃንቲ ኦይፌ ኦይፋና ሜላኔ ያሳ አላ ኤሪሼ ዲጨና ሜላ ያሳ ዋሶስ።

11 ያሳ ቦንቸ ዋልቃይ ሃንቲ ኡባባ ጌንጨናዳኔ ዳንዳናዳ ባ ሚኖቲላ አሚዳ ሃንቲና ኡፋይሶ።

12 ቃሲ ጌሻታ ፖዖ ካዋቲላ ላታና ሜላ ሃንቲና ኦሊዳ አዋ ጋላቲቲ።

13 ኢ ኦና ጳማ ዋልቃሬ ኦሺዳ ባ ደሲያ ናባ ካዋቲላኮ ኤሃሰ።

14 ኢያን ዋዜቲዳ ኢያ ሱላን ናጋራ አቶቲላ ዳሚዳ።

ኪሪስቶሳ ጾቃቲላ
15 ኪሪስቶሲ ቤንቶና ያሳሰ ቱማ ለሚሶ። ኢ ሜዲቲላ ኡባፌ ባይራ።

16 ኡባባይ ኢያ ባጋራ ሜዲቲስ። ቤንቲያባቲኔ ቤንቶናባቲ፡ ዋልቃቲኔ ጎዳቲ፡ ሃሬይሳቲኔ ማታ አዋቲ፡ ሳሎኒኔ ሳባን ዳዊያ ኡባይ ኢያውኔ ኢያ ባጋራ ሜዲቲስ።

17 ኢ ኡባባፔ ካሴ ዳዊስ። ኡባባይ ኢያን ባ ቤሳን ቤሳን ኦይኬቲዳ ዳዊስ።

18 ኢ ባ አሳቲላ ገዲዳ ዋሳ ኬላሰ ሁዔ። ኢ ኡባፌ ቦላ ገደናው ሃይቆፔ ዳንደን ሲንሌኔ ባይራ።

19 ያሳይ ባ ኩሜላ ያሳቲላራ ኢያን ዳናው ኮዩስ።

20 ቃሲ ማሰቃሊያ ቦላ ጉሲዳ ባ ናባ ሱላን ሳርቲላ ሜዲዳ ሳሎኒኔ ሳባን ዳዊያ ኡባ ኢያ ባጋራ ባራ ሲጌላስ።

21 ሃይሳፌ ካሴ ሃንቲ ቆፋ ኢታቲላይ ሃንቲና ያሳፌ ሻኪሲኔ ኢያራ ሞርኬ ኦሊስ፤ ሃንቲ ኦሶይካ ኢታ።

22 ሺን ሃሳ ኪሪስቶሲ ኦሾን ሃይቁዳ ሃይቁዋ ባጋራ ያሳይ ሃንቲና ባራ ሲጌላዳ፡ ጌሻታ፡ ቦሬይ ባይናይሳታኔ ዲሎታ ኦሊስ።

23 ሃንቲ፡ ሃንቲ አማኔዋን ቃዖና ሚኒዳኔ ያጲዳ ዳናው ቤሴስ። ሃንቲ ዋንጌላ ቃላ ሲሲዳ ዋዳ ኤኪዳ ኡፋይሳ ሚንላ ኦይኪቲ። ሄ ዋንጌላይ ሃንቲ ሲሲዳይሳኔ ቢታ ኡባን ሳባኬቲዳይሳ። ታ፡ ጳውሎስካ ሃ ዋንጌላሰ ኦሳንቸ ገደስ።

ጳውሎስ ሃዋርያት ጸሎት

24 ታሲ ሂንቲ ገሾ ሃዲ ኤኪያ ዋያን ኡፋይታይስ። ኪሪስቶስ ኢያ አሳቴሌ ገዲዳ ዋሳ ኬላስ ኤኪያ ዋያ ታሲ ታ አሹዋን ፖላይስ።

25 ያሳ ቃላ ሂንቲው ፖላይ ኦዳና ማላ ታው ኢማቲዳ ማታን ዋሳ ኬላስ አሳንቸ ገዲሳ።

26 ሃ ቃላይ ካሴ አጁዳ ዋዲያን ዩሌቴላ ኡባሬ ገማዲ ዳሲስ። ሺን ሃዲ ያሳይ ሃ ፀራ አማኒያ ኡባስ ቆንጨሲስ።

27 ያሳይ አይሁዳ ገደና አሳ ገደን ሃ ፀራ ቦንቸ ዲሬቴላ ቆንጨሲስ። አካ ቦንቸ ኡፋይሲ ገዲዳ ሂንቲ ገደን ዳሲያ ኪሪስቶሳ።

28 ሄሳ ገሾ፣ ኢሲ ኢሲ አሲ ኪሪስቶሳን ኩሜላ አሲ አሊዲ ሺሻናው ጨንጫቴላ ኡባን አሳ ታማርሲኔ ዙሬን ኪሪስቶሳሳ ሳባኩስ።

29 ያሳይ ባ ገታ ዋልቃን ታናን አሊያ ገሾ ሃዲ ጋካናው ኢያ ዋልቃን ባዳታይሲኔ ዳቡራይስ።

2

1 ታ ሂንቲውኔ ሎዶቂያ ካታማን ዳሲያ አሳስ፣ ሄሳዳካ ታና አይሬን ቤዲቦና አሳ ኡባስ አይ ማላ ባዳታይሲኔ ሂንቲ ኤራና ማላ ኮያይስ።

2 ታ ባዳታይሲኔ ጋሶይካ ኤንቲ ባንታ ዋዛናን ማኒዲ፣ ሲቆን ቃሹቴዲ፣ ፖሎ ገዲዳ ኩሜላ አኬካ ዲሬቴላ ዳሚዲ ያሳ ፀራ ኪሪስቶሳ ኤራና ማላሳ።

3 ኢያን ያሳይ ማንጂዳ ኤራይኔ ጨንጫቴላ ኡባይ ዳዴስ።

4 ታ ሄሳ ኦኒካ ሂንቲና ጨዋ ቃላን ባሌሶና ማላ ኮያይ ጋይስ።

5 ታ ሂንቲሬ ሃካዳ ዳሲኮካ አያናን ሂንቲራ ዳሳይስ። ሂንቲ ዳሳ ማራኔ ኪሪስቶሳ ሂንቲ ማኒዲ አማኔይሳ ቤዳዳ ኡፋይታይስ።

ኪሪስቶሳን ዳሲያ ኩሜላ ዳዳ

6 ሂንቲ ጎዳ ኪሪስቶስ ዩሱሳ ኤኪዳይሳዳ ኢያን ዳዴቴ።

7 ኢያን ያጸ ዩዲቴ፤ ኢያን ኬዳቲቴ። ሂንቲ ታማሪዳይሳዳ አማኖን ማኒቴ፤ ያሳስ ኩሚዲ ፓላሂዳ ጋላታ አሚቴ።

8 ኪሪስቶሳፕ ገደናሺን አሳ ዋጋኒኔ ሃ አላሚያ ጮ ዋጋን ካቲዳ ቲሚርቲያኒኔ አሳፕ ዩዳ ኤራቴላን ኦኒካ ሂንቲና ጨሚ ባሌሊዲ ዲያና ማላ ናጌቴቴ።

9 ያሳ ያሳቴላይ ኪሪስቶሳ አሳቴላን ኩሜላ ዳዴስ።

10 ሂንቲካ ማታሲኔ ዋልቃ ኡባስ ሁዔ ገዲያ ኪሪስቶሳን ኩሚዳታ።

11 ሂንቲ ኪሪስቶሳ አማኒዲ ቃፃሬቲዳታ። ሄሲካ አሳ ኩሺን ገደናሺን ሂንቲና ኢታ ሃናቴላሬ ዲያ ኪሪስቶሳን ኦሴቴዳ ቃፃሬቴላ።

12 ሂንቲ ፃማቂቲዳ ዋዴ ኪሪስቶሳራ ኢሲሬ ሞጌቲዲ፣ ኪሪስቶሳ ሃይቆፕ ዴንሊዳ ያሳ ዋልቃ አማኒዲ፣ ኪሪስቶሳራ ኢሲሬ ዴንዲዳታ።

13 ሂንቲ፣ ሂንቲ ናጋራ ገሾኔ ሂንቲ ጩጋ አሳቴላ ቃፃሬቶና ገሾ ሃይቂዲ ዳዲሺን፣ ያሳይ

ሂንቲ ናጋራ አቶ ገሰ። ኪሪስቶሳራ ሂንቲው ዳዳ አሚስ።

14 ኢ ኮና ሞቲያኔ ኮራ ኤቄቲያ፣ ኮ ቦላ ፃሬቲዳ አጩዋ ዳኪዲ ማሰቃሊያ ቦላ ጁሺዲ ኮጌፕ ዲረስ።

15 ኪሪስቶሲ ዋልቃታኔ ማታታ ማሰቃሊያን ያኒዲ፣ ኤንታ ኦላ ዳንጩዋ ቢሊሲዲ፣ ዳዴቲዳ አሳዳ ኦሊዲ ኤንታ ቆንጩን ዩሺዲ ቤሲስ።

16 ሄሳ ገሾ፣ ሚያባን ዋይኮ ኡያባን፣ ባሌ ጋላስ ዋይኮ አጌኒ ዪሪያ ቃማ ቦንቸን ኦኒካ ሂንቲ ቦላ ፐርደሬ።

17 ሃይሳቲ ሲንላሬ ያናው ዳዲያባታስ ኤሾ፣ ሺን ቱማይ ኪሪስቶሳ።

18 ቆጴፕ ቆሞ አሽኬቴላኒኔ ኪታንቸ ጎይኖን ጩቄቲያ ኦኒካ ሂንቲና ሂንቲ ዋይቱዋፕ አሾሬ። ሄሳ ማላ አሲ ባ ቤዲዳ ቆንጩን ናሽቴሽ ባ አሾ ቆፋን ጮ ኦቶርቲስ።

19 ሄሳ ማላ አሳስ ሁዔ ገዲዳ ኪሪስቶሳራ ጋሂቴላ ባዋ። ኢ አሳቴላ ኡባ ሻያኒኔ ኬሶን ኬሶን ጋላ ኦይሊዲ ሙዚዲ ዲቼስ። ያሳይ ሄሳ ማላ ኦጌን አሳቴላ ኡባስ ዲቹ አሚስ።

ኦራሳ ዳዳ

20 ሂንቲ ኪሪስቶሳራ ሃይቂዲ ሃ አላሚያ ሃሪያ አያናታ ዋልቃሬ ላዓ ኬዩዳታ። ያቲን፣ አይስ ሻኬቶና አሳዳ ገዲዲ ሃ ዋጋታስ ሃሬቴቲ?

21 ሃ ዋጋቲ፣ «ኦይኮፋ፤ ላጮፋ፤ ቦቾፋ» ጌቴቴይሳታ።

22 ሃ ኡባይ አሳ ዋጋኔ ቲሚርቲ ገዲያ ገሾ ኦሶ ቦላ ፕዒዳፕ ጉዬ ጳያና።

23 ሃ ኪታቲ ቦንቸኔ ጨንጫቴላ ዳኒዲ ቤንታናው ዳንዳዎሶና። ሃ ዋጋቲ ያሴ ዳር ደሲሲያባ፣ አሽኬኔ ሂንቲ አሳቴላ ሃሪሲያባ ዳኖሶና፣ ሺን ኮ ኢታ አሞቴላ ቦላ ዋልቂ ኤንታው ባዋ።

3

ኦራሳ ዳዳ

1 ሂዛ፣ ሂንቲ ኪሪስቶሳራ ሃይቆፕ ዴንዲዳይሳዳ፣ ያሳሬ ኡሻቻ ባጋን ኡቲዳ ኪሪስቶሲ ዳዲያ ቤሳን፣ ሳሎን ዳዲያባታ ኮዩቴ።

2 ሳሎን ዳዴይሳታ ቦላ ሂንቲ ቆፋ ዋላቴፕ አቲን ሳዓን ዳዲያባታ ቦላ ዋልሬቴ።

3 ሂንቲ ሃይቆን ሻኬቲዳ ማላ ሃ አላሚያፕ ሻኬቲዳታ። ሂንቲ ዳዎይ ኪሪስቶሳራ ኢሲሬ ያሳን ጌሚስ።

4 ሂንቲው ዳዳ ገዲዳ ኪሪስቶሲ ቆንጨያ ዋዴ ሄ ዋዴ ሂንቲካ ኢያራ ቦንቸን ቆንጨና።

5 ሄሳ ገሾ፣ ሂንቲናን ዳዲያ አላሚ አሞታ ዋጁቴ። ሄሳቲካ ላይማቴላ፣ ቱናቴላ፣ ላይማታናው አሞቴላ፣ ኤቃ ጎይኖ ማላ ገዲዳ ኡዜቴላ።

6 ሃይሳታ ጋሶን ያሳ ሃንቆይ ኪቴቶና አሳ ቦላ ያና።

7 ሂንቲካ ካሴ ሄ ኢታ ኦጌያን ቢያ አሳ ገደን ዳዲሽ ሃይሳታ ኦሊዳታ።

2:12 ሮሜ 6:4 2:13 ኤሬ 2:1-5 2:14 ኤሬ 2:15 2:16 ሮሜ 14:1-6 2:19 ኤሬ 4:16 3:1 ማዘ 110:1 3:9 ኤሬ 4:22

8 ሃሳ ሂንቲ ሃሳታ ኦሎፊቴ። ቃሲ ሃንቆ፣ ኢያ፣ ካቸ፣ ዘገርሲኔ ቦርሶ ኦዳ ሂንቲፊ ዲጊት።

9 ጩጋ አሳቲላ ኢያ ኦሎፊ ሂንቲፊ ቃሪዳ ጊሾ ኢሶይ ኢሱዋሰ ዋርዶቶጊቴ።

10 ያሳ ሜቶ ዳኒያ፣ ኤራቴላን ላሜቲዳ ኦራላ አሳቲላ ማሲቴ።

11 ሃ ኦራላ ሜቶቴላን፣ ገሪኬ አሲ ዋይኮ አይሁዳ አሲ፣ ቃፃሪቲዳይ ዋይኮ ቃፃሪቶናይ፣ ባርባሬ አሲ * ዋይኮ ኢሰኩቴ አሲ † አይሌይ ዋይኮ ዋሚናይ ባዋ። ኪሪሰቶሲ ኡባ፤ ኢ ኡባን ዳዔሰ።

12 ሃሳ ጊሾ፣ ያሳን ዶሬቲዳ አሳዳ ጌሻታኔ ዶሴቲዳይሳታ ጊዲዲ፣ ማሮቴላ፣ ኬሃቴላ፣ አሽኬቴላኔ ዳንዳዳ ማሲቴ።

13 ኢሶይ ኢሱዋ ዳንዳዳቴ። ኦኒካ ባ ላጊያን ቆሃቲዳባይ ዳዒኮ ኢያው አቶ ጎ። ጎዳይ ሂንቲው አቶ ጊዳይሳዳ ሂንቲካ ዋሊሰ አቶ ጊቴ።

14 ሃ ኡባ ቦላ ኡባባ ኢሲፊ ሺሺዲ ቃቸያ ሲቆ ማሲቴ።

15 ያሳይ ሂንቲና ኢሲ አሲ ኦላዲ ያጊዳይ፣ ሳርቴላሰ ጊዲያ ጊሾ ኪሪሰቶሳ ሳርቴላይ ሂንቲ ዋዛና ሃር።

16 ኪሪሰቶሳ ቃላይ ሂንቲ ዋዛናን ኩሚዲ ዳዎ። ጩንጫቴላ ኡባን ኢሶይ ኢሱዋ ታማርሲቴኔ ዘሪቴ። ማዝሙራን፣ ሳባኒኔ አያና ዬላን ያሳ ዋዛና፤ ጋላቲሽ ዬፃቴ።

17 ያሳ አዋ ዬሱሳ ባጋራ ጋላቲሽ ሂንቲ ኦዴታያባ ዋይኮ ኦላያባ ኡባ ጎዳ ዬሱሳ ሱጎላን ኦላቴ።

አማኒያ አሳ ዲሳ

18 ማቸቶ፣ አማኒያ አሳሰ ቤሲያባ ጊዲያ ጊሾ ሂንቲ አዚናታሰ ሃሪቴቴ።

19 አዚናቶ፣ ሂንቲ ማቸታ ሲቁቴ፤ ኤንታው ኢቶጊቴ።

20 ናይቶ፣ ሂንቲና ዬሊዳይሳታሰ ኡባባን ኪቴቴቴ፤ ሄሲ ጎዳ ኡፋይሲያባ።

21 አዋቶ፣ ሂንቲ ናይቲ ኡፋይሲ ቃንጾና ሜላ ኤንታ ጫሜሶፊቴ።

22 አይሌቶ፣ ሳዓን ሂንቲው ጎዳ ጊዲዳይሳታሰ ኡባባን ኪቴቴቴ። ጎዳ ቦንቸሽ ሱሪ ዋዛና፤ ኪቴቴዲ ኤንታ ኡፋይሲቴ፤ ኦቲን አሲ ቤጾ ጊዲ ኦሶፊቴ።

23 ሂንቲ ኦላያ ኦሶ ኡባ አሳሰ ጊዶናሺን ጎዳሰ ኦላያ ሜላ ዋዛና፤ ኦላቴ።

24 ጎዳ፤ ላታ ዋይቶ ኦላዲ ሂንቲ ኤኬይሳ ኤሪቴ፤ ሂንቲ ጎዳ ኪሪሰቶሳ ሃጋዜታ።

25 ያሳይ አሳ ሶዎጾ ቤዒዲ ፒርዶና ጊሾ ኦኒካ ኢታ ኦሶ ኦላኮ ባ ኢታ ኦሶዋ ጊሾ ዛር ኤካና።

4

1 ጎዳቶ፣ ሂንቲውካ ቃሲ ሳሎን ጎዳይ ዳዔይሳ ኤሪዲ፣ ሂንቲ አይሌታሰ ጊሌቴላኒኔ ኢሱዋ ኢሱዋፊ ሻኮና ኮሺያባ ኦላቴ።

2 ያሳ ባርኪዲ ጋላቲሽ ቃንጾና ዋሲቴ።

3 ያሳይ ባ ቃላሰ ፔንጌ ዳያና ሜላኔ ታኒ ሃሳ ጋሶን ቃሾን ዳዒያ ኪሪሰቶሳ ፀራ አዋጅና ሜላ ኮሰካ ዋሲቴ።

4 ቃሲ ታካ ቤሴይሳዳ ቃላ ቆንጩሳዳ ኦዳና ሜላ ታው ያሳ ዋሲቴ።

5 ኢንጃቲያ ዋዳ ኡባ ጎዔቲሽ አማናና አሳ ማታን ጩንጫቴላን ዳዒቴ።

6 ሂንቲ አሳ ኡባሰ ኮሺያ ዛር አዋ ኤራና ሜላ ሂንቲ ኦዳይ ኡባ ዋዳ አቶ ኬሃቴላን ኩሚዳይሳኔ ማፂኔዳ ማልዒያባ ጊዳናው ቤሴሰ።

ወርሴሳ ሳርታ

7 ኦ ሲቆ አሻይ ቲኪቆሲ፣ ታራ ኢሲፊ ጎዳ ኦሶዋን አይሌ ጊዲዳ፣ አማኔቲያ ኦሳንቸይ፣ ታ ደቡዋባ ሂንቲው ኦዳና።

8 ታኒ ኢያ ሂንቲኮ ኪቴዳይ፣ ኦ ዋኒዲ ዳዒያኮ ሂንቲው ኦዲዲ ሂንቲና ሚንጤላና ሜላሳ።

9 አናሰሞሲ፣ አማኔቲያ ሲቆ አሻይ፣ ሂንቲ ባጋይ፣ ኢያራ ሂንቲኮ ቤሰ። ኤንቲ ሃይሳን ሃኒያባ ኡባ ሂንቲው ኦዳና።

10 ታራ ቃሽቲዳ አሪሰደርኮሲኔ ባርናባሳ አሻ ናዒይ ማርቆሲ፣ ሂንቲና ሳር ያጎሶና። ታ ሂንቲው ካሴ ኦዲዳይሳዳ ማርቆሲ ሂንቲኮ ቢኮ ኢያ ሞኪቴ።

11 ዬሱሳ ጊያ ያሰጾሲ ሂንቲና ሳር ሳር ያጌሰ። ያሳ ካዋቲላ ጊሾ ታራ ኦላያ አሳታ ጊደፊ አይሁዳ ጊዲዳይሳቲ ሃ ሃዥታ፤ ኤንቲ ታና ዳር ሚንጤላዶሶና።

12 ሂንቲ ባጋይ፣ ኪሪሰቶሰ ዬሱሳ አይሌይ፣ ኤጳፊሪ ሂንቲና ሳር ሳር ያጌሰ። ኢ ሂንቲ ያሳ ሲንሳን ሚኒዲ ኤቃናዳኔ ያሳ ሼኒያ ኤሪዲ ፖላና ሜላ ኡባ ዋዳ ያሳ ሂንቲ ጊሾ ዋሲቴ።

13 ኢ ሂንቲ ጊሾኔ ሎዶቂያኒኔ ሃራፖሊሳ ካታማን ዳዒያ አሳ ጊሾ ዳር ዳቡሪዳይሳ ታ ማርካታይሰ።

14 ኦ ሲቆ አሻይ ዶቶሬይ ሉቃሲኔ ዳማሲ፣ ሂንቲና ሳር ሳር ያጎሶና።

15 ሎዶቂያን ዳዒያ ኦ አሻታሰ፣ ኒሞፋሲኔ ኢ ኬላን ሺቂያ አሳሰ ኦ ሳርሉዋ ኦዲቴ።

16 ሃ ዲብዳቢያ ሂንቲ ናባቢዳ፤ ሂንቲካ ሎዶቂያ ዋሳ ኬላን ናባቢቴ። ሂንቲካ ሎዶቂያ ዋሳ ኬላይ ሂንቲው ዬዲያ ዳብዳቢያ ናባቢቴ።

17 ቃሲ አርኪጳሳ፣ «ጎዳይ ኔው አሚዳ ኦሶዋ ፖላናይሳ ደጎፓ» ያጊዲ ቆፊሲቴ።

18 ታኒ፣ ጳውሎሲ፣ ሃ ሳርሉዋ ታ ኩሼን ፃፋሰ። ታ ቃሾዋ ቆጊቴ።

ያሳ አቶ ኬሃቴላይ ሂንቲራ ጊደ።

3:10 ሜቶ 1:26፤ ኤፊ 4:24 * 3:11 ባርባሬ አሲ፣ ጉሳይ ታማሪና ዋይኮ ኤርና ዋይኮ ዬሊቲዳ ሜላ ሲዒ ጊዲ ዳዒያ አሲ ጉሱ። † 3:11 ኢሰኩቴ አሲ፣ ጉሳይ ዋዛና ሚና አሲ ዋይኮ ዋዛና ኢታ አሲ ጉሱ። 3:12 ኤፊ 4:2 3:13 ኤፊ 4:32 3:16 ኤፊ 5:19-20 3:18 ኤፊ 5:22፤ 1ጴጌ 3:1 3:19 ኤፊ 5:25፤ 1ጴጌ 3:7 3:20 ኤፊ 6:1 3:21 ኤፊ 6:4 3:22 ኤፊ 6:5-8 3:25 ኤፊ 6:5-8 4:1 ኤፊ 6:9 4:5 ኤፊ 5:16 4:7 ሃ.ኦ 20:4፤ 2ጊዋ 4:12 4:7 ኤፊ 6:21-22 4:9 ፊልሞ 10-12 4:10 ሃ.ኦ 19:29፤ 27:2፤ ፊልሞ 24፤ ሃ.ኦ 12:12፤ 25፤ 13:13፤ 15:37-39 4:12 ቆላ 1:7፤ ፊልሞ 23 4:14 2ጊዋ 4:10-11፤ ፊልሞ 24 4:17 ፊልሞ 2

ጳውሎስ ቴሌሎንቄ አሳስ ፃፊዳ ኮይር ኪታ ጋላ ቆፋ

ቴሌሎንቄይ፡ ሮሜ ቢታን ዳዒያ ማቄደኒያ አውራጃስ ዋና ካታማ። ጳውሎስ ፊልጲሲቶሳ ዩዲዲ ቢዳፕ ጉዬ ቴሌሎንቄን ዋሳ ከላ ኤሲስ። ገደሺን፡ አይሁዳታ አማኑዋ ኤካናው ገብተዲ ኡተዳ አይሁዳ ገደና አሳይ፡ ጳውሎስ ታማርሲያ፡ ከሪስቲና አማኖ ቲማርቲያን ያኔቲዳ ገሾ አይሁዳቲ ቃናቲዲ፡ ጳውሎሳ ቲማርቲያ ጳልቁደሶና። ሄሳ ገሾ፡ ጳውሎስ ጋምዖናሺን ቴሌሎንቄ ዩዲዲ፡ ቤሪያ ቢስ (1:9-10)። ጉዬፕ ኢ ቴሌሎንቄ ጋኪዳ ዋዴ ኢያ ማዲያ ሂሞቲዮሲ ቴሌሎንቄ ዋሳ ከላን ዳዒያ ሃናታ ኢያው ገሺዲ ኦዲስ።

ጳውሎስ ኮይር ኪታ ቴሌሎንቄ አሳስ ፃፊዳይ፡ አማኒያ አሳ ዘራናሳኔ ማንሌላናሳ። ኢ ኤንታ አማኑዋኔ ኤንታ ሲቁዋ ሎዖ ማርካቲላ ሲዲዳ ዋዴ ያሳ ጋላቲስ። ካሴ ኢ ኤንታ ገደን ዳዒዳ ዋዴ አይ ማላ ዲሱ ዳዒዳኮ ኤንታ ሃሳይሴስ። ሄሳፊ ከሪስቲና ስምዒንላ ዩሳባ አይሾቲዳ ኦይሻስ ዘር ኢሜስ። ሄ ኦይሻታፕ ጉላቲ፡ «ከሪስቲና ስምዒንላ ያናፕ ሲንሌ ሃይቁዳ አማኒያ አሲ ከሪስቲና ዩሳይ አሚያ ሜሪና ዳዖ ኤካናው ዳንዳዒ? ከሪስቲና ስምዒንላ ያናይ አዉዳ?» ጌቲቲይሳታ። ጳውሎስ ሄ ኢንጃ ዋዲያ ጎዔቲዲ፡ «ከሪስቲና ስምዒንላ ዩሳ ኡፋይሳን ናገሼ ኢ ያና ጋካናው ዋፑ ገዲ ሂንቲ ኦሶ ኦላቲ» ያገዲ ዘሪስ።

1 ቴሌሎንቄ ኪታ አይፊ ቆፋታ
ጌሎ ቆፋ 1:1
ጳውሎሳ ኡፋይሳኔ ጋላታ 1:2-3:13
አማኒያ አሳ ዳዖ ካሌሱዋ 4:1-12
ከሪስቲና ስምዒንላ ዩሳባ 4:13-5:11
ዉርሴላ ዘሪ 5:12-22
ኩሻ ቆፋ 5:23-28

1 ጳውሎስ ሲላሴይኔ ሂሞቲዮሲ ቴሌሎንቄ ዋሳ ከላን ዳዒያ፡ ያሳ አዋባኔ ጎዳ ዩሱስ ከሪስቲናሳ ገዲዳ አሳስ ፃፊዳ ኪታ።
አጼ ከሃቴላይኔ ሳርይ ሂንቲው ገደ።

ቴሌሎንቄ አሳ ዳዕዋኔ አማኑዋ
2 ኪኒ ያሳ ዋሲያ ዋዴ ኡባን ሂንቲና ቆፒሼ ሂንቲ ገሾ ኡባ ዋዴ ያሳ ጋላቲስ።
3 ያሳ ኦ አዋ ሲንላን አማኖን ሂንቲ ኦላዳ ኦሱዋ፡ ሲቆን ሂንቲ ዳቡሪዳ ዳቡሪኔ ዩሱስ ከሪስቲናሳን ዳዒያ ኡፋይሳ ኤካናው ሂንቲ ሚኒዲ ኤቁዳ ኤቁዋ ኡባ ዋዴ ቆፖስ።
4 ኦ ኢሻቲ፡ ያሳይ ሂንቲና ደሴይሳኔ ባ አሴ ኦላዲ ሂንቲና ደሪዳይሳ ኤርስ።
5 አይስ ገኮ፡ ኪኒ ዋንጌላ ደና ፃላላን ገደናሺን ዋልቃን፡ ጌሻ አያናኒኔ ዋንጌላ ቱማ አማኖን ሂንቲው ኤሂዳ። ኪኒ ሂንቲራ ጋምዒዳ ዋዴ ኡባን ሂንቲ ገሾ ዋኒዲ ዳዒዳኮ ሂንቲ ኤሪታ።

6 ሂንቲ ዳር ሜቶ ኤኪኮካ ጌሻ አያናይ አሚያ ኡፋይሳን ኪታ ኤኪዳታ፤ ኦናኔ ጎዳ ዳኒዳታ።
7 ሄሳ ገሾ፡ ማቄደኒያኔ አካያ ቢታን ዳዒያ አማኒያ ኡባስ ለሚሶ ገዲዳታ።
8 ጎዳ ቃላይ ሂንቲፊ ከዱዲ፡ ማቄደኒያኒኔ አካያ ፃላላን ገደናሺን ያሳ ሂንቲ አማኔይሲ ኡባሶን ሲዔቲስ። ሂዛ፡ ኪኒ ጋናባይ አይኮይካ ባዋ።
9 ኪኒ ሂንቲኮ ቢዳ ዋዴ ሂንቲ ኦና ሞኪዳ ሞኩዋኔ ሂንቲ፡ ሂንቲ ኤቃ አገዲ ቱማኔ ዳዖ ያሳ ሃጋዛናው ሂንቲ ሲሚዳይሳ ኤንቲ ባንታ ሁዔን ኦደሶና።
10 ቃሲ ያሳ ናዓይ፡ ዩሱሲ፡ ያሳይ ሃይቆፕ ደንሌዳይሲ፡ ሲንላፊ ያና ያሳ ሃንቁዋፊ ኦና አሻናይሲ፡ ሳሎፕ ያናይሳ ሂንቲ ናጌይሳ ኤንቲ ማርካቲሶና።

2

ጳውሎስ ቴሌሎንቄን ኦላዳ ኦሱዋ
1 ታ ኢሻቲ፡ ኪኒ ሂንቲኮ ቢዳይ ሜላ ገደናይሳ ሂንቲ፡ ሂንቲ ሁዔን ኤሪታ።
2 ሺን ኪኒ ሂንቲኮ ቴሌሎንቄ ያናፕ ሲንሌ ፊልጲሲቶሳ ካታማን ዋይቲዳይሳኔ ጫዬቲዳይሳ ሂንቲ ኤሪታ። ዳር ኢፃይ ዳዒኮካ ሂንቲው ኢያ ዋንጌላ ኦዳና ሜላ ያሳይ ኦስ ሚኖቴሌ አሚስ።

3 ኪኒ ሂንቲና ዘሪዳይ ባሌሶን ዋይኮ ጨዋን ዋይኮ ጌኔን ገደና።
4 ሺን ያሳይ ኦናን አማኔቲዲ ባ ዋንጌላ ኦዳና ሜላ ኦስ ሃደራ አሚዳ ገሾ ኦደስ። ኦ ሄሳ ኦላይ ኦ ዋዛና ቤዒያ ያሳ ኡፋይሳናሳፊ ኣቲን አሴ ኡፋይሳናሳ ገደና።

5 ኦ ሚሼ ያሪዲ ዋርዶ ሂንቲና ሳቢሼ ሂንቲኮ ዮናይሳ ሎይሌዲ ኤሪታ፤ ያሳይ ኦስ ማርካ።
6 ኪኒ ሂንቲፊ ገዲን ዋይኮ ሃራ አሳ ኦዳፊካ ቦንቾ ኮዱቦኮ።
7 ኪኒ ከሪስቲና ሃዋሬ ገደይሳዳ ኦስ ኮሺያባ አሚቲ ገዲ ኤካናው ዳንዳዖስ፡ ሺን ኢያ ባ ናይታ ዲቼይሳ ሜላ ሂንቲ ገደን አሸኬ ገዲዳ።

8 ኦ ሂንቲና ደሲዳ ገሾ ያሳ ዋንጌላ ሂንቲው ሻኮ ፃላላ ገደናሺን ኦ ዳዕዋካ ሂንቲው አማኖው ገገዳ። ሂንቲ ኦስ ዳር አልዖ።
9 ኦ ኢሻቲ፡ ኦ ኦሱዋኔ ኦ ዳቡራ ኤሪታ። ሂንቲው ያሳ ዋንጌላ ኦዲሼ፡ ሂንቲና ዋይሶና ሜላ ቃማኔ ጋላስ ኦላዳ።
10 ኦ ዳዖይ ሂንቲ አማኔይሳታ ማታኒኔ ያሳ ሲንላን ጌሺ፡ ሂሎኔ ቦሬቶናይሳ ገደይሳስ ሂንቲ ማርካ።

11 ኪኒ ሂንቲው ሁዔን ሁዔን ዩሊዳይሳቲ ባንታ ናይታስ ሃኔይሳዳ ሃኒዳይሳ ኤሪታ።
12 ኦ ሂንቲና ዘሪዳ፡ ሚንሌሊዳ። ቃሲ ባ ካዋቲላኔ ባ ቦንቾዋ ሻካናው ሂንቲና ጃገያ ያሳ ኡፋይሲያ ዳዖ ሂንቲ ዳና ሜላ ሂንቲው ሚንሌዲ ኦዲዳ።
13 ሂንቲው ኪኒ ያሳ ቃላ ኦዲዳ ዋዴ አሳ ቃላዳ ገደናሺን ያሳ ቃላዳ ሲዲዲ ኤኪዳ ገሾ ኪኒ ኡባ ዋዴ ያሳ ጋላቲስ። ኢ ቱማ ያሳ ቃላ፤ ያሳ ቃላይ አማኒያ ሂንቲናን ኦላሴ።

14 ታ አሻቶ፣ ሂንቲ ዩሁዳ ቢታን ዳዒያ ዋሳ ከጣታኔ ያን ከሪሰቶሰ ዩሱሳ ካሊያ አሳታዳ ሂንቲ። ኤንታ አይሁዳቲ ዋይሲዳይሳዳ ሂንቲናካ ሂንቲ ቢታ አሳይ ዋይሲዳይሳ።

15 ሄ አይሁዳቲ ጎዳ ዩሱሳኔ ናቤታ ዋዲዳይሳ፤ ቃሲ ኑና ጎዲዳይሳ። ኤንቲ ያሳ ኡፋይሳይሳታኔ አሴ ኡባ ኢጄይሳታ።

16 ኤንቲ ሃሪ አቶሺን፣ አይሁዳ ጊዳና አሳይ አታና ማላ ኮኒ ኤንታው ቃሳ ኦዳይሳ ዲጎሶና። ሄሳዳ ሃኒዲ ኤንታ ናጋራ ፀዓይ ኩማና ጋካናው ኡባ ዋዳ ናጋራ አሶሶና። ወርሴላን፣ ያሳ ሃንቆይ ኤንታ ቦላ ዋዴሰ።

ጳውሎሲ ቴሴሎንቄ አሳ ዛሪ ቤዓናው አሞቲሰ

17 ሺን ኑ አሻቶ፣ ኮኒ ኑ ቆፋን ጊዳናሺን አሾን ሂንቲ። ሻኬቲዲ ጉላ ዋዳ ጋሞዲዳይሳን ሂንቲና ዳር ለሞቲዲ ቤዓናው ኮዩዳ።

18 ኑ ሲሚ ሂንቲኮ ባናው ኮዩዳ። ታኒ ታ ሁዔን ሂንቲኮ ባናው ኮዩሰ፣ ሺን ጻላሃይ ኑና ዲጊሰ።

19 ሄዛ፣ ኑ ጎዳ ዩሱሰ ከሪሰቶሰ ያ ዋዳ ኑ ኡፋይሳይ ዋይኮ ኑ ጨቁቲያ ኑ ካላቻይ ኦኔ? ሂንቲና ጊዳኬቲዬ?

20 ቱማ ሂንቲ ኑ ቦንቾኔ ኑ ኡፋይሰ።

3

1 ሄሳ ጊሾ፣ ኑሰ ጌንጫናው ዳንዳዔቶና ኢጂን፣ አቴና ካታማን ኑርካ አታናው ቆፋ ቃቺዳ።

2 ሂንቲና ዘራናዳኔ አማኖን ሂንቲና ሚንጤላናዳ ኑራ ኢሲፌ ያሳሰ ኦፊይሳኔ ከሪሰቶሳ ዋንጌላ ኦዲያ ኑ አሻ ጃሞቲዮሳ ሂንቲኮ ከቲዳ።

3 ሂንቲና ጋኪዳ ጎዳን ሂንቲፌ ኦኒካ ጉዬ ሲሞፎ። ሄ ጎዳይ ኑሰ ያሳ ሸኔ ጊዳይሳ ሂንቲ፣ ሂንቲ ሁዔን ኤሬታ።

4 ኑ ሂንቲራ ዳዒያ ዋዳ ጎዲ ጋካናይሳ ሂንቲው ኮይርቲዲ ኦዲዳ። ሂንቲ ኤሬይሳ ማላ ሄሳዳ ሃኒሰ።

5 ሄሳ ጊሾ፣ ታው ጌንጫናው ዳንዳዔቶና ኢጂን፣ «ኦኒ ኤሪ ጻላሃይ ኤንታ ፓጩዲ ኑ ዳቡራ ማላ አሾና አጌና» ጋዳ ሂንቲ አማኑዋባ ኤራናው ጃሞቲዮሳ ሂንቲኮ ከታሰ።

6 ሃዒ ጃሞቲዮሲ ሂንቲ ማታፔ ዩዲ፣ ሂንቲ አማኑዋባኔ ሂንቲ ሲቁዋባ ሎዎ ዋሪ ኦዲሰ። ቃሲ ሂንቲ ኡባ ዋዳ ኑሰ ሎዎ ቆፔይሳኔ ኮኒ ሂንቲና ቤዓናው ለሞቲይሳዳ ሂንቲካ ኑና ቤዓናው ለሞቲይሳ ኢ ኑሰ ኦዲሰ።

7 ታ አሻቶ፣ ኑና ጋኪያ ዋያኒኔ ኑ ሜቶ ኡባን ሂንቲ አማኑዋ ጊሾ ሂንቲናን ማኔቲዳ።

8 ሂንቲ ጎዳን ማኒዲ ዳዒኮ ኑካ ዳዎን ዳዎሰ።

9 ሄዛ፣ ኮኒ ሂንቲ ጋሶን ዳሚዳ ኡፋይሳሰ ያሳ ዋቲ ጋላቲኖ?

10 ኮኒ ሂንቲና ቤዓናውኔ ሂንቲ አማኑዋን ፓጩዳባ ኩንላናው ቃማኔ ጋላሰ ኑ ኩሜላ ዋዛናን ያሳ ዋሶሰ።

11 ያሳይ ኑ አዋይ ባ ሁዔኒኔ ኑ ጎዳይ ዩሱሰ ከሪሰቶሰ ኑ ሂንቲኮ ባና ኦጊያ ጊሊሶ።

12 ኑ ሂንቲና ዳር ዳሴይሳዳ ጎዳይ ሂንቲ ኢሶይ ኢሱዋ ሲቁያ ሲቆኔ አሴ ኡባ ሲቁያ ሲቆ ሂንቲው ዳርሶኔ ጉጅ።

13 ኑ ጎዳይ ዩሱሰ ከሪሰቶሲ ባ ጌሻታራ ያ ዋዳ ያሳ፣ ኑ አዋ ሲንላን ሂንቲ ዋዛናይ ጌሺኔ ቦሬይ ባይናይሳ ኦፊዲ ኢ ሂንቲና ሚንጤላና።

4

ያሳ ኡፋይሰያ ዳዎ

1 ወርሴላን፣ ታ አሻቶ፣ ያሳ ኡፋይሳናው ሂንቲ ዋኒዲ ዳናው ቤሲያኮ ኑፔ ታማሪዳታ። ሄሲ ሂንቲ ኮይርፔ ዳዒዳ ዳዑዋ፣ ሺን ሃዒ ሂንቲ ካሴይሳፌ ኦፊዲ ኦፊናዳ ጎዳ ዩሱሳ ሱንላን ሂንቲና ዋሶሲኔ ዘርሰ።

2 ኮኒ ጎዳ ዩሱሳ ማታን ሂንቲና ከቲዳ ከታይ አወሴኮ ኤሬታ።

3 ያሳይ፣ ሂንቲ ጌሺ ጊዳና ማላኔ ላይማቶና ማላ ኮዩሰ።

4 ሂንቲ ኢሶይ ኢሶይ፣ ሂንቲ ማቼታራ ጌሻቲላኒኔ ቦንቾን ዳናው ቤሴሰ።

5 ያሳ ኤርናኔ አማኖና አሳዳ ላይማቲላ አሞን ፀጌቶሬቲ።

6 ኑ ካሴ ሂንቲው ኦዲዳይሳዳኔ ሚንጤ ዘሪዳይሳዳ ጎዳይ ሄሳ ማላባ ኦፊያ ኡባ ፐርዲያ ጊሾ ኦኒካ ሃይሳታን ባ አማኒያ አሻ ናቃናወኔ ጨማናው ቤሴና።

7 ያሳይ ኮኒ ጌሽቲላን ዳና ማላፔ አቲን ቲናቲላን ዳና ማላ ጃጊቤና።

8 ሄሳ ጊሾ፣ ሃ ቲሚርቲያ ኢጂያ ኦኒካ ሂንቲው ጌሻ አያና አሚያ ያሳ ኢጃሰፔ አቲን አሴ ጊዳና።

9 ሂንቲ ኢሶይ ኢሱዋ ዋቲ ሲቃኔኮ ያሳይ ሂንቲና ታማርሲዳ ጊሾ ሃዒ ሲቆባ ኑ ህንቲው ጻፋናው ኮሼና።

10 ቃሲ ማቁዲኒያ ቢታን ዳዒያ አማኒያ አሻታ ኡባ ቱማ ሂንቲ ዳሴታ። ሺን ኑ አሻቶ፣ ሃዒካ ሂንቲ ኤንታ ኦፊ ዳሳና ማላ ሂንቲና ዋሶሰ።

11 ኮኒ ካሴ ሂንቲው ኦዲዳይሳዳ ዋፔ ጊዳ ዳዑዋ ዳዒቲ። ሂንቲ፣ ሂንቲ ኦሶ ኦፊዲ ሂንቲው ዲሳሰ ኮሺያባ ዳሚቲ።

12 ሄሳዳ ሃኒኮ፣ አማኖናይሳታ ማታን ሂንቲ ቦንቾታና፤ ቃሲ ሂንቲና ኮሺያባሰ ኦናካ ኦዲሼኬታ።

ጎዳ ዩሳባ

13 ኑ አሻቶ፣ አማኒዲ ሃይቁዳ አሳቲ ሃናናባ ሂንቲ ኤራና ማላ ኮዩሰ። ሂንቲ ኤንታ ጊሾ ኡፋይሲ ባይና አሳዳ ካዮቶሬቲ።

14 ኮኒ፣ ዩሱሲ ሃይቁዳይሳኔ ቃሲ ሃይቆፔ ዳንዲዳይሳ አማኖሰ። ሄሳዳካ፣ ያሳይ ዩሱሳ አማኒዲ ሃይቁዳይሳታ ኢያራ ዋላ ኤሃናይሳ አማኖሰ።

15 ጎዳይ ኑሰ ኦዲዳይሳዳ ጎዳይ ያ ጋላሰ ኢያራ ጋሄታናው ኮኒ ፓፃ ዳዒይሳቲ፣ ሃይቁዳይሳታፔ ሲንላቶኮ።

16 ጎዳይ ዋለቃማ ከታራ፣ ከታንቾታ ሃላቃ ጊርሳራ፣ ያሳ ሞይዜ ፑሮራ፣ ሳሎፔ ዋፋና።

2:14 ሃ.ኦ 17:5 2:15 ሃ.ኦ 9:23፣ 29፣ 13:45፣ 50፣ 14:2፣ 5፣ 19፣ 17:5፣ 13፣ 18:12 3:1 ሃ.ኦ 17:15 3:6 ሃ.ኦ 18:5 4:15 1&C 15:51-52

ኪሪሰቶስ እማኒዲ ሃይቂዳይሳቲ ኮይርቲዲ ሃይቆፔ ዳንዳና።

17 ሄሳፌ ጉዬ፣ ሄ ዎዴ ኮኒ ፓፃ ዳዔይሳቲ፣ ጎዳራ ሸራን ጋሄታናው ኤንታራ ኢሲፌ ሳሎ ኤኬታና። ሄሳፌ ጉዬ፣ ኮኒ ጎዳራ ኢሲፌ ሜሪናው ዳና።

18 ሄሳ ጊሾ፣ ሃ ቃላን ኢሶይ ኢሱዋ ሚንሌሌቴ።

5

ጎዳ ዩሳ ጊጊዲ ናጊቲ

1 ታ ኢሻቶ፣ ሃ ሃኖቲ ሃናና ዎዲያኔ እገና ሂንቲው ፃፋናው ኮሼና።

2 ጎዳ ጋላሳይ ካይሶይ ቃማ ዬይሳዳ ያናይሳ ሂንቲ ሎይሌ ኤሬታ።

3 አሳይ፣ «ሳዒ ሳር፣ አይኮይካ ሃኔና» ያገሸን፣ ማጫስ አቁላ ኮይኬይሳዳ ቆሮይ ኤንቲ ቆፖና ኤንታ ሶላ ያና። ኤንቲ አይ ኦጌንካ ኬሲ ኤኮኮና።

4 ሸን ኮ ኢሻቶ፣ ሄ ጋላሳይ ሂንቲው ካይሶይ ዬይሳዳ ያናው ሂንቲ ቆማን ዳዔኬታ።

5 ሂንቲ ኡባይ ፖፃ አሲኔ ጋላሳን ዳዒያ አሲ፣ ኮኒ ቃማ አሲ ዎይኮ ቆማ አሲ ጊደኮ።

6 ሄሳ ጊሾ፣ ኮኒ ሃራቲ ቋሰኬይሳዳ ቋሰካናው ቤሴና፣ ኮኒ ባርካንዉኔ ጊጊዲ ዳናው ቤሴስ።

7 ቋሰኬይሳቲ ቃማ ቋሰኮሶና፣ ማሶቲይሳቲ ቃማ ማሶቶሶና።

8 ሸን ኮኒ ጋላሳ አሲ ጊዲያ ጊሾ ጊጊዲ ዳናው ቤሴስ። እማኖኔ ሲቆ ፀሩሬዳ ቲራን ማዒዲ፣ አቶቲላ ኡፋይሳ ሁዔን ዎሊያ ኦላ ቢራታ ባርኔፃዳ ዎሊዲ ዳናው ቤሴስ።

9 ያሳይ ኮና ኮ ጎዳ ዬሱስ ኪሪሰቶስ ባጋራ ኩሜላ አቶቲላ ኤካና ሜላ ዶሪሰፔ አቲን ሃንቆስ ዶሪቤና።

10 ኮኒ ፓፃ ዳዒን ዎይኮ ሃይቂን፣ ኪሪሰቶሲ ያ ዎዴ ኢያራ ኢሲፌ ዳና ሜላ ኪሪሰቶሲ ኮ ጊሾ ሃይቂስ።

11 ሄሳ ጊሾ፣ ሂንቲ ካሴ ኦሌይሳዳ፣ ኢሶይ ኢሱዋ ሚንሌሌቴኔ ዲቺቴ።

ዉርሴላ ዘሬኔ ሳርታ

12 ኮ ኢሻቶ፣ ሂንቲ ጊደን ኦሌይሳታ፣ ሂንቲና ካሌላና ሜላኔ ዘራና ሜላ ጎዳይ ዶሪዳይሳታ ሶንቻና ሜላ ሂንቲና ዎሶስ።

13 ኤንቲ ኦሊያ ኦሱዋ ጊሾ ኤንታ ዳር ሶንቺቴኔ ሲቂቴ። ኢሶይ ኢሱዋራ ሳርቲላን ዳዒቴ።

14 ኮ ኢሻቶ፣ ኮኒ ሂንቲና ዘርስ። ሶዛታ ሃንቂቴ፣ ባቤይሳታ ሚንሌሌቴ፣ ዳቡራንቸታ ማዒቴ፣ አሴ ኡባ ዳንዳዒቴ።

15 ኦኒካ ኢታ ጊሾ ኢታ ዘርና ሜላ ናጌቲቴ። ሂንቲ ዎሊሲኔ አሳ ኡባስ ሎፖባ ኦላናው ሚኒቴ።

16 ኡባ ዎዴ ኡፋይቲቴ።

17 ኡባ ዎዴ ያሳ ዎሲቴ።

18 ኡባባን ጋላቲቴ። ኪሪሰቶስ ዬሱሳ ባጋራ ያሳይ ሂንቲፌ ኮዬይ ሄሳ።

19 ጌሻ አያና ኦሱዋ ቶይሶፒቴ።

20 ቲንቢቴ ቃላ ካቶፒቴ።

21 ኡባባ ፓጩቲ፣ ሎፖባ ኤኪቴ።

22 ኢታ አሶ ኡባፌ ሃኪቴ።

23 ሳር አሚያ ያሳይ ባ ሁዔን ሂንቲና ፖሎ ጌሾ። ኮ ጎዳይ ዬሱስ ኪሪሰቶሲ ያና ጋላሳስ፣ ያሳይ ሂንቲ አያና፣ ሂንቲ ሹምፑዎኔ ሂንቲ ኩሜላ አሳቲላ ሶሬይ ባይና ናጎ።

24 ሂንቲና ጌይይሲ አማኔቲዳይሳ ጊዲያ ጊሾ ሄሳ ኢ ፖላና።

25 ኮ ኢሻቶ፣ ኮሰ ያሳ ዎሲቴ።

26 እማኒያ አሳ ኡባ ጌሻ ዬሬቲላን ሳርሌቴ።

27 ሂንቲ ሃ ኪታ እማኒያ አሳ ኡባስ ናባባናዳ ጎዳ ሱንላን ሂንቲና ዎሳይስ።

28 ኮ ጎዳ ዬሱስ ኪሪሰቶስ አቶ ኬሃቲላይ ሂንቲራ ኢሲፌ ጊደ። እማንዒ።

ጳውሎስ ቲሴሎንቄ አሳሰ ፃፊዳ ናምዓንሉ ኪታ

ጋላ ቆፋ

ኪሪስቶስ ናምዓንሉ ዩሳ ቦላ ዳንዲዳ ኦይሾይ ፓላማ ሜጂሽ ቢዳ ጊሾ ቲሴሎንቄ ዋሳ ኬላን ሜቶይ ዳሪ ዳሪ ቢስ። ጳውሎስ ቲሴሎንቄ አሳሰ ፃፊዳ ናምዓንሉ ኪታይ። «ጎዳ ዩሳ ጋላሳይ ማቲስ» ያጊያ አማኖ ቲሚርቲያ ቦላ ሚንሉዲ ኦይስ። ጳውሎስ ኦይሾይ። ኪሪስቶስ ያናፕ ሲንሌ። «ጌላ ኡራ» ጌቲቲያ ኪሪስቶስ ኢጄይሳ ካሌሱዋን ሃ አላሚያ ቦላ ኢታቲሌኔ ጌላቴሌ ዳሪሽ ባና ያጊዲ ኤንታ አማኑዋ ሱሪሴስ።

ሃዋሪይ። ሜቶይን ዋይይ ዳሪኮካ ኤንቲ ባንታ አማኑዋን ሚናናዳ ኤኔ ኢያራ ኢሲፌ ዳዔይሳቲ ኦይሳይ። ኤንቲ ባንታ ዲሳሰ ኮሺያባ ዳማናው ሚኒዲ አላና ሜላ ቃሲ ሎጾ ኦሶ አላናው ጉዬ ጎና ሜላ ኤንታ ሚንሉዲ ዘሪስ።

2 ቲሴሎንቄ ኪታ ኦይፌ ቆፋታ

ጌሎ ቆፋ 1:1-2

ጋላታኔ ዋሳ 1:3-12

ኪሪስቶስ ናምዓንሉ ዩሳባ ኢሜቲዳ ቲሚርቲ 2:1-17

አማኖ ዲሳ ዋጋ ቦላ ኢሜቲዳ ዘሬ 3:1-15

ኩሻ ቆፋኔ ሳርሶ 3:16-18

1 ጳውሎስ። ሲላሴይኔ ጻምቲዮሲ ቲሴሎንቄ ዋሳ ኬላን ዳዔያ። ያሳ አዋባኔ ጎዳ ዩሱስ ኪሪስቶስባ ጊዲዳ አሳሰ ፃፊዳ ኪታ።

2 ያሳ ኑ አዋፔኔ ጎዳ ዩሱስ ኪሪስቶስባ ጌላ ኬሃቴላይኔ ሳርቲላይ ሂንቲው ጊዳ።

ኪሪስቶስ ያ ዋዳ ሃናና ፐርዳ

3 ኑ ኢሻቶ። ሂንቲ አማኖይኔ ሂንቲ ኢሶይ ኢሱዋኔ ሃራታ ሲቁያ ሲቆይ ዳር ዲጪያ ጊሾ ኑኒ ሂሳሰ ያሳ ኡባ ዋዳ ጋላታናው ቤሴስ።

4 ሂንቲና ጋኪዳ ጎዳኒኔ ዋይ ኡባን ጌንጫኒኔ አማኖን ሚኒዲ ኤቁዳ ጊሾ ኑኒ ኑ ሁዔን ያሳ ዋሳ ኬላታን ሂንቲባ ማርካቲሽ ሂንቲናን ጩቁቶስ።

5 ሂንቲ ኢያ ጊሾ ጊዲ ሜቶ ኤኪያ ያሳ ካዋቲላስ ቤሴይሳታ ጊዲዲ ታይቤታና ሜላ ያሳ ጂሎ ፐርዳስ ሃይሲ ማላ።

6 ያሳይ ቱማ ፐርዳ ፐርዳና። ያሳይ ሂንቲና ዋይሴይሳታ ቦላ ዋይ ኤሃና።

7 ጎዳይ ዩሱሲ ባ ዋልቃማ ኪታንቸታራ። ታማ ላጮራ ሳሎፔ ያ ዋዳ ዋይቲያ ሂንቲናኔ ኑና ሽምፕሳና።

8 ቃሲ ያሳይ ባና ኤርናይሳታኔ ኑ ጎዳ ዩሱስ ኪሪስቶስ ዋንጌላስ ኪቲቶናይሳታ ፐርዳና።

9 ኤንቲ ጎዳ ሲንላፌኔ ኢያ ቦንቸዋ ዋልቃፌ ሻኬቲዲ ሜሪና ጳዩዋን ፐርዳታና።

10 ሃ ጋላስ። ኢ ባይሳታኒኔ ባና አማኔይሳታ ኡባን ቦንቸታንጫኔ ሳቤታናው ያ ዋዳ ኑ ሂንቲው ኦይዳ ኪታ ሂንቲ አማኒዳ ጊሾ ሂንቲ ኢያ ቦንቸይሳታ ጊዳኒኔ ሳቤይሳታ ጊዳን ዳና።

11 ኑኒ ሂንቲው ኡባ ዋዳ ያሳ ዋሴይ ሂሳሳ። ኑ ያሳይ ሂንቲና ጃጊዳ ዳዑዋስ ቤሴይሳታ ጊዲዲ ታይቤታና ሜላ ኑኒ ዋሶስ። ሂንቲ ሎጾባ አላናው አምቲያ አሙዋኔ ሂንቲ አማኖ ኦሱዋ ኢ ባ ዋልቃን ፖሎ።

12 ሂሳን ኑ ያሳኔ ኑ ጎዳ ዩሱስ ኪሪስቶስ አጼ ኬሃቴላን። ጎዳ ዩሱሳ ሱንላ ሂንቲ ቦንቻና፤ ሂንቲናካ ኢ ቦንቻና።

2

ጌላ ኡራ

1 ኑ ኢሻቶ። ኑ ጎዳ ዩሱስ ኪሪስቶስ ዩሳባኔ ኑ ኢያራ ጋሃታናው ሺቃናባስ ኑ ሂንቲና ዋሶስ።

2 ቲንቢቲን ዋይኮ ሃራ አሳፔ ሲዒዳ ቃላን ዋይኮ ኑፔ ኤኪዳ ኪታዳ ኦሌዲ። «ጎዳ ጋላሳይ ጋኪስ» ጊዲ ሂንቲ ዋዛናይ ዳጋሞፎን ዋባቆፖ።

3 ሂንቲና ኦኒካ አይ ኦፔካ ባሌላፎ። ካሴቲዲ ወርሴላ ኡራ ጌላቴላይ ቆንጮናኔ ጳዩይ ቤሴያ ጌላ ኡራይ ዮና ዳዒሺን። ጎዳ ጋላሳይ ጋኪና።

4 አሲ ጎይኒያባኔ ያሳያባ ኡባ ኢ ኢያናኔ ባና ጾቁ አላና። ሃሪ አቶሺን። ያሳ ኬሌ ጌሊ ኡቲዲ። «ታኒ ያሴ» ጋና።

5 ታኒ ሂንቲራ ዳዒሽ ሂንቲው ኦይዳይሳ አክኬኬቲ?

6 ኢ ባ ጋላሳን ያናፔ አቲን ሃዒ ዮናዳ አይቢ ኢያ ቲቁያኮ ኤሬታ።

7 አሳሰ ቆንጪቦና ጌላቴላ ፀራ ዋልቃይ ሃዒካ ኦሌስ። ሺን ሃዒ ኢያ ቲቁይሲ ዳዒስ። ኢያ ቲቁይሲ ኦፔፔ ኪቻና ጋካናው ኢ ቆንጩና።

8 ሃሳፌ ጉዬ። ጌላ ኡራይ ቆንጩና። ሺን ጎዳ ዩሱሲ ባ ዳናፔ ኬያ ሽምፕዋን ባ ቦንቸ ዩሳን ኢያ ዋዳና።

9 ጌላ ኡራይ ጻላሂያ ዋልቃን ዩዲ ዋርዶ ማላታታኔ ማላሊሲያባታ አላና።

10 ሃሳዳካ። ጳዮስ ዳዒያ አሳታ ዲማ ዲማ ጪሚያ ኢታ ኦሶን ባሌላና። ኤንቲ ጳዩዳይ አሺያ ቱማ ደሲዲ ኤኮና ኢዲዳ ጊሾሳ።

11 ሃሳ ጊሾ። ኤንቲ ዋርዶ ጊዲያባ አማናና ሜላ ያሳይ ዋልቃማ ባሌሶ ኤንታ ቦላ ዩዳና።

12 ሃሲካ። ቱማ አማኖና አሳቲ። ናጋራ ኦሶን ኡፋይቲሳቲ ኡባይ ፐርዳታና ሜላሳ።

አቶቲላስ ደሬቲዳ አሳታ

13 ጎዳይ ደሲያ ኑ ኢሻቶ። ኑኒ ያሳ ሂንቲ ጊሾ ኡባ ዋዳ ጋላታናው ቤሴስ። ሂንቲ አታና ሜላ ያሳይ ጌሻ አያና ዋልቃን ሂንቲና ጌሺዳይሳኔ ሂንቲካ ቱማ አማኒዳይሳን ኢ ሂንቲና ባይራዳ ደሪስ።

14 ያሳይ። ኑ ሂንቲው ኦይዳ ዋንጌላ ባጋራ ሂንቲና ጃጊዳይ። ሂንቲ ኑ ጎዳ ዩሱስ ኪሪስቶስ ኢሲፌ ቦንቸታናሳ።

15 ሂዛ። ኑ ኢሻቶ። ሚኒዲ ኤቁቲ። ኑኒ ሂንቲና ኑ ደናን ጊዲን ዋይኮ ዳብዳቢያን ጊዲን ታማርሲዳ ቲሚርቲያ ኦይኪቲ።

16-17 ያሳይ ኑ አዋይ ኑና ደሴስ። ኢ ኑስ ኬሃ፤ ኢ ሜሪና ሚንሌላኔ ሎጾ ኡፋይሳ ኑስ ኢሚስ። ሂንቲ ኡባ ዋዳ ሎጾባ አላናውኔ ኦይታናው ኢ

ሚንጤልና ማላኔ ማዳና ማላ ኑ ጎዳ ዬሱስ ኪሪስቶስን ያሳ ኑ ኣዋ ዋሶስ።

3

ኑስ ዋሶት

1 ወርሴላን ኑ ኣሻቶ፣ ጎዳ ቃላይ ሂንቲ ጊደን ኤሌሲዲ ዳልጋናዳኔ ቦንቹታናዳ ኑስ ዋሶት።

2 ሄሳዳካ፣ ኣሲ ኡባይ ቃላ ሲዲዲ ኣማኖና ጊሾ ያሳይ ጌላታፔኔ ኢታ ኣሳታፔ ኑና ኣሻና ማላ ኑስ ዋሶት።

3 ሺን ጎዳይ ኣማኔቲዳይሳ፤ ኢ ሂንቲና ሚንጤልና ናላሂፔ ናጋና።

4 ኑኒ ሂንቲና ኪቴይሳ ሃዲካ ሲንላፊካ ሂንቲ ኣላናይሳስ ጎዳን ኑኒ ኣማኔቶስ።

5 ጎዳይ ሂንቲ ዋዛና ያሳ ሲቁዋኮኔ ኪሪስቶሳ ዳንዳባኮ ካሌሶ።

ኣሶ ቢሎና ዴዲቲ

6 ኑ ኣሻቶ፣ ሂንቲ ኑፔ ኤኪዳ ኪታ ካሎናይሳታፔኔ ኣሶ ቢሊያ ኣዛላ ኣማኒያ ኣሳታፔ ሂንቲ ሻኬታናዳ ጎዳ ዬሱስ ኪሪስቶሳ ሱንላን ሂንቲና ኪቶስ።

7 ኑዳ ሃኒዲ ዳናው ቤሴይሳ ሂንቲ፣ ሂንቲ ሁዒን ኤሬታ። ኑኒ ሂንቲራ ዴዲያ ዋዴ ኣሶ ቢሊቦኮ።

8 ኑኒ ኦዴፊካ ካሊ ማላ ሚቦኮ። ኑስ ዳንዳዔቲዳ ማላ ቃማኔ ጋላስ ኦሊ ዳቡሪዲ ዴዲዳፔ ኣቲን ኦዴስካ ቶሆ ጊዲቦኮ።

9 ኑኒ ሄሳ ኦሊዳይ፣ ሂንቲው ለሚሶ ጊዳናሳፊ ኣቲን ሂንቲፊ ማዴ ኦይቻናው ኑስ ማቲ ቆዩና ጊዳና።

10 ኑ ሂንቲራ ዴዲያ ዋዴካ፣ «ኣላናው ኮዮና ኣሲ ኦኒካ ዋፖ» ያጊዲ ኪቲዳ።

11 ኑኒ ሄሳ ጊዳይ፣ ሂንቲ ጊደን ኢሲ ኢሲ ኣዛላቲ ዴዲይሳ ሲዲዳ ጊሾሳ። ሄ ኣሳቲ ጌልሶናባን ጌሊዲ ሃራታ ኣሶ ቢሊሶሶናፔ ኣቲን ኣይኮካ ኦሎኮና።

12 ኑኒ ሄሳ ማላ ኣሳቲ ማራ ዴዎ ዳናዳኔ ባንታና ኮሺያባ ኦሊዲ ዴማናዳ ጎዳ ዬሱስ ኪሪስቶሳ ሱንላን ኤንታ ኪቶሲኔ ዞርስ።

13 ሺን ኑ ኣሻቶ፣ ሎዎ ኣሶ ኣላናው ኣዛሎፊቲ።

14 ሃዲ ኑኒ ሃ ዳብዳቢያን ኪቲዳ ኪታስ ኪቲቶና ኣሲ ኦኒካ ዴዲኮ ሄ ኡራ ኤሪፔ። ኢ ዬላታና ማላ ኢያፔ ሻኬቲ፣።

15 ሺን ኢያ ኣሻዳ ሴሪፔፔ ኣቲን ዋርኬዳ ዪሎፊቲ።

ወርሴላ ሳርታ

16 ሳር ኣሚያ ጎዳይ፣ ባ ሁዒን ሂንቲው ኡባ ዋዴኔ ኡባ ባጋራ ሳር ኣሞ። ጎዳይ ሂንቲ ኡባራ ጊደ።

17 ታኒ ጳወሎሲ፣ ሃ ኪታ ታ ኩሽን ያፋስ። ታ ኪታ ኡባስ ማላይ ሃይሳ፤ ታኒ ሄሳዳ ያፋይስ።

18 ኑ ጎዳ ዬሱስ ኪሪስቶሳ ኣጼ ኬሃቴላይ ሂንቲ ኡባራ ጊደ።

ጳውሎስ ጊዎቲዮሳስ ፃፊዳ ኮይሮ ኪታ ጋላ ቆፋ

ጊዎቲዮሳ ጌቲቲያ፣ አማኒያ ናዓቲላይ፣ ጉላ ኢሲያን ዩሌቲስ (ሃ.አ 16:1-3)። ኢያ ኢያ ኣይሁዳ፤ ኢያ ኣቀይ ቃሲ ጌሪኬ ኣሲ። ኢ ጳውሎሳራ ኢሲፊ ኦሌይሳኔ ዋንጌላ ኦሶን ጳውሎሳ ማታን ማዲያ ኣሲ። ጳውሎስ ጊዎቲዮሳስ ፃፊዳ ኮይሮ ኪታይ ሄቩ ኣይፊ ቆፋታ ሚንላ ያለሰ።

ኡባሬ ኮይሮቲዲ ኪታይ፣ ዋሳ ኬላን ዳንዲዳ ዋርዶ ቲሚርቲያባ ሚንላዲ ኦዳሰ። ሃ አማላ ቲሚርቲይ ኣይሁዳ ቲሚርቲያፊ ባጋ፣ ቃሲ ኣይሁዳ ጊዶና ኣሳ ቲሚርቲያፊ ባጋ ኦይኪስ። ሄሲካ፣ «ሃ ቤንቲያ ኣላሜይ ናጋራን ኢቲዳ ጊሾ ኣሲ ኣቶቲላ ዳማናው ዲማ ጊዲዳ ፀራ ኤራናው፣ ኢሲ ኢሲ ካላታ ሞና ኣጋናውኔ ማቸ ኤኮና ዋይኮ ኣዚና ጌሎና ኣጋናው ኮሼስ» ያጊያ ቆፋ ባሶ ኦሌዲ ዳንዲሰ።

ናምዓንሉ ቆፋይ፣ ዋሳ ኬላ ኣይሶባኔ ጎይና ዋጋባ ታማርሲያ ቲሚርቲያ፣ ሄሳዳካ ዋሳ ኬላ ካሌይሳቲኔ ኤንታ ማይይሳቲ ኣይ ሜላ ማራ ዲሱ ዳናው ቤሲያኮ ኦዳሰ።

ወርሴላን፣ ጊዎቲዮሲ ዩሱስ ኪሪስቶስ ጳውሎስ ሎዎ ኣሲ ዋኒዲ ጊዳናው ቤሲያኮ፣ ቃሲ ዲማ ዲማ አማኒያ ኣሳ ማታን ኢያው ዳዒያ ኣቀቲላይ ኣይቤኮ፣ ጳውሎስ ኢያ ዞሪዳ ዞሪያ ዳዎስ።

1 ጊዎቲዮሳ ኪታ ኣይፊ ቆፋታ

ጌሎ ቆፋ 1:1-2

ዋሳ ኬላ ኣይሲያ ኣሳስ አሜቲዳ ኣይሶ ዋጋ 1:3-3:16

ጊዎቲዮሳስ አሜቲዳ ቲሚርቲያ 4:1-6:21

1 ኩና ኣሺያ ያሳኒኔ ኩ ኡፋይሳን ናጊያ ዩሱስ ኪሪስቶስን ኪቲቲዳ፣ ዩሱስ ኪሪስቶስ ሃዋሪ ጊዲዳ፣ ጳውሎሳ፣

2 አማኖን ታው ቱማ ናዓ ጊዲዳ ጊዎቲዮሳስ።

ያሳ ኩ ኣቀ፣ ኩ ጎዳ ኪሪስቶስ ኣጵ ኬሃቲላይ፣ ማርቲላይኔ ሳርቲላይ ኔው ጊዶ።

ዋርዶ ቲሚርቲያፊ ናጌቲላ

3 ታኒ ማቄዲያ ባሼ ኔና ሃዳሪዳይሳዳ፣ ኢሲ ኢሲ ኣሳቲ ዋርዶ ቲሚርቲያ ታማርሴይሳ ዲጋናው ኔ ኤፊሶናን ጋምዓና ሜላ ኮያይሰ።

4 ኤንቲ ጎዒ ባይና ሃይሴ ኦዳኔ ባንታ ኮቻ ታይቡዋ ኣጋናዳ ኦዳ። ሄሳ ሚላባይ ፓላማ ካሌሴሲ፣ ኣቲን አማኖን ኦሴቲያ ያሳ ኦሱዋስ ማዳና።

5 ሃ ኪታ ሁዔ ቆፋይ ጌሻ ዋዛና፣ ሎዎ ካሃፔኔ ቱማ አማኑዋፔ ቤንቲያ ሲቁዋ ዳንሌላናሳ።

6 ኢሲ ኢሲ ኣሳቲ ሃይሳ ኣጊዲ፣ ፓሉና ኦዳኮ ሲሚዶሶና።

7 ኤንቲ ያሳ ሂጊያ ኣሰታማሬ ጊዳናው ኮዮሶና። ሺን ኤንቲ ኣይ ኦዲያኮ ዋይኮ ቱማ ኦሌዲ ኦዳይሲ ኢ ኣይቤኮ ኤርኮና።

8 ኣሲ ቤሴይሳዳ ሂጊያን ጎዔቲኮ ሃጌይ ሎዎ ጊዳይሳ ኤርሰ።

9 ኢሲባ ኣኬካናው ኮሼስ። ሃጌይ ሎዎ ኣሳስ ሜዴቲቤና። ሺን ሃጌይ፣ ሃጌ ሚንላይሳታ፣ ዋራንቸታ፣ ያሴ ያዮናይሳታ፣ ሺምፖ ዋዴይሳታ፣ ናጋራንቸታ፣ ጌሻቲላ ባይናይሳታ፣ ቱናታ፣ ሃሪ ኣቶሺን ባንታ ኣዱው ዋይኮ ኣቀ ዋዴይሳታ።

10 ላሚይሳታ፣ ኣዳይ ኣዳራ ላይማቲይሳታ፣ ኣሴ ባይዜይሳታ፣ ዋርዳንቸታ፣ ዋርዳን ጫቄይሳታ፣ ዋይኮ ቱማ ቲሚርቲያራ ጋሄቶና ኣይ ኦሶ ኦሌይሳታ ሴራናው ኬዱስ።

11 ሄ ቲሚርቲይ ቦንቸኔ ኣንጃቲዳ ያሳይ ታኒ ኣቀጃና ሚላ ታው ሃዳራ አሚዳ ዋንጌላ ጊዶን ዳዒሰ።

ያሳ ማርቲላስ ጳውሎስ ጋላቲዳ ጋላታ

12 ታኒ ኦሌያ ኦሱዋን ታው ዋልቃ አሚዳ ኩ ጎዳ ኪሪስቶስ ዩሱሳ ጋላታይሰ። ታና ባ ኦሱዋስ ሹሚዲ ሄ ኦሱዋስ ቤሳሳ ጊዲ ታይቤዳ ጊሾ ኢያ ጋላታይሰ።

13 ታኒ ሃይሳፊ ካሴ ኢያ ጫዬይሳ፣ ኢያ ዩዳይሳኔ ሚቶይሳ ጊዲኮካ ታኒ ሄሳ ኤርናኔ አማኖና ኦሌዳ ጊሾ ያሳይ ታና ማሪስ።

14 ኩ ጎዳይ ባ ኣጵ ኬሃቲላ ታ ቦላ ጉሲዲ፣ ሄ ኣጵ ኬሃቲላራ አማኖኔ ሲቆ ኪሪስቶስ ዩሱሳ ባጋራ ታው አሚሰ።

15 «ኪሪስቶስ ዩሱሲ ናጋራንቸታ ኣሻናው ሃ ኣላሚያ ዩስ» ጊያ ቃላይ አማንሌይሳኔ ኣሳ ኡባይ ኤካናው ቤሴይሳ። ኡባሬ ኣጵዳ ናጋራንቸይ ታና።

16 ሺን ሜሪና ዳዑዋ ኤካናው ኢያ አማኒያ ኣሳስ ታኒ ለሚሶ ጊዳና ሜላ ዩሱስ ኪሪስቶሲ ዳሮ ዳንዳዒሰ። ታው ኡባሬ ኣጵዳ ናጋራንቸዋስ ያሳይ ባ ማርታ ዳርሲስ።

17 ኣይፊን ቤንቶናይሳስ፣ ኢሲ ያሳስ፣ ሃይቆናይሳስ፣ ሜሪና ካወዋስ፣ ሜሪናፔ ሜሪና ጋካናው ጋላታይኔ ቦንቸይ ጊዶ። አሚንዒ።

18 ጊዎቲዮሳ፣ ታ ናዓው፣ ካሴ ኔባ ናቤቲ ኦዲዳ ቃላ ቦላ ኤቃዳ ሃ ኪታ ሃዳራ ኔው አማይሰ። ኔ ሄ ቃላ ካሊኮ ሎዎ ኦላ ኦሌታና።

19 አማኖይኔ ሎዎ ካሂ ኔው ዳዎ። ኢሶቲ ኢሶቲ ካሃ ቆዩዲ ማርካቤይ ሆቤን ቆይይሳዳ ባንታ አማኑዋ ቆይሲዳሶና።

20 ሄሳ ሃኒዳይሳታ ጊዶን ሄሜኖሲኔ ኢስኪንዲሬይ ዳዎሶና። ኤንቲ ታማሪዲ ያሳ ጫዬይሳ ኣጋና ሜላ ታኒ ፃላሄስ ኤንታና ኣላ አማስ።

2

ዋሳባኔ ጎይናባ

1 ኡባሬ ሲንላታዳ፣ ኣሳ ኡባስ ያሳ ኣይቻናው፣ ዋሳናው፣ ጋናታናውኔ ጋላታናው ቤሴይሳ ታኒ ኔና ኣኬኪሳይሰ።

2 ኑረ ቱማ አያና ዳዖኒኔ ገሻቴላን ያሳ ጎይኒሽ ሳርቴላኒኔ ዋፑ ገዳ ዳዖን ዳና ማላ ካዎታሲኔ ሹማታ ኡባሰ ዋሲቴ።

3 ሄሳ ማላ ዋሳይ ኑና ኣሺያ ያሳ ሲንላን ሎዖኔ ኡፋይሲያባ።

4 ያሳይ ኣሲ ኡባይ ኣታናዳኔ ቱማ ኤራናዳ ኮዬሰ።

5 ኣሲ ያሲ ዳዔሰ። ያሳፌኔ ኣሳፔ ገደን ገዲዲ ሲገሌያ ኢሶይ ዳዔሰ፤ ኣካ ኣሴ ገዲዲ ኪሪሰቶስ ዩሱሳ።

6 ኢ ኣሳ ኡባ ዋዛናው ባና ኣሌ ኢሚሰ። ያሳይ ባ ዋዲያን ኣሳ ኡባ ዋዛናው ኮዬይሳ ቤሲያ ማርካይ ሃይሳ።

7 ያሳይ ታና ዋንጌላስ ኣስታማሬኔ ሃዋሬ ኣሊዲ ደሪዳይ ሄሳሳ። ታኒ ቱማ ኦዳይሰ፤ ዋርዶተኬ፤ ኣማኖኔ ቱማ ኣይሁዴ ገደና ኣሳሰ ማርካታና ማላ ያሳይ ታና ሹሚሰ።

8 ሄሳ ገሹ፡ ኡባ ቤሳን ዳዒያ ኣዳቲ፡ ባንታና ያሳሰ ዲማዩዲ፡ ሃንቆኔ ፓላማ ዲገዲ፡ ባንታ ኩሺያ ፑዴ ዳንሊዲ ያሳ ዋሳና ማላ ኮያይሰ።

9 ሄሳዳ ማጫሳይ ባንታና ሃሪዳይሳ ቆንጨሲያ፡ ቦንቾይኔ ማሪ ዳዒያ ማዑዋ ማዓናው ቤሴሰ። ኤንቲ ማሪ ባይና ሁዔ ዳላን፡ ዋርቃን ዋይኮ ኢንቆን፡ ዋይኮ ኣልዖ ኣፊላን ባንታና ኣሌቁሶ።

10 ሺን ያሳሰ ጎይናይሰ ገያ ማጫሳይ ባንታው ቤሴይሳዳ ሎዖባ ኦሎና።

11 ማጫሲ ኪቴቴላን ሲዒ ገዲ ታማር።

12 ታኒ ማጫሳይ ታማርሳና ማላ ዋይኮ ኣዴ ቦላ ኣዎታና ማላ ገደናሺን ሲዒ ገዲ ዳና ማላ ኮያይሰ።

13 ኣዳማይ ኮይር ማዴቲሰ፤ ጉዬፔ ሄዋና ማዴታሰ።

14 ቃሲ ጨማታዳ ያሳ ሃገያ ማንሊዳይ ማጫሲፔ ኣቲን ኣዳማ ገደና።

15 ሺን ማጫሲ ኣማኖን፡ ሲቆኒኔ ገሻቴላን ባንታና ሃሪዲ ዳዒኮ * ናይታ ዩሎን ኣታና።

3

ዋሳ ኬላ ጨማታ

1 ኣኒካ፡ «ዋሳ ኬላ ካሌሊያ ኣሲ ገደናው ኮይኮ ሎዖባ ኣዎቴሰ» ገያ ኦዳይ ቱማ።

2 ዋሳ ኬላ ካሌሊያ ኣሲ ቦሪቶናይሳ፡ ኣሲ ማቺ ፃላሊ ዳዔይሳ፡ ማራን ዳዔይሳ፡ ባና ሃሪይሳ፡ ቤሴይሳዳ ኦሌይሳ፡ ኢማሌ ሞኬይሳ፡ ታማርሳናው ዳንዳዔይሳ፡

3 ማሶቶናይሳ፡ ኦዩቶናይሳ፡ ፓላዋናይሳ፡ ሚሽ ሲቆናይሳ፡

4 ኢያ ናይቲ ኢያው ኪቴቴይሳኔ ቦንቾይሳ፡ ባ ኬላ ኣይሳናው ዳንዳዔይሳ ገደናው ቤሴሰ።

5 ኢሲ ኣሲ ባ ኬላ ኣይሳናው ዳንዳዖና ኢዲኮ፡ ያሳ ዋሳ ኬላ ዋቲ ኣይሳናው ዳንዳዒ።

6 ኦቶርን ሱጌቲዳ፡ ፃላሄይ ያሳ ፒርዳን ኩንዲዳይሳዳ ከንደና ማላ፡ ኦራሌ ኣማኒዳ ኣሲ ገደናው ቤሴና።

7 ቦሪኒኔ ፃላሄ ዲሄን ጌሎና ማላ ሄ ኡራይ ኣማኖና ኣሳ ማታን ናሹቴይሳ ገደናው ቤሴሰ።

ዋሳ ኬላ ዳቆኔታ

8 ሄሳዳ ቃሲ ዋሳ ኬላ ዳቆኔቲ ቦንቾቲዳይሳታ፡ ናዎዑ ደና ኦዳቶናይሳታ፡ ዳር ዋይኔ ኡሻ ኡዮናይሳታ፡ ሚሽ ያሪቶናይሳታ፡

9 ኣማኦዎ ፀራ ጌሻ ካሃን ናጌይሳታ ገደናው ቤሴሰ።

10 ኤንቲ ኮይርቲዲ ፓጩታናው ኮሹሰ፤ ኤንታ ቦላ ቦሪይ ባይና ኢዲኮ፡ ዋሳ ኬላ ዳቆኔ ገዲዲ ኦሎ።

11 ሄሳዳካ፡ ኤንታ ማጫሳቲ ቦንቾቲዳይሳታ፡ ዘገርናይሳታ፡ ማራን ዳዔይሳታ፡ ኡባባን ኣማኔቴይሳታ ገደናው ቤሴሰ።

12 ዋሳ ኬላ ዳቆኔቲ ኢሲ ማቺ ፃላሊ ዳዔይሳ ገደ። ባ ናይታኔ ባ ኬላ ሎይሌ ኣይሴይሳ ገደናው ቤሴሰ።

13 ዋሳ ኬላ ዳቆኔ ገዲዲ፡ ሎዖ ኦሶ ኦሌይሳቲ፡ ኤንታው ገታ ቦንቾ ቃሲ ኪሪሰቶስ ዩሱሳን ባንታው ዳዒያ ኣማኦዎባ ኦዳናው ዳር ሚኖቴሌ ዳማና።

ገታ ፀራ

14 ታኒ ሃ ኪታ ኔው ፃፋሹ፡ ኤሌሳዳ ኔኮ ባና ገዳ ኡፋይሲ ዋሳይሰ።

15 ሺን ታኒ ቦና ገምዒኮ፡ ያሳ ኬላን ኣሳይ ዋኒዲ ዳናው ቤሲያኮ ኤራና ማላ ሃይሳ ኔው ፃፋይሰ። ዳዖ ያሳ ኬላይ ቱማቴላስ ቱሲኔ ባሰ።

16 ኦ ኣማኦዎ ፀራይ ሲዴይ ባይና ገታ። ኪሪሰቶሲ ኣሾ ማዒዲ ቆንጨሰ፤

ኢያ ቱማቴላ ጌሻ ኣያናይ ማርካቲሰ። ኪታንቾታሰ ቤንቲሰ፤

ኢ ካዎቴላ ኡባሰ ሳባኬቲሰ። ኣላማን ዳዒያ ኣሳን ኣማኔቲሰ፤

ቦንቾን ሳሎ ኤኬቲሰ።

4

ዋርዶ ኣስታማሬታ

1 ያና ዋዲያን ባሌሊያ ኣያናታኔ ቱና ኣያናታ ቲሚርቲያ ካሊዲ፡ ኢሲ ኢሲ ኣሳይ ኣማኦዎ ካዳናይሳ ጌሻ ኣያናይ ቆንጨሲዲ ኦዲሰ።

2 ሄሳ ማላ ቲሚርቲይ ኤንታ ካሃይ ደጨን፡ ኣሳ ባሌሊያ ዋርዳንቾ ኣስታማሬታፔ ዩሰ።

3 ሄሳ ማላ ኣሳቲ ኤኮኔ ጌሎ ቃሲ ኢሲ ኢሲ ካላታ ሞና ማላ ዳጎሶና። ሺን ኣማኔይሳቲኔ ቱማ ኤሪይሳቲ ያሳ ጋላቲ ዋሲዲ ማና ማላ ያሳይ ካላ ማዴሰ።

4 ያሳይ ማዴዳ ኡባባይ ሎዖ። ያሳ ጋላቲዲ ማኮ ዋራ ዋዴያባይ ኣይሲካ ባዎ።

5 ኡባባይ ያሳ ቃላኒኔ ዋሳን ጌሺ ገደሰ።

ኪሪሰቶሳስ ኣማኔቲዳ ኣይሌ ገደ

6 ሄሳ ገሹ፡ ኔኒ ሃ ቲሚርቲያ ኣማኔይሳታ ታማርሲኮ፡ ኦ ኣማኦዎኒኔ ሎዖ ቲሚርቲያ ኪቴታዳ ዲጨዳ ኪሪሰቶስ ዩሱሳ ሎዖ ኣይሌ ገደና።

2:7 2ዓመ 1:11 2:9 1ዳዓ 3:3 2:13 ማዴ 2:7፣ 21-22 2:14 ማዴ 3:1-6 * 2:15 ባንታና ሃሪዲ ዳዒኮ፡ ዋይኮ ኢያ ዩሌዳ ናይቲ ኣማኖን፡ ሲቆኒኔ ገሻቴላን ባንታና ሃሪዲ ዳዒኮ። 3:2 ቲቶ 1:6-9

7 ሺን ጎረቤቱ ባይና ቱማ ጊደና ኦዲፔ ከጠማ ማጫሳ ሃይሲያፔ ባቃታ። ቱማ አያና ዳዖን ዳናው ኔና ሎሂሳ።

8 አሲ ባ አሳቲሳ ሚንገሳናው አሊያ ኦሪይ ጉሊ ማዳሰ። ሺን ቱማ አያና ዳዖን ባና ሎሂሳይ ሃሲካ ሚሪናውካ ዳዖ አሚያ ኡፋይሲ ዳዲያ ጊሾ ኡባሰ ማዳሰ።

9 ሃ ቃላይ አሳ ኡባይ ኤካናው ቤሲያ ቱማ አዳ።

10 ኩኒ አሳ ኡባ፣ ኡባሬ አሊዲ አማኔይሳታ አሺያ ዳዖ ያሳሬ ኤካና ጊዲ ኡፋይሳን ናጊያ ጊሾ፣ ሃሳሰ ኩኒ ኦሪን ዳቡሮሲኔ ባጭቶሰ።

11 ሃይሳ ከታኔ ታማርሳ።

12 ኔኒ ያላጋ ጊዲያ ጊሾ ኔና ኦኒካ ካጶ። ሺን አማኔይሳታሰ ኔኒ ኦዲን፣ ኦሪን፣ ሲቆን፣ አማኖኒኔ ጊሻቲሳን ለሚሶ ጊዳ።

13 ታኒ ያና ጋካናው አሳሰ ጊሻ ማፃፋ ናባቦን፣ ሳባኮኒኔ ታማርሳን ሚና።

14 ቲንቤቲይ ኦዲቲን፣ ጨማቲ ባንታ ኩሺያ ኔ ቦላ ዋሊዳ ዋዴ ኔኒ ኤኪዳ፣ ኔናን ዳዲያ ጊሻ አያና አምታ ካጶ።

15 ኔ ዲቻይ አሳ ኡባሰ ቆንጫና ማላ ሃሳ ሚንገሳ ቆፓ፣ ሃይሳ ኡባ ዋዴ አላ።

16 ኔ ሁዲያሲኔ ኔ ቲሚርቲያሰ ናጌታ። ኔኒ ሃሳ ኡባ ዋዴ አሊኮ ኔናኔ ኔና ሲዔይሳታ አሻሳ።

5

አምዔታባ

1 ጨማ አዳታ ኔ አዋዳ ቦንቻሬ አቲን ሃንቁቶፋ። ያላጋ አዳታ ኔ አሻዳ አላዳ ያላ።

2 ጨማ ማጫሳታ ኔ አዪዳ፣ ያላጋ ማጫሳታ ኔ ሚቺዳ፣ ፖሎ ጊሻቲሳን ኦይካ።

3 አዚኒ ሃይቁዳ ቱማ አምዔታ ቦንቻ።

4 ሺን አምዔሰ ናይቲ ዋይኮ ናይታ ናይቲ ዳዲኮ፣ ሄ ናይቲ ቱማ አያና ዳዖን ዳዲይሳ ቤሳናው ባንታና ዩሊዳይሳታኔ፣ ባንታ ዋጋ አዪዳኔ ዋጋ አዋ ማዲዲ ኩሼ ዛር ታማር። ሃሲ ያሳ ኡፋይሲያባ።

5 ባርካ ዳዲያ ቱማ አምዔያ ያሳሬ ማዴ ዳማናው ኡፋይሳን ናጋሱ። ጋላሲኔ ቃማ ያሳይ ባና ማዳና ማላ ዋሳውሱኔ ኦይቻውሱ።

6 ሺን ሃ አላሚያን ሎዖ ዲሳ ያላላ ኮያ አምዔያ ፓፃ ዳዳሼ ሃይቁዳር።

7 ኦኒካ ኤንታ ቦርና ማላ ሃ ከታ ኤንታው አማ።

8 ሺን ባ ዳቦታሰ፣ ኡባሬ አሊዲ ባ ሶ አሳሰ ቆፖና ኦኒካ ባ አማኑዋ ካዲዳይሳ፣ አማኖና አሳፔካ አጲዳ አታ።

9 ላይሊ ኡሱፑን ታሙ ኩሚቦና አምዔ ሱንገሳ ማዘጋባን ፃፎ። ቃሲ ሃሳ ቦላ አያ ባ አዚናሰ አማኔቲዳር ጊዳናው ኩሼሰ።

10 ናይታ ዲሾን፣ አማሌ ሞኮን፣ ጊሻታ ቶሁዋ ሚቻን፣ ሚቶቲያ አሳ ማዴን፣ ሎዖ ኦሪ ኡባሰ ባና አላ አሚዳርኔ ሎዖ ኦሪን ኤሬቲዳር ጊዳናው ቤሲሰ።

11 ሺን ያላጋ አምዔታ ሱንገሳ ማዘጋባን ፃፎ። ኤንታና አዚና ጌሎ ጌሎ ጊያ አሾ አምይ ኦይኪያ ዋዴ ኪሪሰቶሳ አጋና።

12 ኤንቲ ኮይሮ ጌሊዳ ቃላ ሚንሊዳ ጊሾ ፐርዴታና።

13 ሃሳ ቦላ ኤንቲ ኦሪ ቆዪዲ ኬላሬ ኬሌ ዩያና። ዩሻ ያላላ ጊዳናሺን ዘጊርሳኒኔ ባንታና ጋሳናባን ጌሊዲ ቤሰናባ ኦዴቶሶና።

14 ሃሳ ጊሾ፣ ኦ ሞርኬቲ ኦ ቦላ ኦዴቲያ አታባ ዳሞና ማላ ያላጋ አምዔቲ አዚና ጌሊዲ፣ ናዓ ዩሊዲ፣ ባንታ ኬላ አይሳና ማላ ዘራይሰ።

15 ሃይሳሬ ካሴ ጉላ አምዔቲ ያላሄ ካላናው ጉዬ ሰሚዳሶና።

16 አሲ አማኒያ ማጫሴሰ ሶ አሳ ጊደን አምዔቲ ዳዲኮ አያ ኤንታ ማዳናው ቤሲሰ። ሃሳዳ አሊኮ፣ ዋሳ ኬላሰ ቶሆይ ካወዬሰ። ሄ ዋዴ ዋሳ ኬላይ ማዴ ቤሲያ ቱማ አምዔታ ማዳናው ዳንዳዔሰ።

17 ዋሳ ኬሊ ሎይሊ ሃሚያ ጨማቲ፣ ኡባሬ አሊዲ፣ ቃላ ሳባኮኒኔ ታማርሳን ዳቡሬይሳቲ ዳኮ ቦንቻ ኤካናው ቤሲሰ።

18 ጊሻ ማፃፋይ፣ «ዉዲማን ካላ ዩጲያ ቦራ ደና ቃቾፋ» ሃሳዳካ፣ «ኦሳንቻይ ባ ዳሞዚያ ኤካናው ቤሲሰ» ያጌሰ።

19 ናምዑ ዋይኮ ሂቹ ማርኪ ባይና፣ ዋሳ ኬላ ጨማ ሞቲያባ ሲያፓ።

20 ሃራቲ ያያና ማላ ናጋራ አሊያ ኦናካ አሳ ኡባ ሲንገሳን ሃንቁታ።

21 ኔኒ አሳ ሶምዖ ቤዖና፣ ኢሱዋ ኢሱዋሬ ዲማኖና ሃ ከታ ናጋና ማላ ያሳ፣ ጎዳ ዩሱሰ ኪሪሰቶሳኔ ደሬቲዳ ከታንቻታ ሲንገሳን ታ ኔና ዘራይሰ።

22 ኦዴ ቦላካ ኔ ኩሺያ ዋላዳ ሹማናው ኤሌሶፓ። ሃራታ ናጋራን ጌሎፓ፣ ኔና ጊሻቲሳን ናጋ።

23 ኔኒ ኡባ ዋዴ ሃርጌቲያ ጊሾኔ ኔ ኡሎ ሃርጊያ ጊሾ ሃላ ያላላ ኡዮፓ፣ ጉላ ዋይኔ ኡያ።

24 አሲ አሲ አሳታ ናጋራይ ቆንጫ፣ ኤንታ ናጋራይ ኤንታ ፐርዳናው ኤንታሬ ሲንሌ አጲሰ፣ ሺን ሃራታ ናጋራይ ጉዬፔ ጋምዲ ቆንጫሰ።

25 ሃሳዳ፣ ሎዖ ኦሪካ ቆንጫ፣ ቆንጫና ኢጻኮካ ጌማናው ዳንዳዔሰ።

6

አይሌታሰ አሚቲዳ ዘሪ

1 ያሳ ሱንገላይኔ ኦ ቲሚርቲይ ጫዬቶና ማላ አይሌቲሳን ዳዲይሳቲ ባንታና ሃሪያ ጎዳታ ቦንቻ።

2 አማኒያ ጎዳቲ ዳዲያ አይሌቲ፣ ኤንታ ጎዳቲ ኤንታው አሻ ጊዲያ ጊሾ ኤንታ ካጶ። ኤንታ ኦሪዋን ማዴቲያ ጎዳቲ፣ አማኔይሳታኔ ደሴቲዳይሳታ ጊዲያ ጊሾ ኤንቲ ካሴይሳሬ አሊዲ ኦላናው ቤሲሰ።

ዋርዶ ቲሚርቲያን ቱማ ዲሬቲሳ

ኔኒ ሃይሳ ታማርሳናውኔ ኤንቲ ኦላና ማላ ዘራናው ቤሲሰ።

3 ኦሪካ ደማ ተሚርቲያ ታማርሲያባ ገዲኮ፡ ኑ ጎዳ ዩሱስ ኪሪስቶስ ቱማ ቃላራኔ ኑ አማኑዋ ተሚርቲያራ ጋሄቲና።

4 ሄ ኡራይ አቶርን ሱጌቲሲፔ አቲን አይኮካ ኤሪና። ኤንታው ኢሲ ቆፋ ቦላ ፓላማናውኔ አይታናው ኢታ አሞይ ዴዔስ። ሄሲ ቃናቲ፣ ኦሺ፣ ጫሼ፣ ኢታ ሲዴኔ፣

5 ገሳና ፓላማ ካሌጼስ። ቃሲ ኤንታው ኢታ ዋዛኒ ዴዔስ፤ ቱማካ ባሊደሶና፤ ኤንቲ ያሳ አማኖይ ዴሪቴላስ ኦጌ ገዲ ቆፖሶና።

6 ሺን ታው ዴዔያባይ ገዳና ገያ አሳስ ቱማ አያና ዴያይ ገታ ዋዴ።

7 ኦኒ ሃ አላሚያ አይኮካ ኤሂቦኮ፤ ቃሲ ኢያፔ አይኮካ ኤኪዲ ቦኮ።

8 ኦስ ካሌኔ ማያይ ዴዒኮ ሄሲ ገዳና።

9 ሺን ዴሪቴላ ኮዬይሳቲ ፓጩኒኔ ዓሄን ጌሎሶና። ቃሲ ኤንታና ዴጌ ዳፊያኔ ዳይሲያ ኤያቴላኔ ቆሂያ አሞን ኩንደሶና።

10 ሚሼ ሲቆይ ኢታቴላ ኡባስ ፑልቶ። ኢሶቲ ኢሶቲ ሚሼ አሞቲሼ አማኖፔ ባሌቲዲ ዳር ሜቶን ባንታና ዩጊደሶና።

ዲሞቲዮስ አሜቲዳ ዞሬኔ ኪታ

11 ሺን ኔና፣ ያሳ አሶ፣ ሄሳፌ ባቃታ። ዒሎቴላ፣ ያሳ ዳና፣ አማኖ፣ ሲቆ፣ ዳንዳዒኔ አሽኬቴላ ካላ።

12 አማኖ ባዒያ ሎይላ ባዒታ። ዳር አሳ ሲንላን ኔ ማርካቲዳ ኔ አማኑዋባ፣ ያሳይ ኔና ኢያው ዪጊዳ ሜሪና ዴቡዋ ኦይካ።

13 ኡባስ ዴያ አሚያ ያሳ ሲንላኒኔ፣ ዴንዒ ዲላያሳ ሲንላን ሎፖ ማርካ ማርካቲዳ ኪሪስቶስ ዩሱስ ሲንላን ታ ኔና ኪታይስ።

14 ኑ ጎዳ ዩሱስ ኪሪስቶስ ቆንጫና ጋካናው ሃ ኪታ ባሊኔ ቦሬይ ባይና ናጋ።

15 ባ ዓላላ ኡባ ሃሪያ ቦንቾ ያሳይ፣ ካዋታ ካዋይ፣ ጎዳታ ጎዳይ፣ ባ ቆፒዳ ቃማን ዩሱስ ኪሪስቶስ ዛሪ ኪታና።

16 ኢሲ ኢያ ዓላላ ሃይቄና። ኦኒካ ሺቃናው ዳንዳያና ፖፖን ዴዔስ። ኦኒካ ኢያ ቤዒቤና፤ ቃሲ ቤዒናውካ ዳንዳዒና። ቦንቾይኔ ሜሪና ዋልቃይ ኢያው ገደ። አሚንዒ።

17 ሃ አላሚያ ዴሪቲ ጮ ዳያ ሻሎን ኦቶርቶና ሜላኔ ጩቆና ሜላ ኦዳ። ኦስ ኮሺያባ ፓላሂሲዲ አሚያ ኦና አንጂያ፣ ዴሪ ያሳን አማኔታና ሜላ ኤንታ ኪታ።

18 ኤንቲ ሎፖ ኦሶ አላናዳ ሎፖ ኦሶን ዴሪታናዳ፣ ኬሃታኔ ሃራታስ ሻኬይሳታ ገዳና ሜላ ኪታ።

19 ሄሲ ኤንታው ሲንላስ ሚኖ ባሶ ገዲያ ገሾ ሃ ዋዴ ኤንቲ ቱማ ዴያይ አይ ዳኒያኮ ኤራና።

20 ዲሞቲዮስ፣ ኢሲ ኢሲ አሳይ፣ «ኤራቴላ» ገያ ኤያ ፓላማፔኔ ሃዳ ኦዳፔ ባቃታ፤ ኔው አሜቲዳ ሃዳራ ናጋ።

21 ኢሶቲ ኢሶቲ ኦስ ኤራቴላ ዴዔስ ያጊሼ አማኑዋ አጊደሶና።

ያሳ አዶ ኬሃቴላይ ሂንቲ ኡባራ ገደ።

ጳውሎስ ጊዎተዮሳስ ፃፊዳ ናምዓንሉ ኪታ ጋላ ቆፋ

ጳውሎስ ጊዎተዮሳስ ፃፊዳ ናምዓንሉ ኪታይ፡ ጳውሎሳራ ኢሲፌ ኦፊይሳኔ ጳውሎሳ ማታን ማዲያ ናዓቴላ ጊዎተዮሳ ዘሪዳ ዘሪያ ኦይኪስ። ሄ ዘሪያ ኦይፌ ቆፋይ፡ «ጌንጫን ሚናናው ቤሴስ» ጌይሳ። ጊዎተዮሲ ዘሬኔ ሚንጮሶ ቃላ ኤኪዳይ፡ ዩሱስ ኪሪስቶሳባ ቱማ ማርካታና ሜላ ዋንጌላ ቃላኔ ጋልዓ ጫቆ ተሚርቲያ ሚንጮዲ ኦይካና ሜላኔ ሜቶይኔ ኢፆይ ዳሪኮካ ታማርሶኒኔ ዋንጌላ ሳባኮን ሚናና ሜላሳ።

ጊዎተዮሲ ዛዳ ኤያቴላ ፓላማፔ ሃካና ሜላ ዲማ ሚና ዘሬይ ኢያው ኢሜቲስ። ሄሳ ሜላ ኦዳይ ኣሳ ቆይሴሲፔ ኣቲን ኣይኮካ ማዳና።

ሄ ኡባን ጊዎተዮሲ ኣክካናው ቤሲያባይ፡ ጳውሎሳ ሃናታኔ ኢያ ዲሳ ቆፋ ሄሲካ፡ ኢያ ኣማኑዋ፡ ኢያ ጌንጫ፡ ኢያ ሰቁዋ፡ ኢያ ዲንዳዓኔ ኢያ ጋኪዳ ሜቱዋ ለሚሶ ኦሊዲ ካላናይሳ። ጳውሎስ ሃ ኪታ ፃፊዳይ፡ ኢ ባ ዋላ ኦንጊዲ ሃይቆስ ጊጌቲዳ ዋደና።

2 ጊዎተዮሳ ኪታ ኣይፌ ቆፋታ
ጌሎ ቆፋ 1:1-2
ጊዎተዮሳስ ኢሜቲዳ ዘሪያ 1:3-2:13
ወርሴላ ዋዲያባ 2:14-4:5
ጳውሎስ ሃኒዲ ዴዲያ ዲሳ 4:6-18
ኩሻ ቆፋ 4:19-22

1 ያሳ ሸኔን፡ ዩሱስ ኪሪስቶሳን ቤንቲዳ ዴዎ ኡፋይሳ ማርካታናው ዩሱስ ኪሪስቶሳ ሃዋሬ ጊዲዳ ጳውሎሳፔ።

2 ታ ደሲያ ናዓ ጊዎተዮሳስ ኪቲቲዳ ኪታ። ያሳ ኣዋፔኔ ኦ ጎዳ ኪሪስቶስ ዩሱሳፔ ኣቶ ኬሃቴላይ፡ ማርቲላይኔ ሳርቲላይ ኔው ጊድ።

ጊዎተዮሳስ ኢሜቲዳ ዘሪያ

3 ታኒ፡ ታ ዋሳን ቃማኔ ጋላስ ኔና ቆፓይስ። ታኒ ዋሲያ ዋዴ ታ ማይዛታ ያሳኔ ታኒ ሎዎ ካሃን ሃጋዚያ ያሳ ኔ ጊሾ ጋላታይስ።

4 ታኒ ኔ ኣፋላ ቆፓይስ፤ ኔና ቤዓዳ ኡፋይታናው ዳር ላሞታይስ።

5 ቃሲ ኔው ዴዲያ ቱማ ኣማኑዋ ኤራይስ። ሄ ኣማኖይ ቤኒ ኔ ዋጋ ኣዬ ሎይዲኒኔ ኔ ኣዬ ኤወኒቁን ዴዲያ ኣማኑዋ ሜላ።

6 ሄሳ ጊሾ፡ ታኒ ታ ኩሺያ ኔ ቦላ ዋሊዳ ዋዴ ያሳይ ኔው ኢሚዳ ኢሞታ ኔኒ ዛራ ኤላና ሜላ ኣኬኪሳይስ።

7 ኣይስ ጊኮ፡ ያሳይ ኦስ ዋልቃ፡ ሲቆኔ ኦ ሁዔ ሃሪያ ኣያና ኢሚሰፔ ኣቲን ያሻ ኣያና ኢሚቤና።

8 ሄዛ፡ ኦ ጎዳስ ማርካታናው ዩሳቶፓ፤ ቃሲ ኢያ ጊሾ ቃሹቲዳ ታናንካ ዩላቶፓ። ሺን ያሳይ ኔው ኢሚያ ዋልቃን ዋንጌላ ጊሾ ታራ ሜቶ ኤካ።

9 ያሳይ ባ ሸኔኒኔ ባ ኣቶ ኬሃቴላን ኦና ኣሺዲ፡ ባ ጌሻ ዴሬ ኦላናው ኦና ደሪሰፔ ኣቲን ኦኒ ኦሊዳ ኦሱዋ ጊሾ ጊዳና። ሃ ኣቶ ኬሃቴላ

ኪሪስቶስ ዩሱሳ ባጋራ ኣላሜይ ሜዴታናፔ ሲንጮ ኦስ ኢሚስ።

10 ሃዒ ሃ ኣቶ ኬሃቴላይ ኦና ኣሺያ ኪሪስቶስ ዩሱሳ ዩሳን ቆንጨስ። ኢ ሃይቆ ዋልቃ ቆይሴዲ፡ ዋንጌላ ባጋራ ቆንጨና ዴዎ ኦስ ቆንጨሲስ።

11 ታኒ ዋንጌላ ሳባኬ፡ ሃዋሬኔ ኣሰታማሬ ጊዳና ሜላ ያሳይ ታና ደሪስ።

12 ታኒ ሄሳ ጊሾ ሃ ሜቱዋ ኤካይስ፤ ሺን ታ ኣማኔይ ኦኔኮ ኤሪያ ጊሾ ዩላቲኬ። ታው ኢሜቲዳ ሃዳራ ሄ ጋላሳይ ጋካናው ኢ ናጋናው ዲንዳዒይሳ ኤራይስ።

13 ታኒ ኔና ታማርሲዳ ቱማ ቃላ ለሚሶ ኦላ ኦይካዳ ኪሪስቶስ ዩሱሳ ባጋራ ኦባ ጊዲዳ ኣማኑዋኒኔ ሲቁዋን ዴዳ።

14 ኦ ጊዳን ዴዲያ ጌሻ ኣያና ዋልቃን ኔው ኢሜቲዳ ሎዎ ሃዳራ ናጋ።

15 ኢሲያ ቢታን ዴዲያ ኡባይ ታፔ ሃኪዳይሳ ኤራሳ፤ ኤንታ ጊዳን ፊጌሉሲኔ ሄርሞጌሲ ዴዎሶና።

16 ኣኔሰፎሪ ታና ዳር ዋዴ ሚንጮዲ ጊሾ ጎዳይ ኢያ ሶ ኣሳስ ቃቆቶ። ታኒ ቃሾ ኬላን ዴዲያ ዋዴ ኢ ታናን ዩላቲቤና።

17 ሄሳ ቦላ ኢ ሮሜ ካታማ ዩዳ ዋዴ ታና ሚንጮ ኮዩዲ ዴሚስ።

18 ወርሴላ ጋላሳን ጎዳይ ኢያው ቃቆታና ሜላ ታኒ ጎዳ ዋሳይስ። ኤፌሶና ካታማን ኢ ታና ኣይ ሜላ ማዲዳኮ ኔ ሎይላ ኤራሳ።

2

ዩሱስ ኪሪስቶሳን ሚና

1 ሄዛ፡ ታ ናዓው፡ ኪሪስቶስ ዩሱሳን ዴዲያ ማርቲላን ሚና።

2 ዳር ማርካታ ሲንጻን ታኒ ኔና ታማርሲዳ ቲሚርቲያ፡ ሃራታ ታማርሳናው ዲንዳዒያ ኣማኔቲዳ ኣሳስ ሃዳራ ኢማ።

3 ዩሱስ ኪሪስቶሳስ ኣማንጺያ ዋታዳሬ ጊዳዳ ታራ ሜቶ ኤካ።

4 ኦላ ዋታዳሬይ ባ ሃላቃ ኡፋይሳናው ጊጌቲሲፔ ኣቲን ሃራ ኦሶን ባና ፔሸና።

5 ሄሳዳካ፡ ጋዴ ዋዲያ ኦኒካ ቤሲያ ኦኔራ ጋዴቶና ኢዳኮ ዋይቶ ኤኬና።

6 ጎሻን ዳቡሪያ ጎሻንቾይ ባ ዳቡራ ኣይፊያፔ ሚያ ኮይር ኣሲ ጊዳናው ቤሴስ።

7 ኔ ኣክካና ሜላ ጎዳይ ኔና ማዳና ጊሾ ታ ኔው ኦዲዳባ ኔ ዋዛናን ናጋ።

8 ታኒ ማርካቲያ ዋንጌላ ሜላ ሃይቆፔ ዴንዲዳ፡ ዳዊቲ ዜሬላ ጊዲዳ ዩሱስ ኪሪስቶሳ ቆፓ።

9 ታኒ ዋንጌላ ኦዲያ ጊሾ ኢታባ ኦሊዳ ኣሳዳ፡ ቃሹታዳ ሜቶ ኤካስ። ሺን ያሳ ቃላይ ቃሹቲና።

10 ሄሳ ጊሾ፡ ያሳይ ደሪዳ ኣሳቲ ኪሪስቶስ ዩሱሳን ዴዲያ ኣቶቴላ ሜሪና ቦንቹዋራ ኤካና ሜላ ኤንታ ጊሾ ኡባባን ዋይታይስ።

11 ሃይሳዳ ያጊያ ቱማ ቃሊ ዴዳሰ፤

«ኦኒ ኢያራ ሃይቁዳባ ጊዲኮ፡

ኢያራ ኢሲፌ ዴዳና።

12 ኦኒ ጌንጨኮ፡

ኢያራ ኢሲፌ ካዎታና።
 ኑኒ ኢያ ካዲኮ።
 ኢ ኑና ካዳና።
 13 ኑኒ አማኔቶና ኢዳኮ።
 ኢ አማኔቲዳይሳ ገዲዲ ዳና።
 አይሰ ገኮ። ኢ ባና
 ካዳናው ዳንዳዔና» ያጌሰ።

ሚና ኦሳንቾ

14 ኑኒ ኤንታ ሃይሳ አኮኪሳ፤ ኤንቲ ቃላታ ጋሶን ፓላሞና ማላ። ጎዳ ሲንላን ኤንታ ዘራ። ሄሲ ሲዔይሳታ ቆይሴሲ፤ ኣቲን አይኮካ ማዴና።
 15 ኑኒ ቱማ ቃላ ሱሬቴላን ታማርሴይሳኔ ዩላዮና ኦሳንቾ ገዲዳ። ያሳይ ናሺያ አሳዳ። ኔናቴላ ኢያው አማናው ሚና።
 16 ሺን ሃ አላሚያሰ ኢንጃቲያ ጎዮና ኦዳ፤ ባቃታ። ሄሳ ማላ ኦዳይ አሴ ያሳፌ ሃሴሰ።
 17 ሄሳ ማላ ኦዳይ አሳቴላ ሚዲጊያ ፓዮና ዋይዘዘሬ ማዲንላ ማላ። ሄሳ ማላ ኦዳ ኦዳቴይሳታ ገደፌ ሄሚኖሴኔ ፊሊዮሲ ዳዎሶና።
 18 ሃ አሳቲ ቱማ ኦጊያ ኦጊዲ። «ሃይቁዳ አሳይ ሃይቆ፤ ቤኒ ዳንዲዶሶና» ያጌዲ ጉላ አሳታ አማኑዋ ቆይሴዶሶና።

19 ገደሺን። ያሳይ ሚና ዘላ ሃዲዳ ገሾ ቃዋናው ዳንዳዔና። ኢያ ቦላ። «ጎዳይ ባይሳታ ኤሪሰ። ጎዳ ሱንላ ያጊያ ኦኒካ ኢታ ኦሶ፤ ሃኮ» ያጊያ ቃላይ ያፌቲሰ።

20 ኢሲ ገታ ኮላን ዋርቃፌ ዋይኮ ቢራ፤ ኦሴቲዳ ሚሼታ ያላላ ገደናሺን ሚላፌ ዋይኮ ኡርቃፌ ኦሴቲዳ ሚሼቲካ ዳዎሶና። ሄሳታ፤ ባጋቲ ቦንቾ ኦሶሰ። ቃሲ ባጋቲ ቶሼቲያ ኦሶሰ ፔዎሶና።

21 ሄሳ ገሾ። ኦኒካ ኢታ ኡባ ኦጊኮኔ ባና ገሺኮ። ቦንቾ ኦሶ ኦሴያ ሚሼ ገደና። ኤንታ ዳዎይ ገሺኔ ጎዳ ኡፋይሲያባ። ቃሲ ኤንቲ ሎዎ ኦሶ ኡባ ኦሳናው ዳንዳዔይሳታ ገደና።

22 ናዓቴላ ኢታ አሙዋ፤ ባቃታ። ገሻ ዋዛናን ጎዳ ያጊያ አሳታራ ኢሲፌ። ያሎቴላ። አማኑዋ። ሲቆኔ ሳርቴላ ካላ።

23 ሺን ኦሺ ማዴይሳ ኡራዳ ኤያቴላኔ ሃዳ ገዲዳ ፓላማ፤ ሃካ።

24 ጎዳ ኦሳንቾይ አሳ ኡባሰ ኮሃ። ሎዎ ታማርሴይሳኔ ዳንዳዔንቾ ገደናው ቤሴሲ፤ ኣቲን ኦይታናው ቤሴና።

25 ኢ ባራ ኤቁቴይሳታ አሽኬቴላን ሴሬይሳ ገደናው ቤሴሰ። ኤንቲ ባንታ ናጋራ፤ ሲሚዲ ቱማ ኡራናዳ ያሳይ ኦሳኔኮ ኦኒ ኡራ።

26 ኤንቲ ባንታ ዋዛናኮ ሲሚዲ ባ ሺኒያ ኦሳና ማላ ኤንታ ኦይኪዳ ያላሄ ያሄያ፤ ኬሲ ኤካና።

3

ወርሴላ ጋላሳ ማላታታ

1 ወርሴላ ጋላሳን ኡንዔሊያ ዋዴይ ያናይሳ ኡራ።
 2 አሳይ ባንታና ዶሴይሳታ። ሚሼ ሲቁይሳታ። ጨቁቴይሳታ። ኡቶሬይሳታ። ጫዬይሳታ። ባንታና ዩሊዳይሳታሰ ከቴቶናይሰታ። ጋላቶናይሰታ። ገሻቴላ ባይናይሳታ።

3 ሲቆይ ባይናይሳታ። ማርቴላ ኤርናይሳታ። ዘገሬይሳታ። ባንታና ሃርናይሳታ። ቃዴይ ባይናይሳታ። ሎዎ ዶሶናይሳታ።

4 ሞርኬሰ አላ ኤሚይሳታ። ቆፊ ባይናይሳታ። ኦቶሮን ሱፔቴይሳታ። ያሳፌ አላዲ አሾ ኡፋይሳናው ዶሴይሳታ ገደና።

5 ኤንቲ አማኒያ ዳናሶና፤ ኣቲን አማና ዋልቃ ካዶሶና፤ ኑኒ ሄሳ ማላ አሳታ፤ ባቃታ።

6 ኤንታፌ ኢሶቲ ኢሶቲ አሳ ኮላ ገሊዲ ናጋራን ኦይኬቴይሳታኔ ዳማ ዳማ አሞን ሱፔቲያ ዳቡራንቾ ማጫሳታ ቦላ ጎዳቶሶና።

7 ሄ ማጫሳቲ ኡባ ዋዴ ታማርሶና። ሺን ቱማ ኡራናው ዳንዳዎኮና።

8 ያኔሲኔ ያምባሬሲ ሙሴራ ኤቁቴይሳዳ ሃ አሳቲ ጉፔይ ኦሳናይሳታኔ አማናን ኩንዲዳ አሳታ ገዲያ ገሾ ቱማራ ኤቁቶሶና።

9 ሺን ያኔሳኔ ያምባሬሳ ኤያቴላይ ቆንጨዳይሳዳ ኤንታ ኤያቴላይካ አሳ ኡባ ሲንላን ቆንጨና ገሾ ኤንታው ሃኔና።

ወርሴላ ዘሬ

10 ሺን ኑኒ ታ ቲሚርቲያ። ታ ዳሳ። ታ ቆፋ። ታ አማኑዋ። ታ ዳንዳዔ። ታ ሲቁዋ። ታ ገንጫ።

11 ታ ዩዴቴላኔ ታ ሜቱዋ ኡራሳ። ኣንዎኪያን። ኢቆኒዮን። ሊሰዲራ ካታማታን ታና ጋኪዳባኔ ታኒ ዳንዳዔዳ ሜቱዋ ኡራሳ፤ ጎዳይ ታና ሄ ኡባፌ አሺሰ።

12 ኪሪሰቶሰ ዩሱሳን ያሳ ኡፋይሲያ ዳዎ ዳናው ኮያ ኡባይ ጎዳታና።

13 ኢታ አሳቲኔ ባሌይሳቲ ባንታው ባሌቲሼኔ ሃራታ ባሌሊሼ ካሴ፤ ኣቲ ኣቲ ባና።

14 ሺን ኔ ታማሪዳ ቱማኒኔ ኔ አማኒዳ አማኑዋን ኤቃ። ኔ ኦዴፌ ታማሪዳኮ ኡራሳ።

15 ኑኒ ኔ ናዓቴላፌ ደማዳ ኪሪሰቶሰ ዩሱሳ አማናዳ አቶቴላ ዳሚያ ጨንጫቴላ አማናው ዳንዳዔያ ገሻ ማፃፋታ ኡራዳሳ።

16 ገሻ ማፃፋ ኡባይ ያሳፌ አማኑዳ ቃላ። ሄ ማፃፋይ ቱማ ታማርሶናው። ባሊዳይሳታ ሴራናው። ሱሪሳናውኔ ያሎቴላ ዳሳሰ ኮሺያ ዘሬ አማናው ማዴሰ።

17 ያሳ አሲ ፖሎኔ ሎዎ ኦሶ ኡባ ኦሳናው ገገዳይሳ ገደና ማላ ማዴሰ።

4

1 ታኒ ኔና ያሳ ሲንላኒኔ። ካዎ ገዲዲ ሃራናው ቆንጨያ ዋዴ ፓፃታኔ ሃይቁዳይሳታ ፐርዳናው ዳዒያ ኪሪሰቶሰ ዩሱሳ ሲንላን ዘራይሰ።

2 ቃላ ኦዳ፤ ዋዴይ ኢንጃቲን ኢንጃቶና ኢዳን ሚናዳ ኦዳ። ዳር ዳንዳዔኒኔ ታማርሶን አሳ ዘራ። ሴራኔ ዳንሴላ።

3 አሳይ ቱማ ቲሚርቲያ ሲዎና ኢዳያ ዋዴይ ያና። ኤንቲ ባንታ አሙዋ ካሊዲ። ባንታው ሲዓናው ኡፋይሲያባ ኦዲያ አሰታማሪታ ሺሾሶና።

4 ኤንቲ ቱማ ቲሚርቲያ አገዲ። ቱማ ገደና ኦዳ ሲዓናው ባንታ ሃይላ ዘርሶና።

5 ሺን ኔኒ ኡባባን ኔና ሃራ። ሜቱዋ ዳንዳዳ።
ዋንጌላ ማርካቴላ ኡቡዋ ኡላ። ኔው ኢሜቲዳ
ያሳ ኡሶ ኡባ ፖላ።

6 ታኒ ያርቩቲያ ዋዴይ ጋኪሰ፤ ሃ አላሚያ አጋዳ
ቢያ ዋዴይ ማቲሰ።

7 ታኒ ሎዎ ኡላ ኡሌታሰ፤ ታ ጋዲያ ዋዳዳ
ዉርሳሰ፤ አማኑዋ ናጋሰ።

8 ሲንሳፊ ዲሎቴላ ካላቻይ * ታና ናጌሰ። ሄሳ
ዲሎ ፒርዳ ፒርዲያ ጎዳይ ሄ ጋላሰ ታው ኢማና።
ሄሳ ታ ዓላላሰ ገደናሺን ኢያ ቆንጨጭላ አሞቲያ
ኡባሰ ኢማና።

ጳውሎሳ ቡዞ ቆፋታ

9 ኤሌሳ ያዳ ታና ቤዓ።

10 ዴማሲ ሃ አላሚያን ዴዲያባታ ደሲዲ፣ ታና
አጊዲ፣ ቴሴሎንቄ ካታማ ቢሰ። ቄርቄሲ ጋላቲያ
ቢታ፣ ቃሲ ቲቶይ ዲልማዲያ ቢታ ቢሰ።

11 ሉቃሳ ዓላሊ ታራ ዴዴሰ። ማርቆሲ ያሳ
ኡሶን ታና ማዳናው ዳንዳዲያ ገሾ ኔራ ኤካዳ
ያ።

12 ታኒ ቲኪቆሳ ኤፌሶና ካታማ ኪታሰ።

13 ኔኒ ያሹ፣ ዲሮዳዳ ካታማን ካርፖሳ ማታን
አጋዳ ዪዳ ታ ኮቲያኔ ማዳፋታ ታው ኤካዳ ያ።
ኡባካ ጋልባን ፃፊቲዳ ማዳፋታ ኤኮና ዮፓ።

14 ቢራታ ቆዲያ ኢሰኪንዲሬይ ታና ዳሮ ቆሂሰ፤
ጎዳይ ኢያ ኡቡዋዳ ኢያው ዛራና።

15 ኢ ኑ ቲሚርቲያ ዳሮ ኢዲያ ገሾ ኢያፔ ኔና
ናጋ።

16 ኮይሮ ታ ሞቲቲያ ዋዴ ኡባይ አጊዲ
ቢደሶናፔ አቲን ኢኒካ ታና ማዲቤና። ያሳይ ሄ
ባላ ኢንታው ታይቦፖ።

17 ሺን ታኒ ኩሜላ ኪታ አይሁዳ ገደና አሳ
ኡባሰ ማርካቲን፣ ኤንቲ ሲዓና ሜላ ጎዳይ ታ
ማታን ኤቁዲ ታው ዋልቃ አሚሰ። ቃሲ ኮቫቲዳ
ጋሞዳ ደና ደዪዳ ሃይቁዋፔ ታና አሺሰ።

18 ጎዳይ ታና ኢታ ኡባፊ አሺዲ ባ ሳሎ
ካዋቴላ ሳርን ኤፋና። ኢያው ሜሪናፔ ሜሪና
ጋካናው ቦንቾይ ገደ። አሚንዲ።

ዉርሴላ ሳርሶ

19 ጰሪሰቁላሰ፣ አቁላሲኔ አኔሰፎራ ሶ አሳሰ
ታ ሳርሱዋ ኡዳ።

20 ኤራሰዎሲ ቆርንቶሳ ካታማን አቲሰ።
ዲሮፊሞሲ ሃርጌቲዳ ገሾ ሚሊዳ ካታማን
አጋሰ።

21 ባልጎይ ጌላናፔ ሲንጤ ኤሌሳዳ ያ።

ኤዉቡሉሲ፣ ጰዴሲ፣ ሊኑሲ፣ ቁላዴይኔ ሃራ
አማኒያ አሳቲ ኡባይ ኔና ሳሮ ሳሮ ጎሶና።

22 ጎዳይ ዬሱሰ ኪሪሰቶሲ ኔ አያናራ ገደ።

ያሳ ማርቲላይ ሂንቴ ኡባራ ገደ።

* **4:8** ዲሎቴላ ካላቻይ፡ ዲሎቴላ ዴዎ ገሾ ታ ኤካና ካላቻ። ዲሎቴላ ታው ካላቻ ኡሊዲ ኢሜሰ ጉሱ። **4:10** ቆላ 4:14፤ ፊልሞ 24፤ 2ቆሮ 8:23፤ ጋላ 2:3፤ ቲቶ 1:4 **4:11** ቆላ 4:14፤ ፊልሞ 24፤ ሃ.ኦ 12:12፤ 25፤ 13:13፤ 15:37-39፤ ቆላ 4:10 **4:12** ሃ.ኦ 20:4፤ ኤፌ 6:21-22፤ ቆላ 4:7-8 **4:14** 1ዲሞ 1:20፤ ማዝ 62:12፤ ሮሜ 2:6 **4:19** ሃ.ኦ 18:2፤ 2ዲሞ 1:16-17 **4:20** ሃ.ኦ 19:22፤ ሮሜ 16:23፤ ሃ.ኦ 20:4፤ 21:29

ጳውሎስ ተቶስ ፃፊዳ ኪታ ጋላ ቆፋ

ተቶይ አይሁዳ ገደና አሲ፣ ሸን ጉዬፔ አማኒዳ፣ ጳውሎስ ዋንጌላ ኪታ አሱዋ አሊያ ዋዴ ማታን ኢያ ማዲዳ አሲ። ሄ ዋዴ ተቶይ፣ ዋሳ ኬላ ጻላናው ናገናው ቃርጻሳ ቢታን አተሰ። ሃ ኪታይ ሄቩ አይፊ ቆፋታ ኦይኬስ።

1) ዋሳ ኬላ አይሲያ አሳይ፣ ኢታ ዲሱ ዳዒያ ቃርጻሳ አሳ ማታን አይ ማላ ሎዎ ዲሱ ዳናው ኮሺያኮ ተቶ አኬኪሴስ።

2) ዋሳ ኬላ ገደን ዳዒያ ዲማ ዲማ ጩጌታ፣ ሄሲካ፣ ጩማ አሳታ፣ ያላጋ አዳታኔ አይሌታ ዋቲ ታማርሳናው ቤሲያኮ ተቶ ዘሬስ።

3) አማኒያ አሳ አማኖ ዲሳባ፣ ሄሲካ፣ ሳርቴላኒኔ ሲቆን ዳናባ፣ ዋሳ ኬላ ገደፊ ኦሺ፣ ፓሳማኔ ሻሆቴሊ ዲጋናባ ተቶስ ዘሬ ኢሜስ።
ተቶ ኪታ አይፊ ቆፋታ

ጌሎ ቆፋ 1:1-4

ዋሳ ኬላ ካሌሊያ አሳ 1:5-16

ዋሳ ኬላን ዳዒያ ዲማ ዲማ ጩጌታ ኦሶ 2:1-15

ዘሬኔ ናገሶ 3:1-11

ኩሻ ቆፋ 3:12-15

1 ዬሱስ ኪሪስቶስ ሃዋሬይኔ ያሳ አይሌይ፣ ጳውሎስ፣ ፃፊዳ ዳብዳቤያ። ያሳይ ደሪዳ አሳ አማኑዋ ዲቻናዳኔ ቱማ አያና ዴዑዋ ዋኒዲ ዳኔኮ ቤሲያ ቱማ ኤራኮ ኬንታ ካሌላናው ታኒ ኪቲታስ።

2 ሄ አማኖይኔ ኤራቴላይ ሜሪና ዴዑዋ ኡፋይሳ ቦላ ዘምፒስ። ሄሳ ዳር ዋዴፔ ሲንሌ ዋርደቶና ያሳይ ኩስ ኢማና ገዲ ቃላ ጌሊስ።

3 ኑና አሺያ ያሳይ ባ ዋዴን ሃ ኪታ ኦዳና ማላ ታው ሃዳራ ኢሚስ።

4 ኦ ኮሌ አማኑዋን ታ ቱማ ናባ ገዲዳ ተቶ፣ ያሳ አዋፔኔ ኑና አሺያ ዬሱስ ኪሪስቶስ፣ አጾ ኬሃቴላይ፣ ማርቴላይኔ ሳርቴላይ ኔው ገደ።

ተቶይ ቃርጻሳን አሊያ አሱዋ

5 ታኒ ኔና ቃርጻሳን አጋዳ ዩዳይ፣ ኔኒ አተዳባ ገሊሳናዳኔ ታኒ ኪቲዳይሳዳ ካታማ ኡባን ዋሳ ኬላ ጩማታ ደራና ማላሳ።

6 ጩሚ ቦሬቶናይሳ፣ ኢሲ ማቼ አዚና፣ ማራ ቋሩን ዋይኮ ኪቲቴላ ኢያን አሲ ቦርና አማኒያ ናይቲ ዳዒያ አሲ ገደናው ቤሴስ።

7 ዋሳ ኬላ ጩሚ ያሳ አሱዋ ሃዳራ ኤኪዳ ገሾ ቦሬቶናይሳ፣ ኡቶርቶናይሳ፣ ኤሌ ዩሎቶናይሳ፣ ማሶቶናይሳ፣ ኦዳ ሜቶናይሳኔ ቤሶና ጎሳስ ዳፊቶናይሳ ገደናው ቤሴስ።

8 ሸን ኢማሌ ሞኬይሳ፣ ሎዎባ ኡባ ደሴይሳ፣ አኬካንቾ፣ ጂሎ፣ ጌሺኔ ባና ሃሬይሳ ገደናው ቤሴስ።

9 ሃራታ ሱሬ ተሚርቲያን ሚንሌላናውኔ ሄ ተሚርቲያ ኢጻይሳታ ዛራናው ባ ታማሪዳ ቱማ ቃላን ሚኒዲ ኤቃናው ቤሴስ።

10 ኪቲቶናይሳቲ፣ ፓሶና ኦዳ አዳቴይሳቲ፣ ጩሚይሳቲ ኡባካ ቃፃሬቴላ ዋጋ ናገያ ዳር አሳቲ ዴዎሶና።

11 ኤንቲ ቤሶና ኦጌን ሚሼ ዳማናው ኮዩዲ፣ ታማርሳናው ቤሶናባ ታማርሲሼ ኬላ አሳ ኡባ ኢሲያ ገሾ ኤንታ ተሚርቲያ ቲቃናው ቤሴስ።

12 ኤንታ ናቤታፔ ኢሶይ፣ «ቃርጻሳ አሳይ ኡባ ዋዴ ዋርደ ኦዴቶሶና፣ ኢታ ደዓታኔ አዛላ ያራምባታ»* ያገሰ።

13 ሃ ማርካቴላይ ቱማ ማርካቴላ። ሄሳ ገሾ፣ ኤንታው ቱማ አማኖይ ዳና ማላ ኤንታ ሃንቄታ።

14 ቱማ ኢጻያ አሳ ተሚርቲያኔ አይሁዳታ ፓሶና ቶሲያ ሲዎና ማላ ኤንታ ሴራ።

15 ባንታው ጌሺ ገዲዳይሳታስ ኡባይ ጌሺ፣ ሸን ቱናታሲኔ አማኖናይሳታስ ኤንታ ቆፋይኔ ካሃይ ቱኒዳ ገሾ ኤንታው አይቤካ ጌሺ ገደና።

16 ኤንቲ ኦ ያሳ ኤርስ ጎሶና፣ ሸን ባንታ አሱዋን ኢያ ካደሶና። ኤንቲ ያሳን ኢጻቴዳይሳታ፣ ኪቲቶናይሳታኔ ሎዎ ኦሶ ኡባስ ገደናይሳታ።

2

1 ሸን ኔኒ ሱሬ ተሚርቲያ ጳሌቆና ተሚርቲ ታማርሳናው ቤሴስ።

2 ጩማ አዳቲ ባንታና ሃሬይሳታ፣ ዋፑ ገደይሳታ፣ ቦንቼቲዳይሳታ፣ አማኖን፣ ሲቆኒኔ ዳንዳዎን፣ ሚኖ ገደና ማላ ዘራ።

3 ሄሳዳካ፣ ጩማ ማጫሳይ ባንታ ዲሳን ጌሻታ፣ ዘገረናይሳታ፣ ዋይኔ ኡሻን ሃሬቶናይሳታኔ ሎዎባ ታማርሴይሳታ ገደና ማላ ታማርሳ።

4 ኤንቲ ሄሳዳ ሃኒኮ ያላጋ ማጫሳይ ባንታ አዚናታኔ ባንታ ናይታ ሲቃና ማላ ታማርሳናው ዳንዳዎሶና።

5 ያሳ ቃላይ ቦሬቶና ማላ ባንታና ሃሬይሳታ፣ ጌሻታ፣ ባንታ ሶን ኦሌይሳታ፣ ኬሃታኔ ባንታ አዚናታስ ኪቲቴይሳታ ገደና ማላ ያላጋ ማጫሳ ታማርሶና።

6 ሄሳዳካ፣ ያላጋ አዳቲ ባንታና ሃራና ማላ ዘራ።

7 ኔኒ ኔ ሁዔን ሎዎ ኦሶ ኡባን ኤንታው ለሚሶ ገደ። ኔኒ ኔ ተሚርቲያን ኤቁዳይሳኔ አማኔቲዳይሳ ገደ።

8 ኦ ሞርኬቲ ኑና ዘገራናው ጋሶያባይ ኤንታው ቋዩን ኤንቲ ዬላታና ማላ ኔኒ ቦሬቶና ሎዎ ኦዳ ኦዳታ።

9 አይሌቲ ኡባባን ባንታ ጎዳታስ ኪቲታና ማላ፣ ኤንታ ኡፋይሳና ማላኔ ኤንታራ ፓላሞና ማላ ዘራ።

10 ኤንቲ ባንታ ጎዳታፔ ካይሶቶፖ። ሄሲካ፣ ኑና አሺያ ያሳ ተሚርቲይ፣ ኡባ ኦጌን ደሴቲዳይሳ ገደና ማላ ባንታ አሊያ አሱዋን አማኔቲይሳታ ገደይሳ ቤሳና ማላ ኤንታ ዘራ።

11 አሴ አሺያ ያሳ አጾ ኬሃቴላይ አሳ ኡባስ ቆንጩስ።

1:4 2ቆር 8:23፤ ጋላ 2:3፤ 2ዊሞ 4:10 1:6 1ዊሞ 3:2-7 * 1:12 ቃርጻሳ አሳይ ኡባ ዋዴ ዋርደ ኦዴቶሶና፣ ኢታ ደዓታኔ አዛላ ያራምባታ፣ ሄሳ ያገሊዲ ኦዲዳ ናቤይ ኤሲሜንዳሳ ጌቲቲስ።

12 ህ አቶ ከሃቴላይ፣ ኑ ናጋራኔ ሃ አላሚያ አውቀ አገዲ፣ ሃ ዋዲያን ኑና ሃሪዲ፣ ቱማ አያና ዳዑቀኒኔ ያሎቴላን ዳና ማላ ኑና ታማርሴሰ።

13 ኑኒ አንጃቲዳ ኡፋይሳ ገዲዳ ገታ ያሳኔ ኑና አሺያ ዩሱሰ ከሪሰቶሳ ቦንቾ ቆንጨዳ ናሳሰ።

14 ኢታ ኦሶ ኡባፌ ኑና ዋዛናዉኔ ሎጾባ አላናው አሞቲያ ባ ጌሻ አሲ ከሳናው ኑ ገሾ ባና አሉ አሚሰ።

15 ኑኒ ሃይሳ ታማርሳ፤ ኩሜላ ማታን ዘራ፣ ሴራ፤ ኦኒካ ኑና ካቶ።

15 ታራ ዳዲያ ኡባይ ኑና ሳር ጎሶና፤ አማናን ኑና ሲቁያ አሳ ሳር ጋ።

ያሳ አቶ ከሃቴላይ ሃንቴ ኡባራ ገደ። አሚንዒ።

3

አማኒያ አሳ ኦሶ

1 አሳይ ዳሪያ ሃሪይሳታሰ፣ አዋቴላይ ዳዒይሳታሰ ሃሪታናው፣ ከቴታናዉኔ ሎጾ ኦሶ ኡባ አላናው ገጌቲዳይሳታ ገዲና ማላ አኬኪሳ።

2 ቃሲ ኤንቲ ኦዴ ቦላካ ኢታ ኦዴቶና ማላ፣ ሳር አሲ ገዲና ማላ፣ አሽኬታኔ አሳ ኡባሰ ካዴቴይሳታ ገዲና ማላ ዘራ።

3 ኑኒ ካሴ ኤያታ፣ ከቴቶናይሳታ፣ ባሌቲዳይሳታ፣ ዲማ ዲማ አሾ ኡፋይሳሴኔ አሞሰ አይሌቲዳይሳታ። ኑኒ ኢታቴላኒኔ ቃናቴን ኩሚዳይሳታ፣ ኑ አሴ ኢፃይሳታ፣ አሲካ ኑና ኢፃይሳታ።

4 ሺን አሺያ ያሳ ከሃቴላይኔ ሲቆይ ቆንጨዳ ዋዴ

5 ኑ ኦላዳ ያሎ ኦሶቀ ገሾ ገደናሺን ባ ማሮቴላ ገሾ ኑና አሺሰ። ኑና ኢ አሺዳይ፣ ናሞዓንሉ ዩሌቴላ ሜቻኒኔ ጌሻ አያና ባጋራ አሚዳ ኦራላ ዳዑቀና።

6 ህ አያና፣ ያሳይ ኑና አሺያ ዩሱሰ ከሪሰቶሳ ባጋራ ኑ ቦላ ዳርሲዲ ጉሲሰ።

7 ባ አቶ ከሃቴላ ባጋራ ኑና ያሊሲዲ ማሪና ዳዑቀ ላታ ኡፋይሳ ኦይካና ማላ ህሳ ኦላሰ።

8 ሃ ቃላይ አማኔቲዳ ቃላ። ያሳ አማኔይሳቲ ሎጾ ኦሶ ኦላናው ገገዳይሳታ ገዲና ማላ ኔ ሃ ቃላ ሚንላዳ ኦዳና ማላ ታ ኮያይሰ። ሃይሳቲ አሴ ኡባሰ ሎጾኔ ጎዔይሳታ።

9 ሺን ኤያቴላ ፓላማ፣ ኮቻ ታይቦ፣ ካቻፌኔ ሃጌ ጋሶን ዳንዲያ ኦሻፌ ናጌታ። ሄሲ ጎዔኔ ዋዴይ ባይናባ።

10 ሻሆቴላ ሜዲያ ኡራ ኮይር ዘራ፣ ናሞዓንሉ ሃንቁታ ህሳፌ ጉዬ ኢያፔ ሃካ።

11 ህሳ ማላ አሲ ጌላኔ ናጋራንቾ፤ ኢ ባ ቦላ ፒርዳይሳ ኡራ።

ዉርሴላ ዘሪ

12 ታኒ ባልጎ ያን ሻጫናው ቆፒዳ ገሾ አርፃማሳ ዋይኮ ቲኪቆሳ ኔኮ ከቲያ ዋዴ ኔ ታኮ ኒቆጶሊዮና ያናው ሚና።

13 ሃጌ ኤሪያ ዜናሲኔ አጲሎሲ ኦጌ ቢያ ዋዴ ኤንታው ኮሺያባይ ፓጮና ማላ ኤንታ ማዳ።

14 ኑ አሳይካ ፓላና አሲ ገዲዲ አቶና ማላ ባንታው ኮሺያባ ዳማና ማላ ሎጾ ኦሶ ኦላናው ሚኒዲ ታማሮ።

2:14 ማዝ 130:8፤ ከሳ 19:5፤ ዛሬ 4:20፤ 7:6፤ 14:2፤ 1ጴፂ 2:9 3:12 ሃ.ኦ 20:4፤ ኤፌ 6:21-22፤ ቆላ 4:7-8፤ 2ፃሞ 4:12 3:13 ሃ.ኦ 18:24፤ 1ቆር 16:12

ጳውሎስ ፊልሞናስ ፃፊ ዳብዳቤያ ጋላ ቆፋ

ፊልሞን ኤሬቲዳ አማኒያ አሲ። ኢ ቆላሲያሳ ዋሳ ኬላ አሲ ጊደና አቲና። ፊልሞናስ አናስሞሳ ጊያ አይሌይ ዴዔስ። ሄ አይሌይ ባ ጎዳፔ ቤቲዲ ቢዳ ዋዴ ቃሾ ኬላን ዴዔያ ጳውሎሳራ ጋሂቲስ። አናስሞሲ ዩሱሳ አማናና ማላ ኦሊዳይ ጳውሎሳ። ጳውሎስ ፊልሞናስ ፃፊ ዳብዳቤይ። ፊልሞን ጉዬ ሲሚዲ ኢያኮ ቢያ ባ አይሊያራ ሲጌታና ማላ አኬኪሲስ። ጉጂዳካ ሃዒ አናስሞሲ አማኒያ አሲ ጊዲዳ ጊሾ ሂዛፔ ጉዬ አማኒያ አሻዳ ኢያ ሞኪ ኤካና ማላፔ አቲን አይሌዳ ኢያ ታይቦናዳ ኢያው ኦዴስ።

ፊልሞና ከታ አይፌ ቆፋታ

ሳርላ 1-3

ጋላታኔ ዋሳ 4-7

ጳውሎስ አናስሞሳ ጊሾ ፊልሞና ዋሲስ 8-21
ኩሻ ቆፋ 22-25

1 ታኒ ጳውሎስ፣ ዩሱስ ኪሪስቶሳ ጊሾ ቃሾን ዴዔይሲኔ ኑ አሻ ደሞቲዮሲ፣ ኑራ ኦሊያ ኑኒ ደሲያ ፊልሞናስ።

2 ኔ ሶን ሸቂያ ዋሳ ኬላስ፣ ኑ ሚቼ አፊቢያሲኔ ኑራ ኢሲፌ ዴዔያ ዋታዳሬ አርኪዳሳስ ፃፊዳ ኪታ።

3 ያሳ ኑ አዋፔኔ ኑ ጎዳ ዩሱስ ኪሪስቶሳፔ አዶ ኬሃቴላይ ሳርቴላይ ሂንቴው ጊደ።

ፊልሞና ሲቁዋኔ አማኑዋ

4-5 ኔኒ ጌሻታ ደሴይሳኔ ጎዳ ዩሱሳ አማኔይሳ ታኒ ሲዒያ ጊሾ ያሳ ዋሳሼ ኔና ቆፒያ ዋዴ ኡባን ታ ያሳ ጋላታይስ።

6 ኔኒ ኔ አማኑዋ ሃራታስ ሻኬይሲ ኑስ ኪሪስቶስ ዩሱሳ ባጋራ ያ ሎዖባ ኡሳ ኤሪሳና ማላ ታኒ ያሳ ዋሳይስ።

7 ጌሻታ ዋዛናይ ኔ ኦሱዋን ሚኒዳ ጊሾ ታ አሻው፣ ታኒ ኔ ሲቁዋን ዳር ኡፋይሲኔ ሚንጮሶ ዴማሰ።

ጳውሎስ አናስሞሳ ፊልሞናስ ኦዲስ

8 ሄሳ ጊሾ፣ ኔኒ ኦላናው ቤሲያባ ኦላና ማላ ኔና ኪታናው ኪሪስቶሳ ባጋራ ታው ሚኖቴሌ ዴዔስ።

9 ታኒ፣ ጨማይ ጳውሎስ፣ ኪሪስቶስ ዩሱሳስ ሃዒካ ቃሾን ዴዔይሲ፣ ሲቆን ኔና ዋሳይስ።

10 ታኒ ቃሾን ዴዔሼ ኢያው ዘሪያ አዋ ጊዳዳ ታ ናዓ አናስሞሳ ጊሾ ኔና ዋሳይስ።

11 ኢ ካሴ ኔና ማዴና፣ ሺን ሃዒ ኔናካ ታናካ ቱማ ማዲያ አሲ።

12-13 ታኒ ዋዛናፔ ደሲያ አናስሞሳ ኔኮ ዩዳይስ። ታኒ ዋንጌላ ጊሾ ቃሾቲዳሺን፣ ኔ ጊሾ ታው ኦሊዲ ታና ማዳና ማላ ታ ማታን ኢያ አሻናው ኮያስ።

14 ሺን ኔ ሸኔዳ ኦላናው ኮያሲፔ አቲን ኔራ ዘራቶና ዋላቃን አይኮካ ኦላናው ኮዪኬ።

15 አናስሞሲ ጉላ ዋዴ ኔፔ ሻኬቲዳይሲ፣ ኔኒ ኤሪ ሲሚዲ ኡባ ዋዴ ኔራ ዴዖና አጌና።

16 ሂዛ፣ ሃይሳፌ ጉዬ አናስሞሲ አይሌ ጊደናሺን አይሌፌ ኢ ዳር አዴስ። ኢ ታው አይ ማላ ሲቆ ኢሼ! ቃሲ ኢ ኔው አሳ ባጋራካ ጎዳ ባጋራካ አዲዳ አሻ።

17 ሂዛ፣ ኔኒ ታና ኔ ላጌ ጊያባ ጊዲኮ ታና ሞኬይሳዳ ኢያ ሞካ።

18 ኢ ኔና ቆሂዳባይ ዋይኮ ኢ አጮቲዳባይ ዴዒኮ ታፔ ኤካ።

19 ሄ አጩዋ ታኒ ቃንፃና ጋዳ ታኒ፣ ጳውሎስ፣ ታ ኩሼን ፃፋይስ። ኔኒ ታው ኔ ሸምፑዋ አጮታ ኡቲዳይሳ ታኒ ኔና አኬኪሳናው ኮሼና።

20 ታ አሻው፣ ጎዳ ባጋራ ኔፔ ማዴ ዴማናው ኮያይስ። ኪሪስቶሳ ባጋራ ታና ሚንጮሳ።

21 ታኒ ጊዳይሳፌ ዳር ኔኒ ኦላናይሳ ኤራዳ ቃሲ ኔ ታው ኪቲታናይሳ አማናዳ ሃይሳ ፃፋይስ።

22 ያሳይ ሂንቴ ዋሳ ሲዒዲ ታና ሂንቴኮ ጉዬ ዘራና ጋዳ ቆፒያ ጊሾ ታው አማሌ ሸምፒያ ኬሌ ጊሲ።

ወርሴላ ሳርታ

23 ኪሪስቶስ ዩሱሳ ጊሾ ታራ ቃሾን ዴዔያ ኤዳፊሪ ኔና ሳር ሳር ጌስ።

24 ቃሲ ታራ ኢሲፌ ኦሊያ ማርቆሲ፣ አርስዲርኮሲ፣ ዴማሲኔ ሉቃሲ ኔና ሳር ሳር ጎሶና።

25 ጎዳ ዩሱስ ኪሪስቶሳ አዶ ኬሃቴላይ ሂንቴ አያናራ ጊደ።

1:2 ቆላ 4:17 1:10 ቆላ 4:9 1:23 ቆላ 1:7፤ 4:12 1:24 ሃ.ኦ 12:12፣ 25፤ 13:13፤ 15:37-39፤ 19:29፤ 27:2፤ ቆላ 4:10፤ 14፤ 2፻፵ 4:10-11

ኢብራዊ አሳሰ ፃፊትዳ ኪታ ጋላ ቆፋ

ሃ ኪታይ ፃፊትዳይ፣ ዋልቃማ ሜቶይ ጋኪን፣ ባንታ አማኑዋ አጋናው ማቲዳ አማኒያ አሳሳ። ሃ ማፃፋ ፃፊይ፣ ዩሱስ ኪሪስቶስ ወርሴላኔ ቱማ ያሳ ቆንጮላ ገዴይሳ ኢብራዊ አሳሰ ቤሴስ። ሄ አማኒያ አሳይ ባንታ አማኑዋን ሚናና ሜላ ኤንታ ሚንጤሴስ። ኢ ሄሳን ሄቹ አይፊ ቆፋታ ዋናዬዲ ቤሴስ።

1. ዩሱስ ባ ኤኪዳ ሜቱዋን አዋስ ቱማ ኪቲቲዳ ሜሪና ያሳ ናዓ። ኢ ያሳ ናዓ ገዲዳ ገሾ ጋለዓ ጫቁዋ ዋዴ ዴዒያ ናቤታ፣ ኪታንቸታ፣ ሙሴ፣ ቦላ።
2. ዩሱስ ጋለዓ ጫቁዋ ካሂንታ፣ ዳር አዲያ ሚሪና ካሂኔ ገዴይሳ ያሳይ ባ ሁዒን ማርካቲስ።
3. ዩሱሳ ባጋራ አማኒያ አሲ ናጋራ፣ ያሻፊኔ ሃይቆ፣ አቲስ። ዩሱሲ ካሂኔ ሃላቃ ገዴይሳዳ፣ ካሴ ኢብራዊታ አማኖ ዋጋኒኔ ሜሄ ያርሾን ኩያዳ ቤንቲያ አቶቱላ ሃዒ ቱማ ኦሲስ።

ፃፊይ ኢሰራዔል አሳ ታሪኩን ዳር ኤሪቲዳ አሳ አማኖ ለሚሶ ኦሲ ኤኪዲ (ሼዎ 11) ሃ ማፃፋ ናባቢያ አሳቲ ባንታ አማኑዋን ሚናና ሜላ አኬኪሴስ። ሄሳዳካ፣ ሼዎፖ 12 ናባቤይሳቲ ባንታ አይፊያ ዩሱሳ ቦላ ዋሲዲ፣ ባንታ አማኑዋን ሚናና ሜላኔ አይ ሜቶይኔ ዋዬይ ጋኪኮካ፣ ኤንቲ ጌንጫና ሜላ ዞሪስ። ወርሴላን ዞሪኒኔ አኬኪሶ ቃላን ባ ኪታ ኩዩስ።

ኢብራዊ ኪታ አይፊ ቆፋታ
 ጌሎ ቆፋ፣ ያሳይ ኪሪስቶሳን ቆንጫዲይሳ 1:1-3
 ኪሪስቶስ ኪታንቸታ፣ ቦላ 1:4-2:18
 ኪሪስቶስ ሙሴ፣ ኢያሱ፣ ቦላ 3:1-4:13
 ኪሪስቶሳ ካሂኔቱላይ ቦላ 4:14-7:28
 ኪሪስቶሳ ጫቆይ ቦላ 8:1-9:22
 ኪሪስቶሳ ያርሾይ ቦላ 9:23-10-39
 አማኖ ባይራቱላ 11:1-12:29
 ያሳ ኡፋይሶ 13:1-19
 አንጆኔ ኩሻ ቆፋ 13:20-25

ናዓይ ኪታንቸታ፣ ቦላ
 1 ካሴ ያሳይ፣ ኑ አዋታሰ ናቤታ ባጋራ ዴማ ዴማ ኦጌን ዳር ዋዴ ኦዲስ።
 2 ሺን ሃ ወርሴላ ዋዲያን ኡባ ኢያ ላቲሲዳ ቃሲ አላሚያ ኢያ ባጋራ ሜዲዳ ባ ናዓ ባጋራ ኑስ ኦዲስ።
 3 ናዓይ ያሳ ቦንቹዋ ጰሌላኔ ኩሜላ ያሳ ያሳቱላ ኤኪዲ፣ ባ ዋልቃማ ቃላን ሃ አላሚያ ካቲሲዲ ኦይኪስ። አሳ ኤንታ ናጋራ፣ ጌሺዳ፣ ጉዬ ኡባፊ ቦላ ያሳ ኡሻቻ ባጋን ሳሎዋን ኡቲስ።

1:5 ማዝ 2:7፣ 2ሳሙ 7:14፣ 1ታሪ 17:13 1:6 ዛሬ 32:43 1:7 ማዝ 104:4 1:8 ማዝ 45:6-7 * 1:9 ኡፋይሳ ዛይቲ፣ ኢ ካዋቲያ ዋዴ አሳይ ኡፋይሳን ኢሊሊዲ ኢያ ካዋሌይሳ ቤሴስ። 1:10 ማዝ 102:25-27 1:13 ማዝ 110:1

4 ኢያው አሜቲዳ ሱንላይ ኪታንቸታ ሱንላፊ ቦላ ገዴይሳዳ ኢ ኤንታፊ ቦላ።

5 ሂዛ፣ ያሳይ ኪታንቸታ፣ ኦዴኮ።
 «ኔኒ ታ ናዓ፤
 ታ ሃቹ ኔው አዋ ገዲስ» ገዴ?
 ዋይኮ ቃሲ ኦዴኮ።
 «ታኒ ኢያው አዋ ገዲና፤
 ኢካ ታው ናዓ ገዲና» ገዴ?

6 ቃሲ ያሳይ ባ ባይራ ናዓ ሃ አላሚያ ኪቲሼ።
«ያሳ ኪታንቸቲ ኡባይ ኢያው ጎይኖ» ያገሰ።

7 ያሳይ ኪታንቸታ ባ ኦዲሼ።
 «ያሳይ ባ ኪታንቸታ ጫርኮ።
 ባ አይሌታ ታማ ላጮ ኦሲስ» ያገሰ።

8 ሺን ባ ናዓባ ኦዲሼ።
 «ያሳው፣ ኔ ካዋቱላይ ሚሪናው ዴዒስ።
 ኔ ካዋቱላ ኔ ያሎቱላን አይሳሳ።

9 ኔኒ ያሎቱላ ደሳዳሳ፤ ኢታ ኢፃዳሳ።
 ያሳይ፣ ኔ ጎዳይ፣ ኔና ኔ ላጌታ፣ አሲዲ ደሪስ።
 ኡፋይሳ ዛይቲ * ኔና ቲዩስ» ያገሰ።

10 ያሳይ ዛይቲ።
 «ጎዳው፣ ኮይር ኔኒ ሳዓ ሜዳዳሳ፤
 ሳሎቲ ኔ ኩሼ ኦሲ።

11 ሄሳቲ ኡባይ ዳያና፤
 ሺን ኔኒ ዳና።
 ኤንቲ ኡባይ አፊላዳ ወራና።

12 ኔኒ ኤንታ ሳሌናዳ ያፃና፤
 ቃሲ ኤንቲ አፊላዳ ላሚታና።
 ሺን ኔኒ ኡባ ዋዴ ኔና፤
 ኔ ላይላይካ ወሪና» ያገሰ።

13 ሺን ያሳይ ኪታንቸታ፣ ኦዴኮ።
 «ታኒ ኔ ሞርኬታ ኔ ቶሆይ
 ዩዲያሶ አላና ጋካናው።
 ሃይሳን ታ፣ ኡሻቻ ባጋን ኡታ» ገዴ?
 14 ኪታንቸቲ ኡባይ አቶቱላ ዴማናው ዴዒያ አሳታ ማዳናው ያሳይ ኪቲዳ አያናታ ገዴኮናዬ?

2

ገታ አንጂዋ
 1 ሄሳ ገሾ፣ ኩኒ ሲዒዳ ቱማ፣ ሃራሶ ኤኬቶና ሜላ ሄ ሲዒዳይሳ ሚንጤዲ ናጋናው ቤሴስ።
 2 ሂዛ፣ ኪታንቸታ ባጋራ ኦዴቲዳ ቃላይ ቱማ ገዲኮ፣ ኢያ ናቆይኔ ኪቲቶና ኢያይ ፐርዳ ኤሂያባ ገዲኮ።
 3 ያቲን፣ ኩኒ ሃይሳ ሜላ ገታ አቶቱላ ኢፃሰ ገኮ፣ ዋኒዲ አታኔ? ኮይር ጎዳይ ባ ሁዒን ሄ አቶቱላ ኦዲስ፤ ቃሲ ኢያ፣ ሲዒዳይሳቲ ኑስ ጌሺዲ ማርካቲዳሶና።
 4 ቃሲ ያሳይ ማላታታን፣ ኦራላባታን፣ ዴማ ዴማ ማላታኒኔ ባ ሺኒያዳ ኢሚዳ ጌሻ አያና ኢሞታታን ማርካቲላ ሚንጤስ።

1:5 ማዝ 2:7፣ 2ሳሙ 7:14፣ 1ታሪ 17:13 1:6 ዛሬ 32:43 1:7 ማዝ 104:4 1:8 ማዝ 45:6-7 * 1:9 ኡፋይሳ ዛይቲ፣ ኢ ካዋቲያ ዋዴ አሳይ ኡፋይሳን ኢሊሊዲ ኢያ ካዋሌይሳ ቤሴስ። 1:10 ማዝ 102:25-27 1:13 ማዝ 110:1

ዩሱሲ አሴ ገዲሰ
 5 ያሳይ ሃ ኑኒ ኦዲያ ሲንገጠፊ ያና አላሚያ፡ ኪታንቸታስ ሃሪሲቤና፡፡
 6 ጌሻ ማፃፋይ ኢሲ ቤሳን ሃይሳዳ ያጌሰ፡ «ኔኒ አሳሰ ቆገናው አሲ አይቤ?» ዋይኮ ኔኒ ኢያ ናጋናው ኢ አይቤ?
 7 ኔ ኢያ ኪታንቸታፔ ጉፋ ዋዴሰ ጉፋዳሳ፤ ኢያ ሁዔን ቦንቸኔ ሳባ ካላቻ ዋላዳሳ፡፡
 8 ቃሲ ኡባባ ኢያ ቶሁዋፔ ጋርሳን ዋላዳሳ» ያጌሰ፡፡ ያሳይ ኡባባ ኢያው ሃሪሲያ ዋዴ ኢያው ሃሪቲቦናባይ አይቤካ ባዋ፡፡ ሺን ሃዒ ኡባባይ ኢያው ሃሪቲሺን ኑኒ ቤዒቦኮ፡፡
 9 ሺን ኑኒ ኪታንቸታፔ ጉፋራ ጉዲዳ ዩሱሳ ቤዖሰ፡፡ ያሳ አቶ ኬሃቲፋ ጋሶን ዩሱሲ አሳ ኡባሰ ሃይቂስ፡፡ ኢ ዋዴ ሃይቆ ሃይቂዳ ገሾ ቦንቸኔ ሳባ ካላቻ ኢያ ሁዔን ዋላሰ፡፡
 10 ኡባባይ ኢያውኔ ኢያ ጋሶን ሜዴቲዳ ያሳይ፡ ዳር ናይታ ባራ ቦንቸሳናው ኤንታ አቶቴፋ ሁዒያ፡ ዩሱሳ ዋዴን ፖሎ አላናው ኢያው ቤሴሰ፡፡
 11 ዩሱሲኔ ሃ ኢ ጌሺዳ አሳ ኡባይ ኢሲ አዋ ናይታ፡፡ ዩሱሲ ኤንታ፡ «ታ አሻታ» ገዲ ያጋናው ዩላቶናይ ሃሳሳ፡፡
 12 ዩሱሲ፡ «ታኒ ኔ ሱንፋ ታ አሻታስ አዋጃና፤ ዳሪያ ሸቁዋን ኔና ጋላታና» ያጌሰ፡፡
 13 ቃሲ ኢ፡ «ታኒ ታ አማኑዋ ኢያ ቦላ ዋላና» ቃሲካ፡ «ያሳይ ታው አሚዳ ናይታራ ታ ሃይሳን ዳዒይሰ» ያጌሰ፡፡
 14 ናይቲ አሻይኔ ሱሌ ዳዒይሳታ ገዲያ ገሾ ዩሱሲካ ኤንታዳ አሴ ገዲሰ፡፡ ኢ ሃሳ ኦሌዳይ፡ ሃይቆ ቦላ ዋልቂ ዳዒያ ፃላሂያ ባ ሃይቁዋን ቆይሳና፡፡
 15 ቃሲ ባንታ ዳዖ ላይፋ ኡባን ሃይቆ ያሻን አይሌቲዲ ዳዒይሳታ አይሌቲፋፊ ዋዛናሳ፡፡
 16 ቱማ ዩሱሲ ዩዳይ አብራሃሜ ዜሬሌ ማዳናሳፊ አቲን ኪታንቸታ ማዳናሳ ገዴና፡፡
 17 አሳ ናጋራይ አቶ ጌቲታና ሜላ ያሳ ሲንገላን ማሪያኔ አማኔቲዳ ካሂኔ ሃላቃ ገዲሰ፡፡ ሃሳ ገሾ፡ ኢ ኡባባን ባ አሻታ ዳናናው ቤሴሰ፡፡
 18 ኢ ባ ሁዔን ፓጩን ዋዴቲዳ ገሾ ፓጩቲይሳታ ማዳናው ዳንዳዒሰ፡፡

3

ዩሱሲ ሙሴፔ ቦላ
 1 ሃሳ ገሾ፡ ያሳይ ያገዲ ጌሻ አሻቶ፡ ኑ አማናን ጎዳ ገዲ ያገዲ ሃዋሪያኔ ካሂኔ ሃላቃ ዩሱሳ ቤዒቲ፡፡
 2 ሙሴይ ያሳ ኬፋ ኡባን አማኔቲዳይሳዳ ዩሱሲካ ባና ዳሪዳ ያሳሰ አማኔቲዳይሳ፡፡
 3 ኬሌ ኬዳይሲ ኬፋፊ አዲዲ ቦንቸቲይሳዳ ዩሱሲ ሙሴፔ አዲያ ቦንቸ ኤካናው ቤሴሰ፡፡
 4 ኢሲ ኢሲ ኬፋ ኬዳዳ አሲ ዳዒሰ፡፡ ሺን ኡባ ገሺሲዳይ ያሳ፡፡
 5 ሙሴይ ያሳ ኬፋ ኡባን አማኔቲዳ አይሌ ገዲዲ፡ ያሳይ ሲንገጠፊ ጋናባሰ ማርካ ገዲሰ፡፡

6 ሺን ኪሪሰቶሲ ያሳ ኬፋን ናዳዳ አማኔቲዳይሳ፡፡ ኑኒ ኤካና ገዲ ናገያ ኡፋይሳ ሚንሊዲ ናገኮ ያሳ ኬሌ ገዲሰ፡፡
ያሳ አሳሰ ዳዒያ ሸምፑዋ
 7 ሃሳ ገሾ፡ ጌሻ አያናይ ጌይሳዳ፡ «ሃቺ ሂንቲ ያሳይ ጌይሳ ሲዒያ ዋዴ
 8 ባዞ ቢታን ፓጩያ ጋላሰ፡ ሂንቲ አዋቲ ማካሊዳይሳዳ፡ ሂንቲ ዋዛና ሚንገጠፊ፡፡
 9 ሂንቲ አዋቲ ታና ፓጩደሶና፤ አይታው ላይሌ ታ ኦሱዋ ቤዒደሶና፡፡
 10 ሃሳ ገሾ፡ ታ ሃ ዩሌቴፋ ሃንቁታዳ፡ (ኤንቲ ኡባ ዋዴ ባንታ ዋዛናን ባሎሶና፤ ታ ኦገያ ኤሪቦኮና) ያጋሰ፡፡
 11 ሃሳ ገሾ፡ ታኒ ታ ሃንቁዋን ጫቃዳ፡ (ታ ሸምፖ ቤሳ ኡባካ ጌሎኮና) ያጋሰ» ያጌሰ፡፡
 12 ታ አሻቶ፡ ሂንቲፊ ኦዴንካ፡ ዳዖ ያሳፊ ሂንቲና ሻኪያ ኢታኔ አማናና ዋዛኒ ደና ሜላ ናጌቲ፡፡
 13 ሂንቲፊ አናካ ናጋሪ ባሌሌን፡ ባ ዋዛና ሚንገጠፊ ሜላ «ሃቺ» ያጌቲዲ ያጌቲሺን ጋላሰ ጋላሰ ኢሲይ ኢሱዋራ ዘሬቲ፡፡
 14 ኑ ከይር አማኑዋ ኑኒ ዉርሴሌ ጋካናው ሚንሊዲ ናገኮ፡ ኪሪሰቶሳራ ኢሲፊ ላታና፡፡
 15 ጌሻ ማፃፋን፡ «ሃቺ ያሳይ ጌይሳ ሂንቲ ሲዒያ ዋዴ ሃ ዋዴ ኤንቲ ማካላቴፋን ሃኒዳይሳዳ፡ ሂንቲ ዋዛና ሚንገጠፊ» ያጌሰ፡፡
 16 ያሳይ ገያባ ሲዒዲ ማካሊዳይ ኦኔ? ሙሴይ ገብዳፊ ካሌሌ ኬሲዳ ኡባ ገደኮናዬ?
 17 ያሳይ አይታው ላይሌ አና ሃንቁቲዴ? ናጋራ ኦሌዳይሳታኔ ኤንታ አሃይ ባዞ ቢታን ዋዴ አቲዳ አሳታ ገደኮናዬ?
 18 ቃሲ ያሳይ፡ «ታ ሸምፖ ቤሳ ጌሌኬታ» ያገዲ ጫቁዳይ፡ ኢያው ኪቲቶና ኢዲዳ አሳፔ አቲን ኦዴሴ?
 19 ሂዛ፡ ኤንቲ ሃ ሸምፖ ቤሳ ጌሎና አቲዳይ አማኒቦና ገሾ ገዳይሳ ኑ ቤዖሰ፡፡

4

1 ሂዛ፡ ያሳይ ኑና ባ ሸምፖ ቤሳ ጌልሳና ገዳ ቃላይ ቡር ሲንገጠፊ ዳዒያ ገሾ ሂንቲፊ ኦኒካ ሃ ሸምፖ ቤሳ ጌሎና አቶና ሜላ ናጌቶሰ፡፡
 2 ኤንታው ዋንጌላይ ሳባኬቲዳይሳዳ፡ ኑሰካ ሳባኬቲሰ፡፡ ሺን ኤንቲ ሲዒዳባ አማኒዲ ኤኪቦና ገሾ ኤንታ ጎዒቤና፡፡
 3 ገደሺን፡ አላሜይ ሚዴቶሳፔ ደሚዲ ያሳ ኦሶይ ፖሌቲዳይሳ ገዲኮካ፡ ያሳይ፡ «ታኒ ታ ሃንቁዋን ጫቃዳ፡ ታ ሸምፖ ቤሳ ኡባካ ጌሎኮና» ገዳይሳዳ፡ ኑኒ አማኒዳይሳቲ ኢያ ሸምፖ ቤሳ ጌላና፡፡

2:6 ማዘ 8:4-6 2:12 ማዘ 22:22 2:13 ኢሳ 8:17-18 2:16 ኢሳ 41:8-9 3:11 ማዘ 95:7-11 3:15 ማዘ 95:7-8 3:16 ታይ 14:1-35 4:3 ማዘ 95:11 4:4 ሜዴ 2:2

4 ላፑንጥ ጋላሳባ ኢሲ ቤሳን፡ «የሳይ ላፑንጥ ጋላሳን ባ አሶ ኡባፌ ሾምፕሰ» ያገሰ።

5 ቃሲካ ሄ ቤሳን፡ «ኤንቲ ታ ሾምፕ ቤሳ ኡባራካ ጌሎኮና» ያገሰ።

6 ኮይሮ ዋንጌላ ሲዲዳይሳቲ ከቲቶና ኢዲዲ ሾምፕ ቤሳ ጌሊቦኮና። ያኒያ ጊሾ፡ ሃዲካ ሄ ሾምፕ ቤሳ ጌላና ኢሲ ኢሲ አሳቲ ዴዎሶና።

7 ሄሳ ጊሾ፡ የሳይ፡ «ሃቺ» ጊዲ ያገሰ ኢሲ ጋላሰ ኮሰ ቃንዲሰ። ዳሮ ዋዴፔ ጉዬ የሳይ ዳዊቲ ባጋራ።

«የሳይ ጊያባ ሃቺ ሂንቲ ሲዲያ ዋዴ ሂንቲ ዋዛና ሚንሰፊቴ»

ያገዲ ኦዲሰ።

8 ኢያሱይ ኤንታው ሾምፕዋ ኢሚዳባ ጊዲያኮ፡ የሳይ ሃራ ጋላሳባ ጉዬፔ ኦዴናሺን።

9 ሂዛ፡ የሳ አሳሰ ሳምባታ ሾምፕይ ናጌቲዲ ዴዴሰ።

10 የሳ ሾምፕ ቤሳ ጌሊያ ኦኒካ፡ የሳይ ባ ኦሱዋፔ ሾምፕዳይሳዳ ኢካ ባ ኦሱዋፔ ሾምፕና።

11 ሄሳ ጊሾ፡ ኦኒካ ሄ አሳ ከቲቲፋ ኢፀዋ ካሊዲ፡ ኩንዶናዳ የሳ ሾምፕ ቤሳ ጌላናው ሚናሰ።

12 የሳ ቃላይ ዴዎኔ ኦሴይሳ። ናምቡ ባጋራ ቃራቲዳ ማሻፌ አዲዲ ኦጮ። ኢ ሾምፕ፡ ኢያና፡ የጸኔ ኮሊዜ ጋካናው ካንሊዲ ጫዴሰ። ቃሲ አሳ ዋዛናን ዴዴያ ጌሚዳ ቆፋኔ አውዋ ሻኪዲ ፒርዴሰ።

13 የሳ ሲንጻፌ ቆሴቲያባይ አይባ ሚዴቲላካ ባዋ። ኢያ አይፌ ሲንጻን ኡባባይ ቆንጮኔ ካሎ ዴዴሰ። ኦኒ ዛሮ ኢማናው ቤሴይ ኢያ ሲንጻና።

ጊታ ካሂኔ ሃላቃ ዬሱሳ

14 ሂዛ፡ ሳሎ ኬዬዳ ጊታ ካሂኔ ሃላቃይ፡ የሳ ናዳይ ዬሱሰ፡ ኮሰ ዴዴያ ጊሾ ኦ አማኑዋ ሚንሊዲ ናሳሰ።

15 ኦ ካሂኔ ሃላቃይ ኦ ዳቡሪያ ዋዴ ኦሰ ቃዴታናው ዳንዳዴይሳ። ኢ ናጋራ ኦሊቤና፡ ሺን ኦዳ ኡባባን ፓጮቲሰ።

16 ሂዛ፡ ማርቲፋ ኤካናውኔ ማዴ ኮሺያ ዋዴ አዶ ኬሃቲፋ ዴማናው አዶ ኬሃቲፋይ ዴዴያሱዋ የሳ አራታኮ ያዮና ሺቆሰ።

5

1 ኢሲ ኢሲ ካሂኔ ሃላቁ አሳ ጊደፌ ደሬቲዲ፡ የሳራ ጋሊያባን አሳ ጊሾ አሞታኔ ናጋራ ያርሾ ያርሻናው ሹሜቲሰ።

2 ኢ ባ ሁዴን ዳቡራንቾ ጊዲያ ጊሾ ኤርናይሳታሲኔ ባሌይሳታሰ ቃዴታናው ዳንዳዴሰ።

3 ኢ ባ ናጋራ ጊሾኔ አሳ ኡባ ናጋራ ጊሾ ያርሾ ያርሻናው ቤሴይ ሂሳሳ።

4 ኦኒካ ሃ ቦንቼዋ ባው ኤካናው ዳንዳዴና፡ ሺን አርኒ ካሂኔ ሃላቃ ጊዳናው ያጌቲዳይሳዳ የሳን ያጌታናው ቤሴሰ።

5 ሂሳዳካ፡ ከሪሰቶሲ ካሂኔ ሃላቃ ጊዲያ ቦንቼዋ ባው ኤኪቤና። ሺን የሳይ ኢያ፡ «ኦኒ ታ ናዳ።

ሃቺ ታ ኔው አዋ ጊዳሰ»

ያገሰ።

6 ቃሲ ሃራሶን፡

«ማልኬዳዴቄይ ካሂኔ ጊዲዳይሳዳ፡ ኦኒ ሜሪናው ካሂኔ ጊዳና»

ያገሰ።

7 ዬሱሰ አሴ ጊዲዲ ሃ አላሚያን ዴዴያ ዋዴ ባና ሃይቆፔ አሻናው ዳንዳዴያ የሳ ዳሮ ዬሆኒኔ አፋላን ዋሲሰ። ኢ፡ ኢያ ቦንቼዲ ከቲቲዳ ጊሾ የሳይ ኢያ ዋሳ ሲዲሰ።

8 ዬሱሰ የሳ ናዳ ጊዲኮካ ባ ዋዴቲዳ ዋያን ከቲቲላ ታማሪሰ።

9 ሂሳንካ፡ ዬሱሰ ባ ኦሱዋ ፖሊዳፔ ጉዬ ባው ከቲቲያ ኡባይ ሜሪና አቶቲፋ ዴማና ሜላ ጋሶ ጊዲሰ።

10 የሳይ ማልኬዳዴቄ ሹሚዳይሳዳ ካሂኔ ሃላቃ ኦሊዲ ኢያ ሹሚሰ።

አማኑዋን ዳቡርና ሜላ ኢሜቲዳ ናገሶ

11 ሃ ኦ ኦዳ ቦላ ጉጂ ሃሳያናባይ ዳርባይ ዴዴሰ። ሺን ሂንቲ ኦኪካይ ጉላ ጊዲያ ጊሾ ሂንቲው ኦዲ ጌልሳናው ዋይሴሰ።

12 ሂንቲ ሃናዴ አሰታማሪ ጊዳናው ቤሴሰ፡ ሺን የሳ ቃላ ኮይሮ ቲሚርቲያ ሂንቲና ዛሪ ታማርሲያ ሃራ አሲ ኮሺሰ። ሂንቲ ሚኖ ካሊ ማናው ዳንዳዴያ ጊሾ ማሊ ኮሺሰ።

13 ማሊ ፓሄቲያ ኦኒካ ዮጋ ናዳ ጊዲያ ጊሾ ሎዎኔ ኢታ ሻኪ ኤሬና።

14 ሺን ሚኖ ካሊ ሎዎኔ ኢታ ሻኪዲ ኤሬያ ካሃማ አሳሳ።

6

1 ሂዛ፡ ከሪሰቶሳባ ታማርሲያ ኮይሮ ቲሚርቲያ አገዲ ከሪሰቶሳን ካሃማቲላኮ ቦሰ። ሃይቆ ኦሶፔ ሲሞባኒ የሳ አማናባ ኮይሮ ቲሚርቲያኮ ጉዬ ሰሞኮ።

2 ሂሳዳካ፡ ያንቃቲታባ፡ * ኩሼ ዋሶባ፡ ሃይቆፔ ዴንዳባኔ ሜሪና ፒርዳባ ዛሪ ታማርኮ።

3 የሳይ ጊኮ ኦ ሂሳ ኦላና።

4 ኢሲ ቶሆ ፖይይ ፖዲዳይሳታ፡ ሳሎ ኢሞታ ኤኪዳይሳታ፡ ጌሻ አያናን ሻኪቲዳይሳታ፡

5 ሎዎ የሳ ቃላኔ ሲንጻፌ ያና አላሚያ ዋልቃ ቤዲዳይሳታ፡

6 ጉዬፔ ካዲዳይሳታ ናጋራፔ ናምባንጻ ዛራናው ዳንዳዴቲና። አይሰ ጊኮ፡ ኤንቲ ባንታ ጳዩዋሰ የሳ ናዳ ዛሪ ካቂያ ሜላ ማሰቃሊያ ቦላ ኢያ ካቆሶናኔ አሳ ሲንጻን ካዉሾሶና።

7 ኡባ ዋዴ ኢ ቦላ ቡኪያ ኢራ ኡያዳ፡ ጎዬዳ ኡራ ማዲያ ካሊ ኢሚያ ቤቲያ የሳን ኦንጃቲዳር።

4:5 ማዘ 95:11 4:7 ማዘ 95:7-8 4:8 ዛሬ 31:7፤ ኢያ 22:4 4:10 ሜዴ 2:2 5:3 ለዌ 9:7 5:4 ኪሳ 28:1 5:5 ማዘ 2:7 5:6 ማዘ 110:4 5:7 ማቶ 26:36-46፤ ማር 14:32-42፤ ሉቃ 22:39-46 5:12 1ቆር 3:2 * 6:2 ያንቃቲታባ፡ ሃ ቤሳን ያንቃቲታባ ጌቲቲዳይ ዲማ ዲማ ጌሾ ዋጋታባ ኦዳናሳ። 6:8 ሜዴ 3:17-18

8 ሺን አጉንጡኔ ከንቸቴ ደሊያ ቢቲያ አይቢባካ ማዲኩ፤ አው ቃንጌላይ ማታቲስ፤ ወርሴላን ፀጌታና።

9 ኑ ሲቆ አሻቶ፣ ኑኒ ሃይሳዳ እዲያባ ገዲኮካ፣ ሂንቴና አቶቴላኮ ካሌሊያ ሎዖባይ ሂንቴው ዴዔይሳ ኤርሰ።

10 ዖሳይ ሱሬ ፐርዴይሳ። ዖሳይ፣ ሂንቴ ኦሊዳ አሱዋኔ ካሴ ገዲን ሃዒካ አማኔይሳታ ማዲዲ፣ ኢያው ዴዔይ ሲቁዋ ቤሲዳይሳ ደጌና።

11 ሂንቴ ኡባይ ኡፋይሳን ናጌይሳ ዴማና ጋካናው ሃ ሚናቴላ ወርሴሊ ጋካናው ቤሳና ማላ ኑ አሞቶስ።

12 ሂንቴ አማኖኒኔ ዳንዳዓን ናጌያ ኡፋይሳ ላቲያ አሳ ዳናና ማላቴ አቲን አዛላ ገዲና ማላ ኮዮኮ።

ዖሳይ አሚዳ ኡፋይሳይ ሲዲሴና

13 ዖሳይ አብራሃሜስ አማና ገዲ ጫቁዳ ዋዴ ባፔ አዲያ ሃሪ ገቲ ባይና ገሾ ባ ሁዔን ጫቁስ።

14 ኢያኮ፣ «ታኒ ኔና አንጃና፤ ኔ ዜሬላካ ዳርሳና» ያገሰ።

15 አብራሃሜይ ዳንዳዓን ናጌዲ ዖሳይ አማና ገዲ ኡፋይሳ ኤስሰ።

16 አሲ ጫቁሼ ባፔ ገታቲያ ኡራን ጫቁስ፤ ሄ ጫቆይ ጌቲቲዳባ ሚንሊዲ፣ ፓላማ ኡባ ቴቁስ።

17 ሄሳ ገሾ፣ ዖሳይ ባ ላሚቶና ቆፋ ኡፋይሳ ቃላ ላቲይሳታስ ቆንጨሳናው ኮዩዳ ገሾ ጫቆን ሚንሊሰ።

18 ዖሳይ ዋርዶቴና። ኢያ ኡፋይሳ ቃላይኔ ጫቆይ፣ ናምዓይካ ላሚቶኮና። ሃ ናምዑባታን ኑ ሲንላን ዴዔይ ኡፋይሳ አይካናው ዳናዳዓና ማላ ጌሼ ዴማናው ኢያኮ ባቃቲዳ ኑ፤ ዋልቃማ ሚንሊሳ ዴማና።

19 ሃ ኡፋይሳይ ኑ ሼምፑዋስ፣ ማርካቤይ ቃዖናዳ ሚንሊዲ ኦይኪያ ቢራታ ማላ። ሄ ኡፋይሳይ ማጋራጃዋፊ ጉዬ ባጋን ዴዔይ ጌሻ ቤሳ ጌሊሰ።

20 ዬሱሲ ማልኬግዲቁ ሹማቴላዳ ሜሪናው ካሂኔ ሃላቃ ገዲዲ፣ ኑ ገሾ ኑፔ ሲንላቲዲ ሄ ቤሳ ጌሊሰ።

7

ካሂኒያ ማልኬግዲቁ

1 ማልኬግዲቁይ፣ ሳሌሜ ካዋይ፣ ኡባፌ ቦላ ዖሳ ካሂኔ። ሄ ማልኬግዲቁይ አብራሃሜይ ካዋታ ኦሊ ያኒዲ ሲሚሺን ኢያራ ጋሄቲዲ ኢያ አንጃሰ።

2 አብራሃሜይ ባ ዲዒዳባ ኡባፌ ኢያው አሰራታ ኬሲዲ አሚሰ። ማልኬግዲቁ ሱንላይ ኮይሮ «ዲሎቴላ ካዋ»፣ ናምዓንሳ፣ «ሳሌሜ ካዋ» ቢርሼላይ፣ «ሳርቴላ ካዋ» ጉሱ።

3 ማልኬግዲቁስ አያ ዋይኮ አዉ ዋይኮ ዛሬ ፓይደይ ባዋ። ኢያ ዬሌቴላስ ደሜሊ ዋይኮ ኢያ ዴዑዋስ ወርሴሊ ባዋ፣ ሺን ዖሳ ናዓ ዳኒዲ ሜሪናው ካሂኔ ገዲሰ።

4 ማልኬግዲቁይ አይ ማላ ገቲኮ ቤዒቲ። ኑ አዋታ ማይዛይ፣ አብራሃሜይ፣ ባ ዴዒዳባፔ ኢያው አሰራታ አሚሰ።

5 ካሂኔ ገዲያ ለዌ ዛሬይ አሰራዔሌ አሳፔ፣ ሄሲካ አብራሃሜ ዜሬሊ ገዲዳ ባንታ አሻታፔ አሰራታ ኤካና ማላ ሂጌይ ከቲስ።

6 ማልኬግዲቁይ ለዌ ዛሬ ገደና ኢዲኮካ አብራሃሜፔ አሰራታ ኤስሰ፤ ኡፋይሳ ቃሊ ዴዔይ አብራሃሜ አንጃሰ።

7 ጉላይ ገታን አንጃቴይሲ ፓላንሱና።

8 አሲ ባጋራ፣ አሰራታ ኤኬይሳቲ ሃይቁያ አሳታ፣ ሺን ሃራ ባጋራ አሰራታ ኤኬይሲ ዴዖን ዴዔስ ያገዲ ኦዴቲዳይሳ።

9 ሂዛ፣ አሰራታ ኤኪያ ለዌይ፣ አብራሃሜ ባጋራ አሰራታ አሚሰ ጋናው ዳንዳዔቴስ።

10 አይሰ ገኮ፣ ማልኬግዲቁይ አብራሃሜራ ጋሄቲያ ዋዴ ለዌይ ዬሌቴሮናባ ገዲኮካ፣ ባ ማይዛ አብራሃሜ ጉልባታን ዴዔስ።

11 ኢሰራዔሌ አሳሰ ሂጌይ ለዌ ካሂኔቴላ ባጋራ አሚቴስ። ሃ ለዌ ካሂኔቴላይ ፖሎ ገዲዳባ ገዲያኮ አርናይሳ ማላ ገደናሺን፣ ማልኬግዲቁ ማላ ሃራ ካሂኔ ሹማናው አይሰ ኮሺዴ?

12 ሂዛ፣ ካሂኔቲ ላሚቲያ ዋዴ ሂጌይካ ቃሲ ላሚታናው ቤሴስ።

13 ሃ ኑ ኢያባ ኦዲያ ኡራይ ሃራ ዛሬ፤ ኢያ ሼሻፔ ኦኒካ ያርሾ ቤሳን ካሂኔቴላን አሊቤና።

14 ኑ ጎዳይ ዩሁዳ ሼሻፔ ዩዳይሲ ኤሬቲዳይሳ። ገደሺን፣ ሙሴይ ካሂንቴባ ኦዲሼ ዩሁዳ ዛሬያባ አይባካ ኦዲቤና።

15 ማልኬግዲቁ ማላ ሃራ ካሂኔይ ዩዳባ ገዲያኮ ሃ ኑ ኦዲያባይ አዲ ቆንጫና።

16 ኢ ካሂኔ ገዲዳይ ቆዮና ዴዑዋ ዋልቃናፔ አቲን ኢያ ማይዛ ሂጌኒኔ ዋጋን ገዴና።

17 ጌሻ ማፃፋይ፣ «ማልኬግዲቁ ካሂኔቴላ ማላ፣ ኔኒ ሜሪናው ካሂኔ»

ያገዲ ማርካቴስ።

18 ኮይሮ ሂጌይ ዳቡራንቸኔ ማደናባ ገዲያ ገሾ ሻሬቲስ።

19 ሙሴ ሂጌይ አይቢንካ ፖሎ ኦላናው ዳንዳዒቤና። ሺን ኑኒ ኢያ ባጋራ ዖሳኮ ሸቁያ ኡባፌ አዲያ ኡፋይሳ ቃላይ ኑስ አሚቴስ።

20 ከሪስቶሲ ካሂኔ ገዲያ ዋዴ ዖሳይ ጫቁስ፣ ሺን ሃራቲ ካሂኔ ገዲዳ ዋዴ ሄሳ ማላ ጫቆይ ባዋ።

21 ሺን ዬሱሲ ጫቆን ካሂኔ ገዲሰ። ዖሳይ ያገዲ ጫቁስ፤

«ጎዳይ ጫቁስ፤ ኢ ባ ቆፋ ላሚና፤ «ኔኒ ሜሪና ካሂኔ» » ያገሰ።

22 ሃ ጫቁዋ ጋሶን ዬሱሲ ኑስ ኡባፌ አዲያ ቃላ ጫቁዋስ ዋሴ ገዲሰ።

23 ካሂኔቴላን ኦላና ማላ ሃይቆይ ኤንታ ዲጊዳ ገሾ ኮይሮ ካሂኔታ ታይቦይ ዳር።

24 ሺን ዬሱሲ ሜሪናው ዴዔይ ገሾ ኢያ ካሂኔቴላ ሃሪ ላቴና።

25 ሄሳ ገሾ፣ ኢ ኡባ ዋዴ ኤንታ ገሾ ጋናታናው ሜሪናው ዴዔይ ገሾ ዖሳኮ ኢያ ባጋራ ዬይሳታ ፖሎ አሻናው ዳንዳዔስ።

6:14 ሜዴ 22:16-17 6:19 ለዌ 16:2 6:20 ማዝ 110:4 7:1 ሜዴ 14:17-20 7:5 ታይ 18:21 7:17 ማዝ 110:4 7:21 ማዝ 110:4

26 ሂዛ፡ ኑስ ኮሺያባ ኢሚያ፡ ጌሻይ፡ ቦሬይኔ ቱኒ ባይናይሲ፡ ናጋራንቸታ፤ ሻኬተዳይሲኔ ሳሉዋ፤ ኣጲዲ ጾቂዳ ካሂኔ ሃላቃይ ኑስ ኮሺስ።

27 ኢ ሃንኮ ካሂኔ ሃላቃታ ማላ ኮይሮ ባ ናጋራ ጊሾ ካሊዲ ኣሳ ናጋራ ጊሾ ጋላስ ጋላስ ያርሾ ያርሻናው ኮሺና። ኢ ባና ያርሺዳ ዋዴ ዛሬሶና ኦጌን ኢሲ ቶሆ ባና ያርሺስ።

28 ሙሴ ሂጌይ ዳቡራንቸ ኣሳ ካሂኔ ሃላቃ ኦሊዲ ሹሚስ። ሺን ሂጊያፊ ጉዬ ዪዳ ጫቆ ቃላይ ማሪናው ፖሎ ጊዲዳ ያሳ ናባ ሹሚስ።

8

ዩሱሲ ኑ ካሂኔ ሃላቃ

1 ኑኒ ሃሳያ ጊታባይ ሄሳ። ሳሉዋን ኡባፊ ቦላ ያሳ ኣራታ፤ ኡሻቻ ባጋን ኡቲዳ ሃይሳ ማላ ካሂኔ ሃላቃይ ኑስ ዴዴስ።

2 ኢ ኣሳን ጊደናሺን ጎዳን ኤቂዳ ቱማ ዲንካኒያን ያሳ ኬላን ኦሊስ።

3 ካሂኔ ሃላቃ ኡባይ ኢሞኔ ያርሾ ያርሻናው ሹሚቲስ። ሄሳ ጊሾ፡ ሃ ካሂኔይ ያርሻናው ኢሲባይ ዳናው ኮሺስ።

4 ሂጌይ ከቲይሳዳ ያርሺያ ካሂኔቲ ዴዴያ ጊሾ ከሪስቶሲ ሳባን ዴዴያባ ጊዲያኮ ካሂኔ ጊደና።

5 ኤንቲ ካሂኔቲላን ኦሊያ ዲንካኒይ ሳሎን ዴዴይሳስ ለሚሶኔ ኩያ። ሙሴይ ዲንካኒያ ኤሲያ ዋዴ ያሳይ ኢያኮ፡ «ታኒ ኔና ዴሪያ ቦላ ቤሲዳ ለሚሱዋ ካላዳ ኦላ» ያገሰ።

6 ሺን ዩሱሲ ጊደ ጊዲዲ ሲጌሊያ ጫቆይ፡ ኮይሮ ጫቆ፤ ኣጲይሳዳ ኢ ኤኪዳ ኣሳይ ኤንታይሳፊ ኣጲስ። ሄሲ ኤቂዳይ ኣጲያ ጫቆ ቃላና።

7 ኮይሮ ጫቆ፤ ባሊ ባይናባ ጊዲያኮ ናሞዳንሉ ጫቆ ኮሺና።

8 ሺን ጎዳይ ኢያ ቦሪዲ፡ ሃይሳዳ ያገሰ። «ታኒ ኢሰራዴሌ ኣሳራኔ ዪሁዳ ኣሳራ ኦራላ ጫቆ ጫቂያ ዋዴይ ያና።

9 ሄ ጫቆይ ታ ኤንታ ኣዋታ ጊብፃ ቢታፊ ኩሺያ ኦይካዳ፡ ጎቻ ኬሲዳ ዋዴ ኤንታራ ጫቂዳ ጫቆ፤ ማላ ጊደና።

ኤንቲ ታ ጫቆ፤ ኣማኔቲቦና ጊሾ ታኒ ኤንታ ዬጋ ኣጋስ ያገሰ ጎዳይ።

10 ሺን ሂዛ፤ ጉዬ ኢሰራዴሌ ኣሳራ ታ ጫቆና ጫቆይ ሃይሳ ያገሰ ጎዳይ።

ታኒ ታ ሂጊያ ኤንታ ጉጊያን ዋላና፤ ኤንታ ዋዛናን ያላና።

ታኒ ኤንታ ያሳ ጊደና፤ ኤንቲካ ታ ኣሴ ጊደና።

11 ኤንታፊ ኦኒካ ባ ሾራዋ ዋይኮ ባ ኣሻ፡ ሳዳ ኤራ» ያገሲ ታማርሴና።

ኤንቲ ጉላፊ ጊታ ጋካናው ኡባይ ታና ኤራና።

12 ታኒ ኤንታ ናቁዋ ኣቶ ጋና፤ ኤንታ ናጋራ ዛራ ቆፒኬ» ያገሰ።

13 ያሳይ ሃ ጫቆ፤ «ኦራሊ» ጊዲ ያገሺ ኮይሮይሳ ጋላዲሲስ። ሂዛ፡ ጋላዲኔ ጩጋይ ጳያ ዋዴይ ጋኪስ።

9

ሳሎ ጎይናኔ ሳባ ጎይና

1 ኮይሮ ጫቆ፤ ያሳ ጎይኒያ ዋጋይኔ ሳባ ያሳ ኬላይ ዴዴስ።

2 ዲንካኒይ ኤቂስ። ኢያን ያሞ፤ ዋሊያ ኮጫይ፡ ያርጶዛይኔ ጎዳ ሲንላን ዋሊያ ኡይላይ ዴዴስ፤ ሄ ቤሳይ ጌሻ ቤሳ ጌቲቲስ።

3 ናሞዳንሉ ማጋራጃዋፊ ጉዬ ባጋራ ዴዴያ ቤሳይ ኡባፊ ጌሻ ቤሳ ጌቲቲስ።

4 ኢያ ጊደን ኢፃኔ ጩዩሲያ ዋርቃ ሳዲኔይኔ ዋርቃን ማሺቲዳ ጫቆ ታቦቲይ ዴዴስ። ሄ ጫቆ ታቦቲያን ማናይ ዴዴያ ዋርቃ ያርይ፡ ኣጪዳ ኣርና ያሞዳይኔ ሙሴ ሂጌይ ያፊቲዳ ናሞዳ ሎቹ ሹቻቲ ዴያሶና።

5 ሄ ታቦቲያ፤ ቦላ ባጋራ ኣቶቲላ ካማ ባንታ ቁፊያን ጌንሊያ ቦንቸ ከሩቤቲ ዴያሶና። ሺን ሃዲ ሄ ኡባ ቆንጪሲዲ ኦዳናው ዴንዳያኮ።

6 ሃ ኡባይ ሃይሳዳ ጊጊዳ፤ ጉዬ፡ ካሂኔቲ ኡባ ዋዴ ባንታ ኦሱዋ ኦላናው ዲንካኒያስ ኮይሮ ከፊሊያ ጌሎሶና።

7 ሺን ካሂኔ ሃላቃ ያላሊ ዲንካኒያስ ናሞዳንሉ ከፊሊያ ሳይላፊ ኢሲ ቶሆ ጌሎስ። ኢ ያ ጌሊሽ ባ ናጋራ ጊሾኒ ኣሳይ ኤርና ኦሊዳ ናጋራ ጊሾ ሱላ ያርሾ ኤኮና ጌሊና።

8 ኮይሮ ዲንካኒይ ኤቂዲ ዴዴሺን፡ ኡባፊ ጌሻ ቤሳ ኤፊያ ኦጌይ ቡሮ ዶዩቲቦናይሳ ጌሻ ኣያናይ ሄሳን ኤሪሴስ።

9 ሄሲ ሃ ዋዲያስ ለሚሶ፤ ያሳስ ኣሚቲያ ኣሞይኔ ያርሾይ ጎይኒያ ኡራ ካሃ ጌሻናው ዴንዳያይሳ ሃይሲ ቤሴስ።

10 ሃሳቲ ሙሳባ፡ ኡሻባኔ ዲማ ዲማ ማቻ ዋጋታ ኦዴይሳታ። ኤንቲ ኦራላ ዋጋይ ያና ጋካናው ኦሴቲያ ካሬ ባጋ ዋጋታ።

11 ሺን ከሪስቶሲ ሃዲ ኑ ዴሚዳ ሎያባታስ ካሂኔ ሃላቃ ጊዲዲ ዩስ። ኢ ጌሊዳ ዲንካኒይ ጊታኔ ፖሎ ጊዲዲይሳ። ሄ ዲንካኒይ ኣሳ ኩሺን ኦሴቲቤና ቃሲ ሃ ኣላሚያባ ጊደና።

12 ከሪስቶሲ ኡባፊ ጌሻ ቤሳ ጌሊያ ዋዴ ዴሻ ሱሊኔ ማራ ሱሊ ኤኪዲ ጌሊቤና። ሺን ማሪና ኣቶቲላ ኣሚናው ባ ሱላ ኤኪዲ ዛሬሶና ኦጌን ኢሲ ቶሆ ጌሊስ።

13 ዴሻ ሱላይኔ ኮርማ ሱላይ፡ ፀጌቲዳ ኡሳ ቢደይ፡ ቱኒዳ ኣሳ ቦላ ጳርጩቲዲ ኤንታና ጌሺያባ ጊዲኮ።

14 ማሪና ጌሻ ኣያና ባጋራ ቦሬይ ባይና ያርሾ ኦሊዲ፡ ያሳስ ባና ኣሚዳ ከሪስቶሳ ሱላይ፡ ዴያ ያሳ ጎይናና ማላ ሃይቆ ካሊሊያ ኦሱዋ፤ ኑ ካሃ ዋቲ ኣሊ ጌሺኔ?

15 ሄሳ ጊሾ፡ ያጌቲዳይሳቲ ያሳይ ኣሚዳ ማሪና ላታ ኤካና ማላ ከሪስቶሳ ኦራላ ጫቆ፤ ጊደ ጊዲዲ ሲጌሊይሳ ጊዲስ። ሄሲ ሃኒዳይ

7:27 ለዌ 9:7 8:1 ማዘ 110:1 8:8 ኤር 31:31-34 9:2 ኬሳ 26:1-30፤ 25:31-40 9:3 ኬሳ 26:31-33 9:4 ኬሳ 30:1-6፤ 25:10-16፤ 16:33፤ ታይ 17:8-10፤ ኬሳ 25:16፤ ዛሬ 10:3-5 9:5 ኬሳ 25:18-22 9:6 ታይ 18:2-6 9:7 ለዌ 16:2-34 9:13 ለዌ 16:15-16፤ ታይ 19:9፤ 17-19

አሳይ ኮይሮ ጫቆዋ፤ ጋርሳን ዳዒያ ዎዴ ኦሊዳ ናጋራ፤ ኤንታና ዎዛናው ኢ ሃይቁዳይሳና።

16 ሂዛ፡ ከኬይ ዳዒኮ፡ ሄ ከኪዳ ኡራ ሃይቆይ ኤሬታናው ኮሼሰ።

17 ከኪዳ ኡራይ ሃይቁኮ ኢያ ከኬይ ሚኔሰ። ከኪዳ ኡራይ ሃይቆና ኣቲኮ ኢያ ከኬይ ኦሌና።

18 ሃሪ ኣቶሺን፡ ኮይሮ ጫቆይካ ሱሊ ባይና ሚኒቤና።

19 ሙሴይ ሂጌ ኪታ ኡባ ኣሳሰ ኦሊዳ፤ ጉዬ ማራ ሱሊኔ ዳሻ ሱሊ ሃላራ ዋላኪዳ፤ ዘዎ ዶርሳ ኢኪሴኔ ሂሶጶ ሶንጮ ኤኪዳ፤ ማፃፋ ሶላኔ ኣሳ ሶላ ወርዒሰ።

20 ሙሴይ ኣሳኮ፡ «ሂንቲ ናጋና ማላ ያሳይ ከቲዳ ሱላ ጫቆይ ሃይሳ» ያገሰ።

21 ሃሳዳካ፡ ዲንካኒያ ሶላኔ ኦሊያ ሚሼ ኡባ ሶላ ሱላ ወርዒሰ።

22 ቱማካ ሂጌይ ጌይሳዳ ጉላባታ፤ ኣቲን ኡባባይ ሱላን ጌዬሰ። ሱሊ ጉኮናሺን ኣቶቴሊ ባዎ።

ዬሱሳ ፖሎ ያርሹቴላ

23 ሳሎዋባሰ ለሚሶ ገዲዳይሳቲ ኡባይ ማሄ ያርሹን ጌያናው ኮሼሰ። ሺን ሳሎባቲ ባንታ ሁዒን ሃሳፌ ኣጲያ ያርሹዎን ጌያናው ኮሼሰ።

24 ኪሪሰቶሲ ቱማ ያሳ ከላሰ ለሚሶ ገዲዳ፤ ኣሳ ከሹን ኦሴቲዳ ኡባፌ ጌሻ ቤሳ ጌሊቤና። ሺን ኢ ሃዒ ኦ ጊሾ ያሳ ሲንላን ቤንታናው ሳሎዋ ጌሊሰ።

25 ካሂኔ ሃላቃይ ላይላን ላይላን ባ ሱሊ ገደናይሳ ኤኪዳ፤ ኡባፌ ጌሻ ቤሳ ጌሊሰ። ሺን ኪሪሰቶሲ ዳሮ ቶሆ ባና ያርሻናው ሳሎ ጌሊቤና።

26 ሃሳዳ ሃሂዳባ ገዲያኮ፡ ኪሪሰቶሲ ኣላሚይ ማጲቶሳ፤ ዶሚዲ ዳሮ ቶሆ ዎዬታናው ኮሼሰ። ሺን ሃዒ ዎዲያ ወርሴላን ናጋራ ዲጋናው ባና ያርሹዲ ዛሬላና ኦጌን ኢሲ ቶሆ ቤንቲሰ።

27 ኣሲ ኡባይ ኢሲ ቶሆ ሃይቃናው ሃሳፌ ጉዬ ፐርዴታናው ቤሴሰ።

28 ሃሳዳካ፡ ኪሪሰቶሲ ዳሮ ኣሳ ናጋራ ዲጋናው ኢሲ ቶሆ ያርሹቴሰ። ሺን ኢ ናጋራ ቶካናው ገደናሺን ባና ናጌይሳታ ኣሻናው ናምዓንሉ ቆንጫና።

10

1 ሙሴ ሂጌይ ያናው ዳዒያ ሎዎባታሰ ከያ፤ ኣቲን ባ ሁዒን ዋና ገደና። ሃሳ ጊሾ፡ ላይላን ላይላን ፓጮይ ባይና ያርሹቴያ ያርሹይ ሳይናናው ሸቂያ ኣሳ ፖሎ ኦላናው ዲንዳዒና።

2 ሂጌይ ኤንታ ፖሎ ኦላናው ዲንዳዒዳባ ገዲያኮ ኤንቲ ያርሹ ያርሹይሳ ኣጋናሺን። ቃሲ ሳይናናው ሸቂያ ኣሳይ ባንታ ናጋራ፤ ጌያና፤ ኤንታ ካሃይካ ኤንታና ባላ ገዲ ሞቴና።

3 ሺን ሄ ያርሹቴ ላይላን ላይላን ናጋራ ቆፊሶሶና።

4 ኣይሰ ጊኮ፡ ኮርማ ሱሊኔ ዳሻ ሱሊ ናጋራ ዲጋናው ዲንዳዒና።

5 ሃሳ ጊሾ፡ ኪሪሰቶሲ ሃ ኣላሚያ ዪዳ ዎዴ ሃይሳዳ ያገሰ።

«ኔኒ ያርሹኔ ኢሞ ኮያባካ፤ ሺን ታው ኣሾ ገሊሳዳሳ።»

6 ኔኒ ጭጌቲያ ያርሹኔ ናጋራ ያርሹዎን ኡፋይታባካ።

7 ሄ ዎዴ ታ ጊሾ ማፃፋን ፃፊቲዳይሳዳ፡ ሳዳው፡ ታኒ ኔ ሹኒያ ኦላናው ያሰ) ያጋሰ» ያገሰ።

8 ያርሹይ ያርሹታና ማላ ሃጌይ ከቲያባ ገዲኮካ፡ ኪሪሰቶሲ ኮይሮ፡ «ኔኒ ያርሹኔ ኢሞ፡ ጭጌቲያ ያርሹኔ ናጋራ ያርሹ ኮያባካ፤ ኤንታን ኡፋይታባካ» ያገሰ።

9 ካሊዲካ ኢ፡ «ሳዳው፡ ሄኮ ታኒ ኔ ሹኒያ ኦላናው ያሰ» ያገሰ። ሃሳ ጊሾ፡ ኪሪሰቶሲ ናምዓንሉዎ ኤሳናው ኮይሮይሳ ሻሪሰ።

10 ዬሱሰ ኪሪሰቶሲ ያሳ ሹኒያ ኦሊዳ፤ ዛሬላና ኦጌን ኢሲ ቶሆ ባ ኣሹዎ ያርሹዲ ጊሾ ኦኒ ጌዪዳ።

11 ካሂኔ ኡባይ፡ ናጋራ ዲጋናው ዲንዳዎና ሄ ያርሹታ ጋላሰ ጋላሰ ያርሹሼ ኤቁዲ ባ ኦሱዎ ኦሌሰ።

12 ሺን ኪሪሰቶሲ ኡባ ዎዴሰ ገዲያ ኢሲ ናጋራ ያርሹዎ ያርሹዲ፤ ያሳፌ ኡሻቻ ባጋን ኡቲሰ።

13 ሄ ዎዲያ፤ ዶሚዲ ኢያ ሞርኬቲ ኢያ ቶሆይ ዬጲያባ ኦላና ጋካናው ናጌሰ።

14 ኢ ዛሬላና ኦጌን ኢሲ ቶሆ ባና ያርሹዲ ያርሹዎን ጌሻታ ማሪናው ፖሎ ኦሊሰ።

15 ቃሲ ጌሻ ኣያናይ ኦሰ ሃይሳ ማርካቴሰ። ኮይሮ ሃይሳዳ ያገሰ።

16 «ሄ ጋላሳታ፤ ጉዬ፡ ታኒ ኤንታራ ጫቁያ ጫቆይ ሃይሳ፡ ታኒ ታ ሂጌያ ኤንታ ቆፋን ዎላና፤ ኤንታ ዎዛናን ፃፋና» ያገሰ።

17 ካሊዲካ፡ «ታኒ ኤንታ ናጋራ ኤንታ ኢታ ኦሱዎ ዛራ ቆፐኬ» ያገሰ።

18 ሂዛ፡ ናጋራ ኣቶ ጌቴቲዳ፤ ጉዬ ናጋራሰ ያርሹቴያ ያርሹ ኮሼና።

ኣኔ ያሳኮ ሺቆሰ

19 ሂዛ፡ ታ ኣሻቶ፡ ኦኒ ዬሱሳ ሱላ ባጋራ ኡባፌ ጌሻ ቤሳ ጌላናው ኦሰ ሚናቴሊ ዳዒሰ።

20 ኦ ጌላናይ ኪሪሰቶሲ ባ ማጋራጃዎ፡ ሄሲካ ባ ኣሹዎ ባጋራ ኦሰ ዶዪዳ ኦራሊኔ ዳዎ ገዲዳ ኦጊያና።

21 ኦሰ ያሳ ከላ ሶላ ሹሜቲዳ ገታ ካሂኔ ሃላቃይ ዳዒሰ።

22 ኦኒ ኢታ ካሃ፤ ጌያናው ኦ ዎዛና ወርዒቲዳ፤ ኦ ኣሳቴላ ዒሎ ሃላን ማጮቴዲ፤ ሱሬ ዎዛናኒኔ ፖሎ ኣማናን ያሳኮ ሺቆሰ።

23 ኑስ ኡፋይሳ ቃላ ኢሚዳ ያሳይ አማኑቲዳይሳ ገዲያ ገሾ ኑ ማርካቲያ ኡፋይሳ ኡሻቺ ሃዲርሲ ጎና ሚንሉዲ ኦይኮስ።

24 ኢሶይ ኢሱዋ ሲቆሲኔ ሎዎ ኦሶስ ዋቲ ዳንሌላኔኮ ኦኔ ቆፖስ።

25 ኢሶቲ ኢሶቲ ሜዜ ኦሌዲ ሺቄይሳ አገዳይሳዳ ኑኒ ኢሲፌ ሺቄይሳ አጎኮ። ሺን ጎዳ ጋላሳይ ማታቲዳይሳ ሂንቲ ቤዲያ ገሾ ሄሳ ካሴይሳፌ አሌዲ ኦሌቲ።

26 ኑኒ ቱማ ኤራቴላ ኤኪዳፔ ጉዬ ኤሪሼ ናጋራ ኦሌኮ፣ ሃዛፔ ኑ ናጋራ ገሾ ያርሼታና ያርሾይ ባዋ።

27 ሺን ሃዛ አቲዳይ ያሺያ ፐርዳኔ ያሳ ሞርኬታ ፀጋናው ገገዳ ዋልቃማ ታማ።

28 ሙሴ ሂጊያ ኪቲቶና ኢዲዳ ኦኒካ ናምዑ ዋይኮ ሃቭ፣ ኦሲ ኢያ ቦላ ማርካቲኮ ቃጴይ ባይናሺን ሃይቄስ።

29 ያቲን፣ ያሳ ናዓ ካጲዳ ኡራይ፣ ባና ገሺዳ ያሳ ጫቆ ሱላ ቱናባዳ ቆፐዳ ኡራይ፣ ቃሲ አጶ ኬሃቲላ አያና ጫዱዳ ኡራይ፣ አይ ሜላ ኢታ ፐርዳ ኤካናው ቤሲያኮ ኦኔ ቆፐቲ።

30 ሃዛ፣ «ሃሎ ኬሶይ ታባ፣ ታ ኩሼ ዛራና» ገዲይሳ ኑ ኤርስ። ቃሲካ፣ «ጎዳይ ባ አሳ ፐርዳና» ያገሰ።

31 ዴዎ ያሳ ኩሼን ኩንዴላ ዳር ያሸሰ።

32 ሂንቲው ያሳ ፖይይ ፖዒዳፔ ጉዬ ሂንቲ ዳር ዋዬን፣ ገታ ባጻን ገንጪዳ ቤኒ ዋዲያ ቆፐቲ።

33 ኢሲ ኢሲ ቶሆ ሂንቲ አሳ ሲንላን ጫዬቲዳታ፣ ጎዴቲዳታ፣ ኢሲ ኢሲ ቶሆ ሄሳ ሜላ ዋዬይ ጋኪዳ አሳራ ኢሲፌ ዋዬዳታ።

34 ቃሾን ዴዒያ አሳሰካ ቃጴቲዳታ። ሂንቲው ሎዎኔ ቆዮና ሻሎይ ሳሎን ዴዒይሳ ሂንቲ ኤሪዳ ገሾ ሂንቲ ሻሎይ ቦንቄቲያ ዋዴ ኡፋይሳን ዳንዳዒዳታ።

35 ሄሳ ገሾ፣ ገታ ዋይቶይ ዴዒያ ሂንቲ ሚኖቴላ ዬጎፊቲ።

36 ያሳ ሺኒያ ፖሊዲ፣ ኢ ሂንቲው አማና ገዳ ኡፋይሳ ኤካና ጋካናው ገንጫናው ኮሼስ።

37 ሃዛ፣ ገሻ ማፃፋን፣ «ኢ፣ ያና ገዲይሲ ያና፣ ጋምዔና።

38 ሺን ታ ዲሎይ፣ ታናን አማኔቲዲ ዳና፣ ኦኒካ ጉዬ ሲሚኮ ታና ኡፋይሴና» ያገሰ።

39 ኑኒ አማኔቲዲ አቲያ አሳ ባጋፌ አቲን ጉዬ ሲሚዲ ቆያ አሳ ባጋ ገደኮ።

11

አማኖ

1 አማኖይ ጉሳይ፣ ዴማና ገዲ ኡፋይሳን አማኔቲዲ ናገያባኔ ኑ ቤዎና ቤዲያዳ ኦሌዲ ኤኪያባ።

2 ቤኒ አዋቲ አማኖን ያሳፌ ማርካቴላ ኤኪደሶና።

3 አላሚይ ያሳ ቃላን ሜጴቲዳይሳ ኑ አማኖን ኤርስ። ቃሲ ቤንቲያባይ ቤንቶናባፔ ሜጴቲስ።

4 አቤሊ ቃዔላይሳፌ አጲያ ያርሾ ያሳስ ያርሺዳይ አማኖና። ያሳይ አቤላ ኢሙዋ ኡፋይቲዲ ኤኪዳ ዋዴ ኢ ዲሎ ገዲዳይሳ ማርካቲስ። አቤሊ ሃሪ አቶሺን፣ ሃይቄዲካ ባ አማኑዋን ሃዒ ጋካናው ኦዴስ።

5 ሄኖኬይ ሃይቆና ሳሎ ቢዳይ አማኖና። ያሳይ ኢያ ኤኪዳ ገሾ ኦኒካ ኢያ ቤዓናው ዳንዳዒቤና። ሄኖኬይ ሳሎ ኤኬታናፔ ሲንሌ ኢ ያሳ ኡፋይሲዳ አሲ ገዴይሲ ኦዴቲስ።

6 አማኖይ ባይና ኦኒካ ያሳ ኡፋይሳናው ዳንዳዒና። ያሳኮ ያ ኦኒካ ያሳይ ዴዒይሳኔ ባና ኮዬይሳታስ ዋይቶ አሚይሳ አማኖናው ኮሼስ።

7 ኖሄይ ቡር ቤንቶናባሰ ያሳይ ኢያው አዲዳ ዋዴ ያሳስ ያዩዲ፣ ባና፣ ባ ሶ አሳ አሻናው አማኖን ማርካቤ ኬዲስ። ያቲዲ ባ አማኑዋን አላሚያ ፐርዲዲ፣ አማኖን ቤንቲያ ዲሎቴላ ያሳፌ ኤኪስ።

8 አብራሃሜይ ላታ ኦሌዲ ኤካና ቢታ ባና ሜላ ያሳይ ኢያ ጻገዳ ዋዴ ሃሪ አቶሺን፣ ኢ አው ቢያኮ ኤርና ኢዲኮካ ኪቲቲዳይ አማኖና።

9 አብራሃሜይ ያሳይ ኢያው አማኖ ገዳ ቢታን ቤቲ አሳዳ ዴዒዳይ አማኖና። ያሳይ ሄ አማኖ ገዲይሳ ኢያራ ኢሲፌ ላታናው ዴዒያ ዩሳቃራኔ ያይቆባራ ዋላ ዳንካኔን ዴዒስ።

10 ኢ፣ ያሳይ ቆፐዲ ኬዲዳ ዓላ ባሶይ ዴዒያ ካታማ ናገሰ።

11 ሳራ ባ ሁዔን ጨሚዳባ ገዲኮካ ኡፋይሲ አሚዳ ያሳይ አማኔቲዳይሳ ገዴይሳ ኤሪዳ ገሾ ቃንሳታናው ዋልቃ ዴሚዳይ አማኖና።

12 ሄሳ ገሾ፣ ሃይቄዳ አሲ ዳኒያ ኢሲ አዲያፌ ሳሎ ያሊንቶ ሜላኔ አባ ጋፃን ዴዒያ ታይቦይ ባይና ሻፌ ሜላ ዜሬላይ ዩሌቲደሶና።

13 ሄ አሳ ኡባይ ባንታው ጌቲቲዳ ኡፋይሳ ቃላ ኤኮና አማኖን ሃይቄደሶና። ሺን ሃሆራ ሄሳ ቤዒዲ፣ ዴሚዳዳ ኦሌዲ፣ ኡፋይሳን ኤኪደሶና። ቃሲ ኤንቲ ሳዓን አማሌኔ ቤቲ አሲ ገዴይሳ ኤሪደሶና።

14 ሄሳዳ ገያ አሳይ ባንታ ቢታ ናገይሳ ቆንጨን ቤሴስ።

15 ኤንቲ ሄ አገዲ ኬዱዳ ቢታ ጉዬ ቆፐዳባ ገዲያኮ ጉዬ ሲማናው ዳንዳደሶና።

16 ሺን ሃዒ አጲ ሎዒያ ሳሎ ቢታ ላሞቶሶና። ሄሳ ገሾ፣ ያሳይ ኤንታው ካታማ ገገሲዳ ገሾ «ኤንታ ያሳ» ጌቲቲዲ ጻጌታናው ዩላቴና።

17 አብራሃሜይ ፓጩቲዳ ዋዴ ዩሳቃ ያርሺዳይ አማኖና። ሄ ኡፋይሳ ቃላ ኤኪዳ አብራሃሜይ ባ ኢሲ ናዓ ያርሻናው ገገሰ።

18 ያሳይ አብራሃሜኮ፣ «ኔ ዜሬላይ ዩሳቃ ባጋራ ጻጌታና» ያገዲ ኦዲስ።

19 ያሳይ ሃይቆፔ ዳንላናው ዳንዳዒይሳ አብራሃሜይ አማኒዳ ገሾ ዩሳቃ ሃይቆፔ ፓዲ ዴንዲዳዳ ኦሌዲ ዛሪ ኤኪስ።

10:27 ኢሳ 26:11 10:28 ዛሬ 17:6፤ 19:15 10:29 ኬሳ 24:8 10:30 ዛሬ 32:35፣ 36 10:37 ኢብ 2:3-4
11:3 ሜዴ 1:1፤ ማዘ 33:6፣ 9፤ ዮሃ 1:3 11:4 ሜዴ 4:3-10 11:5 ሜዴ 5:21-24 11:7 ሜዴ 6:13-22
11:8 ሜዴ 12:1-5 11:9 ሜዴ 35:27 11:11 ሜዴ 18:11-14፤ 21:2 11:12 ሜዴ 15:5፤ 22:17፤ 32:12
11:13 ሜዴ 23:4፤ 1ታሪ 29:15፤ ማዘ 39:12 11:17 ሜዴ 22:1-14 11:18 ሜዴ 21:12 11:20 ሜዴ
27:27-29፣ 39-40

20 ዩሳቂ ወደፔ ሃናናባ ኤሪዲ ያይቆባኔ ኤሳቂ ኣንጂዲይ ኣማኖና።

21 ያይቆባኔ ሃይቃና ሃኒሹ፣ ኢሲ ኢሲ ዮሴፋ ናይታ ኣንጂዲይኔ ጉፌ ቦላ ካቲዲ ጎይኒዲይ ኣማኖና።

22 ዮሴፊ ሃይቃናው ማቲዳ ወደ ኢሰራዔል ኣሳይ ገብጻፌ ከያናይሳ ኦዲዲይኔ ባ ማቄላ ኣላናባ ኤንታ ከቲዲይ ኣማኖና።

23 ሙሴይ ዩሌቲዳፔ ጉዬ ኢያ ኣያኔ ኢያ ኣዋይ ማላ ሎዖ ናባ ገዲዲይሳ ቤዒዲ ሂቩ ኣገና ቆቲዲይ ኣማኖና፤ ኤንቲ ካወዋ ኣዋጂዋ ያዩቦኮና።

24 ሙሴይ ዲጨዳፔ ጉዬ ገብጻ ካወዋ ናባ ናባ ጌቲታናይሳ ኢዲዲይ ኣማኖና።

25 ሙሴይ ናጋራን ጉላ ዋዴሰ ኡፋይታናፔ፣ ያሳ ኣሳራ ዋይ ኤካናይሳ ደሪሰ።

26 ኢ ዋዴፔ ዳማና ዋይቱዋ ቲሺ ኦሊዲ ያሊዲ ጊሾ ገብጻ ሻሉዋፔ ኣሊዲ ከሪሰቶሳ ጊሾ ቦሪታናይሲ ዳር ኣጂያ ዲሬቴሌ ገዲዲይሳ ኤሪሰ።

27 ሙሴይ ካወዋ ሃንቁዋ ያዮና፣ ገብጻፌ ከዩዲይ ኣማኖና። ቤንቶና ያሳ ቤዒዲ ኣሳዲ ሃኒዲ ባ ቆፋን ገንጨሰ።

28 ሃይቆ ኤሂያ ከታንቾይ ኢሰራዔል ኣሳ ባይራ ናይታ ዋዴና ማላ ሙሴይ ፋሲካኔ ሱላ ወርዳላ ዋጋ ኣሊዲይ ኣማኖና።

29 ኢሰራዔል ኣሳይ ማላ ቢታራ ሃሙቲያዳ ሃሙቲዲ፣ ዘዖ ኣባ ፒኒዲይ ኣማኖና። ሺን ገብጻ ኣሳይ ጌላናው ፓጨ ቤዒሺን ሃላይ ኤንታ ማቲሰ።

30 ኢሰራዔል ኣሳይ ኢያርኮ ካታማ ቩቻ ዲርሳ ላፑን ጋላሰ ዩዩዲ፣ ኩንዲሲዲይ ኣማኖና።

31 ላይሚያ ራዓባ ቢታ ዋቹይሳታ ሞኪዳ ጊሾ ከቲቶና ኣሳራ ሃይቆና ኣቲዲይ ኣማኖና።

32 ሂዛ፣ ሃራ ታ ኣይ ጎ? ጌዲዮናባ፣ ባራቃባ፣ ሳሞሶናባ፣ ዮፍታሂባ፣ ዳዊቲባ፣ ሳሙዔላባ፣ ቃሲ ናቤታባ ኦዲናው ታው ዋዴይ ገዴና።

33 ኤንቲ ኣማኖን ካዋቲሳታ ያኒደሶና፤ ዪሎቴላን ኣይሲደሶና፤ ያሳይ ኢማና ገዲ ኡፋይሳ ኤኪደሶና፤ ጋሞታ ደና ጎርዲደሶና፤

34 ታማ ዋልቃ ቶይሲደሶና፤ ሞርካታ ማሻፌ ኣቲደሶና፤ ባንታ ዲቡራን ማኒደሶና፤ ኦላን ዋልቃማ ገዲደሶና፤ ኣላጋ ቶራ ጎዲደሶና።

35 ማጫሳቲ ባንታ ሃይቁዲይሳቲ ሃይቆፔ ፓዲን ኤኪደሶና።

ቃሲ ሃራቲ ኣጂያ ሃይቆፔ ዳንዲዋ ኤካናው ኮዩዲ ቃሹዋፔ ቢሌታናይሳ ኢዲደሶና።

36 ሃራቲ ኣሳን ቦሬቲዲ ሊሶን ጋራፌቲደሶና፤ ሃራቲ ሳንላላታን ቃሹቲዲ ቃሹ ከላን ዩጌቲደሶና።

37 ኤንቲ ሱቻን ጫዴቲደሶና፤ ማጋዜን ናሞባ ከዩዲ ጳልቁቲደሶና፤ ፓጨቲደሶና፤

ማሻን ሃይቁደሶና፤ ኤንታው ኡባባይ ጳዩን ማቶቲደሶና። ደርሳ ኢቴኔ ዳሻ ኢቴ ማዒዲ ዩዩደሶና።

38 ኤንታው ሃ ኣላማይ ገገና ኢዲን ባዘ ቢታን፣ ዴሬ ቦላ፣ ጎንጎሎኒኔ ኦላ ገዲን ዩዩደሶና።

39 ያሳይ ኤንታ ኣማኑዋባ ማርካቲኮካ፣ ሄ ኡባይ ጌቲቲዳ ኡፋይሳ ቃላ ኤኪቦኮና።

40 ያሳይ ኦሰ ሎዖባ ቆፒ ዋሊዳ ጊሾ ኤንቲ ኦኒ ባይና ፖሎ ገደኮና።

12

ያሳይ ኦሰ ኣዋ

1 ሂዛ፣ ሻራዳ ኦ ዩሹዋን ዳሪዳ ሃይሳ ማላ ማርካቲ ኦ ማታን ዴዒያ ጊሾ ኦና ጳቢያ ኡባኔ ኦይኪዲ ሃሪያ ናጋራ ዲጊዲ፣ ኦ ሲንሳን ዴዒያ ጋዴ ዋላ ጌንጫን ዋዶሰ።

2 ኦ ኣማኑዋሰ ኦጌ ዳዩዲይሳኔ ኦ ወርሴላ ፖሎዋኮ ኦና ጋሊያ ዩሱሳ ቦላ ኦ ኣይፊያ ዋሶሰ። ዩሱሲ ዋዴፔ ዴዒያ ኡፋይሳ ጊሾ ማሰቃሊያ ዋያ ዳንዳዒዲ፣ ዩላ ሃይቁዋ ካጂዲ፣ ያሳፊ ኡሻቻ ባጋን ኡቲሰ።

3 ሂዛ፣ ሂንቲ ደጨዲ ኡፋይሲ ቃንዮና ማላ ናጋራንቾታ ኢፀዋ ዳንዳዒዲ ዩሱሳ ቆፒቲ።

4 ናጋራ ዴዒያ ባዲያን ቡር ሱሉ ጉሳና ጋካናው ኤቁቲቤኬታ።

5 ያሳይ ባ ቃላን፣ ባ ናይታዳ ሂንቲና ዘሪዲይሳ ደጊዴታ።

«ታ ናዓው፣ ያሳ ሴራ ሌቆፋ፤ ኢ ኔና ሴሪያ ዋዴ ኡፋይሲ ቃንዮ።»

6 ጎዳይ ባ ደሲያ ኡራ ሴሬሰ፤ ቃሲ ባ ናዓዳ ኤኪያ ኡባ ጋራፌሰ» ያጌሰ።

7 ያሳይ ሂንቲና ባ ናይታዳ ሴሪያ ዋዴ ጌንጨቲ፤ ኣዋይ ሴርና ናዒ ኦኔ?

8 ያሳይ ባ ናይታ ኡባ ሴሬሰ፤ ሂንቲ ሴሬቶና ኢዲኮ ቱማ ኢያ ናይታ ገደናሺን ባላኮ ናይታ።

9 ቃሲ ኦና ዩሊዳ ኦ ኣዋቲ ኦና ሴርሶና፤ ኦካ ኤንታና ቦንቾሰ። ያቲን፣ ኦኒ ኦ ኣያና ኣዋሰ ዋኒዲ ኣሊ ሃራቶኮ?

10 ሂዛ፣ ኦ ኣዋቲ ባንታው ሎዖ ዳኒዳ ማላ ጉላ ዋዴሰ ኦና ሴሪደሶና። ሺን ያሳይ ኦ ጎዓሰ፣ ኦ ኢያ ጌሻቴላን ሻኬታና ማላ ሴሬሰ።

11 ኦኒ ሴሬቲያ ዋዴ ዩሎዩሲፔ ኣቲን ኡፋይሴና። ሺን ጉዬፔ ሴሬቲላ ማዜቲዳ ኣሳሰ ሴራይ፣ ሳርይ ኩሚዳ ዪሎቴላ ኣይፊ ኣይፊሴሰ።

ዘሬኔ ናጊሶ

12 ሂዛ፣ ሂንቲ ኣርጋጨዳ ቁሲያኔ ሂንቲ ዳቡሪዳ ጉልባታ ማንሊቲ።

13 ዋቤይ ፓፃና ማላፔ ኣቲን ኣሊ ማቆና ማላ ሂንቲ ቶሁዋሰ ሱሬ ኦጌ ገሊሲቲ።

11:21 ሜዴ 47:3፤ 48:1-20 11:22 ሜዴ 50:24-25፤ ከሳ 13:19 11:23 ከሳ 1:22፤ 2:2 11:24 ከሳ 2:10-12 11:28 ከሳ 12:21-30 11:29 ከሳ 14:21-31 11:30 ኢያ 6:12-21 11:31 ኢያ 2:1-21፤ 6:22-25 11:32 ሃሬ 6:11-8:32፤ 4:6-5:31፤ 13:2-16፤ 11:1-12፤ 14፤ 16:1፤ 1ካዋ 2:11፤ 14፤ 1:1-25 11:33 ዳኔ 6:1-27 11:34 ዳኔ 3:1-30 11:35 1ካዋ 17:17-24፤ 2ካዋ 4:25-37 11:36 1ካዋ 22:26-27፤ 2ታሪ 18:25-26፤ ኤር 20:2፤ 37:15፤ 38:6 11:37 2ታሪ 24:21 12:5 ኢዮ 5:17፤ ለሚ 3:11-12 12:12 ኢሳ 35:3 12:13 ለሚ 4:26

14 አሳ ኡባራ ሳሮ ዳናውኔ ገሻቴላን ዳናው ሚኒቴ፤ ገሻቴላ ባይና ኦኒካ ጎዳ ቤዓናው ዳንዳዔና።

15 ሂንቴፊ ኦዳሰካ ያሳ አቶ ኬሃቴላይ ፓጮናዳ፣ ቃሲ ጫሞ አይፌ አይፊዲ ዳሮ አሳ ቱኒሲያኔ ዳይሲያ ዜሬላዳ ገደና ማላ ናጌቴቴ።

16 ሂንቴ ገደን ላይማቴያ አሲ ዋይኮ ኢሲ ቶሆ ሚያ ካላሰ ባ ባይራቴላ ቶቹዲ ባይዚዳ ኤሳዌ ማላ አሲ ደና ማላ ናጌቴቴ።

17 ጉዬፔ ኤሳዌይ ሄ አንጂዋ ኤካናው ኮዬዳ ዋዴ ዲጌቴዳይሳ ኤሬታ። ኢ ሄ አንጂዋ አፋላን ሚኒዲ ኮይኮካ፣ ዳማናው ዳንዳዒቤና፤ ኢ ናጋራፔ ሲማናው ቃዳ ዳሚቤና።

18 ሂንቴ ኩሼን ቦሼቴያ ሲና ዳሪያኮ፣ ኤዲያ ታማኮ፣ ጳማኮ፣ ጫጋናኮ፣ ጎቲያኮ።

19 ሞይዚያ ዋሱዋኮ ዋይኮ ቃላይ ሲዔቲያ ቤሳኮ ዩቤኬታ። ሄ ቃላ ሲዒዳ አሳይ ሃራ ጉዠ ቃላ ሲዖና ማላ ዋሲደሶና።

20 አይሰ ገኮ፣ «ሃሪ አቶሽን፣ ደዒ ሄ ዳሪያ ቦቹኮ፣ ሹቻን ጫዳቲዲ ሃይቆ» ያገደ ከታ ኤንቲ ቶካናው ዳንዳዒቦኮና።

21 ሄ ሃኒያባይ ዳሮ ዳጋንላያባ ገዲዳ ገሾ ሙሴይ፣ «ታኒ ያሻን ኮኮራሰ» ያገሰ።

22 ሺን ሂንቴ ዲዮኔ ዳሪያኮ፣ ዳዖ ያሳይ ዳዒያ ዩሩሳላሜ ካታማኮ፣ ኢሲፌ ሸቂዲ ኡፋይቴያ ዳሮ ሙኩሉ ከታንቸታኮ ሳሉዋ ዩዳታ።

23 ኤንታ ሱንሳይ ሳሎን ፃፊቲዳ ዋሳ ኬላ ባይራ ናይታኮ፣ አሳ ኡባ ፐርዲያ ያሳኮ፣ ፖሎ ገዲዳ ዲሎ አሳ አያናታኮ ዩዳታ።

24 ኦራላ ጫቁዋሰ ገደ ገዲዲ ሲጌላያ ዩሱሳኮ፣ አቤላ ሱላፌ አጂያባ ኦዲያ ዉርፃቲዳ ሱላኮ ዩዳታ።

25 ሂንቴው ኦዲያ ኡራ ቃላ ኢፃሰ ጎና ማላ ናጌቴቴ። ካሴይሳቲ ሳዓን ገዲዲ ኦዲዳ ከታ ሲዖና ኢዲዲ አቲቦናባ ገዲኮ ያቲን፣ ሳሎን ገዲዲ ኦዲያ ቃላ ኦኒ ኢፃሰ ገኮ ዋኒዲ አታኔ?

26 ሄ ዋዴ ኢያ ቃላይ ሳዓ ቃላሰ። ሺን ሃዒ ታኒ፣ «ሳዓ ፃላላ ገደናሺን ኢሲ ቶሆ ዛራዳ ሳሉዋካ ቃላና» ያገሰ።

27 «ኢሲ ቶሆ ዛራዳ» ገያ ቃላይ ቃዖናባይ ሚኒዲ ዳና ማላ ቃዲያ ማጴቲዳባቲ ዳያናይሳ ቤሴሰ።

28 ኦኒ ቃዖናው ዳንዳዖና ካዋቴላ ኤኪያ ገሾ ያሳ ጋላቶሰ፤ ያሳ ኡፋይሲያ ኦጌን ቦንቸኒኔ ያሻቴላን ኢያ ጎይኖሰ።

29 ሂዛ፣ ኦ ያሳይ ቱማ ፀጊያ ታማ።

13

ወርሴላ ዛሬ

1 አማኒያ አሳዳ ኢሶይ ኢሱዋራ ፖሎ ሲቁቲቴ።

2 ኢማሌ ሞኬይሳ ደሳጌቴ። ኢሲ ኢሲ አሳቲ ሃሳዳ ኦሊሹ ኤሮና ከታንቸታ ሞኪደሶና።

3 ቃሾን ዳዔይሳታ ሂንቴካ ኤንታራ ኢሲፌ ቃሾን ዳዒያዳ ኦሊዲ ኤንታና ቆጥቴ። ዋዩ ኤኪያ አሳራ ኢሲፌ ሂንቴካ ዋዩ ኤኪያዳ ኦሊዲ ኤንታና ቆጥቴ።

4 ኤኮይኔ ጌሎይ አሳ ኡባ ማታን ቦንቸቲዳባ ገደ። ቃሲ ያሳይ ላይማቴይሳታኔ ላሚይሳታ ፐርዳናው ዳዒያ ገሾ አዘናይኔ ማቸያ ኢሶይ ኢሱዋሰ አማኔታናው ቤሴሰ።

5 ሚሼ ሲቆፔ ሂንቴና ናጌቴ፤ ሂንቴው ዳዒያባን አሊቴ። ያሳይ፣ «ታኒ ኔና ኡባራካ ዩጊኬ ዋይኮ አጊኬ» ያገሰ።

6 ሃሳ ገሾ፣ ኦኒ አማኔቲዲ፣ «ሳዳይ ታና ማዴይሳ፤ ታ ያዩኬ፤ አሲ ታና አይ ኦላኔ?» ያገሰ።

7 ያሳ ቃላ ኮይሮ ሂንቴው ኦዲዳ ሂንቴና ካሌሌይሳታ ቆጥቴ። ኤንቲ ዋኒዲ ዳዒዳኮ ኤንታ ዲሳ ቤዒዲ ኤንታ አማኔዋ ካሊቴ።

8 ዩሱሰ ከሪሰቶሲ ዚኔካ ሃቺካ ማሪናዉካ ላሚቴና።

9 ዳማ ዳማ ኦራላ ቲሚርቴን ሃራሶ ቢዲ ጳዮፐቴ፤ ቦጥቴ። ኦ ዋዛናይ ያሳ አቶ ኬሃቴላን ሚናናው ቤሴሰፔ አቲን ሚን ጎዖና ካላን ዋጋ ፖሎን ገደፖ።

10 ሺን ዲንካኒያ ገደን ኦሊያ ካሂኔቲ ሄ ያርሾ ካላፌ ማናው ኤንታው ማቲ ባይና ያርሾ ቤሳይ ኦሰ ዳዔሰ።

11 ካሂኔ ሃላቃይ ናጋራ ያርሾሰ ማሄ ሱሊ ኤኪዲ ያርሻናው ኡባፌ ገሻ ቤሳ ጌሌሰ። ሺን ሄ ማሄያ አሹዋ ዲርሳፌ ካሬን ፀጌሰ።

12 ሄሳዳካ፣ ዩሱሲ ዳሪያ ናጋራፔ ባ ሱላን ገሻናው ካታማ ፔንጊያፌ ካሬን ዋዩቲሰ።

13 ሂዛ፣ ኦኒ ቦሪያ ቶኪዲ ዲርሳፌ ካሬ ኢያኮ ኬዮሰ።

14 ሂዛ፣ ኦሰ ሃይሳን ማሪናው ዳዒያ ካታሚ ባዋ፣ ሺን ኦኒ ያና ካታማ ናጎሰ።

15 ሂዛ፣ ዩሱሳ ባጋራ ኡባ ዋዴ ኢያ ሱንሳሰ ማርካቲያ ማቴርሻ ጋላታ ያርሾ ያሳሰ አሞሰ።

16 ሎዖባ ኦሶኔ ሂንቴው ዳዒያባፔ ማቶቲዳ አሳሰ አሞ ደሳጌቴ። ሂዛ፣ ሃሳ ማላ ያርሾይ ያሳ ኡፋይሴሰ።

17 ሂንቴና ካሌሌይሳታሰ ከቲቴቴ፤ ኤንቲ ገያባ ኦሊቴ። ኤንቲ ባንታ ኦሊያባሰ ያሳ ሲንሳን ኦይሼታናው ዳዒያ ገሾ ሂንቴና ሄሞሶና። ሂንቴ ኤንታው ከቲቴኮ፣ ባንታ ኦሱዋ ኡፋይቲዲ ኦላና፤ ሄሲ ሃናና ኢዲኮ፣ ኤንቲ አዛኒሼ ኦላና፤ ሄሲ ሂንቴና አይቢባካ ማዴና።

18 ኦሰ ያሳ ዋሲቴ። ኦ ካሃይ ጌሺ፤ ኦ ኡባ ዋዴ ሎዖባ ኦላናው ኮዮሰ።

19 ታኒ ሂንቴኮ ኤሌሳዳ ያና ማላ ሂንቴ ታው ሚንላዲ ያሳ ዋሳና ማላ ታ ሂንቴና ሃዳራ ጋይሰ።

20 ሳሮቴላ ያሳይ፣ ደርሳ ሄሚያ ኦ ጎዳ ዩሱሳ፣ ባ ማሪና ጫቆ ሱላን ሃይቆፔ ዳንላዲሴሰ።

21 ኢያ ሺኒያ ኦላና ማላ ሎዖባ ኡባን ኢ ሂንቴና ዳንጨሶ። ኢያ ኡፋይሲያባ ዩሱሰ ከሪሰቶሳ ባጋራ ኦናን ያሳይ ኦላ። ዩሱሰ

12:15 ዛሬ 29:18 12:16 ሜዴ 25:29-34 12:17 ሜዴ 27:30-40 12:18 ዛሬ 4:11-12፤ 5:22-27፤ ኬሳ 19:16-22፤ 20:18-21 12:20 ኬሳ 19:12-13 12:21 ዛሬ 9:19 12:24 ሜዴ 4:10 12:25 ኬሳ 20:22 12:26 ሃጌ 2:6 12:29 ዛሬ 4:24 13:2 ሜዴ 18:1-8፤ 19:1-3 13:5 ዛሬ 31:6፤ 8፤ ኢያ 1:5 13:6 ማዘ 118:6 13:11 ለዋ 16:27

ኪሪሰቶሳ ባጋራ ያሳሰ ሜሪናፔ ሜሪና ጋካናው ቦንቾይ ጊደ። አሚንዒ።

22 ታ ኢሻቶ፣ ታ ሃ ዳብዳቢያ ሂንቴው ቃንጻን ፃፊዳ ጊሾ ሂንቴ ታ ዘሪያ ሳሌቶና ኤካና ሜላ ታ ሂንቴና ዋሳይሰ።

23 ኑ ኢሻይ፣ ደሞቲዮሲ ቃሾፔ ቢሌቲዳይሳ ኤሪቴ። ኢ ኤሌሲዲ ታኮ ዪኮ ታ ኢያራ ሂንቴና ባዳ ቤዓና።

24 ሂንቴና ካሌሌይሳታኔ አማኒያ ኡባ ሳሮ ጊቴ። ፃሌፔ ዪዳ አማኒያ አሳይ ሂንቴና ሳሮ ያጎሰና።

25 ያሳ አጼ ኬሃቴላይ ሂንቴ ኡባራ ጊደ። አሚንዒ።

ሃሳዳካ፣ ዱሬ አሳቲ ባንታ ኦሱዋን ደቡሪሽ ዳያና።

ያይቆባ ግፊዳ ኪታ ጋላ ቆፋ

ያይቆባ ኪታይ፣ አማኒያ አሲ ጋላስ ጋላስ ባ ደዑዋ ካሌሊያ ቆፋታ ኦይኪሰ። ሃ ኪታይ ግፊቲዳይ፣ ቢታ ኡባን ላሌቲዳ ታማኔ ናምዑ ኣይሁዳ ዜሬላሳ። ሃ ማፃፋ ግፊይ፣ ጨንጫቴላ ኦኒ ኦሶን ፔሺያ ሂላ፣ አማኒያ አሳ ሞኮባኔ ሎዖ ካንደስ ኦኔ ቤሲያ ኦዳታ ሚሲሌዳ ቆንጨሴስ።

ያይቆባ ኪታይ፣ ማንቆቴላ፣ ዱሬቴላ፣ ፓጩባ፣ ሎዖ ካንደባ፣ ቃናቴባ፣ አማኖባ፣ ሎዖ ኦሶባ፣ ኢንፃርሳ ሃርባ፣ ጨንጫቴላ፣ ኢሶይ ኢሱዋራ ኦሻባ፣ ኦቶርባ፣ አሽኩቴላ፣ ሃራ አሳ ቦላ ፐርዳባ፣ ጨቁቴላ፣ ጌንጫባ፣ ዋሳባኔ አማኒያ አሲ ኦላናው ቤሲያባ ኡባ ቆሪዳ ግፊስ።

ያይቆባ ኪታይ፣ አማኖ ዳዖን አማኖይ ኦሶን ፔዒያ ሃናታታ ቆንጨሲዳ ቤሴስ።

- ያይቆባ ኪታ ኣይፌ ቆፋታ ሳርላ 1:1
- አማኖኔ ጨንጫቴላ 1:2-8
- ማንቆቴላኔ ዱሬቴላ 1:9-11
- ፓጩ 1:12-18
- ዳሳ ቃላ ሲሲኔ ኦሶን ፔሾ 1:19-27
- አሴ አሳፔ ዱማዮ ኮሾናይሳ 2:1-13
- አማኖኔ ኦሶ 2:14-26
- ኢንፃርሲ ሃርባ 3:1-18
- አማኒያ አሲኔ ሃ ኣላሚያ 4:1-5:6
- ዱማ ዱማ ዘሬታ 5:7-20

1 ዳሳኔ ጎዳ ዩሱስ ኪሪስቶሳ ኣይሌይ፣ ያይቆቢ፣ ቢታ ኡባን ላሌቲዳ ታማኔ ናምዑ ሺሻታስ ከቲዳ ኪታ።

ሳር፣ ኣይ ማላ ዳዔቲ?

አማኖኔ ጨንጫቴላ

2 ታ ኢሻቶ፣ ሂንቴና ዱማ ዱማ ፓጩይ ጋኪያ ዋዴ ሂንቴ ሎዖባ ዳሚዳዳ ኩሜላ ኡፋይሳን ኤስቴ።

3 ሂንቴ አማኑዋ ፓጩቴላይ ዳንዳዓ ሂንቴው ኢሜይሳ ኤሬታ።

4 ሂንቴ ወርሴላ ጋካናው ዳንዳዒኮ ኣይቢ ፓጩይ ባይና ፖሎኔ ኩሜላ ጊዳታ።

5 ሂንቴፊ ኦዳስካ ጨንጫቴላ ዳዩኮ ዳሳ ዋሶ። ኢያው ኢሜታና። ዳሳይ ኦናካ ቦርና ኡባስ ኬሃቴላን ኢሚያ ዳሴ።

6 ሺን ኢ ዋሲያ ዋዴ ሲዶና አማኖን ዳሳ ዋሶ። ሲዳያ ኦኒካ ጨርኮይ ሱጊን ቃዒያ ኣባ ዙሌ ማላ።

7-8 ናምዑ ቆፊ ዳዔይኔ ባ ኦጊያን ኤቆና ኦኒካ ጎዳፔ ኣይኮካ ዳማና ጊዳ ቆፖፎ።

ማንቆ አሳኔ ዱሬ አሳ

9 አማኒያ ማንቆ አሳቲ፣ ዳሳይ ኤንታና ዶቁ ኦሊያ ዋዴ ኡፋይቶ።

10 ቃሲ አማኒያ ዱሬ አሳቲ ዳሳይ ኤንታና ዙቁ ኦሊያ ዋዴ ኡፋይቶ። ዱሬ አሳቲ ጨሻዳ ዳያና።

11 አዋይ ባ ሚሻራ ኬዩዳ ማታ ሜሊሲን፣ ጨሻይ ቆሌቴስ፤ ኢያ ሎዖቴላይካ ዳዩሰ።

አሴ ጋኪያ ፓጩያ

12 ማቴዋ ያኒዳ ኣዲዳፔ ጉዬ፣ ዳሳይ ባና ሲቁይሳታስ ኢማና ጊዳ ቃላ ጌሊዳ ዳዖ ካላቻ ኤካና ጊሾ ማቶን ጌንጨያ አሲ ኣንጅቲዳይሳ።

13 ኣኒካ ፓጩቴያ ዋዴ «ታና ዳሳይ ፓጩስ» ጎፖ። ዳሳይ ኢታን ፓጩቴና፤ ቃሲ ኢ ኦናካ ፓጩና።

14 ሺን ኢሲ ኢሲ ኢሲ ባ ኢታ አሙዋን ጎሽቲያ ዋዴኔ ጨማቴያ ዋዴ ፓጩቴስ።

15 ሃሳፊ ጉዬ፣ አሞቴላ ቃንጎቲዳ ናጋራ ዩሌስ፤ ቃሲ ናጋሪ ዳጨዳ ሃይቆ ዩሌስ።

16 ታ ሲቆ ኢሻቶ፣ ጨማቶፊቴ።

17 ሎዖ አሞይኔ ኩሜላ ኣንጅ ኡባይ ሳሎፔኔ ሳሎዋ ፖዑዋ ሜዲዳ ዳሳ አዋፔ ዩስ። ዳሳይ ኩያዳ ኡባ ዋዴ ላሚቴና።

18 ኦኒ፣ ኢያ ሜዴቴላስ ኮይር ጊዳና ማላ ኦና ቱማ ቃላን ባ ሺኔን ዩሊስ።

ሲሲኔ ኦሶ

19 ታ ሲቆ ኢሻቶ፣ ሃይሳ ኣኬኪቴ። ኣሲ ኡባይ ሲዳናው ኤሌሶ፣ ሺን ኦዳታናውኔ ሃንቁታናው ኤሌሶፖ።

20 አሳ ሃንቆይ ዳሳይ ኮያ ዓሎቴላ ኤሃና።

21 ሃሳ ጊሾ፣ ቱና ሃናታኔ ኢታቴላ ኡባ ዲጊዳ፣ ዳሳይ ሂንቴ ዋዳናን ቶኪዳ ሂንቴ ሺምፑዋ አሻናው ዳንዳዒያ ቃላ ኣዳቴላን ኤኪቴ።

22 ሺን ዳሳ ቃላ ኦሶን ፔሺቴፔ ኣቲን ሲሳ ዓላላን ሂንቴና ጨሞፊቴ።

23 ቃላ ሲዒዳ ኦላና ኣሲ፣ ኢ ባ ሶምዑዋ ማስቶቴን ቤዒያ ኣሳ ማላ።

24 ኢ ባ ሶምዑዋ ቤዒዳ ቤስ፣ ሺን ኢ ኣይ ዳኒያኮ ኤሌሲ ዶጌስ።

25 ሺን ኦኒካ ኣይሌቴላፊ ኬሲያ ፖሎ ሂጊያ ኣኬካን ቤዒዳ፣ ካሊዳ ናጌይ፣ ሲዒዳይሳ ዶጎና ኦሶን ፔሺያ ኡራይ፣ ባ ኦሶ ኡባን ኣንጅታና።

26 ባ ኢንፃርሳ ናጎና አማናይስ ጊያ ኡራይ ባና ጨሚስ፤ ኢያ አማኖይ ሃዳ።

27 ዳሳ አዋ ሲንጎን ቦሬይ ባይና ጌሻ አማኖይ ሃይሳ፣ ኣያ ኣዉ ባይና ናይታኔ አምዔታ ማዶኔ ኣላሚያ ቱናፔ ባና ናጎ።

2

አሴ ሻኮፋ

1 ታ ኢሻቶ፣ ሂንቴ ኦ ቦንቾ ጎዳ ዩሱስ ኪሪስቶሳ አማኒያባ ጊዳኮ፣ ኣሳ ሶምዖ ያሊዳ ኣሴ ቦንቾፊቴ።

2 ሎሚሶስ፣ ዋርቃ ሚጊዳ ኣሊዳ፣ ሎዖ ማዖ ማዒዳ ዱሬ ኣሲ ሂንቴ ሺቁዋ ዩስ። ቃሲ ጨርቃ ማዖ ማዒዳ ማንቆ ኣሲካ ዩስ።

3 ሎዖ ማዖ ማዒዳ ኣዲያ ሂንቴ ኣሊ ቦንቾዳ፣ «ኔ ሃይሳን ሎዒያ ኣይዲያን ኡታ» ጊዳ፣ ቃሲ ማንቆ ኣዲያ፣ «ኔ ያን ኤቃ ዋይኮ ሃይሳን ታ ቶሁዋ ማታን ሳዓን ኡታ» ጌታ።

4 ያተን፣ ሂንቱ፣ ሂንቱ ገደን ሻኬቲል። ማዴይሳታኔ ኢታ ቆፋራ ደዲያ ዳይናታ ማላ ገዴኬቲዬ?

5 ታ ሲቆ እሻቶ፣ ሲዲቲ። አማኖን ደሬ ገደና ማላኔ ባና ሲቆይሳታስ አማና ገደ ሳሎ ካዎቲላ ላታና ማላ ሃ ሳዓን ደዲያ ማንቆታ ያሳይ ደሪቤኔዬ?

6 ሺን ሂንቱ ማንቆታ ቶቼታ። ሂንቲና ኡንዔይሳታ ደሬታ ገደኮናዬ? ሂንቲና ዳይና ሲንላ ሳቼይሳታ ኤንታ ገደኮናዬ?

7 ሂንቱ ይገቱዳ ሎ? ገዳ ሱንላ ጫይይሳታ ኤንታ ገደኮናዬ?

8 ሺን ገሻ ማፃፋን፣ «አሴ ኡባ ኔና ኔ ደሴይሳዳ ደሳ» ገቱቲዲ ፃፊቲዳ ያሳ ካዎቲላ ሂጊያ ሂንቱ ፖሊኮ ሎ? ኦቆታ።

9 ሺን ሂንቱ አሳ ሶምዎ ይሊዲ ቦንቸኮ፣ ናጋራ ኦቆታ ቃሲ ሂጊይ ሂንቲና ሂጊ ማንላዲ አሳዳ ፒርዳና።

10 ኦኒካ ሂጊ ኡባሬ ኢሱዎ ማንላዲ፣ አቲዳ ኡባ ናገኮ ኡባ ማንላዲ ታይቤቲስ።

11 «ላዎፋ» ገዳ ጎዳይ፣ ቃሲ «ዎጶፓ» ገሰ። ሺን ኔኒ ላዎና አጋዳ ዎጶዳባ ገዲኮ፣ ሂጊያ ማንላዳሳ።

12 አይሌቲላፊ ኬሲያ ሂጊያ ሲንላን ፒርዳ ኤካናው ደዲያ አሳዳ ኦዴቲቲኔ ኦላቲ።

13 አሴ ማርና ኦናካ ያሳይ ማርና ፒርዳና። ሺን ማርቲላይ ፒርዳ ያኔስ።

አማኖ ኦሶ

14 ታ እሻቶ፣ ሂንቲሬ ኢሲ አሲ ታው አማኖይ ደዴሰ ገዲ፣ ባ አማኑዎ ኦሶን ቤሶና ኢዲኮ ኢያ አይ ማዳኔ? ኢያ አማኖይ ኢያ አሻናው ዳንዳዲ?

15 ለሚሶሰ ኢሲ አሻይ ዎይኮ ኢሲ ሚቺያ ካሎቲኮኔ ኤንታው ሚያባይ ቆዩኮ።

16 ሂንቲሬ ኢሲ አሲ ኤንታኮ፣ «ሳር ቤቲ! ታማ ካዩቲ! ካሊዲ ሚቲ!» ገዲ፣ ኮሺያባ ኤንታው አዎና ኢዲኮ ኤንታ አይ ማዲ?

17 ሄሳ ገሻ፣ ኦሶይ ባይና አማኖይ ባርካ ሃይቁዳይሳ።

18 ሺን ኢሲ አሲ፣ «ኔው አማኖይ ደዴሰ፤ ቃሲ ታው ኦሶይ ደዴሰ። ኔኒ ኔ አማኑዎ ኔ ኦሶዎፔ ሻካዳ ታና ቤሳ፤ ታካ ታ አማኑዎ ታ ኦሶዎን ኔና ቤሳና» ጋና።

19 ኔኒ፣ ኢሲ ያሳይ ደዴይሳ አማናሳ፤ ሄሲ ሎዎ። ቱና አያናቲካ አማኖሶና፤ ያሻን ኮኮርሶና።

20 ኔና ኤያው! አማኖይ ኦሶፔ ሻኬቲዲ ማዳናይሳ ኤራናው ኮያይ?

21 ኦ አዎ አብራሃሚይ፣ ባ ናዓ ዪሳቃ ያርሾ ቤሳ ቦላ ዎላዲ ዎዴ ባ ኦሶዎን ይሊቤኔ?

22 ኢያ አማኖይ ኢያ ኦሶይ ኢሲሬ ኦላዲይሳ ቤዒኪ? ኢያ አማኖይ ኢያ ኦሶዎን ፖሊቲስ።

23 ገሻ ማፃፋይ፣ «አብራሃሚይ ያሳ አማኒስ። ያሳይ ሄሳ ኢያው ይሎቲላ ኦላዲ ታይቤስ» ገዳይሲ ፖሊቲስ። ቃሲ ኢ ያሳ ዳቦ ገቱቲዲ ይገቱስ።

24 አሲ አማኖ ያላላን ገደናሺን ኦሶን ይሊይሳ ቤዓሳ።

25 ሄሳዳካ፣ ላይሚያ ራዓባ ኢሰራዔሌፔ ከቲቲዳይሳታ ሞካዳ ሃራ ኦጌራ ኤንታ ሞይዚዳ ዎዴ ባ ኦሶዎን ይላቤኬ?

26 ሺምፖይ ሻኬቲዳ አሳቲላይ ሃይቆ ገዴይሳዳ፣ ኦሶይ ሻኬቲዳ አማኖይካ ሃይቁዳይሳ።

3

ኢንፃርሲ ናጎ

1 ታ እሻቶ፣ ሂንቲሬ ዳርቲ አሰታማሬ ገደፖ። ኦ፣ አሰታማሬቲ ሃራታፔ ኦጶያ ፒርዳ ኤካናይሳ ሂንቲ ኤሬታ።

2 ኦ ኡባይ ዳርባን ባሌቶስ። ባ ኦዳን ባሌቶና ኦኒካ ባናቲላ ናጋናው ዳንዳዲያ ፖሎ አሲ።

3 ፓራቲ ኦሰ ከቲታታ ማላ ቢፃላ ባርሲዲ ኦኒ ኮያ ቤሲ ኡባ ኤፎስ።

4 ማርካቤይ ሄሳ ማላ ገታ ገዲሾ ዎልቃማ ጫርኩዎን ሱጌቲኮካ፣ ኢያ ላጌይሲ ባ ኮያ ቤሲ ዛሪዲ ላጊያ ጉላ ሚላን ላጌቲዲ ቤስ።

5 ሄሳዳ ኢንፃርሲ አሳቲላ ገደን ጉላ ገዲኮካ ዳር ገታባን ጩቁቲስ።

ጉላ ታሚ ዳር ገታ ዎራ ፀጌስ።

6 ኢንፃርሲ ታማ ማላ። ኢንፃርሲ ኦ አሳቲላ ገደን ኢታን ኩሚዳ አላሜ፤ አሳቲላ ኡባ ቱኒሴስ። ጋናሜፔ ኬያ ታማዳ ኦ ዴዐዎ ዎላ ኡባ ፀጌስ።

7 ደዓታኔ ካፎታ፣ ኡሎራ ጎሽቲይሳታኔ አባን ደዲያ ማዴቲላታ ኡባ አሲ ሃሪስ፤ ኤንቲካ ሃሪቲደሶና።

8 ሺን ኦኒካ ኢንፃርሲ ሃራናው ዳንዳዲቤና። ኢንፃርሲ ዎጶያ ማርኬይ ኩሚዳ ሃሪቶና ኢታ ማዴቲላ።

9 ኦ ኢንፃርሳን፣ ኦ፣ ጎዳኔ ያሳ ጋላቶስ። ቃሲ ኢያራ ያሳ ለሚሶን ማዴቲዳ አሳ ቃንጎስ።

10 ኢሲ ደናፔ ጋላቲኔ ቃንጌላ ኬዬስ። ታ እሻቶ፣ ሄሳዳ ሃናናው ቤሴና።

11 ፑልቶይ ኢሲ ኦላሬ ማልዲያ ሃላኔ ጫሚያ ሃላ ፑልታናው ዳንዳዲ?

12 ታ እሻቶ፣ ባላሴ ሚላ ሻማሆ አይፋናው ዳንዳዲ? ዎይኮ ዎይኔ ሚላ ባላሴ ሚላ አይሬ አይፋናው ዳንዳዲ? ጫዎ ሃላሬ ማልዎ ሃላ ኬያናው ዳንዳዲና።

ሳሎ ጨንጫቲላኔ ሳዓ ጨንጫቲላ

13 ሂንቲ ገደን ጨንጨኔ አኬካንቸይ ኦኔ? ባ ሎ? ዴዐዎ፣ አሽኬቲላኔ ጨንጫቲላን ኦሴቲዳ ኦሶን ቤሶ።

14 ሺን ሂንቲ ዎዛናን ጫሚያ ቃናቲይኔ ባና ደሶይ ደዲኮ ጩቁቶሬቲ፤ ቱማ ቦላ ዎርዶቶፒቲ።

15 ሄሳ ማላ ጨንጫቲላይ ሳሎፔ ዪዳባ ገደናሺን ሄሲ አሳባ፣ አላሜባ፣ ያላሄባ።

16 ቃናቲይኔ ባና ደሶይ ደዲያ ሶን ኦሺኔ ኢታ ኦሶ ኡባይ ዳዎሶና።

17 ሺን ቦላሬ ያ ጨንጫቲላይ ኡባሬ ሲንላ ጌሺ። ቃሲ ሳርቲላ፣ ኦዳቲላ፣ ሲዲዲ ኤኬይሳ፣ ቃጶቲይሳ፣ ሎ? አይሬይ ኩሚዳይሳ፣ አሴ ሻኮናይሳኔ ጨኮቲላ ባይናይሳ።

2:8 ለዌ 19:18 2:11 ኬሳ 20:13-14፤ ዛሬ 5:17-18 2:21 ሜዴ 22:1-14 2:23 ሜዴ 15:6፤ 2ታጋ 20:7፤ ኢሳ 41:8 2:25 ኢያ 2:1-21 3:10 ሜዴ 1:26

18 ሳርቴላ ደሴይሳቲ ሳርቴላ ዜሪዲ ዲሎቴላ ቡጮሶና።

4

ሃ አላሚያራ ዳቦቶፒቲ

1 ኦሺኔ ኦሊ ሂንቴ ጊዶ አወፔ ዪ? ኦንቲ ዩይ ሂንቴ አሳቴላ ሃራናው ኦሎቴያ ሂንቴ አሾ አሙዋፔ ጊዳኔዬ?

2 ሂንቴ አሞቴታ፡ ሺን ዳሚኬታ፤ ሄሳ ጊሾ፡ ዋጂታ። ሚንሳ ኮዬታ፡ ሺን ዳማናው ዳንዳዔኬታ፤ ሄሳ ጊሾ፡ ኦዬቴታኔ ኦሎቴታ። ሂንቴ ያሳ ዋሶና ጊሾ ኮያባ ዳሚኬታ።

3 ሂንቴ ዋሴታ፡ ሺን ዳሚኬታ። ሂንቴ አሾ አሙዋ ፖላናው ዋቤ ኦጌን ዋሲያ ጊሾ ዳሚኬታ።

4 ሂንቴኖ፡ ላይማቴይሳቶ! ሃ አላሚያ ደሴይ ያሳራ ሞርኬ ጊዳይሳ ኤሬኬቲ? ሃ አላሚያራ ዳቦታናው ኮዬይ ኦኒካ ያሳራ ሞርኬ።

5 ጌሻ ማፃፋይ፡ «ያሳይ ኦናን ዳና ሚላ ኦሊዳ አያናይ፡ ኦኒ ኢያው ቡዞ ጊዳና ሚላ አሞቴሰ» ጊዳይሳ ጮ ጊዳባ ዳኒ?

6 ሺን ጌሻ ማፃፋይ፡ «ያሳይ ኦቶራንቾታ ኢፃሰ፡ ሺን ባንታና ካወሺይሳታሰ ማርቴላ አሚሰ» ያጊያ ጊሾ ያሳይ ማርቴላ ዳርሲዲ አሚሰ።

7 ሄሳ ጊሾ፡ ያሳሰ ሃሬቲቴ፤ ያላሂያራ ኤቄቴቴ፤ ኢ ሂንቴሬ ሃካና።

8 ያሳሰ ሺቄቴ፤ ኢ ሂንቴኮ ሺቃና። ሂንቴና፡ ናጋራንቾቶ፡ ሂንቴ ኩሺያ ሚጨቴቴ፤ ናሞዑ ቆፊ ዳዔይሳቶ፡ ሂንቴ ዋዛና ጌሺቴ።

9 ካፑቴቴ፡ ዩኪቴኔ አፋፃቴ። ሂንቴ ሚቻይ ዩሆን፡ ሂንቴ ኦፋይሳይ አዛናን ላሚቶ።

10 ጎዳ ሰንሳን ሂንቴናቴላ ካወሺቴ፤ ኢ ሂንቴና ቶቄ ቶቄ ኦላና።

አሳ ቦላ ፐርደሬቴ

11 ታ አሻቶ፡ ኢሶይ ኢሱዋ ዘጊርፒቴ። ባ አሻ ዘጊሬይኔ ኢያ ቦላ ፐርደይ ሂጌ ዘጊሬሲኔ ሂጌ ቦላ ፐርደሰ። ኔኒ ፐርደሰ፡ ኔኒ ቦላ ፐርደኮ ሂጌ ቦላ ፐርደይሳ ጊዳሳፔ አቴን ሂጌ ፖሌይሳ ጊዳካ።

12 ሂጌ አሚይኔ ፐርደይ ያሳ ያላላ። አሻናወኔ ጳይሳናው ዳንዳዔይ ኢያ። ያቴን፡ አሳ ቦላ ፐርደያ ኔኒ ኦኔ?

ጨቄቶሬቴ

13 ሂንቴ፡ «ኦኒ ሃቺ ዋይኮ ዋንቶ ያ ካታማ ዋይኮ ሃ ካታማ ባና፤ ያን ላይላ ኡታና፤ ዛልዲዲ ዋጂሳና» ያጌይሳቶ፡ ሰዒቴ።

14 ዋንቶ አይቢ ሃናኔኮ ሂንቴ ኤሬኬታ። ሂንቴ ዳይይ ዋናኔኮ ኤሬይ ኦኔ? ሂንቴ ጉላ ዋዴ ቤንቲዲ ጳያ አካ ሚላ።

15 ሄሳ አጊዲ፡ «ጎዳይ ጊኮ ኦኒ ዳና፤ ሃይሳ ዋይኮ ሄሳ ኦላና» ያጋናው ቤሴሰ።

16 ሺን ሂንቴ ሃዒ ኦቶርቴታኔ ጨቄቴታ። ሄሳ ሚላ ጨቆ ኡባይ ኢታ።

17 ሄሳ ጊሾ፡ ሎዖባ ኦላናው ኤሪሼ ኦላና ኡራሰ ሄሲ ናጋራ።

5

ዱሬታሰ አሚቴዳ ዞሬ

1 ሂንቴኖ፡ ዱሬቶ፡ ሂንቴ ቦላ ኢታ ሚቶይ ያ ጊሾ ዩኪቴኔ ዜሌሊቴ።

2 ሂንቴ ሻሎይ ቡቁሰ፤ ሂንቴ ኦፊላይካ ቢላን ሚቴቲሰ።

3 ሂንቴ ዋርቃይኔ ሂንቴ ቢራይ ሺዒሰ። ሄ ሺዒይ ሂንቴ ቦላ ማርካ ጊዳና። ኢ ሂንቴ አሳቴላ ታማዳ ማና። ሂንቴ ሃ ወሪዳ ቃማታን ሂንቴው ሻሎ ዳጋዬታ።

4 ሂንቴ ጋዴን ኦሊ ፔዒዳ አሳ ኬራ ሚሺያ ቃንጻቤኬታ። ሄሲ ሂንቴ ቦላ ዋሴሰ። ሄ አሳታ ዋሶይ ዋልቃማ ጎዳ ሃይላን ሲዔቲሰ።

5 ሃ ሳዒን ሂንቴ ኡሎ ያላላሰ ቆፒዲ፡ ኢንጃን ዳዒዳታ። ሹካሰ ጊጌቲዳ ሚሃዳ ሂንቴና ጂኪዳታ።

6 ሂንቴራ ኤቄታናው ዳንዳዖና ዲሎ አሳ ቦላ ፐርደዳታ፤ ኢያ ዋጂዳታ።

ጌንጫኔ ዋሳ

7 ታ አሻቶ፡ ጎዳይ ያና ጋካናው ጌንጨቴ። ጎሻንቾይ ቶርቼ ኢራይኔ ሰላ ኢራይ ያና ጋካናው ጌንጨዲ አልዖ ካላ ናጊዲ ዋቲ ጋላ ኤኪያኮ ቆፒቴ።

8 ሄ ጎሻንቾዋዳ ሂንቴካ ጌንጨቴ። ጎዳ ዩሳይ ማታቲዳ ጊሾ ኡፋይሳን ናጊቴ።

9 ታ አሻቶ፡ ያሳይ ሂንቴ ቦላ ፐርደና ሚላ ኢሶይ ኢሱዋ ቦላ ዙዙሞሬቴ። ፐርደይሲ ፔንጌን ኤቁሰ።

10 ታ አሻቶ፡ ዋያን ጌንጨዳ፡ ጎዳ ሱንላን ኦዲዳ ናቤታ ለሚሶ ኦሊዲ ኤኪቴ።

11 ዳንዳዒን ጌንጨዳይሳታ ኦኒ ኢንጃቲዳይሳታ ጎሰ። ኢዮቤይ ዋኒዲ ጌንጨዳኮ ሂንቴ ሰዒዳታ። ጎዳይ ወርሴላን ኢያ ዋቲ ሚዲዳኮ ቤዒዳታ። ኢ ማርቴኔ ቃጂይ ኩሚዳ ጎዳ ጊዲያ ጊሾ ሄሳ ኦሊሰ።

12 ሺን ኡባሬ ሰንሎ፡ ታ አሻቶ፡ ሳሎዋን ጊዳን ዋይኮ ሳዒን ጊዳን ዋይኮ ሃራ አይቤንካ ጫቆሬቴ። ያሳ ፐርደን ሂንቴ ጌሎናዳ ሂንቴ ኦዳይ ኤ ጊዲኮ፡ «ኤ» ጊቴ፤ አካይ ጊዲኮ፡ «አካይ» ጊቴ።

13 ሂንቴ ጊዳን ሚቶ ኤኪያ ኦኒካ ዳዒኮ ያሳ ዋሶ። ኡፋይቲያ ኦኒካ ዳዒኮ ጋላታን ዩዖ።

14 ሂንቴሬ ሃርጌቲያ ኦኒካ ዳዒኮ ዋሳ ኬላ ጨማታ ጃጎ። ኤንቲ ጎዳ ሱንላን ሻማሆ ዛይቴ ቲዩዲ ኢያው ያሳ ዋሶ።

15 አማኖን ዋሲዳ ዋሳይ ሃርጋንቹዋ ፓላና። ጎዳይ ኢያ፡ ሃርጊያሬ ዳንላና፤ ኢ ናጋራ ኦሊዳባ ጊዲኮካ ጎዳይ ኢያ ማራና።

16 ሄሳ ጊሾ፡ ሂንቴ ፓፃና ሚላ ሂንቴ ናጋራ ኢሶይ ኢሱዋሰ ፓፃቴኔ ኢሶይ ኢሱዋሰ ዋሲቴ። ዲሎ አሳ ዋሳይ ዋልቃማ ኦሶ ኦላሰ።

17 ኤሊያሲ ኦ ሚላ አሰ። ኢሪ ሳዒን ቡኮና ሚላ ሚንሳዲ ያሳ ዋሲን ሃቹ ላይላኔ ኡሱፑን አጌና ሳዒን ኢሪ ቡኪቤና።

18 ዛሪዲ ኢ ያሳ ዋሲን ሳሎፔ ኢሪ ቡኪሰ፤ ሳዒይካ ካላ ሞኪሰ።

4:6 ለሚ 3:34 4:13 ለሚ 27:1 5:2 ማቶ 6:19 5:4 ዛሬ 24:14-15 5:11 ኢዮ 1:21-22፤ 2:10፤ ማዝ 103:8 5:12 ማቶ 5:34-37 5:17 1ካዋ 17:1፤ 18:1 5:18 1ካዋ 18:42-45

19 ታ አሸቶ፡ ሂንቴፌ ኦኒካ ቱማ ኦጊያፕ
ቡቲኮ፡ ሃራይ ኢያ ቱማኮ ዛሪኮ፡

20 ናጋራንቹዋ ኢያ ባላ ኦጊያፕ ዛሪያ ኦኒካ፡
ኢያ ሸምፑዋ ሃይቆፕ አሸይሳኔ ኢያ ዳሮ ናጋራሰ
ማሮታ አሜይሳ ኤሮ።

ጳጳሮሳ ፩ ዓ.ዓ. ኮይር ኪታ ጋላ ቆፋ

ሃዋርያ ጳጳሮሳ ፩ ዓ.ዓ. ኮይር ኪታይ ፃፈተዳይ፡ «ደሬቲዳ ያሳ አሳታ» ጌቲቲ ጭቲዳይሳታሲኔ ጉላ ኢሲያን ፑዳሃ ባጋን ላሌቲዳ አማኒያ አሳሳ። ሃ ኪታ አይፌ ቆፋይ፡ አማኖ ጋሶን ሜቶይኔ ዋይይ ጋኪዳ አሳ ሚንሌላናሳ። ሃ ማፃፋ ፃፊይ፡ ኢያ ሃይቁዋ፡ ኢያ ዳንዲዋ፡ ኢያ ናምዓንሉ ዩሳ ኦዲያ ዩሱስ ኪሪስቶሳ ዋንጌላ ቃላ ኤንታ ሃሳይሱስ። ዩሱስ ኪሪስቶሳ ደዑዋ ለሚሶ ኦሊ ያሊዲ፡ ሜቲዋ ዳንዲዋን ካንላናዳ ኤንታ ቆፊሱስ። ሂሳራ ጋሊዲ፡ ሜቶይ ኤንታ አማኑዋ ጌሻቲላ ፓጩይሳይ፡ «ዩሱስ ኪሪስቶሳ ቆንጨያ ጋላስ» ቤሲያ ዋይቶ ኤንቲ ኤካናው ዳዔይሳ ሃሳይሱስ። ፃፊይ፡ ኤንቲ ሜቶ ዳንዲዳና ሜላ ሚንሌላይሳ ቦላ ኪሪስቶሳ ካሊያ አሳቲ ዳዔይሳዳ ዳና ሜላ ቆፊሱስ።

1 ጳጳሮሳ ኪታ አይፌ ቆፋታ
ሳርላ 1:1-2
ያሳይ ኦስ አሚዳ አቶቲላ 1:3-12
ጌሻቲላ ዲሱ 1:13-2:10
ሜቶ ዋይ አማኒያ አሳይ ሃናናው ቤሲያባ 2:11-4:19
ጨማታሲኔ ናዓቲላታስ አሜቲዳ ዘሬ 5:1-11
ኩሻ ቆፋ 5:12-14

1 ታኒ፡ ዩሱስ ኪሪስቶሳ ሃዋሪይ ጳጳሮሳ፤ ጳንያሳን፡ ጋላቲያን፡ ቃጳደቂያን፡ ኢሲያኒኔ ቤቲኒያን ቤታንቸዳ ላሌቲዳ ዳዔያ ያሳይ ደሪዳ፡ አሳሳ ሃ ዳብዳቤያ ፃፋሰ።
2 ዩሱስ ኪሪስቶሳሳ ሂንቲ ኪቲታና ሜላኔ ኢያ ሱላን ጌያና ሜላ፡ ያሳ አዋይ ባ ካሴ ኤራን ደሪዳይሳታሲኔ ጌሻ አያናን ጌዱዳ፡ ሂንቲው አጼ ኬሃቲላይኔ ሳርቲላይ ጌድ።

ጳዮና ኡፋይሳ
3 ዩሱስ ኪሪስቶሳ ሃይቆፔ ዳንሊዲ ባ ጌታ ማርቲላን ናምዓንሉ ዩሌቲላኔ ጳዮና ኡፋይሳ አሚዳ ኦ ጎዳ ዩሱስ ኪሪስቶሳ አዋይ፡ ያሳይ ጋላቲቶ።
4 ቃሲ ያሳይ ሂንቲው ጳዮና፡ ኢቶናኔ ቡቆና ላታ ሳሎን ጊሊሲስ።
5 ሂ ላታይ ዋይ ወርሌላን ቆንጨናው ዳዔያ አቶቲላስ ያሳ ዋልቃን አማኖን ሂንቲው ናጌቲዲ ዳዔሰ።
6 ሃዒ ጉላ ዋይሰ ሂንቲ ዳማ ዳማ ፓጩን አንዔቲኮካ ሂሳን ኡፋይቲቲ።
7 ሂ ፓጩይ ሂንቲና ጋኪዳይ፡ ታማን ዩጊን ጳያ ዋርቃፊ ሂንቲ አማኖይ አጼኔ ቲማ ጌዳይሳ ቤሳናሳ። ሂ ፓጩቲዳ አማኑዋን ዩሱስ ኪሪስቶሳ ቆንጨያ ዋይ ጋላታ፡ ቦንቸኔ ሳባ ሂንቲ ኤካና።
8 ሂንቲ ዩሱሳ ቤዒቤኬታ፡ ሺን ኢያ ሲቂታ። ሂንቲ ሃዒ ኢያ ቤዒቦናባ ጌዲኮካ፡ ኢያ

አማኔታ። ቃሲ ኦዲን ቆንጨሳናው ዳንዲዳቶና ኡፋይሳኒኔ ቦንቸን ኩሚዳታ።
9 ሂንቲ አማኖን ናጌያ ሂንቲ ሹምፑዋ አቶቲላ ኤካና።
10 አጼ ኬሃቲላ ባጋራ ሂንቲው ጊሊዳ ሃ አቶቲላባ ናቤቲ ኤራናው ጌታ ኮሻኒኔ ናሳን ኮዩዲሶና።
11 ኤንታን ዳዔያ ኪሪስቶሳ አያናይ ኢያ ዋያባኔ ሂሳፊ ጉዬ ያና ቦንቸዋባ ካሴቲዲ ማርካቲሹ፡ አዉዳ ዋይኮ ዋኒዲ ሃናኔኮ አኬካን ፕልጊዲሶና።
12 ናቤቲ ኦዲዳ ቲንቤቲይ ባንታው ጊደናሺን ሂንቲው ጌዳይሳ ያሳይ ሂንቲው ቆንጨሲስ። ሃዒ አሳይ ሂንቲው ኦዲዳ ዋንጌላ ሳሎፔ ኪቲቲዳ ጌሻ አያና ዋልቃን ሂንቲው ኦዲዲሶና። ኪታንቸቲካ ሂሳ ቤዓናው አሞቲዲሶና።

ጌሻቲላን ዳዒቲ
13 ሂሳ ጌሻ፡ አሶስ ሂንቲና ጊሊሲቲ፤ ሂንቲና ሃሪቲ። ዩሱስ ኪሪስቶሳ ቆንጨያ ዋይ ሂንቲ ኤካና አጼ ኬሃቲላ ኡፋይሳን ናጌቲ።
14 ያሳ ናይታዳ ኢያው ኪቲቲቲ፤ ሂንቲ ካሴ ኤሮና ኦሊዳ ኢታ አውዋ ካሎፊቲ።
15 ሺን ሂንቲና ጭዲ ያሳይ ጌሻ ጌዲዳይሳዳ ሂንቲካ ሂንቲ ዲሳ ኡባን ጌሻ ጌዲቲ።
16 ጌሻ ማፃፋን፡ «ታኒ ጌሻ ጌዲዳ ጌሻ ሂንቲካ ጌሻ ጌዲቲ» ጌቲቲ ፃፊቲሰ።
17 አሳ ሶምዖ ቤያና ኢያ ኦሱዋዳ ፐርዲያ ያሳ፡ «ኦ አዋው» ጌዲ ጭጊያባ ጌዲኮ፡ ሃ ሳዓ አማላቲላ ዲሳ ያሻን ዳዒቲ።
18 ሂንቲ፡ ሂንቲ አዋታፔ ላቲዳ ፓላና ደዑዋፔ ዋዜቲዳይሱ፡ ጳያ ቢራን ዋይኮ ዋርቃን ጌደናይሳ ኤሪታ።
19 ቦሬይ ዋይኮ ቦርሶይ ባይና ደርሳ ሱላዳ አልዖ ጌዲዳ ኪሪስቶሳ ሱላን ዋዜቲዳታ።
20 ያሳይ አላሜይ ሜጴታናፔ ካሴ ኪሪስቶሳ ደሪሰ፡ ሺን ሃ ወርሌላ ዋዲያን ኪሪስቶሳ ሂንቲ ጌሻ ቆንጨሰ።
21 ሂንቲ አማኖይኔ ሂንቲ ኡፋይሳይ ያሳን ጌዳና ሜላ ኢያ ሃይቆፔ ዳንሊዲ፡ ቦንቸዳ ኪሪስቶሳ ባጋራ ያሳን አማኔታ።
22 ሂንቲ ቱማቲላስ ኪቲቲዲ ሂንቲናቲላ ጌሻዳታ። ሂንቲ ኢሶይ ኢሱዋ ዋዛናፔ ሲቂታ፡ ሺን ሃዒ ቲማ ዋዛናፔ ሚንሊዲ ሲቂቲ።
23 ሂንቲ ናምዓንሉ ዩሌቲዳይ ጳያ ዜሬላፊ ጌደናሺን ሜሪናው ዳዔያ ያሳ ቃላን ጳዮና ዜሬላፊ ዩሌቲዳታ።
24 ያሳ ቃላይ፡ «አሲ ኡባይ ማታ ሜላ፤ ኢያ ቦንቸ ኡባይ ጨሻ ሜላ። ማታይ ሜሌሰ፡ ጨሻይካ ቆሌቲሰ።
25 ሺን ጎዳ ቃላይ ሜሪናው ዳዔሰ» ያጌሰ። ሂንቲው ኦዲቲዳ ዋንጌላ ቃላይ ሃይሳ።

2

ዳዖ ሹቸኔ ጌሻ ዳሬ
1 ሂዛ፡ ኢታቲሊ ኡባ፡ ጨዋ ኡባ፡ ጨቦቲሊ ቃናቲኔ ዘጊርሲ ኡባ ሂንቲፊ ዲጊቲ።

1:16 ለዌ 11:44-45፤ 19:2 1:24 እሳ 40:6-8

2-3 ጎዳይ ከሃ ጊዳይሳ ሂንቲ ኤሪዲ ማዘቲዳይሳዳ ሃዒ ዩሌቲዳ ጉላ ናይታዳ ሂንቲ ኣቶቲላን ዲጪሽ ሳናው ያሳ ጌሻ ቃላ ማላ ኡባ ዎዴ ኣሞቲቲ።

4 ኣሳን ቦሪቲዲ ያሳን ደሪቲዳ ኣልዎ ጊዲዳ ዴዎ ሹቻ፣ ጎዳ ዩሱሳኮ ሸቂቲ።

5 ሂንቲ ኣያና ከሌ ከፃቲያ ዴዎ ሹቻታ። ሂንቲ ዩሱሳ ከሪሰቶሳ ባጋራ ያሳ ኡፋይሲያ ኣያና ያርሽ ያርሽያ ጌሻ ካሂኑታ።

6 ጌሻ ማፃፋን፣ «ሂኮ፣ ታኒ ደዮኔ ካታማን ጎዳ ፃጶዎ ማንሲያ፣

ደሪቲዳ፣ ኣልዎ ሹቻ ዎሳሰ፤ ኢያን ኣማኒያ ኦኒካ ዩላቴና»

7 ሃ ሹቻይ ሂንቲው ኣማኔይሳታሰ ኣልዎ፣ ሺን ኣማናናይሳታሰ፣

«ገምቤይሳቲ ካጲዲ ኢፃዳ ሹቻይ ጎዳ ፃጶዎ ማንሲያ፣

ኡባፊ ኣጲያ ሹቹ ጊዲሰ።»

8 ቃሲካ፣ «ሃ ሹቻይ ኣሴ ጱቢያ ሹቹኔ ኣሴ ኩንዲሲያ ዘላ»

ያጌሰ። ኤንቲ ሄሳሰ ቃዴቲዳ ጊሾ ያሳ ቃላ ከቲቶና ኢፃዲ ጱቤቲደሶና።

9 ሺን ያሳይ ጱማፔ ማላሊሲያ ባ ፖዑዋኮ ሂንቲና ፃጊዳይ፣ ሂንቲ ኢያ ሎዎቲላ ሃራታሰ ኦዳናው ደሪቲዳ ዛሬ፣ ካዎ ካሂኔ፣ ጌሻ ዴሬኔ ያሳ ዲማ ዴሬ።

10 ሂንቲ ካሴ ያሳ ዴሬ ጊዴኬታ፣ ሺን ሃዒ ሂንቲ ኢያ ዴሬ። ሂንቲ ካሴ ማርቲላ ዴሚቤኬታ፣ ሺን ሃዒ ማርቲላ ዴሚዴታ።

ያሳ ኣይሌዳ ዴዎ

11 ታ ኢሻቶ፣ ሂንቲ ሃ ሳባን ኢማሌኔ ቤታንቸ ጊዲዳይሳዳ ሂንቲ ሸምፑዎ ኦሊያ ኣሾ ኣሞፔ ሃካና ማላ ታኒ ሂንቲና ዎሳይሰ።

12 ኣማናና ኣሳይ ሂንቲና ኢታ ኦሊያ ኣሳዳ ዘጊርያ ዎዴ ያሳይ ኦና ቤዳናው ያ ጋላሰ፣ ኤንቲ ሂንቲ ሎዎ ኦሱዋ ቤዲዲ ያሳ ጋላታና ማላ ሂንቲው ሎዎ ዴዎይ ዴዎ።

13 ጎዳ ጊሾ ጊዲ ማታራ ዴዲያ ኣሳታሰ ሃራቲቲ፣ ኡባፊ ቦላ ጊዲያ ጊሾ ካወዋሰካ ሃራቲቲ።

14 ኤንቲ ኢታ ኦሌይሳታ ሴራናዉኔ ሎዎ ኦሌይሳታ ሳባናው ካወዋፔ ከቲቲዳ ጊሾ ዴሪያ ኣይሴይሳታሰ ሃራቲቲ።

15 ሂንቲ፣ ሂንቲ ሎዎ ኦሱዋን ኤርና ኤያ ኣሳ ዶና ኦይላናይሲ ያሳ ሸኔ።

16 ያሳ ኣይሌ ጊዲዲ ላዓቲላን ዴዲቲፔ ኣቲን ሂንቲ ላዓቲላ ኢታ ኦሱሰ ካማ ኦላፊቲ።

17 ኣሳ ኡባ ቦንቸቲ፣ ኣማኒያ ኣሳ ሰቂቲ፣ ያሳ ያዩቲ፣ ካዎ ቦንቸቲ።

ከሪሰቶሳ ዎያ ለሚሱዋ

18 ኣይሌቶ፣ ሎዎ ጎዳታሲኔ ከሃ ጎዳታ ፃላላሰ ጊደናሺን ኢታታሰካ ቦንቸን ሃራቲቲ።

19 ኣሴ ያሳ ጊሾ ጊዲ ቤሶና ዎዴ ዎዴቲኮ ያሳይ ኢያ ኣንጅና።

20 ሺን ሂንቲ ናጋራ ኦሊን ሂንቲና ዴቸያ ዎዴ ሂንቲ ዳንዳዒኮ ሂንቲው ኣይ ጋላቲ ዴዲ? ሺን ሎዎባ ኦሊዲ ዎዴ ዳንዳዒኮ ያሳይ ሂንቲና ሄሳሰ ኣንጅና።

21 ያሳይ ሂንቲና ፃጊዳይ ሄሳ ጊሾሳ፤ ከሪሰቶሲ ሂንቲው ዎዴቲሰ፤ ሂንቲ ኢያ ካላና ማላ፣ ሂንቲው ለሚሶ ጊዲሰ።

22 ኢ ናጋራ ኦሊቤና፤ ኢያ ዶናንካ ዎርዶይ ቤንቲቤና።

23 ኤንቲ ኢያ ጫያ ዎዴ ዛሪዲ ጫዩቤና። ሺን ዎዴ ኤኪሼ ዲሎ ፒርዲያ ያሳሰ ባ ፒርዳ ኣጋጊሰፔ ኣቲን ማንዲቤና።

24 ኦኒ ናጋራሰ ሃይቂዲ ዲሎቲላሰ ዶና ማላ ከሪሰቶሲ ባ ኣሹዋን ኦ ናጋራ ማሰቃሊያ ቦላ ቶኪሰ፤ ሂንቲ ኢያ ማዲንላን ፓዲዳ።

25 ካሴ ሂንቲ ኦኒ ባሊዲ ጳዩዳ ዶርሳ ማላ፣ ሺን ሃዒ ሂንቲ ሸምፑዎ ሄማይሳኮኔ ናጌይሳኮ ሰሚዴታ።

3

ኣዚናባኔ ማቸባ

1-2 ሄሳዳካ፣ ማቸቶ፣ ሂንቲ ኣዚናታፔ ያሳ ቃላሰ ከቲቶናይሳቲ ዴዲኮካ ኣይኮካ ኦዴቶናሺን፣ ሂንቲ ያሻቲላኔ ሂንቲ ጌሻ ዴዑዎ ቤዲዲ ኣማናና ማላ ኤንታው ሃራቲቲ።

3 ሂንቲ፣ ሂንቲ ሁዔ ፒዮኒኔ ዎርቃ ኣሶን ዎይኮ ሎዎ ማዎን ሂንቲ ቦላ ኣሳቲላ ሎይሶን ጊዶ።

4 ሺን ሂንቲ ዎዛና ጊዶን ዴዲያ ዩጌልሳቲላይ ያሳ ሲንላን ሂንቲው ዶር ኣልዎ ጊዲዲ ጳዮና፣ ኣሽኬኔ ዎፑ ጊዳ ኣያና ጊዶ።

5 ያሳይ ኢማና ጊዲይሳ ኣማኒዳ ጌሻ ማጫሳቲ ቤኒ ዎዴ ባንታ ኣዚናታሰ ሃራቲዲ፣ ባንታና ሄሳዳ ዶር ሎይሊዶሶና።

6 ሄሳዳ ሳራ ኣብራሃማ፣ «ታ ጎዳው» ያጋዳ ፃጋሽ፣ ኢያው ከቲታሱ፤ ሂንቲካ ኣይኮካ ያዮና ሎዎባ ኦሊኮ ኢ ናይታ።

7 ኣዚናቶ፣ ሂንቲ ማቸቲ ሂንቲፊ ዳቡራንቸ ማዴታ ጊዳይሳ ኤሪዲ፣ ኤንታና ቦንቸቲ፣ ሂንቲ ዎሳ ጱቦና ማላ ያሳይ ኢሚዳ ዴዑዎ ኤንቲ ሂንቲራ ኢሲፊ ላቲያ ጊሾ ኤንታ ቦንቸቲ።

ሎዎ ኦሊዲ ማቶ ኤኮ

8 ወርሴላን፣ ኡባይ ኢሲ ቆፋን ዴዲቲ። ኢሶይ ኢሱዋሰ ቃዴቲሹ፣ ኢሻዳ ሰቂቲቲ፣ ቃሲ ኢሶይ ኢሱዋሰ ከሃታኔ ኣሽኬታ ጊዲቲ።

9 ኢታ ጊሾሰ ኢታ ዎይኮ ጫሻ ጊሾ ጫዩዲ ዛርፒቲ፣ ሄሳ ኣጊዲ፣ ያሳይ ሂንቲው ኣንጅዋ ኢማናው ሂንቲና ፃጊዳ ጊሾ ኣንጅቲ።

10 ኣይሰ ጊኮ፣ ጌሻ ማፃፋይ፣ «ዴዎ ዶሴይኔ ሎዎ ዎዴ ቤዳናው ኮዩይ ኦና ጊዲኮካ ባ ኣንፃርሳን ኢታባኔ ዎርዶ ኦዴቲይሳ ኣጎ።

2:2-3 ማዘ 34:8 2:6 ኢሳ 28:16 2:7 ማዘ 118:22 2:8 ኢሳ 8:14-15 2:9 ከሳ 19:5-6፤ ኢሳ 43:20-21፤ ዛሬ 4:20፤ 7:6፤ 14:2፤ ቲቶ 2:14፤ ኢሳ 9:2 2:10 ሆሴ 2:23 2:22 ኢሳ 53:9 2:23 ኢሳ 53:7 2:24 ኢሳ 53:5 2:25 ኢሳ 53:6 3:1-2 ኤፌ 5:22፤ ቆላ 3:18 3:3 1ፃዎ 2:9 3:6 ሜዴ 18:12 3:7 ኤፌ 5:25፤ ቆላ 3:19 3:10 ማዘ 34:12-16

11 ኢታባ ኦሌይሳ ኣጊዲ ሎዎባ ኦሎ፤
 ሳርቴላካ ኬሃ ኮዮኔ ካሎ።
 12 ጎዳ ኣይፊሬ ዓሎታኮ ዓሌሰ፤
 ቃሲ ኢ ኡባ ዎዴ ኤንታ ዎሳ ሃይዜሰ።
 ሺን ጎዳይ ኢታባ ኦሌይሳታ ባ ሃንቆ ሶምዑዎን
 ዓሌሰ»
 ያጌሰ።

13 ሂንቲ ሎዎባ ኦላናው ኣሞቲኮ ሂንቲና
 ቆሃናይ ኦኔ?

14 ሃሪ ኣቶሺን፣ ዓሎቲላ ጊሾ ሂንቲ ዎዴቲኮ
 ኣንጃቲዳይሳታ። ኣሳሰ ያዮፊቴኔ ሂርጎፊቴ።

15 ከሪሰቶሳ ሂንቲ ዎዳናን ቦንቲቴኔ ጎዳዩቴ።
 ያሳይ ሂንቲው ኢሚዳ ኡፋይሳሰ ጋሶ ኦይቲያ
 ኦደሰካ ዛር ኢሚናው ኡባ ዎዴ ገጊ ኡቲቴ፣ ሺን
 ሃሳ ኣሽኬቴላኒኔ ያሻን ኦሊቴ።

16 ቃሲ ከሪሰቶሳን ሂንቲ ዴዒያ ሎዎ ዴዑዎ
 ኢታባ ኦሊዳባዳ፣ ሂንቲና ጫያ ኣሳይ ዘገርያባን
 ዩላታና ማላ ሂንቲ ካሃይ ጌሺ ገደ።

17 ያሳይ ገዳባ ገዲኮ ኢታባ ኦሊዳ ገሾ
 ዎዴ ኤኬይሳፊ ሎዎባ ኦሊዳ ገሾ ዎዴ ኤኬይሰ
 ሎዎ።

18 ከሪሰቶሲ ኡና ያሳኮ ሺሻናው ባው ዓሎ
 ገዲዲ ዴዒሹ፣ ናጋራንቸታ ገሾ ኢሲ ቶሆ ናጋራ
 ኡባሰ ሃይቁሰ፤ ኢ ባ ኣሳቴላን ሃይቁሰ፣ ሺን
 ኣያናን ፓዒሰ።

19 ቃሲ ሃ ኣያናን ኢ ቢዲ ቃሾን ዴዒያ
 ሽምፖታሰ ቃላ ኦዲሰ።

20 ኖሃይ ማርካቢያ ከዲያ ዎዴ ሃ ሽምፖቲ
 ያሳሰ ከቴቶና ኢዲደሶና፣ ሺን ያሳይ ኤንታና
 ዳንዲዲሰ። ሆሰቸን ኣሳ ያላሊ ማርካቢያን
 ጌሊዲ፣ ጳዮ ሃላፊ ኣቲደሶና።

21 ሃ ጳዮ ሃላይ ሃዒ ሂንቲና ኣሺያ ዓንቃቲ
 ለሚሶ ገዲሰ። ሃ ዓንቃቲይ ቦላ ቁታ ሜጮ
 ገደናሺን ሎዎ ካሃ ያሳፊ ኤካናው ኢያ ዎሲያ
 ኦኔ ገዲዲ፣ ከሪሰቶሳ ዴንዲዎ ባጋራ ሂንቲና
 ኣሽሰ።

22 ኢ ሳሎ ቢዲ ያሳ ኡሻቻን ኡቲዲ፣
 ከታንቸታ፣ ማታ ኣዎታኔ ዎላቃማታ ሃሪሰ።

4

የሳሰ ዴዎ

1 ሃሳ ገሾ፣ ከሪሰቶሲ ባ ኣሹዎን ኡሰ ዎዴቲዳ
 ገሾ ሂንቲካ ሃ ቆፋን ሂንቲና ዳንጨሲዲ ሚኒዲ
 ኤቁቴ። ከሪሰቶሳ ገሾ ገዲ ባ ኣሹዎን ዎዴ
 ኤኬዳ ኡራይ ናጋራ ኦሊኬ ገዲ ቃንዲዳ ኣሲ።

2 ሃ ኡራይ ባ ኣቲዳ ላይላን ያሳ ሹኔ ኦላናው
 ኮዩሲፔ ኣቲን ኢታ ኣሾ ኣሞን ዴና።

3 ካሴ ሂንቲ ኣማናና ኣሳይ ዴዲዳይሳዳ
 ዴዲዳታ። ሂንቲ ኢታ ኣሞን፣ ላይማቴላን፣
 ማሶን፣ ቱናቴላ ዴንጴሊያ ዩላን፣ ፖኪያ ኤቃ
 ጎይናን ካሴ ዴዲዳ ዴሳይ ገደና።

4 ኣማናና ኣሳራ ሂንቲ ሾሪ ባይና ኦሱዎ ኦላና
 ገሾ ማላሌቲዲ ሂንቲና ጫዮሶና።

5 ሺን ኤንቲ ፓዓታ ቦላኔ ሃይቁዳ ኣሳ ቦላ
 ፐርዳናው ዴዲያ ያሳሰ ዛር ኣማና።

6 ሃይቁዳ ኣሳሰ ዎንጌላይ ሳባኬቲዳይ ሃይሳ
 ገሾሳ። ኤንቲ ኣሳሶ ባንታ ኣሹዎን ፐርዳታና ቃሲ
 ባንታ ኣያናን ያሳሶ ዴዎን ዳና።

7 ሃዛ፣ ኡባባሰ ዉርሴላይ ማታቲሰ። ሃሳ ገሾ፣
 ዎሳናው ዳንዲዳታና ማላ ዎፑ ገዳ ዎዛኒ ዴዎ፤
 ማራራ ዴዒቴ።

8 ሲቆይ ዳር ናጋራ ካሚያ ገሾ ኡባፊ ኣሊዲ
 ኢሶይ ኢሱዎራ ዎዳናፔ ሰቁቴቴ።

9 ዙዙዎና ኢሶይ ኢሱዎ ኢማላቴላን ሞኪቴ።

10 ሂንቲ ያሳፊ ዴማ ዴማ ኣጶ ኬሃቴላ ኢሞታ
 ኤኪዳይሳዳ ሂንቲ ኢሶይ ኢሶይ ሃ ኢሙዎ
 ቤሲያዳ ኦይኪዲ ኢሶይ ኢሱዎ ሃጋዘቴ።

11 ዩሱሰ ከሪሰቶሳ ባጋራ ኡባባን ያሳይ
 ጋላቲታና ማላ ኦኒካ ኦዲያባ ገዲኮ ያሳፊ ቃላ
 ኤኪዳዳ ኦዲ። ቃሲ ኦኒካ ማዲያባ ገዲኮ ያሳይ
 ኢያው ኢሚያ ዎላቃዳ ማዴ። ቦንቸይኔ ዎላቃይ
 ማሪናፔ ማሪና ጋካናው ኢያው ገደ። ኣሚንዲ።

ኣማና ጋሶን ጋኪያ ዎያ

12 ታ ባጋቶ፣ ሂንቲ ታማዳ ፀጊያ ዎዴ
 ፓጨያ ገደራ ኣጲያ ዎዴ ኦራላባይ ሃኒዳዳ
 ማላሌቶፊቴ።

13 ሺን ኢያ ቦንቸይ ቆንጨያ ዎዴ ሂንቲ
 ኡፋይሳይ ገታ ገደና ማላ ከሪሰቶሳ ዎያ ሂንቲ
 ኤኬይሳን ኡፋይቴቴ።

14 ከሪሰቶሳ ሱንላ ገሾ ኣሲ ሂንቲና ጫያ
 ዎዴ ያሳ ቦንቸ ኣያናይ ሂንቲ ቦላ ሽምፐያ ገሾ
 ሂንቲ ኣንጃቲዳይሳታ።

15 ሂንቲፊ ዎዴ ኤኪያ ኦኒካ ሽምፖ ዎጲዳዳ
 ዎይኮ ካይሶቲዳዳ ዎይኮ ኢታ ኦሊዳዳ ዎይኮ
 ጌልሶናባን ጌሊዳዳ ሃኒዲ ዎዴቶፎ።

16 ገደሺን፣ ኣማና ገሾ ዎዴቲኮ ከሪሰቶሳ
 ሱንላ ገሾ ያሳ ጋላቶፔ ኣቲን ዩላቶፖ።

17 ፐርዲ ያሳ ኣሳ ቦላ ደሚያ ዎዴይ ጋኪሰ።
 ሃዛ፣ ሃ ፐርዳይ ኮይር ኦ ቦላ ደሚያባ ገዲኮ፣
 ያሳ ዎንጌላሰ ከቴቶና ኣሳ ዉርሴላይ ኣይ
 ገደኔ?

18 ዓሎይ ኡንዓን ኣቲያባ ገዲኮ፣
 ማካላንቸይኔ ናጋራንቸይ ያቲን ዎናኔ?

19 ሃሳ ገሾ፣ ያሳ ሹኔዳ ዎዴ ኤኬይሳቲ ባንታ
 ሽምፐዎ ሃደራ ባንታና ማጲዳ፣ ኣማንሊያ ያሳሰ
 ኢሚሹ ሎዎባ ኦሎ።

5

ጨማታሲኔ ያላጋታሰ ኢሜቲዳ ዞሬ

1 ሃዛ፣ ዎሳ ኬላ ጨማታራ ጨማ ገዲዳይሰ፣
 ከሪሰቶሳ ዎያ ማርካቴይሰኔ ቆንጨናው ዴዲያ
 ቦንቸዎ ሻኬታናው ዴዲያ ታኒ፣ ሂንቲ ገደን
 ዴዲያ ጨማታ ዞራይሰ።

2 ሂንቲ ኣዎቴላፊ ጋርሳን ዴዲያ ያሳ
 ዉዲያ ሃሚቴ። ያሳይ ኮዩይሳዳ ደሳናፔ ኣቲን
 ኡንዒቲዲ ሃሞፊቴ። ቃሲ ሚሹ ኮሻን ገደናሺን
 ሃጋዘናው ዴዲያ ሎዎ ቆፋን ሃሚቴ።

3 ሂንቲ ኣዎቴላፊ ጋርሳን ዴዲያ ዉዲያሰ
 ለሚሶ ገዲቴፔ ኣቲን ጎዳቶፐቴ።

4 ሃሚይሳታ ሃላቃይ ቆንጨያ ዎዴ ቆሌቶና
 ቦንቸ ካላቻ ሂንቲ ኤካና።

3:14 ማቶ 5:10፤ ኣሳ 8:12-13 3:20 ሜጲ 6:1-7:24 4:8 ለሚ 10:12 4:18 ለሚ 11:31 5:2 ዮሃ
 21:15-17 5:5 ለሚ 3:34

5 ሄሳዳካ፣ ያላጋቶ፣ ጨማታሰ ሃሬቲቴ። ሂንቴ ኢሶይ ኢሱዋሰ አሽኬ ገዲቴ። ጌሻ ማፃፋን፣ «የሳይ ኦቶራንቸታ ኢዳሰ፣ ሺን አሽኬታሰ አጵ ኬሃቴላ ኢሜሰ» ያጌሰ።

6 የሳይ ባ ዋዴ ሂንቴና ቦንቻና ሜላ ዋልቃማ የሳ ኩሺያፔ ጋርሳን ሂንቴና ካዉሺቴ።

7 ኢ ሂንቴው ቆፒያ ገሾ ሂንቴና ሂርጊሲያ ኡባ ኢያ ቦላ ዩጌቴ።

8 ሂንቴ ሞርኬይ ፃላሂይ፣ ሚቲያባ ኮዩዲ፣ ጋሞዳ ጉዲሼ ሂንቴ ማታራ ዩያ ገሾ ሂንቴና ሃሬቴኔ ባርኪቴ።

9 አላሚን ዴዲያ ሂንቴ ኢሻቲ ሄሳዳ ዋዬ ኤኬይሳ ኤሪዲ፣ አማኖን ሚኒዲ፣ ፃላሂያራ ኤቁቲቴ።

10 ባ ሜሪና ቦንቸዋሰ ኪሪሰቶሰ ዩሱሳ ባጋራ ሂንቴና ጃጊዳ አጵ ኬሃቴላ ኡባ የሳይ፣ ጉላ ዋዴሰ ሂንቴ ዋዬቲዳፔ ጉዬ፣ ኢ ባ ሁዔን ሂንቴና ሺሻና፣ ካቲሳና፣ ሚንሲዲ ኤሳና፣ ፃሊሳና።

11 ሜሪናፔ ሜሪና ጋካናው የሳይ ካዋቶ። አሚንዲ።

ወርሴላ ሳርሶ

12 አማኔቲዳ ኢሻ ጋዳ ታ ኤኪያ ሲላሴ ባጋራ ሃ ዲብዲቢያ ሂንቴው ቃንላን ፃፋሰ። ታ ሄሳ ሂንቴው ፃፊዳይ፣ ሂንቴና ዘራናዉኔ የሳ አጵ ኬሃቴላይ ቱማ ገዴይሳ ማርካታናሳ። ሄ አጵ ኬሃቴላን ሚኒዲ ኤቁቴ።

13 ሂንቴራ ኢሲፌ ዶሬቲዳ ባቢሎንን * ዴዲያ ዋሳ ኬላ አሳይኔ ታ ናዓ ማርቆሲ ሂንቴና፣ «ሳር ሳር» ያጌሰ።

14 ሲቆ ዩሬቴላ ዩሬቲሼ፣ ኢሶይ ኢሱዋ ሳርሲቴ።

ኪሪሰቶሳን ዴዲያ ሂንቴ ኡባሰ ሳርይ ገደ። አሚንዲ።

5:6 ማቶ 23:12፣ ሉቃ 14:11፣ 18:14 5:12 ሃ.ኦ 15:22፣ 40 * 5:13 ባቢሎን፣ ሃ ቤሳን ባቢሎን ጌቲቲዳይ ሮሜ ካታማ ገደና ኣጌና። 5:13 ሃ.ኦ 12:12፣ 25፣ 13:13፣ 15:37-39፣ ቆላ 4:10፣ ፊልሞ 24

ጳጳሮሲ ዓፊዳ ናምዓንሉ ኪታ ጋላ ቆፋ

ሃዋርያ ጳጳሮሲ ዓፊዳ ናምዓንሉ ኪታይ ዓፊቲዳይ፡ ዲማ ዲማ ቤሳን ዲዒያ ቢኒ እማኒያ አሳሳ። ሃ ኪታ እይፌ ቆፋይ፡ ዋርዶ አስታማሬታ ኢታ አሱዋኔ ኤንታ ተሚርቲያ ጋሶን ሜዴቲዳ ዩላያ ዳዑዋ ኢፃና ሜላሳ። ሄ ሜዴቲዳ ሜቶታ ዲጋናው ኦጌ ገዳናይ፡ ዩሱሳ ባንታ እይፊያን ቤዒዳ አሳቲኔ ኢ ታማርሲያ ዋዴ ባንታ ሃይሳን ሲዒዳ አሳቲ ታማርሲያ ተሚርቲያ ባጋራ ያሳባኔ ጎዳ ዩሱሳ ኪሪሰቶሳ ባንታ እማንሉያ ኤራ ያይካናይሳ። ዓፊይ ሚንሉዲ ኦዲዳይ፡ «ኪሪሰቶሲ ናምዓንሉ ዩና» ያጌያ ዋርዶ ተሚርቲያባ። ሄ ቆፋ ሚንሉዲ ኦዲሼ፡ «ኪሪሰቶሲ ሲሚዲ ዮና ጋምዒዳይ፡ አሳ ኡባይ ባ ናጋራፔ ሲማና ሜላፔ አቲን ኦኒካ ጳያና ሜላ ኮዮና ጊሾሳ» ያጌሰ።

2 ጳጳሮሳ ኪታ እይፌ ቆፋታ

ሳርሶ 1:1-2
እማኒያ አሳ ፃሳ 1:3-21
ዋርዶ አስታማሬታ 2:1-22
ኪሪሰቶሳ ናምዓንሉ ዩሳ 3:1-18

1 ዩሱሳ ኪሪሰቶሳ ሃዋሪይኔ ኢያ አይሌይ፡ ታኒ፡ ሲሞን ጳጳሮሲ፡ ኦ ያሳኔ ኦና አሺያ ዩሱሳ ኪሪሰቶሳ ዒሎቴላ ባጋራ ኦይሳ ሜላ አልዶ አማኖ ኤኪዳይሳታሰ ሃ ዲብዲቢያ ዓፋሰ።

2 ያሳኔ ኦ ጎዳ ዩሱሳ ኤሮን አጼ ኬሃቴላይኔ ሳርይ ሂንቴው ኩሞ።

ያሳ ፃሳኔ ዶሩዋ

3 ባ ቦንቶኒኔ ሎዎቴላን ኦና ፀጊዳ ኢያ ኤሮን ዳዎሲኔ ያሳ ዳኒዲ ዳናው ኮሺያባ ኡባ ያሳይ ባ ዋልቃን ኮሰ አሚሰ።

4 ሂንቴ ኢታ አሞ ጋሶን ሜዴቲያ ሃ አላሚያን ዲዒያ ባሻፌ ኬሲ ኤካናዳኔ ያሳ ያሳቴላን ሻኬታናዳ፡ ሃ አሞታታ ባጋራ ዳር አልዶኔ ጌታ ኡፋይሳ ኮሰ አሚሰ።

5 ሄሳ ጊሾ፡ ሚኒዲ፡ ሂንቴ አማኑዋ ቦላ ሎዎቴላ፡ ሎዎቴላ ቦላ ኤራቴላ።

6 ኤራቴላ ቦላ ባና ሃር፡ ባና ሃር ቦላ ጌንጫ፡ ጌንጫ ቦላ ያሳ ዳኖ።

7 ያሳ ዳኖ ቦላ አሻቴላ ኬሃቴላ፡ አሻቴላ ኬሃቴላ ቦላ ሲቆ ጉጂቴ።

8 ሃይሳቲ ሂንቴው ዳሪዲ ዲዒያባ ጊዲኮ፡ ጎዳ ዩሱሳ ኪሪሰቶሳ ኤሮን ማዲያ አሲኔ አይፊራ ዲዒያ አሲ ኦላና።

9 ሺን ሄሳቲ ባይና ኦኒካ ማታን ዲዒያባ ዓላላ ቤዒያ ቆቁ። ኢ ባ ካሴ ናጋራፔ ጌዬዳይሳ ዶጊሰ።

10 ሄሳ ጊሾ፡ ታ አሻቶ፡ ሂንቴ ፃሳኔ ሂንቴ ዶሩዋ ሚንሳናው ካሴይሳፌ አሉዲ ሚኒቴ። ሂንቴ ሄሳታ ኦሉያባ ጊዲኮ፡ ጱቤቴኬታ።

11 ሄሳን ኦ ጎዳኔ ኦና አሺያ ዩሱሳ ኪሪሰቶሳ ሜሪና ካዎቴላ ጌሊያ ኩሜላ ማታይ ሂንቴው አሜታና።

12 ሄሳ ጊሾ፡ ሂንቴ ሃይሳታ ኤሪያባኔ ሄ አይኪዳ ተማን ሚኒዲ ዲዒያባ ጊዲኮካ፡ ታኒ ሃይሳታ ኡባ ዋዴ ሂንቴና ሃሳዩሶ አጊኬ።

13 ታኒ ሸምፖራ ዲዒዳ ዋዴ ኡባን ሂንቴና ሃሳዩሳናይሲ ኮሺያባ ጋዳ ቆፓይሰ።

14 ኦ ጎዳ ዩሱሳ ኪሪሰቶሲ ታው ቆንጫሳዳይሳዳ ታኒ ሃ ሃይቁያ አሳቴላ ጋምዖና ቃራ ዩጋዳ ባናይሳ ኤራይሰ።

15 ታኒ ሂንቴፌ ሻኬቲኮካ ሂንቴ ሃይሳታ ኡባ ዋዴ አኬካና ሜላ ታው ዳንዲዒቲያባ ኡባ ኦላና።

16 ኦኒ ጎዳ ኪሪሰቶሳ ዋልቃኔ ኢያ ዩሳባ ሂንቴው ኦዳይ፡ ኢያ ጌታ ቦንቶዋ ቤዒዲፔ አቲን ሜዲ ኬሲዳ ሃይሴ ጊዳና።

17 ዳር ዋልቃማ ቦንቶዋ፡ «ታኒ ኡፋይቲያ፡ ታ ዶሲያ ናሳይ ሃይሳ» ያጌያ ቃላይ ዩዳ ዋዴ ያሳ አዋፔ ቦንቶኔ ጋላታ ኤኪሰ።

18 ኦኒ ጌሻ ዲሪያ ቦላ ኢያራ ዲዒያ ዋዴ ሄ ቃላይ ሳሎፔ ዩሺን ሲዒዳ።

19 ኮሰ ሄሳፌ አዲያ አማኔቲዳ ቲንቢቴ ቃሊ ዲዒሰ። ሳዒ ዋንታና ጋካናውኔ ባካሊ ሂንቴ ዋዛናን ዶላና ጋካናው፡ ጳማን ፖዒያ ፖዶ አሲ ናጌይሳዳ፡ ሂንቴ ሄ ቃላ ናጌኮ ሎዎ ኦሉታ።

20 ኡባፌ ካሴቲዲ ሃይሳ ኤሪቴ። ጌሻ ማዓፋን ዓፊቲዳ ቲንቢቴ ቃላ ኦኒካ ባ ዶሲዳዳ ቢርሻናው ዳንዲዒና።

21 ቲንቢቴ ኡባ፡ ያሳይ ኪቲዳ አሳቲ ጌሻ አያናይ ካሌሉን፡ ኦዲዶሶናፔ አቲን አሳ ሸኔን ኦዲቦኮና።

2

ዋርዶ አስታማሬታ

1 ሺን ዋርዶ ናቤቲ ካሴ አሳ ጊዶን ዲዒይሳ ሜላ ሃዒካ ዋርዶ አስታማሬቲ ሂንቴ ጊዶን ዲንዳና። ኤንቲ ባንታና ዋዚዳ፡ ጎዳ ካዲዲ፡ ጳይሲያ ዋርዶ ተሚርቲያ ኤሃና። ሄሳን ኤንቲ ባንታ ቦላ ኤሌሲዲ ጳዮ ኤሆሶና።

2 ዳር አሳይ ዩላያ ኤንታ ኢታ ኦጊያ ካላና፤ ኤንታ ጋሶን ተማ ኦጌይ ጫዬታና።

3 ዋርዶ አስታማሬቲ ሚሼ ያሪዲ ባንታው ሜዲ ኬሲዳ ሃይሴን ሂንቴና ቦንቃና። ቤኒፔ ዶሚዲ ኤንታ ፐርዳይ ጊጊ ኡቲሰ፤ ኤንታ ጳዮይካ ኤንታና ናጊ ኡቲሰ።

4 ናጋራ ኦሉዳ ኪታንቶታሰ ያሳይ ቃዴቶና፡ ፐርዳ ጋላሰ ጋካናው ጋናሜ ጳማ ኦላን ኤንታ ቃቺ ዩጊሰ።

5 ሄሳዳካ፡ ያሳይ ዒሎቴላባ ኦዲያ ፍሄኔ ሃራ ላፑን አሳታ አሺዲ፡ ያሳ ጎይናና አሳይ ዲዒያ ቤኒ አላሚያ ቃዴቶና ጳዮ ሃሳን ጳይሲሰ።

6 ጌላታሰ ለሚሶ ጊዳና ሜላ ያሳይ ሶዶሜኔ ጋሞራ ካታማታ ቢዶ ኦሉዲ ፀጊዲ ጳይሲሰ።

7 ሂጌሰ ኪቲቶና ላይማቲያ አሳታ ጊዶን ዋዩቲሼ ዲዒዳ ዒሎ ሎፀ ያሳይ አሺሰ።

8 ሄ ዒሎ አዳይ ኤንታ ጊዶን ዲዒሼ፡ ኤንቲ ኦሉያ ኢታ ኦሱዋ ጋላሰ ጋላሰ ቤዒዳ ዋዴኔ ሲዒዳ ዋዴ ኢያ ሎዎ ዋዛናይ ኤንዔቴሰ።

9 ሄሳ ገዲኮ፡ ጎዳይ፡ ባና ጎይኒያ አሳታ ፓጩፔ ዋቲ አሻኔኮ፡ ቃሲ ናጋራንቸታ ፒርዳ ጋላሳሰ ጋካናው ዋቲዲ ሴሪሼ ናገሳኔኮ ኤሬሰ።

10 ኡባሬ አሊዲ ቱና አሞን አሾ ቆፋ ካሊይሳታኔ ማታ አዋታ ካጴይሳታ፡ ፒርዳ ጋላሰ ጋካናው ጎዳይ ናገሲሰ።

ሄ አሳቲ ጋንጃ ሚናኔ ኦቶራንቸ ገዲያ ገሾ ሳሎ ሜዴቲላታ ጫዪሼ ያዮኮና።

11 ሺን ከታንቸቲ ዋርዶ አሰታማሪታፔ ዋልቃኒኔ ሚናቲላን ዳሮ አዶሶናሺን ጎዳ ሲንላን ሳሎ ሜዴቲላታ ጫዮኮና።

12 ሺን ሄ አሳቲ ባንታ ኤርናባን ገሊዲ ጫዮሶና። ኤንቲ ኦይኬታናውኔ ሃይቃናው ዩሌቲዳ፡ ዋዛኒ ባይና ዶዓ ማላ ሃናሶና፤ ኤንቲካ ዋራ ዶዓዳ ጮ ጳያና።

13 ኤንቲ ጋሊዳ ማቲዋዳ ዛሪ ማቶታና። ሴታ ጋላሰ ዩዊሼ ጉፔይሳ ኡፋይሲያባ ገዲ ቆፖሶና። ኤንቲ ካወሻታኔ ቱናታ ገዲ ዳዒሼ ሂንቴራ ሻኬቲያ ሲቆ ኢማቲዋን ኡፋይቶሶና።

14 ላይማቲያ ማጫሲ ያሊዲ አጎና አይሬይ ኤንታው ዳዒሰ፤ ቃሲ ናጋራ ኦሌይሳ አጎኮና። አማናን ሚኒቦና አሳ ጨሞሶና። ኤንታው ኡባ ዋዴ አሞቲያ ዋዛኒ ዳዒሰ፤ ኤንቲ ቃንገቲዳይሳታ።

15 ኤንቲ ሱሪ ኦጌ አገዲ፡ ማካላ ሚሽ ሲቁዲ ባሊዳ፡ ቢዶሪ ናዓ ባላማ ኦጊያ ካሊደሶና።

16 ኢ ባ ናጋራ ጋሶን ሃንቁቲሰ፤ ዶኒ ባይና ሃሪይ አሳዳ ሃሳዩዲ ናቢያ ጎሻቲላ ቲቁሰ።

17 ሄ አሳቲ ማሊዳ ፑልቶታ ማላኔ ጫርኮይ ቶኪዲ ኤሬያ ሻራ ማላ፤ ኤንታ ናጌይ ሳካና ጳማ።

18 ኤንቲ ሃዳኔ ኦቶሮ ኦዳ ኦዳቲሼ ባላን ዳዒያ አሳ ገደሬ ኬሲ ኤኪዲ ቡሮ ሚኒቦና አሳታ ላይማቲላ አሾ አሞን ጨሚዲ ባሌሶሶና።

19 ኤንቲ ባንታው ጳዮ አይሌቲላን ዳዒሼ ሃራታኮ፡ «ሂንቲ አይሌቲላሬ ኬያና» ያጎሶና። አይሰ ገኮ፡ አሲ ባ ያኔቲዳባ ኡባሰ አይሌ።

20 ኤንቲ አሺያ ኦ ጎዳ ዩሱሰ ከሪሰቶሳ ኤሪዲ ሃ አላሚያ ቱናቲላሬ ኬሲ ኤኪዳፔ ጉዬ፡ ዛሪ ቃጻቲዲ ያኔቲኮ ካሴ ዳዒያ ዳዑዋፔ ጉዬይሲ ኤንታው ኢታ ገዳና።

21 ኤንቲ ያሎቲላ ኦጊያ ኤሪ ሲሚዲ አጌይሳሬ ኮይሮቲዲ ገሻ ከታ ኤርናኮ ኤንታው ሎፖሺን።

22 «ካኒ ባ ጫሻኮ ጉዬ ሲሚሰ» ቃሲ፡ «ሜጬቲዳ ጉዳንላይ ጉዬ ሲሚዲ ኡርቃን ጎንደራቲሰ» ጊያ ለሚሶይ ቲማ ገዳይሲ ኤንታ ቦላ ኦሌሰ።

3

ጎዳይ ያና

1 ታ ሲቆ አሻቶ፡ ሃይሲ ታ ሂንቲው ፃፊዳ ዳብዳቤይ ናሞዓንሶ። ታኒ ሃ ናሞቡ ዳብዳቤታካ ሂንቲው ፃፊዳይ፡ ሂንቲ ሱሬ ቆፋ ቆፓናዳ ሂንቲና ዳንጮላናሳ።

2 ቃሲ ገሻ ናቤቲ ቤኒ ኦዲዳ ቃላኔ ኦና አሺያ ጎዳይ፡ ሃዋሪታ ባጋራ ከቲዳ ከታ ሂንቲ ሃሳያና ማላ ኮያይሰ።

3 ኡባሬ ካሴቲዲ፡ ዋዴ ወርሴላን ባንታ አሙዋ ካሊዲ አሴ ቶቼይሳቲ፡ ቶቼሼ ያናይሳ ኤሪቲ።

4 ኤንቲ፡ «ታ ያና ገዳይሲ አዉን ዳዒ? ኦ አዋቲ ሃይቁዶሶና፡ ሺን ኡባባይ ሳዓይ ሜዴቶሳፔ ደሚዲ ዳዒይሳዳ ዳዒሰ» ያጎሶና።

5 ዳሮ ዋዴፔ ካሴ ሳሎ ያሳ ቃላን ማዴቲዳይሳ፤ ቃሲ ሳዓይ ሃላሬኔ ሃላን ማዴቲዳይሳ ኤሪሼ ካዶሶና።

6 ሄ ዋዴ ዳዒያ ሳዓይ ሃላን ሚቲቲዲ ጳይሰ።

7 ሺን ሃዒ ዳዒያ ሳሎይኔ ሳዓይ፡ ገላቲ ፒርዳቲያ ጋላሳይኔ ጳያ ጋላሳይ ጋካናው ሄ ቃላን ታማሰ ናጌቲዲ ዳዶሶና።

8 ሺን ታ ሲቆ አሻቶ፡ ሃ አሲባ ደጎፒቲ። ጎዳ ማታን ኢሲ ጋላሲ ሙኩሉ ላይላ ማላ ገዳይሳኔ ሙኩሉ ላይላ ኢሲ ጋላሳ ማላ ገዳይሳ ደጎፒቲ።

9 ኢሶቲ ኢሶቲ ጋሞዲሰ ገዲ ቆፔይሳዳ፡ ጎዳይ ባ ኡፋይሳ ቃላ ገሾ ጋሞዴና። ሺን ኦኒካ ጳዮና ማላ ኮዩዲ፡ ኡባይ ባንታ ናጋራፔ ሲማና ማላ ሂንቲ ገሾ ገዲ ገንጨሰ።

10 ሺን ጎዳ ጋላሳይ ካይሶዳ ያና። ሄ ጋላሳን ሳሎቲ ዋልቃማ ጉንላን ጳያና፤ ሳሎ ሜዴቲላቲ ታማን ፀጌታና፤ ሳዓይኔ ኢያ ቦላ ዳዒያ ኡባይ ጳያና።

11 ሂዛ፡ ኡባባይ ሃሳዳ ሃኒዳ ጳያባ ገዲኮ ሂንቲ አይ ማላ አሲ ገዳናው ቤሲ? ሂንቲ ገሺኔ ያሳ ዳኒያ ዳዶ ዳናው ቤሴሰ።

12 ሂንቲ ሲንላራ ያ ያሳ ጋላሳ ናገሼ ሂንቲው ዳንዳዔቲያባ ኡባ ኦሊዲ ሄ ጋላሳ ኤሶዩቲ። ሄ ጋላሰ ሳሎቲኔ ኢያን ዳዒያባይ ታማን ፀጌታና፤ ዋልቃማ ሱላን ቲልሳና።

13 ሺን ኦኒ ያሎቲላ ሃሪያ ኦራላ ሳሎኔ ኦራላ ሳዓ ያሳ ኡፋይሳ ቃላዳ ናጎሰ።

14 ሄሳ ገሾ፡ ታ ሲቆ አሻቶ፡ ኦ ሄ ጋላሳ ናገያ ገሾ ፖኮይኔ ቦሪይ ባይናይሳታ ገዲዲ፡ ጎዳራ ሳሮን ዳናው ሚኒቲ።

15 አሲ ኡባይ አታና ማላ ኮዩዲ ጎዳይ ዳንዳዔይሳ ደጎፒቲ። ቃሲ ኦ ሲቆ አሻይ፡ ጳወሎሰ፡ ያሳይ ኢያው ኢሚዳ ጨንጫቲላን ሃሳዳ ሂንቲው ፃፊሰ።

16 ኢ ባ ዳብዳቤታ ኡባን ሃሳታባ ፃፊሰ። ኢያ ዳብዳቤታ ገደን አከካናው ዋይሲያ ቆፋቲ ዳዶሶና። ታማሪቦናኔ ሚኒቦና አሳቲ ሃራ ያሳ ቃላ ሚርቁይሳዳ ሃ ከታታካ ጳያናው ማቸዲ ሚርቆሶና።

17 ሄሳ ገሾ፡ ታ ሲቆ አሻቶ፡ ሂንቲ ሃሳ ኤሪያ ገሾ ማካላታ ባላን ጨሚቲዲ፡ ጳዮና ማላኔ ሚኒዲ ዳዒያ ቤሳሬ ኩንዶና ማላ ናጌቲቲ።

18 ሺን ሂንቲ ኦና አሺያ ኦ ጎዳ፡ ዩሱሰ ከሪሰቶሳ አዶ ኬሃቲላኒኔ ኤራቲላን ዲጩቲ። ኢያው ሃዒካ ማሪናዉካ ቦንቸይ ገደ። አሚንዲ።

2:15 ታይ 22:4-35 2:22 ለሚ 26:11 3:3 ዪቡ 18 3:5 ሜዴ 1:6-9 3:6 ሜዴ 7:11 3:8 ማዝ 90:4
3:10 ማቶ 24:43፤ ሉቃ 12:39፤ 1ቴሴ 5:2፤ ዮቆ 16:15 3:13 ኢሳ 65:17፤ 66:22፤ ዮቆ 21:1

ዮሃንሳ ፩ዳ ኮይሮ ኪታ ጋላ ቆፋ

ሃዋሪያ ዮሃንሳ ፩ዳ ኮይሮ ኪታይ፡ ናምዑ ኣይፊ ቆፋታ ኣይኬሰ። ሄሲካ ናባቤይሳቲ ያሳራኔ ኢያ ናባ ዩሱስ ከሪሰቶሳራ ኢሲፊቴላ ዳና ማላ ማንጭላናሳኔ ሄ ኢሲፊቴላ ቆይሲያ ዋርዶ ተሚርቲያፊ ሃካና ማላ ኤንታ ኣኬኪሳናሳ። ሄ ዋዴ ዳንዲዳ ዋርዶ ተሚርቲይ፡ «ያሳይ ቤንቶና ኣያና ኣላሜ ማዲሰ። ሃ ቤንቲያ ኣላሚያኔ ኑ ኣሳቲላ ያሳይ ማዲሰና ገሾ ኢታ። ቃሲ ሃ ቤንቲያ ኣላሚያኔ ኑ ኣሳቲላይ ኑ ኣያና ቆሃናውኔ ቲሳሳናው ዳንዲዳና» ያገዲ ታማርሶሶና። ሄሳ ጉሳይ፡ ኮይሮ፡ ዩሱስ ኣሴ ገዲዲ ዩቤና። ናምዓን፡ ኢሲ ኣሲ ባ ኣያና ቲሶና ዳዲሼ ባ ኣሾን ናጋራ ኣሳናው ዳንዲዳና ያጉሱ።

ሄሳ ገሾ፡ ዮሃንሳ ባ ኪታን፡ ዩሱስ ኣሴ ገዲዲ ዩዳይሳ ካዲያ ኣኒካ ያሳ ናባ ገዴና (4:2-3)። ቃሲ ያሳፊ ዩሌቲዳ ኣኒካ ኡባ ዋዴ ናጋራን ዳዲና (3:6) ያገዲ ያፊሰ።

ሄ ዋርዶ ኣስታማሬቲ፡ «ኣቶቴላ ጉሳይ፡ ሃ ሳባ ዲሳስ ኣንጫቴላፊ ኬዩዲ ዩዳ ገዲዲ ዳዎ» ያገሶና። ሄሳ ቦላ ጉጂዲ፡ «ኢታኔ ሎዎ ሻኪዲ ኦይኬላ ገዲን፡ ቃሲ ሃራ ኣሲ ሰቆ ገዲን ኣቶቴላፊ ኣይቢ ጋሃቴላካ ባዎ» ያገሶና።

፩ፊይ ሄ ተሚርቲያ ኢዲዲ፡ «ዩሱስ ከሪሰቶሶ ፖሎ ኣሴ፡ ዩሱሳ ኣማኔይሳቲኔ ያሳ ሰቆይሳቲ ኡባይ ባንታ ገዲን ኢሶይ ኢሱዋራ ሰቆታናው ቤሴሰ» ያገዲ ኦዲሰ።

- 1 ዮሃንሳ ኪታ ኣይፊ ቆፋታ
- ጌሎ ቆፋ 1:1-4
- ፖንኔ ቆፋ 1:5-2:29
- ያሳ ናይታኔ ፃላሄ ናይታ 3:1-24
- ቱማኔ ዋርዶ 4:1-6
- ሲቆ ኦሶ 4:7-21
- ዶኒያ ኣማኖ 5:1-21

ዳዎ ኣሚያ ቃላ
1 ኑኒ ኮይሮፕ ደሚዲ ዳዲያ፡ ኑ ሃይላን ሲዲዳ፡ ኑ ያሊዳ፡ ኣይፊያን ቤዲዳ፡ ኑ ኩሺያን ቦቲዳ ዳዎ ቃላባ ሂንቲው ፃፎሰ።

2 ሄ ዳዎይ ቆንጩን፡ ኑኒ ኢያ ቤዲዲ፡ ኢያባ ማርካቶሰ። ኣዎ ማታን ዳዲያ ኑሰ ቆንጩዳ፡ ማሪና ዳዑዋባ ሂንቲው ኣዎጅሰ።

3 ኑራ ሂንቲው ኢሲፊቴላ ዳና ማላ ኑኒ ቤዲዳይሳኔ ሲዲዳይሳ ሂንቲው ኦደሰ። ሂንቲው ኑራ ኢሲፊቴላ ዳዲያ ገሾ ኣዋራኔ ኢያ ናባ ዩሱስ ከሪሰቶሳራ ኢሲፊቴላ ዳዲሰ።

4 ኑ ኡፋይሳይ ፖሎ ገዲና ማላ ሄሳ ሂንቲው ፃፎሰ።

ያሳይ ፖዎ
5 ኑኒ ዳዎ ገዲዲ ኢያፕ ሲዲዲ፡ ሂንቲው ኦዲያ ኪታይ ሃይሳ፡ «ያሳይ ፖዎ፤ ኢያን ቆሚ ባዎ» ያገዲሳ።

6 ኑሰ ኢያራ ኢሲፊቴላ ዳዲሰ ያገሾ ቆሚያን ዳዲያ፡ ኑ ኦዲኒኔ ኑ ኦሱዋን ዋርዶቶሰ።

7 ሺን ፖዎን ኢ ዳዲይሳይ፡ ኑካ ፖዎን ዳዲያ፡ ኑሰ ዋሊ ገዲን ኢሲፊቴላ ዳዲሰ። ኢያ ናባ፡ ዩሱሳ ሱላይ ናጋራ ኡባፊ ኑና ገሾሰ።

8 ኑኒ፡ ኑናን ናጋሪ ባዎ ገሶ ኑ ኑና ጩሞሰ፤ ኑናን ቱሚ ባዎ።

9 ሺን ያሳሰ ኑ ናጋራ ፓዲኦ፡ ኢ ኑ ናጋራ ኣቶ ጋናውኔ ኑ ቆሆ ኦሶ ኡባፊ ኑና ገሻናው፡ ኣማኔቲዳይሳኔ ቱማ።

10 ኑኒ ናጋራ ኦሊቦኮ ገሶ ያሳ ዋርዲንቾ ኬሶሰ፤ ኢያ ቃላይካ ኑናን ዳና።

2

ከሪሰቶሶ ኑሰ ጋናቲይሳ
1 ታ ናይቶ፡ ናጋራ ሂንቲ ኦላና ማላ ታኒ ሃይሳ ሂንቲው ፃፋይሰ። ሺን ኦኒካ ናጋራ ኦሊኮ ኣዎ ማታን ኑሰ ጋናቲያ ያሎይ፡ ዩሱስ ከሪሰቶሶ፡ ዳዲሰ።

2 ኑ ናጋራይ ከሪሰቶሳ ባጋራ ኣቶ ጌቲቲሰ። ኢ ኑ ናጋራ ፃላላሰ ገደናሺን ኣሳ ኡባ ናጋራሰ ያርሺቲሰ።

3 ኑኒ ያሳ ኪታ ናገሶ፡ ሲዴይ ባይናሺን፡ ቱማ ኑ ኢያ ኤርሰ።

4 ኦኒካ፡ «ታኒ ኢያ ኤራይሰ» ያገሾ፡ ኢያ ኪታ ናንና ኢዲኮ ሄ ኡራይ ዋርዲንቾ፤ ቱማቴላ ኢያን ባዎ።

5 ሺን ኢያ ቃላሰ ኑ ከቲቲያባ ገዲኮ ሄ ኡራይ ያሳ ሰቆይ ሰቆይ ፖሎ ገዴሰ። ኑኒ ያሳን ዳዲይሳሰ ሄሲ ባው ቱማ ማርካ።

6 ታኒ፡ «ያሳን ዳዲሰ» ገያ ኦኒካ ከሪሰቶሶ ዳዲዳይሳዳ ዳናው ቤሴሰ።

ኦራላ ኪታ
7 ታ ሰቆ ኣሻቶ፡ ታኒ ሂንቲው ኮይሮፕ ዳዲያ ጋልዳ ኪታ ፃፋይሰ፤ ኣቲን ኦራላ ኪታ ፃፊኬ። ኣካ ሂንቲ ሲዲዳ ሄ ጋልዳ ኪታ።

8 ገዲኮካ፡ ከሪሰቶሳኒኔ ሂንቲናን ቱማ ገዲዲ ዳዲያ፡ ኦራላ ኪታ ፃፋይሰ። ቆሚያ ከቲን፡ ሃዲ ቱማ ፖይ ፖዲሰ።

9 «ፖዎን ዳዲሰ» ገሾ ባ ኣሻ ኢዲያ ኦኒካ፡ ሃዲካ ቆሚያን ዳዲሰ።

10 ባ ኣሻ ደሲያ ኦኒካ ፖዎን ዳዲሰ። ሄ ኡራን ሃራ ኣሲ ቆቢያባይ ባዎ።

11 ሺን ባ ኣሻ ኢዲያ ኦኒካ ቆሚያን ዳዲሰ፤ ቆሚያ ሃሙቲሰ። ቆሚያ ኢያ ኣይፊያ ቆቂሲዳ ገሾ ኣው ቢያኮ ኤሪና።

12 ታ ናይቶ፡ ከሪሰቶሳ ሱንላ ባጋራ ሂንቲ ናጋራይ ኣቶ ጌቲቲዳ ገሾ ታኒ ሂንቲው ፃፋይሰ።

13 ኣዎቶ፡ ኮይሮፕ ዳዲያ፡ ኢያ ሂንቲ ኤሪዳ ገሾ ሂንቲው ፃፋይሰ። ያላጋቶ፡ ፃላሄያ ሂንቲ ያኒዳ ገሾ ሂንቲው ፃፋይሰ።

14 ጉላ ናይቶ፡ ያሳ ሂንቲ ኤሪዳ ገሾ ሂንቲው ፃፋይሰ። ኣዎቶ፡ ኮይሮፕ ዳዲያ ኢያ ሂንቲ ኤሪዳ ገሾ ሂንቲው ፃፋይሰ። ያላጋቶ፡ ሂንቲ ሚኖ ገዲያ ገሾ ያሳ ቃላይ ሂንቲናን ዳዲያ ገሾኔ ፃላሄያ ሂንቲ ያኒዳ ገሾ ሂንቲው ፃፋይሰ።

15 አላሜ ወይኮ አላሜን ዳዊያባ ደሰጥቲ። አላሜያ ደሰያ ኮነካ ያሳ ደሰፍ።

16 አላሜን ዳዊያ ኡባባይ፣ እሾ አሞቲሉ፣ አይፊን ቤዒዲ አሞቲያባይ ሚሽን ጨቁቲሉ አላሜባ፣ ኦቲን ያሳፊ ገዴፍ።

17 አላሜይኔ አላሜን አሲ አሞቲያ ኡባይ አፋና፣ ሺን ያሳ ሽኒያ ፖሊያ ኮነካ ሜሪናው ዳና።

ኪሪስቶስ ኤቄቲያ ሞርኬያ

18 ታ ናይቶ፣ ዎዲያ ወርሴላይ ማታቲስ። ኪሪስቶስ ሞርኬይ ሰንላፊ ያናይሳ ሂንቲ ሰዒዳይሳ ዓሪ አቶሽን፣ ሃዒካ ኢያ ሞርኬቲ ዳርቲ ዳንዲደሶና። ሃሳ ገሾ፣ ዎዲያ ወርሴላይ ማታቲዳይሳ ኮነ ሃሳን ኤርስ።

19 ሄ ሞርኬቲ ኑ ባጋ ገደና ገሾ ኑ ገደፊ ከዴደሶና። ኤንቲ ኑ ባጋ ገዲያኮ ኑ ገደን ዳናና፣ ሺን ኤንታፊ ኮነካ ኑ ባጋ ገደናይሲ ኤሬታና ሜላ ኑ ገደፊ ከዴደሶና።

20 ሺን ኪሪስቶሲ ሂንቲ ቦላ ገሻ አያና ጉሲስ፤ ቃሲ ሂንቲ ኡባይ ቱማ ኤሬታ።

21 ቱማ ሂንቲ ኤሬያ ገሾኔ ቱማን አይቢ ዎርደይ ባይናይሳ ሂንቲ ኤሬያ ገሾ ታኒ ሂንቲው 94ይሲ፣ ኦቲን ቱማ ሂንቲ ኤርና ገሾ ገዴፍ።

22 ዬሱሲ፣ ያሳይ ደሪዳይሳ ገዴና ገዲ ካዲያ አሳ፣ ሃሪ ዎርዳንቸይ ኦኔ? ሃሳ ሜላ አሲ ኪሪስቶስ ሞርኬ። ኢ ናዓ ካዲኮ አዋካ ካዴስ።

23 ናዓ ካዲያ ኦዴሰካ አዋይ ባዋ፤ ቃሲ ናዓሰ ማርካቲያ ኦዴሰካ አዋይ ዳዔስ።

24 ሃሳ ገሾ፣ ኮይር ሂንቲ ሰዒዳ ቃላ ሂንቲ ዎዳናን ሚንሉዲ ናገቲ። ኮይር ሰዒዳይሳ ሂንቲ ናገኮ ሂንቲው ናዓሪኔ አዋራ ኢሲፊቲሉ ዳና።

25 ናዓይ ኮሰ ሜሪና ዳዐ-ዋ ኢማና ገዲ ቃላ ገሊሰ።

26 ሂንቲና ባሌሉያ አሳ ገሾ ታኒ ሃይሳ ሂንቲው 94ሰ።

27 ሺን ኪሪስቶሲ ሂንቲ ቦላ ባ ገሻ አያና ጉሲስ። ገሻ አያናይ ሂንቲናን ዳዊያ ገሾ ኦነካ ሂንቲና ታማርሶ ኮሾና። ኢያ ገሻ አያናይ ሂንቲና ቱማ ታማርሴሲ፣ ኦቲን ዎርደ ገዴፍ። ገሻ አያናይ ሂንቲና ታማርሲዳይሳዳ ኪሪስቶስን ዳዒቲ።

28 ሂዛ፣ ታ ናይቶ፣ ኢ ቆንጪያ ዎዴ ኮነ ያሽ ባይናኔ ኢያ ዩሳ ጋላሰ ኢያ ሰንላን ኑ ዬላን ቆሱቶና ሜላ ኢያን ዳዒቲ።

29 ኪሪስቶሲ ዲሎ ገዴይሳ ሂንቲ ኤሬኮ ዲሎ ኦሊያ ኡባይ ያሳ ናዓ ገዴይሳ ኤሬቲ።

3

ያሳ ናይታ

1 ኮነ ያሳ ናይታ ገቲቲዲ ያገታና ሜላ ያሳይ ኑና አይ ሜላ ደሲዳኮ ቤዒቲ። ኮነ ቱማካ ያሳ ናይታ። ሃ አላሜይ ያሳ ኤርና ገሾ ኑናካ ኤሬና።

2 ታ ሲቆ አሻቶ፣ ሃዒ ኮነ ያሳ ናይታ፤ ኮነ አይ ሃናኔኮ ቡር ኤሬቲቤና። ሺን ኪሪስቶሲ ቆንጪያ ዎዴ ኮነ ኢያ ዳናናይሳ ኤርስ። ኢ ቱማ ዳዔይሳ ኮነ ቤዒና።

3 ኪሪስቶስ ቤዒና ገዲ ኡፋይሳን ናገያ ኦነካ፣ ኪሪስቶሲ ገሽ ገዲዳይሳዳ ባና ገሾስ።

4 ናጋሪ ሂጌ ሚንሉ ገዲያ ገሾ ናጋራ ኦሊያ ኡባይ ያሳ ሂጌ ሚንሉስ።

5 ኪሪስቶሲ አሳ ናጋራ ጳይሳናው ቆንጪዳይሳ ሂንቲ ኤሬታ፤ ኢያን ናጋሪ ባዋ።

6 ኪሪስቶስን ዳዊያ ኦነካ ናጋራን ዳና። ቃሲ ናጋራን ዳዊያ ኦነካ ኢያ ቤዒቤና ዎይኮ ኤሬቤና።

7 ታ ናይቶ፣ ሂንቲና ኦነካ ባሌሉ። ኪሪስቶሲ ዲሎ ገዲዳይሳዳ ዲሎ ኦሊያ ኦነካ ዲሎ።

8 ያላሂይ ኮይር፣ ናጋራ ኦሊያ ገሾ ናጋራ ኡባ ዎዴ ኦሊያ ኦነካ ያላሂ ዳሮ። ሃሳ ገሾ፣ ያሳ ናዓይ ያላሂ ኦሶ ጳይሳናው ቆንጪስ።

9 ያሳ ናዓ ገዲያ ኦነካ ያሳ አያናይ ኢያን ዳዊያ ገሾ ኢ ኡባ ዎዴ ናጋራን ዳና። ያሳይ ኢያ አዋ ገዲያ ገሾ ናጋራን ዳና።

10 ያሳ ናይታ ገደኒኔ ያላሂ ናይታ ገደን ዳዊያ ዲማቲላይ ሃሳን ኤሬቲስ፤ ዲሎ ኦሊያ ኡባ ዎይኮ ባ አሻ ደሶና አሲ ያሳ ናዓ ገዴፍ።

ኢሶይ ኢሱዋ ደሰቲ

11 ኮይር፣ ሂንቲ ሰዒዳ ኪታይ፣ «ኢሶይ ኢሱዋ ደሰናው ቤሴስ» ያገያ ኪታ።

12 ኮነ ቃዔላ ሜላ ገደናው ቤሴና። ቃዔላ ያላሂ ዳሮ ገዲዲ ባ አሻ ዎዴስ። ኢ ባ አሻ አይሰ ዎዴዳ? ኢያ ኦሶይ ኢታ ገዲዳ ገሾኔ ኢያ አሻ ኦሶይ ሎዎ ገዲዳ ገሾ ዎዴስ።

13 ታ አሻቶ፣ ሃ አላሜያ አሳይ ሂንቲና ኢደኮ ማላላቶሬቲ።

14 ኮነ ኑ አሻታ ሲቁያ ገሾ ሃይቆ፣ ዳጋ ፒኒዳይሳ ኤርስ። ባ አሻ ደሶና ኦነካ ሃይቆ ኩያን ዳዔስ።

15 ባ አሻ ኢደያ ኦነካ ሸምፖ ዎዴስ። ቃሲ ሸምፖ ዎዴያ ኦዴሰካ ሜሪና ዳይይ ባይናይሳ ሂንቲ ኤሬታ።

16 ኪሪስቶሲ ባ ሸምፖቱ ኑ ገሾ አሉ አሚዳይሳን ሲቆይ አይቤኮ ኮነ ኤሬዳ። ኑካ ኑ አሻታ ገሾ ኑ ሸምፖቱ አሉዲ አማናው ቤሴስ።

17 ሺን ዳራ ገዲዳ ኦነካ ሚቶታንቸዋ ቤዒሽ፣ ኢያው ቃዴቶና ኢደኮ ባ ዎዳናን ያሳ ሲቆይ ዳዔስ ጋናው ዋኒዲ ዳንዳዒ?

18 ታ ናይቶ፣ ኮነ ኦሶኒኔ ቱማቲላን ኑ ሲቁዋ ቆንጪሳናው ቤሴስ፣ ኦቲን ጮ ኦዳ ያላላን ዎይኮ ደና ያላላን ሲቁታናው ቤሴና።

ያሳን ዳዊያ አማኔቲላ

19 ኮነ ኢሶይ ኢሱዋ ሲቁኮ፣ ኑ ቱማ ባጋ ገዴይሳ ኤርስ፤ ሃሳሰ ያሳ ሰንላን ዬላቶኮ።

20 ኑ ዎዳናይ ኑ ቦላ ፐርዲያባ ገዲኮ፣ ያሳይ ኑ ዎዳናይ ገታ ገዴይሳ ኤርስ፤ ኢ ኡባባ ኤሬስ።

21 ታ ሲቆ አሻቶ፣ ኑ ዎዳናይ ኑ ቦላ ፐርደናባ ገዲኮ ኮነ ያሳ ሰንላን ያዮኮ።

22 ኮነ ኢያ ኪታ ናገያ ገሾኔ ኢያ ኡፋይሲያባ ኦሊያ ገሾ ዎሲያ ኡባ ኢያ፣ ኤኮስ።

23 ኪሪስቶሲ ኑ ኪቲዳይሳዳ ያሳ ናዓ ዬሱሰ ኪሪስቶስ ሰንላን አማናናይ ኢሶይ ኢሱዋ ሲቃናዳ ያሳይ ኑና ኪቲስ።

24 ያሳ ከታ ናጊያ ኦሪካ ያሳን ዴዔስ፤ ያሳይካ ኢያን ዴዔስ። ያሳይ ኑስ ኢሚዳ ጌሻ ኢያና ባጋራ ኢ ኑናን ዴዔይሳ ኤርሰ።

4

ኢያናታ ሻኪ ኤሪቴ

1 ታ ሲቆ አሻቶ፣ ኢያናታ ኡባ አማኖ፣ ሺን ኤንቲ ያሳፊ ዩዳኮ ፓጩ በዒቲ። አይስ ገኩ፣ ዳር ዋርዶ ናቤቲ አላሜን ዴንዲዳሶና።

2 ያሳ ኢያና ገዴይሳ ሂንቲ ሃይሳን ኤሪና፤ «ዩሱስ ከሪስቶሲ አሴ ገዲዲ ዩዳይሳ ማርካታይስ» ገያ ኢያና ኡባይ ያሳፊ ዩስ።

3 ከሪስቶሲ አሴ ገዲዲ ዩዳይሳ አማናይስ ጎና ኢያና ኡባይ ያሳፊ ገዴና። ሄሲ ከሪስቶሳ ኢዲያ ኢያና። ሂንቲ ሄ ኢያናይ ያናይሳ ካሴ ሲዒዴታ፤ ኢ ሃሪ አቶሺን ሃዒካ አላሜን ዴዔስ።

4 ታ ናይቶ፣ ሂንቲ ያሳሳ። ሂንቲ ገዴን ዴዒያ ጌሻ ኢያናይ አላሜን ዴዒያ ኢያና፣ ዳር ዋልቃማ ገዲያ ገሾ ዋርዳንቸ ናቤታ ሂንቲ ያኒዴታ።

5 ኤንቲ ሃ አላሚያ አሴ ገዲያ ገሾ ሃ አላሚያባ ኦዶሶና፤ ሃ አላሚያ አሳይ ኤንታ ኦዳ ሲያሶና።

6 ኑኒ ያሳፊ ዩሌቲዳ፤ ያሳ ኤሪያ ኦሪካ ኑና ሲዒና። ያሳ ኤርና ኦሪካ ኑና ሲዒና። ኑኒ ቱማ ኢያናኔ ዋርዶ ኢያና ሄሳን ሻኮሰ።

የሳይ ሲቆ

7 ታ ሲቆ አሻቶ፣ ሲቆይ ያሳፊ ያ ገሾ እኔ ኢሶይ ኢሱዋራ ሲቆቶሰ። ሲቆያ ኦሪካ ያሳ ናዒ፤ ኢ ያሳ ኤሪሰ።

8 ያሳይ ሲቆ ገዲያ ገሾ ሲቆና ኦሪካ ያሳ ኤሪና።

9 ኑኒ ከሪስቶሳ ባጋራ ዴዐ-ዋ ዴማና ሜላ ያሳይ ባ ኢሲ ናዒ ሃ አላሚያ ከቲሰ። ያሳይ ኑና ባ ሲቆዋ ሄሳን በሲሰ።

10 ቱማ ሲቆ ጉሳይ ሃይሳ፣ ኑኒ ያሳ ሲቆዳ ገሾ ገዴናሺን ያሳይ ኑና ሲቆዳ ገሾኑ ኑ ናጋራ፣ ኑና ማራናው ባ ናዒ ከቲዳ ገሾሳ።

11 ታ ሲቆ አሻቶ፣ ያሳይ ኑና ሃይሳዳ ሲቆኩ፣ ኑካ ኢሶይ ኢሱዋ ሲቆናው በሴሰ።

12 ያሳ በዒዳይ ኦሪካ ባዋ። ኑኒ ኢሶይ ኢሱዋ ሲቆኩ ያሳይ ኑናን ዴዔስ፤ ኢያ ሲቆይካ ኑናን ፖሎ ገዴሰ።

13 ያሳይ ባ ጌሻ ኢያና ኑስ ኢሚዳ ገሾ ኑኒ ያሳን ዴዔይሳኔ ኢካ ኑናን ዴዔይሳ ኤርሰ።

14 አዋይ ባ ናዒ፣ ሃ አላሚያ አሼይሳ ገዴና ሜላ ከቲዳይሳ ኑኒ በዒዲ ማርካቶሰ።

15 ዩሱሲ ያሳ ናዒ ገዴይሳ ማርካቲያ ኦዴንካ ያሳይ ዴዔስ፤ ኢካ ያሳን ዴዔስ።

16 ያሳይ ኑና ሲቆይሳ ኑኒ ኤርሰኔ አማናሰ። ያሳይ ሲቆ። ሲቆን ዴዒያ ኦሪካ ያሳን ዴዔስ፤ ያሳይካ ኢያን ዴዔስ።

17 ኑ ዴይሃ ሃ አላሚያን ከሪስቶሲ ዴዒዳይሳ ሜላ ገዲያ ገሾ ፐርዳ ጋላሰ ያዮና ኢያ ሲንፊ ሸቃናው ኢያ ሲቆይ ኑናን ፖሎ ገዴሰ።

18 ሲቆን ያሺ ባዋ፣ ቱማ ሲቆይ ያሺ ከሴ ሆሌሰ። ያሺኔ ፐርዲ ኢሲፊ ቢያ ገሾ ያያ ኡራ ሲቆይ ፖሎ ገዴና።

19 ያሳይ ኮይር ኑና ሲቆዳ ገሾ ኑ ሲቆስ።

20 ኦሪካ፣ «ያሳ ሲቆይሰ» ገሼ ባ አሻ ኢዲኩ፣ ኢ ዋርዳንቸ። አይስ ገኩ፣ በዒያ ባ አሻ ሲቆና ኦሪካ በዒሶና ያሳ ሲቆናው ዋኒዲ ዳንዳዒ?

21 ከሪስቶሲ ኑስ ኢሚዳ ከታይ ሃይሳ፤ «ያሳ ሲቆያ ኦሪካ ባ አሻ ሲቆናው በሴሰ» ያገይሳ።

5

አላሚያ ያና

1 ዩሱሳ፣ ኢ ከሪስቶሳ ያገዲ፣ አማኒያ ኦሪካ ያሳ ናዒ። አዋ ሲቆያ ኦሪካ ኢያ ናዒ ሲቆስ።

2 ኑኒ ያሳ ሲቆያ ገሾኑ ኢያ ከታ ናጊያ ገሾ ያሳ ናይታ ሲቆይሳ ኤርሰ።

3 ኑኒ ያሳ ሲቆኩ፣ ኢያ ከታታ ናጎሰ። ኢያ ከታቲ ዴያ ገዴኮና።

4 አይስ ገኩ፣ ያሳ ናዒ ገዲያ ኦሪካ ሃ አላሚያ ያናናው ዳንዳዒሰ። ኑኒ ሃ አላሚያ ያናናይ ኑ አማኑዋና።

5 አላሚያ ያናናው ዳንዳዒይ ኦኔ? ዩሱሲ ያሳ ናዒ ገዴይሳ አማኒያ አሳ ፃላሊ ያናና።

ከሪስቶሳ ማርካቲይሳ

6 ዩሱሰ ከሪስቶሲ ሃላ ዲንቃቲያራኔ ባ ሃይቁአዋ ሱላራ ዩሰ። ኢ፣ ሃላራኔ ሱላራ ዩሲ፣ ኦቲን ሃላ ፃላላራ ዩሰና። ጌሻ ኢያናይ ቱማ ገዲያ ገሾ ሄሲ ቱማ ገዴይሳ ማርካቲሰ።

7 ሄቹ ማርካቲ ዴያሶና።

8 ሄሳቲ፣ ጌሻ ኢያና፣ ሃላኔ ሱላ። ሃ ሄቻታ ማርካቲሳይ ኢሲና።

9 ኑ አሲ ማርካቲይሳ አማናሰ። ሺን ያሳ ማርካቲሳይ አሳይሳፊ ዳር አዴሰ። ያሳይ ባ ናዒ ማርካቲዳ ማርካቲሳይ ሃይሳ።

10 ያሳ ናዒ አማኒያ ኡራ ዋዛናን ሃ ማርካቲሳይ ዴዔስ። ያሳ አማኖና ኦሪካ ያሳይ ባ ናዒ ማርካቲዳ ማርካቲሳ አማኒሶና ገሾ ያሳ ዋርዳንቸ ኦፊሰ።

11 ሂዛ፣ ማርካቲሳይ ሃይሳ፤ ያሳይ ኑስ ሜሪና ዴያ ኢሚሰ፤ ሄ ዴይሃ ኢያ ናዒን ዴዔስ ያገይሳ።

12 ያሳ ናዒ ዴዒያ ኦዴሰካ ዴይሃ ዴዔስ። ያሳ ናዒ ባይና ኦዴሰካ ዴይሃ ባዋ።

ሜሪና ዴያ

13 ያሳ ናዒን አማኒያ ሂንቲው ሜሪና ዴይሃ ዴዔይሳ ሂንቲ ኤራና ሜላ ሃይሳ ሂንቲው ፃላሰ።

14 ያሳ ሸኒያዳ አይቢባካ ኢያ ዋሲኩ፣ ኢ ሲዒይሳ ኑኒ ኤሪያ ገሾ ኢያን አማኔቶሰ።

15 ኑኒ ዋሲያ ኡባ ኢ ሲዒይሳ ኤሪኩ፣ ኑኒ ዋሲያባ ኢ አማናይሳ ኤርሰ።

16 ኦሪካ ባ አሻይ ሃይቆ በሶና ናጋራ ኦፊሺን በዒኩ፣ ያሳ ኢያው ዋሳናው በሴሰ። ሃይቆ በሶና ናጋራ ኦፊዳይሳታሰ ያሳይ ዴያ ኢሚና። ሃይቆ በሴሰ ናጋራ ዴዔስ። ታኒ ሂንቲና ሄሳሰ ያሳ ዋሲቲ ገሴ።

17 ኢታ ኑሶ ኡባይ ናጋራ፣ ሺን ሃይቆ በሶና ናጋራ ዴዔስ።

18 ያሳ ናዒ ኢያ ናጊያ ገሾ ያሳ ናዒ ገዲዳ ኦሪካ ናጋራን ኡባ ዋዴ ዴያይሳ ኑኒ ኤርሰ። ፃላሄይ ኢያ ቆሃናው ዳንዳዒና።

19 ኑኒ ያሳሳ ጊዳይሳኔ ሃ ኩሜላ ኣላሜይ
ፃላሂን ሃሬቲይሳ ኤርሰ።

20 ኑኒ ቱማ ያሳ ኤራናዳ ያሳ ናዓይ ዩዳይሳኔ
ኑሰ ኣኩካ ኣሚዳይሳ ኤርሰ። ኑኒ ኢያ ናዓ፣
ዩሱሰ ኪሪሰቶሳ ባጋራ ቱማ ያሳን ዳዖሰ። ዩሱሰ
ቱማ ያሳኔ ሜሪና ዳዑዋ።

21 ታ ናይቶ፣ ኤቃታፔ ሂንቴ ሃኪቴ።

ዮሀን 9፡፩ ዓፊዳ ናምዓንሉ ኪታ ጋሳ ቆፋ

ዮሀን 9፡፩ ዓፊዳ ናምዓንሉ ኪታ፡ ዩሱፊ ሃዋሪ ጊዲዳ ጨማይ፡ ዮሀን 9፡፩፡ ፃፊቲዳይካ ደሬቲዳ ጎዳቲሳኔ ኢ ናይታሳ፡ ኢኒ ኤሪ፡ ሄሲካ ኢሲ ዋሳ ኬሳሲኔ ኢያን ጎይኒያ ኣሳሰ ጊደና ኣገና፡ ሃ ቃንሳ ኪታይ ፃፊቲዳይ፡ ኤንቲ ኢሶይ ኢሱዋራ ሲቁታና ማላ ኣኬኪሳናሳኔ ዋርዶ ኣስታማሬታፔኔ ኤንታ ቲሚርቲያፊ ናጌታና ማላ ቆፊሳናሳ፡

2 ዮሀን 9 ኪታ ኣይፊ ቆፋታ

- ሳርሉ 1-3
- ሲቆይ ኡባፊ ቦላ 4-6
- ዋርዶ ቲሚርቲያፊ ናጌታ. 7-11
- ኩሻ ቆፋ 12-13

1 ታ ጨማይ ደሬቲዳ ጎዳቲሳኔ ኢ ናይታሰ ኪቲዳ ኪታ፡ ታ ፃላላ ጊደናሺን ቱማ ኤሪያ ኡባይ ሂንቲና ደሶሶና፡

2 ሃ ቱማይ ኦናን ዳዒያ ጊሾኔ ማሪናው ኦራ ዳና ጊሾ ታኒ ሂንቲና ቱማ ደሳይሰ፡

3 ያሳ ኦ ኣዋኔ ኢያ ናዓ ዩሱስ ኪሪሰቶሳ ኣጼ ኬሃቲሳይ፡ ማርቲሳይኔ ሳርቲሳይ ቱማኒኔ ሲቆን ኢሲፊ ኦራ ጊደ፡

ቱማባኔ ሲቆባ

4 ኣዋይ ኦና ኪቲዳይሳዳ፡ ኔ ናይታፔ ባጋቲ፡ ቱማሰ ኪቲቲይሳ ቤዒዳ ታኒ ዳር ኡፋይታሰ፡

5 ጎዳቲ፡ ሃዒካ ኦኒ ኡባይ ኢሶይ ኢሱዋ ሲቃና ማላ ታኒ ኔና ዋሳይሰ፡ ሃ ኪታይ ኮይርፔ ኦራ ዳዒያ ኪታፔ ኣቲን ታኒ ኔው ኦራሳ ኪታ ፃፊኬ፡

6 ቱማ ሲቆይ ኦኒ ያሳ ኪታ ናጊዲ ዳናይሳ፡ ቃሲ ኮይርፔ ሂንቲ ሲዒዳይሳዳ ኢያ ኪታይ፡ ሂንቲ ኡባይ ሲቆን ዳና ማላሳ፡

7 ዩሱስ ኪሪሰቶሲ ኣሴ ጊዲዲ ዪዳይሳ ኣማናና፡ ዳር ባሌያ ኣሳቲ፡ ኣላሜን ደገዲደሶና፡ ሄሳ ማላ ኣሲ ኦኒካ ባሌይሳኔ ኪሪሰቶሳ ሞርኬ፡

8 ሂንቲ ኦሊዳ ኩሜሳ ዋይቱዋ ኤካናው ማኒቲ፡ ሂንቲ ኦሊዳይሲ ጳዮና ማላ ናጌቲቲ፡

9 ኪሪሰቶሳ ቲሚርቲያን ደናይሳሲኔ ኢያፔ ሃኪያ ኡራሰ ያሳይ ባዋ፡ ኪሪሰቶሳ ቲሚርቲያን ዳዒያ ኡራሰ ኣዋይኔ ናዓይ ዳዖሶና፡

10 ኦኒካ ሂንቲኮ ዪሼ ሃ ቲሚርቲያ ኤሆና ኢዊኮ፡ ሂንቲ ሶ ጌልሶፊቲ፤ ሳርካ ጎፒቲ፡

11 ኢያ ሳር ጊያ ኦኒካ ኢያ ኢታ ኦሱዋን ኢያራ ሻኬቲሰ፡

ዉርሴላ ሳርታ

12 ታኒ ሂንቲው ፃፋናው ኮዪዳ ዳርባይ ዳዔሰ፡ ሺን ዋርቃቲኒኔ ቃላሜን ፃፋናው ኮዪኬ፡ ኦ ኡፋይሳይ ፖሌታና ማላ ሂንቲራ ሶምዖን ጋሂታዳ ኦይታናው ሂንቲኮ ባና ጋዳ ቆፓይሰ፡

13 ያሳይ ደሪዳ ኔ ማቺ ናይቲ ኔና ሳር ያሳሶና፡

1:5 ዮሃ 13:34፤ 15:12፣ 17

ዮሀንሲ ፃፊዳ ሄሻንሉ ኪታ ጋላ ቆፋ

ዮሀንሲ ፃፊዳ ሄሻንሉ ኪታ፡ ዩሱሳ ሃዋሪ ጊዲዳ ጨማይ፡ ዮሀንሲ ፃፊሰ። ኢ ፃፊዳይካ ጋዮሳ ጊያ ኢሲ ዋሳ ኬላ ሄሜይሳሳ። ፃፊይ ኢሲ ባጋራ ጋዮሲ ሃራ አማኔይሳታ ማዲዳ ጊሾ ኢያ ጋላቲሰ፤ ቃሲ ሃራ ባጋራ ዲዮተራፊሳ ጌቲቲያ ዋሳ ኬላ ሃላቃ ጊዳናው ኮያ ጌላ ኡራፔ ናጌታና ማሳ አኬኪሱሰ።

3 ዮሀንሳ ኪታ ኣይፌ ቆፋታ
ጌሎ ቆፋ 1-4
ጋዮሲ ጋላቲቲሰ 5-8
ዲዮተራፊሲ ቦራቲሰ 9-10
ዲሜዲሮሲ ጋላቲቲሰ 11-12
ኩሻ ቆፋ 13-15

1 ታኒ ጨማይ፡ ቱማ ዶሲያ ጋዮሳሰ ከቲዳ ኪታ።

2 ታ ሲቁዋው፡ ኔኒ ኔ ሸምፑዋን ሎፆ ዳዔይሳ ታ ኤሬይሳዳ ኔው ፓያቲሉ ዳና ሜላኔ ኔ ኦሊያባይ ሱራና ሜላ ኔው ፆሳ ዋሳይሰ።

3 ጉላ አማኒያ አሳቲ ዩዲ፡ ኡባ ዋዴ ኔኒ ቱማን ዳዔይሳኔ ኔ ቱማቲሳባ ማርካቲዳ ዋዴ ታኒ ዳሮ ኡፋይታሰ።

4 ታ ናይቲ ቱማቲሳን ዳዔይሳ ሲዔይሳፊ አዲዲ፡ ታና ኡፋይሲያባይ ባዋ።

ጋዮሲ ጋላቲቲሰ
5 ታ ሲቁዋው፡ ኤንቲ ኔው አማሌ ጊዲኮካ፡ ኔኒ አማኒያ አሳታሰ አማንሉያ ኦሶ አላሳ።

6 ኤንቲ ኔ ሲቁዋባ ዋሳ ኬላን ማርካቲሶና። ሃሳካ ኤንቲ ቢያ ኦጊያን ፆሳይ ዶሴይሳዳ ኦላዳ ኤንታ ማዲኮ ሎፆ አላሳ።

7 ኤንቲ ኪሪሰቶሳ ሱንላ ጊሾ ከዩሼ፡ አማናና አሳታፔ አይኮካ ኤኪቦኮና።

8 ኮኒ ቱማ ኦሱዋ ኤንታራ ኢሲፊ ኦላናው ሃይሳ ሜላ አሳታ ማዳናው ቤሴሰ።

ዲዮተራፊሳኔ ዲሜዲሮሳ
9 ታኒ ዋሳ ኬላታሰ ዳብዳቤ ፆፋሰ፡ ሺን ኤንታ ሃላቃ ጊዳናው ኮያ ዲዮተራፊሲ ኮኒ ጌይሳ ኤኬና።

10 ሃሳ ጊሾ፡ ታኒ ያ ቢያ ዋዴ ኢ ኦ ቦላ ኦዴቲያ ኢታ ኦዳኔ ኢ ኦሊዳ ኦሱዋ ኦዳና። ኢ ሄሲ ጉዲሰ ጊዲ፡ ኦ አሻቲ ያ ዋዴ ሞኬና። ሃሪ አቶሺን፡ ኤንታ ሞካናው ኮዩይሳታካ ዲጊዲ ዋሳ ኬላፊ ኬሴሰ።

11 ታ ሲቁዋው፡ ሎፆባ ዳናፔ አቲን ኢታባ ዳናፓ። ሎፆባ ኦሊያ ኦኒካ ፆሳ ኣሲ፡ ሺን ኢታባ ኦሊያ ኦኒካ ፆሳ ቤዒቤና።

12 ዲሜዲሮሲ ሎፆ አሲ ጊዳይሳ አሳ ኡባይ ማርካቲሰ። ቱማይ ባ ሁዔን ኢያባ ማርካቲሰ፤ ኦካ ኢያባ ማርካቲሰ፤ ኦ ማርካቲሳይ ቱማ ጊዳይሳ ሂንቲ ኤሬታ።

ወርሴላ ሳርታ

1:1 ሃ.ኦ 19:29፤ ሮሜ 16:23፤ 1ቆሮ 1:14

13 ታኒ ኔው ፆፋናው ኮዩዳ ዳርባይ ዳዔሰ፡ ሺን ቃላሜኒኔ ዋርቃቲን ፆፋናው ኮዩኬ።

14 ሺን ታኒ ማታራ ኔራ ጋሄታናው ቆፓይሰ፤ ሄ ዋዴ ኮኒ ኦዴታና።

15 ሳርይ ኔው ጊደ።
ኔ ዳቦቲ ኔና ሳር ያጎሶና። ኦ ዳቦታ ኡባ ኤንታ ሱንላ ሱንላ ያጋዳ ታና «ሳር ጊሰ» ያጋ።

ጴሁዳ 9ፊዳ ኪታ ጋላ ቆፋ

ጴሁዳ ኪታይ 9ፊዳይ፡ አማኖና ዳዒሼ አማኒያ አሲ ዳኒዲ ዋርዶ ተሚርቲ ላሊያ አሳታፔ አማኒያ አሳይ ናጌታና ሜላ እኬኪሳናሳ። ሃ ቃንሳ ኪታይ ባ ጌደን ኦይኪዳ ቆፋታን ናምዓንሉ ጳደርሳ ኪታ ዳኔስ። 9ፊይ፡ «አማኒያ አሳሰ አሲ ቶሆኔ ወርሴላ ጋካናው አሜቲዳ አማኑዋስ ኦሎቲቱ» ያጌዲ ናባቤይሳታ ሚንሉዲ ቆፊሴስ።

ጴሁዳ ኪታ አይፌ ቆፋታ

ሳርሶ 1-2

ዋርዶ አስታማሪታ ተሚርቲያኔ ኤንታ ኩንዳላ 3-16

አማኖ ናጋና ሜላ አሜቲዳ ዞሬ 17-23

ጋላታ ዋሳ 24-25

1 ታኒ ጴሁዳ፡ ዩሱስ ኪሪስቶሳ አይሌይ፡ ያይቆባ አሻይ፤

ያሳይ ያጌዲይሳታስ፡ ያሳ አዋይ ደሴይሳታስኔ ዩሱስ ኪሪስቶሳን ናጌቲዳይሳታስ ሃ ዳብዳቤያ 9ፋይስ።

2 ማርቲላ፡ ሳርቲላኔ ሲቆይ ሂንቲው ኩሞ።

ዋርዶ አስታማሪታ

3 ታ ሲቆ አሻቶ፡ ኮኒ አሲፌ ሻኬቲያ አቶቲሳባ ሂንቲው 9ፋናው ታኒ ዳር አሞታስ። ሺን አማኒያ አሳሰ አሲ ቶሆኔ ወርሴላ ጋካናው አሜቲዳ አማኑዋስ ኦሎታና ሜላ ሂንቲና ዞራሼ 9ፋናይሲ ታው ኮሺያባ ጌዲስ።

4 ኤንታ ፐርዳይ ቤኒፔ 9ፊዳይ ኡቲዳ፡ አሲ አሲ አሳቲ እኒካ ኤርና ሂንቲ ጌደ ጌሊደሶና። ኤንቲ ያሳ ኤርናይሳታ፡ ኤንቲ ኑ ያሳ አቶ ከሃቲላ ሳይማታናው ጎዔቲያ ኦፔ ኦሊዲ ኤኮሶና። ባ 9ሳላ ካዋ ጌዲዳ፡ ኑ ጎዳ ዩሱስ ኪሪስቶሳ ካደሶና።

5 ሺን ሂንቲ ሃ ኡባ ኤሪያባ ጌዲኮካ፡ ጎዳይ አሲራዔሌ አሳ ጌብፆ ቢታፌ ዋቲ ኬሲዳኮ፡ ቃሲ ጉዩፔ አማኖይሳታ ቆይሲዳይሳ ታ ሂንቲና እኬኪሳናው ኮያይስ።

6 ባንታ ዳዒያሱዋ አጌዲ፡ ባንታው አሜቲዳ ማታ ናጌቦና ኪታንቸታ፡ ጌታ ፐርዳ ጋላሳይ ጋካናው ያሳይ ኤንታ ቆማፔ ጋርሳን ሜሪና ሳንላላታን ቃቺ ዋሊስ።

7 ሃሳዳ፡ ሶዶሜኔ ጋሞራ አሳይኔ ኤንታ ማታን ዳዒያ ካታማታን ዳዒያ አሳይ ላይማቲደሶና፤ ላይማቲላራ ጋሂቲያ ቱናቲላ ኦሊደሶና። ኤንቲ ሜሪና ታማን ዋይታናይሳታስ ሎሚሶ ጌዲደሶና።

8 ሃሳዳካ፡ ሃ አሙሃንቸቲ ባንታ አሳቲላ ቱኒሶሶና፤ ማታ አዋታ ካቶሶና፤ ሳሎ ሜዴቲላታ ጫዮሶና።

9 ሺን ኪታንቸታ ሃላቃይ ሚካዔሌይ ሙሴ አሃስ 9ላሄራ ፓላሚዳ ዋዴ «ጎዳይ ኔና ሴር»

ያጌሲፔ አቲን ኢያ ቦላ ጫሻ ቃላ ኦዲዲ ሞታናው ኮዩቤና።

10 ሺን ሃ አሳቲ ባንታው ኤርናባ ኡባ ጫዮሶና፤ ቃሲ ኤንቲ ዋዛኒ ባይና ሜሄዳ ሜዶን ኤሪያ ኤራይ፡ ኢ ኤንታና ቆይሳና።

11 ኤንታና አዩ! ኤንቲ ቃዔላ ኦጊያን ቢደሶና። ሚሼ ኮዩዲ ባላማ ባላን ኩንዲደሶና። ቆሬይ ያሳ ቦላ ዳንዲዳይሳዳ ኤንቲ ያሳ ቦላ ዳንዲዲ ቆይደሶና።

12 ሃ አሳቲ፡ ሂንቲ ሲቆ ገቢራ ሚያ ቤሳን ሂንቲራ ኡቲያ ዋዴ ዩሊ ባይና ካወሻታ። ኤንቲ ባንታና 9ላላ ሄሜይሳታ። ኤንቲ ጫርኮይ ኤፊያ ኢሪ ባይና ሻራ ሜላ። ቃሲ አይፌ ዋዴን አይፌ አይፎና፡ 9ጶራ ሾዴቲድ፡ ናሞቡ ቶሆ ሜሊዳ ሚላ ሜላ።

13 ኤንቲ ሃንቁቲዳ አባ ዙሊያ ሜላ ባንታ ፖኩዋ ጎፖንቲይሳታ። ኤንቲ ሜሪናው ሳካና ቆማይ ናጌያ ቶይላቲያ ያለንቶታ።

14 አዳሜፔ ደሚዲ፡ ላፑንሳ ዩሌታ ጌዲዳ ሄናኬይ፡ ሃ አሳታባ ቲንቢቲ ኦዲሼ፡ «ሄኮ፡ ጎዳይ፡ ባ ዳር ሙኩሉ ጌሻታራ ያና።

15 አሳ ኡባ ፐርዳና፤ ጌላታ ኡባ ኤንቲ ኦሊዳ ኢታ ኦሶ ኡባ ጌሾኔ ማካላቲላን ኤንቲ ያሳ ቦላ ኦዴቲዳ ኢታ ኦዳ ኡባ ጌሾ ፐርዳና» ያጌሲ።

16 ሄ አሳቲ ኡባ ዋዴ ዙዙሜይሳታኔ ኦዳ ኮዩይሳታ። ቃሲ ባንታ ኢታ አሙዋ ካሎሶና፤ ባንታናን ጩቆሶናኔ ባንታና ጎዲያባ ዳማናው ሃራታ ሳቦሶና።

ወርሴላ ዞሬ

17 ሺን ታ አሻቶ፡ ኑ ጎዳ ዩሱስ ኪሪስቶሳ ሃዋሪቲ ካሴ ሂንቲው ኦዲዳ ቃላ እኬኪቲ።

18 ኤንቲ፡ «ወርሴላ ዋዲያን፡ ባንታ አሙዋ ካሊዲ ቶቼይሳቲ ያና» ያጌደሶና።

19 ሄ አሳቲ አሳ ጌደን ሻሆቲላ ሜዴይሳታ፡ ባንታ አሾ አሙዋስ ሃራቲይሳታኔ ጌሻ አያናይ ባይናይሳታ።

20 ሺን ታ አሻቶ፡ ጌሺ ጌዲዳ ሂንቲ አማኑዋን ሂንቲና ዲቻናው ሚኒቲ፤ ቃሲ ጌሻ አያና ዋልቃን ዋሲቲ።

21 ሂንቲና ሜሪና ዳዑዋኮ ጋሊያ ኑ ጎዳ ዩሱስ ኪሪስቶሳ ማርቲላ ናጌሼ ሂንቲና ያሳ ሲቁዋን ናጌቲ።

22 ሲዴይ ዳዒያ አሳሰ ቃዴቲቲ።

23 አሲ አሲ አሳታ ታማፔ ኬሲ ኤኪቲ። ቃሲ ኢታ አሞን ቲኒዳ ኤንታ ማዑዋ ኢዲሼ ሃራታስ ያሻን ቃዴቲቲ።

ጋላታ ዋሳ

24 ሂንቲ ኩንደና ሜላ ናጋናው ቦሬይ ባይናይሳታኔ ጌታ ኡፋይሳን ኩሚዳይሳታ ኦሊዲ ባ ቦንቸዋ ሲንላን ሂንቲና ሺሻናው ዳንዳዒያ።

25 ኑና አሺያ አሲ ያሳሰ፡ ኑ ጎዳ ዩሱስ ኪሪስቶሳ ባጋራ ቦንቸይ፡ ጌታቲላ፡ ዋልቂኔ ማቲ፡ ካሴካ፡ ሃራካ፡ ሜሪናወካ ኢያው ጌድ። አሚንዒ።

1:1 ማቶ 13:55፤ ማር 6:3 1:5 ኬሳ 12:51፤ ታይ 14:29-30 1:7 ሜዴ 19:1-24 1:9 ዳኔ 10:13፤ 21፤ 12:1፤ ዮ.ቆ 12:7፤ ዛሬ 34:6፤ ዛካ 3:2 1:11 ሜዴ 4:3-8፤ ታይ 22:1-35፤ 16:1-35 1:14 ሜዴ 5:18፤ 21-24 1:18 2ጴጌ 3:3

የሃኒሳ ቆንጮላ ጋላ ቆፋ

የሃኒሳ ቆንጮላይ ፃፊቱዳይ፡ አማኒያ አሳይ ዩሱስ ከሪሰቶሳ ባንታው ጎዳ አሊዲ፡ ጌሻቴላን ዳዊዳ ገሾ ኤንታ ሜቶይኔ ዋይይ ጋኪዳ ዋዴ። ፃፊይ ወዲዲ ያሊዳ አይፌ ቆፋይ፡ አማኒያ አሳ ኡፋይሳይ ኩሜሊ ጊዳና ሜላ ኤንታ ሚንሱሊድ፡ ኤንታ ጋኪዳ ጎዳኔ ሜቱዋ ጊደን ባንታ አማኑዋን ሚኒዲ ኤቃና ሜላ ዳንሱላናሳ።

ማፃፃፍን ዳሪያ ከፊሊይ ዳርኔ ካሊ ካሊዲ ቆንጮላ ቆንጮላ ኦይኬስ። ሃ ቆንጮላቲ ሄ ዋዴ ዳዊዳ አሳሰ ጌሊስ፡ ሸን ሃራታስ ፀራ ጊዲዲ ጋምዲስ። ኤንቲ ኦይቲዳይካ ለሚሶ ኦዳና። ሃ ማፃፃፍን ዳዊዳ ታይቦቲ፡ ማካ ሚሽቲኔ ደባቲ ዳሬታኔ አያና ሜዴቲላታ ለሚሶ። ማዝሙራ አዝማቼይ ሲሚ ሲሚዲ ዩጌቲይሳዳ፡ ሄ ማፃፃፍን ዳዊዳ ሁዔ ቆፋቲ ዲማ ዲማ ቆንጮላታ ባጋራ ዲማ ዲማ ኦጌን ሲሚ ሲሚ ሸቂዶሶና። ሃ ማፃፃፍ ቢርሽላሰ ዲማ ዲማ ቆፋይ ዳዊዳካ፡ አያው ሁዔ ቆፋይ ቆንጮላ። ሄሲካ፡ «የሳይ ጎዳ ከሪሰቶሳ ባጋራ ዛሬሶና ኦጌን ባ ሞርኬታ፡ ፃላሄራ ጉጂዲ፡ ኢሲ ቶሆኔ ወርሴሊ ጋካናው ያናና። ሄ ያኑዋጥ ጉዬ፡ አያው አማኔቲዲ ዳዊዳ ባ ባጋታ ኦራላ ሳሎኔ ኦራላ ሳባ አንጅ ላቲሳና» ያጌይሳ።

የሃኒሳ ቆንጮላ አይፌ ቆፋታ

ጌሎ ቆፋ 1:1-8

ዩሱሲ ላፑን ዋሳ ኬላታ ጊደን 1:9-20

ላፑን ዋሳ ኬላታስ ፃፊቱዳ ኪታ 2:1-3:22

አራታ፡ ፃላ ማፃፃፍ ደርሳ 4:1-5:14

ላፑን ማታሜታ 6:1-8:1

ላፑን ሞይዜታ 8:2-11:19

ዳዊዳና ናምቡ ደባታ 12:1-13:18

ዲማ ዲማ ቆንጮላታ 14:1-15:8

ላፑን ሃንቆ ፀ-ባታ 16:1-21

ባቢሎኔ ኩንዴላ፡ ደባኔ ዋርዶ ናቢያ 17:1-20:10

ወርሴላ ፐርዳ 20:11-15

ኦራላ ሳሎ፡ ኦራላ ሳባኔ ኦራላ ዩሩሳላሚ 21:1-22:5

ኩሻ ቆፋ 22:6-21

1 ኤሶን ሃናናው ዳዊዳ ባ አይሌታ ቤሳና ሜላ ያሳይ አያው አሚዳ ዩሱስ ከሪሰቶሳ ቆንጮላይ ሃይሳ። ዩሱሲ ባ ኪታንቸዋ ከቲዲ፡ ባ አይሊያ የሃኒሳስ ቆንጮሲስ።

2 የሃኒሲ ያሳ ኪታ፡ ዩሱሲ ከሪሰቶሲ አሊዳባኔ ኦዲዳባ ኡባ ማርካቲስ።

3 ሃ ኡባይ ሃናናው ዋዴይ ማቲዳ ገሾ ሃ ቲንቢቲ ቃላ ናቢያ ኦኒካ አንጃቲዳይሳ፤ ቃሲ ሃ ቃላ ሲዔይሳቲኔ ፃፊቱዳ ኪታ ናጊያ ኡባይ አንጃቲዳይሳታ።

ላፑን ኢሲያ ዋሳ ኬላታስ ከቲቲዳ ሳርላ

4-5 ሃ ዳብዳቤይ፡ የሃኒሳ፤ ኢሲያ ቢታን ዳዊዳ ላፑን ዋሳ ኬላታስ ፃፊቱስ። ካሴካ፡ ሃዲካ ዳዊዳ፡ ሲንላፊካ ያናው ዳዊዳ ያሳፊ፡ ቃሲ አያ አራታ ሲንላን ዳዊዳ ላፑን አያናታ፤ ሄሳዳካ፡ ሃይቆፔ ዳንዶን ኮይር ጊዲዳይሳፊ፡ ሳባ ካዋታ ሃሪያ አማኔቲያ ማርካ ጊዲዳ ዩሱሲ ከሪሰቶሳ፤ አጽ ኬሃቴላይ ሳርቲላይ ሂንቲው ጊደ።

ዩሱሲ ኦና ሲቆስ፡ ቃሲ ባ ሱላን ናጋራ አይሌቴላፊ ኦና ሳባ ኬሲስ።

6 ኦኒ ያሳ አያ አዋሰ ኦላና ሜላ ኦና ካዋቴላ ካሂኔ አሊስ። አያው ሜሪናፔ ሜሪና ጋካናው ቦንቸይኔ ዋልቃይ ጊደ። አሚንዲ።

7 ሄኮ፡ ዩሱሲ ሻራራ ዩስ። አሳ ኡባይ ሃሪ አቶሺን፡ አያ ጫዲዳ አሳይካ አያ ቤባና። ሳባን ዳዊዳ አሳ ኡባይ አያ ገሾ ዩካና። ሄሲ ቱማ ሃናና! አሚንዲ።

8 «ካሴካ፡ ሃዲካ ዳዊዳ፡ ሲንላፊካ ያና ጎዳይ፡ ኡባፊ ዋልቃማ ያሳይ፡ አልፋኔ አሜጊ ታና» * ያጌሰ ጎዳ ያሳይ።

ጎዳ ቆንጮላ

9 ታኒ፡ የሃኒሲ፡ ሂንቲ አሻይ፡ ሂንቲራ ኢሲፊ ዩሱሳን ዋያ፡ አያ ካዋቴላኔ አያ ዳንዳባ ቤባስ። ታኒ ያሳ ቃላ ገሾኔ ዩሱሳባ ማርካቲዳ ገሾ ፓዲዋ ጊያ ሃላን ቲቁቲዳ ቢታን ዳዊዳስ።

10 ጎዳ ጋላሳን ታ ገሻ አያናን ሃሪታዳ ዳዊዳስ፤ ታፔ ጉዬራ ሞይዜ ፑኖ ሜላ ጊታ ገርሲ ሲባስ።

11 ሄ ገርሳይ ታና፡ «ኔ ቤዔይሳ ማፃፃፍን ፃላዳ፡ ኢሲያን ዳዊዳ ላፑን ዋሳ ኬላታስ፡ ኤፊሶና፡ ሳሚርኔሳ፡ ጴርጋሞና፡ ቲያቲርና፡ ሳርዳሳ፡ ፊላዴልፊያኔ ሎዶቂያ ዩዳ» ያጊስ።

12 ታኒ ታው ኦዲያ ገርሳ ቤባናው ጉዬ ሲማዳ ያምፔ ዋሊያ ላፑን ዋርቃ ኮጫታ ቤባስ።

13 ሄ ኮጫታ ጊደን አሳ ናባ ዳኔይሳ ቤባስ። ኢ አዲሳ አፊላ ባ ቶሁዋ ጋሊ ማዲስ፡ ዋርቃ ዳንጮን ባ ቲራ ዳንጪስ።

14 አያ ሁዔይኔ አያ ቢናናይ ቦላ ደርሳ ኢኪሴ ሜላ ዋይኮ ሻቻ ሜላ ቦሊ፤ አያ አይፊይ ታማ ላጮ ዳኔስ።

15 አያ ቶሆይ ታማን ሴሪዲ ዞዲዳ ናሴ ቢራታ ዳኔስ፤ አያ ገርሳይካ ጊታ ሻፋ ኮሺንቻ ሜላ።

16 ኢ ባ ኡሻቻ ኩሼን ላፑን ያለንቶታ ኦይኪስ። አያ ደናፔ ናምቡ ባጋራ ቃራቲዳ ማሺ ኬዬስ። አያ ሶምዖይ ሴታ ጋላሳ አዋ አይፊ ዳኔስ።

17 ታኒ አያ ቤዔዳ ዋዴ ሃይቂዳ አሳዳ ሃናዳ አያ ቶሁዋ ማታን ኩንዳስ። ኢ ባ ኡሻቻ ኩሺያ ታ ቦላ ዋሊዲ፡ «ያዮፋ፤ ኮይርይ ወርሴላይ ታና።

18 ታኒ ዳዊን ዳዊዳስ፤ ታኒ ሃይቃስ፡ ሸን ሄኮ ሜሪ ሜሪናወካ ዳዊን ዳዊዳስ። ሃይቆኔ ሲያሌ ቁልፔይ ታ ኩሼና።

1:4-5 ኪሳ 3:14፤ ዮ.ቆ 4:5 1:4-5 ኢሳ 55:4፤ ማዝ 89:27 1:6 ኪሳ 19:6፤ ዮ.ቆ 5:10 1:7 ዳኔ 7:13፤ ማቶ 24:30፤ ማር 13:26፤ ሉቃ 21:27፤ 1ቴሴ 4:17፤ ዛካ 12:10፤ የሃ 19:34 * 1:8 አልፋኔ አሜጋ፡ ገሪኬ ደናን አልፋኔ አሜጊ ኮይርኔ ወርሴላ ፐዳሊታ፤ ቢርሽላይካ ኮይርኔ ወርሴሊ ጉሱ። 1:8 ዮ.ቆ 22:13፤ ኪሳ 3:14 1:13 ዳኔ 7:13፤ ዳኔ 10:5 1:14 ዳኔ 7:9 1:14 ዳኔ 10:6 1:15 ሂዝ 1:24፤ 43:2 1:17 ኢሳ 44:6፤ 48:12፤ ዮ.ቆ 2:8፤ 22:13

19 ሂዛ፡ ሃዒ ሃሊያባኔ ሲንጻፊ ሃናናባ ኔ ቤዒዳባ 9፡4።

20 ኔኒ ታ ኡሻቻ ኩሼን ቤዒዳ ላቸን ያለንቶታኔ ላቸን ዋርቃ ኮጫታ ቢርሼላይ ሃይሳ፡ ላቸን ያለንቶታ ላቸን ዋሳ ኬላታ ኪታንቸታ፤ ላቸን ዋርቃ ኮጫታ ላቸን ዋሳ ኬላታ።»

2

ኤፌሶና ዋሳ ኬላስ ኪቲቲዳ ኪታ

1 «ኤፌሶና ዋሳ ኬላ ኪታንቸታሰ ሃይሳዳ ያጋዳ 9፡4።

ባ ኡሻቻ ኩሼን ላቸን ያለንቶታ ኦይኪዳይሲኔ ላቸን ዋርቃ ኮጫታ ጊዶራ ሃሙቲይሲ ሃይሳዳ ያጊሰ።

2 ታኒ ኔ ኦሱዋ፡ ኔ ዳቡራኔ ኔ ጌንጫ ኤራይሰ። ኔኒ ኢታ አሳታባ ጌንጫናው ዳንዳባናይሳ ኤራይሰ። ቃሲ ሃዋሪ ጊዶናሺን ባንታና፡ ሃዋሪ ጌይሳታ ፒልጋ ኤራዳ ኤንቲ ዋርዳንቸ ጊዳይሳ ዳሚዳይሳ ታ ኤራይሰ።

3 ኔኒ ጌንጫዳሳ፤ ታ ሱንጻ ጊሾ ሜቶ ዳንዳባዳሳ፤ ያኔታባካ።

4 ጊዶሺን፡ ሃዒ ታ ኔና ቦሪያባይ ዳዔሰ፤ ሄሲካ ኔኒ ካሴ ኔ ሲቁዋ አጋዳሳ።

5 ሂዛ፡ ኔ አይ ሜላ ጵቃ ቤሳፊ ኩንዲዳኮ አኬካ! ኔ ናጋራፔ ሲማ፤ ኔኒ ካሴ ኦሊያ ኦሱዋ ኦላ። ኔኒ ኔ ናጋራፔ ሲሞና ኢዲኮ፡ ኔ ያሞፔ ዋሊያ ኮጫ ኢያ ቤሳፊ ኤካና።

6 ሃዒ ታ ኔና ናሺያ ኢሲባይ ዳዔሰ፤ ታ ኢዲያ ኒቆላዌታ ኦሱዋ ኔካ ኢዳዳሳ።

7 ጌሻ አያናይ ዋሳ ኬላታሰ ጊያባ ሲባናው ሃይላ ዳዒያ ኦኒካ ሲያ። ያኒያ ኦኒካ ያሳ ጋናቲያን ዳዒያ ዳዖ ሚሴ አይፊፔ ማና ሜላ ማታ ኢማና።

ሳሚርኔሳ ዋሳ ኬላስ ኪቲቲዳ ኪታ

8 «ሳሚርኔሳ ዋሳ ኬላ ኪታንቸታሰ ሃይሳዳ ያጋዳ 9፡4።

ኮይሮይኔ ወርሴላይ፡ ሃይቁዳይሲኔ ሃይቆፔ ዳንዲዳይሲ ሃይሳዳ ያጊሰ።

9 ታኒ ኔ ዋያኔ ኔ ማንቆቱላ ኤራይሰ፤ ጊዶሺን ኔኒ ዱሬ። አይሁዳ ጊዶናሺን ባንታና አይሁዳ ጌይሳቲ ጫያ ጫሻ ታ ኤራይሰ፡ ሺን ኤንቲ ያላሄ ማባራን ዳዖሶና።

10 ኔኒ ኤካናው ዳዒያ ዋያ ባቦፋ። ያላሄይ ሂንቲፊ ኢሶታ ኢሶታ ፓጫናው ቃሾ ኬላን ዬጋና፤ ታሙ ጋላስ ጋካናው ሂንቲ ዋዬታና። ሃይቃና ጋካናው አማኔቲዳይሳ ጊዳ፤ ታ ኔው ዳዖ ካላቻ ኢማና።

11 ጌሻ አያናይ ዋሳ ኬላታሰ ጊያባ ሲባናው ሃይላ ዳዒያ ኦኒካ ሲያ። ያኒያ ኦኒካ ናሞባንጻ ሃይቁዋን ቆሃቴና።

ጴርጋሞና ዋሳ ኬላስ ኪቲቲዳ ኪታ

12 «ጴርጋሞና ዋሳ ኬላ ኪታንቸታሰ ሃይሳዳ ያጋዳ 9፡4።

ናሞቡ ባጋራ ቃራቲዳ ማሺ ዳዔይሲ ሃይሳዳ ያጊሰ።

13 ታኒ ኔ ዳዒያ ቤሳ ኤራይሰ፤ ኔኒ ያላሄ አራታይ ዳዒያ ቤሳን ዳዒሳ፤ ታ ሱንጻ ሚንጻ ናጋዳሳ። ሃሪ አቶሺን፡ ያላሄይ ዳዒያ ሂንቲ ካታማን ሃይቁዳ ታው አማኔቲዳ ማርካይ፡ አንቲጳሲ፡ ዳዒያ ዋዳካ አማኑዋ አጋባካ።

14 ጊዶሺን፡ ታ ኔና ቦሪያ ጉላባቲ ዳዖሶና። ሄሲካ ኢሰራዔሌ አሳይ ኤቃሰ ያርሼቲዳ ካላ ሚዲ ቱናና ሜላኔ ላይማቲላ ናጋራ ኦላና ሜላ ባላቃ ታማርሲዳ ባላማ ቲሚርቲያ ኤኪዳ ኢሲ ኢሲ አሳቲ ኔራ ዳዖሶና።

15 ሄሳዳካ፡ ኒቆላዌታ ቲሚርቲያ ታማሪያ አሳቲ ኔራ ዳዖሶና።

16 ሄሳ ጊሾ፡ ኔኒ ኔ ናጋራፔ ሲማ። ሄሲ ሃናና ኢዲኮ፡ ታ ኔኮ ኤሌሳ ያዳ ሄ አሳታ ታ ደናፔ ኬያ ማሻን ኦላና።

17 ጌሻ አያናይ ዋሳ ኬላታሰ ጊያባ ሲባናው ሃይላ ዳዒያ ኦኒካ ሲያ። ያኒያ ኦዴሰካ ቆሴቲዳ ዳዒያ ማናፊ * ኢማና። ቃሲ ኤኪያ ኤራፔ ኣቲን ሃራ ኢሲ ኤርና ኦራሳ ሱንጻይ ያፊቲዳ ቦላ ሹቻ ታ ኢያው ኢማና።

ቲያቲሮና ዋሳ ኬላስ ኪቲቲዳ ኪታ

18 «ቲያቲሮና ዋሳ ኬላ ኪታንቸታሰ ሃይሳዳ ያጋዳ 9፡4።

ታማ ላጮ ዳኒያ አይፊፔ ዳዔይሲ፡ ቃሲ ታማን ስሪዳ ናሴ ቢራታ ዳኒያ ቶሆይ ዳዔይሲ፡ ያሳ ናዒይ፡ ሃይሳዳ ያጊሰ።

19 ታኒ ኔ ኦሱዋ፡ ኔ ሲቁዋ፡ ኔ አማኑዋ፡ ኔ ኦሱዋኔ ኔ ጌንጫ ኤራይሰ። ኔኒ ኮይሮ ኦሴይሳፊ ሃዒ አላዳ ኦሴይሳካ ኤራይሰ።

20 ጊዶሺን፡ ታ ኔና ቦሪያ ኢሲባይ ዳዔሰ፤ ባና ናቤ ጊያ ማጫሲው፡ ኤልዛቤሎ፡ አይኮካ ጋባካ። ሄ ማጫሲያ ኤቃሰ ያርሼቲዳ ካላ ሚዲ ቱናናዳኔ ላይማታናዳ ኦላዳ ታ አይሌታ ባሌላሰ።

21 ኢያ ባ ናጋራፔ ሲማና ሜላ ታ ኢው ዋዳ ኢማሰ፡ ሺን ኢያ ሲማናው ኮያቡኩ።

22 ኤንቲ ኢ ባላ ኦጊያፔ ሲሞና ኢዲኮ፡ ታ ኢዮ ኢታ ሃርጌን ዬጋና፤ ኢራ ላይማቲይሳቲካ ኢታ ዋዬ ዋዬታና።

23 ታኒ ኢ ናይታ ዋዳና፤ ቃሲ ዋሳ ኬላ ኡባይ ታ አሳ ቆፋኔ አሳ ዋዛና ኤሬይሳ ጊዳይሳ ኤራና። ታ ኢሱዋሰ ኢሱዋሰ ሂንቲ ኦሱዋዳ ኦሱዋዳ ኢማና።

24 ሺን ቲያቲሮናን ዳዒያ ሃራታ፡ ሄ ኢታ ቲሚርቲያ ኤኪባናይሳታኔ፡ «ያላሄ ጌታ ፀራ» ጌቲቲያ ሃ ቲሚርቲያ ታማሪቦና ሂንቲና ሃራ ዳዖ ቶሆ ቶሲኬ።

25 ጊዶሺን፡ ታ ያና ጋካናው ሂንቲው ዳዒያባ ሚንላ ናጊቲ።

26 ያኔይሳሲኔ ወርሴላ ጋካናው ታው ኪቲቲያ ኦዴሰካ ካዋቲላታ ሃራና ሜላ ማታ ኢማና።

27 «ኢ ኤንታ ቢራታ ያሞባን ሃራና፤

2:7 ሜዴ 2:9፤ ዮ.ቆ 22:2፤ ሂዘ 28:13፤ 31:8 2:8 ኢሳ 44:6፤ 48:12፤ ዮ.ቆ 1:17፤ 22:13 2:11 ዮ.ቆ 20:14፤ 21:8 2:14 ታይ 22:5 * 2:17 ማና፡ ኢሰራዔሌ አሳይ ባዘ ቢታን ሃሙቲያ ዋዳ ሳሎፔ ያሳይ ኤንታው ኢሚዳ ዳሚ ካሊ ዋይኮ ኪታንቸ ካሊ። 2:17 ኬሳ 16:14 2:20 1ካዋ 16:31፤ 2ካዋ 9:22 2:23 ማዘ 7:9፤ ኤር 17:10፤ ማዘ 62:12 2:26 ማዘ 2:8-9

ሜቃ ሚሹዳካ ማንጭራላር።
 ሄ ማታይ ታኒ ታ አዋፔ ኤኪዳ ማታ ሜላ።
 28 ቃሲ ታ ኢያው ባካላ ያሊንቶ ኢማና።
 29 ጌሻ አያናይ ዋሳ ከላታሰ ጊያባ ሲዲያ ሃይሌ ዴዲያ ኦኒካ ሲያ።

3

ሳርዴሳ ዋሳ ከላሰ ከቲቲዳ ከታ

1 «ሳርዴሳ ዋሳ ከላ ከታንቸዋሰ ሃይሳዳ ያጋዳ ዓፋ።
 ላፑን ያሳ አያናታኔ ላፑን ያሊንቶታ ኦይኪዳይሲ ሃይሳዳ ያጌሰ። ታኒ ኔ ኦሱዋ ኤራይሰ፤ አሲ ኔና ፓፃ ዴዴሰ ጊኮካ፣ ኔ ሃይቃዳሳ።
 2 ባርካ! ጉላ ኣቲዳባኔ ሃይቃናው ማቲዳባ ሚንላ። ኔ ኦሶይ ያሳ ሲንላን ፖሎ ጊዳናይሳ ዴማሰ።
 3 ሂዛ፣ ኔ ኤኪዳባኔ ሲዲዳባ ኣኮካ፤ ናጋ፤ ኔ ናጋራፔ ሲማ። ኔኒ ባርኮና ኢቋኮ ታ ካይሶዳ ያና፤ ታ አይ ዋዴ ያኔኮ ኔ ኤራካ።
 4 ሺን ባንታ ማዑዋ ቂታዮና ጉላ አሳቲ ሳርዴሳን ዴዎሶና። ኤንታው ቤሲያባ ጊዲያ ጊሾ ቦላ ማዎ ማዲዲ ታራ ሃውታና።
 5 ያኒያ ኦኒካ ኤንታይሳዳ ቦላ ማዎ ማዳና። ታኒ ኢያ ሱንላ ዴዎ ማፃፋፔ ቁቸኮ። ታኒ ታ አዋ ሲንላኔ ኢያ ከታንቸታ ሲንላን ኢ ታባ ጊዴይሳ ማርካታና።
 6 ጌሻ አያናይ ዋሳ ከላታሰ ጊያባ ሲዲያ ሃይሌ ዴዲያ ኦኒካ ሲያ።

ፊላዴልፊያ ዋሳ ከላሰ ከቲቲዳ ከታ

7 «ፊላዴልፊያ ዋሳ ከላ ከታንቸዋሰ ሃይሳዳ ያጋዳ ዓፋ።
 ጌሻይኔ ቱማንቸይ፣ ዳዊቲ ቁልፒያ ባ ኩሼን ኦይኪዳይሲ፣ ሃይሳዳ ያጌሰ። ኢ ጎርዲን ኦኒካ ደያናው ዳንዳዔና፤ ቃሲ ኢ ደዩን ኦኒካ ጎርዳናው ዳንዳዔና።
 8 ታኒ ኔ ኦሱዋ ኤራሰ፤ ሂኮ ታ ኔ ሲንላን ኦኒካ ጎርዳናው ዳንዳዎና ደያ ፔንጌ ዋላሰ። ኔ ዋልቃይ ጉላ ጊዲኮካ፣ ታ ቃላ ናጋዳሳ፤ ታና ካዳባካ።
 9 አይሁዴ ጊዳናሺን ባንታና አይሁዴ ጊያ ዋርደታኔ ያላሂ ባጋታ ኔኮ ኤሃና ኔ ሲንላን ጉልባቲሳና። ታ ኔና ደሴይሳ ኤንታና ኤሪሳና።
 10 ኔኒ፣ ሩጌንጫ) ጋዳ ታ ከቲዳ ከታ ናጊዳ ጊሾ ኩሜላ አላሚያ ፓጫናው ያ ዋዴ ዋዲያፔ ታኒ ኔና ናጋና።
 11 ታኒ ኤሌሳዳ ያና፤ ኦኒካ ኔ ካላቻ ኤኮና ሜላ ኔው ዴዲያባ ሚንላዳ ኦይካ።
 12 ያኒዳይሳ ታ ያሳ ከላን ቱሱ ኦላና፤ ኢ ያን ሜሪናው ዳና። ታኒ ታ ያሳ ሱንላኔ ታ ያሳ ካታማ ሱንላ ኢያ ቦላ ዓፋና፤ ኢያካ ታ ያሳ ማታፔ ዋዲያ ኦራላ ዩራሳላሜ። ቃሲ ታ ታ ኦራላ ሱንላካ ኢ ቦላ ዓፋና።

13 ጌሻ አያናይ ዋሳ ከላታሰ ጊያባ ሲዲያ ሃይሌ ዴዲያ ኦኒካ ሲያ።

ሎዶቂያ ዋሳ ከላሰ ከቲቲዳ ከታ

14 «ሎዶቂያ ዋሳ ከላ ከታንቸዋሰ ሃይሳዳ ያጋዳ ዓፋ።
 (አሚንዒ) ጊዲዳ አማኔቲዳ ቱማ ማርካይ፣ ያሳ ሜዴቴላ ሃራይሲ ሃይሳዳ ያጌሰ።
 15 ታኒ ኔ ኦሱዋ ኤባ ኤራይሰ፤ ኔኒ ኢርፃ ዋይኮ ሚሻ ጊዳካ፤ ኔኒ ናምዓሬ ኤሱዋ ጊዲኮ ሎዎ!
 16 ኔኒ ኢርፃ ዋይኮ ሚሻ ጊዳናሺን ቦልዎ ጊዲያ ጊሾ ታ ኔና ታ ደናፔ ጩታና ሃናይሰ።
 17 ሂዛ፣ ኔኒ፣ ሳኒ ዴሬ፣ ሻሎራ ዴዳይሰ። ታው አይቢባይካ ፓጩቤና) ያጋሳ። ሺን ኔኒ ሜቶታንቸ፣ ማንቆ፣ ቆቄኔ ካሎቲዳ አሲ ጊዴይሳ ኤራካ።
 18 ሃሳ ጊሾ፣ ኔ ዴሬታናው ታማን ጌዱዳ ዋርቃ፣ ኔ ዬላ ካሎዋ ካማናው ቦላ ማዎኔ ሎይላ ያላናው ማዲያ አይሬ ቆሌ ታፔ ሻማና ሜላ ኔና ዘራይሰ።
 19 ታ ደሴይሳ ሴራይሲኔ ሃንቃይሰ፤ ሂዛ ሚና፤ ኔ ናጋራፔ ሲማ።
 20 ሂኮ፣ ታ ካራን ኤቃዳ ዲጋይሰ። ኦኒካ ታ ያሳ ሲዲዲ፣ ዉላ ደዩኮ፣ ኢያኮ ጌላና፤ ኢያራ ኢሲሬ ካሊ ማና፤ ኦኒካ ታራ ኢሲሬ ማና።
 21 ታ ያናዳ ታ አዋራ ኢያ አራታን ኡቲዳይሳዳ ያኒዳይ ታራ ታ አራታን ኡታና ሜላ ማታ ኢማና።
 22 ጌሻ አያናይ ዋሳ ከላታሰ ጊያባ ሲዲያ ሃይሌ ዴዲያ ኦኒካ ሲያ።

4

ሳሎን ዴዲያ ጎይኖ ዋጋ

1 ሃሳሬ ጉዬ፣ ታኒ ሳሎ ያሊያ ዋዴ ደይቲዳ ፔንጌ ቤዓሰ። ቃሲ ታ ካሴ ሲዲዳ ሞይዜ ጊርሳ ሜላይ ታኮ፣ «ሃ ኬያ፤ ሃይሳሬ ጉዬ፣ ሃናናው ዴዲያባ ታ ኔና ቤሳና» ያጌሰ።
 2 ሄ ዋዴ ታ አያናን ሃራታዳ ዴዳይሰ። ሂኮ፣ ሳሎዋን አራታ ቦላ ኢሶይ ኡቲዳይሳ ቤዓሰ።
 3 ሄ ኡቲዳይሳ ማላይ ኢያሰጾዴኔ ሳርዲዮና ጊያ አልዎ ሹቻ ሜላ። ኢያ አራታ ዩሹዋን አልዎ ሹቹ ዳኒያ ዙላይ ዴዴሰ።
 4 ሄ አራታ ዩሹዋን ላታማኔ ኦይዱ አራታቲ ዴዎሶና፤ ኤንታ ቦላ ቦላ ማዎ ማዲዲ፣ ሁዔን ዋርቃ ካላቻ ዋሊዳ ላታማኔ ኦይዱ ጨማቲ ኡቲዳሶና።
 5 አራታፔ ዋልዓንላ፣ ጉንላኔ ዴሾይ ከዬሰ። አራታ ሲንላን ላፑን ፖዲያ ያምፔቲ ዴዎሶና፤ ኤንቲ ላፑን ያሳ አያናታ።
 6 አራታ ሲንላን ቢሪሌ ዳኒያ ጳሊያ ቡርጩኮ አባይ ዴዴሰ።

3:3 ማቶ 24:43 3:5 ከሳ 32:32 3:7 ኢሳ 22:22፤ ኢዮ 12:14 3:9 ኢሳ 49:23፤ 60:14፤ ኢሳ 43:4 3:12 ዮ.ቆ 21:2፤ ኢሳ 62:2፤ 65:15 3:14 ሎሚ 8:22 3:19 ሎሚ 3:12፤ ኢብ 12:6 4:2 ሂዛ 1:26-28፤ 10:1 4:5 ከሳ 19:16፤ ዮ.ቆ 1:4፤ ዮ.ቆ 8:5፤ 11:19፤ 16:18፤ ሂዛ 1:13፤ ዛካ 4:2 4:6 ሂዛ 1:22 4:6 ሂዛ 1:5-10፤ 10:14

ሲንገራን ጉዳይ አይፈይ ደዲያ ኦይዲ ደደራ ደዲያ ማዴቴላት አራታ የሹዋሊኔ አራታ ገደን ደደራና።

7 ኮይሮ ማዴቴላ ማዴይ ጋሞ ዳኔስ፤ ናሞጋንሳይ ቦሪ ዳኔስ፤ ሄሻንሳይ አሴ ዳኔስ፤ ቃሲ ኦይዲንሳይ ፒራዲያ አርጋንሳ ዳኔስ።

8 ኦይዲ ማዴቴላታ ኡባስ ኡሱቱን ቁፊይ ደዴስ፤ ኤንታ አሳቴላ ኡባይ አይፊን ኩሚስ። ኤንቲ ቃማኔ ጋላስ ቃንጾና።

«ጌሻው፣ ጌሻው፣ ጌሻው፣ ጎዳው፣ ኡባፊ ዋልቃማ ያሳው፣ ካሴካ፣ ሃዲካ ዴዴይሶ፣ ሲንገሳፊ ያናይሶ» ያጎሰና።

9 ሄ ማዴቴላት አራታን ኡቲዳይሳሲኔ ማሪናው ዴዴይሳሰ ሳባ፣ ቦንቾኔ ጋላታ አሚዳ ዋዴ

10 ላታማኔ ኦይዲ ጨማቲ አራታን ኡቲዳይሳኔ ማሪናው ዴዴይሳ ሲንገላን ጉፋኒዲ ጎይኒደሶና፤ ባንታ ካላቻ አራታ ሲንገላን ዋሊዲ፣

11 «ኑ ጎዳው፣ ኑ ያሳው፣ ኔኒ ቦንቾ፣ ሳባኔ ዋልቃ ኤካናው ቤሳሳ፣ ኔኒ ኡባ ማዳዳሳ፤ ኡባባይ ኔ ሼኒያዳ ሃኒስ፣ ማዴቴስ» ያገደሶና።

5

ደርሳይ 9ላ ማፃፋ ደደስ

1 ሄሳፊ ጉዬ፣ አራታ ቦላ ኡቲዳይሳ ኡሻቻ ኩሼን ገደራኔ ካሬራ ፃፊቲዳ ላቱን ማታሚን ጎርዴቲዳ 9ላ ማፃፋ ቤዓስ።

2 ኢሲ ሚና ኪታንቾይ ባ ቃላ ቶቁ ኦሊዲ፣ «ማታሚያ ቢላናውኔ ማፃፋ ደያናው ቤሴይ ኦኔ?» ያገደዱ አዋጂሽን ቤዓስ።

3 ሺን ሳሎን ገደን ሳዓን ዋይኮ ሳዓፔ ጋርሳን ገደን ሄ 9ላ ማፃፋ ቢላናውኔ ገደዋ ቤዓናው ዳንዳዔይ ኦኔካ ቤንቲቤና።

4 9ላ ማፃፋ ቢላናውኔ ኢያ ገደዋ ቤዓናው ቤሴያ አሲ ቆዩዳ ገሾ ታ ደሮ ዩካስ።

5 ያቲን፣ ጨማታፔ ኢሶይ ታኮ፣ «ዩኮፋ! ሄኮ፣ ዩሁዳ ዜሬሳ ገደን ጋሞይ፣ ዳዊቲ ሹሻይ፣ ላቱን ማታሚታ ቢላናውኔ ማፃፋ ደያናው ዳንዳዔስ» ያገሰ።

6 ሄሳፊ ጉዬ፣ ሹኬቲዳ ደርሳይ አራታስ፣ ኦይዲ ደደን ደዲያ ማዴቴላታሲኔ ጨማታስ ገደን፣ ኤቁዳይሳ ቤዓስ። ኢያው ላቱን ካጨቲኔ ላቱን አይፊቲ ደደሶና። ሄሳቲ ሳዓ ኡባ ኪቲቲዳ ያሳ ላቱን አያናታ።

7 ሄ ደርሳይ ቢዲ፣ አራታ ቦላ ኡቲዳይሳ ኡሻቻ ኩሼፔ 9ላ ማፃፋ ኤኪስ።

8 ኢ ሄ 9ላ ማፃፋ ኤኪዳ ዋዴ ደደን ደዲያ ኦይዲ ማዴቴላቲኔ ላታማኔ ኦይዲ ጨማቲ ደርሳ ሲንገላን ኩንዲደሶና። ኤንቲ ኢሶይ ኢሶይ ዲሊኔ ጌሻታ ዋሳ ገደዲዳ ኢፃኔይ ኩሚዳ ዋርቃ ሻቲ ኦይኪደሶና።

9 ኤንቲ፣ «9ላ ማፃፋ ኤካናው፣ ማታሚያ ቢላናው ኔው ቤሴስ።

አይስ ገኮ፣ ኔኒ ሹኬታዳሳ፤ ዜሬሳ ኡባፊ፣ ዲማ ዲማ ደናፔ፣ ያራታፔኔ ካዎቲላታ ኡባፊ

ኔ ሱላን ያሳስ ዋዛዳሳ። 10 ኤንቲ ኢያ ያሳ አዋስ ኦላና ማላ ኤንታና ካሂኔ ካዎቲላ ኦላዳሳ።

ኤንቲካ ቢታ ኡባ ሃራና» ያገደዱ ኦራላ ማዘሙራ ዩዲደሶና።

11 ታ ቤዲያ ዋዴ ሙኩሉ ቶሆ ሙኩሉኔ ታሙ ሙኩሉ ቶሆ ታሙ ሙኩሉ ገደያ ኪታንቾታ ገርሳ ሲዓስ። ኤንቲካ አራታ፣ ኦይዲ ደደን ደዲያ ማዴቴላታኔ፣ ጨማታ የሹዋን ኤቁዳሶና።

12 ሄ ኪታንቾቲ ቶቁ ገደ ቃላን፣ «ሹኬቲዳ ደርሳይ ዋልቃ፣ ዲሬቲላ፣ ጨንጫቲላኔ ሚናቲላ፣

ቦንቾ፣ ሳባኔ ጋላታ ኤካናው ቤሴስ» ያገደሶና።

13 ሄሳፊ ጉዬ፣ ሳዓን፣ ሳሎን፣ ሳዓፔ ጋርሳኒኔ አባ ገደን ደዲያ ማዴቴላ ኡባይ፣ «አራታ ቦላ ኡቲዳይሳሲኔ ደርሳስ፣ ጋላታይ፣ ቦንቾይ፣ ሳባይኔ ዋልቃይ ማሪ ማሪናው ገደ» ያገደዱ ዩዲሽን ሲዓስ።

14 ኦይዲ ደደን ደዲያ ማዴቴላቲ፣ «አሚንዒ» ያገደሶና፤ ቃሲ ጨማቲ ጉፋኒዲ ጎይኒደሶና።

6

ማታሚያ ደዩቲላ

1 ደርሳይ ላቱን ማታሚያፔ ኢሱዋ ደዩሽን ቤዓስ። ቃሲ ኦይዲ ደደን ደዲያ ማዴቴላታፔ ኢሶይ፣ ዳዳ ዴሾ ገርሳን፣ «ሃያ!» ያገሽን ሲዓስ።

2 ሄኮ ቦላ ጋራ ቤዓስ። ሄ ጋራ ቶገደሲ ደንጌ ኦይኪስ፤ ኢያ ሁዔን ካላቹ ዴዴስ። ኢካ ያኒሾ ያናናው ኬዩስ።

3 ቃሲ ደርሳይ ናሞጋንሳ ማታሚያ ደዩዳ ዋዴ ደደን ደዲያ ናሞጋንሳ ማዴቴላይ፣ «ሃያ!» ያገሽን ሲዓስ።

4 ቃሲ ሃራ ሲሃ ዘያ ጋራ ኬዩስ። ሄ ጋራ ቶገደሳሰ ሳዓፔ ሳር ቆይሳና ማላኔ አሳይ ዋሊ ወርሳና ማላ ማቲኔ ገታ ማሺ ኢሚቲስ።

5 ደርሳይ ሄሻንሳ ማታሚያ ደዩዳ ዋዴ ደደን ደዲያ ሄሻንሳ ማዴቴላይ፣ «ሃያ!» ያገሽን ሲዓስ። ሄኮ ካሬላ ጋራ ቤዓስ፤ ኢካ ባ ኩሼን ሚዛኔ ኦይኪስ።

6 ኦይዲ ደደን ደዲያ ማዴቴላታ ገደፊ፣ «ኢሲ ጋላሳ ኦሶስ ዳሞኬ፣ ባጋ ኪሎ ገሰቲ፤ ቃሲ ኢሲ ጋላሳ ኦሶስ ዳሞኬ፣ ኢሲ ኪሎኔ ባጋ ባንጋ ገደ። ሽን ዛይቲያኔ ዋይኒያ ቆሆፓ» ያገሽን ሲዓስ።

7 ደርሳይ ኦይዲንሳ ማታሚያ ደዩዳ ዋዴ ኦይዲንሳ ደደን ደዲያ ማዴቴላይ፣ «ሃያ!» ያገሽን ሲዓስ።

4:8 ሂዘ 1:18፤ 10:12፤ ኢሳ 6:2 5:1 ሂዘ 2:9 5:5 ማዴ 49:9፤ ኢሳ 11:1 5:6 ኢሳ 53:7፤ ዛካ 4:10 5:8 ማዘ 141:2 5:9 ማዘ 33:3፤ 98:1፤ ኢሳ 42:10 5:10 ኬሳ 19:6፤ ዮ.ቆ 1:6 5:11 ዳኔ 7:10 6:2 ዛካ 1:7 6:4 ዛካ 1:7 6:5 ዛካ 6:2

8 ሄኮ ዋንጮ ፓራ ቤዓስ። ሄ ፓራ ቶጊዳይሳ ሱንጻይ ሃይቆ፤ ኢያ ጌዶ ሲያሌይ ካሌስ። ኢንታው አላሜፔ ኦይዳንሶ ኩሺያ ኦላን፣ ኮሻን፣ ጋዶኒ ደዓን ዋዲሳና ሜላ ማቲ ኢሜቲስ።

9 ደርሳይ ኢቻሻንሶ ማታሚያ ደዱዳ ዋዴ ኢንቲ ያሳ ቃላ ኦዲዳ ጊሾን ባንታ ማርካቴላን አማኔቲዳ ጊሾ ሹኬቲዳ አሳ ሸምፖታ ያርሾ ቤሳፊ ጋርሳን ቤዓስ።

10 ኢንቲ ባንታ ቃላ ጶቁ ኦሊዲ፣ «ኡባ ሃሪያ ጎዳው፣ ጌሻው፣ ቱማንቸው፣ ሳዓን ዳዒያ አሳ ቦላ ኔ ፐርዳናይ ኔ ሱላ ጊሾ ሃሎ ኬያናይ አዉዴ?» ያጊደሶና።

11 ኢንታ ኢሱዋስ ኢሱዋስ ቦላ ማዖይ አሜቲስ። ኢንታይሳዳ ሃኒዲ ሃይቃናው ቤሲያ ኢንታ ላጌታ ታይቦይ ኩማና ጋካናው ጉላ ዋዴ ሸምፓና ሜላ ኢንታው ኦዴቲስ።

12 ደርሳይ ኡሱፑንሳ ማታሚያ ደዱዳ ዋዴ ታ ቤዓስ፤ ዋልቃማ ቢታ ቃይሃ ሃኒስ። አዋ አይፊይ ካሬዲዳ ካሌ ዳኒስ። አጌናይካ ዘዒዲ ሱሱ ዳኒስ።

13 ዋልቃማ ጫርኮይ ጫርኪዲ ባላሴ ሚላ ቃዉዴ አይፊያ ቆቆፊይሳዳ ሳሉዋ ያሊንቶቲ ሳን ቆቆፊቲደሶና።

14 ሳሎይ ዓላ ማዓፋዳ ዓፄቲዲ አዲስ፤ ዙማይኔ አባን ቱቄቲዳ ቢታቲ ባንታ ቤሳፊ ጳዴደሶና።

15 ቢታ ካዎቲ፣ ዳሪያ ሃሪይሳቲ፣ ኦላ ካሌሌይሳቲ፣ ዱሬቲ፣ ዋልቃማቲ፣ አይሌቲ፣ ዋማናቲ ጎንጎሎኒ ዳሪያ ቦላ ዳዒያ ዘላ ሆምፖን ቆሴቲደሶና።

16 ኢንቲካ ዙማኮኔ ዘላኮ፣ «ኦ ቦላ ዋዲቲ፤ ኦና ቆሴቲ፤ አራታን ኡቲዳይሳ አይፊያፔኔ ደርሳ ሃንቁዋፊ ኦና ጌንሊቲ።

17 ሂዛ፣ ጊታ ሃንቆ ጋላሳይ ጋኪስ፤ ኦኔ ዳንዳዒዲ ኤቃናይ?» ያጊደሶና።

7

144:000 አሳታ ቦላ ማታሚያ ዋሴቲስ

1 ሃሳፊ ጉዬ፣ ኦይዳ ኪታንቸቲ ኦይዳ ሳዓ ጋዖን ኤቁዳይሳታ ቤዓስ። ሄ ኪታንቸቲ ሳዓ ቦላ ዋይኮ አባ ቦላ ዋይኮ አይ ሚላ ቦላ ጫርኮይ ኦይዳ ሳዓ ጋዖፔ ጫርኮና ሚላ ቱቄደሶና።

2 ቃሲ ዴዖ ያሳ ማታሚያ አይኪዳ ሃራ ኪታንቸይ ዶሎሃ ባጋፊ ኬዬይሳ ቤዓስ። ሄ ኪታንቸይ ባ ቃላ ጶቁ ኦሊዲ፣ ሳዓኔ አባ ቆሃናው ዋልቁ አሜቲዳ ኦይዳ ኪታንቸታ።

3 ጃጊዲ፣ «ኦኒ ያሳ አይሌታ ሰምፖን ማታሚያ ዋላና ጋካናው ቢታ ዋይኮ አባ ዋይኮ ሚላ ቆሆፕቲ» ያጊሰ።

4 ያቲን፣ ታኒ ያሳ ማታሚያ ሰምፖን ዋሴቲዳይሳታ ፓይዲዋ ሲዓስ። ኢሰራዔሌ ማይዛታ ኡባፊ ጃታኔ ኦይታማኔ ኦይዳ ሙኩሉ አሳስ ሰምፖን ማታሚያ ዋላስ።

5 ዪሁዳ ዜሬላፊ ታማኔ ናምቡ ሙኩሉ፣ ርቤላ ዜሬላፊ ታማኔ ናምቡ ሙኩሉ፣

ጋዴ ዜሬላፊ ታማኔ ናምቡ ሙኩሉ፣

6 አሴሬ ዜሬላፊ ታማኔ ናምቡ ሙኩሉ፣

ኒፍታሌሜ ዜሬላፊ ታማኔ ናምቡ ሙኩሉ፣

7 ሲሞና ዜሬላፊ ታማኔ ናምቡ ሙኩሉ፤

ሌቄ ዜሬላፊ ታማኔ ናምቡ ሙኩሉ፣

ዪሳኮሪ ዜሬላፊ ታማኔ ናምቡ ሙኩሉ፣

8 ዘቢሎኔ ዜሬላፊ ታማኔ ናምቡ ሙኩሉ፣

ዮሴፋ ዜሬላፊ ታማኔ ናምቡ ሙኩሉ፣

ቢኒያሜ ዜሬላፊ ታማኔ ናምቡ ሙኩሉ፣

አሳ ሰምፖን ማታሚያ ዋላስ።

ቦላ ማዖ ማዒዳ ዳር አሳታ

9 ሃሳፊ ጉዬ፣ ዜሬላ ኡባፊ፣ ካዎቲላ ኡባፊ፣ ያራ ኡባፊኔ ደማ ደማ ደናፔ ዘቄ ባይና ዳር አሳ ቤዓስ። ሄ አሳይ ቦላ ማዖ ማዒዳ፣ ዘምባ ሃይላ ባንታ ኩሺን ኦይኪዲ፣ አራታ ሲንጻኒኔ ደርሳ ሲንጻን ኤቁደሶና።

10 ኢንቲ ባንታ ቃላ ጶቁ ኦሊዲ፣ «አቶቲላይ አራታን ኡቲዳ ኦ ያሳፊኔ ደርሳፊ ዬስ» ያጊደሶና።

11 ኪታንቸቲ ኡባይ፣ አራታ፣ ጨማታኔ ኦይዳ ሜዴቲላታ ዩሹዋን ኤቁደሶና። ኢንቲ አራታ ሲንጻን ጉፋኒዲ ያሳ ጎይኒደሶና።

12 «አሚንዒ! አንጆይ፣ ቦንቸይ፣ ጨንጫቲላይ፣ ጋላታይ፣ ሳባይ ዋልቃይ፣ ሚናቴላይ ሜሪ ሜሪናው ኦ ያሳስ ጊደ።

አሚንዒ!» ያጊደሶና።

13 ጨማታፔ ኢሶይ ታኮ፣ «ሃ ቦላ ማዖ-ዋ ማዒዳ አሳቲ ኦናንቲ? ኢንቲ አዉፔ ዪደና?» ያጊደሶና።

14 ታኒ ዘራዳ፣ «ጎዳው፣ ኔ ኤራሳ» ያጋስ። አካ ታኮ፣ «ሃይሳቲ ዳር ዋዬ ዋዪዲ አዲዳይሳታ። ኢንቲ ባንታ ማዖ-ዋ ደርሳ ሱላን ሜጨዲ ጌሺደሶና።

15 ሃሳ ጊሾ፣ ኢንቲ ያሳ አራታ ሲንጻን ጊዲዲ ቃማኔ ጋላስ ኢያ ኬላን ኦላሶና። ቃሲ አራታ ቦላ ኡቲዳይሲ ኢንታው ኩያ ጊዳና።

16 ሃዘፔ ጉዬ፣ ኢንቲ ኮሻቶኮና፣ ሳምቶኮና፣ አቄ ዋይኮ ሚሺ ኢንታ ሜና።

17 አራታ ጊደን ኡቲዳ ደርሳይ ኢንታ ሄማና። ዴዖ ፑልቶ ሃላኮ ኢንታ ካሌላና። ያሳይ ኢንታ አይፊያፔ ኦላላ ኡባ ቁቻና» ያጊሰ።

8

ላፑንላ ማታሚያ ደዬቲስ

1 ደርሳይ ላፑንላ ማታሚያ ደዱዳ ዋዴ ባጋ ሳቲ ጊዳይሳ ሜላ ሳሎይ ሲዒ ጊስ።

2 ሃሳፊ ጉዬ፣ ታኒ ላፑን ሞይዜቲ አሜቲዳ ላፑን ኪታንቸታ ያሳ ሲንጻን ኤቁዳይሳታ ቤዓስ።

6:8 ሃዘ 14:21 6:12 ዮ.ቆ 11:13፤ 16:18፤ አሳ 13:10፤ ኤር 2:10 6:13 አሳ 34:4 6:14 ዮ.ቆ 16:20 6:15 አሳ 2:19 6:16 ሆሴ 10:8፤ ሉቃ 23:30 6:17 ኤር 2:11፤ ሚላ 3:2 7:1 ኤር 49:36፤ ዳኔ 7:2፤ ዛካ 6:5 7:3 ሃዘ 9:4 7:14 ዳኔ 12:1፤ ማቶ 24:21፤ ማር 13:19 7:16 አሳ 49:10 7:17 ማዘ 23:1፤ ሃዘ 34:23፤ ማዘ 23:2፤ አሳ 49:10፤ አሳ 25:8

3 ኢፃኔ ጩዳሲያ ዋርቃ ሻቴ ኦይኪዳ ሃራ ኪታንቸይ ዩዲ፣ ያርሾ ቤሳ ማታን ኤቁስ። ኢ ኦራታ ሲንሳን ዳዒያ ዋርቃ ያርሾ ቤሳ ቦላ ገሻታ ኡባ ዋሳራ ጉጂዲ ያርሻና ማላ ኢያው ዳር ኢፃኔይ ኢሜቲስ።

4 ኢፃኒያ ጩያይ ገሻታ ዋሳራ ኢሲፊ ኪታንቸዋ ኩሼፕ ፑዴ ያሳኮ ኬዩስ።

5 ሄሳፊ ጉዬ፣ ኪታንቸይ ኢፃኔ ጩዳሲያ ሻቲያ ኤኪዲ፣ ኢያን ያርሾ ቤሳፊ ቦንቆ ታማ ኩንሉዲ ሳዓ ዲጌ ሆሊስ። ያቲን ዳሾይ፣ ዋልዓንሉ፣ ገርሲኔ ቢታ ቃይያ ሃኒስ።

ላፑን ሞይዜታ

6 ሄሳፊ ጉዬ፣ ላፑን ኪታንቸቲ ባንታ ሞይዚያ ፑናናው ገቢቲደሶና።

7 ኮይር ኪታንቸይ ባ ሞይዚያ ፑኒያ ዋዴ ሻቸኔ ሱላራ ዋላኪቲዳ ታሚ ሳሎፕ ቡኪስ። ሳዓፕ ሲኮይ ፀጌቲስ፤ ሚላፊ ሲኮይ ፀጌቲስ፤ ጨልዎ ማታ ኡባይ ፀጌቲስ።

8 ናምዓንሉ ኪታንቸይ ባ ሞይዚያ ፑኒዳ ዋዴ ዋልቃማ ዴሬ ዳኒያባይ ታማን ኤዲሼ ኣባን ዩጌቲስ። ያቲን፣ ኣባፊ ሲኮይ ሱሉ ገዲስ።

9 ኣባን ዴዎን ዳዒያ ሜዴቴላፊ ሲኮይ ሃይቁስ፤ ማርካቤታፕ ሲኮይ ዳይስ።

10 ሄሻንሉ ኪታንቸይ ባ ሞይዚያ ፑኒዳ ዋዴ ያምፔዳ ኤዲያ ዋልቃማ ያለንቶይ ሻፋፕ ሲኮዋ ቦላኔ ፑልቶታ ቦላ ሳሎፕ ዋዲስ።

11 ሃ ያለንቱዋ ሱንላይ ጫሞ ጌቲቲስ። ሃላፊ ሲኮዋ ጫሚሲስ፤ ሃላይ ጫሚዳ ገሾ ዳር ኣሳይ ሄ ሃላ ኡዩዲ ሃይቁደሶና።

12 ኦይዳንሉ ኪታንቸይ ባ ሞይዚያ ፑኒስ። ኣዋፕ፣ ኣጌናፕ፤ ያለንቶታፕ ሲኮዋ ዳቸስ፤ ኤንታ ፖራቶፕ ሲኮይ ዳሚስ። ጋላሳፕ ሲኮይ፣ ቃማፊካ ሲኮይ ዳሚስ።

13 ኢሲ ኣርጋንሉ ሳሎ ቶቁ ገዲ፣ ፒራዲሺን ቤዓስ። ሄ ኣርጋንላይ ባ ቃላ ቶቁ ኦሉዲ፣ «ኣቲዳ ሄሹ ኪታንቸቲ ባንታ ሞይዚያ ፑናናው ዳዒያ ገሾ ሳዓን ዳዒያ ኣሳ ኣዬ! ኣዬ! ኣዬ!» ያገሺን ሲዓስ።

9

1 ሄሳፊ ጉዬ፣ ኢቻሻንሉ ኪታንቸይ ባ ሞይዚያ ፑኒን ሳሎፕ ዲጌ ሳዓ ኩንዲዳ ያለንቶ ቤዓስ። ሄ ያለንቱዋስ ዋልቃማ ኦላ ቁልፕይ ኢሜቲስ።

2 ያለንቶይ ኦላ ደዩዳ ዋዴ ዳልጋ ጮጮፕ ኬያ ጩያ ማላ ጩያይ ሄ ኦላፊ ኬዩስ። ሄ ኦላፊ ኬዩዳ ጩያን ኣዋይኔ ሳሎይ ዳሚደሶና።

3 ሄ ጩያፕ ቦሌይ ኬዩዲ ሳዓን ዋዲስ። ሳዓን ዳዒያ ኮርኔታስ ዳዒያ ዋልቃ ማላ ዋልቁ ቦሌታስ ኢሜቲስ።

4 ያሳ ማታሚይ ሶምዎን ባይና ኣሳ ያላላፕ ኣቲን ሳዓን ዳዒያ ማታ ዋይኮ ሚሉ ዋይኮ ኣይ ጨልዎባ ገዲን ቆሆና ማላ ቦሌታስ ኦዴቲስ።

5 ቦሌቲ ኣሳ ኢቻሹ ኣጌና ጋካናው ፓፃ ካዓና ማላ ማቲ ኢሜቲስ፤ ኣቲን ኣሳ ዋዳና ማላ ገዴና። ኮርኔይ ኣሴ ዲኪን ዛሚይሳ ማላ ቦሌይ ዲኪዲ ዛሚሴስ።

6 ሄ ጋላሳታን ኣሳይ ሃይቆ ኮያና፣ ሺን ዳሚና። ኤንቲ ሃይቃናው ኣሞታና፣ ሺን ሃይቆይ ኤንታፊ ሃካና።

7 ቦሌይ ኦላስ ገጊ ኡቲዳ ፓራ ዳኔስ። ቦሊያ ሁዔን ዋርቃ ካላቺ ዳዔስ፤ ኤንታ ሶምዎይካ ኣሳ ሶምዎ ዳኔስ።

8 ኢያ ቢናናይ ማጫሳ ቢናና ማላ ኣዲሴ። ኤንታ ኣቻይካ ጋሞ ኣቺ ዳኔስ።

9 ኤንታው ቲራ ቦላ ዋሉያ ቢራታ ፀሩሬይ ዳዔስ፤ ኤንታ ቁፊያ ገርሳይ ኦሌታናው ጋላቢያ ፓራኔ ፓራ ጋሬ ገርሳ ማላ።

10 ኤንታው ኮርኔ ጎይና ዳኒያ ጎይኒኔ ዲኪያ ዩሺ ዳዔስ። ሄ ጎይናን ኢቻሹ ኣጌና ኣሳ ቆሃና ማላ ማቲ ኢሜቲስ።

11 ኤንታና ሃሪያ ካዎይ ዳዔስ፤ ሄ ካዎይ ኦላ ኪታንቸዋ። ኢያ ሱንላይ ኢብራይስጫ ደናን ኣብደና፤ ቃሲ ገሪኬ ደናን ኣጸሊዮና ጌቲቲስ። ኢያ ሱንላ ቢርሼላይ «ዳይሴይሳ» ጉሱ።

12 ኮይር ኣዬይ ኣዲስ፤ ሄኮ፣ ቡር ሃራ ናምዑ ኣዬቲ ኤሶን ሃናና።

13 ኡሱፑንላ ኪታንቸይ ባ ሞይዚያ ፑኒስ። ያሳ ሲንላን ኤቁዳ፣ ዋርቃ ያርሾ ቤሳን ዳዒያ ኦይዲ ካጮታፕ ኢሲ ገርሲ ሲዓስ።

14 ሄ ገርሳይ ሞይዜ ኦይኪዳ ኡሱፑንላ ኪታንቸዋኮ፣ «ኤፊራዲሴ ገያ ገታ ሻፋን ቃሹቲዳ ኦይዲ ኪታንቸታ ቢርሻ» ያገሺ።

15 ቢታ ቦላ ዳዒያ ኣሳፕ ሲኮዋ ዋዳና ማላ ሄ ሳቲያስ፣ ሄ ጋላሳስ፣ ሄ ኣጌናሲኔ ሄ ላይላስ ገገዲ ኡቲዳ ኦይዲ ኪታንቸቲ ቢርሼቲደሶና።

16 ኦላ ፓራ ቶገያ ኦላንቸታ ፓይደይ ዳር ፃቲ ሚሎኔ ገዴይሳ ሲዓስ።

17 ቃሲ ታ ቆንጮፋን ፓራታኔ ሄ ፓራታ ቶገዳ ኣሳ ቤዓስ። ሄ ኣሳይ ቲራን ዋሉያ ቢራታ ፀሩሬይ ታማ ቦንቆ ማላ ዘዎ፣ ያኪንቲ ማላ፣ ካሬላ ካሎሴ ማላኔ ዲኔ ማላ ጨሊሎ። ፓራታ ሁዔይ ጋሞ ሁዔ ማላ፤ ኤንታ ደናፕ ታሚ፣ ጩዳኔ ዲኔይ ኬዩስ።

18 ፓራታ ደናፕ ኬዩዳ ታማን፣ ጩያኒኔ ዲኒያን ሄ ሄሹ ጋዶታን ሳዓን ዳዒያ ኣሳፕ ሲኮይ ሃይቁስ።

19 ሄ ፓራታ ዋልቃይ ኤንታ ደና ገደኒኔ ጎይናን ዳዔስ። ኤንታ ጎይናይካ ሾሻ ሁዔ ማላ፤ ኤንቲ ኢያራ ኣሳ ቆሆሶና።

20 ሃ ጋዶታፕ ኣቲዳይሳቲ ባንታ ኩሼ ኦሱዋፕ ሲሚቦኮና። ኤንቲ ቱና ኣያናን ዋርቃፊ፣ ቢራፕ፣ ናሴ ቢራታፕ፤ ሹቻፊ ኦሴቲዳ ኤቃስ ጎይናሶና። ያላናው፣ ሲዓናው፣ ሃሙታናው ዳንዳዮና ኤቃታስ ጎይኔይሳ ኣገሶኮና።

21 ኣሳይ ዋዲይሳ፣ ቢቲይሳ፣ ላይማቲይሳኔ ካይሴይሳ ኣገዲ ማርታ ኦይቸቦኮና።

8:5 ሊዋ 16:12፤ ሂዝ 10:2፤ ኬሳ 19:16፤ ዮ.ቆ 11:19፤ 16:18 8:7 ኬሳ 9:23-25፤ ሂዝ 38:22 8:10 ኣሳ 14:12
8:11 ኤር 9:15 8:12 ኣሳ 13:10፤ ሂዝ 32:7፤ ኢዩ 2:10 9:2 ሜዴ 19:28 9:3 ኬሳ 10:12 9:4 ሂዝ 9:4
9:6 ኢዮ 3:21፤ ኤር 8:3 9:7 ኢዩ 2:4 9:8 ኢዩ 1:6 9:9 ኢዩ 2:5 9:13 ኬሳ 30:1 9:20 ማዝ 115:4

10

ኪታንቸዋን ጉላ ማፃፋ

1 ሃሳፌ ጉዬ፡ ታ ሃራ ዋልቃማ ኪታንቸይ ሳሎፕ ሳዓ ዋጂሽን ቤዓሰ። ኢ ሻራ ማዒሰ፤ ኢያ ሁዒያ ቦላ ዙላይ ዳዒሰ። ኢያ ሰምጋይ አዋ ማላ፤ ኢያ ቶሆይ ታማ ቱሳ ማላ።

2 ሄ ኪታንቸይ ደያ ዳዒያ ኢሲ ጉላ ፃላ ማፃፋ ባ ኩሽን ኦይኪዲ፡ ባ ኡሻቻ ቶሆዋ አባ ቦላ፡ ባ ሃዒርሳ ቶሆዋ ቢታ ቦላ ኤሲሰ።

3 ጉዲያ ጋሞዳ ባ ቃላ ጶቁ ኦሊዲ ዋሲሰ። ኢ ዋሲዳ ዋዴ ላፑን ዳዳቲ ባንታ ጉንላ ሲሲደሶና።

4 ላፑን ዳዳቲ ኦይቲዳ ዋዴ ታ ፃፋናው ገቢታሰ። ሽን ሳሎፕ፡ «ላፑን ዳዳቲ ኦይዲይሳ ማታሚን ጎርዳፌ አቲን ፃፎፓ» ያገያ ገርሳ ሲዓሰ።

5 ያቲዲ፡ አባ ቦላኔ ቢታ ቦላ ኤቁዳ፡ ታ ቤዒዳ ኪታንቸይ፡ ባ ኡሻቻ ኩሽያ ሳሎ ፑዴ ማጠሰ።

6 ኢ ማጠሰዲ ሳሎኔኔ ኢያ ገደን ዳዒያ ኡባ፡ ሳባኔ ኢያ ገደን ዳዒያ ኡባ፡ አባኔ ኢያ ገደን ዳዒያ ኡባ ማጂዳ፡ ማሪናው ዳዒያ ያሳ ሱንላን ጫቂዲ፡ «ሃዘፔ ጉዬ፡ ያሳይ ጋምዔና።

7 ሽን ላፑንላ ኪታንቸይ ባ ሞይዚያ ፑኒያ ዋዴ ያሳይ ባ አይሌ ገዲዳ ናቤታ ባጋራ ቆንጩሲዳ ፀራ ቆፋይ ፖሌታና» ያገሰ።

8 ሃሳፌ ጉዬ፡ አባ ቦላኔ ቢታ ቦላ ኤቁዲ፡ «ኢያ ኩሽን ደይቲዲ ዳዒያ ፃላ ማፃፋ ኪታንቸዋ ኩሽፔ ኤካ» ያገዲ ናምዓንላ ታው ኦዲሽን ሲዓሰ።

9 ታኒ ሄ ኪታንቸዋኮ ባዳ፡ ጉላ ፃላ ማፃፋ ኢማ ጋዳ ኦይቻሰ። ኢ ታኮ፡ «ኤካዳ ማ፤ ኢ ኔ ኡሎን ጫማና፡ ሽን ኔ ደናን ኤሳዳ ማልዓና» ያገሰ።

10 ታኒ ኪታንቸዋ ኩሽፔ ሄ ጉላ ፃላ ማፃፋ ኤካዳ ማሰ፤ ታ ደናን ኤሳዳ ማልዒሰ፡ ሽን ታ ኡሎን ጫሚሰ።

11 ሃሳፌ ጉዬ፡ ታኮ፡ «ኔኒ ያራ ኡባሰ፡ ዳሬ ኡባሰ፡ ዳማ ዳማ ደናን ኦይቲይሳታሲኔ ካዋታሰ ቲንቢቲ ዛራ ኦዳናው ቤሰሰ» ያገሰ።

11

ናምዑ ማርካታ

1 ሃሳፌ ጉዬ፡ ታው ዋጃ ፃምዓ ኢሚዲ፡ «ባዳ ያሳ ኬላኔ ያርሾ ቤሳ ዋጃ፤ ያን ጎይኒያ አሳታካ ፓይዳ።

2 ሽን ያሳ ኬላ ካሬ ዳባባይ አይሁዴ ገደና አሳሰ ኢሜቲዳ ገሾ ዋጅና አጋጋ። አይሁዴ ገደና አሳይ ገሻ ካታማ ኦይታማኔ ናምዑ አገና ሃራና።

3 ታኒ ካሌ ማዒዳ ታ ናምዑ ማርካታ ኪታና፤ ኤንቲ 1260 ጋላሰ ቲንቢቲ ኦዳና» ያገሰ።

4 ሄ ናምዑ ማርካቲ አላሚያ ጎዳ ሲንላን ኤቁያ ናምዑ ሻማሆ ሚላታኔ ናምዑ ያምፔ ዋሊያ ኮጫታ።

5 ኦኒካ ኤንታ ቆሃናው ኮይኮ ኤንታ ደናፔ ታሚ ኬዩዲ፡ ኤንታ ሞርኬታ ጳይሰሰ። ኤንታ ቆሃናው ኮያ ኦኒካ ሄሳዳ ሃይቃና።

6 ኤንቲ ቲንቢቲ ኦዲያ ዋዴ ኢሪ ቡኮና ማላ ሳሎዋ ጎርዳናው ኤንታው ማቲ ዳዒሰ። ኤንታው ሃሌ ሱሌ ኬሳናው፡ ቃሲ ኤንቲ ኮዩዳ ማላ ቢታ ዳማ ዳማ ጋደን ጳይሳናው ኤንታው ማቲ ዳዒሰ።

7 ኤንቲ ባንታ ማርካቲላ ኦንገደፔ ጉዬ፡ ኦላፌ ኬያ ደዓይ ኤንታና ኦላና። ሄ ደዓይ ኤንታ ያናና፤ ዋጃና።

8 ኤንታ ጎዳይ ማሰቃሊያ ቦላ ካቁቲዳ ገታ ካታማ አገያ ቦላ ኤንታ አሃይ ዩጌታና። ሄ ካታማይ ለሚሶን ሶዶሜ ዋይኮ ገብፄ ጌቲቲ ጃጌቲሰ።

9 ቃሲ ዜሬሌ ኡባፌ፡ ያራ ኡባፌ፡ ዳማ ዳማ ደናፔኔ ካዋቲሌ ኡባፌ ዩዳ አሳይ ኤንታ አሃ ሄሹ ጋላሲኔ ባጋ ጋካናው ቤዓና። ኤንታ አሃይ ሞጌቶና ማላ አሳይ ዲጋና።

10 ሃ ናምዑ ናቤቲ ሳዓን ዳዒያ አሳ ዋይሲዳ ገሾ አሳይ ኤንታ ሃይቁዋን ኡፋይታና። ባንታ ኡፋይሳ ቤሳናው ኢሶይ ኢሱዋሰ ኢሞታ ኢማና።

11 ሄሹ ጋላሲኔ ባጋፌ ጉዬ፡ ዳዎ አያናይ ያሳ ማታፔ ዩዲ ኤንታን ጌሊን፡ ኤንቲ ዳንዲ ኤቁዳሶና። ኤንታ ቤዒዳ ኡባይ ገታ ያሽ ያዩደሶና።

12 ሃሳፌ ጉዬ፡ ሄ ናምዑ ናቤቲ፡ «ሃ ፑዴ ኬዩቲ» ገያ ቃላ ሳሎፔ ሲዒደሶና። ኤንታ ሞርኬቲ ኤንታና ቤዒሽን፡ ኤንቲ ሻራን ጌሊዲ ፑዴ ሳሎ ቢደሶና።

13 ሄ ሳቲያን ቢታይ ዋልቃማ ቃዖ ቃዒን፡ ካታማፔ ታማንላ ኩሽፔ ጳይሰ። ቃሲ ቢታ ቃዖን ላፑን ሙኩሉ አሳይ ሃይቁሰ። አቲዳ አሳይ ዳር ኮኮሪዲ ባቢዲ፤ ሳሎ ያሳሰ ቦንቾ ኢሚደሶና።

14 ናምዓንላ አዬይ አጂሰ፡ ሽን ሄኮ ሄሻንላ አዬይ ኤሶን ያና።

ላፑንላ ሞይዚያ

15 ላፑንላ ኪታንቸይ ባ ሞይዚያ ፑኒሰ። ሳሎፕ፡ «ሳዓ ካዋቲላይ ኦ ጎዳሲኔ ኪሪሰቶሳሰ ገዲሰ፤ ኢ ማሪናፔ ማሪና ጋካናው ሃራና» ያገያ ዋልቃማ ቃላይ ሲዔቲሰ።

16 ያቲን፡ ያሳ ሲንላን፡ ባንታ አራታን ኡቲዳ ላታማኔ ኦይዲ ጨማቲ ጉፋኒዲ፡ ያሳሰ ጎይኒዲ፡

17 «ሃዒካ ካሴካ ዳዒይሶ፡ ጎዳው፡ ኡባፌ ዋልቃማ ያሳው፡ ኔኒ ገታ ዋልቃ ኦይካዳሳ።

ኔኒ ሃራናው ደሚዳ ገሾ ኔኒ ኔና ጋላቶሰ።

18 አይሁዴ ገደና አሳይ ሃንቁቲደሶና፡ ሽን ኔ ሃንቆይ ዩሰ።

ሃይቁዳይሳታ ቦላ ኔ ፐርዲያ ዋዴይ ዩሰ። ኔኒ ኔ አይሌታ፡ ናቤታሰ

ጌሻታሲኔ ኔ ሱንላሰ ያዩይሳታሰ።

10:5 ኬሳ 20:11፤ ዛሬ 32:40፤ ዳኔ 12:7፤ አዋ 3:7 10:8 ሂዘ 2:8-3:3 11:1 ሂዘ 40:3፤ ዛካ 2:1 11:2 ሉቃ 21:24 11:4 ዛካ 4:3 11:6 1ካዎ 17:1፤ ኬሳ 7:17 11:7 ዳኔ 7:7፤ ዮ.ቆ 13:5 11:8 ኢሳ 1:9 11:11 ሂዘ 37:10 11:12 2ካዎ 2:11 11:13 ዮ.ቆ 6:12፤ 16:18 11:15 ኬሳ 15:18፤ ዳኔ 2:44፤ 7:14 11:17 ኬሳ 3:14 11:18 ማዘ 2:5፤ 110:5፤ 115:13

ጉላታሲኔ ገታታሰ፡ ኤንታ ኦሱዋዳ ኢሚያ ያገረ።
ፆዴይ ጋኪሰ።
አላሚያ ቆይሴይሳታ ቆይሴያ ዋዴይ ዪሰ»
ያገረደሰ።

19 ሳሎን ደዒያ ያሳ ከላይ ደዩቲሰ፤ ኢያ ገደን ያሳ ጫቆ ታቦቴይ በነገቲሰ። ቃሲ ዋልዳንሳ ዋልዳሚሰ፡ ዳሾይ ዳቺሰ፤ ዳዲ ቆቁሰ፤ ቢቲ ቃዒሰ፤ ሻቺ ቡኪሰ።

12

ማጫሲውኔ ዳዊያ

1 ሃሳፌ ጉዬ፡ ሳሎን ዋልቃማ ማላቲ በነገቲሰ። አዋ ማዳዳ፡ አጌና ቦላ ኤቃዳ፡ ታማኔ ናምቡ ያለንቶ ካላቻ ባ ሁዔን ዋሊዳ ዳዒያ፡ ኢሲ ማጫሲያ በነገታሱ።

2 ሄ ማጫሲያ ቃንጮሺን፡ ኢዮ ኢቄላ ኦይኪን ኡንዔታዳ ዋሳሱ።

3 ቃሲ ሃራ ማላቲ ሳሎን በነገቲሰ። ላቸን ሁዔቲኔ ታሙ ካጩቲ ዳዒያ ገታ ዘዖ ዳዊይ በነገቲሰ። ኢ ባ ሁዔታ ቦላ ላቸን ካላቻ ዋሊሰ።

4 ሄ ዳዊይ ባ ጎይናን ያለንቶታ፤ ሲኩዋ ሳሎ፤ ዳፊዲ ሳዓን ዩገሰ። ሄ ዳዊይ ናዓይ ዩሊቲ ዋቋዳ ማላ ማታናው ኮዩዲ፡ ዩላናው ኤቁቲያ ማጫሴ ሲንላን ኤቁሰ።

5 ሄ ማጫሲያ ካዋቲላ ኡባ ቢራታ ፃምዓን ሃራናው ዳዒያ አዳ ናዓ ዩላሱ። ናዓይ ያሳኮኔ ኢያ አራታኮ ፑዳ ኤኬቲሰ።

6 ማጫሲያ 1260 ጋላሰ ጋካናው ኢዮ ናጋና ማላ ያሳይ ኢው ገሺሲ ዋሊዳ ቤሳ ባዘ ቢታ ባቃታሱ።

7 ሳሎን ኦሊ ማቋቲሰ። ሚካዔሌይ ባ ኪታንቸታራ ዳዊያራ ኦሌቲሰ፤ ዳዊይ ባ ኪታንቸታራ ገዲዲ ዛሪ ኦሌቲሰ።

8 ሺን ዳዊይ ያኔቲዲ ሳሎን ኤንታው ዳዒያ ቤሲ ቆዩደሶና።

9 ገታ ዳዊይ፡ በኒ ሾሻይ፡ ሳዓን ዩገቲሰ። ኢካ ዳቡሎሳ ዋይኮ ፃላሄ ጌቲቲያ አላሚያ ባሌሌይሳ። ኢ ባ ኪታንቸታራ ኢሲፌ ዳጌ አላሚያ ዩጌቲሰ።

10 ሃሳፌ ጉዬ፡ ሳሎን ሃይሳዳ ያገረያ ቃላ ሲዓሰ።

«ሃዒ አቶቲላይ፡ ዋልቃይኔ ካዋቲላይ፡ ኑ ያሳሳ፤ ማታይ ኪሪሰቶሳሰ ገዲሰ።

ሂዛ፡ ቃማኔ ጋላሰ ያሳ ሲንላን፡ ኑ ኢሻታ ሞቲይሲ ሳሎ፤ ዳጌ ሆሌቲሰ።

11 ኤንቲ ደርሳ ሱላኒኔ ባንታ ማርካቲላ ቃላን፡ ኢያ ኦሊዲ ያኒደሶና።

ኤንቲ ባንታ ሾምፑዋሰ ሚሾቶና ባንታና ሃይቆሰ አላ ኢሚደሶና።

12 ሃሳ ገሾ፡ ሳሎኒኔ ኢያ ገደን ዳዒይሳቶ ኡፋይቲቲ።

ሺን ቢታኔ አባ አዬ! ሂዛ፡ ፃላሄይ ባው ጉላ ዋዴይ አቲዲይሳ ኤሪዳ ገሾ

ዋልቃማ ሃንቆን ሂንቴኮ ዋቋሰ»

ያገረ።
13 ቃሲ ዳዊይ ባና ሳዓ ዩገዲይሳ ቤዒዳ ዋዴ አዳ ናዓ ዩሊዳ ማጫሲው ጎዲሰ።

14 ማጫሲው ሾሻይ ቆሆና ማላ ሄቭ ላይሊኔ ባጋ ማሼኔ ኡያሽ ኢያ ናጌቲያ ቤሲ ባዘ ቢታ ፕራቆዳ ባና ማላ ናምቡ ዋልቃማ አርጋንላ ቁፌይ ኢው ኢሜቲሰ።

15 ያቲዲ፡ ማጫሲው ዲጋይ ዲዒዲ ኤፋና ማላ ዳዊይ ሻፋ ሃላ ማላ ባ ደናፔ ማጫሴ ጉዬራ ጮዩሰ።

16 ሺን ቢታይ ማጫሲው ማዲሰ፤ ቢታይ ባ ደና ደዩዲ ዳዊያ ደናፔ ከዩዳ ሃላ ማቲሰ።

17 ሄ ዳዊይ ማጫሴ ቦላ ዳር ሃንቁቲዲ፡ ኢ ዜራላታ፡ ያሳ ኪታ ናጌይሳታኔ ዩሱሲ ቆንጫሲዳ ቱማሰ አማኔቲዲይሳታ ኦላናው ቢዲ።

18 አባ ጋዖን ዳዒያ ሻፊያን ኤቁሰ።

13

ናምቡ ደዓታ

1 ሃሳፌ ጉዬ፡ ኢሲ ደዓይ አባፌ ከዩሺን ቤዓሰ። ኢያው ታሙ ካጩይኔ ላቸን ሁዔይ ዳዒሰ። ሄ ታሙ ካጩታ ቦላ ታሙ ካላቻቲ ዳዖሶና። ሄ ሁዔታ ቦላ ያሳ ጫሻ ሱንላቲ ፃፌቲዲ ኡቲሰ።

2 ታ ቤዒዳ ደዓይ ማሄ ዳኔሰ፤ ኢያ ቶሆይ ባባንላ ቶሆ ማላ፤ ኢያ ደናይካ ጋዋ ደና ዳኔሰ። ዳዊይ ባ ዋልቃ፡ ባ አራታኔ ባ ገታ ማታ ሄ ደዓሰ ኢሚሰ።

3 ሄ ደዓ ሁዒያፔ ኢሱዋ ቦላ ሃይቆሰ ጋሊያ ማዲንሳ ቤዓሰ፡ ሺን ሄ ማዲንላይ ፓዒሰ። አላሚያ አሳ ኡባይ ማላሌቲዲ ሄ ደዓ ካሊሰ።

4 ዳዊይ ባ ማታ ደዓሰ ኢሚዳ ገሾ አሳ ኡባይ ዳዊያ ጎይኒደሶና። ቃሲ አሳይ፡ «ደዓ ማሊ ኦኔ? ኢያራ ኦሌታናው ዳንዳዔይ ኦኔ?» ያገዲ ደዓሰ ጎይኒደሶና።

5 ሄ ደዓሰ ኡቶርታና ማላኔ ጫያና ማላ ደኒ ኢሜቲሰ፤ ኦይታማኔ ናምቡ አጌና ሃራና ማላ ማቲ ኢያው ኢሜቲሰ።

6 ሄ ደዓይ ያሳ፡ ኢያ ሱንላ፡ ኢ ዳዒያ ቤሳኔ ሳሎን ዳዒያ ኡባ ቃንጌላ ኦይኪሰ።

7 ሄ ደዓይ ጌሻታራ ኦሌቲዲ፡ ኤንታና ያናና ማላ ዋልቁ ኢያው ኢሜቲሰ። ያራ ኡባ፡ ዳሬ ኡባ፡ ዳማ ዳማ ደና ኡባ ቦላኔ ዜራላ ኡባ ቦላ ማቲ ኢያው ኢሜቲሰ።

8 አላሚይ ማቋቶሳፔ ደሚዲ፡ ሹኪቲዳ ደርሳ ዳዖ ማፃፋን ኤንታ ሱንላይ ፃፌቶና ሃ ሳዓን ዳዒያ አሳ ኡባይ ሄ ደዓሰ ጎይናና።

9 ሲዒያ ሃይላ ዳዒያ አሲ ሲዖ።

10 ኦኒካ ዲዔታናው ዳዒይ ዲዔቲሰ። ማሻን ሃይቃናው ዳዒይ ማሻን ሹኪታና። ሃሳንካ ጌሻታ ዳንዳዒይኔ አማኖይ ኤራታና።

11 ቃሲካ፡ ሃራ ደዒ ሳዓፔ ከዩሺን ቤዓሰ። ኢያው ደርሳ ካጩ ዳኒያ ናምቡ ካጩይ ዳዒሰ፤ ኢያ ሃሳያይ ዳዊይሳ ማላ።

11:19 ዮ.ቆ 8:5፤ 16:18፤ 21 12:3 ዳኔ 7:7 12:4 ዳኔ 8:10 12:5 ኢሳ 66:7፤ ማዘ 2:9 12:7 ዳኔ 10:13 12:9 ሜዴ 3:1፤ ሉቃ 10:18 12:10 ኢዮ 1:9 12:14 ዳኔ 7:25፤ 12:7 13:1 ዳኔ 7:3፤ ዮ.ቆ 17:3 13:2 ዳኔ 7:4 13:5 ዳኔ 7:8፤ 25፤ 11:36 13:7 ዳኔ 7:21 13:8 ማዘ 69:28 13:10 ኤር 15:2፤ 43:11

12 ህ ደዓይ ኮይሮ ደዓ ቤሳን፤ ኢያ ማታን ኦሴስ። ኢካ ሃይቆስ ጋሊያ ማዲንጻፊ ፓዲዳ ኮይሮ ደዓስ፤ ቢታን ዴዒያ ኣሳ ኡባይ ጎደናና ሜላ ኦሴስ።

13 ህ ናምዓንሉ ደዓይ ሃሪ ኣቶሺን፤ ታማ ሳሎፔ ኣሳ ኡባ ሲንሳን ሞዲሳና ጋካናው ጊታ ማላታታ ኦሴስ።

14 ኮይሮ ደዓ ቤሳን ኦሳና ሜላ፤ ኢያው ኢሜቲዳ ማላታታን ሳዓን ዴዒያ ኣሳ ኡባ ኢ ባሌላስ። ማሻን ማዲንዲዳ ፓዲዳ ደዓ ቦንቸስ ሚሲሌ ጊጊሳና ሜላ ኤንታና ከቲስ።

15 ናምዓንሉ ደዓይ ኮይሮ ደዓ ሚሲሊያስ ሸምፖ ኢሚዲ ኦዲታና ሜላኔ ኢያው ጎይናናይሳቲ ሃይቃና ሜላ ኦሴያ ማቲ ኢሜቲስ።

16 ህ ናምዓንሉ ደዓይ ጊቲኔ ጉላ፤ ማንቆይኔ ዲሬይ፤ ሞምኖይኔ ኣይሌይ ባ ኡቫቻ ኮሼን ሞይኮ ባ ሶምዖን ማላ ሞላና ሜላ ኦሴስ።

17 ህ ደዓ ሱንላይ ሞይኮ ኢያ ሱንላ ፓይዲሞ ማላይ ባይና ኣሲ ኦኒካ ባይዛናውኔ ሻማናው ዳንዳዔና።

18 ጨንጫቴላ ኮሼይ ሃሳና። ኤራቴላ ዴዒያ ኦኒካ ህ ደዓ ፓይዲሞ ቢርሹላ ኤር፤ ህ ፓይዲይ ኣሳ ሱንላ። ህ ፓይዲይ ኡሱፑን ዪታኔ ኡሱፑን ታማኔ ኡሱፑና።

14

ደርሳኔ 144:000 ኣሳ

1 ሃሳፊ ጉዬ፤ ደርሳይ ዪዮኔ ዴሪያ ቦላ ኤቁይይሳ ቤዓስ። ኢያራ ኢያ ሱንላይኔ ኢያ ኣዋ ሱንላይ ኤንታ ሶምዖን ያፊቲዳ፤ 144:000 ኣሳይ ዴዔስ።

2 ሳሎፔ ጊታ ሃላ ጉንሉኔ ዳዳ ጉንሉ ዳኒያ ሞልቃማ ጊርሲ ሲዓስ። ቃሲ ታ ሲዒዳ ጊርሳይ ዲላ ዲዲሺን ሲዔቲያ ጊርሳ ሜላ።

3 144:000 ኣሳይ ኣራታ ሲንሳን፤ ኦይዲ ዴዖን ዴዒያ ሜዴቴላታ ሲንሳን፤ ጨማታ ሲንሳን ኤቁዲ ኤንታፊ ሃራ ኦኒካ ታማራናው ዳንዳዮና ኦራላ ማዘሙራ ዬዲደሶና።

4 ሃይሳቲ ማጫሳራ ባንታና ቱኒሶና ናጊዳ ጊሻታ። ኤንቲ ደርሳይ ቢያሶ ኡባ ካሎሶና። ኤንቲ ያሳሲኔ ደርሳስ ባይራ ጊዲዲ፤ ሺቃናው ሳዓ ኣሳ ጊደፊ ሞዘቲደሶና።

5 ኤንቲ ሞርዶይኔ ቦሬይ ባይና ኣሳታ።

ሃቡ ኪታንቸታ

6 ሃሳፊ ጉዬ፤ ሜሪና ሞንጌላ ሳዓ ቦላ ዴዒያ ካዋቴላ ኡባስ፤ ዜሬላ ኡባስ፤ ያራ ኡባሲኔ ዲማ ዲማ ደና ኡባስ ማርካታናው ሳሎራ ፒራዲያ ሃራ ኪታንቸ ቤዓስ።

7 ህ ኪታንቸይ ባ ቃላ ቶቁ ኦሴዲ፤ «ያሳይ ኣላሚያ ፒርዲያ ሳቲይ ጋኪዳ ጊሾ ያሳስ ያዩቲ፤ ኢያ ቦንቸቲ። ሳሎ፤ ሳዓ፤ ኣባኔ ፑልቶ ሃላ ሜዲዳ ያሳ ጎይኒቲ» ያገሰ።

8 ኮይሮይሳ ካሊዲ ሃራ ናምዓንሉ ኪታንቸይ፤ «ዳሪ ኡባ ቱናኔ ማላያ ሞይኔ ኡሺዳ፤ ጊታ

ባቢሎኔይ ኩንዳሱ! ኩንዳሱ!» ያገዲ ሞሲስ።

9 ሃቡንሉ ኪታንቸይ ኤንታ ካሊዲ፤ ባ ቃላ ቶቁ ኦሴዲ፤ «ደዓኔ ኢያ ሚሲሊያ ጎይኒያ ቃሲ ኢያ ማላ ባ ሶምዖን ሞይኮ ባ ኩሼን ሞላያ ኦኒካ ዴዒያ።

10 ኢ ሃንቆ ፀዓን ኩሚዳ ያሳ ሃንቆ ሞይኒያ ኡያና። ኤንቲ ጌሻ ኪታንቸታ ሲንሳን፤ ደርሳ ሲንሳን ኤዲያ ዲኔ ታማን ሞይታና።

11 ኤንታ ሞያ ጨያይ ሜሪ ሚሪናው ጨዩሼ ዳና። ደዓኔ ኢያ ሚሲሊያ ጎይኒይ ቃሲ ህ ደዓ ሱንላ ማላይ ዴዒያ ኦኒካ ቃማኔ ጋላስ ሸምፖይ ባይና ካዔታና» ያገሰ።

12 ያሳ ኪታ ናጌይሳቲኔ ዬሱሳ ኣማኔቴይሳቲ ጌንጨያ ሚናቴላይ ቆንጨያ ሞይይ ሃሳ።

13 ሃሳፊ ጉዬ፤ «ሃዘፔ ጎዳን ሃይቁይሳቲ ኣንጃቲዳይሳታ» ያገያ ቃላ ሳሎፔ ሲዓስ። ኣያናይ፤ «ኤ ቱማ፤ ኤንታ ኦሶይ ኤንታ ካሊያ ጊሾ ኤንቲ ባንታ ዳቡራፔ ሸምፓና» ያገሰ።

ካሳ ሺሾ ሞዴ

14 ሃሳፊ ጉዬ፤ ቦላ ሻራ ቦላ ኡቲዳ ኣሳ ናዓ ዳይይሳ ቤዓስ። ኢ ባ ሁዒን ሞርቃ ካላቻ ሞላስ፤ ቃሲ ባ ኩሼን ባጫ ኦይኪስ።

15 ሃራ ኪታንቸይ ያሳ ኬላፊ ኬዩዲ፤ ሻራ ቦላ ኡቲዳይሳኮ ባ ቃላ ቶቁ ኦሴዲ፤ «ካሳ ሺሾ ሞዴ ጋኪዳ ጊሾ ኔ ባጫ ዬዳዳ ካሳ ጫካ፤ ሳዓን ዴዒያ ካላይ ጋኪስ» ያገሰ።

16 ያቲን ሻራ ቦላ ኡቲዳይሲ ባ ባጫ ሳዓ ዬዲዲ፤ ሳዓን ዴዒያ ካላ ጫኪስ።

17 ቃሲካ ሳሎን ዴዒያ ያሳ ኬላፊ ሃራ ኪታንቸይ ኬዩስ፤ ኢያውካ ኦሞ ባጨ ዴዔስ።

18 ታማ ቦላ ማቲ ዴዒያ ሃራ ኪታንቸይ ያርሾ ቤሳፊ ኬዩስ። ኢ ባ ቃላ ቶቁ ኦሴዲ ኦሞ ባጫ ኦይኪዳ ኪታንቸዋኮ፤ «ሞይኔ ኣይፊይ ቴሪዳ ጊሾ ኔ ኦሞ ባጫ ዬዳዳ፤ ሳዓን ዴዒያ ሞይኒያፔ ቃንፃ» ያገሰ።

19 ህ ኪታንቸይ ባ ባጫ ዬዲዲ፤ ሳዓን ዴዒያ ሞይኒያፔ ቃንፃዲ፤ ያሳ ጊታ ሃንቁዋ ጉምዒያ ቤሳን ዬገሰ።

20 ኤንቲ ካታማፔ ጋፃን ዴዒያ ሞይኔ ኣይፊ ጉምዒያ ቤሳን ዬዲቲደሶና። ሱላ ሞይኒያ ጉምዒያ ቤሳፊ ኬዩዲ ኢሲ ሙኩሉኔ ኡሱፑን ዪቲ ኪሎ ሚቲሬ ሜላ ሃኪዲ፤ ፓራ ፑሎ ጋኪያ ሜላ ኤሊዲ ቶቁ ገሰ።

15

ወርሴላ ቦሻታ

1 ታኒ ሳሎን ሃራ ጊታኔ ማላሊሲያ ማላታ ቤዓስ። ያሳ ወርሴላ ሃንቁዋ ቆንጨሲያ ላፑን ቦሻታ ኦይኪዳ ላፑን ኪታንቸቲ ዴዖሶና።

2 ቃሲ ታማራ ሞላኬቲዳ ቡርጩኮ ኣባ ዳይይሳ ቤዓስ። ህ ኣባ ጋፃን ደዓ፤ ኢያ ሚሲሊያኔ ኢያ ሱንላ ታይቡዋ ያኒዳይሳታ ቤዓስ። ያሳይ ኤንታው ኢሚዳ ዲላ ኦይኪዲ ኤቁደሶና።

14:1 ሃዘ 9:4፤ ዮ.ቆ 7:3 14:5 ሶፎ 3:13 14:8 ኣሳ 21:9፤ ኤር 51:8፤ ዮ.ቆ 18:2 14:10 ኣሳ 51:17፤ ሜዲ 19:24፤ ሃዘ 38:22 14:11 ኣሳ 34:10 14:14 ዳኔ 7:13-14 14:15 ኣዩ 3:13 14:20 ኣሳ 63:3፤ ኤር.ዜ 1:15፤ ዮ.ቆ 19:15

3 ኤንቲ ያሳ አይሊያ ሙሴ ማዘሙሪያን ደርሳ ማዘሙሪያ ሃይሳዳ ያጊድ ይዘሩ።
 «ጎዳው፣ ኡባሬ ዋለቃማ ያሳው።
 ኔ ኦሪይ ጊታኔ ማላሊሲያባ።
 ዳሬ ኡባ ካዋው።
 ኔ ኦጌይ ደሎኔ ቱማ።
 4 ጌሺ ኔ ያላላ ጊዲያ ጊሾ ጎዳው፣ ኔው ያዮናይኔ ኔ ሱንላ ቦንቸናይ ኦኔ?
 ኔ ደሎ ኦሪይ አሳ ኡባሰ ቆንጮ ጊዲያ ጊሾ ካዋቴሌ ኡባይ ኔ ሲንሌ ዪዲ ጎይናና» ያጊዲ ይዘሩ።
 5 ሃሳሬ ጉዬ፣ ሳሎን ደዬቲዲ ዳዲያ ያሳ ከላ፣ ኢካ ማርካቴላ ዲንካኒያ ቤዓሰ።
 6 ላፑን ቦሻታ ኦይኪዳ ላፑን ኪታንቸቲ ያሳ ከላሬ ከዪደሶና። ኤንቲ ጌሺኔ ጸሊያ ሊኖ ማዖ ማዒደሶና፤ ባንታ ቲራን ዋርቃ ዳንጮ ዳንጪደሶና።
 7 ኦይዲ ማዴቲላታፕ ኢሶይ፣ ማሪናው ዳዲያ ያሳ ሃንቆይ ኩሚዳ ላፑን ዋርቃ ፀ-ዓታ ላፑን ኪታንቸታሰ ኢሚሰ።
 8 ያሳ ቦንቸዋሬኔ ኢያ ዋለቃሬ ዳንደይሳን ያሳ ከላይ ጩያን ኩሚሰ። ላፑን ኪታንቸቲ ኦይኪዳ ላፑን ቦሻቲ ፖሌታና ጋካናው ያሳ ከላ ኦኒካ ጌላናው ዳንዳቢና።

16

ያሳ ሃንቆይ ኩሚዳ ፀ-ዓታ

1 ሃሳሬ ጉዬ፣ ያሳ ከላሬ ላፑን ኪታንቸታኮ፣ «ቢዲ ያሳ ሃንቆዋ ላፑን ፀ-ዓታፕ ሳዓን ጉሲቲ» ያጊዲ፣ ኦይያ ዋለቃማ ቃላ ሲዓሰ።
 2 ኮይር ኪታንቸይ ቢዲ፣ ባ ፀ-ዓን ዳዲያ ሳዓን ጉሲን፣ ደዓ ማላይ ዳዲያ ሳታ ቦላኔ ኢያ ሚሲሊያ ጎይኒዳይሳታ ቦላ ኢታኔ ዛሚያ ማዲንሌ ከዪሰ።
 3 ናምዓንላ ኪታንቸይ ባ ፀ-ዓን ዳዲያ ሳዓን ጉሲን፣ አባይ ሃይቁዳ አሳ ሱሌ ዳኒሰ። ቃሲ አባን ዳዲያ ማዴቲላ ኡባይ ሃይቁሰ።
 4 ሃሻንላ ኪታንቸይ ባ ፀ-ዓን ዳዲያ ሳዓን ጉሲን፣ ሃላቲ ሱሌ ጊዲደሶና።
 5 ሃሳሬ ጉዬ፣ ሃላ ቦላ ማቲ ዳዲያ ኪታንቸይ ሃይሳዳ ያጊሺን ሲዓሰ።
 «ሃዒካ ቤኒካ ዳዲያ ጌሻው፣ ሃይሳዳ ኔ ፐርዲዳ ጊሾ ኔኒ ደሎ።
 6 ኤንቲ ጌሻታ ሱላኔ ናቤታ ሱላ ጉሲዳ ጊሾ ኤንቲ ሱላ ኡያና ማላ ኦላዳሳ። ኤንቲ ባንታው ቤሲያባ ኤኪደሶና» ያጊሰ።
 7 ያርሾ ቤሳሬ፣ «ጎዳው፣ ኡባሬ ዋለቃማ ያሳው፣ ኔ ፐርዲይ ቱማኔ ደሎ» ያጊያ ቃላ ሲዓሰ።

8 ኦይዳንላ ኪታንቸይ ባ ፀ-ዓን ዳዲያ ሳዓን ጉሲን፣ አዋይ ባ ሱላን አሳ ፀ-ጋና ማላ አዋሰ ዋለቁ ኢሚቲሰ።
 9 አሳይ ዋለቃማ ሱላን ፀ-ጌቲዲ፣ ሄ ቦሻታ ቦላ ማቲ ዳዲያ ያሳ ሱንላ ባዲደሶና፤ ባንታ ናጋራፕ ሲሚዲ ያሳ ቦንቸቦኮና።
 10 ኢቻሻንላ ኪታንቸይ ባ ፀ-ዓን ዳዲያ ሳዓን አራታ ቦላ ጉሲን፣ ሄ ደዓ ካዋቴላይ ቋሚሰ። አሳይ ኡንዓ ጊሾ ባንታ ኢንግርሳ ሳዮሶና።
 11 ቃሲ አሳይ ኡንዓ ጊሾኔ ማዲንላ ጊሾ ሳሎ ያሳ ባዲደሶና፤ ባንታ ኦሊዳ ናጋራፕ ሲሚቦኮና።
 12 ኡሱፑንላ ኪታንቸይ ባ ፀ-ዓን ዳዲያ ሳዓን ጊታ ኤሬራዲሴ ሻፋን ጉሲን፣ ደሎሃ ባጋሬ ያና ካዋታሰ ኦጌይ ጊጋና ማላ ሃላይ ማሊሰ።
 13 ሃሳሬ ጉዬ፣ ሾጴ ዳኒያ ሃሽ- ቱና አያናቲ ዳዊያ ደናፕ፣ ደዓ ደናፕኔ ዋርዶ ናቢያ ደናፕ ከዪሺን ቤዓሰ።
 14 ኤንቲ ማላታታ ኦሊያ ቱና አያናታ። ሄ ሃሽ- ቱና አያናቲ ኡባሬ ዋለቃማ ያሳ ጊታ ጋላሳን ሃናናው ዳዲያ ኦላሰ ሺሻናው አላሜ ካዋታ ኡባኮ ባና።
 15 «ሄኮ፣ ታ ካይሶዳ ያና! አሳ ሲንላን ካሎቶናዲኔ ዪላቶናዳ ባርኪዲ፣ ባ ማዑዋ ናጊያ ኡራይ አንጄቲዳይሳ!» ያጊሰ።
 16 ሄ ቱና አያናቲ ካዋታ ኢብራይሰኔ ደናን አርማጌዶኔ ጊያ ቤሳን ሺሺደሶና።
 17 ላፑንላ ኪታንቸይ ባ ፀ-ዓን ዳዲያ ሳዓን ጌርኮ ቦላ ጉሲን፣ ያሳ ከላን ዳዲያ አራታፕ፣ «ፖሌቲሰ» ያጊያ ዋለቃማ ቃላይ ዪሰ።
 18 ሃሳሬ ዋለቃማ ዋለቃማ ሳዳይ ቋቁሰ፣ ቢታይ ቃይሰ። አሲ ሳዓን ማዴቲላፕ ቢቲ ሃሳ ማላ ቃዖ ቃይቤና። ሃሲ ኡባሬ አዲዳ ቃዖ።
 19 ጊታ ካታማይ ሃሽ- ከዪዲ ሻኬቲሰ፤ ቢታ ኡባን ዳዲያ ካታማቲ ቋዪደሶና። ያሳይ ጊታ ካታማ ባቢሎኔ ቆፒዲ፣ ባ ኢታ ሃንቆ ዋይኔ ኡሻይ ኩሚዳ ፀ-ዓ ኢው ኢሚሰ።
 20 ሃላን ቱቁቲዳ ቢታቲ ቋዪደሶና፤ ዳሬቲካ ቤንቲቦኮና።
 21 አሳ ቦላ ኦይታማኔ ኢቻሾ ከሎ ጊራሜ ማላ ዳዲያ ዋለቃማ ሻቲ ሳሎፕ ቡኪሰ። ቦሻይ ዳር ኢታ ጊዲያ ጊሾ አሳይ ሻቻ ቦሻ ጊሾ ያሳ ባዲደሶና።

17

ጊታ ላይማቲያ ማጫሰው

1 ላፑን ፀ-ዓታ ኦይኪዳ ላፑን ኪታንቸታፕ ኢሶይ ታኮ ዪዲ፣ «ሃያ፤ ዳር ሃላታ ቦላ ኡቲዳ ጊታ ላይማቲያ ማጫሰ ቦላ ያናው ዳዲያ ፐርዳ ታ ኔና ቤሳና።
 2 አላሚያ ካዋቲ ኢራ ላይማቲደሶና፤ አላሚን ዳዲያ አሳይካ ኢ ላይማቲላ ዋይኒያ ኡዪዲ ማላቲደሶና» ያጊሰ።
 3 ሄ ኪታንቸይ ታና ጌሻ አያናን ባዞ ቢታ ኤፊሰ። ያን ኢሲ ማጫሰያ ጫሻ ሱንላይ ኢ

15:3 ከሳ 15:1 15:4 ኤር 10:7፤ ማዘ 86:9 15:5 ከሳ 38:21 15:8 ከሳ 40:34፤ 1ካዖ 8:10 16:2 ከሳ 9:10 16:4 ከሳ 7:17 16:5 ከሳ 3:14 16:10 ከሳ 10:21 16:12 አሳ 11:15 16:15 ማቶ 24:43
 16:16 2ካዖ 23:29፤ ዛካ 12:11 16:18 ዮ.ቆ 8:5፤ 11:13 16:19 አሳ 51:17 16:20 ዮ.ቆ 6:14 16:21 ከሳ 9:23 17:1 ኤር 51:13 17:2 አሳ 23:17፤ ኤር 51:7 17:3 ዮ.ቆ 13:1

18

ቦላ ኡባን ፃፊቲዲ ኡቲዳ፣ ዘዎ ደዓ ቶጊዳር ቤዓሰ፤ ሄ ደዓሰ ላቸን ሁዔይይ ታሙ ካጩይ ደዓሰ።

4 ሄ ማጩሲያ ካሎሴ ማዖኔ ዘዎ ማዖ ማዓሱ፤ ኢያ ዋርቃን፣ ቦንቾ ሹቻኒኔ ኢንቆ ጊያ አልዎ ሹቻን አሌቁታሱ። ኢያ ባ ኩሼን ቦርሲያባኔ ላይማቴላ ቱናቴላን ኩሚዳ ዋርቃ ፀ-ዓ ኦይካሱ።

5 ኢ ሶምዖን ፀ-ራ ኦሶ ቢርሼላይ ደዓሲ ሱንላይ፣ «ጊታ ባቢሎኔይ፣ ላይማቴላሲኔ ሳዓን ደዓሲ ቱናባ ኡባሰ አዮ» ያጊያ ፀ-ፊይ ፃፊቲዲ ኡቲሰ።

6 ቃሲ ሄ ማጩሲያ ጌሻታ ሱላኔ ዩሱሳሰ ማርካቲሼ ሃይቁዳይሳታ ሱላ ኡያዳ ማላቲዳር ታ ቤዓዳ ማላሌታሰ።

7 ኪታንቾይ ታኮ፣ «ኔኒ አይሰ ማላሌታይ? ታኒ ኔው ማጩሴ ፀ-ራኔ ኢያ ቶኪዳ ላቸን ሁዔይይ ታሙ ካጩይ ደዓሲ ደዓ ፀ-ራ ኦዳና።

8 ኔኒ ቤዒዳ ደዓይ ኮይሮ ደዓሰ፣ ሺን ሃዒ ባዋ። ሄ ደዓይ ጨዋ ኦላፊ ኬዱዲ ጳዮሰ ባና። ሳዓይ ሜዴቶሳፔ ደሚዲ፣ ደዎ ማፃፋን ኤንታ ሱንላይ ፃፊቲቦና ሳዓን ደዓሲ አሳይ ደዓ ቤዒዲ ማላሌታና። ሂዛ፣ ኢ ካሴ ደዓሰ፤ ሃዒ ባዋ፣ ሺን ሲንላፊ ያና።

9 «ሃይሲ ጨንጫቴላኔ አኮካ ኮዬሰ። ላቸን ሁዔቲ ማጩሲያ ኡቲያ ላቸን ዴሬታ፤ ሃሳቲ ቃሲ ላቸን ካዎታ።

10 ኤንታፊ ኢቻሹ ካዎቲ ኩንዲደሶና። ኢሶይ ሃዒ ጋካናው ሃሬሰ፤ ሃንኮ ካዎይ ዪቤና። ኢ ዪዲ ጉላ ዋዴ ታካናው ቤሴሰ።

11 ሲንሴ ደዓዳ ደዓይ፣ ሃዒ ባይናይሲ፣ ኢ ባ ሁዔን ሆሰቸንላ ደዓ። ኢ ላቸን ደዓታፔ ኢሱዋ፤ ኢ ጳያናው ቤሰ።

12 ኔኒ ቤዒዳ ታሙ ካጩቲ ሃሮ ደሚቦና ታሙ ካዎታ። ሺን ኤንቲ ደዓራ ኢሲፊ ኢሲ ሳቲ ካዎቲዲ ሃራናው ኤንታው ማቲ ኢሜታና።

13 ኤንታ ኡባሰ ኢሲ ቆፋይ ደዓሰ፤ ኤንቲ ባንታ ዋልቃኔ ባንታ ማታ ደዓሰ ኢማና።

14 ኤንቲ ደርሳራ ኦሌታና፣ ሺን ደርሳይ ጎዳታ ጎዳኔ ካዎታ ካዎ ጊዲያ ጊሾ ኢ ዪጊዳይሳቲ፣ ደራዳይሳቲኔ አማኔቲዳይሳቲ ሄ ካዎታ ያናና» ያጊሰ።

15 ኪታንቾይ ቃሲካ ታኮ፣ «ላይማቴያራ ኡቲዳ ሄ ኔኒ ቤዒዳ ሃላቲ ያራታ፣ ካዎቴላታ፣ ዜሬላታኔ ዲማ ዲማ ደናን ኦዴቲይሳታ።

16 ቃሲ ኔኒ ቤዒዳ ታሙ ካጩይይ ደዓይ ላይማቴያሮ ኢፃና። ኤንቲ ኢው ደዓሲ ኡባባ ኤካና። ቃሲ ኢዮ ካሎ አሻናኔ ኢ አሹዋ ሚዲጋና፤ ያቲዲ ኤንቲ ኢዮ ታማን ፀ-ጋና።

17 ሂዛ፣ ያሳ ቃላይ ፖሌታና ጋካናው ኤንታ ቆፋይ ኢሲኖ ጊዳና ሜላ ኤንቲ ባንታ አይሲያ ዋልቃ ደዓሰ አማናዳኔ ያሳይ ቆፒዳይሳ ኤንቲ ኦላናዳ ኤንታ ዋዛናን ያሳይ አዋ ዋሊሰ።

18 ሄ ኔኒ ቤዒዳ ማጩሲያ ሳዓ ካዎታ ሃሪያ ጊታ ካታሚው» ያጊሰ።

ባቢሎኔ ኩንዳላ

1 ያቲዲ፣ ጊታ ማቲ ደዓሲ ሃራ ኪታንቾይ ሳሎፔ ዋዲሺን ታ ቤዓሰ። ሄ ኪታንቾዋ ቦንቾይ ሳዓ ፖሲሲሰ።

2 ሄ ኪታንቾይ ባ ቃላ ጶቁ አሊዲ፣ «ኢያ ኩንዳሱ! ጊታ ባቢሎኔይ ኩንዳሱ! ባቢሎኔይ ቱና አያናቲ አቁያ ቤሲ ጊዳሱ። ዲማ ዲማ ኢታባታሰ ኬሌ ጊዳሱ፤ ቱና ካፎቲኔ ደዓቲ ሹምፒያ ቤሲ ጊዳሱ።

3 አሳ ዜሬላ ኡባ ባ ላይማቴላ ዋይኒያ ኡሻሱ። ሳዓ ካዎቲ ኢራ ላይማቴደሶና።

ኢ ሚኮቴላፊ ዳንደይሳን ቢታን ደዓሲ ዛልዓንቾቲ ዲሬቲደሶና» ያጊሰ።

4 ሄሳፊ ጉዬ፣ ታ ሳሎፔ ሃይሳዳ ያጊያ ሃራ ቃላ ሰዓሰ።

«ኢ ናጋራ ኢራ ኮዖና ሜላኔ፣ ኢያ ኤካናው ደዓሲ ሴራ ሂንቲ ኤኮና ሜላ፣ ታ ዳሪያው ኢፔ ኬዱቴ።

5 ሂዛ፣ ኢ ናጋራይ ሳሎ ጋካናው ደሬቲሰ። ያሳይ ኢ ናቁዋ አኬሲሰ።

6 ኢያ ኢሚዳይሳ ሜላ ዛሪዲ ኢው ኢሚቲ። ኢያ ኦሊዳ ኦሱዋሰ ናምዑ ኩሼ ኢው ዛሪቲ።

ኢያ ጊሲሲዳ ኡሻ ቦላ ሂንቲ ናምዑ ኩሼ ማላያ ኡሻ ኢ ፀ-ዓን ኩንሳቲ።

7 ኢያ ቦንቾቲዳይሳዳኔ ኢው ኢንጃቲዳይሳ ሜላ፣ ኢዮ ሜቶላቲኔ ካዮዪቴ።

ኢያ ባ ዋዛና፣ «ታኒ ካዎዳ ኡታሰ፤ ታ አዚኒ ባይና ማጩሰ ጊዲኬ፤ ታኒ ኡባካ ካዮቲኬ» ያጋሱ።

8 ሄሳ ጊሾ፣ ቦሻ ኡባይ፣ ሃርጌይ፣ ካዮይኔ ኮሺ ኢዮ ኢሲ ጋላሰ ኦይካና።

ቃሲ ኢያ ታማን ፀ-ጌታና፤ አይሰ ጊኮ፣ ኢ ቦላ ፐርዲያ ያሳይ ዋልቃማ» ያጊሰ።

9 «ኢራ ላይማቴዳይሳቲኔ ኢ ሚኮቴላን ደዓሲዳ፣ አላሚያ ካዎቲ ሄ ካታሚያ ፀ-ጌቲን ኬያ ጨያ ቤዒዳ ዋዴ ኢው ዋሲዲ ዬካና።

10 ኤንቲ ሄ ካታሚ ዋያ ቤዒዲ ያዩዳ ጊሾ ሃኪ ኤቁዲ፣ «ሃ ጊታ ካታሚ! ዋልቃማ ካታሚ! ባቢሎኔ፣ ኔና አዬ!

ኔኒ ኢሲ ሳቲ ጊደን ኔ ፐርዳ ኤካዳሳ» ያጋና።

11 «ኤንታ ማርካቢያ ጫና ሂዛፔ ሻሚያ አሲ ባይና ጊሾ ሳዓን ደዓሲ ዛልዓንቾቲ ሄ ካታሚሰ ዋሳና ካዮታና።

12 ኤንታ ዋርቃ፣ ቢራ፣ ቦንቾ ሹቻ፣ ኢንቆ ጊያ አልዎ ሹቻ፣ ካሎሴ ማዖ፣ ሊኖ ማዖ፣ ሃሪ ማዖ፣

17:4 ኤር 51:7 17:8 ዳኔ 7:7፤ ዮ.ቆ 11:7፤ ማዝ 69:28 17:12 ዳኔ 7:24 18:2 ኢሳ 21:9፤ ኤር 51:8፤ ዮ.ቆ 14:8፤ ኢሳ 13:21፤ ኤር 50:39 18:3 ኢሳ 23:17፤ ኤር 51:7 18:5 ሜዴ 18:20 18:6 ማዝ 137:8፤ ኤር 50:29 18:8 ኢሳ 47:7-9 18:9 ሂዘ 26:16-17 18:11 ሂዘ 27:31 18:12 ሂዘ 27:12፣ 13፣ 22

ዘዎ ማዎ፣ ዲማ ዲማ ሳዎ ማላ፣ ዛሌ፣ አልዎ ማላ፣ ናሴ ቢራታ፣ ጎሌ ሹቸ፣

13 ቃራፋ፣ ቁማማ፣ ኢፃ፣ ካርቤ፣ ሹቸ፣ ዋይ፣ ዛይ፣ ሊቆ ጳሌ፣ ገሰ፣ ማሃ፣ ደርሴ፣ ፓራ፣ ፓራ ጋራ፣ አይሌታኔ ሃራ አሳታ ሻሚያ ኦኒካ ባዋ።

14 «ዘልዓንቸቲ ማጫሴኮ፣ ሳኒ አሞቲዳ ሎዎባ ኡባይ ኔፔ ጳይሰ። ኔ አቆይኔ አሌቁቲዳባ ኡባይ ኔፔ ሃኪሰ። ኔኒ ዛራዳ ኤንታ ኡባ ዳማካ) ያገደሰና።

15 ሄ ካታማን ዘልዒዲ ዲሬቲዳ ዘልዓንቸቲ ኢ ማቲዋ ባቢዲ ኢፔ ሃኪዲ ኤቃና። ኤንቲ ዩካና ካዮታና።

16 ቃሲ፣ ለሎ ማዎ፣ ካሎሴ ማዎን ዘዎ ማዎ ማዎዳ፣ ዋርቃን፣ ቦንቸ ሹቸኒ ኢንቆ ገያ አልዎ ሹቸን አሌቁቲዳ፣ ሄ ገታ ካታማሰ አዩ!

17 ሃይሳ ማላ ገታ ሻሎ ኡባይ ኢሲ ሳቲ ገደን ጳይሰ) ያገደሰና።

«ማርካቢያ ላገያ ኡባይ፣ ማርካቢያን ቢያ ኡባይ፣ ማርካቢያ ቦላ ኦሊያ ኡባይ ኣባን ዘልዒያ ኡባይ ሃኪ ኤቁደሰና።

18 ሄ ካታማያ ፀጌቲን ኬያ ጩያ ቤዒዳ ዋዴ ሃ ገታ ካታማው ዳኒያ ሃራ ካታማ ዳዒሻ?) ያገደሰና።

19 ኢንቲ ባንታ ሁዔን ባና ቆሊዲ፣ ዋሲደሰና ካዮቲደሰና። ለሳ ቦላ ማርካቤቲ ዳዒያ ኡባይ፣ ኢ ሻሎዋን ዲሬቲዳ ኡባይ፣ ሄ ካታማያ ኢሲ ሳቲን ጳዩዳ ገሾ አዩ! አዩ!

20 ሳሎዋው፣ ኢ ጳዩዋን ኡፋይታ! ጌሻቶ፣ ሃዋራቶ፣ ናቤቶ፣ ያሳይ ሃንቲ ገሾ ኢ ቦላ ፐርዲዳ ገሾ ኡፋይቲቲ።» ያገደሰና።»

21 ያቲን፣ ማሎ ኪታንቸይ ዋዳ ዳኒያ ገታ ሹቸ ዳንሊዲ አባን ሆሊሹ፣ «ገታ ካታማያ ባቢሎኔይ ዋልቃን ሆሊታዳ ሃይሳዳ ኩንዳና፣ ኢያ ሃቸሬ ጉዬ ኡባካ ቤንቲኩ።

22 ዲሊ ዲጃይሳቲ፣ ዩጃይሳቲ፣ ሱሱልዔኔ ዋይዜ ፑኔይሳቲ፣ ሂዛፔ ጉዬ ኔ ገደን ኡባካ ሲዔቶኮና። አይ ኮቻ ዘልዔ ዘልዒያ አሲካ ኔ ገደን ቤንቲና። ዋዳ ገርሲ ሂዛፔ ጉዬ ኔ ገደን ሲዔቲና።

23 ያምፔ ፖዎይ ዛራዲ ኔ ገደን ፖዔና። ማቸ ኤኬይሳኔ አዚና ጌሊያሪ ቃሊ ሂዛፔ ጉዬ ኔ ገደን ሲዔቲና። ኔ ዘልዓንቸቲ ቢታ ኡባን ኤሬቲዳ ዋልቃማታ። ኔ ቢታን ካዎቲላታ ኡባ ጨማዳሳ» ያገሰ።

24 ናቤታ ሱላይ፣ ጌሻታ ሱላይኔ ቢታ ቦላ ሃይቂዳ አሳ ኡባ ሱላይ ኢ ገደን ቤንቲዳ ገሾ ባቢሎኔይ ፐርዳታሱ።

19

1 ያቲን፣ ሳሎን ዳር አሳይ፣ «የሳይ ጋላቲቶ! አቶቲላይ፣ ቦንቸይኔ ዋልቃይ ኩ ያሳሰ ገደ።

2 ኢያ ፐርዲይ ቱማኔ ዲሎ። ሳዒ ቱኒሲዳ ኢታ ላይሚው ያሳይ ፐርዲሰ።

የሳይ ባ አይሌታ ሱላ ኢፔ አቸሰ» ያገሰ። ሲዓሰ።

3 ሄ አሳይ ዛራዲ ባንታ ቃላ ጴቁ ኦሊዲ፣ «የሳ ጋላቲ ጋኮ። ሄ ካታማያ ማሪናው ጨያሽ ዳና» ያገደሰና።

4 ላታማኔ አይዲ ጨማቲኔ ዳዎን ዳዒያ አይዲ ማዴቲላቲ አራታን ኡቲዳ ያሳሰ ጉፋኒዲ፣ «አማንዒ! ያሳ ጋላቲ ጋኮ» ያገዲ ጎይኒደሰና።

5 ያቲን፣ «የሳ አይሌቲ፣ ያሴ ያያ ጉሊኔ ገቲ ኡባይ፣ ኩ ያሳ ጋላቲቲ» ያገያ ቃላይ አራታፔ ኬዩሰ።

6 ያቲን፣ ዳር አሳዳ ዋጫሚያ፣ ዋልቃማ ሻፋዳ ጉሚያ፣ ዳዳዳ ዳቸያ ገርሳይ፣ «የሳ ጋላቲ ጋኮ፤ ኩ ጎዳይ፣ ኡባሬ ዋልቃማ ያሳይ ካዎቲሰ።

7 ዳርሳ ያጋናይ ጋኪዳ ገሾኔ ኢያ ጌሊያራ ገሊዳ ገሾ ኩ ኡፋይቶሰ፣ ጋላቶሲኔ ደርሳ ቦንቸሰ።

8 ጌሎሰ ገሊዳራ ጸሊያኔ ጌሽ ገዲዳ ሊኖ ማዎ ማዎና ማላ ኢው ኢማቲሰ» ያገሰ። (ሊኖ ማዎይ ጌሻታ ዲሎ ኦሶ ሊሚሰ።)

9 ሃሳሬ ጉዬ፣ ኪታንቸይ ታኮ፣ «ደርሳ ያጋኑዋ ጭቲዳይሳቲ አንጃቲዳይሳታ» ጋዳ ዓፋ። ሄ ኪታንቸይ ጉጂዲ፣ «ሃይሲ ያሳ ቱማ ቃላ» ያገሰ።

10 ሄ ዋዴ ታ ኢያ ጎይናናው ኢያ ቶሁዋ ቦላ ኩንዳሰ። ሺን ኢ፣ «ሃሳ አላፋ! ታኒ ዩሱሳባ ማርካቲያ ኔ ማላኔ ኔ ኢሻታ ማላ። ኔ ያሳ ጎይና» ያገሰ። ሂዛ፣ ዩሱሳባ ማርካቲዳይሳታሰ ናቤቲላ አያኒ ዳዔሰ።

ቦላ ፓራ ቶጊዳይሳ

11 ያቲን፣ ሳሎይ ደዬቲን፣ ያን ቦላ ፓሪ ዳዔይሳ ቤዓሰ። ሄ ፓራ ቶጊዳይሲ አማኔቲዳይሳኔ ቱማንቸ ጌቲቲሰ። ኢ ዲሎቲላን ፐርዳሲኔ ኦሌቲሰ።

12 ኢያ አይሬይ ታማ ላጮ ዳኔሰ፤ ኢያ ሁዔን ዳር ካላቸ ዳዔሰ። ኢያ ቦላ ኢ አቲን ሃሪ ኦኒካ ኤርና ዓሬቲዳ ሱንሊ ዳዔሰ።

13 ኢ ሱላን ሙኬቲዳ ማዎ ማዒሰ፤ ኢያ ሱንላይካ ያሳ ቃላ።

18:15 ሂዛ 27:31 18:17 ኢሳ 23:14፤ ሂዛ 27:26 18:18 ሂዛ 27:32 18:20 ሂዛ 27:30፤ ዛሬ 32:43፤ ኤር 51:48 18:21 ኤር 51:63 18:22 ኢሳ 24:8፤ ሂዛ 26:13 18:22 ኤር 7:34፤ 25:10 18:24 ኤር 51:49 19:2 ዛሬ 32:43፤ 2ካዎ 9:7 19:3 ኢሳ 34:10 19:5 ማዛ 115:13 19:6 ሂዛ 1:24፤ ማዛ 93:1፤ 97:1፤ 99:1 19:9 ማቶ 22:2 19:11 ሂዛ 1:1 19:12 ዳኔ 10:6

14 ጳጳሩን ገሽ ገዲዳ ለኖ ማዕ ማዕዲ ሳሎ ኦላንቸቲ ቦላ ፓራታ ቶጊዲ ኢያ ገደ ካሎሶና።

15 ካዎቲላታ ቃንጂያ ማሽ ኢያ ደናፔ ኬዬሰ። ኢ ቢራታ ማዕዲን አሳ ሃራና። ኡባፌ ዋልቃማ ያሳ ሃንቆ ዋይኔ ኡሻ ጉምዒያ ቤሳ ኢ ዬቆና።

16 ኢያ ማዕ-ዋ ቦላኔ ኢያ ዋዲሪያ ቦላ። «ካዎታ ካወዋኔ ጎዳታ ጎዳ» ያገያ ሱንሳይ ፃፊቲሰ።

17 ሄሳፌ ጉዬ፣ ኢሲ ኪታንቸይ አዋ ቦላ ኤቁዳይሳ ቤዓሰ። ሄ ኪታንቸይ ሳሎራ ፕራጂያ ካፎ ኡባሰ ባ ቃላ ቶቁ ኦሊዲ፣ «ሃ ዪቴ! ያሳ ገቢራ ማናው ኢሲ ቤሲ ሽቁቲ።

18 ዪዲ ካዎታ አሹዋ፣ ሻላቃታ አሹዋ፣ ዋታዳሬታ አሹዋ፣ ፓራታ አሹዋ፣ ፓራታ ቶጊይሳታ አሹዋ፣ አሳ ኡባ አሹዋ፣ አይሌታ አሹዋ፣ ዋማናታ አሹዋ፣ ገታታኔ ጉላታ አሹዋ ሚቲ» ያገሰ።

19 ደዓይ፣ ፓራ ቶጊዳይሳራኔ ኢያ ኦላንቸታራ ኦሌታናው ሳዓ ካዎቲኔ ኤንታ ኦላንቸቲ ኢሲ ቤሲ ሽቁዳሽን ቤዓሰ።

20 ሺን ሄ ደዓይኔ ኢያ ሱንሳን ማላታታ ኦሊዳ ዋርዶ ናቤይ ኢያራ ኢሲፌ ኦይኬቲሰ። ሄ ማላታታን ደዓ ማላይ ዴዔይሳታኔ ኢያ ሚሲሊያ ጎይኔይሳታ ኢ ባሌሊሰ። ደዓይኔ ዋርዶ ናቤይ ናምዓይካ ዲኔን ኤጂያ ታማ አባን ፓፃ ዬጌቲዶሶና።

21 አቲዳይሳቲ ፓራ ቶጊዳይሳ ደናፔ ኬያ ማሻን ሃይቁዶሶና። ካፎቲ ኡባይ ኤንታ አሹዋ ሚዲ ካሊዶሶና።

20

ሙኩሉ ላይሊ

1 ዛዊ ባይና ኦላ ቁልፒያኔ ገታ ሳንላላታ ባ ኩሼን ኦይኪዳ ኢሲ ኪታንቸይ ሳሎፔ ዋጂሽን ቤዓሰ።

2 ኢ ዳዊያ ኦይኪዳ ሙኩሉ ላይሊሰ ቃቸሰ። ሄ ዳዊይ ኮይሮ ሾሻ፣ ደቡሎሳ ዋይኮ ፃላሄ።

3 ኪታንቸይ ዛዊ ባይና ኦላን ኢያ ዬጊዲ፣ ሙኩሉ ላይሊ ወራና ጋካናው ካዎቲላታ ዛሪ ባሌሶና ሚላ ቁልፔን ጎርዲዲ አታሚሰ። ሄሳፌ ጉዬ፣ ዳዊይ ጉላ ዋደሰ ቢሌታናው ቤሴሰ።

4 ሄሳፌ ጉዬ፣ አራታታኔ አራታታ ቦላ ኡቲዲ ፕርዳና ሚላ ማቲ አሚቲዳይሳታ ቤዓሰ። ዬሱሳሰ ማርካቲዳ ገሽኔ ያሳ ቃላ ኦዲዳ ገሾ ባንታ ቆጂያ ጎይሬቲዳ አሳ ሽምፑዋ ቤዓሰ። ኤንቲ ደዓ ዋይኮ ደዓ ሚሲሊያ ጎይኒቦኮና። ኤንቲ ደዓ ማላ ባንታ ሶምዖን ዋይኮ ባንታ ኩሼን ዋሊቦኮና። ኤንቲ ሃይቆፔ ዳንዲዲ ኪሪሰቶሳራ ኢሲፌ ሙኩሉ ላይሊ ሃሪዶሶና።

5 ሃይሲ ኮይሮ ዳንዲዳ፣ አቲዳ ሃንኮ ሃይቁዳይሳቲ ሙኩሉ ላይሊ ወራና ጋካናው ሃይቆፔ ዳንዲቦኮና።

6 ኮይሮ ዳንዲዳ ስቃይ ዳዔይሳቲ አንጃቲዳይሳታኔ ገሻታ። ኤንታ ቦላ ናምዓንሶ

ሃይቁዋሰ ዋልቁ ባዎ። ኤንቲ ያሳሲኔ ኪሪሰቶሳሰ ካሂኔ ገዳና፤ ኢያራ ኢሲፌ ሙኩሉ ላይሊ ሃራና።

ፃላሄያ ያኔቲላ

7 ሙኩሉ ላይሊ ወራዳፔ ጉዬ ፃላሄይ ቃሾፕ ቢሌታና።

8 ኢ ሳዓ ጋፃፔ ጋፃ ጋካናው ዳዔያ ካዎቲላታ፣ ኤንቲካ፣ ጎጌኔ ማጎጌ ጌቲቲይሳታ ባሌሊዲ ኦላሰ ሽሻናው ኬያና። ኤንታ ፓይዶይ አባ ጋፃን ዳዔያ ሻፌ ሚላ።

9 ኤንቲ ቢታ ኡባን ላሌቲዲ፣ ጌሻታ ሄራኔ ያሳይ ደሲያ ካታማ ቲቁዶሶና። ሺን ታሚ ሳሎፔ ዋጂዲ ኤንታና ሚሰ።

10 ኤንታ ባሌሊዳ ፃላሄይ፣ ደዓይኔ ዋርዶ ናቤይ ዬጌቲዳ ኤጂያ ዲኔ ታማ አባን ዬጌቲሰ። ኤንቲ ቃማኔ ጋላሰ ሚሪናው ፓፃ ካዔታና።

ወርሴላ ፕርዳ

11 ሄሳፌ ጉዬ፣ ገታ ቦላ አራታ ቦላ ኡቲዳይሳ ቤዓሰ። ሳዔኔ ሳሎይ ኢያ ሲንሳፌ ባቃቲዶሶና፤ ኤንቲ ዛሪ ቤንቲቦኮና።

12 ሃይቁዳይሳቲ፣ ገታቲኔ ጉላቲ አራታ ሲንሳን ኤቁዳይሳታ ቤዓሰ፤ ማፃፋቲ ደዬቲዶሶና፤ ቃሲ ዴዖ ማፃፋ ገዲዳ ሃራ ማፃፊ ደዬቲሰ። ሃይቁዳይሳቲ ማፃፋን ፃፊቲዳ ባንታ ኡሱዋዳ ፕርዳ ኤኪዶሶና።

13 አባይ ባ ገደን ዳዔያ ሃይቁዳይሳታ አሚሰ፤ ሃይቆይኔ ሲያሌይ ባንታ ገደን ዳዔያ ሃይቁዳይሳታ አሚዶሶና። ኢሲ ኢሲ አሲ ባ ኡሱዋዳ ፕርዳ ኤኪሰ።

14 ያቲን፣ ሃይቆይኔ ሲያሌይ ታማ አባን ዬጌቲዶሶና። ሄ ታማ አባይ ናምዓንሶ ሃይቆ።

15 ዴዖ ማፃፋን ኢያ ሱንሳይ ፃፊቲቦና ኦኒካ ታማ አባን ዬጌቲሰ።

21

ኦራሳ ሳሎኔ ኦራሳ ሳዓ

1 ታኒ ኦራሳ ሳሎኔ ኦራሳ ሳዓ ቤዓሰ። ኮይሮ ሳሎይኔ ኮይሮ ሳዓይ ጳይሰ፤ አባይካ ጳይሰ።

2 ጌሻ ካታሚያ፣ ኦራሳ ዬራሳላሚይ፣ አዚና ጌላናው አሌቁታዳ ገጋዳ ዳዔያ ማጫሳዳ ሳሎፔ ያሳ ማታፔ ዲጌ ዋጂሽን ቤዓሰ።

3 አራታፔ ሃይሳዳ ያገዲ፣ ኦዲያ ገታ ቃላ ሲዓሰ፤ «ያሳ ኬላይ አሳራ ዳዔሰ፤ ያሳይ ባ ቦንቸዋራ አሳራ ኢሲፌ ዳና። ኤንቲ ኢያ ዳሬ ገዳና፤ ያሳይ ባ ሁዔን ኤንታራ ዳና፤ ኢ ኤንታ ያሳ ገዳና።

4 ያሳይ ኤንታ አይፌፔ አፋላ ኡባ ቁቻና። ሄዛፔ ሃይቆይ ዋይኮ ካዮይ ዋይኮ ዋሶይ ዋይኮ ዋዬይ ዳና። ጋልዓ ኡባይ አጂሰ» ያገሰ።

5 አራታ ቦላ ኡቲዳይሰ፣ «ታኒ ኡባ ኦራሊ ኦላና» ያገሰ። ቃሲ ዛሪዲ ታኮ፣ «ታኒ ኦይይሲ አማንሌይሳኔ ቱማ ገዲያ ገሾ ፃፋ» ያገሰ።

19:15 ማዘ 2:9፤ አሳ 63:3፤ እዩ 3:13፤ ዮ.ቆ 14:20 19:17 ሂዝ 39:17-20 19:20 ዮ.ቆ 13:1-18 20:2 ሚጲ 3:1 20:4 ዳኔ 7:9 20:8 ሂዝ 38:2 20:11 ዳኔ 7:9-10 21:1 አሳ 65:17፤ 66:22፤ 2ጸጂ 3:13 21:2 አሳ 52:1፤ ዮ.ቆ 3:12፤ አሳ 61:10 21:3 ሂዝ 37:27፤ ለዌ 26:11 21:4 አሳ 25:8፤ አሳ 35:10፤ 65:19 21:6 አሳ 55:1 21:7 2ሳሙ 7:14፤ ማዘ 89:26

6 ቃሲ ታኮ፡ «ፖሊቲስ! ታኒ ኣልፋኔ ኦሚጋ፤ ደሚሳኔ ፖሎ። ሳምቲዳ ኦናካ ዴዎ ሃላ ፑልቲዎፊ ጠጊ ባይና ጮ ኡሻና።

7 ያኒያ ኦኒካ ሄሳ ኡባ ላታና፤ ታኒ ኢያው ያሳ ጊዳና፤ ኢካ ታ ናሳ ጊዳና።

8 ሺን ያሻንቸታ፡ ኣማኔቶናይሳታ፡ ቱናታ፡ ሸምፖ ዎዴይሳታ፡ ላይማቴይሳታ፡ ቢቴይሳታ፡ ኤቃ ጎይኔይሳታን ዎርዳንቸታ ቃዳይ ዲኔይ ኤዲያ ታማ ኣባን ጊዳና። ሄሲ ናምዓንላ ሃይቆ» ያጊሰ።

9 ላፑን ወርሴላ ቦሻቲ ኩሚዳ ላፑን ፀዓታ ኦይኪዳ ላፑን ኪታንቸታ፤ ኢሶይ ታኮ ዪዲ፡ «ሃያ፡ ታኒ ኔና ጌሎሰ ጊጊዳ ዶርሳ ማቺው ቤሳና» ያጊሰ።

10 ኪታንቸይ ታና ዳር ቶቃ ዴሪያ ሁዔ ጊሻ ኣያናን ኬሲዲ፡ ጊሻ ካታማይ፡ ዬሩሳላሚይ፡ ሳሎፕ ያሳ ማታፕ ዱጌ ዎዲሺን ቤሲሰ።

11 ሄ ካታማይ ያሳ ቦንቸን ፖዔሰ። ሄ ካታማ ፖይይ ያሰጺዴ ጊያ ኣልዎ ሹቻ ማላ፤ ጊሻ ቢሪሎዳ ጸሌሰ።

12 ሄ ካታማ ዲርሳይ ዎልቃማኔ ኣዲሴ። ኢያው ታማኔ ናምዑ ፔንጌቲኔ ሄ ፔንጌታ ናጊያ ታማኔ ናምዑ ኪታንቸቲ ዴዎሶና። ፔንጌታ ቦላ ታማኔ ናምዑ ኢሰራዔል ዜሬሳታ ሱንሳይ ያፊቲሰ።

13 ደሎሃ ባጋራ ሄቡ ፔንጌቲ፡ ፑዴሃ ባጋራ ሄቡ ፔንጌቲ፡ ዲጌሃ ባጋራ ሄቡ ፔንጌቲ፤ ወሎሃ ባጋራ ሄቡ ፔንጌቲ ዴዎሶና።

14 ካታማ ገምቤ ዲርሳይ ታማኔ ናምዑ ሹቻ ባሶታ ቦላ ኤቂሰ። ኤንታ ቦላ ታማኔ ናምዑ ዶርሳ ሃዎሪታ ሱንሳይ ያፊቲሰ።

15 ታው ኦዲያ ኪታንቸዋሰ፡ ካታማ፡ ኢያ ፔንጌታኔ ኢያ ዲርሳ ዎዲያ ዎርቃ ያምዓይ ዴዔሰ።

16 ካታማሰ ኦይዱ ማዛኔቲ ዴዎሶና፤ ካታማ ጌሳይኔ ጎምፓይ ኢሲ ጊና። ኪታንቸይ ካታማ ባ ያምዓን ዎዲን፡ ካታማይ ታማኔ ናምዑ ሙኩሉ ኪሎ ሚቲሬ ጊዲሰ፤ ካታማ ጌሳይ፡ ጎምፓይኔ ቶቃቴላይ ኢሲ ጊና።

17 ኪታንቸይ ቃሲ ዲርሳ ዎዲን፡ ኪታንቸይ ጎዔቲያ ኣሳ ኩሸን ኢሲ ያታኔ ኦይታማኔ ኦይዱ ዎዲ ጊዲሰ።

18 ካታማ ዲርሳይ ያሰጺዴ ጊያ ሹቻን ዲሪቲሰ። ካታማይ ማሰቶቲዳ ጸሊያ ጊሻ ዎርቃን ኦሴቲሰ።

19 ካታማ ዲርሳ ባሶይ ኡባ ቆሞ ቦንቸቲዳ ሹቻን ኣለቁቲሰ። ኮይሮ ሃዳቲዳ ሹቻይ ያሰጺዴ፡ ናምዓንላይ ሳምፔሬ፡ ሃቫንላይ ኬልቁዶኔ፡ ኦይዳንላይ ባሎሬ።

20 ኢቻሻንላይ ሳርዶንኪሴ፡ ኡሱፑንላይ ሳርዲዮኔ፡ ላፑንላይ ኪሪሰቲሎቤ፡ ሆስፑንላይ ቢሪሎ፡ ኡዱፋንላይ ቶጳዚዮኔ፡ ታማንላይ ኪሪሰጺራሲሴ፡ ታማኔ ኢሲንላይ ያኪንቴ፡ ታማኔ ናምዓንላይ ኣሜቲሰዲኖሴ።

21 ታማኔ ናምዑ ፔንጌታሰ ታማኔ ናምዑ ኢንቆ ጊያ ኣልዎ ሹቹ ዴዔሰ። ኢሲ ኢሲ ፔንጌይ ኢሲ ኢንቆን ኦሴቲሰ። ካታማ ዎጋ ኦጌይ ማሰቶቲዳ ጸሊያ ጊሻ ዎርቃፊ ኦሴቲሰ።

22 ጎዳይ፡ ኡባፊ ዎልቃማ ያሳይኔ ዶርሳይ ካታማሰ ኬሌ ጊዲያ ጊሾ ታ ሄ ካታማን ያሳ ኬሌ ቤዓቢኬ።

23 ያሳ ቦንቸይ ሄ ካታማሰ ፖዔያ ጊሾኔ ዶርሳይ ኢያው ያምፔ ጊዲያ ጊሾ ካታማሰ ኣዎ ዎይኮ ኣጌና ፖዎ ኮሸና።

24 ካዎቲላቲ ሄ ካታማ ፖዎን ሃሙታና፤ ካዎቲካ ባንታ ቦንቸዎ ያ ኤሃና።

25 ቃሚ ያን ባይና ጊሾ ካታማ ፔንጌቲ ኡባ ዎዴ ደያ ጊዳና፤ ጎርዴቶኮና።

26 ካዎቲላታ ጌታቲላይኔ ቦንቸይ ሄ ካታማ ያና።

27 ዶርሳ ዴዎ ማፃፋን ሱንሳይ ያፊቲዳይሳታ ያላሊ ኣቲን ቱናባ ዎይኮ ዬላያባ ኦሌይ ዎይኮ ዎርዶቲይ ኦኒካ ሄ ካታማ ጌሎና።

22

1 ያቲዲ፡ ኪታንቸይ ታና ያሳ ካዎቲላ ኣራታፔኔ ዶርሳ ካዎቲላ ኣራታፔ ጎጊያ ማሰቶቲዳ ጸሊያ ዴዎ ሃላ ሻፋ ቤሲሰ።

2 ሄ ሻፋይ ካታማ ኦጊያ ጊዶራ ዲጌ ጎጌሰ። ሻፋፕ ሄሬንሳ ባጋራኔ ሃሬንሳ ባጋራ ኣጌናን ኢሲ ቶሆ፤ ላይላን ታማኔ ናምዑ ቶሆ ኣይፊያ ዴዎ ሚሊ ዴዔሰ። ሄ ሚላ ቦንጮይ ካዎቲላታ ኡባ ሃርጌፊ ፓሌሰ።

3 ሄ ካታማን ኣይቢ ቃንጌሊካ ዴና። ያሳ ካዎቲላ ኣራታይኔ ዶርሳ ካዎቲላ ኣራታይ ሄ ካታማን ዴና። ያሳ ኣይሌቲ፡ ያሳሰ ኦላና።

4 ኤንቲ ኢያ ሰምዑዎ ቤዓና፤ ኢያ ሱንሳይ ኤንታ ሰምዖን ያፊታና።

5 ሂዛፔ ቃሚ ዴና፤ ጎዳ ያሳይ ኤንታው ያምፔ ጊዲያ ጊሾ ኤንታው ያምፔ ዎይኮ ኣዎ ፖዎ ኮሸና። ኤንቲ ሜሪ ሜሪናው ካዎታና።

ዬሱሳ ዩሳ

6 ኪታንቸይ ታኮ፡ «ሃ ታ ኦዲያ ቃላይ ቱማኔ ኣማንሌይሳ። ጎዳይ፡ ናቤታ ባ ጊሻ ኣያናን ኪቲያ ያሳይ፡ ማታን ሃናናባ ባ ኣይሌታ ቤሳናው ባ ኪታንቸዎ ኪቲሰ» ያጊሰ።

7 ዬሱሴ፡ «ሄኮ ታ ኤሌሳዳ ያና፤ ሃ ማፃፋን ዴዔያ ቲንቢቲ ቃላ ናጊያ ኦኒካ ኣንጄቲዳይሳ» ያጊሰ።

8 ታኒ፡ ዮሃኒሲ፡ ሄ ኡባባ ሲዓሰ፤ ቤዓሰ። ታኒ ሄሳ ሲዒዳ ዎዴኔ ቤዒዳ ዎዴ ሄሳ ታና ቤሲዳ ኪታንቸዎ ጎይናናው ኢያ ቶሆዎ ቦላ ኩንዳሰ።

9 ሺን ኪታንቸይ ታኮ፡ «ሄሳ ኦላፋ! ታኒ ኔዳ፡ ናቤታዳ ኔ ኣሻታዳኔ ሃ ማፃፋን ዴዔያ ኡባ ኪቲቲያ ኣይሌታ ማላ፤ ያሳ ጎይና» ያጊሰ።

21:10 ሃዝ 40:1 21:12 ሃዝ 48:30-35 21:15 ሃዝ 40:3 21:21 ኢሳ 54:11-12 21:23 ኢሳ 60:19
21:24 ኢሳ 60:3 21:25 ኢሳ 60:11 21:27 ኢሳ 52:1፤ ሃዝ 44:9 22:1 ሃዝ 47:1፤ ዛካ 14:8 22:2 ሜዴ 2:9 22:3 ዛካ 14:10 22:5 ኢሳ 60:19፤ ዳኔ 7:18 22:11 ዳኔ 12:10

10 ከታንቸይ ዛሪዲ፣ «ሃ ኡባይ ፖሌቲያ ዋዴይ ማታቲዳ ጊሾ ሃ ማፃፋን ፃፊቲዳ ቲንቢቲ ቃላ ማታሜን ጎርዶፋ።

11 ኢታ ኦሴይ ጉጂዲ ኢታ ኦሶ፤ ቱኔይ ጉጂዲ ቱኖ። ሎፖ ኦሴይ ጉጂዲ ሎፖ ኦሶ፤ ጌዬይ ጉጂዲ ጌዮ» ያገሰ።

12 ዬሱሲ፣ «ሄኮ፣ ታኒ ኤሌሳዳ ያና። ኢሱዋሰ ኢሱዋሰ ኢያ ኦሱዋዳ ኢማናው ታ ዋይቶይ ታራ ዴዴሰ።

13 ታኒ ኣልፋኔ ኦሜጋ፤ ኮይርኔ ወርሴላ፤ ደሜላኔ ፖሎ።

14 «ባንታ ማዑዋ ሜጨዲ ጌሼይሳቲ ኣንጃቲዳይሳታ። ዴፖ ሚሴ ኣይፊያ ማናወኔ ካታማ ፔንጊያራ ጌላናው ኤንታው ማቲ ኢሜቲሰ።

15 ሺን ካናቲ፣ ቢቲይሳቲ፣ ላይማቲይሳቲ፣ ሸምፖ ዋዴይሳቲ፣ ኤቃ ጎይኔይሳቲ፣ ዋርዶ ዶሴይሳቲኔ ኦሴይሳቲ ካሪን ዴፖሶና።

16 «ታኒ፣ ዬሱሲ፣ ሃ ማርካቲላ ሂንቲው፣ ዋሳ ኬላታሰ ኦዳና ሜላ ታ ከታንቸዋ ከታሰ። ታኒ ዳዊቲ ሸሸኔ ዜሬላ። ታኒ ፖሊያ ጉራ ባካላ» ያገሰ።

17 ጌሻ ኣያናይኔ ጌላናው ጊጊዳ ማጨሲያ፣ «ሃያ» ያጎሶና። ቃሲ ሃይሳ ሲዲያ ኦኒካ፣ «ሃያ» ያጎ። ሳሞቲዳ ኦኒካ ሃዮ፤ ዴፖ ሃላ ኮያ ኦኒካ ጮ ኤኮ።

18 ታኒ ሃ ማፃፋን ፃፊቲዳ ቲንቢቲ ቃላ ሲዲያ ኦናካ ዘራይሰ። ኦኒካ ሃ ቃላ ቦላ ኢሲባ ጉጂኮ፣ ያሳይ ሃ ማፃፋን ፃፊቲዳ ቦሻ ኢያ ቦላ ጉጃና።

19 ኦኒካ ማፃፋን ዴዲያ ቲንቢቲ ቃላፔ ኢሲባ ፓጨሲኮ፣ ያሳይ ሃ ማፃፋን ፃፊቲዳ ዴፖ ሚላ ኣይፊያፔኔ ጌሻ ካታማፔ ኢያ ቃዳ ፓጨሳና።

20 ሃ ኡባ ማርካቲይሲ፣ «ቱማ፣ ታኒ ኤሌሳዳ ያና» ያገሰ።

ኣሚንዲ፤ ጎዳ ዬሱሳ፣ ሃያ።

21 ጎዳ ዬሱሰ ከሪሰቶሳ ኣቶ ኬሃቲላይ ሂንቲ ኡባራ ጊዶ። ኣሚንዲ።